


叢書集成續編 第一四六冊目錄

文學類



詩文別集——明

宿齋先生遺稿一卷……………	明	吳時來著	仙居	一
懸榻齋詩集一卷文集一卷……………	明	陳履撰	聚德堂	二九
過庵遺稿八卷……………	明	陳卜撰	三怡堂	六九
少室山房類稿一百二十卷……………	明	胡應麟撰	續金華	一五一
礪石編二卷……………	明	楊承鯤撰	四明	六六五
董禮部集六卷尺牘二卷……………	明	董嗣成撰	吳興	六八九

寤齋先生遺稿一卷

王廷揚題





寤齋先生遺稿

明吳時來著

後學李鏡渠輯

乞察姦邪疏

臣連日伏觀聖明以邊事爲急將各誤事之臣究問大小臣工無不欽凜昔舜誅四凶而天下咸服文武一怒而天下舉安正聖明今日之謂也夫邊臣培剋軍餉以餌執政之臣其罪何辭至若執政之臣與之交結通行上欺仁主下壞邊防撥厥所由其罪惟均若不一併究治恐病根不除久必復發臣待罪諫垣有聞而不以告是上負天子也臣聞四方多壘士大夫之恥也宋臣呂蒙正尙以四方無事要荒賓服自卜相業之盡人問其故以爲我無他能可見惟爲國求賢使文武各稱其職而已今大學士嚴嵩輔政已二十年若謂文武進退悉由吏兵二部則輔臣不宜侵其事今概侵其事而引用匪人以致蠹國害民邊事日熾誰之過歟嵩年已老智慮精神大不如前位極志滿無所他望惟贖貨之心不自愛足私令其寤齋先生遺稿

仙居叢書

子世蕃入直託言書寫干預國政擬票揭帖書寫出其手旨意未下先已傳播人口世蕃亦每先示人不自少避嵩曾對臣言小兒之意如此如此臣謂聖天子在上萬幾獨斷卽有謀及宰輔嵩應竭其愚不應謀及其子世蕃以輔臣之子自當謹身避嫌不應窺覘機微招搖權勢明以市私恩欺人於外也濫引伊親萬案爲文選司郎中方祥爲職方司郎中彼此爲奸賄賂公行二部推一官覆一事必稟白世蕃而後敢推敢覆何曾有思報之心論其人之賢否事之是非助其義以忠於君上哉不過視其所入之多寡而已卽論趙文華嵩所引用也征南回時將銀二萬兩帳牀送與世蕃婢妾二十七人各金玉首飾一付世蕃猶以爲未足文華告病疏章卽世蕃爲之若非聖天子在上則文華且馳驛榮歸矣張經之被誅也將銀五千兩送與世蕃求救及其不免止將銀五百兩送經弟張中洲名曰路費夫經朝廷之罪人也若非生前重受賄賂死後何爲贈以路費乎若非聖天子在上則經且保首領矣王汝孝蘇州失事將銀三千兩央檢討梁紹儒送與世蕃止

問軍罪當給事中袁洪愈劾去紹儒時畏世蕃不敢言耳蔡克廉一陞淮陽巡撫卽行吉安府將銀三千兩送至其家赴淮數月賊勢方急克廉陞戶部侍郎去年給事中張登乞要久任蓋指克廉未顯言之耳楊順誤國敗軍陛下之所知也何功可錄而三廕其子既送監讀書又爲錦衣衛千戶及百戶人言陞賞一次順共用錢三萬方祥以職方承行亦得二千兩則三萬之多必與世蕃無疑也臣思聖天子在上今已洞察其奸矣必不以廕子之典加順有罪之人蓋世蕃誤嵩嵩因以誤陛下也吳嘉會修邊冒請陛下之所知也何功可錄乃加三級而連廕三子乎人言嘉會將修邊銀兩打造銀器五楨送文華轉送世蕃被尙書方鈍面斥其事今御史萬民英劾其鑽刺結援蓋其所鑽所援非世蕃而誰臣思聖天子在上今已洞察其奸矣必不肯以廕子之典加嘉會有罪之人蓋世蕃誤嵩嵩因誤陛下也夫爲朝廷弭盜安民不過文武諸臣也然而以督撫爲尊朝廷之激勸人心不過賞罰也然而以得中爲權今惟賄賂之行可以免罪脫身可以陞官又可以寤齋先生遺稿

仙居叢書

廕子亦何難剋軍民之膏脂以博顯榮而復誰任難事以爲朝廷圖久安之業哉且邊事之難人人知之若知其難必自盡其力不能則繼之以死又不能則宜自度罔效以聽其事於朝廷俱不應掩其莫大之罪以竊非常之恩今日陞官明日廕子欺罔朝廷一至此極也今則軍民貧困極矣謀國者者既乏長算又敢私其黨類任其培剋又酬以恩賞之厚典焉是幸賊之來以爲市也不亦深可痛哭流涕哉故今邊事之不振由於軍民之困窮軍民之困窮由於上官之貪墨上官之貪墨由於圖國之無人拔本塞源之喻願皇上察之也昔楊溥爲相俱可稱述其子以事受誅家藏十萬金今嚴嵩貪污不比楊溥而世蕃之狠過之每月二次差人搬運回家充滿道路絡繹不絕果何所從來乎萬案方祥南行俱各滿載人有萬萬方十萬之號其在世蕃又可知矣伏乞敕下九卿衙門提正如果臣言不謬將嵩放還田里以立國體世蕃肆諸市朝以正天討則姦黨弊革內外治嚴安攘大業掀揭古今而於天下無難治矣

乞扶櫬還葬疏

臣以冒昧進言罪當萬死荷蒙聖慈不遽置之死地發於瘴地充軍經今六年所有六年餘生無一日而非再賜也圖報無地惟省愆補過以禮自繩不敢少違一切之法以負曲成之恩然激切苦情不得不哀鳴於九重之上者臣父去年正月自家來視臣今年二月欲回行至蒼梧病故寄殮橫州城外臣倚廬自罰思父以臣之故客死他鄉臣又不能躬負父喪還葬邱首復何心立於天壤之間攀號擗踊痛絕水漿固期即死以謝左右見臣如此來相勸解謂父喪未歸死復誰倚因忍心吞淚苟延視息願臣萬里孤身一男十歲念父魂泊瘴鄉動踰葬期蓋以荒野寂寥洞寇出沒朝不謀夕日夜憂虞獨想深思淚盡血流若不及今哀鳴是臣父終無還葬徒抱終身之憾終死無及也臣生嘉靖六年正當典禮大明之際嗣後得龍飛錄讀之未嘗不感激思奮有君行孝如此不與於孝者棄之化外可也臣既無以爲養又不能及時歸葬以禮是徒生仁孝之朝徒讀仁孝之書也伏思寤齋先生遺稿

二 仙居叢書

皇上孝治天下大小臣工有父母在家病故者類得奔喪守制有在任病故者類得扶櫬歸鄉有告遷葬者許其遷葬無非廣孝思示有禮也下至商賈百工遠離鄉土一聞親喪不憚千里匍匐或遇死於道路皆能斂手足形抱歸懸葬彼豈欲矜名節哉蓋激於聖化由於一念之誠也朝多廉范野遍郭平獨臣孤苦羈旅既不得與諸臣共貫又不得與商賈同條抱此哀哀五內崩裂又臣所遭最苦三十九年臣妻之父尹聘前來視臣死於潯州其明年臣妻之叔父來又死三櫬在客無力還葬同行僮僕十僅留一今又遭臣父喪形影相守謂不即死亦強顏耳憶臣父病篤之時進藥不飲囑臣曰勉爲完人以報朝廷有益則爲之是臣父雖死猶惓惓教臣不忘報效朝廷也如此臣思報效惟忠與孝若臣忠不當可孝不及時無益於生不如其死伏乞曠恩容臣歸葬雖死之日猶生之年生死肉骨何日能忘也

禦虜事宜疏

臣樸澁小才遭遇盛世常思捐糜軀質以效朝廷然事關宗社幾係安危莫如達虜故不憚謬妄疏請練兵雖曰慮於未形實則鑒於已著雖曰謀爲三年之艾實則有益七年之病兵法曰不恃其不來恃吾有以待之待之之策莫如練兵然而議者尙復悠悠不謂其然邇者土蠻東由界嶺口之羅漢洞而入搶永平破昌黎俺答把都兒踰大同犯山西破石州黃台吉筍營白草川時以輕兵打圍出獵黃花鎮等處是其勢能合能分合縱之勢也其計三分四出犄角之計也今已縱橫馳騁淹留旬餘破城陷寨滿載而歸而諸鎮督撫總參並無一兵宣揚威武與之抵敵其目中可謂無復中國矣且虜中往往欲搶臨清山東數路臣謂既可深入石州亦可深入臨清又恐一旦長驅直達都城彼有萬全之策我無五日之備則此金湯危如孤注臣每一聞警報未嘗不痛恨悲憤展轉圖維不能排遣尤以未學軍旅不諳邊圉實乏評議可以規畫敷告雖有悵悵獻納之忠亦復欲言中止欲前屢卻臣又思之門庭之寇主憂臣辱即今聖明臨於上既無左右親倖干預寤齋先生遺稿

四 仙居叢書

書曰悼德允元而難任人蠻夷率服詩曰天鑒有周昭格於下保此天子生仲山甫惟此時爲然孟子曰國家閒暇及是時明其政刑則今日刑政之大莫如邊防若不及今特賜宸斷大破常格選將練兵修戰守之具使其大挫深懲保百年無事則將來之事益不可爲夫安不忘危况已危乎強謂之安誠所謂燕雀處堂不知禍之將至也有宋靖康之禍殷鑒不遠也謹以臣所見聞採掇八事上瀆天聽一曰聚兵力夫練土著莫若先練邊軍當事者輒稱無兵可練臣愚以爲非無兵也兵不聚也乃不得其所以分合之勢也何者兵有聚而爲正亦有分而爲奇若其分也未嘗不可聚其聚也未嘗不可分大都兵家之勝不可先傳計利以聽乃爲之勢以佐其外若卒雜而不集兵合而不齊名曰自弱犯兵家大忌矣國家備邊東起遼陽西至甘肅拾鎮官軍不減百萬今雖虛耗尙有六十餘萬若聚此六十萬衆訓練三年直犁虜庭搗其巢窟寧能禦我哉緣此六十餘萬者散在九邊以一鎮言止五六萬有奇則此六十萬衆之大勢十分之矣又一鎮之中總督標

下一枝若干名總兵副總兵參遊各分一枝若干名又巡撫兵備各分一枝若干名近據總督都御史劉燾開稱該鎮左邊食糧軍六萬關營城寨三百餘處總副參遊提調官不下百員一應防守坐墩哨報俱此六萬之衆則此六萬衆之大勢又零分之矣勢分而不聚則難以六十萬衆全付一鎮暴師費財無所用之何也素所不較之人分數不明先後不相及衆寡不相恃貴賤不相收雖有兵與無兵同故海防之傲莫傲於擺海邊防之壞莫壞於擺邊今擺邊密矣賊每由邊入不亦崇虛文而招實禍乎且各官既各分兵而該鎮之兵其強壯者必先盡總督次巡撫次兵備次總兵次參遊是督撫哨下兵精壯者不過擁以自守而參遊衝擊殺賊之兵又皆三選之餘斯非以我下騎當敵上騎乎臣以爲每一鎮宜合一鎮所轄之兵聚爲一處擇一總兵官久而任之聚而教之教以軍戰步戰騎戰三法爲督撫者不許擁兵一枝臨時量留百名自衛其見在標下兵盡發營中操演其哨守探報則就營中輪番差遣務使上有必勝之將下有無敵之兵教之三年或

寤齋先生遺稿

五 仙居叢書

五年於是連此十鎮之兵聲爲搗巢之計待賊之來以戰爲主令其大挫深懲不敢側目南視斯策之上也兵力既聚訓練既成士卒不用命主將不成功則總兵不善操練之過宜伏其辜如是而邊防不飭者未之有也
二曰明事權夫事權明而後功罪可施也功罪當而後事功可集也臣查大明會典凡天下要害去處專設官統兵戍守俱於公侯伯都指揮等官內推舉充任是鎮守事權專在總兵官矣以後因各邊設置未備器械未精軍伍不足乃兵部三年一次具題差文武大臣一員閱實又差御史二員分行巡視是都御史添設之由也當其時閱實而已此後未知何因起巡撫地方之文又不知何因起贊理軍務之文於是巡撫得以制總兵而事權在巡撫矣又因巡撫權輕而各鎮軍馬難於調遣又設總督都御史如薊遼總督則嘉靖二十九年添設也此皆一時權宜之制因事而起然自是總督得以制巡撫而事權在總督矣至於失事之後查勘功罪必行巡按乃巡按不行自勅必委兵備道該道委府縣官又巡按有隨營紀

功監軍之文乃不自行隨營必委該道該道轉委府縣官是事權又在巡按矣臣每思之以爲巡撫事權不如巡按而本兵行事不知知府何者行勅紀功之文一至則兵備府縣官得以制巡撫矣事有最難莫難於九邊巡撫以其上下有制之者也臣愚以凡督撫相近之地既有總督則巡撫徒擁虛名無益地方不如革去巡撫其以地方事專屬總督至於總兵則自上總督下至通判知縣無不制之至於賊至調度掣肘更多臣前任松江推官正遇倭寇曾經戰陣備知其詳如總督調度之文必兩設也既而巡撫檄之東巡按檄之西又或機當戰檄之守機當守檄之戰機當預布堵截於前檄之台力追勦於後此中制也又報至兵部兵部具請兵科亦題請或兵已東而調之西援或兵既西而調之東守此中制也夫總兵官兵力既薄事權又輕又有中制之患至於失事罪獨歸之將官所由解體也夫督撫職掌不過調度原無提兵殺賊之文也巡按職掌不過監軍紀功原無調遣之文也兵部調遣虛文也緩不及事也兵機倏忽一刻萬變乃欲以遙度之智中

寤齋先生遺稿

六 仙居叢書

制之權紛亂聽聞使將官口實於此誠非事體古者軍在外君命有所不受即今但宜選擇總兵官一員重其事權假以禮貌久其責任督其練兵兵部總督臨時調遣但責其戰不責其守巡按不許調遣勸事紀功俱要親自查勘不許轉委兵備及府縣官展轉支吾以虛委任之意如此則兵既厚集而事權又明爲總兵必當者勤操演恤軍士以戰爲歸以死爲生以破虜爲命其有敵不戰則以逗留觀望罪之如臨陣三次不能勝又不能以身赴敵者則總督徑取其首以獻闕下是重事權乃鼓舞將官之術亦舊制也或以總兵無節制其如剝削軍士何臣愚以爲剝削軍士正在事權輕而任之不久今重其事權所以責其必戰彼知責其必戰又不他轉必以地方事爲己事以軍士命爲己命自然愛恤軍士非眞愛惜也愛財莫如愛命方將捐其資以求得人之死力懼不可得也而又庸剋剝爲哉
三曰練士著昔人言匈奴之長技三而中國之長技五以臣觀之不獨長技也彼得全勝之勢而我無一勝之策也何者彼無信地合諸部落聯兵爲同以擾我一

鎮我有信地一鎮之中分爲幾路散同爲異以與之敵一不格也彼無軍民之分一聞傳箭出門皆兵我則民之家九而軍之家一二不格也彼則射獵爲生七歲能騎我則白首不識干戈望風先走三不格也彼則斬殺自由威令素積我則文法牽制威令不行四不格也彼勝則利在於下以搶虜爲其己事我勝則利歸於上以戰鬪爲非己事五不格也彼敗則謀報仇我敗則不復振此六不格也以此較之中國雖有五技實無一技臣以爲不如因其勢而反之何者彼之財力焉能加我中國之富也若我亦合中國之全勢而與之鬪虜即驕敢伸息哉不惟中國之全勢也即損燕代一方之勢亦安敢伸息哉國家建都全燕以一面拒抗三面而朝天下居重馭輕萬世無疆大業實在於此則所以捷伐蓋夷者不可不日爲之謀今永平全被虜患矣順天亦半被虜之區矣設若賊由居庸出薊州則永平遂稱孤援失永平則都城斷其臂屯昌平則都城扼其背在國家固宜亟爲二府計在二府百姓亦宜自爲計臣愚以爲不如且捐永平一府之糧稅差徭計其每

寤齋先生遺稿

七

仙居叢書

年所入若干盡輸之府擇一知府僱其本處精壯之人照依民壯事例編爲隊伍練而教之以爲長川應敵之主兵又申保甲之法於農隙之時擇有力者爲保長令其父兄弟備器械糧糴團練於其本鄉每遇風高月圓之候則練兵聚爲先鋒而保甲之兵遙爲聲援將見一府之民室家被其寤處財物被其搶擄男女被其殺害田地被其拋荒彼必思所以自全之策而官府又從而倡其勇敢揚其威武彼以防虜防其家盜以賊殺其私仇未有不樂趨事者在朝廷以一府之糧差養一府之兵以捍四方宜無不可如永平試有成效則山西之蔚州石州各沿邊州縣俱以此法行之則家自爲戰人自爲守沿邊皆兵矣或曰永平之民脆弱不可用臣曰不然夫民莫脆於江南臣見知府譚綸練台州兵則台兵以強稱總兵戚繼光練義烏兵則烏兵以強稱人情不可慮始重賞之下勇夫出焉溯昔李牧備邊不過雁門一太守豈借兵於異地哉臣聞虜人初入之時雖以邊兵精銳勢不能當及其分報搶擄則鄉人得而捕之若行令鄉人能捕一賊者賞百金或

照軍功受職則鄉兵有不以殺賊爲利者哉徵兵滿萬不如召募數千誠確言也四曰議糧餉臣聞國之貧於師者遠輸練兵要矣糧餉先焉今竭四方之力以輸戶部竭戶部之力以輸各邊然而司邊者每每告急司計者每每告匱臣思之日天下所輸戶部之額即祖宗以來所輸舊額有增無減也今日在邊食糧之軍即祖宗以來舊額有減無增也昔何有餘今何不足臣於戶部之數不能悉知大略以外困於邊餉而內困於冗食也祖宗之時資邊有鹽法今則鹽法不行矣祖宗之時資邊有屯田今則屯田不修矣斯二者宜亟復舊章以資邊計但二法廢弛日久急難修復即欲修復未必遽收其利燃眉之急勢必取給戶部而戶部告匱積非一日矣又臣前者練兵三萬之說錢糧無措將求之官則庫藏久虛將取之民則軍民久困辭以無食并兵不練則將坐視其斃而不之救乎臣聞理財無良法去其所以害財者而已矣今之害財者無如冗官冗役而冗官冗役莫冗於錦衣衛莫冗於內府言官屢有請者俱以秦人視越不之恤也臣查得各監局內

寤齋先生遺稿

八

仙居叢書

使嘉靖四十一年止一萬一千今有一萬五千八十餘員名此非祖宗舊額以漸增之者也夫供應於內萬人足矣如蒙勅下各監局減去五千移其食糧以養兵五千豈不稱便又查得各監局工匠一萬五千八百餘員名此亦祖宗舊額以漸增之者也夫幹辦於下萬人足矣如蒙勅下各監局減去五千以養兵五千豈不稱便錦衣衛食糧軍校三萬三千九百餘員名不太冗乎其間冒功陞授冒名頂替者多也必非祖宗舊額也又京營軍冒名假充者多無事則支糧聞調則棄去無益也若查去若干則可養兵若干矣此則汰無益養有益裕國足邊莫良於此或以爲傷中貴人之心臣愚不然古之賢君減後宮之膳發內帑之富如邊陲不靖則不得享後宮之奉保內帑之富故捐此目前之小利成無窮之美益也今以陛下克寬克仁節用愛民諸凡土木不急之工一切停罷則諸匠役養之何益誠陛下念邊陲之急有關宗社則內侍諸人必有分陛下之憂先公家之急方將捐其蓋藏以輸邊又何冗役之不可去乎

敢侵犯邊關此則京營之軍也今議者輒以營軍決不可教臣謂祖宗養此十萬人積數百年委之無用遽已乎營政之弊久矣久則難變也亦在尋其弊而救之耳其弊者何也廢弛日久卒不服習稍就繩縛羣起噪呼此苟玩之弊也軍多項替冒支月糧一聞調遣則曰我原非軍此假充之弊也悍夫驕卒素有憑依輦轂之下法度難行此憑依之弊也素不經戰聞鼓先怯此畏怯之弊也督理大臣雖有專任未幾輒有遷轉上懷苟且下懷觀望此速轉之弊也以此五者夷猶延緩故遂以營軍決不可用既張其名益廢其實臣以為誠得其人而久任之則速遷之弊不行於上前四弊者皆可整理於下何者廢弛之弊起於自守若以祖宗舊制三令而五申之曰此原備四方征伐也繼今有警即調拒戰則士卒日日有對壘之心人人有赴敵之意而苟玩之弊可革矣營軍原屬五府其管哨官相應以衛所掌印官領之今指揮千百戶本管等官稍精力能事者資緣掌印而在操俱老弱不堪用之人而官與軍素不識認冒頂由之若今考選各衛所官有精力能

寤齋先生遺稿

十一 仙居叢書

事者掌印兼領本哨則臂指勢成兵將相依而冒頂之弊可革矣嚴敕協理之臣申明軍令展布才猷操演之時有不用命者徑以軍法行事與臨陣同勿為流言所惑則憑依之弊可革矣教以軍戰步戰騎戰三法而軍戰為先軍戰上可載火器下可載糗糧馬不能衝箭不能入戰則為陣止則為營進有所恃退有所息故先之以軍以衝其鋒次之以步以攻其散次之以騎以角其零又選為上中下三等上為戰兵中為應兵下為守兵教之有成漸漸徙之於邊以觀虜情經戰陣作其敢勇之氣示以能勝之機則畏怯之弊可革也此四弊者不難革惟勿得其人而久任之耳今蒙陛下簡任侍郎曹邦輔邦輔者赤心臣也以實事整理者也主將有必戰之心則軍士不敢有偷生之意即今整理戎務無出邦輔但不知其所操演者何法臣愚誠不知兵臣愚以為宜急取今之名將善練兵者以佐之順其志意假以權宜相與整理則營軍可以列陣而待敵矣且使謀者知我日夜預備有不可勝之形而雄心陰謀亦可必逆折之臣思清風店一戰則為之竊想而歎

息焉今願陛下留意也

八曰求真才今邊事之壞未足深慮而其最大壞深慮者莫甚於人才天地生材自周一代之用世何嘗乏才也責之以備則雖唐虞之際不過五人任之以器則晉趙衰一舉而得七十餘人唐裴瑄一疏而得三十餘人世何嘗乏才特朝廷所以鼓舞而隆任之者何如耳今士夫間每語邊事則稱才難才難臣亦以為難也而所以難者則起於邊才之說邊才者以其有濟邊之才也官人者因其地之難居時之難處每遇員缺輒求之閒廢或疏遠與有過之人而用之以為姑用之於邊云爾而閒廢疏遠者與夫有過者亦自知其非賢任也姑以為吾且借是以階美官云爾於是使貪使詐之名明知其貪與詐也而貪詐之罰以邊才而免矣實無邊才也其貪詐者亦自知不免於公論也將以邊才自誇以求免其貪詐之名實無濟邊之具也故邊事之托往往為不肖地即有以才名推者亦遜遜縮縮不樂往即其地何者避其名也修行者則曰自有好官可做何事於兵談道者則

寤齋先生遺稿

十一 仙居叢書

曰自有名教可樂何事於兵而官人者亦曰某修潔人也某談道人也非所以用之於邊也於是修行談道者足跡不涉畿甸之外而坐致公卿之位既取賢者之美名又叨清要之美任邊陲之事任其敗壞不肯出一身以當之非惟不肯出一身也即一語不敢出諸口吁嗟滑者不肯為軟者不能為賢者不屑為不肖者為之而敗事故薦人於邊未必濟邊而壞真才莫盡於邊才之說為今之計宜罷邊才之名而亟求真才求真才須於今公卿中有清潔負賢名者始則後生將曰是賢者之地乃可以勸也臣聞唐臣狄仁傑宋臣寇準韓琦富弼范仲淹功名事業起於邊圍既居相府一有警急復往經略諸臣未嘗以邊事自嫌本朝王翱于謙項忠余子俊輩皆以邊事著名而今之人亦未嘗以邊事輕諸臣臣愚以為督撫員缺須擇賢者往任其沿邊諸府州縣宜以進士推選使得以出入歷練其事庶朝廷用之者既賢而一代真才必有如狄仁傑韓琦諸臣者出為國家經略矣議者猶以賢者在位能者在職強所不能既壞其人尤壞其事臣謂不然夫所謂

賢者非默默株守之謂也必誠與才合一之謂也謂賢者不能與事立功者未之有也若大勢賊來提兵格殺責在總兵今以總兵之罪罪督撫而欲賢者操行伍之役宜其不屑矣臣愚以爲在朝廷宜寬文法明職掌勅吏部擇今之所謂大賢極一時之選者任之以經略之事謂盛明之世無狄韓諸人樂爲之用臣不信也故經略邊事宜以賢者往何者將兵者將將者在督撫蓋賢者往則其風聲意氣先足以感動其忠義之心而消其貪鄙之習此整理邊防之首務也伏乞聖裁

應詔陳言邊事疏

臣讀聖諭朕看得東西二鎮虜寇搶殺至其防虜之計如何預處卿等會文武羣臣著實詳議來看欽此欽遵臣仰維皇上注意邊陲加惠民瘼特降諭旨博收羣策真天將啓大聖人以大有爲之一機也昔虞舜勤四岳之咨而蠻夷率服文王奮赫斯之怒而有密祖遏正愚臣所深望於陛下今日者焉先該臣目擊時艱乞勅九卿會議中列八事仰冀採擇伏蒙俞允下部臣看詳今又莊誦德音臣等伏

痛齋先生遺稿

十三 仙居叢書

思愚昧寡識無復萬全之策仰禱廟謨顧職司獻納况當主上思患預防之會諸臣畢誠殫智之秋若有一二未盡之見又復惜已隱情不以上告是陛下虛懷以待而臣有懷不吐不幾於虛下問之盛心乎敢再竭愚慮探授十事冒瀆天聽如蒙敕下諸臣併議臣不勝感激之至

一曰重兵部之選以養真才臣聞才難而濟變之才尤難必養之而後才可長重之而後才可出也今宜簡天下賢才聚於兵部添設侍郎二員必其素負經世之略而又有勳世之節者以居之凡居兵部堂上皆稱懋選也令其每歲帶司官二員巡歷邊塞如各鎮總督有缺即以侍郎往代其任如吏部有缺即以總督入代其任吏兵兩部互相出入以示隆重均節之義而他部不與焉至於兵部主事宜每司添設四五員其員缺不輒陞授照依科道事例必遇缺四五員以上特爲題知或於五部司官內取其才思精敏器宇恢弘者調用或行取天下推官知州知縣考選陞授凡居兵部司官皆稱懋選也每歲各司各差一員從侍郎行邊如吏

部司官有缺必於兵部會歷邊者調用或仍以吏部調兵部亦互相出入而他部不與焉其陞遷與吏部等如職方郎中曾經考滿與防秋後果效有勤勞即陞四品少卿何者吏部易而兵部難吏部利害輕而兵部利害重也如此則養之日久待之既隆於邊關要害邊情虛實得以熟諳入兵部則居懋選之科出兵部又有大任之責有抱負者將樂爲朝廷用此儲養真才之策所當併議者也

二曰權江北入衛之需以練精兵夫邊塞有四大患朵顏三衛以中國屬夷與虜連姻撫賞徒勤反資刁措一大患也中國逃民散入虜中如板聲地方聚黨成隊動以萬計二大患也沿邊墩堡名爲哨守其實納稅外夷暗通關節三大患也大同悍卒不服約束轉與虜親縱其出入四大患也夫此四者不在彼而在此何者我無精兵內備日弛不得所以居重之勢故也臣向者練兵之說蓋先聲也略啓其意而不敢盡發其機今禍變已著矣則練兵固不可已我有重兵士卒奮勵軍威振肅然後責屬夷以不應援則賞不必濫彼自將效誠責大同以不堵截則罰

痛齋先生遺稿

十四 仙居叢書

不必加彼自將用命克敵制勝其機在我然後揚言出塞設計搗巢密授各邊邊爲救應將邊軍有恃而自不輸敵叛民有憚而潛自來歸此居重馭輕之勢也至於所練之兵或營中挑選二萬或再召募一萬其召募所需臣訪得江北鳳陽入衛班軍四萬至則逃回或在途逃回拘攝雖嚴無濟於用又每名各府給路銀三兩至京每名月給米一名二斗如免其入衛扣取各名下路費之銀可得銀一十二萬可省倉米二十萬即可養兵一萬是免無益之調以養此有用之實乃救敵補偏之策所當併議者也

三曰議入衛之兵以實邊塞夫入衛乃先年權宜之計耳後率以爲常遠赴千里之外動經踰年之久人馬俱敝無有息期是自撤藩籬而縱之入門也從古禦戎非求其勝在制之而已制之之術莫如強邊今不制之於外待其深入而欲補塞罅漏列置於平原易野之間勢必不格臣以爲門庭不可不守而藩籬決不可撤即如墻子嶺馬關谷太平塞等處各見有入衛兵一枝今秋胡馬南突不聞一濟

何者財匱於兵衆力分於將多奔命爲疲讒怨易生無益於用不如去之非輕去內地之捍禦正所以厚邊鄙之藩籬也至於各路防守則總督劉燾所開石門塞舊有遊兵一千欲再募二千可罷遼東入衛一枝如燕河營將保定兵調守可罷固原入衛兵一枝如太平寨塞垣可恃且有總督標兵二枝可罷延綏入衛兵一枝如黃花鎮有總兵標兵二枝可罷甯夏入衛兵一枝夫陝西遼東皆稱孤援尙宜添兵增守安得復分其力燾身膺利害之寄言必不謬其議似或可從如此則藩籬漸固虜如深入密責諸鎮以乘虛搗巢乃制謀攻心之策所當併議者也

四曰慎守令之選以撫邊民臣聞人心惟和固於金湯今邊民外則戕賊於強寇內則戕賊於功級望望焉無所控告彼固恨強虜之侵凌而亦未必不憤上官之未有以庇之也且沿邊之民往往淪入於虜本以征徭繁重而貪官虐吏又從而驅之所以漸謀向虜以爲休息之期及今不早圖之臣恐瓦解勢成其所勾引輸向不止沿邊一帶已也然早圖之者責在守令臣聞沿邊知州知縣率多荒蕪之寤齋先生遺稿

十五 仙居叢書

人彼見地方疲病日以多故朝夕圖爲歸老之計百姓將何所瞻依也今宜邊方各府州縣俱以進士往任之令撫其瘡痍問其疾苦恤其孤寡振其窮乏以安其生理其被虜死亡者非其父母子弟即其宗族親戚也則喻以復仇之義發其怒敵之機每及秋防先時收斂有村堡者收入村堡無村堡者收入縣城宣以國恩撫以惠政簡其強壯懸以厚賞示以方略日夜淬礪謀報其父兄之仇以泄朝廷之憤彼以青年茂才往即其地又知其責之不容他諉必將深思熟慮求舉於其職即不能破虜亦可以守城夫禦虜莫先安民此守令不可不慎選也昔宋與虜逼近而宋所定州范仲淹守綏州蓋務在得人期以收拾民心意正在此如果撫恤既勤保障有效撫按狀其異績特爲薦揚即待以不次之擢如此則既輯地方亦所以歷練眞才乃安民知人之策所當併議者也

五曰寬在逃之律以實軍伍臣聞各邊軍士逃亡其實不及舊額之半今委官查點名數俱在而實則亡何也蓋公畏律條之重而私冒支糧之利也臣查大明律

親管頭目不行用心鈐束致有軍人在逃小旗名下逃去五名者降充軍人總旗名下逃去二十五名者降充小旗百戶名下逃去十名者減俸一石遞減至逃去五十名者追奪降充總旗以是各親管官不敢開逃逃愈多愈不敢報今宜委兵部司官一員往核其實寬其文法令其在逃者從實開報如有私自頂替支糧者許填脚色明著頂補令各親管官收管著伍如有智謀出衆齊力過人及立有戰功照格陞賞此不召募之召募也至於總兵而下各以官之大小各占差使刺繡影鏤攻金治木因而收其班直冒其日賞而家頗饒資與善興滅之流則又假以美差其實在營對敵者每十之五六類皆老懦饑寒之夫人無贏糧馬非宿飽如之何其能破虜也今宜一併蒐補凡強壯殷實之人選爲先鋒盡配以馬此強邊足伍之策所當併議者也

六曰定久任之法以責實效夫久任乃求治良法其在邊防尤爲先務何者邊防之壞久矣正在各邊都御史見在事之難任往往日冀遷轉得以去其地爲幸又寤齋先生遺稿

十六 仙居叢書

或日招彈劾得以去其地爲幸既汲汲思去必不肯以地方爲己責而總兵等官亦各效尤苟免陰納款賂令虜弗踐己地嫁禍鄰封以僥倖目前之無事傍觀竊笑有實地方之名在薊鎮則賣宣大在宣大則賣陝西虜亦視其厚薄以爲向背故敢深入長驅而不忌我之乘其後者有以也今該吏部慮周封疆凡所推用皆極一時之選矣誠恐陞遷或驟洊理日淺即有忠誠體國之心然於虜情虛實與地方利害不暇熟諳臣愚欲凡文武之臣俱限以三年一考未及三年即賢弗陞即有失事弗罰待其三年考滿然後陞級其立有邊功則待以不次凡陞官加級俱就本地遷轉弗得轉以別地以遂其求去之計如督撫總兵歷任三年六年能者當效其官不能者當死其職又復一卒不練一策莫施致寇之來貽憂君父此苟玩欺負之臣宜正其罰如督撫歷邊九年忠缺宣著即以入補冢宰之缺或特命入閣以示優報之意此勸能核實之策所當併議者也

七曰嚴塞垣之禁以便戍守臣聞三軍勇猛不如一林之叢茂故曰天險不可升

也地險山川丘陵也王公設險以守其國夫險亦多端矣或以山河或以菁樹臣聞永平義院口數路山勢平坦相應增修邊牆至於薊鎮居庸以南至保定真定及山西雁門俱各塞垣連天林木蒼蔚崇岡複嶺曲折迴盤人跡鮮經虜騎難到無事戍守而障蔽不通中有關門隘口不過數路所謂一夫當關萬夫莫開國家以西山爲長城而於關口設置備以拒胡馬蓋誠有足恃也近年官府狃於治平人庶安於苟玩富民奸商販賣板枋動興工匠沿山採取晝斫夜輪日斬月伐二百年長養深林茂樹皆成蕭疏其且一望濯濯介然成路則今之戍守又加難矣臣愚以爲宜及今責巡關御史申嚴法禁責各鎮巡撫設計長養不以強禦而自阻勿以人言而喪成此則不修邊之修邊所當併議者也

八曰修築墩堡以增保障臣讀唐臣陸贄籌邊之議惟用我所長以乘其短而其用長之道則在整蹙隨壘軍營使虜勇無所施衆無所用掠則靡獲攻則不能乃知堅壁清野不特困虜亦以收民也臣聞宣大等處先年曾設置墩堡屢被虜攻

寤齋先生遺稿

十七 仙居叢書

非復完城而永平牆垣縣表雖開有墩堡悉近官路之旁各鄉蕭條並未設置何者力固有所不能備也夫虜寇南入曾不踰旬即竭力攻堡動經數日與其彌望原野不如墩堡基置今凡沿邊舊有墩堡等處凡已被攻未被攻者相應委官分投逐一閱視應修理者修理應加幫者加幫至於順天永平各州縣村堡相聯等處已被虜未被虜者行令該州縣沿鄉閱視其未有墩堡者小村與大村或居民有力者自築其無力者或令小戶幫築或官給半功或給全功其已有墩堡者亦爲修理加幫使曠野零戶老弱婦女城郭所不能收者皆有墩堡可恃乃保障居民之策所當併議者也

九曰查革種馬以濟兵餉臣查馬政邊地有官牧馬矣腹裏有民牧馬計丁養馬歲以所孳之駒解京備用其法非不善也但久而弊生兼以牧場狹隘而所飼之馬所孳之駒類多弱小不堪遂致遺欠數多馬戶逃竄正德二年御史王濟奏准令馬戶朋錢別買解用官民頗稱兩便夫種馬之設專爲整備用馬也今備用馬

既別買矣則此種馬不亦參虛名而貽實害乎合無今後總計每年應解之馬若干某省若干某州縣若干俱照數買馬按季起解將前養無用之種馬盡行變價解部以備兵餉之需如一馬定價銀十兩則每府可得數十餘萬兩合各府可得百餘萬兩種馬既革則養馬草料當收仍令種馬一匹每歲折草料銀二兩則每府每歲可納銀數萬兩合各府州縣可得二十餘萬矣夫戰馬之數猶故也解俵之丁猶故也但於種馬一通融之而兵餉獲急用之資百姓免無窮之害此足國裕民之計所當併議者也或以近日秋防兌軍亦取之種馬若種馬盡革則兌軍將何以乎不知兌軍之數舊皆取於寄養馬中自艾巡撫漫及於保定種馬乃猾吏開賣放之端肆侵擾之弊歲亡歲補正民牧之大害而宜亟革者也

十曰克振厥威以懷遠二虜寇深入蓋由邊防懈弛邊備既飭然後問罪之師可以次而舉矣國家置朵顏三衛以制東北二虜則歲有撫賞之恩置大同以捍山西則家有月糧之給乃任其侵犯轉爲向道今年參將吳昂爲屬夷所殺石州知

寤齋先生遺稿

十八 仙居叢書

州王亮采爲北虜所殺皆近年所未有之大變也苟屬夷與大同能議其後乘敵而起雖欲長驅得無憚乎臣聞正德間把兒孫射殺參將陳乾曾與師致討威振絕域聲施至今宜循國家故事特降勅書備述二百年撫養之恩歷數其縱虜負國之罪責之以立功報效之誠如賊再入不行觀釁而動邀其歸路正所謂縱所遺患之虎而象所不捕之猫也後將何制耶若謂因循日久激之變生臣謂不然彼雖匪度然所以震疊悚慄之者賴朝廷之明威昔唐德宗貞元詔下則背卒至於感激流涕憲宗處置得宜則悍將皆與尸討賊何者天威赫疊自足以動其心而奪其氣也彼世受國恩各秉人理甯悍然不一動心乎如是而猶不悛則聲其不義與天下共棄之可也此恩威兼著之道乃其機不在邊鄙而在朝廷也

保泰九箴

爲恭進保泰九箴以光新政以隆萬世無疆之業事臣聞履泰不難保泰難故易於泰之九三泰之極矣而曰無平不陂無往不復重致其艱貞之意蓋慮時之不

常泰也以堯舜之聖當唐虞之際泰之極矣而曰克艱厥后克艱厥臣尤叮嚀於
叢勝之憂蓋言泰之不可不治也今日之天下陛下視之豈不幸其太平無事
謂既泰矣乎不獨陛下以爲泰也臣寮亦以爲從古熙皞之世若未有今日者矣
臣愚獨有憂焉易之泰、上下交而其志同也君子道長小人道消也若上下不
交志不同君子之道不長小人之道不消則謂之否臣是以憂之也敢以君德之
大與政體之要條爲九箚上陳大約鑒微慮者欲道上下之志明消長之勢令久
安長治以圖永億萬世無疆之業耳伏乞聖明親鑒而施行之則宗社之福也緣
係恭進保泰九箚以光新政以隆萬世無疆之業事理未敢擅便謹此開坐謹題
請旨

計開

第一箚曰致戒懼臣聞堯咨舜曰天之曆數在爾躬允執厥中四海困窮天祿永
終之語戒之也凡人之情有所畏則克戒懼無所畏則不克戒懼至於人主深居
寤齋先生遺稿

十九一仙居叢書

深宮之中習於安樂易於怠荒方其爲安樂殆荒也從而告之曰是所爲困窮永
終也則困窮永終之事未有其形不見其可畏既以無形而不畏而其爲安樂怠
荒也日其然而人心天命從此去矣此堯之所以誠舜而首啓之以執中之說也
臣惟天以天下之大託之陛下先帝以二百年全盛之天下傳之陛下不識陛下
安享其盛以爲無事而一無所動心乎抑以天命去留之幾不可期人心向背之
狀不可測而務戒懼乎中庸曰戒慎乎其所不覩恐懼乎其所不聞臣觀陛下天
性高明聖度博厚御朝聽講思道求治誠若克自抑畏然不知退朝之暇亦如御
朝之時乎入接宦官宮人之時亦如接賢士大夫之時乎臣願陛下靜而自思嘗
存戒懼之心求悟執中之旨以爲祈天永命之基伏讀太祖高皇帝造觀心亭謂
學士宋濂曰人心虛靈乘氣機出入操而存之爲難朕罔敢自暇自逸此太祖之
克戒懼也成祖文皇帝諭退曰朕每近朝默坐未嘗不管束此心爲切要此成祖
之克戒懼也臣願陛下遠法堯舜近法二祖也誠近法二祖則必思所以操存此

心罔暇逸矣則必思所以管束此心爲切要者矣此心既定一中常在將見四海
永賴天命益固陛下將保此全盛之天下以傳之萬世豈不休哉是愚臣所深望
於陛下第一義也伏乞留神

第二箚曰端遊幸人皆曰陛下好遊幸臣愚以爲遊幸者陛下之適也特遊有善
有不善所與遊得人不得人耳夏諺曰吾王不遊吾何以休吾王不豫吾何以助
一遊一豫爲諸侯度此遊之善也流連荒亡爲諸侯憂此遊之不善也齊景公與
晏嬰遊而作君臣之樂此與遊之得人也魯隱公觀魚於棠而僖伯稱疾不從此
與遊之不得人也宋太宗與諸臣賞花釣魚賦詩我太宗與宋濂同遊令侍臣賦
醉學士歌且諭曰俾後世知朕君臣相樂若此也此皆古今美談然則遊幸何可
無也惟與遊得其人則遊自善可以爲度與遊非其人則遊自不善可以爲憂惟
陛下審其所與遊者何如耳臣愚以爲陛下退朝之後欲遊幸某處盍召一二輔
臣同遊或敷陳道德或商榷政事或歌詩或寫字蓋堂陛禮嚴下情每阻於上通
寤齋先生遺稿

二十一仙居叢書

不如遊幸之時稍略形跡藹然如家人父子使諸輔臣有讜言忠益得以造膝上
陳人將指此遊曰是虞廷賡歌氣象再見於今日豈非曠古盛事耶如此則遊幸
正爲訪道問瘼之資臣猶恐陛下之不好遊也不然流連荒亡般樂怠傲損令名
傷大體臣竊憂之遊何可得也是端遊幸所以爲怠荒之防也伏乞留神

第三箚曰戒嗜好夫淫聲艷色之移人也久而不覺其入焉故自古邪人欲投人
主之意而陰移其權則必多爲玩好之具以誘人主之好故誘以好色所以移人
主之目誘以好聲所以移人主之耳人主不察其意因視之聽之以爲此小節無
傷也不知一有嗜好卽生悅樂一有悅樂必至沉溺尙不足將別求淫巧以充之
玩好日深政事日棄精神損於內聲名損於外是耳目之嗜一成而國家之敗由
之彼邪人亦豈謂其禍之至此哉其初意每不喜其君子持正則彼無所利故多
方求悅其君非真愛其君也不過爲固寵之計而其禍事足敗人國家甚可寒心
也昔太祖謂宋濂曰自古賢哲之君知天下之難保也遠聲色去奢靡以圖天下

之安是以天命眷顧久而不厭後世之主當天下無事侈心縱欲鮮克有終蓋誠深慮於此也宋儒曰人主之心惟在所養養之以善則善養之以惡則惡夫養之以惡孰有過於聲色哉臣仰窺聖德恭儉必無此好誠恐邪人有以此而希寵者伏乞陛下審察於此見美色必思曰是蔽明之物也罪之見淫聲必思曰是蔽聰之物也罪之所謂不見可欲使心不亂誠養心養德之要務也伏乞留神

第四節曰發給音臣誠親陛下每臨朝雍雍穆穆蓋有大舜恭己正南面之度焉舜稱無爲而治不言而信以其有五人爲之左右贊襄也今陛下得母以在位者師師濟濟固有所爲五人者足倚任乎臣聞舜雖曰無爲雖曰不言而都俞吁咈未嘗一日不接見亦未嘗一日不嚙咨焉臣愚願陛下退朝之後日講之暇召閣臣一發給音臣竊想陛下所以慎重而不發者必將曰言或不善則人或議之故特慎之至耳臣愚以爲帝王之言不必皆盡善正在因其不善而與天下共改之臣聞太祖嘗謂徐達曰人之行事一時知慮有未周及既行之後亟欲更之已無寤齋先生遺稿 一二十一 仙居叢書

及矣其間有未盡善者諸公宜執正請亟爲更張誠帝王之度也故言雖善若不聽人言而執持之猶之乎不善也言雖未盡善若能聽人言而速更之猶之乎善也弘治之政於我朝獨稱盛焉孝宗皇帝延接羣臣而諫諍講讀之官日不離於左右得以獻其可替其否而美意良法遂因而旁達於天下也今於庶事之煩不必賴陛下之一親裁定之而問之也章奏之煩不必勞陛下之一親翻閱而問之也任聖心所欲爲與所急務者隨陛下之意發一語商一二事令諸臣面奏可否臣見陛下誠一宣召之而臣工之惕勵自萬倍也誠一咨問之而風聲之暢達自萬倍也大舜恭己之化正在於此夫諸臣之事陛下猶父也陛下之視諸臣猶子也焉有父子不接一語而情得通者乎臣誠願陛下之一發給音也所謂事約而功博也伏乞留神

第五節曰習奏事臣聞敷奏以言漢唐宋之盛皆有面折廷諍之臣又曰以口舌爭則不獨以封奏事而且以口奏矣故封事雖千百言不如口奏何者以上易知

下易達也或者以大廷奏事猶恐聖覽未遍聖心未達難以對衆處分臣愚以爲不然今此諸臣中有聰明如陛下者乎此必無之矣但諸臣親之故習知之耳陛下未嘗親之故不知之耳夫以素不親習之事一旦若欲諳練若素官然即堯舜以爲病矣臣愚以爲此不足爲陛下患也患在不親而習之繼自今誠親而習之未有竟不能知者也臣愚以爲既定大廷奏事之議尤須復會極門奏事之規故事會極門進章疏列聖於此親對諸臣批答臣曾見有寶座在焉今政雖煩而其大者日無幾也章奏雖煩其切要者日無幾也陛下亦何憚於此而不一親之習之乎誠令各部院科道擇其大而切要者如軍情聲息地方災異民間利害疾苦不公不法弊端奸萌等事務爲明白簡易之文或每日一件奏之如妨政病國之甚者仍口奏大庭陛下居高而聽之若不省覽則徒勞無益矣臣愚即請陛下加意知大庭之奏者必軍情聲息也必地方災異也必民間利害疾苦也必不公不法弊端奸萌也須納之御前即退御會極門召奏事者問故如此日以爲常一日寤齋先生遺稿 一二十一 仙居叢書

習一事知一事明日又如之十日之間可知十事矣由此寧不盡知天下事者哉臣聞成祖謂侍臣曰朕於閒暇作書愛制筆精妙甚稱人意因歎匠藝如此豈是生而能之亦由積學所致今之學不及古人亦由自怠之過臣未嘗不竊歎成祖之因書悟學也臣願陛下勿以不知爲恥以不親爲憂長存積習之心毋懷自怠之意庶天下國家之故可以漸致通達而坐剖之豈非萬古不世出之聖人哉伏乞留神

第六節曰嚴票旨夫票旨者代言也天子代天言宰相代天子言此自古君相相須之義必然之勢傳曰天子之道惟在責相蓋如此也先朝批答每與輔臣面商可否輔臣擬旨奉御筆親裁然事機煩瑣一時覽省不竟未免調旨封進內或閣臣所擬未當上心有欲更改者亦必發下閣臣再看詳過然後批發所以重王言求其至當也書曰爾有嘉猷嘉謀則入告爾后於內乃順之於外宋臣歐陽修有言天子曰可宰相曰不可天子曰是宰相曰非夫宰相何敢與天子爭是非可否

謗之罪罪之庶奸險不得竊視人主之好惡以行其中傷之計賞罰得中舉措得宜而人心伏矣伏乞留神隆慶元年八月廿一日奉聖旨該衙門知道

別說

舟瞰彭蠡子儀欲道九江汎洞庭入都勻乃作別說以處我二人且索所以處之余曰別則別矣又何說焉不見湖之漁人乎方乃颶風東作吹浪若山衆皆擊舟爭避寧所漁人鼓棹冷然御風而趨與波上下窮其所之而後還彼固常於風波者奈何以風波懼之子粵人不聞合浦採珠人乎左執筐右執杓閉息如龜沒頂如鷓鴣踰時而不出須臾有吞舟巨魚裂波而至衆皆愕然謂其爲魚腹中矣彼採珠者以杓鼓水潛遊水底杓中魚鼻魚翻然仰天彼採珠者且行且伏不知巨魚之殞其杓端也彼其志於珠而猶若是故魚常於淵而不知其爲淵身鳥常於林不知其爲林身漁人珠人常於風波不知其爲風波身茲別又安非我常也是故離邦去里吾不謂憂歲月淹留吾不謂懼吾所大憂大懼者唯在不聞道然則寤齋先生遺稿 一二十五 仙居叢書

何如靜焉以觀勤而行之敦吾初念以及乎死之日幸而與子會也則將乘巨鯤負大珠就觀海之庭以問損益若其未則死葬蠻夷中吾亦無悔舍是無以爲說矣

自得園四稿序

昔昌黎送孟東野序曰大凡物不得其平則鳴信斯言也則凡憂愁怨憤而後詩以作嬉恬愉懌必無不平之鳴而詩以寢矣豈其然哉夫子曰君子素其位不願乎其外故君子無入而不自得焉和平之氣發爲雅音此則所謂溫柔敦厚而不愚深於詩者也詩教固如是也自得園四稿孰爲之石湖吳先生稷也曷以四先是有初稿續稿三稿矣先生潛心理學祖伊洛宗白沙病世儒靡言語無益而顯事操行其論入門則津津喜談良知之說早年有志用世既舉進士出輔藩邦知不用遂謝歸築室里中爲終焉計其觸運有感往往見咏吟間故稿多詩吳子讀之嘆曰其斯以爲有道之言乎夫道盈天壤間粗之於鳥獸草木精之於道德政

事三百篇爲詩之經典比賦不同要之本性情歸禮義今之詩猶古之詩也辭有

工不工道曷嘗有二哉自嚴滄浪論詩謂有別才近方石謝氏又集伊洛以來詩一帙爲道學詩是詩與道學判然二家膠之乎論矣詩不關理奚取於工必直指道而後爲道學詩則二雅爲經而國風可盡刪必蒸民物則方爲知道而多識之訓吾夫子亦何取於鳥獸草木之名而學之也某愧未聞道尤不能詩偶遊先生之邦三年以來寇盜侵尋無能朝夕請益問嘗叩先生一室斗大風雨不蔽衣鷄履穿端居自適今年踰七十矣手古人書隆冬盛暑不以綴蓋尙德若大雅整之身者先生其人歟其詩即景而成意即成詞當其賦歸來而作也有採菊東籬意則類陶既而處田里樂熙明有擊壤意則類邵若四稿流離寇盜中擊事傷心不勝憂悲窮愁意則類杜若格調渾融意趣和平而純雅自類其爲人雖其詩不主理亦不專咏物然而不謂有道之言奚謂余慚肉食不能靖艱難乃俾先生樂道自得之懷化爲憤世憂時之詞余羞忸怩甚雖然嘗與先生論近世諸先進先寤齋先生遺稿 一二十六 仙居叢書

生慕賢醫閭其不與理學名臣錄也特著正學編以章之夫道有遇不遇醫閭微先生將泯泯無傳耶先生契醫閭於隔世而余不能識先生於面矣然而先生之學必傳於世有不係於譚陳白沙子始以匹杜然猶曰別傳也而余師荆川先生乃贊其法之兼乎少陵豈非獨得其妙者與先生以舊刻無善本且諸體雜出命予分類成帙而以屬江陰黃吉甫氏刻之刻之吉甫仍謂余宜題其首嗚呼余豈知詩者哉

南洲應先生文集序

汝上郭黃涯于起爲浙江左轄也既閑省事乃檄仙居求南洲應先生文集梓之紫薇堂將以行于遠云集凡若干卷先生之叔子材以黃涯子意謁來謂來爲先生後進知先生宜悉屬之序先生歿殆二十載餘矣來懼其遺文散逸也曾謀之李景山子林介山子二子蓋嘗有志於是役矣而業未就今黃涯子來集用告竣豈非彰美傳盛有待而然與先生諱良字元忠少有異質十歲能屬文每出語輒

驚其長老既舉正德戊辰會試因劉瑾擅國事避歸至辛未乃赴廷試選被爲庶
吉士讀秘中書先生性既敏又涉館職益博墳籍考證古今期斷國謀王以贊聖
謨行其平生比因親老告養家居十載屢徵弗起又師事湛甘泉王陽明二氏尙
論古人折衷所學當是時聲譽蓋籍其也嘉靖初迫於新命先生亦思以所負見
之行事值廟堂議禮持論不合亡何出爲山東督學副使陞廣西參政齋表上京
師宰執張桂一老稔知先生者欲招致之密喻意曰北司成正以遲公先生正色
曰朝廷官爵未可輕以許人乃陞廣東右布政未幾而言者抵以他事遂歸前後
在官不及十年也夫先生以高明踔越之才精深宏博之學較轢奮迅之氣稍抑
歛卽台輔可立致者乃先生之意不出於是自雄其才不離於慕古之人其視天
下事亦無不可自我爲之方其養志山中也寧耿介以厲守退靜以俟時砥節不
渝將以身爲士人正鵠其出也又肯戚施遽蔭以圖尋尺功名耶卒乃骭髀寡偶
抑厭以退希情振古之英不勝委瑣之議此世之所爲先生惜而先生之所遜世
寤齋先生遺稿 一二十七 仙居叢書

不悔者也既歸讀書灌園不涉世事間或被酒任倨人遂以先生墮僚落魄若有
所未平者不知先生才高意廣睥睨世人無足以當其意而人之視之亦自茫然
却顧要其中無他腸意合志同卽傾倒無間又豈以得失爲細信耶先生故善先
贈君率菴先生來童時侍左右嘗見先生銜杯論文談高闊辨英氣奮發窮夜達
旦扣之而應時或對客揮毫辭無所假下筆立就壯思奇義滔滔然如泉湧不休
也與人尺牘數語奇絕今惜其集中不盡載所載者大都理足氣瞻體高意正歸
之通理道明世務規來世絕無嫚媚之習粉澤之飾其視專門組織掠取於人而
離其本蔑不爲之矣故讀先生之文而其人品亦略可考而知也來也豈不聰獨
能嚮往前輩苦志問學蓋實視先生而興起焉其意謂夫不爲先生不止也卽今
業以不成而棄去之見他人有作亦且退舍何况先生藝苑先驅又敢伸筆評定
哉獨以先生立朝立身大節偉然其未盡而可傳者不啻以其文焉已也故爲次
其所慨慕者如此景山往矣其持是以質之黃涯子介山子倫以余爲知言其相

與推而明之母俾偉志奇節泯泯無傳也李子名一瀚林子名應麒先生鑒其才
以其弟之女女之郭子名朝賓先生爲學使拔之未遇之時者也真心嫩行不負
所期茲役也傳美篤篤舊雨有益於世風并書之

序侍郎與繩陸公六十壽卷

工部侍郎與繩陸公六十之辰曰惟萬曆八年二月某日也公有丈夫子三分命
八治一軸其一丐少師華亭徐公一以屬王元美而不佞與姜廷善共一軸爲陸
公交也者亡慮若干人願示諸子者徐公而下唯三人其何以辭請以交言初徐
公秉國時銳更前轍與天下維新其道無如官人則推公爲文選公悉索海內名
士竭其聰明才知以佐徐公拔擢之間有遺佚者格于禁也隆慶初一詔網羅迄
于今稱野無遺賢曰惟徐公稱宰相下士曰唯徐公蓋公有夾袋焉公于徐公以
道不以意其所進賢不進不已其所退不肖不退休間相難天下事有徐公曰
可公曰不可徐曰不可公曰可者徐公雖心賢公亦見以爲偏而若弗堪公辭以
寤齋先生遺稿 一二十八 仙居叢書

歸居久之徐公老高相再起奮其咨嗟曰吾之仇在華亭苟得志焉庸恤其他時
諸公子囚首肉袒伺惠文冠之門上相席藁家徒纍纍應門無五尺之童去之聞
唳鶴者亡幾公不引避遍謁諸法吏曰徐公今社稷臣縱順相指沒其家其如後
世清議何諸法吏心動緩其獄會曹給事彈高相乃不及于難公與廷善非故也
而以名相慕廷善之寃公白之既白後始定交焉予于公故也當公爲幕府辟參
謀江南兵事予與公言司馬法未言國家政事已予入爲給事公寓書陸太保曰
竊逆吳生者非凡鳥願留意會予劾楊路太保出書以示三老曰吾家姪知人哉
無何予又狀嚴分宜父子姦分宜憾公深矣公聞之遂辭而歸夫元美自有述公
于三人間有如是不寤惟是江陵公故也公嘗薦之徐公以代矣江陵亦屢爲公
虛宰官席公不以故人折節一日納誨于江陵而勿入也公曰而訑詭乎亟辭
而歸公與人交大都然也易曰君子以同而異禮曰君子之交淡如水唯公足以
當之余與公交三十年公不忘愛而規之而余亦嚴事公交道久不見于世如公

詎易哉書以歸之又從而論公之平生慷慨任事能知人急人之難似范希文秉道嫉邪侶石守奮省事清心不涉紛華似趙閱道公母以從史也

壽大司馬安峯劉公七十序

安峯劉公案者湖廣麻城人也其以進士守睢陽時為嘉靖辛卯壬辰連二歲大饑殫力賑之又請蠲蠲其租若干會兌運小米價高千錢陸運至徐約三千錢民病轉漕公審准揚米價稍平懇上官借庫金收買大米舟運至徐輸粟剩六百釜請以其歲八月每釜徵八百錢并易所餘米悉補前所借庫金民賴無饑殍者尙書霍公過而聞其事歎曰非所謂惠而不費耶是可為荒政法薦之冢宰陸尙書戶部郎又薦以待吏部次時永嘉執大政為公座主冀公一見竟不往以故在戶曹凡六載歷滇蜀廣閩藩臬居久之晉中丞巡撫山東適監司議濬膠河通海運銳意興理諸司以乏費持其說公至曰苟利社稷奚所論費哉獨論利害耳夫河艘不入海海艦不入河固也河艘至淮安口必易海艦海艦至麻灣口必易河艘寤齋先生遺稿 二一九一 仙居叢書

又至海滄口易海艦又至天津口易河艘一次盤剝尙輕齋不敷况五更換乎一船駕運尙漕卒弗給况五船分屬乎即使河不假濬船不假造猶懼其利小而害大弗可也且元人雖通海運約百艦僅一二至奈何舍已成之安冒不測之險乎事乃寢東土自庚戌寇患後議每歲六月撫臣提民兵六千至臨清防秋冬盡始擊民其苦公疏其無益因而量減民兵若干歲省費者以十餘萬計朝議取礦山東民怨不敢言公抗疏諫止凡三者撫山東時著績也而膠河一疏尤辨而經予嘗存其說以為後之經國者程焉既晉少司馬晉大司農當軸者惡其異已也去之今天子繼統起南京太宰已又轉兵部參贊留機予亦來督江操得承公教公溫厚淳龐言若不出口與人處優優然嫗育惟恐傷人之意迨於是非利害之交兀然三軍不能為之奪百折不能為之回夫人色示剛強而中惴焉者多矣公乃外和順而內剛明為國家安可少公輩耶今某為公七十誕辰迺諸司馬郎來謁予言以壽予惟公蹈履如前所陳為守則壽在一州為巡撫壽在一省至其督贊

兩京營事也克壯厥猷鞏皇都而安社稷然則齒壽云乎哉皇上初繼大統哲命惟新非公輩則新政無以為光傳曰國家將興必有禎祥禎祥莫大乎以人今起陪京者公與大司空林公雲同為公同進有光祿卿東莞鍾公卿刑侍福清鄭公有威年並七十奉旨存問則尙書余仙應公大猷巴陵方公純年皆八十四川俞公茂堅年一百斯皆皇國禎祥哉斯皆皇國禎祥哉

贈督府二華譚公壽序

今天子踐位下詔修安攘之業予應召京師上書言時事凡四種其一則謂疲邊兵入衛非策也壯先聲以伐寇計亡如練兵非有臣風猷素著者督之無以亟振積弱之氣而作將士之心欲求其人莫若侍郎譚論者天子曰可乃趣公入議練兵事時公方由西蜀之兩廣未踰月也適寇掠永平以東而去乃言者爭欲得譚公為薊遼總督乃譚公竟為薊遼總督云初予之議出或謂譚公南人未宜於北余笑而應之曰夫所謂東西南北人也甯方所云乎既譚公至京諸公卿凡與譚寤齋先生遺稿 二一九一 仙居叢書

公談者見其危陳切語慮終稽傲如素語九邊至戚戚願以身肩國家之急靡懼志焉則感歎服以為不可及因信吳生之薦譚公非阿好及譚公退而與吳生語亦不以爲病已今夫士大夫平居挾批擣之能抱匡濟之略謀社稷憂國家者何多也至語北事則引縮遼巡莫敢自效孰有以吞敵爲心如譚公者哉夫臨戰而勝人者氣也未戰而勝人者聲也若君子任天下之重惟志與才而志先之有其志則雖中才濟者居半無其志則雖上才廢者居半若譚公即其志已作三軍之氣而其聲已襁醜虜之魄矣况其才其氣耶譚公既抵鎮觀要害上便宜大都不同異於予所稱練兵者其略曰游兵破敵之議其利有六其難有四其策有三所謂六利者以我素練之卒與決一戰必可得志俾之大創利一旦使九邊之兵盡令奮勇京營之兵亦受約束利二屯鹽之法與兵相因兵強而西馬不敢南牧大邊二邊已失之堡可以盡復鹽政可行而食自足利三入衛之兵可省利四邊民陷沒彼中者招徠可施收之爲兵行伍益實用之謀敵機智益神利伍冗兵可革冗

費可裁利六至所謂四難三策蓋慮夫成敗利鈍之勢也天子奇其言下部議一
如公之擘畫者由是公得以從容稍展布其志意是歲騎卒不敢窺關東蓋先聲
云予既薦譚公每退而伏思夫此國家千鈞負也甯使譚公獨任之則又出而語
人曰夫此千鈞負也非必力千鈞者而能勝之夫苟愛其能舉之也則必一人扶
之又一人從旁獎賞之其負庶幾至也苟力千鈞者當其負也一人從而撓之已
又一人從而訛之其負靡有能至者何者衆志易惑而氣易餒也夫天下事儂於
撓且訛者何限今天子明聖公卿協和而司言者亦莫不重公愛公公可以坐收
其六利而復無四難三策之慮使後之人曰百年無事自譚公始偉哉偉哉予友
馮生君秩者來自譚公所具言公至鎮邊氓咸以爲晚又問譚公狀則髮斑斑白
矣乃年方五十也會本兵議防邊功有白金文綺之錫因乞予言以爲公賀予曰
國家之慶無疆則譚公之壽未艾也何以予言雖然夫惟其愛之也則必其祝之
也彼撓且訛者皆弗愛焉者也如此則予雖不以私祝譚公甯不爲國家地耶譚
寤齋先生遺稿

三十一 仙居叢書

公功名起於吾台當台之被倭患也殆甚於北人之被敵患焉乃譚公至不二年
而寇讎遂以強兵稱今廣浙之間以捷聞皆公所練訓之卒也公會撫閩撫秦撫
蜀又總督兩廣皆有經畫然而台人之尸祝公最著蓋其久也予爲天下祝公則
莫若久任公焉

海棠祠碑

海棠祠祀宋臣淮海先生秦觀也在橫州郊西之海棠橋側即先生故所寓地後
人高先生之風爲亭其上又後改爲書院實與祀典未載初橫人以先生風義有
益于其鄉之人合祀于是祀先生于鄉賢議者以祀先生不宜以鄉乃又祀于名
宦既又以先生編管也處非所據於神未妥二者皆非所以康先生也推先生之
志卽生而食之將舍而棄去復奚後之祀不祀羨耶從後觀之謂先生爲橫人可
也莫非吾土也謂先生爲名宦可也人有餘思也嘉靖乙卯南海高君士楠來守
是州因亭宇圯壞方積需謀爲更新適先生之後人有秦謀者以雲山丞過橫後

以請于高君乃爲之立棟宇築墻垣將迎先生神祠其中於是議專祀今之論先
生者曰詞人詞人甚又沉迷禪旨以寫佛書爲微者所乘致流竄無寧日吁誰從
而論先生之世耶先生初爲編修與蜀黨諸君子忤時宰章惇輩乃御史劉極承
意刻其修實錄詆誣被謫處州實與范祖禹諸人同既而以寫佛書徙柳州既而
徙橫州徙雷州益夏夏乎靡有寧處唐宋以來高修操厲之士卒入禪家而趙清
獻二蘇公黃魯直諸人乃其尤者豈學道未純而好高義之心易投難掖亦不覺
其保入歟及觀逆旅集海棠祠有本無本等語乃知先生之參禪皆其居困之時
借以解外紛以舒其抑鬱無聊之意而實未嘗有害于吾道也若致患之因卽不
寫佛書其遷徙猶是也也究元祐碑中諸黨人寧獨少游耶乃爲之歌曰
歐歐肪脂宅南方臭肥滅鼻幽以芳山澄水碧清夜光奎婁錯落燦文章舌筆之
吐離豪芒危難之安思所傷委命大郭托醉鄉含芭元極橫洋洋闕闕靈室配崇
岡風流後嗣宜久長

寤齋先生遺稿

三十一 仙居叢書

方正學先生祠記

甯海故有正學先生祠在臥龍之崗歲久浸剝隆慶壬申侍御南昌謝君廷傑以
巡按至下有司凡名賢祠墓亟加修飭會新君嗣位追祀忠賢而于革除諸臣尤
申明表章命所在立祠祀之于是知縣陳然奉行惟亟改建于縣治之西以謝君
命徵時來記諸碑來惟若先生者其學宜從祀孔子廟庭不啻一郡一邑之享也
而祠將自茲以始因綴以詩俾春秋歌以祀焉詩曰
天牖民衷知能惟良有氣浩然五典三綱人愛其私如水無坊假託管晏懿德以
戕天挺先生昭世鸞鳳篤信好學希聖皇皇何以揖讓仁義之鄉何以蘊藉周公
之堂發爲文辭天織錦裳抽奇闡秘不滯秕糠內焉以直外焉以方箴銘雜誠曷
弗允臧臥龍之崗爲今首陽豈其首陽闕其芬芳微言大義克配宮墻惟茲里宅
誰其表章觀風弔古爲世立防欽于來哲祀典未央

曠縣修學宮記

曠之叻有學宮在東山之麓既以水患徙山之嶠惟山受雨于木易蠹惟高受風于瓦易毀自嘉靖初一修復迄今六十年棟折榱崩矣萬歷八年丹徒姜侯克昌來爲曠令諸博士列狀請亟修理申請三臺成報可而督學使山西劉公東星守紹真郡四川傅公寵督課尤勤委新昌劉侯庭蕙計其工值侯乃悉索諸賦奉編所積若干不足益以學租廢寺田價又不足益以金矢之贖而訓導傅遜順而有心計爲綜理之侯與教諭章木訓導王汝源以時視其勤情先正廟後簷六柱以石爲之避雨也次廊廡次戟門次泮池神座故用木易以磚經始于萬歷九年三月戊寅落成于十年五月丙寅諸博士以廟貌之曠有年賴侯以炳煥于邑中得有瞻依惟士暨民靡不樂觀厥成于己與有榮施相與磐石命諸生尹紹元王嘉士徵余爲記其學校爲賢才所自出政之首務也侯是舉得之矣諸博士與弟子日遊宮牆戴侯之功思以服侯之教應必有自致以終侯絃歌之教者侯爲曠補偏救弊節冗費以惠竊乏事多可記即修學其弛張克復可概也

寤齋先生遺稿

三十三 仙居叢書

雲陽夜別記

閏七月二十一夜泊雲陽先辣子樹道上張子遭乃甥王之變至是太安人思歸迫其遂決意宵征率道就吳子董子曰已不能依依二兄矣吳子曰果哉別矣初與兄將別於大江將別於彭蠡而皆不果茲議謁嶽麓登石鼓一尋開雲霽雪故處相與窮覽形勝極命山川追弔往事以畢五嶽夢寐之一而今別矣彼蘄乎別而不別不蘄乎別而別古人以聚散比汎梗浮萍不知其溲泊於何處則夫消息生死之理吾又安知其不如此云也董子曰語云別方未定別理千名豈不信然邪初子儀舍大江舍彭蠡紆道而來也以二人也而二人舍庚嶺取永新間道而來以子儀也夫既有所爲而別吾能知其有所爲之理道不能必其不可蘄之路跋於是呼燭就釵壺酒叙別明月漸吐白露如珠相與賦詩見知張子賦江樹夕陽五章吳子賦執手雲陽三章董子賦五章賦就輒歌歌殘復飲仰視明月已在半天三人者雖破涕爲歡勉相勸酬然而山側水濱雁吟葉落一去異地詎相見

期割慈分手仍復躊躇已不覺黯然其銷魂也又做古人分衣之義各有贈張子贈吳子董子以廣葛各一吳子贈張子以土紬董子以一吳絹二家室人夜不能登張太安人舟則各以所績爲別張子曰無復以益我董子曰合以迹迹離即散合以道無離無合張子曰如其合也須今夜之言以復若猶未須今夜之言以識吳子曰別不別合不合何常惟初心矢不離此道矢不間斷古人困而進德者多矣吾輩又何難於此別蓋聞處困莫辨於易吾將以卒業焉張子曰吳子爲學易之說因而日且需一宿其齋戒書之而後行於是各就舟明日夙興就迎思館焚香告天而筮得震之豐臆易示之矣敢不勉旃道別

尋鳥石山記

有山於此不百尺而高不一里而遙坐而眺遠山四面蒼色自遠而來前有萬頃之倉波晶晶漾漾若隱若現於樹間對城而廓處野而奧以吳子之好遊將爲家於山水間博採旁問求其愜我意者不可一得此則最愜我意當眼舉趾經歲而寤齋先生遺稿

三十四 仙居叢書

始能得之斯非可怪耶己未九日返自朗甯病橫人之不麥也將教之麥課兒輩麥於西郊見叢莽中有若高邱乃與諸人徒披莽而入棘裂我衣石滑我步無可見奇明日空齋中望寶華峯不戒僕夫乘勝而往渡橫江以風狂輒盡循西行望鳥石山而返又明日出眺龍起之池又以荒穢意亦不在循西行望鳥石山忽語僕夫曰曷不剪荒伐莽以舒我視果而荒翳一除有美皆出寶華屏其前古鉢枕其後龍母二塘迤邐山下東城西山禽鳴魚躍而向之盼望來往者爭獻於林樹間若有以逢迎我者於是日至又日至焉步既不厭景亦難窮始怪得之之晚以問之心心既莫知以問之山山又不答聞古之擅勝必於高山深谷跡所罕到後出爲奇此乃不凌高不探深其奇又若此豈以後出者與我與如必待至誠篤好舍我其誰且又遲遲喻歲若彼其難卒乃以無意得之將造化者秘而不輕其出歟士君子俯仰宇宙登山觀水夫固寄意焉耳意苟在卷石勺水自足怡悅苟不在雖牛山瑯琊增慨生悲噫安知天下之佳山水不有沉埋草莽中不易自見

如此山者歟爲記以幸此山之遭又見遊者不遠目前莫不有佳山水在焉

烏蠻灘夢記

予於癸卯赴秋試將發前一夕夢一老人深衣幅巾策杖自里橋相橋而北提杖喝曰若不拜我而祖也來前而端拱拜起畢老人曰買誼傳不可不讀來作強對色且言這書那有不讀老人曰若曾面識其人乎來曰願識之願其人安在老人不應策杖去如飛來隨之忽然不知何地所曆皆窮谷大川危巖絕壑其間險阻崎嶇盤桓攀陟皆非素所曾至地久之至一紅廟前指來拜曰此馬王廟也余驚寤夢若無可曉夙起語族父鸞峯先生先生曰祖告若矣今年題當有買董事抑或霍光傳不可不讀意耶久而無徵予亦置不留意中今秋過長沙經衡水入桂林下府江渡左江諸灘每至一處動如已至有疑於心不可憶記及投烏蠻灘謁馬伏波廟勃然大悟忽焉淚零夢中所謂馬王廟峭石驚磯浮烟飛沫光景滿眼依如昨遊予茲行以爲咎由是執也由夢已定於十六年之前予祖於出試之

寤齋先生遺稿

三十五 仙居叢書

初預告之矣豈非命耶馬伏波廟遍嶺外而烏蠻其著者是來至橫之徵也所指買誼豈昨經長沙之徵抑不善處窮謂用爲戒耶謹述之以自礪並以告夫後之君子庶其安命易示知險知阻險阻嗜能免而免哉知險阻不爲所遷有命存焉矣

遊天窟巖記

夏五董子與吳子爲天窟之遊至洞口雨至題詩而還菊月吳子送董翁返自烏蠻過謝村借燥率羣從往遊巖有洞口東向洞中有八景具沈學生與陸同知詩大都洞如夾巷長里許不大奇絕惟盡處容光下照如綺牕有巖乳滴成玉鼎亦如玉笋又如石盆盛獅子箕踞其中者水冷甚從者掬而食之或取以濯眼焉既周而出巖之民蒸小豚兔子來食且言且笑問之曰以巖之外不如鳳凰之秀拔以巖之內不如空洞之玲瓏吳子曰如玉乳一巖亦有之不堪曰惜乎其冥冥也吳子曰夫吾汝語汝未易吾領不汝語則巖之德隱而不彰以爲冥乎其德昭昭

以爲始乎其質冥冥吁嗟乎安知冥冥之不昭昭乎今夫人心有窟耳目口鼻人

之大竅也其質藏於人其氣交於天惟其窟冥冥故其能受昭昭出乎耳竅而天聲入之其納之也冥冥焉是爲聰窟出乎目竅而天色接之其納之也冥冥焉是爲明窟耳目之靈以交乎天也其中冥冥焉故能受故君子不外關而外不能入不內棲而內不能出沈視於明以徹天明沈聽於冥以徹天聰其竅常虛天光乃歸其窟常寂和氣乃出故其治身不竭精神而津津潤焉其治人不易智力而明明覺焉安知冥冥之不爲昭昭乎今夫人之所昭昭者日中而遊正晝而馳目炫於五色而不自辨其黑白雖然強視其天明昏矣耳奪於五聲而不自辨其清濁雖然強聽其天聰聾矣處鄉爲隙在國爲蠹冥行飾詐竊竊然雖崇高據顯而且置蓬蒿也安知昭昭之不爲冥冥乎故爲善於幽暗之中其光常微爲不善於顯明之中其中常塞誰令以彼易此乎故天聰明其體常寂三辰爲光不見人有夜秉燭者乎人之視之以明而彼之視人則暗故居明常暗置明鏡於幽室其光不

寤齋先生遺稿

三十六 仙居叢書

發矣得日影而煜然此之謂以暗受明氓長跪而言曰小人無知不悟君話將歸而告之茲巖之丈人須臾有丈人仰天而嘯迎吳子曰吾之辭高明就寂寞托業於此也有年所矣未有知我者幸子白之既以明吾德而又以察人理也哉

南京兵部尚書方厓趙公行狀

今上登極之元年丁卯詔起太平趙公爲南京刑部尚書尋改兵部參贊機務上疏以父母並年八十懇辭願終養再請乃得俞允踰年公以疾卒於家士林莫不嗟悼厥嗣右軍都督府都事成安以聞天子惜焉諭賜祭葬如故事既都事奔訃還家紆道謁余南都稽顙拜泣哀容淒楚謂歸圖襄事將丐銘於史氏以垂不朽知公深宜莫如余以狀爲託余之奉公顏色也蓋自丙辰之秋時公爲中丞余爲給事也公每默鑒余所與語獨古今人卓行奇偉事尤稱述吾台先輩如謝文肅黃文毅林恭肅王東瀛侍郎諸公蓋若示以效法者余亦私識之謂公知我既余下詔獄罪且不測官校值邏其所素厚之人亦禍且不測公潛餉遺獄中數遣存

問余家人而資送之嗚呼公之義余也如此故余聞公之薨東向而哭之既爲文而祭之嗚呼是烏足以致余私耶乃爲之次其實履如左公諱大佑字世膺台之太平人也先族出蛟井遷洪洋宋寶慶中名處良者起家進士守藤州其後徙關嶼曰德明德明四傳曰維石維石生懋懋生堅生崇賢爲廣德知州是爲公之大父有善政崇祀名宦鄉賢祠中以公貴贈南京刑部尚書崇賢生相爲公父累封如公之官母王夫人以正德庚午六月十一日生公公生有奇質州守公最鍾愛之口授以五經大義輒解操觚即驚諸老生州守公喜曰大吾門者此子也弱冠補邑弟子員蜚聲庠校開嘉靖甲午舉鄉試乙未連登進士授鳳陽府推官鳳陽故多訟牒公至懸斷若素習者以淑問著聲薦剡四騰擢拜廣東道監察御史公既列內服益思效職表樹扶正糾邪風裁凜然時都御史浚川王公廷相正色立朝少許可獨器重公嘉靖乙亥清戎江右未蒞事召還巡按貴州漢夷雜居號難治公下車別弊釐蠹擊奸劾貪大著威稜維時宣慰使安萬銓稔惡梗化爲地痛齋先生遺稿

三十七 仙居叢書

方患有司屢逮不出公視事甫浹旬先聲警服萬銓束身來見公諭以大義明敕國法羈縻逾月而後去指揮張仁李木者固其爪牙也公廉得其情械而殺之嘗有巡撫劉染指於安與公異同乃喉安爲變而移文所司以爲口實公陰爲之備而談笑語人曰人臣苟利社稷死生以之所司其母閉城門吾何愛一身遣使直抵安所按其反狀安氏懼不敢動解甲輸服公馳疏狀其罪惡詔下捕繫安氏暴橫遂戢貴陽人德公至今以爲有郭令公單騎見虜之風湖貴本接壤當斯時也酉陽永順二叛交構勢甚搖撼不服招撫公申嚴防守奏請合兵進剿遂勦撫臣陸岡上邀功養寇啓亂之罪廟堂果納卒用公議兩省以寧在貴陽一年有興學校以崇文教設哨堡以振武功查糧差以絕侵漁革公費以杜騷擾先仁政以省刑罰徵課稅以備邊儲均徭役以禁影射清主客以厚流民數事上請永著爲令先是浚川王公註誤落職公力陳其才節可用且言明君之用才譬則大匠用木大匠不以寸朽而廢合抱之材明君不以一眚而遺濟世之器詞多婉牖王公卒

復召士訖建之又以政本在相國而君子小人之進退係治亂消長之機於是首列時宰翟公變不當徇私援引故尙書王堯封周雍期費案狀侃侃千餘言中外危之賴先帝聖明疏內諸人咸相繼罷斥而趙御史名赫毅下矣已差刷卷南畿竣事還朝留侍中考九年滿陞南京大理寺丞癸丑陞大理少卿遷都察院右僉都御史丙辰本院副都御史公居臺端執法桓桓務崇大體戊午遷刑部侍郎方是時伊藩縱侈不道納賄權相嚴嵩朝議遣公往問而嚴爲之主維於上欲輕貸之授公以意旨公退而嘆曰奉勅推勘而不以實聞置國法於何地吾不敢負朝廷而惟權奸是媚遂上疏極論王惡其略曰伊王本以親居藩服嗣承中土之封九宜世篤忠貞永法東平之善却信堪輿之妄頓萌圖大之心駕言葺修擅行展拓城連百雉俄驚府第之崢嶸門創三重敢擬天庭之峻偉蹈春秋無將之戒味藩輔謹守之規蒙聖恩未卽譴懲奉明旨特加查勘尤宜感乾坤高厚之德意遵日星炳耀之綸音引咎責躬據誠俟命卻又聽撥置而再三浮辨肆推拾以掩飾痛齋先生遺稿

三十八 仙居叢書

前愆不俟聖裁屢干天聽既非臣子恪恭之義又違祖宗訓典之嚴宜服重誅以懲不恪疏入深忤當國者於是有詔覆議而王竟從末減辛酉陞南京都察院右都御史公端範植軌爲諸司表率一如居內臺時羣屬畏服明年遷南京刑部尙書南中訟獄頗煩執事者最苦之公故理律精核又敏歷多在法紀之司至是益明慎公恕競業自持有齊庶人者怙勢兇殘自殺其家僮抵誣儒生陸某富室子也法曹多引嫌畏勢莫敢如何公毅然不不竟辨其誣出之而齊庶人者遂按法安置焉留都五城源設兵馬官小事叢近民易虐往往多以贓敗者公劾罷其尤不職者胡光弼仍請定爲終歲考察之法以飭有位呂璫黃錦至寵近侍也以門下閹馬廣論死南曹從公丐一言以幸脫比至任同事連坐死者無算官更歲易坐是莫洗公歎曰人命至重王法至公以法官知人之冤而忍弗爲之白可乎遂奏釋之其他可以情原理宥者惻然有哀矜之心事多平反南中人以今稱執法不寬者則一口以爲趙尙書云公自筮仕凡三十年歷十餘任而爲大司寇至乙

丑歲歷二品價滿考績祖父皆進尚書祖母暨母皆夫人均榮並茂凡人情所爲
祖父華者而公皆得之於是勃然起曰國恩欲報無窮親老就養有限昔人謂盡
節日長吾不可以復留矣還次德州勒疏稱病乞骸餘部惜材請暫休理已行部
使者復以境內人才薦皆不起居無何值今上嗣詔求遺逸臺諫交章論薦起公
公兩疏辭曰臣草茅賤品遭際聖朝進叨作養之恩退沐生成之德祇緣攝生寡
要遂致夙疾多嬰涓埃未酬深慚自棄詎意痼疾委頓之軀復蒙聖主求舊之及
但臣家有父母並年八十餘歲桑榆風燭喜懼關心病子衰親相依爲命若一旦
扶疾遠離則情事甚苦而其難又非敢專爲身計矣疏上中外咸歎慕嗚羨以爲
難能乃家宰楊公溥念公懇情權其重者請賜終養以勵士風蓋特恩也家居五
年足跡未嘗一至城府晨夕必在二親之側凡平生所歷處所行事及所見聞之
善人美談嘗不絕口欲親傾聽以爲定省之娛飲食必躬閱視其寒暑衣服調攝
惟謹每遇節序二老端坐堂上公率諸弟子羅列階下問安上壽人之視之熙然
寤齋先生遺稿

二十九 仙居叢書

如登春臺海內無兩矣又公年資方茂本有濟世之志而才又足以赴之如安萬
銓一事不煩寸楮而坐銷其變爲國家揚威萬里之外奇哉惟以重違二人屢疏
告休乃今先其二人以往也余聞之公赴起之日二尊人送之河西將別執手涕
千行下公哭仆地不能興既而詔至許公致政以全公孝乃公與二尊人歡若再
見又歸而就養者三年斯國家之所爲厚公也公可以慰矣公以今年己巳春正
月四日卒於正寢享年五十有九配牟氏有淑德先公卒封夫人子男四人成安
卽都事君成孚舉人成忠縣學生成愈恩貢生女一適太學生王漑孫志行縣學
生志伊志周志徵志道志孟志升女孫三曾孫師立公忠孝本於天性而友愛尤
篤視其弟大論大 怡怡如也卒致成之皆爲舉人接宗族鄉黨極有恩義馭僮
僕嚴而有恩以厚待人而薄於自奉創大宗小宗祠堂以敬祖合族訓飭子孫動
必由禮常曰門第高可懼不可恃惓惓以成立之難履墜之易爲戒性嗜讀書雖
在仕途旁午中手不釋卷又善作大字有晉人風骨所著有燕石集及諸疏稿可

攷見云性剛直耿介外若和易而實不可干以私樂善好義人有一事之得一言
之雅亦必在所取而尊鄉一念尤爲切至林恭肅故未有諡也由公請乃得之天
台廷評夏公鑠者以文名而有奇節歿後子孫貧無以爲生公賑恤之且梓其文
集以行於世王東瀛侍郎啓者歿已四十餘矣公歷歷追溯其生平大節若見焉
今余特疏王公應得贈典大都所聞於公者多也來辱公患難之義茲方幸再侍
同朝以竊緒論奈何都事君遽以狀來辱也嗚呼來之受交於公也於情爲深而
與公同事之日淺公之偉節微行即余不能詳然而學士大夫每論今人可以肩
大任重者必推毅公朝廷屢下明詔求公冀公再用若不能一日舍焉則所以知
全而傳誌者有太史氏在余特具其略如此

明左副都御史景山李公墓表

隆慶元年三月十七日都察院左副都御史李公卒於會城之總府嗣子維林以
公之喪歸吳時來往哭之失聲歸而食不咽寢不帖也嗚呼若李公所謂天下士
寤齋先生遺稿

四十一 仙居叢書

非耶公視身簡潔而又以行引人乃今逝耶今維林留京師以狀聞故事在京
從三品而上得賜祭葬其歷任未久乏行義希勞績者勿給公歷京兆方踰月陞
都憲未履任乃蒙諭祭一壇命有司治葬蓋朝廷重公行義亦異數云既維林丐
曰以孤之不肖幸邀惠於天子然而墓上之石則受命於先人矣其以屬之吳子
知先人與知於先人宜莫如子願惠一言吳時來曰人亦有言蓋棺事定余所知
者也幸考厥終於先公可言其完節矣願知之也者未卜其果無辱先公否
因從而表公之行夫亦自礪也公諱一瀚字源甫號景山世爲僊居之十八都人
曾祖良平祖震父鏗皆隱德不耀父以公貴贈江西道監察御史公自幼端靜簡
默不善嬉戲與叔兄教諭公一朝年相及同學教諭公穎悟特達幼卽有異操公
資稟稍讓不逮其父與鄉之長者莫不奇致諭公而意亦若不在公乃編修應公
良獨以詣遠期公爲其弟二女擇壻一以妻公一以妻林公應麒既公與林公皆
先後登第人莫不服應公之識鑒云公中嘉靖戊子浙江鄉試戊戌登進士第初

選江西安福縣知縣公蒞之以廉而濟之以靜與民溫溫若家人父子然無不得
輸其情者而隱不可犯御史沈者以迎候弗備怒之公弗懼及百計羅之弗能得
然後稱之公弗喜沈嘆曰李知縣可謂寵辱弗驚矣富攢造之期前學士松溪程
公之謫安福丈量田土其貧民鬻產勢家者不肯照丈推田公下令刻期推收一
一照丈豪右莫敢拒照糧編里巨戶細民一體不少假借其士夫優免另造一冊
某官某生在其戶每年披閱已免者勿再而冒濫之弊遂除東郭郭公嘆云審編
一事推之而治天下不難也安福故多勢家其約於禮者公待之如其子弟其戾
於法者公一一繩之不少貸丁毋憂守制服闋補江西道監察御史時北虜突寇
都城而去議者欲於南關築牆濬濠命公度址公以勞費勿支壞民室家墳墓無
算且天子守在四夷城郭之策正示之弱非計力疏止之朝廷是公議衆咸偉之
巡按山西風裁自持一以除弊政問民瘼爲已事而責成守令其廉察下吏不採
旁言嘗曰爲民擇官民之所喜吾亦喜之卽薦民之所惡吾亦惡之卽劾前巡按
寤齋先生遺稿

四十一 仙居叢書

某者盡搜庫金以遺士人甚至將養濟院米充之公廉其事追給孤老沿邊諸郡
民食小鹽小鹽其便巡鹽御史請俱食池鹽公以邊郡崇山峻嶺鹽至彼者五倍
其價民困甚矣上疏力辨得寢其事郡人至今德之公爲御史大都法之所在雖
權要不避以此當事憚之時阿諛成風相見俱行四拜四叩頭禮公厭之謁當道
止行兩拜當道銜之復命止陞江西按察司僉事衆以公資望深不宜外補公怡
然安之及蒞任持法廉平民間有湖取菱芡蓮魚之利宗藩盡奪而有之公至一
一判還民間南昌先有劉某者濬河數百丈可灌兩河田居民利之爲立祠有勢
家熊某者奪河爲田并毀其祠禾盡枯槁爲一方患公大抑之通河水灌溉如舊
地方多盜宵征曉遁公立法捕之發蹤由民盜由是息詞訟解審必親剖之投牒
處分莫不願輸誠口得理嚴相家雖在袁而產業盡在南昌家人屢勢恣逞公悉
裁之嚴相勢既盛又其傾險立能生死人士夫或認爲乾兒或與其家僮結爲兄
弟凡官江右鮮不浼者其遷轉特速公與林僉事一新以耿概自持皆五六年弗

遷齋表至京殿相謂曰李資深矣公曰猶有深瀚者同見者讓公故外耶公曰吾
道其實云凡相見皆有餽多至數百公獨否久之陞山東布政司參議早其蝗發
公親率民捕之數日蝗絕水發淹沒居房無慮數千家公乘小艇躬往支分驗其
重輕賑恤有等山東士夫不輸租縣令往往責縣里均賠之然莫甚於梁編修紹
儒家紹儒嚴相之乾子也公查追之甚亟紹儒求解於嚴相嚴相曰李某豈可與
言哉紹儒知勢不可亦輸其半公將盡併之以督兌赴京凡督兌在京餽遺盡取
糧長悉傾產以充公盡革之而困遂蘇陞井陘兵備副使一意爲地方除盜賊固
塞垣爲務適軍士倍取月糧爭哄而煩言遂興議調各省公亦飄然東歸弗自白
其所以居家三年以衆望起補四川副使尋陞陝西參政尋陞按察使王府與民
訟田公斷盡還之民王城外渠民資灌溉王府築而有一斷以法而王不敢動
居一年仁術洽於所蒞廉威懾於諸藩陞山東右布政尋陞應天府尹踰月陞都
察院左副都御史行至儀真疾作連疏乞休回至武林遂不起吁嗟公沈抑仕途
寤齋先生遺稿

四十一 仙居叢書

凡三十年晚值先帝更化求人振拔淹滯方駸駸向用又幸今天子履極顯忠遂
良方注意大用公而公又不得盡其志人耶天耶公平生平不易簡默與之處恂恂
若無所能事者至於是非利害之交屹不可動居官無隱忌峭刻之文但不比於
法無一毫依違臨山西最多得士士亦以得出公門下爲喜家居蔬素之食補綴
之衣出入惟乘一款段有寒士所不堪者而公處之自若人有善愛之若己見官
邪雖不出諸口其心探湯視之推官蕭文清乃嚴相之黨署邑事適倭奴焚劫之
後百計漁獵已陞嚴州同知而其虐益肆公持盤格至東嶺餞之蕭次日遂行自
入仕未嘗以書干政府卽郡邑亦經年不造造必關吾一郡一邑利害也故聞公
之卒雖山林之稚老莫不戚戚悲者公生宏治乙丑八月二十日享年六十有三
配應氏繼張氏皆先卒男三長維條先卒無嗣次維林次維禾俱縣學生文行斷
斷實能守公之教而繼其志孫男七光祖光宗光禘光宅光憲光祠光某孫女二
尙幼今將卜葬邑之東村之原公之墓誌銘碑業已有名公爲之矣來獨述其所

知如此倘公之意在余其大書有明都察院左副都御史景山李公之墓

祭李立卿文

維嘉靖某年月日寄人仙居吳時來聞雲間立卿李子卒於南寧之旅舍心怖神駭爲西向而哭之將拔履脩弔一日歸視過橫州乃備牲醴拜立卿之靈而寫以茲詞曰嗚呼立卿遽寧于茲地也耶東吳西粵雲隔萬里誰爲而至此而卒此遊魂耶余何忍而視立卿之歸耶初余與原漢赴謫鄉也立卿以姻連原漢接見於濟上聯舟至吳門謂當與立卿別乃立卿不忍別從而經錢塘踰姑蔑歷豫章入螺江度茶陵窺衡湘遵零陵陟桂林吾與原漢有山水之僻所至無一巖穴不沉吟其上立卿亦無一巖穴不挈策以從立卿在南寧凡三載雖原漢知命善處窮然使內無嗟吹之音外無離索之迹者立卿不爲無助余每及秋訪南寧見立卿必勸立卿學立卿正向學稍稍遠大之期而今已矣嗚呼升之太發轉威爲贊白首按劍自古已然若立卿豈易道耶余三人獲罪於天已則執之乃累其親朋至痛齋先生遺稿

四十三 仙居叢書

祭趙方厓文

維隆慶三年歲次己巳三月戊辰朔越七日辛亥欽差提督操江兼管巡江南京都察院右僉都御史吳時來謹以香奠牲醴差官伍文霄致祭於明故資善大夫南京兵部尚書方翁趙老先生之靈曰嗚呼台嶽鍾英雁宕擅奇代有哲人爲國龜著茲惟趙公尤爲開世早歲登庸志存開濟推理中都名實以孚徵拜柱史益

茂令圖清戎江右耗數是糾不急以苛乃作民歸感按貴陽嘉猷用張首勸梗化

法震邊疆鐵面獨立忠厚正直昌言入告奸諛凜栗廷尉兩京天地稱平中丞正色百度以貞晉武司寇惟刑之恤克允克明桂楛用說出總南憲秋卿乃來正暴格奸帝命欽哉耳目股肱汝其克舉碩膚維人維國之紀白雲悠悠屢疏乞休豈曰高臥孝養是道晦跡韜光道乃益昌中外想望薦者交章當宁倚席優詔頻下公拜稽首不遑俟駕且行且懇臣有血誠敢曰忘國夙夜二人天子曰俞其勸以孝公曰休哉恩同再造有昊不弔一疾其膺后嗣奚觀奪茲典刑嗚呼我公心在王家望係蒼生志雖已酬猶阻大行茲值熙明方隆治道將簡機衡登民於覺胡不少待遽焉言歸天屯其膏民也何如嗚呼曰忠曰孝人事誰兼公值其定道克兩全難兄難弟光前裕後家庭之慶人世希有來也罔知公實相之既報於艱公值其私明德余懷况也惠好公其棄余厥德曷報謹拜陳詞以致吾私有淚如江公知不知尚鑒

痛齋先生遺稿

四十四 仙居叢書

粵志高翁挽歌

挽歌何起生者于死者無以致其哀悼惻怛之情又戒不暝故爲之詞以緩死者欲令知化則蓬露蒿里之篇是也死者自無以致哀悼惻怛之情臨化自爲挽歌以自緩以明安化則擬挽歌諸篇是也是故挽者緩也是則自挽歌肇陶處士生者挽死者本田橫諸客則皆其情有繫心有寄未有與其人之耳目不相接素無彈劍杯酒之歡無因而起者然則可乎按禮有之生之死之文夫既因生者而弔而其死者而可然則因生者而挽其死者于又何疑茲挽歌冊橫鄉士大夫爲度州粵志高翁作也橫鄉士大夫于翁未有耳目之接及素有彈劍杯酒之歡也而其感若深于耳目之接與夫素有彈劍盃酒之歡翁令于士楠守橫州有善政民悅以懷則莫不願粵志翁日壽令太守約以久於橫今太守之奔以翁之故也則莫不戚戚謂不慙遺之志乃奪守以去也民有情不能歌述民之情而歌鄉士大夫可也茲挽歌冊所以成也乃二陸大夫舜臣湯臣侯大尹嘉祐陳文學三謨謁

序于遷人來來曰臨官不敬非孝也若太守彼所謂敬以成孝者非耶用能追諸其先君子有穀貽孫子若粵老其有穀者非耶用能貽諸其後按山海經增城番禺之山樹可百尋卑枝之蔭可千畝蓋所樹彌高所庇彌博也太守歸其奉先人息駕于山俾執紼者一一歌之于是邦人來觀者可謂曰有子

周臨海均田頌

均田頌者頌臨海周侯也周侯爲臨海令仙民奚而頌之也事有一日而舒百姓之急者雖欲無頌不可得也隆慶辛未天下賦役又當攢造之期仙居適缺令於時分巡兵憲安福周公難其事謀於郡守番禺張公假重周侯非侯無足以勝斯舉者侯辭之不可既又周咨密訪得其罷困之由爲文以自白上官其略曰六縣俱困惟仙居最甚其父老日望均平若不爲處分則下民之倒懸難解若過爲更張則豪右之謗怨易興權其所重莫若均田編里者上官咸報可而巡按南昌謝公初至正欲以均平行於通省主其議尤力侯乃以是年十一月之二十六日下

寤齋先生遺稿

四十五 仙居叢書

車吾邑又恐令不便詢之庠士詢之里老既又開陳告之門有窮極利病者聽弗拒乃庠士乃里老及途之人靡不稱便卒下令通計邑中之田若干頃除官田一萬二千畝免差不編里寺田一萬二千畝折半論差優免役占照題準通例各以官級論免其額免外餘田悉與民戶一例編里合該田三百畝充一里長強有力者不加益貧而愚者不可少焉官戶田多者儘其一圖其田不及與有餘者從其擇所相願同充又審第一都暨第十三十五十七二十二二十三二十四等都消耗太甚者九圖歸併之令既下觀者感泣不能爲歡莫不曰父母父母各如令平議以進侯乃爲之挨都量其家定年次先後焉凡經侯所平定者又莫不曰神明神明其丈夫快於途其婦女快於家頌聲一日遍於窮谷即大旱時雨未足以喻之也以侯貞心而又瞻習易若烹鮮本無難者而况以公天下之心行公天下之法民焉有不心悅而誠服也哉夫三代井田公天下之大端大法其初以田授民每夫百畝無非以上而均之下也其後通力合作先公後私無非以下均

之上也井田之廢久矣而賦役均田正三代遺意求治而上望治而下每言及之卒未有見之施行者何哉蓋才與識每難兼至而兼併之家舞文之口易得而撓亂人聽也即以吾仙萬山之中無別生理山田礪礪功深得淺僅以力稼朴略持其門戶十年以來逃亡過半正由編里不均故耳不均之害多者盈千百少者不及十畝少者力詘則逋逃一戶逋逃而十戶虛賠賠賦之令嚴於上而轉徙流移日相望於道當官者見其逃亡輒曰難治難治抑孰知保安招聚之機在上不在下其或水深火熱不盡驅之他邦不止也故辦事官金崇厚等奏下戶部準行而當事者兩可持疑欲行中輟者凡幾矣一聞清審悉挈妻子倚門問路爲長往計不有周侯孰復來甦我哉繼自今居者無偏重之累行者有思歸之心沐浴斯民而更新之則是舉之爲侯蓋有大造於吾仙也士民感懷爲之立石紀思又謀塑像於古靈祠之左席將生祀公以示報屬予作頌予固恥以言諛者樂民之樂不啻口出聞之法施於民則祀之於頌奚有頌曰

寤齋先生遺稿

四十六 仙居叢書

有美周侯學道施仁清風惠露洽於比鄰我邑缺令父老泣陳愁慘恬悻情理囑申惟茲大造十年利害民散久矣往事則奈上官軫念如瀟思濟假節周侯甘露以滯侯曰吁嗟孰非我民官失其道厥賦弗鈞行將即事救此方人法窮必變况也持平計畝編里視家定次畫一較然怨慰罔避士民騰歡巨室服義或歌或舞對言流涕作逼苛令相率播遷不期桑梓借此仁賢盡歸乎來報德難宣傳成一日鄒施百年二旬竣事侯乃返駕老穉扳轅千百不舍而今而後餘年誰假賦薄役輕有田可稼樂只君子宜民宜人窮谷士女流其頌聲胡不階胡不千齡公侯孫子福祿永凝樂只君子民之父母一兩三日何澤弗究慰滿三農神功無有此法不磨百代是佑

詩

題楊忠愍公祠有記

今皇帝御宇首遵遺詔錄諸直諫臣生者叙用死者贈官祭葬錄其子有差於

是兵部武選司員外容城椒山楊公得贈忠順大夫太常寺少卿廕一子應尾
爲國子生瀕海以內郊甸之衆與樵兒牧豎無不悲酸以爲先皇帝之明且仁
能鑒公忠誠於憑几之夕也又莫不曰新天子之孝且仁能急於繼先皇帝之
志卹其餘忠於嗣服之初也乃商人白受采等奏願捐貲以祠公於都城弗報
容城士民走上官欲祠公於其邑保定士民走上官欲祠公於其郡副使曹
君金因以士民之意白巡撫都御史曹公禮出庫金畀容城立祠既給事中陳
公瓚以證請則詔賜諡曰忠愍既巡按御史郝公杰以祠請則詔賜額曰旌忠
嗚呼公之忠天下之達忠也其誦公之冤而欲得公祭者蓋徹乎百世無論商
賈暨其鄉人然則朝廷所以爲公者夫亦至矣書曰表厥宅里樹之風聲嗚呼
於公何有哉祠成將以某月日某奉公主卽祠而血食焉應尾以予聞風於公
者乃丐記其祠事予奚忍詞公哉當公之抗疏也予正赴禮部試與同志上虞
陳君綰都勻陳君珊六七子會文於觀音寺之佛堂從有外來者謂公杖垂死
寤齋先生遺稿

四十七

仙居叢書

且擬刑會中人驚起屏氣予投筆曰夫如是焉用文爲我能執白麻往訴之二
陳君曰誠然願尾予姓名其明日以草視二陳君二陳君曰聞當官業有持獄
其母亟試而舉爲之不愈乎乃寢夫分宜父子弄竊威爲言者類獲重譴公乃
竭志盡詞不遺餘力斯所謂愈出而愈奇也乾坤正氣在天爲日月風雷雨雪
在地爲江河嶽鎮生則爲人則爲忠爲孝爲盛德爲大業死則爲明神薄日月
激風霆和雨露慘霜雪浩江河峙山嶽誰爲爲之誰爲止之公卽不在世間而
其震動天地激勵人心百世如生予獨以後死遭逢全盛雨露不殊枯榮異勢
嗚呼予甚慚於公矣公少也卽以忠義自許初舉於鄉入太學從事華亭徐公
學文乃遂見道既舉進士從事宛洛韓公學樂乃遂知晉及謁闕里過泰山明
義利死生之關而悟學無止法適北事孔棘誓埽邊塵時仇鸞怙勢爲開馬市
之議力言其不可者十爲說謬者五鑿鑿據經爲憲所中被撻降狄道典史鸞
誅四陞進武選司員外公思國家屢陞厚恩欲舍身圖報至秉燭獨坐夜深不

寐乃感於宜人之言遂草疏列故相嚴嵩誤國十大罪五奸比入朝未浹旬也
疏上天子動容卒以嵩謗語乃下於理中以引用二王之故徧受諸杖具不屈
遂被大杖擬重獄竟以奸嵩曲計附失律諸人後概卽命焉冤哉刑而及於諫
臣蓋今古未兩也公精忠奇節炳耀國史然人能知公之忠於劾嚴相不知其
阻馬市之議爲塞開邊大覺人知先皇帝之卒去嚴氏而不知公之言先爲之
投種人知今天子之能卹公不知危疑之際賴公以發其奸爲有功於朝廷如
公者忠莫忠焉而具茲三偉功厥祠宜永世祠定址於保定從郝君請也費取
諸官帑合都御史曹公所畀金而成之也董其成則知府某也乃紀其事而歌
以侑神其歌曰

名嶽降靈來太行聰明正直剛以方騎雲而下三輔彭秉節委質何相羊奸諛得
志越厥常國事日非龍賂章逆黨扇禍覺啓疆駕言馬市爲國殃怒公衝髮抗厥
章中違憂患謫西羌逆誅被詔服上襄天子隆恩敢不忘投身報主臣道常稽首
寤齋先生遺稿

四十八

仙居叢書

萬言慨以慷慨其驚何可長臣身不辭塗干將天子動色心徜徉奸臣膽落走
且僂視死如飴氣彌揚竟以形化返故鄉臨義之音何琅琅披衣五雲肝與腸帝
曰朕有遺直古忠良何以旌之豐其藏以葬以祭泉壤光錫之祠宇鎮北方泥金
有敕何輝煌魂兮豈不來洋洋公昔遊魂七陵旁假翼天路景雲翔逝如驚電擊
天荒比驩之人徒倂倂公歸不歸歸有龐儻獨有靈來清揚聞其風者氣復昌憑
人萬古扶綱常匪直也人獲其祥等河配嶽久且長

送李景山之蜀

宣室詔初下衡門秋色餘星槎開八月玉節控三巴蜀道今難易棠陰此歲華好
攜上峽水爲試雨前茶

焦山夜歸

古寺探幽去山城倚醉歸留人林月上醒酒暑風微漁唱搖江渡村燈照夕扉獨
憐沙上鳥已宿尙驚飛

南峯

朋來九日一樽同載上山堂納遠風招隱正逢黃菊候放杯共坐白雲中江山搖
落驚秋晚鄉里蕭條喜歲豐莫怪烟霞成痼疾幾人回首看冥鴻

天涯寄親知

乾坤誰是再生人一日今知一日春蝶夢翩然依海曲鷓鴣飛不到天津陽城意
遠時難待唐介言輕聽易嘆無論生還他日事荷戈負耒總王臣

迴雁峯

少小曾思五嶽遊登臨翻動百年愁座中忽轉三千界天上虛傳十二樓斗柄平
臨高閣外雁鴻低度半山秋南陔北闕心同遠目斷瀟湘紅蓼洲

茶陵別張鶴樓

謫來萬里行將半恰到長沙話別離一水無端成舊夢千山雖隔是前期弔經賈
傅投文處吟想靈均誦橘時窮海只今何計免樂天一語更無疑

寤齋先生遺稿

四十九 仙居叢書

登瓜埠

三山擁翠赴瓜州回首江南思轉幽鄉國蒼茫雲樹遠客心縹緲海門秋棹船萬
舸因風進燈火千家傍水浮張翰扁舟何用早難將密意向人謀

贈鍾仁卿僉憲之廣東

送君南去意悠悠把酒翻令感舊遊五嶺雲山天萬里二禺猿鶴月三秋坐觀周
易梅花發行倚吳鉤海疆收亂後民岳那可問好將膏雨慰宵憂

陳定甫寄懷用韻

雁宕天台咫尺間山中桂樹若爲攀幾回見月生歸夢萬里臨風老舊顏此日望
朝多雨露荷君高誼是金蘭慰心賴有飛鴻在每遇春來一往還

登錢塘江敵樓

吳胥怒捲大江流風雨蕭颯滿戍樓一片鷗夷沉霸略萬人弓弩射潮頭布帆初
下寒山暮畫角高傳千夜秋客子憑臨情歷亂西冷烟樹望中收

景鳳巖

十載已成巖穴士尋遊到此若爲驚雲中似啓朝陽戶嶺上猶傳景鳳名魏闕難
忘牟子意華陽偏稱隱君情坐來回向心俱寂碧水泠泠一鏡明

水簾

飛泉一道散天漿秋日來尋興獨長古樹逗雲迷怪壑迴風拖雨落空牀祇疑騎
鹿來匡阜還是尋花到石梁二十年前遊息處良朋此日笑攜觴

寤齋先生遺稿

五十 仙居叢書

•

懸

榻

齋

集



前序

懸榻齋集乃予高王父副使公手著也閱於今四世矣曩
遭兵燹藏板成灰顧當日書行郡邑士大夫家多有之而
子孫視之不甚貴重嗚呼是誰之過歟予生晚近五歲失
怙性頗好誦讀凡薦紳先生諸名集每購藏之而於是集
尤所欲得蓋以先人手澤所留為子孫者不可不備收之
以昭世德示來茲也比年來出入城邑中時以輯遺諮訪
舊歲偶從友人篋中搜獲二卷今歲復搜獲二卷編成四
卷時當碧梧飄落蕭瑟初秋展卷蓬窗儼如對先人於几
席至其古文詞之雋潔聲詩之流逸閱者自能言之予固
不必為之置喙也因附記數言俾後之子孫守是書者知

懸上 序

所珍焉

康熙四十一年歲在壬午孟秋穀旦元孫文振頓首謹識
後序

先太祖副使公懸榻齋集伯祖孝廉儒望公補亡輯遺搜
尋於風霜兵燹僅存四卷較所自訂不過什一之於千百
耳不謂紅羊換劫滄桑屢更先籍所留散亡復盡此則子
孫之過而無所辭咎者也 祥不揣固陋與諸兄弟念菴日
如西垣鈞石石渠等旁搜博採彙成一帙昭示來許庶幾
凡我子姓之覽斯集者知先太祖之政事文章其不朽也
如是又不幸而散失也如是又幸而遺佚未盡以待子小
子與諸昆仲鼎力而集成之也如是是則 祥今日之苦心

也乎

同治八年歲在己巳秋九月上浣九世裔孫錫祥稽首謹
識

明李模東莞縣志本傳

陳履字德基本名天澤弱冠有文譽為邑令孫學古所識
登隆慶辛未進士授蒲圻令移繁休宜宜俗靡輕俠健訟
履以謹約化之踰年政通礦盜起浙邊邑至相戒毋闖入
陳君界夏旱禱雨於齊雲山陸行三十里時赤日焦灼須
輿兩大注民以為謠丁父憂民哀號若失襁褓羣送至境
外踰制補浙江崇德令當兩浙孔道供億竭出崇民疲於
征斂履首別要緩立為限程咸便之臺例御史按部當培

懸上 傳

二

擊諸大慙諸郡邑注耳日者輒同意以多舉為賢履曰豈
以民命媚人耶獨無所舉已而郡中上主名者細察非實
移文訟之旁近邑皆苦株連獨崇無恙遷蘇州府海防同
知民立祠監碑記德政與蒲休二邑同先是嘉靖間有倭
警遣兵船護大學士徐階里第歲久猶歸餉金供給兵食
履曰承平日久焉用守兵為相君賢吾不欲令有私役主
者猶依違履毅然堅持之徐聞果罷其徭致書謝焉遷戶
部郎中監兌浙江歲大祲加意軫恤復上疏言浙民方嗷
嗷救死恐不暇臣願被後期罪不忍督促之使速填溝壑
傷陛下好生心疏聞詔寬其程督儲蘇州課績第一詔賜
金擢廣西副使備兵蒼梧以病致仕歸杜門謝客與郡數

人結社浮邱日以吟咏爲事著有懸榻齋集卒之日崇

祀休室名宦

國朝阮元廣東通志本傳

陳履本名天澤字德基嘉靖戊午鄉薦登隆慶辛未進士

郭初任蒲圻調休室丁父憂起補崇德志爲政務長厚鎮

躁以靜養威以寬不爲苛察而政平訟理浙江通志遷蘇州同

知戶部郎中浙江大禮上疏言事擢廣西副使之歸結社

浮邱有懸榻集祀休室名宦孫文振康熙五十二年鄉薦

金曾孫彥明康熙八年鄉薦東莞志

懸上

傳

三

懸榻齋詩集卷上

東莞陳履定菴著

四言詩

和陶停雲四章懷吳中友人

行道遲遲以風以雨瞻言吳門千里修阻搖搖扁舟孤篷

獨撫臨風懷人終夕延佇

滄江之上煙樹空濛雲間幽谷月湛澄江中有美人寄傲

南窗我之來兮願言爾從

池草春綠庭樹秋榮嗟我美人有媚余情爰戒方舟速速

于征期對尊酒話我平生

蟬鳴噦噦自彼林柯殘暑將退涼風漸和思我友生寤懷

孔多倏爾相見歡如之何

懸上

四言

四

貳吳再葺憂在鯨曠今踐故秩兢惕中懷和榮木四

章庸自策勵云爾

瞻彼日月奄忽如茲皇皇四方行將安之伊昔在吳曾幾

何時于斯來復中心慙而

惟澗有松不移其根惟谷有蘭幽芳自存藐予孤蹤依依

吳門依依何爲俗美且敦

伊昔百僚無如余陋古亦有言用人惟舊五斗非貧聞善

斯富夜寐夙興與社此內疚

疾行多躡高居或墜靜言念之奈何不畏但自策蹇敢日

希驥我聞跛鼈千里可至

和勸農六章 有序

余再拜命貳吳式司水利鯨曠之懼軫於中懷幸
晤宗伯韓公示之梗概謂夫水利之事淪川固防
二者而已上不勞民無以興事民苟便已功是用
賻惟鼓舞作興官一其令通力合作民忘其勞斯
克濟矣余有味其言爰和陶勸農六章以述其意
用示庶老傳諭三農

天職生物地職養人裁成輔相職為聖真茲曰三才一理
所因地平天成我思古人
晦晦高原宜爾黍稷瞻此澤國嘉稻斯殖惟水利農亦以
害穡水患既蠲民乃可食

懸上

四言

五

余起海濱跋涉川陸帝命來吳令佐熙穆官守不恪焉道

斥逐是用虛懷詢于耆宿

衆靡憚勞勞暫逸久聯爾比鄰結爾同耦固爾堤防易爾
田畝謀則協心作則胼手

農夫望歲冀勿空匱無鯨厥官時余所冀百川告馴災害
不至庶免素餐社我中媿

莫匪王事農務奚鄙宗伯碩人實迪余履通力合作先農
遺軌爾衆聽之嘉言洵美

何氏弟衷遠宦滇南矢言送之爰念祖德和贈長沙

公族祖四章

思我與子二姓匪疏異流同源曷求其初祖德長存不與
世徂睠言念之對子躊躇

爾祖肯構同心有堂甥館伊誰陳琳孔璋歎息代遷春雨
秋霜覲爾好修門闕彌光
清時筮仕喜與子同所嗟歧路自此西東子趨泔海吾往
平江不有塞鴻芳訊孰通

別且萬里贈子何言仕比涉川學如登山仕學相須今古
同然共期努力毋忝厥先

和酬丁柴桑二章贈臨清周貳守幹周名家子也以
貢入仕而為卑官余欲廣其志和是詩贈之

行道悠悠曷維其止名家之駒行必千里爾馳驅愛自
茲始

懸上

四言

六

王道蕩蕩古今所由上曷以喜下曷以憂憂樂同民政是

用休惟此魯邦愜君壯遊

和答龐參軍六章寄贈劉楚相子敦

憶昔海陽我勤簿書君至自楚我心則娛茹蘗示操哦松
名居矯矯玉珂人中衡廬

君本世胄才為世珍匪矯匪傲温其可親吐英露華裨余
劣人赫赫賢聲明作照鄰

相助為理夙夜孜孜我有闕遺君則補之彼此和衷播于
聲詩聲詩云何無邪爾思

余邁閔凶條與子分掩涕相送戚然不欣迢迢粵樹英英
楚雲貽我簡書塞鴻時聞

君既宰邑單父琴鳴膏澤斯降甘霖載零今古循良莫之

與京傾耳絃歌子心則空

長沙賈傅我聞其風誰則為之絳灌在中赫赫楚藩好賢
有終君德無瑕宜裨王躬

章
寂居薊門歲聿云暮爰覩栢鳥悵然興懷和歸鳥四

嗟嗟倦鳥夕投風林豈無故栖遠隔雲岑欲求友聲孰明
其心聊爾鼓翼息此叢陰

嗟嗟倦鳥載鳴載飛雲霄既遐霜林焉依願瞻南枝矢言
造歸求匹時雛庶幾靡遺

嗟嗟倦鳥從風徘徊無心高翔願言卑栖安得舊侶同聲
和諧爰止邱隅愜哉夙懷

懸上

四言

七

嗟嗟倦鳥集于霜條伊昔春明園列榮標振羽翩翩鳴聲
交交今如之何奮翼為勞

齊地久旱途有遷民膏雨既沾草木欣暢和時運四
章以諭遷者

天降時雨亦既崇朝彼黍油油秀色盈郊為爾百室稽首
玄霄願言自今載膏爾苗

國野欲枯一雨如濯欣欣農人婦子相矚憂懷以蠲生計
聊足庶幾有秋室家胥樂

河流蕩蕩沛如清沂雨澤沾足田園應歸爾舟造返爾鋤
亟揮毋遠鄉土悔不可追

蒼蒼有生樂在園廬天時暫愆爾行焉如一失桑梓杳如

蓬壺吾言匪啗爾則聽余

五言古

古意

少小出香閨與君初結褵願言永歡好竊比連理枝忽君
有行役頃刻成分離掩涕以相送目斷天一涯屈指君去
後流光迅如馳春花幾榮謝秋月幾盈虧君行杳何處寂
寞無音徽看彼參與商惻惻空長悲

夏日憶家園

大火未西流暑氣苦蒸澁狂風捲長衢浮埃莽相襲迴馬
避高貴奔馳似湍急咫尺無旁徑望門屏息立垂縵蔽全
面鬚眉盡沾濕俛俛隨隸人辰出申乃入翻憶故園居蕭

懸上

五言

八

然遠城邑綠樹蔭可依清池淨堪挹任意漁與樵蠶塵杳
難及願言返初衣逍遙理蓑笠

登端門樓

端門峙前朝峩峩侵雲端班趨切瞻向可望不可攀首夏
當掃除白日開重闕我來候綸音咫尺適天顏言從薦紳
徒登躋縱奇觀崇墉一以陟窈窕循朱欄舉手摩青霄此
身若飛翰左窺闕宮嚴右覽皇社寬園丘屹南郊城闕連
西山俯瞰十二衢車馬填闐闐吁嗟皇居壯億載磐石安
願言崇令德念哉帝業艱

過嚴陵釣臺

客子有遊興乘春恣行邁扁舟下湘江凌晨訪嚴灘撫景

懷往蹤臨風動長慨爲想羊裘翁蛻迹人境外泉石中膏
盲軒冕等塵界故人御六龍弓旌遠相逮飛潛各有適出
處自殊態助理望徒勤蜚遜志逾介橫足動星象揮手謝
冠蓋清風寄一絲高名互千載日夕波濤狂踟躕慕英概

讀由拳集

美彼由拳令遠抱貫邱素操厥掩時彥振藻凌昔作研精
洞玄敷摛思彌碧落技進庖丁解巧入郢人斲遐想起四
溟雄氣忝五嶽文采赤城霞高潔青田鶴頃余溯上遊訂
子雲間約睠此白雲篇賦自青藜閱雙睫一流覽孤懷喜
以躍琳檄足療風甫詩可瘳瘵願言嗜雋永聊藉沃枯涸
肇祀重光卷爲陳冠儒題

懸上

五言

九

吾宗冠儒氏抱藝南海湄平生學孔顏事事余所師上念
先德隆水木與遐思肇祀修明禋甫田載營菑甫田日伊
何乃在宜州陽夙世播穫勤春秋奉蒸嘗中葉條遵屯膏
腴日云荒念哉慈孫懷惻惻含辛傷辛傷何以爲日夕構
良圖經營理舊疆錢鏞夷榛蕪率彼弟與昆竭力南畝趨
吁嗟肯獲心今世誰與俱肯獲何所希所希黍稷馨黍稷
何以馨藉之羞神明瞻彼南坑田平秩今西成慙勳示來
昆千秋奉梁盛

送黃公補之任縉雲和陶與殷晉安別韻

逢君金臺下意氣各殷勤喜見芝蘭色更藉粉榆親高才
迥無侶明德故有鄰睽違悵經時靚晤欣茲晨何故正簪

盍候矣復萍分君行括蒼去載道生陽春懸知橋門外多
士集如雲聖眞爾深造道範衆所因羨此絳帳榮肯厭青
氈貧低回媿俗吏磬折日隨人

和怨詩楚調

浮生渺無際宦海何茫然一仕更兩朝三令垂十年半刺
再入吳况復逢時偏向歲戶兵防此日司農田姓字挂府
僚蹤跡靡郊廛執掌廢晨餐焦思耿宵眠世情逐湍改事
變與時遷傷今既非古看後益如前輝輝石湖乃漠漠洞
庭煙願言從此去避位讓才賢

出都懷黎伯華選部

端笏辭燕闕搖旆指吳門去國一惆悵悠然銷旅魂更念
平生驪展轉增愁煩夙昔在交遊意氣俠乾坤共際風雲
會振翩厲高騫豈知中道離奄忽歲月奔頃來入燕市握
手叙寒暄升沈却有分身世共堪論且與歌白雪聊復倒
青尊感此殷勤意一一中心存須臾又長別羽翼各翩翩
願言慎自愛努力答明恩

讀張左虞伐檀集

張君負奇氣邁迹自吳趨早授孫吳畧壯棄終君縉搦管
爲詞章璨璨明月珠建安堪並駕大慙可齊驅清時信多
才屈指誰與俱胡爲困藍田使我心不愉雲編一以覽頓
足爲踟躕

胡杭州爾潛邀汎西湖遂歷三竺次陶遊斜川韻

懸上

五言

十

緊余苦行役浪迹曾未休偶愛風日佳擬作湖山遊舊侶
有好懷慷慨念同流開尊浮采鶴蕩槩隨輕鷗舟中望三
竺恍惚如丹邱遂挾尋幽興倘遇飛仙傳玄關一以入神
賞喜相酬良辰不再逢後會如此不且進掌中懷共掃心
上憂人世悠悠爾身外復何求

寄懷鄭民部思成兼以訂約次陶示周續之祖企謝

景夷三郎韻

與子一爲別中懷寡所欣爾耽故園樂誰念異鄉人流萍
日漂泊汎汎無依因已驚朱夏徂又見玄冬臻舉首望天
際鴻聲杳難聞憶昔當路歧把袂各殷勤爲言吳與越兩
地卽比鄰我有木蘭舟俟子太湖濱

懸上

五言

十一

道場山紀遊

吳興古名郡郭外青山繞羈客幽思生日夕喜瞻眺欣逢
二仙令興逐雲霞表佳辰戒方舟路入溪橋小弭楫升籃
輿飛蓋出林杪迢迢到上方下視塵界杳伏虎是何年禪
關闕靈耀高閣俯層巒把酒當夕照彷彿聞鶯聲誰作孫
登嘯長歌度翠微里曲慚郢調返棹明月中一色天水嫩
歸來意未消焚香待清曉

讀彥吉屢提齋稿有賦

鄒君挺南服藝苑早騰茂心與梁溪澄神並惠山秀朗照
爛玄扃藻思洩靈寶腹笥盈珠璣毫端綉文繡猥余嶺南
子謏謏誠固陋多年獨瞻向此日相邂逅旣欣耦仙侶復

喜共春晝載酒時過從試效洪鐘叩名言捷響咎遂義密
鱗鱗忽忽合擣懷沾沾嗜蘭臭伊昔吹律人後身是君否
奚期當末路乃得遂奇造君情最瀟灑會不厭狂謬檢點
白雲編怡然向余授焚香坐披翫光采生戶牖古色遠山
碧清韻寒泉溜依稀金石鳴恍惚絲竹奏傲驚鸞鳳翔條
駭蛟龍吼邪論離蟲技堪誇斲輪手爾時風雅振中原富
才藪彬彬作者流翩翩騁馳驟爭云駕曹劉竟謂隸韋柳
價卽連城瑜享必千金帚蒼素隨所珍雌黃在人口上下
百餘年衡鑑竟誰究惟君卓高蹤迥矣邁夷醜鼎立王李
間未判孰先後豈但稱真儔便可垂不朽實此勝璠璣何
以報瓊玖願言挹詞波自把塵臆漱

懸上

五言

十三

題魯藩三瑞詩代作

聖祖御寰宇神謀注苗裔分茅列禹甸設屏等周制魯服
連岱宗京邑此藩衛慈孫姬且儔熙連唐虞際夙夜思靖
共夕惕不忘鴈樹德惟務滋恍若農望歲遂令明德馨上
與玄昊契一朝荷天休三瑞呈聖世青青芝草榮靈根綴
瑤砌金光炫雲霞翠色掩蘭蕙嘉禾紛盈圃會不假樹藝
穰穰三穗歧穎粟且復戾喬松上千霄宛作虬龍勢英枝
自成巢天巧奪人製嗟此希世奇今古曷與儷無論梁園
竹宜數淮南桂猥余擣散材旬宣向尸位晝接乘燕閒時
得侍遊憩慚無小山賦忝竊移生醴別來幾經春歎息光
景逝君侯無還心千里遠馳惠緘情自東充飛翰臨北薊

披圖一以翫天宇頓澄霽稽首擬掄揚詞媿蕪穢願言
毋貳心於以答上帝一派衍天潢億載垂帶礪

舟之鹽官阻風雨懷鄒彥吉却寄

狂飈海上來停舟泊江渚借問馮夷居胡然故余阻憐爾
羈路人悵別同心侶盍謂長年者返席隨風去再入芝蘭
室日夕相與處嗟嗟此行役王事尚靡鹽臨風獨踟躕淚
下迸如雨緘情付江魚脈脈不得語

鹽官襍詩

傳聞瀛海上真境有丹邱睠此百雉城乃在東海頭乾坤
互噓吸潮汐無時休憑高縱遐眺大化總悠悠

莊周玩濠梁孔子歎川上觸目見化機冥心會玄象我適

縣上

五言

三

東海遊逍遙息塵想時看海上鷗乘潮自來往

秦皇雄遠畧巡遊遍南垓駐蹕此山阿登封望蓬萊遣使
海中去冀與神仙來仙人杳何去怒濤空自哀

行水稱神禹四海以爲壑今此下民者却謂侮子虐驅石
障洪濤歲歲苦興作何時變桑田爲問東海若

寄懷陳喻二使君次陶答龐參軍韻

傾蓋逢時彥喜意信難言豈知須臾間分手自名園別來
清溪上長歌伐木篇停雲宛在目矯思尙依然流萍悲浪
迹合璧憶良緣蘭芬日云遠檣樓時自宣馳驅總王路仰
止只高山還期各努力珍重惜華年

懷項滌川文學元滄

當年同結綬寄跡海陽城相逢一傾蓋懽好如生平各無
世俗態同有古人情笑我簿書苦見君心目清春色橋門
裏看看桃李榮倏忽三年隔回首悵風萍

白嶽新都勝與君幾躋攀獨隨孤雁往同招五老還飛澗
挹清泉天門扣玄關揮手摩青冥恍覺非人寰別君一以
遠回望空長嘆緘情欲相寄何處問飛翰

秋日江行懷郝羨仲

秋色滿江湖長天散涼籟遊子有孤興扁舟此行邁采采
江上蘋願言貽所愛美人渺何許悵望青雲外

登吳城望湖亭

孤亭俯江堦彌望莽無際秀色攬匡廬澄光挹彭蠡振衣
展遐矚涼籟秋林起悵此白日光暗逐滄波駛長嘯復登

縣上

五言

古

舟擊楫中流逝

舟中望匡廬

廬山起東南今古擅奇况繫余嶺海狂疇昔秉微尙悠悠
日月徂未遂煙霞想中流一以望孤懷倍惆悵安得息塵
勞登臨寄清賞招我同心人俯首窺萬象

春日偕劉郡丞過徐藩參園亭遂辱留酌

郡齋稀吏事並駕出乘春散步入芳園清幽絕巖塵主人
雅多情呼童喜留賓開尊臨清漣振衣陟嶙峋梅塢香正
飄篁簞色方新登閣俯翠微怡然暢心神周覽景物佳更
對華筵珍清歌出蘭房曼聲邊行雲聞君恣窈窕妙舞起

續紛把臂罄交歡飛觴莫辭貧良辰不易逢勝賞可誰論
安得息塵勞日日來車輪

種竹

孤軒俯清池水光澹澄徹白日羣喧寂覺與塵境別因有
遠俗心頗亦慕修潔掃逕延此君幽盟一時結最喜來清
風豈但羨高節倘從二仲遊或與七賢接願停林外車共
酌杯中葉揮手謝寵榮勳名讓陶契

除舍

夙齡嗜泉壑逍遙寄懷抱結廬溪水湄門對青山好十年
吳楚遊不覺成潦倒故山一以遠衡門翳芳草今晨理三
徑煙霞滿蓬戶梧竹時自栽莓苔日躬掃所希遠市塵豈

懸上

五言

五

須問蓬島

七言古

燕臺春草賦贈袁仲子歸香山

君從南海來挾策遊長安立冠高切青雲麗綵筆翻飛白
雪寒鳳凰城下風光好難兄官貴多文藻遲日晴開棠棣
華輕煙靜覆池塘草池塘草色晚青青詞客時過謝氏庭
開尊明月出天上嬌歌一曲同君聽嬌歌宛轉腸應斷大
堤芳草相撩亂銀燈照眼酒易醒錦屏夜閃千花爛忽驚
雲物盡年華路上王孫苦憶家與君俱是天涯客相看莫
怪還相嗟此日春風迴北關黃金臺前草初發正好過從
散寂寥何事旌旗又南粵君歸一路春草芳到日春暉滿

北堂青霄棣萼遙相憶好音一寄雲天長人生亦是風萍
爾臨歧不用多愁思他年草色帝城春策馬看花待吾子

送梅德涵令縉雲

燕都冬日天氣寒載酒送君須盡權酒酣把袂起復歎人
生聚合良亦難憶昔春風三月勝錦綺花枝上林盛南宮
宴罷馬如雲金鞵玉勒紛相映分曹觀政列九卿衣冠臺
省相崢嶸我時與君屬廷尉日日入座西春亭西春亭中
足幽賞亭前老樹干霄上同遊兄弟皆俊英忘形爾汝消
塵想序經朱夏風雨多瞬息鴻雁秋天過弟兄漸漸解攜
去北轅南舵悲如何只今倏忽歲時晚送君此去旌麾遠
止留獨客任風塵寂寞琳宮徒偃蹇君不見萍生江湖中

懸上

七古

六

須與遇合千里同風波迴轉忽飄散依然蹤跡還西東人
生亦是風萍兩相逢何難別何易丈夫離合豈用愁勸君
且盡尊前醉卽看鳧鳥入括蒼仙都真境非尋常知君政
暇多奇覽憐余悵望海天長

送尹崑潤之漳州

寒冬雪滿黃金臺誰憐此日離尊開客中送客難爲別尊
前起舞獨徘徊憶昔看花正春早弟兄並駕長安道一時
意氣薄雲霄過逢把袂寬懷抱炎天風雨共棲遲倏忽秋
高鴻雁悲時光荏苒隨流水兄弟紛紛漸別離嗟君與我
多留滯歲晚淒涼苦羈思趨朝尙得兩相看索居更喜時
相慰只今見爾驅車行愁余落寞空含情驪歌一曲堪腸

斷臨歧杯酒盃辭傾君行直向梅關路過家春色應無數
開尊莫戀竹林權問海蒼生望霖雨

紫駟馬賦贈艾汝會秀才

紫駟馬非凡駒渥注神種骨相殊胡爲垂耳悴且癯燕昭
臺前集萬馬千夫雜逸顧者無吁嗟乎安得伯樂一顧傾
雙臚據鞍執策驅長途望之瞬息歷國都歸獻天子駟鑾
輿出服六轡入稔天閑芻毋令世人視爾爲凡駒

再酬艾汝會秀才

我居南海湄君住西江泚相去天一涯蹤跡渺難擬自從
挾策上皇州十年幾渡西江水西江水清且深雲間秀
出多峯岑往來維舟重凝眺山川雲物繫我心地靈自是

懸上

七古

七

應人傑仰止高山懷往哲祥麟威鳳滿郊原芳躅高蹤遠
相軼此地衣冠宋代強雄文傑出稱歐陽文山忠烈昭天
地至今日月爭輝光後來豪傑森森起賢名俱是標青史
金牛高蹈稱一峯玉鉉動庸羨東里近時羅鄒世羽儀儒
雅風流予所師只今羣公俱已矣吁嗟逸駕誰堪追吉州
此日信多上瑰奇見爾龍門子振藻人傳白雪聲班荆我
識青雲器羈棲俱在黃金臺日暮過逢把酒杯醉來時把
珠璣吐星辰錯落青天開憐君行年未四十深壑神龍正
方蟄匣中劍躍風雨鳴筆底詩成鬼神泣丈夫出處會有
時轉眼便是風雲期豈但文章埒斑馬直須事業等龍夔
自笑清狂何所有意氣相逢却非偶長篇贈我重南金高

誼看君齊北斗

送司朝武都尉歸惠州

燕州四月花可憐九衢柳色碧如煙風光滿眼堪遊樂何
事尊是別筵與君相識亦未久過逢客裏啣杯酒知君
事武更能文詞賦翰鈐兩兼有會持將印古循州又佩征
符漳海頭威名赫赫冠南斗古時衛霍君其儔英雄無那
多惟悴軀軻憐君未得意深山縛虎不見勞隣家捕鼠翻
爲累持書萬里叫帝閭九重溫旨白日光封章已下大司
馬義槩旋驚武選郎紙中功伐明如鏡吏議逡巡未能定
勸君且早還故鄉急爲吾邦掃梟獍人生世上貴立身莫
將龍護論屈伸崆峒挂弓丈夫事會看高閣圖麒麟

懸上

七古

六

老僕行

行路難漫天風雪春猶寒漕河挽舟日復日侵肌徹骨心
爲酸高檣長纜拽不上北望平堤倍惆悵千艘萬艦爭趨
先載道奔忙俱少壯獨憐老僕年最高衝寒不任終朝勞
冰消泥流沒雙腳腳板慘裂如嬰刀舟行百里日未暮寒
威栗烈中心怖人生苦樂會有期老懷難向青山訴行年
六十還有奇齒牙半落髮已稀主人厚恩恥不效效身犬
馬應忘疲獨羨舟中美年少庖廚不窺但坐嘯重襦複襪
日飽餐得侍君前恣窈窕吁嗟歲月不我留韶光暗逐黃
河流舊時鬢亂萬千輩此日相看俱白頭白頭皮肉那足
惜自入衰年少筋力少年好學挽舟行莫到老來行不得

楊白花

楊白花隨風舞巧穿簾輕入戶白晝狂風起如怒揚花飄
颺紛無數須臾雨作風力停翻逐縑塵落泥土

齊雲山中別萬伯武

宛陵佳客稱瑰奇早挾飛仙南海湄珠江穗石恣遊覽下
筆青天雲霧披寶安狂生喜傾蓋邂逅相逢即相愛交權
益復數平原意氣相將驅北海別來蹤跡幾經年翹首東
西路四千敬亭蒼蒼苑在目相思兩地隔風煙只今我作
新安吏宦邸過逢權莫比高齋三月坐春風門下橫經媿
豚子序入新秋爽氣多檐前佳色來松蘿與君共作登高
興白岳峯頭問浩歌白岳山中足幽趣雲窩每有仙人住

懸上

七古

七

餐霞跨鶴任逍遙杖身自來還自去人生富貴浮雲爾何
用營營戀青紫棲霞一榻儘幽閒與君且講參同契

舟中鼠

舟中鼠多如許白日橫行恣翔舞已張黠腹飮稻粱又逞
纖牙蠹衣縷向來出沒還有期跳梁尚在黃昏時沉蹤隱
跡向幽僻唯恐顯露令人知只今鼠膽大如虎不比尋常
狐與兔主人縱畜有犬貓犬貓見之不敢捕無分白日與
黃昏引隊呼羣長叫喧舟中依託尚如此城社潛藏那可
言

雙節詩

湘竹當年怨柏舟終古悲乾坤一同孤節何離離羅浮

嗟峨拂蒼靄下看精衛填南海化為飛雨天上來翻作劉
家婦姑淚姑年纔壯翁不存熒熒孤孀獨在門辛勤撫孤
擬成立誓言報翁在九原姑年長大喜有婦誰知身命隨
朝露眼枯血淚心肝摧婦生只為姑年暮一家姑婦兩淒
然哭聲斷續層雲邊拍舟湘竹事未泯淨嘆雙節堪流傳
嗟子感歎不能已激昂下淚裁新篇

清浦行貽屠長卿明府

長夏平江江水生乘驄使者下婁城中流鼓角闐雲起來
岸旌旗耀日明舟人指點雲間路極目迢迢煙樹澗湖
東去御湖連絲鷁凌風可飛渡郡中俗吏時相隨勝覽奇
觀意不違八月星槎那可擬五湖煙水却偏宜揚舫擊楫

懸上

七古

三

懽無賴放懷已在風塵外水底魚龍吐碧波天邊雲日舒
晴靄蓬窗兀坐思如何今古悠悠一瞬過陂稱僕射沫應
羨湖號郎官信足多郡吏此時憑遠興往昔清遊似堪並
欲取滄溟作酒盃渾忘消渴相如病詎知人事却難常恍
惚神靈已渺茫忽驚波浪兼天湧四顧霾雲迷日光縹緲
颺馳杳何處悵望樓船隔煙渚漂泊無端更問津日暮間
關入青浦青浦新開百里城透迤維堞晚雲平喜逢仙令
勞相問鳧鳥翩翩劍佩橫世路過從良不易邂逅交驩曾
有幾班荆傾蓋古人情此日逢君憐意氣對酒休論宦海
賒萍蹤梗跡向無涯與君且酌由拳月暫時分手莫咨嗟

嘉禾道中

語溪東去接橋李一望迢迢將百里問誰夜泛不知疲蹟
海狂生語溪吏自來此地兩春秋吏事不治空懷憂簿書
期會紛來往白日奔趨夕未休一葉輕舟駕雙棹逐電追
風期速到三老寒宵迥不眠羣夫踏盡嚴霜道石門咫尺
連息林同鄉高令時相尋不羨秋風乘博望宜誇雪夜下
山陰人生漂梗應難住明日行蹤定何處漢闕積薪那足
論莊園夢蝶聊堪語歸來且自酌流霞搔首蓬窗對月華
江湖吏隱儘快意三山何處訪仙家

壽高汝調明府

錦城詞客顏如玉元是名家千里足嶺海清狂落魄生相
逢宦路傾心目雲霄羽翼總堪憐煙水浮槎思渺然漂泊

懸上

七古

三

偶同塵外侶風流爭羨酒中仙去年並賞燕臺雪今年共
醉桐溪月身世悠悠任轉蓬休論萸萸知時節只今風日
正清和西望瑤池瑞氣多竹葉椒花遠相媚華堂歌舞興
如何雅遊亦有清蓮客意氣平生稱莫逆南飛一曲奏當
筵寫入丹青照瑤席庭前玉樹出風塵天上祥雲護大椿
世事滄桑宜足問但教長醉八千春

黃河篇

丙戌六月余過天津將趁舟入吳晤王元德觀察
石汝重農部移舟觴余鼓枻乘潮望於東海諦願
二君翩翩乎稱仙吏也余酒後爲作此篇

黃河水何渾渾渾崑崙道是黃河源千迴萬折入中土洪流

終古勢若奔我來天津望東海主人爲客移仙輪凌風欲
訪蓬萊勝撫景旋開河胡尊高談迥出形骸外眼中世態
安足言此時客子亦傾倒狂來自把長髯掀翻憐雌伏風
塵裏十年戢翼愁飛鴛人生行樂在適意且對美酒消憂
煩但看日日隨流水黃河誰見同崑崙

九日舟中獨酌醉後放歌懷海內諸子

九月九日古登高龍山酣酒桓温豪孟嘉落帽武疏放坐
中賓佐誰爲曹藐子狂生嶺南子濁世虛蒙挂牙齒仰舉
元龍知是誰疑我前身俊兄弟三秋搖旆出燕關萬里乘
槎犯斗還重九開尊醉篷底何須謝屐躋東山東山一臥
不復起當世風流今已矣且呼斗酒問青天往代英雄誰

懸上

七古

三

不死曾聞崔顥恣遨遊揮手題詩黃鶴樓謫仙自號青蓮
客一曲高歌鸚鵡洲高樓芳洲在何處黃鶴磯邊漢陽樹
二人遠去不可招使我思之淚如雨淚如雨分且復收今
人未少古人儔屠生少年起東海英氣勃勃凌高秋揮毫
盡掃青天色開口一吐黃河流更有新安老司馬入斗文
章壓華夏方郎眼中空一代肩視司馬非流亞冀東二美
迥不羣翩翩文采上凌雲藍田璧玉連城價延津寶劍七
星文嗟余嶺表多才美羅浮崔嵬靈臺南紀黎君橋梓歐博
士並奮鵬搏擊溟水旋憶宛陵梅鼎生歸然五嶽相崢嶸
靈蛇獨握一日驚陽春白雪時孤鳴馮生開之友君典傲
晚乾坤同偃蹇江淹彩筆頰入夢萬丈虹光碧空見更聞

士龍出雲間狹視海內卑塵寰二張吳下稱競爽隨風吐
玉聲珊珊柱史司勳最奇絕並建旗鼓齊登壇扶輿間氣
屬諸子吁嗟逸駕誰能攀執鞭長跪余下走安得佳辰一
一握手開心顏

靈巖篇

靈巖爲吳郡諸山之選世傳吳王遊樂僧智複眞
皆此乎在向余宦茲三年未嘗一至丁亥再補是
郡乃有治水之役再抵胥口遂登是巖與僧慧含
遍歷奇勝慨然有世代之感因作是篇

吳中勝蹟靈巖山奇峯秀出侵雲間夢遊幾載空髣髴聞
來此日窮躋攀山邊古峒至今在曾是西施此中醉吳王

懸上

七古

三

履跡翳莓苔僧智經壇鎖蒼翠松濤萬頃起高岑酒似琴
臺弦上音慈雲掩映墨池淨慧綆難探石井深伯圖只今
俱已矣眼前唯見箭經水狂來長嘯海天空安得憑虛訪
仙子

春夜集張幼于宅觀燈醉後放歌

吳中高士張壺梁雄才藻思世莫當生平好客擬鄭莊邀
歡折簡披琳瑯春風嘘暖回金閨大開綺席文起堂華燈
四壁燦燦光庭前還沓喧笙簧盤羞紛錯品異常尊尊湛
冽稱瓊漿梨園年少施紅粧霓裳一曲酒百觴主人情深
興復長不放閣後窮賓亡飛觴流筭類相將座客酩酊夜
未央佇看火樹照大荒須臾兔魄沉西方百年此會能幾

場當筵醉客孟辭狂

送潘侍御去華赴謫嶺南

君不見韓退之潮陽一貶八千里直諫惟知佛骨非雄軀
豈憚藍關死又不見唐子方朝來抗疏夕投荒豪吟慷慨
過灘浦不道英州是瘴鄉愛君憂國男兒事世路艱難那
復計田郎欲絕鄒生交忠誼相期固宜爾潘君纔着惠文
冠立朝丰采動臺端批鱗偶觸龍顏怒謫居猶荷主恩寬
此時嶺海地不惡君去何須愁索寞珠江秋水照人清塵
纓且向江頭濯粵王臺高古木蒼韓山瀆水遙相望退之
子方俱已矣至今山水留輝光知君到日航吟眺氣吸滄
溟噴南嶠登臺長嘯海天空臨風時把韓唐弔

懸上

七古

三

春日邀彥吉集煙雨樓漫賦

秀州城南煙水多當年此地頻經過同遊俱是高陽侶臨
風呼酒還悲歌湖上高樓鎖煙雨歲久荒涼已非故周遭
雨浦只菰蒲來往煙汀但鷗鷺此時遊客皆大驚一方勝
樂徒有名酒酣倚劍湖天暮唏噓感嘆空含情不堪歲月
隨流水世路萍蹤渺難擬鏡裏星霜十二秋眼中煙水三
千里今日重來覓舊遊更邀詞客同登樓雕窗洞豁霞光
入綺檻交疏翠色浮翠色霞光紛不了詞客憑虛騁吟眺
豪懷勃勃薄青霄共倚春風發長嘯人間世事多乘除向
時感慨今歡娛與君共進杯中物風光此後知何如

鵝鴿圖爲成觀察惟謙題

漁陽二月春風和齋居寂寞春愁多徘徊署裏看山色徒
倚庭前聞鳥歌獨喜同遊成伯子儒雅風流時莫比閑來
無事數過從錦帙瑤繩脫相示手持一卷稱最奇爲言新
得美人贈丹青妙筆出誰手呂紀前朝名畫師卷中只有
雙鶴鶴原頭戴飛還載鳴聯翩似解連枝樂願影疑航式
好情披圖玩賞不能已羽族靈心却如此低徊感物轉興
懷何況君家好兄弟君家兄弟友且賢平居友愛真無前
姜帷布被清宵煖田砌荆花麗日妍只今伯子躋華廡虎
節熊車鎮畿輔古今俊傑孰等倫文武憲邦周吉甫仲季
英標總不羣翩翩意氣上凌雲文明不忝丹山鳳衆鳥啾
啾那足云

懸上

七古

三

贈同年馮學憲元敏

馮君自是清時彥儒雅風流世希見開襟意氣薄層雲下
筆詞華捲飛電十年作賦奏長楊萬里傳經向羅甸陽春
逸調載征途白雪寒光照羣嶽文如諭蜀語偏奇事比遊
梁興非淺只今傳誦有青編披看字字皆黃絹建安作者
合推鋒大厯詞人應北面古來西北盛驂騑自昔東南多
竹箭雲間傑出有馮君空羣拔萃真何忝嗟余嶺海落魄
生自分才疏如襪線當年兩腋附風雲此日雙蓬嘆霜霰
人間浪跡亦何如世路浮名詎堪羨才高未合東山臥當
途會把雄文薦願君未返舊陽戈白日中天好酣戰

五言律

過十八灘和關曼貞韻

潭日諸灘急中流一棹孤經過多亂石入望盡平蕪嶂霧
晨猶合巖煙晝始無同遊有詞客尊酒喜相呼

江都道中和答潘伯登

泛泛江都棹河平水不流閒情添客路春色憶皇州未訪
瓊花勝聊攜寶劍遊知君有高抱期作濟川舟

歲甲子叛兵犯廣州師大潰將失律也慨然賦之以
紀其事

粵徼烽煙起炎威薄廣州霾雲迷海岸腥浪激河流賈豎
窺戎旆儒生俯敵樓更憐西北將持檄漫登舟
世步逢多難眞遺玉食憂連環當日計借箸幾人籌共覩

懸上

五律

三

車前轍誰從野外謀鯨波猶惡甚病客未銷愁

虎門煙浩渺山色望中昏殺氣兼天黑凶濤拍海渾鯨鯢
終被魄魘魅總遊魂痛絕三城外蕭條幾處村

閭閻聞撫寇儀帛出官庭却遣幕中吏翻從海上行元戎
空仗鉞岳伯漫專城撫事堪流涕臨風欲請纓

答梁二丈

扁舟北上日斗酒滿離筵別去關河遠歸來歲月遷自知
清世棄猶得故人憐鴻雁江干起音書凡幾傳
聞說高人宅蕭然枕海濱閑居能作賦適意或垂綸碩望
歸儒雅清時重隱淪鷗盟休浪狎早晚到蒲輪

陪袁省元飲彭都憲祠因謝綬甫

炎天新過雨爽氣動高城勝會衣冠集芳筵水陸并文章
推雅望閱閱重時名却笑窮交客空懷倚玉情

日至集陳誠甫宅

客裏逢長至名園綺席開為憐千里聚况有二難才且共
金尊醉從教玉漏催高齋懸榻在知不厭頻來

允傳叢蘭館燕集

蘭館依蓬島蕭然遠俗喧幽居疑蔣逕長嘯失蘇門意氣
頻看劍遭逢暫倒尊祇憐江上路悵別欲消魂

江上阻風貽同舟諸子

去國三春暮還家萬里程不堪孤棹客心折怒濤聲樹杪
浮雲暗天邊野燒明同遊能賦者相對總含情

懸上

五律

三

途次懷二丈

竹林方結社詞客日頻過笑我獨長往思君其奈何江流
秋暮急雲樹故山多鴻雁分飛處緘情寄薜蘿

送楊明府陟秋官郎

吾邦逢令宰為政擅風流共看彈琴暇深知製錦優鶴行
需早入鷁舫若為留翹首西曹月還應照海陬

憂時楊伯起化埋在澄源訓俗心殊切談經道自尊桑麻
森遍野桃李爛盈門忽奉輪音去離懷那可言

秋曹清切地茂宰循承恩會見鳴如扇應知照覆盆古人
不可作往事尚堪論漢室于公在當時自不冤

嶺海三秋暮燕山萬里遙仙槎移極浦飛鳥入中朝膏澤

南溟潤聲光北斗杓清狂無限意悵別忽魂銷

別何進伯表兄

別君瀕水上且與盡離觴此去鄉園隔誰憐道路長江流
秋浩浩城樹晚蒼蒼莫作驪駒曲行人易斷腸

別弟德本

酌酒英州道臨風淚滿裾南還難舍汝北去重愁予祇為
微名累翻令定省疏季方應念此晨夕奉與居

病

一臥經旬日蕭然兩鬢疏瘦腰憐沈約病肺歎相如客夢
懸孤枕鄉心遶舊廬况堪家萬里十月阻音書

病中得周式時書

爾去逢子病無因送遠行據牀憐一別折簡見多情日落
城烏靜風高塞雁鳴相思不可見空對月華明

送王欽父之歷城

吳鉤方出匣氣逼斗牛寒魯甸行將近燕臺別却難回書
憐雅意把酒盡餘懽此去彈琴暇新題付羽翰

靈濟宮夜坐

珠宮逢暑夜獨坐思無涯旅服方裁葛歸期已及瓜香銷
雲影散鐘靜斗杓斜搔首不能寐虛庭待月華

苦雨

客居逢陋室况值雨多時白晝書難展清宵榻屢移苔滋
行轉怯煙暝翳應遲天道陰晴會真真不可窺

懸上

五律

天

迎春用汪太學禹又元日貽韻

錦地回陽氣璇霄易歲星祥風來宇宙晴靄散郊垌花勝
爭相媚笙歌不暫停試從天際望山色總青青
迎氣東郊日觀風百里時繁華秦地俗谷與漢官儀到處
歡聲洽行邊淑景移昇平今有象吾亦慰吾私

陸華父山人將遊嶺南賦此為別

五嶺吾鄉土憐君賦遠遊吟囊饒楚佩行色動吳鉤不盡
還家夢仍添送客愁臨歧空悵望天際白雲流

贈毛應奎秀才

為愛青雲客丰標儼列仙過從憐逆旅談笑喜忘年下榻
情偏劇居囊事可傳來秋秣秣陵地看爾奮孤鶩

懸上

五律

无

贈唐山人

山人名傑孝廉東圖父也余高其行誼故有是贈
疏才慚作吏問俗有餘情喜聽與人頌因知長者名香山
稱逸老洛社羨耆英會見持衡者蒲輪早晚迎

寄懷杜臨清端叔

遙憶清源勝頻年此舊遊孤城連岱岳萬戶傍河流雜遝
通商地繁華似帝州慈仁逢杜母民力想全休

冬夜宿崇覺寺

長年疲道路此夕款山門定後除僧榻燈前具茗餐天空
餘雪色地僻斷塵喧明發驅車去幽懷那可論

過夏鎮懷王水部奎章

渺渺長河道飄飄病客遊吳航憐自往楚佩憶相投把酒
纔初夏歸帆又晚秋停雲遠鄂樹遙望不勝愁

過高郵弔秦少游

不知淮海上今古幾詞人一賦黃樓勝千秋白壁新高才
空磊落末路轉酸辛異代悲埋玉臨風涕泗頻

讀劉侍御集

清朝柱下史邱索獨鑽研書自山中著名從海內傳宣論
劉向博不數子雲玄為語詞林客休論月露篇

道中夜泛懷張幼于

詞客趨吳會輕舟泛月行流雲無駐采鳴籟有希聲縹緲
風塵色逍遙海岳情恍然懷逸侶欲結五湖盟

懸上

五律

三

寄汪禹又

與子一為別翻然憶舊遊停雲何裊裊過雁故悠悠蒲柳
驚秋暮芝蘭入夢幽閑居知有賦宜惜慰離愁

春日過徐氏園亭觀梅

澤國春歸早芳園乍放梅偶緣幽興發為訪故人來疏影
橫侵席清香細入杯花神不厭客明日再登臺

舟過滄洲李若臨使君邀飲南川樓上

病客辭京國扁舟將入吳逢君話桑梓蘭宴近蓬壺對酒
懷偏劇登臨興不孤况看明月好莫惜盡歡娛

主人能愛客載酒一登樓地選滄洲勝人如赤壁遊疏林
蟬噪近曲檻月光浮不為王程促應拚十日留

鄭思成邀同胡爾潛劉介徵陳誠甫遊真覺寺得迎字

朱夏霖初霽青郊結侶行勝從雙樹得望入五雲平稍解
風塵色隨牽水石情鄭莊能愛客疏散媿逢迎

又遊張氏園得西字

清賞追河朔名園得郭西登臺蒼靄合徙席綠陰齊地僻
喧俱寂花深徑欲迷塵勞如暫息應此託幽棲

寒食偕鄭思成洪天章張獻可遊西山憩曾金吾子
聘別墅得城字

清遊那易得况復值春明喜逐青山約因尋白社盟煙霞
狂客思雞黍主人情歸路酣歌發聯鑣月滿城

懸上 五律

德清署中喜三廣文過談

高城環列嶂清署倚雲岑門少逢迎跡鄰多誦讀音看山
情共遠懸榻意難任忽接文儒話悠然見道心

喜郭生元實見過

秋盡清溪冷凌風鷁舫來頓教牢落意得藉笑談開爾解
三生話余憐二妙才過逢原不易歸棹詎應催

五雲道中和答徐湖州宗魯

邂逅逢仙侶言從楚澤來星文雙劍合雲液一尊開旅况
嗟園葵鄉心傍嶺梅憑君相慰藉清詠意悠哉

道遇鄭思成民部遂與聯舟入淮

漂泊風塵客何因散旅愁江城逢舊侶淮海伴清遊交誼

驅今古行蹤任去留浮生那足問天地一虛舟

偕思成遊焦山有作

勝地標浮玉巋然俯大江波光生殿閣樹色隱旛幢鳥聽
經聲下龍隨法鉢降塵勞慚未息回首悵飛鸞

五言排律

和答潘伯登

憶昔交歡日風雲際北征樗材慙獨陋瓊樹借餘清近說
揚雄宅遙遙陸賈城川原頻入望歲月轉堪驚未覩河東
賦先傳鄒下名長篇渾古調短律謝新聲憂世心逾壯逢
人意盡傾襟懷羅大塊夢寐謁承明儒雅真時彥才猷信
國英况當側席日不用請纓行多病嗟遲暮何心羨寵榮

懸上 五律

三

祇應披敝褐聊爾逐華旌萬里隨羈路三春上帝京看君
承燕對為悉海濱情

贈龐少南中丞

聖主龍飛日宵衣簡重臣人情賢夢卜天詔煥絲綸秩亞
三台望符兼五路巡霓旌搖岱岳鷁舫下淮津廟論修攘
重君恩寵眷頻十年馳馬貴此日畫熊新漢績平羗著齊
功煇海臻伯圖聊可述帝烈未全湮卓爾匡時畧居然邁
古人會須饒國計於以答皇恩恰起朝紳頌長酬海宇春
卽看未央側高閣繪麒麟

廣陵訪歐博士楨伯

煙水長芙蓉蕪城五月初為憐羈旅客來訪廣文居問字

懷偏切論文與有餘三年殊契濶一見重躊躇地僻堪留
客官閑可著書吟軒饒首落講肆落鱸魚宦業休論薄時
名信不虛芝蘭爭秀發桃李自扶疏行跡漸梗歸心憶
做廬漫將字落意聊向故人攄春殿開金馬天門做石渠
懸知漢家詔早晚召嚴徐

七言律

寄懷譚一丈遷居省中

平生意氣重相憐末路風塵思渺然世事紛紜宜避俗交
情寥落獨忘年海雲黯黯屯高塔城樹蒼蒼拂遠天遙憶
河橋酒家在幾回蕭酒醉花前

送龐侍御還京

懸上

三

樓船簫鼓動江干繡斧風霜九月寒曾觀朱輪埋洛下卽
看白簡動朝端傷心豺虎中原滿在眼烽烟百粵殘明到
虞廷承燕問可無封事報金鑾

清遠峽中寄潘伯登

扁舟蕩槳出長峽峽口寒江清可憐夾岸峯巒開暝色上
方鐘鼓散晴煙同遊漫憶清秋約悵別惟應盡日眠潘岳
閑居能作賦相思宦少尺書傳

小金山謁東坡祠

金鰲山上妙高臺僊客行祠傍水開此日炎方留勝跡當
年清禁羨奇才雲深古刹禪鐘靜月上疏林老鶴回幾度
臨風薦蘋藻不堪瞻眺重徘徊

憑虛閣晚眺

峻嶒高閣接禪林閣前古木何蕭森秋風已燥郊野色落
日時聞鐘磬音載酒可能忘夙病逢人偏得稱閑心休論
六代豪華事回首江山自古今

中秋鷄鳴寺獨坐

疏星淡月秣陵秋獨客愴然動遠愁萬里音書懸北雁孤
山風物異南樓光搖石室涼應透影落銀河淨欲流是處
旅魂驚不定清砧送夜送聲幽

送歐楨伯赴江都

十年交誼薄高秋羨爾文光逼斗牛操瑟未須論往事彈
冠偏喜作清遊舟經彭蠡祥鸞動劍過豐城瑞氣浮明訪

懸上

三

瓊花知有賦新編應寄粵江頭

懷譚祁李三山人

譚永明祁子
羨李子春也

羊城幾度重經過得意三休意若何貫酒鄰家聊共醉論
詩客坐漫高歌人情漠漠交遊少世事悠悠感慨多別後
空山憐獨臥夜深看月上藤蘿

譚永明歸自白雲詠之

落葉飄蕭秋氣深入山知爾散塵襟風來谷口應長嘯月
上峰頭能幾吟萬事無情空感慨百年多病負登臨遙看
山外浮雲盡那得憑君語此心

和答黎君華

挾策言從帝里遊風塵回首任偏舟天涯可奈王孫草驛

路空憐季子，裴望裏浮雲。春漠漠，吟邊芳草晚，悠悠相過。不盡論文意，漫對青尊一破愁。

塵外樓燕集得微字

高樓一上思依依，笑倚瓊枝願不違。懸榻可堪憐寂寞，開尊偏喜對芳菲。風生睥睨煙光淡，雨過階除暑氣微。爲問登臨能賦者，座中誰似謝玄暉。

送王殷良張于皋入閩訪李明府

章江煙水碧盈盈，日暮孤帆復遠征。南浦寒雲生短劍，西山疏雨濕危旌。關河不盡乘槎興，歧路空憐送客情。爾去裁詩逢李白，幔亭風月對秋清。

懷梁白樓

懸上

七律

美

依微雲樹渺江濱，憶爾梁鴻獨隱淪。放浪煙霞雙短鬢，徜徉天地一閒身。卽看蘭萼先春發，更有梅花照眼新。白社風流詞客在，那能不共醉芳辰。

得歐楨伯書

三年曾訪廣文居，別後停雲悵有餘。愁病重懸千里夢，殷勤偏喜一緘書。定知講肄經生滿，却奈詩壇左席虛。聞道漢庭念幽側，石渠何日召相如。

送梁彥國讞獄江南

郭生臺下草初繁，使者啣恩出帝閭。九陌春風看握節，三吳夜月待開尊。名驅梁苑詞應富，世有于公獄不冤。此去書遊桑梓近，爲言閭巷可高門。

送康彥錫還蜀

漢家僊令集長安，舊侶過逢尚鶻冠。忽漫開尊來暮雨，殷勤把袂散春寒。相將且盡燕歌壯，此去無論蜀道難。聖主只今頻側席，清班遲爾接鸞鸞。

陳司徒洛南先生召賞杏花得東字

上卿居接帝城東，綺席晨開映杏紅。總爲門闌添喜色，况多冠佩集芳叢。休論梅蕊分春早，合擬葵心向日中。從此名林成勝賞，懸知觴詠興無窮。同年黎君華先生壻故句內及之

穆皇帝哀輓一首

去年丹陛謁龍顏，清問新承霄漢間。正擬神謨綿寶曆，詎知仙馭棄塵寰。朝看主鼎心殊赤，野抱遺弓淚獨斑。從此

懸上

七律

美

居宸何處覲千秋，松柏鬱西山。

端午述懷

去歲茲辰在帝都，琳宮綠酒送清蒲。舊遊忽憶天涯遠，佳節重驚客裏徂。多病經時勞案牘，扁舟何日問江湖。低徊寂寞空懷古，擬弔靈均思轉孤。

送郭舜舉之京

濟時須仗出羣才，君去仍登郭隗臺。夜月共懸雙劍合，春風空悵片帆開。師門想見傳經立，帝座還看補衮回。多病故人今落魄，不堪相送重徘徊。

秋日懷趙內翰汝師

迴瞻北斗羨名流，浪跡天涯悵遠遊。江上芙蓉驚欲暮，山

中桂樹恰逢秋焚香想見丹心炯夢筆懸知藻思幽客裏
相思無那病况因搖落不勝愁

送杜大中之京

春風花滿闔廬城羨爾乘春恣遠行雙劍斗間詞客色一
尊江上故人情凌風彩鶴傷心急在握驪珠照眼明聞說
漢庭需茂異懸知三禮賦還成

次韻答皇甫司勳子循

清朝詞賦舊名家腹笥爭傳富五車海內聲華懸綵筆山
中眞訣秘丹砂疏狂自悵過從晚老大猶將意氣誇朝市
豪華君莫問且耽初服嘯煙霞

漳河道中懷梅禹金

當年白岳伴清遊江石臺空一葦浮縹渺臨風聞郢曲殷
勤歧路看吳鉤衰遲自笑潘郎病搖落誰憐宋玉愁東望
宛陵煙樹晚揚求知爾氣橫秋

九日舟中懷郭舜舉司馬

淡淡長空過雁遲楚天寒色入江離不堪歸客孤舟晚又
值深秋九月期黃菊未逢知已醉青山空繫故園思憐君
此際登高處手把茱萸可贈誰

渡淮懷揚肖韓明府

海上清明散羽翰天邊白日逐飛湍狂蹤自笑孤蓬轉俠
氣空餘寶劍寒遠水芙蓉風裊裊高秋桂樹露溥溥不堪
惆悵類回首北斗清光夜夜看

留別馬水部德徵

扁舟落日下任城仙署過從玉樹明喜有尊罍如北海更
多詞賦似南京衰遲未少登臨興提別難忘繼絕情去去
河橋重回首愁看中夜斗牛橫

懷勞比部惟敏

曾憶離尊對夕暉臨歧無那思依依別來落葉飄丹壑望
裏寒雲滿翠微孤夢每懸歸路遠浪遊偏與故人違洞庭
煙水秋應好幾欲憑君問釣磯

懷丁觀察見心

清朝持斧自雄才卻借琴帷蜀道回萬里山川看握節十
年霄漢望登臺天涯落日雙蓬鬢江上秋風幾酒杯爲憶

芙蓉花下醉思君無那重徘徊

懷顧給諫惟睿

紫禁黃扉一近臣歸來休沐倏經春斗間曾識豐城劍眼
底宜知漢閣薪回首爾應依日月逢人吾自任風塵青尊
忽憶新秋醉夜夜相思入夢頻

懷姚太守熙載

仙郎年歲握靈蛇文藻翩翩散綵霞五馬忽看乘曉月一
尊似喜對秋花征帆漢水天河遠歸路楓林日馭斜世事
悠悠君莫訝乘風吾欲問胡麻

懷萬伯武兼簡沈君典

扁舟落日渺愁予煙樹蒼蒼萬里餘藻思早看懸夢筆芳

年猶自恨公車芙蓉江上秋將晚鴻雁天邊影漸疏爲問
青雲舊仙侶肯將詞賦薦相如

登太白酒樓懷袁茂文學憲

千載風流餘此地十年漂泊記登樓重來忽漫乘孤興一
眺分明動舊愁浮蟻幾回添旅况騎鯨何處恣仙遊憑高
不盡清狂意更欲題詩最上頭

故人交誼自平生意氣翻翻北斗橫忽散當年遊樂事翻
縈兩地別離情吳江日暮丹楓冷粵嶠秋高八桂榮安得
天涯重把袂持杯問月話前盟

天畔遨遊憶往年謫仙樓上弔青蓮驚心清賞蓮成夢在
耳立談半入禪霜鬢蕭疏空歲月玉人迢遞香風煙論文

縣上

七律

元

尊酒知何日愁絕清霄北斗懸

讀馬水部德微泰山諸詩感賦二首次李季宣韻有
序

余遐處海濱神遊泰岱顧塵勞未息幽想徒懸邈
近崑山馬君譚厥名勝不覺驅殼欲生羽翰既出
登覽諸篇爛然示我金光瑤草宛在目前悵仙侶
之難從慨陽春之寡和爰次璧韻續貂季宣緘寓
長風用代抵掌

岱岳巖巖紫翠重秦皇雄畧此登封憐君製就天孫錦挂
杖閒尋玉女峯海底金烏中夜見雲邊青鳥幾時逢清遊
恨與塵緣隔心折任城日暮鐘

使君俠氣自凌雲一上名山思不羣縹緲金光雲外見依
微天樂日邊聞陽春曲罷逢仙侶太一篇成謁帝君祇恐
豪遊難久擅清時將有薦雄文

和答梅禹金

望望蒼洲水竹居問奇遙憶子雲廬山中叢桂堪招隱江
上雙魚幾寄書牢落風塵空感慨清遊消息定何如石湖
煙樹俱無恙擬掃松陰待小車

和答張景宜孝廉

澤國秋高白雁來故人懷抱此時開爲憐八月乘槎客更
有三都作賦才寄隱且仍裘馬地留題應滿鳳凰臺不堪
歧路頻回首愁絕西風畫角哀

縣上

七律

早

飲王觀察元德石汝重民部邀汎天津

十年踪跡歎飄蓬忽漫逢君意不窮海國棠陰千樹在天
津花雨一尊同談鋒坐捲黃河壯劍氣遙連北斗雄多病
扁舟從此去秋風回首悵飛鴻

王觀察元德石汝重民部邀汎天津

中流簫鼓沸樓船海色蒼蒼接遠天覽勝也應忘潦倒濟
時真見屬才賢潮來爽氣生衣上日落斜暉到酒邊人世
過逢原不易臨風無那思依然

送口觀察茂初之閩

去歲茲辰客帝京憐君夜雨過南城論心共愛青尊滿照
眼偏驚白雪明別後重逢應似夢愁中相送若爲情閩山

此去無多路鴻雁秋來好寄聲

送郭生欽華入粵省觀

吳門煙水碧濛濛楓葉蘆花在眼中海上孤槎疑犯斗
匣間雙劍欲成虹為憐下榻逢徐孺共喜通家有孔融他日
趨庭如問訊元龍今已老江東

送王克從別駕董獻上服因訊都下舊遊諸子

吳門煙水接清秋仙客飄然賦遠遊星采夜隨青雀動波
光朝抱袞龍浮中朝爾自承新渥歧路誰堪縮別愁天上
故人如問訊江湖憂思總悠悠

視師吳淞遂從海艘趨劉家河

吳淞江外水連天獨客乘舟思渺然未向中流論砥柱且
懸上 七律 望

看橫海駕樓船春風劍倚青冥外午日尊開白浪前東望
蓬瀛應咫尺欲招黃鵠訪飛仙

西湖弔岳武穆

旌旗獨擁背鬼軍自許馳驅掃狄氛鐵騎功勞差可就金
牌消息不堪聞湖邊馬鬣迷芳草巖畔猿聲慘暮雲病客
經行頻涕淚欲寒芳芷薦清芬

輓曹仲宣祠部

祠官銜命自蓬萊共說翩翩子建才忽視郎星天上墮虛
傳使節日邊回楚山雲色經春黯淮海濤聲入夜哀欲擬
招魂無限意西風蕭瑟若為裁

輓程仲木

曾許才名北斗齊可堪揮淚夕陽西虞翻竹箭才空美伯
樂驂臨望轉迷但有遺書藏白岳從教高閣隱青藜京芻
未寄心先折愁絕山中宿草萋

輓皇甫司勳

司勳家業擅江東六代文章老益工正擬登壇盟上國詎
知騎尾馭長風雲鴻消息虛無裏海鶴精神想像中目斷
吳門堪涕淚憐才傷往古今同

梁思立譚永明梁公益偕宗弟忠甫出錢林氏水樓

賦別得中字

三城煙雨晝空濛共上江樓思不窮多病豈堪千里別故
人猶喜一尊同潮聲欲激虛簷外山色依稀杳靄中此後
懸上 七律 望

登臨饒樂事能忘湖海有孤篷

望九華山懷盧青陽君敘

壬癸之歲余蓋雨經九華遊興應發竟以上官期
會而罷為之悵然余友盧君令青陽九華五老乃
在其境懷人感事不覺馳神遂漫賦而寄之

九華山色鬱蒼蒼擬訪青蓮意未償異代風流憐寂寞千

秋詞賦有輝光臥遊自笑馳情遠坐嘯誰當引與長知爾
政成多暇日時時窗岫對壺觴

寄壽黎惟敬先生

鄉關松菊渺天涯望望停雲繫所思萬里冥鴻看縹緲三
秋松桂想巖巖山中合有丹砂訣海內爭傳白雪詞况是

干霄瓊樹在春暉今滿鳳凰池

人日張道修司理過集徐園得開字

澤園初看淑景回芳園偏喜集仙才共憐柏酒尊中滿况
有梅花雪後開塵世幾逢人日好賓筵今見客星來當歌
且盡歡娛興一任城頭玉漏催

將趨練祁觀河間直指使至中道而返

星槎宵向練城飛羽檄晨催彩鷁歸可是山陰乘興盡却
教河朔賞心違浮蹤到處隨漂泊歧路由來有是非安得
扁舟從此去五湖鷗鳥共忘機

過吳郡守園亭

闔廬城外水雲鄉刺史園開勝辟疆徑有黃花宜晚節林
懸二 七律

多青桂發秋芳蓼簾自覺紅塵遠把酒能消白日長聞說
近裁招隱賦抽簪應擬伴袁羊

和別王鳳洲先生

十載江湖望帝鄉詎期清暑趣爲郎宦情自付滄洲遠行
色誰分白雪光海內文章唯左馬山中巾屨幾袁羊近聞
天上夔龍會早晚需君綴雁行

和別徐太室先生

海曙樓高綠野深洞門修竹自陰陰煙霞晝掩春長在風
雨時聞龍一吟晚節黃花開滿徑高秋青桂喜成林芳尊
數倒歡無盡長別翻憐病客心

送胡爾潛出守杭州

栖遲郎署喜君同可奈浮蹤類轉蓬越徼春風隨五馬燕
臺夜月悵孤鴻折來楊柳愁應絕望入湖山思不窮那得
扁舟相逐去看君公事了湖中

送黎伯華參政江右

雨過郊原碧草萋霓旌遙指大江西山公風望中朝滿岳
伯高名北斗齊彭蠡濤聲秋夜壯匡廬晴色暮雲低知君
綵筆憑凌甚到日風煙恣品題

贈黃博士公紹

春日逢君語水邊匣中雄劍倚長天別來玄草秋應滿望
處青藜夜正燃燭武無能堪自笑休文多病可誰憐吳門
此去風塵隔惆悵層霄北斗懸

懸上 七律

送張希夔出守鳳翔

鳳翔自昔歧周地此日榮君五馬行雍時雲平看路冕褒
斜風靜駐霓旌憂時合有安邊畧覽勝能無弔古情爲問
秦中多俊彥只今誰並郭欽名

得王百穀書

秋風南雁下翩翩傳得梁園白雪篇握裏靈蛇堪借色管
中文豹未親全登樓作賦憐清况入署含香笑暮年屈指
重逢何處是春來期並泛湖船

春雪

東風拂拂送瑤華散入長安百萬家北極層陰看盡斂西
山積素望偏餘寒光倒映銀河淺清影輕搖玉樹斜聞有

仙郎歌郢曲梁園詞賦詎應誇

落花

閉心偏自愛芳菲底事林英片片飛
晝逐柔颺同蕩颺朝隨零露共霏微
空留疏影搖歌扇漫有餘香上舞衣
獨立東風無意緒憑將一曲送春歸

秋日陪曾孝廉明吾泛舟西湖晚過淨慈寺得栖字

湖堤草色晚萋萋仙侶移舟日欲西
千里客星隨劍佩一時詩句滿招提
遊邊且訂尋鷗約歸路從教信馬蹄
為聽雲林巢倦鳥可能無意覓幽栖

湖上送曾明吾之武夷

十年萍跡悵西東此日湖山覽眺同
合浦一珠懸夜色延

懸上

七律

罌

津雙劍倚秋空虛名總付浮雲外
別思偏繁落照中君到武夷窮九曲
新題宜惜寄飛鴻

昆山紀遊因奉潘印川先生

澤國晴曠散曉寒名園臨眺旅懷寬
堂開綠野紅塵隔路入丹崖紫氣蟠
林外溪流通沆漭臺前樹色倚巔岬
主人正繫蒼生望未擬東山臥謝安

若上山川何壯哉上卿池館此中開
松崖風起濤聲沸蘿徑煙消翠色來
泮水幾年勤禹稷名園何日集鄒枚
清狂遊興應無盡媿乏登高作賦才

臥病已經彌月選運大使姑蘇陸一鯨念余嘗仕其

郡數來問訊余心嘉其誼也病起因賦四韻示之

立冬臥病倏經春孤署蕭然斷四鄰
喜有舊遊從仕客頻來問饋見情親
淮陽向說思何武河內曾聞借寇恂
今古人心如一日却慚衰薄負殷勤

懷袁京兆文毅

春風曾憶倚瓊枝回首分攜在路歧
每見停雲添悵望幾回明月寄相思
栖遲自笑馮唐老蕭瑟誰堪宋玉悲
何日相逢邵公飲高談碣石盡襟期

周公化過集漁陽署中適紅藥盛開共酌花下得重

字

薊北春深翠紫重何來詞客此過從
元龍豪氣應無賴公瑾風流豈易逢
檻外柔颺迴野馬花邊香靄散遊蜂
浮生自爾須行樂況是當歌意未慵

懸上

七律

罌

聞邊報有感
甘泉烽火未消憂當食還誰借箸籌
可是築壇能拜將便將投筆待封侯
王師自古稱無敵元老于今幾壯猷
欲效請纓慚潦倒祇從清夜看吳鉤

送成中丞惟謙開府范陽

四牡駢駢向范陽中丞分陝肅戎行
旌旗盡帶雲霞色節鉞偏承日月光
星漢幾回悲雁序霜天此去見鷹揚
他年受簡應忘病擬拂清風入頌章

漁陽署中旅懷

搔首天涯旅思賒萍蹤無賴悵年華
雄心暗逐流雲渺倦

眼徐看落日斜迢遞關河稀過雁蕭條邊戍急悲笳故園
松菊今何似愁絕歸林樹樹鴉

送成參藩君迪之京

離亭尊酒映朝暉詞客彈冠出翠微雙劍頃從天際合孤
旌今向帝城飛雲霄鴻序原相待河渚鷗盟且暫違此後
縈懷何處是薊門煙樹思依依

春日懷高博士正甫

春風此日到橋門桃李參差日下蕃壁水晴光生講席青
藜夜色散詞垣官無俗累名應重學有心源道自尊兩地
相思慚委吏幾回搔首欲銷魂

哭祁羨仲

懸上

七律

望

慘淡霾雲暗大荒海天愁思總茫茫尋常俠氣還誰在生
死交期祇自傷歲月無情堪涕淚乾坤何處問行藏幾回
腸斷蒨溪路衰草寒煙共夕陽

哭德本弟

十年蹤跡故山遠萬里間關客路歸本爲看雲頻趣駕豈
知到日獨沾衣秋風鴻雁行中斷春草池塘夢乍非宦海
飄零吾已倦况堪衰病酌斜暉

清時遯跡寄樊邱卜築林塘幽更幽行樂爾今成鹿夢栖
遲誰與並菟裘高雲錦石空相映翠竹黃花祇自愁惆悵
原鶴杳何處淒風蕭颯咽松楸

方田議

世之籌邊者議至博矣未有議及為方田者今茲之議詳哉其言之也藉令此議遂行能底厥績則伏險於順寓兵於農嚴內華外夷之防為一勞永逸之算誠有如其言者然希濶之事未易卒圖安常之民難與慮始如果行此竊恐諱眾駭俗未免有之殊未見其便也何者方今田賦之制與三代不同三代田授於公今則民自為產茲欲倣井田之遺意畫地為溝勢必割民之田而後可也然捐棄已業誰樂從之是其所不便者一也民憚興作自昔而然即

懸下

使修城濬池猶以為病况令兩鎮諸路盡溝其田濶以三弓深以八尺此之為役民不以為厲已乎是其所不便者二也橋梁道路王政所先然亦過川為梁歲一修舉耳今取數千里之地處處溝之乃欲構木為橋以通車馬且令日施夜撤不恤其勞民方幾何何以堪此是其所不便者三也夫此三者皆自民言之耳至若不便於官則亦有甚焉者何則郡邑租賦軍國所需雖值凶荒猶難盡貸今欲成溝田之議作意誘民乃云工成者免其一切差役十年租賦信爾則十年之間所應賦於民以需軍國者將盡廢而勿徵乎抑姑以此啗民而尋食其言乎夫工成而稅賦不蠲是欺民也工成而果蠲之是病國也二者必居一於

此為有司者將何所決擇乎反覆思之誠未見其便也夫建議者主於行計事者酌其可各有當也方田之議似鑿鑿乎稱訂謨矣願以謫劣窺之竊有未協輒不自揣畧陳其愚惟在老成謀國者商之而已

與吳軍門書

履聞之治亂猶治絲也急之則焚防患猶防水也弛之則潰是故謀國者必善操縱之術馭民者必酌寬猛之宜恒以此也恭惟明公撫茲百粵恩威遠播海波不揚履與海濱之民樂觀昇平謳歌鼓舞其為慶幸實不容言矣奈何去年以來民情大變鳩集黨類造為舟船倡言盜珠公行無忌有司知而不一禁鄉里懼而不敢言遂至轉相效尤

懸下

不可勝計履當耳聞目擊深切隱憂蓋以此流盡皆無賴上昧國法下忘身家見利必爭遇捕必拒固其勢之所必至也當此之際處之為難若將憤其跳梁訓兵勦捕則恐鯨奔豕突四潰而不可收若以胡越相視付之罔聞則恐法度紀綱一頽而不復振私心計度誠不知其可也此者乃聞臺下獨運神謀傳檄島中開誠撫諭導其歸路畀之生全行見威命所宣靡如風草不煩片甲不費斗糧返赤子於潢池奠蒼生於衽席甚偉畧也非明公廟算之勝其誰能為雖然愚生之見竊以為此可以紓急於目前而未可以杜患於日後也昔人喻之詳矣火烈而人畏故鮮死焉水柔而人狎故多溺焉今日瀕海之民玩視法禁而不

之顧亦云狎矣苟求其故此豈有他哉蓋前歲之爲此者有不賞之獲而無詰責之及也所獲不賞則欲觀者衆詰責不及則嚴憚者希誰不相率而爲之乎誠使嗣今一於姑息則將來之患吾不知其所終矣昔者先王有赦過宥罪之仁亦有明罰敕法之義二者之用未始偏廢誠達權救變之道也伏願明公存心體國加意安民請於解網之餘大申跋扈之禁懲其尤者一二以警其餘斯蠶葉不至於復萌而制禦庶幾無失策矣履晚劣小生非達時務第憂在桑梓輒獻其愚伏惟明公留神圖之幸甚幸甚

五湖釣叟圖說

陳子曰予早臥南海夢涉方輿嘗欲爲五湖遊以蕩胸臆

懸下

三

壯度五嶺浮於江淮比入楚觀於沅湘意欣欣然自以爲適今遊吳有治水役每出胥口望於具區浩蕩汪洋茫乎無際見東西洞庭兩山於杳靄空濛間僅拳石耳間語僚友沈執甫氏以爲大觀執甫氏曰此吾先迹所自始也漁隱公遭世草昧潛於五湖富饒千艘而終自隱釣易稱嘉貞吉公其有焉南園公嗣世載德莫居嘉禾施于今齒日蕃庶吾幸與族子斗厠於縉紳皆漁隱公之貽也上念祖德若之何忘之抑人生萍梗耳聚散浮沈其何常之有吾獨羨乎釣者持竿垂綸處於五湖之間風濤不驚失時勿恤日與鷗鳥狎而爲羣寒始知冬煥始知夏一簑烟雨若將終身焉此真以天地爲蘧廬視古今爲旦夕者吾竊竊

然慕之矣因繪爲圖而以釣叟自號吾子其謂之何陳子曰君其達人歟澹於期榮旨於取適非與化齊一其誰能爲雖然古之釣者衆矣予得二人焉渭水桐江並足千古豈以出處爲貴陸耶君之道義文章爲時師表公輔之望海內方且引領屬之則五湖釣絲施於握鉉持衡之後其庶幾乎執甫笑曰子之言然第五湖風月久俟我矣陳子乃披圖閱之因次其語而爲之說

五山記

祁子羨仲交於予二十餘年意氣孚合庶幾若蘭臭云祁子負遠志飄然欲爲五嶽遊興至輒信所如期在適意常往還羅浮西樵山中又常泛虎門登武鎮山跡余襄公侯

懸下

四

湖處觀海焉歲壬申遊武夷廬以歸所爲詩若文駸駸乎詣古雅矣時予至自燕祁子爲予言二山遊甚詳嗟乎壯遊哉亡何予入楚爲縣官祁子過執手曰退哉別請以言贈君君其爲我伯氏記五山也旣行亟不暇乃於峽江舟中記之

記曰五山氏祁方伯巽川公之族也巽川公兄弟父子以科名宦業雄中朝故祁氏嶺海稱世家云五山生長其族能自抑損幼業舉子爲文章非其好也久之棄去與農夫漁父徜徉溪谷間意陶然得也披輿圖見所載五嶽之勝嘆曰大丈夫顧事一室乎因自號五山謂山最五嶽云耳嗟夫世之爲男子豈少哉乃其下者米鹽瑣屑終其身不

復知名勝可樂至達官貴人日逐榮寵與車塵馬足相役
役也卽高岱衡華日經於前而目不暇瞬矧身處邱樊之
中心運震宇之外如五山者可易得乎五山故多佳抱又
羨仲爲之弟則伯仲間議論低昂劑量與廢將羅今古有
之矣獨五嶽乎聞之五山之祖蘭窓公倫太史以善人稱
之若父不愆厥祖賓於鄉蓋有本焉今其子七人業儒者
五次日一籌一萃洋之名士也巖然露頭角矣行且奮振
而起以繩巽川公之武可翹足待也語曰天降時雨山川
出雲豪傑之起有開必先於五山其有意也夫其有意
也夫

休寧縣儒學重修名宦祠記

懸下

五

休寧學宮舊有祠以祀名宦歲久圯壞有司修之未遑中
書舍人吳君瀛見之嘆曰諸君子師帥吾民吾民實被膏
澤以世有寧宇尸祝之報在吾民也何有司之俟焉於是
鳩工聚材撤其故而新之祠成履來治邑事吳君請記履
曰夫禮先王之爲祀典者五曰法施于民也曰死勤事也
曰勞定國也曰禦大菑也曰捍大患也祀之五者崇德報
功彰往憲來皆於是乎在無一於此而濫竽俎豆是瀆祀
也瀆祀者耻吏休寧者自有邑治以迄于今凡若而人其
得祀於學宮乃僅僅若此何吏治之難也抑諸君子修職
業以勤于民民心永懷血食昭報固秉彝之良已諸君子
何心焉跡所行事邑乘志之爲詳大都所謂施法勤事定

國禦菑捍患蓋必居一於此不爾則亦愷悌愛人保養生
息一意拊循上下相安於熙恬耳昔班孟堅傳漢循吏稱
其所居民富所去民思生有榮號死見奉祀庶幾德讓君
子之遺風焉於戲文翁諸人足不朽矣諸君子皆宋以還
去漢且數百載然惠澤在民民尸祝之世世無斁方之孟
堅所云豈多遜哉詩曰高山仰止景行行止子吏茲士於
諸君子有餘仰焉因重吳君之請述所聞爲之記吳君舊
邑庠弟子員官中書十餘年有文墨聲今居鄉多行誼爲
邦族稱茲舉也特其節行云

種德坊記

懸下

六

楚人士嘖嘖賢先生如一口比黃次公於時先生致辰州
有年所矣無何子調自楚休人士又嘖嘖賢先生如一口
比王彥方陳太邱云子曰出處君子之大致也出屯其膏
處溷其俗是德之棄也先生其有德者歟去辰而辰思之
居鄉而鄉人化德足徵已旣而縉紳大夫多言先生盛世
德逮其尊人益滋以茂余是知其慶源之積所由來遠矣
表其坊曰種德爲之記曰先生之食世德光家乘也固天
道然哉夫天道善應而不宰者也嘗觀農之藝五穀焉旣
布之種日夜耨之旣之思其農功而他無所營故天畀之
有秋穀以狼戾而食者衆君子種德於身無所覲覲迨其
後也蕃碩昌藏往往見諸其子孫若左券焉天道之與善

不爽若此子聞先生之族甲於新安其先多以勲伐著者厥考抱德蜚遐終身邱樊間未嘗以科名爵位顯然而宗族鄉黨頌德無窮蓋古真隱者流也以其所餘貽諸先生則其出而宣於處而善俗蔚然負當世之望也謂種德之有秋非耶雖然德足以位卿相而僅二千石澤足以漸宇內而僅被一方先生之所獲未究藏也厥子瑰異嶮然以文辭雄於士林見者知爲名家駒焉則夫厚蓄遠施發先生所未竟意者天心將寄之也食種德之報其在是歟其在是歟先生姓程氏名廷策別號石峯舉嘉靖癸丑科進士

修復邑城北河渠記

懸下

七

大夫臨臯楊公爲吾堯令以治行稱百廢具興羣黎敏德蓋近代希觀也予茲於河渠之役觀政焉吾堯邑治面山背河河故自北蜿蜒而南貫於城中其外析爲支渠隨地疏注居人日用資之所由來遠矣歲久俗傲人緣爲奸瀕河之家以漸侵軼故河日趨狹塞閼因之衆始劇稱病云大夫下車以來政尙體要諸所建置主於利民民之言不便者釐之與之更始蒞事期月治洽風行境內之民蒸蒸然歸淳厚矣至是郭之西北始有疏渠之役是役也由濠籬達於土橋人自反侵地於渠者無算先是二三父老謂渠非故道議復之詢謀僉謂無沮格者迺羣詣少尹汪侯曰故且請下濬渠令汪侯躬履周觀畫地度工稍爲之程

以一衆志於是少長畢赴人靡告勞浹月之間已告事竣人情之快往未有也庠士蔡子夢龍周子光岐屬余記之予喟然嘆曰於休哉政道復古之一端乎嘗聞之臧否事也往復時也汗隆政也美惡俗也政隆而後俗美時至而後事興自古迄今未或衰也大夫治先仁愛澤如江河汪侯承流而導之今堯之政彬彬乎度越古昔矣俗反而之濬也固宜抑是渠也飲且湮塞有年所矣輿論條定邁還厥初非有機焉幹之宜不及此時事之相須也不信然哉二子謂予之言質且知政也請勒于石用識不忘將以杜後之侵軼者

高州太守勝峯俞公生祠記

懸下

八

餘姚勝峯俞公守高涼期月而罷高涼之民攀留之而不能得乃相與建祠豎碑誌去思焉郡倅沈君繼孔邑令吳君國揚輩聞與言而躉之遺博士弟子王天聰徵記於陳子陳子曰居位得民自昔難之俞公之守高涼也行何德政結於民心而願有此王生日俞公之政未易更僕悉也語其大者則覈鹽課均屯糧而國賦平贍儒生育俊才而文教興繩胥徒剔豪猾而民患息頒條約嚴保甲而武備修四者皆政之善也而有本焉公之下車也親躬必廉蒞事必敬率屬必正使衆必慈四者又其政之所自出也德以出政政以宜民民心允懷固其所矣詩曰愷弟君子民之父母俞公有焉夫人子之於父母遠則戴遠則思其情

然也高涼之民視俞公若父母焉其戴之者至矣倏而遠之若之何不思思之而不可見則感慨咨嗟徘徊瞻戀圖效尸祝以寄思於無窮固其情之所必至也非賢德之盛其誰能致之陳子願謂王生日子之於俞公知其賢矣而未知其難也試言之俞公起家郎署聲藉甚縉紳間一時人情僉謂公輔可以立至及其守姑蘇也政修事治膏澤下流當是時二相柄國選材授任相固專之躋公清華猶轉轂耳乃公竟不以遷去而以調行比入信州郡當無事一意敦大日以教化漸摩於民民蒸蒸然沾被其德而悅於其教即古之善得民者蔑以加矣乃司銓者猶然膠於往議以求多於公是以有貳轉運之行也久之擢守高涼

懸下

九

高涼迺在炎方地非姑蘇信州比也而民加醇故俞公循良之實政不異於前而得民之大效若此乎獨盛於後耳藉令嗣柄國者能久公於高涼則膏澤日深教化日洽風移俗易治臻綦隆即舉高涼以儆諸齊魯何不可者奈何閭閻之賴公甚殷而廟堂之去公甚速徒以愷悌之德見懷于民概其生平所遇豈不甚難乎哉予嘗聞之世之治也則公論在朝其微也則公論在野今天下治耶否耶嗚呼難言哉第即俞公之不久于高涼與高涼之永思于俞公也可以觀矣予於俞公庶幾哉知其深者尸祝之舉公無嫌焉抑是舉也昭微揚微彰軌示則皆於是乎在非細故也倘後之任者師其賢可以得民勉其難可以植節其

有碑於世道豈淺渺哉詩曰高山仰止景行行止予於世之二千石蓋三致意焉公名嘉言字章甫號勝峯浙之餘姚人

仁泉亭記

仁宇徐君之治松陵也政教覃敷膏澤淪洽庶姓樂業四封晏然一時長令之良莫與爲並於是協氣交暢呈爲休嘉垂虹之陰泉湧平地清冽不滓民飲而甘之僉曰徐君仁德之徵也故稱仁泉云丙戌之秋予再以貳郡至適徐君膺詔詣闕遂攝松陵間以公餘問俗郊外一二父老懽然予從盤桓垂虹浮玉之間達於泉所胥告予故因挹泉而酌焉予竊嘆曰感孚之理豈其微哉吾聞政之漸民也

懸下

十

猶水之行地不可壅也政壅則閼水壅則墊是改善治水者因勢以利導善治民者因政以行仁其致一也徐君之政不可殫述大都秉度端軌布惠宣慈起弊維風與利除害仁義之澤日津津乎下於其民莫或闕也無論當代即古昔所稱卓魯何以加諸徐君令茲六年土咀其仁民啜其惠德施之普直與震澤俱涵汎已甘泉之應豈虛致乎徐君既陟柱史猶然不忘吳民日且抗章於廷以圖恤請於戲民所沾被詎有涯哉邑之父老旣鑿石治泉以利汲者又思構亭立碑以識永懷予故習知徐君且善斯民之能懷仁也乃爲之記

明承事郎琴樂公暨何孺人墓表

嗚呼此我高考承事公暨妣何太孺人墓也公之懿行先
大父紀述詳矣今以歲月浸遠載新厥封履欲彰我德
以示來裔爰卽大父所紀及父老所傳者揭而表之俾後
世子孫知所仰紹焉昔我先代自學賓公莫宇北柵實肇
我家七閩代而逮於公家運方熾惟公益懋世德克亢我
宗一時縉紳名公多所誦義今其言布在家乘可具瞻已
至迹所行事則卓然闕於倫教足貽世範者蓋彬彬焉是
故創祠飭墓上妥先靈聯厥宗人時展禋祀追遠收族兼
舉無遺吁嗟其孝乎構塾擇師義方有訓邦族子姓式穀
爲均翼翼鳳岡世資教育吁嗟其義乎樂予困乏驕吝靡
形邑當游飢厚賑之粟首名樂石尤於無窮吁嗟其仁乎

懸下

七

處躬謙和與物無忤鄉黨蓄譽橫逆過加更善遇之潛易
凶暴吁嗟其讓乎四德備矣光昭前休丕垂後則皆於是
乎在至於雅尚儒術殫精藝林聲詩有聞鳴琴自樂社推
哲匠俗號文人捐餉佐邊錫命受服時固以此重公然皆
公之餘耳嗚呼履聞之先人無其美而文之者誣也有其
美而忘之者慢也公德炳炳尙安所用文哉顧履懼世久
遠湮沒不傳恐重惰慢之罪是用表其大者如此若夫念
德繩武以毋負公佑啟之烈是在我孫子也已先後世系
及公與孺人年壽卒葬詳大父紀述中茲不著云

明貞節孺人何氏墓銘

嗚呼是爲我從大母貞節何孺人之墓也孺人爲名家女

柔順端慤出於性成年甫及笄歸我從大父少貞公也孝
事舅姑順相夫子一時賢淑之譽滿於女林少貞公旣爲
儒菽博上業辛勞致瘁病且彌留孺人晨夕籲天請以身
代久之公竟不起孺人哀號痛絕竟不欲生已而撫從父
休日皇宮不弔奪予所天子不難墮身以從寧有異志顧
茲弱息在襁褓中夫君一綫之傳賴以不殄子死卽得所
如孺子何於是勉而守孤日夜飲泣蓬首垢面稱未亡人
遠邇聞之無不欽其風而悲其志也比從父長孺人泣教
之曰汝先君子早而遊庠有聲甫及壯齡賣志而歿子以
字汝之故苟存至今上賴祖宗之靈幸汝成立是天之不
果棄善也汝其能賢子得爲賢人母死且不朽汝苟不類

懸下

三

吾何顏見汝先君於地下乎於是從父祇服慈訓砥礪自
修持已不欺與物無忤宗族鄉黨翕然稱爲善人皆孺人
義方之教也嗚呼世教下衰柏舟風遠如孺人者求之當
世殆空谷之足音乎履嘗讀邑乘每稱何氏多賢女云今
以孺人觀之益信孺人生弘治甲寅四月二十三日卒隆
慶戊辰三月初三日享年七十有五子男一人卽休娶張
氏孫男二人項穎曾孫三人肇蓮肇箕肇泰萬曆某年月
日葬孺人於荔枝園乙辰向所不與少貞公同兆者以卜
吉也銘曰

繫爲婦而良凜其居霜與柏舟兮翦翦繫爲母而良儼其
義方與三遷兮頡頏繫宅兆而良後其熾昌與天壤兮無

疆

祭朱文公祠文

夫子道在六經功垂萬世譬之天地覆載無窮漢氏以來
去聖漸遠誦法夫子者言人人殊曲學異端乘之竊發朱
諸儒輩出後先講明惟公集厥大成論定於一今天下士
無異學師無異傳聖道大明昭如日月則公之功並夫子
矣履幼而習業壯而服官學斯行斯公實成我今幸休邑
謁公新祠薄奠告虔益增仰止公靈不遠庶幾鑒之

祭宋奉使公文

嗚呼人生天地間所不朽者忠義耳自古迄今以臣節稱
者何限而奉使異域蹈險履危能以身係縲常不辱君命

懸下

三

者唯蘇子卿也公當宋室多艱乘輿北狩使金之節百折
不同擬諸子卿先後一致非乾坤正氣所鍾山川精靈所
萃何以有此完名大節蟬映古今履嘗立覽史書追慕前
哲恨作公九原而不可得也今奉上命牧於斯邦觀公新
祠寶興仰止陳詞致奠矢茲秉彝公靈在天庶其來格

祭成中丞益齋公文

萬歷壬辰之冬巡撫順天中丞益齋成公以抱疴請得予
告歸癸巳秋公病不起是冬計至年友司農郎嶺南陳履
聞而悲之哭於漁陽者屢矣漁陽距公家千里而遙又株
守職事欲躬奠無從也甲午仲夏值同年艾時而氏奉使
經行始具蕤香束帛為文寓而奠之其詞曰

惟公扶輿孕秀太乙儲精才猷天授忠孝性成伊昔辛未

會際文明予以蹇足附驥同升公兩作宰有循良聲遂晉
天曹職司銓衡清華之選世俗所矜公顧薄視不以爲榮
尋出東土爲藩爲屏嗣是分臬克詰戎兵游荷艱鉅意概
崢嶸積底安攘疇其與京爰自總憲陟于中丞惟帝念公
寵錫頻仍政狂積習法弛承平公殫乃心期於肅清信堅
金石令迅風霆擅異類攝公威名旋以謝病予告南行
維時多艱疆宇未宜輿情思公足爲國植願起東山藉以
經營胡然家食甫易歲星遽爾厭世騎尾長征訃音遙聞
衆疑且驚嗚呼大德必壽聖訓明徵以公言之厥德惟馨
既躋崇階曷不永齡彼先聖言豈其難憑履也謬劣仕路

懸下

古

吟嘯悠悠甘載跡如流萍辛卯祇役尸餉邊城朝夕耦公
愛踰弟兄予心彌赤公目彌青公常有圖巧繪原鶴子爲
作歌發揮其情願托卑棲締歲寒盟公今已矣夜臺長扇
夙昔交誼永隔幽冥靜言念之能不淚零千里寓奠悵鬱
填膺公靈有知鑒此哀誠嗚呼哀哉

祭游中丞文

惟先生稟貞諒於天植兮奮先哲之名區爰緜蕙而佩芷
兮迺握瑾而懷瑜既謁帝於閭闔兮儼天門而上趨騰龍
駒於渥水兮振彩鳳於天衢初筮仕以就列兮命皇華之
使車尋擢職於諫垣兮懸射隼之高張肆削符以南邁兮
忝大政於黔陽彼夷酋之醜德兮日蒸蒸其向方鴻問鬱

其上聞兮陟掌憲於湖湘顧八閩之瘼瑣兮界總轄而安
攘何鯨鯢之跳梁兮念國事之動勦晉中丞而秉鉞兮靜
海波之湯湯王臣蹇而致萎菲兮邁高蹈而深藏返初服
之江離兮尋叢桂而迴翔會聖明之新政兮重耆舊之疇
咨擬東山之再起兮贊廟謨於清時白日忽其不淹兮倏
俄及乎全歸惟老成之凋謝兮誠世路之所悲猥予以僚
佐而受知兮非明公之憫而誰為悵高蹤之渺渺兮隕雙
涕之漣而陳一奠以托浮雲兮泄子懷之遙思嗚呼哀哉

祭梧州太守太夫人文

萬歷乙未孟冬十日梧州太守劉君家報至自嶺南君之
尊堂太夫人於初秋捐祿養疾蒼梧備兵副使陳履驟聞

懸下

圭

訃音驚怛悲悼蓋傷郡守君之喪慈親而因痛梧民之失
仁主也時以寢疾躬弔未能越七日乃具不腆幣遣官
奠於郡齋而告之以詞曰

嗚呼天何奪太夫人之速使郡守君倏然以憂去耶梧為
西粵門戶民猶雜居成以重兵治以羣牧蓋魁然巨鎮也
子以謗劣濫竽監司表率乖方枘心良疾所賴分猷展采
匡過彌違恃有郡守君耳君之下車甫七閱月獨煩去苛
與民更新利罔不與弊罔不革賢聲籍起膏澤旁流即渤
海之得少鄉穎川之得次公茂以加矣非太夫人之淑德
貽哲義方玉成誰其有此二三當道秉鑑懸衡僉謂梧郡
得賢守焉舉以相慶子雖回陘好同綰衣見所猷為靡不

啟穀海內良二千石誰能企之憶在初秋子按部邑爰稽
錢穀詰其兵戎蓋兢兢乎奉簡書將德意也役未及竣抱
疴而旋尋邁閔凶骨肉淪沒哀苦病劇從而乞骸僵臥四
旬伏枕俟命政務叢積有如絲棼幸郡守君推心置腹政
無鉅細以身肩之規畫周詳厝注明慎予是用倚毘稍紓
憂懷嗟嗟予二人者庶幾義相成道相濟也予以病去賴
郡守君撫摩梧民即雖設齒山樊夫復何憾凡在左右備
聞此言奈何閭閻之愛戴方殷庭幃之凶問遽至郡守君
含哀茹痛奉諱而歸梧民雖欲攀臥遮留杳乎其不可得
也子安能不為郡守君而悲太夫人又安能不為梧民而
思郡守君耶情發於中一字一涕芳靈不遠儼然臨之

懸下

六

祭羅浮神妣家文

於戲君其竟不起耶嘗聞死生有命修短有數君之年未
及艾乃不祿而死果命耶數耶非耶君雅以才自雄不任
羈縻平生意氣喜於交遊肝膽相投則形骸靡隔異姓兄
弟往往有之一時海內縉紳無不知嶺南有羅浮生者至
鄉閭州黨斤斤繩墨之士往往嘗君為人嗟嗟人各從其
類非今日矣宜足異耶于於君始以文墨締交繼以子女
姻媾求之朋侶厚莫與倫雖予甚謗劣譽無富於君心然
而濶畧形迹無嫌無猜垂二十年之間莊不見嗔戲不為
諛子竊以此多君而君亦未嘗不予是也曩歲君為涪溪
之遊挾策涉杭而來信宿署中心督悉吐臨岐致贈塵而

邊之日子之彙幾如范萊蕪矣馬用是爲子竊愧而已之
乙酉之秋君則過予山房子一二叔父昆弟共爲平原之
飲君意氣繼綫過於平時而杯酌間已不勝日且却食予
則屢以攝生語君而君不自覺也孰意長往之兆實始此
耶子嘗躬治先壟臥卑濕中右足幾廢後領藥兩月而痊
得不瘥也君爲先孺人大治封塋寢處官陂者累月役竣
亦瘥而種種諸病繼之隨治隨愈竟致今日也謂命耶
數耶抑君自爲之耶子以釋制將北凡三詣君最後則以
夕至君自言病狀良苦予實鬱悶於心而猶冀天之或佑
君也豈謂君竟不起耶元旦之後二日方以折簡還問起
居乃書至而君不及視矣豈不痛哉業已過程無繇返棹
聊臨風揮涕哭君於珠江之滸已矣敬遺子子代致東芻
君靈有知倘其洋洋來格耶

懸下

七

祭德裕弟文

嗚呼天之禍我家也何其酷歟憶在乙亥先考告終曾未
十年先妣見背終天之痛如何可言無幾何時仲氏云逝
同氣之屬惟吾與爾耳吾長於爾幾廿年吾已久衰爾則
強健仰承先志丕振家聲吾之致望於爾者良不淺也孰
意爾之遽止此耶昔寓薊門喜爾來諗朝夕懽笑慰藉彌
深友愛之情亦云篤矣吾今祇命分憲蒼梧舉目鄉園僅
僅咫尺屈指旬日可以往還然爾登陸三時不我違卽者
豈顧至此而弛愛乎吾固知爾之謹於遠嫌耳孰意繼此

而竟不爾見耶秋初吾入鬱林匝月而返返則長子病矣
居數月而長婦訃至又數日而長子不起矣吾絆仕路遭
此閔凶欲謝事歸而行不由我方且以撫孤之任歸於爾
也孰意爾亦長往耶禍變紛來如自天墮憂病煎逼形神
俱銷吾尙能久存視息於人間乎嗟嗟難矣爾有二子幸
而長成孝能慎終早襄大事首邱旣遂復何憾焉吾擬掛
冠歸而待盡不久當揮灑涕泗哭爾於捷溪之陽矣先以
悲懷陳詞寓奠遣子燕賦代告一哀爾靈有知庶幾來格

懸下

六

明中憲大夫廣西按察使司副使陳定菴老先生行

述

四州袁昌祚 茂文 泰謙 東莞

嗟嗟祚生平所願執鞭而稱肺腑交者非陳君哉始弱冠
蕭山孫令公奇其才褒然舉首因次謬及祚自是同授牒
為邑諸生長舉進士同籍暮年復締好為子婦翁祚今何
忍述君顧非祚又何能悉君懿懌哉陳世家保昌往志稱
陳將軍世祀於嚴塘廟其後也宋始遷祖常以朝奉郎仕
廣留家邑大憲六世孫述仕連山縣學賓始遷北柵五傳
高大父珪以篤行能詩名曾大父縉廩膳生大父志敬弘
治甲子舉粵閩武郡南宦以惠政祀名宦父雙溪公廷對

懸下

元

行誼為諸生表漳浦楊令公修國初故事請為直亭長諮
決政務娶桂林守鄧公琛之孫女早卒舉君方三載蔡宜
人繼撫之幼穎敏舉止異里中兒從張博士佃授經大稱
許以為國器嘉靖壬子南昌張學使校藝第一至引見雙
溪公問以教子所由胡善乃爾自是屢試皆雋名藉甚無
何舉戊午闈隆慶辛未奉大對次年夏授令蒲圻廉知其
民向苦催科失業狀首蠲積負勉之就田里會今皇帝卽
位察諸吏才堪治劇者許調用於是君得休宦祚亦趨入
楚數過蒲蒲人每言君受事九閱月有陳父之謠將行民
爭走臺司乞留業以成命慰遺之復進道攀車不忍釋立
祠祀焉休宦俗綺靡喜輕俠國訟至卽以長厚節儉漸揉

其遺習踰年政通礦盜起浙邊邑至相戒毋闖入陳君界

中夏旱躬禱齊雲山赤日方烈須臾黑雲四合雨隨至民
為謠曰陳使君誰能擬禱雨徒行三十里卽日四野二尺
水枯禾青青勃然起方之召杜不徒爾乙亥奔雙溪公訃
歸民哀號若失襁褓皆謂邑邸閭令多矣其能以經術飾
吏治有德讓君子風惟陳明府一人羣遠送至境外居喪
哀毀踰制皮寅補崇德當雨浙孔道供億竭出百姓疲苦
於征斂首與民別其要緩立為程限令循漸辦給咸便之
僚適傷祿令騁卒刺小舟冒日中遍省田間籍上諸輕重
以聞於朝是歲崇幸獨恤欣欣若更生臺例御史按部當
拊擊諸大憲諸郡邑注耳目者輒伺意毛舉細故以多為

懸下

三

賢君獨無所舉曰豈以民命媚人哉既聞郡中上主名者
四細察其非實移文訟之謂此曹皆罪止一身非大地隱
不足煩憲紀乞貸不問已而旁近邑皆苦株連獨崇無恙
頌義翁然暇則固水坊新營舍獎右諸孝節修正邑乘之
闕辛巳晉蘇州海防同知民立祠暨碑紀德政與蒲休崇
三邑同先是嘉靖間患倭遣兵船為華亭護里第久漸私
役之歲猶以餉金歸相府給兵食君謂承平久無以守為
相國賢吾不欲以是損雅望議者重失相國意難之君毅
然曰國家欲備海氛故食士豈為宰臣置餉耶松故相得
役蘇人蘇有二相例而比之充將安極福以為罷之便華
亭聞之果還其兵船致書謝焉詰我李使者益賢君卓行

宜其官癸未夏復以蔡宜人計歸丙戌當起補吳士大夫
語於朝願借陳君一年旋有蘇州水利之命戊子晉戶部
湖廣司員外郎六司農宋公燾雅重其才諸章奏咸屬之
起草輒稱善曹郎有缺輒檄以兼署繼遷遷秩者欲爲其
同舍請攝以例不越俎爲言曰若遭頗劇非陳君不宜君
亦辭之再三竟不易前命是時以前治郡最贈雙溪公奉
政大夫蘇州府同知鄧母蔡母皆宜人己丑奉命監兌浙
中歲大祲加意軫恤聞兩臺臣議蠲租數愆思之疏得寬
減復自上疏言民方嗷嗷求死不暇臣奉職無狀宜願以
遲違得罪不忍督促之使速填溝壑傷陛下好生之德以
干天和疏聞許寬其程限上下交德之辛卯晉山西司郎

懸下

三

中督餉薊州覈賦給兵以時弊蠹咸剔比遠報大司農楊
公俊民考其成疏稱練達可任閩邊使者繼疏稱薊州督
儲第一詔賜金甲午晉廣西按察使司副使備兵蒼梧貽
書敕諸子曰而父方以攬轡澄清爲事楮廣壤接宜遠嫌
自慎稍有緣暮夜以求交權者務峻絕之有不便於民悉
與裁罷力禁諸材客謁請希用謂彼欲以借柄取償爾不
預絕其端事發雖繩之如軍士何曾諸道乏人日以兼攝
煩君剴決至無停牒又躬按所部察吏治積勞還臥署中
而季弟與長公子訃至矣遂移病乞歸當事者數回慰留
請益力迺代疏聞天子俯從銓臣議優假之許病痊薦用
既歸謝絕外事與郡中縉紳聲詩者結社浮邱祚不敏亦

竊擗管從事期健飯以共適餘年詎意伏枕兩踰月不起
矣歷官餘二十年居臬僚僅一載留滯郡邑幾十之七未
嘗以積薪故借援當塗二相家蘇州詣往來無異同人恥
以尺牘私結款蘇人士有德君者聞將入賀來詢謂忝相
國厚善請先爲游揚慚得美秩若何君正色謝曰子惟兢
兢奉職求勿速官誇可矣通顯有命干進非心所安故宜
雖伏郡僚爾奈何遠易吾故吾故君且休矣爲郎時申相
國壻舉進士賀者踵藉於相府君獨不往頃之其婿自以
舊郡子弟來見第一往謝之如常儀獨喜與名士爲詩酒
交向居水丞政多暇時相倡和傳於世尤悉力以拯人爲
心時諸生以詩被污屢督學使者逮之急爲白其冤狀竟
還青矜籍德慶張守前崇德令也政冗有客過疑其倨也
銜之庚辰大計客用事微示其意君謂張令候問詢其所
短至政事則後令師也客默然不悅罷去復趨白浙中候
計兩藩臬救之且曰舊令無顯過倘以前故得罪何以勸
後之爲令乎至日集計於堂爭如前張賴以全清源梁生
安中以往誤褻儒服落魄遊蘭門有年矣一子年三十貧
猶無家君獨憐生才至割俸爲其子婚斯高義於縉紳尤
難之矣好博古手不釋卷平居諸嗜好不入其心神暢氣
和無疾言遽色至與人中誠款款不設城府被容接者無
賢不肖皆敬愛之而內實耿介不隨俗俯仰晚念里中
民困苦力言於當道子獨恤存活者數萬口娶方宜人白

懸下

三

首相待如賓以南虛公未建祠將終猶卷倦爲念餘不及私所著有懸榻齋稿若干卷君名居一日天澤延張學使特易其名賢書仍之登第前復名曰履字德基號定庵男三長燕毛廩生先卒仲燕嘉季燕賦長孫次良俱太學生以行蹟泣請自惟固陋方謬廁身中掌故之役時敘錄賢士大夫惟恐一不當以干清議况敢以溢美加君願人微而言不文其俯採而豪華之以不朽於九京竊望諸立言大君子

祭姻家憲副陳定庵文

袁昌祚

古今且喜至人不統於夷祚何實涕蘇蘇而但化於文耶祚穉年甫事給藜印于文訂交稱莫逆其爲諸生同也相

縣下

三

次計偕往返燕粵數千里同也繼奉大對釋褐受事同也頃賦歸結社於浮邱又同也迺孺子不敏亦辱收諸甥館得以子婿而修數百世之好故自昔稱肺腑之親金石之誼無如吾兩人謂且華髮曠年長相見也何意文遽捨我而遊於清都之上不返乎邑中道士起家獨辛未五人里稱希觀乃往歲哭尹同鄉今春哭張計部丈亦解天之楛復歸其宇祚最蹇劣雖得以久延親息將疇依耶卽欲爲天問安從詰也去歲丈賦歸士論大賦今夏五始謁諸海濱小樓因泛舟河之南縱步林麓歸而登樓把酒仰白雲俯滄溟風志相許謂將以百歲餘力上下數千載爲來者掌典故之籍備五嶽未能遠在於是山水願囊括焉嗟

嗟已矣願其聲詩及古文辭皆足稱名家身懷戡定之畧而不以武功聞積官二十餘年田宅無改先業而不以介特顯惟聞然內修溫恭縝密見者自爲心醉則人人信之藉令東山詔起其以黼藻鴻猷羽楫駿業俾靡靡華競之習亦得以奉儀矩而維末趨功非淺渺何以其不待耶將亦善劍者不盡術善賈者不盡貨留與其子若孫耶願士論所大歎則何時已也昔人有言上爲天下勸下以哭吾私祚今以之丈其御風而來聽之否乎

縣下

三

右懸榻齋詩文集二卷陳定菴著定菴宦績通志府志

縣志俱有傳浙江志亦有之而袁茂文所作行狀尤詳

實循吏也其服官多在江浙聞說集中九日舟中獨酌

放歌一首當時鄞屠長卿 隆欽汪伯玉 道昆 方定之 宏

靜 大倉王元美 世貞 弟敬美 宣城梅禹金 鼎祥沈

君典 懋學 秀水馮開之 夢植 華亭莫雲卿 是龍 長洲張

伯起 鳳翼 弟幼于 獻翼 皇甫子安 淳 弟子循 涉 暨粵東

從化黎惟敬 民表 子君華 邦 頌德歐楨伯 大任 皆其

所師友故所為詩文具有矩矱琅然雅正之音及罷歸

結浮邱詩社與其間者則南海郭篤周 弟樂周 樂陳

明佐 堂 姚繼昭 光洋 鄧价卿 于 齋 楊肖韓 瑞雲 陳名 翊

大猷 王唯吾 學曾 金持甫 節 番禺張伯璘 廷臣 黃思任

志尹 梁思立 士楚 黃用孺 壑 東莞袁茂文 昌祥 從化鄧

君肅 時雨 合之凡十六人見身臺徵雅錄注其為當時

所推重如此全集已佚此其子孫兩次采輯而成間有

謬脫茲錄其十之八九並是正之嘗鼎一臠亦可知至

味矣庚申二月晦日陳伯陶謹跋



三台堂叢書

調

庭

鑽

原

周德宣署眉

翠可安河
自齋同書

相縣志 文苑

陳卜字子貞歲貢江子博學強記善屬文與兄乙齊名嘉靖乙酉舉於鄉貌不逾中人而抵掌談時事鑿鑿中窾時兄乙舉進士族人多乘堅策肥卜獨布衣蔬食與諸文士相倡和泊如也正德以來邑中田賦苦累卜爲書千餘言以達諸當道辭甚辨悉覽者爲之歎服所著有過庵遺稿行於世

過庵遺稿 小傳

敘刻過庵子遺稿

少室山人楊本仁撰

噫此過庵遺稿邪過庵子東髮振奇至蚤英汝洛方是時業已言無不文文無不可觀而今所哀刻止此邪噫噫夫古之人固有穹階華秩震耀海宇卒無一言足以名世而其絕辭雅倡妙入金石有一世之所歆視而子孫弗肖委若土梗焉者嗟乎若過庵子可亦無悲也邪過庵子博綜群言探索微奧故醞藉閎深研核精密吾鄉大司馬浚翁深器重之然其人軀幹弗踰中材而雙瞳炯炯氣劇嵩華居常雅嘿訥訥如不能言而群喙鋒起輒以片辭切其機

過庵遺稿 卷一

要文思精工力掃浮豔若無驚采絕艷而古意名言率未之前有嘗謂爲文要自己出先民杯肆殘膏將焉用之是其積奇爲材自効一斷鏗古爲金獨挈一範者乎是故見道之言意旨精透無枝辭涉世之言明是非切事情意多渾厚而婉曲鍼俗之言警切而厲抹傲之言峭拔無含蓄一字一砥祛惑之言指畫分明披如朗鑒頌美之言典則無諛辭無媿色今其文亦僅有太息曰嗟乎世之賢英不勒勛天府則藏書名嶽詎既一第爾邪於是遂絕意進趣若有志著述故諸凡請求隨事訓答不存錄子加命茲所哀刻繼什一夫生言可傳曰是道雖難過庵子不匹

可也此加命之心也往予弱冠與過庵同試有司過庵子
方州與語異之索觀其文又異之文雕刻無痕言言如琢
辭非淘洗色色鮮潤竊自念以爲弗及由是遂相與知厚
既締姻益披肝膽期異日與李中嵩吳北原輩把臂觴吟
終老丘壑不數年願皆先後淪亾金石之交能不隕涕乎
予衰也已乃今叙論其遺文噫誓歎猶存搦翰奚堪邪嘉
靖歲丙辰秋九月二十四日

過庵遺稿卷之一

論

河渠論

從古治河之說通考備矣治今之河其尙有遺論乎匪河之異也所以治之者異也今治河之指日必勿病運道必勿涸運道必勿妨寢園必勿蕩民居四者曲防而並護之於是乎闢生剗淺築堤捲埽工無寧歲而患以不息不惟民病而國亦病矣不惟國病而河亦甚病矣夫萬里之委百川之灌放乎平原洶猛善餒人不能以力勝易明也滾帶泥沙淀淤壅遏則百里之壑填於頃刻百萬之功廢於

過庵遺稿卷一

一

旦夕易見也然則既違其害又資其利必非黃河而後可者也既不病國又不病民必行空虛無用之地而後可者也由是言之四者之中不有所棄取則河永無安定之理雖有所棄取固亦難為經久之策也何也以吾之治治之常欲便吾之事而非必求遂河之性也然則權時之宜擇其害之最急利之稍省者而從之庶其有濟乎是故其務在乎保運道而置殘破之民其策在乎捐租賦而省治河之費其用在乎就河之執而徐為之處其歸在乎違河之害而勿圖其利請得而備論之河之不可東北夫人知之矣欲其西南固不得不委宋毫之郊以為壑也宋毫之郊

久已為壑矣過在實棄而名不棄使國民兩病治河之役是也自趙皮村之壑也無歲不泛而此千里之間蕩為澤莽民之生計已盡矣而歲歲開挑築堤捲埽公私殫力將以救之也冬春而治夏秋而決久矣民脈為無可奈何之災也是以百姓嗷嗷不怨乎河而獨怨有司之不恤已田已沒而稅額不除家已破而力役不免脫死洪波自營口食而捉人之吏窮其所往雖逃蓬藿齧草根必繫縲而出之是故河之波猶有所不及而逮捕則無可逃河之泛猶有時而追逋則無虛日河獨敗其生業而有司併絕其生計此苛政之毒於河而民之置怨不在彼而在此也雖然亦

過庵遺稿卷一

二

非盡有司之罪也吾歲歲救焉固以完全郡縣待之矣則夫稅賦之必徵而逋負之必理乃執之不容已也故救之則名不棄而實棄不救之則名棄而實不棄今以一歲治河之費較此諸州縣之租稅則多寡不侔矣誠能省治河之半以代其租稅使民安心一意各圖生理則遺者猶可保而空者猶可立也感恩不啻足矣而又何怨乎所謂惟此時為然也故計莫便乎增脩東北之防而暫罷西南之功縱河宋毫之郊南不害寢園北不齧堤下戒勿治被災州縣復其民一無所與城郭聚落非必當河衝者勿徙退灘高仰厚有一稔者勿問埃河之定而後圖之則國民兩

便較之歲歲興工無分毫之益而徒爲繁費者有間矣或曰如此遂不治河邪曰此乃所以治河之道也數年以來治之愈急爲患愈大非天數也失於未能明知地勢而妄興疏鑿以汨陳其性也且河自張知府口而南也水勢湍急其又南有故道深廣而毫之北境有迅流之處焉數里之間吸舟而下獨其間有平漫不渠者耳識者謂因而渠之必成河矣乃疏入孫祿口故道曾幾何時張口復決而新渠已爲平地矣此非汨陳之明效乎今河既自決此正可勿治以定其執之時也蓋吾固未能必知河之所終也亦未有明知地勢如神禹然者也前代明達之士亦皆欲

過庵遺稿卷一

三

俟河有所定而後圖之蓋知燥濕者莫如火知高下者莫如水因其成執而利道之智之次也且以堯之聖禹之智猶必九年之後八年之勤而後成功固不能於鴻水之初而遽治之也今人欲於歲月之間而望玄圭之告必不可得矣雖然趙皮村之鑿本以分河之支其後全執歸焉孫祿口之疏本欲引河而東今復決而南焉則河之大執欲南亦略可觀矣一二年間漫流之處必自成渠因而脩之亦可歲月而定也夫河有所定則必徙之城郭固當無幾並河爲堤以振游溢則必壞之田亦自有限運道無虞則東北之防將亦可省而徙民授田之政可以次第舉也所

謂俟河之定而圖之者如此也或曰河既西南金鄉魚臺之間運道涸澀奈何曰此執之必不可兼也前固言之矣昔宋公平江之治漕本激汶水以爲用未嘗資之河也運道如涇亦求其故而脩之焉耳河非所爲用也且河便運之利小阻運之害大往年張秋之決近年沛縣之涇糧運坐絕當是時惟恐其不西也今又欲其東是見小利而忘大害也夫使河既不爲害又足爲利豈不至善其如執之不能何此其策必出於違河之害而不可圖其利也抑嘗論之治河無定形有定理古之故道決不可復古之故智決不可不襲也昔之論禹貢河渠書者皆以析爲二渠播

過庵遺稿卷一

四

爲九河爲禹之所以治河者愚以爲此治常水之法非其制黃河之要也蓋水之清者多爲之委分殺其執使由地中行斯安矣若黃河則大半泥沙流緩即停非常行峻下之執以暴其泄而迅其流雖多爲之委將不足爲塞也故常思禹之所以制河者在於鑿龍門爲逆河之類耳蓋水執至此建瓴而下其泄之至暴故其流長急其流常急故泥沙不停泥沙不停故渠日深廣而無壅遏橫潰之患此禹所以制河之要也於經可考者如此意其間曲折陡峻以激其怒而發其暴者殆不止此也然逆河之訓說者不同以事理推之蓋爲河之法乘高趨下固執於海王海而

言故謂之逆猶曰迎而奪之之義也同爲者殆九河皆逆乎若北載之高地與合九爲一則非其理矣丘文莊欲效九河于淮甸其策良是然不爲逆河則與昔之九龍口五汭口等耳何益哉此又治黃河者所必鑒而讀禹貢河渠書者所宜思也歟

頌

瑞穀頌

皇帝即位二十有二載子育天付兆民既安既治惟是灾流食艱仍歲爲憂躬藉勸耕禋玄祈祐靡愛靡勞尤疇浴九德宅牧列寓俾殫力以字惟泰安太守馬君克承休命

過庵遺稿卷一

五

克廣德心師古循良安靜不擾罔以虐作威罔立僞求名虔于秩祀惟夙惟明蒸庶惠和嶽靈矜蠶五氣順布庶蒸時若迺下車明年癸卯之夏坤祇發祥瑞見於麥一莖五穗者三四穗者十三三穗者三十七兩穗者不可勝計穡氓奔告朝禁懼呼往觀於稷稷亦如麥守有別館植穡數叢異穎同莖復如在野太守曰茲天錫瑞以彰我后之德不可以弗聞迺繪狀函禾獻于闕下上御內朝宣視大臣詔曰禾麥呈祥皆天地玄恩眷顧其加州守俸一級是歲也臨生輒斃畝收倍常羅丁十七方內咸穰甸奴遠邇天相中興受命之符奚過於此歷選往牒五岐之異肇自洪

過庵遺稿卷一

六

武三年陝西一獻創業中興先後同符非偶然也五運之推端儒弗尙或謂明得土德則土爰稼穡五惟中數比於黃龍赤帝信而有徵矣若乃朱草芝房神爵五鳳雖駭世之觀匪寧邦之具益不足道也至於同穎兩岐周漢君臣動色相賀以方五岐不亦惠乎載惟岱宗古聖王受命告成之所瑞發於是明兆國家也發於別館兆太守也本一而末五其後巨也實繁而粟美有終也其自今以往聖天子萬壽無疆統御無外文子文孫繼繼承承其惟無窮太守其受知於淵衷拔置大僚廣泰安之治於天下永阜兆民推象循理而觀之意甚明白矣嗚呼休徵嘉瑞曠世難逢必得鴻學之士播諸聲詩以垂示永永某愚且賤非其人也感東人歌謹作頌一首獻于黃堂頌曰於赫維明道粹功崇十后同德登于有唐帝謂嶽神余命汝符錫之嘉禾俾發聖圖有守振振克承乃后祥發其郊以彰異茂泰山之陽原田滂滂神發其機鬼司其工麥秀漸漸我穡翼翼五穎同莖以赫厥靈紛若聚旌垂若翟尾自天降祥屑懼以喜厥祥謂何穰穰滿家輸之惟貞億萬其車我倉既盈我士孔飽脩我戈矛張皇天討南蠻北狄稽顙來臣帝開明堂坐受其琛休茲豐功瑞由太守其登廟堂作朕弱輔挈此善政敷于四方匪且匪今豐年穰穰在飢思饑惟

勤與儉貴穀賤玉以承穹眷天命匪懈躋于熙臯腐儒作
頌以配嵩高

貞壽頌

夫受之之期靡齊由生之理惟一期不可人為理不可自
作故遠天而不及期耻也違天而過其期幸也昔莊生齊
生死於寄歸等椿菌於旦暮言雖忘生情實守此也豈順
受不貳之旨哉若夫吹噓呼吸以索其神服石餌葦以耶
其精朝祈夜禱以益其筭斯又不達玄理與造物競者也
古之君子非短世之憂而無令名之患伯玉知四十九年
之非武公作九十有五之戒故年至則心愈小息存而志

過庵遺稿卷一

七

不懈放勲所以辭華封仲尼所以譏伯高也夫生死者理
之還也壽夭者氣之錯也順逆者道之則也否臧者人之
脩也故記曰大德必壽傳曰仁者必壽言夫其貞者也東
庵先生當斯二者與故約情則無喜怒之鑿飭事則有端
絜之操及物則有敏惠之政垂世則有方周之譽宅貞自
得之林安步天衢之路行年八十有一如一日也夫儒者
之道自有玄方養性之術所以養命不得其常則為顏子
得其常則如東庵故不齊物而達不吐納而綿不服食而
精完不求鬼神而筭永守我之恒埃天之屆胡考之所祺
聖賢之所珍也迺若山澤之臞姑射之仙於世無益於天

無光其為天也亦甚矣又何足願與南湖公擢第來治杞
邦樹風則祿奉東庵推恩則政本仁恕期月之間化行政
敷民事東庵翁如事親姬是歲十月干支實維公誕育之
辰是為八十一度也是日杞人貴賤以班老幼以序拜舞
歡呼稱觴為壽羔羊朋酒躋爾公之堂黃髮兒齒禱魯公
之壽詩人所誇未為過也咸以某屬在士末宜採輿言協
諸聲韻俾邦人誦歌傳之子孫以無忘盛德謹再拜獻頌
曰青牛遐徂崑崙降神金精協氣絀縕成躬維茲東庵抱
靈負貞厥靈如何通類究玄鑽思萬變能讀三墳厥貞如
何比物忘嗔赫赫夏日熙熙春雲四嶽言揚百里政分醜

過庵遺稿卷一

八

忤我正蒸迺我仁拔身狗道一人在林用冲體素安土樂
天維學養刃亦固靈根並蹤商皓孤友涓瀆能忘斯世日
傳嗣人鵬騰雲翼豹澤玄文試工作宰俾又杞民雷摧強
梗電迸妖氛優優解雨憐瘁咸振政惟庭訓德乃公恩外
黃之北高陽之南飲食必祝胡不萬年養我父母長我子
孫我有酒食以奉晨昏是滌是滄母以使君氓之蚩蚩上
帝寔聞永錫難老福祿攸臻數推軌策歲紀大椿食烹黃
耳嘻弄麟雲嘉樂東庵秩秩德音

崧河間氣頌 代作

豫州鎮曰崧嶽川曰大河開封治豫之東土部守堯山白

公仁德比崧智德比河三年而政成凡食土之毛布禹迹而處者咸得完其室家保其業聚而蕃其字育無轉徙之勞此離之嘆刻刑苛誅之毒督促追逮之擾罔不欲報之德而憂其所憂以公年踰疆仕冢嗣未立爲之呼崧而祈沈河而禱大小額天飲食必祝迺是歲乙巳季秋二日誕生冢嗣於是歡騰千里雷動豫方縉紳先生咸謂厚德流光至仁必後堯山公邁種粹淵敷施弘篤慶報晚良理固宜爾然自昔禱胤名丘載籍顯列一夫精誠尙爾昭應何況聚億萬人之誠連千餘里之禱者乎夫天愛其所生而奇之視聽廣山大川實鍾異人崧河自生申出圖之後鬱

過庵遺稿卷一

九

而不發久矣天其鍾美於是子以報公之德以慰中州億萬之心乎則夫福慧壽考固已不待贊矣群東山東蔡某聞其言而是之謹撰崧河間氣頌一首再拜致賀其詞曰惟崧抱靈協氣鬱葱實生申甫周社是楨惟河含精源漢通星龜馬矢象人文載呈人文既宣精靈仁敬蓄厚蘊醲待時而發帝懷仁守助予生德崧河之郊蕃息千億圖賞象功厥後宜茂篤生異人以食隆報帝謂嶽神女氣女骨帝謂河伯女精女肉合德毓和鍾爲英物金帝司天月龜將出熊熊兆祥弧矢告六帝聲望望佳氣郁馥敦龐崧蹲豐潤澤渥金甲何神石麟祇辱維此英物允爲世珍天

畜合德風渙敷文器兼舟楫業會風雲功奠藩方澤沛經綸于家元宗于國寶臣帶礪盟封山斗樹欽罔俾萬代專美周申

記

杞縣儒學重修記

儒學署教諭成君訓導戎君彭君及耿生薛生劉生某某謁余言往戊戌己亥大雨水無年邑政隳學宮大壞黌舍蕩爲墟莽師蓆芟以支風雨正氣坊撤火不補先師廟石廡壁崩毀瓦剝損繪事漫暗祭器散亡甲辰夏今大尹山東蔡公下車既謁先師觀諸生習業顧瞻垣宇大懼學就

過庵遺稿卷一

一

廢迺於是議緩急程工費儲材力考規制月繕時增不糾不怠比三年而完自門堂垣宇咸加葺治作射亭三間師宅三區黌舍若干間補正氣坊一考古射禮創射器範銅爲爵置補諸祭器凡幾百幾事規爲弘遠細大不遺方畧審詳民不病擾可謂有功于學矣維古之盛德大業必托金石以垂不朽杞學創自洪武初年迄今百八十歲中間興廢補弊豈伊一人由前無紀載故令賢尹之績泯沒無聞良可惜已今某願勒貞石考厥成績以彰蔡公之功垂諸永永維子其文諸余嘉茲盛舉義不得辭既次第其言乃申告之曰夫學成材善俗有恒重矣然惟賢有司不惑

于速化而專趨要官之所急迺克重焉至於有志而無才
有才而無時皆不足以立事蔡侯之績不謂難哉思其難
毋俾其易毀功乃久凡宮室器用脩於小壞則費約而易
集殿其守視則恒完而遲弊勤於游習則實用而不蠹今
學官禮器蔡侯則既脩矣嚴守視者非三君子勤游習者
非諸生乎皆曰然則又曰官脩其政師脩其教士脩其學
夫脩學宮政之先務也教盡於守視已乎學盡於游習已
乎故考德業精簡別政之質勤勸課躬道化教之質篤彝
倫治性情學之質如質之未脩也則不足以成才善俗失
其所以爲重矣將有指而議之且以爲無益且以爲可毀

過庵遺稿卷一

十一

於戲詎不負賢尹之用心矣乎於是諸君憮然曰敢不夙
夜實脩以對蔡公之績

杞縣城隍廟重脩記

城隍肇祀載籍無考由唐以來稍稍名見高皇帝登極之
明年詔天下府州縣立廟錫號定封於縣爵以伯號以顯
祐職以監察司民祭用春秋仲月與風雨山川同壇邑厲
則祀爲壇主守令始至必與神誓月朔望必謁遂爲秩祀
云祀廟坐縣治之東天順弘治中皆嘗脩葺而拓規制庀
像器後舉盛矣越五十餘年而當嘉靖壬寅廟貌頽毀垣
廡傾廢上漏下瀆材腐像訛神用不集民用不虔縣尹新

城朱侯納住持
鈿劉廷臣董諸
代之督勸益力
苴破丹青聖壇
十有四間至於
致飭貫雖仍舊
蕝矣東增玄武
毀去賽神樓之
百萬丙午八日
蓋佐守令治于
携則有盟詛之
設雖祖法浮屠
昭代重之夫祀
之所以收攝人
此故神之能示
藉神機以自助
神者不獲其祐
形皆氣凡虛皆
一也况於高城
矣皇祖之訓曰

哉蔡侯之禱旱也齋宿廟中已而果雨誠信感通蓋不徒恃脩廟云

公塾記

古諸侯之國小學在公宮之南太學在左公子就外傳因與國人子弟講習其地禁近不雜民居體執尊嚴矣今世守令本古五等邦君例以嫌子弟不出就學宮延師官舍執不得群外人子弟與游師友之道闕焉不備相循逆旅視之今大尹蔡南洲公治杞期年興脩庶務會黃門王盱山謫貳至道同議合思倣古學制以便從游子弟謀於三尹吳侯幕史崔君咸贊之決乃相地得簿舍之西吏廨之

過庵遺稿卷一

三

東故開廢地從長若干丈橫廣若干丈若天遺之以待者於是興徒儲材增高培卑攷位授事某日而載某日而竣中堂三間以居師左右翼室各三間以居弟子周垣重門煬澗咸具盱山名其左翼曰成德館右翼曰有造館取成人有德小子有造之義合大小學爲一云堂與門二公讓名不決學論成文峯氏曰塾宮立於南洲塾規立於盱山請名門曰南洲公塾堂曰盱山師範遂用之南洲公以爲剗空建置必有紀述以貽後考俾來下問僕既著其事竊惟二公不委隨流俗慨然倣古置塾其意亦欲游斯塾者不爲世俗之學而爲古人之學也古人之學者學所以自

成其德非止如今攻文辭射科第而已也故自古之立德立言與當世賢士大夫無非師者今當建塾之初聚古人書選一時之俊秀與游通邑之人將於是乎觀學焉夫古師書備矣今師則有二公之德與政在士游斯塾念建始之重思命館之義讀古人書以二公爲依歸其將遠紹古學盡友益之實以大慰通邑之望矣乎敢論于諸君子

漏澤義塚園記

塋之義藏也緣大德日生暴尸焉則悖德殄和故藏緣萬物之分滓渣歸於土規下之道也故藏緣孝子之情人死斯惡之矣不欲人之惡吾親與不忍物之賊厥遺骸也故

過庵遺稿卷一

古

藏先王以此制爲喪塋之禮以教天下之爲人子者不幸死而無後則有土之君主焉於是乎有掩骼之令漏澤之園自周文塋枯以降未之或易也田之不井也貧者至無置雖廼有死而無所於塋者仁人君子側焉捐田以予之此義塚之所由名矣斯二者皆發乎仁而成乎義者也嗟乎豈可與俗吏言哉杞爲河南巨縣入有明百六十餘年矣嘉靖壬辰朝城王虛庵公來令乃始買田二區夾北郭官道外小徑西曰漏澤園東曰義塚園其地之度漏澤園爲步廣長若干義塚園爲步廣長若干皆域以周垣覆以行柳除其二稅一無所預自是死而無主者官塋之西無

地者楚東廼無復委溝壑給烏薦者矣虛庵以明果之才濟之以正其所建立施設類皆滅淫樹教卓卓乎俗吏之所爲二園之置猶其細也然豈不誠義舉哉公徵去且十年而臨清劉銅溪公以開封判來攝令事視二園之跡喟然興嘆且懼木伐垣頽將就使夷俾來命記其事僕竊惟君子本仁以行其義不可以有已也故功有可立不必其利之我食事有可循不必其名之我出茲虛庵銅溪之心與後之君子追二公之心脩廢壞禁侵伐益市閒田斥拓偪隘斯亦自敷其仁自盡其義耳於二公何有哉若曰耻繼其後我則不暇也其心俗吏之蹈則非僕之所知矣承

過庵遺稿卷一

五

劉公命不獲辭謹刻厥實併告夫後之令吾邑者王公名應爲令三年徵受御史劉公名源澄攝令三月並垂循譽

翠雲窩記

蜀之山發根岷嶓條支散布江水出其麓並山東走至綿而山抱如瓊水亘如絃蜀有高賢曰瓦山先生相地之陽結茅以居左圖右史飲酒鼓琴逍遙倘佯以全其真地有脩篁茂樹交映互蔽水色山光佐以宿靄望之鬱鬱紛紛屋在其間若海市之幻僊之居焉故命曰翠雲之窩翠翠言色雲言狀也客曰命名以假何居日子且以名爲真乎

哉天地萬物皆假名也人之任耳目耳目所據者形聲形聲之變耳目不能窮也造化之變形聲不能盡也極而言之萬有非真也而况於名乎且夫先生亦猶是矣其始學則綿諸生也登第則進士也仕則府太守雲南憲副也退則瓦屋山人也孰爲真先生乎夫窩亦猶是矣吾聞先生著書樂道不營貨產尋幽訪勝適意處留或數月則爲亦適寄意耳又何翠與雲之足辨乎且蜀當南紀山河之曲竹木之饒甲天下如翠雲者固亦不少何獨至於先生而窩之夫士方競于高明之執曷暇經營寂寞之宅有人累者必無道適雖若居川觀而氣味不諧矣故知先生所

過庵遺稿卷一

六

安不在乎窩而寓於窩也雖然窩乃由先生而真有矣蜀土昔多隱居獨玄亭草堂至今布滿人耳蓋子雲恬于利而子美詩篇獨步古今近於古之立德立言者凡傳傳其最盛也先生詩文闡述明理鑿鑿精華而壹行觸然不滓是子雲子美合而爲一也是窩也必與玄亭草堂參時並傳萬古無疑矣余兄前歲以按察僉事備兵于蜀治所在綿雅與山人厚善數數寄示山人詩文及道山人操履甚詳某因得欽仰高風今年夏兄歸自綿面承山人窩狀心益向之廼命某作記某竊贅數語冀異時續高士傳者或有取焉是亦附驥之幸也山人姓高氏名第字某瓦

屋其別號云

觀音寺重脩碑記

如來本以寂靜爲根慈悲爲德緣業爲化其稱珠樹寶宮
天花羅刹等旨在寓言法象顯蒙不解則謂之信然奉其
法者因而實之建刹飭像以聘貽其目傾駭其心而錮其
沈信是故其弟子力能動衆者往往脩焉蓋自入中國來
千數百年禪林梵宇殫麗極奢而滿乎天地矣杞有觀音
寺坐城西南陬自勝國以往縣志不登其端莫之詳也國
初僧勝深者首啓式廓洪武十五年置僧會司以總其徒
由是漸著正統中僧僖清者遂營立殿堂門廡有厨有廬

過庵遺稿卷一

七

無何河灌城中舉滅於水寺廢幾三十年而劉付者縣故
衣冠族少無貲省一旦蓬跣糲食力苦募施當弘治初積
二十有四年而遠近風動財賄翕合迺於是大治寺宮凡
建前殿五間大毘盧殿五間伽藍祖師天王山門等殿合
若干間土木繪事費值千金房垣工餼不與焉亦會累熙
之運物盛材餘故得感以後福指其不急及夫群閭肆毒
百辟營賂誅網茨積等於頭會加以土做歲侵戎馬時動
杞當中原之要受病實先當是時彘食仄伏營醫眼前耳
奚暇媚佛哉比于正德之季寺已蕭然矣今天子右文正
典大撤祠寺寺獨以會司得存而僧徒凋落垣戶傾塌豕

鷄在宇苓通濺階僧祖灌者志脩戒行羈繫檀施稍稍葺
被柱傾不遂圯廢灌有力焉夫道有本有文匪本不立匪
文不行神而明之存乎其人跡此寺之興曷嘗不視其人
乎始之以深成之以清付慙振其廢灌僅存其亡民愚而
神也曷可徒文感之哉故絕塔巨宮其基在乎清脩苦行
鑄金砥石其壽在乎無量至誠金碧丹青其質在乎色相
俱滅所彰在彼所致在此者乎灌得知府劉公施石乞余
爲記其大畧然後有覺者能信用余言其亦壽於石遠矣

過庵遺稿卷一

六

過庵遺稿卷之二

序

送王大尹赴徵序

儒者季熟日措齊於治然當施寡效余所見惟獨王侯云
侯之治杞也敦名化戮鬼教樽費驅游急獄禁擾敏作厚
蓄滅崔蓄之劫折鄉里之跣縣積困敝漸致休寧藏無乘
慢途有守遺咸怪侯投卷握綬練若累政者焉甲午冬侯
上計予借試禮部道朝城覽侯之別業羨疇茂林崇垣敦
盧法規典制雜儲克具僮僕木強通宵傲作迴嘆口侯之
政本其家矣夫正業之綱也勤業之基也時業之會也備

過庵遺稿卷二

一

業之守也正以立民勤以率作時以趨功備以豫變安不
濟矣然人家施則晰政施則蒙蒞於人曰之眠耳故以吓
陌為田圃無弗待矣府庫為囊橐無弗約矣城郭為墻垣
無弗繕矣游靈為惰童無弗治矣行劫為身遭無弗忿矣
嗟乎今之宰民何不盡然惡庸亡論厭不事事臥亦有之
忠哉王侯勤哉杞政豈不特絕者哉三年以長異徵民戀
不舍官屬某等見陳子言狀且告之戚陳子曰萬斛之源
以沃區壤可乎干霄之景以蔭一夫可乎杞安得私侯夫
才患乎不蕪更操則懼術患乎不達易地則尼行患乎不
貞實成則怠王侯理大若小蕪也推行不滯達也操制有

恒貞也才蕪博受術達弘施行貞逸致司天官者知之矣
故以風憲召移臨庶付司言舍循良求忠讜而豈徒哉天
下之事貫同一邑導從糾違摠之風憲今天下人心多辟
神姦煽惑物耗財匱力罷用靡水寇竊游戍兵畔紀自杞
政推之寔多對證王侯三言將不疚不四隨事救藥計盡
遂行休寧之效必移於海內故疏源廣漑區壤在其中矣
徙景家麻一夫在其中矣海內舉安杞在其中矣諸君何
戚焉於是咸稱曰信然哉子幸告侯侯速命駕

達剛再贈王侯

侯之被徵也余既為官屬言侯遂且大行杞今波及矣毋

過庵遺稿卷二

二

戚而諸例拜官者某等數十百人聞之私於余曰若吾子
之言侯也剛得無忤時夫時也不喜直直則以好名罪以
謗毀罪以訐罪以黨罪竊觀於侯上官權柄也共而不諂
淫祀疑福也墮而不感豪宗大猾憚也則折之毀譽之口
忌也則任之若是而當風憲必盡言無諂暴奸繩枉夫盡
言者惡怒言不諂者犯多諂愿奸讐發群枉醜正道懼于
不行奈何陳子曰唯唯否否未知其二也蜚蜚不可以語
且夜聽謁不可以語四時殤子不可以語世代若夫究遲
化之端權時宜之變非聖者其孰能之昔在弘治優獎司
言正德肇位臺諫氣盛公卿畏口降體接之當是時鷹張

虎眠之倫片言翻海叱咤生靈斯已極矣物極則反往來之道是故皇上念浮薄之橫杜朋黨之門裁抑新進拔理人之良者俾克獻納蓋所以蓄醜藉之材採更嘗之智求忠實之益就厲精之政也昔者納言之命而讒說之聖靜言之流而昌言之俞聖人之舉措蓋若此矣夫矯時以易化者君也直己而守道者臣也風憲者言其職也直其道也言以守位直以明言臣之義也孝子不創勞而違諫貞婦不懟洗而偪其何者誠激於內豈嫌顧其外者哉故嫵好名而輟忠實好名者也惡訐黨而不擊實訐黨者也吉凶有數非闕直枉之間也史鮑不必長誦彌瑕不必卒幸

過庵遺稿卷二

三

爲湯未必不敗爲黜未必不全寂寞未必保雄明哲未必存固此其尤章大著明者也是以君子見微知著即始惟終大君者上官之大者也子奪者禍福之明者也權執者豪猾之巨者也三言者毀譽之叢者也王侯之剛既以達於前矣將不達於今於憤世嫉邪其素所蓄積也是非禍福有定焉焉行心之謂信循分之謂順履信思順則天人交助之身曰康侯錫用馬蕃庶晝日三接侯居杞以之訟金矢得黃金侯居朝以之且夫君子不憂懼而子憂懼之乎某等謝曰所請飾於憂憂者於今適睹君子之志矣請併書以贈

送朱大尹赴徵序

朱侯之治杞也一年而誅盜賑饑二年而還流理廢三年而城杞四年而定田訟作撫辰樓五年而徵客問於陳子曰杞政之遲且久何也對曰我侯所謂以道御時者進於智矣繫杞則然杞固勞瘁之邑也加以災疫頻仍資器于繁澤之役葶散之餘化爲鼠竊然猶計廢畝而徵輸按空名而索役當是時而欲報政葶月飭治彌文更張庶事卷交而賈譽爲斬然一切之令以取快意豈徒不獲所欲正須舉縣淪亡身受其敗耳是故我侯爲之因而而不革靜而不擾清而不激威而不殘明足以察淵魚而志在併容強

過庵遺稿卷二

四

足以拔大本而計先安富慮足以綜隨細而事貴使能力足以最微科而期從其緩綏理而鮮烹之以徐俟其成卒也小民安之監司信之銓衡舉之彼捷取而善宦者未能或之先也侯於是乎賢遠於人夫知不可急而安之若命智之上也黜欲而休時道之術也爲其至難宦成功立而人猶不盡知非甚盛德其孰能之哉然則執此而往以司風紀其有合乎曰惟有道者能與世推移而不凝滯於物侯之所施者杞也其所未施者容可測乎哉詩不云乎彼姝者子何以畀之雖然即移杞政于天下醇醪碩鼠之風亦少熄矣夫受言如受味居平則厭梁肉悅易牙困於酒

食乃賔眩之甘而倉扁之用今之頌太平貢祥瑞詭進
熟者盡天下深矣斯亦明主退易牙而進倉扁之時也然
則我侯之道必將有合而杞與天下並受其福不遠矣于
是杞人士聞之欣焉若更受賜也咸請書之以贊侯行

送盱山先生遷臨晉令序

盱山先生始舉進士則讀書翰林已而給事黃門已而丞
于杞十閱月而遷臨晉令瀕行縣大夫南洲 蔡公張祖
道西門外送者空城詭留者塞道路酒三行大夫揖庶士
卜前致辭卜乃捧觴進曰夫士屈於不知已而伸於知已
是行也公有知已也夫雖然古之立大功名者未始不前

過庵遺稿卷一

五

屈屈然後衆惜其滯挽其進而幸其成功夫是以當大任
而無忌毀雍丘之出其伸之機乎臨晉之遷其伸之漸乎
公非久于外補者也又曰屈伸榮辱在人士或執爲已有
忻戚在我士或制之由人故忘其所以來仕而國與民受
其弊觀於近世有自通顯外補者往往梗職官禮體侵寮
長政權否則放情詩酒不屑職事否則悲愁無聊否則變
節易行斯皆無奈其情何公之居吾邑也旅謁上官不爲
巖異大夫分之事則盡忠料理無事則端居縣齋子弟從
之游則講學不倦故上官嘉其有禮寮友敬其忠信吏胥
畏其嚴密人士樂其教訓小民服其庶公公所謂以道制

情不擇事而安之者耶士患不知道不患不行盱山公知
大道矣道豈負盱山公哉吾以臨晉之行卜之也又曰雖
有絕人之智不如更嘗之真臨晉於古爲桑泉重耳出奔
實始是邑重耳固霸王之器也至其識人情僞備嘗辛苦
艱難得於外者則多矣故一朝有國霸諸侯如友掌公明
慝夙成非此其倫而世宦蚤貴殆無異重耳之爲公子也
乃今一孫于梁再孫于晉陳蔡之厄非孔氏之幸耶天下
之役河爲大梁受之天下之憂虜爲大晉受之公方當應
召赴闕訪以時政因規畫所見以獻比之坐京師據縉上
空言者詳切何如也由是言之臨晉之遷天之啟公不既
厚矣乎大夫蔡公曰然王君無薄臨晉哉位且自此伸道
且自此兆智且自此達君無薄臨晉哉於是盱山先生立
盡三觴辭謝登車而去

過庵遺稿卷二

六

贈秋岩子序 代作

君子未遘其人而能頌其賢者有三術德符類於所舉聲
考風於所自施徵實於所加養交善際爲悅而已者足以
致身不足以達譽飾奇違道爲名而已者足以達譽不足
以孚民若夫本忠敷義受之者安激之者揚聞之者傳察
之者舉斯其真賢者歟僕未嘗交戴君然而得知其賢者
以此也僕雖蟠迹沈冥不復掛天下事然日與田父游喜

得賢牧守以靜吾民也以故聞賢牧守名斤斤不能已陳留與杞地接政亦相及焉戴君之蒞也里之人或告曰杞不夜傲知盜之屏也粟價頓減一倍知有餘也民不上訟知蔽罪公也貧者不役役均也其有嘆其威儀騎從甚閑以都者又知庶務畢綜矣僕因嘆曰賢哉令寧無賢者知之已而聞簡巡撫之薦且亟褒獎焉夫簡巡撫者固今世之賢人也惟賢知賢果不繆矣獨未得其事實無何君之貳朱君將舉慶典以對簡書而咨言於僕實介江生僕不佞而不能嘿於君也遂進生而問政對曰侯之下車也會杞中饑傾倉賑之曰雖不必核利歸下矣穀果賤至今僕

過庭遺稿卷二

七

曰仁以大矣信初民有失財者盜不獲下令曰告者予二十緡已而輒予二十緡自後民爭告盜殺老盜數人餘盡奔逃他境曰信以明矣信其斷獄也立剖事情輸情從輕隱奸從重徼欺于上訴則殘之曰嚴以恕矣信杞稅之均也賦者便其盡一不復三等農民坐困侯則據產核力參伍以稽發隱搜漏賦遂大平曰密以勤矣信令出惟行莫之敢梗吏民矜矜罔有怠心爲之而必成求之而無不得意曰精以威矣信且夫里巷之人心不辨毀譽其口常公已足以決賢矧又有賢大臣之薦觀大臣以其所舉觀小臣以其所爲舉僕昔承乏天官之考以此決天下士百不

失一矧又知其資政整政以質聲聲以質舉舉以質道故曰戴君真賢令也士固有矯脩於初政而毀節於立名騰聲於小官而喪實於成宦者君必不然或問杞縣之政曰似趙清獻無已則子產乎夫君子作民父母而時出猛政以威不蹟所以成吾愛也近時能吏一日之中所欲必遂毒膚流血以取小康聞吾戴君之用心亦宜少知悛哉江生又曰吾侯氣宇高亮博學雄辭惜僕未之面也故無得而頌焉秋岩者戴君別號云

賀彬庵朱公獎勞序

過庭遺稿卷二

八

天馳道餘三千里河南最袤渡河而南駐蹕以十餘數榮澤最棘協費於榮澤州縣以十餘數杞最劇供協令貳以百數彬庵朱公最賢以故襄事之日撫按諸公差勞爲三等朱公第一鼓用幣以彰厥績乃杞人大夫庶士胥醜儀致賀而謁其文於子敘曰昔在封建之世侯邦土貢田祿餘皆委積以待巡述之典稱爲兵衛寡供億省然自成周盛時已不能遵五載之規降自東遷師行糧食民不堪命矣蓋質文異世供億日繁其孰然也況於郡縣既立貢賦悉徵一錢之贏必里巷出而加以不時之巡千乘萬騎之備百官六師之奉後車中璫之劇貴權私從之冗城社橫

肆之索乘與之費一津龜之費千供億之費千要祈之費
萬載稽三季以還未有可比於先王觀者也於是守土之
臣毒於奔命幹捷之才取重於時矣是歲春饑夏疫而皇
輿時邁於楚土臣倉卒徵發百出千里之間靡然騷動我
祀以虛名舊貫貨財徒馬十倍傍隣耕夫解軛紅女下機
率死不救棄子不視以奉榮澤之役既而前驅渡河攘馬
衆潰後車脫駕豹尾不屬饗謀媒棄縛戮守土功無所底
而幸以莫測則後來之役情事可推矣奚暇顧民哉彬庵
下車而爾適當斯役艱哉危矣於以成功匪夷所思也蓋
惟仁者能形民之力而以虐爲寬惟智者能識其機要而

過庵遺稿卷二

九

以約爲泰惟忠者能不避艱險而以危爲安斯三者彬庵
之所以成其功也故徵財於菜色之室鳩力於疫療之身
而嗔怨不與可以觀德矣身當劇紛不規闔避而事濟名
完可以觀處矣遂以一役之勞蓋三迎之功可以觀賢矣
且彬庵公非求赫赫名者也豈弟之情惻惻之行平易之
施杗鑿今世矣而名卒隨之實之不可掩也如是近時能
吏固有歛怨以市喜罷民以博榮虛獎浮於趙張而實則
不至自莫逆有識之辨也論彬庵之功者又當求之驪黃
牝牡之外斯可矣彬庵者甸服之英以進士高第筮仕杞
邑文章政事卓有典刑非規規俗吏云

賀大尹蔡南洲戶部獎勞序

唐陽道州自署其考曰催科政拙撫字心勞蓋有激云爾
自通人言之施從其厚歛則不窮歛從其薄厚則不銀乃
相濟而非相病也夫國賦有紓棘民力有盈耗物土之宜
其成有時酌調通變形民之力不迫於非時以害生是
所以致撫字之實焉耳世之君子高自標置則汚視金穀
希寵富國則甘心竭澤宜其病催科撫字之難兼也若乃
杞之爲邑賦重而貧戶繁而散加以天灾海至蕪穢盈疇
負欠狼藉督責旁午不有君子其能國乎蔡侯爲之政在
養民計先厚下咻煦撫摩比屋傾心漕米萬石先期而集

過庵遺稿卷二

十

司徒氏嘉焉騰文致獎名最列城情存撫字績底催科通
人之論不其然乎七月朔吉三尹吳侯奉宣慶典置酒在
公皤皤父老走集庭下稽首言曰曩以歲之不易散無友
紀奸蠹並興助歲爲虐吾僭小人咸有潰心朝不及夕其
遑恤賦天乃昇明府照臨鄙邑頽紀更張蠹賊屏跡無侈
費以匱我財無泛興以奪我時無苛徵急歛以竭我生產
我是以安於田里而保其生聚服勤力作以奉國經今司
徒下教施慶於明府曰知縣蔡催科不擾完兌如期真能
知人真爲知言敢再拜上千歲壽蔡侯顧謝曰昔陽諫議
猶見督於部使予乃獲賞於司徒二三子樂輸之力也予

德不逮古人而能得二三子心可以賀我矣君子謂太上
有立德侯其人哉其自今以往爲吾邑者賦有不時辨諉
曰我知撫字而已不能兼也民有不靜業又諉曰我知催
科而已不能兼也則有蔡侯之政在陳臬樹風垂之無窮
是謂立德吳侯曰信遂謁過庵子叙之蔡侯名時雍字道
亨別號南洲

叙大尹蔡侯受獎

歲嘉靖乙巳夏六月二尹王侯三尹吳侯率吏民生儒盛
威儀般聲樂遊大尹蔡侯于西郊饗諸公所厥篚賁文厥
陳豐備稱獎禮也於法以勤立事章其勞也則獎之以能

遊庵遺稿卷二

十一

效官勸其成也則獎之蔡侯旬月而有勞勸之獎三焉縣
承積弊民逃其上田棄不耕而逋負狼藉督責旁午乃侯
酌量緩急形民之力不困迫於非時租米應漕者萬石先
期而集不虧於素於是乎有戶部分司之獎巡按御史之
料陳田也檄侯分料功先諸縣適會脩築宓戲陵墓遂以
羨才見推率作是任陵成考績惟侯茂焉於是乎有左公
之獎清戎御史觀茲任事與嘉其還定流亡也於是乎有
賢能之獎三獎同時群情胥悅揖讓登筵以班稱賀二尹
王侯前而贊曰書稱惠則民懷哲能官人凡催科之術豈
剝民是爲伊厚下是務南洲咻煦撫摩道之生民安其

遊庵遺稿卷二

十二

德而趨服其令用以撫字之志成催科之功民懷也夫凡
立事自用則小任人則裕南洲之赴陳從以敦琢量材投
事綜畫考成故不勞而舉能官人也夫慎斯術也以往天
下可幾而理也況於杞哉况於杞哉吳侯繼進曰篤哉南
洲之政也不飭僞不耀詭辨名而名我隨孫功而功我推
公哉臺省諸公之心乎匪悅曰之比惟治事之察匪南洲
求于諸公惟諸公求于南洲下務脩其職上務得其才我
聞至德之世天下爲公殆庶幾焉於是蔡侯謝曰某德不
類辱二兄誤獎敢不夙夜恪恭以無忝教言生儒吏民視
三侯者之以道相規也再拜賀曰不圖吾邦得見古人矣
是役也某實與寓目焉承王侯之命撰其事歸蔡侯
贈大尹蔡侯政成序

蔡侯之爲杞也歸流閩荒省獄戢盜平甲籍減徭賦實守
聚繕館舍新圖誌治梁道庶務脩明吏恬民和均糧之後
丕丕再治竊嘗察其繇焉恩信以馭物故信而弗貳威明
以折違故奸宄弗興恭敬以獲上故建請必遂辨讞而不
忘故事無廢弛作勤而約費故見功日廣精誠以禱祀故
年穀屢豐六者侯之所以成其政也自昔語杞之難治者
曰稅多而難集訟囂而難靜道午有供給之難爲曠有追
攝之難語其易者則曰小民忠順易令也君子無求易與

也厥田柔肥易富也通四方之貨易辦也夫政由時易治以材成道其時雖力弗治非其材雖善弗成故邑無難易理亂由人然材之所就過生於偏時之所因道病於隨君子因其時不因其弊用其中不用其材變其俗不變於俗詩云不競不絀不剛不柔敷政優優斯其爲政之成乎或曰今之成政者何必然養交以弋譽媚上以媒舉厚賂以速化故曰三分官事七分人事良吏矣曰君子之所以爲政者三而官職不與焉奉法廣德以承君也急病謀闕以荅民也飭躬守道以達學也三者無負則功業著於當年聲光流於後代信史之傳循良者推其最祀典之報功施

過庵遺稿卷二

七

者永其食孰與冒天官一時之考竊公家升斗之祿者賢乎於戲微蔡侯孰與論政哉二尹胡侯曰南洲之政刺舉之牘人致美評則監司知之矣請於天官不親考績人無間言則銓曹知之矣爲祀三年旌獎之檄殆無虛月則上下知之矣若夫備史官之採徵祀典之稽必紀述之文是賴則頑先生圖之某愚且賤非其人也而知侯之政不爲不悉姑述所見著之於篇以竢

賀幕史崔君部輸有功序

制河南省歲輸秋米若干萬赴淺灘水次以投漕卒以灌通德臨清諸倉以餽六軍之士戶部歲遣官屬蒞其事蓋

軍國之重務也其法自正月兌軍盡三月而畢後期有常刑責限比他租賦獨嚴而河南郡縣去水次遠者數百里中逾大河納精則車牛轉輓勞費不貲率十而致五六徵價銀買諸商人則豐歉靡常米價贏縮靡一官予之估不必縣合漕帥稍稍稽留輒毒楚之以責快窘急貸於土富不旬月其息倍以故輸送之家往往殘破而部輸者鮮克獲功執使然也杞糧當兌軍者萬石嘉靖乙巳幕史崔君實部輸送甫三月而竣事戶部移文獎其勞其文曰云云不謂尤難者哉蓋設方畧集租稅以投輸納者其責在令長摠徒役密防衛與商賈爭低昂與漕卒爭槩量秋毫零

過庵遺稿卷二

七

碎皆部輸者之事也自非識明才敏強力有爲勝斯任也鮮矣崔君明習吏事幹辦精敏其成功有以也抑民之戴君皆不在是夫所貴乎長民者爲扶其力之所不能慮其智之所不逮也君之部稅銀至藩司也例留其半筦庫之吏將重其手民伏階下不敢出聲君乃毅然持權衡與較輕重吏不得售其計其始往也責輸送之家出羨銀十以備賠償摠檣之母使泛費故免於毒楚倍息之苦斯不謂扶其力之所不能慮其智之所不逮者乎迺將能吏赴上之需殘民以逞而竊微寵榮使百姓見旌旂之色聞鐘鼓之音舉疾首蹙頞則崔君之罪人也烏足貴哉六月之吉

吳侯承司徒之命式舉慶典屬予爲序予故得修崔君之功並道其有賴於吾民者云

送成文峯枝文浙東序

文峯子關西望族也自其曾伯祖父子起家進士而仕皆不得意乃祖乃父抱懷利器遁跡丘園淳澤蓄慶而鍾其美於文峯宜其雉介鸞鸞文彩秀發儼然豪傑士哉舉於鄉不利於春官而署我庠教事乃其教尙行樹風不專文藝周貧以示義賞孝以示仁吊孤以示禮執言以示直明約以示信諸生悛悛稟要束歛然興起聲積流聞洽於上下薦剡旌檄爲八郡校師稱首信哉其能成名也今年夏

過庵遺稿卷二

十五

浙江省以銀幣聘校文官於河南巡按候侍御以文峯應聘且移檄褒獎優以殊儀吁亦榮矣六月某日單車東下諸生張祖道東門外揖謂過庵子曰君知吾師者何以替吾師行過庵子曰僕何言哉夫文峯教我庠士者固所以爲選舉地也以其所教爲其所取則達乎哉今天下之文盛極矣浙士其尤也明詔數下崇雅黜浮而浙中達者倡明致知之學刊落枝葉專孕靈根一時材備靡然向風斯亦文質循環物極而返之理也文體之變闕乎考校甚於影響歐陽子所以大起宋衰者也今浙東簾內之任文峯寔往得非以歐陽子之任望文峯乎若然則杞庠之教直

其則矣文峯子曰然不敢不勉也抑邇來考校權主於監臨議分於同事予獨且柰何過庵子曰蘇軾有言君以名求之臣以實應之況今之聘君者而豈徒哉君子患無以爲具不患不行安知其不吾信而億之也不然寧以銀幣之聘薦書之錄榮一文峯子已哉於是文峯謝曰吾過矣吾過矣而遂行

叙邑士譙虎岡先生于林下

士之能自去其官者有四一曰明道二曰知止三曰爲親四曰有激若吾邑王虎岡先生之歸其出四者之外乎先生以明經貢於朝俾分教泰山於道無可去年未六十官

過庵遺稿卷二

十六

卑而祿薄非有盛滿之懼者也內則親終而後仕無四牡之悲外則諸生尊其訓士大夫敬其德部使者嘉其脩職咸無可去者然則何爲去其官爲其兄之孤而已先生之兄曰西楚先生踰五十而生四男子無幾何而卒大者成童小者未既龀箠箠靡依先生聞兄疾病業已遣孥歸省訃至即日請老子州守州守曰毋子官且遷請于府太守太守曰毋子官且遷請于督學憲臣于巡撫中丞謂之如太守言乃先生請益懇嗚咽泣下自中丞以下咸爲悲動許其請禮典有加於是泰山之學士大夫吏人民庶無不供張祖道送先生西歸或爲詩文投贈載之滿車今世之

士自始學句讀即指科第爲直筌一人仕籍日夜聘高爵厚祿榮身肥家以爲極致非敢斥死亡不已夫以道去就者尙矣間有知止去爲親去有激去者已孤絕不可多得矧有如先生但爲其兄之孤而去者嗟乎豈不殊絕大丈夫哉或曰先生之祿不博其家厚向使據高爵厚祿未必輕於去也曰人心衡也天親與外物不兩重推先生之心必不以天下易其天親何厚薄之間乎今人爭財貨一錢之嫌骨肉仇讐別肯灑然自棄其職祿以爲兄之子嗟乎先生之心不可易視也先生歸且期年遣選郊墅撫教其孤姪時從田父野老飲博道舊爲樂邑之士高先生之

過庵遺稿卷二

行相與載酒崇肉觴先生於林下昔二疏既歸賣黃金與故人飲史不載其鄉人鵬二疏事韓退之序送楊司業供張車馬盛矣至其歸見田園樹木後鄉人觴否亦無聞焉由是言之先生爲兄子棄官與吾邑人士觴先生林下皆前世所未有也僕謹表而論之以爲千古一奇事云

送張選人序

吾張先生君佐之丞垣曲也有惠政焉無何而免垣曲人思之立石頌功德以寄毋忘選人張九林氏曰君子之思也心之細人之思也面之且文詞示夫能文詞者耳無若

氓何乃慕頌襄糧踰太行渡盟津走千里來祀再拜獻頌

而請於先生曰君侯有大造於垣曲垣曲之人思一望見君面如孝子之望母也雖然則安能致之願審厥像肖諸生祠俾我民世世俎豆焉以慰朝夕瞻仰當是時先生去垣曲數歲矣卒聞張言且驚且泣且讓不敢當然竟弗能爲也許其請厥既得像選人則以是月既望載以西歸而杞人聞先生之去官而見思也曰古之遺愛德乎公而深聞選人之以像徃也曰陶唐氏之遺風乎情忠而遠皆祖諸西郊賦詩以贈過庵子曰吾今乃知王道之動人也夫世有像祠者矣設飾達貴以徼後福者其情奸術風譎藜以術流俗者其事僞眷戀親姪以報德者其道私而先生

過庵遺稿卷二

者廢丞也於垣曲數年不聞也而思之者盡一邑之人也蓋先生德政甚多而其大者以請金活民以請金失官垣曲人念曰侯以活我故而失官則有不酸鼻下泣者乎故請者心之無所恤也思者心之不能已也王道之情也文王泣枯骨而天下歸齊桓存亡國而諸侯畔何哉交無爲而桓有爲也選人爲泣曰嗟乎侯不負天而天負侯拯民而殃厥位過庵子曰人也天不負先生先生有子甚才而民登崇居顯以其貴貴先生伊邇矣時乃天定也抑是說也使邦人聞之慰乎曰慰矣遂書以歸之

敘賀翟君堤塞有功

河自趙皮村之鑿也南決白家口灌州縣十數摠理者利其然因數歲不塞由是故道遂對洪波日至梁宋之郊環數百里匯爲巨浸魚鼈游於平陸鷺鴒郭於墟舍民川蕩析離居夫築塞決口並河引堤游波不泛宿麥一稔則存者不流流者可返亦事理之最急者於是衆咸願其謀中丞尸其議閭率肩其事勸薪於田至募食於富室顧力於貧丁而鳩工部徒則分諸群職之良者數十百人訓術翟君一澹以材幹應選四旬而堤成中丞用嘉偏勞有功禮及一澹廼邑士大夫會持羊酒往賀翟氏而是歲也麥毀於風沙塞口復決粒豆不遺翟君因是而嘆曰嗟乎予何

趙庵遺稿卷二

九

功哉客以問陳子陳子曰美哉翟君之志功不足以蔽之矣夫立功有五基於志幹於材成於專壹因於地利會於天時是以能立而不敗夫一澹乃在數十百人伍耳所部畚築之具費直二十金出其家資辦之此其志欲何爲者寧欲錄錄因人成事者耶吾嘗覽翟氏別業當霖潦之餘閭里相通靈燭不徹而翟氏墻屋獨完綜理之智徵於是矣使數十百人者咸翟君傳必有以用地利禦天灾曷至甫成而頓廢乎今夫糾繆百尺之韜對於寸朽若朝寸而持朽百愚夫決之矣翟子其若之何矧是役也功薄河壩流沙浩浩風之善擊波之善崩隱以金錐燥潰濕濘難施

其巧而乃春以終風夏以淫潦夫功立於五而一澹不獲三焉庸之廢也過不在茲矣故曰翟君之志功不足以蔽之也雖然彼專壹其權者方以自功而在數十百人伍者乃以自歎人之度量相越遠矣哉於是乎書以授客使翟君受賀

賀劉君伯直序

考城地糧之訟同惡二百餘戶糾結一造其執爲難敵又多豪富黠譎權行閭里力動公卿才詭者爲之役游談者爲之詞貪賂誅執者爲之威其危爲難測而占墾科糧前百餘年無顯文貞載徵厥故實其事爲難明直則一邑得其平不直則一邑負其重其患爲不專以不專之情挾難明之事而對難敵之訟以冒不測之危自非豪勇之士識明志決義不顧私者曠克辦此哉以故地方百里民萬戶餘其才足辦者莫肯行行者以執孤無援弗克濟訟且以僞蔽奪其地而遺之糧於是杞人憤之咸請劉君伯直伯直素以才能豪縣中欲收敗爲功因難見奇慨然以爲已任衆聞伯直任事咸踴躍不期至於是智者效謀勇者效力富者效財故冊一出僞訟立敗乃致其渠魁與之坐獄以折其氣鈞其讐詰其以潰其腹心縛其冒名爲用者麗於法以斷其手足此蒞對之日事已明自十九奸民咋不

趙庵遺稿卷二

三

敢出聲獨其有執者往來切說至斷者虛聲恐喝伯直益奮厲弗悚指摘冊文核徵變故卒莫能奪地糧定如均糧之舊而抵偽訟者罪事已杞人士議曰今茲之役伯直爲宗功不可以弗獎乃相率具羊酒形幣往賀劉氏酒半過庵子舉觴言曰伯直丈夫有才能貴能立功於衆使後世有所稱道假惟用以自營雖富比封君力通卿相身終而名滅與愚駭何異今伯直奮身爲一邑倡俾一邑糧不加重其誰不念豈不果於行義立功名丈夫哉可謂不負其才能矣衆咸贊之繼又鴈曰茲事既正其端宜竟其事考城歸糧於杞鉅矣其詳載於景泰年冊伯直能搜舉故實

過庵遺稿卷二

三

壽素庵徐翁序

縣大夫蔡侯問曰夫人有子而及見其成訓迪之而身食其報富貴而歸故鄉乞身奉養而朝不絕其籍此皆天下所難也余睹素翁有異焉翁年四十而有子又四十年而受其封例京朝官滿三歲乃得推恩而南州公甫入諫垣卽以詔恩得之封之日翁適就養都下入謝廷中六科諸近貴無不再拜將迎前封者希有也方聖主貪與士大夫

共致太平不喜言去去立得罪惟獨子無兄弟許歸養南州公用是得奉翁還鄉此皆尋常所必不可企翁何脩而致之過庵子對曰翁所謂自天祐之動與福會者也請畧言之翁居貧不取在醜不隨事貴不阿任真不飭可謂直己之守教受生徒也容貌矜矜爾說詞惇惇爾誠意欸欸爾餘三十年從游半縣中高者第甲科下亦稱良士可謂善世之功及南州得第翁齒德尊矣而省田不變其勞服舍不厭其儉禮貌不忘其恭性之所安非惡聲也可謂長厚之德在都時北虜求入貢嘗嘗中國而邊臣盛言強敵慕化可信朝議恐墮其奸又恐貶損聖化且受諭皆頌望

過庵遺稿卷二

三

不利先發言南州獨奏虜性狡詐難測不可輕信納侮反覆辨論利害數千言決意拒絕上覽而矐之遂用其言而虜卒不敢來南州以此見重朝廷且大用矣力上疏解官爲翁南州之上二疏皆先白翁若翁惑於利害恠功名之會固要母爲南州亦安得必行其意哉此可謂明達之識夫天人不相遠今自朝之薦紳下逮鄉黨士庶聞翁被特恩異數罔不欣欣然無忌惡者卽天之意可知凡人所預欲而不必得者制於天也如其願者天人合發也非盛德其孰能之觀翁之四行無疑矣大夫曰善哉素翁之行南州之孝足以振頑革悖有司所宜崇獎表揚以立軌樹風

者夫是歲六月二日值翁誕晨是爲八十又一歲是日也
南州置酒新堂上翁百歲壽筵率僚佐致羊酒文幣親
造其第捧觴而祝焉詞如過庵子所對云

壽孫翁七十序

杞有老曰孫翁歲在甲午生七十年矣而渥顏腴色聰聽
明眠周旋翩翩望之如僊夫代降風澆政靡民困瀕七十
耆眇矣幸而延未必不衰即不衰必貧賤勞苦或生大山
長谷中蠢無知者也乃翁伯父舉進士第一父補指揮使
綺紉之貴也身兩佐名縣子蕙丞鉅驛膏粱之奉也而歷
年七十而精力爽健豈不尤難得者哉是歲九月杞邑人

過庵遺稿卷二

士相率庀物登堂爲壽酒半相與私論壽故其一曰夫蠶
推龜鶴并遜栢松朝菌不及旦夜而大椿累百歲尤榮故
聚氣成形積氣定數譬諸陶冶質厚者堅公之壽蓋生而
然也其一曰均膏以燃炬烈則先燭風易消籠之則塵故
硯以靜久芒以順全盧倉起廢而彭鏗引年翁之壽蓋得
於養也其一曰不然迺吉逆凶順昌悖亡天道助順人道
好謙故云樂只君子遐不作壽假使忘生殉欲賊物自奉
則何壯不折何生能養吾以爲在德也相持不決以問過
庵子過庵子曰人知其一安是安非雖然於翁何如至生
者曰吾望其貌隆察其氣充辨其精神如鶴如龍斯大壽

之徵也至養者曰吾觀其嗜慾有節嗔恚不烈藥餌自扶
無病而加攝始於老子之所謂嗇矣至德者則曰翁篤於
親惠於民謙而執禮白首無爭安而無傷樂而無殃嗜嗜
怡怡以盡其天常非有德其孰能之哉過庵子曰三子休
矣夫生者本其質也養者慕其守也德者要其成也一在
天二在人然德則至矣雖然三者專足壽也而翁乃兼之
其壽也孰禦古有度百歲而不死者微翁吾誰與徵

賀耆醫顧翁冠帶序

今制民八十者賜冠帶貴壽也貴之何難也夫人聚於胎
散於生猶之蠟炬然明之久近以厚薄爲期均厚而無薄

過庵遺稿卷二

天弗能給也故久其生者鮮矣此其難以天炬雖厚燼之
潰焉風之忽焉麻其外剔其內斯得盡其質矣胎雖厚七
情五志盜之六淫聲色寇之患難金木戕之慎汝內周汝
外斯得盡其天矣此其難以養天與養難得而兼也是以
壽難是以聖王貴之夫養之道有三焉忘物養形忘形養
氣忘氣養神忘神養虛此神僊之道超乎其天者也養心
養性養氣以靜以致中和而考終命此聖賢之學無意於
壽而壽之理具焉者也閑其主攻其客補不足損有餘和
其戾通其結以暢生生以固室宅此軒岐之術輔益壽命
者也神僊之事不可望之人人其知師聖賢而法軒岐者

幾人哉顧翁邦輔其貌龐固其氣平舒其得於天者厚矣
家世業醫至翁而益著劑量鍼灼咸臻其理而符其驗且
出於詩書之族以善道自將不競其心不肆其欲凡養壽
之道三翁蓋得其二焉以故年至而形不做精神完固動
履輕贍其壽未有艾也是歲鄉人推薦年德遵制冠帶知
翁者咸走賀焉儀泉袁子爲之問言於予夫翁之得於天
者得於養者不待贊矣獨喜翁之醫益大行而邦人獲壽
者之將多也恒人之智觀室而貴匠千金買不死之方於
燕人非所及也今翁之壽至於賜爵則翁之術貴矣將見
門外之履滿月易戶限弗給也人人得盡其天年不自此

過庵遺稿卷二

三

始乎吾聞天台有桃源晉世而秦人存焉蜀有青城民多
見十世孫者推翁之壽吾邑將不爲桃源青城之民乎請
以是爲翁壽時嘉靖壬寅冬十月之吉

壽翟母序

夏日李子過我東林咨所壽翟母者問何故不時壽日群
賀一澹始嗣而一澹歸其慶於親以是不時曰孝哉一澹
知樂親哉夫人無不欲親壽然有不必壽者命也人無不
欲親樂然有不必樂者命也故得其養不得其年則有風
木之迫得其年不得其養則有傷貧之嘆得其年得其養
則有愛日之懼夫人情不富貴不樂不暇逸不樂無子孫

不樂子孫不賢不樂然嬰兒之在抱也孩然一笑雖甚憂
戚無不解顏由是言之物養樂慾心養樂志是以曾參養
志仲尼色難若夫日莫途窮多悲少懼欲衰物薄反本歸
真設非有囚心之慕委異之容雖文屋匡床錦繡綉裳滌
滌苾芳聲樂充堂且亦淡然無味貌喜而神不揚又况併
物而無者則壽亦奚益矣嗟乎一澹豈不幸哉不及其考
猶及其母也而能儉以裕物密以完身今也內有弄孫之
奉外爲舞綵之歡賓客填門洗觴送壽翟母顧之有弗樂
者乎雖日爲之可也夫樂則恬恬則適適則神悅氣留氣
不去形可以長生是故至人以之自養孝子以之養親

過庵遺稿卷二

三

過庵遺稿卷之

序

郡庠諸士燕南洲公序

古之時道法爲一則官與士親後世道法爲二則官與士判矣古之爲士者學也以明道仕也以明學故士以官爲師長而官以士爲弟子執位不與焉傳曰事其大夫之賢者友其士之仁者豈有二乎哉三代衰道德之意薄以詩書學而以法律政故士或游鄉校而非毀執政在位者則往往目笑儒生爲迂腐其初一人之身也而積不相悅如是遂使文翁之流一從諸生樂飲而擅聲於史冊所從來

過庵遺稿卷三

一

久矣余觀今之士方其居黌舍業詩書鄙俗吏之跡莫不扼腕自奮以爲異日得遂必且與儒生一體不忘其初及其躋職階秉權執聲利汨其前崇奉驕其志簿書困其精乃不覺暱近吏胥而踈忌學士此豈甘心蹈其所鄙而頓變初心哉所學非所政所政非所學才不足以超於法則逐居而化也宜矣嗟夫隆古之風曷由而見哉吾尹蔡南洲公之治杞也推誠以愛民致精以成務有不若于理者虛心延訪不惑群小之言自邑之耆獻庶士咸師長事之忘其爲剖符之尊也邑士之游開封郡庠者孫子思義翟子應元聞其風而慕之歸省偕友晉謁迺益得其薰炙焉

充然若有所獲既久而不能已於愛也乃相與與授餐之情蹤在泮之飲以歲晚務閒張進置酒觴公于監司行署公爲欣然命駕抗主賓之體揖讓之容穆穆肅肅賦酬之樂融融蹶蹶侑以雅歌規以古義盡醉而罷式禮莫愆蓋歡欣交遊超然執利之表者也過庵子聞而嘆曰南洲公忘其爲官不忘其爲士故士敢與之燕諸士忘南洲公之爲官不失爲士故南洲公肯與之燕欲觀隆古之風者其在斯歟其在斯歟諸士謂余有志於古也宜序而傳之故序

叙賀李穉容氏

過庵遺稿卷三

二

叙曰穉容先世以武伐顯勝國至其祖都水公及其兄中嵩子俱以文學取高第致位郎署穉容襲累世之業不自盈足有志四方阻於徒步無所措其能迺北走燕京輸貲縣官拜汝寧王府典膳所典膳是歲季春三月受命南還具威儀襲冠帶騎從甚都閭里擁道聚觀莫不咨嗟嘆賞知穉容者咸榮之當是時穉容始舉家削骨相隆龐尙厥先於是知穉容者又咸喜之迺相與饋金帛持芋酒往賀李氏館賓李子乾甫爲之請贈言於過庵子禮辭不獲則謂李子曰古之贈者富金仁言各出所有請以正之一言助贈穉容可乎今世諸王不治民而具官自服食起居之

職咸廷授豈徒尊禮之哉所以慎擇其人以養明德也書曰左右僕從罔非正人賈生曰習與正人居猶生長於齊不能不齊言也此其深意存焉典膳掌王之飲食膳羞者也飲以養陰食以養陽用物之宜載於周禮諸書者嚴矣禮始諸飲食七筮桑願之間有天則焉寧獨濟其不及以洩其過爲舉其職而已耶若乃晉之君臣舉不知過而宰夫得以浮之又出於尋常之外者矣夫蒙以養正聖功也故正滋味所以養生也正容節所以養儀也正物宜所以養仁也正過所以養德也典膳之職誠脩正君之功亦過半矣况在王所者皆正乎是故計深慮遠之士將欲傳其

通庵遺稿卷三

三

業於無窮必脩正其子孫欲脩正其子孫必敦琢其左右家人之子雖輕於王公然養正傳業之道一而已矣孔子曰愛之能勿勞乎忠焉能勿誨乎穉容筮仕王國而生冢嗣二責交係之矣誠能以正事王而又推其正王之道以正厥子則聲華孚於上世而福祚流於無窮矣雖有琪璧以先駟馬不如坐進此道願有味於斯言

贈李國賢游太學歸序

嘉靖乙未夏制詔天下十二宮贊劇諸生入銀若干得入監比歲貢生於是杞生李國賢應之月餘謁歸往藍來青校庠之員移之辟雍去辭于令延不降庭比其詞也出門

將迎蓋首尾一時而忽蛇忽龍矣乃士友釀酒宰羊過李氏曰嗜榮哉請慶子榮主人曰辭自是通於仕矣請慶子達主人曰辭夫仕也爵高者上榮祿厚者歸養悅親之道也請慶子親悅主人曰辭賓曰夫游太學者古所謂造士也策名位著士有白首不能希一得矣以君之爵祿奉親孝之成也君子之至願也吾三慶而子三辭之何也主人曰非德選也吾愧焉爾例除選問所由貴選者鮮至大官且又何生養矣嗟乎吾得此而足邪皆無辭而退客有曹君王君質其言於過庵子過庵子曰夫夫是也然西漢二百年廷尉無慮數十百人獨稱張廷尉賢乃張廷尉則以

通庵遺稿卷三

四

質起者也而黃霸至丞相封侯質何嘗累德古今即異制然監員因得試進士科矣今天下由例貢登至大官者往往而有國賢如克其志肆力太學中交海內豪雋弘蓄博聞以博科第無難也若是則其榮其達其親悅當何如者若是而慶國賢當敬舉諸君之觴無辭然余因之而有感矣質貢雖非德選然利也賄以買官利所禁也今人則有剖刻錙銖以奉津要昏夜苞苴以廣聲援金多則考優賄周則衆譽遷秩崇卑視貨多寡土地美惡較以爲價比之質補此爲尊制以取華彼爲干罔以媒利此爲出家以奉國彼爲剝民以富私顧國賢不賺於志而彼洋洋焉自以

爲治最而不出也猶盜賊服賦而耀里讚穴詭字以蓋其僚者耳人心之賢不肖何相遠哉嗟乎國賢可慶矣可以拜諸君之貺矣

賀王貞甫入太學序

歲丙申王貞甫以諸生入銀工部爲國子生改讀書南監因道留家冠服儀文偉如燁如王子父麗亭將軍者余季父姻友也於是季父率賓客長者持羊酒往賀王氏命余舜焉余稔王氏舊矣固願有言也大凡物之將昌其始必有以得乎天而陰陽篤厚其生其後必培崇矯飾之乃克廓大弘隆而永厥世故詩稱椒聊瓜瓞天所相也自求多

過庵遺稿卷三

五

福人所脩也非相疇始非脩疇終余於王氏徵之矣夫中原平曠亂則無民土著者抄相民大率四方之輦轆也是以明興百六十餘年猶寡大族而王氏族乃數十百人齊民之中一有雄剛譎智者出其等夷即豪閭里矣而王氏乃十數又率能起尺寸致產千金故高陽王氏名聞梁宋間幾於太原元城之盛謂非天之相得乎哉然余觀書傳五陵以豪替白矚以俠隕而王石以慳散斯何邪恃天而不脩也故宗猶枝也或以自蔭或以自摧財猶火也善用則明不善則焚脩之不可已也如是故疆者忌之的也富者怨之叢也執者縱之漸也逸者淫之源也縱以市忌淫

以深怨所由覆也舜忌莫如謙遠怨莫如仁矯縱莫如義飭淮莫如禮君子脩斯四者故培以樂施崇以退孫矯以稜節飾以軌物故德與業廣身與名尊動而不疚樂而安斯其廓大弘隆而永厥世之道者也王氏自鄉貢先生業已悅詩書崇禮義矣儒習而監游者五六人矣至是同時而人監者四人其一則貞甫麗亭將軍天性謙默畏事不爭親賢敬士而被服游樂動依儒者無狗馬聲色之侈貞甫年甫弱冠志行實克肖焉夫實勝而退人孰我先能而處以不能將誰與能此不倡則應者息矣一不莧則兩俱罷矣敬賢者速其敬也節有者恒其有也斯於培崇矯飾

過庵遺稿卷三

六

之道有餘矣是故其游縣中縣中諸老先生忘年而與之友其游京師見薦申大人亦往往改容禮焉於戲宜其光大厥家三世之後莫之與京歟客曰夫監胄者仕之梯也王子之道亦可以從政乎曰大禹何人也而書稱其不矜不伐夫治國亦大矣而孔子曰能以禮讓乎何有一謙而四益者易道也王子率是道也終始如之於天下可矣奚病夫仕故曰施於有政是亦爲政

賀劉訓術君生子序

過庵子曰始有子則賀之重嗣也訓術君有家嗣東與余同年舉矣今子仲也賀之何先是君一育三十年不再子

春亦年三十未嗣愛君者咸憂之若未有嗣者然故今子
之生也又咸喜之若始嗣者然君子謂訓衍君生子有天
道矣夫惠迪吉從逆凶理之不容已者故曰天慶善讓惡
謂之人心之天若及公肆已善者懼其不幸謂之人衆勝
天久之反常謂之天定是故天者善惡各得其實分之謂
也昔者杞之經田也段尹犯其艱訓術輔其劇繭絲牛毛
晝夜匪懈田辨租平荒開流歸計其績有定國之勞推其
施有及物之惠然而私者害其公曲者礙其直諫者讐其
正狻者怨其察貨者怒其執由是事脩謗興形立疑併鑠
金銷骨市虎以成當是時君久不子願子願美而英穎於

過庵遺稿卷三

七

是無聊不平扼腕填胸第抱厥子弄之曰有天有天過庵
子曰世之論天者若有神柄鬼權予奪其間非也雨露之
零也植者以榮拔者以腐彼有心乎哉要之類聚群分物
理自取人以私心亂之反厚誣造化今觀訓衍君事方犯
怒蒙怨而吉慶善事自以類來孰爲白之孰爲予之於戲
此可以觀天道矣是歲冬子生已三年君之事既白賀事
始集賓客觀厥子神精明秀兩肩間骨隱隱起嗒嗒嘆賞
曰微此善者懼矣於是飲酒盡歡而屬余序之

翟一濬生子賓客賀序

一濬名淵年四十餘始舉一男諸比一濬者聞之咸喜曰

一濬有後矣仲夏某日子生逾五月脣命杜酒牽羊實諸
殺核造翟氏賀一濬乃盛威儀具湯餅延賓年序班坐白
髮而杖者幾人坐於北南向東上唐冠而上領者幾人坐
於東西向北上青巾襴衫者幾人坐於西東向北上烏弁
服者幾人坐於南北向西上酒三行姆抱子以出見於北
面白髮者曰美哉骨剛而聲長斯謂元神不匱寧健無殃
見於東面唐冠者曰美哉廣角而隆犀斯謂出塵之表宜
近清光見於西面青巾者曰美哉綠瞳而清揚斯謂懷奇
發秀文起學堂見於南面烏弁者曰美哉輪厚而頤豐斯
謂坐而肉食其千斯倉或有嗒嗒稱嘆或有鼓掌而歡哄

過庵遺稿卷三

八

然雷動於一堂於是次起觴一濬白髮者曰頤而郎百歲
毋一日廢于飲食已而唐冠者祝曰願而郎不家食以君
食食乃考若祖已而青巾者祝曰願而郎飽乎仁義毋或
易於膏粱最後烏弁者實金於觥祝曰願而郎子子孫孫
永保茲既卒爵一濬拜稽首曰敢不夙夜敬恭以承諸公
之嘉貺過庵子聞之喜曰吾今乃知嗣之於人重也夫無
嗣五福孰麗矣嗚呼一濬慶哉慶哉遂序而歸諸翟氏賓
客名列于左云

蟋蟀吟序

王褒云蟋蟀俟秋吟言感也韓退之云以蟲鳴秋言時也

吾不知造物者其有意耶鳴者其有爲耶其亦性之不得已耶後川黃子取以名其集焉後川早年詩琢儷矯華晚更沉澹出入盛唐性率厲寡諧事事不攻致獨嗜斯藝因而彌篤非其性然也耶有明以經義論策取士而郊廟樂章用古詩體格其餘俗樂率填宋元曲調故唐律最不切世用特爲文人學士贈酬述寫之技鬻舍之間無肯治者弘治中李空同何大復倡爲杜詩秦漢文海內才人靡然向風各以所長名家後川尤喜能詩文人力所能造尋聲獨往初從廼翁宦闕中謁侯西原氏返於梁見空同子家近儀封師浚川翁北渡河見崔後渠最后拜毫薛西原氏

過庵遺稿卷三

九

西原負才少與乃喜接引後川獎成其能後川自謂法律得於薛爲多然恒歎未詣其極也丁未冬稟稗所作得五言六十四首七言三十六首開出示余余調之曰往何李爲唐詩京師目爲賈平天冠者今子困鬻舍如是持此將安售之後川子嘆曰吾知從吾所好而已其又何求嗟乎士以好惡徇世俗雖近得所欲亦必無後世名哉後川之志其可尙已因叙而歸之

杞縣志後序 代作

杞故志踈謬無法覽者病焉嘉靖甲辰余承乏縣士大夫數以爲言明年黃門保定王旰山民謫承於杞雅善著書

士大夫嘉曰天借杞也贊余調以志事旰山諾之乃擬部目分諸生採閱手加裁定爲篇八其別七十有五篇冠以小序論贊微旨刪繁正疑括以文法粲然備矣草創甫就而旰山有臨晉之遷行李倥偬併日力騰寫余用刻諸縣齋以永傳布按古者國各有史以昭往式來志其遺法也杞在殷周爲上公國固宜有史周衰中國諸侯強大杞就微見偏自竄於東夷之間盡亡其典籍而變從夷禮是以孔子嘆曰杞文獻不足徵也杞既遷而地稱雍丘或仍稱杞歷漢唐宋元代爲名郡縣不廢然亦前未有志何哉故今志自杞未遷以前無載春秋逮秦世稍稍見書漢而後散見史文則頗詳入有明傳聞之世也則詳正德嘉靖間事則又詳亦其執然也雖然上下數千年蒐羅遺佚欲其無脫誤亦已難矣又其日不暇給不及是證者多尙有賴於後之博雅君子云

滄溟無涯卷序

杞戒僧祖滄滄溟閉關三歲手寫華嚴經八十一卷自以見聞狹隘溟甲午之春出尋名境遍叩禪宗廼繪滄溟無涯爲圖求諸能文詞者贈之言最若干首持以謁余僭冒群玉余惟况道以海取義不一而無涯之義大然堯夫有言形有涯氣無涯則海猶有涯者乎天地萬物皆以形爲

過庵遺稿卷三

十

涯而海於形爲鉅微海則無涯者卒不可見矣是故見於
無涯則知有涯見其有涯則知無涯衆人逐逐未嘗知夫
無涯者也至人熙熙未嘗見夫有涯者也夫惟不見其涯
是以無涯故海若不自以爲水而河伯詭秋水偃鼠足滿
腹科斗矜牛涔彼其眼則誠有界焉矣易曰豐其沛日中
見沫日本中也而彼自見沫則沛爲之也灌今脫風便求
遠覽是能操權揚船駕風破浪雖未至海而已浸浸乎瀕
洞之津無何有之野矣君子之所嘉賞而樂趨之者也雖
然無涯之妙卽寓有涯寰墻非內率土非外學匪昔無悞
匪今有舍已求人愈見背馳譬如浮航求海妄生彼此及
至見海不離此海又如開目見天方其閉時不可謂之無
天及其開時不可謂之有天姑行哉返試以所聞告我客
曰灌能至四方遊者與人無界限心庶幾所謂滄溟乎爲
之誦曰海之波人心之惡海之定人心之靜日月光華乾
坤一鏡赤身獨立顛與女共我不女迎亦不女送

過庵遺稿卷之四

墓志銘

贈工部署郎中事東阜邊公合葬志銘

嘉靖辛卯東峰先生官工部營繕司署郎中遇上獻皇帝
徵號恩贈其考東阜公如其官嫡母王氏為孺人封生母
王氏為太孺人是時東阜卒二十又一年王孺人卒二十
又六年矣後十又一年當嘉靖壬寅而王太孺人卒厥孫
鳳雛以狀來曰先祖墳向未有志不肖之孤將以十二月
丁酉耐太孺人惟子其銘諸卜受學於東峰先生而與鳳
雛友善義弗獲辭謹按狀邊氏系出宋公子世為杞望族

過庵遺稿卷四

一

公諱宥字克免稱東阜叟曾大父諱和父諱通以子雲南
少參公完貴封監察御史公少而警敏與兄少參公俱學
舉子業父察其有拓產才命之治生以給少參公學費性
敦友誼自少參公舉鄉試游太學往來京都公嘗佐行任
其勞事少參之為御史也餽之布絮魚肉不絕及遷山西
憲僉繼轉陝西憲副公微行往省不過旬期所經郡邑人
無知者一時諸公貴人咸義其所為尤為司徒王公迷之
所賞公益務隱約遠權利潼關魏指揮者有獄憲副公按
之懼密遣人懷白金五百兩求解于公公拒之曰金非吾
不愛奈何敗我兄廉名急去我且執若其人遁歸而魏指

揮卒伏其法少參公大賢愛之又感公為已竭力治第乃

為翰草西陲買冠帶焉昔陳仲子辟兄潔名為齊巨擘誠
超乎藉執自封者矣如公篤於天倫而矜然不污豈易及
哉豈易及哉公有負郭田五百畝割其半與仲兄寬及弟
憲半以自給結廬其中買別館于東郭以其屢盡供酒費
每晨起解醒畢步至館中飲微醺入城拉所與游徧飲名
肆日夕醉歸東郭人扶送廬下如是者二十餘年客或諫
之公笑應曰阮籍劉伶今尙御盃否一旦溘然欲涓滴濡
唇其可得乎竟以壽終年七十有一是時東峰先生尙未
第王太孺人日第勉力學問終乃先人志吾不以家累女

過庵遺稿卷四

二

也自是米鹽零碎外及耕稼咸職其勞性行端方凜有法
度內外斬斬無敢犯者以是東峰先生大肆力於學徧交
四方名士遂成聞人太孺人之功也卒年八十有四王孺
人無子有四女適耿汝孝孫懷義太僕丞許濟時監生江
祿王太孺人一子彥駱即東峰先生舉進士歷官行人司
正工部署郎中卒於採木之役娶楚氏封孺人孫男三人
長雲鷺即鳳雛太學生次雲翬儒學生員次雲翼女三人
適生員吳一中李誨卿許蘭曾孫男二女五玄孫女一論
曰邊氏之興自東陵公與東峰先生而東阜叟夫婦實輔
成之杞父兄曰東陵有弟以成其德東峰有母以成其學

豈不信哉銘曰廉不違親行之約冥以逃真德之懸豐碑
馳榮報之灼班耐合竈山之地

山西行太僕寺寺丞北川袁公合堇志銘

袁公諱堂字士升其先守忠自定陶徙家于杞生虹縣至
簿榮榮生陝西安定縣知縣貞貞生散官价价取張氏是
生公少而舉奇多藝能十三善文辭選校官弟子員散官
公爲入賞升太學生弘治壬戌授廬州府經歷諳練庶務
府守西克馬公金奇其才與謀府政推官許者嘗不能蒞
獄公代之蒞凡四年嘗攝合肥令事合肥民尤稔公賢與
六安舒城數上書爭乞公爲其長佐卒授合肥令公之治

過庵遺稿卷四

三

合肥也立規畫省用度崇士風平徭役振淹寒之儒活流
餓之衆寬而不弛威而不殘廩庾靡宇梁道扁錫百墜俱
稱廉公一節龜年神明比舍火風焰猛烈奄及官廡公倉
皇叩頭祝天風遽止而撲滅歲嘗大旱公露禱風雨壇俄
而大雨滂注閭境沾足肥民歌其事傳播四方又善決疑
獄薛陽嗾其黨盜移王鸞符稻計布遺粒接鸞仇家旦而
偕鸞跡粒索仇室獲稻二斗仇以訟府府不能決公取鸞
餘稻及仇家稻驗其米色別心知其誣乃遣人密訪真盜
果獲諸白露橋盡吐所與陽謀者遂罪陽而釋仇家火甲
劉暄者詐王華金環而怒其將訟夜伺殺之懸尸於華舅

氏而亟以縊問公驗之殺也而不得主名迺焚香祝天寐
中若有推而謂曰王華死由汪敬知之已而夢朱衣人謂
之如初蓋敬坊民夜邏見華死而匿雖暄不知也且日呼
暄問敬逮之一見而承暄伏其辜其神明類如此是以名
實加於上下旌牘薦剡前後數十去邑之日老幼奔擁道
傍焚香懸遺像相望送者咸嘆息泣下曰公之愛在人若
是乎先是正德壬申薊寇劉七擁衆犯合肥公完聚繕守
率勵士民乘城拒戰砲碎其白馬將賊乃夜遁公遣卒追
之斬首百餘級當是時公衣不解帶者四十餘日足著於
襪毋甲爲脫已而官軍駐城下公調給糧芻軍用不乏以

過庵遺稿卷四

四

功陞山西行太僕寺寺丞自科目之盛也官位專問資格
公雖以才奮起止一稍遷然當世起家例貢歷官卿屬如
公者已絕少矣公又負恃其能不肯下人坐是爲要津所
忌乃慨然引疾力乞致仕年四十餘耳公善談事理詳剖
連延累萬言不躡坐客終日悚聽不得間劃一詞智略通
敏計慮纖完家故富饒歸而益市田宅居息貨賄數年致
貲千金晚乃益厭盡以所蓄金帛分賜子孫退居河上稱
北川翁時時遊省田間渺入城市子孫三十餘人皆業詩
書襲衣冠彬彬列侍富厚光榮一縣中無與爲比嗟乎智
能之士固不可束哉范大夫伯越而去爲陶朱公富埒有

士公雖以資為時所扼然不能扼其富與其子孫公殆賜
 夷子之流歟抑傳曰位不稱其才必後天道然哉天道然
 哉配孺人趙氏同邑東光丞鐸之女性沈靜寡言笑居不
 踰閭雖慈親罕觀其面識者知其非凡女也十九歸於公
 姑張治家嚴孺人躬炊爨承侍左右惟謹疾則焚香籲天
 願以身代甚當姑心公之敗賊也獲所略婦女數十人鎖
 置尼寺給衣服飲食各訪父母歸之孺人內贊為多與其
 貳劉氏處三十餘年恩如同生撫視所出不異己乳門內
 雍睦和氣所鍾子孫之盛有以也公卒於嘉靖癸卯六月
 庚子春秋七十又五孺人卒於嘉靖己亥六月辛未春秋

過庵遺稿卷四

五

七十又一逾明年冬差祖望儀陽之乾公以卒之年十二
 月乙丑與合子男九人趙孺人生榛監生楠監生梧典膳
 檣宣武行指揮橋監生劉氏生棟生員林曹氏生杞桐友
 六人其三適孫燭邊雲翼聶仇其二許聘王陳言王信吉
 其一孺孫男二十人隆澤履澤恩澤德澤麗澤光澤廣澤
 川澤膏澤惠澤寵澤明麟明鳳潤澤仁澤厚澤堯澤山澤
 天澤方澤女二十一人會孫男五女三銘曰維袁肇杞再
 世育黎而位不遷太僕之勳發自舒城既蹶而顛匪其弗
 克先幾而舍固不待年維翁不施維舍不食以尙其後人

安定縣尹迂岡先生墓志銘

迂岡先生聶氏諱鉛字廷金聶自道元仕元廣東道廉訪
 使子孫世望於杞曰子宣者先生高祖也子宣生迪迪生
 敏敏生七品散官芳配李氏生先生為人高才抗志少而
 警敏暢於文辭凌厲不群弘治甲子舉河南鄉試第七聲
 名日起咸擬卿相館閣平步而詣耳及會試禮部輒不利
 是時士風卑諂上謁必整折俛伏先生獨昂昂如鸞群鶴
 自顧不堪為吏不肯就天官選乃買田東鄙名其岡曰迂
 岡自稱迂岡老人益與人不接然天性篤孝恒思一第進
 士馳築考妣名其所居堂曰三抑以為心欲顯揚而耻折
 腰此一抑也以故竟十試三十年無成而猶欲徒歸乃夢

過庵遺稿卷四

六

親謂已胡不促仕覺而流涕太息始俯首就選得知鳳陽
 縣脩陵寢有功陞俸一級歲餘調安定縣先生明於吏事
 而治民一以惠利為心在鳳陽贖罪人鬻子或勸刑死罪
 囚立威不聽至安定數月以恩信招逋負民大有成績遽
 病以卒安定人悲之如喪親孀先生年六十五始仕仕僅
 三年竟不信厥志配潘氏剛正閑家子男四人嘉慶早卒
 嘉祥儒學廩生性行溫詳詞翰清雅克世其家嘉兆嘉辰
 女三人適監生張錫祚馬騰鶴生員邊彥駒孫女四先生
 生以成化壬辰十一月十九日卒以嘉靖己亥五月十二
 日葬以九月十二日地曰迂岡之陽初先生夢至一縣視

事有拂意者怒叱秦人而覺曰予他日命官必秦乎後十年乃授鳳陽咸以爲僭不知乃終安定之兆也豈非數哉過庵子曰蓋先生晚而信命其執志不回有以也予友其仲子知之爲習故以銘屬銘曰壽岡者迂邪壽迂者岡邪名不可漸其胥無疆邪

周府典膳曹公介墓志銘 代兄作

外舅曹公游鄉校時與先君子友善無間故長子女於我嘉靖甲午八月十三日公卒葬小閣寺之阡方予宦京國未獲佐襄事其後十又四年丁未十一月十八日配薛媪亦卒內弟自寒自微卜用明年二月庚午啓公窆合葬乃

過庵遺稿卷四

七

以鄉進士熊君狀求銘其窆噫固僕志也謹按曹之先蓋山西人也曰二老者始家杞雙塔之北遂籍于杞於公爲高祖曾祖諱整祖諱讓俱力田考諱德冠帶義民取周及路公路出也諱縉字九章豐頤博幹緒顙蜂目口譁而警敏少治詩爲縣儒學附生久之不得意入貲授周府典膳官自是遠跡北鄙益市田宅廣樹畜蒔蔬果以娛親課子時時招致故人賓客豪飲酣歌又善詠諷應敵機穎以資歡笑而和厚洽物與之游情無不盡居鄉以惠愛爲行多所包納終其身無間猜事嘗被令檄督里人遺租公顧實貧刺骨而令旨不可捥或他付即里人殘矣乃寬係而飲

食之宛曲以枝其期俄會赦皆得釋及方田之役公以選括寫佃田田至賂金求隱公怒拒之竟覈歸報熊君曰惜公淪草野才能不少見使其得位必能畏暮夜之四知劾道州之撫字至如貪苞苴承風旨以猷法殃民必爾不爲也識者以爲知言初公承父業田僅千畝後乃至四千畝相成終緒薛媪之功居多媪字淑慧同邑薛瓘女資明爽善事人翁晚嬖妓妾怙寵虐下而周姑失位媪奉周敬有加待妓以姑禮妓感悅爲歛慮周尤順賴之皆人所難也家益饒裕顧益愛惜至以手承取遺浙公卒之後恒飭二子以退讓容忍率乃考攸行里有無賴克人侮求無厭二

過庵遺稿卷四

八

子不堪其侵媪曰第忍之損我不多禍我乃遠矣無何克人自敗不濺其毒晚年子並襲衣冠諸孫秀茂諸倩皆士族歲時上壽錦綺滿前人羨其福云曹公生成化壬寅十二月十六日得年五十有三薛媪先公一歲得年六十有七子男二自寒醫學訓科自微國子監生女四長即予室次適劉先運次適李誠卿次適楊哲孫男六松桂楠檀桐五女四俱在室銘曰服嗇以豐茹暴以亨配與之同是謂維德之行

翟翁永錫合墓志銘

杞有陰陽訓術翟君一澹以輕財行義聞永錫翁其父也

卒嘉靖丁亥塋祖塋後十又五年辛丑厥配耿氏卒一濬
 卜新塋得所居之坤明年三月十六日遷翁柩合塋乃以
 丁君石峴狀來請銘予嘉一濬義受而列之翁諱祐永錫
 字也考曰勤祖曰琰曾祖曰成世耕沙河之澗永錫翁敦
 木悃樞質儉力勤厚殖其業性好積穀至濫庾層腐竇窮
 終不以飭宮室輿馬鮮衣美食以故富厚甲閭里人無知
 者及歲歉衆皆遑遑翁獨綽綽出其餘貸宗族隣里咸濟
 所居密邇盜藪盜行劫必執主人毒楚之以求財翁置聞
 晏然不爲動一夕盜至倉皇走避走輒觸盜盜識翁反出
 翁不加害古稱忠信可蹈水火不虛矣耿氏者亦杞人鄉

過庵遺稿卷四

九

進士顯之孫壽官禮之女也溫惠孝慈尤善成子名有貧
 民誤斃人妻法出葬銀十兩民無以辦則自經償死一濬
 見而白母耿曰彼貧夫亦欲得財更娶耳豈責償哉趨發
 金帛馳往救之當是時民縊且死忽揚臂自解其索曰吾
 有生矣而翟使俄至其夫果聽之觀者無不嘆異乙未鄆
 陵盜發杞城守一濬選部南門會大雪城門閉守者市人
 失業寒餓思潰一濬憂之母曰此易耳即冒危出城載庄
 粟百斛徧給所部無不歡呼思奮他部亦效之人賴以安
 母之教子多此類也初永錫翁不畜金帛與弟析產盡具
 所藏菽麥自父母鄉人以爲公有異母弟疑恨謀害翁及

一濬耿心覺外不失好而陰偵防之以故謀不得行卒莫
 能害人以爲有大功於翟氏云翟翁壽六十六翟母壽七
 十八一子淵即訓術君銘曰不知翁貽視厥嗣廓而章之
 母賢智雍丘北墟河之浹佳哉玄堂遞千祀

太學生西楚先生墓志銘

伯舅西楚先生卒於嘉靖甲辰七月望既其丑月念一日
 仲舅虎岡先生棄官歸塋於父墓之昭穴既乃命甥卜誌
 其壙丙午春乃克次其世行而銘之其世曰先生姓王氏
 諱思恭字惟節別號西楚曾大父從禮大父順父奉冠帶
 義民豪智拓曙母賀氏方嚴勤儉殖業豐亨先生始習進

過庵遺稿卷四

十

士業治朱氏詩游邑儒學充增廣生赴鄉試不利入馬縣
 官例補國子監生親老不慕仕進優游田里三十餘年而
 終壽六十有七配史氏無子而善撫衆子一女適散官劉
 承緒次室劉氏生子陳策崔氏生陳言一女適生儒林棟
 杜氏生陳常陳謨一女許聘李祈其行曰先生貌偉善飯
 少喜騎射有能詩聲性度坦直明達不爲崖異與人終身
 無忤無貴賤少長咸近敬之召會未嘗辭飲之酒必醉醉
 則齟齬酣睡無譁失容見爲機變不直事怒面責數不能
 忍諱諸爲機變不直者畏忌先生知然諒其無他腸不之
 怨也於妖祥禍福一無所動心盛年小疾輒自置棺題名

其上年近五十未有嗣子陶然不以爲憂伯兄死無後或勸趨收其產母爲養子所蕩先生曰吾產未知誰收而利人產乎買亡冑宅收養其遺孤迨孤壯長緣毋雅意還宅居之不復取值養戚屬之老而無依及嫁孤女甚多而自奉則儉潔衣冠履動三十年傲而不垢大慶賀丁祭獨先生夙往雪寒風雨未嘗易節勤儉淳厚求諸當世實罕其比云其銘曰明有長者藏杞西郊匪坎則遂匪窶則牢厚德孔昭以永不摧

陰陽訓術劉君墓志銘

嘉靖中知縣段公方杞田實其屬陰陽訓術劉君白發其

過庵遺稿卷四

十一

端當是時方田法人無知者而豪強不便誡誡多口段公迺獨任訓術定中正方立號布吏引繩樹埃方里分區執若槩画首畝以實區析區以合籍其法精當簡明人不能爲奸已而河南郡縣多請方田知開封劉公召訓術行郡縣偏教以杞法而祥符田開封自方患不如訓術善復委訓術一日立後堂打筭下晡未食昏憊仆地開封驚悲泣下自爲正冠襟設飲食而郡縣憇量田不實爭欲得訓術開封重勞訓術不遺其後田訟紛然獨杞田遂定訓術之功云訓術諱昂字鵬舉杞人或曰本山西谷姓遷杞依劉氏而襲其姓與籍諱安者始開地北郭外安生勉勉生美

世力田自裕美取張氏生訓術及月爲湯餅召客遺一族婦婦怒夜火其室而陰伺擊之母張氏寐若有呼之起者驚起火將幕戶倉皇抱兒走又有呼曰匿此匿乃水厓遂免少長膽畧異常有牧子負壺而渡中流汨沒不出或投索挽之反沈以爲地曾有溺鬼崇之觀者如堵弗敢救君後至弗信解衣下游泳其傍益知非是遂泗入捫得其故乃腰鎌刃於僵樹耳斷鎌出之涯人大笑識者比之擊甕焉學舉子業不成時時從族人論天官五行家術粗通其說補縣陰陽生正德中入贊官訓術嘉靖壬寅老於家自爲諸生至老三十餘年事縣令十數若楊公子喬劉公器

過庵遺稿卷四

三

重袁貞白劉微山段東川王虛庵戴秋岩皆卓異名高咸見愛重引近自輔委以難劇爲人識明志決廉直無私不畏強禦縣人帖帖畏服以故事皆立辦冀寇劉七亂河北自胙城界西掠君爲縣送銀京師道延津城下望賊火可二十里杞卒助成者自埤上急呼君入君視其城脆適爲寇資直趨不顧自計吾向西北疾行二十里可錯出矣遇衛之重人求寄載因給之棄重疾馳所過村落回視輒煙焰蔽天且至衛輝遙望堤上一騎橫戈立車人以爲賊已得衛城惶怖欲散君力止之且曰彼立馬若瞪見吾來不動不疑我也豈盜哉至則重家候騎耳竟不與賊值而是

日延津果陷焉嘉靖壬午山東盜過杞城下君時部守西門賊射樓上人若將攻門者君望其旗靡曰此敗奔志速走耳何能爲乃多張幟蓋聲言大軍且出賊歛兵西走君下勇健邀其後生擒數人已而追兵果至斯其察形決機有古名將之風矣然自奉儉薄不飭威儀居鄉慮患忍屈尤人所難方田之役單馬行村落夜雨求寄宿無肯舍者已而知爲劉訓術皆羅拜請罪恨識面之晚劉開封密敕郡縣厚餼君君惟日取升米斤麵把菜而已垂橐歸報開封深嘆服之怨家嘗火其塲麥發覺當償麥百君弗取償或問其故君曰向吾亡麥亦亡怨今得麥復得怨吾辭怨

過庵遺稿卷四

三

也後其人爲劇盜殘暴閭里復睚眦之仇獨戒不犯君慮其輕財遠慮如此嗟乎如君之智計明決操行纖完使得專一方提一旅以興今之志功名者從事其將建立殊勳驚動於天下不泯泯而已也雖其位不克遂而畧所施設者固已卓偉不凡矣當世大人先生經任使者多知之而世俗未必能知也嗟乎難言乎難言乎君卒於嘉靖壬寅十月十一日年六十有八配鄭氏先君三年卒世行有誌子男二人長東舉人次東以逾年正月十六日奉君葬召虎岡之新阡以某同師又同鄉舉接君議論久心竊竒慕之異於他人故以銘屬其又可辭銘曰允智劉公龐何磊

磊火之不死將有爲約而不張當咎誰嗚呼原田翼翼思公無射

劉母鄭氏墳志銘

昔樛木螽斯美能逮下思齊大明贊婦京室夫婦道以克孝爲本不妬爲德者也教衰風下驕嫗焉習驕生慢嫗生妬家國之替恒必由之若劉母孕質庶品而儷行風雅豈非天與淑良以正閭儀者哉劉母者杞訓術劉君昂之妻鄉貢進士東之母也嘉靖己亥夏杞大疫母罹其災以歿實五月十五日也春秋六十有四耳於是東泣謂其友陳人曰已矣生弗及養病弗能救也惟塋而有銘所以昭德

過庵遺稿卷四

古

詔永知母宜莫如吾然落筆已離真矣惟子其銘嗟乎傷哉按劉母考曰鄭運妣曰李氏少而考亡李嫁鞠於伯迪十有七年而歸訓術君自傷早孤事翁姑以真父母姑亡事繼以真姑翁初虞婦之有貳於繼也察知乃大喜逾望繼亦感悅曰取東弄之曰吾以報阿母也後繼姑盲翁耄病不人劉母日夜立床下求其欲奉之數月弗懈已而翁醒泣曰微婦吾幾不以人終今死不恨矣翁姑既亡有三女咸貧來依母給資禮過垂三十年不變嗟乎婦知養翁姑已難得矣嫂姑之際搆閱實多歿身之敬幾人哉劉母八乳惟子東成立已於嘉靖乙酉舉河南鄉試而劉母心

危劉氏二世傳一身日夜從與訓術君納馮氏女逾年果生子東又慮馮少不能勤乳然不欲絕其母子歡東生三日乃取而自懷之而呼馮就哺嗟乎世之婦人驚妬忤宗弗恤也而慧者又摘子棄母若劉母之用心可敬也夫茲二行者雖詩人所稱何以加焉是可銘已劉子又曰吾母慈儉恭順衣食非其手出弗御家君疾至匍匐求禱憂黃冠藥救果以方士術愈焉其待宗族鄰里下迨臧獲咸有恩其歿也無有不出涕者也嗟乎皆賢行也論其大者云銘曰杞鄭氏女孤育於伯克孝克睦以載厥德夫親我親我姑翁繼忘其有室而圖劉世惟東及東母鄭之功卒又

過庵遺稿卷四

五

明年考此玄宮玄宮鬱鬱于岡召虎一月壬寅勒銘萬古

省祭官劉君墓志銘

杞有寫佃田固考城界中考人貪賴訟數年不解嘉靖辛丑訟於朝行貨於蒞獄者杞民對獄弱弗勝且割田縉申先生患之咸請劉君伯直伯直奮曰鼠謂杞無人乎投袂而起義士爭赴之計擒其謀至中以危法求故府文册折蒞獄之口而奪之氣訟乃平歸我田二萬畝當是時劉君對獄宋城所交四方豪俠客問餽相望劉君名響動梁宋間後四年劉君病卒杞父兄識與不識無不咨嗟泣下曰天亡吾伯直乎伯直爲人智畧膽勇果於有爲不受唾背

之挫然其事上官交豪傑乃能摧剛爲柔結其歡心赴任使召無不即時就道罔憚險艱寒暑傾財殫智過其所托故自王公貴人縣之官長與四方豪士咸愛重劉君縣有利病不達於監司民有鬱情不伸於令長以付劉君必立遂君亦以此起赫赫聲拓業立懽人悛悛推手莫敢犯縉申先生曰劉君才氣蓋類古之豪俠然奉法忠上乃其所以異也君卒以嘉靖乙巳八月十三日得年五十有一塋召虎岡之原諱持道伯直字也別號瓜坡其先南陽人國初徙杞之抹坡福瓜劉氏高祖義曾祖海祖錦父璵母翟氏璵卒君甫二歲長而豪宕不羈感母守節教訓由是折

過庵遺稿卷四

六

節砥行爲吏不成乃入貲冠帶比三考省祭云娶楊氏子男三喬楠儒學生喬椅援例太學生喬樞業儒女一適舉人李履繩孫女一許聘徐應兆銘曰豪而立有爲之質原而腹考終之室乙巳仲冬幾望之日君寔弗渝

洪善驛驛丞楊君壙志銘

嘉靖己亥杞大疫城中罷廢問吊於是楊君守德亦罹其毒歿於六月九日年五十又四耳自父老有識聞之咸咨嗟流涕曰嗟楊丞亦亡耶丞有壽道三而不免命矣夫丞智能幹辦蚤孤未學賢補布政司承差任山西洪善驛丞驛達雲貴川陝北喉京師使騎紛遞候待不倦賓至如歸

驛多宿猾善誘陷其丞而奪之柄丞廉謹有威何不可間
即伏首就治獨能終任九年名蓋前後且擢用矣以內難
歸服除竟不就仕夫位不稱其才者必壽一也丞結髮當
室克脩前人之行奉二母謹待群弟篤愛與人交不立城
府接下有恩優弟寡婦翟氏母預婦功獎全其節甥陳生
貧厚資給之居其家近郊別業以便講學心篤而慮周古
仁人之道也而身親行之宜壽二也軀幹脩偉鬚髮渥顏
稟賦既豐又善脩攝年逾半百宛然少健同生者咸自以
不及宜壽三也迺今亦亡耶彼骸骸而腆享崇班刻暴而
豐溢私殖疇瘠而恣睢情竇顧不死邪嗟命矣夫君既卒

過庵遺稿卷四

七

逾年冢嗣汝旂奉北原吳子所爲狀謁余曰先人葬有期
矣不朽之托敢以累吾子嗟乎楊君之行國人記之矣何
賴余言君娶王氏生男二人長即汝旂義官次汝旌生員
蚤卒女一人適生員陳璋側室倪氏女一人尙幼君諱志
賢字守德義民大淵公之長子姓系具大淵誌中塋之日
實嘉靖庚子三月初二也銘曰一氣順布母品彙兮亢激
交糾應以沴兮投毒于溪魚物噉兮正月繁霜盡木卉兮
延美施惡何由遂兮司柄伊何安所懟兮嗟哉楊君審無
罪兮

逸庵劉公墓志銘

劉故杞人上世有種瓜者周獻王食而旨之使貢焉人謂
之瓜劉逸庵諱持典字文伯志於逸故別曰逸庵父玘霍
州太守清敏絕俗不竟其志母郭氏封安人祖貞贈承德
郎俱霍州貴故逸庵少有不慧名及長質直任性於世俗
乘機趣便闖巧窺徑之智一無所能舉動世輒笑其迂拙
以爲信癡人矣而公見世俗所爲必顰頰愠心故終其身與
世忤切霍州之宦亡也寔焉公做衣蔬飯力穡斷費無營
無求然卒能終養母給二子成學年五十七而卒戊子十
月乙巳也子喬桂領鄉薦月餘耳初逸庵讀書愛凍水通
鑑悉其旨趣然惟時召二子支繹之亦通於秦同契悟直

過庵遺稿卷四

六

篇諸脩煉之說對客談終日焉平生又寡慾少疾疾人因
調之曰劉神仙及是端坐而逝無遺屬娶李氏二子伯曰
喬松邑庠廩員仲喬桂也俱賢而能文不能以惡聲加人
蓋習以成性云一女適王貝孫男三荃芝蘭女三十一月
四日塋公於三里岡先塋之次而卜交二子間最密比葬
以狀來曰貞石之銘敢以辱子噫余曷足以知逸庵而銘
之邪然堅瘳病義迺勒其難世者數條以俟後世知逸庵
者云中土之祭戚者之死也尙多賓主人飲賓必饜公以
爲非禮也不召賓或召之則不往以財位雄者群所競媚
公耻不與接遇之若道路然不能僞異見爲不良者直數

之雖發赤流汗必竟其詞人以其無他也不怨然爲不良者咸避之聞矣從霍州之宦四方也遇山川及神宮古墟輒止遊覽窮境乃已尋常之他土亦如之而群飲聲妓雜然莊坐弗欲顧或使來觴者如刺在肌去而後怡世以大笑皆此比也於戲古稱是非蓋棺定矣而笑逸庵者今猶未釋悲夫逝哉逝哉銘曰損厥用以全禮也約厥躬以尚子也不交無朋以遂逸也淳龐復運公無疑也

何公配閻氏合葬志銘

先君子有友曰通判何君何君有子曰舉人思經少又從余兄弟游以故閻夫人卒君以銘見命義其可辭按狀何

過庵遺稿卷四

九

氏本浙東鄞人也洪武中徙浙大姓於河南寶諸邑馬戶諱仲英者得雍丘文皇帝既都北平雍丘不當要路復調諸大姓于他要驛仲英獨以貧不中調留因遂爲杞人仲英生信民信民生何公何公諱應字廷宿爲人敦彊履素蚤孤獨與母居克自樹拔家貧力致生產澹如也然晚有四子盡使業儒躬耕以給其費通判君果以正德庚午鄉舉舉二年而何公卒壽七十有六其後二十四年而閻氏乃卒壽九十閻氏者杞人枚之女也性嚴肅初公之孤也何氏至單微乃後公既善治生閻氏相之又善課女紅由是稍稍充裕及通判君佐廬孫思經獲舉思平思遠補縣

諸生遂大顯盛甲縣中故日期年樹穀百年樹德何公夫婦則親厥秀食厥實矣天道信而迂非壽考何由遂哉生命不長往往不值以爲憾若公夫婦又奚憾矣四子曰寬即通判君曰宏曰安曰寧安寧俱先閻卒二女適李行中劉鳳瑞孫男五思正思平思經思遠思純女八適袁守節李守訓楊思明曹周軒翟昌易劉孝恩王貞吉袁棟曾孫男五何公以正德壬寅塋祖營間以嘉靖丙申二月十七日合銘曰東門之原有元者呈配與之同茲謂考終葬以士合以官九子允孫萬歲永安

行狀

過庵遺稿卷四

三

贈工部主事雲津府君暨先妣太安人行狀

先君諱江字會東雲津其別號也其先淮安府鶴鶴巷人元末諱興祖者携其弟避地河南遂爲杞人曾祖諱仲德祖諱禮字大用疎中無忤愛人喜施嘗道拾遺金伺還其主考諱欽字惟敬母曰戴氏惟敬公剛嚴負氣屈挫一時始易業爲儒先君生而蜂目虎脰赫顏美鬚聲音俶俶見者憚之豪敏多智不可羈束書讀一再過即朗誦詩文援筆立就旨暢辭華每試輒先人少有大志不事家人生產喜賓客豪飲賦詩酣後逸興溢出一座傾倒雖食用屢空而意氣恢豁無寒酸態慮事精到縣有黠史怒諸廩生索

膳銀侵已欲以法中之陽言庫有羨銀借諸生須同至乃發諸生信之相率往取彊先君不肯行或謂之先君去不顧已而史上狀監司言諸生迫取庫銀監司怒罪諸生徵其銀先君脫然免於論祀有外鎮圍民阜聚而不固弘治中先君建議請城圍不然且爲盜資時方治平部使者多不省先君言益力乃皆信許下開封議城事府守憤其後已沮之弗果城其後十餘年蘄盜劉七流劫河南圍大殘破識者謂先君計得行豈有此禍哉先君論土取重厚謙謹其浮薄傲誕者即時譽所歸獨不然之每私戒不肖輩曰此曹所謂彩雲易散琉璃易碎者非永器也後無不信

過庵遺稿卷四

三

驗其他料事成敗一見決人賢否不可悉數年十六還儒學附學生二十補增廣生二十二補廩膳生數赴鄉貢不利正德庚辰秋感風痺明年少愈充正貢生又明年將赴禮部疾復作遂以不起於戲痛哉實嘉靖壬午二月晦日也配先妣王氏同邑冠帶義民奉之女母賀氏腹十五月而生生而警敏長而慈惠正直勤儉好施初歸逮事祖翁姑翁姑治家嚴先妣率以五鼓起粧洗出洒掃中庭入厨滌器治饌祁寒盛暑未嘗改度女工無不通曉陳氏無少長衣裳盡先妣手出以故獨見禮愛處姑妯以恩信無兩心母家有所饋必以分衆毫髮不入私室有過專務掩覆

或發露必委曲解救終其身未嘗有違言性又好讓身歷辛苦而專恤不如己者至待臧獲亦惟恐小失其意獨於不肖輩從更先君督訓不少假借或詈人笞擊人必加呵止求市食物玩好未嘗聽至於爲諸生登科第仕宦教誡益切小心畏禍禁飭內外無得與人有言然於鬼神影響浮屠禍福之事則絕不信怖嘗村居晨起觀採紅花聞庄客之婦暴死往視之及門而甦云爲髻鬼繫大柳樹下呼採紅花人咸不救鬼忽見先妣遁去乃得脫依裙裾而歸衆以先妣適從樹下來且所見人皆是大異之先妣持不信曰此自汝作夢耳寧實事哉其後先妣病中夜獨起默

過庵遺稿卷四

三

步庭中久之語人曰病安有鬼神云見鬼神者盡妄也比卒精爽如常一語不亂云時嘉靖辛丑七月十八日也先君卒之十二年以子乙官工部營繕司主事贈如其職先妣封太安人先君生於成化丁酉六月二十九日比卒得年四十有六先妣生成化丙戌五月五日比卒得年六十有六子男三人長即乙舉進士歷官按察司僉事次卜舉人次丁儒學生員孫男三人加命申命堯命女一人適江山麗初先君以卒之年三月葬祖塋後二十年十月庚午乃遷於新兆與先妣合其地東去陳家寨西望園子北倚雙柳樹南直唐家寨各二里所封高一丈

奉政大夫刑部郎中楊公行狀

楊公諱文秀字延英曾祖諱驥祖諱賢父諱溥母閻氏家世杞人爲人質強慈篤渥顏隆背樸訥于辭不問而知其淳行君子也年甫垂髫兩月間而遭祖父父母連喪無他兄弟家以解戶負官物析產入償單孤窘甚然能知痛憤自豎立異於常兒少長學小賈中年爲大賈性好農耕儒術貲少裕即棄去買田沙河之陽稍稍益置晚至二千畝有三男皆俊妙爲擇明師厚資給之其後一男舉進士歷官都水主事刑部郎中一男國子監生一男縣學生公以郎中貴累封都水主事刑部郎中於是楊氏尊重顯榮

過庵遺稿卷四

三

一縣中推先公顧愈謙約恒居河上自號河曲老人非大慶賀事不一至縣庭鄉飲酒以賓召多稱疾不往時時從田父省稼穡道故舊爲樂性不飲酒旁近村每具食召公輒往盡歡嘗夏旱食旁近村比至得雨旁近村喜公見過因稱曰早第請公耳其見親愛如此居鄉務行忠厚不肯負人一錢與人如恐傷待親戚尤懇惻有意雖至踈逖背必呼曰某伯叔父某伯叔舅至貴不改年六十三而卒配馬氏累贈宜人馬氏登州府照磨公之孫也公弱冠走登州取焉宜人未歸時竊知舅姑喪日夜飲泣照磨公問其故對曰所學爲女子者養舅姑也今舅姑亡矣吾誰養乎

過庵遺稿卷四

三

既歸楊氏家徒四壁宜人乃盡脫其簪珥資公身自卑服力作楊氏業復振宜人有功焉先公幾年卒及見郎中君鄉舉數年游太學而宜人病甚思一見郎中君聞母病則日夜涕泣求歸例入監不滿兩月不得告而祭酒感君誠特未滿月放歸竟二千里母子生訣及公疾郎中君又甫自蜀歸半月爾竟萬里父子生訣人謂雖郎中君純孝感通然公夫婦厚德之報蓋棺無恨云公以孤貧失學而識慮過人其論今時事因以意推論古昔嘗中機要郎中君居官質直任正不能取容當世公每誠曰處世宜少和平平生誠信通於神明家嘗有物擲瓦石爲祟或言當召方技士公弗聽爲奠具衣冠拜祝之遂絕夢多奇驗縣當試士歲皆叩公所夢以下何人丁酉春忽夢六月時自置棺榔家人私憂之幸六月且盡而公無他一日晨起出廳事卒蹶仆手足廢不得前後溲寢疾二十日而終七月十五日也果六月置棺榔云繼取李氏封宜人無子宜人生子本仁即郎中君性行高潔沉密明果守道不疑其在都水正濟寧運規及刑部勘蜀帥劉永昌獄事皆衆口沸騰執鬪河海而持之彌堅屹不爲動識者謂可大授剛正之氣實有所本云本義即國子生本孝即縣學生蚤卒三女皆未嫁而殤

刑部郎中中嵩李子行狀

李子諱壁字穉安別號中嵩其先徐州碭山人諱德者仕元爲萬戶充慣戰頭目中山王之下河南也德兵敗還走碭山過杞之蓼城逢其友止之居由是爲杞人德生文文生新新生維聰維聰貴乃封新工部主事維聰雄才清節所歷官聲蹟赫然至山西兵備副使忤逆瑾而罷維聰生倬字雲漢材勇絕倫輕財好友屢捕巨盜名震方內娶任氏弘治五年生李子李子爲人篤信勇果默而有深沉之思夙負大志甫七歲憲副公携之大同輒請歸學問十八選校官弟子員明年憲副公卒雲漢及長子堂皆已前死

過庵遺稿卷四

三

未葬李子悵然無依乃走豐城謁其姑之夫秦簿買杉材數片親浮江而北當是時薊盜充斥江淮間千里無人行李子獨走不顧竟得歸襄事李子有田二十畝家徒四壁而志益堅誦益苦諸書既通乃著史論數十篇欲爲古之立言者已而試不得意困甚聞孫生仰者治舉子業有聲方讀書石臺寺乃懷其所著文徒步往會孫見之曰君將取科第而爲此格是所謂以瑟干齊也因出已業示之李子悟即焚其所懷數十篇留寺中講習三年業成孫自以不及遠甚侍御劉微山尹杞一見竒之刻其文爲風教錄傳播人士乙酉舉河南鄉試第九是時李子病羸盛夏恒

御綿飲湯試禮部不第歸而買田蘇木岡躬耕自逸而同年劉子子春善黃老術有驗李子與語悅之因杜門絕客致虛守靜以習其術久之氣生果見所謂深潭日者如其法鍊養已而氣充顏赭沈痼盡除夏月葛衣而水飲人駭之曰李子其僊乎李子亦自喜每爲客言孫太白登日觀峰觀海日之出大叫狂走厥意謂何或叩之則擁首閉目曰此不可空言明也然本志在樹立竒勲流聲後世非碌碌枯寂者乃於是益治其舉業乙未舉進士授行人初使封汝陽王再使封休寧王皆却其餽遺歸而家人問王有贈物否李子目其裝篋曰此兩空函是也由行人三遷爲

過庵遺稿卷四

美

刑部署郎中歲適當錄囚郎官多憚勞不欲行李子心貶之會南畿使者憂去李子遂代所至戒門者毋得通賓客書啓守臣進謁公事外不交一語內外肅然畏服重囚獄詞巨若牛腰李子閱視不遺一字又善識人情僞以故多所平反讞報稱意然以盛夏積勞不能卑濕甫已事而病作過家賓客故人多勸毋北行李子不肖曰吾身受命而以紙復何以事君死命也在道路與家何異携二子以行至京僅勝朝謁困卧僧舍所善劉子元卿徐子深甫日往候之竟卒無一言及於家於戲壯哉時嘉靖癸卯六月二十五日也年五十有二李子讀書以字學爲要究文切理

以達古人指意是以所治必精尤喜讀易即象討義不主
故常嘗用邵子經世書配以先天卦爻挨排年月起唐堯
至今因以象義論其治亂之故欲驗往知來發邵氏秘用
力十餘年乃成書凡十二卷亦名易傳其意蓋以程傳主
辭朱傳主占而邵主數故也他所爲詩文不循繩墨而精
細昌博蔚然可觀有所施爲如李廣之射不中不發及其
意見一定如走坂之丸不盡不止故所爲必成平居議天
下事必彙括其始終融解於心徐以一言斷其肯綮其所
未融者默如也尤善以智御物無不爲盡力者嘗稱子路
治國值饑饉外寇而能使有勇知方是如何措置能使然

過庵遺稿卷四

三

哉蓋李子自况也往年北虜寇山西李子恒扼腕不平思
得一郡自効然竟不待以吞志而沒惜哉配甯氏生子曰
南芝側室米氏生子曰南羽南田以卒之年月日塋傳家
岡新阡南羽泣告余曰君知吾先人者請述實行以備求
銘嗚呼李子止於斯而已耶謹述所知以俟巨筆採擇云

過庵遺稿卷之五

書

上大司馬浚川王公

伏觀邸報朝廷用言者計吾師自中臺舊職授北軍新符百寮率度六師振聲保泰持豐寔此焉賴而柄用合義衆志咸服天地鬼神必昭助之威靈光焰自足震讐叛逆遠燼燼虜矣不才實與海內同受其福傳聞之日室家相慶若夫殄滅之畫治平之術固吾師餘事耳姑未敢頌焉伏惟邊夷情狀幃幄計謨非愚賤所得盡聞而竊憂妄慮敢因質疑豈謂縣合事宜有裨採擇所以明不敢偷安自逸

過庵遺稿卷五

無意天下事耳夫大同惡貫通天誅所必不容已者而久稽不決竊謂其事體有三難同惡相濟者衆城堅有備恃強虜之援也几圍城而致其斬首惡出降者所欲得者一夫耳事執窮促數人之謀合即肘腋之變成矣今卒伍同謀屢爲克逆負天誅者無慮數十百人牽連族黨執惟同舟城中無辜者非力能盡殺此曹亦安敢動其謀何以得合邪聞城中粟支三年城高多礮未易猝援而又誘至北虜我軍失利豈窮促之志內變之時哉然則欲待自擒首惡開門出降難矣今欲用兵攻打速取罪人則不惟慮城陷之日善惡難分亦恐多殺士卒而無損于彼竊以爲莫

如持之以緩以計取之乃可盡也屯兵近鎮守諸要害奇兵時出絕其樵採彼少出兵則不敢掠多出兵則畏城中之議其後自然我軍日逸叛賊日促降者勿殺以攜其志多方用間以疑其黨明聲所不赦者以安其衆待天氣向熱賊馬饑病虜救不來必當有變然後相機進取此殄滅之期也所慮虜情叵測再擾藩籬則斃賊難期竊料叛軍之誘虜必以大同子女金帛許之耳若再赴援開門必矣必不得已不若因以爲市令其殺叛軍而償以金帛古之善謀者多權宜隱忍以集事有屈情僞奉而不欲更生一敵得志之後吾乃爲所欲爲耳故愚計不欲輕結虜怨以

過庵遺稿卷五

重邊患亦不欲逼攻堅城多損士卒休師勿迫以息其謀計止北虜以絕其恃出於萬全之意也不然老師城下虜攻其外賊應於內腹背受敵豈不殆哉但或者慮大軍一掣乘機南走將不可制竊料群寇本無遠志深識保堅城招北虜以紓患希解耳他日窮困北降胡止矣不然前虜至城下與王師相持不乘執出走亦不開門納虜與之合兵則其情可見矣若以今攻圍示以必取彼知死而爭一旦之命或所以激之出也抑兵難遲度計不夙畫古之戰勝攻取惟在擇將委任責成今正不須博求方畧以桔主將蓋神識之見口不能述機會之乘間不容髮胸臆之想

事不盡然才不相建計不相用徒足爲不肖者譏罪耳要
之慎選一將因其才志專其任使毋置監督毋拘文法使
操縱由已威立執重自然有功最忌貴人獻謀徵幸收功
紛紛長短交詬閫外尺寸稍違有功亦罪雖得賢將如縛
手足而閫安望有功乎傳曰二三子患不相恤無患吳矣
君臣輯睦戰之本也此尤急務哉不才荒村僻居據傳聞
爲斷誠杞人也竊比于孔門言志之義庸就正於左右云
耳俯錫覽教幸甚幸甚

與白堯山太守

伏惟明府游情幽隱效法循良威德並流吏民胥悅治安

過庵遺稿卷五

三

之效閭郡同之敝邑之民獨如喪家之犬益益之魚累累
鬱鬱不知有生民之樂非仁有遺而澤有所不究也敝邑
之事孰使然也敝邑地方百里田纔萬餘頃實戶不滿八
千而稅糧五萬餘石編里一百均徭六千餘兩力差三千
餘名其間寫居境外虛名實累三之一不下也故有地一
畝歲辦錢七十餘一人之身而諸差之所需備且又地無
山海之饒民無工商之利所恃以給此者獨仰木綿耳木
綿一歲無成則一歲之辦即逋所從來久矣自嘉靖戊戌
而後水旱相仍木綿無成者數歲重以方春迎接大駕空
邑而往疫癘大作人畜死亡略盡以致田地荒而逋負日

積徵誅急而逃亡日衆大壞極敗以至今日流者不思返
荒者無敢開法令不能行政事無所施執須大有更張數
年之中乃可復其舊貫決非招徠勸誘所能集也何也糧
差不除欲還流開荒必不可得二者不復欲辦公家之徵
必不可得公家之徵不辦欲居民之樂業亦必不可得此
事理之最明者也斯情也當道先生無不聞無不憫矣矧
如明府之切切然體察汲汲然詢訪者乎某等猶以爲言
者蓋寃苦則呼天疾痛則呼父母情之所激豈暇顧其知
與不知也哉今方敝邑之興廢其權在明府撫按藩臬有
得爲之位而去民稍遠知其利病猶不切縣邑官長知利

過庵遺稿卷五

四

病爲切而位卑不能行且有私其民之嫌若夫知民之利
病而其位足以有爲而不嫌於私惟明府然矣是以撫按
藩臬待明府之可否以爲決縣邑官長仰明府之處分以
從事明府誠哀其荒迓調停其偏重數年之後杞當復爲
完縣若猶未也逋欠無所出惟有包賠繼以督責而舉縣
俱盡乃已也幸今日猶未至乎盡而其勢尙有可爲敝邑
之民居者荷擔而立忍死而待行者順風而聽翹足而望
誠所謂危急存亡之秋也明府亦有意乎議者必曰今歲
州縣訴災者衆爭求免役而輕糧有限今欲減豁糧差誰
其受之而何以昇之是視一時之害而不論積輕積重之

孰也杞之糧額十倍於他縣者有之杞之差數二十倍於他縣者有之夫積輕之後而一遇災傷如壯實之人而卒感疫癘猶可以無恐積重之後而加以災傷猶中損之人而復感外邪不急救則立死矣今民間棄產如棄盜賊之賊急脫之爲快賤售於王府形孰之家數千頃矣而地多之人往往自殺他縣寧有是事耶此其緩急先後之較不待智者而知也今以開封諸縣之糧差均融諸縣之地畝則敝邑之糧差宜在所損乎在所益乎假今盡予以輕糧而除其產之半猶未得比他縣之輕也况荒地之糧逃民之差不能什之二三耶分災恤患鄰國之常一王一郡復

過庵遺稿卷五

五

何所疑慮哉議者又將曰差出於丁諸縣之里杞爲多差不宜省也然自均糧以來州縣計地科差久矣借曰力差須丁銀差獨不可相代乎夫以糧銀相權計地畝而均敷之此至公之道王政之易易也豈獨爲杞計哉伏惟明府經綸之智衡宰之心其於茲事必有以計之定而措之遠矣但某等不忍旦夕之急速觀治平之效不能無惄然於心焉誠亦慮夫竄跡彰聞方當虛東府之位下璽書之徵則仁雖有餘而情不能專移易於後之人焉曠日持久將如渴轍何伏望察敝邑事執如其其急也而速賜施行則幸甚

與朱保聖

竊惟事之成於變故不可通於天下者必垂其實跡乃可以稽無窮之徵德之加於一方伸其所不能直之情者必紀其實政乃可以慰無窮之思若敝邑考城之田中丞淺齋之斷所當詳具本未鐫之金石以貽世世者也夫以杞氓也而田諸傍境倍其主戶則非域民之常所輸之租或照民田起科或爲輕則黃糧則非兩稅之常其租不籍於地縣而籍於人縣則非任土之常蓋其初起於中原新定間曠地多法許占墾故有越境之耕久之墾田既多爭閭日興權宜定亂故有額外之租最後以甲縣乙民督輸交

過庵遺稿卷五

六

病推附本治故有懸屬之田其附籍之年曰景泰某年曰天順某年其起糧之由在景泰年冊曰奉濫占田土勘合在天順年冊曰奉巡捕勘合曰奉榜例其糧之則奉濫占田土勘合者照民地起科奉榜例及巡捕勘合者另爲輕則若茲事體天下無之而杞獨有乃時孰之變事有適然不可以常理常法例論也然而前政之人失於遠慮端尾不載于金石變故不紀於縣志文案與故紙同塵原册與架閣俱毀前人以安定忘言後生以玩常不考沿積既久敝滋奸蔓地則寫閃而易隱糧則按籍而必徵於是無無尺寸之地而有數石之糧者均糧之議自此起矣當時議

者徒知咎富民割地而遺糧不知咎寫居遺糧之甚也徒知境外有地不知杞何以有是地也徒令寫居之民自首項畝未能按籍計糧以復開送之舊也蓋以實跡不存故事不知難以段公救民之切識慮之精亦無由而及之矣然境外之田所從來久隱漏既多理難埋沒是以虛庵王公下令告許旬日之間得地四萬畝開送之數於是始敷亦以不知其故方圖清查議處而二糧之奸生境界之說熾矣蒞獄者以常理聽之以常法格之以常情決之故彼之說雖偽而易明我之事本實而難信幸而得景泰故冊於灰燼之中始知開占之田本奉濫占田土勘合而科糧

過庵遺稿卷五

七

而附籍也當道先生閱不終帙而二糧之獄以折杞人以爲自今世世無訟矣晏然不爲後圖遂併故冊而復失之於是寫居之民窺知文案冊籍無片紙可據遂敢肆爲秦罔閱其牒者反無不直其言而欲伸其事焉獨我淺齋天與明德致精察幾務求實據不惑浮言杞人乃請於方伯求諸冊府得天順年冊八十本又始知寫居之田名考城餘地而科糧而附籍又奉榜例與巡捕勘合也然景泰年冊既不可得而所謂濫占田土勘合云者又變文爲一則糧地而不存其舊杞人則又檢得成化年冊於凡天順年冊所載榜例勘合亦變文爲一則輕則黃糧前後相方成

化變天順者也凡稱一則輕糧卽榜例勘合之糧也天順變景泰者也凡稱一則糧地卽濫占田土勘合之糧也則舊文雖沒而舊跡自可徵矣淺齋一見釋然無疑幡然判決選賢與能而付之於是少叅王公尸其議洵川尹衛侯蘭陽君劉侯核其事咸體至公壹遵實據刁民無所置其喙請謁不得關其說權執不能搆其情而考城之地定如均糧之舊焉由是言之境外之地糧致有後日之紛紛者以文案冊籍之盡亡也境外之地所以幾失而復正者以司冊猶存稽十一於千百也然非遇淺齋洞曉事情因略推詳雖觀實跡或漫不之省矣則一方之民含屈負累寧有白

過庵遺稿卷五

八

時哉是我淺齋有大造於斯民所當世世俎豆歌舞之不
可一日忘而故冊新案不可使一人不知一時不存也明
矣夫前事之失後事之鑒也當景泰天順附籍之時苟有
中智之人爲百姓慮常久存其事實世世相傳則歷歲雖
久不能爲奸糧自不必均就使均焉亦一時大定必無後
來之訟無疑也機會一失故遺其患於今日而幸故冊之
存猶足徵據然所謂勘合榜例者亦僅有其名而已其詳
固不可得而聞也今若不鑒前之失重爲之制將併此僅
存者而失之不難也後來之患可勝言哉且今日之事姑
以判二縣之是非息一時之爭訟耳謂能核其地糧復其

舊貫則未也蓋考城歸糧景泰之年爲多天順之年爲少祀民起糧本以濫占田土勘合而所謂榜例與巡捕勘合特其餘漏者耳今日勘官所據者榜例與巡捕勘合之糧也所定者均糧之年寫居者自首之地也必合景泰年冊濫占田土勘合之糧而通計其數盡歸其田斯爲得實然是非既判而實跡既明則舊貫之復必自此始尤不可不詳紀實載以爲異日地也夫核事纂繁述功頌德非鴻才妙思與目閱而心成者莫克爲之伏惟明府臺下天才高邁文藝精絕其於茲事勞心計畫竭力周旋真其人也無所與讓况計深慮遠爲祀民立不墮之規其素所設施

過庵遺稿卷五

九

越蕃也伏望俯徇輿情鑒往政之失閱無窮之業作爲碑文以垂示永久則斯民幸甚後世幸甚謹備錄事由以俟筆削其縣民出力對訟皆以義奮匪爲身謀似宜見錄以昭勸獎用別具姓名於後

上驛傳道論杞縣驛差

寒暄常禮不敢黷啟茲有中州百年之做政既革而復仍做邑干家之苦情已伸而復屈者驛遞諸差之解人是也做邑馬牛頭水夫總三百八十五匹頭名正副貼戶總一千八十八戶遠赴衛源宜溝等驛遞隔越河山數百里外百餘年來名雖發人其實盡履彼處土人代當土人雖名

代當實視爲定業然反欲解人下驛何哉蓋人一到驛則廣設名色肆意勒取孤身遠客備受苦毒富者破產以求還乏者幽繫以就斃於是攬當者乘之倍勒顧值惟其所欲甚者僞稱逃亡再行提取一歲之中或至二三故解人者乃其得利之捷法也做邑之人每聞發解如往棄市貧破逃亡實多由斯是以數年以來累行赴愬已蒙當道諸君子議有成規比照南馬解銀比照招顧馬顧役此實公私兩便不易之法也開歲之初適當更役之期百姓方翹首注目以觀良法之行冀寬死亡之及不意各驛復來提人不知解銀顧役之議何以中止也做邑之人悼心失圖

過庵遺稿卷五

十

思逃者十室而九矣蓋河南州縣驛遞之差做縣爲最多其苦於諸驛之人爲最甚加以解銀之議發自做邑此曹切齒久矣今之提取正其報復之日也是以做邑之民有死不敢往耳或者慮恐州縣或不得人銀不時至驛遞關乏奈何請卽雍丘一驛明之驛馬凡十一匹南馬五匹浙江解銀招顧馬六匹鈞州等州縣領銀行之已久不聞其廢事也况今止不解人耳其正副貼戶收賠糧銀自若也設有解銀失期顧役不行則按籍提取亦無難者何至於廢事哉凡此利病情苦皆某等目見而習知非敢偏徇曲說以誤聰聽也伏望留神省覽熟議而亟行之則萬民幸

甚

與太康縣論地糧

天下之事有成於時勢之變不可以常情決常理論常法格者做邑境外之田是已夫田以境界為斷豈不簡徑易明然考其事體而實非也懸屬境外之田豈不繁迂難信然考其事體而實是也蓋其原本於元末中原亂久田皆無主其事起於永樂拋荒田土儘民開種之詔其坐糧之由則以宣德間諸王奏討開種白地為已莊田朝廷定以黃糧以止爭訟其諸縣開送糧石之跡則曰濫占田土勘合曰巡捕勘合曰榜例載在景泰天順年冊與今冊變文

過庵遺稿卷五

十一

為一則糧地者可覆視也若茲事體天下無之而河南獨有河南郡縣所少而杞獨多豈可以常法格之常理論之常情決之也哉近者陳州丈地其初自兵憲李公而下咸以為當屬之陳此豈非泛論其常乎既而訪其故實莫不釋然無疑此豈非深究其變乎亦可見諸公之心本無適莫惟求其是而已獨執事守之不變持之愈堅豈其與陳民親與杞民讎異於群公之用心哉蔽於求是而不覺其非過於循常而反陷於立異也執事江西人也與做省隔越河山風俗不同而開地坐糧之事遠在百餘年前耳目不接文獻失傳一旦遂能明見本末此誠難矣然有可以

相喻者願執事平氣而聽之虛心而思之若曰陳之田而

杞之糧此可怪也丈地今十餘年矣陳無官民乎其初何以拱手而聽其丈量其後何以默默而聽其徵納此又可怪也今兵憲李公而下胡為始而信終而疑始而執終而不執智豈盡不如吾明勇豈盡不如吾敢此尤可怪也夫宜禁也而顧上下相安宜怪也而適久不之怪則必有其故矣則必有當然而不可易者矣執事誠以此決事雖於事體有所未知固不害其為明也大凡天下之事可怪可疑而人情相安從來已久者非其事故出於尋常之外則必其關係重大不可輕易變革者也上智之人識深慮遠

過庵遺稿卷五

十二

不妄興以生擾下焉者知有弗及務因循而寡過惟中智之人明而未融乃喜事而多敗古所謂庸人擾之正以其不察事體而妄作也且境外之田有勾攝之擾有清理之艱做邑亦何利於此特以關係之重不得不爭也做邑編戶八十里而寫居者半稅糧六萬而地坐隣邑者三之一不下也假設一方見奪他邑有不效尤者乎失地則失民所遺賦役有不重累境內乎杞因瘁之邑也加以參半之糧倍半之役民何以堪無境外之田是無杞也夫奪其所

有以身斃而不肯苟從者爲其所係者重也自丈地以來
二糧之訟亦嘗有之最後考城挾我叛民同惡相濟遂成
大獄自撫按藩臬迨於委勘之吏亦莫不始而信中而疑
終而豁然改志獨考城耿令睢州徐吏目曲庇叫民陰通
賄賂力主疆界之說卒致杞民上叩天關發故府文冊面
相詰質乃始結舌不語愧悔而失措事雖仍其舊貫而怨
毒結於民心至今語及二君無不欲唾其面者此事在人
耳目執事虛心一訪必有能道其詳者矣由此言之境外
之田在敝邑重邪輕邪嗟乎鄰邑之民富逸久矣非必待
得敝邑之田而後足也長民者務靜生民之業足矣何苦

過庵遺稿卷五

十三

推久定之業興非其有之爭致無益之擾歛無窮之怨如
睢考二君也哉伏願執事察其事體若是之不偶也以群
公爲法以二君爲鑒兼愛南北因仍舊貫則豈徒敝邑之
民安將貴邑之民并受安靜之賜矣抑又考之今之均糧
卽宋經界法也紹興二十一年知臨江軍王伯淮奏曰清
江縣有稅錢四十餘貫苗米四百餘石人煙田產並在高
安經界既定兩縣隨產認稅於是清江有稅無田高安有
田無稅清江不免以無田之稅增均于原額之田高安卽
以無稅之田減均于原額之稅是高安得偏輕之利清江
得偏重之害矣斯言也若豫爲敝邑發者執事試取其說

而思之亦足以知事體之變古今所同有者而不必致怪
于杞矣傳曰心之痛者無緩聲陳詞過直伏惟諒之

答董奇玉同年

久不聞問虛舟到忽承賜書申以舊誼過有將許豈虛舟
嘗誤兄耶甚感甚愧孔子曰吾不試故藝僕老大進無所
成乃得頗取二氏書觀之愛其脩真治性專爲爲己之學
要其指歸異於中庸者無幾時時誦之以爲懲忿窒慾之
助然亦未嘗有所得也兄所稱老氏治身孔孟治人亦是
沿習舊聞未之察耳中庸盡己之性盡人物之性爲一事
老子書專明先自治而後治人所以關伯功者微矣凡世

過庵遺稿卷五

十四

之議三教者多據文立說不究其指歸元之人至至謂以
佛治心以道治身以儒治世分身心爲二尤可笑也近世
通二氏之學者南有王陽明北有薛吏部然陽明筆於書
者惟辨其異薛註老子多釋其同議者以薛注得老子之
髓願兄取而觀之則知其亦脩己治人之說而非黃白方
技之流矣兄之動定虛舟備述服藥求嗣亦是實事若進
而求之清心寡欲則養德養身自生生人亦一以貫之矣
望若時以道自將爲慰無由合併不勝施想

與常潤夫

某頓首啓潤夫先生大孝廬次苦志親塋流聞遠近足令

有識皆淚悖子厚顏凡在交游孰不欽嘆感愴與嘉斯美
今者小大合謀願貢愚見亦欲本中正之規全足下之志
足下幸抑哀而明聽之竊以先王制禮裁乎性命之喪而
君子行法明於仁智之軌然後事適行完而名以不墮是
以終天之恨服斷於三年魂魄之藏儀分於廟兆三王以
來未之有改也足下至性天篤仁親是寶自尊堂棄世摧
內毀形舉必當物即窀之日痛不欲活不謀妻子不告友
朋身留空原後圖茨庇衰麻不離於體藜藿不饜其腹扶
桐負土盡若丘京哀至發號聲酸猿鶴可謂分體之極報
因心之至感矣今者皇霜屢更期及祥禫此正仁人君子

過庵遺稿卷五

五

以禮制情以義割恩之日也竊恐眷戀松楸忍不能返則
乖於典禮有傷大孝何則先王制禮不可過也不可不及
也或俯而就之或企而及之然後君子此吾孔氏家法也
吉禫不行於丘墓縞冠不處於仄廬有一於斯皆謂愆則
抑又有說焉送終有殺立敬無窮雖極親愛之情不昧幽
明之故是以斂形於柩凝魂於主柩宅幽玄主居堂隩之
幽即遠一掩弗脩事廟如生累代不懈非薄於體魄厚於
神靈也所以象陰陽而達孝思也故曰致死不仁致生不
智足下守事塋園三年于茲揆之古人亦已厚矣所願味
無違之旨鑒原廟之譏體卽遠之義襲援琴之規告辭境

墓專意神堂豈不契合典禮仁智兩得者哉伏惟頓抑哀
思勉聽鄙言則幸甚幸甚

上巡撫柯公

伏聞進位中臺仍司大監中土之人室家相慶非徒以位
尊權重爲臺下寵光實以道自此而大行得以弘受其賜
以慰其私也至於敝邑獨有二天之私更生之望蓋以臺
下前在左轄尤知其貧累憐其情苦故也夫人疾痛必呼
父母而蹈水火者未脫其患則呼救之聲不絕敝邑之望
於臺下實類乎此而其情不能以盡達某等敢私布之幸
垂聽焉夫今杞之事孰民逃地荒將及其半逋負日積未

過庵遺稿卷五

三

知所終譬如虛勞之病元氣猶未盡索失今不圖後無及
矣原其致弊之由積久之累四近時之累三所謂積久之
累者一曰虛名之累杞之境域集方七十餘里無山海之
饒工商之利不幸而有大縣之名加以奸諂小人導諛有
司百計誅求以事上官厨饌威儀窮極豐侈私求公派過
當所欲前者獲效後者慕之日新月盛狃於見聞而嘉靖
之名不可辭矣是以一切徵派皆倍蓰其他州縣而嘉靖
十八年大駕南幸坐派本縣於榮澤河口獨塔廬殿一所
竹木簷箔以十萬計董運牛車以千計驟車馬匹徒役工
匠督領私從以數萬計加以霖雨經旬春瘟大起資財盡

喪人畜死亡略盡是歲春田不耕者三之二富民破家不可勝數今之逋負荒逸自榮澤之役始也蓋虛名之累至此而極焉二曰糧重之累國初起糧計墾田實數杞以通邑民聚墾田獨先所以稅額獨重然猶未至如今之甚也永樂中奉例開荒永不起科杞民於考城鹿邑閒曠地方開占無算至宣德中奸民投獻王府奏討莊田百姓爭訟不息官府權宜定亂奏認黃糧各縣開送收入本縣黃冊者前後二萬餘石自後地寫閃而易隱糧按冊而必徵於是本縣糧則多寡無程均糧之議起矣當時無人考據本末止以全額均攤境內見其則重却將川澤道路林麓礮

過庵遺稿卷五

七

鹵一槩攤糧又將各區定數虛增數畝故名爲二升八合其實三升有奇一遇旱澇礮鹵川澤之田蕩無寸草稅糧妄得而不逋哉三曰差繁之累本縣雜差雖曰計糧簽派原額本重究其弊端實由弘治間開封府謝同知署掌縣印僞增戶口倍審均徭以致各處推差則有據本縣拒之則無辭自後有增無減以至今日均徭銀若干兩諸色差役歲用若干人較歸德一州五縣多過數倍民力安得而不竭哉四曰窩居之累本縣之民往因占荒隨在聚居在鹿邑者八百餘戶在考城者五百餘戶其餘星散各方不可殫舉計其戶口與境內之民三之一不下也從來長吏

以勾攝之難往往置之度外所遺糧差里甲包賠自均糧以來各縣既稅糧其地又里甲其民其於本縣反爲羈縻而已是散亡之餘又陰負包賠之累寄空名而受實害無甚於此矣所謂近時之累者一曰計地科差之累往時審差以丁產相較三等而九則之然猶週年實審自均糧以來專論地畝不復逐戶審編按籍打算付之一吏多寡任意百姓無從質問於是奸弊百出銀額歲增至於一切雜差必計畝出錢地多之家均徭銀至百餘兩一人之身編差數十一地之中歲辦錢二十餘色故朝應而暮來顧此而失彼財費於追呼力分於泛應以致民間視地如避陷

過庵遺稿卷五

六

阱賣者無所售荒者不敢耕使民棄本根而輕鄉里是促之叛也其中大戶一差亦計地畝尤爲有害蓋收糧必擇大戶取其殷實不侵錢糧故也今地多之家有至二十名者安得皆親子弟爲之其執不得不顧倩他人代收所代非其人盜官銀而逃則罪累坐富室矣故害富之道非一而最速者莫如大戶焉二曰顧役之害自差之照地出錢也游人攬當而農民益困矣錢非農之所有而顧役者月必索錢夫使農民賤賣其粟布芻豆以養游手非計也况有地一頃常時歲辦錢七千文足若輸該里甲加以差錢馬價會錢共辦錢十二千二百餘文足杞田畝收豐歲不

過一斛租鋤牛種費居其半如今歲粟豆之價五十斛值錢八千文止矣是農夫竭力辦錢猶不足里甲一歲之用也又況路當衝要迎送過客殆無虛日館穀徒御所費不貲者乎故累民逃走雖非一端而莫速於里甲莫大於顧役爲棄其所有而索其所無也三日包賠之累自地荒人逃糧差逋欠也始焉責之里老不敷則責之親識又不敷則責之地隣或曰彼寄貨財或曰彼買田產或曰彼同排甲或曰彼知去向茹連影詰訟端無窮不從則道輟無補從則濫及無辜所謂雖有善者亦無如之何矣凡此七累所以使民去者泣望而不敢歸居者愁恐而未知稅駕之

過庵遺稿卷五

元

所者也然七累之中如虛名也科差也顧役也上司加意寬恤有司斟酌裁省亦可矣若夫包賠之累非荒地盡開流亡復業必無善處之政非除其逋負流民決不敢復荒地決不敢開此事理之必然者也竊以爲荒地之糧拖欠者陸續帶徵未徵者全與瀾布然後招人承佃如例處分本縣均徭雜差量與減豁查送糧輕差少縣分暫支數年或將本府糧差相權通融計地洒派相之差徭必有所減減除之數先儘荒逃使之一無所與如此則冬春之間荒田可以盡開流亡可以盡復而公私無包賠之擾矣伏惟臺下經綸之智衡宰之心方當旋乾轉坤佐理維新之化

其於敝邑之事不待援手動色而措置已定矣但某等不忍旦夕之急思速覩康平之效忘其踈謬顛所呼號不能自已也伏望察其剝膚之情採其談虎之見原宥而速行之則幸甚幸甚

過庵遺稿卷五

三

雜著

陳氏族墓圖說

陳氏之先淮安府鷄鵝巷人也元季始祖避亂于杞止黃土岡亂定遂家焉卒塋北肥岡之良永樂中徹周府護衛軍棄屯地無筭二世祖南收地止今居南陳寨至三世祖儀乃營墓地去寨之巽里許遷始祖塋焉及吾行凡六世其地平下恒水患長廣若干孰不足容族塋然已踰制古法昭穆足七世則遷今六世而已不容地孰塋法使然也先雲津府君之喪業已別營墓地將來者可知也夫世遠

過庵遺稿卷六

一

則踈踈則忘忘則路人之矣陳氏多質朴不文多窳塋無誌表無題名歲時上塚各赴其所親功緦以外弗識之矣况益遠乎且別墓之後其踈滋甚余懼後世子孫路人其祖也乃繪爲一圖書詳配及所出以詔之

其塋初用三陽法故始祖位明堂正西二世東北三世正東四世改從昭穆法故位於始祖少南雁序而西乃以三世爲昭四世爲穆五世爲昭六世爲穆矣五世以下以地狹弗能容乃爲折塋法故一世而二行

陳氏塋例殤無後不入惡終不入死非其命不入故一世一墳二世二墳三世九墳四世十一墳五世十六墳六世

五墳生者虛其穴殤以不辨弗錄

圖有三義焉明祖以教孝也綴族以教睦也絕惡以教行也圖之下別爲族譜圖以係不入塋與生者

讀先天易傳

余讀先天易傳得四疑焉一曰先天起數之疑傳以堯當乾之上九禹八年入姤之初六蓋以子會之第一甲子年便入復之初九今按大雪節一陽之氣未成至冬至始成復卦當從冬至起復大象曰先王以至日閉關是已冬至者十一月中也故曰冬至子之半即此而論則先天復卦當從子會第九十一甲子起堯時正在乾宮大有之九二

過庵遺稿卷六

二

云堯當乾位者以十二月直事卦論已會乾卦直事故也二曰陰陽更歷之疑疏義曰自一陽來復更十六卦而二陽更八卦而三陽更四卦而四陽更一卦而五陽五陽則無所更而爲乾陰亦如之以爲陰陽之氣生之難而盛則易而六陰六陽分配十二月者爲非蓋本圖震離二宮十六卦下一畫陽兌宮八卦下二畫陽而爲說也然圖本以震一陽離二陽而未純兌二陽乾三陽爲次謂更十六卦始爲二陽則離之九三亦陰乎且以泰爲三月半更四卦爲四月初入乾而終則是辰會之半該四卦已會之全亦止該四卦而與所謂一會三十二爻之數不合矣又謂更

歷之多然後漸長似是陰陽之氣更歷卦位夫卦之奇偶多寡本以象二氣之消息盈虛果何所更歷乎

三日爻氣用事之疑夫先天圖乃氣化消長之象爻位乃象上生義形而下者也爻則有六矣氣亦有六乎且如復卦直二千二十五年不應初三百餘年爲陽而後反皆純陰正猶冬至日爲陽而以後日更爲陰不可通矣要之五分陰有一分陽陽日進而陰日退庶乎可也

四曰文王卦圖之疑先天卦圖合於天地定位章其卦之次序無一不合文王圖引帝出乎震章爲據則其次序亦當以震巽離坤兌乾坎艮如先天圖可也乃無一合者

通庵遺稿卷六

三

又以咸恒至中孚小過爲靜僕尤不得其說且氣化流行一而已矣有伏羲之卦氣又有文王之卦氣可乎

葛公堤銘

河至蘭陽醜爲二渠其一東南合湯河其一東北入故道儀封介其衝湍流方怒沙岸善崩城如漂鉢恃堤爲固田如葑洲出沒無常累政以來委諸無可奈何雖時有脩築而計浮功豈無足永賴嘉靖丁未沐陽葛公來尹是邑廉明樹威精覈立政名實信於上下懲曹人之禍覽觀形便圖惟永晝日因舊堤爲塞弘加增裨水雖大至不得薄城下數世之便也並河爲堤以捍游波人田其內必收新淤

之利數歲之便也具爲方略請于用事有位咸嘉獎報聞迺於是略基趾議遠邇度高卑揣厚薄程工計費形力以賦令下之日工徒奔赴畚插雲集不督而勸經始於戊申之春越幾旬而二堤告成附城如環引河如絙言言連連高厚而堅是歲也霖雨連旬城中帖帖安寢河不爲災歲

則大熟自邑之大夫庶士罔不感惠頌功飲食必祝而前威令徐君某某相與計曰二堤之功庇吾終身及吾子孫當共圖不朽使世世無忘不然千秋萬歲後桑海變遷誰知我公功者迺於是南走雍丘求余紀其事余不佞不能諛人遜伏林壑有言何足爲重雖然余聞公之興斯役也

通庵遺稿卷六

四

不畏高明不干名譽爲民長慮却顧不以速化汨其中蓋古之遺愛遺直也心竊向慕之重以諸君之請其容固辭廼名其堤爲葛公堤而係銘曰中原之害曰河爲大浩浩湯湯陵襄邑改蕞爾儀城僅存幾敗民不爲魚匪堤何賴有尹葛公發自南服頽脫鍊鋒塊歷驥足手提陷溺卧之平陸力拓腴田藝我百穀是作二堤環城障渠上權欣假群力子來築維孔固役不淹時連岡曲阜分界馮夷昔也憑城宵衽荷擔今也室家酣睡達旦昔也四郊洪波瀾瀾今也有秋穰穰禾黍維昔鄭白名渠關中蘇公守杭堤亦著稱我名二堤庇之蘇公黃河如帶公思無窮

叙均稅始末

粵昔禍亂既削萑蒿既治授田賦稅較若畫一惟是大河經我南鄙據地萬畝三護衛卒屯東鄙且什三厥後河北走護衛卒撤去棄地悉爲居氓業不復租於是遂併新田舉舊租其新田多者則額輕矣民間鬻田額重者恒不售愚民苟於棘售則自殺其類以售而以餘田供原租積久輕重懸絕大抵富民無重糧貧民無白地執使然也甚重不支則逃遁至空里甲而江北做俗類不過稅往往甲因乙稅有司誅租按籍則有額計畝則無田追摘則末之誰何而包租之政出矣是故有常道負之租有連數閭之亡

過庵遺稿卷六

五

有必破產之役有不敢開之荒有無虛日之訟有無完膚之里甲四境之內焚室相望蘆花如雪雉飛兔走入杞郊者即知其不可爲矣於是議者曰杞弊皆生於稅則不均若核畝定則富貧如一則租可辦爭可息荒可闢亡可復役可輕人可樂業不然雖卓魯復生亦難善治然罹茲患者數尹矣日支歲延得代去即已嘉靖己丑夏侍御段侯自鄆城丞徙尹茲土既見吏民間便益咸對日均刻最便蓋貧者病於輸富民亦病於貸償故言人人同而貸償不及者頗不悅侯曰此蒙於利耳若以人心之至公則未嘗不然也遂集輿言請諸部使及省臣皆報曰如議而巡按

胡公知開封劉公主其事尤力侯於是宵思朝聽權便揣弊乃得其法方里而區繩以度之竹以步之堦以墻之幟以表之鱗次以徧執莫得多寡凡杞之境集方六七十里法當爲四千餘區督者二人繩者竹者堦者書者各若干人日度五區役三千人十日而大數舉矣區擇一人實其畝役五千人一日而細數詳矣於是擇吏待選民買爵者得百人擇民篤朴者亦百人介之擇小吏及能書者書之繩者竹者堦者實畝者所至取給焉下令曰誣日具牲俵徒庀器先於東郭外祭神辨方命幹者二人爲兩區而南而化盡境而止千支廼分群督者工人以號辨區以數辨

過庵遺稿卷六

六

百區俱作果十日而盡如期之素凡爲區者墻域隅然幟堦植然區人實之私無漏畝官無虛類使報劉公公曰茲事體大不可使段令獨任遂東下而陳州守陸侯冕許州守任侯轍咸奉命會杞劉公曰侯王賜田或兼吾民乎成卒屯田或盜吾民乎區人實畝或匿乎女十官其分核之於是得民田二萬若干畝王田若干卒田若干段侯言於劉公曰杞田沒他縣者鉅矣宜括則皆以府檄括於蘭陽得若干畝於儀封得若干畝於考城得若干畝於是杞田益廣通若干畝而舊稅額凡若干石計畝夏稅若干秋稅若干既大布境內而定租籍凡有田一畝斯租若干法簡

令明雖三尺之童守兼陌之田而黠里猾胥不能誑之矣
初段侯既事事有如意者有不如意者業已前知其然徐
而應之不驚不怒故雖動百里之衆變積歲之弊而無震
聲暴色又所遣督役者率單騎視其功且慰勉之露食野
憇與同勤苦人人私喜得縣主意爲盡慮殫力役亦忘役
故能旬月之間建百世之利於戲賢哉某幸與杞民躬受
其惠懼後來遺忘失實不念侯德私記其始末藏諸巾笥
云

城杞事狀

杞本古雍丘周以那夏後命曰杞如營丘之齊曲阜之魯

過庵遺稿卷六

七

是已厥後杞遷仍稱雍丘今則杞云厥壤四平無山河之
險域民保聚惟恃園築爾矣厥城扼中原要領天下有變
先受其鋒若春秋鄭宋交爭戰國韓魏互取秦李由戰山
東漢張超拒曹操唐張巡抗祿山咸斯焉據至於南北分
裂尤倚重焉祖士雅爲晉鎮則彌北藩張萬戶爲元守則
名南戶近則流寇王堂射其西門草竊郭文選睥睨濠水
生民岌岌乎殆哉長民者不可以平世而怠於城也夫城
大寇保焉而小寇足禦大寇不常有而小寇常有則益於
民也什九完聚繕守王政之經也矧杞哉杞之城築以土
土力疏柔不勝一潦有城以來廢興之變不可勝紀矣嘉

靖戊戌夏大霖雨至于明年春城大壞復隍過半女堵無
堵遺南北門崩我尹朱侯甫下車而迎大駕於榮澤于時
饑疫橫流菁盜滿地捕治賑救至於又明年麥乃定是秋
一稔侯亦政成信立可以用民矣然以鄉試事閉貢院季
秋始出仲冬又薄治裝入覲乃以中間僅月餘於是議城
可謂日不暇給矣然而規爲簡大計畫詳明做蒞功立足
爲法於後往時修城聚丁夫器具付任事者自爲之私請
賄免之餘僅遺老稚疲癯日起板堵塞責故嘗用力多見
功寡侯先步城爲丈者千三百有五十料民爲甲者八百
有三十甲十夫脩築二丈爲城千六百六十丈以其羨補

過庵遺稿卷六

八

甲之亡者與壞之甚者即以里長爲什長該年者爲百夫
長選民冠帶幹辦者十人爲千夫長長有分地夫有分工
今日功畢而遣監者坐之往時器具出於保甲一幹之費
爲錢七百侯用北畿法縣纏爲師束稍爲板索茅爲約棟
拽爲幹板幹之費省二千緡令既明具然後授十長者率
而行之四面竝築人自爲勸奮杵之聲終日不絕三旬而
成不及其期乃又課坯於民兵及坊郭之民以崇陴壘贖
灰于罪人以治城門均衆而有法一錢不出府庫皆善政
也最城表裏脩築二千七百丈增高二尺厚倍之陴墻高
六尺長如城之表新作南門一北門一創北門甕城一門

一役丁夫八千若干人九月某日興築十月某日訖工鋤
杵竿繩甲庀甲收所實費者稽板茅索而已論曰城杞之
役亦大矣朱侯爲之則事半而功倍何哉蓋其道有五
日以義使民二日以任均力三日以智約費四日以敏乘
時五日以誠誠衆自侯之蒞吾邑也不漫役不喜庸不得
已而一勞從衆志也民知爲己而從之如歸期會纔揭片
緡而八千之衆已荷畚待城下及受功則勞均而分明如
營私家之役焉爭先畢事而已器用所需物土之宜取諸
田中價薄而易辦故環城數里一日合築得如此其速也
時則歲稔務閑裹糧不宿而具是以趨大役而無難色然

過庵遺稿卷六

九

而民之所以樂用命而忘其勞者蓋尤敬侯之心焉耳侯
至杞僅二載非不歲即不暇比歲且暇將去杞矣杞雖不
城侯可以辭人可無議乃侯不憚煩以失會不便已而遺
憂誠爲吾民而已此民之所以敬服其心也邑大夫士相
與言曰杞城之政後之師也杞城之心後之思也侯之功
德當與此城同傳永永宜請名筆勒貞珉以圖惟無疆休
而屬余爲狀其事余故撰次大畧以俟立言君子采擇焉

丈地法

陳某曰經野實好橐云昔朱子欲經界泉州若不獲紹興
法而杞田之量也段侯廣思俾訓術昂肆之機觸智遷歸

於簡要乃與古畫井暗合田昭好祛法精矣夫井田不復
均稅舍經量奚術乎今不紀載來者無考是以王侯刻遺
惠碑命某次其法于陰方里而區絜用竹繩隅四會乃成
會際爲大塚樹木標其末循繩爲小塚別用繩長一里十
二分里之五交約其衰繩行當村落則斷去如落長餘繩
越落而會始作連樹三標自後眠之爲一直矣乃移後爲
前後眠如初別區以字紀以數凡區田主一首其畝會畸
實最尺寸畢籍焉

學訓贈陳生

過庵遺稿卷六

十

顯也又曰見牡丹之根莖而知其善惡者上也言辨之貴
早也歷觀往牒立名之士必有先識之譽以下厥終故曰
如有所譽者其有所試矣今天下人才自成年以上皆羅
而致之校宮士之揚功樹勳以大終者不出於校宮無幾
也故學校者材之淵藪榮達之梯徑也是故褒衣類弁濟
濟容容君子於是乎觀士執經問道俯辭居業君子於是
乎觀學士得預乎茲列則王公大人改容而禮之鄉黨宗
族俯伏而推先之父母昆弟愛悅而憐讓之吁已榮矣然
其始也茹連而征魚貫而進鴻列而游靡不同也終焉或
以雄飛或以雌伏或以龍矯或以猪屯或翔於天際或入

於坎窞或致身青雲之上或汨沒塵埃之下清濁異調榮
賤殊途豈才變於多歧士頓於齊末哉所以學之者異也
嗟乎君子之學上之明道廣業敷德業於生民次之博物
脩辭樹聲光於藝苑次之纂言強記授青紫於甲科下此
則優游廢時蔑裂赴校其名曰學惰矜才足已抗上嫉勝
其名曰學驕湛欲沒利毀節敗名其名曰學辱擇術而趨
存乎識強力不友存乎志相觀而興存乎摩高明不極用
力不勤及爾顛覆鮮不然矣歲月坐馳荏苒遲暮嗟何及
哉是故游校之初君子觀士恒於斯焉士之自勉亦恒於
斯焉否則非所知也陳氏子某年若干以提學憲臣選爲

過庵遺稿卷六

七

通許縣學生穎雖小脫將必大終者乎予故因吳君之請
以其大者望之吳君曰予觀某志趨不凡好學不倦梯榮
達才實所優爲敢書先生之訓以爲根莖之占矣於是乎
書

寶諭贈保野朱公

嘉靖己亥冬河南積不歲民大饑守臣請賑章連上天子
爲遣大臣發帑銀救之明年麥熟民乃全活長民者勞可
知也於是杞尹朱侯功能爲最巡按陶公移書獎焉客有
稱諸陳子者曰我侯之政其猶楚國之至寶也夫昔者楚
王嘗寶厚賞以來獻者國人射之鑿山探海棄穢不務於

是楚饑穀貴黃金弗易令尹欲諫王廼具五種寶以王函
緘以金滕藉以玄纁載以文駟再拜而獻曰臣有至寶敢
以奉御者王曰天下之寶盡在楚矣又有至焉者平對曰
今楚國有災而寶弗能禦臣以爲非其至也臣之所寶能
使楚饑而不害夫救時之急猶非至也臣之寶能使人人
舉終天年臣之寶與師十萬弗得弗勝石城百仞弗得弗守臣
之寶雖堯舜爲君契爲司徒伯夷降典皋陶明刑不得之
無以治天下臣之寶可以仁祖考可以享上帝聿獲多福
王曰善哉寡人未嘗聞寶如此其至也寶如此其至也願
以鎮楚國再拜而受之發而視之乃五種也自是楚國化

過庵遺稿卷六

三

之咸知重穀遂以富強伯天下君子曰穀誠至寶不得令
尹不彰令尹誠善說不因其時不售今夫我侯之治杞也
誠以馭下寬以惠良簡以靜訟約以惜財非所謂懶惰無
華歲計有餘菽粟之味知德者希耶一旦歲惡廩空人有
散志上下皇皇罔知攸濟然後弘艱附下之能倚重於時
而向之鈞奇聲善交際者舉伏下風非當饑而價賤黃金
者耶而少司徒王公既知而獎之巡按陶公又知而獎之
賢勞騰於移牘欣色發於鼓幣不已玉函而玄藉之耶方
當荐諸明庭尊以崇班風化天下其黜巧返璞改漓從厚
一變風俗必矣由是而究其足國壽民之蘊則禮樂可興

而王道可幾也豈直富強而已哉故曰朱侯之政其楚之至寶也夫陳子曰客知其一未知其二方祀之已饑賑之未下也內有凍餒之急上有逋負之懼後有死亡之憂何恃而不離乎恃侯之仁也賑所不及者十之七不下也何恃而安乎恃侯之政也故功施於已賑者顯功施於未賑者微賑貧之德大安富之德深仁心之敷也先儒有言心如穀種仁則其生之性也故穀有生意則投之必生而其利溥君子有仁心則觸之必應而其澤廣不然巧爲文具以塞上命者不少矣况所不命邪然則論侯之爲寶必本於仁可也傳曰惟善以爲寶政之謂乎又曰仁親以爲寶

過庵遺稿卷六

三

心之謂乎於是民獻十夫聞之請錄其說以贈保聖

壽對賀東野先生八十

客問陳子曰養壽有道乎對曰有請聞之曰慎孰能之曰吾邑邊東野先生能之先生衣冠大族積學而工文聲業出輩流上而容貌若愚而冠服儉潔而動作蹶蹶長貶議而口不是非畏患害而產不封殖畏情感而壯歲獨榻畏憲禁而宦也貧而歸其慎也如是乃今年數八十矣視明聽聰筋骨緻堅飲酒斗餘不亂非得於養能如是乎哉客曰於古有徵乎曰有昔衛武公年九十有五猶作賓進抑戒以自飾厲前乎此者慎可知矣史雖不具年壽意心度

百歲而後死也世傳老彭觀井蔽之以輪身繫於樹雖未必然要是全身遠害見險而止者也其他聖賢疾敬德考終命難以縷數而二公乃尤彰大著明者矣然則其理何居曰人也者血氣以爲形魂魄以爲生傷形者六氣飲食男女也傷生者喜怒憂思悲恐也是以善固形者必外鍵善攝生者必內鍵故曰善閉無關鍵而不可開非慎何以哉單豹岩居水飲而爲虎所食不知慎外也張毅高門懸薄而內熱以死不知慎內也廣成子曰天地有官陰陽有藏慎脩女身物無不壯其斯之謂歟客曰子言於儒術亦有據乎曰仁之必壽仲尼之訓也大德必壽子思之傳也

過庵遺稿卷六

四

不曰仁者心存而不放乎不曰敬者德之聚乎夫儒者之道雖不專專爲壽而壽之理具焉慎之謂也客曰若吾子之言吾聞先生之配年並而健齊亦有得於慎否耶曰冀北之饁鹿門之耕吳下之傭皆夫婦相敬如賓焉夫地道無成刑于有化脩己安人敬之明徵也矧室家哉先生之有壽偶也亦宜矣孰謂非得於慎乎於是客聞之曰先生之壽於古有徵於理有契於聖有據殆未可量哉殆未可量哉歲晚務閒春酒奉介賓客盈庭冠蓋萃止捧觴而進者述以代祝云

書盱山宦迹卷後 代作

右詩一册題曰盱山宦跡乃吾邑官長士大夫送少府王盱山公而作也盱山自黃門給舍謫杞無何遷臨晉令邑中聞當去莫不悽惋悲歌各紆所懷大夫蔡南洲公采之著於篇凡若干首古今體裁略備客有挾至蜀中者余取而讀之作而嘆曰詩云雖無德與文式歌且舞王少府之德民歌舞之矣詞不論焉夫有所感於心里詭巷吟矢口而成直情而遺法民間之詩也有所感於心永言嗟嘆以發其情思比音而成章文人之詩也古之以德得民者必有歌詠惟能言之士善說情理而會於法度乃可被之管絃而傳之無窮十五國凡美上之詩皆是物也是册所載

過庵遺稿卷六

十五

雖言人人殊其皆能言之士道情而會於法者耶若夫里謳巷吟負墻而泣仰天而嘆者乃知不可勝載矣於戲少府公盛德之士乎哉余聞之強笑者不樂強哭者不哀詩之志意音節不可以言語文字爲之也今觀諸作其詞正以莊其敬心之感乎其音哀以思其愛心之感乎非仁禮存心者孰能致此昔孔子聽文王之操得其志意形貌余雖神解不逮亦庶乎得所謂盱山者矣守官數千里外恒以未得一面此公爲恨幸覩厥詩彷彿其爲人而又值其去吾邑益令人悵快無已乃題其卷尾以泄余衷丙午長夏吉日也

虛舟說

如是我聞爾時南華真人說南華真經借喻而云人在舟中忽有虛舟來觸雖甚褊心不生嗔怒何以故舟以無心遇人人以無心遇舟兩皆無心故無感應由無感應故無嗔怒唯虛舟故洛陽朱居士具智慧眼看誦斯經發悟於心別號自證師舟而行雍丘陳子乃爲廣宣此義而作說曰凡舟裝載寶物游於江湖逐利爭涉多遭排擠惟彼虛舟雖行津要衝撞抵進都不叱呵凡舟內有物重遇風波險巖十分驚怖多遭覆溺惟彼虛舟隨波上下與浪出沒亦無驚怖亦不覆溺凡舟爲人撐駕夜有畫棹不得自由

過庵遺稿卷六

十六

惟彼虛舟汎汎中流都無拘繫得大自在若人掃除五蘊皆空不起一毫意念則能與物無競如彼虛舟若人照破四大一身皆是幻妄咸除愛根則能行於五毒濁惡世界不遭傷害如彼虛舟若人於一切有爲世界不塵不染則能隨緣住世去來無礙如彼虛舟是此虛舟不離世間而得出世間法不離幻形而得無上妙道若善知識觀虛舟如是轉轉爲世人說法普度一切衆生脫離愛河慾海究竟到彼岸不使漂流鬼國則虛舟功德無量雖三千大衆世界江河千百億舟船不得比並朱居士能除人我心能除富貴心能除滯戀心已上虛舟得度更望至心皈依發

大勇猛得證最上一乘舍筏登途雖虛舟亦用不得廼以慈悲心方便說法普濟衆生是名慈航不名虛舟居士合掌作禮而言曰善哉善哉愿敬信心信受

祭文

祭大司馬浚川王公文

代作

於惟夫子命世豪傑絕學聖賢所謂吾道之中興而千古之立言者歟慨諸儒之業日富而孔孟之神不傳或淫縉而滄經或舉一而廢全蓋不獨詞章記誦爲吾道之異端也夫子秉超然之朗鑒犯衆好而力銓泄二儀之秘窮性命之源搜羅萬有總一陳編咸裁削以聖軌過韓愈而尤

過庵遺稿卷六

七

難至於居德應世豹變鸞鸞不凝滯以踐迹乃從容而行權歟歷中外四十餘年沈不能使之戚升不能使之歡所在成功風采凝然蓋和如柳下而不失其介清如伯夷而不剗其廉通如賈誼而不過于激正如董生而不滯于偏海內方恃之如龜鑑而仰之如泰山真安石之一起絕塞北之烽煙詎意安車之徵未下而東山之屐已閑將天之無意于斯世歟何哲人之竟殲也某蚤以諸生受知殊異繼歷仕進蒙獎無先適承乏於中土幸夫子之南還再獲請益奉以周旋曾不逾歲溘然上仙感恩念德能不潸然正昔人所謂上爲天下痛而下以哭吾私者也尊靈不

泯尚有感于斯言哉

祭黃翁文

古有曠百世而相感矧並時而有聞雖神交之忝竊匪出涕之無因翁居閩海之涯祀也大河之滄天丕篤於賢嗣俾振鐸乎斯文掩黌庠以八祀始欽德而情親學淵源以宏粹猗秋露而春温推祥源於所自知世德之必深已而脩然鶴立之表穆然岩處之真介然玄覽之識油然而德之言時仄聆乎語述或旁得于鄉賓恨入室之俱迥庶榮養之來臨忽逾年之尺素謂厭世而遊雲何馳榮之不俟而占壽之難任余既悲懷人之長已而復感乎末命之傷

過庵遺稿卷六

六

心子一面其無期阻十載以爲臣彼祿薄而遠仕孰非欲獻而沾襟也哉載惟平昔情馳宦舍竟扼于跋涉之艱辛若魂氣無不之也安知不附雲物而降堂陳乎則桂楫一傾已冥通於萬里陳辭而告必有鑒於薄忱

祭青州府通判丁平野先生文

於戲先生徂矣今之人其無復先生古矣能不爲世道而一哭哉先生爵及其親澤及平民年躋乎耄耄而學傳於后昆斯固含笑而歸化無宿恨於乾坤也獨惜夫逝波不返澆諛日新而先民之典刑又喪後生小子目無所見將不淪胥以湮乎於乎先生已矣人不能無疑於天也先生

仕也不速其化歸也不待其年隱也不詭其跡老也不輟其勤服羔羊之一節乃沒齒而食貧位之具瞻以坐鎮雅俗誰曰不可胡爲乎再命而陸沉也哉所冀慶延於後豹變鸞騫謝先生於生存使人知盛德之報不必其身而敬慕夫清白吏之子孫抑其次也又胡爲成而輒踏進而如抑文有餘而志未申而使夫矯夸之徒得以睚眦揶揄其無忌憚之淫乎此吾于先生之亡所以戲歎而不可禁也吉日良辰殺芳酒芬先生有靈其亦重感于斯文矣乎

祭劉逸庵先生文

世運既下忘古益邈昔之變今哲人爲狻今之復古群以爲諫於惟逸庵古心今貌天鄙無華質直信道世賢詭合公以不肖世矜利動公以不巧曷迂靡愚曷拙靡笑與世相遺無怨無好悠然古今怡然獨樂於戲太守清白得公益光如璧之藉如增之璋二嗣穎粹眠公以成如芝居薰如金居鏘爲后克彰爲先克教彼富不仁彼盛不保算始計終孰拙孰巧於戲伯氏已廩仲氏已造公食祿養方當貴報高官大爵龍文鳳詔福善禍淫時乃天道謂宜久視

過庵遺稿卷六

九

天平何早非耗用疾非憂用老豈厭塵囂飄然物表於戲悲哉小人何慕君子何效俾我諸士潛然相吊爰歷靈辰俎觴用告雖不能知旁淑庭詔

祭張西岡文 代作

惟兄才如天馬不可繼羈智若孫吳善藏其機觀時裁變排決不疑人不病刻家日以肥業成肯構功倍開基積而能散知雄守雌居仁市義揮金若泥名實彰聞達於彤墀皇恩疊被表里刊碑計兄之餘不羸其施計兄之獲多亦不貲智哉西岡善成其私紛紛守虜其誰知之我思古人鳴夷子皮晚而悟道雅志希夷萬口交祝千歲爲期孰謂吾兄而止於斯謬忝通家再世親知申以婚姻情若連枝兄病謝客我來何遲執手榻前晤語移時言猶在耳身擬登輻滔滔河流莫瀉吾思哲人而萎其誰不悲憑柩一痛從此長辭營菟未化來舉余卮

過庵遺稿卷六

三

祭李南臺文

於戲南臺子汝形雖壞汝目定未瞑乎飄逸英發氣凌海空也七尺之棺能汝容乎拓落昂藏桓桓以爲生也人間之事竟何所成乎於戲孰謂南臺子抱恨以長終乎惟萬物之歸盡付大冶以陶鎔不知造物之意將以子何庸也其化爲攬捨掃列星邪其鬱爲玄雲駕長風邪其胎爲巨鯤搏南溟邪其流爲洪川灌蓬瀛邪於戲有生而必盡者理也萬古而不盡者情也今將送子形骸藏諸先人之塋長與斯世曠隔幽明蕭蕭緜緜飄飄旒旒切室稚子號天

而辭膺行道之人孰非酸鼻流涕而况在外要之朋乎想
笑談之在耳悵揮袂之無從臨西州而延佇矢山陽之哀
聲忤腎腸而一訣竟彷彿其來聽

祭主簿徐君文

於戲傷哉哲牧難逢公乃徂落攸攸天道孰究孰度公才
晉英器成太學溫潤輝光磨礪圭角文明內蘊被服太朴
佐政三年一夫靡虐平易惟親矜恕惟活祀政炎熱公爲
洗濯佻病呻吟公爲撫摩冠帶格誠藩宣賞恪家戶戶祝
萬壽攸醉如何不吊一卧弗作百身難贖萬口悲吒於戲
傷哉貪夫乘權肆毒流濁世法既弛天網仍脫居豐據顯

過庵遺稿卷六

三

夸毗孔樂嗣其擗揄謂公齷齪民實佑德天甯長惡云胡
降罰有此愆錯於戲傷哉萬形歸盡令名不亡野駟朝茵
何足短長維彼無忌魄存神喪維此好脩身滅名揚達人
志士職兢不遑祀有祠廟登祀惟良公德弗愧俎豆其旁
杞有載書筆削惟明公蹟嗣紀百代流芳公樞無歸留莖
此邦公神無西留依此堂民之事公不異桐鄉於戲傷哉
月吉辰良桂楸獎緘以矢心腹肺腸公其聽之以慰
徬徨

過庵遺稿卷之七

詩

送舅氏虎岡先生赴泰山教

岱麓新經帳儒林舊白眉
斲輪搜簡帙發塚到黃羲
厲志攻孫雪潛心下董帷
聲名童日起德業彥髦推
問古尋雄字談微避鼎詩
辨能窮炙蹀默但效支頤
泛愛周交際孤貞耐轉移
柔嘉真大雅醞藉况多儀
猗此青雲器其如賦數奇
文玄三月就輝覽九苞遲
興馴恒遠嘆孫弘再薦時
對陳諸老重道合後生師
鄒魯元多士陶鎔會聖期
詩書遺澤在登覽孔蹤垂
俗自尊明復人猶杖履隨
三負疇昔

過庵遺稿卷七

一

事斗食抱關知莫厭青氈冷
閒於勝眺嬉捫蘿臨日觀
刷蘇讀秦碑碁布八荒入
丸跳二躍馳仕兼泉石樂
官出是非司久擬蠟雙屐
無緣寄一枝未成靈嶽往
先動滑陽悲送別值秋半
逾河是路歧貧無瑤玉贈
且盡手中卮

三義士詩

乾餼古所嘆分少誠獨難
天灾有代至國蓄寡十年
庚辰迨已丑哀哉食屢艱
少壯投樂郊衰殘橫陌阡
死者枕之啖同類化豺豕
私藏要厚得官庾徒空緝
賢矣張昭勇悽悽切所患
傾倉發秬稻負擔歸閭闔
豈無百口情獨履曷能甘
白骨復膏肉垂盡得綿延
張公悲下世二士接仁筌

兄金既干散第粟仍萬捐
家量卻市直貪賈變為廉
靈麟有淑趾此語不其然
惠澤沾四境義問傾昔賢
四豪乃奸惠黔子徒壺殮
舜皇念阻饑代養嘉丘園
醜庸分采物旌淑煥楫顏
會訓垂發身由來仁知兼
咄彼金谷子君看蒲撲篇

紀異

秋空散薄霽旭日過茅簷
白雪紛敗衣含暉弄蒼煙
有隕自霄漢光焱雙炬然
擬電無明滅為火乃下炎
天鼓起其北三震過我巔
餘響遠不絕虺虺落北山
如彼枹鼓節鏜鏜復聞聞
是時玄枵中日月正同躔
凜霜殺萬卉木葉咸凋殘
蟄蟲發坯出雉雉求其偏
彼雷云收聲况乃晴朗天
天意誰能明降此號令愆
春秋五石地小雅十月篇
變異不虛生涕下空汎瀾

過庵遺稿卷七

二

贈白將軍

外閩新分符中原久偃兵
十年連冠熾百戰一身輕
廉頗食仍健馮唐說早行
白頭談武事舌上欲泉生

酬吳女几示所作

留滯燕京客梅花歲又春
黃金愁季子長缺嘆明君
勝地經題徧禪房住處新
吟詩句句好信有解窮人
尋會見雪次吳子韻

文會經時合天能試素英來猶期日上坐忽見永生喜助
朋儔麗光含書史清山陰不盡夜孰與一樽情

雜詩二首

采都出姜女容華耀朝日聲音奉君子夙昔學琴瑟夔襄
奠絃微伶倫調律呂田連教操張湘妃發妙曲遠奏鄉雲
歌下詠周關雎歌聲清且閑儀鳳來翩翩章甫不適粵黃
犢不飲泉古調知音稀不如北里彈抱器欲何施秋風凋
玉顏

靈鳥棲中嶽五色被毛羽饑食玉田禾渴飲沆瀣水惜哉
時不逢六翮不得舉冉冉歲云暮何時颺風起螿螿聲正

過庵遺稿卷七

三

悲天衢九萬里寧忍饑與渴不隨黃雀啄黃雀啄滿藤飛

上北山樹

客至

久雨暑氣薄浮雲褪青天涼風滿庭戶儵然振葛衫嘉賓
惠然至門前車馬喧貧家闕珍異臘酒烹池鮮爲樂亦不
厭六博間枰彈新詩八分書長歌伐木篇晚涼移中庭衣
潤露華沾仰見大火流感彼時序遷盛年難再至立德慕
前賢道遠苦日少烈士多悲酸願言遵令軌黃髮誦賓筵

送李子喬贊畫

西北有煙塵雲中闔氣新銀鞍白駟駒寶刀耀秋氛繡獅

瞻錦袍云是李將軍三隴西種絕技迥超群左手挽烏號右
手接飛驎下馬談籌策一語傾轅門抽身向前去封侯豈
足論贈爾千丈纓侑以一丸土收縛大單于築城向河滸
戰士釋戈耕陰山放牛馬功名圖麒麟餘威莫千古

聞大同平次李廣文韻

邸書忽報雲中信天險城門晝自開漢旅經春息戰聞唐
藩迎詔拜綏徠萬方共喜分苗日聖主獨勤破蔡懷自古
除兇頑一將憂時君是洛陽才

秋日渡沙河馬上偶成

晴日抱村白霜林風欲然紆看飛鳥外行過野橋邊水清

過庵遺稿卷七

四

溪見底沙暖地生煙鳧鷗能會意濯洗羽毛閒

過郭隱居

闕墻草徑入門東瓜豆離離下亂駉騎馬庭除人獨詠叩
扉桑柘鶴先迎三間茅屋身爲客數卷殘經歲易翁清世
那能便寂寞少年中國尚豪雄

送四叔父

半月風塵費抱携今朝千里獨南歸異鄉豈忍至親去倚
間亦閉白首悲梁汴杏花走馬地燕山雷雨化龍期大兄
如問吾消息好道文章覺舊非

夏日劉子莊稼餞李子之汴四首

冬橘

洞庭十月滿林霜葉盡枝頭顆顆黃折破金蓮難著力嚼
殘玉露有餘香嬌姿不逐群芳老媚色深宜固篋藏寄語
五陵莫浪賞歲寒容易減容光

雪後登西城樓

冬霽城樓西望偏常時風物改蕭然初開野逕人應少
却枯林白更全坐鳥眠鴉常似夜裊雲停霧不分天古城
鷄犬煙中發疑是壺中碧玉遷

冬夜聞歌與李楊二子家兄同賦

清歌何事來庭院似為高人助舉觴遠向墻陰酬白雪深

過庵遺稿卷七

七

從杯底動滄浪寒更作意燈兼細缺月何緣夜未光莫對
北風竟此曲江湖驚起雁行行

夏日村居有懷蓼溪

平郊麥秀望無際却憶繁臺共讀書禹廟鐘聲僧約飯梁
園栢影夜談虛君今枕易江淹里我亦騎牛冉氏墟花柳
自深鶯自語可憐懷抱向人踈

鳧食蝗

去年大水入秋旱鰥鰥布子魚遺卵今年多鳧卵化蝗群
飛蔽天集大梁四郊雨足禾如雲誰遺繩繩善子孫決旬
出土害田稚蟻聚波流愁殺人田中鳧子捕生食生蟲欲

盡捕之及匍匐後之跛行前迫坎而吞百不失霖雨三旬
一到田秋禾煥煥鳧腹實老農植杖仰天呼今朝蝗盡嗟
鳧力鳧乎鳧乎飽女欲遺功遂作蒼生福毋乃上帝眷皇
德假手捕蝗完歲租自今宜致越王敬忍酒鞠灰報女毒
於戲八醋合為九十月村村斟社酒

盜賊二首呈戴明府

群妖爾敢干天紀白社黃巾向本輕豈意秋冬星石變遂
令陳鄭虎狼驚春城鼓角嚴登戍幕府銅符大點兵急使
諸軍圖便合早收車甲事新耕

總戎戈戟列如林尉氏何緣忽見侵盡遣健兒防虎帳誰

過庵遺稿卷七

八

思急鹿銜猿岑群兎幸失鄂陵窟百雉休寬窠甲心獨喜
使君天下慮練兵擊柝罷鳴琴

正月雨雪至于二月

新年雨雪侵驚蟄寒逼山河煥尚扁積向麥郊償臘白光
於柳圃妬春青乍歸鴻鴈愁深阻欲躍魚龍凍未醒舒慘
天心誰更測行時還擬是玄冥

三月四日見雪

三月桃花雪卅年此一看果然滋宿麥無乃澁河湍落擬
梨園盡飛驚柳絮漫甫能脩消袂已復索重綿豈應花爛
漫雪霰逼辰零似為襄陽典兼歸安樂亭冒寒出沽酒奇

白故尋青雲煙連野濶隨處足滄溟臘日尋常見深春爾
爲嗟空然妬傾國爭奈不成花野曠密能白風柔舞自斜
群芳休失意猶勝滿塵沙

寒食聞諸子邀家兄東郊游賞二首

山宇岡頭春可憐群芳雪後眼猶偏並車何處桃堪下把
釀幾人花自寒當望柳煙晴逾翠映袍葉露午猶懸酒酣
定有蘭亭賦空對啼鶯憶昔年

家兄卧病緣花起諸子同遊感物華暫向酒杯拋藥裏還
從隋柳駐雍車江山一笑兵戈後桃李重看鬢髮加此日
酬春真不淺遲迴天地又風花

過庵遺稿卷七

九

謝聶子惠筆二枝次其韻

湘管宣毫久著名開緘絕勝剖連城昨年夏裏兩椽落吾
黨當年五色生脫囊霜雪厲相映洗墨魚龍蟄已驚君是
玉堂揮翰手有心遺我記登瀛

苦雨

秋水茫茫浸野田東阡西陌白連天人家十戶九不火小
兒悲號大人眠終日陰陰不欲晴房屋如篩窰如泉塲中
堆把生苗芽塲邊柳樹覓漁船村中老人心獨苦擡頭問
天天不言自言三年不飽食秋禾茂盛惟今年官錢私債
兩俱足妻兒夫女幸團圓誰知皇天大變虛坐令萬姓同

灰殘言畢望天大叫哭東隣西舍同心酸君不見城中長
官徵賦急剝民骨肉民血鮮民血鮮官馬肥留與當道大
人騎民死民活總不知

丙申除日

明朝三十四回春三十三年總可嗔抱璞豈應頻道路雕
蟲何事費經綸葛巾藿飯元吾分海鶴岩雲許伴人蠟屐
未成心已往爲農且辦住山身

李中嵩別業同北原少室

林館飛花見主還一春王事此開筵投壺把釀身能健繁
木流鶯地自偏頂著漁樵粧綠野漫隨巾屨過前川桑陰

過庵遺稿卷七

十

共藉茸茸草何似滄洲萬頃煙

席上酬少室留別

筵展虛堂賀鶴鵬主人非是鄭當時千年鄉里衣冠會歧
路雲霄汗漫期海內蒼生龍卧起日邊五色鳳來儀因君
欲奮天池翼上苑何緣寄一枝

送楊少室赴京

啼鶯千里飛楊花捲幘身輕去路賒省樹久懸僊吏咏太
行休羨子陽車向來血淚收苦草此日肝腸付帝家丹展
思賢勞夢寐好將聲績對重華

送李司訓之官

廣文得柄亦如此君到燕南分外閑
畿縣逢迎官長少諸生服習教條寬
袖中丹藥身常健坐底青毡夏亦寒
是處佳山堪極目新詩莫惜向予傳

漫興

出城饒野興馬上綠袍輕霽雨田間道
秋陽柳外旌賞心閱穎粟民隱慰新耕
善政兼年稔貧居遂寡營

喬節婦

飄風摧松柏女蘿爲之顛君子中道離
妾生詎能安趨死隨君去不勞臨沒言
死者當有知魂魄相與騫偕老與同穴
豈必終百年焉用未亡身拒人費創殘
哀哀黃鶻歌強

過庵遺稿卷七

十一

生誠有緣一死萬事足千古稱仁賢

玉禾篇賀陸翁生孫

人生有兒復有孫百年萬事皆浮雲
掌中呼爺弄眉鬚一語豈止千金珍
陸翁落魄放翁伍早解青巾向南畝
大兒總角誦詩書弁髦螢雪猶攻苦
前年賀女實承筐今年到門弧矢翔
啼聲呱呱泣如虹滿堂賓客生輝光
鳳毛麟趾世間寶桂林玉樹何必芳
勸君溫酒膾河魚我爲君舞歌
巴飲身無疾病年爲祖今者不樂白
頭願君不見陸終之後昌江南遜抗
二孫稱英賢玉禾瑤草自有種君行
積書

莫論錢

真工歌贈邢生

西肥楊伯常氏親翁器明求醫於太康得邢氏
福審情揉劑切養兼施無何一目返魂四形借
照拔其待盡之昏錫以絕望之明厥功奇矣於
是伯常庀儀置酒大會賓客以獎而屬余作歌
旌紀厥實歌曰

我聞僊人長桑翁出入無有天眼通上天挹取烏膽髓
來與濁世滌盲矇自從僊翁去不返玄方大藥併成空
俗工屢手紛無數談口懸河寡見功八風不熄五火壯
水乾肉怒晶淡器丘明失明子夏哭天下墨墨獨師曠
邢生師授

過庵遺稿卷七

十二

出何人起廢發蒙無與上坐令長夜太陽生鬼窟山陰開
萬象楊翁遇之眼霧釋感疇憂藥孝郎力若使僊術代相
授當時安得窮張籍張籍目盲心不盲世上心盲醫不識
面前鹿馬不能辨揮却荆璞寶燕石安得一試上池方過
眼妍媸洞肺腸極深雖不察淵魚旁燭應湏大智光勝理
可及苦難信真工不逢我心傷

宮墻行贈李子選游鄉校

君不見孔子墻高難得門文宮經閣高人雲廣文先生談
道德回琴點瑟鏗遺音古今卿相紛無數入室升堂由此
作青袍草色烏頭巾望之何似神仙人與君少小同筆硯

別來倏爾成弱冠君今鄉校我國學宗廟百官同一見轉
眼青光不待人舍筏登途方到岸各須努力事先覺霧息
南山看豹變

隋堤柳歌送王珣山之臨晉

黃河何漫漫不隔使君船太行何嶮呀不隔使君車山迴
河轉蒲坂郊晉人歌舞杞人號無情最是隋堤柳送盡賢
明只此條

過庵遺稿之八

詩

詠懷古跡十六首

禹廟 舊在箕城曹植王雍丘移城中今亡

箕城蕩無跡禹廟夫何如空聞移子建誰復念吾魚縣是

靈孫舊民生四載餘濱河憂汎濫血食益懷予

谷林 城西山名見楊保皇畿賦

借問谷林事昔名誰聽今河沙霽半沒耕耜足交侵戰壘

金元舊叢墳檜栢新徒增吊古淚那復賞時心紅憶櫻蓮

谷綠傷柳塞津幄帶餘蔓草絲竹變鳴禽國捲繁華去時

過庵遺稿卷八

翻勝地沉空將宋畿賦讀罷一長吟

呂祿臺

何事來斯竹寧從酈友遊歲深傾欲盡家破爾能留古木

鸞巢險荒藤鼠穴幽高陽登望在魂莫怨曲周

令狐城

千載還賊壘天留記至忠縛芻奇不盡當矢血猶紅桑海

今人墓張雷異代雄令狐先縣令何意對乘墉

張柔城

要地當元塞危時接來爭草青胡馬放河漲越船攻荆棘

生靈盡封壤且暮更獨來張萬戶力築此三城截汴橫關

鍵開門洗甲兵流離歸保聚鷄犬荷生成世已滿胡運入
猶歌戰名可憐全保障不作祖逖功

隋堤柳

煬帝通淮海長堤引汴河龍舟遊不返春柳望如何鶯裏
傳清奏風前學舞娥行人折贈處淒斷渭城歌

空桑

空桑元聖廟遺近有莘城靈母何年化孤村萬代名衣冠
商后制猷畝野人耕殘碑宋皇贊五就為蒼生

高陽酈食其墓

帝世八元後人推老監門擇君售奇節敵國下狂言白馬

過庵遺稿卷八

論功大金章照後繁全齊博一死千古吊忠墳

伯牛塚

古塚盤岡麓人言堊冉牛悲聞辭魯牖疑莫辨箕由野寺
殘僧獲偏祠遺像幽誰哉繼狄相逆祀正春秋

圍故墟 夏啟蔡邕

亂世名爲崇空城夏蔡傷蒼黃走隆慮流涕赴明光絕史
人餘恨深山世共亡凄涼祠廟古獨自祀中郎

外黃故墟 卓曆蟠

城郭黃河道人煙魚鱉居久遺舍人姓猶說孝童廬木息
違時難泥蟠避薦書賢哉先幾士長軾段干閭

立巖岡

夸子遺筐土千秋卓杞南孤根拔地出平野當峯看春草
青驪鬢霜林點象冠子樓坐陽阿登覽意何寬

梁園

梁王一去苑園廢西界高陽只舊名無復國人誇大獵都
將表望入新耕山林佳帶鄒枚賦狐兔深懷罟射驚回首
旌旗出入地長空孤鳥滄人情

孟姜女廟

君不見蒙恬北築防胡城征夫十行九不返又不見秦法
殺人如草菅骨肉併築威怯懶范郎十月去不歸孟女酸

過庵遺稿卷八

三

心寒未衣慙慙擣練手裁縫將向邊庭慰渴饑邊廷歷盡
蹤跡沒見說長城堊夫骨發聲一號血噴雲北風隱地鳴
山谷神驚鬼泣不忍聞巨靈掀拽堅城覆城覆土破白骨
見烈婦識骨如識面此身若作石頭石誰負遺骸葬鄉縣
孟女哭來不記春至今曲調傷哀怨於戲東海何時平安
得邊城罷征戰君不見古廟年年十月初寒衣漿水村根
奠

黃河

黃河之水泥漉成天意要補東南傾龍門東來建屋旣崩
沙齧岸湯沃水勤淤瀨沙波蠟凝埋沒城郭丘山平棄高

走下無定蹤新渠古道紛緯經蒲口九龍非故形邢家白
家口今名玄圭即世寡成能瓠子宜防悲帝雄剽渠沈埽
德難勝人言此河真有靈燐羊擊豕賽金龍羊豕日沈邈
不應巫史神奸惑瞽聾黃牛白馬稱神功安得上帝憐蒼
生執戮貪濁更以清九折萬里為一泓萬古滔滔行地中

史烈女墓

六歲通媒身姓孔十八載冠換頭頸梨花爛熳鴛鴦離我
生不辰嗟何為拍拍雙蛾為中墮撲鏡擊盆雨不破眼前
細物解人情分明天遣鬼神佐可憐慈母戀妾身如何衆口
敗妾心請看蠶老結黃金人生無義被蠶噉精靈夜化白

過庵遺稿卷八

四

雲去留語人間萬萬春君不見山字岡邊連理樹行人下
馬拜荒墓

撫辰樓

雍丘有名樓經始朱侯造心畫有夕子來無後召一稔
天所相百費人弗擾築固輕鰲舉構密失松茂淨燦聳孤
危玲瓏洞虛窺綺窓霞石爛飛棟游龍矯坐見梁楚郊山
川年分割隱隱太室峯微微河汴道朝夕芒碭雲遠近隋
宮柳賞辰集賦流撫景發吟抱川原起夏思城郭生元吊
君子作有益匪徒供臨眺四民稟動息鼓鐘戒昏曉四始
審祿祥一覽乾儀小荒淫呂祿臺遺蹤不復埽卓哉萬代

乾儀小荒淫呂祿臺遺蹤不復埽卓哉黃代規榮名與向寶

寄徐鳳岡

黃門歷歷白榆畔劍珮朝迎三殿曛密邇天香雙鳳輦低
昂衡玉五龍文人傳北闕書新上情切中原痛欲分太息
一封明主動聲光何處不流聞

奉餞玉泉先生還鄉

水泮蘆溝蕩酒卮太行山並孝廉歸衣冠漢代環橋日禮
樂周京稽古時河上逢迎新社至諸生爭認舊經笥客心
獨愧登門早落落于今負所知

漫興

過庵遺稿卷八

五

鏡裏朱顏驚老大眼中春色更相摧文章負我半生臥富
貴牽人千里來對日獨扳潞陽樹看雲忽憶故山梅古人
最愛韓吏部欲去未至先思回

牡丹

出群仙萼不同開疑是霓裳天上來雲向午中遮爛熳風
從竹裏削瑤瑰一春探勝違携酒此日攀條爲拂埃欲暮
隔牆看更好出門騎馬首重回

席上絕句

簡懶出城爲海棠擬扳綠袂醉紅粧如何忽被風吹落似
爲尊前遍暗香

送楊少室兵備潯陽

小刑陳朝市大刑陳原野昔爲西曹郎今總潯陽旅潯陽
襟楚吳萑葦多狐鼠所資明允伏豈羨揮白羽新蟬報微
陰久旱佐酷暑王事難久留行人汗如雨折柳大河隈採
藻潯江渚樓船明彩鷁旂旂照江水丈夫得意秋清風動
千里

匡廬抱竒瑰飛布矯龍虬千峰閣同天鬱鬱何幽幽青松
霧白雲中有羨門傳君行數弭節夙心償好遊幸枉安石
履披雲爲訪求知君有異骨晤語必綢繆寄言過庵子謫
今四十秋早晚下黃鵠拔之逮前脩毋爲久羈束長作紅

過庵遺稿卷八

六

塵囚

公館雨集次韻

滿擬新晴坐綠槐俄然鳴雨對筵開即看萬事多人阻尤
喜群公異地回少室自江西鶴洲瀾亭念齋新齋
自禮部南州自諫垣家兄自四川真意共
傾洛社酒醉眸還笑呂王臺淹留無奈鐘聲暮雲破月明
天際來

十七日少室宅再集疊前韻

玄亭清淨不因槐况復陰雲迥未開豈應德星貪久照故
留明月未教回詩成屢却金谷酒飲病猶思古吹臺賓客
不殊君意倍桂林應少故人正少室將有廣西之行故云

林節婦

曠骨同封丘木拱向來一念到于今但期六尺堪承宅豈
厭空房斷鼓琴滄海難消遺孤恨青天獨鑿一經心殺身
莫作須臾事二十年來痛苦深

題王盱山畫竹

淇園冬日風瑟瑟萬竿綠竹鳴風葉飄如凍雨劈山石清
若金鋌憂玉玦幽鳥高盤不敢棲山魁驚走失魂魄此時
萬卉萎嚴霜轉視此君倍有色色如青銅質如玉亭亭光
映松梅栢我心愛之過於口三年恐是王猷後畫圖歎見
盱山堂彷彿淇上風霜候葉底寒聲動地起根邊怪石冰

過庵遺稿卷八

七

尺厚睢陽畫竹有湯寰淡墨王生亦畫手盱山主人風節
同特掃霜紕貌孤秀憶昨獻納金門前手寫封章奏明后
盡言力犯雷霆怒義色直驅豺狼走無端墮落天一方永
矢丹心到白首於戲神交合結歲寒盟更圖松栢梅花爲
四友

次楊少室韻

草玄門巷塵埃少詞客追游燕雀喧文雅一時梁國彥風
流千載孔融尊欲將醪酌逃炎熱不覺衣衫帶酒痕試問
古人今得否醉來幽興轉增繁

獲沼

注水初栽藕華時沼不分乾坤元獲盜舒卷自昏昕踈雨
葉中得清香風處聞庭前無洛浦何得曬湘裙

代贈蔡南洲明府

攬轡三巴逾萬里江村也有廢耕桑憑誰撫字歸鴻鴈是
處征求縱虎狼安得循良培社稷獨逢卓魯在吾鄉年來
美政盈臺剡願附音書細作行

送楊少室長憲廣西

一爲執法臨三楚忽爾南移百粵深白壁自明貞士節炎
方乃見愛君心秋風薛荔羅池廟湘水芙蓉澤畔吟路遠
不須平子嘆即看宣室下綸音

過庵遺稿卷八

八

雍丘有賢令歌

雍丘有賢令起家東海間東海雍丘數千里下車決事如
流泉吏不得盜其柄門卒不敢橫索錢四方流移爭來旋
顏垣廢屋發炊煙黃茅沙裏人種田應祈甘雨多豐年我
欲往告天子天門九重不敢前神哉外臺使察舉無遺賢
褒書東馳離哉翻濃墨大字大如拳爾述善政過街談何
愁不到君王邊但願我侯眉壽齊嵩山天子知侯侯我憐
我有情苦那得不盡言

送王盱山遷臨晉令

盱山青雲器弱冠登華秩出入承明廬金門許通籍如何

失周防墮落天一曲代馬恒北嘶越鳥習南翼身居黃河
南心在易水北圭璋飲輿臺能令見者惜桑泉古名縣壤
接堯舜室歷田無情耕西山有薇食遷轉雖伊始微庸方
自茲努力回淳風道尊位不卑束帶見督郵莫學陶潛適

龍劍歌贈肝山

君不見龍劍沉埋豫章下金光夜夜射牽牛博物張華仰
天嘆遺使鑿開重泉幽可憐識劍不識神化作飛龍不可
留豪傑遇世亦如此升沉變化誰前籌王少府龍劍傷胸
中瑰琦希世寶早年簪筆侍鸞頭手練青石補天闕大功
未奏落雍丘雍丘學士識匡弼秘籍奇文問不休有時吟

過庵遺稿卷八

九

哦古松下聲如金石滿神州山陽韓愈名日起夷陵永叔
才見收祗今遷轉向臨晉萬里長風藉遠遊風聲先到西
山外西山歌舞迂鳴騶迂鳴騶動山谷雍丘父老悲啼哭
歌舞啼哭空復情神龍豈是人間物

又贈

徵書忽報河中令頓覺梁園慘不光借問彈琴花縣裏何
如吟句古松傍清風休憶司空笏蒲坂曾垂舜帝裳傳得
南薰千古調歸朝將去獻君王

七夕飲城樓歌

七月七日天氣爽城頭高宴凌蒼空三劉雨陳徐楊熊八

人風味還相同網魚城下登庖俎樂來呼酒醜巨觥坐看
河雲當檻起須臾變化態無窮不隨兒女乞天巧且學城
南舞雩風乞巧傳來幾千載牛女鵲橋謾靈怪若使天孫
作好逮豈容一水經年界一水年年此夕明人間萬事翻
桑海勸君把酒且高歌休使黃姑笑無賴勞勞爭射揚州
鶴鏡裏朱顏不相待後世雖尊楊子雲那如時下一盃快
君不見東樓城千年此夕有此朋後來何代無賢莫不知
誰者憶吾曾

日休亭

楚人攻玉谷三歲成一葉頰陽千萬株借問誰雕刻人生

過庵遺稿卷八

十

迷本真蕩若遠行客志欲日夜馳役役無終極達人貴自
我端居營所悅築固真實基周防密構結洞然啓八窓不
與玄化隔當其機緣息天下歸安宅天地非廣大斗室非
小窄道進歲序流萬里扶搖翮道損學則益無逸有前則
雖休而勿休是謂常積德

雍丘父老行頌南洲蔡侯報政

走馬東書報政成雍丘父老涕霑纓問渠何事翻悲切九
重天子知公名幽蘭生深谷莫使佳人見天子知仁賢那
得長留縣前年河漲還征徭易子燒屋奔樂郊今年河漲
吏不怒打魚拾穗營生務始知惡政毒於河不憂河來憂

公去桑有新條牛有犢黃茅地裏穀三熟朝廷卿相亦有人留我賢侯慰窮獨君不見漢家異政聖書褒高爵厚祿酬賢勞幽明黜陟天下計獨抱區區奈爾曹

送蔡侯之蘇州二首

轉餽京師三百萬東吳勞困幾時休巡省正宜蒼水使借留其柰富民侯

一行隋柳送雙旌琴鶴蕭蕭暑氣輕勲業長留杞子國清風先動闔閭城

仙桃歌壽咸谷子

君不見八駿空群青鳥逝人間無復蟠桃至蟠桃生自天

過庵遺稿卷八

士

西極銀潢夜夜澆靈液邇來王母斲靈物歲星之精偷不得咸谷好事兼好僊幽人羽客爭稱賢瑤箏寶瑟不離耳情懷淡蕩常雲煙王母知君有僊籍遠遣玉童投一粒玉童雙舉雲中來正值君家壽席開伎樂充庭客滿座忽爾靈桃堂上墮靈光燦爛爭朝暎饒獠矚眙口流唾童言坐客莫輕嘗別授揚君服食方細把靈文燈下讀澆灌三田換肺腸遺核種向君家谷更汲瓊漿釀醞醱千年王母遊人間與君同酌觀桃熟

吊史烈女塚

山字岡頭烈女塚今人擬作青陵臺荒碑臥連理生其

上烈女芳魂安在哉當時一死極分明只恐千秋之後草草視爲兒女懷頭上夫家冠鞋飾新婚面改頭換面事他人頭可斷兮冠不可換夫冠一何重妾身亦何輕妾身誠小天地四海莫予容生來慈母身難爲慈母留老蠶結繭金葫蘆人生無義爲蠶羞吁嗟精靈已化白雲去荒塚人間萬萬秋萬萬秋風高不可求惟有後來烈婦堪匹儔君不見昔年王邵今楊劉

挽邵烈婦

史女孤墳碑尚新芳華邵婦益憐人百年汝得從容死萬口何妨兒女仁金石摠違借老願乾坤那用未亡人胡笳

過庵遺稿卷八

士

却憶前朝事空誦中郎舊典墳

哭王定庵

春豎承嘉宴娛賓射綠坪控絃燕技士行酒魯書生一見同傾蓋百年此坐荆遺蕉君太早簡懶恨余情吾師兼夏日君比大冬晴千頃今黃憲一裘古晏嬰難憑舌齒論不愧定庵名蓬萊渺煙海何處覓吹笙

絕句

日往月來歲密移乾坤何事不停機道人却謂長閑者跳出乾坤任爾爲

書過庵子遺稿後

過庵陳子少與予大梁書院同席硯名動一省旋復爲同榜放舉日觀者蓋果如榜中虎云已而各散去三十年來出處存歿可增慨已邇其嗣景峯子已復爲河南乙卯解首乃梓其所遺稿文與詩凡八卷過省示予予覽之乃益嘆當日榜中誠得人哉誠得人哉夫天下文而已矣夫文所以見道也蓋君子於世方其出也則文措於事凡所以經綸者皆文也於其處也則文昭於言凡所以著述者皆文也故尼父以未喪斯文爲歎直以文信之是故君子不貴徒生貴於文此所謂文非泛然事與言而已矣是故不

過庵遺稿卷八

三

貴徒文貴於道然事與言非二物也夫人不能以皆出言文即事文已過庵子之稿少室先生已詳叙之不復贅贅今觀其稿固得道之文而備事之言也蓋天下之事必務豐其本而理自裕矧於文乎乃過庵之文其深造自得大本有立玄通妙悟體用渾兼蓋不特確陳時事吊詠古昔爲見其用世之心至如記銘贈送其規喻感動之情亦溢諸言外雖著述於未試之時固經綸之具而治平之畧也直以言乎語曰見禮而知其政聞樂而知其德乃茲觀言而知其心使過庵持此而施布之則建白弼佐釐振藩宣其何用而不可豈直五典笙簧六經鼓吹云乎嗟夫觀過

庵之稿者其尙知過庵也哉其尙知過庵也哉嘉靖丁巳夏前進士大梁自山谷守齡書

過庵遺稿卷八

十四



少房

室類

山橐

金兆豐署檢

甲春康宗校
子永胡榭鋟

自余結髮而好言詩所與海內豪傑游亡不以詩進者大馬齒日益稍見所論著則諸豪備自書行其詩少不以詩請者余之不能工爲依不能使人極意以爲艱而思謝去之幾且焚筆研而最後乃爲胡元瑞序少室山房詩元瑞之爲言曰子所必者一所大可恨者與我所不子負者各二子甚幸我而我薦其敬帚以希一言之華袞則可必子許我而不卽寵施我卽子一旦不可知大可恨我雖晚猶幸及子而不終子之惠使後世疑其異時不相當大可恨卽子過許我而我竭蹶步武以求踐子之許不子負有所彈射而我惕焉以子爲鏡盪不子負子以爲奚若余乃謂元瑞毋刺促請息焉而爲若序余之得元瑞於余仲者半歲所而元瑞進其詩余觀之未嘗不三擊節歎也天不斬人以材而人願取其凡者氣之流行亡所擇而取其獨者去弱猥者古人不秘格於後人而取其下中者天又不秘其聲色以供吾詩而聲取其蠅哇者色取其黝黝者象日吾接吾汰其精而英者情自吾發吾不衷其肺腑者以是而治詩以是而號於人口吾

序

一

善詩吾善詩者何也元瑞材高而氣充象必意副情必法暢歌之而聲中宮商而徵金石覽之而色薄星漢而摠雲霞以比於開元大歷之格亡弗合也余嘗語乎仲諸前我而作者涵洪併繼與亭毒並吾故推獻吉然不能諱其悍絕塵行空卿雲爛兮吾故推昌毅然不能諱其輕刻羽雕葉舍陳而新吾故推子業然不能諱其促鞭風馭靈以險爲絕吾故推子相然不能諱其疎融而起之子鱗庶幾哉然猶時時見孤詣焉後我而作者其在此子矣夫其在此子矣夫以今證之抑何左契不爽也亡已而有子規者在昔鞠傳之稱田光曰智深而勇沈不深不玄不沈不墜入之沈深出之自然完之粹然如大鈞雕物而不見工如良工夜輝而泯其痕斯三百篇西京建安之懿乎是集也其始基之矣而猶未也子之邪君有喻子者其問梓焉而以不佞言質之萬曆辛巳仲夏朔日弁山人吳郡王世貞識

石羊生傳

弁州山人王世貞

胡元瑞者名應麟一字明瑞嘗自號少室山人已其鄉人皇初平叱石成羊事更號曰石羊生人亦曰元瑞殆非人間人也仙而謫者也遂呼之石羊生元瑞父曰按察公僖母宋宜人按察公爲行絕類萬石君而文藻過之所至好行陰德名位不甚稱以雲南按察副使歸今尙壯無恙元瑞爲兒時肌體玉雪眉目助秀五歲按察公口授之書輒成誦見客客使屬對輒工九齡從里社師日佔俸習經生業而心厭之俄悉祛按察公憐得古文尙書周易國風雅頌檀弓左氏莊列屈原兩司馬杜浦諸家言讀之按察公奇其意弗禁也稍長遂能爲歌詩藉藉傳里中而于經生業亦不廢十五補博士弟子員非其好也會抄察公拜尙書禮部郎扶與俱渡錢塘過吳閶汎揚子北歷齊魯趙魏之墟至燕市而止所經錄弔古卽事往往於詩歌發之而是時南海黎惟敬歐楨伯梁思伯吳郡周公瑕吳興徐子與嘉禾

石羊生傳

一

咸希仲沈純父永嘉康裕卿先後抵燕發元瑞藏詩覽之成噴噴折行請交至於琳宮梵宇高會雅集元瑞以齒坐末坐片語一出無不恍然披靡自失也曰使用昔賢隸事奪席例吾曹無坐所矣臨淮小侯李惟貞慕元瑞甚使客慕而致之爲上賓旬日不聽出惟寅用是亦以詩名而周宗正權甫雅自負風雅有人倫之鑒貽元瑞三十韻首以北地信陽相屬元瑞益自信尋以技察公外除元瑞歸從母里中母患頭風甚劇元瑞委身醫藥間日夜扶持不休母頭風良愈而身過勞得情羸疾矣因跳匱金華山中而會大司空萬安朱公衡還過蘭谿朱公故從燕見元瑞詩而驚賞者至是發使山中蹤跡得元瑞以書要之而泊舟待三日元瑞感其意爲長歌七百言以贈朱公公袖示督學使者滕君伯輪曰天下奇才也滕君輒超格微受館學宮且趣入試兩御史再試再爲諸生千人冠已薦鄉書上公車報罷元瑞意殊不在一第其所游從皆天下賢豪長者然所當心獨余兄弟與李觀察于鱗汪司馬伯玉吳參政明卿會于鱗死餘皆散處不

相及久之意邑不自得而余弟敬美與觀察公同年過蘭谿謂觀察吾欲就阿戎談當勝則遂即元瑞劇語一夕皆申且歸別眷眷不忍釋曰吾於詩獨畏于麟耳已矣今度幾得足下又曰幸與家中丞同世胡不一及門即卒然抱于麟恨若何時余方謝客曇陽觀聞元瑞來喜不自勝力疾啟關與爲十日飲間出所著少室山房詩余得而序焉所以屬元瑞甚重而用是頗有斬斷者余二人俱弗顧元瑞乃高卧山中不復就公車而蘭谿令喻邦相豪於詩與元瑞意合忘形爾汝嘗借過趙學士山房偕和連日夕元瑞之卧山中凡六載而始上公車至都下遇張觀察助甫甫余兄弟友也讀元瑞詩擊節曰二十年亡此詞矣元瑞亦奇明甫詩契密無間且各自恨相遇晚試復罷歸時大司馬張公肖甫靖難過元瑞里元瑞避弗見張公謂按察公公見佳甚故知之今難我得非以使者惠文嶽嶽耶爲我致之錢塘請得具賓主禮元瑞乃強爲錢塘謁張公果以上客客之會伯玉來湖上大將軍戚元敬系至伯玉數與元瑞相問問把臂劇

石生傳

驪出元敬七絕句詫之曰大將軍健兒也乃能作文語不下沈太尉曹寬陵生亦能賦贈我乎元瑞援筆千餘言立就奇思滾滾既大將軍集相向嘆賞不置伯玉因曰我欲之海上訪王元美兄弟復能從我乎元瑞曰吾心也遂同過舟州園伯玉道爲少室山房集序其重不下余時偕元瑞至者伯玉弟仲淹仲嘉而張大司馬亦以內召跡伯玉而來尋先別去余兄弟與伯玉元瑞諸君積日游舟中甚樂也元瑞性孤介時時苦吟沈思不甚與客相當至其揮麈尾挖藝文持論侃然尤慎于許可有莫生者躁而食以品不登上中側目元瑞甚屬伯玉元敬游西湖故遍嘗坐客爲開端元瑞夷然弗屑也及在舟仲淹被酒狎元瑞元瑞拒弗受客謂元瑞曩湖上之役胡以異哉元瑞徐曰莫生者庸詎足校也仲淹司馬公介弟吾儕當愛之以德獨奈何成人過耶客乃服元瑞自矜鬚髮薄榮利餘子女玉帛聲色狗馬服玩諸好一切泊然而獨其嗜書籍自天性身先後所購經史子集四萬餘卷手鈔集錄幾十之三分別部類大都如劉氏七略而

加詳密築室三楹貯之黎惟敬大書其楹曰二酉山房而屬予爲記且夕坐卧其間意愉如也恆自笑羣魚去人意不遠又謂我故識古人恨古人乃不識我其托倚如此好稱說前輩風節嘗怪其郡若梁劉孝標之介唐駱賓王之忠而世僅僅以文士目之當由作史者盲於心故且史第知有狄梁公宋廣平賢皆擢首而從周祿將以視賓王何徑庭也上之采風使者蘇君禹君禹雅敬信元瑞趣下其事賓王得以鄉賢祀郡城而孝標亦暴顯元瑞所著詩有寓燕遠越計借巖棲卧游抱膝三洞兩都蘭陰時園等集二十餘卷詩數內編外編十二卷他撰述未行世者有六經疑義二卷諸子折衷四卷史叢十卷筆叢十卷皇明詩統三十卷皇明律範十二卷古樂府二卷古韻考一卷二酉山房書目六卷交遊紀略二卷兜玄國志十卷西陽續俎十卷隆萬新聞二卷隆萬雜聞四卷路侍御忠孝辨一卷補劉氏山棲志十二卷蒐輯諸書有羣祖心印十卷方外遐音十卷考樂集十卷談劍編二卷采真游二卷會心語二卷類萃諸書有經籍會通

石生傳

四十卷圖書博攷十二卷諸子彙編六十卷虞初統集五百卷蓋生平於筆硯未嘗斯須廢去元瑞壯未有子適始舉二子戊子冬復以按察公命赴公車至瓜洲而病病積久不愈慨然曰吾其殆乎謂余知應麟者唯子幸及吾之身而傳我使我有後世後世有我也王子曰元瑞年三十有八耳神清而意甚舒即偶犯霜露何恙不已而慮至此也夫以元瑞之生僅三十年而著作充斥乃爾過此以往所就當又何如耶元瑞於他文無所不工績學稱是願不以自多而所沾沾獨詩彼固有有深造也元瑞才高而氣雄其詩鴻圖瓌麗迴絕無前稍假以年將與日而化矣至勒成一家之言若所謂詩數者則不啻遷史之上下千載而周密無漏勝之其刻精則董狐氏韓非子也吾長於元瑞一紀餘始爲傳以慰之且謂元瑞子後當竟傳我

石生傳

澁水胡應麟明瑞著

樂府一十八首

擬大明鏡歌曲十八首有序

夫鼓吹鏡歌之作肇自有熊所以象成功昭盛美凡聖王受天明命摧陷廓清之烈非此亡以被諸聲容粵自商周以征伐定天下一時播告之章弗可觀已漢鏡歌十八曲其辭迄今尚存雖文義誇脫難以盡諸歌中之辭亦匪專為武功而設至味其音節隱然發揚蹈厲之風視漢諸古詩優柔馴厚者迥絕不倫則鏡歌所由作可知已兩漢而下魏繆襲吳章昭晉傅玄宋何承天唐柳宗元代相擬襲趙宋無聞則皇明宋濂氏嘗追述之尋諸家制作即風格詞藻未能抵掌西京一時可頌之績固咸取以被諸樂章矣高皇帝提三尺起淮甸驅狂虜而遏絕之大荒之外此其勳德巍巍亡論湯武即

少室山房卷一

一 步 選 虞

軒轅氏不無遜心獨鏡歌之作諸文章家往往缺焉間一二僅見而辭義寂寥音節迂緩未足以掄揚大造垂示無窮夫魏吳偏閏唐宋下衰繆章何傳於騷壇未槩作者彼且甞勉步趨以自侈一時殊際焉明臣子日擊高皇帝震古無前之偉樹以安享二百禩之太平即草莽山林疇匪帝力而默默終身不能效一辭之贊甚非所以效康衢擊壤野老細人之義也應麟不敏呻吟佔俸餘二十年蠡海管天願測毫末謹按我聖祖發軔之初以迄於四方底定之日敘次其事為大明鏡歌曲一十八章誠知謏聞謏識上不足以鳴昭代之鴻庥下不足以驚西京之遐軌以較唐宋諸家庶幾近之綴屬既成不忍焚擲爰錄笥中附諸康衢擊壤之末異時鴻生碩彥製作迭興盛演歌辭登諸鼓吹俾聖神動德永揭千秋此或為之嚆矢云爾鏡歌本二十二曲其四曲亡魏吳所擬僅十二曲說者咸以十曲仍用舊名然其辭亦不復傳何也今

止據存者十八曲擬之考諸家詞惟繆章傳常被施用承天宗元輩率私作之以備異時采擇者而憑依名義流播迄今故敢竊取其例焉

黃河清

元至正末黃河清大聖啟運協符載開宇宙為黃河清第一黃河清聖人出應昌期誕至德着戎衣奮三尺靖四方建都邑干戈偃弧矢戡統華夷主社稷神與鬼咸受職腥膻掃燭火熄維大明照中國萬千禩與天一

右黃河清二十句句三字

鳳之翔

高皇帝起濠上追王迹肇今名為鳳之翔第二鳳之翔在濠梁義師起帝網張二十四將驅天狼兵鋒所指四方薄海內外以莫不來王威加六合返舊疆徵歌悉發諸兒郎復彼人民世世無有所與為我沐與湯擊筑大風雪飛揚千秋萬歲樂未央

少室山房卷一

二 步 選 虞

右鳳之翔十一句四句三字六句七字一句九字一句十五字

攬羣雄

龍飛淮甸豪傑景從得大將達遇春等二十四人以一海內為攬羣雄第三

攬羣雄盜如蟪大聖握符起淮泗與神為謀蓄鋒銳提三尺劍驅海內驅海內攬羣雄真人出天下同四方六合咸景從如風從虎雲從龍汎掃大漠如飛蓬扶桑曠曠朝日紅驅海內攬羣雄

右攬羣雄十五句六句三字八句七字

克建業

師濟采石長驅金陵定皇畿繫萬國為克建業第四克建業定皇畿皇畿定舉義旗天兵百萬任所之東吳南漢西蜀七閩六詔從風靡天下大定一戎衣

右克建業六句四句三字三句七字一句十三字

葵歸德

大駕東征首下寧越葵女之郊聖驛駐焉為葵歸德第五
天兵十萬下東國葵以先寧駐皇驛景星焚燹耀城邑我戰則勝攻
則克四海從靡弗一勢如破竹烽燧息天命曷歸歸有德
右葵歸德七句句七字

四友

兵入浙聘劉基宋濂等四人置帷幄中為四友第六
於維文王是親四友疏附後先以翼元首峩峩高蹤異代曷有天威
是臨匍匐奔走猗與聖祖廣延羣雄如天如海為萬物宗王師所向
六合景從爰率車徒以定浙東浙東底平大統未集蚤作暮思思布
文德曰基曰濂曰琛曰益玄纁奕奕交布東國曰四先生訥道經邦
坐而弗名匡朕弗違嗚呼盛節慶流無疆德六五帝功百三王
右四友三十二句句四字

戰鄱陽

少室山房卷一

偽漢陳友諒率徒數十萬來抗高皇帝船督大將達遇春等
鏖戰湖口滅之為戰鄱陽第七

明日大戰戰鄱陽簡師料徒百萬強烈風吹沙湖水揚煙焰漲天焚
大航三十六將死康郎再戰湖口殲餘皇我舟膠沙敵尙強疾呼奮
臂來衝撞鯨鯢蔽空雲日黃拍江巨浪何茫茫如血鉅鹿尸昆陽維
天命我明車輪碎煙燭百矢定邊背若芒一矢貫睛諒死亡諒死亡
理出降威加四海莫不來王

右戰鄱陽十九句二句三字一句四字二句五字十三句七
字

盤門入

張士誠據姑蘇命將覆其巢兵不血刃為盤門入第八
盤門入士誠泣前歌後舞大師集兵不血刃下城邑誰其帥者公魏
國歸市弗止塵弗易萬姓懽呼頌皇德二敵既感皇之士東極滄溟
南亘楚長驅入中原孰敢余阻

右盤門入十句二句三字七句七字一句九字

降谷珍

島夷首亂元末憐我大威束縛待命海口為降谷珍第九
方谷珍起盜藪乘元之亂竊據一方地如斗耗金幣大官酒海上時
時飛且走如鬼如蜮雞與狗大明當空燭九有舉宗乞命竄海口帝
憫其愚印加肘以較羣雄最小醜

右降谷珍十一句四句三字六句七字一句十一字

七閩

陳友定保閩粵師縛之為七閩第十
七閩保岩阻連亘皆山梁友定據其巢負固如金湯我皇命將諭諭
以開茅疆自謂故元臣負義不肯降王師十萬下戈船逐長江兵入
如破竹如虎吞羣羊委身繫尺組支體磔分張自謂故元臣守節甘
喪亡大都以淪覆誰為招國殤

右七閩十八句句五字

少室山房卷一

維中國

大將統六師北鄉儒臣濂諭檄中土華夏擴清為維中國第
十一

維中國帝王所自立瓊裝宅蒙古天地黯無色天重開地重闢扶桑
熒熒日月出照入荒爛九域芟夷禍難四海一神龍來助正統集帝
愍腥風染中國詔下大將軍達副將軍遇春提兵九十六萬戈鋌甲
冑如浮雲命詞臣濂草檄諭彼中華民長驅入河洛壺漿篋食來成
羣

右維中國十六句五句三字三句五字四句七字二句十一
字一句十二字一句十三字

大都走

天兵入大都故元主妥懽帖木爾棄社稷奔為大都走第十
二

元都平四海清神鬼受職蠻夷庭列大藩置神京汛掃腥膻混一區

寓再造華夏開文明

右大都走六句四句三字一句七字一句十五字

擴廓

虜規復故都師擣之大戰於定西古城夷其部落王保保絕

塞遁為擴廓第十三

察罕起元末舉代推鷹揚天命去勝國剗刃爭戰場維廓擴察罕子復良下益都伐洮陽驅兵出沒觀以望帝三論彌陸梁執囚我行人怒情如蝗螂命大將統武驍北征隴右一戰搗其巢搗其巢萬騎突至如風颺賴傅穎公却前茅兩軍就舍不得交夜分劫營足納一靴身騎驢馬逃驢馬逃絕大漠我軍四十萬勝負互相角巨網漏吞舟竟死蕃部落帝稱好男子維廓擴

右擴廓二十六句七句三字十句五字一句六字四句七字

二句八字一句九字一句十三字

昇面縛

少室山房卷一

五

蜀阻聲教環論不從大兵入成都虜明氏母子歸為昇面縛

第十四

昇面縛出成都母子啞啞啼路途父旻玉珍一目枯食饑亂亡起雄圖不久身殉遺孤大明御寓驅羣胡屢使遺諭如追遺獵兵悍將驕相扶驕相扶守壘塘帝命穎國公東臨王伐山通道開戰場直搗階文憤腹心腹心憤肝膽亡母子與櫛大道旁昇也肉袒仍牽羊侯以歸義戒殺降高皇帝德洪虞唐高宋武如豺狼

右昇面縛二十句六句三字十三句七字一句八字

北征

中夏略平分命諸上將耀兵沙漠虜庭一空為北征第十五明受命海宇一殘元餘孽負固不恭保其窟團結犬羊以俟我罽隙為我子孫懸皇帝遐思勿姑息乃眷西顧以北征桓桓大將統兵億萬犁其庭犁其庭虜膽落單于遁絕大漠

右北征十二句六句三字二句七字二句十一字一句十五

字

納哈出

朱國公出塞降虜大酋悉收其眾二十萬餘人為納哈出第

十六

納哈出居金山二十餘萬眾虎視一何耽耽帝命上公馮統兵出全燕天威所震懾虜騎不敢馳虜弓不敢擊二十餘萬眾一時赴長安捉金伐鼓壯士權祭三受降玉門關

右納哈出十三句二句三字七句五字一句六字二句七字

六詔

元孽負固滇中命沐英等督兵平之永鎮其地為六詔第十

七

六詔天西南惟滇號最鉅殘元歷數盡遺孽猶虎踞帝怒絕塞民使命馳風塵彼昏不奉詔虔劉我信臣皇赫斯怒命黔寧騰衝巨舶浮昆明昆明水涸穢長鯨碧雞金馬入我版圖四海平

少室山房卷一

六

右六詔十二句八句五字三句七字一句十一字

受天命

四方底平九域以寧百千萬禩統我皇明為受天命第十八受天命定四方干戈偃鉞藏軼大武駕成湯姬軒轅僂虞唐濟地萬里居中央整齊萬國開明堂漢唐宋晉隋諸邦絜功比德如蜩蟻萬八千歲永無疆

右受天命十三句八句三字五句七字

少室山房類藁卷一

少室山房類集卷二

續金華叢書

澗水胡應麟明瑞著

樂府三十首

漢魏歌十八首

朱鷺

朱鷺下漢道昌一雙羽翮雲中合杳而飛翔合杳而飛翔在我庭戶
以建華鼓導大輅魚魚雅雅詫彼行路朝食沆瀣夜濯風以露應期
出世所慕五帝三皇魏魏福我祚

艾如張

艾如張張四維擊高鉦懸大旗戈鋌甲冑光陸離千靈從七校移虞
人雜沓冠以皮臂蒼走黃當路歧南山有虎豹北山鹿麋狐兔若丘
山縮足不敢馳我欲上天天門九重我欲入淵血肉饑蛟魚龍王者
合三驅百獸一一歸我攀龍不見青冥冥冥者鴻鸞六翮乘長風遊
赤霄入無窮雖有矰繳羅網將安庸

少室山房卷二

思悲翁

思悲翁氣結不能言見長翁為娶婦思得奉晨昏白頭以團樂婦惡
如豺狼入門作災患化翼鳴前庭舉室惶以煩知交各各縮舌親戚
斷往還我有壺漿翁饑不得食我有裳衣翁體不得完思悲翁氣結
不能言我欲訴上帝天門九重入以難我欲訴司命司命徘徊以盤
桓念欲以高飛無羽翰以負翁去體毛何摧殘不若城上烏反哺翁
殘年思悲翁氣結不能言安得天雨寇霹靂震長夏雷霆半空下禾
禾戒來者

翁離

翁離趾中可築室何用葺之桂若蘭翁離趾中可築宮何用塗之椒
以植脩竹夾廣除一何植樂干乘萬騎續紛哉往以還左長楊右甘
泉汾陰後泰時前黃鶴高飛極雲天詞臣獻賦陛下之壽三千年

上之回

上之回祀甘泉金支颺翠旒旋雨師後風伯前鼓鐘管吹聲何填駢

東達扶桑南逮于闐西逕流沙北訖祈連天出景星地產醴泉報虔
成致精虔肅雍故洽以嚴五帝三皇享億萬斯年

戰城南

戰城南日無色壯士長征死願作烏鳶食請謂烏與鳶壯士死國家
委身喪其元汝食其肉一胡忍且殘世有大家元惡巨奸殺公吏探
赤丸暴戾恣睢贈人肝一旦禍機發橫尸道傍血如流泉腐肉如丘
山汝胡不食甘此忍且殘請為烏與鳶答君子言世有大家元惡巨
奸司命不敢錄司敗不敢拘司隸不敢糾彈十九老死屬下子孫貴
盛冢墓象祈連彼雖有肉血我安得食壯士不自惜委身殉國家喪
其元我固當得食彼復何言

巫山高

巫山高可望不可極日月蔽虧雲雨出入有美一人曰維神女朝為
行雲暮為行雨冷然入余夢貽我以翠羽鬱陶乎余心將以騁語將
舍余國都以往從女朝朝暮暮為雲為雨

少室山房卷二

上陵

上陵一何崔嵬宮殿若雲屯觀者為徘徊門有車馬客駕言上陵迺
千乘萬騎行烈風雷我欲遊征望金銀臺封泰山禪梁父登日
觀觀蓬萊蓬萊東見朝旭芝草莖生醴泉滿谷七十二家著編錄

將進酒

將進酒乘乘黃列鼓吹鳴笙簧齊美楚姬列兩傍衛女秦娥左右以
成行挾安陵戲龍陽擁長劍珮珠瑯瑯綴紛盈高堂烹大彘炙肥羊
五音和入珍良天瓢甘露臣以嘗千秋百歲逍遙以徜徉

有所思

有所思思美人美人涉何許大海天東南曷不往從彼游路途險且
艱弱水不容舟三山巒嶺阮宮闕冠巨鰲遙遙極青天美人在其上
三山高以寒我為釣巨鰲截竹為長竿持竿坐滄海大水何漫漫巨
鰲牽不動但見一雙鯉魚遊墮青雲端吁童剖此鯉中有美人尺素
翰前有長相思後有勸如食徘徊感此意躑躅不能言

雉子斑

雉子斑雉子斑一雄一雌抱子田野邊雄飛摩天去不還孤雌養雛
寄草間養雛寄草間乳哺一何艱夜不遑寢晝不及食毛羽既長成
五色麗且鮮一鳴舉世驚一飛上冲天回頭顧視我母六翻何開刪
老病倏已至慄慄向重淵有子不得養慟哭摧心肝有子不得養慟
哭摧心肝

君馬黃

君馬黃臣馬蒼飛軒蹀躞大道旁旁人顧見臣馬以莫不謂良一朝
中消下明堂君馬入天閑意氣何揚揚臣馬老伏櫪伶俜瘦骨朝逐
水草暮逐斜陽背負鹽車以西上太行路逢伯樂造父王良停車振
策爲我彷徨念欲剪拂我以登明堂嗟筋力已盡莫能騰驤長鳴短
號斷絕中腸

芳樹

芳樹芳樹揚春華結秋實東風歷亂而飛揚容色在朝夕美人坐高
堂兀兀愁蛾眉君心爲他人冶艷能幾時春華能久秋實那可期
普天之下悠悠嗚非輕薄兒班姬與陳后解事一何遲黃金買詞賦
徒爲世主疑不見芳樹枝榮瘁各有時端居任大化何用戚戚蠶蛾
眉

聖人出

聖人出明光宮萬乘千騎升回中望祀天地禋於六宗百神來享以
莫不肅雍肅雍雍雍四方同風唐虞之世比屋皆可封浩浩大化與
天地無終

上邪

上邪我與君輪肝委膈他人那得聞急難各相護救決絕妻子如浮
雲中心耿耿金石百年以爲鄰巢由撫六合堯舜下閭閻山崩石爛
河枯海水竭十日竝出天地裂我與君好永不絕

臨高臺

臨高臺望長安飛甍畫棟嵯峨峭崿而噴岌蒼龍九旂限重關我欲

謁天關一觀上帝顏手持長生藥以奉心所懼上帝肯聽臣億萬千
斯年蒼龍九旂限重關限重關使我欲進心茫然臨高臺望長安撫
膺三嘆行路難

遠如期

遠如期遊四方北碣石南瀟湘西太華東扶桑鑿混沌竅燕中央飲
則食兮樂而康以尋列仙拾金光飛翔八極行七襄馳驅絕真觀大
荒千秋萬禩壽未央男兒墮地桑弧蓬矢射四方安得老死一丘局
促若轅下駒守故鄉

石流

石流南山有石北澗有流石何齒齒流何湯湯石以枕我流以激我
腸幽蘭哉夾岸芬以芳芬以芳順風揚彼美人今天一方安得寄此
永永長相望

補蜀漢鑿歌十二首 有序

炎精既缺海寓三分昭烈以漢室宗親親任武鄉君臣一德

少室山房卷二

四夢 選 虞

託孤寄命比隆伊周自兩漢以還大統故當以蜀爲正干
氏抗言武鄉不死禮樂可典識者咸謂不誣顧漢氏而下魏
吳晉各有鑿歌以播揚功德蜀反缺焉蓋武鄉身任復漢之
責魏吳未滅夙夜皇皇惟誓師鞠旅東鄉是圖舍是而播告
聲歌彰明得意此天下既平之事非枕戈待旦之日所暇爲
也又蜀之文人時尤不競譙周郤正等輩槩之詞賦咸匪所
長亡論武鄉未暇即欲有事焉未有可以肩草創之能洪潤
色之寄者也惟是魏吳製作流傳迄今才流藝士簞鼓筆端
動以昭烈武鄉夷諸借藉順逆邪正鬱而弗彰余甚憾之昔
陳壽三國帝魏先晉紫陽一正其謬稱快千秋不佞佔俾詞
場餘二十載于樂府雜調頗覩一斑每讀鼓吹鑿歌至繆襲
韋昭傳玄諸作不勝掩腕至欲鼓而攻之噫彼各自尊其主
勢則宜然百世之後是非大明而操管握觚之儔從事樂府
惟齊梁月露治艷相沿迄未能一厝意於此余則何敢以謙

讓未遑也爰效繆韋諸體為蜀漢鑄歌曲一十二章上以著

昭烈間關載定之績下以明武卿夾輔盡瘁之忠即藻繪方

之諸家未當魯衛而理直義形據事陳詞羣孽自廢忠臣志

士之憤或賴此其一雪矣夫宋無錢歌宋景濂嘗追補之惟後漢獨缺云

帝車見

昭烈甫誓舍東南產奇樹五丈餘童童若羽蓋望氣者咸屬

心焉為帝車見第一

帝車見涿鹿墟童童立五丈餘千靈衛七聖趨颺金支翼翠旗兩師

道風伯驟氣如龍股里閭真人起握斗樞莫漢鼎撫皇與炎精曜火

德噓億萬載帝方隅

顧隆中

先主屯新野三顧諸葛亮於隆中明良之盛實絕千古為顧

隆中第二

顧隆中一顧再顧三顧何從容千秋載觀明揚風君臣契合魚水同

少室山房卷二

幸野幣交湯匪躬渭川一見羅非熊何如三顧動隆中惜哉炎燼噓

殘虹創業未半中道終三分鼎足寧稱雄

克老瞞

曹操取荆師百萬而東命諸葛亮論權發兵大破操於赤壁

為克老瞞第三

克老瞞厥功不可量瞞挾天子令四方以暴如虎貪如狼既定荆州

下長江併兵八十三萬強克威所指橫以張所觸者碎當者亡遣軍

師亮論孫權權奉命發兵助我屯江干桓桓烈炬戰艦轟將士大呼

衝敵堅賊兵百萬屍如山操走烏林四海安

權進妹

既破操屯荆權懼大威詭媒締好為權進妹第四

權進妹託同仇外戚內疎諧孫劉包藏禍心蓄忿尤牀帷甲第圖淹

留戈鏃矛戟紛相求帝提大機與神游與神游眾巨測劉郎權孫郎

泣周郎唇乾口燥呼不得以頭搶地長太息千秋齒冷笑吳國史稱

權離間羽飛等語
及復以為信云

定兩川

成都底定遂圖漢中馘淵驅郤魏操鼠奔爰建大號即帝位

為定兩川第五

定兩川皇圖赫赫帝業安成都破竹萬姓懽壺漿夾道食以饋西指

定軍奪前山夏侯來爭鹹斬淵馘斬淵眾大崩郤也棄馬亡心魂操

攝首鼠抱頭奔抱頭奔兩川一順天應人即皇帝位萬國新

討漢賊

羽破襄圍樊風動華夏操震怖欲奔權帥賊黨蒙遜襲荆州

漢事遂壞先主親征權軍於猇亭為討漢賊第六

討漢賊屯猇亭屯猇亭皇赫斯怒以親征嗟關羽率眾圍樊城七軍

夜渰師徒崩操懼大威如雷霆賊權惴惴怖且驚謀呂蒙逞

虐相乘奸克為鬼為蜮蟻與蠖遂亡荆州喪大功踰月蒙死屍流蟲

皇赫斯怒離巴中離巴中以親征破柿歸震夷陵蒙賊既死遜賊復

少室山房卷二

與嗟嗟吳穹漢事壞垂成

渡瀘

丞相亮受遺輔政五月渡瀘羣夷格心式歸大化為渡瀘第

七

渡瀘師徒一何勞五月盛暑深入不毛託孤寄命于惟伊咎陶勞實

在予子曷敢逃五月盛暑深入不毛獲彼大酋以令羣豪七縱七擒

俾返其巢眾懾天威永戴大朝振旅而還徒御弗號雍雍旌旆肅肅

羽旄文德誕敷爰格有苗千秋兩階載觀唐堯

祁山

丞相亮將圖中原上表出師三郡響應魏人震恐舉國奔命

為祁山第八

祁山出漢賊鶻創業未半先帝崩丞相匪躬夜弗寧上表帥師東鄉

征卒徒十萬如風霆潛張箕谷為疑兵身率大眾屯街亭三郡響應

如流星惜哉馬謖毀垂成載出軍王雙梟郭淮遁拔武都陰平魏大

震

賊張郃

司馬懿帥眾來攻命魏延等逆擊大破之賊其將張郃於陣
魏人喪氣不復出為賊張郃第九

賊張郃在鹵城蜀人歡忻魏震驚魏兵百萬乘蜀營司馬披甲仍先
登我師一出殲長鯨卒徒賈勇懿大奔積甲三千若丘陵司馬匍匐
亡旌旄賊徒郃追木門萬弩射郃魏郃魂骸之不異雞與豚桓桓入
陣孰敢嬰所當者破擊者平如湯如武天下無敵十一征

蜀如虎

賊堅坐不戰使以巾幘遺之懿憂受焉魏眾咸曰公畏蜀
如虎奈人笑何為蜀如虎第十

蜀如虎師甚武熊羆十萬下天府仁義禮樂為盾櫓奸雄閉穴氣銷
沮甘受巾幘呼老姥嗟嗟懿如風亮如龍蜀如虎

五丈原

少室山房卷二

七

師上五丈原畊者雜於渭濱三代節制之師至是再親為畊
渭濱第十一

五丈原駐三師三代以還僅觀茲濱渭雜畊軍無私芻糧百萬饒餘
實中原克復功須斯功須斯定關洛滅魏斬虜梟懿極權混一四海
興禮樂

餘威懾

大星殞亮卒師魏眾來追我兵反旆擊之懿魄奪反走為餘
威懾第十二

餘威懾走仲達胡天弗弔喪諸葛大星煌煌殞天末我師反旆喪不
發魏人懼呼夜來躡鳴金展幟雷電掣懿也狼奔膽欲裂千秋壯士
贊諸葛死諸葛走生仲達

少室山房類藁卷二

漱水胡應麟明瑞著

樂府三十首

擬漢郊祀歌十九首

練時日

練時日候陰陽郊圓丘祀明堂君哉蒿薦上帝靈來思思弗替靈之駕六飛龍天門開訣九重靈之旗翼神魚乘罡風載行厨靈之裳曳三光爛虹霓象玄黃靈之珮建蒼玉鏘大虛答窮谷靈之下赴閭闔洋洋如走六合靈之歆稷用登告特牲報維馨靈之留駐蒼虬紛萬舞結網繆靈之往遺蚡蠶儼若思企餘想奏咸池舞韶箭續紛哉靈之樂臣八荒馭九夷歲千億靈之貽

帝臨

帝臨中央以運四方苞孕萬彙協和三光厥服載黃厥數載五克配上帝維我后土皇皇后土德周遍成百穀告成大有斯年

少室山房卷三

青陽

青陽載臨萬物敷榮勾萌甲拆蠢動含靈雷乃發聲雲行雨施大造之仁品薰華滋歧行隊息繁以曁息東皇太乙莫匪爾德

朱明

朱明燁燁品彙嘉悅鮮潔齊均以莫不達祝融司造熏風維時皇人法天南面象離萬物相見茂昭大夏昭告具穹百神來下

西顛

西顛金方尊收是秉卉木變衰霜露凄緊既萎既穠我稼我苗實穎告成碩彼東郊爰馨黍稷殷薦上帝于億千年永矢弗替

玄冥

玄冥水伯載司寒近殞霜殺草昆蟲閉戶北風宵厲飛霰晝零太脫水涸雷蟄無聲歲運既徂陽和在候萬寶既成敢告明后

維泰元

於維泰元象帝之先綱紀三才暹周八埏皇皇天地疇闡疇闡於維

泰元潛運無極風雨雷露維日月星成若其時克順克成胎卵濕化生育孳遂滅除灾兇增長福艾四序既宜八表既安孰司其柄於維泰元嘉性燁燁陶匏涓潔聿來駿奔靈爽斯達以莫不虔以莫不馨元化網緼泰階底平

天地

維天維地協尊並巨撮余一人六合和豫皇皇齋宮穆與神通臣隣景從肅肅雍雍報圖丘兮祀后土千童羅列謠且舞曳擊笙鏞鳴琳球神如有知儼來遊大小諸秩咸敬厥職整齊服章駿奔翼翼羣公秉德毋怠毋忽大君恭默式於列辟降天神兮下地祇朱雀為駕蒼龍旗勾陳前導屏騎馳長劔幼艾紛陸離商刻羽歌咸池神鸞擊轂河宿移簫韶九成鳳來儀皇人萬壽登維祺

日出入

日出入陽谷扶桑間一何迅且疾百年若電光四序如風颺祝融驅火輪尊收乘斗杓羲和掣神轡玄冥扇狂飈安得駕六龍遊遨遍八

少室山房卷三

極長生不復死永承天地畢

天馬

天馬來自渥洼度月支逕流沙天馬來以蹀躞骨權奇汗維血天馬來驥為友喪驪黃化與牡天馬來躡浮雲日千里空而羣天馬來服帝閑從法駕鳴和鑾天馬來兆有德瑞萬方景四國

天門

天門開闢九重上帝居百靈從瑤為臺璇為室樞紫貝闥金碧吐望舒宅曜靈建雷鼓樹霓旌左蒼龍後白虎守飛廉衛玄武靈光破六合周燭萬景洞九幽勵精誠薦嘉藻永如期錫難老靈爛爛兮載揚光清颺激雲下羽旌牽牛織女行七襄蛾眉稚齒紛君堂靈目成兮悅而康合祝啟兮陳笙簧天門呀然豁扶桑雙翼乘風朝紫皇揖西王母攜東方食蟠桃實乘乘黃周歷八紘度九域吐納真精戲無極

景星

景星見祠神鼎載出煌煌赤文以播有德經緯虹霓屈蟠蛟螭魑魅

魁廼莫能逢之我鼎爰獲我號爰建以祀汾陰光我大漢魏魏夏后
錫此寶勞閱歷商周肇見我郊敢告上穹肆逮下土作樂象成百獸
率舞享帝享親以莫弗飲甘露是凝昭我萬齡

后皇

后皇降休介我景福以玄以黃黼黻章服靡邇弗洽靡遠弗蒙億萬
兆庶視此成功

齋房

齋房三秀柯葉九莖煜煜皇皇太和是蒸亭雲爛霞嘯日月精句曲
之天金液玉英羽駕罡風八翼上征春曲靈苗維王國禎於樂我皇
禩億萬徵

華燁燁

華燁燁黍載馨延庶旒駐翠旌神之來七聖俱虹為馬蜺為車神之
來百靈萃風為裳水為佩神之來薦嘉豆八珍輻眾芳駿神之來肆
長筵雷大鼓鳴鈞天何以休神之留赤鳳至黃麟游何以豫神將遇

少室山房卷三

三

慶雲見甘雨澍躡鹿盧綦星辰佐具穹佑下民酌斗杓和沆漑掄長
蛾擁幼艾日馳精月揚光爛昭昭樂未央崑崙墟瀛海遊以余歸浩
無際

五神

維五神五岳精德盛大包羣靈佐東皇贊太乙報圭璋達琮璧奠桂
酌以椒漿桂肥膺夜斯皇女巫進姪以麗迴雲旃駐霞幟神偃仰以
徘徊歷明堂昇帝臺維光華嶽大漢年歲登永嘉薦

朝隴首

朝隴首遊白麟顯光華字說磨之來也光華不可正視從鹿從文輔一人靈昭昭慶萬國
肇皇仁祇帝德八蠻共四夷王毋怠荒納嘉祥嬉余數服余輅浴和
風沐甘露左蒼龍右紫鸞文狸後赤豹前圖爾形輯爾瑞五千層視
茲歲

象載瑜

象載瑜梁六牙至萬里自流沙入天關服輿阜扈法駕彰大造翩翩

哉赤鴻來超虞羅翔玉臺翻五文麗以鮮銜靈芝嚙醴泉兆嘉祥麗
景福八荒來四夷服

赤蛟

赤蛟下蒼龍遊靈已醉不可留赤蛟翔彩虹取靈欲歸不可駐靈之
逝觀玉臺戲閭風宴蓬萊靈之昇上無極挾宇宙傍月日靈般般亦
享余下神雀降天厨靈般般肆余佑億萬祀永以壽

蒲梢歌

天馬來兮涉玉門服天閑兮朝至尊駕余車兮上崑崙閱萬國兮超
乾坤

太乙歌

貢驂騑兮自太乙若滅沒兮亡其一以龍為駒麟為匹歷塊萬里昭
帝德

靈芝歌

孕三秀兮毓靈芽承月精兮映日華爛輝光兮發雲霞服紫莖兮嚙
少室山房卷三

胡麻乘赤霄兮上無涯

琴操十一首

龜山操

龜之峻嶒兮望魯之疆龜之憑陵兮蔽魯之邦遲遲余行兮載費於
筐余懷以怛怛兮胡為去父母之鄉

猗蘭操

汎汎崇蘭在彼空谷以芬以芳達於平陸達於平陸大國之香薄言
撥之以遺明王以遺明王疇適逢世歲月行暮芬芳將逝芬芳爰逝
羌不可留怵怵我心曷維其憂

履霜操

嗟嗟皇考放余於野兮真凜嚴霜雨雪交下兮雨雪交下曾弗可留
兮念欲自明我維君憂兮我維君憂逝將安適兮世豈有茲無父之
域兮無父之域余曷以居兮焚焚上天罪實在予兮

殘形操

夢之憧憧兮厥形維狸形之蛩蛩兮胡首則遺茫茫吉凶兮疇尅我
期皇皇吳穹兮庸詎我疑

雉朝飛

雉雉於田兮維雌則隨暮而無妃兮入而安歸憂心忼忼兮將以告誰
援琴而歌兮以寫我悲

采芝操

煌煌紫芝三秀五莖鬱鬱崇岡龍從眇冥爰卧其巔爰掇其英顏色
麗鮮以敷以榮身輕翼舒遊六合外馴馬高蓋翳以疇賴巢哉由哉
寤言弗猜唐哉虞哉亦已焉哉

秦女操

穀之穡穡兮可裂而朽兮屏之巖巖兮可越而走兮劍之嶢嶢兮可
捍七首兮

八公操

煌煌八公下帝庭兮貽我大藥登遐齡兮嬰兒姪女相和鳴兮飛翔
少室山房卷三

九垓羽翼成兮金支翠旂夾路迎兮萬年不死居曾城兮俯視六合
徒營營兮朝生夕枯如蠓螟兮

思歸引

維鹿有由兮維鳩有仇兮爾徒余囚余寧爾留兮

別鶴操

羽翼雙飛兮中道當乖收翔安適兮余居易諧彼伎則害兮爲家庭
灾汝淑則慧兮曷明余懷

牝晨操

維牝無晨兮爾胡以鳴兮維爾之鳴兮家胡以寧兮牝兮鳴兮晨兮
家兮庭兮忼兮營兮雷兮霆兮

少室山房類藁卷四

續金華叢書

漱水胡應麟明瑞著

樂府二十五首

王子喬

王子喬玉笙霞佩長飄颻王子喬玉笙霞佩長飄颻下遊來王子喬
縵山萬桃花白日行遊遙倏忽上浮雲騰身還九霄足躡一雙鳧虛
空以遊遨願視世間人勿復勞相招蓬萊之水清且淺金銀樓殿一何
岩巒三神之山連巨鰲仙聖億萬計驂鸞跨鳳紛紛而來朝蒼龍為
我車鳥鶴為我橋道逢王方平拍手彈雲璈麻姑十八九紅顏髮垂
腰要我攀麟脯進藥長生瓢願視世間人勿復勞相招今上神聖海
晏河清曷不跨雙鳧來觀漢家朝擬圖奉錄壽與天迢迢下游來王
子喬

桂之樹

桂之樹桂之樹輪囷偃蹇寂寞山之阿山阿者誰破薛荔帶文蘿淹

少室山房卷四

一 夢 選 虞

留桂樹枝以婆娑以婆娑歲月冉冉而蹉跎攀援桂樹枝行且歌
彼桐栢之山桂樹叢生其上高嵯峨高嵯峨吾欲采其實陰其葉愁
其柯白日將暮熊羆虎狼夾路當奈何白日將暮熊羆虎狼夾路當
奈何

猛虎行

南山有猛虎白額斑斕而錦文南山有猛虎白額斑斕而錦文目睛
鑠雷電齒牙決浮雲出入乘風颭威加百獸熊羆豺狼狐兔惕息莫
敢與共羣一解 山頭絕樵采山底無四鄰終朝攫取行旅食黎氓婦
女小兒骨骸若丘山腥穢不忍聞二解 謂虎汝胡不仁胡不學彼鷗
虞鳳與麟百獸有恆食胡汝好食人汝胡太不仁吾將上訴汝訴汝
司命君三解 啗司命君不汝罪傳汝角張汝翼彌汝爪距鋒以銳俾
汝飛而食食人萬里外四解 食人以足天道好還忽遇洛陽三河少
年賁戎發機下莊奮拳仗飛鼓刃裴旻控弦擊鼓鳴鉦張網樹旗有
角易抵有翼易飛剖裂其肉寢處其皮以首承鬪為百獸噉永戎後

人為惡勿長為善勿疑彼不余信請視此詩

烏生八九子

峩峩秦氏高樓桂樹輪囷出雲間上有一雙頭白烏毛羽何摧殘啗
彼頭白烏生八九子養雛坐樹端八九子乳哺亦誠難朝不得食夜
不得食八九子羽翼以長成各各飛去忘來還啗彼頭白烏空腹坐
樹端饑餓頓欲死淚下如流泉啗彼秦氏少年子怒激壯士肝白王
為珣弓黃金為彈丸一發中羣雛魂魄飛上天八九子魂魄飛上天
啗彼烏不反哺誰當憐

西門行

綦隆世化日舒玉尊有醴羅前除東隣子燕趙妹清歌妙舞揚羅襪
賢豪過騶馬車良辰日吉心相娛人命無百年日月同斯須胡為自
約束悵悵常獨居豈無仙人王子喬駕六飛龍遊太虛豈無仙人王
子喬駕六飛龍遊太虛天地會有終千秋萬歲後仙聖同凡愚不如
命我友撞鍾雷鼓鳴笙竿

少室山房卷四

二 夢 選 虞

東門行

出東門步且吁時世混濁難共居我欲乘長風東遊扶桑西瑤池揮
首向容城億萬不相疑歸來告妻子牽衣躡足長歎歎長歎歎上有
垂白親下有黃口兒孔雀東南飛十步五步不相離君今獨行安所
之不如守窮巷雞鳴狗吠相因依不見伯夷叔齊采西山蕨薇榮名
破百世難等夷

順東西門行

歲行暮時既昏設我肴醴開玉尊樂親故延嘉賓軒車雜沓徒在門
列五鼎羅八珍甘嘉溢口呈芳新飲麻姑招洛神摩紅虬脯羞黃麟
琴瑟和鐘鼓陳樽蒲六博何續紛長袂掩羞蟻壘繼歌隨風飄青雲
良夜半星河傾主人未醉客尚醒二難具五福并億千萬歲延遐齡

燕歌行

嚴霜蕭蕭白露薄三豆在房月在天空聞思婦愁城南起看北斗何
關千樓頭旅雁鳴飛啼日銜尺書下雲端同心為結絳瑤函下有相

憶上加檢何以寄情雙玉環念欲報之青瑤江山高水長浩漫漫我
欲從之途路難羅帷倚燈暈不眠秋風颯颯吹重關安得送我置汝
前

平陵東

平陵東氣鬱葱大雷電天以風啟金騰告元功誰其輔者安漢公安
漢公坐明堂發天兵下咸陽討賊盜捕亂亡賊盜亂亡時則使東郡
太守翟氏子不量其力罔畏死天兵桓桓孰敢當所擊者破禦者殲
烟塵掃蕩清一方頸係諸纍俘未央君不見程義公今日繫安漢公
明日帝彼已之子甘若薺天鳳改元易漢制白水真人從東來昆陽
百萬成沙灰坐倚斗柄臨高臺胡不再開金騰論九垓胡不再開金
騰論九垓

鞠歌行

攜玉女邀僊童天門誅蕩開九重揖金母拜木公躡蹻鹿盧乘罡風
飛廉導屏騎從周遊八極騎並龍乘元化入無終千秋萬億齊喬松

上留田

上留田 用本調
噫嘻人世大難 上留田 貴賤貧富相懸 上留田 富貴阡陌綿延 上留田
田貧賤家無一塵 上留田 四體衣襦不完 上留田 毛翮凋疎摧殘 上
留田 氣息慙慙自憐 上留田 赴訴司命君前 上留田 我獨胡爲蹇連
上留田 夙生期運致然 上留田 飲泣吞聲何言 上留田

董逃行

董逃行 用本事
東京城郭煌煌 董逃 冠蓋羅列成行 董逃 天禍漢國彷徨 董逃 白晝
兵戈奪攘 董逃 劫制天子侯王 董逃 干乘萬騎北邙 董逃 焚燒廩庾
餓殍 董逃 郿塢黃金作牆 董逃 天道好還有常 董逃 司徒祓除不祥
董逃 首惡劊胸裂腸 董逃 膏血燃燈道傍 董逃 百代箴規莫忘 董逃
永戒貪饕陸梁 董逃

悲歌

巫山之高淮水湯湯我欲東歸洛大河無梁船道阻絕登高以望故
鄉故鄉不可見熊羆虎狼夾路而成行狐兔失羣我與爲侶日暮途

遠傍無旅舍悵鬱誰語悲風動地陰雲四起仰天悲歌淚墮不能止

前緩聲歌

緣木求魚譬彼入山采珠意氣雖勤奈此道路殊總角相親同室共
居君心有他如隔里間身非草木根株他人有心付度在余欲見子都
乃值狂且嗟他心之人蟲鳥之弗如

蝶蝶行

飛來雙蝶蝶羽翅十何翩翩掠春風而遊東園彼姝者子朱爲顏年
十四五被髮齊兩肩忽來覩此雙蝶蝶心中以慘然春風浩浩歲月
行蹉蛇我欲捉蝶以婆娑蝶以雙飛奈蝶何

滿歌行

嗟人世熒熒若過隙駒百憂填中當復誰與娛憶我年少時慈親大
憫惜中遭荼毒展轉愁悶歲以爲日家室荆棘雜奪晨羅此悍虐
伶俜真可告人彼婦之惡爲鬼爲蜮潛行昏黑無從方物彼婦之惡
爲虺爲蛇造作語言鼓吻搖牙慈親積戾奄忽棄背黃口嗷嗷壘埋

少室山房卷四

山椒筆管炮烙兇威灼鍊姬妾徬徨進退錯愕猶復蚤夜思惟圖覆
厥宗仰面叩天無地自容密計深謀憐不可近風波起咫尺白晝爲
陷穿而家弗殃彼念弗忘而家弗禍彼業弗墮吞聲飲泣以訴司命
君彼司命之君杳若弗聞悍婦持門戶胡以事嚴親嚴親七十餘風
燭暮途巡安能舍之遠去去適滄海濱憂來起中夜攬衣不及晨皇
靈會動變沴氣干天閭大雷電風雨永戒後世人

兩頭織織詩二首

兩頭織織少頰眉半白半黑杯中棋逼逼膊膊倉鼠馳磊磊落落道
傍梨

其二

兩頭織織麋鹿角半白半黑檐前鵲逼逼膊膊林鴉啄磊磊落落荆
山璞

五雜組詩二首

五雜組中天霞往復還貫月查不獲已遇龍蛇古云歲在龍蛇賢人嗟

其二

五雜俎芝為蓋往復遠咸陽塞不獲已見穢穢

公無渡河三首

公無渡河大河揚波長鯨如山鬢鬢差哉

其二

公無渡河一葦奈何河水萬丈出沒蛟鼉

其三

公無渡河讒言孔多不見申屠負石投河

枯魚過河泣二首

枯魚過河泣宛轉沙泥側神龍處九淵螻蟻安能測

其二

枯魚過河泣定作盤中腊願覓斗升水為君赴溟渤

少室山房卷四

五

少室山房類集卷四

少室山房類彙卷五

續金華叢書

嶽水胡應麟明瑞著

樂府三十首

短歌行 五解

日吉時良嘉賓滿堂星河在天蟋蟀在房 一解 權娛易終白髮苦蚤

金疊玉尊長夜傾倒 二解 舞袖紛紜蘭膏載焚術女齊姜左右如雲

三解 有美一人稚齒情盼攜手同車光華粲粲 四解 翩若游龍邀嬉

入挺蕩意平心永宅大年 五解

善哉行 七解

來日大難腸乾體疲今日不樂歲月如馳 一解 訪我親知總角燕好

踰陌度阡以贈芳草 二解 何以延賓清酒百壺何以銷憂五木櫻藉

三解 美人滿堂巧笑便辟更長燭明今夕何夕 四解 南箕在楹北斗

在簷星河陸離肴醴汎瀾 五解 忽逢安期饒我靈藥主客再拜洗盞

酬酢 六解 共餌大還身輕翼舒乘雲御龍游戲六虛 七解

少室山房卷五

日出東南隅行

日出東南隅照我陌上桑峩峩秦氏樓佳麗鬱相望飛臺百餘尺高

棟五丈強琉璃爲門限桂樹爲中堂窈窕樓中女容華世無雙提籃

向朝日採桑大道傍腰懸瓊珮耳綴珊瑚瑤首戴金雀釵足躡雙

鳳凰吳絲作中襦蜀錦充下裳紫綺緣領巾綠羅隨風揚借問汝何

名羅敷秦文郎借問汝安居第宅連明光問汝適何人家令殿中郎

問汝年幾何十五正相當行者觀羅敷五步一傍徨居者觀羅敷未

起相扶將趙王暮登臺挾瑟奏笙簧侍從數百人冠蓋何煌煌舉頭

見羅敷顧盼自生光遣吏前致辭可得充后房昔爲干乘妻辛苦行

採桑今爲萬乘后芻豢同匡牀羅敷仰頭答君侯一何狂國主位雖

尊二八盈高堂家今位雖卑糟糠亦難忘尊卑各有分貴賤各有雙

君非秦王子妾非邯鄲倡

名都篇

三河聚年少五都盛材雄傾貨灞上水結客咸陽東呼鷹過長樂走

馬遊新豐左囊揮楛矢右箠彎良弓控弦疾流星鳴鏑如追風穿楊
競百步蹲甲洞七重仰面落九鳥俯身拾雙鴻萬夫爲辟易觀者盈
道中日暮還城郭華筵撞笙鏞屏間擁雜齒坐右羅妖童烹鮮割翠
纓椎牛炙黃熊酣歌酌太白慷慨噓長虹呼盧列明燭良夜未及終
酒闌拔劍去斜月猶墮塵

美女篇

長安出佳麗宛洛多名姝遊戲芳春日踏青歧路隅銀環約素手玉
珮飄華裾丹霞錯綺袖惠風揚羅襦懸腰燦火齊充耳大秦珠珊瑚
間四體寶釵直萬餘揚音若蕙蘭吹氣勝芙蓉吳姬亮非偶衛女焉
得如眾觀共嘆息日暮羅長衢居者爲忘殍行者各踟躕何來少年
輩三五乘驪駒傾城觀明艷蕩思欲忘軀豈無千金聘諧此百歲娛
疇爲伯鸞匹偃蹇寧獨居寄聲俠遊子相望徒區區

白馬篇

白馬誰家子揚鞭大道傍銀鞍耀明月寶劍如秋霜十五隸金吾二
十拜龍驤百千聚遊俠百萬要名娼關雎入南內挾彈遊平康京兆
不敢呵司隸爲彷彿胡塵際天起邊烽達長揖大將軍慷慨事
戎行橫行絕大漠虎嘯臨窮荒矯詔襲樓蘭飛書定期朔方左射中休
屠右盼伏中行頸係五單于鼻鼻赴咸陽獻俘詣平樂賜第連明光
歸來顧少婦挾瑟宴華堂

少室山房卷五

升天行

九州非我宅五岳不足居乘蹻躡浮雲周覽萬里餘朝遊崑崙頂夕
息瀛海隅舉頭見三山城闕正遷迂軒圓嶠聳巨鰲方壺戴神魚西行
謁王母置酒行天厨靈妃酌金液玉女吹笙竿燕樂未及終飛騰起
太虛駭龍叩玉關駕鳳翔靈旗長揖問軒轅俯身拾帝車明霞爲我
珮素霓爲我裾飄飄謝塵世萬歲同斯須

仙人篇

我思忽不擇投袂起行遊擔簦躡芒屨去上嵩山丘王屋一何高大
行亦阻脩危峰冠浮雲巨石橫道周青松數十圍枝葉自相樛上有

千歲禽下有萬尺流矯矯浮丘公吹笙跨靈虬投我不死藥携我升蓬丘丹霞起素壁紫霧開瓊樓橫飛絕四海高舉臨九州顧視世間人局促安可留朝生等舜華夕死同蜉蝣

相逢行

相逢狹路間騎從一何都借問來者誰中尉執金吾銀鞍耀白日寶劍佩昆吾英聲走劇孟勇氣凌灌夫西征破大宛北顧推匈奴去年出皇中一戰定羌胡歸來報天子賜第連皇都黃金為門限白玉中堂鋪堂上何所有七尺紅珊瑚十干治晨殮百萬當呼盧樂工高漸離蒼頭馮子都長婦字莫愁中婦名羅敷少婦何名字二八酒家胡弟兄八九人各各列當塗炙手勢可熱聲焰絕代無行人但引避無事勞追呼

門有車馬客行

門有車馬客意氣何揚揚千金飾玉鞭百金寶劍裝傳呼動里閭顧盼自生光長婦出迎客問客來何方客言自幽薊乍者發漁陽道逢

少室山房卷二

三

遠征人寄書來故鄉開緘竟何道細書八九行昔為絲與桐今為參與商參商各異地羽翼交得雙長跪再拜客邀客邀術律烹庖出豐膳高宴羅酒漿願為傳語權努力莫相忘

遠遊篇

端居厭塵世飛步凌大荒左挾青龍馳右驂赤豹翔西遊翳若木東望窮扶桑疎身崑崙顛息駕玄圃傍道逢安期生托手共徇徂攜我黃金臺坐我白玉床太虛為我宅沆瀣為我漿俯仰竟百世焉能辨彭殤

結客少年場行

長安富遊俠騎射出名都飛揚結壯士慷慨聚屠沽百千市駿馬十千裝馳驅朝遊上林苑暮宿酒家胡赤丸報司隸白刃戕金吾笑傲金張第叱咤許史途盛年諒難再壯志不可孤鳴弓向張掖揮羽飛平盧左發推焉耆右發中休屠死當畫麒麟生當雄萬夫

筮篥引

良時李已邁蟋蟀鳴我床眷言召親友旨酒羅中堂東鄰飾妖女南陌招名娼綃衣隨風舉羅襪自飄揚秦聲被金石楚曲流宮商清談蔚霞爛妙舞若雲翔頽陽倏西落明月出東方飛軒歷層閣改席臨洞房華燈吐芳焰列宿澄清光齊心懷令德四坐咸盡觴芳辰諒難再嘉會詎可常人命一朝盡奄速如秋霜樂哉今日宴百歲遙相望

從軍行

邊塵起西北虜騎日相望仗劍報明主長揖辭故鄉征行渡沙漠慷慨隸戎行羽書昨夜至匈奴寇漁陽吏士若雲屯我兵精且強揚旌耀漢月吹角飛胡霜一戰摧月支再戰係名王彎弓冒頓殲鳴鏑渾邪降勒功燕然石傳檄瀚海傍歸來拜驃騎恩寵冠長楊

置酒篇

端居觀大運去日常苦多幸有盈尊酒賓朋各來過佳人出後房被服綺與羅纖腰闌妙舞皓齒揚清歌輕颺蕩浮雲華星爛明河好鳥鳴高枝文魚翔素波百年若朝露白日馳山阿樂哉今日宴不飲復如何

少室山房卷五

四

如何

君子行

嗚呼大聖人世或見疑猜周公被流言仲尼困桓魋賢材實累身忠信為禍媒蒼蠅點白璧蚊蚋噓風雷麒麟匿郊藪朱鳳成摧頽仰天再嘆息沈憂熱中懷擾擾蝸角爭切坦勞形骸千秋萬世後愚智同塵埃

豫章行

騰蛇自有翼未若應龍潛螭屈重淵中潤澤被八埏宜尼浴沂水武仲巢箕山於陵餓仲子通國稱其廉

孤兒行

步出北郭門荆榛夾路齊悲風起白楊葉落何淒淒道逢孤兒卧肌膚若蝨蟻伶俜瘦皮骨却立志東西對我但長跪氣咽不能啼白陳無罪過父惑後娶妻夙昔千金愛慈母嬌提攜高堂倏背棄妖化鳴晨雞風波起骨肉咫尺如秦齊終朝拾橡栗薄暮食黃蠶筮咎動盈

百卒歲無領緜棄置田野間冉冉白日低昔爲掌上珍今爲濁水泥
千秋履霜轍永永戒前蹤

白頭吟

結禱奉明德精誠快浮雲死生誓同穴富貴安足論一朝事勢異編
邈若越秦風波起對面譏慝來相仍盛衰捷反掌愛憎一何頻昔昔
寒爐火今爲飯下塵還君錦繡段著我苧羅裙念彼求凰曲恨恨不
能陳

關雎曲

翩翩五陵少挾彈遊成陽萬錢飲俠客干鎰招名娼走馬東郊外關
雎大道傍兩雄昂然出五色麗且光黃金介白羽綠沈鏘玄裳雙眸
炯相射四距翼而張憑陵壯夫膽激烈猛士腸俱呈慶忌捷競逞黑
卵剛獐牙攫豹虎怒臂撐螳螂先聲驟恫喝後舉劇披猖朱冠碎鞞
鞞彩頰掀琳琅寧論北宮撓肯避平陽劍迴身角伎巧盤關馳精芒
初交氣方盛再合勢彌猖捐生赴仇國致命臨戰場縱橫擊驚電跡

少室山房卷五

五

跋擊秋霜摧鋒若禦寇逐北如擒王干旄助踴躍鉦鼓隨騰驤天地
黠無色塵沙劇飛揚懽呼壓塵市登眺摧山岡中原逐秦鹿大陸歷
天狼雄雌久未決轉戰益慨慷遲遲白日墮兩敵爲彷彿安得魯陽
刃一揮返扶桑

三婦豔二首

大婦拂花箋中婦理冰絃小婦學彈棋天桃鬪春妍良人定睛覩誰
當最可憐

大婦貼花鈿中婦理紅妝小婦畫蛾眉含嬌踏春陽良人誠垂盼良
夜殊未央

廣三婦豔四首

大婦出姬姜族望不可加中婦出燕趙容色鮮如花小婦出吳越盈
盈嬌浣紗丈人但安坐四海方爲家

大婦字若蘭深閨理流黃中婦字羅敷陌上行采桑小婦字莫愁盈
盈居畫堂丈人但安坐滿目饒春光

大婦出迎客二十頗有餘中婦起持觴二九曳羅襦小婦坐鳴箏二
人正敷腴丈人但行樂南面安得如

大婦年十九高堂坐擗蒲中婦方十七明瓊角呼盧小婦正十五青
春獨當爐丈人但行樂何羨執金吾

續三婦豔二首

大婦處華堂玉貌錦衣裳中婦處高樓玉指撥箜篌小婦處金屋玉
簪髻初束白日權未足良夜更秉燭

大婦妝初成一顧傾人城中婦妝乍畢一盼傾人國小婦妝未已一
笑傾人主有酒清且旨交加學連理

反三婦豔二首

大婦吟白頭樽水東西流中婦歌懊惱紅顏空自紅小婦咏團扇辛
苦郎自見莫誇三婦豔丈人涕如霰

大婦氣食牛不喚不回頭中婦愁緒繁敢怒不敢喚小婦訴卑賤終
朝淚洗面莫誇三婦豔丈人腸欲斷

少室山房卷五

六

少室山房類集卷五

少室山房類集卷六

積金華費書

激水胡應麟明瑞著

樂府十八首

遠別離 七夕感事作用李白體

遠別離古有之不見牽牛星熒熒河漢猶黃姑弄杆軸錦石為支機
招要自成匹永永不相疑終朝卧閨闈折花事遊嬉逡巡怒上帝立
遣東西馳天孫尚爾爾世人了可知酌君一杯酒聽我歌別離君不
見重瞳墮地氣食牛掃除六合朝諸侯美人嬌愛置金屋彭城着繡
誇遊遊時危勢屈走垓下楚歌四面與仇讐蛾眉倏忽化黃土拔山
力盡烏江頭君不見隆準布衣奮三尺蹙項誅秦四海一淮陰蒞醢
百慮空掌上嬌兒夜啼泣迴身楚舞涕泗橫黃鶴摩天招不得未央
美人居廁中地下誰呼寵姬戚古來豪傑流往往稱二子裂昔摧天
關五岳任驅使徘徊一婦人竟作別離死何況蚩蚩輩嗚能不罹此
房帷僅咫尺陷阱如丘山不信別離苦焉知行路難荆榛葢閨闈對

少室山房卷六

夢 送 廣

面生尤愆逝將舍之去去去適荆蠻荆蠻非我鄉念欲還長安載歌
別離曲使人嘆息摧朱顏遠別離何匆匆浮世狹難為容胡不醉我
美酒三千鍾蒲萄之醴紫花潑綠尊翠杓春浴浴兩手持蟹螯拍浮
玉缸中落葉有時合明珠有時逢人生把酒當盡醉回頭萬事成虛
空項劉兩豎子韞韞非英雄天孫與河鼓兒女徒怱怱二妃從游已
百歲湘江底事流啼紅屈原李白俱謾語誰恨分明欺迺公大人虎
變挾宇宙傍日月駕雙飛龍黃童姪女永相逐周遊八極乘罡風安
能低眉折腰局促相若下騎守樊籠沈存中云二妃從游之時當近百
歲局促相若下騎守樊籠歲同人率以女子待之非實事也

飲馬長城窟

飲馬長城窟長城多白骨白骨從橫如雪山風吹胡沙馬不前借問
何人骸暴露置其間云是當時秦王築城卒被驅什九亡黃泉膏血
飼螻蛄肌肉餒烏鴉惟有白骨存安能復持還歇馬上長城觀此重
辛酸令我中氣咽徘徊不能言男兒立功名介冑辭上官橫行萬里

外勒勤赴燕然黃金絡馬頭白玉飾馬鞭胡不奮長劍斬樓蘭束縛
五單于保肘纍纍入長安生封定遠侯冢墓象祁連胡為老死長城
下白骨支撐玉門關黃榆衰草一望徒漫漫子孫不復知悲鳴裂
腸肝腸肝痛欲裂子孫無奈何至今長城下白骨年年多存亡信有
命壯士悲蹉跎閱彼長城卒聊作長城歌長城歌歌莫哀秣余馬登
輪臺輪臺浮雲極天開我馬玄黃以厯隨當時班定遠鬢髮焦黃埃
皓首博侯封慈親遠蒿萊其人至今亦白骨定遠之榮安在哉柯異
長城卒埋骨長城隈不如驅我馬舍之歸去來五花一擲換美酒竹
林痛飲忘疑猜雙眼蒼騰向天白飛行八極騎龍媒

登高丘而望遠海和李白

登高丘望遠海海水何茫茫齊州九點渺空闊東西日月懸扶桑扶
桑宮闕連蓬萊白虹照耀中天臺六鷲鳳凰負圖騰羣帝百千億萬
紛紛跨鶴遊崔嵬我肯大舶走徐市安期一去無時回我笑秦王乏
靈骨人言漢武非仙才登高丘望遠海海水茫茫接天迴使我極目

少室山房卷六

二 夢 送 廣

心悠悠心悠悠以彷彿何來龍伯人濯足臨扶桑一釣連六鰲攬之
不盈筐煮鰲為臠充余糧鰲骨如山今已霜我醉欲卧黃金牀呼吸
靈和挾三光鞭箠漢武笞秦皇周行八極還大荒

白紵四時詞

東園桃李爭春陽美人如花簇華堂鸞弓舞袖舉羅裳沈香亭北春
茫茫東風吹歌繞畫梁迺時一盼神飛揚我醉欲眠黃金牀

其二

南原日長蝴蝶飛朱樓畫閣臨芳池美人含嬌拂羅衣歌喉宛轉浮
雲馳流商刻羽知音稀纖腰起舞光陸離我醉欲罷黃金危

其三

西堂雨霜胡雁來中天皎月瑤雲開纖歌過雲夜徘徊美人擊筑秋
風哀華陽碣石俱蒿萊荆卿漸離安在哉我醉欲上黃金臺

其四

北風蕭蕭撼陵谷白雪飄花滿平陸何處陽春歸歌曲雲錦纏頭舞

鸚鵡美人修蛾無疹粟素手垂垂照寒玉我醉欲買黃金屋

虎穴行送曹秀才從軍

男兒墮地氣壓鰲俯拾將相如鴻毛時來擁篲掃六合雲霞五色飛
宮袍君不見蘇秦微時早貂泣一朝金印都六國位高金多歸故鄉
妻嫂匍匐趨道傍一家骨肉尚如此陌上行人誰家子丈夫恥作兒
女悲世路滔滔競青紫酒酣憤歌激烈雙眼橫天日星裂便從東
海批龍麟更向南山搏虎穴寧能寂寂雞羣燕雀蟻蟻爭紛紛金
盤六博飲美酒匣底芙蓉電光吼明朝生掣郵支首辟易咸陽萬夫
走

悲歌行

滔滔百川逝還流夸父逐日不回頭秋風鴻雁春風燕河東織女西
牽牛牽牛織女不相見一似秋鴻與春燕人生有錢付酒家何用殷
憂涕如霰君不見黃河奔流下太行魯陽難返九日光黃金可成腦
可補試問秦皇與漢武

少室山房卷六

三

長相思

長相思久難別單于臺上秋草歇玉帳寒朱旗折三年潮陵夢萬古
陰山雪邊笳日暮起塞門流水無聲隴雲咽長相思久難別

其二

長相思路行難玉關鴻雁何時還張霧幄捲雲鬢青燈夜未滅翠被
曉猶寒荏苒紅顏鏡中老空閨日日望刀環長相思路行難

楊白花

楊白花隨風漂泊天之涯深閨無人白日暮金輿玉輦空咨嗟惟有
舊時楊柳樹月明夜夜啼棲鴉

白鼻騮

逢歡白鼻騮駐步青絲騎羅帶結同心留連合懽被君作干將佩儂
作莫耶鉤雄雌兩物巧相遇安眠玉匣三千秋

擬李白蜀道難作梁父吟

抱膝南陽廬明時甘陸沈唐堯倦六合飛書入深林潁川之水咄嗟

不足洗余耳拂衣長嘯直上岱宗之嶽岑岱宗高高不得上卧龍之

叟來相尋邀余憩梁父重作梁父吟我吟梁父君莫猜仰天叱咤浮
雲開吳嬰侏儒已賢哲二三力士庸堪哀古來封禪之君七十二其
人一一俱塵埃請為梁父吟我吟君莫猜梁父中天十萬八千有餘
丈一柱亭亭迥出泰山上砢砢龍從獨立標乾坤恍若元氣浮崑崙
龜蒙見緯以東諸阜盡培塿紛紛伏羅兒孫決皆斷虹入盪胸明
霞屯手接飛鳥度步學猿猴躡躑躅身十八盤象緯漸可捫黃河一線
繞山麓徂徠矯首勢欲吞鹿盧之躡搏旋撒振不遑息神人絕頂為
我開天門開天門閱仙籍其間似有胡生名諱向金華煮白石朝從
天門卧夜坐日觀峰峰頭望海色灑灑連長空五城十二樓崖峩峩
天風天雞亂鳴不知夕迴颺忽卷大海立海水橫飛十洲溢灑灑扶
桑吐朝日紅輪輾碾碾大虛我欲乘之走入極金銀臺殿咫尺間玉
女攜余掉臂入掉臂入謁元君阿赤規導黃麟右拍浮丘肩左顧招
廣成神農以還九千九百九十有餘帝揚雷掣電紛紛跨鶴而來迎

少室山房卷六

四

鳥篆鴻章閣靈蹟仲尼捫崖惟難識

管子云古封禪文字鳥篆鴻章閣靈蹟仲尼捫崖惟難識家仲尼觀之不能盡識蛟螭缺

落狐兔跑對此撫膺重嘆息翠華茫茫杳何處四顧中原日無色君
不見秦祖龍云亭柴望擁列辟衣冠劔寫如雲虹至今淪沒盡荒草
故物但有當時松君不見漢孝武馳驅樂大廷文成鹵簿干旄照東
魯東方小兒弄乃公寂寞荆榛翳坏土吁嗟平秦皇漢武真野游我
今胡為此滯留拂袖行歌下山竟作齊東遊齊東道上逢李
白飛揚跋扈心神投鸚鵡之裘五花馬一醉五月眠高樓吳鉤如霜
雪花落縱橫眼底無全牛我歌梁父屬爾和遺空立降雙青虬世人
拍手笑輕薄我嗤人世真繁囚涓濱老叟太多事行年八十圖封侯
鄭哉齊國二豎子沾沾一果同猶猴力排南山軀九尺殺身反墮侏
儒儻隆中釋耒大星殞人間事事當回頭上青絲一朝倏爾變白
髮九州之伯四岳之長如懸疣梁父吟歌莫愁男兒有身睥睨六合
追巢由不然淋漓大白掃椽筆陽春百代鳴天球猶勝古來封禪之
君七十二伐功誦德誇蚩尤君不見七十二家文字總頑石漢榻秦

碑半頽瀟惟有青蓮居士梁父吟萬古長懸岱宗日惟有青蓮居士
梁父吟萬古長懸岱宗日

將進酒

將進酒乘飛龍滿引太白噓長虹舞百石鑿千鍾北斗奉杓南斗從
天瓢出沆瀣大樂鳴笙鏘綺衣萬玉女綵髮雙袖童左拍浮丘肩側
睨容成公百年三萬六千日一日不醉令我行步如龍鍾君不見酒
上亭長隆準公斬蛇逐鹿驅羣雄鴻門高會割巴蜀肝腸鬱鬱長思
東結約五諸侯伐楚彭城宮一朝項氏自東至五十六萬如飄風柴
陽匍匐作降虜何如飲酒來新豐信陵賓客但墟墓古木荒榛穴狐
兔平原毛遂骨已灰黃金之館生塵埃何如一笑飲美酒白眼橫吞
三百杯長安桑落名最古山東秋露清且苦麴米雲安遠難得若下
吳興近堪數世人每病金華甘此酒名高弘正間只今天下貴三白
積薪後者常居前盛衰好惡若反掌時來不得論媿妍太白三閭豈
庸俗一醉一醒操行獨醉者騎鯨上九天醒者反羣蛟鼉腹劉伶阮

少室山房卷六

五

籍雙酒狂竹林牛飲稱高陽當時頗遭俗子罵至今百代垂文章今
晨何晨夕何夕庖鱉烹熊羆賓集鴈行瑟作不暫停玉椀銀缸興道
劇三星在簷河漢入扶桑茫茫日東出安得八駿搏長風爛醉瑤池
三萬日

行路難三首

君不見東家叟昔日容華今老醜君不見西家翁昔時豪富今貧窮
盛衰美惡反覆掌造化小兒劇罔兩傲車贏馬聊自備蕩意平心恣
歎賞人心險阨如山川行路之難君所諳有酒盈尊肉盈几明日咸
陽過趙李

其二

君不見原上草一夜霜飛淨於掃君不見園中花一朝風蕩隨泥沙
男兒快意在行樂何用營營逐飛蓬白日苦短秉燭遊玉碗淋漓恣
斟酌人心對面隔九疑行路之難君所知速來就我飲斗酒倏忽華
顛壯夫醜

東飛伯勞歌

西飛者燕東伯勞華堂錦帳生蓬蒿少年兒郎輕薄子棄捐比翼如
鴻毛咫尺天孫與河鼓歲歲年年隔銀浦一朝烏鵲來填橋猶得相
逢話辛苦脂車秣馬夜不停漂流南北如浮萍當時離別勿復道悲
風冉冉來長檠機上雙鸞手中線宛轉流黃涕沾面鉛華落盡君不
見東飛伯勞西飛燕

少室山房卷六

六

少室山房類藁卷六

激水胡應麟明瑞著

樂府五十五首

長安道

長安開大道佳麗壯秦京帝座懸雙闕皇居控百城重關函谷氣夾岸渭川聲冠蓋凌雲度軒車耀日行新豐花簇騎上苑樹巢鶯鼓吹元僚第旌旗大將營狹斜何處是北里近西清

黃鶴

何處雙黃鶴飛來自大荒聲傳胡塞遠影落漢宮長曠露過平樂街雲入建章誰同二千石萬壽獻君王

雨雪

雨雪霏霏下遙知行路難將軍金甲重戰士鐵衣寒落葉邊淮盡飛花度隴殘城南有思婦擁被獨更闌

出塞

少室山房卷七

隴首雪花飄征人出渭橋長城屯萬騎大磧下雙鴈閃月朱旗靜穿雲畫角遙橫行榆塞外一戰縛天驕

梅花落

何處邊聲切迢迢逐暮笳天山飛雪暗萬樹落梅花度漠胡雲斷飄空漢月斜那能逐左客此夜不思家

隴首

九月被璫裘征人上隴頭黃龍懸塞色白馬赴邊愁隴坂高無極寒泉咽不流梅花何處折腸斷在朱樓

入塞

九塞燧烟銷將軍罷度遼長纓懸日遠尺組繫天驕玉勒飛黃靜金戈太白遙塞門歌舞入紅旂暮飄飄

十五盧家女

十五盧家女盈盈勝莫愁水心持跳脫玉腕撥箜篌拾翠游川上流黃奇隴頭生憎雙語燕比翼在青樓

折楊柳

送客灞陵橋娉樓雪未消當壚年少女十五正嬌嬌柳葉如垂手楊枝似舞腰相看不忍別折贈最長條

小垂手

錦帳出紅綃佳人鬪步搖纒頭矜稚齒入掌妬纖腰帝子迴鸞輅天孫度鵲橋莫嫌銀漏短甲煎徹明燒

征婦怨

去年征鉅鹿今歲入盧龍玉塞鶯聲斷銀河雁影重裁衣猶憶體臨鏡懶窺容秋風起昨夜牀下又聞蛩

班婕妤

長門秋已到昭陽權未終綠苔積永巷黃葉閉深宮啼紅祇自惜擣素爲誰工惟將舊團扇寂寂對西風

劉生

劉生何慷慨任俠冠東平五侯前節借千乘下階迎季布匡來久陶朱名已成誰言一劇孟能重亞夫營

少室山房卷七

明妃曲

驃馬載蛾眉明粧出帝畿合羣辭玉關結恨向金微月疑秦地鏡雲憶漢宮衣傳書寄鴻雁一爲報龍旂

後明妃曲

出塞涕沾襟遙望陰山陰舊寵漢宮薄新恩胡地深紫駟涉長道黃鸝寄哀音千載琵琶曲誰明去住心

董嬌嬈

素手撥箜篌盈盈在畫樓玉釵翹紫燕金盒貯紅虬楚臺行雨過漢殿乘風遊期門諸俠少無處係驂騑紅虬見唐小說同昌公主傳

洛陽道

迢迢洛陽道日暮正飛花公子青絲檢王孫白鼻騎吹金張宅歌鍾趙李家遙傳麗人至偷眼七香車

秦王卷衣

春色醉秦樓素王夜宴遊鑿真廬齒簿鳳管叶笙篴七寶流蘇帳干
金集翠裝何人最承幸卷贈龍陽侯

銅雀伎

松栢西陵路君王不復遊高臺銅雀暮故苑石麟秋舞將羅袖歌歌
倚穗惟愁浮雲渺天未滄水共悠悠

賦得盈盈樓上女

盈盈樓上女十五正嬋娟照膽秦宮鏡合情蜀國絃踏青迴綺陌拾
翠傍晴川輕薄金吾子無勞問少年

少年行

翩翩遊俠客結束自名邦過趙黃金百遊秦白壁雙鳴鞭中貴避插
羽右賢降日暮胡姬肆飛花撲玉缸

紫驄驪

蹀躞天閑騎會從大宛來懸金當駿市歎玉過龍堆伏櫪心元壯鳴
鞭氣不迴何辭萬里道逐北向輪臺

少室山房卷七

關山月

絕塞生秋早空闌入夜愁光飛銀闕上影抱玉門流露氣博綵管霜
華拂錦裘征夫猶北戍目斷大刀頭

劍俠行

少年學劍術飛身遊沈寥鹿盧雲氣擁龍匣電光搖醉呵魯句踐怒
罵霍嫖姚夜來風雪猛拂袖灑陵橋

聽馬馳

聽馬千金裝日夕過平康寸心重衡岱片諾迴滄桑白屋笑原李青
雲輕趙張明朝砍文吏竟夜赤丸光

公子行

新開平樂第紅粧簇畫樓驂金作將鸚鵡玉爲鞦漢宮鳴珮入梁
園挾彈遊海棠花正發選伎合梁州

俠少曲

鳴鞭白門道新柳正藏鴉七寶裝無弱千金散狹斜飛揚孟公坐調

笑季倫家夜夜雙龍氣腰間挂赤霞

邯鄲曲

夜宿邯鄲花朝板灞陵柳五侯競獻鯖七貴爭持酒巨先膠漆契翁
伯金石友縱死咸陽宮何負將軍首

夜夜曲

樽陰芙蓉麗筵開玳瑁頻綉屏朝選伎羅幌夜留賓艷曲梁間度纖
腰座裏陳漸看銀漏促烏履雜華裯

采蓮曲

桂楫漾沙棠向暮出橫塘羅裙嬌綠水玉腕映紅妝奉花憐蓋弱折
藕愛深長迴繞弄斜影驚起雙鴛鴦

仙人篇

飛身下七襄駘駕六龍翔負局行中夏攜壺出大荒蓬萊千日酒沉
壘萬年漿勾漏砂如石藍橋玉作霜

愛妾換馬

行雨蛾眉去追風駿足來金羈沙苑秣寶屐畫廊苔太息專房艷長
鳴伏櫪材何當效周穆駮耳上瑤臺

邯鄲才人嫁為所養卒婦

乍辭鸞輅出迴望鳳墀高幸脫君王難寧忘所養勞生輕慙比葉命
薄嘆同蒿尚異烏孫貴窮殖配二毛

其二

新恩借位儼舊寵易樂囚飲恨辭金屋含悽下玉樓鳩巢元鵲悲魚
服暫龍遊不見平陽壻次且擇衛侯

巫山高

陽臺出天半高壓大江濱暮雨連三峽朝雲合九疑猿啼青嶂急鳥
度翠屏遲莫作蜂頭夢魂迷十二時

芳樹

年年舊桃李爛熳帝城陰結實當前殿開花滿上林香飛金谷早影
墜玉池深一曲香山罷芳菲何處尋

蜀國竊

春風杜宇國千載寄哀音水激巫娥珮山鳴卓文琴銅梁朝日豔玉
壘暮雲深浣花谿上宅詞人可重尋

邯鄲行

狄斜連錦里垂柳夾香堤綠綺千條潤青絲萬樹齊玉鞭騎過馬金
鉅鬪回雞朝日紅粧坐流鶯拂戶啼

艷曲十首

青樓開大道翠館接平陽柳拂歲粧鎖花明玳瑁梁合懽年少客新
鑲鬱金牀

其二

畫閣青門外朱簾碧水潯繡金描比翼羅帶結同心夜夜求凰意無
勞聽玉琴

其三

北陸歌鐘起東郊騎吹旋花香長樂外草色未央前十萬章臺柳玲
瓏拂翠鈿

其四

春光平樂近勝事曲江留帝子聯鑣語王孫挾彈遊共邀金饋至藉
草大堤頭

其五

金羈連綺陌玉珮照晴沙北極元僚第南陽貴主家樓臺七十二日
暮亂飛花

其六

神女雲爲色妖姬雪作歌三千廻粉面二八擁青蛾咸陽遊冶客趙
李日經過

其七

粉黛徵歌伎腰肢鬪舞人綠珠金谷豔碧玉飛筵春珊瑚十萬樹一
一破瓜辰

其八

少室山房卷七

明眸騎綺綉皓齒粲瓊瑰秋瑟燕姬肆吹簫鳳女臺巫山何處是指
點片雲來

其九

寶帳連金屋環筵弄玉簫嬌燒花作髻靜宛柳爲腰當歌小垂手爛
熳雪花飄

其十

深水蕩連漪江南日暮時吳姬木蘭棹越女竹枝詞惱殺橫塘下粉
粉輕薄兒

又六首

金埒貯驂驪銀粧絡馬頭相逢狄斜道並倚大長秋何用知名姓聯
翩入畫樓

其二

博山銀縷細沈水玉壺香後院通韋曲前除接建章名姝三百輩月
底滿靈光

其三

瑤瑤粧爲砌珊瑚聚作林萬錢編馬埒一鸞試牛心向夕香風動連
車燕水沈

其四

乳燕穿朱屋流鶯啄畫簷霧消雲母帳風動水晶簾遮莫嫦娥下千
花拂彩蟾

其五

朝朝呈翠黛夜夜圍纖腰枕上偷金合屏前弄玉簫羅衣三十院無
處覓紅綃

其六

綺樓藏盼盼羅幙貯盈盈霧袂空中舉霓裳月下行相看時一笑若
筒不傾城

少室山房類葉卷七

少室山房類葉卷七

澗水胡應麟明瑞著

樂府六十一首

企喻歌

雙鞭鐵袴誰家大健兒蛇矛丈入盤上馬捷若飛

其二

腰間大羽箭豎指百夫力突如飛天鶴萬鳥戢羽翼

其三

落日平原西射鵬控飛騎九種黑山戎各各相引避

其四

天生健男子何須多結伴獨身取月支降虜三十萬

鉅鹿公主歌

油壁香車向何許玉勒花驄汗紅雨呵殿縱橫灞陵渚夾岸行人目

相語新封大國鉅鹿主鉅鹿為誰大家女

少室山房卷八

七夕夜女兒歌

儂家白榆樹一年一開花郎如牽牛星一年一來家

其二

不恨懽意薄但願懽情長牽牛與織女一年一成雙

其三

一年但一會一夜一年周猶勝儂兒郎十載客巴州

其四

都將一年意一夜申繾綣橋畔烏鵲聲天河漸清淺

碧玉歌

莫嫌小家女青春正十六新嫁瑯琊王嬌愛比碧玉

其二

恨無傾城色不敢邀王憐相懽那在貌動體生春妍

桃葉歌

可憐王家郎不解事桃葉清晨渡江去日暮忘迎接

其二

桃花作羅袖桃葉為羅裙何似阿兄駛終日憐此君

懊惱歌

翻團黃犢車載懽出城東看看白日墮那能不懊惱

誰家嬌女兒三三五五結伴邀懽行今夜大辛苦

白團扇

白團扇含情待郎來不使路傍見

白團扇懊恨負情儂手持不令見

華山畿

華山畿不願生同棲但願死同止上有雙比翼下有雙連理

安東平

嚴冬凜烈北風雨霜河大水冰斷絕車航

客子遠遊貧食秦越囊無貲痕帶斷裘結

我有綈袍以遺故人物薄意厚責稱君身

少室山房卷八

微物在機是儂手織千縷一丈三丈一襲

東平劉生遠持遺郎愿得邀郎早還故鄉

女兒子

木蘭歌聲起兩岸江陵一夜腸欲斷

估客年年下黃牛巫山十二猿鳴愁

子夜四時歌

大堤三月中垂楊千萬樹郎騎白馬來堤上遙相遇

右春

期懽大堤口遲我采蓮迴向暮南風急蘭橈不敢開

右夏

人言秋日短儂愛秋月光邀郎解衣坐肌膚如雪霜

右秋

團爐然獸炭為郎理瑤瑟不知重簷外雪花厚三尺

右冬

子夜變歌

期惟半夜來忽復月光曉九月芙蓉花顏色詎長好

青驄白馬

青驄白馬矯成羣往來蹀躞如浮雲

繫馬高樓石城下三百青銅莫論價

七香炯炯並馬行盧家少婦車相迎

鬱金堂前雙紫燕白馬青驄暮相見

壽陽樂

粧樓百餘尺壽陽開白馬從東來

石城樂

歎居石城西儂住石城東何愁不相見一夜秦淮風

其二

秦淮使風起布帆疾如矢恨殺巴陵秋洞庭八百里

其三

少室山房卷八

洞庭八百里一夜南風迴送郎到長干泊舟鳳凰臺

其四

攜手登高臺臺荒半野草殷勤傳語郎莫忘石城好

莫愁樂

莫愁在何處石城西南弄手攜盧家郎吹簫跨雙鳳

其二

昔爲石城鄉今作莫愁里開門見所懽容色豔桃李

襄陽曲

襄陽輕薄兒挾彈出大堤嬉遊向日暮高唱白銅鞮

大堤女

大堤羣女郎各自言好愁殺襄陽兒白日情顛倒

長干行

爺娘錯嫁女嫁與長干商今年發灘預明年發溇陽

其二

爺娘錯嫁女嫁與江陵賈八月下瀟湘九月下揚子

估客樂

樂哉估客樂黃金作銅使大腸乘長風我肯發揚子

其二

樂哉估客樂魚蝦賤如泥愁殺閨中婦玉筋鎮長啼

新估客樂

不從估客遊不知估客樂百萬揚州醜持籌勝騎鶴

其二

不乘估客舟不知估客樂十萬荊州娘紅粧照羅幙

大道曲

翠袖紫羅襦胡牀坐明玉相逢謝鎮西遂作大道曲

前溪歌

春蠶挂門口抱絲向牀前鏡昏不見面施朱紅可憐

自君之出矣

少室山房卷八

自君之出矣鸞鏡黯無光不嫌紅粉污持底試新粧

嬌女詩

莫愁年少女十五嫁盧家雕梁雙紫燕白日坐飛花

江陸女

女郎大堤游願影各言好相逢平樂兒班荆坐芳草

黃鶴歌

黃鶴參天飛高高上寥廓游戲青雲中那能顧燕雀

其二

黃鶴參天飛九萬忽如馳當時戢羽翼燕雀那得知

石城曲

踏青無限好江頭二三月恨殺溇陽風吹郎下三峽

其二

迎懽不下堂送懽不出戶生憎揚子潮隨郎過瓜步

清溪小姑

小姑青溪曲大姑赤山磯獨處誰相依

白石郎

儂居清溪郎居白石途中相遇宛若舊識

采蓮曲

采蓮復采蓮搖蕩木蘭船日暮湖頭雨羅裙色倍鮮

其二

儂棹湖心舟郎來湖北岸笑指雙鴛鴦戲擲黃金彈

其三

荷葉如儂衣荷花似儂面艤棹向中流懂來倩誰辨

其四

昨夜芙蓉花綠堤一時發清波照玉腕下有雙羅襪

出塞曲

大獵漁陽罷椎牛上谷營酒闌飛騎去夜奪受降城

其二

少室山房卷八

五
夢
選
虞

日暮單于遁長城雪夜飛一軍齊逐北二鼓過金微

其三

坂劔追騎虜黃塵際碧天固原風雨黑前隊縛呼延

其四

漢壁風烟靜胡天帳幕低雙鵬何處落大磧五原西

其五

盡角霜天下轅門徹夜開梅花飛不盡月色滿輪臺

少室山房類葉卷八

少室山房類集卷九

續金華叢書

漱水胡應麟明瑞著

樂府八十首

讀曲歌四首

廳前安石榴花開正見汝百舌枝上啼含情不得語

其二

園中櫻桃熟朝暮倩人守昨宵摘遺懽纍纍不盈簍

其三

懊惱枇杷實核多而肉少不療腹中饑那禁眼中飽

其四

郎遺佛手柑馨香動彌月報郎紅荳子相思永無歇

秋閨曲二首

八月秋風起榆關正雪花何因吹妾夢萬里到龍沙

其二

少室山房卷九

日把金錢卜征人尙未還龍城五千里目斷望夫山

子夜歌四首

開門得懽書有魚長尺一不知溪頭鯉認作潭中鮓

其二

子度饒芳香子都好容鬢觸目俱可憐身今阿誰近

其三

懊恨負情儂薄於下秋葉持刀裁亂絲肝腸中半裂

其四

燈前驟相見含情不敢道乍可要即眠那能就郎抱

丁都護

徙倚木蘭花流光莫虛度人命無百年聽唱丁都護

明下童

誰家少兒郎絲絲作單袴白馬紫游韁蹀躞長干路

歡聞變歌二首

青梅繞樹頭若箇不作酸君行有兩意莫戀故所歡

其二

十月芙蓉花九月楊柳樹那得男兒心長若初相遇

楊叛兒

可憐白門柳依依二三月一曲楊叛兒飛花亂如雪

江南樂

舉頭見歡來廻繞蔽蓮葉不知湖心浪濕透雙羅襪

幽州馬行客歌

惱殺燕臺騶發足千里遠只解駝郎行不解送郎轉

阿子歌

阿子住東鄰自矜好顏色春風動羅帷半夜邀懽入

湖就姑

大姑住湖口便風渡潯陽小姑住湖心月明就彭郎

上聲歌

少室山房卷九

春蠶空有絲不解雙雙眼垂楊空有絲不縮別離船

折楊柳

恨殺城南柳絲絲管離別殷勤折贈君記取艷陽月

越城曲

磯頭日浣紗春波瀉明玉指點芡羅村儂家在山麓

春江行

一夜春江漲江頭浪拍天中流便風起特底挽郎船

雙行纏

繡作雙行纏步步嬌春陽那知羅襪中兩足如秋霜

隴頭歌五首

塵起玉門關瓠馬背上彎身隨漢飛將乘月奪天山

其二

胡兒吹箏響漢女撥琵琶征人三十萬若箇不思家

其三

絕塞少人行蕭蕭過雁鳴征衣猶未寄大雪滿龍城

其四

欲寄征人信難禁玉筋啼惟應紙上淚點滴到遼西

其五

空閣一枕夢杳杳邊頭去雙鸞不出門也到黃花戍

從軍五更轉

一更邊月上流影照長城營門擊刁斗萬隊寂無聲

其二

二更邊月高戰士攬征袍何時封定遠霜露濕弓刀

其三

三更邊月斜戍客夜思家瓜期殊未及腸斷聽胡笳

其四

四更邊月隱征人夢初醒恨殺城南婦流光伴孤枕

其五

少室山房卷九

五更邊月落塵起清油幕飛騎斬樓蘭王庭空大漠

長安四時辭四首

攜手七香車春風向狹斜胡姬年二八爛醉碧桃花

其二

太液池邊路輕舟蕩綠荷三千漢宮女齊唱采蓮歌

其三

寂寂霜天下寒砧搗月明長安十萬戶一夜盡秋聲

其四

紅袖炙瑤笙夜醉平原館拂曙共鳴珂天街雪花滿

燕京曲

綽約兩青娥一笑遙相遇何處問儂家玉河雙柳樹

古意

玉帳結流蘇金鞭照春色二入酒家胡尊前乍相識

俠少行二首

白馬躡金環揚鞭大道間五陵春草色日暮時鷹還

其二

呼盧夜來家醉眠不知曙忽憶灞陵遊拔刀衝雪去夜來用周時事

夜渡娘

翩翩桃葉舟昏黑向江夏那怕狂風吹佳期在梁下

江陵曲

惱權青絲笮凌晨只欲開狂風趁心起四面石尤來石尤非打頭風
余有辨見丹鉛

錄

映江曲

夾岸千桃花紅暈雙蛾綠惱殺冶遊兒絲鞭映江曲

青陽度

金犢遊東郊玉驄返西路相逢無一言脉脉青陽度

長樂佳

深宮闈百草嬉遊共春日蝴蝶雙飛來故上搔頭立

少室山房卷九

白附鳩

以我雙碧桃係懽雙紫騮相逢那得去聽唱白浮鳩

同生曲

妾貌嬌於花郎顏粲於玉妾年方二八郎年正十六

來羅

池上雙鴛鴦斂頭孤鳳凰雙飛太無賴孤宿關誰強

拔蒲

拔蒲復拔蒲六月潮水中纖纖十春筍不肯露青葱

孟珠

誇他孟珠富却笑陶朱貧西施老歸越空作苧羅羈

黃淡思

今生作女郎再恨攢眉頭來生作兒郎饑餓亦自由

白頭吟四首

巴江九曲流不似見郎心蜀魄千年啼是儂白頭吟

其二

大車乘駟馬揚揚漢天使不記當墟日辛苦臨邛肆

其三

箱中憤鼻棍碎破不堪着翅身擲向郎將心自摸索

其四

當日臨邛妻今朝茂陵妾金莖半勺露那能救消渴

長史變二首

懊惱翁娘痴貪他門戶熱措大作官人兒命薄于葉

其二

寧作中人婦莫作上官妻風波起平地山岳移東西

捉搦歌四首

翁娘養女兒但教學鍼線許嫁前溪郎十五不相見

其二

采桑南陌頭日間日來往傍人指笑儂夫婿漸成長

少室山房卷九

五步選虞

其三

阿母教女兒殷勤候姑眠女兒問阿母若為得懽怡

其四

十四嫁官人抱衾作小妻終朝大婦罵眼淚洗面啼

采桑渡二首

不采陌上桑蠶在筐中饑欲采陌上桑使君道傍媼

其二

採桑作羅綺總為他人忙不見長干娼一曲衣盈箱

雀勞利二首

禾傍雀啄啄日暮不得飽人生無百年別家太草草

其二

丈夫各有志不作籠中雞朝歌猛虎吟暮從野雀棲

白銅鞮

郭郎巾折角孟嘉帽頻落底似山翁醉接羅翻轉著

烏夜啼二首

期權中夜來月光滿庭柱展轉天欲明烏啼石城樹

其二

匆匆金犢車上路正天曉不恨權來遲但恨歡去早

趙瑟曲

輕盈窈窕邯鄲姬挾琴鳴弦聲乍希梁塵拂空霜霰飛霜霰飛雲霧

集月西沈日東出

秦笙曲

呼盧一擲百萬強妖姬如花出咸陽箏聲嗒嗒夜何長夜何長管弦

列過流雲弄華月

江南弄

秋江日暮天無雲蘭舟桂楫何紛紛美人如花簇羅裙簇羅裙關玉

腕歌采菱歸去晚

龍笛曲

少室山房卷九

六步選虞

楚山修竹雲團樂伶倫截管飛青鸞美人一曲凭雕闌凭雕闌弄纖

手落梅花折楊柳

鳳笙曲

紅爐熾炭玉筯驕誰其吹者王子喬羽衣玉筆行逍遙行逍遙聽仙

樂萬桃花兩玄鶴

烏棲曲五首

步障華燈光照屋質如輕雲色如玉白馬金環遊狹斜楊柳啼烏來

妾家

其二

鬱金為堂玳瑁梁床上流蘇百合香同心寶帶合歡結攜手邀郎拜

明月

其三

錦幔銀屏張五采華堂宿霧籠香靄此時心意兩相憐含嬌顧影不

自前

其四

叠股釵橫金鳳凰連環交結雙鴛鴦啼鳥啞啞楚天曙在苒容華逐郎去

其五

玳筵張燭三星低羅襟綉褥怯分攜郎騎白馬去關西鳳凰臺前烏夜啼

少室山房卷九

七

少室山房類藁卷九

少室山房類藁卷十

續金華叢書

嶽水胡應麟明瑞著

樂府七十四首

塞上曲八首

白草連天大漠秋千家鏢吹古梁州飛霜爲洗燕然石上客新從定遠侯

其二

紫電花隄白玉鞭遠從都護出居延清秋不辨龍城色一片黃雲瀚海前

其三

接天烽火照平盧昨夜單于獵上都十萬征人明月裏一時齊挽繡鞬弧

其四

絕磧霜飛塞草空燕支晴色亂雲中將軍醉擁吳鉤出萬里胡天照白虹

其五

塚上明妃草色青征人立馬問龍庭西風片月秦城下愁絕胡笳幾處聽

其六

平沙一望隴雲開玉笛飛聲夜轉哀萬里朔風吹不斷梅花齊落李陵臺

其七

戰馬驕騰大漠間遙看虜騎薄陰山橫戈不待嫖姚令生縛樓蘭入漢關

其八

邊烽不動虜塵收刁斗無聲夜色流醉殺胡姬滄幕底霜天遙按小涼州

春宮曲四首

昨夜春風拂苑牆三千南內闌紅粧朝來鳳釐花前過報道君王入上陽

其二

殘雪初消太液前御溝晴日柳如煙披香殿上承恩早千縷黃金佛御筵

其三

長門花滿月華高雲鎖珠簾護碧桃夜靜南宮歌吹發新聲遙奏鬱輪袍

其四

玉階草色上窻紗深鎖葦蕤隔翠華添罷晚粧無一事白櫻桃下試琵琶

秋宮詞

梧桐飛葉下銀床腸斷秋聲玉漏長三十六宮明月裡夜聽絃管出朝陽

少年行五首

匣底雙龍斗色流長安道上紫驂驅燕姬二八彈箏坐千樹垂楊拂酒樓

其二

平康歸路欲黃昏下馬青娥白玉尊一曲菱歌揮袂去月明裝束候期門

其三

五陵樓殿雪初消玉勒翩翩意氣驕落日萬家春草外呼鷹遙過灞陵橋

其四

甲第新開上苑邊滿堂花色照嬋娟醉攜如意堦前舞七尺珊瑚碎畫筵

其五

調鞭徐傍夕陽亭繡籠雕弧架雁翎夾路萬人齊指處碧天遙墮海

東青

劍客行

雙丸耳畔雪花明九陌長安任意行片語樓中無處覓夜飛龍蹻入青城

遊仙詞十首

玉檢金泥柱下藏書成函谷壺徜徉流沙一望三千里逾跨青牛出大荒

其二

玄圃明霞望不窮金銀樓殿碧天中春風似識周王面昨夜蟠桃萬樹紅

其三

百辟衣冠照鼎湖軒轅臺殿夕陽孤雲間獨跨雙龍背萬頃天風墮鹿盧

其四

七步文章煥斗牛選須聊作御風遊狂揮大筆天河畔題遍瑤京十二樓

其二樓

羽蓋如雲下夕陽俱言浮海謁東皇麻姑夜摩紅虬脯指瓜偷看一尺長

其五

采石船頭月濺衣長鯨高摩絳霞飛安期一見如相識指點蓬萊萬玉妃

其六

洞裡青霞照玉盤飛星羣酒石門寒桃花五報西池發可奈峰頭局未殘

其七

標紗飛梁駕赤城漫勞司馬問初平金泥玉版長生籍同向丹臺列

其八

姓名

其九

少室峰高接絳河千秋詞客關雎賦誰言不是靈仙骨遺夜天姝出大羅

其十

海上朱明碧霧流五仙同跨五羊遊何如野客金華洞卧領羣羊十萬頭

雲龍引

芒碭秋空映蕭袍龍光雲氣與天高五湖何處無明月斫竹南山坐釣鰲

後采蓮曲

畫肪青絲蕩綠油羅裙玉腕坐中流生來箇箇元同蒂若箇芙蓉不並頭

其二

湖心濤浪拍天流湖上王孫挾彈遊一派蓮歌何處起大堤齊控紫騮驕

明妃曲

日斷長安漢使來五雲何處是蓬萊龍沙月色三千里獨抱琵琶上紫臺

涼州詞

靜夜流雲拂畫檐微風不動水晶簾紅牙拍按瑤臺上古調初翻昔昔鹽

伊州曲

碧天如水暮雲收明月平鋪翡翠樓樓上美人三十六夜彈瑤瑟唱伊州

橫江詞二首

結束腰肢賽水神沙棠舟楫往來頻江風日暮連天起愁殺西陵破浪人

其二

浪人

楊子江頭風色狂白波如山五丈強自是吳姬慣迎客來來去去木蘭航

從軍行五首

大漠秋風吹鐵衣長城明月滿征旗捷書飛奏明光殿昨夜前軍獲

其二

九月邊頭朔氣殘賀蘭山北望長安殷勤去雁傳消息欲寄征衣趁

其三

胡天霜色暮淒淒無定河邊落日低欲問輪臺前去路黃雲白草遍

其四

吹笛關山月半痕梅花無數落轅門不知何處旄頭現一夜漁陽萬

少室山房卷十

其五

白馬將軍慣渡遼笑提金勒破天驕五千劍客當前隊盡虜名王入

北院詞八首

紫燕雙飛拂畫梁雕甍百尺隱垂楊東華門外諸年少攜手先過白

其二

西第千門簇五侯御溝春水逐人流翠鳳爛熳黃金色遙指梳妝近

其三

金水橋邊一百家家家簾幙護桃花青衣日暮濃粧出指點蕭郎白

其四

珠簾不動控銀鈎內苑春光入畫樓深夜月明絃管沸露桃花下合

梁州

其五

雙雙羅襪關凌波兩兩沙棠泛玉河日暮大堤流水急迴棹齊唱采

其六

別開金屋倚岩巖白玉河邊第二橋夾岸紫驄三十騎花時齊過董

其七

綺陌東頭接上陽娉婷年少舞霓裳怪來香閣時常閉盡日濃粧對

其八

靈濟宮前翠幙懸平康門巷百花連西園公子攜賓過十六青娥舞

南院詞八首

少室山房卷十

浮雲樓觀接蓬萊五岳三山大內開昨夜春風城外過千花齊發鳳

鳳臺

其二

公子連翩挾彈遊垂楊偏拂紫驄長千巷裡三千隊若箇新粧是

其三

紫燕銜泥度夕陽雙飛南陌認雕梁高門不用尋王謝盧女新開白

其四

歡作沈香儂博山雙烟一氣紫霞間千門柳色啼鴉暮自喚情人月

其五

桃葉年方十五強春波搖蕩木蘭航不知何事歸來晚狂殺王家白

面郎

其六

萬戶千門玉作臺春風何地不徘徊烏衣巷口紅粧亞一路歌聲闌草回

其七

垂楊千樹拂紅塵壓酒吳姬動絳唇日暮狂風連袂起飛花愁殺渡江人

其八

城下春江抱石頭秣陵南下是瓜洲相邀女伴尋春去共擲金錢賽蔣侯

燕京四時詞四首

帝闕皇居北斗間春風長繞玉門關東郊昨夜桃花發一樹先開萬

歲山

其二

沈李浮瓜燕玉臺冰山雪谷倚蓬萊珠簾百尺重重下不放人間赤

日來

其三

千葉從風盡報秋長門團扇迥添愁玉河橋畔東流水幾處題紅出御溝

其四

玉宇吹花度栢梁千門飛雪夜茫茫銀笙暗炙紅爐畔一曲陽春漏正長

長門怨四首

羅幌飛螢玉露溥珠簾不捲坐更闌昭陽月色渾無賴才到長門特地寒

其二

鎖閉葳蕤絕履綦宮花猶發萬年枝沈香亭北無窮恨盡在闌干獨倚時

其三

風吹喧傳隔彩霞龍旂搖曳暮雲斜預知行幸平陽宅不用庭前望翠華

其四

金屋粧成盡日閒十年紅粉誤朱顏腰肢漫自誇纖細管領華清是玉環

青樓曲八首

十里秦樓近灞橋簫聲何處起岩峯珠簾百尺東風裡雙鳳聯翩逐翠翹

其二

粉面三千照玉臺期門南去是蓬萊金鞭暮過張公子一騎潛呼萬乘來

其三

兩槳頻催過石城沙棠搖曳畫船明莫愁湖上千株柳腸斷王孫作隊行

少室山房卷十

其四

一樹含桃鎖曲房金籠鸚鵡喚斜陽霍家娘子新粧罷擁髻來迎李十郎

其五

蘇小粧樓隔畫橋湧金門外半蘭橈相攜女伴巫山去昨夜錢塘正上潮

其六

指點平康宿暮鴉妝臺紅粉簇明霞曲江筵上諸先輩躍馬爭尋阿獨家

其七

二八青衣衫袖懸相逢如夢畫堂前無端錦瑟撩春思歷亂東風五十絃

其八

銀牀梧葉墮高秋良夜吹簫憶舊遊二十四橋天似水畫船乘月下

揚州

少室山房卷十

九

少室山房類集卷十

五言古詩五十四首

擬古十九首 有序

不佞垂髫談藝即耽嗜東西二京憶操翰之初賦詩送人之
 白下起句云悲風號枯桑吹墮林上月客子將遠行驛車中
 夜發一時名流驟加賞嘆以歷塊期之弱冠從家大人入長
 安社中酬唱大都五七言律亡暇古風比歲曠居始克以佔
 俾餘工稍稍從事嘗擬作古十九首東裝北上染指輒休乍
 過冀江請益王長公長公拳拳進余努力茲道適長夏閉關
 因檢拾舊草點綴聯絡竟成此章并士衡所擬蘭若生春陽
 為二十首古詩絕唱世以為白雲隱者不當擬議適昔人每
 云取法乎上僅得其中則自三百篇而下當法孰先國朝仲
 默于麟咸有斯作兩家得失集中具見余之擬此聊為異時

少室山房卷十一

印証之自若曰優孟抵掌非余所能知矣

嚴霜結重陰歲序忽已暮念子當遠遊抗手即行路路行常苦遠客
 歸寄苦晚浮雲蔽關塞白日不可挽昔為婚與姻今為胡與秦落葉
 隨飄風飛鴻辭故羣君心豈難保妾願匪長好登高望平原四顧盡
 衰草相思無朝夕沈憂令人老願為雙車輪隨君萬里道

其二

鬱鬱城東門盈盈桃與李抽條仲春月穠豔若羅綺軒車競采掇日
 暮未言止如何秋風生搖落自茲始寄語青樓倡盛顏難久恃

其三

清晨策駑馬整轡南山隅遙望長安城飛觀百尺餘峩峩青雲端甲
 第羅長衢華鑣若流水軒蓋何威軒各聘要路津盈盈道中趨人生
 若飛蒼奄忽隨丘墟盛衰各有極貴賤同斯須何如命我友斗酒鳴
 笙竿逍遙放情志卒歲聊自娛

其四

令節懷嘉賓親友四面會軒車若雲屯高談盡冠蓋旨酒羅長筵新
 聲動瓊瑤秦箏響未畢楚袖盈庭內同心競酬酢羽觴互更代各言
 行樂殊少壯不相待勞生狗榮華日月忽已邁千秋萬世盡賢聖亦
 焉在

其五

綺樓亘中天窈窕百餘尺飛甍架複道藻井縱橫出上有雙蛾眉容
 華世無匹臨風發皓齒當戶理瑤瑟新聲入雲漢四座咸動色行人
 競傾聽日暮不遑息但覩來者懽誰明居者臆盛年處空閨中夜起
 悽惻

其六

采采薝蔔花美人隔江止寒裳涉其波舟楫誰為理迴風動羅裳日
 暮聊徙倚安得雙鸞駕銜致篋中綺

其七

客遊異鄉縣終歲懷苦辛憂思起長夜展轉不得晨舉頭望河漢悵
 彼參與辰曩昔同盟友金石偕交親飛飛振六翮棄我若途人我欲
 東歸洛日暮河無津徘徊入房中涕淚沾衣巾

其八

彼美東隣子習禮明書詩十五登君堂新婚諧結褵願為雙飛鴻百
 歲不相離風波起中路忽去天一涯不惜去日遠但恐懽愛移黃塵
 蔽關塞會合無前期願君策高足努力趨明時生當聚華堂死當長
 別離

其九

灼灼芳樹枝敷榮一何早綠條被繁英初日何杲杲感此芳春時采
 掇寄遠道馨香不終夕零落隨百草盛年處空閨顏色為誰好

其十

嚴霜瘁百草節序忽復易嗷嗷雙飛雁雲中各自適念我同人素
 處異南北披衣望天宇眾星何歷歷牽牛隔河梁織女限東壁徬徨
 間一水欲往步難即同心復異地何異不相識

其十一

清晨出大梁遙瞻北却道野火燒平田日楊半枯稿人生寄宇宙忽若原上草去日常苦多來日常苦少少者日以壯壯者日趨老幻軀無百年富貴何足保思為魯中聖萬世同壽考

其十二

高城跨東南大道夷且直青樓間綺疏曠曠照初日五陵俠少年結東事遊雁白馬飾銀鞍連翩度阡陌美人遙目成相對理瑤瑟十千輕一笑百萬當一擲為樂願及晨為懽願及夕紅顏匪百歲何由保金石

其十三

迴車壩原上白日忽將暮石門高崔嵬悲風起長路借問何人阡無乃前朝墓人生寄一世奄忽迅朝露荒哉秦漢主尋仙起遐慕弱水不可援三山竟焉度玉碗出人間徒為赤松誤傷彼泉下人嚼焉策蹇步吹竽宴華堂娛樂從所務飄飄極心志千載為且暮

少室山房卷一

三

其十四

驅車越長道遠歸故里閭小小客咸陽今來廿載餘親知半凋落塚墓留村墟松栢儼成行狐兔交路衢門巷寂無人誰為問鄰居停車再嘆息日暮長欲吁客行盡九州不如守做廬

其十五

浮生若飛蓬奇迹宇宙問萬物皆有盡胡為長苦顏旨酒列高臺嘉賓共盤桓夜闌當秉燭日冥當沈酣人生無百年譬彼東逝川生者不慙歎死者寧復還

其十六

昭昭三五夕皎月流素光徘徊入高樓照我羅衣裳攬衣坐嘆息起步仍傍徨良人懷遠遊九載客他鄉空閨知歲暮獨處知夜長嗷嗷雲中雁隨風忽南翔安能假羽翼萬里來君傍

其十七

凜凜北風至霜雪霽前除惜哉征人婦歲久恆寡娛夙昔奉衾禡矢

志誓不渝如何棄我去悠悠長路隔思君隔天未遑如素與越歡愛寧復論鉛華為君絕君懷如明月妾心如冰雪君懷有圓缺妾心徒皎潔

其十八

清晨啟重關有客千里至手攜尺一書言我故人寄長跪問故人客亦無所言開緘讀素書宛若覩所歡上有金錯刀下有白玉環明月三五滿故人會當返

其十九

仲秋涼氣肅歷歷雁南度北斗倚闌干氣運淒以暮悲來撫長劍浩歌起庭戶一為遠方客永別親與故頻夜夢室家展轉忽已寤念欲還故鄉按轡遵廣路悠悠大河水一葦安可渡

其二十

亭亭孤桐樹託根嶧山岑良工琢其枝為我匣中琴膠漆相交結珍重逾南金被以朱絲絃彈以白雪吟清音順風揚四坐疇同心佳人

少室山房卷十一

四

隔天未日暮涕沾襟王長公云十九首最難言離之則虞落節前輩下加之矣唯在更別俱所不免合之則虞碎心于離亦微用為累足又擬古八首

冉冉歲云暮念君遠別離浮雲蔽原野四顧白日馳夙昔幸同衾懽愛誓不移如何百年好去我忽若遺嚴風起天未霜雪盈路歧晨起踐關山薄暮長抱饑音微日夜隔會合當何時恨無晨風翼並起東南飛

其二

高樓有思婦被服皎且妍橫琴理清曲淥水被幽蘭一彈浮雲暮再鼓流風旋哀音振林木聽者為忘餐借問何人婦感嘆停朱絃征夫越萬里一別歲載遷鉛華坐銷歇太息空嬋娟

其三

灼灼園中花盈盈道傍柳敷榮艷陽月攀折佳人手秋風一朝至容耀詎能久人生寄天地聚散何不有俛仰百歲間倏忽成老醜身名

匪金石富貴欲誰守怡我平生親獨有盈尊酒

其四

肅肅金風至大火時西流遊子異鄉縣中夜懷百憂驅車駕言邁奄
忽歲已秋登高望故里江漢何悠悠佳人在遠道欲濟無輕舟同心
日夜隔涕淚縱橫流願為南飛翼萬里行相求

其五

朝登北邙山徘徊望陵谷荒墳何曩曩狐兔自相觸白楊夾脩途黃
泉蔽層曲傷彼潛寐人年命一何速生存宇宙間行樂苦不足驅車
暮歸來鳴箏燕華屋北里揚清音南鄰薦新曲親知從我游被御執
與鼓相對各盡觴良夜更秉燭榮名耀百代轉盼同初旭亮無喬松
壽誰能傷局促

其六

青鳥從南來翩翩隨風翔口銜尺書至乃自大海傍美人三歲別沈
憂熱中腸織成機中錦拂拭爛生光下為連理枝上為雙鳳凰致之

少室山房卷十一

五

送

萬里道聊以充君牀願言勗斯義旦夕毋相忘

其七

迴風吹轉蓬倏忽行萬里遊子懷山川驅車暮不止荒郊四無人日
入斷行旅能罷向我啼僮僕為我侶南望見故鄉失路空徒倚眷彼
平生親氣結不能語

其八

東隣有美質雜珮何繽紛明眸輝朝日絕代少其倫結褵為君婦婉
孌日惜親風波起閨闈中道成荆榛君為東流水妾若西路塵東西
各相背信誓何由聞紅顏會當歇豈不懷苦辛願君企高節賤妾寧
復云

古離別二首

戚戚遠行子駕言還舊鄉脂車望關塞願逐晨風翔主人卜清夜置
酒臨高堂妙伎出閨闈纖腰移曲房當筵發皓齒四坐流芬芳迴麴
襲綺戶飛霜飄長廊良宵一何促瑤瑟無輝光征夫念明發握手起

徬徨仰視雲中雁三五各成行胡為雙飛龍羽翼多參商丈夫志萬
里會晤安可常勗哉就長路皓首期相望

其二

驅車出郭門徘徊望都邑念我平生親聚散何倉卒白露塗中達清
霜被原隰驚飈動地起黃葉無寧夕羈禽懷故林疲馬倦行役羣雁
西南翔哀音正嘹唳豈無盈尊酒執手歧路側飛觴屬華筵行子相
向立別離在須臾沈憂萬端集去去勿復論紅顏中道擲

雜詩四首

明河沒天宇白露晨為霜睠彼同心人忽去天一方倉皇挈尊酒送
子河之梁登高望四野川陸浩縱橫豈無瑤華音道遠不得將攬衣
人房戶馳念忽如傷

其二

曜靈薄暉眩光景忽已夕團魄猶未升明星爛然出寒蛩號我前蟋
蟀鳴我側涼風起庭戶樹木何蕭瑟佳人期不來延佇空歎息寧知

少室山房卷十一

六

送

三歲心為子長惻惻

其三

冉冉西馳日悠悠東逝川征夫怨長路志士惜盛年長路行當歸盛
年不再還寒暑互推移陰陽浩無端凄風起簾幙白露中夜溽美人
坐高堂投袂起長嘆

其四

窮陰亘晦朔山谷多寒風悲哉客遊子旋足如轉蓬昔行屆長夏今
來值玄冬悠悠十年內車轍窮寰中人生貴適意送役何憧憧逝將
歌考槃若穴安微躬

寓懷十二首

端居意不適策杖起行遊仙人入公侶攜我昇蓬丘冷泠隨風舉衣
袂若雲浮放歌崑崙頂下視弱水流天都信寥廓絳節聊淹留黃金
被高館白玉開層樓樂哉瑤池上一飲為千秋

其二

崇蘭處深谷綠葉凌朝陽迴風一披拂百里傳芬芳惜哉藜林下無人知國香燁燁桃李樹託根歧路傍飛花落蘭圃弄影臨華堂詎以盛衰故易此貞素常不見西山老食薇終首陽

其三

飄飄穆天子八駿乘風馳日行三萬里遠道何不之西遊見王母宴飲登蓬池千秋蟠桃實萬仞扶桑枝奇言謝塵世百代同須斯

其四

夷羿射九日共工觸不周龍伯連巨鯨伯鯨溼洪流食頃起一念乃與造化仇力窮固難繼身滅將誰尤巍巍軒轅帝問道崆峒丘唐虞守無爲四靈畢來遊

其五

亭亭孤松樹託根徂嶺高枝翳白日曲幹隔迴川女蘿蔚蒙籠風雷戾相纏豈無明堂用物性貴自然一爲匠石顧斤斧成災患何如鄧林下寂寞全

少室山房卷十一

七

其六

壺丘與天遊列禦乘風行飄飄漆園吏九萬凌高冥胡爲末世士多歧日屏營躑躅死財利夷齊狗空名寧知大道觀不異螭與螟華胥有逸民去去行相親

其七

弱齡負奇尚雅志誦墳史訪岳懷尚生浮湘慕遷史杖策遊中原邂逅二三子裘馬何翩翩招要共生死經過漸離輩感戴昭王士黃金空崔嵬所願非尺組長揖辭諸侯歸耕汶陽矣

其八

彼美傾城子艷色明朝霞寶釵耀金雀充耳珮瓊瑯相如既西席宋玉仍東家春風起羅袂琴瑟相交加但知良時樂安視白璧瑕託身一失所百歲徒咨嗟

其九

昔有夸娥子猛氣雄千兵裹裘逞逸足思欲追曜靈逡巡陽谷傍道

得不在行投身死若穴骨肉盈林壑過澆養夏室黍卓乘炎精人謀豈不殫天命俄已傾奇言雄圖者割據徒營營

其十

日余負奇好夙向在老齡禮樂觀百王詩書窮六經言乘休明會將致悔宇平如何歲年邁依依卧柴荆亮乖四方志永希千載名文章亦大業富貴寧重輕勉哉事著述三代追遺英

其十一

丹霞蔽岩谷素雪霏林臯悠悠避世士歲晏守蓬蒿箕山旣紆鬱首陽何岩巽時偕沮溺侶耦耕向南郊大屨匪安居干戈爲禍招悲哉路傍子磬折方勞勞

其十二

有鳥從東來游戲青雲中朝翔闔風館夕息瑤池宮言欲覽德輝來下雙梧桐搖搖荆棘枝鳴巢宅其葉所嗜惟腐鼠焉知彼所從竦身奮六合將返崑崙東

少室山房卷十一

八

詠史八首

清時厭秦楚扶策干承明肅肅中天宇列宿懸神京衣冠萃闔閭謁帝難羣英如何攀龍客相棄若浮萍長嘯出宛洛驅車返柴荆升高望八荒濯足臨四溟商山豈不貴畏壘豈不榮大哉魯尼父著作作垂千齡

其二

鯢魚產溟渤鬣鬣如山丘朝行發碣石暮宿崑崙陔厥身激巨浪噴沫飛洪流倏忽化大鵬九萬乘風游翼若垂天雲眾羽不敢倖一飛絕五岳再舉凌十州翩翩鸞鳩侶榆枋自相求翱翔但咫尺曷覩大化道

其三

飄飄穎中客黃屋若浮雲矯矯巖陵叟垂竿卧江濱脫屣九州長揖萬乘君素瓢入深谷舉足動星文英風振薄俗勁節凌高旻樊公信獨往周生亦離羣一朝狗微祿遺累流千春

其四

世途日紆局達士隨所遭侯生隱抱關朱亥匿鼓刀鼓刀實賤役抱關非崇察煌煌魏公子車騎來招要虛左大梁席執轡夷門郊堂中眾賓客錯愕起相嘲寧知救趙日叱咤風雲高竊符出中禁奮椎奪前牙偉哉却秦續百代稱雄豪

其五

虞卿本說客著書自窮愁馬遷下蠶室史筆垂千秋楚澤放靈均漆園餓莊周伊人一何否舉足羅愆尤文章實大業寧與富貴謀我我金張第七葉開王侯一朝隨物化榮耀同蜉蝣

其六

伯夷餓空谷務光沈清冷湯武首征誅白公狗其名嗟哉古賢達舉足羅天刑茫茫大造間遺跡若蟻蟻升高望宇宙攝衣御雲軒追隨廣成子乘化入瑤京九州一坏土何以勞我精五岳一拳石聊以棲吾形

少室山房卷十一

九

其七

荆卿卧燕邸屠狗相過從朝為太子客暮出遼城東酣歌和漸離壯士髮盡衝前登咸陽殿意氣何其雄左操督亢圖右提秦王宵劍術豈云疎天運良已窮寥寥易水上萬古悲寒風

其八

田巴辨稷下緩頰摧千人鄒生館碣石五德何積粉夸夫樂驚世小人恒共羣誰明白馬喻徒擅雕龍勤豈若魯連子笑談却秦軍成功不受賞萬乘如浮雲

澁水胡應麟明瑞著

五言古詩四十七首

入新都訪汪司馬伯玉八首

有序

余以癸未之秋識司馬汪公于武林片語定交誼逾傾蓋於
 時公即訂余把臂黃山白岳間旋以病冗待尋匍匐風塵滯
 淫湯藥忽十稔竟爽成言客歲之春公至嚴陵復申前約
 期余仲秋入新安行有日矣會聞王長公病亟踴躍走弇山
 園一問之後取餘杭陸道入歙而長公晨夕挽留余亦憊倦
 瀕發復止卧公故所居來玉樓中再閱月長公竟爾傾逝余
 抵舍則歲行蓋矣今春鄉人至自函中傳公將入弇山拉
 余同發爰特買舟西上謁公太函修社白榆之末因追隨杖
 履借過婁江念宇宙間選主文柄惟公二人而余皆濫叨國
 土存亡倏異感愴何言孤航逆流中夜不寐撫今追昔成賦

少室山房卷十二

一

入章稍次後先亡論工拙知公讀之感愴有大于不佞也

芳時忽不樂悵然思美人美人天都上宮闕何嶙峋手把搖華草遠
 奇越江濱念欲往從之弱水不可親愧無晨風翼寤寐懷苦辛

其二

軒車何皇皇東下武林驛冠蓋羅長衢嘉賓四面集伊余實驕蹇
 焉傷伏櫪一顧天開空高座傾四席眷眷忘年交惓惓在茲夕

其三

歡言奉尊酒既登君子堂不惜羅衣襦為君充下裳寧辭入宮如亭
 亭理紅粧常恐朝露晞權愛不能長中宵起房室引領情內傷

其四

嶽嶽弇山堂美人在其下脂車婁江涘聊用息余駕燁燁雙飛龍連
 城詎論價吝嗟良宴會朋舊半凋謝三星爛河漢鈞天在廣廈

其五

權日苦不足愁日苦有餘談笑未及終執手河山如兼葭阻長道渺

邈天一隅般憂見華髮歲暮空踟躕焉得搏風翻送我來枌榆

其六

百年迅朝霜奄忽越與楚鬱鬱那堪嘆瞬息已千古清邁難俟中
 夜頻起舞歧路安足論踈離熱肺腑明發戒沙裳維梢激江浦

其七

西上新安江危巖峻浮雲太函何巍巍迥與上界鄰蒼龍守重關鷓
 鴒日為羣美人坐金堂一笑情內親悲來話親故氣結不能陳

其八

往事去莫追來權倘可續金石誠匪堅富貴焉所欲平原十日飲歲
 月苦不足旨酒羅高堂新聲動絲肉令名徹天壤何事傷局促

別司馬汪公八首

有鳥巢天都自名為鳳凰文章被六翻五色何輝煌飲啄梧桐枝矯
 翼臨朝陽一鳴舉世驚清音雜琳瑯云是王者瑞千仞方高翔

其一

少室山房卷十二

二

高翔欲何為浮雲渺天末言欲攬德輝翩翩下閭闔東海有鷓鴣孤
 鳴蔽林樾羽翼苦未長天路迥難涉延頸望霄漢邈若秦與越

其三

丈夫重意氣焉論越與秦千里行相求岡陵若雲屯輕舟涉廣漢夾
 岸垂芳藻巨石何崔嵬日夜飛流奔天都在咫尺舉頭見龍門

其四

龍門造中天片刺亦何有清風惠然來長揖把余手肝膽傲欲披豐
 庖出旨酒廣樂羅前庭鈞天在戶牖一別已九春相顧驚老醜

其五

老醜詎足嗟百年迅飛霞念彼弇山堂緬邈天一涯佳人逝安適相
 望徒兼葭悵焉念長別中腸結如麻今我不為樂日月忽已遐

其六

行樂當及時百歲難為期鉛華若流水日夜東南馳夜長日苦短秉
 燭遊芳池明月出西園眾星何陸離顧視兩天孫冉冉雲中嬉

其七

嬉遊亦何常高談蔚霞爛絲竹羅前庭新聲一何艷娥娥紅粉粧妖
姬列如粲登彼帳亭峰酣飲日方晏詰朝泛浮槎遙遙上河漢

其八

河漢杳無極仙槎逝難留明發還舊疆何以寫我愁依依丈人行傾
蓋爲九州天都望成鳳八翼凌空遊誓將振弱羽歲歲行相求

東陽李茂才允達以古風六章雜詩一卷見投斗酒定交留連

浹夕答贈四首

首夏維清和朱光何燿燿眾木紛扶疎朝陽翳林薄鳥雀羅前庭飛
鳴自相樂伊余懷一丘索居卧層閣誦彼伐木章喟焉傷寂寞

其二

寂寞不可居起坐彈鳴琴清風穆然至之子貽好音自言長東郭夙
昔懷同衾丈夫重意氣焉論尺與尋飄然命余駕信宿來蘭陰

其三

蘭陰屹岌巖雙溪紆且鬱蓬蒿蔽行逕倒屣爲君出中厨呼斗酒申
盟指金石愿爲雙飛龍霄漢長比翼良哉如滬燕生平在今夕

其四

今夕復何夕燕婉難具陳三星爛東壁皎月懸高旻朱絃從風發四
坐回陽春但言戒明德努力希良辰千秋樹大業皓首以爲隣

寄李惟寅歐楨伯四首

迢迢牽牛星乃在河漢旁織女處其東脉脉徒相望鴛鴦失羽翼烏
鵲難爲梁采采芙蓉花道遠不得將

其二

遠道亦何思美人在京洛白日麗中天流雲飄阿閣煌煌五侯宅冠
帶日相索寧知囊牖士終歲長寂寞

其三

寂寞寧復陳嗟此明盛年矯矯黃鵠姿孤飛鍛其翰山川鬱以紆道
路長苦難願視雙游龍嘆息浮雲端

其四

浮雲不終朝歲月忽復易豈伊岩廊慕大業在金石緬懷同心侶沈
思無終極安得西飛鴻假我雙羽翼

寄邦相四首

涼風倏以厲日短夜苦長大火西南流蟬蟋鳴我牀徘徊起中夜攬
衣不及裳念彼仳離友投袂忽如傷

其二

弱冠京華遊衣冠九衢列鞍馬如浮雲與子獨相狎灼灼桃李花光
華自怡悅飛沈一朝異忽若吳興越

其三

與子別三載中懷日熬煎豈不念同心悵彼河與山趙璧有時合隋
珠有時還安得晨風翼送我置子前

其四

心悲亦何爲各願加餐飯子游青雲途子守藜藿賤百代同音微何
論異鄉縣黃髮會有期茲盟庶當踐

送朱水部可大入都四首

蒼龍守阿閣赤驥鳴天閑彼美承家子破服都且妍飛飛振六翮游
戲青雲端出入承明廬行者來道觀朱絃順風揚四坐靡不歡

其二

矯矯孤飛鴻明時策高步亮節難爲容浮雲起中路層陰蔽白日圓
景忽將暮轉蓬隨長風行行踐霜露驅車大河埃灑洛莽迴互

其三

玉屋一何高嶽岑蔽層雲登高望宛洛車馬如游塵萬象列毫端抽
思戾高旻仙人王子喬轉盼迹已陳三花滿懷袖寄我忽若新

其四

百里詎足棲長途復當踐帝優循良吏召對明光殿羗子與我親綈
袍長懸戀雙鳧一朝去臨風涕沾面努力崇千秋慰此金石願

別汪仲淹二首

仲淹病卧三載矣茲以余之抵新都也為我一至桃溪再至
岩市三至太函間余告歸意殊戀戀別之古詩二章

嗽嗽雲間雁飛鳴各有適翩翩水中鳧中道乖羽翼我當還故棧子
病卧蓬室明發從此辭遙遙望鄉國東顧臨大江波濤無終極

其二

大江豈不遐一葦朝可航我友一為別倏若逾三霜脚躡念子病送
我濠之梁遲遲白日暮車馬為徬徨人命匪金石睽離熱中腸長當
保玉體百歲遙相望

娟娟苧蘿女二首寄李生時秋試罷歸

娟娟苧蘿女艷色明朝霞珊珊被玉體瓊瑤相交加精疏傍阿閣高
居臨狄斜朝披越臺錦夕浣吳門紗一為白雪言清音浩無涯哀思
激雲漢行路咸咨嗟寧知中腸怨愁結紛如麻芳春倏已盡白露溥
兼葭

其二

少室山房卷十二

五
步
選
廣

娟娟苧蘿女婉婉矜弱步浣紗越溪上西施屢迴顧羅襪揚塵排
徊感行路但持雙明璫贈君比執素灼灼桃李華嘗恐瘁霜露羞為
倚門笑寧為入宮如亭亭處空閨冉冉白日暮

已卯仲秋復當計借北上以家母病不赴與諸友言別四首

荏苒歲時過蟪蛄鳴前庭大火倏西流白露中夜零公車有程期僕
夫戒我行州郡丞招邀同里相送迎蕭蕭同袍侶命駕來林壑各言
休明世努力事遐征夕當辭室家明當赴神京

其二

神京豈不遙闔閭造中天金莖夾廣陌玉陛尊羣賢幸生唐虞代况
逢強盛年徘徊高堂病一卧垂十年既無稚子娛亦寡羣從援棹旋
毋何許萬里越南嶺感此去住懷戚戚摧心顏

其三

戚戚徒爾為與文各踟躕夙昔慕巢由散髮其類隔矧茲烏鳥情能
不懷倚閭令伯惟承權王陽實迴車亦知軒蓋榮方寸寡所愉願言

青雲客矯翼升天衢君子遊岩廊小人安做廬

其四

做廬亦何有有稼復有萱旭日麗過岑清風濯林園問寢趣庭幃進
膳列芳鮮雖無振冕貴彩服歡慈顏故與塵高臺絲竹羅長筵踟躕
禽鳥聲映蔭林木繁俯仰中所欲百歲聊自全

寓懷三韻七首

泛泛海上鷗機忘意自適嗟嗟寒翁馬何失亦何得七日混沌死哀
哉倏與忽

其二

膏以明自煎香以熏自燔葆光茹其和乃可全天年魏魏廣成公千
歲空同顛

其三

西方大聖人國土名極樂萬法同虛空一塵安所著嗟嗟蠻觸民智
勇困蝸角

少室山房卷十二

六
步
選
廣

其四

向長志五岳宗炳卧一丘濟勝苟無具澄懷亦天游鳴琴一室內萬
象同蟬蛻

其五

飛蛾赴明燭狗利忘其身蒼蠅集鼻端高峻為禍因石戶有遺民古
今稱達人

其六

齊王本好瑟東郭仍濫竿與世苦柄鑿獨處恆嗟吁九州不足居何
况五畝廬

其七

世人競巧知逐逐如飛蠅并蛙亦詫海夏蟲曷語水俟彼千秋人陳
迹異代論

少室山房類藁卷十二

激水胡應麟明瑞著

五言古詩二十七首

秋日借諸同志遊金華二首

屈子歌遠遊尚平有遐慕顧謝青雲人言尋赤松路歷覽窮幽深冥探愜情素礪壑捫嶽岑林巒涉迥互崖傾黃葉積谷轉垂蘿護高峰散餘鸞峭壁屯寒霧娟娟初月昇隱隱微陽暮長誦欽昔蹤獨往懷蹇步慮由忘物超道以遺榮悟迹契容成公神交子支父徘徊北山文惻愴淮南賦睇彼丘中人迴鑣對岩戶

其二

成羊閱昔蹤化鶴神遺迹日余蹇劣姿緬企靈仙窟時維仲秋暮春糧負瓢笠落葉紛前林淒霜被長隰躡履行翠微捫蘿上層壁岩樹奔迥互雲霞屢興沒蒼蒼猿颺啼濯濯麇麇集仁聞帝鴻巢今見初平石芝田翳宿莽玉壺埋金液羽駕何飄遙人寰信超忽胡為七尺

少室山房卷十三

軀甘此百年役夫夫從吾初城東有黃石

仲夏至自京師作

人生如飛蓬倏忽異鄉縣僕夫趣我遊蕭駕向畿甸朝登太行嶺暮宿黃河岸荏苒踰修途遲徊陟層巘中林絕煙火塵沙蔽顏面浮雲翳荒壘咫尺行莫辨迤邐至幽并四顧見閭閻中天帝宅宅飛靈翼樓殿空懷稷契志未遂夔龍願辭非上林修賦豈河東擅長嘯起拂衣歸來弄柔翰寄言達生者驕人有貧賤

秋日攜尊城東大寺山作

步出東郭門騁望西山麓信足登其顛聊怡白雲日川原何逶迤城邑自相屬飛甍儼鱗次萬戶列平陸高峰下牛羊斜照散麋鹿蒼蒼澗澗流靡靡蘭皋綠列岫澄塵襟清漣媚遐矚契深浩忘言慮澹信超俗載詠衡門詩軒蓋非所欲

九日喻邦相邀司馬汪公泊諸君登高天竺屬余尙留橋李不及會以遍挿茱萸少一人挿字為韻

霜露維深秋木葉殆盡脫紛披時菊繁憔悴蘭芳歇上客懷登高羣公欣令節薄暮迴輕轆凌晨戒車轍窈窕度城闈逶迤陟岩穴遐覽窮八荒輕舉渺六合三竺凌層霄雙峰表天闕綠野名園開朱宮梵筵列白雲冒陶巒巒丹霞冠林樾浙浙涼風生隱隱微陽滅修鱗競容與平湖亦澄澈感此歲序更羽觴共怡悅妙管激清商流音迴白雪解珮俱朝賢含卮並時哲言念同袍子鴻飛渺天末醉把茱萸枝徘徊不能揮

與眾賓遊城西園亭作二首

端居侯時命日暮寡所懽眷言高憂思散步遊西園西園一何麗靡荔交崇垣飛甍帶層閣曲榭臨迴軒丹霞吐岩岫白雲冠林巒灼灼芙蓉披瀼瀼白露溥游魚躍清波好鳥鳴樹端感茲動植情悟彼節候遷百年亦瞬息金石嘯能堅念當命我友肅駕開華筵悠然遲心賞寓目雙飛翰

其二

少室山房卷十三

嘉賓既咸集徒御何輝煌逶迤度飛觀置酒臨迴塘長渠激芳流曲岸披葦篁齊瑟列前楹秦箏鳴後堂燕姬發皓齒越女呈紅妝清音振林木妙舞協宮商觥籌互交錯四座咸慨慷夜闌更秉燭離輦隨風翔明月出雲間列宿正縱橫四序忽若馳行樂安可長申章紀良晤無為歌太康

臥遊室午睡起題

東方談十洲向子懷五岳玄覽豈不遐浮踪竟安泊伊余實蹇劣稟賦孱且弱遲迴三十年強半客京洛風沙蔽顏面神明日凋落雖稱文苑聲未覩寰中樂揭來卧一丘晨昏謀研鑿下居隣莽蒼築室專恬漠軒窗不盈丈周遭藝蘭若游目惟圖書怡神匪丹牋時援白雲琴三弄對猿鶴冷洽眾山響一度林薄五鼎非我榮萬鍾亦奚樂達哉宗炳言先民有遺履

將負瓢笠入金華從赤松三子遊作別卷中

三十六洞天金華亦奇絕古昔羣真棲雲霞闔闔赤松乘紫烟

氏獻丹穴類遺懷仙靈相逼表才傑奕奕孝標生漂流寄東越長生
木經世不朽惟大業伊余後于輩東髮慕賢建道將辭垢氛尋幽入
林樾大藥倘可逢雄詞莫頌頌異日騎雙龍攜手輕六合

題陸信卿書屋二首

五岳豈不遐一丘良自適言從谷口居永憇隆中膝結構凌眉看飛
軒控奇石欽岑帶林巒窈窕羅原隰輕颺迴座隅明霞護橋隙之子
何逍遙鳴琴坐幽寂列岫披琅函遙峰映緜帙攬翠萬古心俯仰干
秋迹白馬窮妙詮青牛探真籍神遊躡高庭冥棲素王室伊余康鹿
踪羨爾煙霞癖殷勤勞夢思惻愴務晨夕何當辭世紛相對捫蘿薜
散髮播金書長歌抱瓊笈一笑塵氛空揮手凌八極

大鵬搏萬里尺鷃翔榆枋遠近各有適逍遙固其常伊人屬高騁卜
築鄰山岡四壁羅琬琰五車神琳瑯冥搜極浩渺幽探窮微芒樓心
大室間寄情八表傍丹霞入我膺白雲爲我裳馭風舉郭圃乘孤懷
穎陽豈同渭川釣恥爲吳市藏一區足吟嘯萬卷聊徜徉樂哉帷中

子歲年夏可忘

仲秋十四夜同諸子攜觴登一覽亭玩月作

秋高桂華滿夜靜蘭膏歇素影流長空寒光浸天闕孤城白露下萬
戶涼颼發置酒臨高臺長歌對佳節憶別蓬萊宮迴首三千劫蹉跎
落風塵桂苒見華髮舉杯屬婦娥乞我長生訣乘雲朝太清飛步還
紫闥自按霓裳操重翻羽衣闕愧彼塵世人徘徊望圓缺

十五夜對月獨酌有懷燕中諸君

佳期三五臨遙望挂圓璧皓魄揚清輝亭亭墮檐隙攬衣步前庭感
此長嘆息憶昔京華遊文儒盛東壁中宵齋門燕五夜甘泉集蒼龍
玉繩挂露掌金波溢借哉道路分佳人遂南北寤寐安可憑瑤華詎
能卽欲從萬里天持贈嬋娟色願言逐飛鴻隨風起雙翮

登鹿田

日暮捫蘿亭亭出危磴萬壑來松風飛雲墮樵徑行窺虎豹穴側
並猿猴進及登眾山顛始覺天宇峻會聞赤松子茲域開靈勝丹砂

信有術塵慮了可竟傷哉緱山鶴不返瑤池駿惆悵仍獨歌青香落
樂磬

家君北上半載不得問述懷

朝日照高臺清風被華池樾庭萬里外北望浮雲飛豈不念行役相
攜赴皇畿眷言高堂病藥石久告疲仰無令昆託俯靡勳弟依以茲
謝形役息意掩荆扉朝撥南窗藻夕采西山薇緬懷彈冠客惻惻常
抱饑天門九重闕王路正逶迤軒車滿京洛鞍馬如雲馳窮年叫閭
闔當道饒狐狸積薪諒難守歲暮空流離側身起長望涕淚沾人衣
寄懷司馬汪公 公與余期是歲遊金華台履諸山

天游表龍德水擊知鵬搏矯矯司馬公偉度周八埏先驅旣在馬綏
步亦揚班伊余慕哲匠邂逅自臨安千秋孰相許片諾永不寒追隨
武林驛揮袂奔山園黠黠臨別懷欲吐不得宣殷勤戒茲歲歲水仍
周旋天台訪大藥雁岩窮靈源春和屆炎夏寤寐來華軒願當脫羈
馬一杖攜名山雄章闢混沌凡礪三千年

少室山房卷十三

聞大司空朱公計志哀十二韻

匡廬摧大江天柱折南岳涕淚盈九原伊人豈重作桓桓大司空東
髮仕臺閣小心歷四朝姬旦恆惕若維苛嘉隆歲河流泛大壑臨軒
萬乘送飛馭百靈愕八荒就疆理四海安書諾晚遂尊儲典高蹈游
廣莫裴公係安危司馬耽獨樂方勤大廷詔忽跨遼東鶴衣裳躡箕
尾名姓懸海岳煌煌億萬載禹功在河洛

祝貞婦詩 有序

貞婦邑茂才祝辨妻也二十夫喪矢志弗二撫其遺孤勗以
立成迄今年七十矣厥孤大猷既東走長洲乞御史大夫陳
公傳復日夜叩余門頓首庭下曰先生幸惠一書則母氏永
以不朽余悲其意援筆爲賦茲篇

結髮奉君子懽愛兩不疑如何高堂上一旦生別離驚風蕩白日去
我忽若遺重泉逝將會念此黃口兒皎皎匪石心相舟以自持續絳
度晨昏卒歲恒抱饑總帷下重關荆棘盈柴扉冬半多烈風擦襟中

我凡願瞻雙鴛鴦比翼東南飛豈無賢雄匹再適匪所宜亮為南山
松安受雪霰欺願當畢餘命不媿死者知我聞再嘆息三嘆懷令儀
抽毫賦黃鶴萬古欽蛾眉

二酉園為陳玉叔京兆題

不佞藏書室黎惟敬題曰二酉山房而玉叔京兆園亦曰
二酉命余賦詩

吾家二酉齋斗室不盈掬何以稱茲名架上書萬軸公家二酉園大
廈蔽陵谷何以稱茲名筆底珠萬斛樓臺殿殿空起雲霧傍檐宿雕甍
挾天柱高棟擎岳麓軒窗洞庭葉戶扇雲夢竹屋簷鰲遊長川虎兕隴
平陸岸芷紛葳蕤汀蘭互芳馥主人湖海豪瀟灑酒脫塵俗開襟跨寥
廓解帶謝拘束三閭問靈均九辯追宋玉名驚孟公座夢啟傅巖卜
誓掃六合塵一榻非所欲蜚聲京兆里張趙三鼎足至尊催賜金上
相待橫玉異日休林泉賜第鏡湖曲華堂坐畫錦飽看四野綠煌煌
中令聖輝輝魏公築寧嘗卧二酉卒歲事畔讀好借胡生居日展靈

少室山房卷十三

五

魚腹攜手崑崙丘相將問周穆

大隱園為陳司理題

大隱園者陳司理出南嶺書處也在西陽
城東名流題詠甚富書來以五言古屬余

衡陽七十峰洞庭七百里儵然五畝宅結構傍江汜仄逕穿藤蘿層
軒菽桃李白雲何英英丹霞亦靡靡空翠流重檐林嵐澗澗九主人
金閨彥夙昔厭秋綺名家孟公後俠氣元龍侶高言和陽春清響激
流徵縱橫彩毫落燁燁傳聲起朝辭薊門燕夕佐越臺理騷騷遊天
閑鸞鳳出榛枳一丘亭獨樂十載曠棲止緬懷東方生大隱帝鄉邈
聊用名吾園歸夢時徒倚伊余東海民登歲羣鹿豕孤松託桂幽
夢結蘭芷側聞輞川勝佳興浩難已冉冉攜芳尊悠悠負綠綺攜我
初平石適君仲長里青鞋與布襪行邁自茲始

心遠堂為陳立父題

心遠堂在大隱園之內堂前後有栩栩齋萬綠軒等處堂則
總會一園之勝者也

陶公住人境心遠地自偏陳侯服官政結廬詎同然吾聞魯仲尼行

止非一端寸心若太虛龍蟠借媿妍華堂構空起正對衡岳顛洞庭
八百里日夜浮朱欄鯨鯢跋高浪蜃鱗遊驚濤祝融及天柱雲密紛
鈞連迴雁過層香石廩屯飛烟奇峰七十二一一羅堂前彼美堂中
客妙齡夙忘筮水壺瑩塵表玉笈開瑯函攜賓坐堂上四面羅蒼葺
鳴琴憩深樹看奕垂疎簾目送雙飛鴻迢迢極雲天心遠室從邇悠
悠浩忘言與文念朋好一訂柴桑綠殷勤沔陽約尺素馳江干吾將
負瓢笠卜築鄰青山異時陳蕃榻倘為孺子懸

送李子赴試錢塘

大梁本任俠壁立逾千尋一遇昌穀生握手為斷金申臺振高步十
載囊瑤琴中途遺君采邈焉奏遐音聲諧響必赴異代猶沈吟矧茲
百里壤而不懷同心緬余起末學努力奉詞林遐思太古上時俗非
所欽栖栖卧一壑委懷甘陸沈李生一何慧物色來蘭陰雙溪入馳
湖三洞迴登臨清言吐肝肺古色流衣襟吾寧負奇癖爾亦饒書淫
楊亭共寂寞原巷借蕭森子迹尚香漢余踪久蹄泔他時樹大業盟

少室山房卷十三

六

言倘在今

七夕

昔余遊天門白榆正飄飄濯足銀河水驚飛鳥鵲橋牽牛與織女欲
渡愁無聊相將忤上帝譴謫離青霄騎鯨向東海龍伯頻招邀舉足
屈五山投竿連六鰲狂風鼓大壑吹向西南郊青鞋曳布襪漫落不
得騎竭來三十載食粟同曹交珠璣一萬斛散亂隨塵坳狹狹難共
居倉狼如蠟毛蒼蠅變白黑鼠璞矜瓊瑤回首望閭閻雙星正岩巖
而我一何悲偃伏同鷓鴣逝將脫塵網天路長迢迢寄言夸毗子役
徒徒為勞

余既不上春官燕中遂有傳余病不起者孟效方就試院中大

慟王次公過激水為余言之余聞劇喜命酒索筆賦此寄孟

跋

漆園喻桑戶鄭圃稱楊朱豈無王者樂孰與真人居大杓播羣象品
兼盈衰區偶然值為人稟此七尺軀營營一生內十九嬰憂虞懽愛

苦不長勞悴迺有餘冠裳檻沐猴鍾鼎羅爰居三旬亮已多百年亦
奚娛風霜遍項領塵垢盈眉鬚齒髮諒非堅金石猶可掄七十二聖
君百千億庸愚參差就黃土轉盼隨丘墟安期信茫昧松子難覓覩
何如一宿覺大夢伸遠廬陶公製哀挽王孫却衣襦偉哉哲人見我
心獲所如死生固有命壽夭詎足虞戚戚兒女仁母乃曲士拘願言
勸明德今古流芳譽樂哉白雲丘萬代同斯須

夜夢裕卿惟寅覺賦此詩寄懷并呈邦相

康生秉俠烈李子弘風流塵埃因鴻鵠天廡備驛驢曰余抱微尙弱
冠羈皇州洛中富冠蓋一一俱琳球風塵片言合把臂爲千秋夜談
促瑤席春燕開雲樓飛蓬一朝散抗袂還林丘道路阻且長尺素安
可求眼底孰同聲論心惟喻侯喻侯與康李宿昔仲綢繆雅乘失天
路雌伏來山郵伊余實傾蓋契分逾白頭笑談樂新知感激懷故傳
中宵夢二子宛若平生游慙慙十載別不爲終夜留覺來但長嘆坐
失雙吳鈞迺知豪傑人聚散俱萍浮申章示同好咫尺毋悠悠

少室山房卷十三

始入州謁宣尼廟二首

猗歟大聖人樹建實高厚道苞羲農前業擅堯舜右茫茫滄海水涓
滴靡不受儼若登岱宗絕頂小宇宙於戲七雄降生民失領袖九流
競紛紜百氏互馳驟虛無駕猶龍因果鑿靈鷲駭尋天網缺疇補坤
軸漏龍飛嶽淮甸六合更造就車書煥一統譜系明授受寰區設贊
校家掖仍戶誘腥膻蕩華貊狐兔伏林岫遂令宣尼脉炳耀絕先後
偉哉成周基八百衍潢胄

其二

厥初水精帝肇迹維山東鄉閭表鳧釋胤胄延龜蒙胡爲姑蔑墟亦
有文宣宮時維趙宋末兵戈競華戎度南實孔裔大衍三衢宗精靈
動世主錫命傳豐隆沿流洎明代奕葉馳皇封創祠視曲阜地恩逮
無窮清華世世及岳降齊申崧兩宗峙南北輝赫羅章縫至今太末
里恍忽邠尼風我來謁遺像三嘆欽遐踪皇皇六莪軌萬古倅穹窿
少室山房類藁卷十三

少室山房類葉卷十四

續金華叢書

漱水胡應麟明瑞著

五言古詩二十首

秋杪遊西山二十咏

始出西直門策蹇行堤上四十里暮抵碧雲禪寺宿願上人

方丈中

塵氛翳京洛客子悲途窮芒鞋出西郊陡覺萬慮空垂楊四十里長堤跨游龍蹇驢負破帽冷然若乘風平湖漾明鏡匝岸紛芙蓉源窮見大陸平野羅千松環青障真漠積翠摩穹窿差哉眾山頂忽覩金銀宮碧雲際天出氣勢何其雄欄杆冒白日棟宇凌秋空飛泉繞重砌漱玉聲玲瓏浮花出深澗映樹明遙峯山厨積古雪石梁卧長虹始知五濁界咫尺蓬萊通吾將結茆屋一杖時過從徘徊不成夢靜夜聞微鐘

早飯罷由碧雲入香山山麓及頭俱有亭諸宮殿最古是勝園

少室山房卷十四

時遺構

仄徑緣藤蘿透迤入深谷重陰夾磴道彌望皆古木長松數百年天矯雲際躡飛泉挂峯頂蜿蜒出平陸石門森隧道孤亭峙山足四天劃然開空洞豁塵目千崖布黃金萬仞嵌蒼玉梵室緣危杉禪關蔭修竹聖果森菩提曇花吐蓓蕾琳宮是何代相傳至元築茲山蹟最古創始見身毒悠然念人代累劫如轉燭夜分息塵囂重展法華讀何日歸流沙吾家舊天竺

來青館夜分獨坐題

昏黑登上方遂抵茲軒宿遙峯過疎雨眾山若新沐晚涼憑闌坐流螢出深竹明月東方生依微隱喬木冷發孤嘯空响答巖谷山僧供伊蒲飽飯禪堂浴微鍾歇清夜星斗爛可掬終南饒白雲豈此愁幽獨

山左側小徑捫蘿入紅光寺寺僧盡出獨坐贊公房題十韻壁

問

西山四百寺金銀爛蓬島紅光據絕巔迤出千岫杪香山既窮望石磴上深杳奇峯刺天出勢欲截飛鳥憑高豁雙眸頓覺宇宙小危巖貯金粟傳億萬恣圍繞禪堂闕無人黃葉淨於掃曇花吐優鉢香氣達蘿蕙悠然悟塵世解脫何不早會當攜瓢笠一息萬緣了

將登西山絕頂昏黑法華寺廢址小憩

捫蘿上層巔石門嵌空立千巖吹烈風遺棟梲絕壁古佛頽蒼藤禪關尚雙闕我行窮登頓假此整棲息殘僧一二輩破榻置瓢笠山魃供夜談木客伴朝汲嵐光壞竈起燐火斷垣出虛牖號寒蟬陰廊走伏翼梵天亦銷歇塵世幾更易愀然發長嘯感此獨悵惻桑田復滄海浩浩無終極踟躕白日暮拂袖下昏黑

凌晨起梯鳥道抵玉巖寺望長安宮闕題

清晨饌伊蒲飽飯捫石壁天風拍兩袖樵路尚昏黑微月耿巖際殘星墮山脊明霞挂石梁漸起赤城色仰攀猿鳥巢俯瞰麋鹿窟山椒見臺殿經歲斷人迹危梯霧半陰古柯雪長積篲身上絕巔河漢僅

少室山房卷十四

二

咫尺震且隘目睫宇宙轉呼吸天門九重啟棟宇爛金碧仙姝十萬輩一一似相識胡為墮人世甘此下方請勞生四十年營營若蟻虱長謠歸去來香案玉皇側

西山絕頂縱目誦供奉呼吸通帝座及拾遺焉能辨皇州二語

臨風懸桑落十數觥沈醉愁大磐石上昏黑迺下

燕山八萬仞樓臺夾層嶂緬懷窮絕巔攬此大千狀時維九月暮決策浣塵泥蹇驢華嚴宿凌晨策孤杖捫蘿翠微亭午思挾縵石門排空入猿鳥捷下上兩崖夾霜楓輝若錦步障憑高宇宙隔涉險身世忘疊磴何岩巖遙峯漸超曠披襟豁雲霧把袂狎星象皇都但一氣帝座屹相向九點分齊州一一羅睺望頽然步空虛嗒爾齊得喪吾將御風遊乘化入無量

翠巖寺在碧雲左障蔽高崖層巖中晨為幽絕余每過必留挾

句

碧雲既鉅麗香山亦宏敞翠巖蔽層巖車馬或希往日余負奇癖一

一恣探賞羣峯障谷口彌望悉林莽拾一線入仄徑若指掌危梯
屢攀躡喬木時偃仰陰崖伏空洞陽曦入去傲俯窺地欲窮上陟天
轉朗樓臺互迴合金碧時恍恍虛簷縹緲蟄蟄森森兩繩牀敗葉
積禪室壞苔長悠悠石火身兀兀挂世網向暮聊獨險徘徊發深想
維摩菴又翠巖最幽絕處科頭獨坐萬籟澄寂殆不復知有人
聞世因與山靈約異日者畢婚嫁願攜一鉢安息此中
萬峯人聲絕羅磴恣攀陟樓臺跨深崦盡納眾山色大地紛金銀遙
天挂丹碧禪關面重壑窺窺開丈室科頭挾書坐如面達摩壁五蘊
窮真如六根斷情識將因抱華嚴住此阿閼國他年號居士說法阿
摩詰

山麓遊卧佛寺寺極宏煥金銀奪目書廊數百千尺圓大雄氏
顯化類未備詳僧寮花木彌觀幽支枕敲卧不覺日晏

珠宮萬山麓勢欲翔遙天金扉輝弘做玉棟粉鈎連飛幕映禪室古
木藏玄關奇花及靈果布列森祇園偉哉化人居傑構凌飛鷲金身

少室山房卷十四

三

丈六強證果示涅槃修廊耀丹碧粉墨流雲煙始疑張僧繇或詫吳
道元窮源邈流派一一圖真詮天魔亦俛伏外道紛纏綿感此三嘆
息臨風涕如潸猥以無涯智逐茲有盡年何當蠟雙屐西入清涼山
杳然絕人累乘化歸竺乾

出山投華嚴寺夜宿晨起遊呂公洞曩同惟敬題名老衲炊黃
梁作供意那那枕上事憮然久之

夜宿華嚴堂晨探呂公洞懸梯噴飛雪流泉伏蟠螭星流墜幽壑俯
視勢若動僧房雲作關禪宇石爲棟雷轟蒼崖裂霧壓翠巖重老衲
炊黃梁亭午具清供毋擬那那生至人人無夢

望湖亭亭午小酌空水明媚四山金碧倒浸澄波中芙蓉菡萏
流芳吐艷杳然身在六橋孤嶼間惜乏兩沙棠艇子載吳娃

十雙耳

眾山合長堤空水相映帶平湖漾明鏡秋色照眉黛中流赤欄起亭
亭列車蓋琉璃十萬頃倒浸畫簷外憑虛望寥廓心賞劇堪快菡萏

餘汀洲芙蓉匝灘瀨蛟龍伏空洞鶴鶴摩遠塞魚遊適自得鷗行
無碍美人期不至豈乏沙棠載吾將返若耶夷光久相待

玄貞觀高峙山顛孤峭突兀望之真中天積翠由飛梯左右數
百級上有石壇宏敞可坐千人

四山抱若垣蒼翠照林樾中天時棟宇大地雙闕穹階百級上左
右互森列石欄層空立瑤草粉可披平臺坐軒敞高棟表巖業振策
登翠微朝元叩丹訣玉洞精靈篇人迹往來絕階谷埋寒雲陰崖墜
古雪明河濛花際新月吐木未逝將遺世粉未謝俗士徹

三大士殿

普賢摩竭眉示迹惟西方文殊現五臺臺殿俱清涼猶與觀世音普
陀實吾鄉胡爲三大士鼎足偕茲堂吾聞維摩室方丈羅八荒須彌
珍一芥諸佛同行藏况茲三如來功德侔三光秉心佐迦文竝起懸
津梁青獅負瓊瑤白象銜珠璣千億那化身大悲沾難量區區兩瞻
洲勺水軍持將楊枝洒甘露涓滴週枯腸我來重瞻拜感嘆殊未央

少室山房卷十四

四

善財一童子百十參慈航我我兜率天不改帝釋羅胡爲掃五濁塵
土紛紛復逝將去人世謝此浮名糧他時會解脫說法酬空王

大佛寺觀釋迦文佛金像題

我我蜀城西飛觀聳百級金身五千丈照耀天北極書棟廉丹青雕
臺燭朱碧琪花燁如散瑤草粉可拾釋水清六塵雪山烟四壁廣座
陳香鏡長廊繪粉墨優鉢梵燈啟伊蒲僧供出俗染汰欲空淨因了
可覓香象來醫王天龍護帝釋茫然小宇宙一槍大雄力

者

西山寶佳麗步步金銀宮四百八十寺窮極土木功或云寡巖穴未
若天南東異哉此叢林製作倖鬼工魁然一培塿其下皆虛空十洞
列左右恍惚蓬萊峰地肺鑿委羽天憲移張公不假杖藜入無俟乘
舟通猗與造化力播弄指掌中何因遣二女劉阮追遐蹤千秋御靈
藥綠髮稱仙翁桃花閉流水絕勝丸泥封

高涼橋晚憩望新月作

入山路不迷出岫興彌遠平橋帶流水喬木數家晚湖頭雨初歇沙
際塵尚軟彩雲籠大堤新月吐層巖金銀耀荒刹珠翠競雕甍
紅蕖開靡靡綠萍欵改席臨菰蒲擣壺就葭莩吳歌起難遏越調和
仍緩把臂無求羊同懷有嵇阮歷落推雄心憑陵豁醉眼朱顏稍淪
謝白髮且在萬人生貴適志對景聊引滿

湖上荷香盛開游人如織抵暮皆入郭余獨往坐堤畔命小奚

撥阮爲吳歌

仲秋出湖陰眾芳亦未歇娟娟垂楊疏翳浮萍合紅蕖遞芳馥綠
蒲可攬結遊子飾金羈美人競羅襪笙歌夾岸起簫鼓臨流發日入
息羣鷺長語待新月

歸途過真覺寺五招提突兀雲際與帝城諸宮闕參差相望寺

中車馬旁午蓋漸近國門云

真覺依帝城參差僅十里削成五招提如薄太清起憑高盡胡越眺

少室山房卷十四

五
步
卷
慶

迥入箕尾七層際空遙千級去天咫青霞濕衣袂紫霧飄杖履羲和
馭金輪拘翼憑玉几俯身視塵閭局促類螻蟻何當八翼成昏黑猶
徒倚

謁觀世音大士禪院院在高涼橋側自漢唐下未嘗稱大士婦

人蓋宋元始譌謬王長公近作大士本紀辨析詳至余復歷

據六朝及五代諸野史小說證驗甚明後人當無詞費矣

吾聞觀世音顯化肇天竺發心救魔難千億現手目功德如丘山聖
愿肯自足遍觀閻浮界眾生苦苑獨噓阿儼一氣陽春布窮谷凡八
發善願一一遂所欲至仁形影彰明效桴鼓速遂令南瞻洲夫婦
孳育我來載瞻拜頂禮大悲足妙相呈十方天人麗冠服胡爲晚近
代姑媪謬稱祝良哉弇州氏雄辯破流俗中年窘嗣息晚境翼多福
愿言普慈施世世事身毒

少室山房類集卷十四

少室山房類集卷十五

續金華叢書

激水胡應麟明瑞著

五言古詩二十首

古意贈雲間唐子四章

飄飄雲中鴻口銜尺素書有美雲間客宛在天一隅
蘭雲振高躅青
馳曳華裾初承百里命栽花爛長衢鳴琴訟堂上素幙垂清虛冷然
念同調發篋貽雙魚贈我金錯刀投我琅玕珠感子縫綵懷殷勤繫
羅襦豈無傾城色貴此無鹽姝林風冉冉暮歲晏荒何如

其二

哲人代淪謝大雅諒難作世路日凌夷詞場巧枘鑿
目眩陽環何彼金閨彥高誼振頑薄尺書寄遠道論交慰離索風霜
粲華絨颯爽動林薄神劍貽雷張仙舟行李郭寥寥九成奏孰振鈞
天樂千人失酬和片語謝瑯琊冷金石聲三嘆起韶護

其三

少室山房卷一五

神交豈在面片諾爲生平緬彼古聖賢立談蓋自傾伊人瑚璉器光
輝耀連城寔然窮谷中晤言托同聲朱絃久摧絕爲子繞夜鳴傷哉
白日暮俟彼黃河清金石有時泐浮華安足營所希大業崇努力追
炎京百世猶比肩千載垂令名區區九州內胡懼不合并

其四

大江際天流將子一葦航飛濤如雪山日夜奔錢塘同心苦離索淚
目馳河梁豈無盈觴醪我友不共嘗兼葭被白露林葉何萎黃朱絃
感人懷怨彼離別長翩翩兩龍劍各逐晨風翔雄雌一朝合紫氣騰
巖廊許身貴許心片諾爲肝腸寄謝久要容形骸良可忘

贈吳生充二首

季重方七才子華侈八面承家得苗裔甘守蓬蒿賤世途上豪侈表
馬互矜炫伊誰振大業往往鸞筆研俯然韋布中嗒爾罷飲艷遁迹
吳山陽索居嚴陵岸千秋豈不勞樂此琴書翫

其二

一丘伴麋鹿抱膝良堪多何來念同好負笈攀藤蘿先生久避世白
眼橫庭柯乾坤莽寥廓故交逸山河玄亭不盈丈愧汝常經過矯矯
侯芭生抱饑習吟哦英詞爛金石激楚停陽阿黃鶴飛摩天壯齡日
蹉跎豈無朱絃瑟爲子迴沈疴才人例百六坎壈終如何

贈黃氏二仲詩二首

括蒼一坏土遂安萬山腹大澤生龍蛇連城孕雙玉俱操七寸管竝
鶩千里足邂逅錢塘淡刷禪紫陽驚折齒師仲淹和歌到窮谷眷言
申末契悠然味伐木

其二

孟陽誠哲昆季方亦難弟矯矯江夏黃聯飛盛明世談詩各起予琳
瑯遠公社雙鳳鳴雲中二龍語天際回首華陽宮故交日殞逝晚合
蓋自傾居然洞肝肺隋珠豈不耀愧此荷裳繫歸與葺衡杜白首期
勿替

清華館爲程生元魯題

少室山房卷十五

大鄣擅幽奇名園負東郭術節數十椽軒敞帶長薄林水何翳然空
庭散烏雀清漣媚藻荇綠波映衡若夾岸芙蓉披中流菱荷灼
白羽下撥刺紫鱗躍之子吟逍遙飲沁自斟酌沾沾御元禮疊疊獻
康樂問字開楊亭校書閉劉閣丈人習名理夙諳遊樂觀魚失濠
梁騎馬涉京索縑塵染衣袂行行悔入洛何當築土室行坐此丘壑
千秋三逕中求羊未寂寞

汪生惟德攻奕而温然長者行持卷乞言爲賦

汪生歛都彥家世本閩閩總角遊巴邛邂逅四仙列龍肝竊餘剩隨
風墮天末攜書客武林精心究圖牒休仁迨仲甫遺譜恣繙閱藏機
玉局中妙思鬼神協一屢據湖山所當幟必振九杯欲較王半道祇
輪滑紗帽挈隱囊翹然布衣俠高車長者聚短巷俗流絕半軒風雨
聲廣武戰初合奇謀騁六出廟算窮七伐斜照委綠苔殘星蔽黃葉
逡巡斧柯爛慘淡燭花滅誰云奕小道先生早跋蹶歲月贏二毛悠
悠茂弘業當今號國手方呂蔡頡頏一匡方擅齊清源偏霸汪表越

呂蔡季子孟問吾評匪僭蹤黃王及朱范少俊互騰踏荷哉盛一時
近諒難越就中孰恂恂生也最馴洽澄清叔度侶謹畏伯高埒爭先
戒貪兢殿後混驕伐遇我吳峰巔屢結丈人穢願言巧隻字千秋耀
眉睫年來謝筆研推敲廢頰舌參差宿習萌把袂若中熱爲汝聊
嚙毫端縱塗抹久矣忘成虧誰云較優劣枯棋三百六念載閉空篋
冉冉負局翁騎雲去聞聞

送林貞耀藩參之嶺南

晨殮悵不御飛龍在河梁駕言奉王命干騎巡東方材官負旌節組
練紛路傍還州震華鼓里開爛生光偉哉圖南鵬八翼順風翔把袂
卽修途行行涉炎荒豈無臨歧感執手互徬徨與子異形骸去住安
得雙丈夫志萬里六合如帷房勉哉策高足銅柱流芬芳

其二

大荒極東南山川莽迥五百羅浮峰參差雲霧關河信紆鬱人
文亦橫鶩闌連城壁吹噓兢相慕與言適遠塞甘棠夾廣路狗與

少室山房卷十五

振大雅始興竝風度落帆炎海陬拾筏曹溪渡勾漏饒丹砂行歌白
日暮絕域寧久淹金莖湛仙露萬勿飛雲巔帝閣會平步

讀林氏三世集寄貞耀參知天廸員外

峩峩晉安里王謝惟高門三朝四八座玉立輝乾坤木天何寥廓金
闈信沈淪雲煙爛東序河漢流西崑廉酬亦遲唱文采如雲屯突兀
黃金臺咫尺限帝闈川容卧朝水山火歌陸渾花晨苑彩筆雪夜攜
芳尊歡言頌遺藻典刑儼生存良哉汗青業奕葉垂雲孫

乙未秋邂逅梅生泰符把臂甚暱同觀濤江上別去未幾則聞

生病且殆俄聞生竟不起矣余再入武林檢傲篋得生手書
屢紙不勝山陽鄰笛之愴爰賦二言投宛溪之上以弔之

梅生宛陵秀負笈來錢塘嘯咏湖山間咳唾馳琳瑯一朝玉樹亭觀
我神飛揚十載胡先生姓名狎詞場慕子如渴饑戚戚紫中腸龍門
屹造天怨彼一水長班荆倏成故願得升君堂嗟余蹇且拙歷洛如
桓郎將汝縫絳懷永夕連匡牀觀濤大江涘海若爲榜徨眷眷執手

言晨風發河梁將無綺語累念子毛髮黃愿言保玉體百歲遙相望
其二
流光不相待倏忽三歲久鬱鬱上東門春風五楊柳端居感離索念
子成老醜何圖羽翼乖喪我同心友玉樹埋地中垂楊機生肘發函
見君書洒淚濕蓬牖天運阻百六詞人厄陽九勁風掃飛翬弱質復
何有傷哉大國賦默默如澗酒遺篇爛金石爲汝藏二酉于秋宛溪
上不愧郎陵叟

玉樓篇題李能茂遺墨後 有序

東陽李生能茂抱絕人之姿年未四旬而天折中道且遺文
漫軼有長吉錦囊之憾焉大塊於才胡亟裁之而亟覆之若
是豈上清白玉樓重構非隴西氏子例不使操觚帝傍耶余
际生忝一日長生謬以匠石見推余亦以得生里閭快愉甚
廼生竟落落死矣昔長吉就微杜紫薇至爲奴僕命騷之說
生幸獲長年卽亡論驅馳屈宋其力追兩都三唐而不爲王

少室山房卷十五

四

孫之誕漫可前箸決也生于當世所尸祝矣州氏外意以信
陽吳臺三數公悉易與而頗時時輒擊歷下生此其持論稍
與不佞左者自餘上下千載大都若合墳篋居常盛氣欲見
所論著垂一家言而疾病未逮今所存歌詩僅僅數卷則余
業序行諸世矣他傳記雜文既散失而書牘數十百首獨巍
然余巾笥中暇日因爲裝潢成軸時展閱之以紆憤懣秋清
木落冥坐齋頭一二友人過從談藝偶取生遺墨縱觀不覺
衰涕潏潏橫集衣袖河山宇宙纔一俛仰便作陳人悲嘆之
懷庸可復喻輒走筆三十六韻塗抹卷終生誠有知得無太
息於穹壤也

香山兒率官譙郡遮須國笙飛蛻子音樓成召長吉造物誠小兒大
塊黯無色傷哉一杯土瘞此連城壁矯矯東陽生雕龍擅嗜昔雄心
萬古挫猛氣干夫失踣厲無前修精進寡儔匹雙眸狹宇宙今古照
瞬息彈丸婆娑界十指肯浪屈猥余一日長閭閻復咫尺負笈來藤

蘿披襟坐蓬蓽長嘯金華顛大呼石羊窟操觚問真宰慘淡白虹泣
晚叩瑯琊門中郎倒屣出通家孔融後下榻陳蕃側如滬卜與代生
花贈彩筆頻闕慈氏閣屢面初祖璧善財拜未終慧可髓幾得嗚呼
大雄逝金棺拉摩詰一真返桑扈三號吊秦失白日愁西南浮雲悵
東北伯道無遺孩梁鴻有陋室弱女涕泗橫孤嫠形影隻螭蚌集荒
榛狐兔入鼓棘殞宮對棠梨織烏伴於邑何人奠麥飯有客嘆陳迹
高文汲冢殉麗句紫微緝粲爛流江河縱橫走都邑隻字迴彭殤寸
心炯得失榮華劇臭腐眼底復何惜嗟余少獲落狂名世爭誦青衫
二十載窮愁仗汝釋一朝斷交臂曠與豁曾臆聞笛時悲酸橫琴重
悽惻粲粲白玉京修文拜新職惟應大鵬輩八表獨揮斥

寄蘇君禹二首 有序

與君禹別都門倏復二載是秋余寓武林忽聞君禹仍有燕
中之役亟臨錢塘握手則先以黎明出關外矣一水盈盈
坐失良晤悵感不可言

少室山房卷十五

五 夢 選 廣

轉蓬亦有根飄飄隨長風遊子豈無家卒歲歌途窮宛宛同心人咫
尺錢塘東眷言贈芳草軒車若遊龍朝馳武林驛夕止禦兒宮八翼
排金門雙釣氣如虹而我獨何爲一室長忡忡傷彼四愁咏目送參
天鴻

其二

桂林實奇秀千峰矗雲霄丈夫桑弧志驅馬萬里遙曲江浣塵壒愚
溪滌煩囂伐鼓震五嶺舞干洽三苗昔人讀書臺突兀迴霞標黃鶴
一再舉宇宙參遊遨鴻篇勒琬琰姓字留荒要皇皇四門闢柱石昆
清朝

幔亭篇答黃文學堯衢 有序

甫中黃堯衢以千牘見投疊疊數百言陳義甚高而過情推
挹鄙人幾於昌馱之嗜比讀其所爲諸序傳樂府雜詩奔詣
兩都六代間令人應接塵暇間生年僅僅逾冠胡以一蹴至
斯堯衢雅欲得子言爲序適病中憤憤且茂漪始睹逸少筆

綜神氣頓爾疲爾愛賦五言古體二十韻稍致區區僕生不
寤寐間遊三事拜臨軍陳先生墓及握手武夷君飽啖側生
而返今日竝黃生四矣他日肩舟東下振衣長嘯于幔亭之
願堯衢得無踴躍和我也

黃生起南服攜藻自弱冠蟬噪薄隋梁龍躡秦漢大言或元封小
啄亦貞觀宛宛樂府詞珠璣燁燁瑰瑰遊閩海上獨抱延平劍九曲
浮清冷九嶷吟泮渙飛揚大江楫躡廣武戰何哉九合勛桓文謬
推贊前茹受旗鼓中權屬壇坫穆穆清風頌寄我劇三嘆嗚呼哲人
頽往事涕如霰瑯琊玄草絕豐社白榆散陽春悵誰和長夜遯難旦
灼灼傾城姝昭陽擅飛燕凌雲羽翮就澤霧文彩變大鵬遇希有八
極恥一盼將無笑鸞鳩會有嘲斥鷃俗士迷前籌達人炳遐算奇峰
三十六一一造天半爲報武夷君廣張幔亭燕

夜燈同承叔話舊仲子爾年十四於座中戲咏白石欄有霜寒
秋色淨明月挂枝頭之句余嘉其風格朗朗賦此勗之

少室山房卷十五

六 夢 選 廣

石梁獨丹壑赤城橫紫霄天台八萬丈的皪懸霞標司空毓靈秀龍
躡隨神堯華名走絕域茂實騰中朝鬱鬱庭階樹三珠粲同胞青錢
捷匪手府拾如承蠟高陽失才彥穎上慙時髦文章聚花萼薄海誇
賢豪繙余識季公把臂成人要古心出墳索逸韻馳風騷矯矯八尺
軀恥借兒女曹胸吞夢澤水氣折洪河濤雄飛遯廣漢雌伏懷窮交
皇皇潞河涘十口勤維梢空同倚長缺函谷遺緇袍吹噓及朽榦攬
挈當前茹狂歌復痛飲浩蕩窮深宵呼盧墮明月角奕流神騰情投
儼膠漆契合鈞咸韶酒酣見仲子燁若英瓊瑤翩翩慕周孔卓犖譚
伊臯孤芳滌塵膩五字驅炎暑靈光詫授簡鸚鵡憐揮毫揚收劣加
歲子安正垂髫伊余越四十蘭玉殊凋蕭對此重嘆息中腸熱如焦
于門一何盛咄咄鍾靈苗丹山詎凡嗣渥水真奇毛勉哉事大業歲
月如風飄無窮有令聞不朽寧金貂下幃第發憤惜陰競蓬茹六經
鼓元氣百氏羅秋毫餘皇破巨浪繁弱聯雙鵬祖孫及子父奕葉馳
華鏗回首天台色東南正寥寥惟應太原望世世爭岩峩

少室山房類集卷十五

少室山房卷十五

七
卷
七

少室山房類纂卷十六

續金華叢書

漱水胡應麟明瑞著

五言古詩一十八首

戒裝武林別施蔡二生

施生赤城彥蔡子黃巖英吞吐石梁霞各著詞苑聲相逢武林道握手蓋自傾交孔兢持刺識韓互班荆念載龍門懷一日希合并空山
啄伐木求友何嚶嚶緬余朽且拙蚓竅鳴春鶯翩翩兩國士立談四座驚擊筑邀漸離脫劍遺荆卿河橋驟脂轄立馬言長行行去吳會望望投幽并屋梁夢顏色落月懸高旌念彼新知樂日夜肝腸櫻
翠筠軒十六韻為姑蔑柴生起用題

仲蔚耽蓬蒿陶公藝松菊何如三徑中儵然萬竿綠掩映王猷居蔽虧張馬屋次砌澄情漣捎簷酒飛瀑琤琮風乍鳴葱蒨雨新沐秀色分渭川清陰散淇澳天寒白鶴下月暮文鳩宿主人挾胡牀閒把道書讀曳杖時科頭合杯或坦腹裴李咸披襟嵇阮互遊目高秋橫笛
少室山房卷十六

音五夜洞簫曲嗟余罹世網美爾軼塵俗佳人隔翠袖千里夢空谷將因挈枕簟晚歲共幽獨

題蔡雅合適軒二首

達人委元化哲士戒迷塗一枝遂鶴鶴九萬匪所圖樂志追仲長潛耀希王符軒窗僅容膝結構臨菰蒲座右橫清琴相對酒一壺客來但留酌往往高陽徒俯仰宇宙中倏若黃公壚秋色下前山我醉君但扶不見南郭生嗒然忘故吾

其二

憶昔金馬門執戟趨銅龍雄飛奮六翮天矯隨天風一朝事勢異漂轉如征蓬人生貴適意大業寧三公開軒赤城畔丹霞照籬櫳圖書不盈丈有若蓬萊宮神遊八極表目送雙飛鴻隨彼征西貴柴棘盈胸中太虛為我宅何事悲途窮

再送惟德使君挂冠還景陵

士有曠世志宏覽隘八荒燁如岐山鳳千仞常孤翔矯矯徐使君東

髮超明光高臺驂驥足絕棧逾羊腸淮圻縛獫狁旬寧助勦膚功勒琬琰大業懸旂常洪流割淮泗再起紆懷襄玄圭帝三錫薦膺交巖廊皇皇神武門振步皆康莊涼颺倏以厲悲彼菱荷裳一朝返初服挂冠出徐方父老涕泗橫躑躅盈路傍勇退乘急流永謝浮名纒咄咄邯鄲翁朝飧熟黃梁大千等夢幻綠鬢俄秋霜逝將息埃壙冲漠朝羲皇築宮寄層巖結宇臨崇岡曳杖泰山顛挂瓢潁水陽五湖笑鴟夷六合追雲將我友值明發送子臨河梁眷眷脫屣懷大覺迴滄桑高風凜百代威嘆徒徬徨偉哉扶搖翮宇宙呈圓方他時扶雞犬拔宅升微茫金莖爛雲際甘露流天閭原言酒病骨餘瀝沾枯腸

懷姑蔑柴生起用時生將謁余燕中
秦嘉掃府胥常建窘邑尉良哉達人言高才鮮貴位矯矯姑蔑墟柴生出其類青雲走牛馬白日侶蛟蚶案牘勞形神刀筆記功罪八議權親疏五刑憂情僞寧懷張杜刻敢翼蕭曹會論交企蘭荃投誠密蕭艾麗句蒐梁陳遐思聞晉魏白雪流輕揚丹霞獻明媚沾沾太玄

草捧誦若金匱嗟余素寡合念汝欲捐珮南山歌未闕北陸盟忍背時生將北上勝流實嶽崎名士本惟悴浮踪自昔然大業豈終累不見涵陽搗正平興爾銳至今鸚鵡篇永拔詞賦萃

輓宋西寧忠父
賢士悲龍蛇才人困百六嗟嗟宋子侯宛爾大夫玉夭矯珊瑚枝光輝奪魚目冲虛本天性濡下甘自牧執轡道愈尊結襪躬豈辱門庭聚四海賓客互追逐逐飛鷺不問主洗盞輒更僕悲秋坐五夜遊暑卧三伏懽言詎知疲豪舉動驚俗才高世爭妬名成帝未錄上谷無爰書中山有誘牘一青遺干城寸朽棄良木長康笑黠痴桓倫嘆韃韃萬鍾亦何加千秋會相屬煌煌白玉樓忽赴上清籙令威去遼陽莫邪閉豐獄虛堂妖鵬鳴荒塚孽狐伏河山怨離索宇宙恨幽獨白楊

方母孀節詩為厥子伯苓題
燁燁新都媛修蛾燦明璫十三字君室十五登君堂良辰一以醮中

燁燁新都媛修蛾燦明璫十三字君室十五登君堂良辰一以醮中

厨奉姑嫜眷言拂巾席皓首借匡牀風波起中路庭樹飛秋霜青銅
擲粧閣碎裂羅衣裳剖心慰夫婿截髮藏篋箱空閨撫弱息血淚橫
枯腸松關白日暮永夜啼寒蟹抱影三十季哀哀稱未亡緬懷勵高
節泚筆題篇章他時繼黃鶴萬古明天常

寶劍篇 以下古意三首
贈鄧子遠遊

司空兩龍劍紫氣何煌煌雄雌閉石匣萬古垂精光憶昔初鑄時乃
在越溪傍誰能爲此技莫耶與干將百鍊就鐔鏘千鍊成鋒芒風波
起長路出處俄參商一飛九天外八翼遊巖廊一沈九地中悲鳴和
寒蟾時命固大謬分違亦其常與子匪一身爾我安得雙

天馬咏

天馬汗血駒駢駢出遼中一鳴伯樂顧載鳴冀北空何來市駿者相
值華陽宮黃金百萬鎰玉勒馳青驄飛行歷九陌疇不憐追風悲哉
照夜足躑躅太行東豈無烈士鷹歲年倏成翁徒令所養卒執策唯
龍鍾

少室山房卷十六

豫章行

亭亭孤生木厥惟豫章材蒼龍蟄巖穴鱗甲纏莓苔一朝魯班氏伐
至秦王臺中天懸高棟有若登蓬萊萬間礙星月九級披雲霧金銀
互文飾朽櫟庸庸堪借寧知大椿樹廣莫甘塵埋春秋八千計逍遙卧
無懷

二難雙美詩爲大參張公賦 有序載
別卷中

猗歟三百篇張仲顓孝友四姓雄金闈吳趨實材藪森森五丹桂橫
陳十郎圓惟時疫癘侵高堂阮陽九變殞滯牀第湯藥盈甬首諸昆
競扶侍昏旦遞奔走叔也尤傍徨蟻虱生帶紐露禱臨中達恍惚心
語口母算倘可延兒躬曷遑有昊天若傾聽冥冥肯其首沈疴遽霍
然衰札起蒲柳一死全吾心庸恤近與久飛騰屬少公萬卷窮二酉
大孝昭顯揚龍章煥星斗元方操實奇季方過寧偶峩峩二難列異
代同不朽

其二

二難既表吳雙美尤擅越緬懷神仙尉微官寄太末束帶見督郵甘
等絳灌列去思二十載高風柳下頡頏慶流參知振代觀人傑詩禮
聞家庭頌賦起巖穴讀書直中秘五車志漁獵升沈遞敷歷顯晦互
更涉直聲聳廟堂上考奏藩臬大旆翔三衢棠陰半姑蔑遺民泣往
躅故老頌休烈廳事垂雙松步武儼對越熙朝迷盛事名宦祠世業
至行通神明清芬播齒舌弟昆泊父子後先迥光絕令譽收一門千
古垂閭閻

飯惟寅白雪山房話舊

錯落雙龍劍寒芒凌素秋紫氣燭豐城射彼斗與牛一朝遇司空發
函佩吳鈞風雷割相如坐拆蒼精虬雄飛泚北極雌伏還南州山川
莽寥廓哀鳴互相求霜華粲中夜索處聲嗚嗚何意長安陌相逢重
夷猶一見喜且驚倒屣羅珍饈高堂把桑落歷數平生遊彈指三十
年震旦若浮漚夙昔紅顏子參差俱白頭升沈間存沒萬感盈荒坵
緬邈同心中原聚名流瑯琊失麟鳳嶺表埋黎歐突兀魯靈光寥

少室山房卷十六

四

寥見君侯頭風汝旋愈肺病余寧憂惟應委元化百齡暮優游安期
下玉鳥赤松駐瀛洲仙蹤載羽翼八極朝宸旒

惟寅以書賦馳使路河適賸人偶舉一子走筆賦答

驚塵蕩白日羸馬馳郊墟悵彼同心人緬邈百里餘舉頭雲中翮有
鳥銜尺書粲粲瑤華札開緘照衡廬慰我加飧飯問我何方居十日
寄他鄉晨飡食無魚芒鞋役疑段誰爲供高車感此長太息臨風重
踟躕翫離字宙間騎遊抱琴書朱門盛先達落落窮相如夙昔逢君
侯青馳曳華裾情親四十載膠漆垂桑榆纏綿國士念涸轍頻吹噓
豈忘木桃報再拜慚庭除中閨夜得雄旅抱偶一舒眷言骨肉友卧
起同徐于持此答芳訊聊用當瑤琬頽然定一笑爲我掀瓊瑤

題瞿令人冊爲茂才紹曾 有序

令人瞿氏丁生紹曾母也笄歲有家夫遭痼疾矢心夙夜扶
顛持危垂四十年終始惟一今紹曾長補邑弟子員矣念令
人劬勞逆境迥絕他爲人婦者持冊介從叔父文統謁余武

林曰惟先生寵施一言即華表母氏亡異余既高令人之誼
且愍紹會之惓惓請也援筆慷慨爲賦五言古二百餘言

婦惟丁生母卓行超人寰笄歲適名門婉若蕙與蘭結禰詎云久炎
氛哀相纏良人違奇疾百體紛攜殘心神忽眩暈手足時顛連懽娛
擲中道疇小虞紅顏母也執高節涕泗如流泉呼天誓同穴肯析雙
飛翰一身委床第藥物長周旋肝腸絕怨懟面目忘姪姪仰事頭白
姑類鞠黃口男家徒四壁立辟繡夜鏡前拮据度荒饑永晝懷饑寒
彼蒼鑒明德繞膝森鸛鶴矯矯汗血駒勵志遊天閑劬勞念母氏賦
咏蒐名賢我聞載嘆息踴躍操如椽偷生信爲易蹈死亮非難厄哉
斯人遇畢世懼憂忠貞心既不毀淑問仍終完夫存子亦樹晚節聊
蟬聯寧知處困懷荼毒窮當年凜凜鐵石腸興彼憫與頑哉詩頌令
哲史筆千秋傳

謁關壯繆廟作

中原邁百六漢鼎分三雄矯矯壯繆侯挺身出蒲東草茅識先主仗

少室山房卷十六

五

劍扶眞龍間關哀呂營百折明丹衷飛揚白馬戰銳氣噓長虹立取
上將頭萬夫摧折衝解圍謝曹氏絕婚詭吳儂巨浪淪七軍襄樊列
朦朧禁伴德亦虜大江血流紅威聲赫華夏傲日懸晴空陸渾巨訐
洛壺漿若雲從詎意肘腋間包藏劇羣兇蚩蚩眾狐域發奸維遜蒙
輕舟襲南郡九仞墮成功麥城困孤旅臨沮徵元戎詎云彼蒼酷况
乃炎精終昭昭玉泉宇彤纓倖層穹河山峙壯節尸祝盈寰中姓名
走婦孺位號歆兒童伊余肅遺像颯爽來英風嗟彼操與權死生細
螟蛉累巢兩國賊紫陽筆何公遐哉九朝祀元運借無窮剛腸儼對
越三級欽前蹤

觀察林公嘗感異夢於壯繆以左轄趙公之輯侯志也索題其
像爰繼此篇

漢統遼桓靈縣宇互分裂卓布首傾危操權晚猖獗矯矯中山冒風
塵締材傑猛氣雄萬鈞危途歷九折下邳阨羊腸官渡奮鼠穴生平
爲劉念俄頃報曹節大呼梟敵元于將路明滅全師鎮荆楚成名愈

騰聖孟起標盧前漢升恥濼列長驅出漢西舟航泰山歷禁伴若羊
豕德磔等螻蟻先聲震華夏壺箎道填咽高光四百基克復儼眉睫
漢賊肝膽驚吳歛夢魂攝外交託姻媿內忌迨胡越陰謀劇魁魁徂
伺銳鑿養艘藏藏戈矛烽屯虜間謀侯也天日哀迄墮羣小笑崢嶸
兩巖郡望風授克孽遂令蓋世功彈指恨蹉跎人謀詎全疏天命良
永絕焚焚陰陵道泥塗陷車轍獸心溺芳仁蘆尾掉封達傷哉父與
子致命洒腔血世運悲橫流豺狼恣吞嚙當時痛莫追異代憤難歇
旋踵蒙即戮于今遜寧活吳穹鑒忠義靈爽九夷徹岷嶓時崔嵬衡
華聳嶻嶭扼趨社里遍夢寐宸辰切皇皇香火官俛與宣聖埒旌旂
軼千乘冕服象雙闕英流慕遐軌志士頌休烈至今武安像拜瞻豎
毛髮

少室山房卷十六

六

少室山房類集卷十六

漱水胡應麟明瑞著

五言古詩二十八首

癸中三子詩有序

三子者劉參軍峻沈僕射約駱侍御賓王也孝標以流寓休
文以宦遊賓王以起義出奔他郡述三子始終無論隱侯即
劉駱二君未可以發槩者第吾邦文學三子實首倡之則癸
雖一日之過猶其湯沐矧其生于斯仕于斯沒于斯也夫休
文達矣孝標賓王則窮冠其風節矯矯咸足重癸余既為白
諸學使蘇公則復槩括其槩竝隱侯為三子之篇亦以余之
窮有相類者匪日氣味之合已也

少室山房卷十七

巖廊遂令世主忌坎壞終詞場龍蛇諒斯在鴻鶴詎可量矯矯七尺
軀恥為萬乘降胡然際俾室妖牝啼朝陽潛身嘆孤憤跋足追亡羊
太息敬通論今古為榜徨

劉困于悍室賊軀終身常者論
疑馮敬通見史余每太息云

右劉參軍孝標

仙李方二葉九廟摧妖狐剝盡生靈宇內無完膚岳岳臨海公奮
袂起狐蘆義旗舉大澤百萬當一呼虹霓切雲漢雨澤滂泥塗操我
七寸管問彼六尺孤片言味淫北一戰梟羣奴惜哉下阿戰倒甲如
摧枯奇功固罔立大義羌足扶披緇入靈隱覓句酬跣跌金鉞隱博
浪鉅軸流江湖固知藝文傑詎日器識疏一辭道王辟無忝令伯徒
至今讀遺草激懦開頑夫

駱沒後詩文散逸細雲卿蒐錄餘
剩梓之余別輯駱氏忠孝傳詳載

右駱侍御賓王

六代更廢興文士故不乏奮述驚才賢乘時見髦傑猗歎沈隱侯文

章何輝輝望遊中台違情守東越珮玉辭巖廊鳴金下閭閻沿泳
雙溪流遲徊三洞穴會圖臨春風登臺望秋月引沈旌旆俄飛揚劍
履修騰踏一代懷龍門千秋仰驥林四聲啓後流八病表先達盡剖
洪荒秘卓為菘林篋儒生互雖黃志士競銖鉞寥寥數千載風流竟
誰越豈伊腐草流塵土共漸滅

八取新習本非絕塵然
四聲之傳足俟百世

右沈僕射休文

二懷詩有序

二懷者張進士子同姜禪師德隱也一遜于仙一遜于釋固
薦紳先生所不道然唐癸中詩流自駱丞而下必次及焉即
調或卑卑固時代使然矣夫志和浮家晉上而休公駐錫川
中蓋二君亦非老于癸者豈賢者避地自昔共然將詞人多
窮迄今尙爾耶夫余亦有遠遊之思而未得其挫名之術也
故于二君咸沾沾有遐慕焉

少室山房卷十七

有唐迄元和時流尙不乏翩翩玄真子百氏恣瀛獵雅志游松喬奇
蹤軌莊列啞爾柱下言超然謝津筏富貴輕鴻毛軒冕等漸沐一辭
世主聘浮家老茗雪

右玄真子張志和

唐末縉流空休公岷然起卑卑局晚調兀兀吐玄旨冥心師楚圓苦
思叶齊已禪啓天竺詮書妙應真理片言忤大帥脫身錢塘汜一鉢游
岷峨逍遙入無始

縉流談禪盛極唐末然文彩頗
乏矣休公畫理入妙應真今傳

右禪月大師貫休

癸七賢詩有序

七賢皆癸中先達宋元以來文學士也呂太史雖一代儒宗
顧其實有不可盡泯者屈就茲列焉

於越稱上游癸實文獻域唐末何式微宋南復中闢太史雖儒宗詞
華蔚天植惜哉掩菘成端居聖門籍

右呂太史伯恭

同甫真人豪矯矯謝拘局宜為躍冶金肯作瓦全玉四上阜陵書十返紫陽履至今華川陽英氣貫岳瀆

右陳狀元同父

與正頗負奇翩翩孝皇代作吏弘風流經國紀鄉遂世尊考亭疏迄掩干城銳細行誠足矜大德豈終累

右唐刺史與正

侍講起勝國舉代推詞塲高蹤峙虞揭遺闕開宋王遂令婺女顛光焰萬丈長韓語惜哉駱劉緒緬邈空梁唐

侍講元偁宋王繼之然風雅一途猶三舍也

右黃侍講晉卿

文肅與閭閻揮毫走當代文事既淳泓儒宗亦映帶毫濡澗川埃研滌浦陽瀨一傳太史公粘天決千派

右柳文肅道傳

金華本學鼓淵頽爾爾窮潛心事大業奮志遊義皇一命詎足榮千秋在文章鴟鷂亦奚事腐鼠於鸞鳳

右吳山長立夫

元季多奇人出語必驚眾山川縱吞吐造物時欵弄魂夢遊玉樓敲推入醋癘嗟彼龍豹姿甘為鬼才用

右陳隱居君采

余邑當宋元得賢者三人皆深於經術不可以文藝盡之猶其著述班班足考鏡也作二賢詩俾毋以質掩其文焉

右二賢詩有序

濯濯香溪流汀洲雜蘭芷之子懷清芬南渡勃然起大隱弘高風真修味玄旨遺文詎必多一窺見嚆矢邑有文集自茂明始今香溪舊刻尚傳

右范隱居君茂明

吉父英雄姿夙負濟時略不受帝王知遂工賢聖學著述逾三車卧遊歷五岳至今尚典刑遺像儼丹墀

右金文安吉父

煌煌禮部公執戟隄金馬憐才若饑渴片善必揮酒餘日酬詩歌居然振大雅世無揚子雲誰為好玄者正傳著敬鄉前後錄禮部詩話等編采掇故實勤至亡此

右吳禮部正傳

文章國初越最盛越中婺最盛浦陽烏傷金華三數君子者雖風調沿襲宋元而淳龐敦大蔚然開一代先李獻吉云金華數子真絕倫非溢語也詩歌稍左次當行亦往往有足觀

者余讀四君遺集慨然其人為四韻以識余臆

猗與太史公振代見才傑百氏勤凋鏤二典恣漁獵雄章發天造大手揚帝烈至今裁士林冠世推闡閱

右宋學士景濂

忠文起草味弱冠宜王猷雄才動宸宇大節揚蠻陬肝腸凜鐵石毛髮如懸疣魏巍文士烈燁燁垂千秋

右王忠文子充

奕奕空同生名家出華右雕龍擅制作繡虎威百獸才啓北地先裔屬穎瀆後遂令赤松頂峨眉鬱同秀平仲穎瀆四世孫亦號空同子在獻吉前

右蘇內翰平仲

才賢萃吾婺仲子維吾宗雙溪濯荷杜三洞捫芙蓉霜蹄躡百里天門限九重寥寥信安集一鸞窺良工仲申所傳信安集甚家寥讀者不無遺恨云

右胡教授仲申

宋王二雋篇有序

宋文獻有子曰璫王忠文有子曰紳各以少穎知名璫書法為國朝第一惜天折中道而紳以孝行蔚然光紹先人皆匪可文菘一端盡者并識數語為二雋之篇

浦陽既龍躍華川亦鶩起有雛必九苞為駒日千里飛翰酒玉樓重

蘭歷金齒太息承家風寥寥墜蘭芷仲申書絕少詩僅數篇正氏繼志集亦罕傳者

右宋舍人仲珩王博士仲籍

存沒篇四首 有序

粵黎梁歐三子洎吾鄉子與方伯皆余忘年交也都門一別
梁徐相繼下世僅黎歐存爰敘四子為存沒之篇

黎公產嶺表宛若荆山璞沉酒借步兵滑稽類方朔一官寄長安十
載臥玄閣悠然太古民相對忘寥廓

右黎秘書惟敬

嘉隆振雅道徐君實天縱翺翔五子間輝如九霄鳳維昔平原館如
泥為余頌倏為岱岳游能無山陽慟

右徐方伯子與

輝輝歐楨伯人倫挺奇適宦遊三十年囊惟一種在大隱留金甯還
慘寄塵外把臂慚後時論心迺前代

右歐博士楨伯

太息平生交梁鴻遂長夜憶昔長安遊屢命千里駕遺家鄰要難脩
文佐卜夏羅浮四百峰望爾涕交下

少室山房卷十七

五

右梁內史思伯

寄吳門四子詩 有序

王承父屢訂余入訪烏鎮至則葭茫茫然無復問津處過金
閭適周公瑕與客遊天池泊崑山覓王世周寓裏江覓曹子

念皆出謁所知矣遂各為一章寄焉

公瑕布衣俠夙習游鍾王珠璣耀千裔琬琰被八荒詩篇匪細事一
一追三唐希聲豈諧俗太息雲門章

右周文學公瑕

東吳菰蘆中乃有如此人形骸若象罔富貴輕浮雲含毫役萬彙混
迹游風塵笑我何太拙白首攻玄文

右王山人承父

曹生滑稽雄自稱子建後髮髯河朔豪翰墨江左秀康伯惟令甥楊
惲實賢舅為憶兩瑯琊哀涕泣清畫

右曹山人子念

菽土工浮儂未俗寡淳質自與王郎遊恍入華胥國錦里餘角巾臨
邛有立壁一誦次公言千秋白虹泣

右王茂才世周

少室山房卷十七

六

少室山房類集卷十七

少室山房類集卷十八

續金華叢書

澗水胡應麟明瑞著

五言古詩十九首

六公篇 有序

六公者高太史季迪李觀察獻吉何觀察仲默徐博士昌穀高參知子業李廉訪于鱗也其三洛下其二江左其一濟南總之上距

國初下迄弘靖詩家者流正宗巨擘盡矣余束髮席蔭諸君子讀其遺集恨不獲一當其人是秋舟過吳門欲入訪季迪昌穀故居而州民遂無識者蓋頽沒榛莽久矣嗟夫彼其盛名期期懸諸日月世代非遠河山邈如由後視今維今視昔俯仰宇宙能無悵然爰竝李何四子為六公之篇後之同志或將有感于斯咏云爾

少室山房卷十八

一 詩 選 廣

紆歌明堂遂令十葉後率士歸吳閭謂嘉隆間也

右高太史季迪

河洛鍾人龍圖書倏輝映文起八代表詩還四始盛坎壞雖當時靈光獨晚境突兀空同顛猶懷廣成問獻吉年視何徐輩獨高一時並起薛鄭熊高等皆無年云

右李觀察獻吉

嵩岳降英靈生申維仲默威風搏紫霄祥雲捧丹日得歲劣陳思齊年過王勃今古三少成惜哉同六極嘗謂古今早慧而能大成者三君居最久不壽略同

右何觀察仲默

斯人江左秀朗若披雲岑清風振玉珮白雪鳴瑤琴應劉失前步陸謝無遺音太息談秋錄良工誠苦心

右徐博士昌穀

何時中原願盼失後輩高生稍晚出如澗倏興代清廟列尊彝中天落空翠叱嗟有盡年驟與飄風會

右高參知子業

嘉隆建大業濟南實前茹含毫有八極登翼無九霄遐心自皇古傲骨寧中朝至今峨眉雪千仞留孤標

右李廉訪于鱗

五君咏 有序

丙戌歲王長公作重紀五子篇今復逝其二矣參以余所知歐趙兩公為五君咏兩公亦司寇舊稱五子之二也

桓桓司馬公文武實天授大筆據雲雷穹碑揭宇宙橫飛北地前獨步龔山後偉哉詞人場百代歸領袖

右汪司馬伯玉

明卿起南服束髮嫻聲詩一麾守嶺海三黜行羅施飛書問供奉鍊句追拾遺誰能竭大海盡出珊瑚枝吳官夜郎嘗有詩懷李供奉

右吳參知明卿

張公江海客卯角遊天朝霜蹄躡千里風翮博九霄彩毫建安席赤幘開元標遇我華陽館片諾成久要

少室山房卷十八

二 詩 選 廣

右歐水部楨伯 後

嶺南維歐君傲若飲醇酒拙宦三十年工詩五千首黑髮遊中原白頭卧林藪惆悵蘭陰臺落日共揮手

右張中丞助父 前

矯矯趙司成風槩自天植曾腹羅星辰肺肝秉鐵石輪理御史亭座右司寇席蔚為文士光寧彼九鼎力

右趙太史汝師

八哀詩 有序

八哀皆當世鉅公名流也昔杜陵咏八哀以李北海蘇司業之文學張相國嚴鄭公之政事李司空李大尉之勛勞李汝陽鄭司戶之才藝為次蓋通舉當代之烜赫者不必受知也若

國朝名臣輩出嘉隆之際倍徒開元文學則有瑯琊二王公政事則有若萬安朱公建寧滕公勳勞則有若銅梁張公定

遠成公材藝則有若茂苑文公嶺表黎公不必日通舉一代
揆厥攸造視少陵所稱述無弗逮者或遠過焉有之余生也
賤且年地懸絕諸公願竝當伯樂之盼即交有淺深受知一
也爰效杜體爲八哀之篇其文辭則嗟乎昔人後矣

大司寇東吳王公世貞

洪荒忽中闢宇宙鍾人豪問氣五百年一旦開皇朝天挺瑯琊公河
漢騎斗杓題詩惱玉帝謫籍遊塵翳肝腸錯錦繡咳唾垂蘭若胸吞
太湖水筆湧那溪濤九歲咏鳳凰十齡題寶刀十三作文賦十九搏
青香高才聚東井散秩同西曹廣心出皇古奮臂追前疇嗚呼薊門
事大纛摧鳴臬倉皇別上國惕息還蓬蒿歸來臥窮巷創迹甘漁樵
雄文鑿混沌大樂鳴英韶東瀛極滄海南紀逾銅標北冥巨沙漠西
域窮荒要八埏走瓊玖九域飛瓊瑤千金買隻字百鎰酬揮毫瑰辭
匹墳典麗句駢風騷多聞失劉向捷給凌枚皇帝心亦簡在日夜馳
干旄東山乍一出被髮仍由巢竺乾叩真詮漆園明逍遙香雲拂几

少室山房卷十八

三

席甘露流天瓢金棺下蘭闥玉樹埋山均中華折天柱下界聞鸞簫
雙虬去廣漠八駿升岩堯玄丘見王母白雲和長謠乾坤失盟主海
岳頽高標安得跨大鵬萬里隨神騰

太常東吳王公世懋

清河維哲昆穎川實難弟大常何英英二十誇謁帝傳聲走上國
唾手拾巍第居然棣花萼燁堃芙蓉蒂翻翻擅綺藻韶瑩絕塵泥皎
月懸春空朝霞豁晴霽朗明屋百間虛舟了無繫振珮遊春曹詩篇
駁名世標新見玄理汰俗起凡例縱橫信陽箴磊落濟南契憐才貫
金石握手忘茶蕪伊余實庸鶩公也口不啻挖揚互古今寄託深禰
禘太息身後名孤憤千載計神遊貫八極江海窮鼓柁飛泉漱三疊
大澤浮九滌徘徊華峰蓮厭厭闕嶺荔一紆太常綬清齋問真諦紫
府緡丹經絳宮侯飛屨洪崖拍右肩金母拜左髻雲軒下五濁笙鶴
遽迢遞龍蛇發丹竈雞犬入霞際虛疑老成喪坐惜典刑逝三嘆杜
陵詩高才日凌替

大司空江右朱公衡

猗與大司空突兀起江右燁如匡廬顛羅列千萬岫弱冠登巖廊老
宿推領袖功名迄自致建樹必高厚歷敷百二紀盤錯靡不就嘉
皇四十禩八荒慶在宥河流倏奔突淮泗若懸壺生靈困魚鱉巢窟
雜猿狖大庭推司空僉曰惟夏后一麾出飛雲百神互馳驟鐵鎖纏
支祈金書勒史籍大澤疏洪濤長堤障滄寶三時督工匠百里竝延
表留城距濟谷一一置封埃白馬枕宣房玄圭錫華胄平成在天地
吐納借宇宙擇言到芻蕘采納及蕪陋垂髫詭國士煦燠若懷袖深
知大海量消滴務兼受緬懷西山芝愿紀南極壽胡爲跨鶴羽羣真
畢相候褒榮巨泉壤雨泣遍耆舊尙憶驅龍蛇至今貢橘柚明明大
禹德復覓絕前後

御史中丞閩中滕公伯輪

維三十六峰秀甲東南服篤生大中丞如海王百谷夙偕武夷君竝
主赤城鍊沈瀛殮七臺明霞卧九曲一朝念黎元曳杖下雲陸孩提

少室山房卷十八

四

見異質儀羽何郁郁虎頭燕領姿萬里飛食肉龍泉太阿鐔見者詎
敢觸意氣千層霄襟次苞岳瀆皇王及帝霸一一悟正鵠居隣紫陽
宅先覺竊自淑剛嚴繼子厚方雅表正叔三十登熙朝歷塊徵驥
驟嶺海行花封羅浮翫朝旭含香入銓省造請絕直牘富門忌蘭茝
故里藝松菊明主念舊勳飛詔起林麓竭來柄文衡越士罄程督
樓船汎滄海藍筍歷天日浩蕩窺人文豪英聽約束夜課三千徒朝
薦十六族泰山納寸壤渤澥收一掬伊余實鶩蹇鹽車困馳逐顧盼
超躡黃立貢千里足世輕圓合金公擬十和玉提攜洞底裡濯近吐
肝腹峩峩翠虛亭清燕幾迴矚禮數捐苛煩杯筯絕邊幅潢池忽中
擾帝命馳大纛強弩橫錢塘朱旂鎮三竺威嚴控豪右字郵逮樵
牧閭閻絕冠警倉版發餘粟遂令全越氓比戶蔭膏沐仰父仍俯子
左袞更右粥鑿鑿元戎疏宰司罄采錄方酬大賢績永顯儒効速胡
爲跨青鸞倏爾識妖鵬劇知勳庸盛翻訝日月促譬彼南陽龍盡瘁
事興復一朝殞大星精爽尙肅肅緬懷閭中藻已拱墓傍木吞聲受

恩士血泪盡痛哭先民失懿範遺統竟誰屬惟應聖門業永耀班竹

大司馬西蜀張公佳胤

張公產岷峨夙抱文武略偉哉沈深度宛若未彫璞通籍遊皇都
浩氣貫碧落出宰河陽縣解褐遊盤錯奸萌起肘腋萬眾互駭愕一
顧摧克渠勢若反掌握及乎任西曹亟關五子幕大敵逢李王奮勇
與之角遂登作者壇文譽不落莫功名浸鼎盛歲月曠著作三關樹
高牙虜膽懾沙漠嗚呼壬午事大手親揮霍潢池舞鯢鱗白日走蜃
鱷明廷塵南顧大吏咸塞縮維公奮臂出長虹濯干莫首刷閭閻
憂六街靜鳴柝淵謀秘胷腹遠智運龍螭聲色了不動從容臥帷幄
一朝令轅門羣小悉面縛纍纍九青兕一一就脯臚人懷顧復惠士
有更生樂武功既蕩平文事稍恢拓飛檄凌扶桑露布入平樂長裾
曳曹丘傲屣接東郭帝嘉定變助飛詔下京洛本兵屬運籌九塞
遵東約胡為殞長城驟失北門鑰想思澱江涘單騎訪巖壑逐我錢

少室山房卷十八

五夢 選 廣

塘郊恍忽其濛濛詫我雍然音一代忝騰覆張公手迹宛若新足
音遠寂寞矯首銅梁里大樹日蕭索

少保山東戚公繼光

嘉皇三十載薄海飛長鯨波濤蹴宇宙勢欲東南傾定遠起列校巍
然任彭黥鳴梟樹大纛束馬懸高旌轉戰日千里刁斗竟夜鳴花街
敵強寇白水熾騎兵三吳蹙徐海五嶺摧吳平初聞燧火息再觀潢
池清七閩共尸祝儼若居神明武功固日揭文藝時潛精婁江謁廷
尉蜀國游中丞翩翩左司馬金石偕全聲飛揚將壇略跌宕詞苑盟
隨車盡獵虎入幕俱豪英狂虜躡西鄙高牙馳北平雙隼絕大漠橫
槩歌長征天山十月雪一劍無留行奪彼賀蘭山築我受降城助高
薄上賞業就遺浮榮飄然策羸駟投袂辭神京參差武林驛過我如
生平恂恂見儒雅詎日曼胡纓惜哉赤松遠丹砂逸難成悲來誦雙
劍海岳迴光晶余嘗爲二公賦雙劍之篇謂汪戚也

博士長洲文公彭

江左弘風流吳中盛才傑文章固挺出翰藻彌不乏長洲一散吏勢
乃傾六合畫工啟南理書嗣京兆業餘工及篆隸一一皆卓絕新詩
亦韶潤舊典多博涉蕭然臥窮巷不減原憲依徵求或匪人絹素劃
中裂愧余生後時未及親先達京華遇伯子忘年共頡頏真行嗣父
風隸草變家闕雙鉤幻唐晉片楮貴燕粵尤工古印記珉玉浩森列
龜螭兩京後科斗三代末澹宕杯酒問真致表疏越顧我何殷勤十
指不停跋雲霞煥榴棟星斗爛筐篋龐年及上壽彭聃冀相埒倏爾
乘化終飄然返六合遺蹟儼若新天路渺難越緬懷父子風老淚墮

秘書南海黎公民表

業業羅浮巔上有瑤石臺秘書起嶺表恍若登我嵬古心亦古貌多
藝仍多材悠然葛天氏醇朴逾嬰孩青衫困一第十上仍徘徊龍門
實有策狗監嗟無媒匏瓜詎足係一命沾蓬萊拙宦三十年羽毛日
摧頹風騷炳一念壯志浩不同高歌掩陸謝麗賦酬鄒枚梁歐日倡

少室山房卷十八

六夢 選 廣

和王李時沿河餘工入翰墨落紙皆瓊瑰龍章剪葎葉鳥迹行莓苔
八分走夷貊四體據雲雷邕斯有絕詣錯鉉無兼裁緬思穆皇世京
華盛游陪杯孟洞肝腹土木餘形骸橫當賀老吟謂我青蓮才三留
激水棹十寄羅浮梅老成條凋謝涕泗橫蒿萊

少室山房類集卷十八

少室山房類集卷十九

續金華叢書

穀水胡應麟明瑞著

五言古詩五首

四知篇 有序

四知者歛汪司馬汝張中丞濠李通侯閩蘇參伯皆不佞生
 平知己之最也始余年十六遊長安遵萬安朱公賞識則惟
 寅業已上座延之中國士兩瑯琊而伯玉司馬助父中丞咸
 以傾蓋定千秋之契暮途却掃則君禹以督學踵建安滕公
 至却齒簿踐蓬蒿卑卑執問字之禮焉即余匪其人而四君
 子之知余允謂平生之最矣余既沒林莽為一蠹羣書間方
 憑藉諸先輩寵靈以自見異代而十載以還二王滕朱相率
 殞逝越三載而四君子又相率而繼之豈不佞生平知己於
 是垂盡而老泪隨風有不知其慟絕者卧病巖居永晝如歲
 詳述顛末為四知之篇於戲伯牙之絃自茲永絕而君苗筆

少室山房卷十九

研亡所用其焚如已矣

粵惟漢元封司馬兩當軸宇宙皆文章千載被芬穠明德共唐虞朝
 舉十六族襄江泊新都一網盡推轂兪州既龍奮太函亦虎伏白晝
 臨高臺狂歌擊燕筑是時西曹彥年少四五六詩篇甚張皇文事稍
 局促丈夫志萬古不朽寧棄履經天緯地業九代喪空谷英雄倏相
 遇羣起赴秦鹿上駟誰先登遺編在班竹丘墳竝典索乙夜朗披讀
 列莊孟荀韓檀左呂公穀先秦數作者鞭弭恣馳逐當其神理駭問
 顧毫穎禿穹碑峙山陵巨碣控河濱餘事拈風騷不脛走遐曠煙膏
 漲渤潑狂奴桀獯騰身上將壇號令鬼神哭追奔極窮島蛟蜃碎
 屠戮華銘勒居胥京觀自天築八翼摩丹闈上謁九州牧帝命總六
 師長城修如籟大燾巡邊疆軍吏道匍匐安危係夷夏閩楚遍戶祝
 功成戒盛滿洞霄乞微祿戲彩娛高堂孫枝競盛鞠仙人鳳與麟圖
 居各洗沐居公季孟間歲寒訂松菊製作頻廣酬絳裁遞往復交親
 劇杵白調洽迥敵祝沾沾問蘭陰笑我甘韞匱相逢武林道傾蓋洞

肝腹宛若平生懽座八屢更僕床頭出雙劍光焰凜霜鏃感公思綿
 纏囊底叩餘蓄花生七百字草墜三十幅公時奮蒼髯誇我才萬斛
 矜論開醜醜清言佐饘粥乘興過會山諸峰插平陸仙翁絕頂下執
 手道寒煥黃池挾日飲代與話濠濮巧匠無旁觀良工有預卜三人
 坐丙夜相親互以目曾參唯曷疑季路諾庸宿舍悽別英風衣袂盡
 滲漉迴瞻縹緲雲廣廈遠傾覆輕舟發嚴灘白榆訊孤獨兒童若走
 卒競指司馬屋公也聞余來傾筐倒屣篋將余入後堂明粧照羅縠
 椎牛擘黃熊與儻厭聚肉吳生歌落梅謝生辨幽菽愚陵屋如椽東
 歸記草木五噫序窮愁孤憤志幽鞠鴻章過十餘晨夕驟登錄明
 歐名子藝苑對聲譽余也百八章呻吟亦成軸河梁迄揮手泪眼暮
 斂斂寥天僅一柱靈光鎮大麓將偕石羊君吾里永辟穀胡然跨飛
 鯨倏爾殘妖鵬空觀疑地文神遊恍天祿當年讀書臺闌干長首蒼
 名已擅八荒聲猶借四服良哉副墨子百代稱郁郁惟公晚遇余盟
 契匪碌碌乾坤失遺老病骨祇盈掬舉頭拘翼宮鈞天醉秦穆山香

少室山房卷十九

舞未竟飛花墮如蹴知公究淨業不受轉輪福追隨無量壽永劫住
 西竺

右新都汪司馬伯玉七十一韻

明維嘉隆世率土皆琳瑯前前奮歷郡大樹標襄江東南竝虎視河
 洛誰鷹揚張公起汝鄧九尺鬚眉蒼蒼追風躍茲白掣電飛乘黃腰懸
 兩龍劍絕代俱干將燕臺際天起黃金臺華陽公年十八九掉臂排
 楓闥都人詫玉潤夾道觀河陽含香入建禮待漏趨明光明時甫釋
 襦吏部駟為郎青藜校中壘書載持東方一官等泡幻干劫寧存亡
 維時西曹雋六七爭騰驥分應軼兩漢授甲陵三唐張公奮臂入操
 翰如長江流星控繁羽貫月浮餘皇金膏麗若木火齊明扶桑維楊
 怯旗鼓下雉應旌旄高牙畫梁苑巨靈懸徐方晴明絳灌目誇牘如
 蟻蝗羣雄一網盡竄削盈還方鹿冠挂玄武一笑騎天狼天風拂兩
 袖被髮還山岡採波帶瀉瀉翠黛崇嵩切蘇門扣眞諦王屋求仙方
 蒼生半眼熱薦辟交巖廟丹青遍長壘無地潛庚桑驅車入函谷紫

氣流咸陽那遇次美囊難割相當曹劉倡鄴下蘇李酬河梁英詞
錯金石遺調劇風霜庚辰計羣吏振趨亦明堂伊余黑貂傲青衫
蓬憲長安一傾蓋大叫呼元長名流本第一國士元無雙潦倒南皮
社分攜劇黃梁寥寥二十載復此聆篇章嘉隆數六子吾汝成高陽
矯矯那那鉢授衣命如蠶平原十日飲異味窮膏梁燕姬及趙女寒
簞庖嘉鮪雄譚走蠻觸劇論驚蝴蝶山川墮秀色宇宙迴精光帝心
雅推轂大府開平涼飛書走北狄論檄平西羌峨峨受降壁三城夾
銀潢殊勲勒銅柱萬勿臨要荒華名既海岱鉅蹟仍疆場寧知息壤
誓不救中山創功成合身退鳥盡知弓藏人生貴適志歲月如滄桑
築宮近河渚丹青儼成行金釵七十二如花簇銀缸赤松永辟穀大
隗遙春根途逢廣成子餽藥盈筐箱時時發緘鯉詢我騎羣羊庸知
兩孽豎作劇蟠膏育寒天逝雙鳥玉樓路茫茫丹臺易遷少要秩居
文昌中原二三子振袂俱飛揚迴眸盼塵世鼯鼠跑空倉神州逐麟
鳳阿閣馳鸞鳳通都伯岳百代留青緗清冲復少達英風嗣王揚

少室山房卷十九

三夢 送 廣

新聲播瓊瑛舊業呈圭璋雜羣觀楚鶴意氣時昂昂仲看汝南族奕
奕傳芬芳

右汝南張中丞助父六十一韻

於戲戰國後永絕原嘗風五侯伯七貴執矜矜豪雄岐陽本懿戚帶
礪盟元功惟寅奮甲冑巨筆如長虹英英楚遊集弱冠推文通明霞
傳兩頰映日沈雙瞳亭亭古玉樹百尺懸蒼空騰身起宿衛 帝夢
來飛熊晨趨景陽漏夕保承明鍾餘晷賦詩高吟月騰騰前鑄逐
濟上後乘馳江東丰姿奇朗潤句格諧纖穠憐才實天性下士惟謙
冲門庭盛交際軒車沓雲鴻傾心放崇伯握髮模姬公八荒竝九域
踴躍歸樊籠涓流赴溟渤尺土依衡崧逡巡抱一藝疇不懷登龍尤
欣禮寒素率土皆吾宗華名諫遠近 帝眷彌優崇陪京借管鑰瓜
步羅躒膺江流照橫槊徹底瑩青銅長驅白門道夾路停花驄車前
八駟列一笑卑王融夜登鳳凰臺謔浪青蓮翁糟丘巨阡陌雲車盍
相從朱旗閃碣石七萃提兵鋒貔貅八十萬操戈候元戎月支奉舊

朔日本祈新封狼煙絕張掖獵犬廻居庸胡床挾僚幕羽扇搖清風
當筵盡珠履金釵錯簾櫳時邀四方客大集華陽宮纖腰舞靜婉艷
曲歌玲瓏慈恩結永夏景福逃殘冬西山四百寺寺懸詩筒賢勞
動 當宁寵渥流 宸衷助階堦師保晉接何從容三朝憲吉甫文
武攀宗工登壇兩突兀推轂雙穹窿安危係中國絕微傳精忠有如
汾陽令夷夏叨幘幪地分匣寶劔烏盡強良弓參差蕙苒一夕流
丹彤欣然釋重負長嘯還隆中青門種瓜地五色開紫茸閉關却人
累習靜眠高春食經減何仇飲量增盧仝交遊遍宇內若箇娛幽棕
維余二三子旦夕攜孤筇伊余夙遲迴北角遊新豐當塗一傾蓋拍
手呼終童名篇誦池草繡句繙江楓君能汰禮法余亦忘疏慵深盟
三十禩膠漆盤心胸河梁劇酬倡流水鳴絲桐將因畢婚嫁把袂尋
韓終云胡玉棺下冉冉移空同死生竟長訣去住殊匆匆河山雙嶺
昨九原邈難逢虛堂翳曷籍別牖扁笙鑪天池涸大澤日觀頽孤峰
千秋信陵直百代臨淮踪吞聲遍章布飲泣環草縫佳城豈白石馬
鬣泮蒼松靈虬逝天末泪目懸孤蓬倚聲遠嗣服蘭桂逾芊慈君看
白雪調奕世標芙蓉

少室山房卷十九

四夢 送 廣

白雲調奕世標芙蓉

右盱眙李太保惟寅六十八韻

七臺高刺天九淵迥浮日真氣蟠山川逢時異人出矯矯蘇君禹天
才實飛逸名宗自峨眉源委繼洵賦一目餘十行填胸半細帙弱冠
升賢書闈士歸第一講業噴京房窮經誦王弼傳聲洽萬內光焰難
具悉三呈大禮賦 彤庭授清秩西冑擅文衡前輩會六七居然躡
其後功欲收蚌鶴督學來吾方神明朗無匹紛紜簿書數推案風雨
疾吾鄉萬壽矜手自標甲乙絳帷細離黃百中副名實衰風遂一變
彬彬有文質曰余抱沈淪念載廢羸疾塵埃蔽行逕塞馬忘得失推
誠却鹵簿逕草踏芻苢逡巡越三顧獲扁忍長室衣裳劇顛倒面貌
恍親暱雄心貫今古風雅恣評騭揚馬枚曹流一一研學術燭花爛
長筵丙夜互前膝千秋覈本支八代綜作述調合饒笙鑄情投銳膠
漆君誠左太冲余愧皇甫謐河梁一倡和乾坤對蕭瑟翩翩臨海丞

仗義討兇快邦人味逆順背叛擬佛肝義激胡先生昌言鄭莊駟維
君跽英風罔待齒牙畢移文下州郡意氣迥逾盜祀典貽明神幽光
播泉窟遂令談藝士赤幟樹高密燁如開玄黃儼爾脫枯桂君行五
嶺遙余戀一丘伏美人隔蒹葭志士掩蓬蓽梁析莊惠疇爲吐奇
嶮三秦豪傑徒強半座捫虱去年閑子歸長齋事繡佛鑿度推盈虛
元包洞函吉晨興得雙鯉渾身欲狝狝舉頭望赤松羊羣政堪叱言
尋十六天幔亭訪芝朮輕紅劈霞荔重翠剖霜橘甌寧拜滕師龍門
莽岬嶽淒涼園士泪亂洒向溝洫古墓辭松楸新居問秭秋登君讀
書堂卧君玄草室淋漓金巨羅燦爛銀不律斫地借飛揚談天闢眞
率三千大千界微塵罔漏軼九十六聖君賢愚任陟黜落落雙干將
星河翳蒙密春根十日期此會豈難必造物眞小兒文章引媚嫉白
雲乘帝鄉一老竟購郵勤哭西州路風雷鼓寒栗屠龍絕朱泚窮鳥
困趙壹玉樹摧庭階神理殊慘慄惟應成池秦萬古破蟋蟀

少室山房卷十九

五

孤憤篇挽王山人叔承八百字有序

始余讀山人吳越諸遊草異之顧其人未識面也庚辰秋息
駕杜門忽聞者以曹生書來稱山人往攜一刺入長安城亡
所詣閉篋中念載矣今特持以詣足下幸毋訝其滅滅也余
亟倒屣出迓山人十日齋頭縱談風雅本支流別殿最雖黃
莫逆於心相視而笑人皆以山人不言備四時之氣余知其
滑稽玩世大於東方也既與余訂盟江上明年余入兪泊舟
垂虹間所謂十八橋者而太湖三萬頃浩渺亡際范張雞黍
竟爽成言又明年余復入兪適山人躡草屨貿貿來迺長公
病卒不起慟哭兪山之堂再信別去俄寄余手札千言情致
委篤而五言一律云千秋詞苑劇萬態筆鋒新以余綴詩藪
初成帙也後十載聞問中絕邇遣役詢諸吳門則山人墓木
拱矣余不勝悼悵爰麤述爾時邂逅顛末做青蓮送魏萬體
爲五言古八百言而輟其三韻韻亡旁出者故也詩成致二

子茨之几筵以告山人山人靈爽奕奕且擊節浩歌于大羅
之上矣

千秋布衣才往往專一壑窮年覓五字培弄觀海若唐維襄陽孟間
代推製作崑峨洞庭句元氣攝林薄五季未及元餘音噪烏鵲非無
二子天授慙磊落有明盧柝氏騷些首恢拓途遵長卿轍步躡左
徒躡幽鞠及擬招囹盛刪削詩歌遂非長風雅久寂寞茫茫鹿門
緒一綫綴寥廓王生起菰蘆名姓早飛躍弱冠遊燕齊強齡走京索
長懷濟時念雅抱經世略無媒恥白玉草莽甘落魄禹穴緡圖書堯
天弄畔鑿傲誕偕東方曼衍類南郭敢爲蘭陵論偏究漆園學神來
把觚翰六藝盡糟粕疎身出閭閻攘臂脫離落四唐入經營六代佐
伸縮大篇競飛揚短什互沈着星河畫璀璨雷雨夕噴薄混沌迷雕
鏤震旦困籠絡鏗鏘鸛鳴突矯虎兇攫名姓聚倡樓老將鎮戎幕
張公兩神物所向失盤錯太華三芙蓉秀色照廣莫懷中但一刺塵
冠鬚竹籜時無孔文舉竟爾徒入洛維時歲申酉芒鞋試行脚訪我

少室山房卷十九

六

蘭陰陌孤航載停泊披襟發長嘯搏帽吐清譎易水雙湛淪夷門兩
嗚暗結交詎同裴登仙儼偕郭平原十日餘緣尊間翠杓微誠洩中
夜萬古對斟酌明時遘何李天心寄鳴鐸人豪那那公乾坤縱揮霍
繼起維秦常詞林創新燹斯文幸未喪大雅竟誰托吾意甘沈冥君
才實磅礴無雙國士韓常勝冠軍霍鹿失餘中原龍騰絕大漠歷下
窮高華成都侈宏博勉哉曹溪鉢毋令一士謬沈吟感子意踟躕復
前却明鏡徹曉漏撩亂燭花落倉皇嵇阮契竟爽范張約垂虹亭下
浪浩淼阻越船一別俄十霜邂逅兪山閣爾衰背欲餘余瘦勝乘鶴
吞聲話故舊喪逝捷飛蓬起舞中自疑放歌久仍愕眷言懷故棲在
苒理歸橐河梁白日墮一葦迅鵬鳴伊余骨伶俜念汝神豐鏤相期
保玉體赤松問靈藥胡爲兩豎子膏肓恣燔灼虛傳段璋句竟坐杜
陵瘴生平褐衣貴不受帝王爵大鳥來滄溟神蚪去碧落百身定奚
贖九原亮難作嗟彼志與蝮腐下飽狐貉維汝賦頌聲幟表衡霍
居然布衣雄八面控繁弱修文亦地下玉樓富丘索遮須奉新盟睦

遠赴前諾緬余昔遇汝臭味恍荃葍玄宗各諷詠妙理遞酌醉濠上
廻周施江東析昉約朱絃斷流水陽春咽冥漠荒阡月三尺破冢雲
半擲參差迹已陳宛轉夢如昨夜臺覓青蓮攜手共杯勺老栢鳴鴉
鷓枯松照熠燿談天悵鄒衍擲地愴孫綽生芻愧晚暮永閉石門鑰
白楊號悲風萬疊鬪蕭索崑崙眇何處南面醉王樂

漱水胡應麟明瑞著

五言古詩四首

庚辰夏五月念之二日余三旬初度也碌碌塵土加以幽憂之疾靡克自樹俯仰今昔不勝感慨信筆抒懷六百字

浮生寄天地瞬息如風霆回首塵埃中倏已三十齡家人慶初度漿酒羅前庭寧知志士懷百憂中坐并專惟肅皇世婺女流星精休積光前夢抱送錫嘉名三冬學頗足抽翰預時英才非正平敵賦奪文考聲垂髫謁帝里弱冠棲神京散髮昭王臺萬象愁憑凌悲歌問屠狗擊筑借荆卿郭隗豈佳士樂生徒老兵登高望幽薊長嘯盧龍營風吹大漠雪亂洒胡天青盛時方罷戰絕塞無王庭徒令終童策默不得鳴蕭條對短褐激烈投長纓飛書入詞社授簡羅簪纓羣公競識面大匠遙尋盟清談墮王塵劇飲呼長鯨華陽莽空澗碣石高崢嶸千古照白日隻字懸青冥風塵一朝異聚散如流萍衣冠競祖

少室山房卷二十

道却出長安城含凄問歧路息駕還林荆袖中兩龍劍錯落埋寒星窮年臥深巷白眼橫柴荆時人不解識往往呼狂生咄嗟大運謬采藥尋仙靈翛然負瓢笠獨往事遐征絕壁聳天姥飛梁橫赤城干花鏡湖綠萬樹錢塘明金華最咫尺蘭陰窮絕徑道逢牧羊子恍忽黃初平將隨赤松去永與塵世真寧知浣紗地物色來娉婷飛揚觀前事佔俾起浮名低頭拂殘蠹眯目囊流螢雖勤伯樂顧豈投國士情匪乏鍾期知流水難爲音遲迴十年內強半居歌傾離黃逐兒輩粉黛隨優伶南宮籍初上東山意彌醒橫金亦何有拖玉非吾誠逸巡計偕歲屏迹留家庭爲園寄莽蒼鑿沼浮清冷含菽奉高堂釀秫邀同盟芳春愴庭樹雪夜懷原鶴寧乖四方志實恐壯節零遊茲懸弧始涕泪摧生平戀舊迹已往感來念逾嬰昔居少年坐今爲強者形容顏漸凋落齒髮非神明千秋竟何以百歲詎足營焚焚六尺軀皇皇五鼎榮豈無箕山穴亦有谷口扁逝將守初服畢世窮遺經鴻裁列琬琰大業垂丹青歲暮五嶽濯足凌滄溟却招兩黃鵠萬里還

憶在京洛遇鳴臯游契甚洽一別五載鳴臯既赴召玉京余亦輒軻家難偶祝生如華擲所業印正門下詩以勗之

昔余寓京華紅顏髮垂腰翩然遇祝生里閭同游遊矯如長空鶴清唳開九臯呻吟落珠貝咳唾飛瑤瑤奇情兩突兀衣被長飄飄青箱破萬卷白眼持雙螯調笑謫仙人騎鯨墮煙香悲傷杜陵叟二頃荒衝茅馬遷下蠶室相如困中梢東方枉設難子雲徒解嘲造物真小兒役我隨塵囂黃土博下愚茫茫若雌蜺南陽貴賔客什九橫金貂盜匪塞東陵高墳鬱嵯峨伯夷餓西山腐骨漚蓬蒿陶朱竊西子黃金壓波濤屈原有何罪委身餉魚蛟爲善福安厝爲惡刑安逃長當畢吾願痛飲歌離騷狂思捧北斗醉欲呼天瓢玉女令鼓瑟仙童使餽糟窮年詳司命真宰爲傲傲以茲訴上帝帝怒馳神鸞雷公擊天鼓屏翳噓風潮青天拆龍劍易水寒蕭蕭吞聲出京洛西泣沾河橋一與此生別三年隔東郊煌煌白玉樓條已升岩嶠山陽愴鄰笛玉洞聞鸞鶴歸來激川上一室藏鷓鴣谷子遍閭閻可人費招邀塵埃閉窮巷草色盈疏寮科頭誦四部赤脚繙細經蠅螟鑿止足偃鼠明迨遙皇天未悔禍家門日煎熬慈親悴霜露稚子埋山椒晨牝噪高堂孽狐瞰林巢戚戚類馮衍皇皇逾孝標人生亦何樂七尺徒煩勞逝將棄家室六合窮荒要翩然挾大鵬九萬騰扶搖嗟咨念良友宿草迷荒劫陽春慨永絕白雪空長謠懽言違之子興文自垂髫飛揚暮古昔跌宕振賢豪沾沾問奇字片語爲神交斯文久淪謝玄閣長寥寥爾志亮金石遺風未全凋抽毫述往事贈汝爲度刀勗哉丈夫子努力追前芳

少室山房卷二十

將入金華諸山述遊五十韻
昔我遊崑崙崑崙長嘯望玄圃手拍浮丘肩漫落還下土帝閭不可扣頗爲世人侮蒼茫五龍躡且夕無所伍飄風從東來吹我向齊魯徘徊岱宗側萬象劃爭吐遙空勢崔嵬大塊色消沮幽燕各羅列梁宋但仰俯龜蒙與鳧釋培塿不得數昏黑留天門海日正可親白雲封中

出片片墮梁父晨窺金銀闕玉珮遍廊廡警蹕懷祖龍鑿與憶漢武
調笑七十君空名竟何補荒碑亦磨滅遺跡半塵土翹首徂徠松亭
亭尙堪撫恍惚秦時官蒼然大夫五何來安期生相對形貌古攜我
登雲車縱橫壁麟脯掀髯但一笑東瀛復斥鹵却下丈人峰行行至
南楚鼓棹潯陽流吹簫洞庭浦三湘百七澤茫茫散樓檣放歌答魚
龍懷才弔鸚鵡初聞黃鶴遊忽覩馮夷舞九疑何芊綿離立向平楚
宛轉雙蛾眉慟哭摧肺腑萬古蒼梧雲不散黃陵許緬思向衡岳改
轍望嚴戶畏足捫欽岑決策窮齟齬絕壁棲鸞鳳層巒攫虬虎石留
媯皇煉崖齡巨靈斧嗟峨大禹禍窈窕祝融府千峰既騰擲眾壑亦
旁午舉頭觸支機側身見河鼓海月明冠簪天星拂棊組竭來歸東
臯屏迹借瀨沮薛荔交巖房蓬蒿翳環堵灌園事於陵飯牛御五穀
短褐歲載陰長鏡日卓午感激何時平形骸亦良苦咫尺金華山洞
天列吾婺霞氣連赤城霜華拂天姥石室函金書丹臺秘鴻譜瑤草
紛可餐青精膾堪咀壯哉神秀區逃矣靈仙塢翩然羽羣生白晝還

柴府

李生歸東陽益肆力千載手札寄余幾數十返推挹過甚彌非
所安報贈六百字

日余抱遐尙念載卧玄閣道遙榆枋下矢志遊廣莫一室羅青細萬
卷恣棲託門無問奇客與世久納鑿匡牀起亭午髮散仍赤脚空齋
垂藤蘿兀坐數花落苔痕閉重關何自來剝啄有美東陽生意氣本
卓犖夙昔珊瑚姿弱齡自追琢上下三千年珠璣吐錯落雅志親典
謨玄棕攬墳索莊騷逮左馬一一窮橐籥遠甘杜陵家邇得兪州博
矯首金華顛誰其嗣述作後起凌宋王先驅併劉駱片刺懷十年名
姓漸凋落願言中未契一過傾伯樂維日大火流空檐噪鳥雀清風
惠然來瀟灑動林薄咸收纏綿意襪亦何惡倒屣迎嘉賓衣裳不
遑着呼童割菘韭班荆坐籬落釜爇枯魚提壺勸清酌股勸效明
璫繡綵料翠杓鳥履何續紛觥籌亦交錯把臂遊鴻濛懸心契漠漠
歡來不知疲軟語間清謔淋漓契肝膈鄭重吐然諾雄文託鸚鵡麗

何誦鸚鵡狂歌發清商中夜互踴躍嗽嗽曼倩齒泯泯五鹿角典衣
困鶻鶻掩袂嘆龍蠖十載豐城劍漉漫斗文剝一朝遇張公紫氣貫
碧落努力追前修遺編在先覺吾衰亦已久蒙舉徒岳岳頭顱遠如
許精爽漸銷鍊緬思少年日挾策走京洛荆山竝韶澗姑射方綽約
人驚士龍筆世許袁豹學昔苞鸞鳳文今愧犬羊羶薛荔懷佳人菰
蘆憶高躅登門違國士況乃同一壑萬斛吞餘皇千鈞控繁弱邂逅
蓋已傾縱橫思仍拓望望邛那雲瑤池斷笙鶴乾坤位大老海岱遇
韶簡典刑四部存巍巍見遺燼中原失秦鹿上國誰宋鵠舊社紛推
頽新知乍忻樂照乘陪珠連城下和璞平生實憐才見汝難落落
酌汝青玻璃珮收錦芍藥贈汝五色翰如虹跨寥廓汝實河宿精吾
寧北海若小道未足觀大方詎難作激江一杯水彷彿共濠濮翩翩
李公子毋爽代興判

少室山房

四

少室山房類藁卷二十

澗水胡應麟明瑞著

七言古詩八首

昔遊篇錢塘舟中作贈董觀察

秋風肅肅鴻雁鳴南斗參差北斗橫孤客迢迢過越水舊遊惟悴隔
 燕城燕城越水三千里憶昔聲華滿人耳藉草曾留大液旁看花誤
 入明光裏明光太液連西苑往往遊人駐雕甍楊柳春風七貴門梧
 桐夜月諸王館王家貴里不相親聯裾握手盡詞人鳳凰原上題詩
 處鴉鵲宮前草賦晨紛紛冠蓋爭馳逐載酒籠燈過輦轂緩轡同看
 白玉京揚鞭醉入黃金屋秦箏趙管春不休歌聲繚繞碧雲愁香塵
 百里昌平道飛雪千門易水流五夜論心傳彩翰珠璣滿把皆堪羨
 衣袂揚揚逼九霄劍鋒耿耿流雙電誰言潘陸是才人肯與王楊作
 後塵格調迥迥天寶上風期直與建安隣巖坡風閣多相值鐵券金
 貂總歡暱羣中忽覩三楚豪坐使瓊瑤驚四座多冠繡服光陸離片

少室山房類集卷二十一

一夢 送 廣

詠如金山可移暮攜奏草歸青瑣曉對封章下赤墀赤墀青瑣生風
 彩手握芙蓉珮蘭萼元禮聲華動闕庭陳登意氣傾湖海勿勿識面
 比南金慚愧論文契未深欲攜短刺通華館忽棹扁舟出漢陰荷衣
 蕙帶還鄉國回首交游成太息落日長歌玉樹詞浮雲遠蔽金臺色
 落日浮雲夢轉長却乘煙水下錢塘徘徊殿閣迷仙署寂寞川原望
 帝鄉帝鄉仙署空遼絕何意輶軒到吳越欲向西湖訪畫圖暫辭北
 斗離間雙峰縹緲插煙霄三竺蒼蒼引畫橋清風暗拂蘇堤柳壯
 氣平吞浙海潮揭來聞訊蓬蒿士遠思幽情何楚楚短褐長裾謁上
 官麻鞋布襪從泥滓屈指并州幾故人嗟咨往事轉傷神虛傳異日
 山陰棹無復當時洛水春山陰洛水俱陳迹會見飛騰返京邑乍經
 薇省布陽和更上楓宸扶赤日幾年駸駸隨車矯首長鳴氣不舒
 孫陽造父俱垂盼肯使奇才臥草廬

崑崙行送大司空朱公馳驛還豫章呈唐太常萬直指
 君不見黃河之水來崑崙濁流萬里經龍門環嵩絕華不少息吞吐

日月掛乾坤天吳揚瀾九河溢大澤龍蛇起原隰洪荒不解弄舜憂
 平成却藉司空力自從大禹作司空百川四瀆俱朝宗鎮壓支祈鎮
 淮甸至今玉策垂神功國家定鼎幽燕北財賦實仰東南城河渠一
 線塵帝衷維時首賴平江伯二百年來飛輓停肅皇之末何邈迤干
 艘莫進餉道阻臨朝南顧嗟羣臣我公崛起江之右列星顯化神明
 曹匡廬彭蠡毓精華西山南浦鍾奇秀早年通籍謁承明中歲翺翔
 漢南京一朝起任虞廷事九官四岳咸推能沛渠已於徐方塞巨浪
 滔天勢難遏兩岸洪波迥莫分百年故道誰能識神功實始南陽口
 夏村既道留城走報國難將寵辱驚乘時大展經綸手櫛風沐雨臥
 不寧追三勉驅驅玄冥八年胼胝績就青天不動黃梳平東連楊
 子息江濤北望天津散海潮車書萬國看王會玉帛羣方賀聖朝隆
 慶之中河再決帝謂元臣有遺烈一塵暫駐淮泗清風雷寂靜波濤
 絕飛廉導車屏翳從馮夷海若應潛踪金書鳥篆迹靈秘異時彷彿
 响騰峰大禹功高古來少姬旦材多心轉小門下爭看桃李榮車前

少室山房類集卷二十一

一夢 送 廣

肯使驂騑老紛紛制作懸丹霄馳驅阮陸追風駟元和文譽斗山重
 天寶才名今古豪三朝出入方垂注投箸忽擁南歸騎蒼生常恐謝
 公閒黃閣難留疏廣去樓船蕭鼓出皇州錦纜牙檣作勝遊羣公祖
 帳灞陵晚萬姓環看渭水秋迢遞關城望鄉邑浮雲漸送匡山色
 騰蘭舟水驛涼故老相逢話曾臆酒闌倚劍心飛揚語及前朝俱感
 傷丈夫報國志猶在星辰錯落雙干將旌旗明發川原阻着繡畫行
 誰與伍滕王閣上幾留賓孺子亭前頻吊古自今廊廟求賢急肯使
 元勳卧黃石綠野堂開祇覽留終須勉為蒼生出五老東南勢轉尊
 三台佳氣正氤氳鸞箋倘逐蒲輪到極目燕台五色雲

時公與太常唐公燕遊水舟中
即席命余賦此凡六百八十言

送朱可大還萬安

自從戰國更王風屈原師弟俱稱雄西京蘇李復繼作遺篇十九真
 宗工黃初七子各有得勃興杜李文章伯此道凌遲大曆遺世代紛
 紛轉荆棘千年大雅幾茫然信陽北地何翩翩力剪榛蕪繼唐漢恍

揭日月懸高天眼中作者難盡數玉敲金事奇古相逢海內俱賢
豪奮迹前茅追步武看君意氣何昂藏十九謁帝趨明光曾蟠萬卷
破幽眇手鍊五色回天章藉甚聲華滿京洛咫尺雲霄見孤鶴司馬
仍傳太史書拾遺頗負襄陽學飄然遇我燕市中河梁邂逅雙飛龍
高歌擊筑白虹斷劍花欲墮青芙蓉蒼蒼風塵遽相別美人迢遞音
容絕五年空親芳草生萬里長看碧雲合雲泥自分隨升沈豈料重
逢潑水瀆咄嗟往事如夢寤解衣共拂京華塵五夜論文思逾壯濁
酒淋漓對惆悵天地遲迴秉燭聞星河磊落孤舟上眼看世變隨江
河惘時憤事憂彌多百川砥柱賴公等異時詎肯揚其波伯樂張華
古難得時乖整欲圖南翼燕雀爭世上名蛟龍豈是池中物一朝
變幻乘風蓬磅礴六合庫崑崙下和之玉詎三則季子金多安足論
高天黃葉連鄉國大輻乘風度秋色短歌送汝不成聲握手臨歧泪
沾臆千秋傑閣倚青沙百尺珠簾挂晚霞茲行定擬滕王賦一寄蘭
州孺子家

少室山房卷二十一

慢亭雲氣歌爲督學滕公作

君不見武夷之峰高插天慢亭王女騰蒼煙層巒列嶂三十六相傳
秦代巢真仙狂風怒號滄海立海水蹴日日欲沒峰頭雲霧長晦冥
青虬赤鯉當畫集蓬萊東望若可招貝闕珠宮浮巨蒼紛紛羣帝持
絳節揚雷激電朝丹霄茲山形勢實奇絕紫氣迢迢巨吳越扶桑萬
丈渤澥低齊州九點乾坤狹溪流屈曲環清沙緋桃夾岸蒸紅霞鸞
鶴翔翔度空谷猿猴寂歷啼山家危巖絕磴倚石壁去天冉冉不盈
尺仰視列星河漢垂下窺飛鳥松蘿黑棄爐經窺多遐踪蘇門高步
隨韓終霞光半落錦繡座日色返射金銀宮仙居縹緲隔人世環珮
飄颻落雲際半夜天鷄絕頂鳴清秋石馬凌空繫雜花幽草何芊綿
松枝栢葉皆堪殮洞前三女不相待彷彿麻姑留翠鬢祝融梁父空
鬱律太乙終南自騰擲遍觀豈若茲山奇寥泝清虛閱靈迹真人度
世三千秋俯看人代如浮漚揭來欲濟生民困拂衣長嘯離丹丘金
書玉檢秘空麓鶴馭駢龍馳逐一朝乘蹻來東南手挽江河障平

陸眼中軒冕如埃塵萬洪王遠時相聞清夢常隨巖際月窗懷每逐
洞中雲卽今宇宙須眞宰拭目經綸橫四海漫勞黃帝訪空同憑借
庚桑居畏壘武夷山何蒼蒼真人下閭闔草木無輝光他時簪笏升
巖廊致君堯舜追虞唐却駕白鹿還仙鄉天齊地久長無疆

題鐵幹回春園山陰劉世儒工書梅以巨幅贊余乞詩爲賦

吳綉七尺鋪寒玉幻出名花照幽獨微霜淡月春朦朧何處佳人卧
空谷書梅自昔傳華光擅奇更有王元章千秋綉素漸零落古色黯
黯留虛堂邇來劉生最殊絕十載含毫走燕越一榻常棲劍水雲雙
帆忽下桐廬月看君落墨如有神解衣盤礴隨天真淋漓數筆生意
動陰崖頃刻回陽春林危逕仄飛鳥絕雁塞虬龍鎖深穴彷彿羅浮
萬丈峰孤根倒挂千年雪大枝詰屈粘莓苔小枝蜿蜒花亂開號國
蛾眉逞疏淡壽陽粧額矜徘徊風臺月觀遙相望園林更染孤山樣
絕難驚從漢苑來水肌迥出唐昌上吁嗟劉生書已仙坐令鐵幹摩
蒼煙高屏巨障欲飛動素冊條絕可憐長安五侯招不得王家珍

少室山房卷二十一

重走書乞何緣好博胡生詩亂灑琳瑯向蓬壺陰鏗不作何遜亡人
關佳句何茫茫暗香疏影亦長語後來誰復傳篇章嗟余潦倒筆力
弱細嚼瓊瑛搜枯腸劉生劉生勿悽感自古高流混凡俗卽今且作
瀟湘遊坐觀瀑布匡山驚他時問訊子猷船倘寄鶴溪三百幅

舟次錢塘謁滕公值風雨夜作解所佩爲寶劍歌

江潮十月如山丘北風颯江江倒流星河一片落寒鐵暗中擊出蛟
龍愁君不見豐城獄底百鍊鋼精靈埋沒三千霜當時不遇雷與張
至今神物終潛藏又不見曹沫手中三尺水却制桓侯輕管子一朝
壇上行奇謀百代聲華耀青史胡生寶劍人不識十千買自邯鄲邑
揭來持贈歸滕公繞座虹光流四壁憶昔干將初鑄時暉暉歐冶磨
風胡低迴天地鍊精氣噴薄宇宙烹洪鑪泰山爲鐔渤海欽神鋒指
石石欲裂綠柄猶沾苔薛文赤花半墮芙蓉匣有時夜嘯風雨聲干
夫辟易萬馬驚山中魘魘畫摧絕水底鯨鱗寒不鳴湛盧飛景亦凡
俗純鉤巨鬪皆碌碌取次橫裁麗水金粉紅碎割昆吾玉一揮四國

如建瓴挽回日月轟雷霆朝擲赤堇鬼神伏暮宿蒼梧滄浪青荆軻
孺子本無術七首倉皇挑強敵片言在殺樊將軍易水悲風轉烏邑
項王材力何豪雄廢書苦學仍無功垓下誰知萬人敵時哉不利嗟
重瞳豈若胡生磨此劍寸心耿耿橫孤電十年坎壈意不平提與勝
公肝膽見滕公豪氣凌穹蒼一朝覩此神飛揚願持此物登朝堂時
時拂拭生秋霜蚩尤遁迹魍魎藏周遊八極還大荒

慶州歌送大中丞江公之南顧

東南海色何蒼蒼旌旗夾岸澄清光迢迢斧鉞自天下帝遣中丞巡
朔方銅符玉帳分千里畫甲雕鞍綉綺三軍擊鼓寂無聲萬龍風
煙晴不起中丞自是河宿精仁窺人世辭蓬瀛流沙咫尺不可越怒
鞭海若驅長鯨停車忽傍黃山麓笑揖浮丘跨羣鹿曉逐霞光度赤
城暮殫雲氣離天目胸中遠思凌波瀛却來湖海稱人豪單辭雙語
露肝膽白日不動蒼旻高猿豹略多奇跡早握兵符窮戰術八陳
常翻魚腹圖千言自獻龍門策策名飛步登皇州紛紛著筆皆俯流

少室山房卷二十一

五

斗邊夜嘯震龍劍天上春開五鳳樓賈生意氣本英發終君才調何
穎脫長纓直欲係匈奴尺組慙思繫南粵華衣朱軒出未央竹馬壺
漿迂道傍已見褰裳臨薊野還看賜服下南陽再歲超遷左馮翊鳳
凰神雀咸來集聲名從此播區寰二省三臺勞涉歷東南財賦日徬
徨一麾承詔來餘杭唐代征輸屬劉晏漢家平準差弘羊政成績奏
多清燕越水吳山自遊翫酌酒初登武穆祠飛書忽下明光殿匆匆
督府推賢臣九重煥爛傳絲綸西黎庶望充國河內軍民嗟寇恂
虞州形勢本四塞渺渺川原開郡邑波濤半蹙閩海青瘴癘斜連惠
潮黑汀漳諸府列大牙紆索四省藏千家窮鄉絕嶠鎮魑魅深巖大
澤盤龍蛇廟堂拊髀思經濟時來崛起風塵際三苗方略從便宜九
姓羌渾隨節制軒車雜還送離觴十月江城滿路霜大將樓船橫浙
水元戎隊伍出錢塘錢塘浙水俱秋色回首嚴陵瞻故國白岳峻嶒
帶雨寒蒼巖兀突齊雲立雲巖白岳望不停番陽彭蠡江淇淇千年
滕閣迷丹嶂萬仞匡廬削翠屏歷歷關河度章浦綬轡停驂問風土

送客應過孺子亭提兵却入中丞府中丞號令何雄哉指揮叱咤行
風雷將軍列成秦城遠壯士長歌漢壁開建牙吹角觀游獵士氣軍
聲騰百粵鐵馬嘶嘶海月寒凋戈仁舉巖雲裂海月巖雲壯品題登
壇橫梁思清漢慷慨寧論班定遠風流不減庾征西綬帶時時臨絕
域綸巾羽扇何閒寂驃騎空馳大漠煙詞人在勒燕然石崔嵬銅柱
鎮封提縹緲珠崖接五溪分耕坐使陽春布講武俄看太白低講武
分耕嚴紀律滄夷永靖先零輯主恩時賜鸚鵡袍兵氣潛消狐兔窟
津亭黃葉轉紛紛腸斷驪駒不可聞晚思蒼茫盈落日愁心悽切駐
寒雲男兒意態元磊落抗手何須怨離索指日威名虎豹關他時事
業麒麟閣雨露沾濡大海濱谿山隨處淨煙塵更令文字流荒服行
見衣冠入紫宸

題黃初平叱石圖

古木蒼藤挂風雨白石巖巖洞門倚黃家兒曹不解事叱作羣羊還
空起胡生較汝差長年俯窺五岳石五拳他時一叱五羊起白雲飛

少室山房卷二十一

六

盡羅浮願

少室山房頌葉卷二十一

澁水胡應麟明瑞著

五言古詩二十二首

題何仁仲甘露園有序

何氏之先縣開創助世襲金紫至司寇公遷詞章學術重宇

丙仁仲其仲子也幼受業家君弱冠名家詩賦茲繪其所構

林亭千里索和余弗獲辭

園林舊說何將軍應門稚子俱能文即今盛世寧好武登壇載親鴻

臚君別起樓臺眺三楚冠蓋章華總非伍九疑七澤天茫茫千秋屈

宋垂文章何日玄亭借高卧乘風會鼓瀟湘柁

梅窓歌壽何處士作

吾聞羅浮之山四萬八千丈絕頂仙葩隔塵壤鐵幹斜撐大海濱霜

梢亂插遙天上江南十月寒信來雪花如席飛瑤臺千枝萬枝凍欲

折凌風一樹何奇哉清標雅質真絕俗為誰移向孤山麓東閣會聞

少室山房卷二十一

杜凌句西湖更八林通目道人自是姑射仙幾年采藥羅浮顛參差

老態看不足却窺春色來湖邊滿屋琳瑯坐相對五夜虛窗月光碎

夜永寧知素影單酣歌絕勝紅粧醉縞衣鶴髦何翩翩況有逸思凌

開元有時興到起瀟墨陰徑何逕皆陳言只今尚作梅花主甲子一

周還二紀山房乍夜春意回彷彿杖頭問翠羽綉屏朱戶羅輝娟孫

枝繞膝才且賢折花浸酒為翁壽清香習習來華筵王母安期世誰

識玉桃丹棗空陳迹豈若冰肌耐歲寒破鵝含春映朝日梅窻叟且

莫吟繁包落羌笛國豔傳幽琴遙望羅浮隔南粵玉宇雕梁迥清絕

聳身欲去重徘徊冉冉雲駢下天未且揮白鶴留人衰幾番渤海成

桑田更卧梅花三百年一節長嘯凌蒼煙

褒忠祠祀禮成代直指蕭公作

一夜并州赤龍起浩蕩風塵播疆宇捲甲朝降十萬師懸烽夕照三

千里真主初還建業東儲君却下金陵宮羣臣駢首甘就戮至今正

氣吞長虹憶昔齊黃在帷幄首繫親王入京洛書生坐失應變機遂

使豸豸暗沙漠同時抗節練與陳壯懷凜凜雄三軍偉哉正學十族

死精貫日月開浮雲全師僅見南陽鐵獨守危城破堅甲暴昭姚善

兩激昂視死如歸狗鈇鉞皇皇周子百鍊鋼題詩自縊太學堂景清

枉効漸離術勢孤不得抽魚腸紛紛義士難悉數力挽頽波示今古

投河直欲拒成湯扣馬寧辭諫周武大厦難將一木支江城白晝飛

魂豈終滅四海同悲東市刑曠代猶瞻首陽烈百年祀典何寥寥明

良繼起登熙朝首錄忠誠建祠宇天書五色垂丹青霄峨峨遺像表忠

赤報禮殷勤慰悽惻西日含窻鳥自過北風吹樹聲猶急陰蟲夜促

霜露零羣公恍忽來精靈九原遺恨豈堪說天空月落秋冥冥我行

觀此重大息後世誰傳董狐筆海濱義士何足論洛邑頑民真再出

英英壯氣摩乾坤流光竹帛垂丹青千秋萬代鑒往轍君臣大義如

日星嗚呼君臣大義如日星

河洛篇督學滕公夜遊齋中談道命賦

少室山房卷二十一

茫茫太始誰開闢耿耿元精貫三極自從河洛生圖書中華首肇文

明述羲皇手扶天地心羅列八卦標乾坤軒農堯舜復繼出垂衣萬

古開人文夏商體格多渾噩遺風未散鴻蒙樸成周一代首尙文緯

地經天傳制作紛紛侯國隳王綱宣尼崛起稱素王七十一表擅靈

異駘逐五帝馳三皇神遊岱宗憩梁父下瞰日月相吞吐三千弟子

咸謳趨從此儒冠盛東魯窮年贊易評義周詩書禮樂勤刑脩至今

大盜屏不發稟稟鐵鉞嚴春秋淵與資稟實玄奧獨冠諸生聞至道

維時游夏得精華散入南方布文教遊梁崛起孟氏賢乘車列鼎何

翩翩公孫萬章不足數嚴嚴氣象誰其傳孫卿議論本該博時乖廢

死蘭陵郭後來蜀國空草玄白首倉皇墜高閣河汾自是王佐才曳

裾獻策窺蓬萊昌黎夙負斗山望路途二鳥重低徊千年至道轉寥

落重見周程起濂洛紫陽之顛異人出一掃蕪蕪繼絕學我明設教

崇成均十三學政分儒臣七經訓詁行海宇彷彿雲漢垂星辰關中

江右兩督學景明獻吉真間作才名氣節天下傳渺渺斯文未有託

武夷之山何嶙峋丹梯百尺連高旻我師篤生任斯道挽同一髮伸
千鈞周情孔思實天縱玉質金相本梁棟年少親承明主知時來却
爲蒼生用三吳才士集如雲帝遣眞儒下漢庭伏生晁錯豈知道丁
竟孟喜空談經一麾暫駐吳山麓已見清風走南服坐席江聲走具
區塞帷海色明天日曾國生徒遍品題富苑彩筆飄虹霓漫擬眞人
過函谷共看夫子在關西王良造父本精識雷煥張華渺難及臺上
俄看萬馬空獄中解使雙龍出麟符綉鉞行高秋追琢瑰琰披珠球
縱橫禮樂三千士縹緲絃歌十二州絃歌禮樂連薇省片善徵長勞
接引百川齊赴滄海流坏土同登太行嶺泗水尼山迹未湮升堂入
室多奇珍西施尚作浣紗女和氏猶爲抱璞人馬卿自昔工鉛葉終
軍意氣空凌亂照乘連城世所希夜光明月誰能辨蕊蕊紫氣繞三
臺遙見徵書落上台更問黃閣收桃李會看青衫出草萊

董生行贈中秘董體仁

遠遊昔登梁父顛天門突兀摩蒼煙秦碑漢碣半寥落萬家封禪俱

少室山房卷二十一

三

茫然憶從蒼頡制文字六書燦爛星辰懸八百年來陽冰死豈斯體
製誰其傳董生今年政三十曳裾笑指長安日論心遇我遊俠場意
氣翩翩指金石自言家住滄海東曾入禹穴探奇踪門外寒山掛蒼
玉青天削出覆芙蓉竭來挾瑟齊門老客子形容半枯槁黃金臺館
天茫茫擊筑悲歌和窮鳥興到長鑄石鼓文快劍長戟秋森森突兀
虬龍起幽壑翔翺鸞鶴迴高林金璫琳瑯徧筐篋蠹書互驚絕
白石煙銷苔蘚凝寒雲海凍珊瑚裂年來徵仲數八分長沙小篆稱
通神生也雕蟲不自惜往往制作追前人偏傍頗肖韓擇木風格時
兼蔡有鄰十載都門困旅食短衣匹馬隨風塵吁嗟董生何僕僕歸
去猶堪友麋鹿攜樽傍我吳山麓飽看秋潮落天目

霞林樵隱歌爲梁太學賦

七閩孕奇秀秀出壺公山壺公懸壺住絕頂雲霞萬疊供朝餐玉宇
瓊樓架天末翠葆丹旂互明滅高寒可望不可親一片晴光墮林樾
林中大隱梁伯鸞飛身直上凌巔巖蒼精之龍不肯佩却從杜甫歌

長鏡長鏡朝持柄白木伐木丁丁向空谷竦身仁可親猿猴跋足時
堪友麋鹿峰迴岫轉興不窮壺公絕頂尋壺公高霞萬疊餐不盡擔
頭五色紛惹龍荷擔歸來石牀畔兩腋風生體輕健金莖底事月底
尋石髓無勞洞中翫君不見赤城之下吾所慮霞標突兀千仞餘興
公履賦久埋沒桃花流水空踟躕又不見武夷之蹊君咫尺霞幔爲
亭駐征蹕天孫懶織雲錦裳邂逅梯仙竟誰識願君大隱留人間長
林築室三千年春來倘挾汝南費一筇歷探壺中天

七閩之秀實難壺公丹霞如樓閣出天半梁太學維築室其
下將終身焉屠長卿爲題曰霞林樵隱而陳季相乞余長歌
以紀之

夜飲喻邦相署中酒酣邦相諸郎君出見咸朗朗王立可念也
因戲成短歌一章爲贈

自從管鮑交游不再見世人結交徒結面南昌喻侯青雲客邂逅逢
余偏戀戀丈夫意氣凌青冥契合寧論胡與秦弟兄異姓古來有一
呼盡出諸郎君大兒今年纔十二霜毫日掃五千字差肩兩郎亦其

少室山房卷二十一

四

匹八法淋漓照湘帙抱中小者尤絕奇玉爲肌骨雲爲眉毛詩三百
不離口氣槩似欲吞虹霓看君四子竝英物朗朗寒空挂奎壁徐卿
兩兒那得比王氏三珠總非敵人生有兒百不憂况復滿眼俱驍
喬當及卿魁詎詎既難兄紀更優君不見胡生今年政三十日夜
明珠探驪窟大兒文舉小德祖徒爾相親不相識此時盡閱君諸郎
使我臨風重悽惻謂生好飲勿復言且盡三百青銅錢生兒蚤晚會
有命何用慮憂愁心顏君不見喻侯膝下四男子行年三十初得此
至今玉樹森庭廡

鍾室行題淮陰侯傳後有序

淮陰侯不反明矣而使還傳會獄辭致千載之下徒惜其功
大而不可終且歸罪於呂氏呂氏固漢祖所託而甘心者也
漢于當時所畏惟籍與信籍滅而信繼之時事必至無可言
者彼陳兵之搆舍人之訴皆漢之爲也信亡卽庸庸如越猶
以故知除之誅越以速布之反而漢之謀無不效矣於是

慙如陵維如勃者而以後事付之然且曰陳平智有餘難獨
任也嗚呼漢之心可識矣

黃河倒流日東轉地拆天摧鍾室晚志士千秋空扼腕誰爲推陰明
不反憶提利劍追重瞳選近關前隆準公登壇片語定劉項豈須垓
下知雌雄井陘戰血飛長虹齊城七十如飄風當時楚漢在掌握磊
落千言辭蒯通固陵長驅三十萬手擊神器歸真龍泰山爲礪河爲
帶欲齊伊呂稱元功寧知隆準猜忌主畏信雄圖如長羽旌旗夜入
定陶壁警蹕朝行雲夢渚朝行雲夢夕出迎天日可照微臣情縱虎
誠難縛虎易青冥咫尺飛雷霆列侯朝請亦奚忌隱若大澤居長鯨
陳豨相過理則有舍人上變誰當明遂令身首異都市九族併命成
陽城嗟嗟呂姥豈辨此固知漢主行叮嚀即稀不反信亦族欲加以
罪寧無名嗚呼季也實涼德萬古愁雲弔鍾室史臣徒贊寬大醉百
代梟雄定誰匹君不見三雄死三呂立廟中愛姬人作蕪掌上佳兒
血盈席天道好還如一日長信宮深辟陽人魏殺長陵一杯土冢中

少室山房卷二十一

五

強魄何顏色君不見亞父當年賜骸骨虞姬效死陰陵側壯士至今
猶悼惜千秋爲季寧爲籍嗟乎千秋爲季寧爲籍

吳章兩門士後先以新作至咸精進適出余讀之曷之以歌

吳充遠示林屋詩讀之使我興飛越沾沾欲度驂驪前不減觀湖誦
枚發章生近投詩百篇敏而好學吾所憐昌齡我師花蓋婦肯與王
建論姪妍何哉世謂兩生魯中夜聞雞解起舞異日英雄起傳伍不
用登臨嘆廣武

少室山房類集卷二十三

續金華叢書

漱水胡應麟明瑞著

七言古詩一十一首

嵩山歌有序

去余家五十里而近有山曰嵩穹窿崒嶭峭嶭幽邃視洛之
嵩高不知孰為伯仲也旁一峰千仞秀出巖嶮雲際若軒駭
浮丘所嘗居者余因以嵩之少室名之且為作長歌以紀其
勝異日者採三花攜玉女歸將結茅於茲老焉

君不見嵩高之山高高出天半萬古扶輿結縶橫孤標突兀冠日星
秀色蒼茫界河漢恍疑帝遣夸娥負中岳攜向東南鎮磅礪又疑巨
靈一夜排風雷空中掣此青崔嵬仰觀宇宙俯瞰滄溟開天傾錦
繡壁地湧金銀臺飛鳥不敢度猿猴為之掛層巒疊嶂何奇哉倒影
下墜扶桑隈會稽秦望相去但咫尺赤城天目左右羅列如浮埃絕
壑迤邐飛梁紫洞空碧水碧劃然蓬萊天仙跨鶴鳴時時下九垓遙

少室山房卷二十三

峰插天更奇絕天柱嵯峨象緯列云是嵩高列峰三十六其一飛來
墮吳越參差太華十丈蓮重疊城眉萬年雪雲中之君紛紛拾瑤草
散髮長歌弄明月朝來忽見黃帝車方明前導昌高越七聖盡迷襄
城轍却望天壇尋故廬頃刻笙歌起巖際白鶴凌空舞瑤砌乃是糝
山王子喬金支翠旗朝玉帝真人一去不復還玉書靈笈埋空山俗
流往往輕飛仙不見此後三千年少室山人結廬長嘯卧其巔峰頭
一室但盈丈大易黃庭坐相傍紫芝空谷紛葳蕤真氣關門浩排蕩
朝飡玉池露夜濯金屑泉明霞翼我體白雲怡我顏山靈候余戶跋
息不得眠一行卧此三十載上元夫人時往還俯視城郭真驚煩縞
衣素氈何翩翩乘風幾欲凌蒼煙胡為羽鶴尚躑躅惆悵孤峰夕陽
落仰天大笑寒風生徒倚青藜望名岳無乃未踐三花諾寄言廣成
子浮丘公吾將跨白鹿騎蒼龍訪爾三十六峰中橫絕具茨凌空同
歸來却卧此峰上千年一視輕鴻濛

金華山三洞歌三洞曰朝真沐壺雙龍是皇初平昇仙處

薄遊金華山信足支短筇長嘯皇初平蹴踏金芙蓉芙蓉峰頭白雲
起天風習習兩腋舉相傳古來洞天三十六乃是赤松真人之所理
千巖拔崔嵬萬壑巨迤邐高欲凌空同側若摧鳥鼠括蒼與台雁瑣
細不足擬帝鴻既長逝雨師邀難招迴看昔日講堂洞却憶當時劉
孝標九龍蜿蜒讀書處穹巖怪石摩蒼香荒墳突兀墓彩筆至今詞
客何寥寥講堂信鬱紆朝真益弘微天門劃然開石洞豁襟奔恍然
坐我金銀臺崑丘玄圃恣來往青虬赤鯉盡羅列三仙七聖時俯仰
幽懷轉軟蕩勝槩杳莫窮飛梁百尺下窈窕舉足却墮冰壺中冰壺
跨山腹氣勢何其雄何年虎豹穴置此蛟龍宮水簾參差直下五千
尺銀河宛轉倒瀉雙白虹天孫雲錦織璀璨儼人珠箔垂瓊瑤飛流
灑沫日夜不得息驚濤湧雪六月迷長空聳身出冰壺倚杖息餘喘
舉頭萬松顛隱隱落斜照石羊紛紛望不窮突見雙龍挂寒嶠恍惚
初平兄弟騎蛻骨遺此青天貌俯窺曲澗僅容膝解衣燃燭度深黑
行行不盡一線明萬孔熒煌噴蒼壁玉樹羅青蔥芝田爛金碧誰持

少室山房卷二十三

巨靈斧鑿此靈仙窟真人湧何許瑤草紛可拾枰間數子勢飛動細
看尙記當年弈人言此穴穿四明天窟萬疊開蓬瀛摩娑仰視眾仙
錄隱見若有胡生名吁嗟我今胡為在下土青鞋布襪漫落如流萍
猶思昔日玉皇側看花醉卧芙蓉城木公徘徊向我怒授簡誦余離
太清一落人間五千載滄海浩劫會已盈願瞻靈境但咫尺奮身欲
飛還不能倚杖仍悲歌壯心浩難遏却憶雲門期瓢笠候明發迴望
金華山茲遊信奇絕餘霞映袍袖嵐翠尙明滅何當躡蒼虬長揖眾
仙列提攜兩赤松永與塵世別

奇三衢易使君惟效約秋深為爛柯之游并懷蔡景明蘇以脩

易侯意氣天下無蚤年宦籍通皇都多冠纓服天咫尺風裁落落長
安途一朝使酒忤權貴憑陵太白歌嗚嗚埋輪有疏不得上拂衣大
笑遊江湖瀟湘雲夢長在目却來東海談乘桴五花楚鞞御史馬百
里仍躡仙郎臆江郎哦哦三片石屹立千仞東南孤題詩酒墨登絕
頂白眼瞋視天模糊桑田滄海修變易九重特詔還金鋪梅花遍咏

水曹雪清源早蓋停菰蒲憶昔扁舟駐東郭暮然見我心神字幽傳
江州却羣從胡床明月邀呼盧蘇別駕蔡大夫十日九日黃公塘夜
擊青萍睡壺碎畫拈絲玉楸杯枯清源明粧十萬隊紅裙翠袖騎相
扶淹留卒歲不忍別春風拂面吹屠蘇雲萍忽爾摧浪迹平原河朔
成虛無脚蹶蘇蔡各分手閩山蜀道難追呼君侯政績何焯焯立驅
千騎來東吳窮交念我宛如在飛書往往尋屠沽一丘獨卧子真谷
入門三徑嗟荒蕪雕虫小技何足論眼空六合成狂夫青霞之君日
候我斧柯欲爛三蓬壺玉局縱橫眾仙列雲漿一吸三千觚使君倘
許岸曠過秋風八月來高爐

草生持所業遊余門詩最之

火雲崢嶸照林薄赤日團空坐如灼高堂襍穢者誰子云是香溪少
年章敏學少年十九能作詩沾沾欲問揚雲奇先生四十髮種種抗
顏肯受庸人嗤新詩讀女吾勤色東野窮愁浪仙僻電光雷欽雙芙
蓉爛熳苔痕土花碧君不見神物不遇張司空萬古豐城白虹泣

少室山房卷二十三

小園杏花爛熳與客攜酒酌其下至醉

牆頭仁夜春風顛醉着接羅花下眠東方欲曙忘晨殮應門何客來
翩翩城東郭君履欲穿手持三百青銅錢要我爲客開瓊筵水晶之
壺白玉盤銀箏翠管張哀絃吳姬度曲越女彈相將載酒臨西園西
園萬樹紅照天杏花朶朶含春煙隨風故落蒼苔前恍如紅雪堆青
錢摘花浸酒酬清酣主人勸客客不言人生豈得長朱顏眼前有酒
不盡懽參差白髮來相纏君不見相如卧病歸文園笑殺長安羣少
年又不見子雲寂寞耽草玄日暮何人迴酒船何如醉挾雙嬋娟玉
山醪酌長花前

秋日泛舟錢塘觀湖放歌

黑風夜歛滄溟水馮夷却走海若靡素車白馬來何方璇室瓊樓遍
空起玉龍垂地五千丈銀河駕天一百里三軍鉅鹿戰始酣萬甲長
平潰口止胡生此時歸適越醉挾扁舟離江渚鼓柁初疑月窟中旋
身已入冰壺裡雪山恍見釋迦坐一輩剛將達摩擬波翻颯颯泣浪

跋天吳語長鯨鼓鬣如峻山電掣雲愁墮飛雨舟人漁子袖手不敢
出蓬底倉皇掩其耳是日胡生氣無比輕橈在手疾于矢白眼茫茫
向天際欲乘長風破萬里迴瞻圓嶠若咫尺東望扶桑聊徙倚卽如
魯連蹈豈得便逐靈均與難已君不見越王宮吳王宇寂寞空厓半
頽圯日夜寒濤浸荒址滿眼豪華遠如許人生鞵靴胡爲爾乘槎入
月差快意擊楫中流竟何以天寒日莫風轉疾彷彿鴟夷共相語朝
來更泛若耶棹會挾西施從范蠡

釣臺謁嚴祠作

高臺倚空雙突兀釣絲下墜桐江石客星慘淡呼不應片片飛雲向
人立憶昔真龍起新野百萬昆陽碎如瓦朝端但訪赤伏符澤中那
問羊裘者逍遙建武垂裳初乃有物色來菰蘆新衞在可授諫議故
態寧肯迴狂奴長嘯還歸富春懶采藥桐君坐相待石上明霞照秋
水峰頭雪瀑飛寒籟箕山頽陽杳莫覩太息斯人遂千古方子謝朝
兩小子廢宅荒墳強爲伍胡生抗志五岳前中歲偶落風塵緣釣竿

少室山房卷二十三

倚拂紫微坐歸來與爾共柱東南天

夜飲芙蓉館大醉放歌寄黎惟敬康裕卿李惟寅朱汝脩
初平騎羊去不返沈侯八詠空嶙峋劉生老死駱生竄誰令大慙廻
陽春君不見蘭州胡元瑞九齡學仙已成癡欲乘長風遊八極大鵬
扶搖不肯騎幾度鞭羊復成石十五更作咸陽遊五花笑脫青貂裘
酒闌大叫呼李白雪花飛墮長安樓是時真龍御皇極雙闕嗟峨
象緯開作賦寧論狗監知曳裾自許龍門客人前白眼雙飛揚誰其
握手黎與康李侯曉散禁廬直停車數過朱生堂相看意氣誰肯下
握麈含毫破深夜萬象淋漓瀉石宮千人辟易華陽社五陵軒車春
不閉狂歌獨上黃金臺拔劍起舞長虹揮睥睨燕昭王豈子非仙才
荒碑零落翳榛莽其人白骨隨塵埃劇辛郭隗豈壯士汝曹自爲干
金來當時廼公用齊國臨淄豈得同蒿萊前瞻涿鹿野左瞰盧龍隈
浮雲萬疊飛不盡但見太行山色青崔嵬入洛聲名晚差著掉頭忽
出新豐市拂袖初辭上苑花持竿欲挂滄浪樹岳梁震澤天茫茫扁

舟一葉飛錢塘鏡湖刻溪咫尺不得度十月寒濤如雪霜孤峰指點
 嚴陵宅古木槎牙向人立羊裘客子雙眼青分我桐廬半江碧高臺
 祇合長垂綸誰知物色來衡門天閣突兀帝星遠十年五上空沈淪
 蘿薜歸來手還葺一笑文君壁空立生計猶餘二頃田謀身豈必干
 頭橋五棹七貴俱浮雲那侯萬卷堪橫陳男兒大業在金石那令七
 尺隨風塵醉墨蒼茫浩歌發紫氣東來照吳越文章得失心自知肯
 向朱門傍先達唾壺碎擊歌轉長美人天外空彷彿眼前鞞鞞誰相
 望大兒劉孝標小兒駱賓王後生不死亦前輩九原可作同翔翔遙
 遙入詠樓樓空竟何有樓中之人今在否祇今誰是東陽守會叱羣
 羊起太空卧看扶桑日西走

賦得赤松宮為東陽盧祠部

君不見赤松宮前赤松色天矯輪囷際天碧霜皮不滅三萬株鐵幹
 寧論二千尺初平騎羊去不廻藥爐丹竈空崔嵬山中白石亂無數
 何人叱咤飛風雷君不見東陽盧君大奇絕前身曾受長生訣往來

少室山房卷二十三

五
 選
 一
 虞

三洞踴明霞嘯傲雙溪弄明月揭來欲作人間游蒼生六合攢眉頭
 帝傍玉女不敢留飛行獨下崑崙丘挾書却走明光殿躍馬天街誰
 不羨柳色陰濃彭澤車桃花錦簇河陽縣一朝鳴珮趨南宮爐香畫
 省追羨龍退食羞為素飧士愿將直筆廻宸聽五夜排雲叩閭闔溥
 虞孤嶽報丹闕丘墟寧增泰山峻微絲愿補衮衣缺九關穿窬環蒼
 龍燕臺白晝飛長虹曳裾止輦亦臣職拂衣神武來秋風衡門却返
 東陽舊落落松陰浮遠岫已見聲名重斗山更欲棲遲終宇宙名山
 咫尺黃初平石羊成陣來相迎天王明聖臣愿足富貴浮雲何足論
 盧君盧君真丈夫直節概今天下無從我且酌黃公壚漫學三閭賦
 沅水肯令董相淹江都一朝當宁思良弼飛詔東山起安石會教霖
 雨遍遐荒取次天門生八翼赤松之宮君暫居高吟抱膝聊吾廬三
 洞寧為長往客九重行問治安書

題岳陽樓圖

危樓倚空欲千尺闌干下瞰洞庭色狂風盡捲蒼梧雲萬頃瀟湘照

空碧江花真莫日欲冷岸芷紛紛翠猶濕參差忽視馮夷舞縹緲疑
 聞帝妃泣七澤縱橫渺難數九疑如黛尊前出舟人漁子棹空曠薄
 暮波濤歸不得樓中騎鶴誰者沈此事恍惚曾同遊憑闌試誦杜陵
 句日夜乾坤相對愁

歲杪送鄭茂才北上

北風動地卷行色鄭子辭家赴京邑蹇躓欲踏東華塵手擊空囊行
 不得親知遍謁乞斗水往往白眼誰相識男兒意氣輕王侯有身七
 尺那用憂溪頭握手拚一醉驕驕且付黃公留君不見來歲長安百
 花發銀鞍擁簇胡姬樓

少室山房卷二十三

六
 選
 虞

少室山房類集卷二十三

漱水胡應麟明瑞著

七言古詩二十六首

閻蓬頭歌 代陳中丞作

閻先生羽客流髮蓬蓬不畏頭身騎兩白鹿手製靈青虬前生七聖
 相追游飛翔八極橫九州朝升大羅頂暮宿崑崙丘木公授寶錄王
 母發清謳飛瓊弄玉眾仙女行厨上食羅珍羞桃花萬樹核如瓊東
 方小兒不敢求何來醉闖拘翼座脫巾露頂眠瓊樓雷公轟轟上帝
 怒請向下土稱蓬頭長身大腹狀殊絕赤髯紅頰驚庸流方瞳射空
 碧電炯紫髯拂地蒼虹流終朝一食氣逾王終夜不寢神長游嚴冬
 雪片大於席寒冰十丈風颺颺先生此時赤雙足單衣不御青貂裘
 道傍觀者色沮喪真仙出世誰能儔和光頗類柱下史玩俗或比蒙
 莊周仰天大笑暮雲白茫茫下土皆好游場來偶過勾曲洞乘鸞跨
 鶴三峰頭乖龍左耳割不得飄然一葦來南州眾中遇我心莫逆片

少室山房卷二十四

言立使千金投微辭與旨發中夜變化恍惚難先籌時時說我骨毛
 異青城僊伯行相求三生石上事非遠努力繕性窮熏修愧我中年
 薄聞道塵埃碌碌隨軒輶神明洞淵謝髮改豈將七尺圖封侯感君
 使欲逐君去乾坤萬事同浮漚三公七貴竟何物五陰四大俱懸疣
 何如長嘯出寥廓霍然盡豁平生愁閻先生且莫行爲我留請期未
 滿堪夷猶吾家別業武夷上鐵船丹竈懸高丘幔亭之君日來下三
 山九曲隨真搜他年挾爾權歌去坐看大海天咫尺巨鰲巖屢浮中
 流珠宮貝殿耀金碧清都絳闕喧琳球鷗鵬一卧九萬里鴻鵠一舉
 三千秋玉皇香案尙相憶羽翰白日飛神州

賦得靈隱寺飛來峰贈盧祠部

靈隱門前千歲松夾堤九里來青葱何年突兀金芙蓉削成四面摩
 蒼穹恍疑夸父移空同一拳擲向滄溟東日月東西懸混濛雲霞上
 下披蒙茸周遭刻畫非人功象王鶴駕行虛空投身直入蓬萊宮丹
 樓雪乳垂玲瓏流泉百道聲琤琮有如僊樂鳴笙鏞金書玉簡潛奇

踪倅恍與銀河通靈威丈人不得第古來傳是飛來峰萬古壁立
 青霄中何人散髮攜孤筇荆蘿直上秉天風金華有客真豪雄孤高
 大節將無同少年挾策遊新豐五花蹀躞長安驄出宰百里花爲封
 鳴珂入侯甘泉鐘握蘭典禮稱儒宗素飡恥學凡夫容縱成雲錦蟬
 心胸要將琉璃垂黜庸直排閭闔陳孤忠曳裾折檻驚天聰轟轟天
 鼓鳴雷公覆盆不照微臣悚精誠貫日飛長虹挂冠神武何匆匆迴
 頭却望丹宸楓血相亂酒征衫紅歸帆正值錢塘風六橋三竺春浴
 浴不學留侯師赤松且邀白傅尋蘇公振衣千仞聊從容朝矚沈滄
 追滇鴻暮拾海月鞭虬龍六丁携呵玉女從俯視六合俱蝟蟻胡來
 遇我東陽東竹林把臂心神融仰天大笑橫雙瞳欲騎箕尾還長空
 盧君勸汝滿酌黃金鍾且爲拂拭朱絲桐萬事人間如轉蓬古來直
 道多難容卽今吾道寧終窮絲綸竹帛行遭逢一朝前席明光宮誰
 其穩卧飛來峰

醉中放歌贈祝生并寄司馬任公

少室山房卷二十四

祝生家無擔石儲短衣掩肘不顧餘生年三十走牛馬世人攘臂爭
 擲揄胷中壯氣何磊落眼看俗子如蓬條欲從輪臺樹數結黃
 綬懸金魚自言太古重三立文章功德原無殊竭來叩我草玄宅殷
 勤片刺通前除先生崛起劉駱後華名岳岳天南隅泰山寧擇土壤
 細滄海詎惜涓流滿蘭臺高揭竝二酉龍門咫尺懸桑榆塔前隙地
 倘少假令我一嘗嘗天厨伊余謝客事焚掃閉關長日扶潘與親知
 宇內半凋落豁然見汝心神愉憶汝新都謁司馬太函突兀開雲衢
 無殊字汝豈無謂樹勳努力操長父汝兄汝姪茹瀟瀟酒問奇往往來
 吾廬古今詞賦厄陽九先生身試不汝愚怪汝胡爲蹈前轍甘心趙
 瑟忘齊竽腰纏萬貫亦不惡三槐九棘乘駒駟沾沾五字作何狀黃
 金不逐貧相如生乎大笑掩余口先生戲我猶羣兒天生七尺當不
 朽大千世界皆蓬廬倘來富貴寧足論電光石火同須臾一朝腐骨
 委草莽醉生夢死隨溝渠秦宮漢闕走狐兔公卿未必贏樵漁男兒
 大業在金石更令天壤留迂儒先生兩耳灌清渭十年不受凡人談

終朝隱几吾喪我一聽汝言良起子雄談五夜劍花落綠尊翠杓行
茶莫高歌贈汝克毫禿唾壺碎擊青瓊瑜長風吹雲入廣座欲躡象
緯凌蟾蜍生平生乎汝勿疑古今不朽真無殊好讀離騷飲美酒便
作名士追三閭莫將狂簡訝年少仲尼大聖思歸歎即今名姓已不
朽先生筆底開瓊瑤他時藉手見司馬爲我捧腹當軒渠

滿湘座爲祝無殊題

祝生樹勳遊新安司馬公字之日無殊謂所立維三不朽一

也石羊生胡元瑞聞而躑之而作是歌

我築瀟湘島斗室懸竹中汝構瀟湘座千竿舞秋風我島舟可沿汝
座車難通一朝乘興來子猷直造竹所聊優游主人莫作辟疆態仰
天大笑風颯颯

送郭汝冲遊吳中

郭生有父鴻臚君自言東野之後身餐風卧月三十載至今詞筆留
長春生也學書仍學劍抱玉無媒羞自獻延賓雅有郎罷風典盡講

少室山房卷二十四

三

裘不吝怨時時問字冰門牆先生爲汝開這堂五月南風和雷熱
舟一葉飛錢塘生平不識瑯琊里特向裏江弔蘭芷中原萬里失
鳳宇宙文章孰盟主江陰亦有朱鴻臚結交四海雄拔蘆沙頭把秋
前父友孤帆八月來三吳

憶章雲

去年送子城之北北風怒號天慘滅濃霜密雪洒岐路若箇稱袍話
相識今年憶子城之東落花爛熳飛春紅人生好游游亦得五見社
燕迎歸鳩岳陽樓頭秋萬頃醉殺杜陵呼不醒何時扶汝荆門溥狂
歌痛飲廣離騷

哭祝鳴皋

鳴皋既避地齊東復客長安而死同里友人胡應麟聞而悲
之作歌弔焉

吁嗟祝生誰謂而年僅止此而胡以生胡以死文章獨抱掩夜臺寂
寞寒山餘妻子憶生東髮負奇尙壯氣凌空薄金紫繩纒瓊甌窮窮徹

骨恥向豪門謁涓涓世人始生狂欲殺白眼縱橫半睚眦青衫一領
不得消擲向齊東營未却胡爲復作長安遊躑躅芒鞋汚泥滓嗚呼
大塊亦忌才玉折蘭摧繫誰使昔余與生初結交邂逅塵埃雙國士
拂衣初上西山顛萬岫回青八陵紫岬嶮高論駭俗流磊落雄心付
貝史生今已矣寧再得淚目淋漓傍桑梓酸風落日華陽宮素旆
翩潞河埃孤墳三尺暮雲白馬生芻者誰子我歌雄露生莫悲自
昔賢豪竝如此

寄張伯起

去年我病維揚邸日望琴高騎赤鯉一朝起色乘江湖朔風狂雪吹
綈袍吳門邂逅張伯起萬卷縱橫列湘几蓬蒿來逕春不開焚香永
晝眠蒼苔翻然爲我倒屣出握手論心稱莫逆烹熊包鱉出豐膳續
虎雕龍指金石男兒七尺當自強巢由豈必攀虞唐千秋大業在竹
素胡爲燕雀讒鸞鳳抽毫日纂文選註恍入梁臺試精騎尙來富貴
詎足論避世牆東有深意陽春堂上橫朱絃子夜歌成與杏然他時

少室山房卷二十四

四

倘慕蘭陵宅日候山陰訪戴船

登大雲山望激水寄李允達

憶仁曾攜李仲子釀酒遙登激江渚美人一去秋水寒望望兼葭隔
煙浦朝真洞口饒白雲尺書天際時相聞山樓倚續孝標志與爾同
棲麋鹿羣

祝太學遠之五十始爲詩戲作短歌贈之

君不見天寶詞人高遠夫行年五十執金吾一朝作詩遇杜老聲華
奕奕留吾徒君不見成均胄子祝想學五十無聞甘寂寞一朝壇上
逢胡君奮臂詞林問前殘沈吟二事迹頗奇于載何當復遇之汝爲
常侍理或有我說杜甫人爭嗤丈夫有志未可輕古人詎必皆無賦
杜陵四十始獻賦當時頗遭俗子凌脫身錦里拾橡栗長饑短褐徒
悲鳴達夫青雲本自致高牙大纛懸長城嗚呼後世兩寂寞實惟有隻
字留其名我今四旬汝五十二字之年巧相值焉知異代無子雲未
信東山少安石男兒致身苦不蚤髮短心長恨何及我歌杜陵念已

灰汝效連夫志當立不見備越師諸侯努力餘年莫輕擲

琵琶行

李將軍虬髯戟列橫秋冥當關壁立萬夫勇掃空大漠無王庭一朝
謝事東海上皓首華顛氣逾王醉歸叱咤瀾陵尉長揖嫖姚不相讓
欲將雄劍賣黃金却把琵琶彈素心凌清激烈風雨過高樓五月如
山陰君不見賀懷智石槽鐵撥雲雷氣唐家供奉推第一青史流傳
誇絕藝君不見康崑崙指下鐵錚捷有神玉盤麗珠千百轉春冰折
裂河流輝將軍岳岳起當代手擊二子成三人即冷點虜盡欺塞九
邊鐵騎開黃雲明妃奉幣長信殿娥眉不踏胡天塵山西老將亦無
用金甲苔生土花重笳聲寂靜刁斗寒但把琵琶學三弄華堂秋空
月滿檀朱絃翠幙流明星鴈行樂奏乘興發快劍長戟紛爭鳴為君
慷慨彈入塞其作琵琶亭下聽

寄鄭中王孫灌父時約余為嵩少之游

昔我年少思遠遊飛行八極尋浮丘夢寐二花映絕壁崑崙倒挂黃
少室山房卷二十四

五

河流主人況有淮南術要我峰頭煉金液石林萬仞特空翠念戴無
人白雲濕亭亭孤鶴來縹緲山王喬有約予當還今年曳杖定借汝三
十六峰秋月圓

嶺南那美仲以詩見貽賦荅并問惟敬秘書

南海那生何卓犖題書遠寄吳天鶴開城恍對四百峰片片羅浮白
雲落年來嶺表多詞人黎歐以後誰其倫丈夫寸心在萬古那能輕
靴隨風塵聞汝好吟兼好酒一爾千鍾世希有黎生夙昔稱酒狂對
汝還能劇飲否高陽酒徒氣若虹有與倘過蘭陵東不信今時酒殊
絕試問瑯琊王長公長公近一書云酒味殊絕是洗數十年月日

余在婁江日孫齊之徐孟孺同日先後過訪余以行迫不及報

謝追憶二君輒成短歌

孫郎已老徐郎少一日婁江逢二妙趙家白璧總連城海上明珠雙
照耀孫郎髮短垂六旬徐郎三別仍干素余亦狂歌稱隱淪虎溪相
別成大笑滿眼人間失意人

兩得歐楨伯書及致西署秣陵二集走筆寄謝詢其蒼頭李兵
王生手持雙鯉魚剖之中有明月珠數人夜泣魑魅走珊瑚十萬羅
前除美人吏隱金陵畔金馬銅龍誰不羨緩轡晨過其愁里鳴珂夜
入明光殿素淮千里心悠哉撥水蘭橈那得開君家摩勒有佳句祇
今何似卻方回

題瀟湘烟雨圖

柱樹叢生石崑側萬仞寒雲挂蒼壁窮陰大澤龍蛇走綠蘿象龍楚
天黑行吟澤畔者誰子日暮欲歸歸不得黃陵美人把瑤瑟杜宇啼
烟鷓鴣泣

詹東園有茶癖即所居為醉茶軒自言一飲輒可數百杯書來索

詩戲成短歌寄贈

吾聞盧仝有茶癖七碗清風生兩腋吾聞陸羽稱茶仙銅餅細酌中
冷泉古來知味但如此咄咄新安詹仲子胸吞雲夢踏瀟湘一飲百
碗消枯腸虎丘之產茶僅斗盡采遺君不盈口蒙山石上青搓牙咀

少室山房卷二十四

六

嚼那能煩齒牙斟酌建溪三百餅巨杓長瓢堪酌風爐竹几羅庭
除大鑪貯月來中厨松風才過魚眼發玉乳盈缸噴香雪鯨吞鯨鯨
如有神淋漓醉墨馳風雲一飲一揮三百首若箇能詩復能酒胡生
十載戒飲茶金莖日夜烹黃芽天瓢一滴欲伸舉刺刺文君未相許
美君豪興為汝歌歌成擲遡桐江彼明年倘憶吾鄉茗穀雨前朝赴
龍井

夜集郭鴻臚館偶聞鄰室有使酒相虐者余為解紛竟戲作短

歌示鴻臚

古人飲酒戒沈酒一石蕭然神不亂今人飲酒加沐猴脫巾狂叫無
時休雙眼茫茫向天白知交側目成愆尤清音軟語有何意白波平
地如山丘君不見張旭滿引揮雲烟李白一斗詩百篇遇汝那得開
心顏又不見劉阮朝朝竹林醉當日高談遇此輩大白流離玉缸碎
謝文度年八十餘而步履輕健如少新秋棹小舟千里過訪且
拉余往閩中日武夷君遲子久矣余大壯其雙鑊于其行也賦

短歌以訂後期

謝君束髮湖海狂飛騰若木窺扶桑只今九十健于虎白眉紅頰雙
瞳方伯陽我師呂公友玉笈雲章瓊星斗人間獨好胡生詩千里琴
舟澱江口自知名姓在瑤京塵世蜉蝣那得聞朝來共跨赤虬去玉
笙吹向武夷君

夜同方吳兩生集汪士能宅留宿作新都豪士歌

君不見新都俠客汪士能意氣磊落形骸真鬚髯如戟異如蝟泰山
一擲輕千鈞大腹便便亦何有半生但貯宜城酒日倒青蓮三百杯
家藏白墮五千斗暮春三月日頗長杏花半落梅子黃先生白眼看
四海却來岩市登君堂堂上吳生宛如玉座右方生迥超俗博山爐
中沈水香玳瑁玻璃照醴醑相看一笑輕王侯長鯨跋浪風雲愁主
人尚醒客已醉熒熒華燭開朱樓綉縵紗茵迥奇麗一卧明窓不知
曙感君意氣為汝歌贈汝狂名在天地吁嗟乎世途局促難為容賈
漿隱博甘途窮身後榮華竟誰是眼前只嘆嘲蛟龍生家伯兄文且

少室山房卷二十四

七

武驃騎才名駕于古二兄三兄咸楚楚性也第六之名詭滅五伯兄
士能行適第六故云城東明粧十萬家朱唇翠袖爭朝霞相逢不飲
漫成別參差笑殺干桃花君不見杜陵布衣老且拙典盡春衣與逾
發黃四娘家花滿蹊大白攜生醉明月

翌日全集方羽仲宅則王生為大力者負之而趨戲作短歌題

汪氏壁并示汪吳二子

豐干里畔方干宅喬木森森向人立高堂淨掃無纖塵片片明霞傍
檐入主人古貌仍古心市隱蓬蒿甘陸沈片言遇我心欲醉鷓鴣立
解干黃金春日春盤薦春韭白粲鮮鱗無不有乍可朝眠杜曲花那
能夜欠新豐酒溪南兩岬烟樹深美人不見愁人心用盧全語暮雨朝雲
杳何處明月香車返岩市

夏日同吳叔思東坡觀蓮

若耶之溪五十頃綠暈紅酣畫船暝吳王宮中十萬粧明霞為珮風
為裳簫鼓參差棹歌發隔岬清波照羅襪年少誰家雙紫驢座看玉

腕明中流日暮香風四天起惱殺金陵謫仙子

題山房梅花帳

刻藤為簾湘為簾十幅吳綃更奇絕羅浮狂客劉世儒一掃贈我千
峯雪主人清夜眠其中羽衣恍惚來相從參橫斗落不知曙一枝醉
抱春朦朧

送張英甫歸永嘉因詢康山人裕卿

兩年不見張山人阮公眼白誰相親草堂何來下孤鶴青山歲暮迴
嶙峋長揖辭余復行邁指點龍湫白雲外語汝山中康裕卿萬尺飛
流好相待

題宣和帝御製楚江秋晚圖

當年會挂瀟湘席歷歷雲山似相識長憶江頭紅樹村千林落照催
行色隔岬人家草屋深憑闌浩嘯舒塵襟長天花花鳥飛絕潮落汀
洲龍夜吟隱見漁舟泊沙阜莎蓬寒烟莽迴互羣仙可望不可招虛
閣凌空挂烟霧兩翁雙鑠巢許傳崇岡之北茅堂幽登回願蹇驢

少室山房卷二十四

八

客據亂瀑花天際流何人筆底開層巖貌此江南秋一片瘦金書法
了可駭恍惚似入宣和殿

嚴陵晚泊

嚴公昔未遇畊釣日沈冥一朝動人主始識少微星余亦任公子垂
竿三十齡被髮上高臺浮雲空翠屏雙磯拳石那可坐却望三山游
四溟袖裏虹霓一千尺手掣鰲魚歸帝庭

少室山房類集卷二十四

少室山房類集卷二十五

積金華叢書

漱水胡應麟明瑞著

七言古詩一十五首

白苧歌二首

葡萄之酒琥珀缸金鼎玉尊春茫茫博山爐焚沈水香翠屏朱戶羅
笙簧撥琴鼓瑟流清商洞簫遏雲聲飛揚珠簾不掩凝夜霜千花萬
花文華堂明星爛爛出東方左挾安陵右龍陽美人翠袖嬌紅妝素
娥衛女紛成行願君一盼生輝光清歌盈盈繞畫梁夜如何其夜未
央

其二

黃金爲堂白玉椽翠屏珠戶耀輝煌流蘇帳煖春茫茫鴛鴦錦被裁
合歡明眸皓齒嬌相憐三星煌煌月在天燈長燭明興未闕都梁甲
煎茱華軒茱萸蘇合紛纏綿非烟非霧非人間引宮刻羽鳴幽蘭崑
崙之觴斗十干美人垂手臨風前迴身雜珮何珊珊珊瑚火齊間木

少室山房卷二十五

難腰圍尺六芙蓉鮮驚鴻宛轉飄瓊筵雙成美玉俱神仙夜如何其
夜漫漫

行路難六首感事作

君不見竿頭鳶乘風浩蕩遊九天君不見棟頭雀百尺憑虛俯寥廓
君子雖伏安蓬荜小人雄飛勢揮霍乞哀中夜如鴛鴦志意滿極驚
庸流時移事改惡聲播遺臭播間萬夫唾君不見公孫張儀稱丈夫
至今行乞羞庸奴

其二

君不見盤中蠅變幻黑白如丹青君不見市中虎利口紛紜捷桴鼓
君子推誠洞腹肝小人柴棘橫肺腑讒言交構四國諱貝錦百匹張
雲霞那家覆敗手足露絕續劄腸示行路君不見江充舉族無極殲
右北陳詩盈簡編

其三

君不見帳前蚊侵肌噬肉無時停君不見襟前虱飲血嗜膏罔休息

君子守道甘困窮小人聚飲恣曾臆谿壑之欲浩無涯狼貪蠶食肥
私家禍盈孽滿罹刑辟崑崗火延灰玉石君不見梁冀藉貫元載誅
黃金滿谷成丘墟

其四

君不見波間蜃吞吐樓臺倏千仞君不見岩間蛛四張羅網迷空虛
君子行善苦不足小人濟惡才有餘沈機伏弩絆飛走變幻講張何
不有術窮數盡來天刑青冥白晝飛雷霆君不見林甫割棺醜醜
千秋永劫昭大戮

其五

君不見膺畔蝎猛刺如山蝕金鐵君不見澤畔蛇惡氣湧霧張獠牙
君子乘時掃膏澤小人併日行兇邪一朝無處肆醜毒餘憤憑陵螫
草木噬人既盡陰禍延刀鋸鼎鑊快意餐君不見陽由棄市俊臣族
天道好還如轉轂

其六

少室山房卷二十五

君不見海中鱷利齒如山逞兇虐君不見穴中狼巨口如城當道傍
君子好生戒苛慝小人毒害盈剛腸積尸纍纍血成塹意氣揚揚了
不變神人共憤罪惡盈百骸分裂宇宙腥君不見董卓燃臍侯景滅
萬古元兇戒車轍

圍碁歌贈黃生應魁

嘉隆奕者師鮑髯敵手燕臺惟小顏瑯琊門下角程李斧柯欲爛天
東南四明岑乾出稍後自說髯齡遇神授一時諸子皆偏師何能突
過顏鮑右邇來國手歸維揚方生日新最擅場天馬行空絕蹊逕喧
嗽百鳥鳴鷺風會稽黃生名較晚負局攜家傍天苑蹇躓破帽春明
門落落乾坤孰青眼當時奕道頗有聲十年賈勇爭時名一朝神理
洞仙著驂騑獨步長安城落子潛思動移日夢入巴邛四仙窟有時
大敵交中原往往一枰竟秋夕兵鋒所指無羣雄錚錚劍戟摩蒼空
虛堂斐几對剝啄晴天雨色交長虹猛若重障戰鉅鹿奇如鄧艾收
西蜀槎山通道捷有神斬壁開關恣騰逐即當死地偏用奇背水援

桴號令馳俄看赤幟樹高壘股弄強敵如嬰兒倏忽長驅走雷電太
白經天助塵戰全齊階下七十城雄趙一坑四十萬長安五侯不乏
材連雲甲第朱門開高軒駟馬競延致爭先結襪黃金臺黃葉盈庭
僕夫卧風雨蕭蕭燭花墮斧柯幾爛局未終不覺晨鐘徹高唐唐時
供奉誇積薪生豈豕嫡繁後身荒丘仙姬姑若婦九杯口訣留于春
丈人耽奕自蚤歲飛將詞林絕無對茂弘五品輸江郎遇爾那能不
心醉嗟嗟黃生意氣豪豈徒覆局兼合亭上書無路謁明主狂吟易
水風悲號世人沾沾事酒肉高蓋峨冠耀流俗生徒工奕仍工詩老
向金華走碌碌黃生黃生歌莫哀三公九列俱塵埃不見東南八萬
仞寥天石室青霞開奕罷兩奩收白黑局上虧成總虛擲乘雲且逐
胡先生跨鶴鞭龍訪太乙

後園碁歌再贈黃山人

隆萬以來攻奕者歛有小呂闕小蔡黃生崛起禹穴中倏忽時名共
當代丈人巾角游長安國手何人不針芥鮑顏二李盧及岑次第攜

少室山房卷二十五

三

枰入東岱中原豪傑屈指空晚得方生最稱快方生巧思凌古今游
戲神通了無礙永嘉方生並時出名姓俱同劇堪怪少年復有六合
王浸浸澗池欲興代黃生善戰尤自負夙昔疆場構呂蔡方生之下
三子優叱咤登壇勇莫速有如孟德肩孫劉鼎足三分建旗蓋基雖
小道實可觀生也精進迥不懈并吞割據弘霸圖劫殺侵漁盡變態
楸枰落子大勢分先著紛紛布要害吾觀此道與兵合一爲子陳
梗槩攻城略地創都邑背水依山列營砦發縱元勛首幟幟指畫奇
謀洞著蔡接枰擊鼓事征討躍馬橫戈奮驕意湘東一日寧久長大
舜重瞳迄推戴三千牧野行造基百萬昆陽坐奔潰大軍涿鹿平蚩
尤孤卒鴻門闔樊噲混壹區夏秦有權表裏河山晉無害成皇堅壁
控七宇函谷封泥距關隘合枚定陶襲項梁卷甲陰平走鄧艾七縱
七擒啟荒服八戰八克定邊塞歲時吳魏爭長江日夜梁唐闕夾塞
乘風師衆下井陘昌雪潛師抵淮蔡晉陽三版浸難沒卽墨殘都守
無奈闔閭貪欲甚蛇豕勾踐陰謀桀蜂蠆摧鋒白起勁若飛持重廉

頗老能耐虛俊李密王世充鵠蚌高歡宇文泰東西並舉駢全力南
北中分各兩大氣盈量滿隳成功忿削貪亡示明戒入神入聖窮幽
微爲虜爲王決成敗棋與兵合種種然始作何人世沾溉相傳放勳
教丹朱上聖無緣發機械或言戰國尙雄略餘習縱橫此流派丈人
暮歲負基癖錚錚鐵中號亡賴一枰懸榻晝夜攻寢食俱忘滅屢帶
迴光返照念載餘四大部洲任成壞胡來遇爾重作歌見獵渾忘喜
心汰下車搏虎眾欣悅拍手其如士林嘗尙憶裴旻舞劍時道子揮
毫攝干界崔家延伯每臨陣亦藉僧超鼓豪邁雄才絕藝兩間值憐
汝求言日瞻拜虛堂洒墨元氣流萬壑寒風度天籟君不見休仁中
正發已沒待詔師言近誰再仲甫四篇差足存伯祥三路逝安在由
來一局塵世空底事妻兒溺貪愛君不見巴印仙橋大于斗商山四
翁樂相待九枰輸我願未酬會驛龍肝了餘債他時頁局尋先生洞
壑金華亂峰外

會稽黃生奕爲過江第一流而詩亦狡狡一日邂逅黃金臺

少室山房卷二十五

四

上持卷乞余贈言嗣是亟見亟請今且逾十八載矣顧余卒
卒亡寸晷之暇仲冬扁舟北歸楸枰塵積不勝伎癢因抽筆
爲長歌食頃便成餘興勃勃復據拾古今與兵家合者數十
百事鉅釘茲篤勉之黃生弩力精進異日者荒郊仙壙可亡
請益于九枰外矣

武林大雪程太學仲凱邀同張總戎黃刺史徐司理錢文學呂

山人汎棹湖中泊南岸放歌徒步入龍井汲泉淪茗延賞至

暮廼歸

雪花夜半飛三竺萬壑千岳恍如玉新都程生大好事曳杖清晨叩
茆屋手持三百青銅錢要我湖頭豁塵目茂先叔度錢及呂斗笠芒
鞋恣追逐偉長詩思亦橫發首御肩輿入窮谷鴈行到手不暫停鸚
鵡鷓鴣互相屬人比竹林差有餘客方蓮社寧不足階前奇石疊層
巖洞底流泉吐深麓山僧淪茗作清供色香味美迥可掬蒲團葉几
媚優鉢竹院明窗照蒼苔幽深若與塵世辭昏黑將求上方宿或言

拳虎山下通吾意神龍井中伏諸君先發余少留爲語平頭免刺促
四百八十金銀臺會策黎眉入天目

錢象先過訪深雪中往報不克短歌東之

武林夜半北風疾雪片垂天大于翼孤山老梅僵欲死跨蹇呼舟漫
尋覓東吳錢生住照慶擁髯高眼送長日吟成字字散瓊瑤皎若天
花墮禪席憶生三月來武林嘯傲西冷事琴奕憐才總稱陸士衡好
士亦有徐元直窮愁骨相自古然典盡鸚鵡裘壁徒立沾沾訪我空巷
中把贈明璫示親暱風塵勃舉奔走咫尺錢塘夢瓢笠朝來策杖
撥尋汝泥濘階除沒雙屐美人泪涓隔湖水一望雲山思無極登壇
大老儼欲盡藝苑今誰占名籍羨君咳唾饒珠璣下里干夫走辟易
文通老朽嘆才盡形穢那能不趨匪醉枯禿管書短章小刺聊當正
平擲他年把臂姑蘇臺倘許忘年訂金石

仙橋行贈呂生

呂生好奕良有年口如懸河決百川憑陵負氣雙眼白強項肯伏公

少室山房卷二十五

五

卿前自言勅敵止方蔡三人梅內季孟問楚中近有朱氏子黃王以
下知無前場來武林四閱月室中薪盡晨無烟臨安富兒不好事日
夜空囊捫酒錢一朝過我湖水曲脫巾大叫狂呼天先生名姓久岳
立願得片語垂人寰憶乍持刺遠謁我蹇驢薄暮西長安塵埃碌碌
不稱意雲萍此地仍周旋試生伎倆果精絕疾風飛雨鳴華軒唐時
待詔宋供奉齊梁中正俱流傳胡爲終世僅布素江湖老大垂華顛
呂生呂生勿復言才高自古多迤邐煌煌國匠扶天巧造物小兒寧
汝憐不見先生坐詩癖百憂方恨攢眉端荒丘姑婦兩奇絕橋中四
叟吾忘年他時芒屨會挈汝一憑柯欄青霞天

湯陰王翁年百八十矣而肌膚綽約若處子且豪飲數斗不醒

座間出諸名流贈章邀余繼作

王仙翁髮如孤鶴顏如虹大腹便便貯河漢鯨吞鯨吸三千鐘龜紋
蹙起隱胸後玉璫炯炯橫雙瞳眉毫耳毫粲霜雪時人不識呼社公
步輕履坦疾于箭周行五岳攜孤筇自言今年百八十九朝舊事盤

心宵高談弘正儼目捷信陽北地俱兒童大還曾受柱下老素書亦
從河上公王母瑤池燕周穆仙源幾度桃花紅崑崙閩風不肯住脫
身混迹遊寰中場來瓢笠武林道湖光山色聊從容飄然遇我雲水
窟謫仙大叫呼人龍初平騎羊去不返子豈有意仍前蹤金盆玉壺
亦咫尺翩翩奇骨寧凡庸感君意氣爲君歌參差兩腋乘長風却憶
玉皇香案側丹臺恍惚曾相逢塵埃墮落經幾劫欲騎鯨背飛寒空
大鵬希有儼相值遊遊八極追鴻蒙他時再赴易遷約仰天大笑扶
桑東

鳴綠歌贈趙相公

鳴綠江干浪花碧玄菟城頭燧烟熄樓船使者大海迴天子乾清動
顏色憶乍倭奴躡遼左鉦鼓如山勢倉卒漁陽老將縮手坐半矢憑
誰射虜窟相君怒請尙方劔立遣元戎奮雄戟王京一鼓平壤復觀
築鯨鯢血殷壁波瀾震懾懾外肥後長門誓心骨西飛款塞乞朝
貢匍匐稱臣叩警蹕堯仁如天覆八荒慈愍生靈聽蘇息明堂發使

少室山房卷二十五

六

度遼海都尉輕車后先出一時謀議盡忠悃時務終須老成識咸陽
借策憤繞朝五利和戎緊曠昔不見三苗格虞陞更有呼乾拜漢室
唐文雪耻酌百王頡利生禽度沙磧當時渭水亦通款以守則固戰
則克堂堂大邦匪弱宋日本訂豈金元匹越裳重驛白雉馴天王聖
明在中國巍巍獨斷九重上辛苦中郎節旄偏狡夷受封謝天使稽
首扶桑望圭壁坐看雨露窮遐陬乍喜乾坤載安戢天子召見諸元
僚禘廟郊天告社稷相君一笑願九列赤烏几几重謙抑大夫謀國
義當盡羣策皆良難遍屈功成君命幸不辱上賴天威下百執自茲
字內重更始萬禩千秋播忠赤疆場晏寢遠斥埃帷幄謀肇封邑
他年太史釋金置麟閣元助書第一

後學范國維張甫校刻

少室山房類集卷二十五

激水胡應麟明瑞著

七言古詩一十七首

李將軍惟寅得唐吳生觀自在菩薩真蹟長裾跣足天男相
一浣世人稱謂之謬且莊嚴妙好六法具備非五代宋元諸
名家所辦因手勒心經其上而屬余長歌識之

畫師崛起開元日萬象毫端鬼神泣前無顧陸曹衛張二李關韓總
非敵宵中六法參羣靈解衣盤礴流風寔斯須宇宙落指掌茫茫大
塊愁憑陵曾畫玄元皇帝廟隱見人工奪天造杜陵老子筆扛鬼恣
寫篇章豁懷抱金莖碧玉扶雕梁旌旄散爭飄揚詞鋒翰事兩突
兀恍揭日月懸宮牆裴旻將軍號大俠力懸丹青薦莫業干將起舞
爛白虹倒擲寒空日星裂爾時逸氣橫鬚眉狂墨亂洒秋淋瀝辟支
羅利儼飛動旁觀辟易驚神奇吳生一去八百載後起何人劃真幸
徒聞寫照推揚光未信登壇屬王謫脫壁庸庸孫夢卿五朝人物傳

少室山房卷二十六

虛名宋元能事着山水開元遺蹟如晨星此頓大士最殊絕妙好莊
嚴種種列珠璣瓊瑤被四體咫尺天人共頡頏高堂十日雲叢叢彷彿
佛未欄臨普陀俯窺滄海僅滴青蓮一瓣揚洪波劫風萬古吹不
動金身丈六天嗟哉大悲顯化遍五濁宰官帝釋隨呼阿有時幻相
示闍闍世人眯目談娉娥即今看畫豈待說幅巾長帶垂山阿誰其
摹勒事琬琰侯也功德真江河憶侯夙世住靈鷲金粟如來本身後
閻浮一念偶下移翫奇貂蟬曳華綬將壇文苑雙張皇入荒九域傳
琳瑯雜林百金買隻字往往逸調追河梁生平寶此若垂棘樹下楊
枝宛曾識焚香手篆般若經照耀叢林炯雙壁竭來示我合作歌欲
噓甘露迴沈疴才枯思竭腕力弱仰天白眼空摩娑惟余與侯深肺
腑意氣鏗鏗邁今古侯能射虎過裴旻余匪離龍愧杜甫吳生千載
若有緣三生裴杜重周旋安得再起斯人貌君虎頭燕頰相堂堂九
尺玉立麒麟前他年雲臺煙閣第一書姓氏為君大揮十丈之如椽
易水壚頭放歌懷慶卿

君不見高漸離舉杯擊筑天淋瀝君不見魯句踐叱咤于將起雷電
十載荆卿遊酒人褐衣短後隨風塵一朝七首刺秦國白虹千丈垂
麟吟貌赫萬億夾廣陸閭闔耽耽虎狼視羸軀五尺掉臂入勇彘五
賁走慶忌世儒刺促計成敗胡不身履斯人地君不見十三殺人秦
舞陽死灰躑躅秦宮傍當時孺子果怯死捧圖胡以來咸陽乃知鼎
鑊良可蹈一時感激輕毫芒豆羹食色陡變况持白刃遊朝堂天
門戢戢九重關六師七萃紛張皇從容步履若無事俯視政也如螻
蟻國第督亢及迺見至今神貌猶揚揚偉哉大勇曠百世共工項籍
爭雄強入創嬉笑總餘事沾沾俗士徒稱揚君不見聶政大呼本倉
卒專諸進食元潛藏豫生毀形伏橋風誰哉十日交岩廊三人視卿
孰難易一死雖同蹈死異吁嗟大史傳刺客百代何人奮高議我來
易水吟悲風蕭蕭匹馬隨征鴻當時壯士豈復得黃金臺館徒穹窿
為卿作歌酌酒酒恍忽精靈下攜手田光鞠傳眇何處獨往城南問
屠狗大史傳諸刺客其事惟荆卿至難子長專寫木極感發余累有辨折詳筆畫史長等書

少室山房卷二十六

醉中放歌五章

君不見北斗精天飄湛露浮金莖君不見酒泉域甘醴瀉囊地中出
三漿汎溢盈帝壺觴汎崑崙盡紅液從知大造亦耽酒不樂人間復
何有笑殺移封唐汝陽兩缶能令風伯狂西園公子號無忌一醉曹
騰小天地

其二

君不見放勳堯千鍾一飲常逍遙君不見重華舜百觴一舉受天命
衿衣鼓琴二女裸多壽多男祝神聖誰云至禹衰帝德旨酒千秋肇
儀狄鄙哉巢父及許由一瓢不保箕山頭何似攜將貯醴醪蕩蕩魏
魏九州牧

其三

君不見秦祖龍布衣十日咸陽官君不見漢高帝擊筑登臺望天際
驅山鞭石魑魅走素嫗雲中夜流涕咸加四海卷六合匍匐平城會
如葉不因大風沛上歌千秋胡顏較仲多博浪沙中副車碎底似平

原次句醉

其四

君不見魯仲尼聖德巍巍穹壤齊君不見姬公旦赤烏忠勤古今擅
有孚濡首繫易終惟汝無量不及亂鳴呼周孔兩大聖歡伯時時見
親幸胡爲屈子遊江潭獨醒反被蛟龍殮諒爲名士傳不朽但讀離
騷飲美酒

其五

君不見東王公金莖瓊醴延青童君不見西王姥高宴瑤池萬粧舞
白雲在天丘陵出青雀翻飛報漢武列仙羣聖三百六咲揮天姝美
如玉東方小兒下界遊蟠桃三熟仍三偷覓解貂裘換雲液我欲乘
風上八極

後醉中放歌五章

君不見陳孟公席間壯氣噓長虹君不見孔文舉座上賓朋劇風雨
金罍玉尊酒滿堂跋扈飛揚恣豪舉才疏志大差足惜投轄樵關政

少室山房卷二十六

三

漢魏侯

堪語人生倏忽同蜉蝣夜長晝短秉燭遊千秋飲者傳異代漢魏侯
王竟誰在

其二

君不見阮嗣宗竹林白眼天朦朧君不見陶元亮破帽東籬漉家釀
五斗何如歸去來長嘯墟頭興逾王謝公雙屐嵇公琴明哲胡爲異
霄壤步兵臧否吾所師柴桑三徑嗟無資當時一官不自保百代聲
華擅文藻

其三

君不見張季鷹放浪江東稱步兵君不見晉吏部醉倒甕頭笑行路
衣冠鞞靽徒檻猿富貴斯須草頭露姦雄竊國夷亂華日月何如醉
中廢籬鄉亭下風颭颭高標想像垂千秋不因酣卧遭束縛後世何
緣有畢卓

其四

君不見太白翁鯨吞鰲吸三千鍾君不見少陵叟蟬腹龜腸三百首

狂歌痛飲差快意典盡春衣漫翹首身後河山千載名生前宇宙一
壺酒人生有錢付酒家十日五日傾流霞今辰何辰夕何夕試問未
陽與采石

其五

君不見王長公彩毫萬古稱人龍君不見汪伯玉一醉頽唐倒千斛
太常齋日不禁酒歲歲如泥三百六金華邂逅赤松子潦倒乾坤洞
肝腹奔圍澹圃及太函悲風宿草俱茫然當時把臂誰上坐老淚河
山夕陽墮

平原道中無侶卧小舟獨爲十日飲飲醉日爲一短歌前

後各五章荒唐謬悠間以詼滑禮法之士咸謂弗根典午

林下諸賢顧躍然羣起和我聊復振而存之

長安僧舍邂逅莊山人靜父余初未之識也靜父獨以意契邀

余啜茗禪榻中翛然竟日垂別問姓名乃相顧大笑贈以此

歌

少室山房卷二十六

四

漢魏侯

黃金臺下莊靜父嘯弄雲烟天尺五烹葵拉我遠公社錯落芙蓉每
花吐經年作客咸陽東浩歌擊筑飛長虹貂裘傲盡歸不得五見黃
葉號西風何日相將武夷去桃花九曲流春紅丹青樓殿四百八醉
謁上帝金銀宮

晉陵夜泊寄懷張總戎黃刺史

君不見黃叔度曾次任任千頃陂君不見張茂先襟懷朗朗百間屋
萍蹤邂逅天東南把臂論心洞肝腹張公飢舍宗陽宮生平俠氣摩
蒼穹高牙大纛屏一壑十年釣艇橫西風黃君卜築紫陽岫四壁圖
書坐清畫堆雄二劍巧相值錯落寒光映袍袖一朝遇我肺肝親青
天散髮成三人把盃白眼望青吳寒冬大壑迴陽春圍爐煖閣坐深
夜彈碁覆局流星文形骸不將爾汝隔往往一諾懸千鈞邀我湖頭
結新社春花秋月長爲鄰何意風波起倉卒轉盼交游異南北脂車
秣馬發中路把袂河梁壯夫泣青衫潦倒困一經俯首王門弄齊瑟
平津相君差快意吐哺延賓近東壁客星帝座寧久眠夢入相山釣

熬窟呂梁震澤天茫茫極目飛雲橫太行遙看親舍宅其下霜鬢雪
髻垂高堂功名富貴果何物經時乞米留長楊扁舟便作五湖客童
孛十口歌滄浪黃河濁浪浩無際支那魍魎爭豪強大鯨如山奮鬚
鬣參差一葉浮沙棠窮途歷盡抵淮甸南下維揚疾于箭却憶張黃
兩故人宿昔河梁涕沾面男兒有身百不憂千秋大業寧公侯三孤
九列亦餘事榮華倏忽同蟬蛸君不見張公英雄蓋一世烟閣雲臺
了無繫忘却麒麟第一人獨往寒山問真諦君不見黃君意氣橫清
霄一麾海上遊逍遙垂天大翼六月息中林往往嗤鶴鶴我今胡爲
尚泥洋布襪青鞋共吾子四百八十金銀臺割據湖山誓從此
聞清源王孝廉得第將歸戲爲短歌寄訊

燕中日聞文仲使君手書寄余不達而返短歌訊之

少室山房卷二十六

五

憶昔仙昆下東國種露栽雲瀛城邑至尊召見朝光宮上考吳公書
第一含香郎署五載餘大府却擁專城居黃堂赫赫五馬貴翻令尺
素來樵漁宛轉雙魚激江畔爲復浮沈付殷羨美人如花若耶岸邊
我同開越王殿

蟠桃歌爲大學士趙公賦

君不見大羅之天天盡頭峩峩五城十二樓金銀臺殿四百八瑤池
阿母乘蒼虬上有蟠桃枝下拂崑崙丘託根層城頂倒影弱水流一
花三千春一實三千秋一花一實瀝開落滄桑億萬增牙籌成周穆
滿慕長世飛黃驟驥憑空遊西華設燕坐樹下欲噉此果不敢求元
封武帝候青鳥行厨玉女羅天球貪心欲植上林苑詎知人代同蟬
蛸東方本是謫仙子三熟三偷混塵滓巨靈一見呼兒曹函谷于今
氣長紫池頭又閱三千年幾看渤海成桑田玉桃偷得不自飽却來
東閣登華筵玳瑁筵閒近平樂南斗爲樽北斗杓中使傳觴太液亭
大官行饌甘泉帳五陵冠蓋何網緝入荒一氣旋洪鈞三年三月十

三日河清海晏飛祥雲老人星見紫微側百辟趨躄相君相君世
胃本清獻琴鶴風流誰不羨焚香告天天下聽炯炯靈臺絕欺謾龍
頭晚達升長楊要將隻手扶綱常觸喉時宰甘播棄一麾南海趨衡
陽采藥羅浮嶺折梅庾嶺旁朱明鑿窳襍勾漏捫丹方拂衣却返嚴
子瀨六洞三山迥相待背城十里金臺尖買斷寒崖碧霄外嵯峨絕
壑懸飛龍白雲紫霞湧雪同流泉百尺清見底噴珠漱玉聲玲瓏灼
然靈境果奇絕彷彿藏書神禹文初平騎羊當畫過大士雙林話禪
悅東山一壑寧久局應圖處處懸丹青南陽抱膝卧豈得玄纁束帛
來繼軒乾綱再振寰宇闢左列夔龍右垂益一朝百揆司鹽梅萬姓
歡呼荷天力和衷協德居承明正笏垂紳臨大廷帝心默感九重上
剴然天地迴清寧維時西夏變倉卒奮臂兇渠一呼集包藏禍心結
狂狡當宁皇皇食爲戾東方島夷彌陸梁篡竊故主圖開疆玉京一
鼓平壤破堪曾車轍矜蝗螂中原旱魃播災禍十家九家望門餓三
方大難叢一時姦豪所在蟠蛟螭誰其帷幄運奇策太阿白日飛丹

少室山房卷二十六

六

墀天威咫尺強虜下汎掃妖氛出寧夏兩宮賑給十郡全民忘旱魃
爲豐年總戎經略度鴨綠虜首羣梟大會覆朝鮮故主仍復都稽顙
西飛乞臣伏區區鹿豕左右王迫脅蜂蟻窺遼陽王師一出盡瓦解
橐駝千隊如驅羊南北東西並安輯偉哉相業不世出驅除或謂參
等勞發縱伊誰匪相國府宮一體忘喧囂皇儲出閣安勤勞一人元
良萬邦肅功百房杜追夔陶俯仰天心念良弼五福煌煌厥躬集越
裳翡翠日夜輪肅慎波臣到重譯卽今壽域開明堂桑弧蓬矢羅圭
璋十方翹首望香漢含哺鼓腹歌陶唐天子傳宣下丹闕尚方欽賜
渾羊設金錢榮爛內府儲品饌珍羞路填咽維時春暮百卉榮梅梨
杏奈俱生成牡丹今歲尤蚤發燁如雲錦披仙城獨有蟠桃隔瀛海
玄圃蓬丘斷樵採乍宵東走過吉雲偷得持觴獻眞宰眞宰年才七
十強豐頤廣頰形貌康四聰四目明且達儼如威鳳遊崑崙孫枝繞
膝百千指蘭玉盈庭照羅綺面前羅拜但點頭樂事世間誰更比願
公酌我酒聽我蟠桃歌不爲萬間厦奈彼寒士何聽我蟠桃歌願公

酌我酒大庇寒士顏還須棟梁手蟠桃歌莫浪嗟願公歲歲傾流霞
姜公八十造王室衛公九十勤王家阿衡百歲佐商運雲臺烟閣傳
無涯蟠桃歌歌莫誇願公歲歲傾流霞三教本來一赤松舊吾家功
成却把傅崑鼎轉烹大藥調黃芽從茲以後更閱三萬六千日青牛
白鹿還流沙

少室山房類纂卷二十七

續金華叢書

漱水胡應麟明瑞著

七言古詩一十一首

金壇鄧孺孝以易詮見寄賦答時舟過京口

垂髫夢入華陽洞耳割乖龍與飛動
苑家兄弟騎赤虬握手胡生喚
珍重金壇壇上鄧伯羔蒲籍何年離
大苑三山長嘯俯六合濯足瀛
海霜空高點易研朱閉蓬戶塵世
浮榮營朝露韋編幾絕不肯休
沈沈
悠義文案頭晤成書寄我十萬言
言言盡抉參同詮丹霄擇日待冲
舉何物黃金稱大還還山高挂九節
杖一見初成訝神王傳語山中
白衣相屈指相逢大羅上

洛陽春色圖題陳道復水墨牡丹

乃黎惟敬出都

二百年來畫花卉吳中沈周稱第一
頡頏並數陳生淳不事丹青祇
水墨天機一派掌上流盡掃鉛華露
風骨家雞曩昔厭餘子運歲聲

少室山房卷二十七

夢還

名徒藉藉吾家此卷尤絕奇不向長安
市中得南海黎君夙遺我把
袂河梁示親暉牙籤錦軸題八分四字
猶存故人迹憶生袒裸盤礴
時頤指羣工若隸役中山大管操如椽
半醉掀髯見真率桑皮丈八
橫高堂元氣茫茫墮几席姚黃魏紫信
手拈管眼干花萬花出須臾
四座迴春風媚李穠桃總辟易青油翠
幙張眉階十二雕欄護傾圮
天然富貴壓塵土底事珊瑚闥王石盤
行瑪瑙夜色殷屏敞琉璃曙
光濕瓊樓特起明朱霞玉佩低垂映紅
日女英嫵納借娥皇飛燕昭
陽倚合德廊開響屐西子遊亭俯沈香
阿環立弄烟絳露態不禁握
雨攜雲狀難悉枯枝斷幹若草草嫩蕊
繁英轉奕奕芳菲恍度洛水
頭爛熳如棲上林側咄嗟陳生何太奇
十指參差幻帝力含毫肯避
造物噴落楮糊合化工泣經時顧凱筆
欲飛曠代徐熙品推逸趙昌
形似口兒曹黃監精工詎倫匹為拈老
句題冊終跋扈飛揚迥相敵
連城十五差足償美錦三千復何惜卧
觀旬月仍卷懷咲殺明誠錄
金石

丹圖以直重卷還趙明誠得徐照杜丹

于生歌贈鳳鳴

齊東于生太奇絕草就征西纔十八萬
言落筆風雨驚白眼青天對
明誠憶生季少歌遠遊興到扁舟夜中
發嬌妻稚女了不顧一葦蒼
茫汎吳越會稽秦望攀曉迴首山陰正
飛雪四百八十金銀宮湖
上烟波若塗抹移舟却向姑蘇臺楊子
濤聲暮填咽石城南訪莫
愁畫棟雕甍管絃列平康巷陌人如花
散盡黃金等塵屑黃金散盡
歸故鄉斑斕菽水娛高堂三冬文史業
頗富驂駟驟耳爭騰驤一經
恥逐蠹魚老摩娑石鼓臨鍾王解衣盤
礴得畫理朱欄傾柯浮瀟湘
禽魚小景各生動飛鳴宿食交林塘明
窗淨几拂縑素虎丘細酌焚
清香名流滿座揮大白百觚一飲雄高
陽酣來如意舞精鐵雙龍錯
落迴精光一朝遇我莊岳底飄然挾刺
來芴堂念年魂夢走澗水龍
門渺邈如天閭先生牙頰肯終惠蠅螭
努力追飛黃嗟余漫落拙且
蹇江淮一旅徒披猖中原屈指故老盡
卽今二仲誰求羊遲迨逢生

少室山房卷二十七

夢還

竹林下有如阮籍借嵇康淋漓麩豨豈
無意仰天大笑神飛揚男兒
事業在十指述功紀德皆文章高冠大
蓋等澌沫電光石火徒張皇
生今二十甫逾八聲華燁燁懸鄉邦歌
處呻吟總金石賦成咳唾俱
琳瑯山東英妙孰卿比長纓直欲覓窮
荒他時掉臂走雙關天人三
策據岩廊名成彈指竟大業肯將肉食
移青細春風乍夜變揚柳娟
娟別思盈河梁念子殷勤若膠漆紛披
大雪攜壺漿男兒抗手詎足
論新秋計日來餘皇芒鞋布襪吾共爾
翩翩結東窮齊方雲霞萬仞
躡梁父七十二帝驂翔磨崖絕頂勒名
姓卧看海日生扶桑

讀漢壽亭侯廟志歌有序

關壯繆侯廟祀遍海內獨履歷自陳壽
本傳外概亡足徵壽
書體存簡質頌裴注贖縵差足證明而
是傳參伍殊寡迨勝
國明初禱劇傳奇與市井之演義出而
壯繆生平事迹混淆
極矣左轄蒲州趙公產侯同里因據元
人所修漢壽亭侯志
詳加訂覈擴為茲編余諷誦興懷輒綴長
歌卷末百世而下

得亡以爲知言也

芒楊天開九州牧白水與符赤伏炎精四百運數終海寓瓜分魏
吳蜀巍巍壯繆起解良精忠大義扶三光南權北操兩巨猾侯也
睥睨如蜩蟬憶破袁軍訪昭烈十萬貔貅膽俱裂飛身立取上將頭
向曹瞞血猶熱荆州坐鎮推元戎恢圖漢室除姦雄舉襄圍樊勢破
竹七軍電掃如秋蓬禁存德梟兩雉兔大澤鱗鱗奔廻互天崩地拆
華夏驚六合幾完漢時故自許以南遜受盟壺漿食俟湯征伐殺
曹瞞拔漢帝中原亡穴逃長鯨苦恨東吳衆孫賊割據河山聘詐力
陰謀秘計日夜萌舉國昏昏效鬼域賊蒙詭避遜嗣興甘言蜜餌藏
戈兵侯也胸懷豁雲夢那知故穴潛分崩樊圍不設僅三版赤手荆
州竟徒返麥城困守臨沮悲今古英雄遞扼腕侯亡逾月蒙亦亡流
芳遺臭垂青細漢統興衰實侯繫蒙身百斬寧堪償權本狼貪遜狐
媚克德于時偶參會皇天有意灰炎精詎曰羣姦智能遂玉泉之山
紫氣屯侯今世世爲明神童孩走卒競瞻拜萬年廟食昭君臣皇皇

少室山房卷二十七

三

左伯亦蒲產產異代同心帝歎展執鞭想象廻英風欲起侯躬詠悽
惋九原不作空踟躕拮据往事垂璫瑣青細觸目親顏面侯也恍惚
來前除雲旂飄空互明滅鐵馬金戈儼騰踏紛紛成敗論後人磨磨
何由覩雙曉東陽腐儒史筆流衰誅隻字嚴陽秋爲侯作歌候何讀
掀髯一笑諸吳牛

逍遙篇爲袁履善八秩賦有序

袁丈履善行年政八十矣而色若孺子且步履矯輕筋骨強
悍神明之用老而逾王至玄譚眇論儼叩巨鐘何懸海翻壘
壘不竭飲酒奕棋賦詩染翰快辰傾宵即壯夫未易追也是
秋聞余匏繫胡上拏舟千里屬賦長歌爲壽昔盧照隣抱疾
幽憂一旦遇孫思邈慨然作賦以自況迺余年垂半百齒髮
變衰而袁丈方霞舉軒軒冷然天際今之所遇得亡猶昔乎
夫上古有大椿者八千歲以爲春秋而袁丈年甫八十夫莊
生之旨此特其兆端耳因稍次其歷履爲逍遙之篇

國初詞人袁海叟白燕篇章膾人口風流文藻二百年載觀當今沔

陽守沔陽刺史真人豪弱冠雄心蟠巨鼉射策魯同舍州傳三山彩
筆飛寒濤白氈青衫走燕市杜曲東風箱游騎黃金臺館干尺強擊
筑狂歌五侯避長楊執戟甘沈冥一麾出守辭神京朱幡早蓋列先
後我豈大舳浮江城江城八月天茫茫九疑七澤連高唐岳陽樓頭
喚杜甫乾坤萬古留詩狂吏事紛紜苦拘束廻首家林夢松菊拜迎
官長折腰領鞭撻黎粹肝腹文人拙宦自古然丈夫詎乞見曹憐
區區五斗若毛髮肯將一飽酬如椽步兵江東與飛越兩履秋光路
明滅爲圓半割三柳雲築室全邀九峯月九峯三柳長道遙飄然越
海來輕橈金銀梵宇四百八烟霞石屋攀峭嶮嗜昔逢余大堤上拂
拭楸枰互神王持杯恍締竹林友醉眼朦朧豁香壤四腮鱸熟歸興
濃河梁對折雙飛龍重來握手瓦棺寺燭花夜半流殘紅聞道今年
政八十步履康莊捷蚊翼家家拂席延林宗處處攜觴候安石嗟余
落魄雅好游夙生藥物攢眉頭看君耄耄若孺子香山洛社同優游

少室山房卷二十七

四

玳瑁筵開虎丘畔雙鑊廉頗老能飯芝蘭玉樹森庭堦舞綵含飴劇
堪羨何來初度地蘇符孟秋晦日懸桑弧今年七月月小盡安期乙
夜來蓬壺大白浮公爲公壽塵世浮華孰先後靈光一柱海岱間屈
指君王問耆舊冥靈瑣瑣未足誇瑤池幾見飛桃花春秋載閱大
曆青牛相逐還流沙

布帆行寄徐使君有序

先是惟得使君以青雀見假自淮達燕至是晤余彭城復輟
所御縑縑載我十口兩入帝都行人亡恙秋毫使君力也爰
賦長歌屬之榜棹凡八百八十言
吾家大羅上絕頂增城樓醒逐東方生竊桃瀛海頭罡風起八極吹
墮蒼精虬支機隔銀漢織女忘牽牛男兒意氣凌千秋如椽十丈輕
王侯爾陵美酒三萬斛百觚一飲眠糟丘吳娃越童兩綽約妝成累
月彈篋參差狂態發中座不告妻子乘扁舟山陰夜半六花綻雪
片紛紛墮高岸戴家慵夫喚不應載得西施若耶畔五湖汎宅天茫

茫九疑合沓連高唐巫娥握手呼宋王朝雲暮雨啼英皇北望宸居
建章起西笑長安興難已大江東下飛寒濤南顧洪河疾流矢亂山
芒碭尋真龍咄咄新豐亭長公甘言鼎鑊給老父彎弧反射如蓬萊
穀城醉留侯緬懷游赤松胡顏教陸準背約迫重瞳侵尋楚事去城
下貪天功時無軒轅帝豎子皆英雄迺知曠昔廣武嘆步兵衡鑑懸
秋空大夫白眼甘慟哭忍將個轍行途窮彭城困阮古來有躑躅徐
卿望余久尊前片諾肝膽傾苦憶忘年竹林友樓船一借張孝廉勃
罕猶堪事奔走濟勝魯衛遺墟極目黃河門柳蹙蹙蹙蹙蹙蹙蹙蹙
萊華陽碣石俱塵纒道傍叱咤魯勾踐白虹怒吼昭王臺左掣雕龍
右屠狗乾坤嘍嘍雙青鞋俗流驚怪頗欲殺先人玩弄如庸孩故園
松菊渺何處拂衣長嘯吟歸來親舍夷猶太行麓抱膝躬耕事樵牧
長鏡谷口時逍遙點綴魚蝦伴麋鹿石羊成隊開金華丹崖翠壁流
胡麻支機却訪鶴橋畔尋源直駕崑崙槎長州官闕閉荒苑湖打空
城秣陵晚墟頭誰問太白星六代殘碑帶蒼蘚夕陽吟桃葉雙漿粉

少室山房卷二十七

五

前溪莫愁盧家婦邀我長干西臨春結綺蔓狐兔白門禾黍空高底
笑殺當時景陽井三人貫索如連雞瓜步旌旗迴迴合燈火刊溝互
明滅珠簾十里歌吹濃一派簾聲廣陵月青樓宿紫薇繡幕圍羅衣
征夫念長路明發臨淮圻使君彈指訖歷歲大驚高牙坐相慰布帆
不厭長康癡安穩行人出徐沛陸余畏路頻遠游羨汝急流真勇退
挂冠神武殊勿忽黯淡鄉心人猶論欷歔給勻秋霜張錦席浮滄浪
大姑迓客來南康小姑送客過潯陽武昌黃鶴爲君下關千百尺摩
青蒼買得秦人避秦地夾堤紅樹廻漁郎拂衣偃息武陵洞白雲如
絮紫軒窗人生俯仰貴適意築宮冲漠朝羲皇危亭四顧象緯列九
玄瓊笈羅縹緗細噫吁使君卧豈得絲絃平泉漫營室蒼生四海唇
嗽翹首絲綸帝三錫司空治水魁魁愁太尉登壇鬼神泣降生名世
詎偶然突兀麒麟候顏色廟堂計日譏雄圖掃除日本割殘胡天吳
亂迹海若徒雞林重譯來長途黝庸奕奕樹彘鼎飄然一葦還孤蘆
三千行圓八百就刀圭入口升蓬壺此際胡生滿蒲籍香案仍居玉

皇側大鵬希有行相逢浩蕩扶搖騁八翼營營下土同蟬蛻天上寧
知總舊識蟠桃盡摘玄圃霞爛熳瑶池醉千日

寄俞聲父廣文俞君六十而意氣壯甚投余萬言之書愧無
以報報以短歌

俞翁六十形貌蒼胷中壯氣何昂藏唾壺碎擊鐵如意獨夜悲歌神
慷慨素書雙鯉乍遺我剖之字字皆琳瑯豐城雙劍久埋獄誰從石
匣提干將載讀名山兩游記雄詞直上追斑揚寒聲四壁響空翠雲
霞萬疊流青細與來便欲遠尋汝青鞋布襪雙翔翥巖巖絕頂跨鵬
背側身南斗呼瓊漿晨風不假子安便滕王高閣天蒼茫珠簾畫棟
永寂寞何人百代垂文章參差念汝袖中刺片帆計日來潯陽琵琶
亭下遇商婦荻花楓葉吟秋江洞天攜手三十六醉鞭亂石成羣羊
王門鼓瑟讓兒輩沾沾白雪彈清霜誰云燭武非少日即今聖主開
明堂魏尚雲中阮羣吏樓船十萬橫扶桑一朝譚笑生羽翼至尊投
袂呼馮唐君不見公孫片言合武帝千秋野位高明光

少室山房卷二十七

六

度遼行再送萬中丞

山西萬侯真丈夫豪名七世聞匈奴虎頭燕領鐵作膚弱齡猛氣吞
於菟擔簦挾策遊天都赤手欲把蒼生扶九重含笑留操觚一麾重
鎮分銅符念年大白揮醪酥雄心日夜馳伊吾漁陽鼙鼓動地呼至
尊報飯思良謀倉皇頗牧勤朝哺聖書十道飛平盧紫貂三錫來屠
蘇清酒黃封傳玉壺酒酣耳熱聲鳴榔杯慷慨登長途獵貅十萬
聽援袍鵝鶴三千墮渡瀘八百家丁操僕姑甲光耀日天糲糊朝鮮
筮食歌來蘇王京一掃空荏苒樓船鳴綠江平鋪長驅海若糜封狐
釜山對馬風摧枯西飛清政魂先祖六十六島追逃通行長骨碎行
頭願生擒關白如螻蛄金人夾道陳休屠至尊前殿臨賜餉子孫奕
奕封金吾河山帶礪名公孤一編黃石垂孫吳山西萬侯真丈夫
昌世孝廉有子記誦絕人十二遊泮傾動儕輩爲作阿咸行
阿咸七歲工臨池眼如點漆膚凝脂九齡大書掃秋葉墨花往往堆
連漪十二青衫走黃校十五智腹蟠珠璣千言一揮河漢溢萬卷一

目風雲馳矯若金莖擢雲際亭亭百尺無傍枝君不見楊收十三擅
文藻乞言盡日窺藩籬男兒墮地山岳動豈與氓庶同蚩蚩又不見
子安十四序滕閣落霞秋水標神奇低昂造化在掌握寸管立洩玄
元機區區富貴果何物百代聲華迴難匹古今名士多少成大業終
須汝曹立况復而翁字彥國載世文光炯奎壁他時稅駕詎可量汗
漫扶搖待風翼嗟余潦倒病且愁倏忽流年近高適王家玉樹空臨
麻一子呱呱尙在席蒼蒼視收思欲飛那得寧馨在蓬華後生可畏
亦可虞電火人身詎金石少時我亦王楊徒此際何由髮重黑含毫
爲汝聊作歌努力韶光莫虛擲

繁弱行王世叔通侯圖中觀射作

王侯腰懸鐵補襜雕弧手挽五石強疎身注目捷風電左射右射迴
莫當大旆高牙盡雲際戈鋌甲冑紛飄揚觀者如山盡辟易九兕却
走千夫僵巖呼谷應地洶湧砂奔礮舞天蒼茫羲和慘沮白日匿飛
星十道流扶桑一發旄頭落再發連雙鶴三發定天山築城稱受降

少室山房卷二十七

七

連珠四五六七八紛相將九發九日墜百發百穿楊巧若甘蠶教飛
衛勇如養叔攜潘飛雀兒隻目詎足擬牛心片截差堪管丈夫夙昔
四方志桑蓬孤矢懸高堂登壇仗鉞挂金印英風八面馳戎菴稜稜
霜氣蕪羽箭秋空俊鶴爭翔翔吁嗟君侯絕技有如此歷數古來名
將噫能雙憶昔文成挽宗社元勳茂烈標旗常河山帶礪國同永丹
書奕葉傳貂璫侯也登朝在髯中朱顏綠髮矚琳瑯畫攝衣冠扈鑿
駱夜鳴刁斗驅龍驤臨淮座上侯相值軒軒霞舉明朝陽驂騶綠耳
詎凡骨聲華藉甚蜚天閭帝謂河濱實司命九重特詔來推陽燧觴
巨艦載芻粟旌旆絡繹浮長江黃流徐沛忽中斷一麾立度千餘皇
干城獨坐鎮寰宇魄哉天塹雄金湯八百貢篚輸上國天子設燕開
明堂安危華夏賴公等張公神物真干將寶弓玉櫛帝三錫雅稱大
白呈中黃太平無事罷征戰綠蕪生執苦沈槍酒酣耳熱壯心發唾
壺碎擊欬胡牀矢鋒貫虱總浮誕弓弦落鳥徒誇張縱觀侯射果殊
絕飲羽穿札誰低昂吁嗟侯技詎止此弱齡海內傳篇章詞鋒筆陳

兩揮霍將壇文苑俱輝煌卽今侯年但強仕威稜燁燁傳遐荒他時
累葉事明聖二十四考追汾陽麒麟第一鐵姓氏萬年繁弱流芬芳
南歸留贈數元厚之并寄別文明王呂靜父長方至卿燕孺七
子

君不見燕昭王高車大帛招賢良黃金臺館臺天際樂生掉臂來華
陽又不見漸離子白眼酣歌競睚眦囊無擔石那復論手拉荆卿誓
生死豪華極目俱荒坵蕭蕭易水長東流何人築宮館材傑何人擊
筑追名流先生獲落滄海上蒙茸七尺披羊裘虹蜺爲竿月爲餌六
鰲夜掣珊瑚鈞資霞爛逐赤松卧馭風屢學青蓮遊長鯨鱗鬣差快
意揮斤八極同浮樞狂來拍手驚帝座失足偶墮天南頭天南臺殿
四百八金銀觀關連神州一遊一月不知返勝概欲盡仍淹留浮槎
溯溟渤泊宅凌滄洲名娃擁駿騎笑輕王侯遙遞去揚越望望來
燕幽長安富兒不解事如山酒肉供伴優長裾不曳朝貴第却來易
水聊優游翩翩二仲巧相值片言頓覺平生投雄心總向劇孟吐休

少室山房卷二十七

八

節肯使朱家羞名圖爽塏背北郭榮爛珠簾護油幕軒窗屈曲紫葍
苦戶隔周道藝蘭若爐烟澹若逐揮酒茗椀清冷恣斟酌綠尊翠杓
春茫茫指點明星月西落青絲鞵盒游南郊王蔡追隨恣懽譁紫髯
靜父雅好文風雅場中主畫諾蹇驢夜入長安城一乘徐躡手重握
徐卿意氣天下無蚤排闥闔閭樽皇都鐵冠多緒等長物玩世竟逐金
門徒陳生元方美冠玉雕蟲刻鵞酬操觚倉皇七貴招不得爲我日
寫秋山圖錢塘散僧尙留髮孤山舊社追林逋灤州黃生最年少擔
簦共入黃金壚一時衣袂把羣彥仰天被髮歌嗚嗚起舞那知夕陽
落飛談直過行雲徂呼盧覆局與逾銳淋漓身世隨屠沽更長漏永
列紅燭十千醪醴窮清壺人事紛紜百憂集哀樂相乘豈終極別離
忽動腸關愁柳色青青遍畿邑丈夫恥學兒女顏萬里比鄰叶金石
吁嗟兩生良好仇爲我分攜泪沾臆君不見昭王臺館屹天際衰草
寒烟暮荒墟豈若胡生五畝宮郭苑梁臺邁明世又不見漸離擊筑
徒悲號匣中一擲空鉛刀豈若苑生把柔翰嗚嗚碣石攀吾曹卽今

塵壘暗四野吾曹豈是蠅營者卧龍管樂嗜賢愚屠狗荆高並滿泗
大河冰漸竹箭流胡姬送客臨高樓驪駒唱徹渭城畔悲風萬壑展
鹿麕人生會晤遶河漢功名何物真好蚌作歌鄭重別二子爲我歷
訊諸同游時雨生送余舟中申旦解纜適別

少室山房卷二十七

九步

少室山房類集卷二十七

激水胡應麟明瑞著

七言古詩十五首

宋揚蘭亭趙文敏臨本真蹟歌

永和九年歲癸丑典午衣冠盡南走臨池崛起王右軍萬古乾坤落
書藪江東勝概標蘭亭軒窗亂疊羣山青流觴曲水修禊事一樽隨
意酣沈冥道服逍遙坐亭子認是當年會稽史尋山玩水不解愁屢
向人前誇樂死含毫是日如有神飛天歷歷來仙眞崢嶸隻字啟八
法快劍長戟崩星辰諸賢詞翰盡歷倒與公地足徒天矯垂頭大令
甘罰航奕葉瑯琊傳至寶雲初智永歷辨才屋梁伏檻藪蒿萊文王
百計命蕭翼逡巡玉匣沈泉臺餘子紛紛競摹勒掌指烟煤半狼藉
率更斐几撫硬黃來世爭傳定武石勝朝妙蹟仍浮屠北禪老僧秘
若無吳興轉乞狐獨本十三跋語題長途窮年兩腕追步伐忙狂騷
黃較絲髮雙雕比翼翔太空勢極扶搖貫閭闔此弓舊揚眞宋前五

少室山房卷二十八

字未損端流天奚播墨濤儼如漆澄心素札鋪純綿竭來燕市裏飯
篋瞥見裏中眼雙熱傾囊購得置案頭不減西方貝多葉龍盤鳳翥
何紛披三百餘字字字飛乾坤萬古但一帖含毫落筆俱天機吳興
臨本推冢嫡中郎虎賁親如畫誰哉帖尾聯王羊展卷狂呼勝和璧
古今二絕偕遺逢茆齋氣色干長虹將無一夕雷電入六丁下索還
鴻濛沈吟却憶永和世舉代清談誤眞際虛聞一統僞漢唐大業三
途驟凌替猶餘八法懸高旻墨池混漾雄干春漢文唐律遂鼎峙至
今免誚秦無人腐儒往往嗤小技賢劫轉令重晉氏歐虞薛褚匪上
乘吳興入室世無異一觴一咏樂奈何醉來故帖重摩娑恍入山陰
坐修竹拍浮流水觀羣鶴

王元琳伯遠帖真蹟歌

自從虜人宣和殿晉人眞蹟世罕見二王之外尤無聞胡乃此帖傳
王珣四十二字圖奇絕字字精芒射天關蕭疎逸宕轉姿態化牡騷
黃半明滅當年宣武稱黑頭誰其大筆東亭侯至今江左僅茲帖如

椽恍忽存風流鋒鏘伯遠隸書請妙蹟宣和曠今古右軍失令俱塵
埃靈光一柱猶蒿萊九百餘年秘雲笈暗中神鬼互呵斥何論寶玉
與大弓茅齋白日飛長虹

顏魯公祭姪草歌 有序

吳興跋祓帖謂右軍書蘭亭是已退筆因其勢而用之無不
如志茲其所以神也今蘭亭不可見矣魯公祭季明文其筆
鋒退盡者披攬眞蹟吳興數語宛然若爲茲帖傳神惜當時
困學齋中何以不令一觀也

逆胡播亂飛黃塵旄頭月黑纏妖氛常清血戰棄全陝二十四郡虛
無人平原魯公皆雙裂一麾猛氣雄三軍疾呼河北倡忠義普天奉
士知君臣帝心未滅安史禍果卿碎舌投天津巢傾卵覆季明死舉
宗三百遺坑焚烏蒿飽食填蟻妬毒痛四海同酸辛魯公腕憤掩
骼哭兄祭姪噓愁雲生平正氣塞宇宙淋漓一帖猶干春乾元元年
歲戊戌吳蒼有意開斯文搗章吮筆筆欲舞墨池一派流天真肝腸

少室山房卷二十八

寸寸委波磔縱橫跋跋超羣倫長風巨浪鼓澎湃泰山喬岳盤嶙峋
天矯虬龍赴幽壑縈繞紛鸞鶴翔高旻十行道婉尙含怒五行淳鬱逾
生噴卒章沈痛徹心髓恍疑淚冢窺三墳如椽一掃二百六一言一
字皆干鈞卽令塗抹迴姿態西施傾國加雙響當時魯公豈匠意精
誠烈烈懸風斤相傳一草歷元宋太空磊落垂星辰二陳跋語差可
玩文家待詔彌津津鮮干因學傳累世卽今妙蹟來江濱凌晨攬誦
豎毛髮齋頭什襲藏家珍君臣大誼貫星日矧茲八法尤通神作歌
鄭重寄仰止墨林萬古颺清芬

米南宮誤恩帖歌

張顛老死米顛出好手中原闖狂逸南唐寶石作研山三十六峰舞
寒碧低頭拜石石不語袍笏踉蹌笑兒女一朝把換薛公鶴泣向墻
餘泪如雨興來刷筆掃孤憤十萬材官破堅陣青城使者揮劍鋒夜
叉飛天雲霧中宣尼常笑由也嗔顛也淋漓逞豪健此帖數字亦怒
張兒駒泛駕不可當五百年來米顛子絕倒當年顛長史鍾王節制

安事此

宋人送南宮有名滿天下之稱或疑米不足當者曰二十年來何處不省有米顛子耶

題李龍眠二十七祖圖歌

丹青國手吳道玄眼空萬古當開元沿流晚季六法盡中興十指傳龍眠何人攜此身佛祖遍羅列馬鳴象大士歷歷具顛末裝裝挂膝右肩袒妙相人天儼對越二十七祖僅九幀十八應真徒耳聞云是吳儂利厚值與圖剖析成三分朱門貴戚萬與柳募置齋頭數各九蘭陰措大拚鼎足盡典商羹膏漢百瓦棺寺壁畫久亡僧繇衛陸俱渺茫荆關遞得山水起誰持大筆描空王參差絹素裂強半魚口橫紋欲糜爛人言畫理出唐世遠即榜伽近鬻璫即今宋代寧庸工龍眠繪事真人龍諸天帝釋尤冠絕青獅白象行虛空阿難陀下九尊宿一一披圖認眉目或眠樹底修四禪或坐林中斷五欲或拈聖果菴沒羅或把靈花給孤獨或看洞壑浮清蓮或聽岩壑墜飛瀑或從

少室山房卷二十八

長爪龍鱗覺或遇獐牙驗調伏或開甘露廣法門了可根源繪身畫憶昔李侯盤礴時胸中壯氣橫須彌大千世界攝毫翰狂墨亂洒天迷離遂巡羣祖真相出虎頭全粟爭神奇惜哉賈豎巧壘斷吉光片羽猶分持復憶龍眠好畫馬筆力曹韓較多寡驪黃注想馬胎入足墜泥犁若飄瓦以茲懺悔寫佛門丹青輝輝留乾坤香燈高閣互供養天龍八部如雲屯乃知古德真善誨使語單詞係成毀祇今名蹟六百秋夜夜光芒護神鬼二十七宗瞥眼過東上祖師來達摩面壁形模竟何以畫中試見龍眠李

題趙千里真逸圖歌

吳郎示我真逸圖生綃半幅雲霧裂高堂挂之夏六月颯颯寒風墮林葉縱橫亂瀑墜高峴千峰萬峰路明滅峰迴路轉天欲盡似有孤亭架木末其下巨石盤長松楓丹栗黃秋事濃松間講易三兩翁秦時四皓鬚眉同一翁擊阮一坐嘯其一恍似東園公斟酌菰園定誰筆神品錚錚世無匹細看樹石用勾法人道王維字摩詰或言近出

趙千里往往抽毫弄金碧嗚呼王趙不可作縱復天工鑿誰識須臾頤色來朱欄耳邊滿滿來飛泉吾將追逐黃與綺坐占孤亭號角里

題李唐雪山游騎圖歌

陰崖凍雪亂石誰其畫者李唐筆萬仞寒山挂翠嶺恍見當時大斧劈何人布裘裹竹笠款段婆娑入高壁後有蒼頭挈雙屐太華路南望咫尺欲陟其顛叩拘翼帝座呆恩儼呼吸十二瓊樓眾僊集鶴筆繽紛互長揖白晝乘風繞八極我欲從之路昏黑未滿丹臺請來簪策蹇言歸故井邑瀟陵橋頭句堪覓

題趙承旨野岸呼舟圖歌

高堂飛瀑十丈寒青山四面浮朱欄繞砌霜楓墜紅葉恍忽城居在林樾吳興畫手真傑特人巧天工擅開闢細看此水與此石非畫五日即十日紫衣抱膝坐渡頭蒼頭弛擔過呼舟清溪萬頃隔孤棹隔崦人家落斜照山深樹黑遲險崎石牀天畔雲迷離歸樵谷口冉冉入似有柴門挂蒼壁標題軸尾了可尋集賢學士孟頫臨今古令人

少室山房卷二十八

嘆三絕惜哉二字遭風習承自名爲鼠書幾半

題黃公望西泠烟靄圖歌

大痴老人黃子久塗抹丹青號名手名呼大痴畫不痴此圖氣韵尤淋漓危峯突起蘊霄漢迤邐橫岡折層巖嶽其下澄湖八萬頃金碧樓臺挂天半芙蓉及蕊萼艷色何紛披恍如若耶溪並浴干西施飛鴨明滅傍沙際挾雌抱子羣翔飛第六橋南八靈隱此去南屏尚多景岳王墓倚金沙灘竺色三天浮髻髮隔崦人家夕陽落破帽騎驢出東郭尋詩何處攜絲桐美人遲我飛來峯

題黃監柳塘禽鳥圖歌

五朝畫筆推黃荃徐熙之後昌友前禽魚花鳥落筆指即今繪事仍流傳十畝方塘浸寒碧高柳繁陰弄斜日夾堤荷葉青連錢翠蓋亭亭萬妝出蒹葭藻荇翻縞帶隱映清波漾盤石沙頭浴鷺拳八九石上雙鷗儼相識魚蝦潑刺明鏡中迫視潭疑手可捨黃鸝紫燕語深樹點點精神着顏色臨池誰喚王右軍池頭一白俱鴉羣大鵝仰吭

鳴向人小鵝數十何紛紛天時淑風清氣媚野鷺家雞各求配一雄
前引眾雌後宿食飛鳴宛成隊嗟嗟荃也得妙理意象經營入無始
揮毫眾羽倏生動造化俱機在十指爾時徐熙亦化工兩賢相配誰
途窮祇今無論黃監手雜埒趙下屬

漱水胡應麟明瑞著

七言古詩六首

雙劍篇 有序

少保定遠威公得精鐵百煉為二劍一贈少司馬汪公一以自珮每相遇則專設一榻陳之示延津之合焉是秋應麟謁汪公于武林適威公自燕來會于是二劍復合司馬公出示坐中精彩射人毛髮洞鑿真神物也公命作歌輒成一章以紀其事

君不見新都司馬公手提三尺驅羣雄文章落筆掩左馬出將入相稱人龍又不見山東威少保結髮從軍事征討高牙大纛海岱開南北王庭淨如掃兩公文武真奇才中原相遇神徘徊片言握手肝膈合白日莽蒼青冥開帝遣將軍獲精鐵鑄作純鉤兩奇絕一攜自珮一贈公繞夜虹光對明滅相逢則合離則分雄飛雌逐流風運合如一

少室山房卷二十九

雙龍挂宇宙離如獨鶴橫秋冥何來胡生客武林躡兩芒屨登龍門長揖將軍拜司馬營然觀此驚心魂僊飾蛟裝迴奇麗土花半餘芙蓉賦三秋太白橫亘天萬丈銀河塞壓地飛霜噴雪魍魎愁擊電場虜神鬼避武林八月天茫茫白波兩岸飛錢塘天日東西八萬仞勢壓大海摩青蒼此時雙劍坐中合神鋒咫尺相低昂縱橫壯氣攝五岳浩蕩精魄迴三光將軍百戰捷奇節司馬百代留餘芳丈夫樹立固當爾那令異物長潛藏君不見蒙莊周平生說劍干諸侯窮來斗水不自覓咄嗟文士真蟬蛸又不見惟陰侯仗劍從戎追沐猴武士知幾古來少未央落日風颺颺豈若公遺明威世文武雄才更相濟壯烈同標天地間淳風直挽周秦際東海胡生不自量蚤年仗氣驅魚腸長纓欲係玉門虜寸管擬執開元章只今三十尚碌碌爾髮胡短心胡長嗚呼兩鉅公絕代真罕有干將與莫邪世世長共守靈物由來異人得青萍詎落凡夫手笑殺狂生一劍凝歌罷無魚厭奔走謂生且飲勿復言天生七尺率徒然劇孟會傾亞夫坐侯芭亦受楊

雄玄名山石室豈遠絕會令大葉流青編胡不為公一掃五千字珠光照耀雙龍泉渴病年來廢書久茂苑西風重接首寂寞公孫劍器行一代雄才我何有親公神物心飛揚醉墨淋漓忘妍醜驚成一笑還自歌錯落寒空墮牛斗倘勒豐城雙玉函萬古雷張同不朽

井懷燕社諸子

燕社諸子與惟敬惟質子大希卿文父

白龍夜挂錢塘清兩岸嗟我雪山起狂風忽捲大海流散作東南萬家雨蘭陰一雨俄經旬茅齋獨卧愁晨昏剝啄何人駐高蓋傳呼喻侯來扣門喻侯意氣天下無結交平生盡酒徒五載空淹茂陵秩一官再問長安途憶昨停車潑江濼遲遲逢余誓生死片語平將白雪投雄心真向青冥吐汝自分符出建章余亦攜書上帝鄉掉頭不入金華殿却憶山中尋石羊風塵道路巧相值宛轉蘭陰舊相識把臂事論白壁雙劍知頓擲黃金百人間彩筆何紛紛相看吾汝真忘形乍可經年對叔度那能一飲無公榮蚤春人日差可賞塵尾玄言豁

少室山房卷二十九

塵埃輕雲忽如天上元節窮陰驟入花朝想衙門獨掩空莓苔白眼四望青天摧飛鳥倏報故人至拂衣大笑愁顏開曲徑迴軒迴幽寂面面雕闌護奇石珠簾十二清晝垂一塵不到胡生宅博山爐中沈水香蘭陵之酒雙玉缸蒲團對酌春茫茫居然一息破萬古那知雨色來虛堂漆園無人左遷歿屈宋曹劉俱寂寂千言欲起杜陵歌四部重翻弁州集人生瞬息同埃塵碌碌誰憐身後名日月空懸古今照宇宙不補東南傾何如雄飲呼大白百川一吸飛長鯨七首縱橫雪花亂唾壺錯落浮雲驚酒闌起舞真態出元氣淋漓神雙濕輕薄何由噴禰衡磊塊政須澆阮籍高山流水盡知己授簡含毫仍促席沈冥不辭真幸怒跌蕩猶堪鬼神泣紫氣豐城眼不流寒芒斐女紛相射回首華陽夙昔交十年仗氣摩蒼鬚黎子歸耕大庾側梁生草沒羅浮切劉侯李侯差振翻朱生但乞夷門食康胡咫尺招不得眼底何人寄肝腸吁嗟吾汝自一時越吟楚調俱稱奇飛揚揚揚少年貴嘆惜從教行路疑難侯滿架差足樂長孺淮陽豈云薄種秫聊耕彭

澤田草玄絕勝楊雄開喻明府歌莫悲汝是豫章一男子余亦豈愧
首低眉世間士浮榮一代安所希大業千秋竟誰埃丈夫會合自有
神肯將鸞鳳隨雜羣孫陽造父一朝值驂駟驥雙絕塵歌莫悲喻
明府我欲乘雲歸太清汝但爲霖佐真主異日中原共鞭弭肝腸一
寸久相許漏盡銀虬雨聲歇蕭颯如聞二龍語爲君作歌聊爾女無
論筆落驚風雨

折檻行送沈純父北上有序

余以孟冬過梅李訪純父適純父將應召北上謂余賦一長
歌爲贈援筆慷慨得六百字爲折檻行純父讀成四載直聲
動天下故自千秋丈夫而余與純父託久要志存大業則
世俗期望非所宜道故歌辭莽莽直吐胸臆知純父不鄙余
言兼東同時趙吳艾鄒四君子

北風動地卷霜雪沈子嚴裝候明發白馬銀鞍走燕市天子召見黃
金關憶昔丁丑年中事嗚呼已往難陳說綱常萬古忽如鏡沈子旁

少室山房卷二十九

觀皆雙裂三年忍茂父母愛七尺自與妻兒訣飛書一夜上明主百
辟蒼皇膽俱僵宮闈動色問忠愍乞得殘軀傍南粵茫茫大海天欲
盡野魅山魘共生活銅柱頹更伏波成鐵衣亂酒爲臣血枕椰葉底
託餘蔭荳蔻枝前賦鷓鴣髯毛五載凋欲盡意氣干鈞莽難折離騷
熟讀引斗酒怒擊青萍唾壺缺雲霧朝披博羅頂星斗夜摸空同吟
歸來笑擁綠衣女盧橘梅梅照紅顏朝雲已去學士還瘴雨蠻烟護
荒碣精忠大節豈重覩文藻風流頹頹頹一振王午歲地關天
開走狐孽徵書九道發燕邸盡起龍干布朝列是時沈郎奉明詔長
嘯扁舟返西浙逡巡故園拜丘隴問寢高堂痛離濁縣官日夜飛行
李驛使交馳訊車轍男兒肯作里中老直臣更樹臺端節同時吳趙
艾與鄒駱駟飛黃並騰踏沈郎詎得終岩穴天上仙查邈河漢腹下
刀環耀明月揚鞭再過五陵豪擊筑重招薊門俠薊門樓殿花三千
尚記公車抱長鈇對策明光亦草草敝履短衣行蹶躄中原遲遲吾
共爾白眼紅顏寸衷合誦余聯璧心已醉示我郊居思橫發蒼花大

雪華陽街拂袖徐生館中別風塵傾蓋古則有字宙論心近誰洽卽
今汝燕余復越抗手胡能不悲咽沈伯子酌汝蒲萄之美酒繁汝瑯
瑚之寶玦一言贈汝中自知此去華夷望嶽揭兒童走卒盡道汝稟
凜剛腸石與鐵腰金拖玉寧汝事義膽忠肝豈虛設三公九列貴易
保萬姓千秋口難報重華尙納大禹戒仲甫亦補周王闕朝多善政
祿可餐事有當言權仍折風雲况遇大行日努力羣龍樹勲業竹帛
旂常兩光絕一旦抽身蚤林樾丈夫出處須偉烈嗚呼丈夫出處須
偉烈異日儒生秉鈇鉞

長歌行送方翁恬遊武夷有序

方生翁恬祖太古以隱操著稱爲詩歌不規規繩墨而天越
自得吳歙間名士多與之游生少卽世其家業時時扶策及
余門所爲寄贈推挹者甚至今秋得余白榆集讀之狂叫擊
節立爲跋數千言余彌愧其獎飾願自生昌芟之嗜發之余
未嘗請也爰報以詩

少室山房卷二十九

方生堯怡太古孫丘壑流風今尙存敝衣掣袂動見肘負氣不肯干
豪門自言知交遍海宇翰肝伏膺惟三人新都汪伯玉興國吳明卿
里中胡元瑞三子者令我寤寐勞心魂丈夫壯志在不朽要令竹帛
垂乾坤升堂入室卽先達眼底窮通安足論憶汝前年走輿國雲夢
瀟湘眼雙碧吳郎跳梁空一世贈汝篇章朗奎壁憶汝去年入新都
司馬文名天下無如椽立草處士傳坐令氣色高菘菘兩公聲譽冠
天下汝得璠璣重增價先生醜醜類楚囚汝何所見何所求方生大
笑笑余懶惟我與公交不淺柴門相去十里強溪上時時遠雞犬自
君總角才已聞我何人不道君大蘇小陸長在口王後盧前詎足
云曹劉李杜亦男子見君敢謂素無人君或未知我我實探知君君
也歌詩遍林樾恍揭大呂懸雲門珠璣萬斛落聲放世人嗜不攀青
雲胡爲靳我無一字如挾九鼎持干鈞卽今便欲武夷去寸心耿耿
當誰陳秋風布袍寒徹骨願得片語迴陽春我聞生言亦大笑過誠
在我不在君不見杜陵贈端復文章有道交有神家雞野鷄種種好

大腸尺鷃何疎親醉中狂筆歌贈汝朱絃白日飛梁塵憶生年少氣
 橫發世世輪竿受家業學書學劍三十年學得新詩動吳越青鞵半
 踏天竺兩白紵全駢武林月我謂汝詩勝汝祖汝得余言欲起舞先
 生片諾豈偶然立榜余名在今古高堂颯沓來寒風繞夜芙蓉電光
 吐干將莫邪自有靈誰其拂拭華陰土嗚呼窮鬼實何人五畝經營
 生計阻連年旱勉滿山谷赤日橫天跨平陸十家九家鬻嬰孺生也
 寧免妻兒哭盡捫甌釜多游塵曉鏡瓶瓶絕餘粟牀頭魁魁時柳榆
 屋上鷓鴣但刺促任使喉端喙三尺不博車前薪一束以茲欲作閭
 中遊幔亭我我天盡頭雲璈玉珮紛上界鐵船丹竈懸中流一遇靈
 仙脫凡骨脫棄妻子如蟬蛻先生較汝窮更甚嗟此四十談封侯老
 親稚子倏拋擲一身宇宙如懸疣浮名雞肋果何用百年強半居窮
 愁作歌贈汝慰汝意仰天長嘯風颯颯三山九曲會尋汝竹枝桂棹
 行夷猶武夷君今倘相值挾汝爛醉金銀樓

少室山房卷二十九

病餘絕不作長歌生兩以書來夷治垂棄而遊閩惟藉子

大驚以重即子有辭于堯治其易辭于武夷君噫余懶慢
 自廢若青霞赤城兩地主步武間不聞問久矣况武夷君
 庸眼以苛禮責余惟是生十載之勤缺焉久未報也故歌
 以慰之並寄詢武夷君焉

二酉山房歌有序

弇州王公既為余記二酉山房矣新都汪公復為余作山房
 書目叙敬賦長歌奉酬凡千字

君不見崑崙高高閩風出其上下視扶桑弱水相去幾千丈傍開四
 百四十門日月東西互相望傳聞大酉小酉雙名山迺在崑崙閩風
 二岳之中間帝遺藏書號羣玉金庭石室森鈞連白虹璀璨映細帙
 朱霞錯落垂瑯函自從軒轅來晉絕殊人寰靈威丈人過縮足不敢
 前成周穆滿驅八駿躡電乘鸞到靈境嵐深谷峭黯莫留却攜王母
 升蓬丘祖龍炎威掃六合素人留書閣空峽至今玉洞開桃花仙源
 可望不可涉坑灰未冷漢社與大見中壘小子雲黎然天祿下真宰

少室山房卷二十九

陸則惠施水米芾昏黑忘眠晝忘食在可休糧俄途路距背空囊返

鄉國二十四皮羅山房二千四萬堆琳瑯與妻孥子因欲死君山篋
 箭富可量上距羲農下昭代觸手牙籤宛相待聖神賢哲窮訂謨帝
 伯皇王罄元會一榻一几橫疎寮一棊一研社煩燹焚香獨擁四部
 坐南面王樂寧堪驕黎生八分稱好手夜宿山齋笑如斗縱觀丘索
 盈前除大呼狂呼題二酉瑯琊作記當代傳姓名已觀琬琰懸觸目
 傷心故交盡却尋司馬來新安司馬心胸曠千古夙昔圖書探天府
 二墳三雅勤雕鏤一笈五車勞綴補太函我我雲際開恍入東觀窺
 蘭臺眾中誇我好玄者捧腸拄腹談天才寂寞螢窗守殘雪攬鏡蒼
 茫見華髮聲華豈必專窮愁著述總知成滅裂側身六合中自疑異
 代乾坤未堪說感公國士知肝腸為公竭慢亭十日飲驅車復成劇
 廻看二酉山峻嶒渺天末崑崙閩風定何處弱水扶桑杳難越底似
 從公居太函副墨煌煌恣結閣君不見太函五城十二樓金銀城關
 天盡頭陶公入翼不得上梯仙豈合凡人留孤帆且返越江檢恍仰

竹素聊優游異時四部讀已盡玄關或許停蒼虬君不見爾陰下巖
水流輪囷古木枝相繆囊屬繩樞閉荒運華門蓬巷懸清秋夜夜紅
光燭星斗兀兀陳編柳生肘短欽長檠竟何有醯醢饗裡真自笑蠶
魚架上安足友竺乾本來一物無柱下青牛亦西走函中領取五千
言赤脚流沙尋二酉

漱水胡應麟明瑞著

七言古詩四首

白榆歌別司馬汪公歸葵中 有序

余入新都再閱月一蒨緜置旅店中而時時被從諸酒人
 游于白岳為日五之一于豐干為日三之一餘日則皆寓太
 函司馬公泊羣從傾倒留連窮極勝賞即平原河朔詎能什
 一于茲余瀕發復止數四咸以司馬公固要期修禊後同過
 奔園申祭酒之醉既司馬以仲淹故改訂暮秋余始前發公
 輕舸餞送百里執手惓惓且撰記送余東歸繼悉如畫固知
 百世而下有聞風躍然者煥亡以報稱大雅爰歷叙從公諸
 遊始末為長歌千五百言先是公有詩招余入白榆社余未
 及答篇首之興遂起白榆古歌行贈焉極于路氏諸篇今之
 曼衍殆且倍之要以具載當時詞之冗劣弗暇計也

少室山房卷三十

天上何所有 歷歷種白榆 光輝耀絳關 照灼青雲衢 白榆花開銀漢
 傍 千枝萬葉垂 珠璣雜 西池翳芳木 根盤東地凌 扶桑何來太乙
 精 騎龍遊入荒 折花戲 閭闔 身朝紫皇帝 帝命攜青童 下界聊徇祥
 時 維乙酉歲 元會呈嘉祥 長虹百道飛 紫陽胃 婁奎壁 交寒芒 赫赫
 名 世降空谷 九州四海垂 文章文圖 渴消太史 腐宇宙 何人策高步
 千 秋再起司馬公 鼎足中原 共馳騫 司馬當年 甫看食牛 吞虎心
 雄 豪試宰烏傷 勳當立 驅五馬 行春郊 暮爾倭夷 曠中國 流血膏
 原 齒橫隲九重 拊髀思 長城大開 幕府羅羣英 餘皇亂 蹴滄海上 隻
 手 盡補天南 傾偉哉 司馬文且 武左挈 襄龍右 方虎瑯琊 兄弟中 頡
 頰 一字憑陵 關今古 如椽大 筆流風 霆落落 迥與元化 并差肩 檀孟
 走 公穀楊班 十輩無 留行餘 事為詩 歌格力 尤矯絕 宵馳歷 下軍神
 交 大梁俠 稜嶸 健骨 摩蒼霄 燁如 威鳳 升岩 巖有時 掉臂 浣花 宅杜
 陵 野夫不 得驕 岳岳 龍門 并真 宰却 向谿 頭問 蘭蓀 憐才 意氣 貫金
 石 下土 聲名 亘湖 海胡 生雙 刺懷 十年 姓名 磨滅 甘塵 烟參 差一 泛

洞庭棟極目 練水心茫然 山陰昨夜雪 三丈立呼舡 舡來新安
 山水何奇哉 巨石林立高 崖推奔流 濺沫望不極 恍若呂梁 懸水三
 七 勿廬山之瀑 灑灑之流 碎訇觸怒 爭喧逐長年 振柁不遑 息轉入
 危 難勢逾急 窮幽歷阻 到梁下 翹首天都 倚絕壁 天都去天 不盈尺
 雲 門隱隱 雲氣入兩袖 乘天風 蒼茫踏雲 中舉頭見 大雨疑 是軒轅
 宮 軒轅不肯 揭却 謂司馬 公公也 倒屣出一 笑心神 融中廚 餽豐膳
 魚 鱉羞黃 熊玄談 叩然始 高論 探鴻濛 醉中吐 豪氣 四座驚 元龍不
 知 天河落 盞底但見 蓬萊 旭日在 苒懸 城東 陌上春 風來十里
 五 里桃花 開飄然 藍輦 捫崖 紅霞 紛紛 隨綠苔 明昨皓 齒臨高 臺
 恍 如飄笠 行天台 吳生曼 聲振 林木 謝生懸 何筇 充腹 美人臨 叩得
 王 四豪士 扶風 見汪六 曲江 觀博 病色 揚龍門 落帽 饒清狂 山公倒
 著 疾雁 坐相看 一一俱 高陽 定莫 博山 焚妙 香蒲 荷之 醜瓠 珀光大
 叫 酣眠 竹林 下下 視六合 天花 茫茫 大白 頻揮 不知 數斗 酒寧 論百篇
 富 文章 乍可 穹壤 齊富 貴真如 草頭 露拂 衣東 望生 離愁 我欲 東歸

少室山房卷三十

公舌留為君 且解青貂裘 山靈入夢 幽思發 單車徑 作齊雲 遊齊雲
 嶽 嶽天盡 頭何年 赤縣 開神州 踰通 谷轉 劃然一 擊透 混沌 香爐紫
 烟 縹緲 五城 十二 崑崙 丘憩 公無 量開 宿公文 昌樓 羽人 跨白 鹿道
 士 騎青牛 五老 岩若 立霞 際環 珮高 翔隔 塵世 三姑 亭亭 若何 招蕙
 裳 羅帶 長飄 播迴 瞻巨 碣峙 寒廓 科斗 蟲魚 籀文 制云 是元 封封 碑
 碑 帝遣 神書 鑲名 岳朝 辭白 岳下 暮宿 岩市 溪如 花六七 輩乘 燭相
 招 攜華 燈爨 爨夾 明月 笳鼓 煌煌 眾星 列忽 看紫 氣屯 關門 走卒 兒
 童 競權 悅曳 杖扶 天深 徘徊 登樓 亭周 遭列 岩岫 綵繪 飛銀 屏觀者
 盈 道傍 嘆息 難具 陳有 如武 夷君 揮手 辭世人 懷亭 登乍 畢還 尋上
 地 室浮 筱近 空明 揚帆 弄春 碧沙 棠為 楫繡 幙懸 金盞 玉瓶 置我 前
 百 盞蕩 漿如 流泉 翠眉 蟬髮 粉輝 媚行 乘奏 雷電 作迴 繞轉 向曠
 梁 泊清 沙錦 石儼 可數 細雨 斜風 亦不 惡李 姬拂 袖擡 高浪 趙女 蹇
 裙 映林 薄漫 憶岑 郎吟 淡腋 欲效 陳思 賦河 洛昏 黑歸 來與 逾逸 珉
 瑀 芙蓉 寒實 集紅 牙接 拍催 鸞笙 繁箏 橫簫 和龍 笛痛 飲淋 瀟將 至

石主人留我向西席吁嗟乎今晨何晨夕何夕人生快意差已極樂
極悲來將奈何登山臨水哀情多倚風老泪雙滂沱公爲我楚舞我
爲公越歌豐城兩神物會合長蹉跎眼前歲月東逝波青青柳色明
關河明發牽衣強余住咫尺芳洲斷春樹欲行不行行且留未忍忽
勿別公去公不見瑯琊十日布衣飲瑯琊之人渺何處當時太白配
殘月此日中流僅孤柱何如片鶴飛殿陵生芻河酌澆吳城白玉之
樓縹緲孤懸大羅上弁州之山五彩之鳥入翼四足仰天矯首而長
鳴定知精爽爲公下輜駟雜沓來秋冥旁觀客有騎羊者彷彿生平
共杯斝如灑之酒迹已陳此臂寧堪少年把俯仰乾坤但公在磊落
肝腸爲公寫已從孔福申末契底事桓文論與謝願作靈光千萬年
白首同公白榆社

題趙相國齋頭中天一柱圖

老幹凌空舞秋色大澤龍靈聳千尺何年夸父移崑崙撐柱東南半
天碧畫師名姓問國初郭熙遠裔留荆吳平生畫松三百本此圖卓

少室山房卷三十

一飛來挂高棟峻峻巖巖橫星鬼霜皮何止四十圍絕壁懸懸蔽崑
岫太空直上擎雲雷松下爲誰獨笑踞白眼科頭坐深樹迥疑叔夜
揮五絃目送飛鴻暮來去畢宏章屢紛難傳生枝秃枿凡流笑殺
杜陵褐衣破拮据素裹青虬黃扉元老真柱石落落岩廊爲時出
朝端祗服公旦勤悔內渾忘帝堯力念年懷山歸夢長一朝觀此神
揚揚縱橫麗句酒留臆如椽鉅筆垂琳瑯迴望蘭陰舊松逕幾欲乘
風赴清陰嚙當大厦庇寒饑孰向明堂佐神聖踟躕且閱三萬秋蟻
桃歲歲紅丹丘八蠻頓頽九夷服刻溪却汎鷗夷舟嘯喚芙蓉亂峰
紫湧雪餐霞伴周史無勞辟穀追前人自是重來赤松子

趙侯汝申以學術興起一方憐才下善圖邑推其長者茲以七

賢圖屬余賦之倘亦有王阮忘年之意乎敬題短歌

趙侯款我城南屋堂上高懸畫一幅是時六月涼鷗生萬箇環玕照
新築衣冠不類河朔豪船舫會非剡溪曲細看乃是晉諸賢醉倚長

林弄修行疎枝的鍊積瀟湘密葉瓊意卷洪澳珠簾粉閣坐相對盡
日明窗看不足彷彿當時六七公持螯白眼橫霜空脫巾露頂挂石
壁仰天大笑來清風匆匆與午事難說煙塵瀕洞盈衰中此時不醉
欲何事眼看浮世真虛空步兵眼樹嘯聲發清冲清言宛如屑子期
鼓鞀仍著書伶也攜壺更荷鍾阮生撥阮嵇生絃目送飛鴻遊太玄
就中山公最長者百觚在手情願然南陽趙侯世希有滿腹珠璣買
斗牛偷桃偶墮方朔綵繭向人間卧岩藪生平飲酒但數巡座中賓
客長千人何人把贈周昉畫躍然對我融心神胡生晚得酒中趣跋
尾飛揚有深意一朝觀此形親親恍若諸賢把余臂爲君作歌還贈
君生綉落筆飛玄雲何時買斷負管谷共作林中避世人

偃卧俞公臨榻上戲題

俞郎一榻長安市破衲蒙茸裏布被狂來坦腹呼元龍蹴踖星辰動
天地華胥國小安足游君家赤舄雙琳球大鵬希有儼相值飛行入
極眠瓊樓

少室山房卷三十

少室山房類集卷三十

少室山房類集卷三十一

續金華叢書

漱水胡應麟明瑞著

五言律詩八十一首

西山十詠同陳沈二太史黎秘書楊祠部丘計部李環衛朱光

祿安茂才童康鄧朱四山人作

晚至碧雲寺

梵刹金銀布花香繞碧欄斷崖交檜柏飛瀑洒琅玕霞起天台暮雲生嶽麓寒鐘聲似迎客時出遠林端

香山寺飯初上人禪院

梵閣千尋起瑠瑤一徑斜僧歸迷翠巖客至掃青霞竹裏分香積松間轉法華遙看層砌上縹緲墮天花

玉泉

飛流望不極縹緲掛長川天際銀河落峯頭玉井蓮波光廻太液雲氣引甘泉更上遺宮頂千林起夕烟

少室山房卷三十一

功德寺望景陵

宜皇游幸日千騎轉晴沙殿繞曉山樹密開綉嶺花星辰留御筆雲霧鎖仙槎北望龍蟠氣飄飄想翠華

登碧霞宮閣

樞立孤峯上窺開萬嶺西霞光流紫極日影抱丹梯綺樹三春長金芝五色齊蓬萊宮殿裡笙鶴舊曾攜

玄真觀

萬山蒼翠合流水晚蕭蕭霧裡瑤臺出雲中絲節朝桃花開絕澗松影落層霄時聽羣仙度天風引玉簫

秋日同諸子登望湖亭

殿隱芙蓉外亭開薜荔中山光寒帶雨湖色淨連空作賦攜詞客行歌伴釣翁夕陽沙浦遠鳧雁起秋風

小憩圓通寺題

說法聞初地題名到上方砌幽松子落林遠葉聲長夜雪飄山磬秋

雲西石牀坐來千嶂裡嵐翠滿衣裳

洪光寺聽真上人誦經作

地入空王宇山藏釋子筵白雲流五岳清眸俯諸天象外煙花麈鹿中色界懸為將忘世念一誦法華篇

宿翠岩寺

晨風遙策杖夕露幾沾衣禮佛青山塔逢僧白石扉懸蘿山鳥集亞竹水螿飛為愛西窗宿泉聲出翠微

仲秋同祝鳴皋諸文學再遊西山得詩四首

天壽山謁諸陵

紫殿衣冠肅玄宮劍壘遙天廻羣后集地迴百靈朝文字垂義書聲歌咽帝韶萬年沾酒處寒雨動青霄

湖上

積水朔天合冷帝闕西遙迤雲色淨掩映日華低風吹臨高岸龍舟出大堤桃花源咫尺洞口夕開雞

少室山房卷三十一

遊玄真觀

積翠三天迴飛梁百尺橫星河浮玉砌雲霧攬金莖羽客青泥飯仙人赤石英何年生羽翼塵外訪蓬瀛

攜尊翠微閣晚坐

振錫千林暮移尊片月秋不辭青嶂遠聊共白雲遊洗鉢花臺靜懸燈竹逕幽朝來挈小朗乞食向牛頭

答李惟寅病中見寄

豈是趨朝懶風塵損壯顏閉門芳草合高枕白雲閑柳色溪南棹鶯聲郭外山遙恰作賦客魂夢屢躋坂

題朱山人汝修卷

石磴煙雲起仙源費獨尋碧山玄貝宅滄海尚平心歲月留班管陽春抱玉琴幾年嵩洛思傍爾一閒襟

丘謙之招遊崇善寺分得雲字

竹院名香起花臺積翠分雙松寒挂雪一榻晚生雲畫想滄州迹

傳白馬文平生許玄度何事戀人羣

康裕卿山人移居

燃桂生涯盡飛蓬迹多地偏餘水石鄉遠隔關河夜帳悲猿鶴春
山怨薜蘿蕭條剡溪宅風雪近誰過

送人還秣陵

獻書辭北關仗劍出西京落日滄江遠孤帆萬里征煙霞淮口寺風
雨石頭城別後相思處關山候鴈鳴

春日送人之劍南二首

大澤冰初解長途雪正晴孤帆送爾去千里獨含情竹簾湘如館花
明蜀帝城當壚人好在不羨舊逢迎

其二

蜀道難猶昨湘潭去若何青天浮灩澦白雪湧岷峨我宅問楊雄隱堂
攜杜甫過錦官城外路翠柏幾婆娑

送吳廣文之嶺南

少室山房卷三十一

寂寞青蓮地何當事遠遊問人還劍浦尋雪上羅浮海岸飛花盡
天落木愁粵臺時眺覽萬里見高秋

渡江望金陵官閣四首

望望吳天迢迢越客來萬山京口立孤船海門開屋喙風雷起龍
吟日月迴鳳城迴首處佳氣滿蓬萊

其二

上國堪萍梗長江動旅愁天浮楊子樹日照廣陵舟駕浪龍書語飛
空蜃鱗遊五雲看咫尺臺殿擁神州

其三

紺宇三山近皇畿萬堞遙雲藏佳麗國地拱聖明朝玉輦扶雙鳳金
甌奠六鷲秦惟今夜月愁倚木蘭棹

其四

橋落江天上秋風度李膺乘桂真汗漫擊楫豈飛騰紫氣扶天關明
霞拱孝陵鍾山舊遊地夢繞白雲層

金山

兀立江心寺芙蓉萬古看孤峯留杖錫絕嶠鎖關千碧湧高天浪青
浮大海瀾妙高臺上客日暮轉盤桓

焦山

何年雲霧裡卧此少微星地擁幽人宅天藏處士靈一峯齊北固雙
井象中冷向暮風濤起誰尋陸鶴銘

夜同裕卿話舊

萬里相逢日那能不黯然移家當暮雪行乞傍寒烟賦豈三都後心
猶五岳前向來換水曲頻繫子猷船

答文父見懷之作

不見江西客相望鬢欲絲十年滄海夢千里碧雲思寥廓南華論飛
揚左尉辭但令龍劍合那復問雄雌

紅雲塢

幾夜瑤臺上移來十畝春簫烟千樹密照水萬花新瓊瑤堪留阮衣
冠不避秦扁舟如可再吾此謝迷津

病中文父過訪兼攜近作見示二首

豈謂伊人至能令倦客狂千秋誰陸謝一逕且求羊夜色青藜短秋
聲白苧長朝來還奏賦不擬步長楊

其二

遙遙風雪裏對語欲忘眠爾擅遊樂賦余慙入洛年天浮鷓鴣影城
繞風煙何限金莖色相期漢苑前

聞大參滕公權任嶺南有寄二首

鼓角炎荒外旌旗大海傍九香懸龍握萬里借翱翔郡古羅浮雪天
空粵嶠霜祇因將雨露沾柄盡扶桑

其二

五嶺看乘傳千峯引佩刀春隨南極迴雲擁太微高霧縹先移瘴嶂
餘已息瘴獨憐吳越士泪滿別時袍

送劉從事之成都

送劉從事之成都

翩翩遊客去指蜀門斜夜宿巫山雨朝行劍閣霞古碑丞相廟
草拾遺家駟路留題滿頻將寄海涯

寄沈山人嘉則二首

異代看黃綺明時更許巢乾坤長作客湖海半論交
臥憶鯢鴈起吟從蟬蛩啞玄亭奇字逼吾夢亦衡茅

其二

四海聞高適中林得阮咸岳雲依短屐山雪迺長鏡
夢斷真千里書空漫百函何當明月夜一試剡溪帆

籌計借問嘉則以詩寄余未獲

寄李本寧督學二首

自失華陽社長懷渭水濱傳聞秦博士猶借漢詞臣
絃誦干花色禱帷萬柳塵若過中壘宅蔡火定誰親

其二

聞道三秦使煙花夾道看天高捫太華日近倚長安
散吏趨經幄諸生侍講壇上林應有賦時寄五雲端

少室山房卷三十一

五

寄汪仲淹伯仲

二仲何爲者翩翩下流白髮裁楚服明月攬吳鉤
並握楊雄草長陪謝傅遊碧山空咫尺魂夢使人愁

寄汪獻子

自返金陵客何方定卜居七哀應著味孤憤豈成書
卧榻芙蓉在衡門薜荔餘碧雲懷望久一帳刺溪魚

過吳門不及訪舟州王公存懷十首

屈指中原業誰登大將臺千秋王祭起一代子長來
日遠龍樓夢天留兔苑才吳閩雲霧裡相望首重回

其二

逸駕開元上雄風正始鄰雲霄誰北斗天地此陽春
作賦三都客傳詩四海人未應雙劍老雷電起延津

其三

論蜀傳司馬還吳憶士龍萬峯吟薜荔一逕把芙蓉
月落千將倚雲

飄太乙從異時成握手白眼坐高春

其四

渺邈遠芝宇風流憶草堂藍田聊卜築綠莖暫浮觴
日避長庚色天回大酉藏十年翹首地葭莖倍蒼蒼

其五

虎觀才俱屈雞林望轉高千言無彩筆片諾有緜袍
夢隔蓬丘樹吟殘闕苑桃何年攜手遂相對咏離騷

其六

曳杖辭三島投簪傍五湖九丘窮倚相片語失潛夫
鶴唳天門遠鵬搏海色孤近來秋興劇散髮臥菰蘆

其七

日月回真想乾坤入夢遊曉風吳苑展寒雨石湖舟
匣底雙龍卧毫端萬象愁亦知三逕好咫尺負羊求

其八

貝錦看如昨牛衣卧轉深洞庭寒濕足林屋遠論心
落日天邊氣浮雲海上吟吳王臺北望作者自如林

其九

此日雲門笠平生漢殿冠一時誰把袂萬古獨登壇
岳色啞喇曉河流砥柱寒尚思燕北社風雨動長安

其十

帝惜懸車垂人看杖鉞雄青山鄒子園白雪楚王宮
杜甫名差著靈均曲未工峴臺遺跡在千古擅流風

寄張茂才

聞道安仁髯秋風半欲華青囊猶隱市白哈屢移家
竺色三天雨湖光萬岫霞絕憐揮袂日相對武林花

贈顧上人

歲歲遊天姥經秋住越臺萬山靈隱錫斜日海門杯
出定逢花雨傳燈悟劫灰何因借爾去結宇臥飛來

送周少參督餉還楚

萬舫通淮泗雙旌傍海涯
籌邊王相國經世賈長沙
霧擁春臯瑤雲停野廟
花邊著下車白應詠還章華

哭童山人子鳴二首

海岳誰高蹈丘園有獨醒
下帷頭自白避俗眼長青
日慘延州碣風寒鄭圃
靈夜臺人近遠從倚少微星

其二

石戶真高隱雲卿此後為一家
猶紫閣萬恨已黃泉
神岳無遺草藏山有太玄
向來攜手地懷絕子期茲

寄戚總戎

聞道嫺姚將提兵大漠間
旌旗行漢壁鼓吹出秦關
白日雙鵬下黃雲萬騎開
時同投筆吏逐虜過天山

懷歐楨伯博士

藉甚中原譽浮沈異代踪
青衿聊宦轍絳帳自儒宗
今日華陽筑高天漢殿
鐘鼎圖書草外猶記昔相逢

少室山房卷三十一

七

送王山人遊秦中

斗酒山城暮東風悵別離
天青遊華日地紫入關時
博望千年苑昆明萬古池
平生飛動興台遺杖藜知

送張茂才北上

燁燁張公子乘軺意氣新
萬言著謁帝千里獨寧親
柳折長安暮花吟太液春
寄言關外吏能識棄繯人

夏日同諸子宴郭鴻臚池亭分韻得涼字

背日山堂午合風石逕涼
開來松桂下各把芡荷觴
地稱南州隱天容北海狂
坐深漁唱發白眼對滄浪

寄徐大參

西署初迴轍南天復擁符
飛笏傳九塞轉餉出三吳
海色搖冠瓊江雲照鮑
履不堪攜手夢明月洞庭孤

秋日送陳山人還江右賦得廬山瀑布水

萬丈廬山瀑經行照客衣
蒼看銀海立晴望玉虹飛
激浪迴丹壑分流出翠微
憑誰喚匡俗一酌共忘機

寄方山人

憶爾辭家久秋高客况增
帆當鄱水挂屐遍楚山登
夜宿隨沙鳥朝吟伴岳僧
九疑風雪外何處弔黃陵

送艾都閩督餉淮上

九邊芻輓急飛將豈辭勞
獨坐黃龍舸長驅白路濤
江花明綉舫海日擁征袍
橫槩風流在選天佇彩毫

贈弘上人

昔事崔羅什今逢帛道猷
存思馴象下漱齒毒龍愁
綉紉三天雪杯懸萬里流
吳中四百寺煙雨逗會遊

送天台二僧還西域

挂錫同霞嶠歸帆並海涯
雲侵秦嶺遠路轉蜀臺斜
翠竹空中相青蓮定裏花
誰知雙大士持鉢渡流沙

少室山房卷三十一

八

奉寄王江州六首

絕勝匡廬郡分曹暫歲年
高牙三楚外巨舫九江前
日抱香爐上天齊瀑布愁
東林秋咫尺一問遠公禪

其二

榮戟開雄鎮旌旗列上游
猿聲千嶂色馬影萬峯秋
散帙聊公事褰帷即勝遊
祇應明月夜長嘯庚公樓

其三

豈爲干城駐能將一壑專
郡僚攜白傅地主借青蓮
岳色含杯墮江流臥榻懸
轉看牛斗近雙照莫耶前

其四

極目登高處淹留漢大夫
萬家南斗近千里北辰孤
虎豹分流徙魚龍夾岸呼
可容王勃賦今古擅洪都

其五

但覺官曹勝寧知吏牘饒
白雲匡嶺樹紅日海門潮
酒送陶公醉詩

酬謝客招那能望鄉日不過虎溪橋

其六

飛動征西節分違衛北盟詞人空碣石才子豔江城綵筆千秋價綈袍一代情向來揮手地忍憶去帆平

寄華亭吳少府

伊昔廻車日囊空但一錢乞身三泖地垂泪五湖天養鶴重開逕烹鱸獨扣散茂陵余亦病憶爾思茫然

題松

離離搖碧澗落落俯蒼郊披地虬龍偃中天鶴鶴巢濤聲寒月上野色亂雲交寂寞徂徠頂秦封只浪嘲

徐方伯子與將之江石過訪有贈二首

豈謂看山地能令結駟來人非中散卧客是偉長才把袂淹蘿薛行觴藉草萊夜中占紫氣雲擁豫章臺

其二

少室山房卷三十一

九

弭節過嚴瀨褰帷問楚臯北風千騎發南斗片鴻高撫字聲先著登臨思獨爽萬年滕閣賦行矣待抽毫

送壽山人

飄然滄海客曾事紫陽君袖裡黃庭字囊中赤伏文放船三泖月攜杖九峯雲後夜華亭夢應同鶴唳聞

寄李季宣二首

蓋憶曾傾地檣移遠別年千花淮浦浪獨樹海門煙白苧吳郎曲青娥楚客筵廣陵橋上月相望幾難娟

其二

最憶真州夜臨歧解鷓鷯江風停去鶴海月伴離裝柳謝君平曲花鏡杜牧狂吳姬三百輩若箇擅平康

少室山房類集卷三十一

穀水胡應麟明瑞著

五言律詩七十七首

徐銓部過訪不值二首

何因蕪桂下駟馬值仙郎駐金珂影星流玉斂光登龍餘願盼題
鳳槐行藏佇聽東山起含香入建章

其二

傳呼鸞掖吏來訪鹿門樵曲徑俄雙屐空山祇一瓢白雲寒自倚紫
氣暮誰招好去蓬萊殿千花待漢朝

遊橫山庵

白馬何年到名山微梵筵壇空諸佛下洞古一僧禪鉢與龍俱卧燈
將虎並傳真如祇自得誰為問青蓮

寄陸太守敬承二首

漫落吾能返飛騰爾故頻自為三館客誰共五陵春白日流金掌紅
少室山房卷三十一

雲護玉宸故園芳草外曾否念垂綸

其二

爾作承明客吾歸已判年花香鸞掖底柳色風池前醉任眼中秘閱
仍草太玄胡姬無限好猶記琵琶絃

哭唐太常二首

乍輟金華講長投海岸簪中涓誰冀北太史竟周南穩道黃泉啟關
門紫氣含平生攜手客泪盡百花潭

其一

祇謂焚魚卧真成跨鶴遊千秋誰掛劍萬事已藏舟夜壑星辰遠重
泉日月愁獨將知已淚慟哭洒西州

送王大行使嶺外

迢遞雙旌色朝行大海東天垂鴈翼盡日照蜃樓空玉節諸夷衛金
函萬國同歸來銅柱畔題賦尉陀宮

答汪茂才

尺素天俱遠芳尊日暫同自懷和氏璧誰問楚王弓豈卧蒼龍僅肯
談白馬雄青雲太史在寧復念途窮

夏日同諸子登望衡亭作呈趙明府

劇興真飛動層臺半斗午天空疑不夏地迴欲生秋映色雙龍抱山
形萬馬留異時懷賦客吾豈仲宣傳

李生西遊久不得問因寄

西遊去何日念爾獨離羣履綬秦山雪笳飛蜀嶺雲無心寒狄落客
思夜鴻聞記取眠中事南歸報右軍

送趙太史之嶺南五首

一麾辭禁闕萬里赴長沙地入蠻王墨天浮漢使槎亂山梅嶺樹絕
微夜郎花永夜羅浮頂誰同眺日華

其二

賈傳章纜上王褒命已傳飛霜隨劍舄大海傍樓船客夢梅花裏鄉
謠桂酒前坐看公府暇白雪滿南天

少室山房卷三十一

其三

獻納紆青瑣驅馳戀紫宸珠厓百蠻路銅柱九夷春郡邑橫天起旌
旗截海陳祗應宣室夜萬里召孤臣

其四

豸服層香下麟符夾道光萬峯行瘴色獨馬度炎荒暮雪秦關擁春
城粵海長轉將金掌露移酒向扶桑

其五

慙輟蘭臺講言乘桂水橈牙旌馳絕域綉斧出中朝瘴壓高涼晚山
通大宛遙莫嫌文字癖千羽偏三苗

送何山人遊邊

悠然尊酒別秣馬問漁陽漢積連天紫胡沙擁日黃列營隨驃騎分
險駐龍蟻會扶金城策長纓請建章

送人還桐廬

不遠桐江路歸帆候月牽赤霞晨際海青壁午連天鳥道從人問猿

聲傍客懸釣臺千尺倚誰伴子陵眠

送人入蜀

客畏蠶桑路君仍駟馬過白波三峽滿青嶂九疑多絕棧移旌節層
臺夢綺羅海棠花在眼爛熳倚高歌

秋晚靈隱寺小憩

咫尺東林寺欄干不厭凭萬山迴卓錫一水護傳燈梵室借龍樹經
壇接惠能上方鐘磬發晚傍白雲登

送李逸人西遊

一騎西遊遠雙鴻北望饒雪深眠大白雲起問中條漢積名偏古秦
碑字半銷已無婚嫁累何地不漁樵

方伯滕公由嶺南過訪不值二首

翩翩岩穴畔干騎遠從東劔履周方伯軒轅漢上公花看薇省近竹
訝草堂空萬古夷門道誰論意氣雄

其二

少室山房卷三十一

小隊行春日華鑣問俗時孤亭留早蓋萬戶擁朱旗氣色函關繞星
辰漢殿移未應題鳳字曾受子雲奇

壬午秋以家君命北上舟過嚴光先生祠戲作

不向長安去何人奏客星物情違復蹇吾道寺飄零大澤寒收釣高
天暮放舫羊裘謁明主歸臥萬峯青

舟次構李寄王承父山人

痴絕王摩詰何時出朝川迷花孤洞裡採藥亂峯前劇飲留真態長
齋斷俗緣虎頭新使者曾乞賣文錢

再遊焦山

尺地開龍象遙江浸畫圖排雲千寺立湧霧一亭孤疊嶺藏鐘磬中
峯過舳舻憑誰買山色把釣作潛夫

夜宿金山作

盤浪天浮玉中流地布金寺圍孤島面亭插萬波心日候晨鐘出潮
將夜梵沈妙高寒獨上風雨過龍吟

金陵雜詩二十首

宛洛飛龍地岐豐下風年河山西控蜀象緯北朝燕玉殿凌霄出金
城截海懸嵯峨帝京色萬古鎮江天

其一

寶鼎成周奠靈符大夏開日當濠水上雲傍孝陵來百辟瞻黃屋千
靈扈絳臺時看青瑣客鳴玉鳳池迴

其二

虎豹天都近魚龍地軸開穿塚瓜步水鎖岸秣陵山上苑明冠蓋新
亭集珮環徘徊承露掌百尺暮雲間

其三

帝闕三秋到人烟四望平城闐盤海氣市井雜江聲翠管吳謳發牙
檣越船行未央宮萬戶恍忽見蓬瀛

其四

禁苑花如織離宮樹作行虹橋懸太液風管集昭陽日麗雕甍對雲
穿碧檻藏翠華雙掩映猶記六龍翔

其五

畫戟三千隊瑯戈十二營熊羆嚴左翼熊虎列前旌草木環滁動燕
莩到海平越裳重譯至何事問長纓

其六

樹色東華遠鐘聲大內開紅雲長樂觀紫霧柏梁臺帝座采恩擁傳
城睥睨迴蔣山青不斷百里掛崔嵬

其七

畫檻排空立飛甍逐望低觀危鳩鵲度臺古鳳凰樓海日千門上江
雲萬堞齊大堤楊柳色彷彿舊烏啼

其八

巷陌連松桂園亭翳薜蘿人家王謝舊佛寺晉梁多北固晨鐘斷西
陵夜船過紫駟津欲住無奈客愁何

其九

其十

大道開平樂名姝傍狹斜黃鸝交坐柳白馬競穿花翠箔通雲氣珠簾上月華畫梁雙燕子遙認吳愁家

其十一

玄武湖邊路西風載酒行中流藏瀨瀨壘島象昆明落日喧沙雁想風動石鯨樓船三十萬猶記漢皇營

其十二

勝絕南朝地淹留北上程石城看虎踞蕭寺聽雞鳴咄鎖吳雲暗江飛蜀雪明詰朝關外路真作秦繡行

其十三

寂寞空三殿豪華記六朝齊梁頻禪代支許競招更隻字神飛動干言思沈寥昔人吾倘遇玉塵向誰驕

其十四

傑閣憑虛上迴瞻帝關西城開千巷陌利湧萬招提靈谷青松合鐘山碧樹齊朝來渡江去擊楫爲聞雞

少室山房卷三十二

五

其十五

落日長干道青絲照玉壺碧桃雙繫馬綠柳半藏烏落葉堪詞客飛揚問酒徒縱邀金谷侶長夜關橋蒲

其十六

衰衰牛頭路青山極望同天開吳楚地寺鎮晉隋宮宿霧業窗白朝霞出戶紅異時飛錫到闍化大江東

其十七

句曲山中樹華陽洞口雲玉樓千地湧金鐸四天聞老鶴傳丹訣乖龍護赤文五芝容容采長揖大茅君

其十八

結綺誇前代臨春憶大家清歌傳寶瑟麗藻擲瑤華殿倚千門月樓飄萬井霞卽今商女恨悽絕後庭花

其十九

屈指前朝事悲涼舊跡存金甌長日月玉殿自朝昏野雀棲朱桁蹄

烏過白門柳花香滿店愁絕送王孫

其二十

獻賦趨鸞掖題詩寄鳳臺自呼狂客飲誰問謫仙才步憶金蓮下歌聽玉樹迴三山吾欲去萬仞臥蓬萊

歐水部招同張太學劉大理顧司勳夜集徐園遲李臨淮不至

同用心字二首

華館夜沈沈追隨愜素心珮環三署合燈火萬家深白苧翻吳曲青萍動越吟征西期不至愁絕露華侵

其二

名園仍北郭小徑入東林地憶先皇賜天迴上客吟當尊荷芡色滿座薜蘿心冉冉長安月飛光下翠岑

區用孺以端研見貽索余一詩爲報

邂逅羅浮客論心衡水傍紅絲勞把贈青玉爛生光偃月窺芸素酒星動草堂輸他阿環麗捧立在昭陽

少室山房卷三十二

六

哭黎惟敬秘書四首

此日朱明洞誰同對濁醪宦途窮執戟人代絕抽毫雞犬聞天路魚龍泣海濤傳家大令在忍觀鳳凰毛

其二

驟得天涯計眞成地下遊羅浮殘月墮碣石斷虹留慘淡青黎關峩峨白玉樓梅花一萬樹何處挂吳鉤

其三

石室瑤華閔泉臺玉樹遙神遊今入極宦蹟舊三朝客競傳中論人誰賦大招那堪潞河望風色暮蕭蕭

其四

邂逅爲玄日踟躕射策年飛航桃葉下授簡竹林前調已中華絕名應大海傳亂山銅柱外若箇是新阡

奇觀察金公

按部雙旌遠行邊一劍雄圖書觀魯殿話頌采齊風泰岱浮空紫蓬

兼上日紅登臨時極目作賦許誰同

秋日湖莊八首

幽棲只數椽野水十家連靜室長生白閒亭獨草玄蒹葭湖北路禾黍郭西田理就滄浪曲吳歌日扣舷

其二

湖濶疑青草原荒近赤松微名藏一壑大業寄千峯戶牖嵐光滿階除露氣濃樓高纜十尺莫擬卧元龍

其三

素髮垂垂近青陽去去多霜簷飄橡栗雨壁上藤蘿越女紅蓮棹吳儂白苧歌儵然車馬絕曳杖步山阿

其四

野色看逾近秋光澹欲無凄風起大壑驟雨入平湖碧樹通樵徑丹楓繫釣艖江東步兵後瀟灑見吾徒

其五

六尺鴟夷舫蕭然繫短篷亂山明隔垞積雨暗空陂身世鷓鴣老行藏鴈鶩知五湖秋萬斛點綴藉西施

其六

大野黃雲熱平湖白露涼菰蘆環笠澤蒹葭翳柴桑落鴈啼沙汭流螢度石房寒花綴籬落作意近重陽

其七

窮巷廻車轍柴門盡日幽杜陵歌大厦玄德卧高樓地許鳧鷖占天容鹿豕遊虞卿懶成癖點筆爲春秋

其八

此日遊仙夢當時結客情玉繩鳩鵲觀金鑰鳳凰城白眼長安卧紅顏上國行十年湖海氣踈濶傍柴荆

送蕭司空之南都四首

劍履新南國旌旗舊朔方一麾移細柳萬疋靜扶桑虎豹軍容肅麒麟帝眷長異時書太史寧復論平陽

其二

燦爛熊車度逶迤鳳闕來戈鋌干埃列齒薄百城開日近司空座星移上將臺大廷推相國誰並鄭侯才

其三

組練過吳會衣冠入漢宮日光搖畫戟霞色射彤弓渤海三秋靜潢池四望空未應勞夢卜天意屬非熊

其四

鼓吹出江臯前驅意氣豪射潮收萬弩橫海列千初日月瞻黃屋雲霞護錦袍秣陵花似綺爛熳待抽毫

贈趙茂才

言開綠蘿運却訪赤松遊枕簟依山僻琴書入洞幽姓名文苑客身世醉鄉侯莫羨侯芭業玄亭易白頭

李逸人西遊寄訊

一壑容高卧頻年賦遠遊卜居秦望頂長嘯越臺秋海日低龍屨山嵐繞鹿裘錢塘潮漸長昨夜棹偏舟

秋日題唐惟良山房二首

郭外千峯色依然墮草堂挂冠三徑登高枕一丘長夕露圓幽砌朝霞宿畫廊門添五楊柳何異在柴桑

其二

結宇雙松下爲園萬竹中壯年歌老驥長日送飛鴻露浥琴絲潤星搖劍色雄看余五游畢絕頂卧空同

寄灌父

悵望西亭客沈吟北海筵玉笙王屋頂珠履鄴臺前桂樹先秋發藜燈入夜懸異時雙鶴語歸問大羅天

懷邵孺孝兼訊周山人

憶汝龍門過蒼茫鶴馭分暮歸句曲洞晨謁大茆君把釣吳江雪傳書越海雲草堂人獨卧誰勒稚圭文

吳叔通以四詩見貽賦答

吳叔通以四詩見貽賦答

寂寞乾坤事歸來一做裘雲山成獨卧海岱見名流壁已三年抱珠
仍萬里投白蘋洲上路曾試水蘭舟

其二

何處懷同調飛書問獨醒乍想雙眼白猶阻萬峯青慘淡垂綸石棧
遲載酒亭異時新論就能賞太玄經

其三

病肺荒園外潛身大海傍青陽馳輪墨白雪照行藏一水蘭若近干
岩薜荔長夜來星斗色明滅傍干將

其四

夢寐延陵客風流故不羣千秋曾和雪片語欲凌雲柳隔青絲笮花
生白練裙浮家何日事來往晉溪雲

少室山房類集卷三十三

續金華叢書

漱水胡應麟明瑞著

五言律詩七十八首

句曲道中奉懷王司馬先生寄訊八首

帝夢思良弼天書問老臣彤弓分雨露赤舄上星辰虎豹干營合熊

黑百衛陳何妨文武略第一畫麒麟

其二

夙世元戎業明時上將材大開魏虎幕長嘯鳳凰臺記室班揚聚胡

牀陸謝陪昨宵江上笛飛盡帝城梅

其三

鳳德元千仞熊飛自一時河山分主帳日月繞牙旗錯落霜毫動熒

煌露布馳共知莘野出寧異草堂移

其四

楚辭三教主聊作萬夫雄橫槩長江上揮毫大海東陰徐非賦侶鮑

少室山房卷三十三

庚豈文工晉宋齊梁業何人不下風

其五

譚天曾帝問縮地舊仙才未論青牛出真成彩鳳來臺端窮宇宙匣

戾闕風雷戲作梁陳句猶堪長玉臺

其六

寂寞千秋事脚躡六代間新亭新日月舊館舊河山柳色停車騎花

香雜瓊環吳姬年尙少勸客亦酩顛

其七

豪華非昔日羅綺尙前朝俠少黃金勒名姝赤玉簫花明新院髻柳

學故官腰今夜揚州月平分十二橋

其八

石頭城外路光色度青驄說法尋支遁參禪叩懶融塔花晴日映潭

影暮天空擬逐三車去西方問大雄

渡江有懷秣陵舊游入首再寄王長公

六代風流地豪吟興未涯層臺花宿鳳故堞柳藏鴉海日籠丹霧江

其二

天照綺霞春光何太蚤先到莫愁家

投閑滄海上閱勝大江濱老樹齊梁雪飛蓬楚蜀雲帝城雙鳳下官

其三

路八驕分悵望前朝事合杯幾夕曛

金波憐舊句玉樹待新題夜宿等高座春遊出大堤殘僧留晉宋古

其四

佛辨隋齊明日樓船上誰同教水犀

由來佳麗地本是帝王州綠浪邀盧女青山抱蔣侯桃花雙關路柳

其五

色萬家樓繞道官如屣那知官是遊

幕府三千客岐門十萬兵登龍環海岱侯騎半江城畫甲飄雲氣珠

簾上月明夜來清嘯發雙鶴下瑤京

其六

玉洞留仙棹金陵問帝都野花生桁雀霜樹白門烏長庚圖牙戟肯

吟擊唾壺能教奇偉客白首卧菖蘆

其七

青鞋曾碧落彩仗乍丹霄大雅追三代雄風掃六朝帆檣揚子驛齒

簿秣陵橋但作文章客寧知武略饒

其八

柱下書堪著壺中術已傳三花留壑寺一葦渡江天浪息滄溟外塵

消大漠前何須片石上辛苦勸燕然

病卧原口長公以詩見存遂有起色賦謝四章

骨立乾坤外呻吟巖月過片言迴大造孤榻起沈疴驟覺頭風愈寧

論肺病多觀濤定何日飛棹廣陵波

其二

病卧空搔首文成劇賞心乍迴燕客夢初理越人吟白雪流空館青

陽動絕琴片言千古在底事論飛沈

其三

一札長千里悠然病目開詎知垂爐燭猶作復然灰趙璧初還邸燕
金任築臺朝來滄海上咫尺見蓬萊

其四

無媒寧逐鹿有路任亡羊朗誦陳琳檄高懸杜甫章神明開混沌鬼
魅失膏肓漢落餘生在猶堪王夜郎

渡淮

拂曙淮堤上垂楊漸可攀霧濛孤客舫雲濤入公山不作投珠去眞
成抱玉還十年牛馬走端合鬻毛班

自嚴灘至新安途中紀興十首呈司馬汪公

四百灘頭路峯巒面面青路疑行絕棧灘似泊空船平地飛千瀑高
天突萬星不因司馬在吾豈別玄亭

其二

少室山房卷三十三

一灘高一丈灘盡到天都疊嶂雲飛動險厓日有無辛夷殘葉落
鴈亂紅數獨少行雲廟分明入映途

其三

明發寒逾甚羊裘當錦袍爭風帆力猛破雪橋聲震關谷迷紅樹懸
厓露碧桃居然丘壑底不用武陵逃

其四

懸水三千仞奔流落大川片帆危欲墮羣纜急爭先石險時棲鶴峯
高欲跼驚茲遊信奇絕點筆漫成篇

其五

樹色透迤合山光次第來岸疑夸父坼厓似巨靈開蜀客迷三峽聞
人話七臺移舟傍鷗鷺此夕漫驚猜

其六

嗟哉探虎穴竄窾入龍宮百丈飛湍下雙篙巨石中地危眞破冢天
近欲乘風怡稱詩懷壯長歌萬慮空

其七

密窳紛如織高橋望若橫怒濤翻絕壑飛浪登層巒不雨青天潤無
風白日寒蒼松植何代百尺架噴岬

其八

片石俱飛動千山鼓送迎地眞遊黯淡天似入蓬瀛纜束高厓度橋
穿絕壁行誰呼謫仙至白日跨長鯨

其九

白岳新遊快青谿舊迹存亂山衝虎過奇石象獅蹲賈舶環楓社漁
梁護華門飛鴻渺天末消息信乾坤

其十

十年懷命駕千里棹孤航大壑行嚴瀨飛流涉呂梁猿猴具作伴豺
虎夜成行咫尺龍門在無勞嘆望洋

驚猿峽

不見啼猿樹孤峯劃翠屏峭逾捫太華危欲墮中冷鳥道懸空澗龍
潭伏杳冥笑他韓吏部勒石向山靈

伏虎岩

何年飛瀨瀨百尺挂崖鬼絕壁盤飛電高梁劃迅雷橋危三老懼纜
急萬人摧日暮雄心發狂歌興未迴

古意

鳴鞭白門道新柳正藏鴉七寶裝繁弱千金散狹斜飛揚孟公座調
笑季倫家夜夜雙龍氣腰間挂赤霞

同伯玉遊桃花源得花字

十里春山色芳菲亂水涯活池迷故蹟玉洞關新葩野豁千林霧川
明萬樹霞不知劉阮輩何事到仙家

贈片雲片雲者司馬公所命王姬名也

窈窕尊前態娉婷畫裏顏客疑遊洛水神似降巫山夜月輝眉黛朝
霞動髮鬢不應撩宋玉名字落人間

仲嘉攜酌過箕臺四首末篇懷汪獻于

仲嘉攜酌過箕臺四首末篇懷汪獻于

信步南岡上寒松一逕斜
浮杯當柳色促席坐桃花
古殿明丹壑方塘漾彩霞
紅妝晚成隊拾翠傍晴沙

其二

步步春原色尋芳意自閒
石枰疎竹裡金鐸亂松間
一壑停蒼珮千峯峙翠鬢
平生雙屐在天濶任躋攀

其三

遠天橫霽色箕踞坐莓苔
竹露晨猶滴松風午漸來
翠微懸絕壑蒼靄覆平臺
十日猶能客將無典綠醅

其四

潦倒悲華髮追隨暫少年
煖風抽麥日微雨柳花天
遊女矜環珮居民競管絃
維揚好春色何地著絲鞭

士能齋頭阻雨仲淹與疾來會一律遲之

風雨催寒食殘花閉小樓
丁香空結恨紅豈故生愁
夢隔青綾被春遲綠綺
寒觀薄今起色遲收萬峯頭

少室山房卷三十三

五

同感山人壘頭話舊作

一騎吳關外悲歌脫長途
殘生餘海嶠萬死得江湖
盆底竟誰燭壇頭與未徂
十年搗手泪相對濕菰蘆

春日司馬公同攜王姬入紫霞洞觀桃花時少連太寧仲嘉仲淹並集司馬以桃花源美人家為韻分得桃字

爛熳西郊外肩輿度碧桃
春生武陵洞病起曲江濤
時仲淹與日彩疾來會

搖紈扇天香襲錦袍
絕崖仍獨上誰似謝公豪

得花字 代王姬作

十里春山色芳菲亂水涯
瑤池迷故蹟玉洞開新葩
野豁千林霧川明萬樹霞
不知劉阮輩何事到仙家

題老蚌生珠圖

幾夜驪龍領偷攜徑寸遊
蕪城雙月上合浦一星流
影似懸紋室光疑發蜃樓
未須慚老蚌照乘詫諸侯

汪參軍邀飲作

畫拱搗丹日雕闌駐彩雲
榻延徐孺子吟接鮑參軍
午饋行山蕨春羹薦野芹
醉歸渾不解蘿月漸紛紛

休寧道中四首

百里休寧道肩輿度夕陽
川原明翠黛闌闌紅妝
玉珮時相亞金釵盡作行
何方轎車至夾路爛生光

其二

拂曙征人起蒼雲抱郭流
落紅依小徑深綠漲平洲
竹色偏繁葦松陰直過樓
天然對圖畫底事喚營丘

其三

白墮家家釀黃梁處處春
飛泉懸薛荔遠岫削芙蓉
晚日前村旆春烟隔寺鐘
玄天看咫尺紫氣欲成龍

其四

望望山疑近行行路轉遙
依阿梅子熟夾路豆香飄
翠幘紫朱戶紅妝簇畫橋
百錢猶挂杖爛醉在今宵

少室山房卷三十三

六

同汪士能入豐干路逢仲淹寄詩與中口授用原韻

冷然遺俗果曳杖到仙家
布帽披名岳荷衣弄太霞
吾寧驅白石君已飯丹砂
縱有天台遇能如葛綠華

阿四既留籍南士能命更呼劉
生佐酒亦以事羈賦此嘲之

咫尺玄英宅朱絃試一彈
中原留止則蓬島隔飛鸞
劉生酒壓茶糜

宜男堂為汪氏題

階前植瑞草芳色暮離離
艷入玉姬座香飛百子池
水桃借獻寶玉樹並生枝
旦夕佳男兆華堂事事宜

梨樓

何年碩人住結構傍蕪葭
現柱千山月推窗萬壑
葭青梨中墨閣綺綺少文家
好着元龍卧倚然世慮還

贈高深甫二首

最憶高常侍生平樂事饒
千金求驂騎十院貯紅綃
古蹟留三代新

聲和六朝胡頭明月滿無夜不吹簫

其二

自慙迨選理誰同汗漫遊異書中秘得名墨太清留夜月漁陽鼓春
山燕子樓六橋楊柳色無處遊驂

夜集劉將軍卽席作示孫徐兩生

聊同珠履客共此歲華徂浪倒青絲盒淹留白玉壺寒風迴擊筑驟
雨促呼盧不道嫖姚貴猶能事博徒

讀季孝廉匡廬詩卷題

彭蠡揚帆近匡廬縱目長高峯懸紫翠亂瀑洒青蒼竹隱文殊座蓮
空慧遠堂橫眉何處客不遠是柴桑

輓趙別駕汝申四首

神武門前路何人復挂冠華陽聞鶴馭漱水罷漁竿冷日黃金窻裏
天白玉棺君看舞犬去已到赤城端

其二

少室山房卷三十三

七

頻年嗟伏檻此日嘆藏舟世間傳中壘幾問問大丘朱絳俄入夜素
髮正逢秋好在蓬池頂題詩遍十洲

其三

玉局留丹界琳宮寄碧霞漸荒陶令菊難覓邵侯瓜霧裡三天鳥雲
中八月槎椒漿聊一奠隴樹亂棲鴉

其四

遽然孤蝶寢忽到夜臺傍別墅蕪青桂空齋翳白楊星沈南極杳天
入大羅長一尉何須恨修文正拜郎

蕭合譽自楚中來訪留集二首

下榻仍松檜移尊更薜蘿星當雄劍聚雲傍彩毫多客計留天目鄉
書問汨羅五游他日遂相逐老岩阿

其二

狂歌青桂下醉舞綠筠前越絕書猶著湘纍賦已傳風葭雲夢笛雪
華洞庭船歸路飯輒近能無問太玄

訪張伯起爰開小集夜同過幼于園

伐木懷同調連枝恆共吟圍爐冬閣煖秉燭夜堂深月倚孤城棹風
交萬戶枯龍唇絃絕久拂拭爲知音

幼于園中聽歌

一徑蓬蒿入層臺面綠波客攜桑落酒人倚柘枝歌夕露更衣墮晨
星襍被過五湖花照眼蚤晚著漁簑

贈錢將軍

屬國儒風遠輕車將畧長侍童青玉案前隊綠沈槍北府晨開席南
樓夜據牀邵陵游獵處白馬映綵輿

題吳聲成清波碧玉圖

亭亭開素面裊裊出朱唇水畔疑西子波心似洛神浣紗猶倚石移
襪乍生塵那得相攜去馨香贈遠人

聞王阿伯領解南都喜而有作

此夕庭階樹眞成奕葉光賦曾標五子名欲擅三王客禮龍門下神
交雁塔傍百年兄弟好同日秦長楊

舟次橋李寄王承父山人

邂逅蘭溪約秋風望未涯地遠青雀舫天新白鷗沙虎阜看茶近烏
程問酒返春來定尋汝酌酌萬桃花

泊姑蘇寄吳文仲

寂寞寒山寺鐘聲只自聽高雲隨去鳥夜雪到空船竹色誰分座花
香獨扣肩太湖峯七十歷歷傍愁青

訪曹子念戲贈

幽居仍薜荔雅興舊菰蘆一榻懸東海孤航領太湖鬚髯疑大俠骨
相異潘夫何事吳閭底頻年侶博徒

長干道中書事

金波鷓鴣下玉管鳳凰調音帳延雙隗吳妝出一喬柘枝頻度曲桃
葉舊傳論欲認相尋處城南十五橋

其二

紫霧藏金屋丹霞開玉樓那能佳麗地不作狹斜遊江女名無異盧
家字莫愁徐娘雖老去象管不停筆

過淮上讀貞烈沈氏實編作沈爲侍御吳公妾余丙子吳公所
取士也

匪石心難轉如山諾竟酬餘生寧九地一死爲千秋壯節長淮遠貞
魂大海留預看彤史筆燦爛照松楸

其二

憶昔吳公賞眞同賈傅看淒涼神武關早挂惠文冠舊事悲桃李高
風想蕙蘭酬知萬行泪愧汝大江干

渡黃河

九曲黃河水奔流下夕陽蘆根漁網集樹杪客帆張巨石撐淮浦高
洪歷呂梁黃姑頻歲約擊楫上扶桑

宿良鄉

小市良鄉驛征人暫解鞍空林萬木落孤管一燈殘旅色逢秋暮鄉
心入夜關那知百里外明日是長安

少室山房卷三十三

九

東江仲淹時以足疾居巖林去太函三十里

方丈維摩室儵然物外踪花餘天女散果刹法王供白日流禪榻青
天落梵鐘何當問神足白眼對長松

澗水胡應麟明瑞著

五言律詩七十二首

家大人七秩恭賀四首

榮爛生長錄高懸澗水陽中元秋屆節南極夜生光黃鶴吳天外青鸞越海旁性應雙瑞曲永送萬年觴

其二

懿行三千就遐齡七十延竹宮觀禮日蘭署校文年六傳巡滇騎雙旌入楚船謳歌猶咫尺拜舞大椿前

其三

華堂開壽域瑞靄接瑤池十地來菩薩三天降辟支名猶喧隸卒化已洽蠻夷何限朋游集千花照玉卮

其四

慎默藏身寶圓明應物踪年高黃叔度世擬郭林宗日月遲玄草雲霞戀赤松入千春共祝寧羨渭濱封

少室山房卷三十四

十一

夢遺

寄居曲水園東張氏伯仲二首

自愛新居僻寧論故業貧伯通能借廡仲蔚已為鄰茂苑花淹客吳門藥贈人蒼茫太湖底生事起垂綸

其二

獨有陶公徑能停謝客與陸渾虛舊宅陽羨覓深居水木孤軒外雲蘿四壁餘何如傳舍客日月做長裾

嶺南陳孔信贊其詩來謁報贈二章

何物元龍少囊攜絕妙詞百篇難汝弟一字媿吾師劍擊要離家壺傾泰伯祠錢塘萬家雪隻棹慰相思

其二

驟發扁舟興伴狂到海涯詩成筒寄草夢斷筆生花把贈羅浮雪迴看茂苑霞鱸鄉亭下館歸路欲棲鴉

過張水部新居

負郭成三徑郊原帶草堂飛臺搖海氣畫檻納江光花色吳門近棠陰越里長中朝思大厦未許醉清商

過婁江載宿弁園時阿伯逸季並以事留雲間獨房仲在下榻

款留亡異長公存日感賦此章

十日權猶洽千秋態未忘開尊憐仲子下榻夢中郎旅色停孤棹歌聲咽後堂屋梁明月滿惆悵夜何長

小祇園懷阿伯逸季

寂寞雙林下遲迴一杖過盛名猶宇宙陳迹已山河落月連枝遠悲風大樹多獨將知已泪爛熳洒青蘿

澹圃訪王開仲及二弟淵季征叔留集作

夜久尊偏綠更闌燭尙紅雲霄三傳在海岱二難空舊業東陵異新權北海同那將季札劍兩地挂悲風

陸楚生新居在弁園澹圃間邀余齋中啜茗即席賦

愛爾新居僻令余世事忘一瓢寒樹裏四壁浣花傍鴻漸餘茶竈龜蒙但筆牀坐聞鄰笛起涕泪滿山陽

少室山房卷三十四

十二

夢遺

再過陸楚生

小築婁江畔蕭然四壁空斷橋流水外茅屋亂雲中有意交胡質長歌問陸通猶憐傳舍客彈缺卧秋風

夜卧沈子書齋出素箋索題信筆賦

褥許分青錦厨仍卧碧紗濃香熏柏子清夢雜梅花未覺仙家好渾忘客路賒異時懷仲舉湖水渺雲沙

伯隅童子治卿持扇索題走筆一律贈之

偶遇張公子頻年擁素琴貌堪酬白壁名已鑄黃金肯作調鞭老時爲捧劍吟紅綃遇何日倩汝入花陰

送吳刺史之桂林

莫作炎荒嘆騫騰識鳳麟棠陰流阜蓋桂實墮朱綸雨潤遐風俗風馳絕微塵好將南國化沐浴瘴鄉人

陳方伯自閩中移蜀寄柬

奏事馳仙閣除書下聖朝揚舫江樹合行都海棠嬌雲暗三峩寺天
長萬里橋浣花溪上路詞客可重招

燕生移居城北招飲作

諱英甫

咫尺城東寓相尋路未遐懷人閩海荔留客武夷茶几席凝香霧杯
盤散綺霞成行兒女在祇合在天涯

蔡係居余邑十年至長子孫

過郭翌之故居有感

尙憶鴻臚第淹留白日斜新墳俄宿草舊圃更殘花地迴悲鄰笛天
清咽暮笳異時風雪滿孤棹問誰家

贈張真人

何年赤松子羽節到皇家步躡飛雲履遊乘貫月查珠宮浮紫貝絳
關煉黃芽應笑唐供奉仙裾滯九華

壽郭隱君

倉茫翠微半突兀見孤亭大壑懸眞氣高天卧客星桐江標勝迹廬
阜毓英靈不盡名山色東南萬古青

少室山房卷三十四

三

題孫生別墅

小築寄林泉蕭森十數椽蘇門飛嘯日郢園和歌年室靜餐霞飽窗
虛卧月便谿蘭一以擷爲汝拂冰絃

題朱茂才孝行卷

有序

朱茂才伊臣余丁丑同進士也古樸眞至細行必矜事父母
能竭其力尤重然諾爲閭閻所信從諸曩士美其潛德咸詩

歌以咏嘆之余引諸簡首

千古朱家俠芳聲異代留蒸梨知孝行滄茗見清修烏鳥心長切羔
羊願未酬君看彤史筆卓犖下螭頭

朱生灌園以養二親余嘗食其梨茗皆手自培植者

寄何穉孝

邂逅清源下差池易水濱心期元獨許意氣本無羣六翮排青漢孤
踪傲白雲春風上林苑擊節子虛文

少宰趙公還北寄送

餞別列鴻懸腰劍色雄台垣三殿近冢宰二京同禁樹連雲紫庭

北第日紅掃門僥賦客寧復嘆飄蓬

少宰趙公拜相寄賀八章

一夜求賢詔權呼萬國同謀謀咨大老啓沃仗元功絳域車書會中
天劍烏崇異時評太史何羨帝臣風

其二

翊運逢明主匡時倚上材尊榮逾四岳寵渥重三台激水初調鼎華
陽已築臺早知霖雨澤六合淨炎埃

其三

時洪韓張公同拜

玉斂調賢佐金甌扈聖朝羣龍齊捧日雙鳳各凌霄大業昇華近榮
名覆契遙蓬萊雲五色燁燁近人飄

其四

滿目乾坤事關心社稷臣八荒懸密勿九域籍經綸燠閣調羹夜平
臺賜宴辰好將司馬業傳播外夷人

其五

少室山房卷三十四

四

六館推名德三司備羽儀麻宜鳩鵲殿草較鳳凰池禮樂重興日詩
書再觀時太平方有象寧訝廟堂邊

其六

鳳詔輝綸綺龍光切冕旒旋坐調中極鼎永作大川舟八表清風被三
朝壯節留長安貴遊滿處處撒行驄

其七

尙記臨軒日龍頭曳珮環帝心懸北斗人望切東山燮理陽春布論
思乙夜閒萬方伊葛想翹首玉宸班

其八

上相同心日眞儒佐命年白麻初翊聖黃閣驟招賢吐握廻三代吹
噓動八埏肯教揚馬輩頭白卧林泉

長至後三日幼于齋頭對菊同張使君陳文學周山人陸孝廉

卽席分賦得寒字

節已過長至花猶耐早寒似忻彭澤采偏稱汨羅食裊鼻團霜砌亭

亭立露盤何當擷干朵爛醉赤欄杆

過王氏小隱同陸山人周上舍閣中小集

信步綠蘿莊春波夾畫墻壺中藏灑瀨盆底著瀟湘曲折花爲逕縱橫竹繞廊乘風時一到好是白雲鄉

夜過周懋修館中月色盈庭皎如霜雪即席口占

咫尺周郎館衝茅葑水傍披襟流素月把袂落繁霜逸調陽春遠清歌乙夜長預愁明發路楓葉亂金閨

西林汎舟即席作

谷口肩輿入悠然興未窮尊前五湖盡檻外十洲通削壁籠丹霧飛梁掛彩虹坐聞天籟發兀兀萬緣空

賦得壯士樂長征

言從漢飛將結髮隸行間列戟秋乘障揚旗夜出關雙雕凌朔渡獨馬賀蘭山寧憶空閨下梅花樹樹攀

過沈材叔留卧齋中作

少室山房卷三十四

五

華亭疎雨過小閣亂雲流榻爲延徐下船因問戴留春光迴枕簟寒色駐衾裯十日猶能客從君笑薄遊

贈錢將軍

征馬去飄飄將軍舊度遠運籌推武庫橫槊羨英標轉粟三吳盡飛芻六郡遙煩君持大纛取次縛天驕

司馬汪公以仲淹訃至寄挽二章

消渴眞憐汝幽憂竟若何一尊猶水曲暮春司馬修禱仲淹與疾別余于曲水亭萬事已山阿舊業荒蘭芷遺文照薜蘿異時軒冕貴較仲定誰多

其二

獲落詞人長飛揚俠客儻生寧慙一諾死欲擅千秋失弟憐司馬從師困伯牛天都亂山色何處挂吳鉤

寄丁元父

聞道丁元父筵傾鄴下才政成初百里名動已三臺岸幘尋芳草彈琴坐落梅尚思風雪裡並馬立蓬萊

題章氏木假山

早謝樵人斧悠然野客家雙峰寒宿霧列幹迴撐霞埋沒溝中斷飄零海上查逢時千載事爲爾一長嗟

蘇君禹留集翠虛亭共賦二首

一徑雙松裡孤亭萬竹旁高秋全障日盛暑欲凝霜籜自翻龍虎枝從宿鳳凰畫簾清絕處潭擬坐瀟湘

其二

百尺烟霄上千竿霧雨餘綠陰浮枕簟蒼靄淨庭除寂寞王猷駕蕭森杜甫廬何如借篠簜取次貢乘輿時君禹方校秋試文

易惟效署中避暑同賦四首

避暑仍河朔尋幽到青池青絲行共翠白幘坐頻欹密竹團書舍疎花照奕棋黃鸝似相識恰恰在高枝

其二

落日孤亭上微風動碧梧淨疑開雪檻涼似浴冰壺茗竈供新淪楸枰覆舊圖吟餘葵沈水雲起博山爐

少室山房卷三十四

六

其三

竹樹參差綠葵榴爛熳紅徑幽長蔽日林密盡合風白羽高談洽青萍醉色雄大夫饒酒德無擬笑山公

其四

舊識燕臺下新知越水濱乾坤雙傲吏海岱獨歸人薄有騎羊骨能同躍馬身萬山嚴子瀨秋色未全貧

送友人遊邊

憐君隨漢將策馬度燕臺六郡風沙合三邊雨雪催胡笳秋色遠羌笛夜聲哀來歲看花節還聽草檄回

送李從事之南康

十載京華陌還爲故國行岸花飛客舫江草問王程曉夢匡山月春烟白下城誰堪萬里外尊酒動離旌

壬申夏生日途中作時余年三十一

此日還初度葵榴照綺筵
鴈聊息翼六馬漸增年
買傳書難上終童策浪傳平生四方志
覽鏡一茫然

寄題王中丞小祇園二首

欲問西天樂聊同北谷愚
山圍迦葉坐水淨法蘭居
藏室棲龍象經文蝕蠹魚
慈航容並載吾亦慕真如

其二

萬古乾坤意居然問草堂
淨心超大士彈指謁空王
永悟三生劫時繙二酉
藏何如浣花叟白首杜陵莊

金山寺

絕頂開樓殿中流見畫圖
雲霞干界合宇宙一山孤
遠浪晴連蜀奔潮夜到吳
向來舟楫念寂寞對江湖

錢塘秋望

郡國三秋迴煙波四望開
潮深吳相廟山繞越王臺
遠樹天邊沒孤帆日下來
安期如遇指點向蓬萊

少室山房卷三十四

寄朱汝修兼訊李惟寅

不見朱生久新篇近若何
雲山孤鶴在江海斷鴻多
築室移青桂鳴琴掩綠蘿
李侯詩句好騎馬日相過

寄朱在明

獨有金門客頻年際未迴
扳花遊漢殿駐馬上燕臺
梅福神仙吏相如賦頌才
五雲空極目何處是蓬萊

送人遊燕中

亂山霜色裏行客迥添愁
萬里看黃鶴孤心寄白鷗
高風沙塞晚明月海天秋
莫以劉又斂狂歌對五侯

暮行桐廬道中

納納驅行旆遙遙泛客槎
萬山藏鳥道一水護漁家
東峽天形小奔崖地脉斜
嚴陵磯畔月蚤已着蘆花

泊舟登釣臺作

峽口抱雲汀中流坐放船
亭高雙逼漢臺迥一窺星
海氣吞江白山

光壓瀨青綸竿千尺在吾計
漸沈冥

寄蔡侍御

憲節初臨蜀征軺舊出秦
襜帷開氣色斧鉞靜風塵
峽口雲迎客峩眉雪照人
海棠花萬樹夾路待西巡

送蔣祠部北上

豈意青雲客飄然過草堂
龍門留問字鳳閣待含香
萬樹長楊外千花大液傍
何人年弱冠議禮動明堂

閩裕卿移居山中寄詢

移家仍絕嶠秋色滿垂藤
澄嵐雲千尺峯迴月半稜
龍漱寒獨卧鴈宕曉頻登
我亦耽奇客尋君愧未能

喻邦相遷守括蒼寄賀二首

有序
邦相以錢塘別駕擢守括蒼
舟過激水訂余以是秋把臂仙
都余以病未能賦此寄臆

祇緣香閣吏領郡亦仙都
重鎮初移節名山獨剖符
兒童迎彩鷄父

少室山房卷三十四

老認青鳧不奈溪頭別
桃花覆酒壚

其二

試縣名方藉專城寵驟加
符分蒼嶺月綬結未城霞
吏散朝行郭官閒午放衙
何如遷客泪九載濕長沙

朱在明初至長沙詩以問之

浩渺銀河色孤槎起壯遊
亂山雲夢澤斜月武昌樓
解珮湘娥去鳴笳楚客愁
尺書能遠寄迴鴈滿高秋

聞蟬二首

白鴈將秋至玄蟬入暮催
清吟隨落葉密響度高槐
暑覺簾櫳斷涼俄枕簟迴
日長堪聽汝無擬抱琴來

其二

客醉秋山底蟬吟白露時
淒清流古木斷續倚高枝
靜逐涼颺轉低舍夕照移
枋榆吾自適九萬欲何之

秋日過王世周寓逢汪仲嘉潘景升賦贈

逍遙孤客邸選近二豪吟面貌誇聯壁風期得斷金琴書雲閣迴杖
履雪房深後夜芙蓉色湖頭次第尋

少室山房卷三十四

九
步
選
廣

少室山房類集卷三十四

少室山房類藁卷三十五

續金華叢書

澗水胡應麟明瑞著

五言律詩八十七首

題野鶴孤雲卷贈閻道人 有序

始為大中丞作歌贈閻尙未識面是冬北上過小祇園適聞

自苒山至祖臍科頭雙羅玉赤行步若飛信異人也而風度

甚爽朗真率絕不為詭秘狀自云與某道者訂期蓮花峰下

十年矣將以歲杪往踐茲約特就長公乞言因出冊子皆一

時名士題贈余曩賦長歌亦在焉長公援筆書四大字曰野

鶴孤雲而屬余更綴一詩即席四十字并紀其人

科頭無一事松下日盤桓骨相堪鵬背生年異鵝冠月輪天柱頂雲

色洞庭干薄暮揚舡去相攜問大丹

秋日溪南晚眺適趙生攜酒共酌村店中

行行隨杖履徒倚夕陽斜野寺明楓葉山籬着豆花飛鷗過淺瀨浴

少室山房卷三十五

騁上浮查之子期方到悠然問酒家

寄大司空朱公六首 有序

公屢以手書見招屬家慈病未能赴踐宿約懷仰之暇積成

六章聊代起居云耳

德望三朝舊勳名入座餘廟堂周太保劍履漢尙書翼矯丹霄鳳鱗

潛碧海魚性應並南斗萬古照匡廬

其二

賜履優前代乘桴記昔年龍蛇驅大陸蛟鱷莫長川宦績崑崙外神

功碣石前試看淮瀆廟禹碣至今傳

其三

社稷憂仍在華夷問轉頻帝能優大老史已傳名臣紫氣偏南極青

雲自北辰無論漢宮遠玉樹正嶙峋

其四

里閭知司馬乾坤識卧龍為園名獨樂抱膝寄孤悰瀑布簷前水香

爐坐右峰大江西望處愁絕暮雲重

其五 李詩宅近青山同謝眺

長日東林下看花自閉關綠偏裴相野青占謝公山嘯傲藜牀靜登

臨竹杖閒獨餘憂國夢時到紫宸班

其六

尙憶風塵際能高物色情吹噓慙國士吐握為儒生山水孤琴合虹

霓一劍鳴合珠十年夢無路報投瓊公常賞識余詩於童子時余故每有國士之感

王孫貞吉以手鐫印章寄惠走筆奉謝一首

遙遙雙玉佩贈我意何勤石鼓周王篆金泥漢帝文蛟螭寒壓霧科

斗暗藏雲萬古勾樓碣何時一對君

雪夜和相過齋中小集四首

寂寞幽人卧追尋茂宰賢飛觴臨夜雪把袂坐高天剡曲三更棹梁

臺萬古筵異時吾黨事蘭水定誰傳

其二

少室山房卷三十五

不謂山齋雪能來侍從臣談詩雙郢客和曲幾巴人玉笛生春早金

尊促夜頻曉來飛鳥處瑞氣滿楓宸

其三

彩筆寒相對朱絃晚故留飛仙誰鶴望野客自鸚鵡擁坐城雲立窺

筵海月流預愁新賦出人擬兔園遊

其四

此夜平原醉人間更有無乾坤懸玉闕日月坐冰壺磊落新詞社蕭

條舊酒壚瀟灑回首處淒絕斷雲孤

與惟寅一別淹冉五載消息不復相聞春來忽得手書新刻見

寄賦懷五首

賜履傳周室分符衛漢京白虹懸結客紫電照論兵四百西山寺三

千大內營幾因飛檄暇出郭遍題名

其二

帶礪中朝望 嘗上將才珮刀初制闌橫架自登臺萬騎長城合孤

鴻大漠迴河梁人漸老吟望獨徘徊

其三

長嘯青油幕雄談白氈巾射鵬新驃騎圖象舊麒麟雪照梁園夜風高瀚海晨遙遙雙鯉下猶憶向玄人

其四

憶昔長安騎相逢狹路間乾坤雙彩筆吾汝各紅顏萬感歸來集千秋病後閒惟應別時夢繞夜向燕關

其五

一代華陽社平生碣石遊坐攜鸚鵡侶吟傍鳳凰樓夢寐猶青眼形容漸白頭尺書聊寫寄涕淚盡南州

寄朱在明光祿

夙昔長安社朱家與獨豪深杯傳竹葉疊曲度櫻桃宦拙從雞肋身閑付蟹螯近來偏憶汝愁望大江濤

寄丘謙之

少室山房卷三十五

庶事丘靈翰年來復罷官驚心吾道左落鬼世途難月過衡峰近星離益部寒九歌何日就洒泣傍南冠

寄朱汝修山人有序

汝修業醫而余好談長生適京華日朱生最稱善病余頃復嬰疾彌年兩病軀南北相望良可笑也因詩訊之

掌露偏誰得秋風各未蘇骨仍滄海立竟傍碧山孤白哈名先後青囊術有無幾時攜竹杖燕市問懸壺

再寄在明

在明家有聲伎之奉近聞其方再納寵因寄

見說休官後鄉園樂更饒屏開張靜婉坐列董嬌燒紫電黃金勒紅霞白玉簫興來應載酒時醉廣陵橋

滕汝載先生卜築武夷邀余過訪余以家慈卧牀禱向孤此約感念今昔不勝悵惘敬賦小詩奉寄凡八章

北極聲華久東山氣象新乍辭文苑秣初乞武夷身關地連三島看

天卧七閩惟應樓亭月時傍紫綸巾

其二

九曲移家近三山入望遙樓臺臨碧嶺戶扇逼青霄坐叩梅仙訣行逢木客謠祇疑塵世隔無路問漁樵

其三

遊神近何所三十六峰前鳥下談經榻猿窺問字船飛蘿懸白日古樹拂蒼煙彷彿秦人住桃花隔澗泉

其四

勝許屬公擅名應善卷逃挂瓢滄海瀾倚杖碧山高萬事留青鬚孤忠精神毫無嗟塞翁意天地一鴻毛

其五

柳色吳天夢梅花粵嶠情吏才高漢代儒術重周京霧澤南山豹雲寒北海無言帝閣隔咫尺是蓬瀛

其六

少室山房卷三十五

鶴轍眞王佐絲綸楚釣徒中天儀鳳吞大海贊龍孤入夢猶金輪翻歌白玉壺向來門下士桃李遍三吳

其七

作賦慙鸚鵡空羣辨鸚鵡千人推稷下一士擅襄陽色借青雲迴心懸白日長惟應夢中路惚忽到滄浪

其八

九折王陽道千秋大隱廬雲山容負笈宇宙疑驅車業豈門人盡名猶國士餘憑將一掬淚徧洒越山隅

得安仲子書却寄

嘆息延陵客清才獨後時三都全入賦五岳半題詩壯節摧青鬚雄心狎翠眉吳天花欲盡好訂白雲期

懷祝鳴皋

南歸書札斷北望舊遊孤一鏡悲鸞關三年間狗屠汝才寧巷陌吾道實江湖幾夜狂歌發寒雲碎玉壺

奉寄司成許公二首

一代崇周學諸生侍魯儒田何慚受易伏勝早傳書八座飛騰外三垣長望餘猶思問奇日大雪滿庭除

其二

載籍窮金馬論思坐玉堂洪鈞迥稷契大典期成康日近尙書履霞明學士寰生徒愧原憲十載夢長枵

上元觀燈有懷京華舊游時集邦相署

山城逢令節燈火蹙同遊月映千花上星從萬樹流遺簪連紫陌委佩出朱樓不是今吾地無妨徹夜留

其二

遠憶長安道華燈正陸離雲霞千層結山嶂六鶯移玉珮邀春早銅壺聽夜遲卽今天祿畔太乙傍誰嬉

周公瑕書來索余贈言爲賦二首

作賦元驚坐臨池更擅場真行王大令篆隸蔡中郎臣榜高天揭第

碑絕域藏太湖花滿日斟酌欠書航身雖章德賦陽前事周素情水故尾句云

其二

詩名人自老墨妙世誰如痊鶴高風在籠鵝逸興餘藜然中墨坐花洗少陵居最憶長安日垂髫問子虛

顧朗生山人以四詩見貽賦各

苒威紅顏盡孤踪白眼餘何堪梁苑客遙寄茂陵書雪色晴偏照星芒晝不除大湖簑艇昨誰共覓鱸魚

其二

意氣塵埃外心期夢寐間一尊違白社十口共青山桂樹幽人賦蓮花國士顏倘懷天姥雪拂石候柴關

其三

極目皇橋客長歌扣玉壺天藏林屋遠雪壓洞庭孤卜策仍三徑浮家在五湖試探吳市女能識姓名無

其四

不謂菰蘆畔頻年見偉人高天容荷鋪大海傍垂綸一壑心長戀千秋業未貧異時雙劍合誰謂白頭新

寄謝宗伯何公四首時得寄惠燕中書并新刻大復全集

十載瞻臺座三春佐秩宗文章空左馬禮樂擅夔龍下才偏盛河南譽日崇殷勤太玄草猶記昔相從

其二

燦爛遺編在睜矚大雅留黃河龍馬出紫閣鳳凰遊李薛年誰少徐逢譽豈傳不辭扳逸駕世業在瀛洲

其三

少日遊金馬平生近玉宸中天迴雨露絕域望星辰咳唾千秋迴吹噓萬象春慚無杜陵句池上贊絲綸

其四

尙憶梅花下飛鶴醉玉堂先春大庾月達曙廣陵霜鬢惜年來短情偏別後長綈袍今古淚寂寞酒滄浪鬢眉猶日何公拓余飲梅花館中聯句連日者再

少室山房卷三十五

寒食夜集邦相署中分韻得吟字

荏苒逢佳節招攜見苦吟乾坤雙劍色朔海一麾心柳密陶公署花閒宓子琴蘭陵今夜月百里爲誰深

又得厄字

萬古山城畔風流是此時暑元方朔隱亭更子雲奇片月窺簾下疏星抱席移祗應雙白眼兀坐把深厄

題大司空潘公芝林二首

燧煙鐘靈草青蔥發潤阿九光呈玉葉三秀挺瑤柯滴露滋苔蘚蒸雲映薜蘿蚤知王佐出寢殿有與歌

其二

丹雘藏淑氣白日湧靈葩百本俱擎露千林競照霞瑤池仙母住勾曲羽人誇寧似商山客成功翌漢家

聞裕卿卧病有懷

菀屋何年借柴扉盡日局已無人和雪誰問客爲星病骨留東海雄

心付北冥暮雲回首處寂寂萬山青

得何仁仲書

舊事燕臺下看花汝亦狂雙鴻俄越嶠匹馬竟瀟湘賦就人千里書來淚入行向來神文約早晚到高唐

題元旦早朝卷

玉殿春風起金門曙色通珮聲于柳外旂影萬花中鳳層頽羣后鵠行列上公陽春纔一曲擬獻大明宮

題大閱卷

劍珮中天出旌旂大漠開風傳青海戍霧捲白登臺陳列盧龍動翻營涿鹿苑九邊銷燧色橫吹莫興哀

秋夜諸子過集

豈是談玄宅偏令問字過客當蓮社滿人比竹林多霽月流丹幃飛星度綠河毋悲秋夕永散髮向藤蘿

寄劉子大金吾

少室山房卷三十五

玉禁康侯寵金吾上將榮潛消三輔俠坐偃百蠻兵夜月離弓滿秋香畫戟明共誇遊獵暇時天建安盟

懷劉觀察仲脩

幾夜懷高適當年賦上林高虹流擊筑朗月墮鳴琴客散誰燕社人歸自越吟西山暮樓殿極日蘄雲深

寄宮詹陳公三首

執戟元中秘鳴珂更上公雲霞流紫殿日月扈青宮磊落燕臺駿飄零越嶠鴻台垣何處切五夜望寒空

其二

建禮樞趨近延英進讀勞露溥金掌重雲飲玉繩高苑樹繁朱紱宮花落彩毫尚思燕市夕濁酒坐持螯

哭康裕卿五首有序

始余年十六遊長安邂逅裕卿於友人席上裕卿得余詩讀之即狂叫擊節曰子珍重必有聞於世自是定交無間者十

數載迺今裕卿不可作矣聞訃嗚咽情見於詩

搖落龍蛇歲天南墜客星寒燈孤月白遺塚萬山青永閉高人宅誰題處士銘傷心舊朋輩十載遞凋零

其二

宿草孺妻莫遺編稚子留山陽愁聽笛剡曲恨迴舟九死還初服三生記舊遊脚躡季札劍日夜夢東甌

其三

忽跨遼東鶴誰瞻薊北鴻雲山藜杖在天地草堂空隴樹經時碧原花著處紅終令石門谷千古號愚公

其四

漂泊南遊日崢嶸北上年狂名懸楚越俠氣動幽燕大雪行歌外長虹擊筑前來攜手客老淚盡江天

其五

垂碧游洛邑識面記燕城問賦驚文考投詩謁正平大鵬猶宿契老驥忽悲鳴地下梁鴻在應酬碣石盟裕卿與思伯契分殊厚今先後入岱矣

少室山房卷三十五

秋日送人之彭城 柴門喬木下送汝一合杯大澤秋聲早長河曙色開陰風韓信廟紫霧漢王臺后夜芒山氣誰尋弔古才

為邦相題蕉石圖

寒蕉依怪石仙液貯銅鉢日夜孤根老冬春片葉青風疑搖鳳尾雨欲化龍形恍對張勾曲星冠坐草亭

王長公寄惠集序賦謝四首

字字風霜色緘題向草廬百年雙涕淚萬古一吹噓附驥名難盡屠龍業未虛異時歌九辨寧敢忘三閩

其二

滄海書生刺迢遙國士恩片言猶海嶠三賦已乾坤道豈中原喪交

李吳代論尚拚雙鬢在垂白子雲門

其三

家學三王上時名二李前江河越大聖日月並高天業已冠長夜名
猶借少年代興聊一鉢默默少林傳

其四

刻鵠紛難辨鳴蛩獨見知左遷元命世楊馬快同時一字人堪老千
秋容自遲會攜孤劍色東海傍要離

送金大參入滇

除目下楓宸飛旌動去塵共看金馬客還問碧雞神草色窮南服花
香夢北辰到時薇省宴猶記六橋春

寄董太史二首

作賦俱青鬢攜書共赤墀我懷三秀草君奪萬年枝鸞鶴甘泉殿魚
龍大液池當年六橋柳能記共舍厄

其二

世事甘余拙時才羨爾長讀書同左史執戟異東方霧擁金門色天
迴玉陛香深蕙路河鯉魚里到滄浪

少室山房卷三十五

九

送人之黔中

匹馬衝寒霧孤城問瘴煙花深羅鬼地箝笳夜郎天野戍傳諸葛
祠賽請仙五爺相望處白日墜飛鳶

送人遊邊

嚴冬武林驛一騎問京華大野霜飄樹長城雪作花乘驢迎屬國劍
佩逐輕車早奪天山地銘功入漢家

題東皇園亭卷

近卜東皇墅推窗面面山榻懸雙樹底亭鎖萬花間白鶴迴孤嘯蒼
龍問大還異時菘桂發尊酒定同攀

送張山人楚遊

巖穴憑誰問飄然賦遠遊風高雲夢笛月滿洞庭舟短刺攜孤客長
裾狎五侯蛾眉亭下泊飽看荻花秋

南屏逢沈李二生談道因約余遊天台口號戲贈

越園奇男子吳中偉丈夫游心出蓬艾把臂入菰蘆龍虎蟠金鼎鶴

鸞語玉壺天台入萬丈指點向虛無

夜集李景頌出土瓜佐酒成賦二章有序見文集

雲霞蒸上瑞冰雪薦華筵醒酒功伴石烹茶味勝泉梨非張氏谷瓜
豈邵侯田好比金莖液分攜漢關前

其二

司理耽奇甚甘瓜薦味長飛霜勻玉質重露浥瓊漿碧荔唐宮重丹
桃漢殿祥何煩方朔盜袍袖溢芬芳

贈孫國梁

談立吾不厭問字爾相尋興逸飛流賦情高漱石吟春郊聯玉勒夜
闌擁瑤琴二仲翩翩在何煩覓向禽時金生數同過飛流漱石皆孫氏事也

題性天真孝卷有序

惟效使君族子某七歲而刲股救其親奇節也聞者咸爲詩
歌以美之使君因集集成冊云

焚香星月下一鸞冀親延詎意揮刀日纔同扇枕年孤誠恐大造至

少室山房卷三十五

十

性徹重泉莫以昌黎論雖黃孺子賢

潘翁九秩詩爲望之茂才作

玉醴汎蓬池瓊枝煥陸離玄纒遲伏勝帶索異榮期種橘盈千頃菽
花但一籬不知柯幾爛猶聞洞中棋

題中丞滕公武夷精舍圖有序

先生自癸未拂衣卜築武夷之上日與二三同志講業其中
放舟曳履之暇時寓意棋奕問此圖磐石方廣數丈上設楸

枰坐而手談者先生泊里社楊君李君皆生平莫逆友也圖

于先生貌酷肖仲子萬里北上出示索題瞻玩再三不勝國

士之勸謹賦五言律一章

精廬聊十尺坐嘯建溪湄題柱中丞笏閒揮太傅基野花蒼鹿獻林
果白猿持柗悵流風逝徒瞻大樹遺

送李內翰入都

一騎衝寒發梅花照客顏亂雲楊子渡殘雪皖公山舊直青綾被新

恩白玉環夜來前席夢光到紫宸班

寄李允達二首

底事翩翩客長懷落落愁
驥心猶五夜雞肋已三秋
嶺雲相如磅紹殘季子
裘長門售何日少婦繞機愁

其二

失意真憐汝沾衣向薜蘿
屠龍人未識買駿客頻過
投筆徒爲爾焚舟竟若何
千秋吾道在異日較誰多

少室山房類集卷三十六

續金華叢書

澗水胡應麟明瑞著

五言律詩六十八首

吳郡金公應照令吾邑凡後先六載清風卓操絕代無倫貴士
慕其遺愛將舉祀名宦不佞恭竊門下敬賦二章

當年武城令故國近三吳睿識懸冰鑑清標瑩玉壺琴遺何處鶴
化異時鳧磊落循良傳千秋更有無

其二

素絲傳苦節彤筆擅瑤華彭澤門藏柳河陽縣帶花雲霄餘宦轍江
漢逝僊查寂寂談玄者空悲隔絳紗

夜宿黃季主對奕決賭金伯韶為點籌酣飲達曙題壁間

念汝能懸榻令余忘憶家香凝燕邸霧燭鼻漢宮霞仄徑眠孤鶴虛
簾集亂鴉今宵橋中卧極樂在天涯

送僧還赤城

少室山房卷三十六

春遊秦苑外夏返越臺傍片石幽期遠千峰別夢長危杉饑鶴墮古
柏病猿藏問訊寒山子題詩遍佛堂

宿狄明叔園亭二首

閒來種瓜墅門巷半垂藤石室藏金匱星臺控玉繩茶招揚羨客飯
供雪山僧下榻余將卧清宵話大乘

其二

自是詞人社虛疑上將壇清香浮畫戟異味薦雕盤五色瓜紫砌千
株橘繞闌黃梁炊漸熟飽飯話邯鄲

再過狄明叔園

咫尺將軍第重來日未衙逕添何氏竹畦蔓邵侯瓜曲榭微生月層
樓半納霞一椀堪度世何地更吾家

送徐廉訪之虔州

為羨虔州路依然借寇行關西羣吏送嶺北大僚迎日擁瑀戈艷霞
飄畫轂明五羊天咫尺高眺粵王城

破山寺老衲夜談作

一逕入蒼翠飛雲裊裊屯危亭標木末古剝翳松根梅月時窺牖山
風日掃門憑呼野衲至信宿共芳樽

過張伯起幼干園中二君各出小影索余題即席賦二首

乾坤長嘯客林壑自由身蚤關東山墅閒垂北海綸新聲傳子夜翠
管握陽春我亦思逃世貂裘再傲秦

石伯起

何年醉玉京謫籍下蓬瀛方外唐徵士江東晉步兵鶚冠雲氣入龍
劍雪花明異日投竿去毋令帝座驚

右幼干

次瓜步張別駕留酌署中

欄杆明月下蘿薛暮紛紛翠杓調甘露香厨供彩雲含毫春半入剪
燭夜平分更喜朝來約三山跨鶴羣疑次日遊金焦余病甚遂不果往

秋日遊大慈巖作

少室山房卷三十六

薄暮肩輿到歸樵處處逢萬尋開峭壁千級上危峰樹杪禪關出蘿
陰梵剎重何當專一壑絕頂卧長松

姪人有從行巖上者踴捷之甚戲贈此詩岩名大慈

偶逐天台客桃花照玉顏繡裾時絕霧羅襪慣登山嶺月生眉黛峰
雲動鬢鬟不因劉阮至那得共追攀

題祝無殊棲雲軒

小築蘭陰下幽居澗水濱入窻全受月一榻祇棲雲竹杖占龍氣蒲
團卧鹿羣何人日攜酒相對草立文

輓吳封翁四章文仲觀察尊人行誼高卓潛揮弗彰為時惜則

闕閱崇三世絲綸賁九重行高黃叔度名重郭林宗茂苑新楓落蘇
臺宿草茸異時雙廡下誰問伯鸞春

其二

高踪懸石戶古行鬱泉臺海月長鯨去天風大鳥來河南傳治行鄴
下紹詞才世澤今何限無煩嘆草萊

其三 封翁厥考純叔先生以行名

嘉靖間有明珠玉函二集

劍色豐城闕書香茂苑長題銘符季子樹楊副中郎閣翳新立草齋
繁舊白楊明珠遺集遠光照玉涵堂

其四

絲莖承先世蒼生付象賢恩波填越海涕淚咽吳天薤露丹旌外松
風素旒前祇應門下客長廢蓼莪篇

送僧遊越東

窮年持戒律行脚遍蒿萊碧海浮杯度青山躡屨來天台方廣寺雪
竇妙高臺匣底蘭亭帖相傳自辯才

劉廣文擢北司馬詩送之

漢殿移官入燕臺謁帝行敦詩元卻敷議禮舊荀卿海國朝霞麗江
城霽雪明題書頻寄憶翹首北鴻征

越嶺瞻喬卷為易使君仲子題

公子舊翩翩寧親羨汝賢瞻喬離楚服懷橘向吳天柯爛青霞斧帆
少室山房卷三十六

飛赤壁船太行他日望重賦白雲篇

次日葉孝廉復邀集館中賦

水亭門外望朱戶萬花間逸興饒金谷豐肌倍玉環紫騮雲雜還黃
鳥雪間關肯學山陰掉空成興盡還妓有親甚豐儉而歌舞殊佳

寄李左轄

阜蓋江都舊朱衣漢殿新雲霄迥北望山岳動西巡薇省千花夕棠
郊萬樹春何人學徐桴今古接芳塵

劍泉

當年歐冶鑄遺鏹夜生花赤電飛延浦青虹照若耶風期紘上得意
氣筑傍除會挈樓蘭首銘功瀚海涯

衛河阻風同張陳兩生小飲作

何限蕭條色相看一坐中乍收霞脚雨仍起石尤風逆浪衝飛鷺驚
沙沒斷鴻移文巖際滿獨此帶征蓬

登陸行齊魯趙間三首

望望鄉猶隔行行路轉難村隱過曲阜野飯駐那鄆白墮誰爭醉黃
梁任飽餐憑招呂翁至一問大還丹

其二

乍聘思鄉目如舒逆旅竟牛羊遙隔岸雞犬自成村龍麥侵齊甸山
花照魯門岱峰雲咫尺如逐丈人尊

余從陸至安平鎮聞傅伯俊明府先一夕過此悵然有寄

一夜長洲令雙鳧跨碧虛徒飛秦觀夢未達魯連書計吏黃金詔郎
官白玉除鐘鼎亭下路歸客倘踟躕伯俊別號秦觀城人

贈謝山人

一榻衡門下蕭然共白頭長林中散卧古水謝敷留石室藏孤憤金
庭夢五游剡溪前夜雪曾否下扁舟

項山人季與過訪賦贈二首

柴門朝雨響烏鵲噪簷牙車馬何方客新來自永嘉去借滄海月歸
指赤城霞遲汝秋風夕同拔桂樹華

少室山房卷三十六

其二

總為尋詩過難將問字留萬峰陽羨色雙艇石湖秋霧擁王孫珮星
隨客子裘歸來定何日長倚碧雲樓

繫航閣為紀旭仁題

嵯峨楊子閣百尺大江邊竹繞談立座花藏問字船捲簾羣壑入款
枕萬峰懸夜雪如相過那能興盡還

中冷館為楚宗侯仲和作

勝蹟中冷畔名亭大海頭石欄三楚色金錫九江流谷有康王臥泉
堪陸羽留春牙陽羨熟一鉢許同遊

集郭鴻臚聽歌

赤欄橋子畔來過百花叢一徑延新綠孤亭坐落紅歌聲全度雪舞
熊半隨風向夕瑤臺望真疑鳳下空

林山人逸民自關中來訪賦贈

野鶴閒雲輩何因獨扣關為尋天竺寺來話武夷山客路松華熟禪

房桂樹間那能待婚嫁五岳早躋扳

過林生吸茗作

七閣山水盡仍巖巖川航一室空林下長齋葉滿牀畫圖傳蛟蝶書札動鸞鳳爲客烹陽羨雙松正夕陽

送黃廷評

東陽仙隱吏八咏萬家傳政就花連郭秋成穠滿田龍坂新絳闕鶴舞舊朱絃藉甚王廷尉君看結襪年

客有自金華諸洞返者窮幽歷險所觀甚異余偉其事而賦之以訂再遊

洞天三十六竒絕擅金華雪壁盤空上冰壺抱月斜玉桃千歲實瑤草四時花飄笠吾當去驅羊卧赤霞

燕臺驥首爲方元素題

赤驥畫桃花長鳴逐暮笳霜蹄穿大漠電影涉流沙伏櫪心期壯登臺意氣遐秋風閉十二早晚向天家

少室山房卷三十六

毛文學招集命幼子慶郎出見座上賦

何處來英物娟然玉雪同春山聯寸黛秋水浸雙瞳異日徵飛兔當年憶夢能看君懷橘去誰不羨黃童

王孝廉邀集城西張氏館卽席作

結束問東家聯翩到狹斜綠楊初擁絮紅杏半飛花綉榻籠輕霧珠簾罩落霞坐來庭樹色冉冉欲棲鴉

贈謝少廉

舊聞知王謝竒情識魯連世傳如練句人誦搗衣篇冠鷓餘生事屠龍入暮年白門桃杏色次第理吟鞭

送王使君之慎中六首

樓船秋水平汝向碧雞城絳殿分符別黃堂視篆行萬山藏貴竹孤島闢昆明爛熳東方騎遙知夾路迎

其二

詔書來日下行色動江臯傳專城貴旌旗列郡豪檄傳巴俗遠詩

到夜郎高何處看銅柱飛揚勒彩毫

其三

銅魚分絕塞金馬問長途地入三苗險天懸六詔孤中華傳製作異域上與圓新釀柳陰滿何妨醉百觚

其四

不堪垂老態仍對欲分襟杖擬攜邛竹船應載鬱林夷歌傳白壁漢詔錫黃金何似長安吏窮年嘆陸沉

其五

西南天欲盡剖竹問羅夷想像千村外驅馳九驛時山行忘蜀道水戰息昆池卧閣枕榔椰下能無咏別離

其六

迢迢丹鳳詔燦爛白狼篇弭蓋朝行棘飛槎夜入滇長途山作地大澤海爲天絕域陽春布無勞話瘴煙

聞司馬張公蕭公計二首

少室山房卷三十六

廿載甘棠愛千秋大樹名斷虹燕北路斜日渭南營部曲清笳送官僚素旄迎東南天半壁誰爲築長城

其二

北里丹旌度西江素髮迴千秋申甫業一代言蕭才象緯中台圻風雲太華摧祇應廬阜色名姓共崔嵬

哭大中丞滕公八首

間代鍾豪傑崑然岳降神三朝傳政績萬國待經綸賦就悲題鴈書成嘆獲麟何須論夙夜盡瘁見王臣

其二

絕學傳鄒魯洪圖陋漢唐君王悲大樹父老泣甘棠百萬清油底三千絳帳傍尚思龍起日風雨動南陽

其三

羽節吳山駐貂裘漢殿來詩書三代佐文武萬邦才日慘中丞嘆雲寒上將臺祇因秦望石勳業並崔嵬

其四

漸覺三合近俄驚八座空高牙懸落日大旆颯悲風部曲謳吟外賓
僚悵望中佳城猶鬱鬱誰謂問滕公

其五

甲冑重關靜樓船大海閒動名韓范後籌略管蕭間月擁丹旌度雲
拖素旆還異時靈爽在長鎮武夷山

其六

七臺初返旆九曲罷揚旂琬琰留中秘輶輶出大廷山川捲閒氣海
宇泣英靈萬古真儒業重看祀考亭

其七

尙記掄才日雞羣識鳳毛塵埃援錦瑟雨雪贈綿袍德並生成大情
兼怙詩勞百年知己淚遍洒越門濤

其八

念載門人籍千秋國士期長鏡驚老大短褐愧支離宿草孤帆近生
少室山房卷三十六

獨一劍遲殊恩何日報勸絕大江湄

挽馬都閫二首

雙鑱聞飛將蒼茫失故侯金章新息在銅柱伏波留已逐沙場逝寧
懷下澤遊至今靈爽在猶自懽壺頭

其二

破虜知名舊封侯泣數窮前苑沉落日大樹颯悲風馬革當今羨騶
夷自古同雲臺攻圖書忍沒漢庭功

先宜人不幸棄背泣血苦次志哀四章

一夜西風色俄然到北堂千秋黃壤遠萬感白雲長寂寞幽蘭思遲
徊寸草腸夜臺無日返何處報春陽

其二

忍憶九熊事空餘戒獵言北風頻撼木西日故推萱玉匣埋孤隧珠
襦闕九原閑居會一賦慟哭望高軒

其三

刀尺遺中間輻輳向大羅夢迴衣線杳寒入鴉帷多夜月沈蘭茝秋
風瘁蓼我流黃登空篋觸目動悲歌

其四

驟得西華信雲軒去不疑星冠朝玉闕霧幄返瑤池白日蘭陵暗清
霜薤里遲惟餘嗣宗恨血淚洒殘棋

贈管茂才坤

管子南州傑飄然此地逢風塵隨燕雀雲霧隱蛟龍堂上湘如曲溪
頭越女容一尊何日對相傍采芙蓉

贈趙長吉中舍

何來中秘客巨筆迴如椽烏迹羲皇後蠅書大禹前硬黃貞觀帖飛
白永和篇奇字吾猶識能來話草玄

郭生燒一鷺食余甚香美詩以賞之

西園新燕集東郭舊鷺羣炙處逢劉毅時笑右軍金盤疑噴霧玉
盞競傾雲更有渾羊設奇方欲贈君

少室山房卷三十六

八

少室山房類集卷三十六

少室山房類集卷三十七

續金華叢書

澗水胡應麟明瑞著

五言律詩八十二首

壽郭金吾

閨閣汾陽盛替紳代國留立關馴獨鶴赤縣駐雙虬覆局青霞爛鳴絃白雪流三珠庭下樹冉冉拂瓊樓

早春自西掖過訪宋忠父作

言尋中禁路來問列侯家玉座攀雲色金城步日華池煙深鎖樹苑漏曲穿花莫笑綈袍做長裾半赤霞

醉卧趙文學榻上遽然甚適覺賦此章

頽然聊一榻酣卧碧紗長極樂知仙界溫柔羨帝鄉春疑迴大庾賦已就高堂可怪黃梁熟莊生與未央

送鍾天毓南還二首

送汝木蘭橋高天正次寒楓行楊子岸柳折灞陵橋麗賦三都擅狂

少室山房卷三十七

其一

寂寞中涓後何人問駿才藏書還禹穴抱賦出燕臺大漠新霜下長河片月來異時重入洛雲色苒苒萊

贈丁文通大學

邈迤咸陽市干將照白虹新詩傳敬禮舊夢識文通業豈吹竽賤心猶擊筑雄寧親蹙升斗奮翮待天風

臨淮史夫人挽章四首

令族姬姜並賢聲孟術流貴從周太保體敵漢諸侯寶匣飛鸞鏡環簫咽鳳樓預知陶氏冢新兆卜眠牛

其二

雲駢飛絳闕哀詔下明堂大樹猶撐日芳蘭驟卜霜泉臺春寂寞石室夜蒼涼冉冉靈妃佩乘風度七襄

其三

嘆息蘭閨底悲風一夜多星芒沉寶婺日彩斷銀河跨鳳佳期阻九能舊事過鍾情潘岳甚其奈二毛何

其四

龍數頽宸極恩光備寢筵珠襦藏大隧玉匣闕重泉懿德絲綸著芳聲竹帛傳談詩憐昔胤淒斷夢我前

題何仁仲園亭二首

采采白蘋洲三湘欲盡頭危欄雲夢夕飛閣洞庭秋漁父持竿過靈妃結珮遊武昌新水發遲我木蘭舟

其二

別館寄清少飛蕙屬望遐徑移湘浦竹溪浣杜陵花萬岫交明月干林逗彩霞墻東處子麗莫是宋生家

甘露園二首

為園近茂陵甘露遍垂藤月底寒猶墜風前曙欲凝滄蓬疑太華淪茗勝中冷試作相如賦誰云渴未能

少室山房卷三十七

其二

冷然松竹徑點綴自何年北固昭明寺中嵩慧可禪寒生金掌外清注玉壺前好傳何郎頰朱衣拭更妍

同李惟寅何仁仲集朱汝修觀梅花

一尊春典劇花下共傳籌畫質霜先避情香月並流詩憐羣玉句人倚仲言傳恍入西湖道吾家舊玉樓

送王伯固之臨漳

承恩出向方躍馬向臨漳身是王喬族官隣子晉鄉芙蓉周闕紫松柏魏臺蒼預聽鳴琴日陽春滿未央

送吳翁升暹上

河梁樽酒暮一騎門飛少旅服驚霜樹歸裝冒雪花豪遊新北闕賦舊東家好去若溪上羣姬輟浣紗

雪中過孟發不植

獲落懷同調經過問索居雪花行刻曲雲樹隔匡廬大業元龍劍傲

名尙鹿車不知立草外奇字近何如

子玉以大計量移賦慰

二漢崔亭伯清風玉不如爽情甘慘淡公府絕吹噓考署陽城拙名成谷口愚祗應宣室夜前席治安書

聞王閑仲得傳燕中志喜二首

闕闕三朝舊弓裘四世新霜蹄金駟驥天種石麒麟桂擢燕山夜梅標碣石春平康花似綺結束待車輪

其二

金泥初帝闕玉樹舊王家間氣鍾三葉奇葩拉五花追風橫大漠蹕景度流沙寧似吳宮外窮年學浣紗

大學士趙公招飲小憩章行父館中作

尺五瀛洲路頻過戶不扇漏長中極殿時趙公倚觀亭閣中春滿太玄亭行父方館士門下舞鶴花間度飛鸞竹外停最憐調鼎暇吐握共忘形

是夕留飲至丙夜詰旦再呈此章

少宰山房卷三十七

紫極方延佇黃扉乍卜款上公能結縶羈客盡彈冠玉爵移中禁環築出大官夜闌台斗色清切動長安

訪蘇君禹城南別墅時即君新獲雉計偕二首

韋杜城南曲經過路不返重垣干樹裏曲徑四時花梵思融春雪燕歌促暮霞日斜羸騎返睥睨半棲雅

其二

豈是東山墅頻張北海筵帝城雲色近仙掌日華懸舊燕粉窺幕新鷺促和絃坐看池上鳳矯翼向甘泉

雲嶺真松卷為崔母楊孺人題

朗月懸西極高風勁北堂雲松千尺秀冰葉萬年芳跨鳳春情杏丸熊夜漏長惠文看蒼胤飛詔下明光

其二

一醺悲前事三遷訓後賢即今衣繡日猶自斷機年黃鶴瑤池下青鸞玉座傳登知鸞馬容風化瀛淮瀛

題楊孝子卷為世叔孝廉

當年排帝闕萬死白虹知楚澤長醒夜燕臺困餓時有天號半菽無地獻三芝藉甚遺孤在干將對陸離

過蘇生期歌者小謝不至戲作

寂寞看花興徬徨伐木歌虛聞鷺出谷未見鵲填河暮雨當窗斷春星入戶多明朝携小謝池草夢如何

贈駱兒

駱兒才五歲意氣欲凌霞骨已徹千里書應誦五車神清珠在握體潤玉無瑕莫作雞羣擬終當勝阿爺

送郭子遠還京口

倦索長安米言尋舊鶴羣傳家中憲業負笈太玄文郭生為中憲公孫中憲有詩集客路櫻桃雨歸帆杜若雲卜居何日事携爾大江濱

贈胡孝廉昌世

旅食涓橋邊青萍就舍懸麗珠溟海握駿足薊臺捐謁帝留孤憤逢人話太玄憑收嫁時淚會有惜輝娟

贈瑤樹為顧朗生

艷色真瓊樹豐肌倍玉環紅粧停夜月翠黛壓春山飛鳳秦臺下游龍洛浦還相思幾攀折遮莫鬢毛班

臨淮席上蔡生乞詩作時王山人在坐

龍陽君已貴一笑眼能青玉樹標前砌金莖夢後庭聲馳千里驥歌送五侯騎莫以安期舊擲掄蔡克靈

過王山人啜茗作

束書來菊北題賦遍江南不慕千鍾粟時分一味甘蒼筠搖午夢黃葉墜清談細酌天池坐何殊繡佛龕

鍾天毓過訪索詩賦贈

沾沾越吟客窮巷又移居舊著參軍品新臨太傅書花香繁短屐柳色傲長裾寂寞黃金館誰今問子虛

朱山人以非罪淹獄賦慰

世初門時開鄰陽獄未甦瓜田寧納履藥肆尙懸壺業就肱先折愁
深目半枯青天覆盆底見汝出窮途

過劉茂才百世讀其立珠諸稿作

似汝年猶少投子賦已工青藜三世後赤熾萬人中朗潤知潘似清
揚憶衛同部顏吾盡擲一槍異時紅

送人遊塞上

曉發灑陵橋彎弓箭在腰黃沙隨地潤紫塞極天遙玉乳葡萄熟金
鷄苜蓿驕黃蘭千百似飛騎上蒼虵

送章秀才從軍

白草暮蕭蕭黃榆葉半飄四時風不斷經歲雪難消大磧逢偵騎平
沙見射雕長纒聊解贈持此縛天驕

贈楊文學

身世一袍青柴關盡日肩鹿門傳舊業立閣抱遺經玉樹祥雲擁金
莖湛露零異時飛紫諾何羨客爲星

少室山房卷三十七

和趙相國懷山八咏

棲真居士

北極恩偏注東山興未窮民猶歌長壘帝已問空同絳關星辰麗彤
墀日月崇寧知西竺想寤寐化人同

六虛主人

翠屏羅窈窕丹壑傲嶙峋獨占三山色長棲六洞神雲霞居士夢宇
宙幸官身幾夜騎羊客傳書到玉宸

二初牧侶

煉藥開金竈宣麻上玉除黃庭弘景錄碧洞稚川書鶴化神香後羊
眠叱石餘赤松如待牧前席爲誰虛

紫霞洞叟

巨登山腰豁流霞洞口平關疑屯紫氣館憶坐朱明草色金光綻桃
脂玉乳瑩爲探輕墨候少俟大還成

靈溪漁父

澤畔吟初就溪頭望未涯坐携青竹篠行趁碧桃花錦曳千林霧綉
疑萬樹霞素人遺核在一種帝王家

白雲樵客

古樹白雲含晴光上蒼藍爲霖今塞北挾霧舊東南石上凝蒼靄峰
頭雜翠嵐萬方膏雨浴出岫詎空談

湧雪寒翁

一澗蜿蜒出胡麻飯有無雲滄穿石竇雪乳噴冰壺峽哨憑舟探潭
深藉杖扶隔凡天咫尺歸夢夕陽祖

玉露丹仙

石室清虛畔研朱坐次渺空濛流月窟點滴貯天瓢掌憶金仙近盈
憐玉女選他年把周易騎鶴上蒼巖

哭汪司馬伯玉十首

北關懸車登東林曳杖餘神留中土卧帝命太函居五岳藏玄草三
天墜白榆庭堦雙玉在雪涕茂陵書

少室山房卷三十七

其二 司馬爲舟州同年友又齒差長且文望相

青萍懸虎穴赤嶠樹龍門居後楊亭恥齊名杜轉尊星樞推軫翼天
柱折峴嶠白主樓誰侶飛雲限九關

其三 岳建文昌祠

杖鉞平蛟蜃麾戈縛大羊風霆流武庫河斗燭文昌玉帳三韓外銅
標百粵傍旛今吉甫頌猶自播東方

其四

黃山初謁帝立扈舊棲神華夏悲司馬春秋痛獲麟名猶標泰岱魄
已化星辰寂寞東南事文章孰後塵

其五

一榻中林畔如椽大海頭豐碑騰六合巨榜揭千秋妓狎東山卧賓
殘北海遊瑯琊雙墓在天意合吳鉤

其六

漢閣空刻向楊亭遊子雲中原誰步武上界已修文馬骨驪黃外駭

珠鴨綠漬吳時傳汲冢一代有三墳

其七

浮生借電露名理悟騰風濁酒談中聖清齋問大雄淨名居士榻切
利梵王宮此日三車去願知二業同

其八

黃粟殊未熟大夢竟難呼幾率天高下速須界有無文成欲上帝草
定屬潛夫伏櫪今誰辨長歌碎玉壺公嘗以全集屬余核定

其九

龍宮開淨業驚嶺學枯禪障息三天外神遊萬劫前空花函谷夢祇
樹壁林緣誰復借蘇晉長齋繡佛徒

其十

邂逅平原飲飄然夜雪過寸心雄海岱隻語廢江河落日生芻遠悲
風大樹多如渴猶夙昔萬恨擲蹉跎

香山寺流憩亭小酌逢張鄭應季因文學邀宿華嚴洞余諸子

少室山房卷三十七

七

素昧平生酒酣興發策蹇十里從之詰朝復抵碧雲泉上
十里華嚴寺重遊不厭頻携尊三市容擊筑五陵人野篠長封雪池
蓮不受塵故園滄海上飛夢繞垂綸

送倪明府之桐城

河梁尊酒別霜樹半遙空駿市燕臺上鳧飛漢殿中桐花城畔月桃
葉渡頭風最羨琴堂色青蒼對皖公

送李少府

都亭尊酒別秋葉照離筵菊綻燕臺下松嶺越嶠前孤航衝雨雪短
劍拂星躔咫尺徵賢詔黃金漢殿前

送趙進士使太原

秋水木蘭橈雙旌出渭橋飛雲行上黨積雪過中條謁帝朱衣近寧
親繡服遙向來龍劍影輝赫電光搖

過董中翰體仁余廿載前舊友也別後始授室燕中今一子已

踰冠矣感念今昔為之慨然

念年燕市客霄外更誰存逆旅推看舊他鄉見子孫花香分玉殿萊
火直金門笑我詩彩傲西風曳帝關

同王行父李叔操徐象先諸子十日飲作

嬾習干時技聊同玩世人華陽寧異代河朔動經旬旅興先黃菊鄉
愁過白蘋莫教龍劍色容易射星辰

廿載前讀王汝化詩已意其為古人邇晤李本建乃知此公僅

百齡尚無恙也因賦一律寄之

磊落王官翰青編入夢頻知三楚客遍閱五朝人藝圃占靈藥詞
林頌大椿前村武陵洞相對幾遺民

送汪象先伯仲遷新安二首

嘆息金蘭逝參差玉樹長多才秦別駕雅量陸平章馬重封仍下龍
門副永藏河橋相送地故淚滴干將

其二

燁燁名家後翩翩土國來立經司馬業文賦士龍才玉閣豐干社金
殘碣石臺喧傳茂陵詔漢使下蓬萊

少室山房卷三十七

八

送何仁仲之南都二首

去去柯公子春風一騎寒含香辭上國傳粉入長干桃葉江帆穩梅
花那闊殘芳洲尋白鷺何似故園看

其二

祖帳春明外桃花別路長整張題賦筆初縮納言章觀入新鴉鵲臺
呼舊鳳凰舊遊權咫尺一水是瀟湘

送崔子玉之逢州

春水潞河舟春風拂面柔飛驂臨別閣問刀州懶卜嚴遵肆頻
登杜甫樓巫山行雨暇入夢正高秋

送人還四明

悵望春風色河橋落照間酒人三市別狂客四明還再舉看黃鶴孤
飛羨白鷗新粧苧蘿下吾夢亦潺湲

送區文學還嶺南

彩筆吾哀甚驚看白面郎家傳周太史殿賦魯靈光上國啼鴟盡東風結駟長羅浮花事早月夜見明粧

集張仲立館中同胡孟弢賦

世事真難助吾儕日蠲螯撥人偏笋蕨作客又櫻桃業豈窮來擅名應醉裏逃相看聊起色毋擬曲江濤

胡昌世張仲立過訪小集

何限春風色長安醉碧桃雙携劍劒一話鬱輪袍射虎心猶劒屠龍思並豪平康花爛熳未肯負持螯

哭李能茂五首

命豈文章達才偏造物憎霜啼殘髮鼻風翻墜銀鵬大業愁中廢雄圖悵代興蘭陵川上酒猶憶共如瀨

其二

肺病呻吟外魂搖棄擲年千秋遲日行萬恨劇青毡雞鶩爭誰得龍蛇命豈然立享莽空澗愁絕異時傳

少室山房卷三十七

九

其三 李生書學王履吉嗣嗣近之

世事狂歌外人才太息中篇章亡白賀翰墨逝冰豈弱女啼荒徑孤菱咽殯宮棠梨最無懶滿樹發東風

其四

世誰憐薄祿天亦忌雄才落月長鯨去悲風大鳥來遺書殘竹素舊宅歸蒿萊絕頂芙蓉上曾同眺越臺

其五

青山曾不厭朱紱定誰強宇宙瑤華歇川原玉樹藏無年嗟太傅有業恨中郎寂寞安昌第堪誰到後堂

達父齒僅四旬一女無子蓋生平未嘗廢估傭業垂就而年

阨之造物之于材豈其真有所忌耶

送沈明府之竹溪二首

一騎蘆溝畔西風落葉號那知花縣客猶是竹林豪霧擁雙飛鳥霞蒸八咏毫黃金懸漢殿側席待賢勞

其二

斲握銅章去花封未寂寥囊琴解上國岸曠望中朝賦就湘潭竹書傳雪水若吳娃粧閣畔計日候蘭橈

少室山房卷三十七

十

少室山房類集卷三十七

少室山房類集卷三十八

續金華散膏

漱水胡應麟明瑞著

五言律詩八十三首

永叔方舟豪飲卽事十首時行次齊魯衛間

彩服榮新命錦袍戀舊知河梁晨艤棹水國夜銜厄渡遠携桃葉難
長和竹枝疏燈解娛客花豔撲談詩

其二

錦席時先後清尊日過從荒城嚴夜柝遠寺咽昏鐘意氣紅顏盛心
期白首濃卽今元禮棹誰復共林宗

其三

鼓吹中流發圖書四壁陳高談遇丙夜大雅和陽華水駟馳關吏津
亭候榜人雄飛吾黨事一快倦游身

其四

海月維仙纔天風度客檣賦題新赤壁吟和舊滄浪汎汎俱西子依
依但北堂江魚如玉雪滿載大家嘗

少室山房卷三十八

其五

雲霄翫比翼湖海豁遐心一駐青絲竿同携白玉琴清吟霞色爛劇
語露華侵快意達窗下天池酌水汎

其六

大有乘桴興能無汎宅游垂天雙翼左縮地寸心投鹵簿黃河岸帆
檣碧海流支機懷袖滿昨夜到牽牛

其七

携來雙彩筆寒夜互生花雪擁山陰棹星借博望槎鴈聲流古塞螢
火亂平沙幾憶春明外長燈對棹華

其八

河朔當年事平原異代盟登仙班景倩爲客孟雲卿振柅長霜滑維
梢宿雨晴如灑政堪賦蓬底百壺傾

其九

擊楫神俱王垂竿興未徂飛談凌海若長嘯挾天吳玉璫仍三殿金
尊甕五湖寧知奇偉客唱和在菰蘆

其十

汎鷁垂冬半呼盧過夜分燭花深對酒囊草細論文湖欲名高士灘
應號使君千秋吾道遠未遣世人聞

舟中卽景十首再呈永叔并寄李惟寅宋忠父二君

漸喜雲天豁猶憐道路長大河風烈烈平野日荒荒疊浪蘆根黑飛
沙木末黃翻思載圖籍片楫漾瀟湘

其二

寒蘆沙浙雁連樹岸繁暹挂席天疑近揚舫地欲迴登仙借李郭望
氣合張雷咫尺扶搖思無嗟六關摧

其三

晚色南風正狂歌岸接羅魚龍浮大澤鴈鷺掠荒陂貫月槎飛動衝
星劍陸離深知五湖客不爲載西施

其四

少室山房卷三十八

靜夜合杯坐天風襲錦袍推蓬霜半入鼓柁月全高宇宙指雞肋河
山割蟹螯何慙古名士痛飲讀離騷

其五

天末歸人與臨流賦式微長風蕭鼓發細雨舳艫飛入饌黃雞嫩傾
菊綠蟹肥沙鷗似相識檣底日忘機

其六

劇飲啜投轄長歌樂扣舷推敲殘月下欸乃亂風前塹黑鷺鷥墜沙
明宿鷺拳將因茗雪去老占孝廉船

其七

土俗經行異風煙逐望遐獵人爭雉兔罟客售魚蝦水棚平連市山
城曲抱衙夜闌渾不寐乘燭對棲鴉

其八

此日道途與平生汗漫游客星寧帝座卿月且仙舟巨鎮臨關出洪

河抱明流人煙十萬戶問是古營丘

其九

代北游真懶齊東俗未訛荒郊環棗柿古壁蔓藤蘿宿霧冰生井微霜月度河牽舟王子與將奈越人何

其十

一代交游盛豪華冠洛中有天背礪石無地不新豐浮海憐孤客登壇憶上公并州何處望老淚盡寒空

送李祿之南康

好去尋詩客聊同捧檄人雲屏高嶺外雪瀑大江濱水貺魚成市山衙虎作鄰琵琶亭畔月一曲夜誰親

南歸倉卒宋忠父邀餞齋頭不及赴寄別四章

飄零辭越日留滯客梁年憶過西寧宅頻開北海筵觀棋晴雪後秉燭曙霜前長夜真堪樂誰令縱酒船

其二

少室山房卷三十八

午夜攜燕放當年賦洛神草檠青二案花亞白綸巾上園三千騎華堂十九人最憐傾蓋日局促侍車禰

其三

橫槩風流甚登壇意氣饒上官留絕唱神女戀清標巫峽雲來去昆明石動搖永懷雙玉樹花下醉深宵上官昭容評沈宋昆明詩見唐雜說

其四

賦頌元推楚才華夙擅唐九歌傳正則十字叩賓王釀秫開霞館烹茶構雪房東籬攜手別夢寐菊黃

寄李惟寅兼懷王朱兩生四首

咫尺憐分手徘徊各斷腸離心搖海國淚目限河梁珮我雙龍紫駟君獨馬黃念年彈指恨頭白少年場

其二

落魄長安市拙豪興過雲醉呼嚴僕射狂揖衛將軍玉饌遺鱗渥金尋族馬勤別來知己夢愁絕亂紛紛

其三

披褐寧高隱攜書異昔遊一身投蜀國十口寄并州幕借桓溫府林移庾亮樓卽今離合事萬感碧雲秋

其四

意氣聯三俊聲華軋四豪章徒騰蕙苴貢已入蒲萄王祭從軍樂有從軍樂朱家結客勞濠梁倏千里飛騎贈緜袍

仲冬朔舟次南旺閘中暮夜得雄鏡下發書報家大人信筆志

喜四律

庭樹先春發堦蘭入夜茸帝心憐笑族天意繫衰宗饒社明孤蚌高陽兆一龍桑弧挂蓬廬差快恨遊踪

其二

圓籥會先世弓裘盼後人芝蘭聊慰念梨栗漫生嗔謝氏庭階茂陶公戶廡貧尺書連夜發先報白頭親

其三

少室山房卷三十八

但說充闕慶都忘立壁愁百年今始慰五岳暮仍遊入掌珠先媚看肌玉並柔荑廬三萬軸累汝激江頭

其四

作賦長安邸談詩大海湄千秋吾自得載世爾何遲貴敢希龍種痴從笑虎兒踉蹌罔極恨無計起蒼墀

是夕寒燈結花甚覽薔薇若叢珠更賦二律

一夜寒燈色飛揚照客棹乍看叢綺樹誰爲擷瑤華繡幘籠丹霧紗窗暈紫霞支機寧待卜天意茁蘭芽

其二

燈花寒更結喜色炫歸棹金粟呈雙穗瑤芝發九華光輝流素月彩斲燭明霞一慰東山望庭階玉樹芽

夜半篝燈寒甚余推蓬出則雪深尺餘花艷若晝明晨兩崖玉樹瑤瓊成行永叔賦詩以謝庭見况和會一首

瑤瓊奇花發亭亭玉樹陳吾寧湘水客爾亦剡溪人鶴展瑤臺翅龍

拖貝闕麟故園三畝在歸思起垂綸

其二

莽莽乾坤內悠悠一腐儒仁忻蘭吐玉敢詫樹呈珠入駿休黃竹雙
龍儼白榆時新得含飴歲除日好慰謝庭趨

稚升席上再與永叔言別永叔先

節序驚殘臘睽攜悵此晨平原會十日河朔更三旬積雨留淮騎飛
霞度海人書傳二仙媛為掃石牀塵

中叔衙齋小集

郡郭全披霧衙齋半住山狂吟修竹下沉飲落花間別夢將雲到新
詩問月別萬峰京口勝歷歷待躋攀

暮登金山同永叔憩閔山人軒中

一龕聊避世絕頂見高秋舸艦維青雀軒窗借白鷗江風傳磬遠山
月照幢幽瓢笠吾將去相攜問十洲

郭參知過訪旅中賦贈

少室山房卷三十八

南粵文章吏東曹禮樂臣生花景純筆折角介休巾鹿豕親遊屐魚
龍駭釣綸百歲傾蓋誼偏向白頭親

香雪為郭張虛茂才賦

茆齋餘十尺香雪綻雕欄獨樹孤山老千花大庾寒高樓吹漸落古
驛寄仍殘欲喚娉婷語師雄夢未闌

送趙太學

尚寶傳新命飛航悵別筵恩光龍闕下春色鳳池前綠草燕山紅
葉越水船相門經術在奕世重韋賢

次高唐旅邸戲題

旅跡真無定踟躕舊驛堂朱榴晴綴火綠樹午生涼岡勢蟠堤曲河
聲囁岸長將無夢神女地入古高唐

過王世叔舟中留飲同說仲君倩作時王世叔方出獵歸二首

亦知金甲貴頻許布衣遊短劍攜孤客長纓問五侯基酣紅日墜箭
駛日虹流快意平原獵高天控紫駟

其二

說劍樓船上霜華照龍鱗將軍長揖重處士少微孤日杳青油幕風
酬白玉壺誰同霍驃騎橫槩賦三都

是日世叔座中出入帶魚供饌余夙聞未親即席復成此章

異族來東海鮮鱗出上都一身同水荇八足擬天吳玉筋飡偏美金
盤薦未孤當年五侯客飽飲此君無

舟中觀漁人舉網再賦

寧知濠濮思尺尺在樓船水鏡冰鱗躍霜刀玉鱗傳蟹磯東海上爐
網大湖前後夜披裘去寒星帝坐懸

贈徐生暉民

豈是荆高輩沾沾易水樽屠龍先世業射虎壯年心斗室長懸劍匡
床獨貯琴長門新賦就未有博黃金

同厚之過潞元池上觀魚

翠嶼清風遠雕欄赤日微焚煌朱鷺動發刺紫鱗飛南國鱸應美西
山鱖漸肥長竿一千尺歸釣子陵磯

少室山房卷三十八

夜集王將軍園亭留宿齋頭二首

劇飲連朝暮狂歌動斗牛樽橫空北海榻已下南州綉褥明霞綻紗
厨舞月流佳期近三五重訂庚公樓

其二

遲逅清油幕觀碁與未徂為圓當蔭荔鑿沼近菰蒲雨砌黃金甲風
窗白玉壺不知韋杜曲三過拾遺無

秋日同顯卿設元厚之過城南禪院小憩作

名香聊一炷山色滿繩牀初地談真諦空門對坐忘維摩身是幻梵
志瓜偏長擲杖吾將去西林下夕陽

同茅徐兩生過潞元太學園中時秋海棠盛發劇飲暢歌遂至

丙夜

曲榭延秋色名園傍午橋晨霜山菓熟宿霧海棠嬌綠水街堤近青
林抱郭遙參差發狂興醉墨滿芭蕉

相國趙公以犀弁文綃見貽各賦一律爲謝

製作商軋並珍奇漢尊留來從蛟室底頌自鳳池頭入水驅魍魎通
天象斗牛何煩百觥舉一飲媿難酬

右弇

錦帳非金谷絲綸借玉堂青綾遙動色綠綺暗生光萬縷含風細雙
緘視雪涼寥寥解衣事凝望碧天長

右綰

懷梅客生二首

授策紛紜際成功顧盼間虬髯銅柱寒燕頤玉門關選士迎黃石陳
兵上黑山凌煙三百初圖畫定誰攀

其二

油幕羣趨夜胡牀獨坐時濃霜花墜笛殘月若收基獸錦中朝錫貂
裘上谷馳呼韓今絕塞憶共請纓時

徐象先訂約同發而榜人留滯余待之不至殊悵然

少室山房卷三十八

七夢選

望望幽井隔行行汴泗來城荒頽枳棘殿古蝕莓苔尺水憐魚服長
途滯駿才夜看雙劍氣能復射燕臺

同吳叔嘉黃說仲懋開寶禪林浮屠雪山設伊蒲供并出紙索

書卽席賦得雲字別二山人

梵刹斜陽裏孤舟繫水濱竹林幽把袂蘭若淨論文古碣橫蒼霧疏
鐘出亂雲寧知虎溪上一笑是離羣

雨過苑生賦贈二首

蘇自云
初成後

一室長安市蕭然靜者踪途逢菲季偉夜飯郭林宗細雨花臺奕寒
飈竹院鐘華陽何日返白眼卧干松

其二

易水才容棹君垂百尺綸巨先原任俠方朔豈長貧坐有含毫客門
多擊筑人懷中雙刺在肯逐五陵塵

夜泊彭城夢家君作二首

九月南徐路椿顏入夢頻太行雲喚客東海月迎人桃葉新歌扇蘆

花舊釣綸篋中萊子服先拂上陽塵

其二

乍輟三更枕初迴萬里航眼青猶上國頭白正高堂歷歷瞻鴻羽呱
呱憶雁行應知海籌屋退算八千長

巖社湖作

行行南服近望望北辰孤巨浸浮三峽驚濤入五湖蛟龍晴自闕鶴
鶴夜相呼明日江東客相逢鱸玉鱸

界首晚泊

繫纜依高樹推窗坐短篷地偏秋積潯湖近夜生風鱗鱗銀條白粳
炊玉粒紅飄飄芋蘿夢漸過越臺東

惠山泉上小憩薄暮入僧房觀王孟端竹壚

玉井瓷銀牀山泉噴石梁江寧擅揚子谷豈後康王石鼎流雲潤銅
瓶貯月涼竹爐煨茗茗彷彿孟端狂

盧使君追步隱侯作後入咏詩不佞次題倚和

少室山房卷三十八

入夢選

倚檻思民力

碧檻抱朱樓高憑動斗牛桑麻深遠墅禾黍匝平疇渤海仁風遠宜
戒惠績流脚躡念民力漫擬仲宣遊

瞻斗望京華

靜夜胡牀坐遙瞻萬里遠清光流北極爽氣動西山鶴羽思仙蹟龍
鱗憶聖顏異時香案吏翹首玉宸班

芳園傷啼鳥

複道春風起黃鸝畫滿林間闌流葉底睨院出花陰綺陌傳金縷紗
窗和玉琴願借韶濩響一奏未央深

名園惜落花

把酒高城望春光正暮天落紅深小徑新綠漲平田粉翅迷蝴蝶芳
心泣杜鵑誰憐隱侯病憔悴百花前

署府聞秋笛

何處拈長笛飛聲弄月明梅花千萬樹一夜落江城隔座桓伊思登

樓越石情洞庭秋水瀟瀟雁鳴

江城暮聽節

幕府秋笳起隨風度海濱哀音送落日逸響度寒雲斷續邊鴻羽飛揚塞馬羣萬方烽燧熄無疑玉關聞

倦遊懷賦

豈為東方載沾沾舊草堂風流傳蜀郡政績重淮陽海岳閒情遠雲天健翻翔故園聊寤寐前席待冀黃

高嘯隱煙霞

逸興黃堂上高情碧海涯勳庸留社稷寤寐落煙霞八邑聲同著三朝望正遐陽春誰倚和萬古誦瑤華

贈狄將軍鼓琴雙鬢有序

黃河遇狄明叔沙棠聯下雄飲達旦夜辰策騎同登彭城子房山南望雲龍放鶴諸阜狄生連醉巨觥余命小奚吹鐵笛振袖絕顛超然遐想昏黑還舟明叔廬為具呼小奚鼓琴侑

少室山房卷三十八

九

簾余醉而復醒數四榜人告東方白久憑罷許為狄作長歌

先賦此贈侍者

追歡連日夕小隊出霓裳入指朱絃媚含情綠綺長新聲傳舞鶴舊曲和求風何似歌桃葉盈盈在畫堂

輓楊明府遇二首

夙昔俱童稚親情四十年尋詩燕雪底作吏海雲前草閣依山墓蓬侵負郭田豐城墜牛斗誰握兩龍泉

其二

一病歸何早空齋種白楊尙期中散出不謂太玄亡舊宅扇南院新阡樹北切昨宵鄰笛過涕淚盡山陽

送郭廣文之南康

射策時方棄明經路未窮衙齋飛瀑底駟路亂山中赤葉明楓樹黃花綻菊叢琵琶亭上雨秋色正連空

送王中叔比部北上二首

乍擁三秋楫言乘八月濤日華仙掌近雲色帝城高獄底占龍氣池頭憶鳳毛羨他詞賦客強半在西曹

其二中叔以清州併遷

大旆飛紅葉閉門閉綠苔雙蛾辭玉洞獨馬赴金臺覆翠中冷去蒸招太乙來君王受釐夕刺刺嘆雄才

送陳廣文自上海遷池州

乍奪唐宮錦仍浮漢使槎岸楓霜染葉籬菊雨催花地圻行三泖天窮望九華異時窺絳帳問字幾侯芭

寄王伯固明府劉百世茂才

尙憶南皮飲圍爐夜唱酬仲宣才冠世公幹氣凌秋蓼關新編啟蘭亭巨軸留重逢定何日冰雪倍離愁

少室山房卷三十八

十

少室山房類葉卷三十八

少室山房類集卷三十九

續金華叢書

漱水胡應麟明瑞著

五言律詩七十一首

呂梁阻風呈徐使君

彭城遙望望突兀見黃樓驟雨悲泥滑狂風畏石九千山攢地出一
水抱天流羨殺徐車騎干旄控上游

寄李景穎

一騎長干去干花簇瓊環尋仙句曲洞作吏秣陵關風吹金門家龍
旗玉座閒寧知關棋夕夢入爛柯山

贈王生

不假蒨爲杖偏宜杏作林五龍扶躡遠一虎住菴深古洞探瑤笈名
山弄玉琴丹砂勾漏滿計日化黃金

夜集王太僕聽歌

列炬明粧出寒宵興未涯翠翹偏東鳳青鬢儼塗鴉雙珠搖月亭

少室山房卷三十九

亭玉照霞細聽桃葉曲身在騎曹家

寄王山人

役役浮生老誰同戰勝肥生涯南畝秋世事北山愁短笛吟蒼靄長
鏡斷翠微異時眠帝座星斗動龍旂

送王生六治還潞州

翩翩江夏客才望世無羣旅興殘春雪歸心促夏雲吳歌新日紵楚
黛舊紅裙惆悵平康陌芙蓉折劒文

佛日少傅趙公設供齋頭兼抱新誕兩郎君出拜紀以小詩

綺閣仙雲曙黃扉佛日晴隋珠雙照夜趙璧互連城學語翻多態想
眸欲寄情異時符抱送花萼照蓬瀛

胡靜父邀集齋頭賦

拚作扶筇過誰言病未能長吟飛綠醕劇語墜青燈射策空三殿備
書遍五陵十年湖海夢行脚愧孤僧

野寺古槐奇絕亭亭如車蓋四望皆同樹身屹立丈許其顛折

爲五枝折處寬平可四人箕踞坐余挈胡笳雨生散髮豪飲

其中日暮乃下

古樹空王宅重來一抱琴清陰浮廣殿黛色挂遙岑薄暮涼風動先
秋皓魄臨南柯塵夢斷干劫護叢林

其二

落落蒼鱗斂亭亭翠幄懸百圍全蔽日千尺競參天老幹巢孤鶴疏
枝咽亂蟬漫誇丞相宅瓔珞梵堂前

過吳生夜飲作方徐萌王諸少同集

落日襄陽道聞來醉叵羅狂夫能劇飲稚子亦清歌卷幔當紅葉移
燈就綠蘿平生雙白眼花底重婆娑

其二

偶挾荆高伴過從趁晚涼飛鶴臨廣陌秉燭坐虛堂萬事銷詩癖孤
踪劇酒狂興來頻散髮宇宙入高陽

題黃隱君靜軒冊

少室山房卷三十九

青山鹿門宅大隱自何年密竹披三逕長松暮四筵銀鵬秋偃息魚
鳥暮留連曳杖南鄰客時時問太玄

夜集黃燮卿言別時余將入都門

柴陌居相亞立亭路不遙攜琴斜照落擊筑斷虹飄逸興舒河朔離
心怯灞橋拚成千日醉徒徇發深宵

寄李逸人

自得丘中樂閒居鬢欲皤青精鄰叟共白墮野人過緩步依松竹長
吟向薜蘿漫愁歸路濕湖上有漁蓑

贈月仙爲蔡茂才

問竹來朱戶如花出玳筵飛觴霞外客鳴珮月中仙艷色蟾光墮佳
期兔魄圓相攜廣寒榭長夜奏鈞天

贈陳生卽席

咄咄陳生在相逢尙黑頭風傳中散弄月照廣寒遊織履長檣戶擔
簞不卧樓醉來雙眼白未憚武安侯

贈支山人

早挾長桑術青囊不記年懸壺居小市擊筑問高天逸興燕臺上狂歌漢闕前將因被裘客歸釣洞庭編

贈楊生叔嘉

死爾清揚客翩翩玉不如看花晴曳屣擲果暮迴車意氣紅顏外聲華綠鬢餘即今逢逸少白練為誰書

座中有名蓮萼者持扇乞題即席賦

爛熳芙蓉色居然似六郎朝重圍翠蓋夜月舞紅裳景奪前溪麗香飛太液長空令李供奉極目紫驕傍

鄧遠遊以八章見贈推挹過當奉報二詩

有美青雲客才華蔚鄧林中原馳捷足上國締同心焉落千言賦飛揚七步吟寒寥燕市筑一擊為知音

其二

屈指詞場彥翩翩意未降過江原第一華國定無雙稍結名流襪終

攀上將旌生花寧夢寐五夜筆如紅

送胡將軍之遼左

片雨都門霽飛花照別筵舊持橫海節新隸伏波船鼓吹漁陽外旌旄鳴綠前歸來歌杜杜金印出甘泉

其二

乍拂千金劍仍為萬里行長纓紆北望大纛賦東征鉅鹿雲連塞盧龍雪照營春風薊城畔獵獵動飛旌

胡鴻臚五十舉子詩以賀之

書來滄海上喜色耀門闌天闕珠呈樹堦庭玉照蘭紗厨翹霽色繡緜怯春寒冉冉凌雲翻無憂暮景闌

題陳山人畫松二首

半壁嵐光潤高堂露色濃寧同居士隱不受大夫封翠羽疑藏鶴蒼鱗欲化龍何年值章偃酒墨傍孤峰

其二蕭子雲書如瓜松一枝

懸壺一千尺誰寫碧網緼直幹遙撐雨疏枝亂拂雲天台寒影落靈谷夜清閒恍忽蕭郎管狂揮白練裙

王至卿乘輿見假賦謝并期試事入長安

燁燁青油轎平分片諾中乘輿勢鄭相藍驪狎陶公未擬驅金犢寧須跨玉聰燕臺百里近六關趁天風

寄李長史

一為珠履客十載滯邯鄲此夜叢臺月應同易水寒壯心猶躡屨華髮漸盈冠幾度黃梁熟盧生夢未闌

王生母六秩乞詩

燦爛支機色華筵瑞靄籠星橋寧駕鶴雪案祇丸熊玉洞三芝紫瑤池萬樹紅劇憐雙彩袖膝下舞黃童

送易山人

老作平津客囊金出塞多千花離紫陌一葦度黃河釜泣歸時夢盆傷醉後歌東籬秋咫尺掃榻向藤蘿

題郭金吾冊

金吾行樂地蕭酒接蓬萊玉樹雙莖長瓊花四座開晴光搖院落春色遍樓臺一夢羲皇杳池鷗莫浪猜

王至卿借騎入長安賦謝

未遑中涓訪猶勤上駟來壯心懸伏櫪逸足借登臺跋看龍種飛騰羨駿才天閑雲五色矯首見蓬萊

題韓節婦卷

蚤遂殞身願都忘剔日愁結藕才六月懸帛已千秋大節冰霜擅貞心鐵石留祇應連理樹一夕豕前抽

賀人得雌并慰之

春色盡簾中余稠瑞靄籠蘭肌初浴雪蕙質在含風夢豈熊羆異苞應鶯鶯同連翩燕姑夢孔釋下遙空

同王行父管建初汪公幹謝彥雲集區太史館即景分賦余得

盆中紫茄

寧知草莽質遲近入金門湛露晨披葉仙乘夜沃根桃緋殊度索瓜
紫羨崑崙却笑於陵客播鐘傍帝闈

其二

何來天祿畔繞湖列嘉蔬立圃剛雲種青門抱月鑄含苞花爛漫綴
實樹扶疏一飽堪晨夕那能賦眾狙

送郭尉之河南即席賦

歇罷芙蓉幕君權一尉行官衙憚水岸帝苑洛陽城寶劍衝星發銀
箏抱月鳴黃花薊門市蒲拘照離情

挽陳太夫人孝廉仁夫母也

一夜青鸞札流黃罷錦文去逢瑤水仗歸伴玉華君楚珮俄捐月素
簫暗拂雲那堪北堂畔風木驟紛紛

挽胡太夫人爲大學敬元賦

丸熊聞叔媛跨鳳逐仙娥晚日凋蘭蕙寒風廢蓼莪瓊環新玉闕機
杆蒼銀河躑躅春暉恨霓裳隔大羅

少室山房卷三十九

五

送趙參軍

矯矯平津客林間識仲容傳家留一鶴入暮佩雙龍樹色遶城近花
香漢殿重胡姬明月下憶汝批芙蓉

寄黃說仲

屢入參軍幕頻依上將幢華名今第五傳譽曾無雙倚馬才仍捷歌
魚意未降經旬會借汝干頃瀟長江

壽趙隱君

蒨廬仍負郭戶外綠陰重幾夜裁立草頻年事赤松雙溪雲墜笠四
洞雪沾筇却笑龍門史低眉傳素封

壽畢中翰太夫人

漱觀西池酒笙歌排百壺三珠呈悔國片玉耀天都札付青鸞石簫
迎彩鳳無丹砂滿庭砌昨夜到麻姑

送沈廣文之侯官

日暮河梁昨歸帆趁北風一瓊初就日雙劍舊如虹期路萊菔外齋

頭首藉中飄飄帳亭宴霞色近人紅

送章博士之昆山

共作燕臺客君歸思欲狂雙鶴馳海岸獨馬倦河梁故園蘭若近新
齋首藉長昆岡借片玉獻歲到明堂

送張生還四明

一樽殘歲別揮手各懷然野凍層冰外山明積雪前貂裘素死傲烏
迹漢京傳到日尋安道應難入剡船

感事二首

五畝荒猶客仿皇素髮侵季華趙老大詩思入沈深絕域舟車夢危
途劍戟心飄飄灑陵雪無賴入衣襟

其二

遙逐齊門好真逢蜀道難百憂攢鬢底孤憤疊眉端布被翻霜薄絲
袍旋雪寒蒼筤富春耆老盡釣魚竿

題楊母冊爲其子舍人

少室山房卷三十九

六

綸葍飛青瑣恩光下紫宸龍章雙闕耀象服九原新寶錄傳金母珠
襦映玉人惟應寸草念百結遠三春

期曹能始登岱二首

一尊高館暮下榻意偏動旅興窮燕雪歸裝促岱雲簫傳雙鳳吹劍
合二龍文何限慶酬事無令洛下聞

其二

夙訂金蘭社聊辭玉筍班片帆同挂海雙屐互登山梅柳爭春發松
蘿結夏攀天門和梁甫聲振白雲間

送曹能始遊盤山

勝欲第三輔幽仍問五盤輕裝凌曙色短褐耐春寒壑宿雲全卧峰
明雪半殘帝京樓殿近百里見朱欄

過楊不棄索其丹青適大雪盈尺即席題

恠底春城雪從君傘下飄飛花藏遠寺古樹折平橋驢背吟方劇龍
團興未銷倪迂倘留客清閣日相邀

再賦

飄然逐朋好來過百花潭雪照藍田畫風生碣石談落梅俄塞北飛
絮詎江南極目招提上同雲遍蒼藍

題夢竹卷為吳孝父山人

亭午華胥國儵然萬玉長吹簫疑解谷振柁即瀟湘霧色偏籠座風
聲半入廊何當擊劉阮斗酒日相將

江村卷為吳太學題

新安江色近一曲抱村幽日煖蘼蕪岸風恬杜若洲亭臺通鶴逕籬
落繁漁舟四百灘頭路將因到子猷

題張文仲母孀節卷

截髮甘肩戶同心悵結禱百年高里夢五夜柏舟詩熊鷹舍辛日營
舍入夢時班衣張仲在好為賦瑤池

過敵生齋中即席題

蕭然一凭几兀坐萬緣空舊若猶含綠新梅半着紅山疑暮北死石
疑贈南宮好覓金波句清尊後夜同

別章敏學

青絲箱朱檢追送潞河博寂冥窮途淚支離故園心晨炊投古戍晚
宿寄荒林何限浮雲色雙龍入夢深

同徐文明六客集竹里館時余太學為主人

屈指春光半尋芳真未窮竹溪借六逸花墅挾雙童劇飲妨歸騎清
歌落斷鴻遙看燕市月冉冉入簾櫳

入長安路逢徐文明蒼頭持新作見貽和答

輕寒策羸馬蹴躡向風塵筑問燕山社帆留潞水津浮沈金裊駭飛
動石麒麟縱目春明外花朝萬樹新

過徐文明邸適陳長芳在坐作

欸段春風裏頻遊真獨狂袖毫尋孝穆卧榻對元方雲似飛天姥霞
疑挂石梁芙蓉雙燦爛昨夜夢干將

載過曹能始時能始人長安余暮留齋頭翌日題詩壁上

夜掃陳蕃室春雲綉褥溫敢言龍卧榻無復鳳題門西笑非吾事南
遷亦主恩長門會題賦漢武欲消魂

胡靜父攜盒過大槐寺作

拂曙青絲檢提攜潞水東為尋芳草色重到大槐宮老幹排丹壑疏
枝凝碧空黃梁炊漸熟干劫夢魂中

荃寺別于鳳鳴李惟朴兩生

尋幽來古寺霧色傍禪樓劔豈雙龍隔門難一鳳題夕陽高枕外新
月亂帆西共惜天涯別何妨醉似泥

贈汪生

甄卸東山屐言乘汎海航遺書觀魯甸古樂問齊方白駐歌高座紅
妝醉曲房踏歌潭水畔人識姓為汪

壽吳隱君希學七秩

君平曾寄蜀尹喜尚留秦杏植三千畝桃偷七十春壺中長宇宙展
底半星辰白日飛雞犬無勞頌大椿

少室山房卷三十九

再遊大慈巖三首前卷遺去
仄徑攀蘿辟明霞挂石梁危崖常墮虎柅石盡成羊綠篠干林合青
松半壑蕪雲房遺象古恍惚見齊梁

其二

不倦探奇足名山到處尋符與題谷口蘿巖出雲心絕壁干松挂高
空萬籟沈不知傳大士何代布黃金

其三

徑草重重綠巖花處處紅猿聲山寺合鳥道石房通峭峽行無際平
晴望不窮世緣吾欲斷登關上天風

少室山房類葉卷三十九

少室山房類彙卷四十

續金華叢書

澗水胡應麟明瑞著

五言律詩七十六首

侍御葉公初度賦東四章時中秋後五日

白鹿梯仙境青牛柱史臺東華晴旭現南極瑞雲來玉葉凌蒼柏金莖映綠苔黃封將湛露欲灑出蓬萊

其二

豸繡輝瑤席鸞笙奏玉除紅雲三島近白露九秋餘祝頌填宮觀謳歌沸里閭西冷木蘭棹花色擁芙蓉

其三

曙色重關外湖山列壽觴桂圓猶八月菊吐漸重陽紫鳳新辰極青鳧舊上方天風何處落一曲度霓裳

其四公時按維

繡斧清朝出光生大海涯梅鹽徵相國柏酒送仙家局屐排青漢衣

裝迓紫霞錢塘十萬戶蕭鼓沸蒹葭

送吳山人吳時為桃花會

豐樂橋邊路相逢鬢未皤形骸長土木夢寐半雲蘿洞口銘題鶴池頭帖換鸞桃花飛欲盡曉發奈愁何

題胡京稿三緘齋

玉塵揮仍置金人戒不忘謹寧空覆下辯已誦華陽塞允遵玄聖冥心對上皇白圭晨起誦三復意何長

林孝廉以黃堯術書至并新詩投贈報以此章

席帽戴殘陽翩翩白面即登龍年尙少繫馬日偏長萬卷窺黎閣雙鈞合草堂寄聲黃叔度夜雪待孤航

永叔坐中戲贈奕者鄭童

十五侍王郎盈盈坐隱囊雄思馳虎穴險欲控羊腸玉洞青霞麗金庭白日長毋懷陸郎橋高跨赤龍翔

壽陳翁

大隱聊城市青霞渥妙顏一壺懸海岱雙屐占湖山鶴初萌芽茁當樓桂魄聞中宵占紫氣已到穆陵關

午日訪吳文仲使君蓮湖上燕集寄東二律

午日尋芳候千秋祝聖年樓船浮別島簫鼓列長筵紫翠仙城出丹青梵剎懸金闕折垂柳何似越門前

其二吳公以萬壽入都唐人祝賀用鏡水心鏡以午日歸唐小鏡中

騎吹千山外招尋總勝遊蒲觴飛別墅桂楫競中流日湧江心鏡霞增海上籌天顏欣咫尺一壺翠雲裘

次日集明府齋頭長君文學侍坐

依然五楊柳丈室臥東臯海岱驛鴻翼林塘柳蟹蟹飛觴春色淺乘烟夜談高冉冉凌雲氣池頭看鳳毛

秋參戎邀集園亭觀文劇即席賦

將軍西第燕奏伎鬱金堂獎素先登席秦青正繕梁巫雲飛繡褥楚雪照羅裳不盡淳于典留髮夜正長

少室山房卷四十一

其二

飄飄青鳥使晨逐白鷗羣鸞舞偏傾國嬌歌盡遏雲江深桃葉度灘連竹枝聞不分黃花色霜前撲畫裙

羅生館中閨伎作是夕奏梁辰魚吳越春秋

逆旅愁無賴良宵與若何纖腰呈楚舞稚齒發吳歌院落飄紅霧樓臺駐絳河扁舟拉西子蚤曉若耶過

其二

爲探傾城色聊停上漢槎興移金谷樹春滿玉臺花盆壽懷差壯安仁髻未華異時雲水約珍重越溪紗

同方上舍集施山人二首時立春前一日

旅况新年接鄉心故國同吟猶懷洛下語漸識齊東逕草初廻綠圍桃欲放紅朝攜雙蠟展南陌聞春風

其二

柏葉孤城蚤梅花絕域遲羣將春雪與同醉暮雲時白練毫飛酒青

燈劍陸離吳歌夜闌發星斗墮敲棋

王將軍邀集西園賦時大雪初霽

將軍西第近曳履暮追遊不夜開瑤圃先春真玉樓月窺庭樹上雲
逐劍花流片石燕然頂嗟噫待紫騮

張博士過訪賦贈二首

世業明經舊家聲作賦隆四知傳漢代三絕擅唐宮匣劍芙蓉麗盤
殮首蒼窮何人問奇字旬月坐春風

其二

蕭然廣文郎半榻擁青瑣著述河汾後振趨泰岱前虛堂時繫馬高
座幾懸壺咫尺侯芭在花時過酒船

送周新之

人事元戎幕新辭上客行雪深離翰海潮落到錢塘射虎矜衣窄歌
魚笑飲長小喬粧閣昨計日望周郎

送汪生歸大朝

少室山房卷四十一

三

客邸悵離羣連天木葉聞囊琴淒鶴調匣劍隱龍紋野棟黃河雪山
昏白岳雲嚴陵吾舊宅一詢孔珪文

潞河遇陳子卿同飲胡敬元齋頭即席賦梅花下

白社元同調清風忽故人荆高逢易水千莫照延津講帝心期壯封
侯骨相食梅花齋閣底沈醉異鄉春

陳生出所藏半照及七首乞詩為離合作五言律

惜別佳人意酬知列士腸妝臺分鳳影寶匣現龍光蓮鐔誰同鑄菱
花憶對藏樂昌何目返見故合干將

送趙別駕

參軍曾入幕別駕復移舟綠水蓮花隔清溪杜若留鸞聲吳甸曉騎
火粵山秋好作師雄夢羅浮問舊遊

春日胡荊兩生訪王至卿攜妓東郊藉草暢飲追暮汎舟從北

郭歸

拂曙前門東尋芳入亂紅圓梨嬌墜雪堤柳淨含風逸氣雙劍並情

歌一棹同盈盈美人意悵別夕陽中

贈唐山人二律

楚服嚴陵釣懸壺向紫宸仙莖攜沉壺帝座問星辰白苧新燕客青
囊舊越人昆明泉萬斛花裏試垂綸

其二

綵筆神飛動青囊術有無看松留泰岱採藥望天都霧引車前鹿雲
迎鳥下鳥異時蒼海色千古屬潛夫

和吳茂先悼亡

王生馳夢日播令悼亡年雨滅巫峰外雲沉洛水前笑言孤枕共形
影一燈懸好借文成術紗厨望畫眼

于鳳鳴攜酒鸞覺禪寺作

尋幽借賦客古刹亂雲傍優鉢千花淨菩提一樹芳談天遊淨樂掃
地坐清涼欲共寒山衲西歸不一霜

贈真頭陀

少室山房卷四十一

四

南州來賦客北苑問高僧佛土窮三界人天度七陵孤雲長拓鉢大
雪夜傳燈便欲逃禪去風旛證惠能

再賦同吳生

問法來方丈清齋供梵蒲高禪逢普化古佛現昆盧大悟三乘徹真
空一念無那能將寶筏咫尺濟歸途

座中贈吳隱君

梵剎金銀布人天下夕陽菩提千界淨荷菱六時芳妙復恆河筏蹉
跢却海航憑君畏墨下一授衛生方

贈鄭生

卜居仍海嶠門巷一壺懸采藥陶弘景迷花孟浩然星垂漳水釣月
引衛河船縱目金華頂羣羊正熟眠

吳生談魯連臺在遷城東北未有題咏余素高其節快即席此

章

嶽嶼高臺昨猶傳俠客名千秋餘故壘片札下堅城晚日殘花墜寒

雲草平誰言蹈東海風取入蓬瀛

吳希學齋頭鸚鵡學語慧甚戲贈此章

以汝聰明質誰將閉玉籠鄉心馳隴石楚語狎齊東倚竹身全翠殞
桃頰倍紅秦宮三十六一一訴春風

贈耿中官

萍梗淮圻北桑弧碣石東心長懸魏闕疏屢入隋宮色相三途幻因
緣四大空侯鯖頻日屢拂袂近春風

送倪明府

燁燁蘭陰里銅符羨畫遊鳴琴聊寄傲岸曠正風流桂折羅浮頂梅
探庚嶺頭黃金臺百尺獨步佇驂騑

依者焉

盛世墳荒合翩翩逸興同六龍齊頽上三鳳倍河東玉樹聯花萼瑣
枝壓桂叢滄浪分一曲肯着杜陵翁諸盛凡六人

少室山房卷四十一

五夢

其二

高門懷伯仲上座集賢豪對列三珠樹同揮五色毫披襟憐爾輩結
襪愧吾曹老大才名盡惟應把濁醪

題胡上方舟四首

有序

舟下聯三小蜻蜓艇上覆方板銜徑丈許縱倍之欄檻四列
頂幕青油中二鬆几可坐十人寬平軒爽規製甚適盛明元
氏昆仲所創以待賓友之汎湖者余既日以杯酒從事遂賞

以五言四章

桂楫漾沙棠朱欄十尺強三舟聯錦纜四柱簇牙檣障日清油麗凌
風翠黛狂洞簫明月底一曲和滄浪

其二

平湖秋色淨一舸繫葦葭懶構思光宅堪浮少伯家窺簾鳴鶴鶴掠
橙度魚蝦竟夕看明月無勞促曙鴉

其三

薄暮方舟集芙蓉次第尋蓬蒿浮水面亭似壓波心雅稱荅川釣偏
宜笠澤吟浮休定何日一壑暢幽襟

其四

湖上暮雲稠青絲蕩碧油移舟過巨石浮筏向中流擬作張騫汎真
同郭泰遊余將挈佳麗日醉大隄頭

盛母孀節詩為思達思弘題

盛世高孀節光增婺女奇志堅初矢日年倍未亡時片玉懷中抱雙
珠膝下遺桃花三月近戲彩傍瑤池

贈雲壽祝生所狎美人也

翠袖撥篋篋居隣八咏樓雲偷巫峽曙濤占曲江秋經卷王姬誦詩
箋薛媛留何妨祝融氏同赴爛柯遊

思齊夜出楊瓜佐酒稍異常者訊之知楊姥得諸異人即席賦

此

何代貽嘉實纍纍越水涯稱名同邵圃問姓是楊家五色紫丹洞三
紫爛紫霞異時營子母蘿蔓日交加

贈李廣文

舊國天都近新齊婺女懸彩飛江令筆青挾鄭公瓊三洞雲攜展雙
溪雪放船無誇沈侯句首荷誦嘉篇

送柳使君之南雄

五馬趁西風朱旛氣概中淮陽移長檣蜀郡待文翁梅發新郵使棠
飛舊寓公羅浮峰四百躡屐遍秋空

送王廷尉還東陽

時有鼓盆之變

畫遊蘭渚上花色艷簪裾舊著雙鳧鳥新馳駟馬車紅雲燕日近綠
水姿星虛藉藉張廷尉高門葺故居

送沈明府之江右

五馬畫飛揚雙龍照夜光公庭高岳底官廨大湖傍曾譙虛平樂新
恩出建章為知良吏傳藉藉贊黃黃

暮秋病肺夢中作

微霜九月朔一病罷登臺熟睡蟬聲裏柴門午不開茶煙紫翠條藥
裏翳青苔兀兀集居子塵心且未猜

其二

竟日焚香坐丹楓做畫屏參同原有契道德豈無經白露高塗屋青
山遠抱亭那能世緣縛華髮已星星

題趙鴻臚文鎮西園並蒂黃花

並蒂秋難老同心暮更嘉金莖雙濯露玉葉對液霞色映天隨圃香
飛靖節家翩翩白衣過把酒興無涯

花朝吳孝父邀集高深甫湖上園亭

名園總宜客春半大堤頭涿水時厨戶青山日滿樓樓盡新雨過挾
瑟亂雲流漫惜花朝宴拚成列炬游

送吳文仲使君並懷參知睿父二首

鼓吹錢塘驛帆檣趁春潮雙龍初析羽駟馬暫停鑾蕭鼓吳門近牙
旌越嶺遙異時成握手列炬坐深宵

少室山房卷四十一

七

後乘遵吳苑前驅問菊方瞻依猶大樹枝蒂盡甘棠霧隱三天紫雲
停六洞蒼提攜更何日爛醉舊高陽

寄吳希學徵士兼懷啟元茂才

萬事總長欽一身餘短筇別三天子障吟五大夫松滄海有時滄丹
砂何歲逢周顛卜居近憶卧定林鐘

過俞羨長小飲二首

有序

羨長寄居吳山之麓四壁蕭然僅圖書盈篋筇余爲款語移

日歸寫其風素成詩二章

極目函關曉居然異氣停姓名高逸傳身世太玄經獨鶴雲蹤杳雙
龍電色靈孤山梅萬樹新着少微星

其二

四壁圖書滿藤蘿塵塵著陸渾新那僻陽羨舊田荒大業占毛穎雄
心托杜康褐衣吾自貴未擬謁金張

送汪山人歸四明四首

兩誇懷人短雙瞳作各方文淵神變鍊叔友思昂藏辟勃菟衣古蘭
荃結珮芳戴願精舍近歸卧白雲長

其二

相逢寧海岱對語卽江湖肯抱臨淄瑟購擔耆元圃官衙吟苜蓿客
館寄菘蘆異日山陰興能來白玉壺

其三

立享吾人閉問字不辭勞妙訣青囊古雄談白氈高東瀛朝濯髮北
海夜持燈極目河梁雨寒光隔珮刀

其四

邂逅青山陌飄然思不羣乍歸郵海月長嘯散溪雲劍擁蒼精氣符
懸赤伏文東山逢謝傅好作片鴻聞

輓祝母

飄飄易遷駕凝望白雲長橋河分烏雀臺高失鳳凰東陵解聖母南
海謁空王何夕雙溪水重懸婺女芒

少室山房卷四十一

八

信祝運之
傳聞倚廬客布帽碧山阿讀禮依松柏傳詩廢夢我銀丸魂夢遠雞
骨淚痕多迢遞支機石無山問絳河

謁董江都祠二首

太息江都相遺風尙宛然惟疑會下日國憶未窺年大業尼山後眞
源洛水前天人三策在不廢萬年傳

其二

一逕浮雲入千崖落照明廣川新廟貌繁露舊家聲水綠平吞市山
青半壓城九原人可作相對話西京

寄潘上林二首

有序

南海潘上林少丞光祿伯子也嘗共集叅秘書郎雄飲達旦
別去廿載矣今春余卧疾武林忽達寄手書新刻盈篋爛然

慰藉之餘聊寄茲什

廿載長安陌君能憶酒狂片鶴來庚嶺雙鯉到錢塘賦草新菘閣詩

篇舊柏梁春明退朝晚擲果遍奚囊

憶弱冠燕中惟敬少承朝暮遊往或快旬不面則咸詫爲疏迺

今諸僑輩略亡存者卽君華吏部喪逝繼之河山之感觸目飛

動今親上林君羽翩翩典型如在重賦此章

落魄南皮社壺觴數往來夜眠光祿郎晨叩秘書臺永絕抽毫彥猶

餘執戟才重看潘騎省題賦入蓬萊

壽王山人子英

初度逢元日華筵正七旬遺經藏甲乙秘錄授庚申庭樹三株發塔

萸一葉陳共欣蘭水上比屋頌靈椿

其二

宅寄吳山外簪添越海傍玉壺懸大藥金匱謁長桑紫府青牛駐玄

關白鶴翔東風門第在拂面杏花芳

送黃堃人二首

倦作蘭陰客花期一棹閒真形模五岳秘錄授三山電掣蒼龍下雲

驅白鶴還越王臺漸近先到若耶灣

其二

自得菊山秘休糧臥翠屏絳衣朝絳闕玉簡誦黃扉六甲時觀象庚

申夕煉形石牀雲霧滿懸珮濕青鞋

題黃上仲大有山房卷

吾憐黃叔度一榻抱雲眠早賦中原雪長吟大有天瑤芝藥積石玉

乳噴飛泉笑我金華洞羊羣正熟眠

少室山房類集卷四十一

續金華叢書

漱水胡應麟明瑞著

五言律詩八十九首

破山寺偶題

高禪何處尋杖履入祇林古寺無人到虛堂落葉深溪光經雨滅瀑響過雲沈兀兀繩牀客誰明定慧心

送王文學還武昌時以陳從訓書至

問姓曾驚座藏名類接輿到借京口雁歸趁武昌魚竹素千秋上芸編萬帙餘相逢不成醉天末意何如

澗溪別業二首

茆廬南郭外十畝帶橫塘曳杖青山遠飛槎涿水長花香浮雪壁竹影動雲房五岳游堪臥悠然號上皇

其二

卷帙桓譚富篇章杜甫貧乾坤容傲骨海岳遂閒身坐挾垂綸客行

少室山房卷四十一

招荷鍾人一痴殊未厭久已絕貪嗔

壽范茂才

當年聞五范闕閔首吳中咫尺金闈下仍看玉樹蕙青鸞辨海日白鶴舞天風謾逐東方去水桃萬核紅

葉太孺人輓章六首

懿行標彤管芳聲動紫宸庭前驟馬客膝下多袍人南岳金璫返西華玉珮陳惟應萬家淚雨注婺州民

其二

鸞章晨北極鳳管暮西池萬室悲慈訓三朝頌母儀修齡逾大耋上壽接耆頤咫尺潘輿在傷心白日馳

其三

劬勞初罷誦聖善舊徵歌母德傳中壘仙踪赴大羅音容吳里隔涕淚越天多寂寂支機杳無由覓絳河

其四

慘淡丸熊夕輝煌冠翟年寧知蒿里淚偏洒柏臺前六娶含霜動丹旗抱月懸吳時良史筆闡德照重泉

其五

令譽中閭擅恩綸上國來青鸞朝玉關紫鳳集瑤臺落日萱花逝飛霜蕙草摧朝看攜萼綠聯袂上蓬萊

其六

何來三鳥使相逐絳臺傍夜月殘西島晨霜浸北堂叢蘭芳獨遠寸草恨空長尙憶飛雲起停車望太行

湖頭夕汎

十里平湖色芳菲夾大隄山迴雲夢澤水出武陵溪渚淨鳧浴離明鳥鵲棲沙棠何處泊隔港已聞雞

送李太史使湘中

片帆春草外千里問衡陽銀履金闈色衣冠玉座香攀雲遊岳麓冒雨宿高唐登就湘娥賦鳴珂入建章

少室山房卷四十一

宿嚴灘作

扁舟富春渚迥望澗溪濱涿水晨生霧青山暮出雲荒村猿嘯侶廢庵鹿成羣會著羊裘坐毋令漢殿聞

望湖亭雨中作懷祝鳴臯

極目危欄外秋光亂夕春雨聲千澗集雲氣兩湖重翠壓仙壇竹青舒佛院松美人烟水畔何處采芙蓉

一夢

一夢遙天末羈人萬里心關河秋氣早風雪夜來深擁褐聞征雁褰見宿禽誰哉共尊酒燒燭自長吟

送劉內翰使嶺西

拂曙下征軺鳴鞭出灞橋方輿窮百粵土俗辨三曲樹色桃榔古花香荳蔻饒金門持戟暇魂夢憶瓊瑤

彭城雲龍山晚眺謝項王故臺并酌亞父冢有懷題

返照長河急浮雲大澤空遙凭孤閣上俯眺萬家中地廢悲王畧天

亡惜弱功荒墳猶亞父涕淚盡城東

送李鴻臚之白下

白面紫微郎承恩出建章啼鵲催別騎舞燕逐征航日抱金珂影星搖玉劍光秣陵佳勝地蚤晚賦長楊

送閔孝廉之荅中二首

落日抱離旌蕭蕭白雁鳴夕陽孤劍別秋水一帆征粉署寧親思彤扉謁帝情河東新草就珥筆上瑤京

其二

野色飄行旆江光照客船長林楓葉路孤館菊花天狗監文初達龍門賦已傳浮家何日事問汝書溪烟

九龍別業

何年遺別塢十畝亂雲邊五柳長垂碧雙松對草玄斷崖撐閣迴飛瀑挂亭偏滿目忘機客花時數放船

問李惟寅病

少室山房卷四十一
已似休文瘦還耽叔夜吟夢迴芳草遠病起落花深雨濤黃金甲風疎白玉琴蚤知朝謁懶藥餌稱閒心

壽吳淑人

春色重簾外笙歌畫未闌屏開迴白鶴席上舞青鸞浥露金芝秀浚雲玉樹寒水桃漫留核方朔已偷殘

吳山人持齋戲贈

笑汝清狂客持齋繡佛前周顒元護法何胤舊逃禪嶺砌須彌石池疏阿耨鼻儂然攜手去塵外息諸緣

白雲世德詩爲林孝廉賦

誰專巴穴富夙擅涓川封薛氏誇三鶩荀門羨八龍新居蟠翠柏舊壠夾蒼松何限孫枝在林林玉樹茸

題林孝廉家慶圖

棠棣借芳日椿萱並茂時金莖懸五葉玉樹綻雙枝海鶴傳書近山鶯度曲遲今來上元宴麟脯壁含卮

送陳季相還七閩

乍得溪頭信俄欣海上逢雲山借獨往湖海狎高踪坐嘯雙黃鶴歸騎兩赤龍相攜子騫侶十日慢亭峰

寄真如上人

行乞過三市隨緣住五陵南徐先舍筏北地遠傳燈古洞雲埋柏清池月挂藤門前多寶塔出定幾同登

輓鄧大翁兼唁遠遊明府四首

此夕僊槎逝當年宦轍迴松猶彭澤撫木已豫章頽獻賦名空藉修文業未摧祇應豐獄底劍色謝風雷

其二

東華新劍佩南楚舊弓裘世系蕃高密鄉評重大丘經猶傳馬隊勅已下嶺頭藉藉承家譽相望在斗牛

其三

政爾生芻隔將無宿草茸孤亭徐孺子大厦郭林宗素旆霜華薄丹旌露色濃異時銘太史不受漢亭封

其四

化鶴還丹障騎鯨上碧虛一竿遺蠶澤雙屐挂匡廬日朗新題碣雲寒舊著書鹽車何足恨千里屬駒駝

飲中謁徽國文公祠作

閩粵真人起高標自不羣丁年窮百氏乙夜攬三墳力障鷺湖水神遊鹿洞雲至今靈爽在長對武夷君

清源寺中戲效晚唐人五言近體二十首

唐律元和後卑卑甚矣韓劉元白振代之才弗能挽頽波而力邈之古而賈簿姚監輩實始以清新奇僻闢別派于五言

咸通以降歷世相沿自上宋初下迨元末凡詩家者流律有

唐韻者皆是物也舍是則又自爲宋元本調迨初盛中二唐

自沈宋孟王韋柳外大都高關東之明弘正諸先輩出有事

掃除卽李唐中葉別去齒牙晚季奚有迺余絕長絜短篇而

論之氣骨雄高聲調鴻碩當特屬之初盛諸家至抒情難言
鑄景難狀形神湧出誦者躍如則晚唐獨造偏長亦間有足
采者其格姑舍旃弗論可也余弱冠談藝中原匠心曩哲至
于斯義久畜胸中嚴羽則氏所謂作法于涼懼懸隗始已亥
北上臥痾清源禪寺放棄羣典偶目僧房中支枕數軸首尾
漉滅皆晚唐諸人詩因戲步其遺韻爲五言律三十餘章匪
日亡羊于多歧抑亦求馬于全體云爾

寺憶支公住林餘患遠踪浮杯來大壑振錫上孤峰徑僻雲埋樹窗
明雪照松踟躕貪佛日歸趁暮天鐘

其二
大地懸香剎中天築化城重簷飛岳色古壁撼河聲法座琪花暗經
壇貝葉明異時齋繡佛帝釋下瑤京

其三
香積何年啟天風躡屩攀白雲平講座青靄覆禪關斷榻橫高隴疎
少室山房卷四十一

其四
鐘出亂山一僧頭白坐兀兀定林閒

雲霞尋老衲塵土拂征衫鹿叩談經石猿啼說法巖寒雲封密篠凍
雪墮危杉何限宗雷句穹碑百尺鏡

其五
杖策平堤外輕風拂面柔寒山成獨往老衲話重遊怖鶴難籠下飛
螢竹徑流將因謝塵鞅丈室住牛頭

其六
能仁元海嶠伏毒舊江濱隘地龍藏雨高天鶴跨雲嵐深秋徑失瀑
遠夜堂聞寂寂孟蘭想先題發願文

其七
戶牖生虛白樓臺上鬱藍談經獅子吼護法象王參檜老斜撐石松
枯半壓潭何因挈天女絕頂臥茆菴

其八

杖履初辭越菴堂半住吳廬深松樹老禪久桂叢疎五戶雲高下三
岫雪有無異時騰劫海片笠授潛夫

其九
蚤淨三生業眞傳二祖衣蓮花叢佛座柏葉護禪扉石爲懸燈動泉
因卓錫飛居然離棒喝默會洞僊機

其十
爲叩西方利因停北上橙金身懸寶樹玉髻湧瑤花夢已清圓覺心
將悟法華恒河歸去路雲霧繞三車

其十一
震且脚乞食佛座湧金鼈骨瘦知吟苦眉長見臘高香燈岩洞月杖
錫海門濤近失瀟湘譜瑤琴廢不操

其十二
僻家來北岳結社向南屏風撞降龍訣新傳相鶴經推敲臨野燒飲
啄閉山亭夜夜康王谷飛泉獨坐聽

其十三
香爐峰外路雲日晝淒淒飛瀑當樓滿寒山入座低潭心龍女出塔
杪雁王樓會逐曇摩履翩翩大磧西

其十四
一榻閉禪關孤雲盡日閑來從身毒國買斷沃洲山白象鳴鑿去青
獅護駕還中天彌勒閣未許善財攀

其十五
十里華嚴界重來雪未消鐘聲寒殿出塔影夜池搖桂樹榮階發藤
花拂座飄西來亂峰外有路入中條

其十六
淨樂傳尊者眞如臥法王池幽藪茂熟殿古菱荷香一鉢擎秋雨三
衣挂夕陽塔中多寶佛夜吐白毫光

其十七
萬峰天竺杪丈室寄禪心野鶴經秋臥山猿徹夜吟霜香雲確蓮花

影石埋深一袖面高座相傳自少林

其十八

爲樓依北固舍宅望西江竹遠通金碧杉高並石幢龍歸雲壓棟屋
起月沈窗孰是髯居士前身合姓龐

其十九

雙林曾授記百丈近安禪洞古頽樓鶴降高欲墜爲秋燈雲閣外曉
碧雪房前昨夜維摩到天花遍佛筵

其二十

偶入清涼界同探大小乘北宗仍事秀南法已傳龍舌遠連深竹花
疎墜古藤故山飄笠夢極目海雲層

廢寺十首

序意見前
寺微千峰入橋危一徑通白牛遺漢像蒼鼠窟唐宮劫火頽垣外陰
燒壞庵中南朝四百八成住盡虛空

其二

少室山房卷四十一

七

隋基元晉代棟宇自梁年草閣登禪住繩牀鹿借眠荒碑沈亂石廢
招咽寒泉擬喚廬山衲開山種白蓮

其三

雙林遺古佛六代幾殘僧畫壁全封薜香厨半壓藤池荒螢亂入塔
壞蟻頻登一杖圭峰老猶談大小乘

其四

浮踪仍岳麓舊宅寄岷峨摩詰終年病文殊信宿過池幽霜墜栗洞
古雪封蘿一塔危唯上人傳舍利多

其五

落落蒲團好逕遙竹杖來寺寒千嶂入門淨雨湖開古砌風鳴葉陰
廊露滴蒼苔若爲論去住干劫總浮埃

其六

松風隨曳杖伏翼走危欄古寺何年廢空門盡日寒流泉交井甃墜
雪擁林巒欲叩西來意寥寥竺法蘭

其七

嶠然天姥外斷絕世人知老槍穿離長寒松抱石欲碎殘呼鼠共牀
朽倚龜支一袖都忘老雲房自在披

其八

疊嶺飛丹鷲殘碑記赤烏山風寒荒遠水月夜禪孤瀑洒林長潤岩
傾樹半枯間階夏蒼苔恍憶舊金鋪

其九

禪堂餘結搆破衲挂林樊宿霧沈荒井秋河沒斷垣杉深時墜鶴果
熟乍聞猿寂寂拈花手應悲末法繁

其十

寂寞空王座蕭森佛子廬蛛絲縈石室虎迹印山厨火滅天然後燈
殘豈可餘悠然念塵世昏黑重脚躡

壽程隱君

瑞日華筵啟明霞彩袖陳玄關懸大藥漆園現靈椿障隱三天子降
攜五丈人白岳有五老君家其麓朝來海籌屋紫氣正嶙峋

寄包稚升二首

放積飛三殿風流擅六朝歌喉桃葉細舞態枯枝嬌麗事淮山月卿
書越海潮玉皇香案近八翼夢雲霄

其二

何由滄水使縮地對仙曹綵悵江掩筆粉點范叔袍高牙頰海戍巨
艦夾河濤不分清江月盈盈入夢勞

題鄂生逍遙游卷

入客金臺雨渾忘鐵甕潮人從唾汗漫帝許號逍遙五岳環孤枕三
天挂一瓢秋風大鵬背穩坐上扶搖

送王令自錢塘博士還富春

祖帳西冷畔驪歌薄暮聞一瓊猶挂雪雙鳥已乘雲官舍新栽桃
池舊薦芹知君政成後絃頌繞江濱

是夕周元父攜琴命所懷寶姬爲荷蘭之曲索余贈詩再賦得

是夕周元父攜琴命所懷寶姬爲荷蘭之曲索余贈詩再賦得

街字

中秋先此夕露色滿天街桂折黃金葢蘭垂碧玉釵高山懸廣座飛瀑繞空階會挈平原侶經旬臥竹籬

寄贈廉訪梅公時方校賓與士

風裁百僚長繡斧曳朱衣姓字書長樂尤芒微太微樓臺三竺繞函簿六橋飛燁燁黃金下花驄近帝畿

其二

矯矯羣龍集掄才作賦塲樓船移采石斧鉞駐錢塘宦業三臺重鄉書一水長登知門下彥騰踏半飛黃

友人分惠秋海棠一本爛熳檻中自綴小詞命雙環霓裳歌以送酒醉中賦贈並命玉素和之

小徑移紅藥閑亭閉綠羅神飛天姥夢興逐雪兒歌治色矜眉黛沈光惜鬢暗不須廢子夜風露帝城多

秋夜過沈純父同王文學汪山人聯句

少室山房卷四十一

九夢選

已占青山色仍逢白社人沈仙槎分雨露祖帳出風塵王夢繞三江樹心飛八月尊汪碧宵誇鸞鶴黃閣笑麒麟好去嚴陵畔星河拂釣

縵

贈陳鍊師二首

廿載雲臺親憑虛謁上皇彌明孤髻短弘景一瞳方割地蛟涎淨摩天鶴羽翔秋來九華枕遊歷遍扶桑

其二

羨汝玄都容神情牛飲謔黃梁炊處熟紫氣望來飄玉檢移新秩金廬問早朝西池桃萬樹幾夜臨神臆

友琴冊為陸大學題并呈思清孝廉乃翁嘗任單父宰

名香蘿薜下一室素琴懸四壁青山響千秋白雪傳廣陵新按譜單父舊鳴絃欲起鍾期聽乾坤對惘然

題祝無殊小像

一壑堪誰置三毛頰畔長豪吟卑下里狂興劇高陽綠水芙蓉社青

山薛荔裝玄亭吾罷草薤爾及門牆

喻邦相東裝入計中途忽有遷杭之命寄懷一首

鳥已飛王令刀俄佩呂虔移官滄海上候吏大江前柳葉千家笛桃花十里船湖山真勝絕獨少伯牙絃

其二

豈謂雙龍劍翻成獨鶴樓臺三竺近省署萬松高海色飄行蓋湖光落畫舸不堪靈隱月飛夢對持毫

魚竹軒為王叔大參賦

別墅擅林塘開從顧辟疆龍鱗金照日鳳尾玉凌霜翠袖寒猶倚官袍應欲翔誰同濠上客散髮臥箕嘗

憶王山人

沈瘦吾偏甚王痴奈汝何萬峰林屋杖孤月洞庭簑鹿豕親狂熊魚龍避醉歌一丘他日迷白眼對雲蘿

楊思悅邀集涵碧亭遇雨作

少室山房卷四十一

十夢選

良辰饒勝樂箕踞百花潭逸調飛金樓新詞度玉簪雷聲高棟入電影曲臺合河朔元吾黨寧辭十日淹

湖上汎舟憇俞祠同趙生汝元聽歌作

蕩漾青絲笮倦留白接離人歌朝雨後客醉暮雲時隔竹簾頻送穿花席屢移他年懷李白應賦習家池

送方伯徐公入梁

夾岸桃花水春江照畫船雙旌辭嶺日六傳入梁年草色申侯里棠陰召伯田勿云河內借劍履上甘泉

攜郭生汝冲憇山寺偶題

信步空王宅禪心佛子筵靈花紛寶地忍草覆金田剝影禪關外鏡聲焚閣前一僧頭盡白跌坐不知年

閏九月九日集越汝元

高齋猶菊色名勝競過從月屆三秋問天令九日重雲林眠獨鶴星斗墮雙龍張望桓車騎遙聽遠寺鐘

送郎生還京口

何緣京口客，偶逐片雲來。
五岳遊遊興，三都競賦才。
新裝淳化帖，故里外高臺。
笑殺茅平仲，從軍樂未迴。

壽漁塘余翁七秩

林塘稱大隱，漁釣舊生涯。
亭下三珠樹，簷前五色瓜。
金樽流紫氣，綺席送青霞。
日暮斑禰袖，翩翩舞百花。

澗水胡應麟明瑞著

五言排律一十四首

汪仲淹病足二年未瘳余先有此疾半載始愈戲作十六韻嘲之并期起色焉

底事羈神足將因斷俗緣悠然疑入定塔爾類逃禪箕踞蒼松下
脚踏綠樹前但妨叉手立偏稱曲肱眠後舍清江上杯留碧海瀝按圖
遊五岳隱几問諸天步學邯鄲客行嘲鹿苑仙漫愁雙屐折何忝一
壺懸蹇拙存吾道驂驪記昔年盜驪元泛駕飛兔舊忘筌玉笈看長
往金針待大還吾將倩磨勒負汝出蒼煙

贈董使君十六韻

紫氣黃山外青雲白岳傍五花元蹀躞千騎暫徜徉曙日懸官舍春
風拂郡堂科徭閒巷陌獄訟臥桁楊異績東方最遐心北海長琳宮
遊問政飛閣駐文昌鼓吹傳清練謠謠接大郭圓桃紅照郭隴麥翠

少室山房卷四十二

一

登場地主新知冷天人舊策良片言逾瓊瑛隻字並琳琅司馬邦人
重元龍座客狂朱旗晨赫奕華燭夜輝煌意氣迴飛動形骸釋混茫
徵歌漸下里感事憶高陽漫擬扶風借行看渤海翔我我柏梁殿第
一待明揚

寄陳玉叔十韻

尙憶燕臺別長歌蜀道行元龍原俠氣仲舉最高名露冕千岩秀
峩萬岫明地隣巴婦穴天近夜郎城灌口花相待峨嵋樹若迎海棠
開四座杜宇逐雙旌望關依星象登樓試晚晴朱衣羣吏謁彩筆眾
傑驚賦屬楊雄和詩從杜甫評支機有片石一爲問君平

題柏萱圖八韻

紫岫元君宅丹丘阿母家簷前交綺樹庭際長瑤葩翠色凝霜秀孤
芳伴日斜筠篔簹並古蕭艾豈同嗟密葉低垂露疎枝上拂霞亭亭
騎晚節冉冉駐春華餐實心長苦忘憂思轉遐清冰元獨瑩純璞本
無瑕片諾當年許三遷異代誇願言仙圃外長御五雲車

賦得十五盧家女

十五盧家女歌喉繞畫梁西隣窺宋玉東壁住王昌畫態真似詩
才盼盼長玲瓏聲窈窕靜婉質輕揚月下紅妝麗風前翠袖狂玉卮
含國色金盃貯天漿解珮逢交甫更衣逐李郎終須募摩勒致汝鬱
金堂

讀何氏集三十韻

何太史以先公仲默集見貽展誦興懷敬題三十韻末簡

寥落黃初後詞壇更幾人齊梁紛藻繪元宋轉荆榛盛世占龍馬明
時起鳳麟黃河懸日月嵩岳降星辰屈宋休前代盧王祇後塵才高
梁苑客賦擬洛川神意氣橫今古馳驅邁等倫垂垂遊上國聳嗣辰
高旻天詔頒黃屋星槎下紫宸通演窮越傳論蜀近峨岷弔古多停
騎達時蚤乞身攜尊漳水夜飛蓋鄴園春歲序堪藜杖鶯花蹇釣緝
九重思麗藻雙闕石詞臣邂逅邊徐合廣酬李薛頻雜林傳制作風
詔降絲綸帝命軒轅出人看斧鉞巡橫經非寂莫執憲豈沈淪絳帳

少室山房卷四十二

一

絳歌日青矜問字晨岳蓮垂二華宮柳暗三秦仙掌金莖舊成關紫
氣真夔龍方步武鵬鳥遠酸辛消渴相如伍修文子夏隣調高原寡
和道喪孰知津彩筆精靈遠瑤編絕藝陳千秋垂燦爛一代仰嶙峋
鸞掖名長在龍門跡未湮淒涼玄閣草重觀玉堂賓貌識初陽烈詩
傳水部親轉教山斗望悵絕穎溪濱

投贈督學滕公二十八韻

雲霧南溟外星辰北斗傍九霄迴氣色千里見飛翔大雅今誰屬明
公早擅場應圖看騁裏絕代起鸞鳳出入平津底超遷吏部郎攀花
遊太液視草歷明光珮染金莖露衣含玉座香直躬行殿陞躋翼守
遐荒瘴癘開盤水川原接夜郎停車蠻壘肅駐節海山蒼名姓傳聞
閩絲綸下廟廊雙旌辭漢苑匹馬渡錢塘斧鉞江城樹樓船水國霜
海隅興禮樂河宿斂文章時雨行連郭春風坐滿堂眞才呈琬琰異
品得圭璋沂水琴堪奏豐城劍有芒絃歌聞曲阜桃李遍河陽吾道
乾坤闢斯文日月光六橋俱曠棹三竺引飛觴黃閣聲華遠青真道

路長鸞書飛建禮鳳藻出長楊師範真選絕生徒轉激昂陸機曾入
洛司馬舊遊梁九歲題鸚武三冬解鷓霜上書想漢主作序擬滕王
絲筆空凌厲丹梯尚渺茫塞翁悲失馬牧子嘆亡羊寂莫松蘿契蕭
條薛荔裳一區原憲宅萬卷子雲牀避世嗟秦士酣歌學楚狂煙嵐
尋白石雲水狎滄浪歷塊憑誰試連城祇自傷幾年懷下氏此日遇
孫陽軼里心猶在夷門念不忘惟餘星斗色夜夜繞干將

奉贈督學喬公四十韻

大雅開元際高風正始前幾人操白雪四海和朱絃磊落陳王調
涼杜甫編餘波空綺麗哲匠幾雕鏤盛世稱才子明公實妙年姓名
感寶錄文采燭奎躔已詫龍爲種曾聞鳳集肩兩朝司馬學一代之
雲玄漢苑昆明外秦城太白顛看花韋曲雨携酒杜陵煙賦以凌雲
貴才因命世傳勝遊飛彩筆麗藻擲青錢斗畔雙龍氣人間五色箋
冲騰隨八表取次上鈞天粉閣青綾被瑤樓赤玉鞭鳴珂趨建禮視
草向甘泉鯤化風雷繞鵬飛宇宙旋一麾辭殿陞萬里問山川講道

少室山房卷四十一

三夢選

噫王弼窮經答鄭玄絳帷朝入越清夢晚臨燕代北看名士闕西仰
大賢選才空萬馬罷講得三鱸竺國煙香裏吳峰霧雨邊校文多暇
日登眺儼神仙柳外林逋宅波心白傅船潮聲吟際落寺影望中連
雙字霜飈動千章錦綉懸官商閒自繞金石巧相宣氣壓珊瑚樹光
生玳瑁遊赤城霞並起滄海月孤圓桃李三春合台垣計日旋碧霄
看紫綬白屋有寒瓊上策懷終孺遊齊憶馬遷屠龍空故業落蠹守
殘篇學豈三冬富詞非子夜妍世途甘寂寞雲路阻飛鸞已辱鹽車
願能忘國士憐鷓鷯愁泛駕魚兔有真筌萬仞終南色千秋太華蓮
願言開覺路瀟灑出塵緣

壽大司空雷公四十韻

宇宙鍾名世山川誕哲人祥光迴八極紫氣動三辰晚節憂時念當
年報主身飛騰隨白日指顧上青真劍倚雙龍合橋過駟馬馴孤棕
盟檜栢雅操勵松筠瓊瓊燕臺下旌旂越水濱文章傳董賈名理陋
莊荀桃杏千門色絃歌萬戶春驅馳遠梓里簡渥近楓宸稷契堪誰

伍夔孫早見親九霄垂氣象四海荷經綸項闡傳宣夜璇臺草創辰
憂勤迴聖主樽節爲生民制作傾流輩恩榮邁等倫丹青圖駿馬名
位掩麒麟前席長頒幣臨軒或賜銀明良時有待魚水契無隣一夕
金騰啟千秋玉几陳烏號空洒淚龍馭永朝真遺命乾坤開謳歌海
嶠臻大廷看正笏清廟仰垂紳社稷關心久林泉入夢頻留侯元辟
穀張翰幾思尊勇退占賢達隨時悟屈伸挂冠辭殿陛解組出風塵
烏履閒無棣詩書問有莘蒼生徒想像黃閣已遠巡雪瀑延清賞星
潭理釣緡匡廬晴對客膝閣晚携賓雀引登山屐猿窺澗酒巾虹霓
流甲子河宿繞庚寅網祝新投鵠袍餘舊挂麟玳筵羅綺華館列
芳新縹緲三株樹崔嵬五岳神金章垂素領綵服照朱茵朗月燕山
桂明霞漆園椿方壺聊寄迹南斗待持鈞版築徵前事樞衡憶老臣
遙看紫泥詔早晚下江津

集趙汝申望衡亭大雪分賦同郭翌之趙汝元

鄂里徵歌日梁臺素賦年飛霜流翠幙密雪擁華筵浩蕩龍麟布飄

少室山房卷四十一

國夢選

鶴鶴馭旋春陰濃四野瑞靄覆三躔海凍鯨鯢蟄林昏燕雀懸欄橋
初策騎刻曲乍移船葉落千林瘦花飛萬象妍亂飄擣掖外斜洒鳳
城前綽約翻多態輕盈自可憐瓊疑湘女投瑤擬洛神傳素魄瑤池
近寒光玉座連清音迴白紵麗曲奏朱絃漫學瞿曇座誰參慧可禪
輸他袁僕射擁被日高眠

不佞自燕中歸後却掃閉關一嘗藝苑諸名公以吏事來越者

雖問問間通而逢迎都絕迺君屬蘇丈獨下詢芻蕘窮搜草

莽停騶傾蓋把臂忘形至貽贈諸篇金石鏗旬風霜錯落掄

揚茂副愧汗彌深敬題排律五十韻奉酬大雅

宇宙開鴻運東南毓駿才華名懸八斗秀色動三台磊落賢豪契縱
橫哲匠來青袍多士避赤幟萬人推內翰詞誰匹中郎句獨裁王維
元擢雋杜牧載掄魁片玉成陽市千金碣石臺稱臣離草莽謁帝上
蓬萊太液春風近長楊霽雪迴朱衣蘭署入絳帳棘闈開並列中朝
彥同蒐大厦材門庭饒董賈廊廡半鄒枚執憲皇情注傳經眾望推高

空搏鳳羽大澤市龍媒伏夏牆逾峻毛韓席乍回連山繙象象分野
別臺駘桃李參差發蒸釜次第培生徒紛負笈士伍競銜枚藻鑑明
逾郭包涵德過裴剪裁俱繡綺追琢盡瓊瑰紫貝窮斂室明瑤樹蚌
胎星晨詣奠麗河漢並昭回七十摠衣侍三千曳履陪風標崇泰華
氣象薄岷岷嶺彩筆扶桑畔朱絃若木隈書藏神禹穴賦就越王臺
客觀江漲逢僧話劫灰嵐光停竺寺霞色候天台指顧登槐棘從容
問草萊干旌晴掩映函簿畫徘徊少日題孤憤頻時和七哀卜居鄰
木石隱迹混塵埃鴻鵠長矜志鯨鯢慣曝腮清湘晨葦荻孤嶼歲尋
梅漫詫形如鶴真成背欲鮫紅顏勞想像白眼任疑猜總道三鱣隔
能堪駟馬來逃榮知石戶守分識澹臺把臂行紅藥論心坐綠苔金
蘭投管鮑膠漆誓陳雷厚義黃河溢深衷赤日摧長鏡猶雨雪短欵
驟風雷浮海懷偏壯藏山興未頹枯株慙匠斧鈍質快神鋸拒戶非
干木逃家吳老萊蘭陰花爛熳澗水樹灑澗且自採玄草何妨醉綠
醅天長窮鳥逝地曠大鵬迴浩思凌三極元神攝九垓會令千古色

少室山房卷四十一

五

閩越共崔嵬

賀易使君父母偕壽三十六韻

玄圃昆侖外蓬丘日月邊殊方傳勝迹人代幾真仙藉甚文章客棲
遲少壯年叔孫元學禮揚子舊談玄夜雪宮墻外春風壁水前杏園
虛彩筆棘院墮青錢匡阜晨携屐潯陽晚扣船拂雲穿嶺峭臨水弄
漪漣勇退間先哲雄蜚識後賢挾書遊建禮視草向甘泉太液池頭
樹慈恩寺裏筵罵花辭漢闕禾黍問吳田五袴謳歌起雙鳧鳥履旋
戴星離禹服瞻日上堯天冕拂金莖露香分玉座烟龍鱗看咫尺貝
錦乍流傳帝謂淮陽近民稱穎水便之官同白傅奉使屬張騫擁節
霜威靜塞帷雨澤綿香爐吟際出瀑布望中連觸目親聞阻馳情綵
服偏西江移鼓吹南浦繫樓船燦爛緋桃實熒煌赤錦箋中庭羅苑
窈別墅進芳鮮片玉輝藍井雙星耿葵躋蒼虬臨几席駸駸候輶軒
跨鳳來王母騎麟下倭倭白雲空入夢青瑣待鳴鞭鼎鼐調元氣舟
航涉大川八荒偕并躍四海荷陶甄瑞霧時時發祥光夜夜懸萬年

鴈咏地長奏碧霞篇

壽大學士趙公二十四韻

壽域黃扉啟祥光絳闕懸謳歌來六合氣色動三躔玉醴東華外金
莖北極前八千逢景運五百降名賢激水生申口南陽臥葛年公郡
南詩書王佐業禮樂帝臣傳錦向龍門奪藜富鳳閣燃採花晨太液
視草夕甘泉虛受心如谷違時道若絃一麾俄去國雙屐乍歸田白
社便高枕清溪樂扣舷直聲喧海岱正氣鬱閭閻勿皇情注徵求
使命適商巖圖酷肖漢殿席頻前挾日潛鱗起凌風大翼翺新恩移
國學舊德重經筵燮理衷元赤登庸贊尙玄窮邊收羽檄絕島靜戈
鏗宰割羣方正調和眾味妍臯夔重步武稷契互周旋蓬矢春華邁
椿齡暮節延安期分履烏王母駐輜軒社稷扶元老乾坤入大還願
爲天一柱萬古鎮瓊瑤

送李山人入洛弔灌父王孫

夏五淹淮曲秋成問洛陽關河停別棹駟路促歸裝積雨連中岳飛

少室山房卷四十一

六

雲斷太行麥荷孤旅盡羣群故廬荒滿目平原客何人弔白楊

少室山房類集卷四十一

少室山房類集卷四十三

續金華叢書

漱水胡應麟明瑞著

五言排律一十七首

留別胡茅兩生十八韻

留別胡茅兩生十八韻 有序
傲居易水邈迤胡生漱元茅生厚之游處甚洽胡生家有臺
榭池館余時時携書帙坐卧其中門庭蕭然俗賓都絕茅生
一室不盈斗而長者車轍紛紜道傍余屢入都門駐易水問
黃金臺故跡僅僅荒丘蔓草以為擊筑狗屠當不復觀今代
何意兩生者伉爽俠烈儼其遺風兩生亦嚴事余朝平原而
夕河朔或時挈粉白黛綠縱遊西郊東郭間至精廬佛閣一
二浮屠善名理者暇日相與煮淡麵談真空生平壯心賴以
耗磨銷釋且將卜居其畔挾一仲為終老計焉亡何余以家
大人徵恙室人趣駕南歸兩生送余河梁之上誦賈長江却
望并州及王中允陽關西出一詠泫然哀涕集於衣袂因稍

少室山房卷四十三

一 步 選 虞

次第一時過從陳迹為百八十言寄之異日者昨越山陰道
上訪兩生舊宅于剡溪風雪中即不見安道主人當毋皆子
猷之興盡也 兩生皆會稽人

相逢燕塞晚共指越山陰問姓知花萼忘年是竹林踟躕談異域舒
錦快同心樓觀飛青藜軒窗護碧岑關道停紫氣臺迴貯黃金海上
來二鳥池頭戲五禽雜芳羣爛熳喬木半陰森大業堪復舉雄圖尙
陸沈含毫霜色墜秉燭露華侵日日平康燕時時笠澤吟荒郊雲共
遠葦寺月同深愛客呼珠勒尋僧抱玉琴茶當流水論酒傍亂峯對
劍合延津畔帆惟潞水海淒淒去袂惻惻乍分襟爾自耽玄寂吾
寧嘆滯淫驪歌南去路雁遲北來音何處懸青夢空階卧綠沈 胡茅
北平參戎而茅君父為之記室故緒緒云云

四明沈孝廉士安甫弱冠詞筆翩翩而丹青音律咸入妙解遊
近武林甚契賦贈此章

桂籍誇年少蘭心託漫遊霜蹄寒照夜風翻健凌秋意氣狂昭畧屢

園瘦隱侯筆搖鸚鵡座簫引鳳凰樓白練書屏展青綉畫扇頭應知
鵲橋許計日待牽牛

秋杪渡江望金陵有懷惟寅少保并寄訊小侯汝藩八十韻

秋杪渡江望金陵有懷惟寅少保并寄訊小侯汝藩八十韻
生喜風期洽那知道路長倉皇馳海國躑躅問河梁興盡燕山下
銷碣石旁肝腸繁聚散涕淚逐行藏此日旋車地當年擊筑塲陸生
元入洛枚叟舊遊梁扶策逢王翰論交得孟嘗金蘭投管鮑膠漆重
求羊俗詭相如慢公憐叔夜狂高歌神踴躍劇語興飛揚爾汝頰相
喚形骸欲對忘聯鑣遊太液襍被卧長楊玉塵晨南陌珠簾夜北堂
西園楷嘯傲東郭並倘伴僕觀捫鵲層城驛鳳凰登山題翠嶽臨
水和滄浪藝圃千秋擬詞林一代翔希聲傳魏晉麗句薄隋梁屈宋
交凌厲曹劉互頡頏光芒騰李杜藻繪餘岑王治女青絲盒奚童赤
錦囊金尊筵燦爛銀燭座燦煌浩思凌先哲玄心揖上皇雙鈞聯拱
壁寸楮擲琳琅露砌行紅藥風簾坐綠篔簹華蘭桂楫月影菱荷裳
夏驛馳山荔春郊凝海棠池餐菱芡碧籬燕菊花黃痛飲誇司戶清

少室山房卷四十三

二 步 選 虞

齋書太常百狐象未厭五斗劇難量潦倒投車轄淋漓拭劍鉞行厨
羅鼓吹步障夾笙簧宴樂前期盛升沈末路詳碧霄看起鳳丹壁笑
騎羊志業乖鵬鷄頭顛狎虎狼賓朋遠杜曲黨與折華陽故里嗟
藥修途問裹糧韶光同代謝土俗異炎涼楚越天迢遞燕吳地渺茫
丹青求傳說圖畫失王嬙歲月蓬蒿度朝嘯棟栗嘗登壇名岳岳飲
泌樂洋洋僻巷開蘿徑深居構葺房筆韻懸絕壑篆笠懸橫塘歷落
悲鴻漸翻飛覓鷹行攀龍時刺謬捫虱事尋常雨雪紅顏瘁風塵綠
鬢戕乘輿留夜白伏櫪夢飛黃邈近逢高座慘差集上陽披襟逾慘
淡把臂各傍徨動色談傾蓋關心念對牀山陽全喪逝鄰下半年存亡
社冷餘春雪臺荒野夕陽七哀盈大宅萬感熱中腸道直躬如髮勛
高背若芒孤誠疑博陸百戰忌平陽息壤聞誰叫中山袂易擻辱會
虞醉尉名何怖降王是處囚安國何人雪治長少卿寧負漢太白詎
逃唐瑛會明和氏珠應合孟嘗 前孟嘗乃戰國四君封號
此孟嘗人姓名合浦令也餘生饒舌
在九折關身強鐵騎閑沙漠金鷄放廟廊逡巡生馬角指顧脫魚腸

燕領封仍在鴈夷汎未遑言歸表戚戚惜別恨茫茫落景浮清渭飛
雲動太行上書過令伯陳啟急賓王羽翼分歧路風標限屋梁瓜田
情鬱鬱菽水思皇皇野岸冰漸結關城露色瀼重來期阮肇再入待
劉郎短策朝馳驟長謠暮激昂愁惟傾白墮夢幾熟黃梁廣漢懷指
佩清溪松釣璜杏花源上客桃葉渡頭娘漫說幽期誤終知勝會償
三山停鹵簿一水下帆檣養鶴新禪院啼烏舊女牆盈盈白門月萬
里共相望

惟寅所居地近杏花村在自下淮清溪北

送沈純甫司馬還就李十八韻

祖帳燕城外仙楂潞水濱掛冠辭日月投袂出風塵節旆虞翻亮心
期質監真五湖深買宅三輔劇埋輪磊落千言疏離離萬折身羅浮
雲喚客大庾雪迎人絕徼孤行戍長途數問津鴻冥初返越鷺舉更
游秦劍氣雙鉤躍爐香八座親才高元誨忌道直莫無鄰勇退占賢
達退思悟屈伸金臺馳駿骨玉陛盼龍鱗黃菊浮村豔丹楓抱驛新

少室山房卷四十三

五

暮嵐藏嶺樹秋色露江蓴北斗名逾重東山望未溼列營屯虎豹飛
關耀麒麟赤鳥應無棟玄纁自有莘沈沈合宮夜前席候經綸

花燭詩十四韻辰脂備音妖媚三事但散見唐人小說中

春色照房櫳迎親夜正中杯光才汎綠燭影緊搖紅絳燭傳唐陸青
烟出漢宮開花疑蒂並結蓋驗心同滑膩頻消雪輕盈半受風流輝
呈瑞露吐燄發晴虹玉樹前階並金蓮後院通紗厨瑩燦爛綺閣展
玲瓏引鳳來丹穴乘龍下碧空蘭膏焚易徹桂燈落難窮巫峽雲飄
蕩藍橋霧鬱葱昭陽明舞燕浴浦炫驚鴻妖魄藏逾媚仙音奏未終
良宵恣歡洽朝旭漸曛曛

龔使君合祀供奉拾遺於任城紀事三十韻有序

濟上故有太白樓及杜陵南池云兩拾遺常客其間歲久皆
頽沒荒草乙未之春晉陵龔觀察子勤來蒞茲士不逾月修
葺繕治翼然更新仍別爲祠合酌李杜其中余既幸兩公以
馮旅遭逢異代且快睹觀察斯舉有大造于詞場也輒賦其

事爲五言三十韻以並致高山之仰云

齊東浮大澤濟北滙飛泉亭古淹詞客樓高卧謫仙聲名借宇宙
繪劃星躔奕葉流風謝沈眞歷數遷芳塵誰想像故蹟重留連有美
延陵季神交百代先韶顏舒彩兩綺歲奪青錢磊落王褒頌沈洋曼
情箋金鷄遊太液玉珮侍甘泉絳闕恩光動黃堂惠澤宣吳峯翔省
署越水褰樓船誇牘初辭魏除書驟發燕虹蜺流函簿雪霰耀戈鋌
意氣中原盡心期大曆偏行春懷勝躡弔古惜名賢嗚嗚崇祠樹煥
煌巨碣鑄丹青塗傑構俎豆飾長筵衛竹繁窗勁秦松夾座鮮綠蘿
垂蔭峭紅芙蓉浴淪漣西陸迴眞氣太白自南池薦舊篇震且龍劍合
海岳鳳毛聯白鶴云亭上蒼虬泰岱嶺並懷和氏璧齊奏伯牙絃是
處憐方駕何人快著鞭踉蹌投賈賦寂莫問揚玄未授榜嚴記空留
道德編壯心斜日外愁色斷雲前慘淡論交臂蒼茫失並肩沙棠停
畫鶴隴樹咽寒蟬萬古如滛思長歌醉碧天

齋頭春草和相國趙公

少室山房卷四十三

四

運草積如裊蕭疎斷俗塵不隨金谷豔長占玉堂春鏡砌青疑滴當
窗綠新勻霏霏烟色麗燁燁露華新細雨留征旆斜陽逐畫輪西堂
借夢弟南陌半攜賓靜對談玄客幽逢覓句人榮枯憑樂育生發荷
陶甄太液皇仁布平津相澤淪爲將庭卉意九域播洪鈞

寄景陵徐使君三十韻有序

徐初以宰邑異材最天下後數更盤錯所至有非常稱近又
鑿淮上新渠底績云

七澤浮眞氣三湘兆異人虹霓流藻繪海岱入經綸裕下名先著河
東賦蚤陳朱衣馳棘院赤鳥上楓宸碧漢搏雙翮潢池沸萬鱗笑談
清寓縣願盼出風塵楚璧騰輝舊燕金動色頰花封移愷悌蘭署贊
清寅枚叔聲華豔文翁治化循分符勞漢吏約法論齊民皂蓋明雕
轂朱繡結畫輪黃山遊汗漫白岳駐逡巡里閭蒲鞭洽郊原竹馬馴
孤懷吟岳麓遠思逐岷岷緩解防消渴簪投習隱淪春眠高隴樹秋
擷大江蘋帝夢徵良弼朝思問鬼神榮光浮紫極厚幣出青旻淮甸

寒帷入徐方列戟巡滔天勤哲后敷土急賢臣雨雪偏乘樞風濤日
算精決排羣議劑疏鑿眾材擒遠利超三策殊功美十旬忘家心匪
石憂國鬢如銀白馬初沈日玄熊創觀晨休禎符鸞鷲異相卜麒麟
南郭等真監東方篋轉貧窮愁嗟阮籍歷落誦桓倫鵠傲仍居魏貂
殘重入秦防身雄劍在夜夜拂星辰

題陸履素使君兩朝八命冊二十四韻

黼黻開金殿絲綸下玉除蒼龍雙御極紫鳳八街書睿藻飛岩穴天
恩湛里閭虹蜺懸巨軸駟馬集高車五世環投雀三朝珮映魚機雲
人望切遜抗吏才舒試縣催鳧鳥專城列隼旗朱絃鳴新雁黃綬曳
清虛鹽鐵初裁論縉錢乍權儲桓寬文彩耀劉晏策籌據煮海心聊
繫看山興自如登壇携大筆倒屣納長裾雪夜船移戴風晨榻挂徐
名流饒吐握寒士極吹噓西竺時參梵南屏或叩漁蛟宮鏡錦貝鷲
嶺簇瑤瑤河內賢勞劇淮陽歲月除達人齊久近明主惜居諸雲霧
披丹闕奎躡煥石渠殊榮喬梓並遠思夢我紆棘寺鸞鴈外槐堂盼

少室山房卷四十三

五

望餘千秋未央詔永永責幽墟

大參維揚張公過訪武林旅邸中賦贈十六韻

淮海生人傑翩翩第一流冰壺寒照夜霜鉞淨含秋大樹榮東國甘
棠圃上游若溪頻駐節蘭水半維舟五馬追風電雙龍射斗牛新裁
玄草社舊咏白蘋洲器宇司空並聲華博望星芒朝帝闕日彩尾
神州下土輸青睫論交異黑頭懷珠玄俗傲抱壁卞和羞潦倒親長
欽殷勤拂傲裘湖光芒履盡江色布帆收肱在餘三折腸迴劇四愁
孤誠懸海岱片諾重山丘指顧排閭闔參差侍冕旒黃金未央詔行
見出燕幽

題寄亭十四韻祝山人別號也

寂寞談玄第何人重起予雲霞雙草屨宇宙一蓬廬供奉神遊外蒙
莊物化餘論垣時學段懸榻間留徐綠綺孤琴奏青絳四壁儲那知
金是谷學羨石為渠白雲流湘瀨清風扇舞雙林來荒釋六洞過
樵漁芳草從滋蔓飛花斷掃除尋丘紫薜荔八水濛芙蓉甲子初周

白春秋正及靈曲肱聊寤寐容膝暫踟躕大隱依泉石中行在里閭
吾將戒行轍蚤晚賦歸歌

聞歐楨伯計八韻

楨伯以是歲大耋余方圖寄一詩而計至交游垂盡衰涕泣
然

尚憶黃冠歲扁舟向若耶青牛埋紫氣白鶴隱朱霞劍合延津畔
最善惟教竿留渭水涯年政秋飛神武闕寂莫廣文街逸駕開元逝
今俱空著
鶴裁正始退高原騰雉兔大澤返龍蛇庚嶺梅空折羅浮桂漫芽惟
應蒿里月夜夜慘霜笳

東相國趙公二十四韻

相國趙公乞休章十數上而聖眷愈殷凡其投夢林泉寄情
澗壑者具悉懷山諸咏中不佞既倚韻遲酬還復示我歸興
十絕翩翩然神遊八極想因竊取其意為長律二百四十言
八極黃扉上三台絳闕前慶龍扶舜日稷契口堯天磊落照朝佐飛

少室山房卷四十三

六

騰命世賢經綸伴董相學術邁彭宣虎觀無雙對龍墀第一傳直聲
朝野震勁節廟廊籌吏隱羅浮待春生大庾妍朱明留巨碣勾漏覓
真詮六洞深迴轍雙溪獨扣舷桃花人代隔柳色歲時遷雷電驚千
域風雲動八埏敷文毗夏后奮武翊周宣絕島憑陵日雄邊覆沒年
謨謀羣策聚籌畧萬夫先捷伐過平壤夷夷通赫連吳綾貂帽滄蜀
錦獸袍鮮賜屢馳中極心長繫太玄赤松遙入夢黃石驟忘空浩蕩
皇情注優游聖澤綿綿誇寧傷蕙苾名轉重蘭荃雅量乾坤小孤忠社
稷懸鳴岐仍鸞鶴釣渭正鷹鷂海晏知難俟河清詎偶然轉將良弼
夢移告北山巔

題瀛海長春冊代

大中丞河間劉公家門貴盛冠冕一代通二親偕登大耋尤
近代希有者敬賦長律二百八十言
南極呈輝夜西池設宴辰遐齡會親伏間氣重生申大府俱三事高
堂並八旬棠枝聯實桂萱萼競莊椿淑問馳邦媛英材降岳神懷中

金紫客掌上玉堂寶彩日鳴雙鳳丹霄騰一麟機雲慙未駕尾雅開
前身學士羣工監中丞百吏賓絲綸懸寓內節鉞樹江濱苦縣藏書
富華陽授籙頻蟬蛸流月窟烏鵲渡天津象服彤墀下龍章終開陳
殿廊交稱獻里閉集簪紳賦擬梁臺彥誣騰越部民歡聲羅甸服喜
色動城闈黃鶴屏間戲蒼虬戶外馴尊疊浮竹葉絃管沸花苗霧隱
偷桃孺霞明種杏人圍棋邀謝傳投轄駐陳遼將相庭階植師儒禁
闕掄十州環撫御八表伺陶鈞雨足耕莘邦雲開釣渭縉優游黃髮
皓容與白頭親握算躋恒華添善道劫塵劉樊偕混俗孫馬互全眞
解珮虛臨漢吹簫謾入秦綿綿瀛海上寶曆慶長春

壽何太史啟圖六秩二十韻時尊人亦以是歲八旬

問氣生申日靈圖出洛年春秋會五百甲子又三千閭閻當代弓
表嗣昔賢凌雲懷舊賦却月和新篇弱冠遊中秘清朝卧太玄帝選
金匱客人豔玉堂仙夜被吳綵薄春袍蜀錦妍蓮燈移大肉藜火揭
高天玉座星辰綴瑤臺日月聯參差朱綬下次第白麻宣鳳起垂雙
闕鶴真駮八挺振衣王屋霧飛蓋薊城烟墅卜藍田下堂標綠野前
琴樽芳草靜枕簟落花鮮蘭桂堦庭合桑蓬戶屬懸寰中呈上瑞象
外得真詮黃鶴峰頭駐青牛洞口旋浮丘晴旭近函谷暮雲偏突兀
珊瑚樹輝煌瓊瑁筵西池流寶液東壁煥琅函白石圖空兆蒼生頌
久傳車輪馳上國舟楫濟長川姓字旂常耀勳庸竹帛綿還將大椿
壽一代庇凌烟

送王水部之錢塘

乍捧周王激言乘漢使槎賦掄新竹箭吟戀舊梅花海隅占霞色江
明逗日華樓臺籠紫氣城郭護清沙故國吳都稻春山越井茶應知
苧蘿豔十載抱溪紗

詰朝雪不解再東永叔黃門二十四韻并邀同賦

密霰三冬集玄雲四望同迷漫屯巨壑浩蕩布長空拂曙光交映連
宵勢倍雄廉纖時雜霧漸隱暗隨風漠漠綠堤厚罪罪入壑融重陰
浮海岱積素暈河嵩擬絮情殊愜探梅思未窮凍埋深浦竹寒折大

江楓遠渚拳傲驚荒陂匿斷鴻芻蕘秦塞上鶴返越溪東沾濕全妨
舵傾欹半壓蓬羣呼憐榜豎獨釣羨漁翁舉擁孤烟白爐煨宿火紅
余裊屏障外几簞畫圖中尋管徐聞笛冰絃驟拂桐寒簾珠錯落振
珮玉籠葱石鼎龍涎汎蕤歐雀舌鎔錦袍狂太白彩筆榮文通飛動
昭陽燕翻羽洛水鴻輕盈團粉頰綽約鳳酥胸握塵神先王持螯興
愈洪登仙寧有道中聖自無功流微傳詞客清商奏樂童君看白雪
賦萬古孝王宮

少室山房卷四十三

八

少室山房類集卷四十三

激水胡應麟明瑞著

五言排律一十三首

題畫贈陳生東父兼柬王伯龍將軍十八韻

落落乾坤內清狂見汝曹孟公元世間仲舉舊人豪萬事捐雞肋孤
 心逐蟹螯浮生閒處得濁世靜中逃海岳驕黎杖江湖狎布袍管丘
 傳酒墨洪谷授揮毫繡柱懸飛瀑雕梁壓怒濤冬亭河漢入夏檻雪
 風號五竺携靈鷲三神挈巨鼇洞庭迴鴈鴛巫峽挂猿猱珮玉明冠
 劍鏘金肅羽旄樓臺籠曉色城闕洞秋毫果欲嘗丹荔花應墜碧桃
 幽人題桂樹上客醉葡萄盤礴迴千慮經營費二毛窮年思訓力竟
 日道玄勞北海盟投爾南山趣逼陶惟應伴王績西第日陶陶

贈馬計部三十韻

馬多畜養與古
玩甲于中州

盛世徵才彥明時毓俊髦青雲馳洛下紫氣躡崑崙高登擢仙臺桂重
 攀帝苑桃雙旌移海右六傳駐江阜嶽色東橫岱河流北控槽城關

少室山房卷四十四

題畫

迴萬堞樓櫓夾千舸握算邊儲重持籌國課勞粉紆留駿足盤錯試
 牛刀會計名逾藉登臨思並豪深期投翰墨雅韻擷詩騷草閣親藜
 杖芸窗狎布袍虹霓流竹素星斗燭蘭膏秘玩呈荒隱奇珍出斷塚
 遐觀籠古昔勝賞滌喧囂夏鼎占神物商飭醉濁醪尊饗陳九鼎簠
 簋蓄雙饗照乘全收魏連城盡壓兆沈沙錢背蝕入土印文韜籍跡
 披蟲篆義文辨鼠毫張吳昔久近徐趙業卑高英水羅羣石官哥列
 眾陶蛇紋琰斷腹龍鈎劍遺發鑿別衡先定媿妍鏡莫逃吹噓存薛
 荔吐握下蓬蒿意氣憐孤憤形容媿二毛心懸丹壑靜首傍碧天搔
 未擬題孤鳳猶懷釣巨鰲寥寥白雪唱一為伯牙操

贈朱本立山人十二韻

大隱齊東市青囊不記年攜將三泖宅並載五湖船鶴渚穿雲僻漁
 汀釣雪便燃藜驚杖化賣藥指壺懸海上攜真訣區中得秘傳玉機
 類攬義金匱幾探玄挂壁雙龍下應門獨虎眠餐茶遊絳闕辟穀守
 丹田異證倉公習殊方葛令研軒岐存後裔俞華失先賢祖德持三

世神功奏十全沈疴吾已脫一笑業霞前

奇丁元父時元父以贊畫駐遼西

豔識千秋帥驚看萬里侯風聲雄海岱意氣重山丘報國籌先運開
 疆筆畫投機梓推後勁仗鉞觀先憂雨雪霏行旆水霜凝賜表列營
 屯虎豹增電宿貔貅論檄流關外飛書遍龍頭撫陽塵驟息遼水掉
 全收月滿劉琨塞天清庚亮樓胡林無限興能似昔時不

其一

夙昔登壇客于今出塞雄擁旄摧太白橫槊貫長虹文武周郎亞詩
 書晉帥同轅門環甲冑記室聚羣經斧鉞軍容盛樓船將令崇投鞭
 紫勒解礪劍拂塵鳴鴨淨遼江綠狼銷碣石紅天高鯨鯢時地僻默
 途窮券議新頒鐵標檣舊建銅平陽勳七十第一護元功

贈王將軍貞伯二章

鎮北威名著安東將長接枹肝膽赤仗鉞髦毛蒼置陣分鷲鶴連
 營憚犬羊旌旗紫析木檣檣散扶桑草檄屯兵地分題結客場荀吳

少室山房卷四十四

題畫

元破狄段頰曹平羌巨禍祁連外高牙勦勦傍煌煌麟閣燕獸錦出
 明光

其二

八陣新魚腹三關舊虎符橫行金鎖甲獨挽繡螭紫塞雲連磧黃
 沙月滿途擒生過派鹿藿戰出飛狐朔雪飄笳吹寒星壓鹿盧胡牀
 秋弄笛油幕夜投壺熊豹傳朝畧麒麟照畫圖受降城下戰一舉靜
 東胡

大中丞萬公伯修以出塞百咏遼中經畧諸贖見貽卒業寄懷

十六韻時萬公將有遼左之行

獨坐中丞幕雄飛國土場雙雕白羽箭萬騎綠沈槍籌策金城擅霸
 鈴玉墨揚舉天依大樹畧地到扶桑積甲陰山下投鞭瀚海傍受降
 多赤狄歸附半青羌屬國廣酬麗中軍敘致詳郵筒馳百韻竿牘報
 千章吐握追公且吹噓接孟嘗詞流傾陸謝賦客聚班張玉屑罪盈
 坐金釵儼作行南樓談未徹北府真頻張筆策驅前部琵琶醉後堂

珠簾宵墜月畫成畫疑霜相貌圖高開敷庸勅太常煌煌三錫命鐵券下明光

賦得西海子

蔭樹分仙關浮花出帝城微茫街日動浩蕩接天平雁鴛依沙下魚龍觸浪行石疑藏瀆池似鑿昆明鼓角隋隄暮戈鋌漢殿晴涼秋汎槎去織女下機迎

寄趙相國一百韻

赤漢雙扉近黃河一棹遲憊陵蒼野外悵望碧雲時酒肆遊真倦鹽車力漸疲書徒勤馬服策轉誤鴟夷絕域春如夢他鄉歲若馳行藏嗟歷職去任嘆支離水欲浮三峽峰猶礙九疑有登懷泰岱無路息峨眉此日文迷豹當年瑞應麒麟朱紘千古抱彩筆萬言持藝圖誇韶傳詞場問宿者元戎推授甲老將屬舉旗一代尊玄晏三生蓮子期升堂借偃夏對陸歷郊祁燦爛甘泉燭熒煌太乙藜金波鴻鵠觀土漏鳳凰池直道崇三黜危言和四維埋輪搖地軸折檻樹天彝率土

少室山房卷四十四

三

聲華震窮荒竄逐羅羅浮盟屢鵠嶺表攝蛟龍進退占坤利盈虛每坎離三山行息足六洞坐支頤多繡資騰躡躡符藉保釐楓間仍由入棘殿重透迤勞來初煩契寅精獨任夷都命堯龍渥呼嗚舜顏怡溫室舟航待明堂柱石昆推誠扶社稷盡瘁鞠丞黎戟楯開邊寇戈鏃弄島夷烽烟纏上谷郡邑踐高麗獨坐裴中令橫行郭子儀運籌惟捷仗請劍必芟夷號令嚴驅馭威名捷虎貔追奔逾朔漠經畧到嶠峽廟繫中行說街懸石谷蠶八荒迴天札四表淨瘡痍浩蕩皇仁布紛綸聖澤地雙鳩文郁郁五羣命繼纒祖德鸞章耀幽閩象服宜禎祥符宇宙於靈格靈祇御苑窺神雀天閑狎盜曠深仁淪鳥獸殊錫兆熊羆時公學生二雄好善真諸克推賢欲過皮肝腸洪絳灌耳目洞黃驪吐極傾流輩游場洽等夷塵埃鳴鬱鬱磻壑話棲遲龍性乖鱗鬣鴻心豁羽儀沈珠勞罔象抱璞詫窮奇意氣凌山岳風流溢路歧孤亭儂寂莫大府接溫夷東閣牀谷卧西園席並怡盤殮調芍藥枕簟挹茶蘆補帶參芒屨絲綸逗接屨參差問鼓吹酩酊沃厄匱傳鼎類

頻鹿郁厨或餽餽掛樽陳董杏匣座蔭張梨柳暗前除蝶花明後院鷗珠宮遊紺碧貝剎步琉璃突兀中即座留連太傅基帝京紅旭邁親舍白雲移興盡燕都相神飛越浦離歸程攜候雁舊隱逐文狸菽水輸堂構精煉慰屢屢高齋焚甲煎別館搆辛夷上苑偏垂翼南冥數柱鬢墨悲晨駭髀楊泣暮淋漓滴落落松盤徑盈盈亞亞籬鷓鴣若水汎蹇任翻陵騎屋倒牽蘿葉冠頽製竹皮圓方違鑿枘甘苦狎糟醕夢已交猿鶴書頻扣鹿麋擔簦辭海甸振旆發淮漣嗚惜人情憤飛揚世事疑鳴岐嗚鴛鴦出華怪肥遺骨相寒崔顥生辰軋趙岐頭風那噪鵲腹痛詎京蟻落月枯顏貌酸霜裂肺脾彭城虞困阮羸博痛暎離亞亞回歌嘯皇皇挾梯漢金莖沈抗濯土窟厭舖糜飲恨邊城駟吞聲故國陣高門忘鼓瑟下里憶吹簫正則占雞鶩元長對吟剡稱詩慙孟浩獻曲陋王維潦倒三千客顛狂十八姨堅冰疑絕壑重霧勒清漪目斷蘇司業魂摧杜拾遺側身從瓠落彈指失瓜期社牧才元俊劉賈策故奇風寧膝閣送雪已謝庭遺赤幟方平趙青衫

少室山房卷四十四

四

寄胡孟弢兼懷惟寅李子

尙隔淇徘徊燕塞外斷腸路河湄乍許攀槐棘能教因蒺藜朱陳新闊闕秦晉舊襟裾紫極庸窺豹滄溟漫測蠶金猶懸駿骨玉豈賺蛾眉雨露通鳩鵲星辰列鷄鶩孤鴻憐太白一鳥惜昌黎拂拭存衣袂提攜到履屐生平萬言笑一為奏彤墀

一覽生詩贈吳各元

徐陳社誰在陸謝場應麟李都尉偃臥綠沈槍

役役忤生內先登大覺場恒河初舍筏苦海驟迴航綠綺聲誰和青
衫債漸償因緣投翠柏夢寐熟黃梁寶座懸空澗珠林構渺茫玄心
偕去住聖諦微行藏杖錫凌風露袈裟傲雨陽乾坤怡草屨歲月度
繩牀說法高峯外談經巨石傍楞伽持處密般若誦來長磊落機鋒
契遂巡棒喝忘散花摩詰幻飾粟惠能狂絕島驅龍伯遙空躡象王
給孤禪苑樹香積梵厨糧慧日三天覆慈雲十地翔愿攜金色臂投
袂入清涼

題松茂蘭馨圖二十韻 有序

蔡景明先生家大人同榜也年七秩初度稱觴者四集而適
以是日舉家孫姻友咸傳託以爲希違爰繪松茂蘭馨圖而
索余賦之

霽日明松檜光風毓蕙蘭一弧懸海上雙鳥墮雲端殿宇金莖轟庭
階玉樹團丹膏凝琥珀翠萼綻琅玕五粒垂山逕孤根駭石壇沅湘
思楚客秦岱覓秦官勁節迴春意幽芳襲歲寒亭亭標院落冉冉拂
欄杆突兀朝霞映粉披夕露溽當風旂獵獵雜雨珮珊珊鸞文猶
貴熊羆夢未闌燕臺新驥足渭渚舊漁竿象緯中天謫波濤弱水殘
合節呈極樂設醴助清歡火棗頻餐易冰桃乍得難後堂羅管筵中
路集衣冠北極催綸誥南真兆羽翰青雲傳上國紫氣接長安在葉
清芬播龍葱瑞靄蟠雲初八千禩絳闕下還丹

少室山房卷四十四

五言 選 庚

激水胡應麟明瑞著

五言排律三十三首

參知張公睿父博極羣書侈于三篋而不佞猥以臭味國士龍門執手晤言兼旬款洽輒因揚扈寫寄詩歌凡六十四韻

六洞神仙吏三天侍從臣宜猷元借召布德重生申卓犖傾流輩飛揚邁等倫宏才川浩蕩偉度岳嶙峋令譽收南服英聲動北辰丰標凝衛玠局量峙王珣調自中原合文從上國掄衣冠遊太液烏履步長春黼座瞻皇極綸扉謁帝宸金門勞執戟玉殿伺垂紳勁節先排漢昌言或借秦輪埋躬愈直檻折道彌伸李嶠箴規切陽城獻納頌幼安懷並席長孺慕聯茵貝錦初騰越牛刀試割闔蒼茫辭薊關漢落度延津九鯉披雲夕雙龍躡霧晨千旌停枳棘函簿却荆榛叶握加寒賤吹噓及隱淪襟期青眼洽意氣白頭真絕代誇殊色登壇屬俊人含毫千藻發酒墨萬花新宛委羣編列瑯琊鉅軸陳玄談迥夏

少室山房卷四十五

棘廣簪狹莊椿竹素隋宮繕菁華鄴架論牙籤攜丙乙甲帳坐庚申掩映堦前雪紛紜闕外塵昆池方朔秘曲水贄虞賓貳負歸漁獵擗犁入嘯嘯懸標搜異粟輟箸驗勞薪肄兔優成式徵狸劣鼎臣爰居恒獨悟弗述詎同詢地戒遙通貉天文上接鶉七車寧後裔三篋定前身藝圃宗師匠文園卧逸民頽垣庸築傳廢隴漫耕莘谷口霜沾笠灘頭月挂綸違時腸拂鬱避世足遺屯駭僻虞卿匹顛狂賀監鄰備書疑閼澤講易類嚴遵孝緒行藏僻君山積貯貧編摩淫東哲訓誨溺劉臻擁被嗟捫虱捫表笑獲麟酸吟鼯鼠狎苦蝕蠹魚嗔運菊荒仍嘖鼻蘭裂故級桂叢居索莫蘿蔓屋艱辛壁乍完衰趙珠徒綴大秦脚踟蹰愁炫璞宛轉惜藏珍下里容廣曲東施扇效盤分庭延墨翟倒屣接莊辛混俗東方朔遊仙郭景純神明交孔鮒宦業締崔朔厚誼偏敦薄冲懷劇飲醇敲碁俄潰敵投轄剩留賓河朔差酬歲平原漸隔句蒼虬聊海甸彩鶴復溪濱汗漫烟霄翼崢嶸澗澗鱗宮行開碣石邱合葺平澤敢竊丘樊賁貪隨巷陌淳孤城留保障率士藉

陶甄叱處羊難卧耕餘鹿易馴入詩猶並耀一志未全湮曳杖將投華簪登欲慰眠惟應挈四部絕頂對朝真

題關壯繆侯像二十韻代

間氣鍾材傑蒲東迹未塵千秋聞將師一旅見君臣喪亂情偏洽問關力愈陳飛揚辭操日突兀刺良晨大義伸三國雄風敵萬人軍刀迴魯肅巨舫因曹仁顧盼吳儂匿迨奔魏卒淪七軍全解甲九域漸同輪雀鼠張牙角蛟龍控羽鱗章丘虞暴猾臨沮厄器器縛禁差踰月誅蒙僅隔旬精靈蟠上國矜禦徹高旻白髮心摧寇蒼髯貌絕倫名猶懸宇宙魄已化星辰婦孺瞻依切生儒嘆息頻珠旗來恍惚鐵胄下遙巡紫霧排僊闕丹霄尾帝宸玉泉遺像在今古頌明神

送吳允兆歸晉中十韻

十年京邸客龍劍並懸腰鮪鱗諸侯饋羹分上相調紅顏輕漢縹白首曳秦貂劇孟聲華壯朱家意氣饒片言籠宇宙孤諾動雲霄擊筑聞三殿迴船就六橋離亭殘月墜祖席斷虹飄揚子行春樹鏡塘落

少室山房卷四十五

暮潮川長歸夢怯道迴客魂消珍重浮家約無嫌書上遙

同允兆諸子夜集趙相園齋中得山字

問氣鍾名岳頽輪觀盛顏青霞流碣石紫霧照函關贈賚安期狎倚桃曼倩閒調羹當北極置酒傍南山後院羅絲竹中亭集瓊環百僚趨館閣九列候朝班省問皇情渥謳歌相業媿飛鸞馴竹下舞鶴嘯花間賜履來中禁懸壺得大還煌煌海籌屋還算邀難攀

少傅趙公過出宋元及近時名畫俱少傅手題縱觀移日如行

道山陰應接不暇紀以排律百六十言

宿霧雕欄霽輕烟畫榻流圖書分太液翰墨寫瀛洲玉軸標雲漢金函控斗牛紫篁俄傲夏蒼樹迴生秋疊嶂斜窺院飛泉曲抱樓虹霓懸佛刹日月拱皇州野老騎蒼鹿天人駕赤虬遙空盤野鶴別嶼點沙鷗翠幄藏青杏朱房綴紫榴洞庭霜後熟陽羨雨前抽五岳杆行步千峰來卧遊揀吟松徑僻還望草亭幽意態張吳幻風神顧衛道名高黃秘監藝絜李營丘妙蹟三車聚清芬四座留諦觀殊未厭花

色墜簾鉤

俞夢長留集齋中畢出新稿索觀卒業賦贈

憶罷葵丘會誰操碣石盟中原無獨步上國有同聲草莽元仙籍山
林即帝城玄亭窺老宿白社領時英賦損潘張譽詩參鮑謝評凌風
吳咏擅和雪楚才驚飲石千鈞銳披沙百鍊明虹霓流巨軸雲霧擁
高旌歲儉擔登出時違躡屨行迷花居北院乞米傍西京郭泰聯舟
思陳登卧榻情天遙頻伐木地僻祇班荆綠蟻窮途汎蒼龍大澤鳴
踟躕悲老驥寂寞語流鶯舊業慚玄晏新知狎正平皇皇魯中蓋一
為美人傾

代贈榮陽新郛君

閱閱榮陽郡簪紳碣石筵春波明太液彩日駐甘泉白屋書連棟彤
廷筆似椽千言橫赤幟萬選奪青錢舊策龍門避新詩雁塔傳蟬頭
攜雨露豹尾握星躔玉珮榮仙仗金釵簇畫船花香韋曲度樹色
陵懸意氣慚胡質襟期洽鄭玄通家兄弟誼好憶下帷年

少室山房卷四十五

夢登彭城諸山眺望大河因懷景陵徐惟得使君

新集詩工徐

君勞勩最懋

涉險愁連客凭高快旅人谷深疑子午河決念庚辰城郭圍千雉樓
臺簇萬鱗飛龍餘霸墨戲馬息征塵夢隔山陵使勳留社稷臣桃花
武陵潤春水正垂綸

壽沈夫人十二韻

錦石支機夜華堂設悅時發輝流北極河影接西池趙壁邯鄲映隋
珠合浦移玉麟雙抱送金馬半驅馳內殿線龍轂中閨灌鳳匯丸熊
昭燕翼冠翟耀蛾眉舉案依黃閣吹簫近赤墀冰桃來曼倩神藥下
安期院落花香細簾櫳樹影進萱齡春冉冉桂實暮離離煥爛溫綸
錫煥煌命服馳漫論滄海陸庭日正逶迤

賀章宗理拜納言六韻

拜命銀臺重承恩玉陛長舊焚司諫草新縮納言章左掖鄰宮禁西
清近苑牆鳴珂建禮待漏入明光雨露沾堯曆風雲抱舜裳歸來

雙袖底不斷御爐香

夜窗急雨迅雷簡章生行父六韻

入夜天威動羈人賦式微疾雷穿瓦落驚電掣垣飛鶴鳴搏空迅魚
蝦掠岸肥涼生青竹簟暑淨綠羅扉積潦盈川谷愁霖漲海圻將因
湖水畔對濯菱荷衣

贈徐司空十七韻

何來星斗色永晝駐千將意氣高元直聲華擅偉長新宮營北極故
郡憶南昌帝胄滕王閣宗支孺子堂垂天誇矯厲絕地快騰驤冕露
昆池外淮嶽粵嶠傍赤墀傳鳳吹丹闕觀龍光萬戶停芝蓋千門跨
柏梁縉綬苑海岱材木下荆襄博節蘇黎獻憂勤翼聖王朱衣晨煥
爛彩筆蕙芬芳並探圖書域先登翰墨場雄篇馳月露隻字關風霜
麗藻芙蓉慕幽情蒨蒨蒨陳狂容孟浩貧賤揖田方市駿惟寧傲歌
魚鉞詎忘欣傳賜履近無棣錫封疆

相國趙公損餉酒脯及鱒魚餽各賦排律八韻

少室山房卷四十五

四夢選

異饌金華出甘燻玉髓流黃封峭陸底彩翰風池頭東海無勞牧中
山不待求清香浮綠蟻麗色映紅虬鼎鼐分朝食杯盤愜夜遊投膠
情續綵輟饋思縹緲劇飲邀名勝加餐豁旅愁欣然聊一飽何羨醉
鄉侯

其二

耒耜莘郊昨繪竿渭水涯羹分元相座鮓合五侯家人鼎猶生霧堆
盤欲照霞刈雲連隴販鈞月倚汀沙玉粒逾紅稻金鱗錯紫茄杜鏡
知有託馮欽豈重嗟綠莖懸情劇清溪入夢還窮年勞稼穡未暇咏
蒹葭

詰且用孺太史亦以賦茄古體至余讀之清思道發更賦排律

二章章十二韻茄為物最賤吾兩人盛為品題若此土固有

遇不遇也

弱植慳詞賦微名味典墳岩廊新蔽帝龍畝舊耕志灌漑人工洽栽
培帝眷勤先春芽甲拆首夏葉紛紅色借青綾被光欺白練裙甘漿

籠紫電嘉賓抱玄雲下箸迷山蘇登盤勝野芹蹲鷓鴣比芋碎靈護
同芸杏酪何年共梅鹽異代聞石渠根暢茂金鼎味氤氳菌蕈耶諧
俗離披會出羣遙憐百子梨花照越羅紋

其二

植處非金谷移來是玉堂玄亭潛借色紫閣爛生光密葉團芝蓋疎
花發米囊雞頭形彷彿馬齒味參商萬子綿瓜瓞三漿沃荔房隨波
萃實麗入火芋魁香樹擬蒲盧速枝蕙苜蓿長朝蘭借飲露晚菊互
披霜奈敢勞先聖齋惟狎太常斷齋圃學士蒸孤憶平章傳鼎調和
熟郇厨餽釘良憑將退賤質浣滌助嘉芳

輓侯中丞六韻

寂寞青萍化蒼茫素旆昏才華新漢殿俠氣舊夷門仗鉞三軍銳登
壇百吏尊胡林邊月墮油幙陣雲屯馬革悲王事龍章荷帝恩異時
瞻大樹奕象賢存

秋日過用孺太史館中看菊作

少室山房卷四十五

五

九日移庭砌三秋列苑騰吳綉紛紛浥露蜀錦碎勻霜慳借青稜被舊
宜白芋裝林塘寒關色籬落靜生香戲蝶渾迷素游蜂欲讓黃朝餐
期笠澤夕采問柴桑汾水佳人與成都倦客腸龍山風日在歸理舊
空觴

其二

眾木凋零後羣芳爛熳時移從新上苑采憶舊東籬玉瑤交璀璨金
鈿闌陸離色披羅帳蚤香度繡屏遲綴席千霞豔浮觴片月宜含霜
晨縹緲冒雨夕淋漓隱士巖邊植騷人澤畔持何如酌甘谷萬壽獻
形堪

咏黃葉同區孝廉純玄太史用孺作

合浦飄仍遠長安落未終干林俄失翠一水間流紅寂寞經秋雨仿
徨後夜風迷蜂當觀閣伴蝶戲簾櫳命薄伴隋苑身輕異漢宮登人
悲茸芰賦客嘆飛蓬桃杏凋元蚤芙蓉發漸空妬他籬下菊增豔向
梧桐

其二

弱質全凋露繁陰半墜霜紛紛飛玉砌冉冉覆銀牀色豈經秋澹聲
偏入夜長翠銷蘭芷珮青池菱荷葉蒲柳做更綠蕪葭盡變蒼隨風
吟堊寺伴雨積山堂奉帚悲長信合毫泣未央故園遙極目天瀾洞
庭傍

會秘書招同區純玄用孺汪公翰登顯靈宮閣

帝時浮丘肅仙壇太乙崇飛薨凌廣莫傑觀峙邃穹百級懸蒼霧雙
扉開彩虹憑高千地入望遠八天空目杳吳門騎臺披碣石鴻蓬壺
迷上下泰華辨西東樹色新豐近花香太液同慈恩何代剎紫極異
時宮塞節朝金相銖衣侍玉童長陵懷左蘇太隗問遺弓不死標靈
藥浮生劇轉蓬升沈飛鳥外聚散隙駒中氣色眉山秀才華粵嶠雄
踏歌郭郡客獻賦杜陵翁藉草遊寧倦捫蘿興未窮吾將趁昏黑絕
頂御罡風

壽邱母八韻

少室山房卷四十五

六

爛熳青霞色晨飛玳瑁筵庚寅初降日甲子乍周年鳳翔秦樓下鸞
書漢闕傳芝停句曲蓋芝擁若耶船酌醴春光媚合飴樂事綿雙珠
呈碣石片玉照藍田躍鯉看純孝烹雞識象賢瑤池八萬里振佩白
雲前

載別靜父徽元二宗人并懷徐陳范王四子

吾宗神秀裔二仲最翩翩桂樹燕山並棠花易水聯名圖鄰北郭別
墅帶南阡曙聽鈎朝去昏馳叱撥旋妖童攜筆策治女競鞞樓遠寺
投清磬長堤簇畫船清風貽賦頌白雪和詩篇徐幹才名著陳遵瑜
墨傳茹容腸鬱結王粲思飛翬屢入華陽社俄空碣石筵河梁愁緒
促海國夢魂牽意氣長虹拆襟期片月懸放懷丹壑近迴首碧雲偏
瀾岸重登日陽關乍出年吳田初放鶴越岫正啼鷗日夜相思切瑤
琴抱絕絃

侍御葉公資送樓船抵杭賦謝五百字

伏柱辭燕關琴惟向虎林花馳千里道竹馬萬家心白筆含霜動朱

旗曳霧臨埋輪神鬼避折檻帝王飲捧日聲華著迴天意氣任斜封
先罷勅直指載題箴鼓吹錢塘岸樓船震澤浮江消瘴疫煮海蕩
氛祲多繡威祛蠹魚鹽筴別蟬三吳豪右懾兩湖吏氓情懸柳標前
植谿蘭拂舊絳河陽霞粲爛秋浦月蕭森紫霧催千鳥丹霄麗宓琴
名賢遺惠愛茂宰播芳馨齒簿江州却橋梁激水尋兒童羣接袂父
老親披襟合浦光搖電函開氣屬雲潛臺徵往昔石戶詢當今僕射
麟才切司空拜善誥衡茅蒐野逸草莽薦崎嶇未契申虛駭孤襟託
向禽公車時序換客邸歲華侵絕域傷流寓荒塗惜滯淫一身餘杖
屨十口互衣衾驟得鸞翔漢真隣耐涖銀缸寒乍照玉笋醉頻斟
董相虛陳策莊生實廢吟乘槎塞並適捧檄義同歆足別寧愁十頭
風欲愈琳誼高雙白璧賜益萬黃金笑篋離并塞輕裝發劄岑嚴城
宵擊柝古戍暮傳砧野店黃茆簇山郵綠樹沈沿淮程冉冉入越路
駭駭蕙圃欣逢鳩楓亭快食鱸孤帆移雪上做宅認山陰猿狖迎空
谷鶴鶴集故林陳情慙李密養志愜曾參午甜仍黑晨炊突漸黔

少室山房卷四十五

七

歲 歲

蘇機聊下軸寶錦趣停針草閣啣雙燕椿庭戲五禽蓬蒿行處合蘋
藻薦來歆白鳳騰書帙蒼龍掣劍鐔銜恩賜易結飲惠舌難啗八表
瞻星象三韓待雨霖羹糲時自劇翼卵定誰深灑墨袖丹匱濡毫綻
綠沈惟應感知什百代爲知音

再送包觀察稚升之閩中

已奏淮陽績仍浮渭北船飛霜隨意節明月挂離筵郡邑喻函外城
闈瀾滄前重關行紫氣別業問藍田六傳排雲日雙旌拂漢年袖中
龍劍色燁燁射星躔

贈別區太史用孺三十韻

屈指登壇業如公更幾人英詞擣晉宋大雅擷周秦粵海三珠耀岷
岡片玉掄紅顏攀桂闕白面上楓宸棣萼燕山下梅花易水濱珮紆
新鷲鸞袍奪舊麒麟秘閣然藜夜香亭屬草晨橫身飛日月譽足步
星辰意氣深流輩風期絕等倫湘臺盟景屈荆郡締徐陳契爲論文
篤交緣作賦神舟聯吳苑雪笠共漢京塵馬走提攜渥牛驥顧盼頻

空林移皂蓋委巷曳朱輪握麈酬玄度濡翰接景純留連時達旦卧
起或經旬岳立千秋廢冥搜萬象陳高標凌泰位厚誼薄岷岷劔如
芙蓉合衣便薜荔紉駿材寧易屈龍性故難馴獲落商巖畫樓遲渭
渚縉楊雄玄寂冥宗炳卧邊巡別恨催紅葉歸期趁綠蘋一丘容寄
傲九域藉經綸石戶偏懷璧天堦憶賜銀孤鶩憐大翼獨處笑窮鱗
徙倚三垣切參差一德鄰乾坤留哲匠社稷待詞臣努力時餐飯關
心數飲醇金閨墜梁月投夢激溪垠

夜集萬中丞齋中二郎君出侍翩翩玉立且風致卓爾不羣追

賦八韻寄懷并似中丞以當尺一

識面雙投刺舒懷一抱琴雲中鴻雁翼原上鶴鶴心並宿桃花岸聯
飛桂樹林風華喬梓茂意氣棣棠深翰墨眉山下箕裘洛水潯藍田
誇合璧麗浦重兼金文武家聲擅詩書世業任西堂春色蚤爛熳憶
披襟

謁關武安祠十八韻代

少室山房卷四十五

八

歲 歲

凜烈貞元氣時危屬異人河山留壯節海岳降高真北陸扶皇胃南
陽協帝臣從龍嘯赤伏躍馬踐黃巾夏口單刀駐荆門萬甲巡精忠
餘報效大義絕連姻畫界獬豸遷都猶操壘吳師魂半逝魏卒陣
全湮斧鑕威屠德燎燄勢蹙仁風馳秦塞外電掃洛川濱域內俱僉
后江東實震鄰神明炎祚厄鬼域詐謀伸麥邑悲逢蕞章丘痛獲麟
陰靈遺百代肝蠶亘千春隧道紆松柏宮牆飾藻蹟斷雲迴悵望斜
日助酸辛古壁蛇蟲字空梁燕雀塵惟應玉泉剎永劫鎮長新

李本寧廉訪以武侯廟八律見貽倚賦排律四首 有序

世之善頌孔明者三代而下一人止矣迺余意猶以未盡往
往發之雜論著問謂詩篇束聲偶欲效工部古柏行爲長歌
而未暇是春本寧使君自蜀至手書武侯祠廟八章見貽余
受讀躍然因取陳志洎諸野記小說凡武侯嘉謨偉節頌爲
四章章每百字卽瑣語逸事亦間附焉蓋區區仰止可槩見
已

隴上耕耘日隆中嘯傲時分荆存霸迹入蜀定皇基建業元將命是
先當陽之敗孔明請成都迄受遺交鄰吳壞服討賊魏廷知舊鼎三垂
奉命求救于江東葉叶新圖八陣移七擒降孟獲十倍勝曹丕大將噤巾幗魏追兵法鼓
旗楊敵反旗馬伏龍人美豔如虎敵紛披絕棧巴山曲鼓祠漢水湄
炎精垂燼夕淚盡杜陵詩

其二

時務真誰識崎嶇見武侯勤勞同稷契正大協伊周鹿任奸雄逐龍
占俊傑留相才元獨擅將略定誰優治世休從惠交鄰或用柔南荒
窮絕域少陸蕩神州取善規忠益開誠布遠猷俱武仇家借飲泣李
立廖敵國競合羞紀法森鷲鶴八機神運馬牛梳馬魏魏三代下王佐
嗣先憂

其三

抱膝南陽下乾坤入嘯吟犁鉏莘野重春鋤傳殷深大澤皇圖剗孔
隆中之議先主荆州中原帝胄臨萬年扶漢誼五月渡瀘心羽扇驅風電蒲輪

少室山房卷四十五

九

挾雨霖遺書穹峽外川中有諸藏甲故唯陰漢南有部伍歸寧輯首
豪入縱擒南人斲數叛孟獲云南北孽戒重侵昭烈初卒六出先聲
壯三言後慮謀告李錦官祠柏在黛色尙森森

其四

吞吳情拂鬱杜波魏思飛翬管樂寧同座蕭曹定隔藩南征戮劍戟
北伐誓旌旂萬事三分策千秋二表言庸禪知盡瘁桀懿詢加餐食
少事日慘祁山戍天昏渭水源五丈原在渭北金牛炎社促鑊馬夜臺啞古
柏龍祠砌見杜枯桑抱屋垣成都桑江空殘月墮峽迴斷雲翻白帝
留營陣傷心亂石繁

少室山房類集卷四十六

續金華叢書

漱水胡應麟明瑞著

五言排律二十首

效陰鏗安樂宮體十首 有序

梁陰鏗安樂宮新成詩云新宮實壯哉雲裏望蓬萊迢遞翔
 鵬仰聯翮賀燕來重檐寒霧宿丹井夏蓮開瑩石披新錦雕
 梁畫早梅欲知安樂盛歌管雜塵埃右五言律十句為篇者
 齊梁以還時有此體獨是作格調精嚴音節圓貫古今五言
 律鼻祖也前而鮑謝諸子律既未純後而江徐以迄盧駱尚
 多四聲八病之犯律家正始無出是篇暇日輒取漢魏六朝
 唐宋宮苑之瑰豔者做安樂體成賦十章聊用自娛匪求多
 于曩哲也

甘泉宮 見漢武故事 史漢等書

紺殿明丹壑朱欄麗碧空金芝藟紫翠玉樹翳青葱閭闔千門度翠

少室山房卷四十六

恩萬戶通魚龍吟太液雞犬咽新豐後乘雙飛燕躡躑躅尾中趙飛

幸甘泉引晉志語 疑漢有兩人也

千秋遺片瓦萬仞憶崇臺繡柱星河落雕欄日月開歌聲迴白苧舞

影拂蒼苔舊寵羅衣歇新妝總帳哀當時笑公瑾不載二喬來

清暑殿 見晉書本紀及通鑑綱目等書

曲樹生風蚤層窗漏日遲冰山圓嶽嶽雪嶽架逶迤石磴長秋井泉

疏太液池御舟三翼泛宮扇七輪馳莫漫酣吳酒輕言狎翠眉

景陽樓 見宋書及詩紀等書

紫氣重關外飛樓上屬雲迴梯盤月窟複道駕星文列聖金支現諸

眞玉珮閒爐香晨雜香燭霽暮網羅不分銀牀下他時狎翠裙

閩武堂 見齊書東昏紀前史等書

萬柳何年植枝枝淨隔塵堂猶名閩武苑欲借宜春滌器非寒土當
 爐亦麗人金丸芽葉巧賣藤墜花新屈指西師入能舒翠黛翠

同泰寺 見梁書南史通鑑等書

園林標帝闕水石麗神州入座慈雲動登壇法雨流三乘歸獨詣一

西入窮蒐彩筆詞人聚繡繡學士留迨忍成要略寒賤失雕鏤

臨春閣 見隋書及南史陳書

瑣閣披香砌風光照麗華腰榮前殿柳臉奪後庭花暗牖通秦暉明

宿霧懸珠檻朝雲動玉扉樓心鏡帝座閣道隱僊機八水清相觀三

沈香亭 見唐人本事詩及紀事等書

十二雕欄外名花照玉壺翰林方醉卧中使遍傳呼行樂詞先奏清

平唱未徂春山雲作黛秋水月為膚妬殺紅絲絳織入畫圖

神運峰 見宋人良岳記及宋史本紀

飛來自何處突兀挂雕牆帝命徵千邑神功運八荒摩香孤鷲下駕

少室山房卷四十六

海巨鼇藏五岳真形在三戰故城長惟愁絕顛眺燧火燭天狼

結夏西山諸佛刹效初盛體為排律十首

寶樹雲霞出珠林日月懸豐碑鏡晉代巨榜揭梁年綉柱排雙闕雕

葢控八埏塔光摩宇宙虛影畫星屢海盛浮杯浪江紫卓錫泉中峨

羣岫列上竺亂峰連鹿苑全鋪柱龍池盡植蓮墨花青鳥駐忍草白

牛眠兜率高天外崑崙大地前神功香積運聖誥法輪傳萬劫空王

座千燈釋祖筵焚身銷眾業斷臂伏諸緣入室聞師利登壇見普賢

曹溪存一悟臨濟徹三玄有漏先除障無生欲問禪行行負瓢笠曳

杖到金田

其二

玉鏡懸高座金輪歷大國疑遊淨樂山似踏清涼殿吐祥雲色窗

合慧日光虹霓行畫壁牛女宿雕梁一鉢攜千界孤燈現十方袈裟

晨燦爛旛蓋暮飛揚夾戶杉松麗指簷桂柏香靈花芬別院苦竹駢

迴廊馬為馱經白龍因聽法蒼足三禽是使牙六象稱王那叱獐牙

勤修羅志目張腰疑天女細爪憶梵流長幾夜眠風穴經年事石霜
曇摩彌示寂普化舊伴狂浩瀚遊秦論回通入洛章津梁如可涉拂
袖上慈航

其三

杖履遶山麓欄杆列欄阿飛梁攢泰岱畫棋歷岷峨實閣慈恩近瑀
宮淨飯多天台浮海嶠岳麓控江沱振錫啼猿下登堂法雁過焚香
馴怖鶴乞食叩靈龜曲徑穿黃葉迴廊步綠莎唯亭交竹樹石室掛
藤蘿萬億光明藏三千宰堵波雙林開覺路八水渡恒河白足依龍
樹緇衣住鳥窠禪燈圓帝釋梵樂奏仙娥雪實偏宜頌雲門不厭訶
大悲觀自在上首阿難陀幻夢清圓覺真如會密多將初居士服一
榻伴維摩

其四

半嶺金銀出中天杖錫留門庭炎漢開棟宇大唐修一水浮精舍千
峰挿梵樓憑高雙檻豁望遠七燈幽舍利神光耀兜羅佛臂柔閣浮

少室山房卷四十六

三

第上國臚部盡南州削壁雲霞動飛簷象緯遊旌高寒月墜碧斷夕
陽收麓勝前飛鶴山深近伏牛象王迎法駕龍伯護靈湫芥吐須彌
色蓮垂阿耨流旃檀長照夜祇樹不驚秋大士居岩際高僧坐石頭
機深頻掣棒偈苦欲沈舟溪岸聞三乘雲門見四愁漫論生老病千
劫盡浮漚

其五

殿起凌三竺臺孤望四溟遙空呈紺碧絕頂挂丹青巖鳴橫香案峰
巒列畫屏刹高全碍日池迴半披星古砌流雲積陰廓傳雪局泉當
秋徑濯瀑向夜窗聽影落吟邊雁光飛定後蜩鐘疎聞鶴唳鉢冷帶
龍腥薜荔蒼凝壁藤蘿翠壓庭齋厨菱芡熟講席菱荷馨切利旌旛
合震旦杖錫停三車迎海嶠一葦渡江汀覺路超千界玄關護百靈
圓明童子偈定慧法王經夢幻清禪鐸鋒徹梵鈴熬山欲成道會
待蒼公醒

其六

薦福崇新構能仁拓舊基殿疑身毒割宮似竺乾移法力金容耀毫
光玉誓披恒沙登覺岸阿耨渡香池五蘊空羅刹三摩駕辟支千身
菩薩現九劫梵王離幻化天魔伏靈通地藏知運開龍漢後年紀赤
明時鹿女銜花獻猿孫拾橡嬉穠關馴虎豹伏砌斷蛟虺古樹撐雌
出寒花抱石欲飛羣懸絕磴夾篠蔽清漪生老偏愁病貪喫獨戀痴
道存無盡藏劫滿阿僧祇舍宅王珣拜過門杜甫饑芒鞋萬峰雪歲
晚入蛾眉

其七

梵宇千靈集禪堂萬法森瑤楹浮絕巘畫檻卓逸岑枕簟霞光入竿
旌霧色侵懸雌冬雪墜背嶺夕嵐沈鶴去天飛錫龍來地布金持齋
馴鶴下施食斷猿吟樹老僧忘臘花空佛印心菩提清欲界舊荀淨
祇林經卷流泉側香龕巨石陰普陀懸海嶠靈隱江海教自磨磚
微禪因面壁探迷津航易度彼岸獲難尋四品中軍好三乘吏部欽
王丞情汗漫許掾思沈淪大夢銷塵劫高談暢古今明朝瓦棺閣乘

少室山房卷四十六

四

勝更登臨

其八

寺古傳迴向圓空認給孤飛軒臨廣莫壘閣到虛無白玉中天豔黃
金大地鋪千僧繡般若七佛證昆盧默坐超人境高懸豁帝都東西
凌泰華南北控燕吳阿閼靈光現婆娑聖教敷幽明第六道神鬼徹
三途嶺欲騰丹鷲神疑下赤烏香林獅子伏法駕象王扶淨業依蘭
桂空心會苾芻沈檀霏貝葉若苒泥雕胡板屋雙扉靜繩牀一衲枯
玄談披沆壑妙義發醍醐支遁神偏王周顒興未孤無煩長昏黑絕
頂上浮圖

其九

傑構臨丹地飛梁瞰碧峰臺高蒼莖盡殿古白雲重峭峽虹斜度危
嵯雪半封佛疑維衛至僧似落仰逢舞鶴參朝座饑鳥集暮鐘綠深
頻伏象定久忽聞葢暗隔生竹虛簷密種松持經迷苜蓿說偈墜
芙蓉異卉分泉淪香梗激浪春蒲團藏閭寂木榻寄蒙茸八識空塵

累三禪別梵宗九州遙挂衲十岳遍扶筇瓊瑤天人魄玻璃釋帝供
文殊行處脚迦葉笑時容東域摩騰化西江道一踪將辭功渾去聞
法號黃龍

其十

佛日千岩靜人天萬壑遙珠宮浮碧落貝闕抱丹霄玉盤霞明滅金
燈月動搖旌旆朝霧結鈴鐸夜風飄祖騰眠山洞飛身渡海潮香看
塵外積火辨劫前燒阿育誠心化登伽幻術調波旬迴憤志戈利失
矜驕塑壁環雙樹鏡碑記六朝梵僧家姓竺梁帝寺名蕭北固凌虛
曠東林跨坎瀛池開龍母窟塔湧雁王標翠柏禪機契青蓮釋證鏡
揮鋤除障業破竈絕喧囂五岳攜孤杖三田寄一瓢流沙歸路近柱
史乍相邀

唐五言排律沈宋肇端盛唐則供奉右丞大都不過十韻上下

絲簡故精而干言數百匪元則糅故也明楊用修選杜發明

斯義大有抑揚雖其意左祖青蓮要非亡謂通杜諸短章亡

少室山房卷四十六

五言選

若吳生畫壁十韻楊特舍旂而挖水臨中坐亟稱絕到則其
舛也夫詩近體五七言八句至矣盡矣既日排律矣惡用以
長短限之况篇短而精由陸準公將才止堪十萬眾過此非
長韓淮陰悉蕃漢以成躡楚之大勛亂于何有則杜陵固其
鶴已惟是才賦所邇人難強合且用韻多取材博得與失參
互其間則用修之論政自有不可廢者唐人藻繪什九摠之
僧寺佛宮結夏西山諸招提永晝如歲漫取十二家讀之至
四君排律雉然心會輒步其體格積成十章章十六韻誠知
時代所壓靡足以馳騁前規要以紀興一時備忘他日至于
競傳之句已著之篇亡復因襲則近時流弊余不佞知免矣
夫

少室山房類集卷四十七

續金華叢書

漱水胡應麟明瑞著

五言排律一首

乙未仲冬朔舟次濟南大雪百二十韻

有房并呈永叔

詩成後雪愈盛六花如翼連三晝夜不解兩帷之間瓊林珠
樹璀璨萬行沙棠湖流真如入瑤池汎銀海晉人亟稱山陰
道上徒凡境耳余晨起披覽躡屐從兩奚奴登高阜吹玉笙
飄飄然有馭風騎氣想恨不攜太白子微輩升五城十二樓
望之入舟呼酒豪興逸發信筆縷縷復得千言通前短章凡
一百二十韻唐五言百韻助于杜陵韓白蓮作然皆歷陳時
事未有咏物而韻百餘者又皆用寬韻四支一先之屬未有
茲韻而至百餘者余不佞實始濫觴即構思荒幻取証雜猥
大方之家諒有餘笑顧邯鄲之履相竭于此而用事之變于
詞場亦庶幾焉因並前什繁簡互存以敬俟後君子且以為

少室山房卷四十七

異日者考見顛末淺深之自云

密霰三冬集玄雲四望同微茫屯巨壑浩蕩布長空入夜光交映連
朝勢倍雄粉披遙墜露颯香近合風漠漠綠堤厚霏霏入壑融凌波
來冉冉逐浪去匆匆鳥嶼繁枯枿汀洲結亂蕪水修途霜漸瀝閭谷
霧龍從屏翳驅馳疾玄冥號令降山川呈澤施帝宇宙箴共工
稱雪為水種鍊石媧皇瘁填河織女癡衣裳青娥濕環珮素娥愁
月杵春來細星箕颺處濛濛元詩雲孫梅出南箕斗牛沈劍色雷電撤
車攻王介父雪詩陳南紀陽和伏東華瀨氣籠扶桑霾曙旭析木炫
層穹齊魯青如黛岷峨翠若幢重陰浮海岱積素暈河嵩潮湧錢塘
潤濤蒸渤漲音義俱滄沱流易合勃律颶難通見西陽廬阜天連
瀑燕臺日貫虹虹柱凝江館瑟絃折塞門弓弱水冰堪渡遼陽淖未
融瑤翻藏地軸樊宗師文玉戲笑天工清異錄以雪碎訝昆吾切瑩
看匠石鑿瀟湘遺是珞宛洛種為琬琰璧唐郊薦圭璋夏廟彤祭王
孫珩粲爛和氏璞龍慈瑪瑙霏成屑琅玕刻欲鎔水晶鹽味淡火浣

布毛沖也貝錦披文砌鮫綉錯綺樞玻璃新步障雲母舊屏風嬌眉

俄圓桂鵲絃驟拂桐以白華懷炯潔黃竹寄憂忡處士牆頽華幽

人徑翳蓬千林凋橘柚七澤凍杉楓滄隔雙柑侶泥濘百草叢禾苗

占上瑞楮葉陋凡工擬絮情殊愜吹葭節漸融和也時吟梅標逸韻

泣筭驗深衷庭院饑喧雀軒墀靜撲蟲蘇詩隔窗羅張梁苑兔免

未痊鄰田也激濫傳羔帳蕭疎放鶴籠左氏取其鯨鯢以爲京龜

高懸白鵲旗蜃吐樓臺鉅鯨封觀壁左氏取其鯨鯢以爲京龜

愁永蟄鷗鷺快高狎遠渚拳棲鷺荒陂窺落鴻漸橋驢蹇足藍嶺騎

埋紫永已凝貞白鉛仍聚葛洪玉京朝柱史銀闕跳壺公指下喬應

羣笙飛晉尙童餐苓延劑訓服乳度茅衷貞白而下仙家可禪鋒

利斷少林瞿曇佛行崇雪山散花摩詰幻飾粟惠能何見嶂沒須

彌嶺池添阿耨菩提善提陳大梵優鉢湛真空俱以花言治色凌姑射

災威淨視融軒塗迷七聖舜麓正羣工佛迷事孟氏離宮雪樂顏回

陋巷窮王介甫詩擁帚尚憐水精傳孔父韓書云水精子石髓問嵇

少室山房卷四十七

公秀微膚明玠玉瑰妍質梁濛凝脂誇杜姣傅粉詫何工賈亮

嗟埋樹地中事懷忱嘆濯桐王大浩遊賢七貴李白鄭凌七人選

賢中有七安卧卜三公袁安後至三公介父雪詩竹聖深逃鷹苜廬

破匿全屋數間而已矣孫窗芸帙燿蘇容寬腸充有履穿東郭無衣

晒郝隆陶巾欬自流姜被薄誰烘蝶記元嬰滕王寫驚忘逸少龍白

合寬齊婦孝東海孝殉節宋臣忠朱弁祭二帝左伯骸將斃全師陸

故隙全齋祖雪梯分須買袂褐綻范丹躬雨粟羸君駭量沙魏卒情

餘米高其沙以程徒傳舊業石帥擅奇功五炭化虛疑遜旌陽化炭爲

雪薪慳孰代崇薪事長謠逢賈簿唐人鳥詩十大獵罷蕭忠怪錄

暑檻宜河朔春盤憶射洪杜曄驟驚歲暮明潤報年豐蘭舫忻聯鷁

桑弧慶得雄余是日倦遊秦邸外蕭季子乘興越溪東刻溪在越

而與承叔濡漉全妨舵飄颺半壓蓬羣鷺憐榜豎獨釣戀漁翁樂

擁孤烟白爐存宿火紅布帆懸藉哨絲竿繫葱綽約肌生疹侍華

目眩瞳金調吟嘯裏几簞畫圖中白苧歌游子清商發侍僮逍遙披

筆容耽醉被裘公角賦豪吞惠惠遠瑀詞捷仆融張融海賦云

船邀狂太白杜贈李天子筆授簡文通用彩筆生花事余與永叔

前中風景詩紛相藉明妝儼作畫輕盈迴曼臉滑膩藕酥胸飛動

昭陽燕翩襪浴水鴻浣紗西子潔纖錦寶姬聰蟻黛阿張敵驚喉簇

馬融登仙慚有道中聖羨無功握麈神先王持螯思並洪余及王君

及之百壺攜若下五石醉新豐肆玩商雕鼓觚攜漢鑄銅藏關拈勝

事橫梁關英風潦倒青田核淋漓碧香筒南皮簪競盍北海座寧空

甲煎芬逾嶺天池味勝蒙蒙棗梨膏野熱蕙苴醴泉沖也鼎列雲英

麵匙抄赤穰種爛煨樊圃芋細嚼夏畦菘汀鴛肥供案河筋健入策

捕魚竹奇毛蒐海雁茂先海鳥毛事取類雲之故亦異味獻家

子虬脯時封鹿羊踏或饌能烹鮮庖中察斫脰匠成風登仙以下至

事無與事然皆余倍永叔大囊思平蔡高牙誓縛戎李靖雪中求

會之永叔仇夷數烈常有封狼居胥意雪中拉余登高阜射從飛衛

馳射滿唐人欲將擊時逐大雪滿弓刀之句北望灑射從飛衛

習棋效積薪攻善奕者王山人挾日平原暢談天福石訂鳳池延小

少室山房卷四一七

三

謝龍鉉詢司空絕倒元平子清結復阿戎仲子三墳羅倚相四部繕

行仲余與永叔坐中戲放溫李屈宋才無敵柳枚真未窮寥寥白雪

賦千古孝王宮

唐人百韻若子美樂天集中多重出者已悉前人詩話明何仲

默壽李文正韻才三十餘而迭見數四尤非後學所當法余

此篇凡字義同者絕不復重若字同義異或人名地名則雖

屢出實與別韻無殊嚴羽卿胡元任及唐宋諸名流夙嘗論

此成有成說顧其間一二寬韻猶不妨恣意汎瀾至短促韻

不盈百中又有絕不可入詩者而欲演繹千餘言非此何以

措手足如此篇四空字一實用一虛用一荒語一官名字雖

同而義亡一同且其難用尚有甚于字異者故聊存之以備

一體兼以就正大方家又前用惠能飾粟事粟即秬稻之屬

壇經自明與後用燕丹天兩粟事亦不同自餘率放此

少室山房類集卷四十七

漱水胡應麟明瑞著

五言排律一首

輓王元美先生二百四十韻

嗚呼此余哭元美先生之作也庚寅秋聞先生病則馳小艇
 過婁江比至先生病已革起榻上執余手曰吾日望子來而
 瞑吾續集甫成編子為我校而序之吾即瞑弗憾矣余欲啟
 唯命留來玉關六旬雪涕與先生別卒歲抵家則報先生逝
 矣嗚呼山頽木壞世將誰託吾將曷依記曩歲病瓜步先生
 為余作傳因以傳下屬余弗敢當願有片長可以自效者爰
 拈披先生生平履歷閉戶一月勒成此篇凡二百有四十韻
 二千有四百言古排律至多不過百韻至先生哭于鱗百二
 十韻而極奈余之才不能半古人則先生履歷非藉此固亡
 以徵萬一而兀隘之謂誠無諉于大方矣

少室山房卷四十八

黍岱崩頽日震且混閩年共驚梁木壞誰擁劫灰然北極悲遺老東
 吳泣大賢入荒情慘但九域涕淪連計達雞林外神遊鹿苑前青牛
 應獨跨赤鯉詎同遺憶昔嘉隆運重看間氣聯星移殿子瀨岳降洞
 庭巔花甲庚寅兆蓬弧戊子懸貞元逢五百盛美冠三千奕葉龍為
 種苞符鳳集肩修眉揚八彩異骨雙離毀齒驚閭族垂耆託里塵
 應聲題寶鉢唾手拾青錢王陛晨宣唱瓊林書錫筵龍葱葦曲霧搖
 曳杜陵煙柳岸青絲盒桃堤赤玉鞭墨花浮太液囊草動甘泉東壁
 呈輝耀西曹得靜便銳情三古上矢志百王先盡却區中累全收物
 外權詞林勤劬藝苑恣騰騫正始追遺躅開元繼絕經博空孤翼
 上歷塊眾蹄竣也歷下論心最新都託分堅宗吳借駭發余李並蟬
 連南海攜公寶西堂對惠連請次張公江海契徐子廟堂緣社自簪
 紳合門仍韋布延伶僂嗷謝叟羈繫脫盧櫻結侶縱金石同心叶筦
 縣樂虹光搖海岳雪色被幽燕入穴難探虎登壇耳握健還踪厥孝
 武陋習起成宣以上敘潘家千江派崑崙萬谷泉五經憑發笥六藝

浩志筌大筆龍檀左雄章軋孟遷漆園饒採擷鄭圃縱漁敗頌發商

周蘊詩綉漢魏詮中郎同麗爾都尉共超然八斗虛高第鍾錄弟子建為上品

三閭實冗員審言呼屈宋為衙官與深陶栗里情逸謝臨川敘述卑平子鋪張

狹孟堅靈光霞映桐景福霧盈榜雋字摩穹壤單辭耀幅幘暗鳴人

自廢踴厲世無前以上敘楮墨時隨個細縑半蠹椽蘭膏經歲竭藜

火徹明然閣上簪中壘亭中閱太玄多間留偃賜好學嗣顏齋急就

章章疏凡將字字箋盡魚評叔夜科斗辨僧虔與鼠奇毛列商羊獨

足拳浮游無宿疾貳負有遺骸獄底知神物謂河邊識女媧流觴徵

仲治威斗駭承天待詔今方朔司空舊茂先編成羅豔異志就薄夷

堅腹貯須彌外胸藏宛委還諸劉懶博核二沈謝覃研以上敘問學事絕代

難酬價傾城易遠讓桓文名藉藉絳灌目昭昭道直元如矢躬行更

若弦當門寧植蕙曲徑詎容荃蕭艾紛投隙椒蘭競構愆一麾辭豹

尾雙佩拭龍淵易水悲歌歎潢池武略宣綠林張劍戟青士靜弓卷

以上敘屏翰風猷著家門歷數遠高牙淪瀚海大燾卜居延池水先

少室山房卷四十八

波及崑崗驟火延乘時交鬼域濟惡剝蝗蝻刻木傷縲綬肩輿詢竹
 籟千機同織貝百足漫扶蛟魚服洞誰訴牛衣困自縲形骸迷飢餓
 手足竭胼胝痛切腸攢蝟熹微命綴蠅蕩蕩肌徹骨瘞快項流咽斷
 絕張儀舌轟厓石勒拳新鈴明主惜法網柄臣牽霹靂高空下雷霆
 大地燿炎魂飛集壓卵膽奪棟頽研進退身維谷縱橫淚若泗刳心
 間吸鶴酒血和啼鵲以上敘星散華陽市天迴震澤溼善權捫紫翠
 陽羨卜蒼矸大澤偏容臥長林不厭穿扶筇升險絕躡履犯危顛謝
 客西州某為農北海塹楸梧存越嶠禾黍種吳田茂苑繁花麗婁江
 秀麥稍開園鄰綠莖築室傍藍田畫棟金銀列雕楹繪壁填奇峰俱
 岳麓怪石盡平泉曲榭遙通竹飛樓迴架榭殘山疑墜碣剝水似浮
 滇橘柚連村樹芙蓉隔港沿萍颺吹襲襲葵露滴涓涓隴首珍禽戲
 黔南語鳥僂遊人懷鞠鞞治女話鞦韆以上敘掛客長停哺從賓屢
 握鬚交游太丘廣車騎孟嘗關急難時捐困逢迎歲竭糜朱衣驚
 坐眾珠履入門駢別墅於馳騎行庖試擊鮮紛紜操膾脯蹀躞驟連

錢構效虞悅製茶呼陸羽煎沈酣桑落會潦倒竹林眠較罰逾金谷
移封監酒泉槽醕憑寄迹翹米笑流涎鸚鵡玻璃杓鸚鵡玳瑁捲鴟
夷浮菌春象鼻吸連卷笠澤槎頭餠淞陵縮項鱸連螯紫蟹帶甲
供黃鱸鱸即黃魚水芙蓉房拆山櫻顆顆圓兒拳呈紫蔗佛手薦香
楸饌敵郇厨美羹嘲党帳蕘嗟嶧薪代蠟嗟咄豆成館桂樹時停楫
沙棠日扣舷綸竿張氏舸簫鼓孟家船登善文皇册元常季直箋玄
圭銘大夏蒼珮塚干闥孟德臺端瓦烏曹柳上磚月輪求誌費日損
賣文錢以上敘勝負天人定升沈氣運遷辭家悲李密伏闕勵王延
浩蕩新恩下焚炷宿垢前勒銘同峴首封冢象祈連綸絳飛朝子冠
神會陌阡霜蹄仍剪拂彩翻驟翩颺突兀烟霄上嶢嶢日月邊三關
勞控馭兩越寄旬宣太僕分司重中丞節制全空羣留驛駟異隊別
驅驥將較頻推楚兵符半攝鄂秋霜凝斧鉞晴旭照戈鋌參上攀名
岳沅湘涉大川雲低神女駕月冷帝妃鈿京兆鮮于敏廷評定國度
先驅馴狹狹密網化鷹鷂以上敘倏忽人情異悲涼世態悞青蠅從

少室山房卷四十八

三夢選

抵隙白鳥任遺譏勇退羞羅雀幽棲避跼為世驚鵬偃息自喜蟻窠
颯展卷忻長日懸書得大年三蒼勤劖刷五緯罄雕鏤鉅碣新羅購
寫碑日本傳褒誅崇袞袞冕明切幾璇璣垂鐘鼎絲綸飾豆邊江
河馳藻繪象緯錯丹鉛氣色龍成彩聲華蟻集羶家藏三郡集童習
二鳴編寶錄窺靈秘真機握大還入關遺世事閉戶息塵緣紺殿羣
器絕清都百慮獨遺經播損益大道識坤乾真誥裁弘景陰符注李
筌瑤函王母授金榜木公嬪傳厭次東方朔羅浮葛稚川黃庭神煜
煜紫府息綿綿白石攬霞煮丹珠滴露研虛無遊大洞冲漠憇重淵
取次蒲團熱縱橫木榻穿低回遲鷺羽隱約下鸞軒太上留函谷先
生叩竺乾謂古普陀談五蘊臨濟敷三玄作偈呈希運題書謁大顛
孤峰凝獨峙古月証重圓砌上祇園菓池中法界蓮菩提垂寶地香
積布金田靈祐軍持躡丹霞佛像難直窺無始與真徹上乘禪以上
修隱豹藏林密鳴驪入谷過玄纁何奕奕束帛匪菱菱禮數三台接
恩光八座偏長干邀鹵簿白下駐旌旂東土明無二南宗集大千兩

花臺上句桃葉渡頭篇元禮門如海文通筆勝祿世俱榮白傅嘯不
慕青蓮南中日帝命勞疏廣臣心戀倅佳歸尋霞外侶逝作地行仙
再出事按千賓放浪君平卜逍遙善卷佃陶朱頻易蠡博望幾浮鷲小閣披
芳素層軒構碧連公歸重構芳鳴琴娛僑哨吹笛和潺湲大白波周
顛深杯角鄭虔公自南郡歸每賓優游寬禮法爽朗越拘攣擁髻迴
通德修蛾却麗娟閨房閒窈窕枕簟絕便婢長公暮年玉樹前階盛
金莖後裔綿虹霓爛芝桂雨露蔭楠極尺璧名高楚千金骨市涓流
沙陳騷裏汗血聚驍騎公諸郎君履履人生備期頤眾望顛以上敘
殮蒼逾薊訓辟穀度彭錢兜率仙宮麗遮須梵宇妍龍蛇占起陸雞
犬侯離暇共詫三彭伏那期二豎蹟跋肺愁司馬渴腰惜隱侯股杜
瘡原難起曹風不易痊蘭金辭管鮑藥石謝和扁驟解形骸轉初離
眷屬纏金宿來燁燁玉馬去翻刷化鶴徒為爾騎鯨固有馬尚疑元
放脫翻憶令威翺烈魄捕箕尾精魂落斗躔夜臺風漸浙朝隴月娟
娟震悼聞雙闕吞聲屈入堪榮封符馬鬣異兆協牛眠大樹英靈在

少室山房卷四十八

四夢選

生芻涕泗澆蒼皇捫草屨躑躅負寒鴉片刺交文學孤誠託仲宣風
塵饒盼眺湖海竭陶甄宗廟裳衣列門牆禔褊褊敢云千里足突覩
九方歎磊落孫陽御馳驅祖述鞭虛懷懸藻鏡側目任衡銓翠黛雙
鸞嫵朱唇一笑嬌無媒甘老大不嫁抱嫺娟異代瞻提挈中途恨棄
捐佳人寧獨立國士詎同憐骨相成虛負音容記勉旃文漪空嘯咏
碧浪罷延緣苦思啼莊鳥深悰泣鄭玄良工亡偃翟巧匠失輪扁太
室三花瘁曹溪六葉趁虛聞南岳讓濫擬石頭遷迦葉神徒憐維摩
病豈然城佳松鬱鬱墓宿草芊芊郢國陽春絕邯鄲步驟遺荒丘盤
狡兔高嶺咽寒蟬堂後聽絲竹壘頭漬酒綿滂沱臨大壑鳴邑問重
泉宇宙遺空笈乾坤入斷絃惟應四部稿萬古誦鈞天
凡字同義異或名姓字同例得重押其字義並同者唐人雖或
重押此不復沿

少室山房類纂卷四十八

藏水胡應麟明瑞著

七言律詩八十一首

送王敬美先生入賀萬壽二首並寄徐子與右參黎惟敬秘書
馬首寒雲碣石開遠從青雀建章臺
自獻千秋曲露掌頻分萬壽杯
把袂應徐天咫尺抽毫枚馬口徘徊
山陰亦是旋舟地雪夜能忘駐草萊

其二

暮擁軒車入帝州曉排閭闔問龍樓
西山紫氣飄環珮北極寒光照冕旒
天際薇花聊獨倚日邊藜火定誰酬
荆高舊侶能相過已拚華陽十日留

懷大司空朱公

華髮歸來卧洛京三山晴望紫霞平
遙傳大陸思神禹不見孤峰下廣成
日冷金勝猶泰時春回玉樹已承明
夷門咫尺酬知晚慘澹吳

鈞匣底鳴

江右王孫貞吉以書併畫見貽賦此寄謝

浩渺涼風歲色徂遙傳尺素到江湖
誰誇特進鸞鳳筆自寫滕王峽蝶圖
明月萬家愁外滿碧雲千里望來孤
携琴會入東林社徒倚蓮花醉玉壺

寄答同伯王孫

屹立廬峰挂紫烟中林有客坐談玄
高軒蚤識王孫句畫閣重開帝子筵
秋遠北風隨雁字夜深南斗動龍泉
何緣一借天池榻携手銀河百尺懸

送梁持伯暫還南海

翩翩與馬駐江干暫輟含香漢殿官
雲氣乍看隨玉節露華猶憶對金盤
尊前葉送羅浮嶼笛裏花飄大庾寒
極目故園瓊海上好携春雪向長安

觀察吳先生分署東甌與余期為雁蕩之遊久不獲赴小詩奉寄

行車何處不風流名岳能將漢使留
萬頃白雲冠雁蕩千峰寒瀑掛龍湫
深春薦福亭中醉竟日能仁寺裏遊
咫尺山靈定相笑苦將瓢笠望丹丘

病中王山人過訪有贈

年來消渴未全除曲巷時時長者車
寶籙自採俞跗訣金函長秘葛洪書
茅飛白晝龍隨杖杏發青山虎守廬
試事長桑三十日上池仙液定何如

聞商侍御按部山西有寄

攬轡飛霜滿冀丘身冠何客伴風流
千山坐擁堯都日九派行疏禹鑿流
瀚海烽清長息甲漁陽塵起一登樓
雙鴻是處南來色愁憶長安把臂遊

望雲遙祝為興化徐別駕題

千花晴日滿林皋鶴髮鸞箋照錦袍
紫氣乍占函谷迴白雲遙望武夷高
天瓢露染三春樹海屋霞明萬歲桃
不道偉長詩興淺畫筵留客幾揮毫

寄趙太史

紫霄遙憶漢官儀誰似夔龍集鳳池
雲色並攜三殿草日華長繞萬年枝
趨躡玉珮觀祠夜徒倚金莖伴直時
無賴問奇亭下客秋風猶古五湖湄

雪中同王少參集彭廣文齋間

飛雪千門照彩毫登臺寒色滿林皋
論心敢訝青瑣薄倚曲偏驚白芋高
冷艷正隨仙客筆輕盈旋拂侍臣袍
亦知郢國春難和且傍天花醉濁醪

薄暮同二君過集張明府署中

綺席華筵擁上賓飛花寒夜迥生春
無論漢水千株發轉覺河陽萬樹新
艷色並看瓊作圃清光遙映玉為人
天涯三仲過逢日可道王

猷引興頻

明辰邀三君集舟中是日雪大作竟暮

黯淡同雲際碧天溪山遙望轉清妍誰將剡曲風前棹並載梁臺雪
裏筵玉樹乍驚瑤瑟倚水花時傍彩毫傳飛鶴總是瓊樓客肯借陽
春和昔年

彭穉修以病乞假薨還匡廬詩送之

憔悴青瓊越水頭一尊長嘯攬吳鉤高齋暮報康成講名岳朝看太
史游五老雲霞天並入九江濤浪雪爭流春花正逐離筵滿忍聽陽
關上客舟

王次公敬美寄惠計偕集敘走筆二律奉謝

字字青雲拂斗躔蓬蒿何意彩毫傳雙龍並出豐城夜萬騎遙空朔
野前當代自尊玄晏語異時誰問子雲玄亦知流水千年在敢向人
間語絕絃

其二

少室山房卷四十九

浩渺吳關落雁羣飛檝遙自九江濱山川忽借潘夫色宇宙長懸太
史文源倒十年慙賦雪吹噓一夜有凌雲無勞更覓青藜杖不忝瑤
華異代聞

早春雪後携尊小樓獨坐因憶客歲同三君子舟中歡樂甚也

輒賦四韻寄麟洲公并柬張彭二丈

百尺晴光繞畫闌一尊池館坐高寒瑤樓四照天花合玉笛孤吹隴
樹殘郢客陽春元寡和兔園詞藻盡登壇亦知剡曲堪乘興十載表
安啟戶難

夏日携尊大雲山晚眺并尋白蓮池諸蹟

落日壺觴興未迴飄然籃輿問崔嵬飛檣夾漢雙流下畫檻浮空萬
堞開岸草似留湘客怨池蓮能識謝公來翩翩白恰俱年少搦管誰
當作賦才

秋日登八詠樓讀休文諸詩有感

突兀飛樓霧裏看當年詞客此盤桓窗中二水浮天入檻外千峰插

地寒海嶠心情憊伏枕台垣消息幾彈冠朱絃萬古重相對轉覺他
時屬和難

杪秋遊金華芙蓉峰憩劉孝標讀書處

疊嶺危梯挂碧天支筇遙踏亂雲前芙蓉萬朵煙中出檜柏千林洞
口懸采藥壇空猶晉代讀書臺古自梁年移家我亦尋仙客試伴羣
羊絕頂眠

題晉建初山人遊玄岳卷

龍嶠千盤霧色開中天何處躡崔嵬遙峰恍入飛仙戶列岫高懸上
帝臺倚杖祝融雲自起題詩天柱月頻來風前終節如相問爲拾瑤
華寄草萊

送管山人遊吳

東書題首問滄海何處逢人話客星三竺暮雲藜杖紫五湖春日布
帆青關心雁陣愁邊落拂面驅歌醉裏聽歸去萬峰林屋底好携鸞
鶴報山靈

少室山房卷四十九

秋日同郭鶴臚集趙明府宅對菊得樂字

綠野晴開一逕寬清尊携客此盤桓千枝的皪明秋序萬朵娉婷立
暮寒露色綵深陶令采霜華誰問楚臣餐西風拂面饒相笑得似龍
山座裏看

讀弁州山人集二首

什襲琅函散紫氛碧窗遙夜擁蘭芬羣編盡廢中郎篋雙字堪藏太
史文萬古江河誰白日千秋閭巷有青雲玄亭肯著侯芭卧不向名
山乞典墳

錦帙牙籤次第開披襟山色滿蘭臺初成漢苑然藜業盡歷梁園授
簡才一字霜風猶縹緲千章河漢轉徘徊相思幾夜瑤華切肯惜如
椽借草萊

東彭穉修有序

先是穉修與余會都門未幾別去至是復來爲吾邑廣文云
帝城風雪苦飄零何意南天到客星埋沒乍看雙劍紫浮沈猶傍一

瓊青桃梅拂坐春相麗
昔看行杯午未停
莫戀橫經函丈底
碧山時過子雲亭

送沈純父之嶺南

一封誰遣上天關
垂死行踪瘴癘間
萬里獨懸羈客淚
九重曾問逐臣顏
天迴北極龍樓迴
日湧南溟象郡閒
絕塞梅花題咏夜
可無魂夢到朝班

康裕卿挈家臨安僅一子復喪為詩唁之

白髮攜家傍五湖
紅顏何意杳先徂
一坏淚向延陵盡
十口心懸伯道孤
種玉尙看題暮景
投珠那忍憶長途
西風獨夜狼啼切
可道東門恨有無

送習太史還江右

草奏曾將動紫宸
一麾河上有垂綸
千年赤日懸明主
萬里青山度逐臣
玉筍琴尊餘歲月
金門瓊珮老風塵
珠簾百尺滕王館
回首能無望北辰

少室山房卷四一九

得舟洲公書並見寄諸作賦答四首

玉樹雙栽照錦囊
鴻書誰擬問滄浪
頻年紫氣高函谷
一日青雲徧首陽
門客有詩傳大雅
老臣無賦上長楊
烟花繞座秦淮月
愁絕春城夢去長

瓊珮當年七子流
何人詞藻擅登樓
筵開碣石青天盡
社冷華陽白日愁
八座尙看裴相起
三山聊擬謝公游
離心咫尺雙龍暮
醉拂芙蓉望斗牛

迢遞雙緘到海涯
美人何處把瑤華
吳天不斷雲千里
激水長飛雪萬家
幾夜幽情懸薛荔
十年愁色老蒹葭
追陪遠愧龍門客
目送寒空雁影斜

極目中原感慨同
百年湖海嘆飛蓬
臺空薊北無名馬
筑散長安有斷鴻
爾雅故應窮郭璞
子虛寧得誤揚雄
相思總傍湛盧色
夜夜寒光吐白虹

送潘少承還嶺南

把袂都門別思濃
河梁寒色照雙龍
官閒暫乞文園病
宦拙那能騎省容
鶴夢西樵雲慘淡
羊裘南海月蒙茸
莫誇賀監當年賜
不盡梅花四百峰

同諸公夜饒楊使君於梁中翰宅得低字

五馬長馳朔雪低
衣冠握手重含悽
驚心北闕辭丹鳳
愁色南雲望碧雞
銅柱千年標障塞
鐵橋萬里界封提
亦知上國懸金在
咫尺炎荒到紫泥

秋夜同陳太史康山人集李環衛園亭

薄暮朱門並騎來
相看詞客共徘徊
孤亭迴對芙蓉出
一迳深從薜荔開
夜靜飛霜流玉宇
天明月上瑤臺
風塵是處應劉合
肯讓當年郭下才

夜同章子鳴康裕卿宿香山禪寺限韻分賦

絕壁蒼茫霧裏看
振衣蘿薜上千盤
軒窗盡鎖西山色
樓殿平分北斗寒
雨過松聲隨錫杖
風迴花影動瑤壇
相看不盡憑高興
欲向蓬萊借羽翰

冬日黎員外招同思伯諸丈夜集不赴寄得雲字

一尊華館動星文
客夢飄飄擬對君
玄草舊從金馬識
青藜遙自石渠分
春生大漠飛燕雪
曲奏高天散楚雲
零落梅花鄉國遠
風塵誰不念離羣

送太史趙公封楚藩

惆悵驪駒易水傍
西風愁色賦河梁
金函夜捧辭金闕
玉節朝攜下玉堂
七澤星辰浮去棹
九疑雲霧濕征裳
丹梯絕頂峒巖外
幾送吟眸入帝鄉

穀日同黎惟敬秘書梁思伯中翰丘汝謙計部童子鳴康裕卿

二山人安茂卿文學集朱在明宅得宮字
佳節西園燕賞同
相將才子集芳叢
簾前霽雪飄仙掌
席上春星繞漢宮
萬里清愁懸別鶴
千門寒色動歸鴻
梅花幾度孤山下
心折關河尙轉蓬

時二山人將南歸

將南歸

送陳稱仲還晉陵

元龍何事獨棲遲散髮狂歌返翠微白石未忘松桂隱青山遙待薛
羅衣春寒雨雪連瓜步夜色星河傍海沂時憶燕城攜手客登樓迥
望五雲飛

送胡計部督餉儀真

旌旆遙遙海色開燕城春雪照離杯分畊乍息秦兵戰轉餉仍勞漢
使才京口雲山圍省署廣陵花月榜樓臺烟濤極目淮流阻絕塞誰
傳錦字迴

送劉別駕之悼南

一尊清夜此留權離思蕭蕭雨雪殘萬里秋風遺故國幾年春草客
長安烟開郡郭漳流迴日落關門海氣寒惆悵天南相憶處飛鴻遙
望五雲端

同童山人安茂卿夜集何太史宅觀梅得春字

檻外幽芳欲照人相看瓊朵淨無塵南枝未送江頭色東閣先傳雪
少室山房卷四十九

裏春明月寒林書共遠亂山孤驛夢難親不緣水部詩情在那得花
前索笑頻

夜同子鳴茂卿携酒重集何太史宅觀梅兼送呂山人忠父南
歸得御字

清夜尋花雪滿途何因東閣坐狂夫瑤臺影落霜天淨玉笛聲殘
月孤醉拂莓苔驚庚嶺夢驂鸞鶴到西湖一枝欲贈南歸客回首春
山隔畫圖

送梁思伯內史還暹南海

綵筆經年侍赤墀離旌初下鳳凰池停車欲度梅花嶺望關頻振桂
樹枝萬里歸心殘雪後千山行色暮雲時前門回首生芳草莫使衣
冠憶問奇

席上送童子鳴遊衡山得踪字

躡蹻初尋七十峰亂山秋色傍行踪中天翠削芙蓉秀絕嶂青含薛
荔重金檢自探神禹策丹臺誰辨祝融封登臨憶爾層雲上杖底千

送朱在明使長沙

西風遙夜起長楊使節翩翩下建章淮海帆檣飛夢澤楚天城郭出
瀟湘心搖桂樹筵中月夢繞梅花笛裏霜宋玉臺邊芳草盡幾從秋
色弔襄王

送楊嗣部出守滇南

露冕西南瘴癘清十年文草擅才名秋風劍佩辭天出落日旌旗傍
海行賦就客非金馬署書來人卧碧雞城昆明萬頃浮槎夜愁絕魚
龍異漢京

送沈愈愈入越

幾年尊俎淨狼烟獨下青霄雨露偏三殿清霜隨憲節五陵斜日照
陽待和歌

送沈愈愈入越

離筵梅花夜繞江城發棠樹春從海國應此去湖山堪極目携金門
外半樓船

送徐明府之龍邱

黃金臺下共留權獨向青冥有羽翰雁塔乍題唐進士鸞行仍列漢
郎官江雲縹緲雙鳧下海日蒼茫一騎寒白晝琴堂歌咏暇看花遺
憶在長安

秋夜同惟敬諸子集劉觀察園亭分得高字

一尊三徑掩蓬蒿詞客相看盡絳毫華館乍停鸚鵡曲青藜透識風
凰毛天垂閭闔繁星轉霜滿樓臺夜月高十載梁園幽興在不妨寒
色上綈袍

送伍明府景周之永嘉

遠塞寒聲起暮笳離亭歸思逐黃花雙鳧欲化郎官鳥片鶴先開使
者棹旌旆夜懸滄海月樓臺春繞赤城霞乘閒擬著西征賦為報安
仁髻未華

仁髻未華

仁髻未華

哭梁思伯中翰四首

華髮才名滿玉樓，思鄉仍作嶺南遊。三秋鴻雁音書絕，一夕龍蛇讖緯愁。易水飛霜開別館，海天斜日下荒丘。西風獨把延陵劍，不是詞人亦淚流。

五夜簫聲逐鳳凰，碧桃枝下幾傳觴。雲開郭隗黃金館，花滿盧家白玉堂。尙擬故人來漢闕，不堪遊子去濠梁。相思欲弔天南塚，落盡梅花大海傍。

憔悴孤城此哭君，關河萬里見浮雲。空齋寂寞青絛被，遺藁淒涼白練裙。醉客尙餘山簡夢，招魂誰續景差文。松風忽傍遙天起，猶擬精靈下夕曛。

奇絕當年顧虎頭，停杯爲我畫滄州。毫端雲霧三湘色，堂上烟霞七澤流。漁艇依微臨野岸，人家搖落帶沙鷗。只今粉墨空惆悵，一片青山起暮愁。

送安茂卿賦得富春山釣臺同諸子分題作

少室山房卷四十九

百尺危梯上翠微，空臺長日亂雲飛。山寒麋鹿歸樵徑，水落魚龍傍釣磯。越渚帆過蘭杜遠，漢庭書到薜蘿稀。披裘莫道垂綸客，夜夜雙星動帝畿。

將之武昌留別社中諸文

時家君出參差蒲

黎秘書惟敬

萬壘西風接暮秋，楚天城郭蘆花留。樓臺寂寞僊人去，瓊珮淒涼帝子愁。過雁定傳衡岳字，啼猿初繫洞庭舟。佳期南國無由共，獨對青藜悵遠游。

劉憲副仲修

十載青衫傍帝鄉，心遙夜憶蕙林間。賦客開三徑，天外歸人問五湖。秋雨帆檣連白帝，碧雲原廟鎖蒼梧。江城玉笛休迴首，零落梅花客夢孤。

康山人裕卿

握手孤雲爾共論，不堪歧路倒芳尊。經年暮雪棲燕市，一片春霞阻

石門江上鴻書誰，賦別天涯龍劍早。酬恩蘆花夜夜扁舟色，愁絕青山繞夢魂。

丘計部汝謙

蕭蕭殘葉攬吳鈞，才子臨風憶舊遊。客路遠過湘水宅，離心獨上武昌樓。黃陵日落千花暮，赤壁雲生萬葦秋。嘶嘶啼猿江色裏，不堪重繫木蘭舟。

李環衛惟寅

京洛逢君解佩刀，翩翩人識鳳凰毛。歌殘白雪瑤華在，夢倚青雲玉樹高。故國深秋淮甸雨，歸心寒月海門濤。江魚塞雁能相憶，莫帶西堂五色毫。

安文學茂卿

野竹江花繞听迴，長沙晴望漢陽開。浮雲曉色襄王夢，寒雨秋聲宋玉臺。白苧早飛三楚調，青袍誰識五陵才。南歸好逐征鴻翼，一爲湘娥解珮來。

少室山房卷四十九

易侍御蘇別駕蔡廉訪攜酒清源大雄閣餞別得才字

碧瓦雕甍玉作臺，眞從人世躡蓬萊。盤空日月三天近，抱郭南山萬井開。冠蓋乍逢梁苑集，帆檣初望越城迴。亦知信美非吾境，魂斷登樓賦客才。

答徐仁仲二首

有序

返次清源阻水者幾載，月豫章徐仁仲遠移舟見就日夕晤。語甚懽，將別賦贈。

相逢豪氣自翩翩，早覩靈光第一傳。李郭仙舟同此夕，張雷神劍合當年。眠雲欲借匡廬頂，望日聊依泰岱前。七十二君君試問，幾家遠褐到桑田。

其二

朱絃無分奏彤庭，濁酒猶堪話獨醒。歷落雄心懸老驥，蹉跎愁鬢擲流螢。江頭地遠滕王閣，湖上天開孺子亭。縱是河東能邂逅，千秋能似太玄經。

渡江聞汪司馬避暑焦山有寄

隨緣瓢笠又東林玉觀瑤臺望欲沈
長憶鳳翔千仞上不知龍卧大江心
名將日月題丹洞賦擁雲霞列翠岑
偷覓戴逵後宅秋風迴棹是蘭陰

淮徐歸興六首

一棹乘秋出五湖西風愁色動尊鱸
金門帝許排閭闔寶劍人誰問
鹿盧千尺倚懸東海釣百年休踐太行途
平生烈士心長在碎擊王郎白玉壺

其二

夾岸帆檣衛水濱蒼茫雲霧入垂綸
三生不戴如花面九尺長餘食粟身
杜宇憤嘲多病客辛夷頻喚欲歸人
滄浪萬斛吾家在好逐漁郎問去津

其三

一望龍門興已闌漫將陳策射金鑿
生來驟騎封侯易老去馬唐謁

少室山房卷四十九

七

帝難栗里乍看三徑在桐江猶剩一
峰寒秋風咫尺天池上未向枰枋刷羽翰

其四

短褐猶聞卧海涓長裾曾否曳天堦
蒼茫八翼飄雲漢慘淡雙肱折路歧
玉洞豈無千歲水金門寧乏萬年枝
從教少婦機頭坐賦裏黃金尙陸離

其五

一帆春雨下淮陽柳色偏嘲薛荔裳
病後風塵堪羅馬歸來陵谷任騎羊
高山自奏三千牘上苑誰矜十八行
莫嘆盧生魂夢裏幾人窮達在黃梁

其六

白面題詩碣石臺紅顏擲盡重徘徊
虛疑駿足曾雙朋不信羊腸易九迴
緒地將隨徐甲去談天毋擬劇辛來
飛揚總屬羣公事一壑猶能擅草萊

司空潘公行水徐泗間訂余晤語淮上適黃河阻風不及赴約輒因使者報謝四章

側席天書降紫泥東山寧得遂幽棲
琅函畫捧千靈集玉佩晨參百吏齊
碧樹交陰籠大道蒼松垂葉護長堤
龍蛇滿壁郵亭下一認當年夏后題

其二

一舸南征歲月遐老臣馳驟日天涯
平巖邵伯湖頭雪盡築高公堰口霞
稍喜故堤添柳色從教新漲沒桃花
軍儲絡繹三邊外底事屯田說漢家

其三

嶽嶺穹碑頌姓名輝煌巨軸紀平成
綠堤形錫千羣度掠水黃龍萬隊行
轉粟東南無大澤飛芻西北有長城
異時河洛看遺跡何限秋風壁馬情

其四

少室山房卷四十九

七

燁燁龍章下鳳樓漢庭何羨富民侯
中天日月低環珮大陸風雲近冕旒
蚤聞西園延上客行開東閣貯名流
不緣石匣司空問誰識干將

過觀察金公故居有感有序

公名應照宰吾邑者逾六年廉介迥絕
歷官山東觀察使一日無疾終余素辱知
國士爰詩弔焉

六載冰壺異政傳琴堂晴色弄朱絃
剛原乍肯懷千石劉龍猶憎受一錢
桃李春風繁越嶠松楸寒日弔吳田
門庭寂寞登龍後慚絕當時問太玄

少室山房類集卷四十九

澗水胡應麟明瑞著

七言律詩七十九首

余爲五岳之懷舊矣丙子冬將以計偕北上適少參王公自秦

中過訪爲余劇談蓮花玉女之勝且出諸登覽作見示恍然

如曳杖從公遊憩太華絕頂者不勝飛動之思輒賦七言律

四章

縹緲青天華岳西萬峯雲色繞丹梯行窺日月中華盡坐倚星辰太

白低陰洞古壇猶積雪斷崖飛瀑幾留題知君苦覓驚人句不奈清

猿絕頂啼

其二

五夜拔蘿到絕顛俯看城郭帶秦川擲將太華峯頭月獨聽終南樹

杪泉千里河山朝白帝九霄雲霧失青蓮探奇漫倚孤筇嘯咫尺瑤

臺是列仙

少室山房卷五十

其三

片片青霞屐底移半空岩壑轉逶迤悲風萬里來三蜀落日遙天斷

九疑渭水秋光猶殿閣昆池寒影自旌旗狂來健翮飛揚甚翹首寧

論謝帝遲

其四

歷盡飛泉到上頭白雲迴望滿皇州千峯不斷秦關色萬壑長懸漢

樹秋赤日陰森猿語亂蒼煙明滅鳥飛愁何因飄笠相從去醉踏蓮

花問斗牛

初至都下康裕卿李惟寅胡文父何仁仲朱汝修過訪

翩翩裘馬又長安握手風期尙未闌白雪舊知心賞在青山猶作夢

魂看燕臺日落星應聚函谷雲生氣自寒却笑五年江海上海鴻何

處不憑闌

夜同黎惟敬康裕卿胡文父何仁仲朱汝修集李惟寅宅得寒

字

握手

並看

河維

入詠

白雲

能不

才子

樹情

壇識

黃酒

峽霜

堪寄

一夜

尙存

堪共

落日

斗牛

陵萬

擊筑

駿廻

夫出

字

一夜心期握手中吳鈞寒色照長空
新愁紫氣重關外舊宅青山大
海東摧落世應疑斥鷃翻飛人豈
后冥鴻高歌翬向淮王席千載林
論桂樹叢

留別惟寅汝修

攜手都門話息機
筑傍愁見和人稀
千山積雪盧溝斷
萬里寒雲碣石飛
紫禁未前明主席
青門頻把侍臣衣
尺書何處堪相望
天地東南一少微

別祝鳴皋

砍地哀歌氣尚雄
十年詞賦與君同
琴聲一奏風塵下
劍色雙懸宇宙中
已信君不堪市隱
何來阮籍尚途窮
心期不道天南北
對握驪珠望彩虹

洛河舟中同裕卿文父作

羸馬風塵鬢色愁
一帆同下海門秋
星辰自合雷張劍
歧路真逢李郭舟
青嶂五湖寒並倚
白雲三楚暮爭流
支機滿袖瓊瑤在
不信銀河少室山房卷五十

河祇獨遊

寄大司空朱公

萬峯晴護草堂寬
帝許司空懸挂冠
兩鬢自應滄海白
寸心猶傍紫宸丹
垂天翼駐風雲繞
挾日鱗藏洞壑寒
不信涓瀾能久臥
東南佳氣滿長安

寄何內翰

彩筆翩翩奉紫宸
鬱葱佳氣滿平津
金門露映然藜客
玉座雲隨視草臣
司馬大名懸日月
賈生愁色轉風塵
情尊萬里論心夜
腸斷梅花驛路春

寄朱在朋鴻臚

神武秋風萬木殘
扁舟迴首隔長安
飄零敢挾齊門瑟
潦倒誰論魏闕冠
白紵纒遊伎舞青
萍長向酒人寒
傷心碣石談天處
寂寞雲夢裏看

登天津閣望海同康裕卿胡文父作二首

畫樓橫空海色開
一尊攜客上崔嵬
扶桑日傍千帆落
碣石雲浮萬鳥迴
採藥未應徐市老
乘風聊擬美門來
仙居咫尺蓬壺近
指點烟誰出草萊

其二

百尺闌干望未涯
寒烟遙護海門斜
羣峯亂吐崑崙日
登浪頻翻渤海霞
薄暮機絲鮫客館
中天樓殿羽人家
攜來並有玄虛賦
爲寄銀河八月槎

爲文父題匡山讀書處

面面烟霞護草堂
千峯遙墮子雲牀
琅函盡啟三墳色
玉軸新開一酉藏
藜火夜寒迴太乙
桂叢秋遠夢惟王
東林剩有逃名地
不奈聲華滿柏梁

薜蘿館爲裕卿題

縹緲烟蘿護石扉
幽軒十尺迴忘機
吟窺彩筆青雲墮
坐擁瑤琴白雪飛
洞口經春詞客興
山阿薄暮楚臣衣
深居莫訝時人識
徹夜寒光動少微

光動少微

竹在亭爲王孫貞吉題

清風何處洒琴書
面面琳琅雪雨餘
千畝畫園中散宅
萬竿晴拂子猷居
聲振淇澳來中坐
翠擁湘護碧渠尊
酒欲尋長嘯客
美人空谷正踟躕

同詹東園康裕卿胡文父集胡上舍館有贈

大隱何妨卜市廛
華裯長日擁嬋娟
吟餘河朔堪消暑
住久臨邛不記年
千里壯心慙騷櫜
九香寒色舞龍泉
長安此夜占星斗
半入荀陳座裡懸

送黃孔昭還七閩

匹馬何來自薊城
蘭皋攜手白雲平
長裾尙曳三峯色
短劍初回五岳行
夾岸帆檣漳水夜
中天臺觀武夷晴
離尊咫尺空相望
愁絕華陽社裏盟

艾都閩見過不值

飛花長日掩柴關小隊俄來曲巷間上客已驚題鳳去元戎誰共射
鳴還青天畫甲嚴城迴明月牙旗大海閒道漠南諸將在幾人名
姓動陰山

寄胡文父

潦倒公車記昔遊青絲白馬並皇州霜華夜拂高離筑雪片朝寒杜
甫裘一代風期誰獨往百年肝膽自名流相思餉逐飛鴻翼絲筆同
攜入詠樓

送王先輩還二華

匹馬言歸太華顛五陵行色暮飄然遊吳衛玠名偏重入越中郎賦
已傳白閣雲霞孤劍底黃河星斗一尊前無嗟片語天南北屈指看
花漢殿年

寄徐子與

車騎輝煌列上游幾年方岳擅風流西山萬樹浮官閣南浦千花入
郡樓授簡客知王勃在據床人憶庾公留毋誇石匣豐城畔振珮遙
少室山房卷五十

看接斗牛

寄李惟寅兼訊朱山人汝修

朝懸鵲印坐長楊胡虜平銷一劍霜射虎乍聞過灞岸飛龍猶憶賦
河梁丹心自照論兵地青眼頻輸結客場獨有夷門舊賓從偏從長
揖問容光

聞安茂卿遊臨安作此問詢

飛揚裘馬各遊秦拂袖俄驚海上春三洞稍酬新日月五陵猶記昔
風塵紛紛白眼空調世濩落紅顏已讓人問道如花仍共載若耶溪
色定誰親

喜滕公權任浙中方伯二首

叱馭遙看五嶺來雙旌薇省暫徘徊三朝驟起吹噓色十道誰先撫
字才赤日扶桑過露冕青山鄞海傍登臺詠歌豈獨東南信繞夜寒
光接上台

其二

南來海色傍旌旗猶似橫經越嶠時華省坐開新氣象青衿傳近舊
成儀籌輪九塞軍儲集珮壓二曹帝寵移屈指侯芭曾問字十年長
欽未酬知

送喻邦相之都下

卧掩衡門病色侵相逢詞客重開襟孤尊暫詫梁園集萬里仍趨魏
闕深風雨大江隨擊楫雲霄未暇待橫琴殷勤片諾他年事北望鶴
書巖水潯

送張明府移任江右

擁轡千家道傍飛書誰爲轉循良清霜乍徙朝歌署白雪俄深單
父堂柳色映蒼江浦近梅花入夢海天長極知百里非重借曳屣晨
看到尙方

中秋夜同諸君鎮海樓玩月

縹緲銀蟾落庾樓憑高一望海雲收千林露色天如洗萬井河光地
欲流大漠旌旗誰倚嘯長門環珮迴添愁追陪正憶羣公語莫訝胡
牀竟夕留

寄邊上友人

早聞詞賦擅西京更羨終軍獨請纓萬里旌旗分漢壁十年刁斗隔
燕城雲沉瀚海風沙起雪滿交河道路不堪笑故人猶短榻欲將孤
劍事長征

送人入蜀

離思翩翩把濁醪錦城西去不辭勞星辰夜拂張華劍風雨寒生范
叔袍三峽啼猿青嶂遠九疑迴雁碧天高蜀中形勝堪憐汝定把新
詩弔薛濤

送徐明府之瓊州

春花繚繞鳳凰樓襖被憐君賦遠遊風俗自分天外郡山川愁問海
南舟珠崖雲氣經秋斷瓊島波光入夜浮惆悵一尊芳草畔不堪離
恨對吳鉤

秋日送人之洛中

挾策辭君出漢關驅車晴色滿山川浮雲半落漳河水寒日斜分博
望烟龍劍獨攜星斗外鴻書遙寄雪霜前錦袍對拂雙蓬鬢猶是京
華旅食年

送中丞曾公之成都

使者新傳諭蜀章朱衣晴日下明光揚旌欲挂峨嵋雪拂劍還生
灑酒霜幕府夜談賓滿坐山郵朝發吏成行共誇僕射詩情在小隊時
能過草堂

花朝思伯邀同諸子集李氏園亭

綠野晴開一徑斜夕陽聯騎到仙家錦袍乍擁築園雪綵筆先飄漢
殿霞大麗春陰迥遠樹高城霜色墮清筇看花剩有劉郎興十載長
安鬢欲華

清源道中別裕卿二首

十日平原飲未闌更攜離色上征鞍浮雲萬里幽期隔明月千峯旅
夢寒片語久知肝膽盡深交那問鬢毛殘孤帆歲暮能相過風雪桐
少室山房卷五十一

江有釣竿

其二

幾夜風雲入倡酬一朝歧路挽吳鉤天懸大陸雙龍語霧擁寒山匹
馬愁憶戴未闌王子與登仙猶帶李膺舟秋期倘問垂綸客散髮同
看大海流

齊東道中

羸馬經行口草萊齊東遙望海雲開春光莒父層城合晴色琅琊萬
井迴纒屨自高陳仲隱飛書誰問魯連才遺踪九合俱零落滿目晴
花度野臺

懷史元秉李惟寅朱汝脩

浩渺春光接漢關金莖遙望五陵間詩成碣石人猶聚賦罷長揚客
已還碧漢鴻鴻堪並起青門鸛鶴幾同閒芒鞋莫問天台色萬樹桃
花照玉顏

同文父登泰山四首

百轉丹梯上翠屏天門遙望海冥冥幽燕北護諸陵紫齊魯東徂萬
壑青松色自插秦帝薶芝之封猶駐武皇靈殘碑七十俱塵土千載憑
誰問勒銘

其二

縹緲飛雲十八盤高臨回首盡長安青天萬仞樓臺立白日千重杖
屨寒若木煙光浮帝闕扶桑霞影落仙壇相攜並倚孤鸞嘯不向遙
空問羽翰

其三

獨夜行吟到斗牛關干遙倚碧天愁千峯日抱秦臺上萬嶺雲爭漢
碣流絳節先生羣帝語玉扉寒放眾靈遊吹笙不淺王喬興杖屨何
年更十洲

其四

面面芙蓉立紫烟石門丹壑迥相連遙峯霧擁星河出絕嶺天廻日
月懸玉碣尚傳司馬後蒼松誰問祖龍年相看十載沉冥意梁父吟
少室山房卷五十一

成共黯然

送文父還匡廬

涕淚江湖范叔袍相看愁色轉蓬蒿人歸廬岳千峯雨夢阻滄陽八
月樽酒醉蓮花傳般若窗前桂樹詠離騷臨歧漫脫干將佩斗氣雙
懸白日高

再寄朱大司空

玄圭曾告萬年功歸去堂間綠野中聖主自尊前尚父夷人來問大
司空吟邊駕引新調鶴臥裏車懸舊賜熊愧殺酬知長劍士白雲無
路到空峒

別李季宣

萬里澄江片月虛故人相望轉脚踰寒星欲墮張華劍遠道仍驅五
博車獨夜魚龍京口夢高秋鴻雁廣陵書花時好訂吳天約題徧樓
臺四百餘

同茅平仲登甘露寺絕頂作

天畔危亭綉扶並遊詞客總江湖千山雪浪吹樓殿萬里雲帆下
舳艫秋色平分瓜步遠暮烟斜合景陽孤興亡六代俱陳迹對倚西
風盡玉壺

重遊金山四首

海色迢迢四望齊孤峯突兀聳招提亭噓大壑千帆盡寺繞寒空萬
堞低天地對懸南北影雲霞不斷古今題憑高一片真堪畫縹緲樓
臺鐵甕西

其二

百尺危闌坐援衣白雲蒼霧滿禪扉天空一柱中流出日午層濤四
面飛秋色帆檣淮甸遠暮鍾樓殿廣陵微重來爲構焦君宅對狎青
山住海沂

其二

曳履千盤到上頭蒼烟寒梵滿清秋闌干曲抱孤雲色殿閣飛懸大
海流日落龍巖時自語風高鶴鶴晚仍留蓬萊咫尺堪乘興坐倚芙
蓉望十洲

少室山房卷五十一

九夢 卷 庚

其四

一峯塵外聳噴呖屹立青螺鏡裡看萬古乾坤誰卓錫三山海浪此
憑闌秋空屋氣連江暝夜久龍宮上日寒何處玉笙吹不斷五雲樓
殿滿長安

江右鬼父佳父二王孫以書翰見貽賦此寄贈

紫氣豐城望不窮雌雄龍劍拂長空持鴈並入蓮花社卜築同依桂
樹叢天際碧雲迴錦字石邊流水傍絲桐青帆咫尺堪乘興爲借滯
陽一夜風

寄曹山人子念

大雅曾聞郢客操蒹葭何處夢魂勞青萍夜曠吳門月白舫勝飛霞
澤濤海岳壯心藜杖遠乾坤秋色草堂高西風是處堪乘興相對蘭
陵把濁醪

寄朱可大進士

曾共長楊謁聖君一鳴龍種獨空羣形埒未捧千年日紫殿先傳五
色雲花氣上林春浩渺酒香韋曲晚氣氣酬知莫問馮驩飲片片霜
華落斗文

登臨安鎮海樓

郡閣冥冥霧雨開蓬瀛遙望氣雄哉千櫓畫扶潮聲下萬樹晴飄海
色來策石舊傳秦帝登還鄉初見越王臺高歌且逐乘桴客莫問安
期早晚迴

蘇君禹觀察抵武林以手札詩扇附李參知見寄且勸駕北上

意甚倦倦感事賦答二首

論文曾駐木蘭船按部長懷使者勞豈謂青衿還絳帳向從黃綬問
錦袍書傳大禹千秋穴賦湧靈胥八月灣不是輶軒頻顧盼桐君山
色爲誰高

其二

雙鴻迢遞問柴荆片鶴猶思下婺城祇愧烟霄動物色能從湖海擅
時名遺音空谷聞三嘆大樂明堂重九成莫向雲泥論出處乾坤何
地不堪盟

少室山房卷五十一

十夢 卷 庚

仲秋北上次武林謁大中丞滕師招飲賦謝

錦瑟沉沉夜未闌胡床明月坐來寒拍毫久愧門人籍仗劍重登國
士壇一壑龍門懷豹隱千山燕關話鵬搏青帆咫尺臨安路躡躡河
橋去住難

中丞滕公遣人舟傳送渡江賦謝一律

十年雲水斷風塵一爲酬知謝隱淪擊楫豈容高卧士飛橋聯作浪
遊人長康破冢應無恙逸少臨池合有神無奈夢魂秋色裡白蘋紅
蓼喚垂綸王右軍有
借船帖

別蘇觀察君禹作

曲檻迴廊玉署開高雲斜日共徘徊縱橫大筆生徒候慘淡長裾客
子來狂擬持竿眠漢闕老堪攜策傍秦臺查覈乞銀河去拾取支
機萬顆回

君馬病瘧二月餘余過訪不能數語情殊戀戀途中追憶再成

二律奉寄

一 柯蘆花正夕陽題詩秋色照河梁風驚宋玉三秋髮露池相如萬
古腸劍色飛揚聞海外琴心憔悴越溪傍途逢伯樂應相笑幾度墮
車阨太行

其二

雙字風雲逐彩毫雙絨雨雪問綿袍朱顏總為懷人瘦綠髻能無課
士勞歌徹四愁神已王篇成七發興逾豪何當一喚杖乘至萬疊吳
山望海濤

周元孚過訪見贈奉答時元孚方有南都司馬之擢

翩翩詞客氣凌虛朗潤周郎玉不如佐郡丞持三尺劍安邊類著萬
言書霞飄雞舌黃金殿霧擁螭頭白玉除四百樓臺春雨後看花何
地不停車

為周元孚悼亡

少室山房卷五十

七

夢

百珠明珠照畫樓閣中林下並難傷新詞盡壓周公瑾絕唱先傳宋
子侯落月素琴千里夢西風團扇十年愁亦知王母遙相憶肯放雙
成到白頭古樂府宋子侯有董嬌嬌曲

其二

十幅鸞箋麗彩雲雙飛龍劍惜離羣哀傷奉倚傾城語慟絕安仁祭
墓文夜雨乍堪琴瑟斷春風長憶珮環聞天台咫尺誰攜手落盡桃
花越水濱

送臨邛相移任雲間

剖竹新分大郡符朱軒華轂照行途雲驅五馬朝辭越霧擁雙龍夜
入吳重遣遺民歌麥穗盡搜奇士出菰蘆雙旌遍閱閭閻後醒酒能
過一陸無

夜登鎮海樓月色瑩然萬里如畫因憶王長公元美時方以司

馬應召南都

登壇初御黑貂裘玉宇無聲夜色流十萬貔貅環漢帳三千熊虎抱

吳鉤歌傳桃葉清江上曲奏梅花大海頭徒倚胡床乘興發不知明
月墮南樓

寄周元孚

含香猶是舊蓬萊羅馬長干定幾廻捐管客留鵝鵲殿吹簫人去鳳
凰臺黃陵吳日傳仙夢赤壁今時擅將材見說秦淮春滿座新詞何
限篋中裁元孚方失偶而主駕部事故有鳳臺赤壁之句

寄懷少宰趙公

衣冠何地不蓬萊大府晨趨百吏來壯笏雲霞流十廟浮查河漢接
三台牛頭寺古尋僧去燕子磯寒送客回屈指鹽梅飛詔下調羹人
在鳳凰臺

大司空潘公寄示河渠諸刻卒業賦此奉贈

巨軸高懸照紫霞平成功就世誰加渠通上國三千里堰護長淮十
萬家匝地甘棠偏捧露參天垂柳不霑沙傍觀漫自工萋菲白髮臣
心盡海涯

少室山房卷五十

七

夢

寄答劉君東孝廉時新刻乃族祖子高職方集成

遲近長安握別年清源一望路三千雙龍豫野偏藏匣片鶴潯陽未
放船玄草閣深天寂寞赤松亭古地蔥芊當筵朗潤真如玉為憶水
清夢寐懸

少室山房類彙卷五十

少室山房類集卷五十一

續金華叢書

漱水胡應麟明瑞著

七言律詩八十三首

余君房招同劉子玄胡孟發盛大父李季宣夜集言別

攜取靈光下玉墀
散裝無賴出關時
那堪水部梅花燕
却訂王孫桂樹期
青瑣環紅日近翠
微車馬白雲遲
惟應入夢君房筆
永夜同過越水湄

將出都丁元父過訪數四且貽詩餞別意甚惓切賦此奉酬

片語都門醉濁醪
黃金臺上共持螯
毫端並吐千秋色
筑昨誰當一世豪
紫陌天迴中秘遠
青山雲淨少微高
花期首探驪龍窟
肯著東方賜後袍

南歸留別胡孟發區用孺李季宣王罔伯王永叔黃季主馮咸

父金伯韶八子

陌上東風柳絮黃
胡姬相對一傳觴
空傳八駿來燕市
未許雙蛾擅洛陽
握手虹霓猶意氣
關心岐路獨文章
提攜競著南征賦
萬疊春山萬里航

山萬里航

贈莫廷韓

時名藉藉向風塵
索米長安歲未貧
囊裏欲飛三殿色
墨花長洒萬家春
茶烹陽羨過名士
酒釀臨邛醉玉人
莫怪相逢談太劇
洛中詞客舊爲荀

送陳玉叔大參之蜀

握手華陽別思濃
驪駒一曲楚相從
雄風七澤登臺近
積雪三峽問寺重
上客題詩留錦里
佳人攜手醉臨邛
亦知蜀道行偏易
惆悵河橋落暮鐘

同諸子集吳山人叔嘉館二首

一星隨客住長安
折東能開大將壇
自許合毫新賦就
誰論擊筑舊盟寒
千門北極雲中出
萬寺西山雪裏看
落落乾坤公等在
春明吾豈恨彈冠

其二

春光何處不徘徊
綠酒銀燈別墅開
絲竹東南傳勝事
冠裳西北盛詞才
吟呼片月甘泉下
坐引羣星太液來
拊取深杯酬今節
莫教行屐破蒼苔

湯養少過訪賦贈

看花吾汝又蓬萊
彩筆翩翩氣不迴
二酉再誇藏穴富
五丁重起伐山才
輝騰白壁過秦殿
色借黃金上薊臺
盛晚河東題賦就
春明門外共徘徊

懷吳大參

使車何處倚星躔
回首錢塘握別年
海國蒹葭停鼓吹
江城秬稻滿樓船
千倉轉運飛京邑
十郡催科息市廛
極目後堂絲管在
獨憑經術老彭宣

閻張助甫擢寧夏中丞喜而有作四首

燦爛除書出帝京
詞壇飛將舊知名
三河擁傳過秦塞
六郡吹笳入漢營
露布夜馳平樂館
風旗朝獵受降城
不須更問祈連道
谷蠡昆邪到處迎

其二

金甲光搖獬豸冠
玉門西度舊長安
黃河曲抱中丞府
絕漠孤懸上將壇
鎗控流星摧冒頓
旗寒大雪定呼韓
千烽夜靜天如水
一曲梅花上賀蘭

其二

匣底霞飛玉轡韁
壇前月出繡螭弧
中郎可問西涼俗
且父舊博望先開
大夏途今出材官
齊候馬吟成詞客
鼓呼盧亦知記室
多哀伏能奏儂家出塞無

其四

廿載登壇識劇緜
欣傳持節到涼州
風高漢壁初行塞
月滿胡牀獨上樓
驃騎三千呈角觥
蛾眉二八奏箏篋
青油豈少觀蕃與
日斷關山是隴頭

集劉金吾子大第作

驪馬春光上苑來華堂絲竹玳筵開
合杯四海俱同調授簡千秋各異才
縹緲長虹懸帝闕煥煌太白動仙臺
共誇此夕金吾宴肯信花前玉漏催

同黃季主金伯韶兩生過伯符宅時傅明府先在坐

殘雪初回萬井春一尊官舍暮留賓
抽毫太液多名士擊筑長安盡酒人
慘淡驥心逢處老飛揚龍劍合來神
盤中首蒼猶堪飽莫放仙鳥去紫宸

送盛山人泰父奉母南歸

風色蕭蕭散酒徒一簑隨處占菰蘆
將親南下非潘岳逐子東還是大如
殘月夜投瓜步遠斷霞朝擁石城孤
飛流百尺蘭陰下俯覓玄真舊釣糟

天津訪趙夢白邀同林登卿夜集并遲陶別駕不至

珠璣延閣集彩毫侍臣相對此持螯
雙星碣石盟初聚十日平原氣

並豪畫省白雲三輔色牙檣明月九江濤
論心是處堪長夜悵望王

祥隔瓊刀

夢白業留余為三日飲余勉歸解維辱
遣人追送百里并出橐

裝為贈賦謝此章

追權能復少年場意氣偏君重太行
脫劍青天明海岱抽毫白日動河梁
窮途欲憤虞卿屨絕塞翻疑陸賈裝
歸去故園蓬鬢在下機寧似出咸陽

暮登太白樓望岱宗題

闌干十二挂城頭百尺飛臺暮霽收
醉客千秋會上坐詞人萬里一登樓
天門月並長庚出日觀雲吞大海流
屈指蟠桃歸曼倩騎鯨八極問離愁

再過婁江訪二王先生二首

百里婁江路未遐丹砂重問葛洪家
飛花似識尋源棹古木如停上漢槎
織女機頭長日月秦人洞裏遍雲霞
相逢莫話河東賦一出春

明倫已華

其二

拂塵吳門一棹開尋真何啻入蓬萊
蒼虬欲傍造天下黃鶴仍看大海來
玉樹雙莖懸帝坐瓊花萬里落仙臺
亦知樵斧千齡易敢道平原十日廻

長公偶以小恙為余強起卧榻間隱几對談閱二晨夕迫歸告

別意殊戀戀再賦此

落日長松半榻懸科頭相對欲忘眠
無勞香積千人供默會維摩萬古禪
跨鶴共觀滄海上驅雞遙赴白雲前
由來肺病文園事贏得清虛是大還

舟泊橋李沈純父邀同陳茂才登烟雨樓

冷然清興逐菰蒲萬頃玻璃浸畫圖
水泛瀛洲環疊島山懸方丈插平湖
傳聲簫管時聞越倒影樓臺盡入吳
昏黑更須臨絕頂蚤知能賦屬吾徒

少室山房卷五十一

寄趙夢白計部

秋夜夢與夢白論文久之因寄
落月梁間夢寐懸風神猶憶對牀年
官仍大隱金門後帝問長庚玉座前
白馬看花孤閣舞黃龍飛粟萬家煙
他時倘躡虞卿屨醉舞平原十日筵

其二

佩玉初辭漢苑春鳴榔十月下天津
由來辨馬無先達誰道騎鯨不後身
雙關雲霞高隱吏五湖天地獨歸人
江東渭北論文夜愁絕邯鄲夢未真

寄余君房

中朝詞賦舊名家握手都亭興未遐
北極衣冠頻視草西陵環珮日看花
聽雞長樂千門月立馬新豐萬樹霞
却望四明雲霧裡少微星色傍誰賒

過崇德訪朱可大留飲呂明府園亭二首

握手天涯話舉杯河陽花色照徘徊
當年擊筑豪燕市此夜鳴琴坐

越臺龍劍千秋牛斗合羊裘萬里雪風迴雙鳥莫問王喬易爛熳恩
光漢闕來

其二

寒雲一逕入烟蘿斗酒相逢意若何捧日乍看威鳳舉垂天誰問大
鵬過千門樹色深桃李十里花香散艾荷經國文章吾汝在肯緣華
髮嘆蹉跎

送趙太史之留都

錦纜錢塘霽色開題詩先寄鳳凰臺投簪未許文園渴前席仍看漢
殿迴瓜步月明滄海近石城雲起大江來青藜豈獨仙曹借咫尺寒
光到上合

同喻邦相別駕話舊作

高秋帆挂大江東屈指清尊碣石同一去鴻書迷近遠重來龍劍合
雌雄錢塘雪捲千家白石屋霞生萬岫紅何限勝遊天竺頂與君携
屐待秋風

少室山房卷五十一

五

重來河朔問風流握手天涯各倦遊匹馬乍堪題柱返雙鳧曾是佩
刀留平分水月眠官舍獨古湖山坐郡樓簫鼓畫船君但飲至今人
美白杭州

楊思悅茂才招同沈侍御金觀察李山人集湖上得長字

蔭竹穿蘿一徑長誰專別墅在錢塘尊携北海千秋色座納西湖萬
頃涼上客風流元賈馬中林詞藻盡求羊棲遲十載談玄意白髮雲
天卧草堂

子念承父過訪同集喻邦相署中

斗酒山城薄暮開薄陰攜手一登臺白雲漠殿鳥雙下紫氣吳天鶴
並來席上雄心時慘淡尊前狂態各徘徊桃花滿路看明發遮莫青
萊洞口迴承父將遊天台

顧觀察維舟嚴水招集

斧鉞輝煌漢使才會同作賦上燕臺昆明萬里浮槎到嚴水千山列
座迴潮起魚龍窺鼓瑟月明烏鵲傍合杯瓊筵不是征西與肯許名

流達曙陪

夏日郭方伯沈侍御李祠部金大參招集祐聖道館四首其二

卷尾

駿骨燕臺事有無看花重入舊玄都談詩客豈唐供奉作賦人俱漢
大夫筑畔虹飛滄海近毫端霞起赤城孤何須遠緝平原約到處黃
公是酒壚

玉殿瓊樓坐太清追隨仙侶到蓬瀛天垂越國星文聚地擁吳山雪
色明嘯傲琴尊仍北海招攜環珮盡西京狂歌不信雙龍合匣底芙
蓉夜夜鳴

飄零華髮塞門迴結社錢塘闌草萊江左才情饒陸謝梁園賓客擅
鄒枚合杯象緯中天出握塵虹霓大澤來好爲湖山留勝事抽毫同

少室山房卷五十一

六

上越王臺

贈顧不疑山人

凝絕曾聞顧虎頭諸孫文苑尙琳球書飛白鶴霞光動劍舞蒼龍雪
色流獨訪秦封過秦岱遙探禹禡上岫巘玄亭寂寞歸來事乍許侯
芭一校讐

答卓徵父

相逢裘馬自飛揚握手湖山興欲狂俠比王孫居蜀郡人如宋玉在
高唐徵父美風儀千金再散名逾重百石纔沾意已忘不爽芙蓉涼
夜約月明簫管到橫塘

小飲楊思悅館

裘馬飄零漢殿迴爲君重上越王臺廿年蘿薜玄亭老一畝篔簹白
社開共醉不妨中聖酒先登誰是大夫才楊雲世業猶堪守莫美平
津到上合

題齋中五岳圖有序

余髫髯即有五岳之懷頃歲疾病糾纏尚平之興鬱焉莫遂
因築室曰卧游而繪五岳壁間每撫琴動操則眾山泠泠響
答岩谷几席之上白雲蒼然而生不知此身匏繫於塵世也
爰各綴七言一章俾同余所好者歌之

絕嶠橫空礙斗牛孤松百尺挂蒼虬中峯萬仞雲霞合巨壑千盤霧
雨流玉節恍疑青帝下金泥誰侍素王游飛龍爲訂扶桑約獨採紅
輪大海頭

右岱

王殿瑤臺跨紫氛雲璈霞瑟半空聞龍游尚憶重華駕鳥迹長留大
禹文翠岫陰森巫峽雨蒼崖明滅洞庭雲誰同躡屩尋仙去天柱南
頭喚鶴羣

右衡

杖屐明霞照玉杯黃河清洛互縈迴乾坤四望華夷盡日月懸混
沌開大雪恍留初祖卧飛雲如翮上元來三花爛熳吾將去爲憶當

少室山房卷五十一

七
夢
遊
廬

年絕頂栽

右崧

峭壁峻嶒霧雨愁明霞天畔削瓊樓金仙示跡猶存掌玉女含嚀未
洗頭大壑風生羣虎過飛崖雲滑斷猿愁何當盡掬黃河水濯足蓮
峯話壯遊

右華

絳宇琳宮跨絕顛大荒亭堦正蒼然懸崖盡壓胡天外峭吹平分漢
壁前雷電九霄摧裂石虹霓百道挂飛泉狂來欲趁搏鵬翼倚杖徐
看北斗懸

右恆

蘇君禹觀察過訪奉贈四首

魯國諸生望後塵爭傳瓊珮上星辰那知紫極攀龍客來訪青山抱
嶺人日射蓬萊雙闕曉霞蒸桃李萬家春長裾不厭他年曳首掉孤
航向七閩

其一

大憲頻年別武夷高牙仍爲白雲遲乾坤驟向論交合日月旋從握
手移一代文章明主問三朝踪跡世人疑狂來漸作襄陽態高唱銅
鞮岸接驪

其三

偷然一曲住岩阿十畝橫塘半若荷除地祇容凡鳥占垂天曾是大
鵬過傷心萬事歸玄草把臂干松在綠蘿東望扶桑豪興發欲飛椽
筆鬪銀河

其四

賦日初從漢殿題談天重上越王臺雌雄乍合雙龍氣牝牡那分八
駿材曳杖虹霓東海出披襟雲霧北辰來亦知傾蓋元如故可道淨
踪隔草萊

送司馬蕭公入都

奏凱千官夾道迎欣傳司馬入承明嚴兵立偃三千甲謝帝初迴十

少室山房卷五十一

八
夢
遊
廬

二營丞相經綸懸玉壘老臣方畧擅金城丹青細數凌煙上橫梁誰
兼大雅名

徐茂吳過訪賦贈

十載形容夢寐看江天雪色對盤桓貧如厭次長爲客渴比臨印自
罷官日湧虹霓雙劍聚天垂星斗一杆寒春風爛熳湖頭約萬樹桃
花覓翠巒

王司寇還自金陵寄訊四首

百辟衣冠餽道傍那雲色倚徜徉千秋職位符司寇一代文章擅
子長乘興已迴棹水棹遂初聊記弁山堂鱸魚正熟金閭外斜日秋
風盡意嘗

長公先任南司馬繼以
司寇歸故頗聯云云

其二

日夜丹青問草萊老臣銜命一徘徊三天澤降龍仍卧八極祥呈鳳
已迴劍佩諸真朝釋闕星鑄羣帝集璫臺從知六副扶搖上倚許初
平叱馭陪

其三

長干一葦破江烟瓜步千花照別筵
羅天白牛馴擾金田下玄鶴翔翔玉洞前
極目五城樓十二不知何路向梯仙

其四

咫尺行藏見大機
在飛核種西池桃已熟苗長東海蕨初肥
太湖萬頃家林外為報君王已拂衣

天恩勅賜為楊明府題

三策當年動草萊
馬來慘淡高風神武闕煥煌新命建章臺
家必子飛揚甚屈指龍光到上台

答陳司理汝立

誰人得似陳公子
承家雲霞明滅看天姥島嶼紫迴泛若耶
若問胡郎婚嫁事赤松原上近移家

贈楊明府楊為中丞滕公內弟
十載通家問草玄龍門愁望大江懸
樓遲在村醉賓日藉甚仙郎作今年越渚
蘋香迴岸曠吳城花色照鳴絃
由來百里非賢路屈指雙危帝坐前

喻邦相將還括蒼寄此
咫尺飛鴻墮草堂
水長玉樹過雲天
傳大海倚時以病留郡城得善洞簫者
朱在明過訪作

廿載重逢各鬢皤
月過竹逕談棋雙鶴下
陵任嘯歌

追寧問夜如何華陽社
逐浮雲散散水船將片

他鄉客百斛蘭

寄問喻邦相病時中秋前二日

咫尺牙旗越水頭
斗牛沈約病餘偏瘦損
虞卿書就任窮愁
生憎後夜雙谿月獨照胡牀入咏樓

陳王叔書來賦答
驚人曾親孟公狂
庭傍蔽垣夜醉三千客
荔園晴深十八娘
莫詫宦遊專勝絕
將因題賦入長揚

吳文仲與余訂約淨慈昭慶間屆期往晤則文仲尚未至也余
迫歸不能待意甚悵悵走筆寄吳
春風晨駕木蘭橈
慈遙參差玉珮紫朱陌
錯落金鈿照畫橋
惆悵美人期未得一節何處問岩峽

舟中寄別祝文學鳴臯

薊門秋色近何如
驅車形容漸老歸時
髮意氣偏慙別後書
為報武陵花滿目青鞋吾欲伴樵漁

過晉陵哭陳生穉冲

握手京華意氣投
玉樓溟海煙濤橫
赤鯉亂山寒霧擁
蒼虬吞聲欲挂留徐劍
蔓草何因識故丘

寄姚安楊使君

匹馬天南客夢孤
竹途草檄共看司馬
後題詩曾弔謫仙無
燕山越嶠空迴首
愁絕都門舊酒徒

舟過吳門奉懷王太僕元美祠部敬美兩先生

玉樹雙瞻漢苑才
上台草夢春生鴻雁
渚花香晴憶鳳臺
遙憐作賦登高處
萬里浮

時俱在

燕中

時俱在

燕中

時俱在

燕中

時俱在

燕中

雲大漠開

其二

聯珮翩翩碣石宮
騷家兄弟總稱雄
雲霄忽訝雙龍合
朔塞平看萬馬空
東觀圖書霞色裡
西園車蓋月明中
塵踪十載虛相憶
寂寞孤舟自轉蓬

夜同俞蔡二子集揚茂才館

一尊岐路暫追扳
詞客相逢鬢已斑
海內詩名誰白雪
人間恁色共青山
浮雲西北孤帆迥
明月東南萬壑閒
道是子雲幽興在
不妨頻夜扣玄關

寄燕中友人六首 有序

諸子皆燕市舊交
自余南還音問疏
必離索之懷日形
夢寐爰詩寄焉

誰向風塵問謫仙
相逢賀監自飄然
青春畫省追遊地
白首金門侍從年
柳色乍分燕塞底
梅花長憶嶺雲前
佳期慘淡瓊瑤隔
愁對孤

少室山房卷五十一

十一 夢 選 庚

城落日懸

右嶺南 黎惟敬

其二

江左曾聞第一流
攜書京洛幾同遊
風塵杜甫三秋鬢
湖海元龍百尺樓
染翰白雲飄野看
山明月冷吳鉤
狂歌寂寞當年事
何處逢人賦四愁

右吳門 周公瑕

其三

慷慨京華憶舊踪
交游南楚得元龍
新豐市裡三春酒
長樂宮前萬戶鍾
野客心情懸薜荔
故人肝膽托芙蓉
長安極目征鴻阻
愁向衡陽第一峯

右麻城 丘汝謙

其四

長嘯秋風問解攜
黃金臺上幾扳躋
霜飄鼓角中原靜
霧捲旌旗大白低
伴直每趨三殿曉
看花時出五陵西
相思共掛張華劍
莫負寒光暗鵝鴉

右秣陵 李惟寅

其五

天末寒風起暮秋
碧雲翹首倍添愁
石門俠客空彈劍
月下歸人已倦游
十里鶯花桃葉渡
半帆烟雨木蘭舟
攜家早赴青山約
寥落羊何阻唱酬

其六

把袂都亭木葉稀
陽關一曲轉依依
天邊劍拂長虹斷
海上帆侵暮雪飛
蘭杜欲初湘水汎
芙蓉新製楚人衣
相思可處偏惆悵
獨夜寒空望少微

送謝中丞入都

劍履輝煌入漢關
蒼生遙指謝公還
千營夜發鯨鯢靜
萬戟晴開虎豹閑
紫電朱旗分野色
赤霄華表近天顏
承明幾度看花暇
飛夢猶過海上山

不佞隸博士籍五載餘迴遊京師不為當道所知今歲采且訪

去迺辱督學滕公物色風塵擢之異等而月脫略師生問問
形迹青矜之過近代所無感德酬知輒復賦謝二首

少室山房卷五十一

十一 夢 選 庚

落魄風塵幾歲年
夜雲寒氣自翩翩
持竿欲挂珊瑚樹
挾瑟重登玳瑁筵
東部聲華唐閣裏
長卿詞藻茂陵前
無論國七今難遇
萬古夷門白日懸

其二

極目孤雲大海平
夕陽千里共含情
關前一雁凌秋起
匣底雙龍繞夜鳴
口散形骸元傲世
婕妤好容色豈傾城
酬恩亦是書生事
愁絕江淹賦未成

寄李環衛惟寅 詩鄉人以惟寅 貞燕中書至

十載長安道路分
傳書重覩信陵君
千行淚盡吳天雪
一字神飛越海雲
夜帳梅花孤鶴遠
秋齋梧葉片鴻聞
狼煙淨掃居胥外
好乞班生石上文

黎惟敬得告還南海過予 堂話舊信宿別去

著纈看君海上遊
白雲攜手問丹丘
中郎舊業藏金馬
內史新書滿玉樓
山水十年桃竹杖
關河千里木蘭舟
題詩莫向羅浮頂
片片梅

玉樓山水十年桃竹杖 關河千里木蘭舟 題詩莫向羅浮頂 片片梅

著纈看君海上遊
白雲攜手問丹丘
中郎舊業藏金馬
內史新書滿玉樓
山水十年桃竹杖
關河千里木蘭舟
題詩莫向羅浮頂
片片梅

花引客愁

春日韓使君過訪韓名邢憲亦
襄陽中州人

十二樓臺擁帝京一時才子最關情分符已奏淮陽績投簡仍追邾
下盟袖拂驪珠江月遠光生龍御海雲平狂遊轉憶當年態萬井烟
花宿鳳城

同諸友分賦臨安十景二首

萬松嶺

峭壁層崖萬仞開離離松色隱崔嵬雲排鐵幹蒼龍舞月滿瑤枝白
鶴來幾夜秋濤翻客枕半林寒影挂仙臺虛疑日觀煙霞古寂寞素
封半草萊

玉蓮亭

漱澗晴光一鏡寬漢宮羅綺畫中看風搖翠蓋凌波出霧洗紅粧映
日寒太液池邊香自繞若耶溪上采應殘莫教腸斷金陵客載酒重
過白玉欄

少室山房卷五十一

少室山房頌葉卷五十一

澱水胡應麟明瑞著

七言律詩八十三首

郭方伯以三詩見贈賦此奉答

新詩題贈遍瓊瑤握手龍門路未遙
姓字三朝傳岳牧風流一壑伴
漁樵芒鞋石室雲隨杖桂楫金沙月滿橋
極目錢塘秋漸爽一尊同賦大江潮

秋日張使君招飲湖上作

綠楊紅蓼半斜曛錦纜牙旗蕩澱紋
水面樓臺千剎繞波心城郭萬家分
洞當靈隱偏藏雪峯到飛來盡入雲
無限畫船秋色裏歸途風雨濕羅裙

送屠長卿北上

十日爐頭問酒頻春明迴首各風塵
朝攜一鶴還青浦夜扣雙龍入紫宸
霞色薊門供傲吏雪花天姥卧閒人
中朝手定明堂禮莫忘襄陽賦有神

陽賦有神

中丞蕭公自關中來越喜而有作

玉詔輝煌下彩鸞朱旗遙捲出長安
天南再擁中丞節渭北初辭大將壇
別墅談棋千障肅胡牀吹笛萬峯寒
西來小隊能多暇山色湖光次第看

顧觀察維舟澱水招同王承叔燕集追暮廼別

江天攜手一尊同錦纜牙旗夕照中
十日平原今再見千秋河朔定誰雄
渾疑白社開薇省共向青山覓桂叢
寂寞黃金臺上事西風吹墮北來鴻

送唐刺史之洛中

分符新命下明光坐擁單車赴洛陽
六載風期懸夢寐一時聲價動循良
先春苑雪飄行蓋薄暮嵩雲到訟堂
絕頂三花尋少室何人相對話胡郎

送吳文仲入都

片語溪頭問鵬冠驪駒催發向長安
金華洞壑神仙吏玉殿星辰侍從官
東漢循良傳賜履西曹詞賦接登壇
嘉隆數子盟仍在肯放陽春屬和難

司馬汪公伯玉拉余過海上訪兩王先生適司馬張公有父同

日至留集舟園者三宿澹圃者再實一時之盛事因成七言

四律紀之

名園樓閣麗丹青握手千秋意氣饒
日月雙懸婁水近星辰羣下越臺遙
探書題柱俱司馬飛鳥吹笙並子喬
獨有侯芭長寂寞玄亭相對髮蕭蕭

其二

秋光何處一尊同十畝平泉眺望中
鶴駕並留島上龍泉重合大江東
星懸析木三垣紫日擁扶桑萬界紅
矯首乾坤才欲盡那知人在閩閩宮

其三

飛僊環珮人蓬萊木落霜清萬象開
宇宙文章傳四子木南名勝屬三才
淹仲嘉同集丹成鸞鶴中天下樂奏
魚龍大海來七十二峯雲霧裏憑將
奇句勒崔嵬

其四

屈指詞場大業新軒軒離合並傷神
重逢洛下合杯客半是華陽授簡人
一代風期留管鮑百年金石聚雷陳
相看忍賦河梁曲荏苒垂虹挂月輪

贈王瞻美

玉樹王家並寡儔翩翩羣從見風流
烏衣不愛諸郎坐白帽偏從一美遊
婁水秫香晴荷鋪石湖花暖夜維舟
怪來雙燕頻相認玳瑁堂深貯莫愁

王宗伯督學招同張汪二司馬王長公次公洪山人汪太學同

集園亭賦

十載玄亭夢一休過登龍此日並羊何
關前紫氣飄槐棘海內蒼生問

裴我一代文章諸老盡三朝禮樂二難多亦知元禮門風在總爲名
流到綠蘿

重九舟中懷汪司馬

何人同賦仲宣樓爛熳黃花引客愁一片秋光隨越舫萬家寒色到
吳鉤波濤震澤神龍過日月天都彩鳳遊依舊六橋荷葉滿不堪明
夜大堤頭

送徐觀察之嶺北

繡斧朝持出漢宮提兵遙赴粵臺東三江雨色雙帆靜五嶺霜華一
劍雄虎帳分宵延上客貂裘移日候元戎胡牀不淺登樓興萬里遙
瞻碣石鴻

陳觀察過草堂余適遊金華山中不值

西風遙駐越江船竹逕深慚問草玄星斗乍看題鳳日雲霞長護牧
羊天秋明斧鉞羣山外夢隔旌旗一水前莫詫雁南風景絕平津開
閣候登仙

少室山房卷五十二

三

虞

送徐方伯之江右

飛動襜帷出帝京漢庭才子舊知名驚風蠶澤揚帆下落日匡廬攬
轡行鐵柱蛟涎秋盡洗石函龍氣夜雙明爲知到日滕王宴四座爭
攜彩筆迎

閩中謝文度以詩及新集見貽賦答

一函飛雪下江魚慚愧同聲驟起子松菊滿栽彭澤徑蓬蒿深葺杜
陵居乾坤萬事懸車外日月雙峯伏枕餘不遠龍門堪汝過幔亭雲
色定何如

題徐大參瞻雲堂

負郭新看一逕成金華山半入簷楹喬松不斷瞻雲色寸草長懸愛
日情檻外翔鳥餘涕泪樓前馴鵲動悲鳴莫言遺恨終天抱屈指徵
書下帝城

顧觀察益卿過訪

衡宇飛花暮不扁傳呼車馬到林垞何來海岳稱同調是處乾坤閱

獨醒一水沂拖楊子白千山遙墜夜郎青莫言寂寞楊雄臥旌節分
明駐草亭

題凌使君別業

別業吳山之上
用使君前作

五畝青山自結廬欄干十二坐幽虛烟蘿地近楊雄宅水竹天成杜
甫居海色千家潮落後湖光萬頃月明初飛花遶徑誰相過一卷黃
庭石上書

送徐大參入都

飛旌長夏問京華紫氣蒼茫越水涯南國芝蘭初映日西秦桃李並
成霞三朝吏績推前輩一代儒宗見大家翹首秋風天闕近夜看牛
斗落仙槎

嶺右張使君開園城中臺榭池沼皆桂也絕處予聞竊嚮往

焉賦得六題

露殿長空片月流闌干十二倚丹丘千山霽色飄銀殿萬頃寒光抱
玉樓曳杖逾疑天柱過吹笙長憶廣陵遊當筵莫奏開元曲燦爛星
河落翠裘

右清虛閣

曲曲雕闌面面霞何如蓬島問仙家客來精舍談雙樹人倚名園坐
百花翠合暮雲流藻井紅分朝日土簷牙啼鶯、徑壺觴在長伴羊
裘閱歲華

右叢芳館

疊嶺高盤挂夕霏雲光霧色亂侵衣雙鸞夾漢青疑墜萬鷲摩空翠
欲飛北望星辰懸帝座西來水石護禪扉他時倘共商山客日荷長
鏡賦采薇

右鳳台嶺

噴玉千尋望轉奇平開十畝漾漣漪閒花弄色全依砌古木叢陰半
入池雲合四山龍起夜露濃三徑鶴來時吹笙自是神仙客翫逐雙
鳧到鳳墀

右來鶴池

右來鶴池

漾水微茫漲碧空佳期誰向大堤同水輪兩岸飛明月玉柱三天駕
彩虹殿閣半浮朱舫外笙簫時出畫闌東宜人最是新秋色十里芙
渠一夜風

右霽虹橋

突兀羣峯倚碧臺如登方丈入蓬萊天垂象緯三辰列日射雲霞五
岳迴幾夜漢槎孤泛到何年秦策並驅來從知帝夢思良弼莫訝商
岩產異才用傳說

右三台石

送顧觀察之薊中二首

白羽初停越水湄形庭北顧聖書馳清霜八郡飛長戟積雪三邊照
大旗異代勳名麟閣並生平骨相虎頭奇新翁魯蒲荷熟誰共裹
陽醉接羅

其二

銅柱威名播粵都樓船勳業遍江湖行邊首定周王策出塞新分漢

少室山房卷五十一

王

使符倚劍蒼龍鳴涿鹿揚鞭白馬照飛狐從知幕下多詞客彩筆班
生定有無

寄歐楨伯水部

時嶺人以被伯陵書至

明時大隱謫仙來紫氣千門建業開幾夜獨吟鳴鶴觀何人同上鳳
凰臺楊花拂雪壘頭臥桃葉乘潮渡口來莫問羅浮峯四百一官原
合近蓬萊

方伯滕公起任嶺南喜而有作

十載蒼生望未平雙旌遙赴越王城朱明洞啟霞光待大庾山將雪
色迎四岳軒輶聊海甸三台劍履漸承明新題滿勒飛雲上銅柱誰
誇漢將名

寄易使君

獨把芙蓉越水湄青衿長憶問奇時虛疑剡曲帆來近轉愧延平劍
合遲指顧風雲隨八翼踟躕歲月上雙眉青山萬疊黃堂外杜芻誰
同望武夷

聞王長公元美再起南都司寇走筆奉寄時有傳長公已出者
爭傳霞佩出蓬萊紫氣關前鬱未開金液好探龍虎地玉笙聊試鳳
凰臺先秋列叟乘風去後夜王郎挂雪迴林屋洞門元咫尺不妨瓢
笠蹇徘徊

憶燕中元夜與朱十六重三安二一縱遊長安陌上今倏十載矣

山館寂寥再逢茲夕感舊賦此

鳳輦鰲山出上京長安宮闕暮雲平干枝火樹宜春苑萬炬金蓮不
夜城艷舞嬌歌游客醉靚粧華飾麗人行江樓此夕頻搔首飽看梅
花上月明

歐楨伯南歸過訪賦贈

四十年操秋苑盟秋風遙起挂冠情羅浮絕頂雲上庾嶺歸途踏
雪行海岱名流誰並數嘉隆詞客半同聲朱明洞口攜尊日首探梅
花寄越城

贈郭隱君爲思清孝廉作

少室山房卷五十一

六

大隱華陽不避喧謝家庭砌盡芝蘭西池鸞鶴扶雙壽東壁麒麟抱
二難紫綬定加萊子服青藜長伴竹皮冠八千歲月盡椿在一誦道
遙興未闌

送朱孺子還豫章兼寄宗良孔賜鬼父佳父四王孫

蘭陵新綠乍吹酷指點銀鉞爲客開雙劍夜持南斗出一帆朝迴大
江走鶴雛五色凌霄翅龍種千金歷塊才羣從兔園應汝侯彩毫齊
拂豫章臺

江右來相如過訪同唐惟良夜集分冬字韻

嚴陵長日候孤筇底事芒鞋雪後逢結夏西湖眠菡萏高秋南浦落
芙蓉人如司馬名堪借客比梁鴻姓易重把臂舊游肝膽在接離那
不醉雙龍

敬美使君再起督閩中學聞將于歲杪暫出寄訊

重飛天詔出彤墀特許看山出武夷雙鳥恍疑雲際現片帆剛待雪
中移七臺高步穿林遠九曲長吟破浪遲珍重紫陽遺墨在好將椽

筆關淋漓

張使君招飲舟中作

五馬喧傳激水傍
合杯猶記舊高陽
自呼南郭幽人至
相對西臺御史狂
地挾雙流紫畫舸
天垂千嶂落胡牀
接離顛倒休辭醉
同是當年白面郎

題少玄宗侯冊

玉檢金泥出太常
桐圭花萼遠相望
西園車蓋邀明月
南浦樓船泛夕陽
免苑登臺無俗客
龍沙開閣有賢王
張筵可解呼王勃
爲聽鳴鑾入豫章

孔陽得王中丞所貽西僧自焚灰像因立精舍奉之乞余作詩

先是惟敬承叔諸君咸有題咏遂繼七日一律

精廬何自布金銀
白足西飛事已陳
鹿苑乍施焚後像
龍池重現劫前身
空門色相元無住
淨土莊嚴合有神
欲起丹青看舍利
摩尼長照大江濱

少室山房卷五十二

送喻邦相吳文仲試士省下

畫舸齊飛激水頭
潮聲八月下杭州
懸心兩地桃花色
縱目三天桂樹秋
日上朱衣晴鎖院
虹飄彩筆暮登樓
無勞石匣占雙劍
並識龍光在斗牛

將過婁江奉訪王長公先東二首

西風船下越江湄
恍入三天問路岐
雲滿大羅朝宴日
雪飛中岳夜來時
千秋一鉢勞先贈
萬里孤筇愧後期
笑殺盧敖遊汗漫
丹臺咫尺是蓬池
公與余相聞問十載餘數訂期未訪以病不果今秋北上實以踐此盟云

其二

片刺飛揚國士情
登龍迢遞闔閭城
一身海岱依元禮
雙眼雲霄屬正平
下里乍堪酬郢曲
中原能許問齊盟
莫言把臂詞場晚
躡躡天門象緯迎

初至曇陽觀訪長公作二首

龍象煥煌列大清
鳳簫時落步虛聲
千靈劍佩朝拘翼
七聖輜軒候

廣成王母宴時香霧合
上元歸處片霞明
騎羊莫問關前客
石室初平是姓名

其二

絳宇瓊樓壓巨鰲
扶桑晴翠落飛檣
攀雲頓覺蓬壺近
望日猶驚泰岱高
面貌諸天曾省識
風神八極共遊遨
含毫小畢千年事
長侍方平醉玉桃

次公於曇陽觀傍新構澹園落成適余過訪留宿其中敬賦

青牛西去定誰從
賦就歸來學老農
醉白堂成初養鶴
草玄亭啟一登
龍機雲落下堪同
住梁孟臯橋欲借
備深夜曲關池上月
萬峯林屋浸芙蓉

又題澹園一首

築宮猶自傍曇陽
空觀惟應侍法王
楊子門庭長寂寞
文殊臺殿盡清涼
鳴鐘震旦紛華過
就枕邯鄲障業忘
不見西方真樂地
玉蓮琪樹遍金堂

少室山房卷五十二

小飲曇陽觀中呈兩王先生作

十年書札滿林臯
先後青雲識彩毫
海內文章司馬擅
洛中才望士龍豪
一珠投處開塵榻
雙壁聯時坐綰袍
餘興正在那得盡
雪花從振剌溪濤

次公携酒招遊弁園山池登縹緲樓二首

縹緲飛樓逼漢開
河山四望轉崔嵬
石驅瀛海千峯立
池劃昆明萬島迴
曳杖星辰千帝座
吹笙雲霧遶仙臺
莫言緱嶺堪忘世
指點遙天鶴馭來

其二

層臺飛觀曲相連
彷彿丹梯象外懸
半壁霞生林屋底
八窗雲起洞庭前
龍鼉岸圻藏山夜
烏鵲橋成疊石年
醉望玉樓天尺五
帝閭誰召筆如椽

再別元美長公

乍喜平原十日留
征塵俄動鷓鴣裘
南宗敢謂傳衣去
北塞翻同躡

躑躅雙水二大雲霧擁華陽萬里雪風愁春花定約漁舟入相伴素
源到白頭

寄王次公敬美時方辭督學越中之命

飛詔東來鬢未皤白雲深護洞庭蓑乍堪霞佩遊高閣肯戴星冠出
大羅紫氣昔緣關尹住蒼生今奈謝公何惟應一伸心偏契早訂風
期在薜蘿

過橋李懷沈純父

從軍何處覓封侯落盡梅花倚刺緜五嶺雪深楊僕成三苗雲合尉
佗樓登壇大業窮猶擅伏闕雄心晚定酬一事爲君差快意絲衣無
恙住儋州

登甘露臺望金焦作

登嶺嵯峨到碧天攜壺秋色暮雲前樓高北固三千丈殿鎖南朝八
百年雁鶩驚飛吳苑笛魚龍亂語蜀江流乘風恍惚憶銀河去拾取金
焦石二拳

少室山房卷五十一

鳳凰臺懷李白題

百尺危梯上紫烟層臺十二鳳遊年天宮楚蜀千橋下地夾淮滌萬
井懸睥睨白雲高閣底闌干紅日大江前謾誇黃鶴樓中句今古長
庚合並傳

訪李惟寅話舊作

一賦河梁事事慵秣陵關下見扶筇歡心兢作逢時態把臂頻看別
後容萬戰天都環虎豹孤航水國釣魚龍亦知不是封侯骨豈學河
汾謁九重

同張幼于潘象安集李臨淮卽席作二首

斗酒平原話各天深杯猶似夢中傳青油獨坐元戎幕阜帽羣趨上
客筵五夜歌聲桃葉底十年容鬢菊花前抽毫忍和飛龍曲月暝長
干是去船

其二

六載華陽賦別離臨淮此日見旌旗悲涼白髮談兵夜宛轉紅顏任

俠時萬戶侯真誇燕領九天人欲問蛾眉桃花爛醉春明眸一騎旋
飛到習池惟寅已見二毛
余亦安仁之歲

獨遊燕子磯作

曲檻危欄霧色開憑陵飛閣駕蓬萊江山上下千門入吳楚東南萬
舳來吹浪龍鱗銜日起摩雲龍蜃挂天迴凭高莫問前朝事巷口烏
衣半綠苔

奉贈大司馬潘公

孤子功成帝眷馳老臣銜命出彤墀千門月靜留都鑰萬寵霜清白
下旗賓客南樓頻擁擁生徒東閣盡裁詩極知吐握姬公念躡躅河
梁問路岐時公屢我意惟寅欲余一見
余北上期迫甚遂不及奉謁

題留餘堂爲潘大司馬

朝日堂開雪水濱崑山入坐照嶙峋曹官顯非先世駟馬賓多屬
後人綠野雲蘿長護色平泉花木盡含春謾將七葉誇門第百代勳
庸屬老臣

少室山房卷五十二

壽陳茂才

一經垂老意何如聞道元龍氣未除鹽齏幾裁文學論金銀透問武
夷居七臺紫霧飄藜杖九曲青霞候草廬莫謂漢庭方貴少蒲輪旦
夕有徵車

真州逢李季宣

短棹東來不厭遊吹簫彈鋏下揚州風塵作客誰青眼海岱論交尙
黑頭蒹葭野長虹干驛路秦淮明月萬家樓相逢合在華陽賦大有荆
高佐酒籌

泊廣陵懷顧益卿

秋風騎鶴向天涯路人楊州與轉還客登樓懷玉樹何人開觀出
瓊花壇前橫架三千幟橋上吹簫十萬家笑殺紫微今夜醉布帆無
賴宿蒹葭

聞沈純父將還寄

南過銅柱絕風塵北望金門戀隱淪萱萑花前千里客桃柳樹底十

年人駢鸞雪擁名山色驅驪雲開大海春問道天雞來旦暮可令宣
室遲孤臣

寶應碧霞宮宏麗甲天下其後玉皇閣高寒特立環以大河東

望淮海莽蒼無際余維舟其下登臨竟日恍然馭風遺世之
想爲賦二首

積翠中天勢欲翔分明臺殿到扶桑雲霞上下飛丹壁日月東西抱
畫梁座裡黃河干船聚毫端滄海一盃長祇今誰識宣城句搔首騎
龍入大荒

其二

斗畔危梯百尺懸岩巒飛觀盡層煙長惟蜃起朱闌外大澤龍吟碧
檻前抱瑟湘靈時自舞吹簫秦女欲誰憐却思香案曾爲吏白晝蓬
萊絕頂眠

明上人居少林三十餘年以遊方海上說法于通玄禪寺余從

大眾諦聽異焉造室玄談遂至丙夜詰旦留詩爲別且訂後

少室山房卷五十二

十一

期

冷然飛錫下西方久住名山侍法王持以毒龍歸藻碗談經馴象過

繩牀諸天日月千花供大地山河一葦航我亦宿生稱大士相隨七

佛起禪堂

佛大士
金華人

其二

崔嵬臺殿入清涼月色天香對坐忘洗鉢師能容姓字留衣吾欲廢
文章纔參雪竇人天近共指雲門客路長計日靈山攜杖去白牛車
畔問慈航

浦上懷古寄喻邦相

酹酒遙當百戰塵彭城山色大河濱攀龍北極非無客逐鹿中原定
幾人雪浪呂梁飛一舸日華芒碭駐雙輪登臺苦憶神仙吏擊筑歌
風望紫宸

次夏鎮謁朱公新祠

巖嶠宮牆跨海隅鬼峨廟貌鎖清虛天開雄鎮猶名夏地擁長堤並

接徐疏鑿歲深頻想像平城功就幾踟躕丹青且暮思良弼倘爲蒲
輪到玉除

寄黎惟敬

辭官不棄上陽鍾結社遙當四百峯仙子衣裳餘白鶴詞人環珮隔
蒼龍羅浮樹裏雲千色大庾花殘雪萬重縱是寒梅難折寄可無書

札慰遐踪

惟敬晚年自
稱白鶴山人

懷滕方伯先生

矯首玄亭憶問奇海天愁絕雁來時清宵跨鶴還方丈白晝鞭龍上
武夷舟楫尙迴明主夢衣裳遙赴大羅期星河未吐吳鉤色十載寒
光佩陸離

初抵都下馮咸父以詩草見貽賦此奉贈

紛紛才子競談天入洛何人最少年賦就三都吾欲老吟成七步世
爭傳呼盧雪照咸陽市握麈虹飛碣石庭寂寞焦桐絃絕久爲君重
拭漢宮前

少室山房卷五十二

十一

同社諸子招遊顯應觀閣得臺字

夾篠千林蔽綠苔飛樓百尺上崔嵬山前華岳蓮花並嶺學淮南桂
樹開隔坐三天懸帝闕凭闌七曜動仙臺君平此夜成都卜應怪乘
槎客未迴

題陳玉叔雪坡草堂二首

平坂飛翠立羣巒大隱新開十二闌秀色迴當銀闕墮清輝疑傍玉
樓看歌成郢國千花聚賦就梁園萬竹寒何似一舟乘興去閉門三
日臥長安

其二

城隅一曲抱滄浪有客新栽薜荔裳檻外漁舟迴七澤座中龍笛到
三湘松花暮合陶潛里草色春添杜甫堂莫向峯頭歌白雪夜驚神
女出高唐

答屠長卿

風塵攜手 茫然恍惚西湖載畫船六載蒹葭懷玉樹萬家桃李奏

水紋雲驅赤驥燕臺下電繞蒼龍魏闕前莫羨初平能辟穀養霞會
謁大羅仙

再贈長卿明府

繽紛詞客盡西京赤幟誰持大將營司馬賦才元絕代文章詩律舊
長城霞光若木飛三島雪色扶桑射四明漫向石函占紫氣雙龍齊
傍薊臺鳴

幔亭雲氣圖壽陳徵君作

當年詞筆擅靈光白首青袍厭舊行曳杖少游行下澤吹簞仲舉在
長楊庭前玉樹森蘭桂闕下瓊花憶棣棠笑指幔亭歸路近鐵船高
繫白雲鄉

澗水胡應麟明瑞著

七言律詩七十三首

夜同祝鳴皋話舊

玄亭遙夜一尊開，握手青衫氣未回。擊筑幽燕人漸老，看花韋杜客重來。千秋彩筆雙驚座，萬里黃金獨上臺。笑殺公車成偃蹇，仍將詞賦入蓬萊。

答何仁仲見寄

曩與晤于都下

白眼雙攜向濁醪，平原十日興偏豪。千金客邸新龍劍，五色王家舊鳳毛。赤壁蕭橫雲夢月，黃陵帆落洞庭濤。持螯一醉堪名士，何用牀頭著楚騷。

贈張觀察助甫四首

有序
不佞與張公助甫相慕有年矣，長安邸中邂逅識面，宛如生平旋出素業，揚扈指歸語契，合肝膽形骸幾欲為一昔人。

少室山房卷五十三

其二

亟稱忘年交，蓋未足多也。爰賦四詩，用志鄙懷。
夢寐中原問執鞭，橐鞬此夕快周旋。星冠碣石談天座，月擁梁臺賦雪筵。造父馭來俱駿骨，風胡攜處總龍泉。無誇片諾乾坤易，屈指詞場二十年。

其二

羸馬西尋易水來，和歌無客自徘徊。翻疑地遠荆高俠，豈謂天留屈宋才。八郡河山開氣象，七陵風雨動崔嵬。從他令尹關門候，縱飲黃金百尺臺。
時將有寧夏之命

其三

臨風何處不支頤，邂逅平原即故知。紫氣坐間中岳近，白雲停處太行遲。先登獨著三朝望，後起猶攀七子時。醉解吳鉤君莫笑，十年虹色伴離山。
助父汝南人，以西觀察人觀

其四

一尊岐路去，仍留唱徹驪駒下。酒樓西日萬山懸，晉冀北風千里度。

燕幽詞臣欲傍，寒惟老壯士難禁。擊筑愁最憶故人，關右句牙旗金印坐邊頭。
敬美曩送助父有金印牙旗君好住之句

別殷無美

桃花紅照白綸巾，去住陽關各慘神。杜宇競催題賦客，伯勞如送和歌人。何慚駿骨還青海，獨探驪珠上紫宸。四十成名君豈暮，九重開閣在平津。

王季孺過訪寓中值余偶出詰旦往報季孺已得第遷居矣

十里名山一抱琴，那知車馬到同心。徘徊凡鳥題空谷，悵望遷鶯隔上林。太乙爐香三殿迴，平康絃管萬家深。木天咫尺羣公聚，獨有莊生尚越吟。

湯義仍過余適余命工櫛髮欲起義仍亟止余對談竟櫛因相顧大笑出竹林風致何必晉人，俄余鼓柁南歸與會相思輒有此寄。

有此寄

散髮逢君易水頭，紅塵紫陌並追遊。狂呼楚客青絲騎，醉擁胡姬白玉樓。三館地堪容執戟，五湖天欲問歸舟。江聲月色能相望，九月鴻書到敝裘。

少室山房卷五十三

別章陳二進士

龍樓春色暫徜徉，滿袖桃花越客裝。望裡黃金高碣石，行邊白璧照咸陽。雲沙西北雙芒屨，象緯東南一草堂。君自乘車吾戴笠，暮天長揖下河梁。

別劉仲清

盧龍寒色暮蕭蕭，指點黃金半寂寥。廿載聲華傳岳牧，宿生緣業在漁樵。塵埃擊筑千山動，宇宙藏書一壑遙。無限涓城杯酒思，行人車馬出河橋。

別朱汝修祝鳴皋

一萸重問舊漁磯，回首桐君賦式微。客路千山明月老，親闈萬里白雲飛。幽燕姓字窮先輩，吳越行藏舊少微。莫怪荆高攜送遠，春明門外和人稀。

贈濟上張公子

飛霜匣底曉曉寒飛瑁堂開白玉盤
豪士扶風新閱閱儒風曲阜舊
衣冠當門鳳尾俱成竹後院蛾眉欲夢蘭
肯許四明狂客醉一尊河
斗任闌干

贈美計部仲文

蚤向龍樓奪錦袍含香覽輟下仙曹
牙槽十道催燕餉畫戟千山醉
楚醪芒碭龍蛇閒大澤呂梁魚鱉靜
飛濤莫誇戲馬前朝句今日登
臺屬俊髦

懷大中丞滕公二首

雨露經時竭海壖東南民力兩茫然
潢池驟喜驚波息沃野重看化
日懸氣象三垣元拱極勳名八柱已擎天
丹宸蚤夜思良弼肯放歸
畊下澤田時公方上疏乞休不允浙中類賦饑饉復當多故兵民帖然公之力也

其二

十年塵土快遭逢碌碌慙爲國士容
業在祇應捫薜荔恩深何處効
少室山房卷五十三

三

芙蓉寒風海甸驅千鱗曉日天門扈六龍
獨有夢魂長戀戀夜隨征
雁過吳峯

與朱在明訂期江上十年矣是秋北上余復病不能赴約走筆

寄此并詢諸郎

彩筆翩翩照畫樓青春曾賦廣陵潮
誰言魯國流風盡自許夷門俠
氣饒白髮懷人猶四海紅顏結客已三朝
成行玉樹堦庭下可記當年抱阿瑤
君在明初得子日余與黎惟敬諸君咸集坐中惟敬以阿瑤名之

復作此戲東在明二首

馬馱沙長一棹遊朱家十六最風流
屏前小小初勻額畫裡眞眞欲
點頭客到玉臺花似綺人歌金縷月如鈞
參差已盡浮生樂獨欠銀
河問女牛

其二

象枕牙牀白雪騎畫樓朱閣暮雲飄
能將鸞鏡排高髻肯惜驩臨換
細腰桃葉盛誇三婦艷蓮花差比六郎嬌
在明行第十六貌不何因甚揚而風度致佳

驟發觀濤興來聽揚州月下簫

夜泊京口懷李惟寅
金釵十二迴成行彩筆三千照畫堂
座裡新霜流漢閣尊前明月滿
胡牀簫橫赤玉元戎醉拍按紅牙上
客狂一片秋光渾似畫燭燒銀
燭理霓裳時大江明月如畫因憶燕中舊遊寄此

夢遊白下遇朱十六鴻臚

一枕黃梁白日懸西風遙上木蘭船
江光翠落千門底山色青浮十
廟前酒壓吳姬春似海香消盧女夜如年
何因喚取朱家俠盡出紅
粧玳瑁筵

病中張別駕以新粟見餉賦謝

昨日江風大放顛六花成陣月明前三
漿錯撥天人供一飯眞逢地主賢
郭里寒光飛白苧河陽春色弄朱絃
殷勤爲訊文園客可是登
臺作賦年

贈余明復水部

青牛黃龍駐彩旄牙檣錦纜照宮袍
當今學士誰山斗自昔文人擅
水曹象緯中天流說劍雲霞絕壁墮
揮毫他年勝蹟留孤艇肯讓登
仙郭李豪

舟南返感謝二律

大司空潘公馳驛夏村時不佞卧病舟中公特使相存且爲覓
崛起東南見偉人行藏咫尺動星辰
丹心自許乾坤業白首誰稱社
稷臣擁傳百川勞灌注持籌萬國待
經綸遙知夏后功成日燦爛玄
圭出紫宸

其二

華夏勳名二十秋大臣風節迥難儔
扶天歷捧三朝日鑿地頻安四
海流九塞飛芻停帝關八方輸粟湧神州
他時名姓麒麟上肯讓平
陽第一籌

其一

夏邨病劇不能北上而返有懷大中丞滕師

國士知從最少年飛揚騰踏擬無前
何難虎觀名三百總爲龍門路

八千太白東南孤配月長虹西北遠連天無慙老作楊亭客白髮猶堪侍草玄

再登前韻懷滕先生

十二樓中二十年一身渾擬當三千虛疑駭骨圓中間不信蛾眉畫裡傳酒肆欲尋西蜀底鹽車長阨太行前從教老被嬋娟誤肯抱琵琶向別船

司空潘公潛渠迄工紀事

突兀高牙駐海湄峨岬大艦接淮沂千山鑿就魚龍國百水輪成雁鷺池泉源凡七十二道赤日燃燈窮翹翹碧天橫鎖鎮支祈何辭盡白潘公贊一代君臣際遇時

東余明復乞舟

臺上黃金半草萊追風躡電且徘徊窮當岐路千愁集老向風塵百病摧上國寒梅從報雪故園新籜已開雷殷勤爲問余工部幾日青帆酒上來

少室山房卷五十三

五

寄王敬美大常時新赴白下任

一官誰道太常閒六代名山任意攀句曲洞前捫峭嶂石頭城下弄潺湲青天跨鳳高臺去白日飛驎大桁還若問季真狂態盡風流何客伴醜顏

陳玉叔方伯以書扇見貽寄答并與索鮮荔子

飛檝頻到激江濱意氣寧知岳牧臣帝謂旬宜勞大吏天將形勝屬才人棠陰護處連三蜀荔子嘗來遍七閩道是楓亭神韻絕可能籠寄隔州民

題張太宗伯閒雲館

十二闌干照碧梧鬱葱臺館傍洪都閒將太乙青藜杖慙慙東方白玉壺大澤未應龍卧穩高峒寧許鳳鳴孤蓬萊五色天光近屈指黃麻到畫圖

張大來過訪適余至自新安大來以詩見貽賦答兼東明府葉公

蕭然行李發清笳握手江城思獨遐一去白榆千象緯千秋玄草贈雲霞津頭乍合司空劍海上仍飛博望槎滿目河陽桃李色不堪離恨對瑤華

贈俞山人

杖履千峯度夕嵐青鞋踪跡遍江南風輪獨悟恆沙劫水運重飛碣石談望裡牛眠占自合封來馬鬣氣長含騎羊獨有金華客不向公明問石函

題白雲遐思卷

鬱鬱名山瑞氣藏青囊聞說受曾楊三秋落日懸高隴一片飛雲墮太行松栢望中愁並遠蓼莪吟處夢偏長終天我亦同遺恨颯沓寒風到北堂

再寄汪司馬先生時司馬避暑焦山未返

兼葭晴望迥蒼蒼白露溥空盡作霜倦客已辭天北極佳人猶在水中央江霞萬疊晨餐麗海月千帆夜坐長咫尺羣真蓬島近大將椽筆酒扶桑

少室山房卷五十三

六

贈武林章太學

百里錢塘路未分幽棲誰狎鷺羣扶風豪士能題賦蜀郡王孫舊好文白苧飛觴時墮月青萍懸榻夜生雲涼秋莫負樓船約爛熳芙蓉越水濱

寄吳憲使先生

太微重照越江南何似薇花對夜談雪色雙龍頰掩映風稜千騎並驂驪平湖西去浮青黛大海東迴望鬱藍十里芙蓉公事盡可辭椽筆寄雲嵐

聞汪伯玉至自京口暫寓武林僧舍走筆代東并以奉期

錢塘此日停絲竿鐵甕經秋卧錦袍虎豹有時驚仗鉞魚龍無處避揮毫湖頭寺擁三天竺海上樓觀八月濤百里蘭陵歸路近西風那

醉葡萄

滕中丞行汎海上奉寄

秋色轅門照天旗
千山玄甲度熊羆
頻年河內謳歌借
此日淮陰號令馳
大海潮生強弩合
平湖波簇畫船移
何人爲草征西檄
得似袁宏幕下時

黃公補過訪話舊寄訊喻邦相胡子孟

雙樹蕭蕭對不眠
狂歌痛飲竹林前
何來把臂華陽夕
宛似論心碣石年
北極寒星隨鳥履
西山疎雨待樓船
江州舊識如相問
寂寞楊亭抱太玄

奉寄中丞滕師

倚天雄劍切雲冠
山岳猶驚柱後彈
虎豹留都環仗鉞
鯨鯢淮海避登壇
牙旗挂月千艘靜
玉笛飛霜萬燧寒
最是青油基與劇
不將藜杖到長干

題葉明府兩臺交獎卷

動地權聲徹紫宸
偏從盤錯覩經綸
芝蘭萬室圍仙吏
桃李千山照玉人
鳥下青雲鳧欲化
簾前白日雉偏馴
極知姓字懸當宁
百里那能借鳳麟

能借鳳麟

送大中丞吳公之洛中二首

雨花臺畔乍停車
重觀青鸞下玉除
大府賓僚迎獨坐
中原豪傑避前驅
雲飛雒邑朝巡外
雪滿梁園夜燕餘
屈指內廷徵異績
門人誰薦治安書

其二

幾年方岳借雄才
奕葉龍章漢殿來
帝寵驟移中執法
軍容初建大行臺
戈鋌掩映嶠陵日
鼓吹喧傳洛水雷
小隊雲中尋二室
何人詞筆競鄒枚

送少宰趙公入都

五夜丹青出九重
千秋廟慶遭逢兒
童夙昔傳司馬
元老當今屬卧龍
館近弘文天咫尺
宮深平樂暮從容
三台望處偏清切
不盡東南瑞氣濃

喻封翁八旬寄賀

八公會否下淮陽
五老眞看出豫章
夢逐非熊遊絳闕
身將雛鳳住黃堂
冰桃坐上初留核
玉樹庭中儼作行
翹首仙都雲氣合
夜來笙鶴正徜徉

中丞滕公移鎮越中寄訊

鐵騎牙旌控上游
飛書馳檄羨風流
誰言夾谷偏文事
共識南陽借武侯
大吏百城環綉斧
材官十郡扈清油
千山月色胡牀夜
獨奏梅花坐海樓

蘇觀察君禹校士吳興廻省余入訪留飲署中作

一榻蕭蕭萬籟澄
闌干十二暮同凭
當時虎觀誰先達
此日龍門詔獨登
著就新書逾越絕
攜來名酒自吳興
極知願盼王陽在
不羨輕肥遍五陵

張孝廉大來以詩翰從葉明府見貽賦答

稷下論心興未遐
風塵回首隔天涯
迷花有客樓三洞
采藥何人卧九華
篋秘龍韜光射斗
書傳鳧鳥氣凌霞
同聲咫尺仙郎在
一棹能無向若耶

允達卧病山中寓書拉余過訪先此寄答并促孳舟

榻上寒山擁夕陽
西風憔悴芰荷裳
豐城自昔多龍氣
鄴下于今少雁行
渴露相如情獨苦
觀濤枚叔興偏長
何時定作東籬客
白酒黃花盡意嘗

易使君還三衢寄訊

黃金輝赫下龍樓
竹馬爭迎郭細侯
渤海盛傳新政績
河陽猶詫昔風流
山中白石經時卧
洞裏青霞隔歲遊
莫戀桃花樵斧畔
香仍見入螭頭

送郭觀察之秦中

大旆晨飛下越臺
咸陽宮闕正崔嵬
三秦紫氣懸書出
二華青雲作賦來
海畔棠陰猶蔽芾
天邊黎火獨徘徊
亦知太史留遺宅
重向龍門闥草萊

送區太史使江藩便道覽還南海寄訊程孔信山人

玉册搖光下帝折春明霞色上朱衣不妨閉閣停玄草猶記聽鍾直
紫薇海月夜迎仙蓋滿江雲晨逐使槎飛丹梯萬丈羅浮頂幾折梅
花問少微

送熊茂初之閩中

才子成都第一流合香筵下鳳凰樓詞場蚤歷三千客酒戶偏宜十
萬侯金鑰夜懸青瑣夢玉簫晴引赤城遊新詩九曲留題徧莫忘飛
鴻灑水頭茂初訂余為赤城之遊

贈馮觀察二首

識面馮君最少年何來雙鬢並蒼然黔陽萬壑寒帷後潞水千家擊
筑前大雪當杯停馬首清冰盈匣贈龍泉慙慙通路吳山色有許文
園卒歲眠

其二

把袂秋風白苧涼壘頭猶記舊清揚談兵武畧雄三署校士文名擅
八荒得句乍逢天姥客飛書曾憐夜郎王那堪後夜河橋別落月啼

少室山房卷五十三

烏土客航

壽方翁為門士祝華父作

拂座桃花映壽觴清歌一曲和霓裳真人忽駐青牛馬處士新開白
鶴莊酒送芳筵林月滿簾增華屋海天長經年彩筆玄亭閑一為侯
芭薦頌章

壽何宗伯啟圖六秩宗伯為仲默先生家孫時尊人亦以是年八秩

紫氣東溟日夜懸安期飛鳥畫堂前圖書再觀生申地甲子初廻降
岳年虎觀千秋藜作杖龍門三世筆如椽靈椿更入飛熊夢盡壓人
間玳瑁筵

送丁文統少府之龍溪

百里浮沈上駟才一官袍笏下蓬萊寧辭海畔哦松去總為山中抱
檄來孤劍星辰延水躍尺書雲霧幔亭栽薰風荔子衙齋熟好寄筠
籠到越臺

送范使君之壽州

駮驪五馬盡驕驍燦爛雙龍拂斗牛園土西曹推執法專城南國借
名流徐方樹色侵官道濠上花香撲郡樓為探霍林天遠近秋風行
拉巨卿遊

寄題王明府湘山別墅

拙宦頻年鬢色侵歸來松菊漸成林河陽小試栽花技彭澤寧忘愛
秫心賜履尚方曾易識挂冠神武定難尋名駒正接天閑步可戀湘
山人處深

奉東師相趙公二首

北蕩東征盡虜巢指揮廊廟失蕭曹功高已見玄圭錫道大翻憐赤
馬勞謾說南郊饒意苴終看西域醉蒲萄時甫有他時四海平成後
咸集詞人賦彩毫

其二

夷夏安危屬上臣折衝尊俎冠羣倫雲霞夢屢飛黃閣天日忠偏繫
紫宸祇見龍裳增黼黻容貝錦玷綵綸中宵試望長安氣爛熳台

少室山房卷五十三

垣尾北辰

送何仁仲之白下

又整行裝向石頭春雲無賴紫驪驅千門樹色開長樂雙漿桃花過
莫愁罷賦上林吾偃蹇吟詩東閣汝風流深秋儻下金陵鷓鴣為掃城
南太白樓

賀陳玉叔六秩二首

百尺樓頭臥正長東來紫氣繞扶桑三湘雪色流花運五岳霞踪寄
草堂經世文章唐宿老登壇詞賦魯靈光無論伏櫪雄心在奕葉天
池鳳羽翔

其二

廿載馳驅岳牧勞懸車踪跡且漁樵家傳楚客青雲舊洞訝素人白
日遙伯玉詩名元四海孔璋文譽已三朝猶聞昨夜麻姑信書到滯
陽正落潮王叔家近武陵

寄張觀察時駐節葵中以翰覲見訊

雙虹何處伴吳鈞按節遙當大海流染翰雲霞千樹色褰帷城郭萬
家秋時同仲舉開陳榻日伴休文阿沈樓真奇路生頻獻賦州民誰
不頌行騶

送蘇叔大還嶺南並遊日下江都買妾二首

一枝南海見瓊玕詞賦翩翩刷羽翰彩筆半傾鸚鵡座青衣羣着幾
鷄冠言尋桃葉江都去不待梅花碣石殘我亦南中行買宅春風藜
杖到長干蘇生美風韻多
安之美風韻多
之好故云

其二

歲月江湖感聚萍黃花時節半飄零三千虎背曾高座二八龍陽總
後庭賦老甘泉春閒寂談空碣石夜沈冥霜清露白啼烏曙忍見河
橋艤別舫

題盧思美大雅堂

大廈新成燕雀留高軒長日坐夷猶圖書四壁窺河漢枕簟雙扉宿
女牛尼父刪垂洙水畔杜陵題寄蜀江頭他時八咏標名勝底事東

少室山房卷五十三

十一

陽說沈樓黃曾直題杜陵
所居大雅堂

送張仲立之清源

花簇紅亭帳解攜微袍猶戀故人綿雙龍劍豈當年合駟馬車仍舊
日題彩筆雄風橫泰岱銅符名郡控青齊飛書蚤報循良績且夕黃
金下紫泥

送葉起元入都

飛揚三策射蓬萊龍劍翩翩度越臺蜀國盛傳中散賦河汾誰似仲
淹才旌旗太液春風繞鼓吹平康夜月來到日彩毫千氣象泥金先
向洛陽裁

澗水胡應麟明瑞著

七言律詩八十六首

喻明府邦相新至邑適康山人裕卿自虔州還雁宕過訪同集

署中分韻得杯字

雙鳧新自鳳城來正馬言尋雁宕迥萬里風期仍下榻千秋詞賦共
銜杯雲霞彷彿飛燕社星斗依稀墮越臺試問移官湘水日曾將賓
客並鄒枚

冬夜喻水部康山人過集齋中

萍踪十載共相望邂逅重開竹下觴客子驅車還越嶠詞臣飛鳥到
河陽虹霓色動高天外日月春生大海傍會見桃花連四境先携賦
草過西堂

曹子念歲暮過訪夜同集喻邦相署中分得雲字

仙槎逼歲下江濱客館張筵傍夜分西北萬星懸對酒東南片月墮
少室山房卷五十四

論文鳴琴是處棲鸞岸憤誰能喚鶴羣不信茂陵愁緒減坐深庭
葉漸紛紛

寒食喻明府以詩招集署中

折簡應憐令節徂琴堂尊酒坐頻呼青雲漸許詞人合白雪偏隨傲
吏孤海嶠仙風迥玉鳥江天明月墮水壺河陽樹樹催春發一問安
仁賦有無

題邦相容膝軒

一椽容膝構初成坐挾胡牀碧蕪平漫擬柴桑歸日傲暫同梁父抱
時情窗臨南浦千花入簾捲西山萬樹明自是大玄耽寂莫可容雙
屐問柴荆陶審容膝之易安

午日王次公過訪小齋邀同邦相夜集二首

幾年詞賦憶登樓錦纜初停節使舟午日正逢花縣賞是日先集薰
那相署中
風仍赴竹林遊歌來大澤青天暮語入長安白雪愁漫道匡廬帆色
好于今地主是南州

其一

千騎輝煌出帝都一尊携手話長途桃花忽駐吳門鐵柳色重邀漢
殿鳧坐裡天迴卿月並亭前雲擁客星孤無輕此夕平原醉容易人
間覓酒徒

明晨邦相為具邀余同次公登蘭陰山迨暮乃別

絕磴飛梁杖底迴闌干遙望夕陽開天懸萬壑低吳岫地擁雙流抱
越臺賦就定應雄屈賈遊成端不負宗雷藁蘭滿目堪携興一為千
秋闢草萊

其二

捫蘿日暮到蒼茫絕壁看天興轉狂三洞霞光迴蠟屐九峯雲色墮
胡牀青精欲借借仙人箸白練偏題國士裳悵望十旬虛左意片帆簫
鼓下潯陽是日次公為明府及
余作大書至十餘紙

王長公兩寄余書不值乍次公之江右始得之時公雅慕長生
將以八月閉關與塵世絕書來云云悵然奉寄二首

少室山房卷五十四

落落登壇意未降生花長夢筆如杠風霜驟喜來空谷雲霧猶驚隔
大江上界仙才元第一中原詞客定無雙三山尚計當年約肯遲寒
空白玉幢

其二

郢曲徒勞望海天吳絲真愧玉堂傳頻年客夢青綾外一代神交白
苧前大藥蚤聞飛姹女靈圖會否下真仙西行莫謂秋期近紫氣關
門日夜懸時公以吳綾
及詩扇見贈

壽邵使君八秩司成許公命作
邵為侍御君父

海嶠千花簇綺筵金章遙並繡裳懸趨庭正值乘鸞候卧閣猶思下
鳳年天姥月明飛夢過若耶雲起探春還垂竿可道偏行樂咫尺蒲
輪渭水前

寄楊計部

暫辭簪筆下蓬萊縹緲風烟越嶠開放崔夜眠高士暮呼猿晨謁苑
王臺平湖絃管千家集大海帆檣十郡來早晚長楊思獻賦豈應巖

文滯仙才時揚高錢塘放雀亭呼猿洞俱在湖上

胡文父自燕中過同邦相夜過齊中小集

故人青眼話從容明府朱紘並過從此夕風烟迴辟荔十年星斗散芙蓉神來未覺匡廬遠夢去先愁越嶠重下榻南州今好在漫將離色賦飛龍

同胡文父集喻邦相署中

射策初從漢殿迴風流地主重徘徊三年共記看雲別萬里真成挂雪來搖落劍光偏傍斗浮沉書札但含杯無誇席上荀陳聚紫氣中宵遍越臺

中秋日同邦相餞孟敬於蘭陰山得詩四首

絕頂秋光面面迴平分吳楚一登臺尊前白日雙龍下展底青天萬象開握麈並高詞容與含毫深憶大夫才先是王次公過與邦相及余同登是日出觀所留詩卷銀蟾漸起東南色逝莫驪歌薄暮催

其一

少室山房卷五十四

三

夢

漫向名山賦別離芳尊纔愜故人期嬋娟萬里猶今夕兄弟中原自一時地擁蘭皇餘氣色天廻激水盡滙濟使君大有襄陽興醉舞何妨並接離

其三

彩筆曾將擅帝京何來愁病卧高城乾坤漸老文園客湖海猶深魏闕情一代應徐非異域千秋潘陸是同盟相逢此夕難云易忍挂青帆月下行

其四

一時賓主並風流無奈離心傍客舟待月總携天柱興觀濤俄失廣陵遊淒清畫角同歸暮縹緲寒砧獨去愁笑殺平原期十日不禁盧女望刀頭孟發以思家賦歸故未向潮之

大司空朱公招余過訪余以病卧不獲赴意甚感焉輒成小詩

奉寄

領袖三朝岳降神乞歸江畔有閑身雲霄北望猶明主日月中原自

老臣青玉乍携扶龍麟玄圭載錫便經綸極知一水堪移棹愁絕文

園病肺人

王孫孔賜以迺翁自號竹隱因作亭曰依隱走册索余賦詩

淇水何年卜素封依然丈室寄遐踪高枝逼漢曾棲鳳新籜連雲更卧龍色照西山青萬疊影搖南浦綠千重清吟不評王猷傲藍輦何妨日過從

送廣文閔先生之樽李二首閔鳥程人余嘗及為諸生

為美除書下日邊一官猶抱昔時瓊菰蘆舊業行偏近首蒼新齋坐更偏繡服春回若水上青衿雲擁澗門前莫誇奇字空千載蚤向楊亭授太玄

其二

五載蘭陰宦轍勞移官華髮未蕭騷衙齋地僻占龍氣閭闔雲深憶鳳毛夾道吳民誇絳帳分行越士泣青袍偏恰百里若溪路竟日能傳若下陂

少室山房卷五十四

四

寄答宗良王孫

灑注何處問龍媒共識南州八斗才海嶠未容雙劍合江城俄報尺書來天廻滕閣震生座地近梁園雪滿臺見說鳴鑿多樂事一帆能許傍鄒枚

寄答孔賜王孫

寒濤寂莫豫章船翹首朱門客思懸片諾未交南斗下千行遙墮北風前亭依孺子堪招隱閣近滕王借草玄咫尺龍沙春信到白梅青柳定誰傳

邦相以新正趨府舟中望金華雪色見懷賦答

乍喜春風問鴈冠開緘白雪照林巒飛花迴落鄒枚座麗藻先登屈宋壇江浦樓臺晴弄色海天城闕暮生寒瑤京咫尺三山在乘興能過十二關

人日邦相過訪小齋留集至暮分得尋字并懷燕社曩歲之集

飄然雙鳥暮相尋佳節頻過意自深掃徑乍當梅柳下飛觴遙坐薛

蘿陰中天日月燕臺色萬里江山越嶠吟舉自賜瓊應有詔大明宮
關翠華臨唐人有日大

奉賀觀察吳公擢任大參二首

除書五夜下青霄共識吳公治行起象緯坐看燕闕近雲霞行憶雁
山遙湖心錦纜維春色城上金尊落暮潮倘許侯芭仍叩閣紫薇花
下問瓊瑤

其二

牙旗又轉越江西荏苒年光惜解携轉粟勞蕭相畫看花猶記白
公題雲屯大陸千倉滿雪照長淮萬舸齊回首石門歌嘯地幾從明
月望丹梯時吳公

寄懷方伯滕師二首時方伯

萬山何處粵王臺半榻寒空寄草萊白社定借高士卧青門聊學故
侯開風塵西北懸車淨宇宙東南曳杖迴槐殺草玄亭下客攀雲無
路到崔嵬

少室山房卷五十四

五

其二

十載頻舍帝命馳掛冠偏稱黑頭時風雲一代歸文苑日月千秋弄
武夷白傅詩情囊草在謝公幽興杖藜知扁舟九曲誰言遠極目桃
花徧路岐

送王次公觀察視學關中六首

咫尺除書氣象新漸看霄漢問詞臣文章一代初推轂名姓三朝舊
斷輪露冕星光遙動鄴寒帷雪色欲飛秦柏梁臺殿抽毫處年少誰
當屬和人

其二

牙旌初入豫章臺繡鉞俄看灞上開把袂雲霞匡俗去飛書河岳巨
靈來公餘雁塔誰高倡客滿龍門孰上才寂莫漢庭遺史宅遺踪一
爲問蒿萊

其三

絳帳遙趨大國風懸腰雙劍拂長虹旋收駿骨過秦市盡輦蛾眉入

漢宮紫閣烟霞晴望裡黃河水雪醉吟中驚看岳頂重趨後萬古金
天色對雄

其四

拂袖驪歌共黯然青山孤照越門筵藍田畫好推摩詰灞岸詩成憶
仲宣朝日未央千榭起暮鍾長樂萬家懸何愁肺病當年事對倚金
莖玉露前

其五

鼓吹朝巡百二州五陵花色傍行驕山迴茵萑終南出殿鎖芙蓉大
液愁異日諸儒傳白虎班氏通早時多士識青牛葡萄細酌咸陽夜
好是經過舊酒樓

其六

西征車騎去翩翩夾道爭迎使者賢執憲盛推何李後離文重識漢
秦先幃帷翠逼長安柳林屐青携太華蓮莫以上林秋雁盡緘題憑
寄白門船

少室山房卷五十四

六

秋日送僧遊天竺遂之五臺

寒風挂席下滄溟是處名山適性靈勝地暫依三竺紫高天遙望五
臺青中林伏虎雲生座絕澗尋龍月滿皎若見文殊券寄語法門何
日擬談經

吳文仲明府過訪有贈并東喻水部

片語青雲照玉珂驚看結駟傍巖阿河南政績吳公最鄴下風流季
重多岸幘晴光三徑滿鳴琴秋色萬峯過同聲咫尺何郎在倘許頻
來醉薜蘿

秋日邦相署中對菊作篇末兼期枉過

僊合栽花自國工幽香競吐曲闌中瑤臺驟立霜千朶玉砌渾欲露
一叢摘處杜陵堪歲晚餐來屈子未途窮白衣剩有江州醜莫遣東
籬悵望同

邦相遊爛柯山值雨不遂以長歌見示賦此奉嘲

曾聞樵者說丹丘流水桃花事事幽風雨忽摧飛鳥與雲霞如妬爛

柯遊千秋且向塵中住十日誰能洞裡留好趁峭帆安道宅青天豪
飲穀江頭

易惟效明府過訪有贈

蕭條一曲卧烟霞忽有軒車到狹斜天關九重會攬轡河陽百里覽
栽花寒星婺女隨春棹片石江郎對晚衙回首爛柯仙宅近幾從飛
鳥問丹砂

鄉人有自吳中來者談曇陽仙師坐化事奇甚信筆奉寄王長
公元美

自是梯仙第一才豈無清夢到蓬萊青飛南岳夫人下燕罷西池阿
母迴高恨駕天懸玉闕絳霞扶日近瑤臺三山金記應相授曳杖行
看出九垓

哭穉修博士

斗色俄看散楚墟青袍猶憶上公車十年風雪淹行卷為死乾坤逐
謗書冠掛尚留神武恨壁空誰問茂陵居相思忍誦招魂幽滿目陳

少室山房卷五十四

七

編涕淚餘

貞吉以秦鏡并短歌見貽賦此奉答

誰訝軒轅舊物留美人持贈自南州傳看玉質千秋上不愧水心萬
里投勲業杜陵堪徙倚雲山王勳任遨遊莫誇照膽秦官事一對蛾
眉客自愁

送易使君之延平

驪歌催發向華筵千騎延津去黯然偃蹇金魚解上國輝煌銅虎出
高天三山疊翠流公署九曲分青照畫船何限武夷雲際色時從絕
頂候飛仙

聞楊懋功關圍城中有寄

拂袖匡廬興自濃開成池沼半芙蓉青山九疊窺玄閣綠水千家抱
素封燕社琴尊時寂莫龍沙冠蓋日從容傷心直北談天處坐盡雙
林雪夜鍾

東坡菡萏盛開即事

紫照何處繫垂楊菡萏首初分太液長十萬紅粧齊銜色三千彩袖各
飛香遊童戴葉翻歌扇稚女穿花出畫航最是夜來添悵絕湖南一
路下新霜

題吳文仲萬綠軒

萬綠沉沉一徑開幽軒十尺淨無苔簾垂更向花間出印鎖人從竹
下來晚色掛雲流渭浦秋陰籠月住湘臺合杯倘借清談客日把瓊
玕醉不迴

同邦相携酒蘭陰送曹子念入閩作

平原此日又離筵夾坐青山對惘然丹荔欲餐閩海上紫蘭重擷越
溪前船過楊僕行師地劍訪雷生作客年為向武夷看藹籍東歸同
赴大羅緣

再送子念一首

長嘯東遊罷請纓聞天何處一帆征黃鬚自識英雄後白眼誰猜軌
躡名杜爾曹將軍途窮反遭俗眼白蕉葉覆溪猿狖下相花夾路鷗
子念方以負故客聞故用為戲蕉葉覆溪猿狖下相花夾路鷗

少室山房卷五十四

八

鳴芒鞋試踏三山徧醺酒無諸舊築城

奉題昆山草堂二首為中丞潘公讀書處

萬卷纖細百尺臺白蘋風起對衙林窗中日抱吳山下座裡天浮震
澤來秋興賦成聊偃仰河渠書就一徘徊無誇太乙當年事已見寒
光屬上合

其二

曲榭雕楹雪水傍琅函插架照滄浪丹霄正錫尚書履綠野先題相
國堂句就松風閑鶴浦夢迴蘿月上鴉行憑誰寄問花溪叟稷契何
由近廟廊

夏夜座主觀察吳公招集行館賦謝

畫戟初殘鼻寢香遙從閒夜問飛鷗登龍曹叅諸生列倚馬新參上
客行擁架圖書迴秀色當筵絲竹動清商其將異數誇羣弟誰似彭
宣到后堂

秋日同邦相明府敬承太史集鄭氏園亭薄暮携酒登大雲山

二首

濁酒虛亭共解顏
巖星雙什客星閒
雲深翠竹迷深徑
月落丹楓照暮山
賜履漸回金闕夢
鳴珂初散玉堂班
由來一壑高人事
縱許羣公只蹇攀

其一 時方仲秋

石磴千磬上翠岑
迴看秋色半蘭陰
携琴共識仙郎過
曳杖重占太乙臨
病裡河山雙極目
狂來天地一論心
莫將峴首誇遺蹟
屈指鏡碑異代尋

送願上人遊臨安

一肩瓢笠自飄然
遙向西湖覓梵天
壇上萬僧昭慶刹
寺中千佛淨慈筵
傳燈共挾西來侶
綻衲重尋北去緣
便欲辭家同出世
祇今摩詰病沉綿

聞王次公白關中回寄此問訊

關外千言定有無
重看紫氣照三吳
青牛獨夜驅函谷
赤鯉經時候少室山房卷五十四

太湖官柳折餘閒
蒨荔岳蓮携得傍菰蘆
秋來倚憶乘槎客
坐扣雙仙白玉壺

金伯韶以春懷小草見詒訝其結交甚盛戲為賦此伯韶與余甚少

看花曾共憶明光
携手聲名動洛陽
獻賦競誇童子日
封書猶記丈人行
交論一代饒知己
語到千秋孰擅場
若問景純雙彩筆
好飛魂夢過錢塘

丁節推以勝公書過訪夜遂夢遊武夷

洞底遙探十六天
蒼茫龍躡踏寒烟
瑤臺霧裡三山出
金闕雲中萬界懸
絕頂笙簫聞上帝
隔林機杼見羣仙
桃花肯着素人住
長侍舟經碧落前

九日丁喻二丈約訪太史趙公山莊值雨不遂夜遂同集署中

對菊

蕭蕭風雨暗林塘
難醉龍山落帽觴
白苧懷人當五夜
黃花留客賦

重陽金門恍惚看鷓序
玉署參差過雁行
滿坐青雲名勝在
雄談誰奈孟嘉狂

送于右武入都

搖落西風大海涯
美人愁色共蒹葭
冰壺夜照闕天月
玉珮晴飛榻石貫駟馬于公新上計
雙龍雷煥舊名家
他時南簿江州駐
倘記柴桑問菊花

奉寄中丞蕭公

憲節新持下玉宸
函關西去息征塵
輶軒盡壓三秦吏
斧鉞先驅二華神
紫塞風雲迴夕望
黃河雨雪避朝巡
青油幕靜合杯處
能憶天南投簡人

奉寄左司馬汪公四首 有序

不佞傾慕左司馬汪公久矣
向以卧病不獲通姓名左右
昨忽致書邦相明府首辱垂詢
且勉之出赴公車
意蒸蒸溢楮墨焉感知酬德輒賦四章
弁以代贊

少室山房卷五十四

功成一疏下蓬萊
寂寂平津畫未開
九伐尙傳司馬法
千秋重覩臥龍才
天懸白岳雲霞駐
地擁黃山日月迴
問道藏書巖穴遍
好飛椽筆到蘭臺

其二

垂旒朝日待明光
開府頻年控粵裳
幕下詩名收李杜
朝端文譽重班揚
行藏未許親魚鳥
姓字猶堪懾犬羊
最是憐才心更切
遠題書札問陵陽

其三

紫閣歸來鬢尚玄
朱軒遙憶宦遊年
毫飛雪色三湘外
劍吐霜華百粵前
尺地東陵聊寄迹
扁舟西子暫隨緣
漫從九折誇迴馭
屈指蒲輪日下傳

其四

乾坤何處獨支頤
咫尺龍門駕尙遲
七步已非年少日
四愁偏向倦遊時
書傳一雁堪飛動
匣隱雙虹漸陸離
縱是焦桐慙拂拭
會將流

水傍鍾期

大司寇豫章李公以手書見貽賦謝二首

八座歸來鬢未班三朝舊德迥難攀雲霓尚切中華望宇宙偏容大
老閑賦罷滕王無彩筆書成匡俗有名山獨餘吐握當年思尺素蓬
蒿問閉關

其二

斧鉞頻年寄折衝乞身茅屋傍蕭峯霜威大漠猶方虎斗色孤城自
卧龍匣底劍花收菡萏囊中詩草泣芙蓉莫誇騷貴東京紙屈指三
都未易逢

太史趙於山莊後開二洞弁前為六命堂曰六虛齋曰三山同

邦相賦二首

卜居太史乍江潭携酒仙郎更夕嵐戶列三峯天上下堂開六洞地
東南侵塔瀑色懸空翠八座雲光散鬱藍十里衙齋山路近儘教明
月候歸驂

少室山房卷五十四

其二

甕解朝紳卧越臺重飛仙鳥傍崔嵬寒岩雪噴雙龍下登嶺雲驅萬
鷲迴花木平泉春縹緲藤蘿谷口暮徘徊臨池莫忘山陰興今日登
高盡賦才

曹子念東歸同邦相携酒蘭陰作

紛紛白眼又吾曹睥睨山堂對濁醪白晝星辰羣下榻青天雲霧一
揮毫歸途漸喜還江縣起色重因望海濤十日平原堪此地千峯寒
月坐來高

王長公閉關修玄謝絕一切獨期余過訪禪堂余以母病迄今

未赴春日索居讀公所致諸札掩袂太息懷不能已積成七
言律八章用據鄙臆詞之荒陋不暇計也

屈指玄關大藥成仙臺咫尺見蓬瀛河山漸隔青霞色宇宙空懸白
雪盟遊客草深句踐里懷人花滿闔閭城芒鞋儘識皇橋路踰躅造
天去雁鳴

其二

夢寐龍門曳客裾浮雲東望獨躊躇乾坤片刺華陽後悔嚼孤吟越
絕餘千里壯懷懸謝屐百年遊興屬潘輿何如買藥吳關外七十雲
峯恣所如

其三

寂寞千秋大將壇誰標砥柱立狂瀾三墳讀盡神偏王四部成來考
未殘大澤風雲迴雁杏中原日月卧龍寒代興總愧當年約極目遙
空十二關

其四

拂袖吟行大海傍開門紫氣正徬徨心懸寸草時千折淚灑孤桐日
萬行下榻塵埃慙仲舉驅車岐路畏王陽亦知把臂濠梁近愁絕兼
葭尚一方

其五

題詩遙向大羅天負笈曾期問草玄信宿未酬中散駕經春長繫孝
廉躬形骸病後銷孤枕意氣狂來付絕絃彈指崧年三十過幾時林
屋剩周旋

其六

彈欽頻年賦遠遊獨將離恨對滄洲魂飛桂樹千山色目斷桃花一
水流海內何人偏御李塵中有客尚依劉李命伯高秋倘借南冥翼
萬里搏風到玉樓

其七

病餘天地骨全銷荏苒行藏付寂寥終古神交玄度在異時昏嫁尙
平遙紅顏轉自宜丘壑白眼那能對市朝愧殺美人千里願可從青
雀問瓊瑤

其八

十載風塵國士知論心深負白雲期遲延五岳天難問落魄三都世
尙疑敢向周王誇駿足聊從越女關蛾眉高山久絕人間調試拂水
絃問子期

遊仙詩六首再寄王長公

弱冠登樓漢大夫中年拾宅傍浮屠青霄忽下緜山鶴白晝頰飛葉
縣見仙篆可携中散讀神鞭欲贈蔡經無由來一局千秋易遮莫狂
歌醉玉壺偶隨王家故事遂至八句各川漫存以發作者一笑笑王子喬乃太子晉周漢異時非必葉縣王喬也

其二

采藥何時下帝闕看花聊復在人寰崑崙日月懸高卧勾曲雲霞照
大還絳節道遙鸞馭迴丹爐縹緲鳳樓閒騎羊漫有初平骨未乞靈
砂護壯顏

其三

曾携玉杖侍東華一謫頻年卧海涯箇頃太湖堪洗藥于層弱水待
浮槎吟窺弄玉臺邊月醉躡飛瓊座裡霞何事當時勾漏客遠從荒
徼問丹砂

其四

矯首扶桑帝闕開人間真觀謫仙才青牛未向函關去白馬先從漢
殿來下界懸壺聊戲劇中天乘蹻獨徘徊靈圖阿母如親授乞取蟠
桃下絳臺

小室山房卷五十四

吉夢

其五

五夜玄扉閉薜蘿坐聞仙樂度巖阿雲中劍擲蒼龍起海上車乘白
鹿過金闕九重瞻泰岱玉樓千里問岷峨遮須却笑陳思國八斗何
緣到大羅

其六

咫尺瑤壇上界分自携眞訣傍氤氳龍蛇大陸飛丹竈鷄犬全家住
白雲種得神芝遺桂父携將靈藥寄茅君華陽瞬息乘風到一鶴能
無洞口聞

少室山房類集卷五十四

少室山房類藁卷五十五

續金華叢書

漱水胡應麟明瑞著

七言律詩八十二首

冬日同喻水部趙觀察趙徐章葉郭鄭六孝廉趙唐童范四文

學遊靈洞山房十首

初抵碧霞宮集趙明府汝申別墅 宮汝申新創祀碧霞元

君有昇仙岩禮斗臺諸迹

出郭青鞋不憚勞草堂新築萬峯高天容二子探奇入地引羣公發

興豪蓬島秋聲猶鶴馭武陵春色漸漁舸天氣煥甚桃杏已有開者東方自識前

身是少別元君又碧桃

午過青芝館小憩 汝申丈壁中煉藥之所

歸來散髮卧青山丈室峯頭自閉關大藥欲成丹竈底靈芽先湧白

雲間餐來四皓鴻堪住采罷三茅鶴並閒一笑風塵吾漸老會尋瑤

草上僊班

少室山房卷五十五

薄暮遊湧雪洞 洞山之麓乳泉流漫蜿蜒如雪中甚奇遂炬

盡輒返未有窮其穴者

石竇中開雪乳懸迎人百折自蜿蜒瑤池忽覩三山下玉井平分二

華前素練生風搖大壑白波吹雨漲平川由來郢客才堪並一借陽

春洞口傳那相先有日對寒泉自詠詩之句

夜投紫霞洞童范二文學携具小酌 洞突出山腰高明宏敞

羽流宅焉宋隱士于介翁以古詩有輕舉乘紫霞之句故名

卽其詩所云洞門相對是吾家者也

捫蘿昏黑度崔嵬萬炬山腰石扇開巨壑迴排丹嶠出飛橋橫跨赤

城來桃舒錦障猿初下草長金光鹿未迴莫闕謝家成綺句朝携五

色上蓬萊

同那相集趙太史山莊作 地故白雲寺址四山圍合巾忽平

敞清泉奇石爲一方最大史公選勝得焉

題合干峯望未真平開十畝坐嶙峋雙鳧忽駐神明宰一鶴曾閒侍

從臣清獻阮籍嘯歌聊玩世尙平婚嫁故留人山靈咫尺堪携手白
石長松對結隣

山行觀飛來石 山堂之後巨石千尺峭立平地峯巒秀出勢

欲飛動靈隱之具體而微者

午夜松風襲錦袍起看孤嶼轟林阜初疑片石飛靈鷲忽似三峯駕

巨鰲仙掌捫時應拆漢神鞭驅處欲驚濤何當一棹西湖上卧對寒

雲萬尺高

登洞山絕頂至白雲洞 邑東南最高處雲氣出入其中岩壑

宏朗徑路窈窕遊人至者往往忘返

踏盡青山與未還帝鄉仍到白雲間瓊樓特起三千界絳闕遙封百

二關自擬探遊窮地脈誰論呼吸近天顏亦知怡悅幽人事持贈聊

當茂宰閒

自白雲返由故道抵新洞 久蔽榛莽近樵婦墮其中居氓墮

入得之洞類白雲而深窄峻絕遊人魚貫纍纍而下秉炬千

少室山房卷五十五

盤始抵石室路中復斷用梯乃得達平敞處

躡屩褰裳列炬從投身捷下最高峯壺中地欲窮千尺杖底天猶隔

九重跂足青泥捫虎兕盪胸蒼乳攫虬龍梯仙是處吾家在莫道流

泉世上逢

新洞或以飛龍名之余謂弗善與那相謀更他名洞中最勝者

蒼壁陡立飛泉數十道迴旋直下那相擊節目余曰水簾哉

余因爲更賦二首洞雖晚出故不謂不遇也

絕磴干盤下翠微遙驚瀑色挂丹扉淋漓恍墮鮫人窟燦爛全窺織

女機天遠玉繩浮帝座地寒珠箔護仙衣廬山谷畔尋常見得似靈

源洞底飛廬山康王谷有水簾洞

其二洞中先有題素來此處何必問桃源之句

雪浪盤空望漸低清湘一幅似堪携澱紋細縮千絲潤練色平鋪萬

杆齊丹闕夜懸銀是檻絳宮晴捲玉爲梯重來莫障劉郎步咫尺桃

源記舊題

暮春遊白岳十一首

同遊者謝少廉汪士能吳肇成方羽仲公有序題花草中

齊雲岩

中天城關吐蓬萊萬仞芙蓉壓翠苔紫霧晝連三竺起青霞晨傍九
華來龜蛇隱見靈仙窟龍象騫騰上帝臺奇絕東南誰並此祇應人
世有雄才

小天門

重疊崖巒護翠屏何人持斧鑿青冥千尋峭壁移夸父一線寒空透
巨靈鍊石誰當堵玉竈丸泥吾欲閉金庭不緣混沌頻年斲千岫桃
花隔釣舸

太素宮

絳節宸居北斗懸金銀臺觀屹相連朱甍宿霧千峯外碧瓦籠雲萬
岫前架爛靈旂朝帝日飛揚神劍伏魔年何因屬躡罡風去一叩玄
關意惘然

少室山房卷五十五

香爐峯

斗絕穹窿四望奇削成員嶠置坤維孤峯宛自廬山得一柱真從太
乙移青燦夜升雲黯淡紫烟晨合霧淋漓漫思香案會叨秩少住塵
寰八百期

紫霄岩

萬峯晴色暮登臨望入山腰翠欲沉霧擁樓臺橫碧落雲拖旛蓋出
青岑雄文勒岱知司馬秀句題匡憶翰林三絕祇應留異代蓮花千
丈撲狂吟汪司馬李大史各有詩

紫玉屏

崢嶸香案帝庭留萬仞高懸翠欲流九疊似張廬岳頂三峯如削華
山頭長舒霧色黃金界半掩霞光白玉樓椽筆大揮飛瀑底凌雲何
似仲將愁

司馬碑

十丈穹窿峙翠屏如椽真慰北山靈蟲書半蝕先秦字龍畫傍分大

夏銘虛擬相如論泰岱漫勞太史序云亭何人解摸邯鄲碣祇是中
郎讀未停

飛雨樓

懸泉百尺亂侵衣珠箔銀屏護翠微霧裊重崖渾欲墮風迴羣岫盡
如飛山樓夜榻眠蒼蘚石室春盤饌紫薇一宿已知塵累斷竹西猶
夢舊漁磯

無量閣

樊皇金碧挂檐楹蘭若脩然出化城十里亂雲雙屐到萬山斜照一
鐘鳴岐崖北繞飛梁現黟水南拖匹練明自是圭峯飛錫地何須塵
外問蓬瀛

棚梅巷

移根何代植崔嵬結構名猶借棚梅千里漫勞孤驛寄一株元自大
和來花翹鶴膝時沾霧幹拆龍鱗乍起雷嫩莖疎杖渾欲折凌風無
處問瑤臺今梅毀于火

少室山房卷五十五

五老峯

蒼然離立盡彭聃底事乘風下鬱藍四皓衣冠猶減一八公環珮僅
餘三移來不借匡廬頂飛去重尋雁宕南潦倒青蓮頭漸白乍因奇
絕駐征驂雁宕南山亦有五老峯見志

三娥石

參差霞珮出蓬萊次第雲鬢立翠苔石上同心朝帝罷山頭聯臂望
夫來從游宛入黃陵廟舜有三妃爭艷如登白玉臺古樂府題有三
集六朝漫說桃源雙占盡尙留傾國侯仙才是遊也伯玉司馬有送
多爲之

西湖十詠

西湖十詠有序
余自九齡從家大人客武林迄今三十餘載湖山面目狎習
久矣迺篇咏未嘗數數也今秋再過社中諸同志固以爲請
酒酣援筆得七言律十章王司寇元美嘗謂錢塘越佳麗地
不應例以關洛之調寫之茲作數篇頗竊其意第老翁塗抹

作態兒子終于本色不倫以供來者之抹腹庶幾云爾

雪消塵淨見層空山色湖光面面同嶽嶂逼圍雲母障波濤長浸水晶宮青天遊蓋飄香霧白晝飛梁墮彩虹隔岸近移蘇小宅畫船齊泊藕花東

其二

一鑑空明暮靄收短簫長笛亂雲流天浮殿閣連三島風引帆檣到十洲峯際欲呼巫女下波心如抱洛神遊翩翩蘇白留題滿得似才情潑水頭

其三

繽紛桃李盡成蹊夾岸晴沙送馬蹄遠水落霞蕭寺外孤峯殘雪斷橋西闌干半倚青林出睥睨遙看碧樹齊小扇輕羅歌未闌樓船已到百花堤元人西湖樂府有小扇輕羅曲今尚傳

其四

徙倚危闌醉日醒淡粧濃抹望難停波搖西子眉端綠山疊文君髻少室山房卷五十五

上青楊柳千絲圍別墅芙蓉萬朵簇南屏迴櫓欲到錢塘岸一派絃歌月下聽

其五

錦纜牙旗夾畫橈雙高晴色望岩峩諸天龍象圍三竺大地龜龍架六橋丹壁幡旛時隱見白雲鏡吹互飄搖斜陽一抹人歸處多少紅妝落翠翹

其六

油壁香車夾路馳目成何處雨蛾眉荷風錦席參禪夜梅雨紗窗入夢時湘浦珮環無別恨曲江亭院有佳期菱歌唱徹黃昏後對對文鴛浴水湄

其七

千山臺殿列金銀草色湖頭綠漸勻白傅堤前題柳客陸侯祠畔賣花人蓮峯黛簇嬋娟鬢滿路香飛叱撥塵四百旗亭遊未半遙看斜日墮紅輪

其八

一望平湖翠幙懸湖心亭上劇堪憐凌波舫艇雙雙度掠水鴛鴦隊隊眠靈隱僧歸雲色裡淨慈人醉月明前吳姬十六俱年少就結同心玳瑁筵

其九

碧空如水淨無氛雁子鳧雛蕩激紋繫纜半依秦帝石携尊齊醉岳王墳荷花色照千門月桂子香飄萬壑雲向暮西冷風轉急淅波橫灑石榴裙

其十

玉勒金鞍照綺羅游人成隊出清波丹丹青屏障穿蘿竹紫翠樓臺夾芰荷絲竿似携盧女到畫橋曾約秦娘過千篙未少風雲氣奈此湖山媚客何

後西湖十咏

十咏成湖中景物大都具矣自餘峯巒臺榭諸名勝未盡窮也座中諸子更有乞余分賦者漫爾占綴數亦如之為西湖後十咏焉

湖心亭

萬頃寒波蕩激紋朱簾十二挂網緝闌干盡壓魚龍窟簫鼓長驚鴈鴛羣山色四圍晴擁霧湖光八面夜飛雲中流好是西施宅早晚鳴夷挈畫裙

靈隱寺

畫拱雕甍勢欲翔居然臺殿到清涼三天竺色全窺戶九里松陰半入廊絕頂竿爐紅日近中峯鑄磬白雲長異時禪榻驚人後彩筆猶傳婺女傍用駱氏事

飛來峯

突兀空明架紫苔紛然龍象鑿瑤臺崑崙一柱從天下灑灑孤根拔地來飛到豈緣夸氏力奇城移山削成庸假巨靈村他年挾汝乘風去不羨如拳寄草萊

武穆祠

十尺鬼裁岳降神當年橫梁狗胡塵中原萬姓延留日絕傲全師慟
哭晨陰雨旌旗朝上帝春風笳鼓醉遊人淒涼大樹英靈在盡拱南
枝向北辰

二天竺

百尺金身峭壁前三峯雲氣屹相連潭疑竺國諸天墜絕勝秦城太
華懸以三隨處法身分翠竹是法身之語無窮妙相示青蓮瑤巖
咫尺西方在一叩如來結梵緣觀世音身功德山王如來

九里松

鶯嶺西來梵剝重長松落落倚芙蓉千林夜湧濤聲出九陌晴飛露
氣濃翠蓋中天巢鶴鶴蒼髯匝地舞虬龍餐霞亦是華陽客遮莫秦
娥樹底逢

孤山宅

兀立中流四望奇誰開丈室枕漣漪雲埋洞口呼猿日雪擁湖頭放
鶴時萊桂作花猶滿砌疎梅橫雪過當籬凌風却月憑誰和一樹寒
香入夢遲

寶所塔

絕頂浮圖出化城捫蘿如躡太空行孤標突兀神光現七級玲瓏妙
相呈大海雲霞頻幻色平湖日月遞生明亦知多寶元無相何取當
年阿育成

六橋堤

千尺晴虹架彩旂闌干二百大堤頭續紛怡女迷花到雜香王孫戲
草留玉管競催明月上金丸時逐暮雲流春風一路堪圖畫萬樹桃
花簇紫駟

湧金門

鼓吹喧闐一望退湖頭雲日亂蒹葭三千舫舫家家月四百樓臺寺
寺霞桂影荷香迷越客竹枝桃咏醉吳娃天容乞與西冷地獨擁寒
薄卧釣槎

湧金門

湧金門

武林徐明府招集西園時風雨驟至剪燭劇談幾達曙矣賦謝

二章弁以為別時明府將人親余往吳中
握手新知興欲狂熒煌燈火夾華堂荊州意氣歸元直明府入鄭郡聲
名擅偉長白苧生風搖彩袖青萍飛雨落胡牀為知政績書前殿不
遺雙鳧出上陽

其二

痛飲狂歌意未平坐聽寒漏滴高城裝因北海經旬滯燭向西堂盡
夜明是處湖山重借色他時風雨各關情合毫漫詫雙龍合拂曙河
橋問去程

少岷山房為曾大參題有序

少岷山在蜀之合江鄭繼之楊用修各為會計部作歌大參
曾公以世澤素題諸末簡

積翠遙天挂玉臺少岷山色峙崔嵬雙溪雲霧尊前合六洞烟嵐杖

底迴閣上玄經中散臥堂中詩句拾遺裁從知勝概堪遊目躡屩何
時萬里來

少室山房卷五十五

是夕酣飲丙夜播張兩生各擁一童子就榻而皆同姓即事二

律嘲之

狂歌痛飲夜徘徊不減紅粧照玉臺普救風光前殿合河陽春色後
庭來雙飛羽翼寧知假同姓昏姻不待媒十尺沙棠無限事支機何
用覓蓬萊

其二

綉褥華裯聚陸離絕纒遺履興難支虬髯底事携紅拂俱張姓故騎省何
由締玉兒玉兒須信比肩仍比翼不妨連理是蓮枝龍陽對倚雙清
絕笑殺崑崙賣藥時

過嘉定集張伯隅閣上同房仲孺穀諸君

綠莖堂開碧水頭平原何朔讓風流雕闌百折捫香漢畫棟雙飛挾
斗牛麗賦總輪鸚鵡捷清歌如跨鳳皇遊莫將十日淹行旆極日華
陽待紫駟時伯隅先得傳將上春官

卽席再賦得臺字

百轉長廊入翠臺不知身世近蓬萊當門流水流金谷繞座青山挂
玉臺舊主人非吳下客新郎君是洛陽才戲用張解元事瓊筵咫尺春光到
深夜狂歌落早梅

別趙張兩生遠越張以氣俠聞青樓趙雅歌吳閩稱最快日同

飲舟中甚樂也

白舫青蓮任意遊好天良月大堤頭金衣驃騎張公子玉笛頻吹趙
倚樓奏罷陽春無和客酣來河朔盡名流那堪後夜驪駒起千葉吳
間競送愁

別房仲泊岡伯逸季

尊酒淋漓醉復歌紫簫紅燭夜如何猶嫌十日平原少未信千秋碣
石多狼藉杯盤沾重露縱橫舟楫漾明河惟應伯季吳閩遠悵絕河
橋一旆過

再為房仲贈侍姬時獨居一室

少室山房卷五十五

九夢

禪關跌坐寂無塵水月長餘自在身行雨盡忘三峽事餐霞時伴四
天人天桃媚柳寧同色恐艸靈花別占春莫向維摩論侍疾由來捨
宅是王珣

幼于留寓曲水園張九卿周懋修錢功父黃仲華趙凡夫五君

先後過訪賦贈此章

展齒紛紛破綠苔手携流水入平臺清風驟擁三高至明月仍將二
妙來西第琴書漸浪客南皮觴咏盡詞才春晴定卜滄浪墅不厭相
過暮百迴

陳長洲楊吳縣訪曲水園幼于携尊夜集以河陽花作縣秋浦

玉為人扣韻余得花字時二明府皆將入覲弁以贈行

茆堂燒燭散林鴉車騎聯翩夕放衙越嶠移來閩海荔吳天裁遍蜀
城花朱絃和處雙凌雪玉鳥翔時並帶霞翹首黃金天闕近盡將離
思入蒹葭陳君閩人新自永嘉移在揚君蜀人

過晉陵訪安茂卿泊乃兄緒卿光祿時長至前一日也

握子渾疑夢寐餘故人杯酒竟躊躇尊前重碧香仍艷席上輕紅態
未除某甲初傳春早信桃花不鎖夜來漁西陵咫尺元方在片石何
妨共結廬子嘗入余詩

寄朱在明

五載幽懷尺素傳北風猶滯木蘭船橫江欲度偏愁浪下澤堪居未
買田桂樹飛揚招楚日桃花零落避秦年沙頭定艤春來楫共結楊
亭話太玄

夜同徐茂吳宋化卿集許才父聽歌作

把袂重過白板扉一尊嵐靄坐霏霏雲因洛水先春現雨為陽臺徹
夜飛時大雨爛熳歌喉紫錦瑟輕盈舞態拂羅衣當筵授簡俱詞客
唱徹梁州露未晞

中丞滕師入越賦賀

十萬貔貅侯羽旗登壇橫槊賦成時頻年漢闕絲綸下此日轅門號
令馳大海潮生強弩合平湖波煖畫船移丹青第一麒麟上肯數班

侯骨相奇

送遷客之嶺南

離心何處一登樓折檻嶺南漢闕留曉霧乍將龍豹臥朝陽行觀鳳
皇遊梅花醉折羅浮頂桂樹閑吟庾嶺頭為問蓬萊朝上帝如何砥
柱在中流

千秋閣四首為司馬汪公賦閣在千秋里中

偉閣差栽北斗前千秋誰擅筆如椽窗中玄草雲霞入座上青藜日
月懸中令才華漸綠莖右丞名理讓藍田惟應太史書成日突兀龍
門四海傳

其二

縹緲飛樓大谷傍雕題遙接海雲長中原雪色高黃阜太乙星精下
紫陽五柳莊前蓬作戶百花潭上草為堂却思香案細書日十二樓
頭侍玉皇

其三

紫氣青都屬望來
熒皇飛構入崔嵬
玄龜左右圖書出
翠鷲東西法象迴
草就滕王千客避
藜然天祿萬靈陪
莫誇名姓麒麟上
別擅乾坤在草萊

其四

湖海飄然一傲裘
縱橫豪氣未全酬
閑憑司馬千秋閣
絕勝元龍百尺樓
座裡風雲迴客傲
壺中天地縱神遊
寧知文舉雙眸白
大有忘年在黑頭

夏日三衢水亭作

易使君李司理招同居儀部夜集城南水亭使君新創屹立
水心四面環茵莒數百交堤散植桃柳芙蓉青油畫舫一繫
亭下容十人尊疊簫管錯列其中每公暇燕集臨亭放舟微
風自來平波如掌銀鱗鮮鮪近人可數雜花芳樹應接不遑
真姑篋一勝境也先是衢苦無游觀處自使君寔始營此而
司理佐之人以方蘇白兩公云

少室山房卷五十五

十一

促席張燈喚叵羅
習池心賞未蹉跎
半依城郭栽桃柳
小著亭臺伴芰荷
露洗長空沉皓魄
風搖殘夜落明河
相逢倏盡東南美
不飲其如浩興何

徐明府仁卿招集墅中

時孫生國梁金生石聲在坐酒酣命小奚歌紅線侑厄人夜
別明府過劉總戎兩生拂衣從余潦倒幾申且復發興携兩
生入徐納言宅觀梨園適演雜劇黃四娘乞人有借名杜拾
遺者傍觀爭目兩生余為撫掌一大噱而出

面面朱簾霽色流
主人携榻自南州
三年頹水傳新續
一夕臨安話舊遊
舞罷班衣玳瑁筵
瓊林玉樹半堦前
縱橫冀北三千隊
聚散蘭陰二

卿事五侯

徐納言汝材過訪邀集賦謝并柬其諸郎君時二尊人皆眉壽

無恙

舞罷班衣玳瑁筵
瓊林玉樹半堦前
縱橫冀北三千隊
聚散蘭陰二

十年亭倚惠風臨
曲水徑穿奇石到
平泉莫將貝錦紆
行樂宜室行看太傅旋

李司理招集署中

玉署燒燈共歲殘
胡牀携手不知寒
微言總為千秋合
縱飲何妨乙夜闌
竹送清霜流藻井
梅飛殘月下雕闌
傳家剩有河梁句
莫詫雙龍唱和難

送劉侯如吏部入都

早擅昆丘片玉場
仙曹司法暫徜徉
深宵藜火懸書閣
白日蒲鞭臥訟堂
去曳朱衣朝漢帝
歸携彩筆賦滕王
雄飛不獨銜銜借
八翼天門次第翔

雨中董使君招同汪司馬集諸天閣

樹樹桃花點綠苔
萬山金碧挂崔嵬
筵開五馬春風駐
座合雙龍暮雨來
漢殿才名饒賈董
梁園詞筆愧鄒枚
無論借寇當年事
突兀黃金擁薊臺

少室山房卷五十五

十二

夜過汪士能家看燈同肇元太學奕戲贈并呈司馬公

萬炬烟銷夜色潛
一尊明月吐朱檐
遊同太傅偏能奕
貌學參軍未
有髯畫閣盛開雲
母帳瑠盤時薦水
晶鹽揚州肯挾劉
良去十萬紅粧盡
卷簾

恐嘯園有感

油壁香車在處逢
窈然飛閣架龍提
爭傳西竺留司馬
誰向南陽識卧龍
古橙千盤藏檜柏
芳池十畝漾芙蓉
亦知杖錫三天上
布帽何因曳屨從

奉寄四章

方丈莊嚴闢草萊
天龍八部儼徘徊
函關是日真人過
竺國當年大士來
千室笙簧臨寶地
十方瓔珞施瑤臺
騎羊莫笑初平拙
恍忽前身是善財

其二

蒼茫雲氣百花潭總為靈光下鬱藍般若向來傳自在圓通渾欲問
瞿曇須彌界似移金竺堦率天疑近太函漫向彌陀論法嗣只今龍
象在江南司馬所居山名
金竺在羣林西

其三

閣浮提界暫徜徉海上曾聞一葦航紺殿乍傳金粟影紅樓初放白
毫光慈雲迴結三天外慧日高懸入水傍千億化身何日遇漫將詞
筆問空王

其四

玉樹金欄百寶陳低眉暗日坐陽春暫來東土依檀越誰道西方得
美人淨妙總因圓覺相莊嚴元自法華身君看一傳瑯琊後大覺從
教萬古論自宋世謂大士為婦人王長公始闢其妄余有考詳莊岳委談

壽汪參軍六秩

紫氣遙占白岳傍青鸞長駐白雲鄉張筵鄴下三千客照坐揚州十
萬粧觀裡瓊花初破萼庭前珠樹欲成行他時倘問參軍句一笑掀

少室山房卷五十五

壽向畫堂

贈汪元清肇元二太學

寶鏡銀鞍白馬調烏衣羣從盡蘭若同携賓客探瑤樹並載嬋娟弄
玉簫別墅風流安石共中林才思阿咸饒秋風騎鶴能相過定約揚
州第幾橋

士能屢遲所權不至仲淹怒使家眾數輩促之來座中戲作
寒雨蕭蕭閉綠苔乍聞環珮下陽臺不因枚叔觀濤至已作王郎挂
雪迴國色名花雙爛熳是日初見牡丹高山流水共徘徊腰肢沈約偏能瘦
狂倚東風唱落梅

方景真邀遊幔亭司馬公賦有序

山木名烏石突主人張繡幄為幔笙歌粉黛周列其傍觀者
屬路余因謂司馬公昔李白張謂泛湖郎官之名迄今不朽
茲山勝絕而不佞幸從公後傍觀者闕訝咸以為武夷君請
遂以幔亭名之司馬擊節曰善同集者謝少連汪士能潘南

仲吳太寧諸子詳司馬公記中

窈窕肩輿度白雲幔亭霞色轉氤氳千山夕照羅峯外一線春流練
水瀆冠蓋盡攜文苑客笙歌如下武夷君名花滿座天孫在何忝玄
光百代聞武夷山道書稱

方于魯以墨譜乞詩卒業賦贈

粲爛雙螺出魏臺奚潘遺法儼重裁玄雲蔽月非烟下武公業堯
霧寥天太乙來九錫漫誇龍獻兆七香寧假麝為媒何因飽噉金莖
露一吐王郎萬斛才非烟寥天一七香金莖露方岳墨名王勃作

汪茂才獻子以先隱君像千里函致乞詩余於獻子通家兄弟

也誼不獲辭

大隱風流世未孤少微星色卧江湖園荒漢上甘携糗室儼於陵但
辟廬甘載避人呼漫曳一書遺子號潛夫天池鳳羽行看近日聽鸞
章下帝都

遊爛柯山題青霞洞天石室中

少室山房卷五十五

布襪芒鞋興未闌天風吹客上層巒仙山七日柯初朽人世千秋局
未殘塔影半搖蒼露暮鍾聲微度白雲寒龍肝食罷知難老笑揖羣
真跨紫鸞

少室山房類藁卷五十五

少室山房類集卷五十六

續金華叢書

漱水胡應麟明瑞著

七言律詩七十四首

壽貞吉王孫太夫人七秩并寄希斯孔賜

葵女寒芒接豫章天孫雲錦落持觴金芝百本來西極玉樹三株耀
北堂紫鳳夜合靈笈舞蒼虬晨逐素書翔窺簾敢作偷桃客願借天
厨一醬膏

題希夷高卧圖奉壽郭泰和封翁大參知相奎尊人也時年七

秩

躡躡是風度十洲一笱長嘯華山頭神遊欲盡三千界夢斷俄驚八
百秋絳闕徵書迴紫鳳圖南表文丹臺靈笈駐青牛函谷華龍光忽照匡
廬下重遣蒲輪出帝州

壽舒封翁七秩二首

壽域晴開傍海隅安期雙鳥漸凌虛秋明南極三天上夜燕西池萬
里餘鶴算定知同綺皓備舟寧假問陶朱虛疑卓氏臨叩盛次第黃
封照里閭

少室山房卷五十六

一

其二

青雀西來瑞氣濃方塘秋色照芙蓉華陽是處傳丹籙渭水何人敵
素封桂樹階庭巢六雀棣華天關近雙龍翩翩叔寶今華髮尙記東
牀卧日容

題趙汝元白雲莊

岩巖飛磴入林丘天際遙看激水流青壁祇疑人世斷白雲何羨帝
鄉遊茹簷上月千花眼草閣吟風萬樹秋聞道生徒多受業蓼莪篇
廢定誰酬

顏廷愉過訪有贈時廷愉將之都下因寄諸友

片帆風雨泊孤城一刺龍門曳履迎閱平原推世德詩篇光祿擅
才名風期乍擁衰顏壯雪色頻扶病眼明多謝酒人燕市上竹林吾
已負生平

贈宋化卿

廿載錢塘棹獨遊風塵何意片言酬嚴城畫角雙鴻下客舍清燈駟
馬留賦就幾人春雪和篇成何處夜珠投明朝爛熳湖頭約十里桃
花照寶樓

送蘇君禹觀察之嶺右八首

握手衡門思欲狂相逢如夢在河梁三年素札咸陽斷十日青尊澗
水長絕塞風雲懸馬首大荒歧路出羊腸因君一問龍標尉明月梅
花遍夜郎青蓮詩我寄愁心與明月隨風
直到夜郎西嶺右與接樓故云

其二

極目遐荒共黯然蒼梧何處問樓船天窮象郡千峰外地隱龍城六
洞前飛詔金門頻計日傳書銅柱易經年無勞更問河東記海色黃
溪晝夜懸桂林隱山有六洞見吳
武陵記黃溪詳子厚文

其三

萬里嶺唯涉瘴氛炎州風物向來聞羅池翠羽多充賦林邑鮫珠競
購文荳蔻飛花園似雪桃柳垂葉路如雲伏波祠廟經行處一奠椒
漿桂水漬

其四

展下雙懸玉鹿盧拂天雄劍倚昆吾塞帷霧沈三苗窟露冕霜飛百
粵途荔子何祠遷客否蕉花能憶美人無七星岩畔題詩過羨殺朱
旛在畫圖韓詩荔子丹今蕉葉黃見羅池
廟碑閣中有美人蕉故景聯云

其五

錦席孤飛散曙鴉如椽雙筆氣凌霞返荒詞賦傳中國絕徵文章紀
大家灘水瘴雲行駐節鬱林奇石坐當衙紅潮醉頰樞樞熟努力朝
餐望裏加文章謂
柳州也

其六

萬山行盡見旌河處處椰漿酌叵羅赤日猩蹄啼古洞青天龍蜃出
層波風生羽箭炎威靜露洗牙旗瘴色和好作刺桐花下客細吹簫
笛聽夷歌

其七

雙旌行色暮蕭蕭天地西南問沈寥姓字始與懸竹帛功名新息樹
銅標藤江水溢青蘿近荔峕嵐深翠障遙珍重大廷思絲筆看君六
翻上層霄昌黎送人之嶺右云江作青蘿帶山如碧玉管

其八

煥爛新除下玉宸聊從殊域試經綸傳書已見退周史論檄能無待
漢臣夜月三花流皂蓋朝霞入桂上朱輪玄亭咫尺堪誰守一盼東
陽問字人君禹自關中返登嶽岳賦詩寄余尾句謂李允達嘗受知也

戊子之秋與君禹督學晤武林時方病瘧僅數語別去已
丑春余自夏村歸適君禹擢關中前發閱月矣秦越茫然邈
不聞問比余居先宜人憂夜分車騎過從則君禹再摧嶺右
中途不通一刺特為余艤棹蘭陰感舊論心達旦忘寐申言
饑別成詩入章嶺右山川秀甲寓內君禹茲行神與俱往矣
夜泊金閭奇真主敬美先生八首有序

少室山房卷五十六

三

不佞非歲遊燕則次公以年家見知凡竿牘下詢家君齒及
不佞亡慮十數顧不佞未嘗識面也丙子秋次公以參知赴
江右過訪蘭陰邂逅蓬菲片語投合杯酒揚扞形骸頓忘爾
後不佞拏舟閩閩者四次公停車潑水者三每一把臂輒潦
倒淋漓濡首迺別比次公入南都不問問幾半載詢諸吳中
則報次公逝矣是秋北上極意酌酒復江少致國士之感適
病中憤憤不及遣赴爰賦七言八律以代真章

明時何吝並登壇宇宙文章屬二難大海雲霞麟鳳出鳳麟洲在海中中途
風雨鶴鶴寒三天謁帝更容髮八極游神快羽翰不遠桃花瑤水上
飛書無路問青鸞

其二

白面含香上紫宸前身曾是石麒麟天容作賦遊關洛紀遊諸帝
遣傳經到越閩次公嘗督飛蓋西園饒和客曳裾南國盡才人重來
欲話當年事落日山陽笛滿降

其三

飛詔頻年下赤霄故園薇蕨與偏饒高風突兀迴三代大業煥煌擅
九朝禮樂夔龍元事舜敬美為禮官有蘭省等集耕耘集許亦逃堯所居草堂名耕
莫言遺冢臯橋畔千古人傳玉樹標

其四

仙游何處白雲鄉絳節飄颻上帝傍五葉世傳中令貴三朝誰識次
公狂丹青永夜悲前席絲竹頻年醉後堂茗椀酒鎗渾似昨不堪重
過綠蘿莊

其五

瓊瑤當年碣石臺一時才子盛追陪燈懸太乙人初聚漏盡長楊客
未迴楚澤悲風迷屈宋梁園殘雪散鄒枚龍門咫尺無窮恨誰共登
樓賦七哀

其六

年纒四十五游成昏嫁何須畢向平秦華兩登天地小崧衡齊躡斗
牛驚九疑峰憶帆前壁三疊泉猶杖底鳴瓢笠玉郎今在否朝騎鸞
鶴上瑤京次公於名山惟北岳未登餘四岳外太和巨盧武夷黃枝履所歷具名山遊記中

其七

抗手吳門歲月除三年秋色斷鱸魚清江一曲懸詩外大海千峰入
夢餘紫氣尚懸朱雀桁丹霞長擁白牛車何因一問梯仙道並捧金
璫拜玉除

其八

短褐長安記昔遊忘年傾蓋見君侯淮陰敢竊無雙譽江左元推第
一流吟盡白雲鴉鵲觀坐殘紅日鳳皇樓蕭條往事空華髮落木淒
風遍海頭

賦入詩後鄙懷不能已已伏枕呻吟再成八律共前什計十六
章輒命使者焚之几筵次公有靈當為我擊節三神之頂浮

一大白也

中年真訣至人傳晚歲仍參佛祖禪夜雪尚疑中岳頂朝霞傲赴大

羅前黃金闕近雙龍駐白玉樓高萬象懸為問仙都趙記者幾家詞筆並如椽

其二

才名伯仲世爭奇並握隋和照海涓大野正看儀鳳日荒郊俄遇泣慶時惟應翰墨留千載盛有文章落四夷輝輝雞林傳賞還懸金寧侯國門知

其三

作賦東南見大夫平將彩筆擅菰蘆青矜問字環三省白贖傳詩盡五湖蓬海客歸應化鶴嶽山人去定飛鳧天鳳萬斛金莖滿肯憶黃公舊酒鐘

其四

綽約仙山大海東神人何事暫乘風栽花已見潘安似擲果將無衛玠同入座朝霞明遠岫披襟寒月挂長空屋梁此夜看顏色猶作當時夢寐中

少室山房卷五十六

其五

紫綬金章白玉珂風流誰奈使君何文雄剋欲誇天寶句好寧甘壓永和斗十千傾綠蟻崇臺二八貯青蛾名圖一別空回首滿眼霜稜折菱荷

其六

宿世合毫自右軍池頭秋色照鵝羣吳中驟貴烏絲紙海內爭傳白練裙片石嗟我枯樹賦次公家有補河千金零落送梨文次公入觀大令送梨帖來售即傾南枯樹賦刻不都下有以五十金易之才七字云空餘太極臺前榜大筆高懸駐彩雲

其七

三年移疾住吳閩不改清齋舊太常豈謂龍蛇能作讖坐令鴻雁不成行遊同兜率非天姥秩主遮須勝夜郎猶憶向來尊酒與亂山風雪滿橋傍

其八

總角攜書到上林華筵何處不招尋淮南桂樹枝枝賦冀北梅花片

片吟斜日劍鋒雙黯淡暮年書札半浮沈鍾期一去極堪絕碎折牀頭叔夜琴

張仲立過訪舟中邀集新居奉贈二律

修竹千竿蔽草廬蓬蒿一徑共躊躇囊傾記室三都外張景陽注左三都賦架插司空萬卷餘茂苑祥光迴鸞鶴吳門秋色到鱸魚他年孝友知侯在底用尋源上玉除

其二

青錢萬選世誰倫金鏡千秋動紫宸三篋當年窮宇宙七車遙夜辨星辰杵空澗水知無敵劍合延津自有神倘許孝廉船上約浮家何惜去來頻仲立博核羣書二詩每篇八句

賞其手神瑩微為賦二首

入幕何來傳粉郎居然容色似龍陽書裙是日逢王令大令為羊欣方斷袖當年憶漢皇曲裏合桃歌鞞鈴車前名果擲琳瑯異時開府

少室山房卷五十六

其二

能相過莫遣才人坐別牀東信事見北史

其一

秋水為神隔絳紗何年捧劍入王家牀頭夢有金莖露庭後春生玉樹花才比郁郎偏有意色同彌子更無瑕他時倩汝汾陽宅飛挾紅綃上太霞捧劍見唐小說

為房仲贈姬人時齋素獨居一室

盡拋鉛粉著袈裟長日焚香誦法華不學楊枝辭白傅暫同桃葉住王家臺深弄玉鸞簫斷殿鎖飛瓊鶴馭返自是蓮花離火宅子猷狂與為誰除

答贈戚山人不磷不磷工繪事及詩寓逸季所

飄然孤鶴下玄關十日高陽共破顏白苧霜華婁子國青綉雲色敬亭山囊中毛遂人爭識庶下梁鴻客未還慚愧五君勞入頌風塵吾已贊毛班戚投余詩有見說五君無爾敵之句

贈王孟嘉奔州公從孫也

弁山堂下一逢君玉樹翩翩自不羣
馬誇設呼狂武子龍山寧學醉
參軍朱紘暫習南風操玉劍行衝北斗文
最憶竹林深夜語亂星殘
月生宵分

壽王公詹七秩

瑯琊門第舊稱雄握手翩翩大令風
函谷雲霞新紫氣燕臺日月舊
青宮竹枝賦就徵才子桃葉歌成教短童
聞道瑤池開燕日萬花如
綉簇簾櫳

再輓王長公二十首

有序

余既為長公輓章二百四十韻矣顧鄙懷猶有未釋然者憶
囊哭次公賦七言律十六章長公讀之數過因戲謂古今哀
挽之什至子多乎哉第辭竭思枯即異時吾不諱何以措手
余亦戲答方公為魯靈光砥柱百世僕以朝菌觀大椿雖欲
有言得乎長公目余一笑耳音泠泠誠不意鸞駉鶴馭倏忽
昇於大羅也追惟宿諾勉爾含毫呻吟一夕成二十章於乎

少室山房卷五十六

七

伯牙絃絕江淹才盡余此後亦永謝筆研矣

絳節初昇上帝朝清都何處問岩巖龍歸大壑乾坤暮鳳返高岡日
月遙文字八荒傳袞冕詩篇六合誦蕭韶莫言名世期終在永劫人
才付寂寥

其二

遙夜青鸞帝關來驟看黃鶴向蓬萊三車詎載平生業八斗難名閭
世才心折班揚愁擗管汗流枚馬遊登臺風流咫尺人寰盡慟絕瑯
琊玉樹摧

其三

萬丈文光燭海湄蚤聞名姓動華夷飛宇宙三千劫獨應貞元五
百期龍去南陽高士遠麟歸東魯哲人遷生芻泣奠奠江下不為楊
朱感路歧

其四

一謫長庚茂苑前紅光白日照奎躔詞華盡挈三唐調文管兼操十

代權夷貊盡傳鸚鵡賦兒童能誦鸚鵡篇亦知上帝須前席白玉樓
中萬景懸長公有鸚鵡賦鸚鵡詩並見集上故借補衡鄭谷事

其五

四部書成與未窮名山隨處勒峭峒開函再觀三墳出列架渾疑二
藏同大業龍門卑馬史奇文虎觀陋楊雄平生謬作談玄客寂莫俟
芭鬢已蓬

其六

三十年來上將壇平將赤幟樹在瀾山顏泰岱千峰失海涸崑崙萬
谷殘素旆翩翩來大鳥丹臺游戲挾飛鸞便應飄笠相尋去靈藥何
山借羽翰

其七

躡屣頻年到海涯青童環珮結飛霞臺端巨壑翻雲夢研底春濤漲
若耶庚子日斜驚鷓鴣鳥戊辰年遠怪龍蛇憑誰更發山陰興腸斷王
歎一棹還公有戊辰三郡稿

少室山房卷五十六

八

其八

弱冠中原結駟行朝陽爭覩鳳皇鳴朱紘萬古迥長夜彩筆三朝擅
大名座上雪花凌楚澤壇頭虹色貫秦城為知兜率迎新帝不向蓬
須問舊盟

其九

乘爛雙鈞倚鹿盧人倫一代擅風胡刪詩秩繼周司寇作賦名高楚
大夫閭闔五朝傳父老門牆四海見生徒尋仙政有青蓮癖日候長
鯨返太湖

其十

三篋曾誇暗誦能七車今代幾同乘金泥錄辯神仙窟玉鐙文窺帝
子陵海上專車無巨骨山中著械有奇形千將一夜飛雷煥服匪何
年間陸沈讀后言附錄作用張寬安世稀康江淹防風賦負等八事

其十一

十載玄關閉綠蘿一朝禪榻脫維摩金棺掣電飛西竺玉局搏風上

大羅丹闕授書借素女絳臺搗藥待皇娥青天度索出頭望試問桃花能幾何皇娥歌見拾遺記

其十二

七傷翩翩聚紫宸陳思才調擬誰倫華陽館內飛談日碣石宮前闢賦晨白壁千秋無大楚黃金一字有先秦參差王氣東南歇悵望遙天絕後塵

其十三

奕葉瓊枝照錦袍何人不羨二王豪爭傳一帖辭中令忽報孤琴遊馬曹大地驂騑分蹀躞中天麟鳳並遊遨雲飛萬斛西池上好憶金華灑露桃

其十四

雙旌曾駐白公堤夾岸桃花送馬蹄大筆今懸冀水上高門元峙越臺西兩高岩壑爭奇句三竺雲嵐護舊題陳述請王何處問亂山殿瀨夕陽低長江之王實吾越睦州分水自國初徙吳今尚同請系云

少室山房卷五十六

九

其十五

棘闥綿上舊躋躋彩筆寧論晉問如汾水真儒羅上第晉陽精甲侯前除干峰曙日褰帷外百谷晴嵐眺望餘翹首太行雲霧色幾回梁國為停輿長公庚午校上山西程式成出其手尋以內數語

其十六

一疏東南卧草亭自將遊展卧沈冥丹霞蔽日攀林屋白露橫天汎洞庭角里攜家迷故蹟靈威入穴辯遺銘冷然一夢乘風去悵望吳峰立翠屏長公有陽羨洞庭諸遊稿

其十七

尙思斧鉞駐鄴關開府中丞節制閒萬馬不嘶雲夢澤孤鴻時達洞庭灣用柳毅事長公朱絃夜和湘靈瑟白苧秋初漢女環極目招魂勞楚夢三閭能復戀人寰

其十八

白雲花月漫撩吟何柰蒲輪歷歲尋一曲五湖頻入夢三生八座詎

榮心風摧玉軫高山絕露掩金刀大壑沈信有騎曹清癖在仇池新竹漸成林

其十九

臺殿金銀挂夕陽莫江百畝暫徜徉全收五岳壺天內別起三山陸海旁堂上涼風生綠野亭前奇石護滄浪滄浪亭在吳門僅百里今誰主花溪宅萬朵芙蓉泣露房

其二十

短髮飄蕭大海頭登龍曾是昔年遊長裾晚曳三千隊彩袖朝傾十二樓字挾風雲心未老名懸日月望難酬無勞動色真長問已盡人間第一流長公舊贈余詩云一字風雲爭吐氣千秋日月破蒼名云云代與天地有詞壇國上誰能不讓韓俱非余所敢在云

抵新安訪汪司馬伯玉八首

登浪奔流大壑摧龍門咫尺擬蓬萊三千界迴乘風入四百灘長挂雪來隘地黃山無俗轍中天白岳有仙臺躋攀一快平生目肯作咸陽十日迴

少室山房卷五十六

十

其二

匣底青萍煥陸離離知今日愧前期三朝詞賦羣公盡一代文章大老遺宇內高名譁北斗壇頭陳述悵南皮關情最是婁江色萬樹桃花落海濱

其三

紫氣新都間白雲關前晴色望網羅誰家片碣無題字到處名山侯勒文亭倚太玄空八代襄攬副墨象三墳何言吉甫偏能頌手繫樓蘭粵水濱

其四

當年橫槊氣如虹戰血猶殷大海紅七澤戈鋌移小隊三河鏡吹候元戎營中賦客袁宏俊幕下詩流杜甫雄拂袖麒麟成往事亂山雲色臥空同

其五

十載東山挂夢魂歸從西竺問乾坤孤踪自寄函三室大法遙探不

二門香積飯信忘歲月菩提參佛悟晨昏猶餘慧業差榮念尺寸毫端萬古論

其六

藝苑宗盟四十年暮途真契少林禪雲扶砥柱千秋壯日揭靈光萬古懸虎帳翰鈴聊偃息雞林詞筆競流傳無論片諾登龍易大雅堂深列管絃司馬有傳奇四卷名大雅堂集世方盛行

其七

當年懷刺出孤蘆傾蓋錢塘月滿途綺席衣冠連北海畫船鼓出西湖榮皇麗句懸金刹爛熳清歌送玉壺雙劍只今猶賦草壇場能憶禰生無

其八

五子當年述已陳竹林攜手重傷神齊驅碣石無先聲學步邯鄲愧後塵海內誰當司馬客山中今見牧羊人惟應乞取朝元訣坐嘯天都望玉宸

少室山房卷五十一

二 夢 還 樓

抵太函適汪司馬赴許將軍泛舟余遂為不速之客座中分賦暖日隨風照畫船茂林脩竹翠羣賢雙旌乍識元戎隊片刺忻同上客筵邂逅洪都無彩筆屢酬郢國盡朱紱歸來更下雨巾榻干樹梅花伴獨眠

司馬公邀同謝少廉吳太寧集函中

萬山迥合大玄亭五夜雄談入杳冥繞座春風凌白苧當筵牛斗落青萍抽毫客似登梁苑張樂人疑在洞庭醉擁如花明月下路歧何用嘆飄零

是夕遂宿太函

金碧檐楹護翠嵐鬱葱雲霧繞東南頻年司馬懸高榻此夕元龍臥太函古檜飛霜盤絕壑疎梅翹雪點空潭水晶簾外千家月細酌天池佐夜談

董使君過訪賦贈二首

朱顏攜策赴長場笑揖花廳大道傍煒燁封章馳紫殿飛揚名譽出

黃堂新都日月三天近夢澤雲烟一水長回首竹林成舊迹壚頭猶記阿咸狂

其二

天人三策向來傳萬室爭誇太守賢夢繞花廳長樂外風行竹馬大鄆前朱樓畫閣灘聲近紫殿琳宮岳色懸爛熳黃金雙闕下蚤攜繁露入甘泉

送汪象武之南都

祖帳天都樹色重懸腰長欽動芙蓉遊梁上客傳司馬入洛羣英鬪土龍五夜桃花朱桁落三春楊柳白門逢飛鴻咫尺平安報交葉泥金瑞氣濃象武注先生仲子故有司馬士龍之句

少室山房卷五十六

三 夢 還 樓

少室山房卷五十六

激水胡應麟明瑞著

七言律詩七十六首

聶水部報命北上訂余握手谿頭賦此為別

河梁揮袂惜追遊五夜雙龍拆斗牛
皂蓋欲飛燕闕底青帆仍遞越
溪頭熒煌御氣瞻華袞慷慨窮交惜
微裳明月梅花春事蚤為公懸榻
在南樓

憶蘇別駕以修有序

憶在清源日與惟效使君以修別駕
沈飲十旬極人生聚首之樂一別五
載使君出守三衢尚獲談諧朝暮以
修歸臥巴蜀遂絕無鱗羽相聞惟是
使君擢任觀察以修是其州民焉豈
龍劍有靈天作之合乎余既悲使君
之行而又竊幸以修之遇感懷戀別
情溢乎詞

笑憶清源市上年沈酣長伴酒家眠
空傳刻曲三冬棹竟阻咸陽十

少室山房卷五十七

夢選

日筵噴鼻正窮司馬賦貂璫誰達子
雲玄花聽此際堪搗與極目雙鱗濶
瀕前

題徐納言具慶地封冊

壽域雙開越水頭金章赫奕下龍樓
星飛南極晴光爛月湧西池瑞氣流
八百年方騎紫鳳五千文欲駐青牛
承家况是仙郎在戲彩翩翩近玉旒

登鹿鳴山絕頂憩小蓬萊觀易使君留題作有序

山與郡城相望超然亭孤峙其顛四面
無際俯瞰衢闕萬瓦鱗次飛流百尺
環抱其前吳雲樹映帶左右近郭一
大壑也舊止玄武一祠葺而新之為游
覽所是始使君云

絕頂仙風面面來中天何異到蓬萊
江流噴雪飛吳甸石磴盤雲上越臺
覽勝欲窮遊子目留題誰並使君才
倉毫驟發登高興莫訝銀鉤破綠苔

次日復攜酒酌山堂晴眺再題壁之左方

徙倚危峰鹿豕尊前吳楚望網緝亭臺
四壁全披霧城郭千家半入雲薄暮
飛檣環浦下中宵寒磬隔谿聞青霞
忽記觀棋約曳杖行探玉笈文

贈李司理二首有序

司理楚嘉魚人曾祖承箕舉于鄉棄
弗上南宮與陳公甫倡和嶺表即白
沙集所稱李世卿也從弟承勛復以
戰功列名臣文詞勳德棣萼相望司
理是世其門閥尊人孝廉亦有集行
於時

環佩翩翩下玉除漢庭司法定誰如
才名供奉騎鯨後家世將軍射虎餘
座裏雄風迴七澤囊中春雪照三衢
探奇不獨青霞與物色時能到草廬

其二

識面荆州更有無頻將意氣傍菰蘆
青春紫殿誇陳策綠鬢黃堂佐剖符
三尺清風懸水鏡萬家明月浸冰壺
銅鞮况是山公在把臂何

少室山房卷五十七

夢選

妨學酒徒

壽喻封翁七秩

三生曾授太還丹七紀長看住翠巒
座上雙龍隨舞鶴亭前五馬候驂鸞
西江水接東溟近南極星朝北斗寒
莫道授書年尚少蒲輪行見出長安

張成叔過訪以尺牘詩草見投頗深推
揚賦答四章

志氣翩翩入洛才衡門游屐破蒼苔
未絃慘以佳人絕彩筆嶢嶢大將來
宇宙漸開新苑苑風雲重上舊燕臺
從知國士深難遇片諾何妨共草萊

其二

十年塵迹嘆飄蓬傾蓋何由道路同
一顧驥羣空北牡雙飛龍劍隔雌雄
名流上國交垂盡才子中原業未窮
恨望四明雲霧滿獨將離目送高鴻

其三

片席乘風下海頭屋梁明月夢難酬尙虛文舉三年刺誰共元龍百尺樓大業乾坤孤鳳起長途雨雪片鴻愁京華舊識如相問老盡桐江釣客裘

其四

粲爛鮫珠海色傍飛光遙夕遍茅堂千金易水看過市片玉昆丘總擅場白日鴻心游浩渺青天鵬翼破蒼茫爲君一誦如灑句齊晉他年可暫忘

歐楨伯八旬矣而神逾王千里餉書頗寓前薪之憤寄答二章
老大登壇興轉豪懸書雨雪問綈袍文章得久寧兒輩意氣縱橫尙我曹壯節轉深題柱感雄心曾怯據鞍勞期君一在天風上信宿羅浮望海濤

其二

十載西風嘆路歧孤蘆長臥越江湄宮殘碣石才人盡殿聳靈光賦客遺斗酒乾坤迴就誰尺書湖海問支離奇峰四百飛雲外題遍梅

少室山房卷五十七

三

花夜雪時

夜同孫金潘葉四生集文如美人館
繫馬高樓興未迴銅瓶春色照寒梅人同帥利觀空坐客似維摩抱病來雪後何妨尋刻曲雲深無處問陽臺相逢肯下高唐榻總爲當年作賦才

張大來至泰和以翰貺見貽賦謝

鴻書遙下白綸巾聞說題橋氣象新賜履乍同中禁側鳴琴獨坐大江濱蒹葭灑水孤蓬夜桃李河陽萬室春莫向龍頭嗟晚暮翩翩八翼上平津

丁觀察以兩臺疏薦留住四明賦懷二律

千騎縱橫夾上游飛章推轂動宸旒干旄舊識長城倚斧鉞重因大海留玉局閑敲風滿座金尊長嘯月當樓春晴試弄桓伊笛何限桃花越水頭

其二

咫尺樓船號令新欣從帷幄觀詞人關中久自推馮異河內今誰屬寇恂溪擁越來清霧雨山橫秦望絕風塵大揮椽筆平夷暇修禊蘭亭正暮春

送易惟效觀察之蜀中同李司理作八首

粲爛除書漢闕來蜀天何處望蓬萊黃堂久擅分符績烏府新推仗鉞才霧擁雙龍行劍閣雲隨一鶴度琴臺百花潭上題詩暇幾喚詞人共綠醅

其二

熒煌簫鼓夾離筵處處棠陰拂畫船叱馭重行棧日觀棋猶憶爛柯年雁塘急峽高牙外夔府孤城大燾前滿目匡山雲霧色好憑遺碣問青蓮

其三

憲節朝巡白帝宮千山行色望難窮城懸灑灑瀨飛濤上署湧岷峨積雪中社稷關心龍劍紫鄉間游目錦袍紅極知河內追思切伏闕何

少室山房卷五十七

四

由借寇公

彩筆西南見吏情風流何似在承明花香匝地文君肆樹色浮天望帝城攬轡岷山千騎肅飛書瀘水百夷平莫言玉壘堪長借翹首雙珂漢闕鳴

其五

楚水巴山別思重經遊何地不奇踪黃金作客憐司馬白羽談兵羨臥龍絕棧三千行蜀道危關十二望巫峰高唐賦罷堪攜手咫尺雲華夢裏逢

其六

江城晴色照蒹葭彩鷁鳴榔散曙鴉鼓吹乘風還七澤旌旗搖月上三巴揚雄閣畔題玄草杜甫堂前覓浣花到日海棠開欲遍可能移植到山家

其七

綠酒紅顏恨和歌金釧
船過錦里春風啼蜀魄
天劍水波

共八

歌罷驪駒散夕氛天涯何處恨離羣
岫雲大樹尙留嚴武碣小桃偏護薛濤墳
令越客聞請蘇以修伯仲也

題琴鶴重鳴卷代送易使君

繡斧輝煌下越城江天晴色耀飛旌
鶴行巫峽彩雲晨送客巴山明月夜談兵
聽向北平

春日送趙均甫敬甫二文學一之北庠一之南雍秋試并寄懷
大學士汝邁先生

畫船簫鼓發江潯猶爲離鴻一抱琴彩日燕吳雙鳳下青雲
龍吟輝皇棣萼聯高閣爛熳荆花簇上林何事朝論閣閱萬方翹

首祝商霖
題陳玉叔天尺樓

宸章爛熳燭奎躔呼吸眞看帝座懸
陵前風雲仲舉方高步湖海元龍漫獨眠
閣待如椽

李允達過訪賦贈

十年塵迹愧疎慵一刺何來倒屣逢
屠龍尊前片語江河盡筆底千秋海岱從何限
望白雲重

早春汪司馬伯玉抵嚴陵以手札見招先此奉柬期司馬過小
園時仲淹同至

踏盡名山與未迴一筇春首問崔嵬
士來絕壑魚龍迎繫纜中天鸞鶴候登臺
千門雪色澄江上咫尺能

無過草萊

雪中寄司馬汪公泊方山人劉文學

千峰寒色坐霏霏極目瑤華倚石扉
魚磯同雲匝地江華暝密雪連空海樹微
興正橫飛

汪司馬偕龍博士登嚴陵賦雪寄訊

蕭森寒色照菰蘆縹緲青山入畫圖
江湖千花桐瀨飛瑤瑟萬樹蘭陵照玉壺
寄茂園無

同徐茂吳集唐惟良蘭陰館

蘭陰攜手白雲平湖海重追舊日盟
言成勅唐千崖薜荔誰同往五畝蓬蒿任獨行
燒銀燭照山城

王長公二郎君同補邑庠寄賀

六朝門第盛瑯琊五葉儒紳冠海涯
王家雌雄出匣俱生霧伯仲當尊並瀉霞
種向流沙伯仲句用三雅事

握手無言意已消江干晴色此停橈
梁持伯內史過谿上夜談燕市舊遊感而有贈

夢遙掩選有心酬鹿豕巢林何事擬鷓鴣
歌劍影搖

寄喻邦相二首時攜觀察山東
輝皇除目下蓬萊綉斧麟符擁上材
鴻來樞趨日月宣尼廟叱咤風雲管仲臺
色正窪鬼

其二

雙飛龍劍出天涯燁燁寒光射彩霞
瑯琊齊都按節民風變魯壁探書世代
退底事徂徠看日上扶桑晴

瑯琊齊都按節民風變魯壁探書世代退底事徂徠看日上扶桑晴

旭正當衙

張幼子悼亡作

十載青閨戒婦儀一朝環珮赴瑤池傷心孔雀孤鳴夜照影文禽獨立時霜薄騎曹愁裏鬢月殘京兆畫眉時自從巫峽雲歸後不向人間怨別離

壽王轉運入秩二首代長公作轉運元美從子也

紫綬金章照暮天斑衣玉樹間華筵八旬正值飛熊候九折能忘駐馬年履躡仙風陽羨頂船邀明月洞庭前東山咫尺過從易歲歲看花共阿玄

其二

南北驅馳鬢未皤一生鹽鐵寄婆娑烏衣坐處官仍達黃綬歸來客競過桃葉興將中令達竹林年較仲容多明朝倘赴安期約雙舄同凌大海波

易計部過訪賦贈

少室山房卷五十七

七

輝皇函簿到蘭舟認是栽花舊易侯岸憤已更新氣象彈冠猶問昔交游攜來梁父中天日望入江郎大海流美酒頓澆愁頓釋不知行李駐山郵

答李允達秀才四首

風霜遙墜筆如椽有客論文自綺年入咏漫愁人代隔千秋重觀帝京傳來詩及隱侯入咏乾坤寂寞華陽社雨雪蹉跎澗水船莫訝中郎貪割炙于今國士定誰憐

其二

濁酒蘭陵悵望頻如灑今親代興人居然鵬賦追仙客誰解麟經作素臣允達業雷雨延津誇合劍星河嚴瀨照垂綸無論白首侯芭業入翼看君近紫宸

其三

青眼橫承百尺樓尊前何物慰離愁丹山月老寒棲鳳白石雲荒夜飯牛屬國才名猶奉使輕車勳業漫封侯期君對挾飛鯨去小作

問汗漫游

其四

消渴頻年寄茂園何人詞賦就中原花生曼倩三千牘草就蒙莊十萬言梁父雲霞期望日崑崙星斗待窮源蟪蛄一室猶堪共莫使清風隔晤言史記稱莊周著書十萬餘言

壽王司寇元美六秩四首有序

長公之初度也實前丙戌之歲今甲子一周矣冥靈大椿以五百入千為春秋區區人間世駒隙眇不足論矧長公身居赤城名首仙籍即冥靈大椿亦小年耳而何有于一甲子耶第遐齡億算此實兆基詎容無祝以虛大慶輒賦四律代頌嘉辰海內蒼生當同此願云爾

玉璫曾聞下帝都金丹此日兆懸弧千秋事業周司寇六秩行藏衛大夫伯仲瑱簪麟是友孫枝蘭桂鳳為雛吳門午夜麻姑到仙醴何妨醉百觚

少室山房卷五十七

八

其二

紅顏紆玉上彤墀秋苑縱橫大將旗萬古文章尊泰岱三朝名譽蓋華夷靈光突兀雲霞擁兜率高寒日月遲七十二峰元宅畔從教鸞鶴醉中騎

其三

安車迢遞出楓宸側席明光問老臣獨步詩名齊大雅高懸文價重先秦追隨鶴馭三天客出入龍門四海人漫詫蓬萊雲色裏西園臺殿盡金銀

其四

曾從彌勒問三禪更逐方平煉九還寄迹乾坤中土外飛身雲霧大羅前桑弧想像庚寅日花甲週迴乙酉年莫笑騎羊人去握衣常侍玉華筵

送王次公入賀萬壽

展底山川遍七閩仍將金鏡入楓宸三為大國掄文吏兩作中朝獻

壽臣挂笏露華流紫殿稱觴霞色動青旻為知燕錫承明後首問華陽擊筑人

祝山人將過白岳訪汪司馬即席賦并寄江公

四海蒼生下謝安誰同司馬話登壇新安水似龍門出白岳山將泰岱看明月乍掩蘿徑曉西風遙灑薛衣寒亦知幸舍堪彈鋏會否中林問鶴冠

沈明府二親貽封寄賀

八咏當年詭妙才鳴琴南國暫徘徊循良政績飛三殿撫字聲名動兩臺單父雲當公解入河陽春傍訟庭迴危樓百尺東陽近肯握如椽到草萊

新正懷喻邦相方余過雲間恍忽不及往晤擬至都下握手復以病歸漫此奉寄

孰是攜書問帝都聊同捧檄向江湖愁多總入三秋鬢病久那違百折途赤日虹光龍劍杳青雲色鳳城孤春風遠憶朝元客滿錫黃

少室山房卷五十七

九

金醉玉壺

清源訪蘇別駕以修邀同蔡景明夜集

扶疎雙樹似禪堂綠酒銀瓶喚客嘗鹿藻世傳蘇屬國高名人識蔡中郎三峨雲霧揮毫落九曲溪山入話長已擗平原留十日漫將離色賦河梁

同蔡觀察蘇別駕集張文學園亭分賦

關千百尺暮雲流八面疎櫺瞰斗牛彩筆詞人紛入坐青衫遊子獨登樓無論河朔千秋勝已過平原十日留一笑驅駒魂自斷不堪明夜木蘭舟

應麟自髫卯即辱大司空朱公賞識茲公將南歸不勝戀戀謹再賦七言二章

刊木當年夏后才乞歸優詔下蓬萊黃河萬里崑崙靜紫氣雙帆碣石來北海琴尊初寄傲東山杖屨暫徘徊莫言五老雲松近斗色崢嶸照上台

其二

十載謳歌扈聖君三朝出入冠人羣華夷並切姬公望河洛長思大禹勤賜履燕臺晨動色懸車廬岳暮生雲猶憐越客千將在拂拭寒光射斗文

同趙明府郭鴻臚遊洞巖山

石壁高盤澗道分夕陽鐘磬坐來聞雲堆絕壑噓龍氣霧擁危峰下鹿羣曳杖乍招叢桂侶吹笙遙問大茅君移家咫尺堪忘世那得鏡山更勒文

大司馬張公秋日過訪溪上余時留武林不值抵舍後再往謁

謝二首

熊車遙度越王臺駿骨仍慚漢殿迴廿載登龍頻入夢當時題鳳亦憐才三峨雲氣飄蘿薛五岳風期動草萊翹首未央天咫尺今東閣定誰開

其二

少室山房卷五十七

十

交游七子氣凌雲出入三朝帝眷勤文武並傳周吉甫詩書長誦卻中軍風高秦望雙旌入潮落錢塘萬弩開笑兀南樓秋色裏胡牀能許坐宵分

送麻都督之嶺南二首

大府新移鎮粵臺辭天白馬下蓬萊三邊帳幕霜華淨五嶺囊橐雪色來說劍荆高多俠士抽毫袁伏是奇材征南漢將曾飛檄寧似元戎出手裁

其二

絕徼重飛上將星揚旌伐鼓度滄溟長驅吏士過南粵淨掃單于下北庭林杜舍杯千埃肅梅花吹笛亂山青羅浮銅柱燕然石萬古何人並勒銘

秋日湖上奉訪汪司馬伯玉時仲淹仲嘉同至

十載龍門夢寐長披襟何意共錢塘軒車驟擁西湖畔劍珮遙占北斗傍業就千秋陵左馬家攜二仲勝求羊漫誇四百臨安寺遍勒新

題向草堂

湖上逢王承父

溪上秋風罷舉杯
湖頭白眼重登臺
乘槎汝自崑崙至
躡屨余仍少室迴
三尺劍花凌宇宙
十年囊草秘風雷
惟應爛醉烏程下
盡解鸚鵡裘付綠醅

送唐別駕之虔州

蕪城初別鳳凰簫
水國重過驪馬橋
共惜士元居小郡
何如長孺在朝朝
千林大庾含芳近
萬蕊唐昌入夢遙
便覺佩刀千氣象
驛亭風雨夜來饒

送大司馬張公還朝四首

赤雨初銷萬竈烟
朱旌重閃入朝年
鯨鯢觀築三吳外
虎豹關清百越前
西北風雲馳劍履
東南日月護樓船
莫誇定遠封時事
一代殊勳太史傳

其二

少室山房卷五十七

士

中天名岳降崔嵬
望裏三城雪色開
父老菟傳司馬論
君王遜借臥龍才
長城乍起當周甸
大海初澄傍越臺
縱是抽毫難和客
幕中猶許孟堅來

其三

象服天南逼大荒
獨持雙斧到錢塘
三年幕府蟠蛟蜃
一夜轅門縛犬羊
淮蔡囊韃爭伏謁
朔方旗幟盡飛揚
賓寮漫擬從軍樂
手定鏡歌十八章

其四

大纛生風入帝城
雙龍遙夜雪花鳴
餘皇十萬清吳塞
練組三千肅漢營
泚水蒼生偏聽捷
黃池赤子競輸誠
何人第一麒麟上
彩筆詞場更主盟

王山人世周以長歌及七言二律見貽賦答二首

旅食經秋傍越臺
王郎瓢笠為誰來
平收南國雙金價
自老崑岡片玉才
俠氣爾仍標海岳
詩名吾亦困塵埃
尋仙倘覓金華洞
雙跨虬

龍出草萊 王昆山人

其二

客館逢君思欲狂
吳山握手望錢塘
寒光驟吐青萍匣
秋色先凋白苧裳
老去雲霞忘世態
窮來天地問詞場
漫將七子推同調
不盡雄心驥櫪傍

中秋夜司馬汪公招同吳越諸名士湖上玩月得秋字

縹緲晴烟一望收
樓船明月大堤頭
芙蓉花發重湖夜
桂樹香飄萬壑秋
彩筆乾坤誰大雅
青山吳越盡名流
何當醉逐羣公去
十二瑤臺次第遊

十六夜喻別駕遂同汪公重集俞園得池字

滿坐青山照習池
上公攜客共含卮
中天月色重圓夜
大海潮痕乍落時
杖擲廣寒銀闕近
杯傾河漢玉輪遲
當筵觸目俱名勝
爛醉高陽白接羅

是夕邦相以公事先行余同司馬移舟六橋布席堤上澄湖月

少室山房卷五十七

三

色萬頃如畫簫
管閒作諸君劇
權丙夜迺返十里長橋
跨水涯狂呼明月醉流霞
平湖影落虹千丈
遠岫光飛雪萬家
映席楓杉俱錦樹
迴船葭菼半瑤華
洞庭秋色鏡相似
莫把雲門異代誇

陳觀察留飲賦贈

豪氣曾聞百尺樓
重看下榻自南州
雙懸斧鉞名山色
獨坐樓船大海流
絕頂雲霞藏雁宕
中天雷電挂龍湫
探奇不淺王郎興
瓢笠能容次第遊

容次第遊

少室山房類集卷五十七

澗水胡應麟明瑞著

七言律詩八十首

七月望抵武林陸履素使君招集湖上樂人周生瑾者年少善歌酒酣持扇索題即席塗抹四首

華星明月遍西園卓蓋追隨識大藩南國風流周小史東吳才望陸平原朱絃度曲飛霜麗玉局觀棋墜露繁夾岸芙蓉千萬朵歸來何異宿桃源

秋夜集程仲凱玉樹亭同梅太符羅高君作

珠簾十二鎖蘭君一樹亭亭碎月搖貝葉恍疑天竺寺瓊花如靚廣陵橋階前秀色呈諸謝亭后新聲度六朝最是綺衣明夕夢相思愁絕彩雲遙

雪錢太學懋毅過訪奉贈余懋毅年家子也

奕葉風流大雅堂飛揚才藻敵文房青鞋遍踏吳山下卓帽頻敲越水傍賦就長楊迷國豔栽成叢桂發天香東南彩筆錢郎舊名士誰今列雁行

寄贈龍君御校文南都便道入楚省觀湖頭晴色罷參禪又觀風流白下年六館才人爭射策三吳詞客候譚玄雲拖彩服椿庭外霧擁朱衣棘院前莫戀長干風景麗西冷何限木蘭船

寄贈長洲江明府明府楚之桃源人

十載風期夢寐賒相逢何意驟天涯栽成林屋花千畝恍入桃源樹萬家畫鷁秋分吳苑月飛鳧晴蹴漢宮霞青旗夾岸休回首滿目河梁散曙鴉

舟過廣陵訪陸無從夜集託以買宅橋東因寄贈此作

橋上相攜不厭頻銅車油壁半香塵貧將玉樹誇詞客老向瓊花作主人邗浦月華秋似練曲江濤色夜如銀青樓肯著狂夫臥傳語吹簫爲卜鄰

閏九月望後抵淮上包稗升水部邀集署中二首 有序

衙齋之傍雕欄曲池特擅華勝入夜登西臺長空無雲皓魄如畫酒酣樂作小奚歌紅線行巨觴豪飲劇談遂至申旦蓋余自癸酉之歲以大中丞勝公命入武林與稗升及元采立夫輩同學萬松精舍屈指二十四秋浮沈異趣稗升故人之誼戀戀猶昔云

白面揚亭話草玄升沈迴首一潸然飛揚六傳浮淮日潦倒單車入洛年劍合青萍明月底杯分黃菊暮雲前投膠拚吸長河盡可奈平原是別筵

其二

雕欄十二淨無塵綠酒銀燈勸客頻汝爲都水使乘槎余是問津人風生錦樹鳴霜葉露洗瑤臺上月輪莫訝秋宵談易徹廿年朋輩各參辰

泊天津遇陳孝廉仁夫爲十日飲賦贈

少室山房卷五十八

把袂飛揚易水頭當年馳疏識名流從軍自結三千客破虜頻呼十萬侯劍拂秋霜臨虎穴毫揮春雪上龍樓期君一在新豐市爛熳桃花撲錦裘陳雅喜談兵欲以三十六人橫行日本如班定遠故事

初入都與惟寅話舊白雪齋作

聚散升沈二十年一尊攜手暮雲懸觀魚尚憶濠梁下市駿重逢碣石前意氣乾坤誰並許頭顱霜雪競相憐從知奕葉麒麟貴彩筆何人載世傳

仲冬長至大學士趙公汝邁大將軍李惟寅同日先後招飲賦謝二章

飛葭六琯動芳晨玳瑁筵開並帝臣長揖將軍元有客掃門丞相詎無人黃雲絕塞閑金甲紫霧中天護玉宸不爲上公雙吐哺荷衣容易到風塵

其二

旅館陽迴雪乍晴梅花吹角暮雲平羹調上相長楊殿酒出元戎細

柳營鷓鴣三千隨玉陛熊羆十萬衛金城酬知何限干將色夜夜雙龍匣底鳴

至日同俞孟武顧朗生朱汝修集李太保惟寅白雲齋即席得來字

朱門遙喜一陽迴曉逐春光上薊臺隴石英豪元世業淮南賓客盡時才驅車豈爲千秋出擊筑重將萬感來拚取深杯酬令節參差銀漏滴蓬萊

次日再同俞劉朱三子集李汝藩齋中分得花字

華堂燒燭散林鴉坐擁紅爐片月斜漸喜春光迴白苧尙餘秋色對黃花孤蓬遊子衝殘雪大筆才人照綺霞莫訝金閨年少甚岐陽詞賦舊名家

夜同孟發諸子集白雪山房得雲字

畫戟清香上紫雲西園明月坐細組三年桂樹尊前別一夜梅花笛裏聞白雪齋中人漸老黃金臺上客成羣朝來太史占星聚燦爛干

少室山房卷五十八

將易水漬

上元雪後過宋忠父入直不過寄懷

縹緲天花散鶴羣瑤臺十二迴難分光搖火樹甘泉月皎吐金蓮太液雲殿上攀龍文苑客壇前飛騎羽林軍知君此夕高堂夢一賦晨看帝座聞

過王思延齋頭讀所撰新草并鈔本夷堅支志十弓主人索七

言一律及詩數三編爲報卽以見歸走筆賦此

萬軸琳瑯照五車天涯何意復吾廬登堂盡讀潛夫論入幕先攜仲任書赤水頻年迴象罔此書余向丹鉛遙夜校虫魚多訛脫從知錦

被參軍業挾策重過大西居王時爲京

題帷幄元勛册八首爲相國趙公賦

寧夏獻俘

十萬材官奏凱旋天威如電掃祈連窮追冒頓蕭關外盡縛中行漢殿前宿霧三河沈劍戟新霜六郡洗戈鋌金門咫尺瑤編就何限殊

勛太史傳

其二

五載干城急上材傳呼中令出蓬萊長纓北繫名王去大纛南俘叛將來淨掃烽烟張掖郡平銷雲霧赫連臺誰論淮蔡功成易爲說元戎是姓裴

朝鮮復境

飛騎紛紜易水傍羽書題處筆如杠月支故主仍修貢日本殘兵盡乞降鼙鼓漁陽空大磧戈船鴨綠靜長江經綸黃閣眞誰並一代凌烟照畫旌

其二

清秋遠左陣雲寒伐鼓吹笳上將壇乍見嫖姚屯細柳俄傳都護奪鼻蘭千橋觸浪長鯨碎萬弩乘潮巨艦殘一望越裳天似洗大標銅柱報金鑾

還西告捷

少室山房卷五十八

一鼓居延萬甲馳風雷搖曳助拳旗天驕膽落犁庭夜日逐魂銷度漢時朔雪頓隨豺虎淨陰風旋挾大羊移金城却問諸年少可解營平授策奇

其二

露布風馳入紫宸何人第一畫麒麟雙旌出塞飛元將一柱擎天自老臣突兀燕山銘處石縱橫遼海戰時塵橐駝千隊南驅夜不數周家白雉馴時邊將獲橐駝千頭

日本祈封

巨筏連雲盡度遼羣胡乞命候封輅單于勢面思歸國贊普輸心願入朝九塞軍容銷戰伐八方民力謝征徭安危華夏看今日一騎何煩出消橋

其二

平明閭闔露華晞六服懷琛候紫微島虜行成祈北面蕃臣重譯到西飛清風絕塞塵沙淨赤日扶桑燧火微從此禦戎傳廟略上公橫

玉贊垂衣日本使名

雪中同胡孟弢諸君集宋忠父第分得歌字

朱樓百尺帝城阿策寒東來問巨羅獻賦客當梁苑聚尋詩人自灞橋過千門落絮銀為殿萬井飛花玉作河寂寞郢中高唱後重將白雪擅新歌

薄暮雪霽改席小西園步縹緲臺玩月入清華洞觀梅花復張

樂堂中華燈火樹絲竹間作丙夜擁爐小齋聽韓生琴與周生較奔達曙再用韻賦之

春光遙逐片鴻過有酒寧問夜若何東市張燈雲氣早西園飛蓋月明多孤亭草色叢青桂古洞花香翳綠蘿十二金釵屏後滿就翻瑤瑟奏吳歌

雪中同王明府蔡儀曹集恆叔同卿宅

縹緲關河凍欲合灞橋吟興正驂驛千門雪照梁園賦萬古天空碣石談柳絮樓臺迷塞北梅花籬落認江南相逢盡是朱絃客一奏陽

春意未慚

翌日再同恆叔同卿集穉合儀部第

攜手高齋散鶴羣帝城春色漸細組金庭日月三都賦恆叔有五玉稱合自號洞雲霞二西文二西山人雪霽爐烟紫樹起風清暮響隔花聞朝來共策黎眉去折盡寒梅易水濱

奉壽大學士洪都張公四首

律轉洪鈞萬象移金莖承露出瑤池蓬弧已卜三千外花甲才周六十期霧擁青牛來絳闕雲飄黃鶴下彤墀憑高一望台垣色南斗中天正陸離

其二

海屋籌增玳瑁筵東皇靈氣夜周旋三台拱極星辰上八柱擎天日月前左馬文章鸞掖貴夔龍勳業鳳池傳桃花漫憶西華外玉洞明霞萬樹懸

其三

二百年鍾命世才垂紳端笏住蓬萊三神山外青鸞下五老峰頭白鹿來中貴傳觴臨玉陛大官行饌出瑤臺無論吉甫清風頌煥爛宸章屬上裁

其四

赤烏雙瞻傍紫宸華夷誰不羨經綸安危一代徵王佐侍從三朝識帝臣異日才名金駟裏當年形貌石麒麟閒雲極目匡廬畔能憶玄亭問字人公在南成均日余出

雪中陸使君過訪時大計初解嚴

千山飛雪灞陵橋策馬長安路未遙豈為魚鹽來上國爭傳牛酒錫中朝綈袍碣石交情古使君在與余遊海長彩筆甘泉氣象饒八百瑤樓春苑外新詩隨處勒岩堯

贈吳翁升

握手新知更酒徒由來奇偉擅菰蘆星河靜日飄雄劍風雨殘宵擊唾壺白玉堂中人在否翁升買一姬甚麗而早死黃金臺上客來無

異時若雲家能泛何用扁舟狎五湖

夜同胡孟弢龍君超楊世叔三孝廉周陳二山人集宋忠父第

觀梅花繁英盛開芬郁殊絕適侯萬二都尉在坐瑤瑯珠玉與花豔相映發同集諸君應接不遑余傾賞丙夜幾欲醉臥閣中作趙師雄羅浮夢矣歸賦一律似忠父并博笑侯萬二

君

姑射雙仙玉不如一尊花底闌珊瑤瑯夢迴大庾繁霜外吟斷孤山岸月餘寂歷寒香飛枕簟玲瓏疎影出庭除東風何處吹長笛極目江南舊草廬

區太史用孺過訪小飲

濁酒翻歌意氣長金門環珮暫徜徉詞臣煖借青綾被倦客寒消白苧裳賦雪何人還郢里談天吾輩尙華陽相看伏櫪同盟在未遣雄心阮太行

夜同子玉通用孺出荔枝酒毒飲至酣即席賦

爛熳名花壓酒卮主人留客鳳凰池何煩太白呼桑落宛似輕紅驛
荔枝把臂浮雲春盡日持整明月夜關時莫教一騎華清笑腸斷當
年杜牧之

送趙鹽鐵之維揚

燕山晴雪照宮袍車騎東方意氣豪臺上千金騏驎骨池頭五色鳳
凰毛深花楊子迷春渡遠樹蕪城落夜濤二十四橋人似玉畫筵何
處伴揮毫

送孟弼之沅中

東風帆色潞河漚無賴楊花舞別筵龍劍未收豐獄底鮫珠猶泣洞
庭前干人漫擬酬春雪一士何妨守太玄席士僅二十人此去長沙應計日
受釐明主在甘泉

贈李大將軍二首

誰奪天山蓋世勳登壇長缺動星文隴西猿臂傳飛將薊北麟臺屬
冠軍十萬瑯戈營似雪三千珠履座如雲猶憐射獵平原后彩筆拈

詩過夜分

其二

金鎖花深醉玉壺綠沈苔臥伴雕弧爭傳都尉晨風曲自寫將軍落
照圖轉戰頻年屯涿鹿禽生遙夜出飛狐長纓不道終郎懦躍馬蕭
關共擊胡李善丹青

歸

同賀伯蘭集蘇叔大聽謝孫兩孺子歌曲作是夕賀遂以獲雉
曲巷濃春到竹扉羊求相過並忘機尊前月似羅浮出座上雲偏碍
石飛花院管絃流翠暈棘垣燈火動朱衣慈恩百尺青宵外姓氏晨
看徹帝畿

曾人倩春日移居招同諸君夜集余偶以他燕不赴賦謝此章

韋曲西南大隱留卜居春日近龍樓金門詔許東方待玉殿書將太
乙簪柳色甘泉移砌上花香平樂過牀頭羣公正引揮毫與愁絕青
絲絳紫驪

奉贈大學士馮公

當年曾謁大馮君卓蓋飛揚激水濱華國更傳中秘草名家誰嗣大
玄文香浮赤舄唐宮霧燭引緋袍漢殿雲解道鳳池霞色滿餘波長
借白鷗羣

夜過蔡弘父館中呼盧戲贈時蔡將買妾長安

屈指新豐散酒徒長燈明月暫呼盧關東意氣希胡質洛下風流羨
蔡謨翠纒同心金是屋青絲垂手玉為壺曲江花事輸年少一載嬋
娟向五湖

王文學以忠八十餘徒步入燕訪大學士趙公而神明茂甚詩

以壯之

五字新詩一釣綸攜將帝座問星辰聊行雪裏山陰道肯逐風前洛
下塵大厦萬間依梓里危樓百尺近楓宸無嫌掃葉王生耄結襪猶
能重相臣

送屠田叔之七閩

抗手春明話別離為君重賦七閩詩官曹鹽鐵酬文學佛寺金銀臥
武夷目斷紫駟紅杏苑歌殘黃鳥綠楊枝側生飽吹楓亭下可忘京
華識面時

應揮使招集坐中北樂侑觴賦謝

燕寢清香散鶴羣玳筵霞色坐網組編舞神花間出嘹唳歌喉竹
下聞旅夢乍迴燕邸月鄉心猶共越谿雲憑高試望東南氣燦爛明
星拂劍文

錢參戎移任北平二首

飛將新移右北平度遼橫海舊知名珠弓射日千鵬避玉帳連雲萬
騎鳴羽檄晝馳平樂館鏡歌春滿受降城會聞異日東征績半夜天
山奪寨營

其二

一劍凌空舞雪花雙旌搖日動龍蛇從來驍騎能憂國未滅匈奴肯
顧家首借城邊吹篳栗燕支山下奏琵琶大標銅柱祈連外第一凌

烟總浪詩

王通侯世叔以新刻詩草見貽卒業賦二首

奕葉金貂大海濱風流王謝舊無羣清標突兀麒麟畫彩翰飛翔鸞
鷲文勒勒歌成才冠世燕然銘就氣凌雲寧知逸少將軍貴擲管千
花拂練裙

其二

年少登壇笑伏波飛章雲錦粲明河大揮隴右屯田疏重製伊州出
塞歌謁帝華筵聞杖杜懷人清興入藤蘿翩翩白馬燕臺暮頻許荆
高挾筑過

絕

寄李逸人李好談長生別余入咸陽自云將煉藥終南與人世
黃河遙望盡飛沙一別難尋漢水槎白苧閒過章曲柳青萍狂狎杜
陵花長生籙在顏終駐太乙丹成鬢未華寄問旗亭耕種叟荒原曾
熟邵平瓜

少室山房卷五十八

送鍾太學天毓歸越省其尊人觀察公

驪歌不斷夕陽樓又折黃花賦遠遊六館諸生驚翰墨三河羣少羨
風流朱衣上國誰青眼彩袖高堂正白頭歸去若耶西子近絲韁煩
爲片雲留

奉贈大司徒蒲坂楊公二首

當年袍笏借南宮片刺曾勞答孔融世德總傳雙入座家聲遙羨四
三公芻蕘絕塞軍儲盛粟輓長淮帝眷雄自愧銜知年少日蒲稍惟
悴太行東

其二

三朝出入珮雙龍四岳詠諮近九重社稷助勞周太宰川原籌畫漢
司農朱旗代北邊烽靜絳帳關西世澤濃廿載長安聊再入不禁風
雨傲芙蓉

中秋夜大學士趙公招集待月賦謝

長廊秋色轉斜暉握手平津土客羣酒出天厨容並醉義調帝座許

平分黃金城關籠香霧白玉樓臺挂彩雲酣醉莫辭過丙夜清輝
薛已紛紛

中秋先一夕同吳九兆周元父集宋西寧園亭翫月申旦即席

分賦得郊字

秋半園林易水郊郇厨頻出大官殺茆堂一葉霜華下桂殿千花月
色交極目蟾蜍初展鏡驚心烏鵲未安巢清光儻爲侯門駐後夜重
攜止客敲

秋日王太學行父招同顧明哉顧靜父李叔操李本建袁微之

魏穎超汪明生王資敬集長安西曲

碧瓦朱甍大道旁招邀臺館尙華陽壇頭擊劍多燕俠澤畔抽毫是
楚狂露黯翠梧頻換色風酣紅菱亂飛香疎簾清簟人間世賭墅憑
誰敵謝郎

中秋後一夕蘇叔大招同汪公幹胡昌世區德符攜樽步月西

長安遇趙汝元兄弟痛飲達曙

少室山房卷五十八

一尊星斗挂長空良夜招攜桂樹叢玉鏡尙圓千里外瑤臺同望九
霄中高林墜露驚棲鳥遠塞飛霜落斷鴻廿載素娥成遠別天香零
落廣寒宮

蔡立夫素不事麴蘖入都下忽以酒人名每一舉觴輒酣暢累

日夜乃醒醒則復呼酒酒已復醉或至經月始復常自名連

環飲得歌者苗鳳時置屏障間相酬酢余甚高其風格戲贈

此章

擊筑燕臺興轉狂離騷讀罷思飛揚經時曲阜邀從事盡日糟丘臥
太常帳裏玉簫傳鳳吹筵前珠履集龍陽竹林風致看垂盡儻許頻
過白面郎

何長卿至自南都技益精絕賦贈此章

一擲千金散彩雲愀然長嘯大江濱生花驟入銀鈎夢劍薤俄成玉
筋文帝命靈篇傳七緯人誰奇字話三墳玄亭十載清吟斷爲汝重
題白練裙

汪象先伯仲招遊城東阮姬館卽席索詩題壁間

落魄長安思轉豪新聲同聽鬱輪袍看花悟入林中竹阮姬姓故採藥迷
行洞口桃亦劉阮事小玉橫釵頻擁髻阿環持硯伺揮毫妓名韻歌刺發
青蓮興莫遣汪郎笑二毛

汪象先復邀集阮氏明月樓

羸馬東郊不厭狂坐攜豪興入平康觀風上國來吳季生中吳待月
前溪遇阮郎石上桃花迷對奕墟頭竹葉照飛觴青衫慢溼潯陽淚
一曲琵琶萬恨忘

長安秋暮

萬戶西風急暮砧錢塘秋色夢中尋毫端漫詫相如璧囊裏誰操郭
隗金長信宮寒雲漠漠華陽社遠日沈沈登高且逐黃花醉遮莫霜
華入鬢心

陳太史孟常過訪

環珮翩翩洛下逢越溪猶記舊芙蓉瑤弧百中長懸武寶劍雙飛欲
少室山房卷五十八

化龍載筆西清霞縹緲書東觀日從容高樓肯作陳登臥大關翹
材傍九重

壽李惟寅五秩初度八首

紫氣清秋駐玉宸蒼生華夏頌經綸三千劫外懸弧客五十年中仗
鉞人文彩聲名符鸞鶴丹青圖像照麒麟崧高突兀生申後誰復成
周話降神

其二

樓臺十二靜飛沙帶礪山河柱國家映日階莫呈五葉公以暮秋五
日乃為先霜籬菊綻三花紛紜瑞鶴遊蓬島蹀躞名駒聚渥洼虎帳
麟袍天北極人生何處覓丹砂

其三

黃菊初開玳瑁筵羣仙齊降大羅天登龍預報重陽日躍馬才過半
百年北府聲歌傳出塞西堂名勝關凌烟貂蟬肯挾元侯重五夜花
生巨筆前

其四

十萬材官大將旗安危南北鬢毛知青萍錯落談兵夜白羽飛揚誓
眾時雁塞爭傳都尉曲雞林頻誦拾遺詩李白亦拜左拾遺惟寅烽
烟淨濯榆關外羸取天河作酒池新集名青蓮閣草故云

其五

廿載陰山懾大名天驕消息斷龍城長驅蜃鱗扶桑界盡宿貔貅細
柳營疎勒助勞班定遠先零籌策趙營平由來文武中朝憲一頌聊
煩吉甫評

其六

登壇才氣冠時髦橫槊風流擅彩毫香梓家聲雙鳳躍孫枝門望八
龍豪公諸孫正青油幕護淮山桂赤玉盤行閨苑桃尚記少年裘馬
事西園旬日醉葡萄

其七

北海筵中醉未停南皮社裏嘆飄零青衫白壁聯燕市余與惟寅嘗
北海筵中醉未停南皮社裏嘆飄零青衫白壁聯燕市余與惟寅嘗
聯璧紫綬黃金壓漢庭宇宙同盟三十載江河齊算八千齡赤松少
俟功成候把袂驅羊入翠屏

少室山房卷五十八

其八

海岳風期聚草萊江山文藻半莓苔獨看魯國靈光殿長峙燕關碣
石臺射虎縱橫當世略雕龍淪落異時才朱絃久絕雲門調一為鍾
期次第裁

送汪象先還歛中余將卜居秣陵象先訂余買宅杏花村同以

明歲秋晚

青萍長夜舞離筵綠綺猶將別路彈岸夾丹楓雲外寺江鳴黃葉雨
中船鄉心半咽驪駒外客夢孤飛雁陣前攜手杏花原上約鳳凰臺
月幾迴圓

同王行父吳允兆沈孺休李本建魏穎超汪明生李叔操集惟

寅宮保第得飛字

玳瑁筵開半褐衣侯門猶憶故山薇當尊紫氣函關落鏡座青霞碣

石飛客辭南樓秋浩渺兵談北府夜霏微中天試望長庚色煤爛晴
光徹帝畿

趙相國齋中芍藥盛開卽席賦

春色長安尙未闌平津西第近金鑾瓊林種就三珠樹玉砌妝成七
寶欄露浥朱唇霞就吐風迴粉面月初圓調羹况值台垣暇百遍休
辭大白殘

同王水部蔡羽部袁儀部集高比部正父邸中同賦兼送正父

南還時正父以權
別暫歸南海

一時遙衝雨色來金門曾念舊蒿萊合杯四座俱仙吏授簡三曹各
賦才紫氣豐城看射獄丹砂勾漏待登臺春光倘憶成都客人日詩
篇海上裁

再用前韻送正父

斜日蒼涼轉翠苔一樽秋色指蓬萊西山林葉儀曹興柳子厚有秋
秦哀兩君皆
書爲儀部郎東閣梅花水部才王君璧
水曹璧脫秦庭仍舊邸金殘碣石豈

少室山房卷五十八

三

選

空臺南征何限登臨句四百峰頭取次裁

少室山房類稿卷五十八

少室山房類彙卷五十九

續金華叢書

澗水胡應麟明瑞著

七言律詩八十首

大司馬東明石公過訪奉贈二首

百萬良家白羽中驅除南北羨雄風坐收獵虎無雙策誰擅麒麟第一功帶礪河山新氣象族常社稷舊精忠遙憐抗疏黃門日折檻長留玉陛楓

其二

三朝詞筆大如椽琬琰勛勞柱石前七尺安危懸宇宙靈鈎離合動星躔陳兵鉅鹿登壇夜捕虜盧龍出塞年堪笑班生頭漸白欲將銘頌勒燕然

送羅浮陳山人

揮手元龍客思遐十年豪氣共天涯愁深白下三秋月夢入朱明萬樹霞臥榻經年聞帝座支機何處問仙槎樂遊原上飛霜色惆悵離

少室山房卷五十九

心折暮笳

同胡孟弼張仲立過集李惟寅宋忠父作

欲縮相如賦倦遊歸心頻折大刀頭桃花一樹空含笑柳葉千絲盡喚愁狂逐春風眠北里醉呼明月上南樓應門莫怪齊竿拙挾瑟時能過五侯

雨中同行父元兆集惟寅第作

卓帽故斜白苧袍尊前華髮漸蕭蕭西堂殘暑驅紈扇南陌新涼上彩毫風度蛩聲油幕遠月分螢影畫牆高從知隻字千秋在底事平原說四豪

夏日集大學士趙公齋中時羣從諸孫咸集

三檻雕楹煥陸離雪桃冰李坐含危天迴廣厦流雲入地擁長廊夕照移繞砌蘭孫誇奕葉當筵花萼關連枝朝來霖雨商巖足好奏南薰上赤墀

夜同謝友可集會人情新居分得臺字各罷復對弈丙夜

深居贏得近蓬萊路轉黃金百尺臺入座風流垂拱客登壇名譽建安才雙扉積翠西山墜四壁新涼上苑來清簟畫簾爭弈罷坐攜明月向蒼苔

寄贈李參知註發中出示吳下名流詩帖甚都

突兀龍門重漢都誰從長揖望司徒天邊紫霧飄熊軾日下紅雲抱轆轤種就甘棠連百粵攜來玄草半三吳胡牀見說風流甚試問南樓月有無

為行父贈西曲薛生

誰挈名花到上林居然一笑謝千金江天桃葉凌風渡水國蒹葭抱月吟朱鳳半翹綠比翼翠蛾微斂為同心白家長恨殊堪誦早拂東床侍玉琴

薛生以七夕初度故小字巧巧又清齋學佛復有素素之稱行父拉余過曲中薛持箋索題走筆賦此

名花後植近金鑿一朶能傾十二欄巧思正鍾天女夕素肌長抱月

少室山房卷五十九

娥寒清商管協河東鳳薛子坐吹玉簫汪明生作白眼和之絕類燕冲舊日彈琵琶者果為之大驚云亦錦箋裁蜀郡鸞可但校書推學士龍門飛將舊登壇貴以白袍顯素素干騎射甚精皆薛氏云

李本建招集薛館薛於孤矢最精挾彈尤稱絕技是日縱觀許為李作長歌贈薛先賦此篇

會伴天孫侍玉宸偷從太白下峨眉驚看絕代無雙質解道登壇第一人薛一見余即舉袖彎弧長貫月青絲馳轡不飛塵亦知八斗才華絕能復抽毫賦洛神

同謝友可集王行父館中

一尊長夜把蒲萄邂逅燕城黃錦袍彩翰舊飛三楚雪青萍初濕九江濤銷沈往事迷雞肋歷落雄心擅蟹螯驚座莫言狂態甚風流王謝總人豪

王行父入都以鶯能精繡葛簾等物見餽賦此

玄經曾授楚三閭賦就河東出草廬餽我正思衡岳雁為君重食武

昌魚蒼筠卷雪真無價素葛含風玉不如漫向主人論識面十年魂
夢倚璠璣

唐從事邀集酒樓觀女樂卽席賦此送唐之敘中

錦纜黃河憶共來輝煌袍笏下蓬萊風流暫借蓮花幕意氣頻呼竹
葉杯海上晝遊還越郡天涯春色遍秦臺雙騶倘憩齊雲石爲掃題
名舊綠苔

同王行父集惟寅齋頭得來字

曲几疎櫺照綠苔高陽狂興逐人來卽看談虎當今事何減雕龍異
日才座上彩毫仍楚澤門前朱履半燕臺蛟螭劍落司空字猶記响
嶼絕頂裁時出大禹
承帝碑

楊博士招飲館中博士成都人舊
爲長洲縣尹

白板雙扉護碧苔何人攜酒問奇來玄亭暫寄成都客宣室初還洛
下才座裏杯盤仍苜蓿官前袍笏漸蓬萊無論麋鹿姑蘇畔蚤逐飛
黃上薊臺

少室山房卷五十九

仲夏初度惟寅爲余舉觴話舊感懷賦謝此什

年少相逢結客場翩翩裘馬賦河梁風期肯逐朱顏盡意氣偏借白
髮長閣上麒麟雲縹緲官前鸚鵡月微茫桑弧莫話男兒事縱目天
山大樹傍

蔡穉舍招同王恆叔承叔雨集

繞架琳瑯四壁前翛然門巷似神仙風驅殘熱先開徑雨送新涼驟
入筵三俊聯翩飛宛洛一經憔悴臥幽燕母嗟老眼風塵下賭墅猶
能壓謝玄

同王太僕蔡祠部集承叔黃門館中

十日平原燕未空千秋河朔思偏雄雙攜絲筆邀王粲一抱朱絃和
蔡邕太液輕陰迴驟雨甘泉殘照挾飛虹淋漓大白休辭醉何限蘭
心玉署中

周筴六招飲齋中

首藉空齋坐典墳居然野鶴在雞羣前身宋玉偏能賦早歲陳思著

屬文絕頂匡廬捫壁雪深秋騰閣臥飛雲何須更作如椽夢燥爛朱
華郭水濱蔡六陸
川人

贈王吏部

江左高門舊不羣垂紳端笏氣凌雲千秋藻鑑山公疏一代菁華吏
部文漏待明光天咫尺香含長樂霧網羅千將此夕堪延佇何限飛
虹易水濱

惟寅治第于螯石中得大禹响嶼碑因函置壁間賦此紀事是

日同觀者王行父汪明生

十丈穹窿照海湄玄圭猶憶告成時不緣奇字中郎識那得靈文大
厦遺霧擁蛟螭晴挂壁星攢科斗夜臨池他年手勒燕然碣萬古銀
鈎對陸離

贈京兆尹錢公

宦迹三朝舊建章風流習習滿維揚高門奕葉推王謝大府聯翩接
趙張謁帝兢傳京兆尹入官曾記禮曹郎燕臺百尺衙齋近燦爛黃
少室山房卷五十九

金出尙方

贈答郭太史美命

縹緲蓬壺十二樓鏘金鳴玉扈宸旒客傳江夏無雙譽人擬汾陽第
一流紫閣霞明鸚鵡陸底青宮雲繞鳳池頭遙憐後夜藜燈色曳杖頻
攜太乙遊太史江
夏人

與君禹蘇丈別且六載入都後忽聞以大計至余喜極策蹇訪

邸中君禹方病齒謝客躍起擁褐對談丙夜各賦一章

金銀宮闕駕蓬萊入覲歡聲漢使來一自驪駒傳象郡那知龍劍合
燕臺新書碧荔枝頭寄麗賦紅蕉葉下裁秉燭對談拚永夜參差梁
月墮莓苔

張中丞助父兩以書寄余余亦兩書寄助父而皆不達郎君後

之都下再得手札賦此奉酬

廿載梁園望目勤西風林葉轉紛紛浮沈殷羨書中字明滅荆卿劍
上文地盡中原惟片雪天長南國有飛雲悲歌屠狗燕臺事寂莫年

來未易聞

壽柳封君

紫氣東溟日夜懸瓊樓春色照華筵簪纓世襲河東後綸綉新傳渭水前桂樹一株偏倚月桃花千度不知年誰論五馬人生貴屈指青鸞絳闕傳

區太史用孺招同居田叔胡孟弢會人倩崔子玉謝天章高正甫張孟奇夜集得霞字

甫張孟奇夜集得霞字

青燐藜火隔窗紗咫尺瀛州路未遐執戟共誇中秘館飛觴頻入近臣家毫端麗賦燕臺雪座上雄談碣石霞不道羅浮天萬里玉堂清夜看梅花

出西郊訪蘇君禹留集時郎君新以借計至

樹裏芳樽照綠苔春明雲色半蓬萊河梁羽翼飛龍竝天關文章瑞鳳來桃李盡收梁國彥時門下以計芝蘭高擢謝庭材當林莫訝公榮與白日長歌動薊臺

少室山房卷五十九

五

過蘇生叔大戲贈

意氣翩翩結客場朱顏明月照琉璃梅花夜宿羅浮洞柳色春攜灞澹傍講肆未須鄰馬隊歌樓頻許挾龍陽叔大儀舍遠太學而怪來與歌者謝甚暉故云池草新篇麗白日西堂夢謝郎

送崔侍御之淮南二首

鼓吹春風出禁城寒帷晴日賦南征中原寢廟瞻龍氣上國嚴廊聽鳳鳴驛路霜飛停處節河橋雲擁別時旌埋輪莫問都亭事草木江淮識姓名

其二

矯首明光伏柱年西臺爭覩太微懸緋袍冠豸紅雲下繡斧乘馳白日前大海波光明劍鳥長河風色避樓船觀魚咫尺濠梁近肯道相逢是別筵

夜同孟弢話舊作

一尊殘雪坐宵分話盡江東日暮雲作賦暫呼雲夢長飛書重謁桐

庭君千秋總向愁中得萬事那堪別後聞乘燭對床真夢裏屋梁寒月故紛紛

上元宋西寧忠父招同胡李二孝廉劉王陳三文學侯都尉杜

金吾夜集別館徵伎張燈觀鰲山火樹情景暢絕即席成詩

坐捲珠簾散落霞長安春色半侯家瑤池尚積千林絮時殘雪尚未消金谷

俄開萬樹花鳳管過雲來北極鰲燈擊月上東華胡姬十五皆如玉

唱徹梁州白鼻騮

大學士洪都張公招同孟弢諸子夜集賦謝一首

煥爛台光襲錦袍筵開東閣坐蓬蒿虛疑上相調羹暇轉憶司空據饋勞夾日槐陰鸞輅迴參天梧色鳳城高無論絲竹安昌盛繞座龍門列俊髦

東陸履素使君

一別吳山郭外潮西風無賴起蘭橈瞻依北極龍樓近指點西泠鶴寺遙太液霞光青瑣夢甘泉雲氣紫宸朝青衣尚憶歌紅線爛醉湖

頭第六橋

少室山房卷五十九

六

同胡孟弢李季宣夜集區用孺太史

把袂荆高共黯然十年杯勺阻瓊筵重逢太乙紉書夜猶是長楊射策年寶劍衝星豐獄底瑤琴飛雪廣陵前相攜一借羅浮榻萬朵梅花達曙眠

懷崔子玉明府

尺素殷勤問五湖蘭陰迴首白雲孤青牛關外書傳否黃鶴樓中賦就無柳色橫琴當海甸桃花飛鳥上天都黃金突兀華陽邸試覓長安舊酒壚

沈純父新拜司空奉東

咫尺青雲動彩毫司空新命屬人豪寒光北斗驅龍劍爽氣西山憶馬曹萬仞扶瑤看奮翮百年金石付持螯不緣沈約腰圍瘦誰戀當

時范叔袍沈大舊仕問卿

答何仁仲

千里長安問酒徒故人相對夜呼盧
淒涼古調翻瑤瑟慷慨雄心碎
玉壺吏隱何方非日月身閑隨地即
江湖明朝共發官梅與爲探天
街月有無

周太史過訪賦贈

回首錢塘握別年山光湖色尚依然
青雲獨步燕臺上白日雄飛帝
座前繞夜魚龍吟太液深春鸞鳳
集甘泉寧知尺五台垣近一駐華
鎮問太玄

飲酒示趙汝元陳仁父

千門晴雪帝城東百尺珠簾卷暮空
試問飛談摧碣石何如豪飲臥
新豐紅顏半擲乾坤外白髮重搔
海岱中爛熳灞陵桃柳色相將遊
展醉春風

送李汝藩使日本

金函晨捧出明光玉節東行島嶼長
萬甲玄雲移細柳千帆紅日到
扶桑投詩鴨綠天吳靜諭檄雞林
海若藏最是翩翩書記好行營何
處不飛觴

同王伯固夜集劉百世齋頭賦贈

伯固先在太湖再任臨漳

挾策當年共五湖飛揚文藻出菰蘆
公庭晝下銅臺雀帝苑宵乘玉
殿鳧種秫倘同彭澤否栽花曾遍洛
陽無青藜燦爛談天夜何限星
辰墜轆轤

李叔操以新詩羅襪捐餉報謝此章

挾日平原思並豪絨書霞色爛揮毫
光分窈女新羅襪豔拆長庚舊
錦袍虛擬蓮花生殿陞且隨桃葉步
江皋翩躚掌上非吾事十指惟
將伴蟹螯

同王行甫顧朗哉李本建徐象先易用晦汪明生玉資敬夜集

帝城何處不西風籬菊開殘九日叢
詞賦應徐曾鄴下酣歌劉阮但
新豐墟頭獨抱河山感筑畔猶傾海
岱雄拂曙章臺楊柳色聯翻金
勒問橋東

明晨諸子復集城東白氏館行父攜酒脯爲主人

十里平康路未賒青絲躍馬共天涯
誰將桃葉誇王令轉見楊枝擅
白家愁斂翠眉窗墮月笑舒紅頰
座生霞飛觴驟發墟頭與惆悵南
城促暮鴉時象先以寓居郭外先行

周元父美風調且善書畫音律客西寧宋侯館時時遊美人狹

斜中邇復迎其內子適至邀贈此章
何物周郎賦興饒秦樓深夜合鸞簫
金釵餉處偏憐杜齊高帝以金釵餉周
日餉周公阿杜玉管吹時正憶喬周公瑾
白練書裙時自媚絲絲初
禪爲誰嬌周正事侯門此日歸堪戀一任移文到汶寥

王行父招同李叔操諸君觀院本雜劇二首

逸響繁絃並入神西風聊濯五陵塵
尊前鸚鵡千聲合廉下魚龍百
戲陳擁座誰非談劍客當場不少
弄丸人毫端欲試成風技夜恐寒
芒射北辰

其二

綺陌華筵接上林樂遊原樹半沈沈
竿翹碣石虹千丈座擁昆明獸
百尋煥爛飛花傳羯鼓飄搖落葉送
胡琴亦知不是陽春調一爲王
郎奏越吟

嶺右徐孝廉象先以新詩投贈殊極推挹之至奉報此章

風前何處赤鸞簫握手徐郎意氣饒
蓮葉江南聞舊咏象先贈薛素素以采蓮歌
桂林天末見孤標玉簪攜恨同心隔
象先干曲中陳生其賦金錯傳
書半面遙徐叔以金錯碗寄素嘉又徐妃常不是倖長貪縱酒飛霜
無賴徹秋宵作半面妝象先繼要僅兩月故云

爲象先再贈陳姬一首

委巷千花照綠苔平康新賦若爲裁
明妝陳女專金屋麗藻徐卿冠
玉臺徐陵韞玉扇繫雙鴛愁送別亦戲用傳鏡分孤鳳待重來亦陳
樂昌異日如相遇未信楊公不愛才

卽事調袁王兩生

莫訝袁生與太狂傾城無奈素羅裳
當時誤託張公子今代重逢薛

女郎風吹已傳新北里驚聲猶戀舊東牆惟應羌笛歌楊柳首坐詞人合姓王微之記名張生與袁全字

秋日趙太學汝元招同諸子集城西李氏高嘯臺卽席賦

百尺闌干挂斗牛千家簾幙淨高秋慈恩花竹深藏寺太液芙蓉遠入樓檻外飛雲盤野鶴尊前斜日墮沙鷗脫巾洗足俱成趣莫負平原十日游

惟寅偶中人言不佞復將南發去住之懷淒然岐路漫成此章

虎將親提十萬師功成頻奏乞歸詞寧知巧貝生文錦不信明珠漚素絲上將且開黃菊宴遊人先到赤松祠飛霜夜發河橋舫愁絕乖龍入夢思時值暮秋

一別沈司空純父二首

津亭黃葉正紛紛不斂秋聲馬上聞客子衣裝鴻雁隊元戎旗幟鶴鵝軍攜歸海嶠猶春雪望入河梁幾暮雲萬里孤舟三利畔不堪重泊過宵分

少室山房卷五十九

九

其二

何限飛霜易水頭木蘭舟楫暫夷猶四愁是處羈平子八詠當年擅隱侯羽扇論兵朝北塞胡牀攜客夜南樓誰言片月關山遠夜夜雙龍合斗牛

別李太保惟寅

一騎西風問故山淮南叢桂正堪攀華筵首列三千坐大厦長依十萬間出塞功成遼海戍攜家秋盡洞庭灣高牙突兀雲霄上清夢頻飛玉筍班

別郭太史美命

午夜西風興式微并門黃葉背人飛孤雲萬里還丹壑列宿中天覲紫微異代漢庭談結襪他年周鼎佐垂衣莫愁楚越音書斷何限陽春落海圻

別王文學行父並所知薛生

長嘯都門話草萊驪駒猶傍夕陽裁新詩絕代王摩詰妙舞傾城薛

夜來尺璧故應還楚嶠雙珠何日問秦臺紗窗綉幙論心地飛夢時能到綠苔

次潞河少保趙公太保李公各遣人以綾錦追遺賦謝

煥爛雙絨襲彩毫春風如拂潞河濤寒銷學士青綾被豔借元戎赤錦袍范叔豈忘歸魏思蘇卿寧憚入秦勞江干好伴羊裘客垂釣三山問六鰲

與行父別都門意殊戀抵潞水則象先尙未發舟把臂驚訝

雄飲浹日言念行父再贈此章

興盡西風策蹇驢河梁酬唱未全虛那知流水思君日徐幹詩思正值陽關送客餘是日辰別行父夕過中斷雁行仍比翼雙絨魚腹互傳書行父象先彼此致書由來象緯占離合遮莫寒光射玉除

潞河南發承叔黃門虛所乘舟以見待賦謝二章

北上青冥問紫宸東歸滄海話垂綸那知錦纜登仙客猶戀綈袍謁帝人萬里長風吹浪日千山晴雪渡江晨豪遊是處堪河朔底事平

原話浹旬

少室山房卷五十九

十

其二

攜手雙星散玉齒故人憔悴百花潭多情落日停絲竿無恙西風入布帆大澤魚龍天上下清溪鳧雁地東南聯艦且角新題句何限江楓逐夜談

承叔舟中同王山人石父較奕作

天末歸心墮釣綸青鞋能復戀紅塵仙槎此夜偕王質旅店何年臥積薪滿座星辰寒照客半窗風雨夜留人無論甲子須臾事筆底桃花萬樹春奕經有半軒風雨集

次夕飲酣承叔得句云柝聲頻入夜霜寒余爲足成一律時仲

子弼侍坐而余于司空爲年家

柝聲頻入亂霜寒燈燼交飛片月殘詞賦千秋攜玉樹風期三世見金蘭寧親海甸驅馳急送客河橋去住難迴首爛柯吾舊宅石門天際候青鸞

林計部天迪招飲達曙作時舟次清源閣下

華館邀賓駐玉驄當筵霞色照新豐西園公子留明月東海詞人擅
大風十道帆檣飛輓外千門絃管嘯吟中匆匆把袂南州去腸斷清
源驛路楓天迪宗伯

是夕伶人奏劇客有以救蛇獲報者戲于席上賦此呈林君

千帆晴色下高春錦席華鑣夜過從塵榻久懸徐孺子角巾長墊郭
林宗青雲是處披文豹紫霧何年化白龍愁絕吳楓江路遠飛霜寒
徹曙天鐘

天迪以新詩屬序未及脫稿賦此報之

青藜遙夜並過從白恰聊將對曼容一遇仙郎慚倚馬從知詞客擅
雕龍丹霞恍忽聞山駐紫氣蒼茫岱岳重遍讀新詩三百首江天何
處覓芙蓉

雪中再作此呈永叔

疊鼓嚴鉦報曙雞關河寒色望淒淒飄搖落絮繁高岸綽約飛花罩
少室山房卷五十九

大堤鶴筆乘風天上下漁竿橫霧月東西蘭芽暮齒休相笑玉樹王
家遍舊蹊

舟次清河逢王世叔通侯先是惟寅以尺素貽世叔至是遇于

途中二律奉贈

大憲高牙鎮海濱山河帶礪漢元勳旌旗汗泗千艘合簫鼓淮徐萬
船開開府世傳嚴僕射輕裘人識杜將軍翩翩白馬平原外時見雙
鵬落彩雲

其二

征西勳烈冠雲臺奕世威名被草萊十道軍儲橫海節三朝人望伏
波才搏風白鵠飛旌度噴雪黃龍巨艦來後夜南樓豪興發新詩何
限月中裁

永叔舟中遇稚升水部再東二首

聲名藉藉動皇畿錦纜牙檣出海圻萬鷁連雲金翅擁雙龍橫霧玉
鱗飛淹留彩筆歌叢桂漢落青衫問采薇同學廿年年少友幾人袍

笏到丹扉

其二

雙旌寒拂大河東舸艦如雲節制雄十載詩名傳水部一時才望重
山公風清邇浦梅花句月朗淮堤桂樹叢咫尺牙璋龍閣畔金綈懸
錫大司空

贈王中叔別駕二首

中叔為永叔伯兄次主叔與余同鄉為三君並論魁

移官何啻入蓬瀛矯矯朱霞麗赤城荀氏一龍誇首占薛家三鳳羨
借鳴江天樓閣金陵壯海岸帆檣鐵甕明聞道畫簾清興劇欲將藜
火較楸枰

其二

名家曾識晉司空佐郡重看借大馮岸幘光陰詩卷外褰帷名勝畫
圖中西江楚蜀帆交下鐵甕金焦寺對雄屈指中朝優詔下肯令神
足限追風

入武林寓沈材叔園亭作

少室山房卷五十九

行李蕭蕭倦客囊衣襟憔悴北來霜花陰忽睹楊雄宅草色重開杜
甫堂剎遠盡流青嶂色簾疎長浸碧湖光亦知八咏才情富曾許風
期在末行

曾方伯過訪寓中奉贈

葵水分符接畫橈聲名八咏共峩巒縱橫彩筆留三洞燦爛雙旌駐
六橋擁霧薇花燕關近參天棠樹越城遙酬知未和休文曲獨把干
將劍色搖

再東陸履素使君

矯首湖天望日長畫船簫鼓出錢塘東京驟貴桓寬論南越都忘陸
賈裝幕下清霜流彩筆樓頭明月據胡牀芙蓉萬朵沈酣夜會憶當
年共酒狂

陸使君過訪作

門巷蕭蕭閉綠苔高牙俄報使君來驚心兩雪違燕市把臂星辰聚
越臺寂寞玄經沈草莽飛揚丹詔出蓬萊春花四百湖頭寺彩筆將

因次第裁

少室山房卷五十九

三

少室山房類聚卷五十九

少室山房類彙卷六十

續金華叢書

漱水胡應麟明瑞著

七言律詩七十九首

沈侍御楊茂才同邀太虛樓燕集余適留滯湖上以薄暮過則

賓主偕行矣戲東一律

蕭蕭寒雨隔孤蓬慚愧平原十日同是處新詩懷沈約何人玄草敵
楊雄地偏雲際留雙鶴天澗湖頭滯片鴻握手後期堪永夜暫將離
恨託絲桐

送程仲凱之兩都

五夜山陰興獨乘海天遙望白雲凝囊攜劍色過燕市船載簫聲出
廣陵何處新詩酬北雁當年奇氣羨南鵬高臺倘遇荆丹輩好上黃
金第一層

黃禹鈞邀同張總戎汎舟湖上作

飄然飛鶴下澄波千頃其如叔度何郭外雲嵐芳草合湖頭風雨落
少室山房卷六十

花多參差碧殿浮丹鷲曲折朱欄罅翠蛾握手茂先雄劍在夜來星
斗共摩娑

送趙符卿之燕中

夾道衣冠激水傍欣看承詔入長楊龍池乍逐抽毫客鳳闕新趨尚
璽郎旆擁飛霞行碣石船隨疎雨出錢塘中朝相業誰堪並竹帛行
占太史揚

夢王行父並寄薛素卿二首

水殿雲廊卧碧紗長風吹夢入東華高梧帝苑猶飛葉紫菊仙臺盡
試花江上數峯湘女瑟河邊孤月漢臣槎牆東是處新粧麗莫戀青
門舊種瓜

其二

天街何處問平康不捲珠簾見畫堂粉面三千迴薛媛朱顏十五侍
王昌名駒蹀躞黃金勒乳燕呢喃日玉梁斟酌章臺人在否羅巾猶
護百花香

同茅山人過湖上舍園亭作

面面珠廉護綠蘿平湖十里漾清波長風廣榭飄梧竹細雨孤亭折
芙蓉愁緒頓隨秋色遠賞心殊為暮涼多相逢大有高陽興不駐征
驂奈爾何

趙中丞以督學檄祠鄉賢中丞宗魯別駕尊人也

歸來三徑抱雲眠片石江郎大隱年五畝盡忘中令貴一鄉誰並太
丘賢青門舊吏懷風素紫閣名卿問草玄共識璣刀龍種在翩翩才
望逢甘泉

其二

煥煌飛檄到鄉閭猶憶中丞書上書九列勳勞存琬琰三朝名姓重
璠璣綱言司近雙龍關廷尉門容駟馬車咫尺遺風勞夢想高槐留
蔭在前除

送趙宗魯之河間別駕二首

雙旌搖曳前門東易水飛花撲亂紅國憲久傳中執法家聲重親右
少室山房卷六十

扶風交河壁壘遠行近渤海樓船控制雄屈指循良推第一徵書晨
出未央宮

其二

十載明經擅草萊青雲播曳珮刀來名家舊識中丞後佐郡仍推別
駕才擁蓋日華流漢殿抽毫霞色動燕臺應徐咫尺南皮近彩筆雄
章次第裁

大學士趙公手書促駕賦謝二首

十年臺館布甘霖迴首高山悵玉琴身傍紅雲扶日月夢隨黃石到
家林天邊八駿堪誰馭海上羣羊漫獨尋慙愧草玄門下士大揮椽
筆問江濤

其二

蒼蒼雲霧繞漁磯漫說商顏戰勝肥丈室擬從三島借尺書仍傍九
天飛肩擣翠空來青瑣夢捲琴尊出翠微清切上台連紫極不煩河
畔訪支機

淮甸張公舊吾州將縣上考擢行省參知聞余僦居武林夙駕
見枉且邀飲署中並命舟資送京口感其厚遇賦謝此章

曾是司空舊莫耶精光搖曳傍高牙胡牀正落南樓月大旆仍飛北
府霞蔽芾甘棠懷海嶠晶英黎火夢天涯銜知未慳如滙報心折江
城奏暮笳

流河驛遇蔡儀部稚含話別作併訂約晤于武林

握手雙龍去住懸河橋晴色對潏然中林驟報亡猿日北塞真同失
馬年曳杖天窮蒼嶺外抽毫霞湧赤城前戴家精舍谿頭近乘與能
飛雪夜船

送人還會稽

夕陽行色恨孤蓬大海家林桂樹蕞芳草不堪吳蹙綠飛花猶戀越
臺紅相看遊子悲春盡何限才人泣路窮明到錢塘潮落後書郵煩
寄北來鴻

登樓李烟雨樓寄沈純父侍郎

少室山房卷六十

夾岸春波漾綠蘋千家晴色照垂綸獨爲烟雨樓中客選憶昆明殿
裏臣九塞兵車閒仗鉞五陵冠蓋避埋輪應知屠狗風塵下大有華
陽擊筑人

淮上遇景陵徐丈以參知督開新渠余目擊其胼胝之苦茲工

將告成先賦一律東之

四載功成朔帝堯驅山鞭石夢魂搖蔥蘢紫氣騰天關燦爛玄圭錫
聖朝白浪南排千谷迴黃流東注萬川遙當年壁馬俱陳迹何藉宣
房漢殿謠

其二

海岸清秋奠六鰲空濛元氣護臨濠平成載睹唐堯世疏鑿寧知夏
后勞大野寒風迴濁浪長淮晴雪下飛濤他年太史河渠傳錯落金
泥映彩毫

徐參知總角與余游中間顯晦殊途不相聞問者廿載茲邂逅

淮甸特邀余爲具署中清燈話舊不勝今昔之感卽席載賦

一律時參知以青雀見假由此竟達燕中矣

蹤迹雲萍半杳然相逢岐路剩留連漸稱魯國通家後好是豐城拭
劍年錦席易中賢聖酒牙檣難認孝廉船銜恩不盡窮途思極目長
淮大旆懸

其二

溲落長途賦遠遊青帆馳載出河洲雙龍吐霧蓮花合片獨乘風竹
箭流揭管東南空大澤飛旌西北近神州酬知一寸將何事日夜薇
垣望斗牛

稚升水部余同甲子而艱於嗣育亦異同茲抵淮聞諸姬有將
就館者余爲喜而不寐先賦一律東之

舟航長日寄菰蘆紫氣淮陽照客途蹀躞共誇騏驎種飛鳴今見鳳
凰雛芳蘭九畹移金屋君侍姬美且都葢桂千山照玉壺用淮南小山事爲愛謝家
庭樹好三珠林立報懸弧

彭城晚泊蔡別駕載酒驛庭話舊蔡以前西安令遷淮上署家

少室山房卷六十

于徐

一尊何處慰窮愁清夜前除問蔡侯露晞中原新政續鳴琴南國舊
風流波聲淮海環公署山色徐方照郡樓明發可堪揮手恨青帆遙
颺大河流

冀觀察子勤舊分部越東于不佞大有國士之遇茲舟過濟上

奉寄二詩

朱旂曾閃越城頭渤海重看政績留南國雙龍飛電彩東方千騎擅
風流嗟嗷傑構靈光殿縹緲危梯太白樓後夜胡牀明月滿可容詞
客並追遊

其二

江風無賴木蘭檣濟上逢君興獨饒一代循良垂琬琰千秋詞賦勒
瓊瑤參天松色素封近際海棠陰越甸遙莫笑征途頻繫纜孤雲隨
處是河橋

濟上遇王世叔通侯時冀觀察邀王同集太白樓以督運建

書不能待輒此寄訊并東黃說仲山人

玳瑁筵開半寂寥青帆無賴木蘭橈波濤水國雙鴻度星斗天門一
鳴遙閱累朝傳帶礪詩篇頻夜夢瓊瑤何人共賦從軍樂咫尺長
安近灞橋

觀祭晉陵龔公招飲城南太白樓二首

百折危梯上翠臺飛樓雲際劃蓬萊客疑供奉乘風到人似征西玩
月來宇宙並懸終古蹟山川重選異時才當筵何限清秋色欲挽羣
仙步玉臺

其二

五夜騎鯨八極遊千秋陳迹尚高樓窗中齊魯青如畫檻外徂徠翠
欲流呼吸舊知通帝座飛騰今見近宸旒酣歌敢作長庚態清切寒
光射斗牛呼吸帝座
太白舊語

翌日載集杜陵南池二首 有序

杜舊有五言律見集中後人因為亭館植荷芰池上歲久頽
少室山房卷六十一

廢龔公子勤至改葺塗繕煥然復新且以濟寥寥一水迺兩
拾遺並有葆翰揭之千秋因建祠城東合莫太白少陵實詞

場一盛舉也余以行迫不及賦詩輒并紀此序中

濟水東廻眾壑馳才人名蹟尚清漪高樓百尺曾供奉旅館千秋更
拾遺白草飛揚春雪後青萍離合暮雲時浣花溪上愁無限得似修
篁蔭夾池

其二

萬瓦鱗鋪霽色分滄波長日下鷗羣當年海岱留詞客此日河山共
使君大業庭中玄草在孤芳池上白蓮開風流咫尺饒相望管管長
天度夕曛

王新建邀集樓船賦謝二首

幕擁清油近玉除筵開紅拂薦郇厨侯門是處容彈欽相府何勞話
曳裾天外欲歸還海鶴霜前頻贈潞河魚珠簾十二饒清燕一枕棋
聲夢寐餘

其二

古樹疎花照綠苔樓船開譙客頻來營門禮數寬長揖記室詩篇煥
上材大旆生風鳴朔野飛旌播月動燕臺寧知一代元侯重彩筆華
箋次第裁

秋日過茹厚之同胡勞徐三子小飲作

徑鼻松蘿半榻懸圖書四壁倍蕭然揮毫是處慚先達伏櫪能無笑
暮年旅興蒼茫斜日底雄心寥廓斷虹前千金抵售長門賦誰解成
都覓太玄

贈南吏部

吏部聲華四海聞山公才望世無羣甫金並奪中朝譽東壁兼傳太
史文水鏡清光照白日水壺寒色駐青雲從知意氣風塵外幾夜長
歌拭劍絃吏部為太
史從子

送南太史歸關中省覲

西風晨起木蘭橈垂柳千絲拂畫橋夢倚日華中秘近心飛雲色太
少室山房卷六十一

行遙翻襪彩服娛春燕奕葉青綾話蚤朝一笑下機秦媛在蕭聲頻
夜合瓊瑤尊人亦讀
書中秘

同徐暉明茅厚之過胡上舍園亭聽閔生琴作

夾道修篁帶茂林一尊攜手暮登臨咸陽趙李頻相過易水荆高不
待尋花樹雲霞流乘燭蘿軒風雨入鳴琴亦知湖海原兄弟暫借衡
門話陸沉

贈孫水部用純用純工文賦學無不窺至孤矢之精儕輩尤罕
及者

縹緲黃金菊北臺高天虹色異人來雕弧七札穿楊技綵筆三都視
草才秦望山川盤禹穴昆明池水夾蓬萊談詩東閣饒清興莫遣斜
陽墮翠苔用純會稽
人籍六詠

過孫水部談兵

一劍虛堂共眼明談天捫虱異時情會聞激石臨滄海幾為餐霞賦
赤城燕俠未荒屠狗事胡奴偏畏射鵰名長纓莫漫誇樽俎手擊樓

蘭入漢營

孫用純署中觀射作

金僕姑懸鐵兩補紫髯豪俠曾孫郎曾攜短劍過平樂欲請長纒出
未央東閣梅花聊入咏南州竹箭共稱良何當手勒燕然碣白馬橫
飛向大荒用純官水部
而原籍越中

送人入蜀

龍劍光搖大海濱河梁斜日賦離羣三千蜀棧長飛雪十二巫峯半
出雲迴雁祇從親舍落啼鵲偏向客途聞新詩一寄臨邛肆投夢先
過草女墳

寄徐方伯二首

惆悵驪駒繫綠楊一燈聊為故人長朱絲永日閑清廟白紵深宵出
畫堂未和風雲萃野畔舟航霖雨傳岩傍碧天吳越相望近對倚青
萍拭劍鋌

其二

少室山房卷六十一

七
夢
選
庚

長嘯歸來話陸沉草堂新築近東林南州尙憶朱櫛度西洛爭傳絳
帳臨匣底星辰蟠玉劍牀頭山水拂瑤琴探奇莫戀登高辰飛動蒲
輪越水潯

贈黃山人說神二首時居王新
建幕中

短髮飄蕭話轉蓬玄心寥廓送飛鴻樓依庾亮窺明月劍倚荆卿擊
斷虹古洞天台桃自發小山淮海桂偏叢燕然絕頂題名處可美班
生制作雄

其二

幕府翩翩曹孟嘉居然長揖傍高牙攜將江夏波千頃共汎山陰雪
萬家記室雄詞飛彩翰營門高嘯和清笳荒臺百尺斜陽裡慘淡黃
金宿暮鴉

寄區用孺太史兼柬高正甫秋官

四百奇峯取次遊飛帆重遡潞河流純鈞乍合雙龍劍彩筆偏修五
鳳樓日轉薇花連帝座星分藜火近宸旒翩翩常侍同盟在風雪華

陽幾唱酬

參知淮甸張公以崇正書院志屬余校定且命賦詩寄以七言

一律

畫棟雕甍越嶺前摳趨名蹟儼羣賢宮牆百尺星辰聚俎豆千齡日
月懸絕學龜臯留正統後中書有
鄒魯之稱遺經龍馬識真傳衣冠夾路甘棠
化絕勝文翁怡蜀年

聞惟寅謝事寄慰四章

銅柱勳名日月傍誰將蕙苴瀾行藏袖椎無客同朱亥彈劍何人過
孟嘗動色燕臺傳市虎關心遼海問岐羊他年首事金城策老爲先
黍出廟堂

其二

燁燁聲名駕四豪邊烽十載罷臨眺藏弓敢抱孤臣恨投鉞寧知上
將勞篋裏千章饒賦雪牀頭七發快觀濤赤松黃石俱相待底用留
侯辟穀逃

少室山房卷六十一

八
夢
選
庚

其三

明滅烽烟大海頭可堪投杼入龍樓降王尙自驚飛將醉尉能無哂
故侯馬革場中心未老鳴夷湖上興難留河山帶礪先朝事遮其功
成賦遠遊

其四

十萬良家劍氣騰天威南北倚憑凌虛疑都尉降沙漠不遣元戎駐
灞陵宇宙論功誰白馬江湖流謗幾青蠅寧知廿載東山夢一到瓜
田恨未能

無題二首

行盡春風白鼻騮傾城傾國漫同誇纖腰欲妬三眠柳笑鬢長欺百
合花紫陌鳴鞭朝映小青門挾彈午飛沙高唐頗憶襄王否獨向詞
林說景差

其二曲中有善丹青
而好遊文士者

窈窕珠簾護綠苔平康三曲近蓬萊黃驪百嘯金鈿盒紫燕雙棲玉

鏡臺北苑丹青元絕世東隣紅粉最憐才傳聲爲問章華客尙許劉
郎隔歲來

榜人自潞河歸再寄徐觀察時徐丈以河工奏計晉階

雪花長日墜干將何限酬恩國土賜揮翰敢期王逸少飛帆重借願
長康河流百折蛟龍靜海岸千秋蜃鱗藏是處平成誇帝力玄圭三
錫下明光

秋夜長安邸中同葉叔明燈下酣飲至醉作時葉以閩中公務
至

木葉紛紛墮翠苔西山秋色半蓬萊青燈載下陳蕃榻濁酒頻呼郭
夔臺雲暝帝城雙鳳宿月殘仙掌片鴻來無嗟宦轍風塵下歷塊行
占上駟才

贈傅吏部代同人

屈指蘭陵校藝年飛揚瓊珮入甘泉冰壺獨抱風塵際水鏡高懸日
月前價踊層臺收駿骨光浮深獄辨龍泉吹噓倘借東風力日夕河
東上御筵

東上御筵

夜集相國趙公府中話別作

銜恩龍劍色淒淒何限霜華照鷓鴣紅日已看中秘近白雲猶傍大
行低親闢菽水飛魂夢相府藜燈惜解擗莫恨燕吳成遠別春帆先
到潞河堤

相國趙公邸中夜談因留宿齋頭作

劇語深杯興未闌平章西第傍金鑿高齋敢謂青綾薄煖閣渾忘白
苧寒密篠飛霜流藻井疎桐移月下雕欄無勞夜望三台色萬仞晴
光燭翠巒

送沈司馬請告還越西

易水寒風迴畫檣歸裝行值廣陵湖休文老去腰圍瘦昭畧狂來意
興饒白日鴻心猶慘淡清冥鵬翼轉逍遙看君司馬書成後藉藉埋
輪在聖朝

相國趙公屢疏乞休未得請見寄二章奉和

啟事頻年叩玉宸飛書遙夕降絲綸東山是處催賢佐北極能無仗
老臣三殿風雷馳豹尾九重天日耀龍鱗他時太史如椽筆肯放下
陽躡後塵

其二

江天何處問蒹葭六洞三山照紫霞朱草欲尋仙梵宅赤松猶駐帝
王家經綸魏闕憂長寄翰藪虞廷望未涯十載飛熊仍夢寐滄浪能
復戀魚鰕

潞河夜泊同黃說仲過陶懋中舟中二首

白舫青簾半畫圖金尊銀燭夜呼盧投簪元亮開三徑汎宅朱公住
五湖太液新霜流茵茵昔長安明月墜菰蘆荆高眼底看誰在目斷燕
城舊酒壚

其二 歲仲時居世叔通侯幕

跋扈飛揚縱巨羅一尊攜手暮涼多江湖意氣開蘿薜海岱行藏狎
芰荷片月新秋曙關吐雙星明夜鵠橋過西風玉笛胡牀上無限梅
花落潞河前一日

花落潞河前一日

閑山人逸之工琴奕丹青而賣藥長安市秋日過訪卽席賦贈

短褐翩翩向暮過居然名勝對藤蘿燕京舊識懸壺技易水重聞擊
筑歌杏苑春光頻爛熳橋林秋事近如何西風漸起枚生色同歩長
安太液波

送李太史使秦中

乍捧龍章上玉墀飛旌遙別鳳凰池雲開乍織蓮花掌月滿頻攀桂
樹枝赤社琴尊操管夜黃河簫鼓落帆時朝元閣上春風繞爲賦河
山百一詩

送區用孺之楚中便道還粵

吟盡長安白鼻駒一函晴捧下金華青圭夜剪唐藩葉彩筆晨飛漢
殿花星動斗牛人倚劍天垂河漢客停棹飛雲絕頂重攀處莫戀羅
浮葛令砂

送錢將軍之北平

斧鉞朝移右北平東方千騎去還鳴霜飛大纛盧龍塞霧擁高牙
鹿城將苑楊班新授策詞塲韓白舊知名梅花一曲胡牀暇草檄時
過細柳營

與張仲立顧靖父別且十年餘忽晤于顧山人齋中喜而賦此
憶別西昆二十年陵陽雙璞尙依然聲音未變論心後髻髮頻驚握
手前風雨差池河朔社乾坤寥廓汝陽田高齋此夜長虹色何羨黃
金帝闕懸

熊茂初蔡伯華袁景從招集劉仲修園亭

掩袂風沙赤日昏長安西曲亂雲屯花前一駐黃金勒樹裏頻呼白
玉尊漢柱文章高八斗燕臺絃管落千門竹林嵇阮俱陳迹突兀靈
光尙帝闕

題李大將軍鄭大司馬閱武諸營冊

精甲橫陳大野傍上公文武並鷹揚貔貅萬隊連營出魚鳥千羣列
陣翔劍拂天山紅日近旌懸遠海白虹長功成羽獵仍題賦不道詞

少室山房卷六十

人是姓楊

送崔子玉之川中

細雨行裝發潞河都亭握手聽驪歌頌殘竹葉能留否飛盡桃花奈
別何郢里雪深詞客到陽臺雲滿逐巨過鸞箋十樣饒春色蚤寄西
征向綠蘿

送謝友可還臨川

斗酒都亭落日懸清霜紅葉舞離筵長驅駿足燕臺上少別螭頭漢
殿前秋事轉深陶令菊歸期曾約遠公蓮東風韋曲花千樹早發潯
陽下瀨船

秋日高正父邀同汪公幹蘇叔大遊天寧禪寺

玉拱璇題照畫廊珠扉銀鑰護禪堂青獅躡霧遊天帝白象擎雲坐
法王樹老菩提雙剎在花殘優鉢一燈長前身我亦龐居士倘許先
登七佛航

登天寧寺浮圖送高正父南歸得霜字

天豁西郊半大荒高秋雲日散微茫三千界湧招提色四十門開舍
利光易水荒臺傳市駿羅浮歸路問騎羊孤航拂曙河橋別月滿長
堤萬樹霜

壽李太夫人太夫人爲本建孝廉母昆季五人

紫氣秦臺上碧紗支機何處問仙槎庭前瑞鳳啼孤竹太公觀塔下
名駒列五花南岳金璫搖彩日東陵玉鳥步明霞當筵可認偷桃客
一笑重來阿母家

送胡目世還嶺南

漫道虹光燭斗躔塵埃猶蝕舊龍泉不禁徐幹成中論誰識楊雄抱
太玄桂樹霜林孤渚外昌世有別業在桂州梅花鄉國亂峯前羅浮翠羽人如
玉絕勝長安杜曲眠

送汪明府之蘭谿二首

雙鳧迢遞出楓宸馴馬喧闐擁畫輪邑宰成都衣錦客關逢函谷授
繡人春風水驛栽花遍夕照山衙掃葉頻回首御屏書第一循良何

少室山房卷六十

事問州民

其二

河梁初日照棲鴉玉鳥高凌大海霞射策中朝新上第傳經南國舊
名家香飛桃李盈山郭秀擷蘭若傍水涯屈指黃金徵漢殿漫將離
色賦蒹葭

暮秋望日同潘少逸蔡稚含夜集玉水部宅

過從良夜拂朱絃上客相攜玳瑁筵工部詩名三世後司徒文望四
朝前梅花尙憶揚州署桃葉頻呼白下船莫恨秋光重九暮月華仍
向鳳城圓

是夕月色如畫水部改席庭中酣暢丁夜再賦

萬頃蟾光浸碧空千門雁陣卷西風高天霜露金莖外大地山河玉
鏡中團扇欲辭清暑殿胡牀如坐廣寒宮夜深誰唱霓裳曲極目飛
鸞大海東

少室山房類葉卷六十

少室山房類集卷六十一

續金華叢書

激水胡應麟明瑞著

七言律詩七十首

暮秋舟次南皮故人太末趙宗魯以別駕經畧河渠邀集行館

話舊弁命小奚撥阮放歌酣暢達曙即席賦贈二章

長夜高齋坐綠苔扶風名郡近蓬萊中丞海岱傳高節太史河渠錄
異才月影似窺桃葉下風聲如和竹枝來誰言百里淹騏驎滿眼黃
金碣石臺

其二

促膝譚心宛故廬雕欄香閣夜躊躇千家海色堯封近九派河流禹
鑿餘嘯引雄風來大陸歌延明月下前除腰間漫詫處刀在咫尺甘
泉攬珮魚

留別宗魯別駕二章

河橋霜落片帆遲握手平原佐郡時共道賓游新北海那知名蹟舊
少室山房卷六十一

南皮臺揮五色霞飛動劍擁雙鈎霧陸離一笑主人情不淺蘭橈先
訂隔年期宗魯署在泊頭驛東交河西南皮皆漢魏故蹟

其二

蕭蕭寒雨菊花晨握別那堪衛水濱愧我尚為浮海客知君元是濟
川人滹沱雪淨千門曉渤海霞明萬樹春甘載羊裘仍大澤東風愁
色話垂綸

重九前一夕宗魯携具泛舟中流月光澄徹千里如練命北部

樂人合絲竹二奚童以南音佐之丙夜改席登臺暢飲主客

咸潦倒儒首復泛舟奏樂而歸二首

縹緲滄波浸綠苔仙槎搖曳見蓬萊登高不為重陽住送遠仍將片
月來夾岸旌旗紫舸艦飛空鏡吹動樓臺驚心後夜河橋別彩筆頻
將麗句裁

其二

古樹寒花夾細莎玳筵銀燭照清歌城臨大陸飛霜蚤舟放中流得

月多鼓瑟似逢湘女下抽毫如覩洛神過不緣別駕風期遠誰解沙
棠泛綠波

九日舟次吳橋過顧生樓船夜酌即席賦

古道垂楊映綠莎中流橫吹咽清波黃花九日凌霜發白苧三秋並
雪歌朔氣乍傳金柝冷秋光遙墜玉繩多朱門豈必非同調大有才
人挾瑟過

寄周文學懋修余客歲過吳門宿其齋頭聽懋修歌自製吳歌

甚適二首

郭外尋君繫短篷蘆花深映夕陽紅江東似爾真公瑾吳下何人更
阿蒙浙歷商風迴錦樹飛揚春雪和絲桐紙窗竹屋青燐處苦憶疎
燈夜半同

其二

沙棠暹下越江濱握別垂虹幾暮雲胡廣自慚東漢譽周顒寧負北
山文風前郢曲陽春度雪後吳歌子夜聞三畝太湖容客住荷衣行
少室山房卷六十一

赴白鷗羣

與狄明叔別十載邇來舟過清源凡三繫纜俱不及晤特紆道

訪之南郊

黃河南下半飛沙一別旗亭鬢已華玄閣千秋楊氏草青門五色邵
侯瓜瓞年罷擊霜天筑幾度空浮雪夜槎聞說玳筵歌吹滿春衫行
醉碧桃花

狄明叔後房姬侍甚都而新畜小鬟十餘合奏南劇尤為賓客

艷慕先是余未及覩特此訊之

十斛明珠燕子樓白櫻桃下最風流爭誇靜婉腰圍細每憶嬌嬈態
度柔買處赤繩頻繫足歌來紅錦半纏頭龍鍾定遠龜茲外底事當
年筆浪投

戲東張刺史仲立

咫尺刀州近帝都為官何事執金吾青袍懶逐唐先輩墨綬爭迎漢
大夫越賈三千饒泛宅齊姜十萬盡當墟騷人一借循良傳莫訝南

皮背與孤張時為

送林貞耀擢嶺南大參

慷慨芙蓉拭劍鋒，飛揚雲色射雙龍。留題竺國三千界，倚嘯羅浮四百峯。驛路梅花春浩渺，郊原棠樹暮從容。那堪大霧錢塘外，把袂河梁急暮鐘。

張孝廉話舊作

濟上相逢話獨長，燕山迴首廿年強。聽鶯日醉鞦韆陌，走馬時穿蹴鞠場。塵落雄心摧倚劍，蹉跎華髮付沾裳。前驅爲謝諸年少，曾是新豐白面郎。

爲會人倩題風木樓

日慘天垂大庾陰，樓居人去白雲深。千秋尙記靈椿祝，百折常懸寸草心。砌裏餘花增悵望，窗搖殘葉助悲吟。枝頭夜夜啼烏宿，腸斷西陵月下砧。

寄歐太史用孺會內史明吾

雙飛龍劍隔天涯，五夜干將映莫邪。各自西清傳起草，人誰東閣代宣麻。參差玉珮聯清漢，突兀金莖駐彩霞。回首長安猶尺五，不堪魂夢到霜笳。

任城待聞再東冀觀察子勤二首

高牙猶矗岱雲間，松色徂徠墮翠鬟。北望燕幽饒大陸，東迴齊魯半名山。中流鼓吹洪濤靜，遠岸樓臺碧海閒。一代循良寧久借，春風明月向朝班。

其二

太白橫杜陵南池並在，濟上岱宗亦僅百里餘。繡斧霜天羨獨持，百城民吏候朱旗。宮墻曲阜摳趨日，郡郭瑯琊眺望時。李杜詩篇千古並，唐虞文字萬家遺。風流漫詫銅鞮絕，幾度南池岸接離。

寄懷徐參知二律時君尙駐淮浦聞

十載元龍興未頽，使君高誼重徘徊。爭傳大纛臺端借，不道孤帆關下回。千仞呂梁雲縹緲，萬山芒碭日縈洄。浮家莫話鳴夷事，愁絕鄉

書限大雷時余以家君久不得問故書歸

其二

一舸晨移越海濱，淮林葉正紛紅。飛揚使節持滄水，憔悴親闈望白雲。世業久傳中論就，家聲猶借太玄聞。由來國士身堪許，夜夜湛盧刷斗文。

桑園晚泊民家籬菊盛開因寄宋通侯忠父

苦憶東京宋子侯，嬌嬌歌曲擅風流。金花燦爛紫金谷，玉樹玲瓏照玉樓。西第壺觴頻嘯傲，東園車馬盛淹留。一尊何日長安市，醉插霜華任滿頭。

夏鎮得家君手書寄謝相國趙公一律

客舍何因戀采薇，親闈長日夢魂飛。猶欣太白陪明月，漫訝中台隔少微。龍袞乍開新鳳闕，羊裘聊問舊魚磯。春風咫尺長安道，拂曙蘭橈度海圻。

王通侯世叔與余訂約同舟余以諸故人挽留未發世叔解纜

先行特駐濟上爲岱宗之遊，以相待寄謝此章。突兀徂徠控斗躔，如雲車騎去飄然。行窺紫氣天門上，坐倚紅輪日觀前。吳越封疆千壘盡，云亭壇壝萬家傳。蒼松百尺遙相近，一笑秦皇避雨年。

舟抵留城道世叔說仲聞已達淮上矣

十日侯門醉玉壺，西山晴色滿燕都。踟躕上國停車蓋，縹緲秦淮下舳舻。調合雙龍詩思遠，愁牽獨雁旅魂孤。遙知王粲從軍樂，繞夜霜華照鹿盧。

登鄒觀察彥吉宅閣望九龍諸山

古檜新篁滃霧濃，芳池晴色照芙蓉。雕欄紫翠飛千雉，畫棟丹青列九龍。擗管登壇春雪麗，銜盃開閣暮雲重。何因結社精廬畔，杖履名山日過從。彥吉構新居甚華整晉陵勝槩咸在目中

七夕張汝元諸君醵金見過命樂工奏南劇申旦乃別

令節過從正女牛，天河斜挂越城頭。高賢總逐雙星聚，大火初當七

月流玉樹塔庭懷乍遣金蘭湖海興難酬清歌爛熳紅粧出秉燭風
林盡夜遊

輓吳鴻臚年政

彩筆凌雲帝座知投簪旋赴鹿門期三朝宦迹疎玄靖一代人倫重
紫芝鶴駕乍飛縑嶺日魚竿纔棄渭濱時佳城鬱鬱黃山畔淚盡庭
階玉樹枝

後重九舟過姑蘇再泊葑門訪周文學懋修夜集坐有善歌者

即令歌懋修所製新詞余醉懋齋頭達旦登舟爲別

喬木吳閩帶淺莎子雲亭下即烟波那知九日黃花艷重聽千秋白
雪歌霜色乍侵羅袂冷月光偏向玳筵多亦知古寺寒山近愁絕鐘
聲夜半過

武林夜泊雪大作晨起東陸履素使君

蕭蕭風色晚來嚴浙瀝天花照畫檐粉署亂飄雲母屑雕盤斜拂水
晶鹽歌成宋玉才情麗論就桓寬政績廉咫尺段橋春思近蚤梅何

處吐幽崑履素時

入武林再東陸轉運

千騎東方皂蓋從雲間才望舊人龍金銀佛寺遊三笠鹽鐵官衙寄
萬松送客湖頭青嶂遠懷人天際碧雲重桃花樹樹長堤上憶醉精
藍靜夜鐘

汪明府行春阡陌寄東

行春車騎寂無譁人識仙郎上漢槎谿澗芝蘭初綻萼郊原桃李競
開花飄飄玉馬攜雲氣縹緲琴弄月華却笑當年勾漏合賜金何
以問丹砂

夏日同諸君訪黃元樞于禹鈞刺史邸得中字

蹤跡頻年悵轉蓬披襟聊此坐雄風平原十日心期在河朔千秋意
氣同南郭几凭朝雨後西堂簾卷夕陽中無論異日黃香譽明月雙
懸射彩虹

夜同詹東園邵道卿過禹鈞元樞邸即席作

妙舞清歌出玳筵一尊攜手醉花前藜然劉向談經夜草定楊雄作
賦年話舊總探天竺兩烹新重醉惠山泉不堪明夜河橋別惟悴雙

龍劍色懸詹癖老事

賀曾方伯遷左二首

燦爛除書絳闕來參差紅日近蓬萊河山十二分齊甸一郡一州城
郭三千控越臺大樹帝思馮異績甘棠人憶召公才那知鼓吹西冷
昨剩有閑情賦綠苔

其二

燁燁雙旌瑞氣濃湖天晴色半芙蓉楓宸黼黻三孤近薇省衣冠百
吏從澂水當年符借虎豐城遙夜劍成龍誰言陝服棠陰舊突兀黃
金近九重曾君舊守吾

王中叔擢北部歸省天台以尺素相聞賦此代餞時承叔乞假

里中二首

除書遙逐夏雲來希白齋空賦浪裁突兀螭頭還漢殿飛騰驥足上
燕臺桃花滿路迎仙客棣萼分庭對上材爛熳瑤池金醴熟早攜青
雀赴蓬萊仲叔仲清願其署中朝

其二

三山迴望暮雲平岩石瀛鏤傲吏名玉漏乍趨新建禮金波猶戀舊
承明帆拖霧色臨滄海旆擁霞標向赤城一笑季方重握手夜牀風
雨二龍鳴中叔先任南曹今擢

王水部招集署中

燦煌銀燭照窗紗握手新知鬢未華忽向西園吹桂樹潭疑東閣玩
梅花崢嶸四岳排青漢突兀孤峯逗紫霞署傍有古石甚

沉春滿座何須蓬島問仙家

伶人奏劇適歌陸浚明珠記戲成此章呈水部

朱門何事濫吹竿玳瑁筵開繫白駒是處雲霞聯趙壁頻年風雨泣
隋珠華名第一歸仙客高價無雙得麗姝美酒十年拚盡醉其將行
樂賦山樞仙客無雙

無題戲爲養山體

兀兀匡牀旅夢還銀屏珠箔思無涯
陽臺作客千峯雨漢苑懷人九陌
霞書恨經年迷錦瑟新愁頻夜泣
胡笳桂堂東畔天如水空結同心
咏上邪

唐明府長公以詩札見貽賦答二律

浪迹山川信短笻塵埃十載笑疎慵
聲華郢上推唐勒詞賦雲間識
士龍囊草雲霞飛薜荔劍花星斗濕
芙蓉無論咫尺神交易不忝鍾
期異代逢

其二

繡虎經年識姓名飛鳧遙夜入承明
詩篇六代誇彭澤文學千秋擅
武城突兀山河留間氣躊躇天地話
同盟看君赤羽登壇日爨爛雙
龍匣底鳴

林貞耀觀察以先集新草見貽賦謝

飛書遙羨筆如椽滿握驅珠破夜眠
三世青藜千載業一時玄草萬
人傳星辰劍色延江外山水琴聲
越署前尙記阿咸林下醉風篁搖
曳夢魂懸

再入武林東王水部并懷蔡南宮

瑯琊門閣擅三吳攜手燕城醉玉壺
尙記南宮隣北闕那知東閣傍
西湖簾櫳夜月飛吟嘯船舫春風入
畫圖誰道宦遊鄉信隔長洲咫尺
在菰蘆曩在燕水部與南宮寓所僅隔嶠頭

右方伯曾公過訪賦贈二首

十二岩城坐嘯中湖天晴色畫船空
薇垣鎮靜周方伯棘寺飛騰漢
上公環珮乍看燕闕底旌旗曾閃
越臺東猶憐竹馬爭迎日屈指黃
金召次公

其二

突兀高牙大海傍分符猶憶舊黃堂
兒童是處誇騎竹父老經時識
種棠北闕絲綸催曉露西冷絃管競
斜陽雙龍總屬司空珮幾夜寒
花拂劍鏘

其二

花拂劍鏘

讀唐明府奇樟公傳作

亭亭蒼蓋立莓苔彩筆偏宜太史裁
四海競傳枯樹賦千齡重覩大
椿材低枝乍挾虬龍動老幹遙驚
鸞鶴來見說三珠瀛島上可辭飛
鳥向蓬萊

送趙均父之都下

黃金臺下暮雲平首躡駟駘問去程
帝里聲華馳孝穆相門經術重
玄成秋風大壑潛虬化春水長天
畫鷁明莫道平津猶卧閣三台選
夜映吳城

方仲闇招同袁履善張汝元黃元樞陳忠父遊湖上高梧飛葉

茵昔盛開舟行樂甚即席賦

背郭名園一徑幽佳人同載大堤頭
千花別浦猶呈艷萬葉平湖盡
報秋夾岸軒車紅霧裊飛空絃管
白雲流沙棠後夜仍堪共方外無
勞問十洲

袁履善過訪余報調秋湘館則先一日避暑入虎跑矣此筆題

少室山房卷六十一

此章芭蕉莖上母以爲稽生之鳳也

野外玄亭翳白茆朱門猶帶夕陽敲
尋僧何處開龍藏避客經旬住
虎跑掩徑寒松飛雨集當簷修竹
亂雲交從知叔夜疎狂甚片刺無
勞續解嘲

贈王茂才

秋夕遵考冬官招飲署中坐命嗣君
出遊文恪公四世孫也
握手階庭意氣懸雙瞳秋水照華
筵燦煌玉樹三朝後奕葉瑤華四
世前江左烏衣元上座山陰鴻筆
舊如椽高臺百尺雲霄近翹首飛
黃入薊年

陸使君邀集淨慈作

湖天晴色照樓船酌酒桃花又隔年
皂蓋遍留三竺頂青鞋時曳萬
松前塵埃司馬裘空做海岱元龍
榻尙懸莫向鹽車談吏隱黃金壺
色正蒼然

過任侍御池亭留奕達旦

過任侍御池亭留奕達旦

抓蘆何處一留連握手任安意氣懸八郡風稜持斧日三山霞色爛
柯年梅花慣覓湖頭寺桃葉頻呼渡口船莫訝秋宵銀漏促分行雲
髻簇華筵

寄周懋修文學并懷殷無美職方

飛書遙下楚江濱錦字橫題白練裙作客瀟湘頻望月懷人間闔幾
停雲紅顏總擅當壚曲黑髮先傳告墓文最是滄浪亭下約不堪魂
夢繞鷗羣

與詹東園別十載倏邂逅武林即中乞余所著詩藪余拉其繪

事爲報戲贈此章

廿載都門醉濁醪重逢岐路興偏豪攜書笑我非麟角落紙看君盡
鳳毛君名中岳亂雲秋夢遠少林深雪夜禪勞殷勤且趁吳山色對
握如椽望海濤詹別號中岳余以邑有
嵩高嘗自稱少室山人

追和黃侍御慎遊詩册 有序

夏日過友人黃禹鈞第仲氏元樞出示先大父慎遊詩一帙

少室山房卷六十一

李子鱗徐子與謝茂秦皇甫子循方君九敘施君峻諸名流

遺墨咸在焉瑯琊長公一篇蓋其弱冠時作風骨已自錚錚
吾邑章黃門迺七言律亦整緻不後諸君而今集似不載且
章集中餘詩備出此下豈文字之傳真有幸不幸耶然此篇

大類李于鱗或一時同社稍爲標括也元樞力丐余追和余
于諸君惟元美子與石交餘率未面而臭味風期不啻蘭艾
且黃君先大父夙與家大人同朝余雖晚未及把臂卽一時

文士磨契若斯趣尙固可概見因課一章弁占綴數語卷末
而蜀州散帙之感不能不悵惘于暮雲斜照中矣

朱旗搖曳度丹梯白筆輝煌下紫泥宇宙忽看銅柱外山川遙問鐵
橋西猿聲九驛催龍劍象迹千崖送馬蹄咫尺風流庭樹在細繚吟
眺夕陽低

秋夜遵水部招同錢山人蔡文學集署中其前庭古桂數株皆
合抱芬馥襲人時遵考瓜代將及矣

握手青袍戀舊絳華堂風霧酒頻攜梅花東閣傳新賦桂樹南山憶
舊題古樂府前
山一桂樹萬壑天香靈隱近中峯月色廣寒齊淹留莫唱王孫
曲赫奕徵書到紫泥

薛參知過訪奉贈

蓬門千騎寂無譁肯向鹽車問渥洼海上雙龍新氣色河東三鳳舊
聲華旌旂日閃錢塘樹函簿霞明澱水花咫尺寒光牛斗近支機何
用望仙槎

黃貞父過訪寓中余報謁已計偕北上矣

握手蓬門話太玄如雲車騎去飄然長鳴駭駭驛臺上淡掃蛾眉漢
闕前是處名山藏彩筆何人流水和朱絃花枝爛熳平康下好趁春
風十日眠

俞聲父餉書萬言推挹深至殊愧過情擗管附酬弁期見過

破浪雙魚下越來何人擲擲向蒼苔開函尺璧飄虹氣伏櫪千金滯
駿才流水胡麻尋玉洞俞君有玉
石岩志名山靈藥問瑤臺莫嫌元禮門風

峻五夜玄亭闢草萊

三楚盧使君過訪時以考績抵武林

五馬風行治蜀年歡聲輿頌使君賢重飛八咏雙溪上舊事三闖七
澤前畫鷁高秋停霧雨蒼龍遙夜揭奎躡明光上考親題後爛熳黃
金漢闕懸

盧文學以寧親來麥中賦贈祁陽郡公子也

意氣翩翩接雁行遙從朗潤識盧郎軒車此夕留河內閱閱先朝重
范陽貫日干將虹慘淡凌空毛穎雪飛揚神交未極班荆思目斷錢
塘一水長

送王思廷還洛中兼詢陳別駕耀文

崧高雲色正差我拂袖言歸故綠蘿三箭流星傳紫塞片帆飛雪度
黃河從余結襪心猶素美爾投簪髮未暉問訊潁川痴別駕君苗焚
筆近如何

贈楊不棄山人楊工書畫篆刻風致甚高二首

贈楊不棄山人楊工書畫篆刻風致甚高二首

淨几明窗照綠蘿
鍾王遺迹自摩娑
雙釣忽覩唐貞觀
八法爭傳晉永和
碣石禪天新
麈尾巖陵披月昔
漁養蠶歌漫作馮
生歎剩有黃庭換白鷺

其二

畫史曾聞顧虎頭
詩情重覩鄭台州
毫揮白練霜風起
研濯紅絲霧雨流
篋底靈文傳趙璧
尊前奇氣問吳鉤
羊裘莫漫披燕邸
昨夜星芒動斗牛

賀趙仲子擢秋官作

圖書東壁正
透迤瓊瓊西
清更陸離六
翮驟飛鷓鴣省
一毛曾占鳳凰池
香舍太乙雲霞擁
漏聽長楊日月遲
奕葉玄成門第遠
併將經術報形埤

賀李廉訪本寧初度二首

紫氣朝看越海屯
加餐消息遍乾坤
文章一代靈光殿
闕閱三朝建禮門
北斗轉依南極耀
長庚偏傍太微尊
方城漢水看如昨
大業桓

少室山房卷六十一

七

文次第論北斗用秦山此詩歸

其一

東方千騎擁華筵
金粟如來下降年
黃菊盛開重九後
丹桃長熟小春前
明堂共倚材如棟
藝苑爭誇筆似椽
爲駕青牛還漢闕
書成函谷已流傳時重九後十日

王岡伯至武林以彙輯武侯全書見貽卒業賦

梁父當年澤畔吟
千秋魚水坐談深
成湯聘後聞三顧
大禹征來見七擒
渭水飛揚平寇畧
祁山憔悴出師心
風期奕世朱絃在
史筆煩君次第尋

鄭太初明府過訪賦贈先是明府大父光祿君與惟敬惟寅及

余輩結社長安今三十餘載故人寥寥獨光祿巍然晚境并

此寄懷

聲名藉藉重璠璣
眼履飛騰上玉除
文舉通家三世後
仲宣驚座萬言餘
花香櫛李蓮公廡
柳色柴桑近故廬
咫尺高堂人健在
新篇光

祿定何如

少室山房卷六十一

七

少室山房類彙卷六十一

澱水胡應麟明瑞著

七言律詩八十首

御史大夫豫章徐公過訪

徐公方督大工而破冗過存兼以貺贈勤渥殊非所安賦謝

二律

萬戶千門闢草萊甘泉馳道拂雲開梯航絕塞中丞績柱石明堂大匠材鄴郡風流齊七子豐城虹色射三台寧辭瘠骨鹽車下僑首長鳴郭隗臺

其二

天都翹首碧雲重架爛軒車此日逢廷尉高門容駟馬司空神劍合雙龍丹扉夜闕乾坤靜絳闕晨披雨露濃最憶登壇清興遠千篇晴色照芙蓉

唐參軍相國趙公客也以需次居積燕中戲贈茲什

少室山房卷六十一

三尺芙蓉照鵲居然大隱帝城西樓中片玉仍依趙棗裡千金欲擅齊紫殿衣裳雲色近青樓絃管月華低何來短簿輕相笑計日斜封下紫泥

路河僑居逾月滕人于首夏望前舉一女逾旬復舉一男黃髮

卿王至聊胡靜父胡毅元茅厚之過集齋頭戲作

拂曙懸弧向草萊經旬弄瓦坐莓苔雄雌敢謂雙龍出絡奕偏勞駟馬來柳絮何時吟院落芝蘭遙夜發庭臺無嫌婚嫁催頭白九域名山侯賦才

相國趙公命館人除舍授餐以待余適產二雛未及趨赴先此

寄懷二首

設說懸弧僅隔旬翩翩遊展阻風塵加餐乍慰江湖客吐哺重勞社稷臣五岳向平先繫念三峨逸少晚留神他年嫁娶酬生事萬里相隨叩玉宸

其二

長欽歸來嘆夜服黃金臺色正蒼然高懸一榻平津上駭啟千門碣石前風雨未教凌白苧乾坤何意問朱絃無勞大厦歌寒素柱石明堂四海傳

王貞伯總戎曹能始計部借僚屬並遊胡氏園亭昏黑言旋二

君更衣拉余痛飲申旦時張中尊爲主人

急管繁絃興入雲新歌妙舞送斜曛花間乍別鴛鴦序竹裏重呼鶴鶴羣飛蓋陳思元結客抽毫王粲舊從軍無論夙昔司空瓊永夜雙龍合斗文

飲王茂才園亭戲作

碧天翹首暮雲流笑指雙龍問斗牛賦就轉深司馬渴詩成不散杜陵愁千春海岱留高迹萬事乾坤託遠遊大白滿斟花滿座姮娥今夜宿南樓

壽相國趙公二首

少室山房卷六十一

突兀平津見老臣天容黃髮佐金輪八荒壽域開玄圃三殿祥光接紫宸操管與時符鸞鶴應孤當日兆麒麟亦知竹素流千載一頌聊同四海人

其二

綺閣晨開玳瑁筵東華金醴百壺懸周流花甲仍三五迢遞椿齡尚八千紫氣正留函谷外丹心猶照渭濱前他年無棣分封廣玉鳥虛勞大海傳

長安逢吳允兆賦贈

布被芒鞋易水遊相逢類典鶴鶴裘論交宇宙誰青眼握手河山共白頭上座飛譚迴九列後車傳食遍諸侯他時叱石金華頂遲汝同登十二樓

同允兆夜讀作

殘燈遙夜話飛蓬慷慨燕歌照白虹青海未停東伐騎黃河猶滯北歸鴻毫端秀色三都並筑眸雄心萬古同一笑鍾期絃絕後高山重拭舊絲桐

過王中翰奕棋作

清簾疎簾照綠紗
匡牀曲几對維摩
庭中白晝銷棋局
席上青山爛斧柯
賭郡宣城知得否
連營溯水定如何
無愁晚色催歸騎
大有銀蟾絳闕過

答東阿張明府肅仲時肅仲違命書貺物色余長安風塵中不

遇幾返胡孟張特為致之感而賦答并似孟張

履齒蒼茫破綠苔
飛絨雲色滿蓬萊
應憐疋馬齊東駐
敢望雙鴻代北來
遙夜石函干斗氣
異時金鏡補天才
何當一別荆高筑
抵掌華陽百尺臺

送章行父之景州

五載玄亭憶問奇
秋風晨起出關時
天涯客况誰青眼
海岱人倫見白眉
一水移舟燕月墮
千峯搖筆岱雲馳
銅駝陌上花如錦
大有山公醉接罍

贈翁少府

少室山房卷六十一

三

新樣春衫白苧裁
翩翩遊騎近蓬萊
桃花尚狎潘郎貌
蓮幕曾傾庾尉才
豈為鱸魚還越郡
仍驅騶馬入燕臺
當壚漫奏文君曲
夾座紅粧映綠苔

訪李汝藩獄中作

貫日長虹暮色凝
淋漓杯酒頰如暈
合懷小吏阿周勃
雪涕中郎李陵書
就圖扉腸拂鬱劍
埋深獄氣神騰文
皇每飯思飛將
荏苒金鷄下玉繩

王行父授官上林賦東

行父久需次不調忽以是月拜上林喜而賦此
五載緇衣徧洛塵
明光晴日拜絲綸
唐官全樹依官舍
漢苑飛花接帝宸
玉陛含香春縹緲
金門持戟夜沉淪
入川向背分流處
能憶當時奏賦人

送徐大司空還豫章時俞美長挈家附公樓舫南返

掛冠神武思飛揚
揮手浮雲八座傍
劍擁霜華辭碣石
帆飛風色過

潯陽天高自許葵
心未地近初逢菊
葦黃漫逐美門瀛
海去宗臣勞勩在明堂

寄李長史

修竹參差映夾池
十年歸夢阻江離
曳裾漢殿春風蚤
飛蓋梁園夜月遲
七發盛傳才子調
四愁偏失美人期
唾壺歌曲英雄老
憔悴青衫易水湄

送宋少府之南康

一葉秋風度薊臺
爭傳飛檄下蓬萊
雲收函谷青牛去
霧擁匡山白鹿來
帝惜楊雄甘吏隱
人占梅福是仙才
香爐紫氣三千仞
何為掃題名舊綠苔

送范參軍之白下

藉甚參軍鮑照賢
攜書遠赴秣陵船
清江桃葉懷人夜
淶水蓮花作吏年
大府旌旗朝議合
高門袍笏畫遊旋
嗚呼金波麗賦就先從洛下傳

少室山房卷六十一

四

中秋同允兆諸子集趙相國第玩月二首

靜夜匡牀拂斗牛
天街涼月湧青虬
銀窺帝釋三千界
玉倚仙人十二樓
墜露還霑長樂夢
飛雲旋逐廣陵遊
淋漓桂醕黃封在一洗
都門萬斛愁

吐握平津近帝闈
鹽梅佳節許同論
蒲萄漢殿馳中使
蕙艾燕臺出上尊
玉笛飛霜連四野
金莖香露滿千門
霓裳陣陣天風落
猶記嫦娥一笑溫

林同卿過訪作

一別錢塘夢未迴
朱明雲色幾含杯
旌移合浦風前葉
傳擁羅浮雪後梅
建禮合香清蹕近
甘泉司僕紫泥催
三千駭北馳金埒
倘許飛黃託乘陪

查少參入賀賦贈

獻賦當時共洛陽
翩翩羸馬少年場
追思文考朱顏麗
轉憶安仁白髮長
暮雨軒車留碣石
秋風船舫隔錢塘
金銀四百湖堤寺
悵望遙

天菊蕊黃

送斯惟武之塞上

惟武余蜀人負奇氣逸才與李允達善以尺牘干言詩余

河東裁就筆生花聊逐秋風問漢查身著短衣隨屬國手提長戟事輕車千言謁帝心逾壯一賦從軍鬢已華奇績賀蘭峯頂望萬山明月照胡沙

贈鄧參軍明府遠遊尊人蚤歲棄官隱匡岳

手板那能謁路傍扁舟歸興逐潯陽參軍不戀芙蓉幕仙尉偏宜薛荔裳釣倚宮亭明月近樵穿廬岳亂雲長誰言玉樹堪除昨百尺巖峩在廟廊

送鄭明府之山東

百里絃歌遍訟堂銅符墨綬正飛揚橋迎駟馬過平樂烏化雙鳧到上陽汝水星芒流劍匣齊山雲色墮琴牀看君異日循良宴第一雄飛漢殿傍

送鄧遠遊令浦江

少室山房卷六十二

九月西風木葉黃才人初釋芟荷裳無論白雪誇金馬聊爲丹砂問石羊縹緲孤查峻大澤聯翩雙鳥度長楊江城咫尺絃歌起桃李新陰匝訟堂

送鄧遠遊之浦陽時將以便道歸匡廬爲太公壽

黃金臺下騁驂駟又見栽花大海頭洞倚匡廬新白鹿關停函谷舊青牛三都賦在驚玄晏八咏篇成和隱侯溪上秋蘭吾舊宅一觴行爲澱紋留

送張博士

賦就河東絳闕傳一官行李尙寒瓊青衫乍脫燕城下彩筆仍飛越嶠前去日雲霄借雁序到時星斗動龍泉握趨咫尺南宮近莫滯侯生問字船

送張仲蔚之慶源

河橋尊酒醉還醒惆悵離歌薄暮聽五夜芙蓉雙劍紫萬山桃李一瓊青何人帝里酬春雪有客仙都問歲星計日子虛天尺五生徒猶

誦太玄經

送陳座師之嶺右

除書初下玉宸班詔遣詞臣論百蠻一棹鬱林先訪石雙旌梨嶺盡穿山風雲絕域聊乘障雨露明堂欲賜環花底刺桐春萬樹七星巖洞並誰攀

晚吳別駕

藉藉賢聲動草萊翩翩半刺未塵埃三臺總擅功曹績八郡同推別駕才易水佩刀殘月墮天都歸櫂斷雲哀無嗟司法吳郎逝鉅筆會煩杜甫裁

題晉建初紫宸宣對冊

五彩毫揮白練裙紫宸前殿召偏勤百篇留宴唐供奉三絕親題鄭廣文斗色已看龍劍耀家聲重詭鳳毛聞長安多少擔簦客咫尺何人覲五雲

送萬伯修中丞之朝鮮四首

少室山房卷六十二

鵠印朝從漢殿懸歡聲雲擁衛門前休戈隴坂屯田日伐鼓漁陽出塞年結客威名馳豹尾封侯消息到龍泉胡牀不厭王猷傲爛熳梅花笛裏傳

其二

甘泉初錫紫貂裘劍色飛揚射斗牛定遠侯封天北極受降城築海東頭連營甲冑分丹轂擁道旌旗照碧油道是征西險與劇月華邊夜滿南樓

其三

萬斛餘皇照巨羅清江鴨綠笑顏酡山西上將能橫槊塞北名王盡倒戈露布夜除玄菟墨霜笳晴擁白狼河金閨漫作遼陽夢一戰燕然石已磨

其四

輝煌珠履將壇從奕葉金貂帝眷濃座上短衣容薛荔尊前長鈇叩芙蓉扶桑日出消千屋細柳天廻駐六龍可念茂陵詞賦客當壇懽

悼調臨卽

答張孝廉

貂裘垂做尙遊梁欲挽鹽車上太行劍擁石函龍闕下毫揮金鏡鳳
墀傍中山麴米澆愁盡大庾梅花入夢長道是妝臺饒錦瑟佳期晨
夕按霓裳

與黃山人舜夫別三十年絕不相聞問忽道遇于長安青燈話

舊不勝今昔之感卽席賦此

把袂風前各愴神青燈明滅潞河濱三生恍覩前朝客萬死驚逢絕
域人寂寞未妨龍劍老飛揚猶喜鳳毛新回聲咫尺荆高在散髮狂
歌傍紫宸

少林浮屠秋漢行脚都下以姑布術持卷乞題賦贈代

麻衣道者術親傳石室瑤編豈偶然一鉢蒼攜中岳頂雙燈今續大
滸前封侯定遠寧無骨入相剛成且問年愧我黃扉頭白蚤丹青行
辟四門賢

少室山房卷六十二

七

寄王新建世叔并詢黃山人

小隊尋花易水傍元戎旌節乍徜徉千楮楚塞飛霞萬斛吳都下
稻梁赤管頻年貽上國玄圭他日告明堂翩翩門客儻朱履喜怒惟
應共邨郎

夜過鄧遠遊劇譚申旦先是遠遊賦五言八律見贈屬余病冗

未報茲當握別援筆近體四章付遠遊小史歌之

落木蕭蕭夜過從青燈明滅照芙蓉囊鞬驟覺中原盡旗鼓俄驚上
國逢霧擁雙龍懸碣石風馳駟馬到臨卽他時廣樂鈞天奏莫忘齋
頭舊雨濃

其二

乍釋青衫賦遠遊翩翩文彩跨登樓躡躡易水新交定獲落夷門故
老留寸管乾坤才欲盡雙燈湖海話難酬無論一蓋傾如故已訂詞
盟到白頭

其三

面壁傳衣事已陳孤雲寥落傍風塵青萍萬里長爲客彩筆三朝未
授人把臂墟頭傾海岱持螯天末動星辰何辭大白終宵醉話入如
泥對愴神

其四

擁坐黃花照別筵西風無賴木蘭船千人楚國迴高倡一士成都抱
太玄叔度經旬貪晤語淵源少日慰周旋那能驟割新知輿極目河
橋思惘然

寄贈項觀察一首

暮擁青油坐綠苔高牙三輔近蓬萊函關吏識終軍貌宣室神占大
傅才雪地呼鷹迴樂堡霜天馳馬赫連臺誰言帥府多袁伏露布千
篇屬手裁

其二

片語難林百益傳何人不慕項斯賢飛揚北府談兵夜磊落南宮謁
帝年絕塞雄風迴白羽長空明月墮朱絃高門倘記登龍客一借胡

少室山房卷六十二

八

秋玳瑁筵

壽李翁

蓬矢桑弧繡閣懸桃花開落又千年流沙欲度函關外弱水聊乘漢
闕前拂曙霞光三鳥使橫秋霜色一龍泉無論寶錄方平投窈窕麻
姑出玳筵

夜同張轉運葉觀察秦孝廉集陵比部宅坐中玉大理孫太史

曹計部皆同年友也

秉炬高堂話昔遊升沉離合遞生愁江東閱閱三才聚洛邑軒車四
貴留下榻共青今夜眼驅車全白異時頭朝來一劍仍歧路相望郭
亭各斗牛

答吳觀察文仲時文仲以長歌寄余

彩筆翩翩漢史才黃金持賜出蓬萊長驅五馬過秦望遠寄雙魚下
越來大海雲霓長仗鉞孤城雨雪暮登臺名山萬仞金華色屈指題
名到綠苔

其二

錦字千行墜北平飛書天朱故人情揮毫白雪流三洞露見青霞接
四明水國兼葭寒入夢山堂蘿薜夜尋盟瓊珠滿握慚相報慘淡長
途一劍鳴

章納言宗理有事諸陵拉余同謁歸賦七言四章

壺中何處問三山輦路蒼茫弱水環霧擁六龍迴地軸雲扶雙鳳出
天關雕梁瓊玉丹臺淨畫棋鋪金絳闕閒五夜靈旗清蹕近蕭森風
雨搭人間

其二

百二河山望未涯飛流環玉漱雲芽宮懸劍鳥長春近殿擁旌旗太
乙遐古洞簾蘿時墜雪仙源桃李亂飛霞鈞天忽聽蕭韶度七日那
能記暮笳

其三

中天晴色敞玄扉秣馬平明度翠微碧嶂巧分千鷲立蒼泉寒擊九
龍飛雲霞散彩鋪瑤闕象緯飄光動玉旂香識上清童子應門猶
著五銖衣

其四

突兀玄宮護翠苔金銀隨處現蓬萊乾坤南北崑崙時日月東西秦
華來永夜旌旗環帝蹕清秋絃管逐仙臺鼎湖一望龍髯近欲起軒
皇馭世材

題趙比部崧高卷

六洞三山締夙緣崧高雲色正蒼然金身百丈飛龍日寶錄千秋記
鳳年杖錫乍移吳苑外香燈長護越臺前菩提一鉢開甘露猶憶中
林靜夜傳

投贈沈相國八首

金鼎調元贊玉宸羣公瓊立讓經綸垂夷一代瞻王佐社稷三朝仗
帝臣絳闕頻年迴雨露彤墀接星辰異時伯仲標鴻業肯向伊
周躡後塵

其二

萬丈花光筆似椽明時全歲奪青錢垂紳迴立烟霄上振珮長趨日
月前白髮樞衡調鼎夜丹心帷幄運籌年平津漫詫封侯貴赤舄勤
勞四海傳

其三

屈指蒲輪魏闕徵蒼生翹首屬鸞騰文章八代占重起禮樂千年待
中興西極雲沙馳象馬南溟濤浪浴鯢鵬亦知賜杖堪扶老未許東
山日暮登

其四

飛書選度玉門關鳴絳江清燧火開萬甲驟空玄菟壘雙旌遙奪賀
蘭山紛紜虎帳吞良策磊磊落麟臺畫壯顏漫說平陽饒汗馬中天一
柱定誰攀

其五

十年調鼎繫遐思霖雨親承玉陛詞八士夜登元愷族千官晨謁帝
王簡遠道樹色長春殿縹緲藜光太乙祠漸觀鈞天都獲在人將流
水奏朱絲

其六

冠代詞華入詠傳中天霞色四明流黃冠未許歸賢相彩筆聊將和
隱侯瓊瑤西園晴赫奕圖書東壁暮樓游無論消渴須盤露百尺金
莖望斗牛

其七

廿載貂裘客路難青其長日望鵬鸞華軒肯挾三公貴大厦寧忘一
士寒日月夔龍新政府風雲揚馬奮詞壇玄亭不厭侯芭學掃葉頻
過十二欄

其八

十年懷壁卧山堂老逐鹽車上太行矯首乾坤空駿骨關心岐路半
羊腸星河暗飲芙蓉珮雨雪全凋薜荔裳道是姬公勤吐握將因詞
華獻長楊

感事

九折曾聞蜀道難，縹緲誰憐故人寒。長鏡杜甫朝朝斷，短鈿馮驩夜夜彈。垂首乾坤皮骨盡，側身湖海羽毛殘。天風習習扶搖近，會向南冥刷羽翰。

送李參軍使秦中

朱簡朝持下紫宸，北風揚旆洛河濱。飛檣渭水星為使，授簡梁園雪照人。去路正逢葭莢夕，歸期先趁棗棠春。遙遙草色西池畔，何限新詩入夢頻。

贈孫太宰二首代

名世中原間出年，三朝人望屬材賢。水壺獨抱青雲上，水鏡高懸白日前。珂色蔥龍分建禮，履聲搖曳動甘泉。千秋啟事傳相帙，肯讓山公筆似椽。

其二

徵書晨下建章宮，赫奕蒲輪眷注同。黜陟千官周太宰，安危一代晉司空。尊卑尚憶東山勝，柱石遙瞻北斗崇。咫尺黃金飛兔滿，靈黃聊為辨追風。

少室山房卷六十二

十一

章納言得雄過是將益燕山之數賀以七言一章

梅花南陌正氍毹，蘭蕙東風瑞氣合。四鳳相生重選一，八龍荀氏僅餘三。克聞此夕傳歌頌，願跨龍池年久笑。揮扇指瓊那符勝事珠璣林，立待分甘。

陳阿卿過訪一首

危樓百尺暮雲孤，象緯寒飄玉鹿盧。校士當年曾越郡，空羣此日更燕都。天閑盡獲龍媒否，海甸仍求駿骨無。最憶牙櫛蘭水畔，滄浪一曲和潛夫。

其二

高天雲霧玉宸班，咫尺龍鱗近聖顏。靜夜鳴珂朝北極，清秋挂笏望西山。風馳騶馬三千隊，電擁驂騑十二閑。悔愧方華譴滅沒，藍車憔悴太行間。

惟寅病榻對譚作

大厦華軒接上林，閒窗孤榻類山陰。朱顏我向愁中擲，白髮君隨病後深。櫺下驥心時慘淡，杯中蛇影任浮沈。蒲團兀坐黃梁熟，萬戶燕臺急暮砧。

徐文明館中聽歌

清歌一曲暮雲長，秉燭呼盧萬事忘。朱履三千迴別院，金釵十二照華堂。誰言工部生來瘦，漫說司空見後狂。妬殺盧家雙乳燕，春風聯翼向雕梁。

夜飲徐文明邸即席作二首

相逢湖海盡詞才，車馬蒼茫踏翠苔。萬里鄉心同越嶠，新年春色到燕臺。筵前柏葉風初動，庭際梅花月漸來。遮莫河梁成遠別，黃金新詔出蓬萊。

其二

散髮狂歌動紫宸，天街良夜月如銀。朱顏暫借逢春客，白髮偏驚受歲人。宇宙風期迴擊筑，江湖消息報垂綸。高陽是處名流集，痛飲何辭大白頻。

少室山房卷六十二

十一

胡穀元招同茅陳諸生夜集余適留滯都門不及赴

折簡招邀玳瑁筵，那知春色負華年。才人並集春明外，倦客孤吟建禮前。易水乍聞新擊筑，稽山殊愧舊移船。拚成十日平原醉，柏葉椒花次第傳。

寄何轉運代

嚴城平楚正蒼然，突兀高牙大海懸。三輔雲霞雙闕底，九河水雪萬家前。公車竹箭登日宦，邸邸梅花獨賦年。漫說魚鹽留滯久，家聲八座在甘泉。

少室山房類葉卷六十二

漱水胡應麟明瑞著

七言律詩七十一首

贈戚山人伯堅 有序

始邂逅戚山人伯堅於兗州園別去十載而山人遊金陵獲

少姬麗甚以壁立復出謁所知適焉太史開之倡社湖上遂

留館太史家拉余贈章戲成此什併呈太史博一揶揄云爾

散髮相逢大海頭兗山堂下卽糟丘余歸故里搆通德汝向新亭載

莫愁底事歌魚來越郡誰能騎鶴上揚州皈依合傍蓮花社天女維

摩話昔遊時太史拉諸名勝爲淨土之會

七夕馮太史開之邀同俞羨長潘景升吳泰寧德符喻叔虞傅

太學王山人集湖上觀少姬走馬戚不磷泊仲君繼至余夜

分返太史以輕舟載羨長不磷宿玉蓮亭

折簡秋宵興欲狂東南名勝半沙棠天孫河畔停烏鵲地主池頭宿

少室山房卷六十三

鳳凰綠樹迴風全送暑紅蕖捲月細生涼無勞更覓牽牛信一騎湖

頭到謝娘

過天津訪萬中丞伯修四首

建牙吹角下蓬萊飛檄千章盡手裁晉代詩書元帥業周家文武上

公材魂搖大纛天驕遁頸繫長纒日逐來謾道平陽曾第一無雙籌

策照雲臺

其二

翩翩白馬氣凌虛老將漁陽盡不如出塞盛傳征虜策籌邊頻上護

卷書千檣跨海長驅鸞萬弩乘潮各射魚落落元規豪興在南樓明

月半長裾

其三

威名十載鎮祁連又見登壇仗鉞年列校總驅橫海節偏師遣下伏

波船風行蜃鷁扶桑外觀築鯨鯢細柳前屈指鏡歌飛捷夜抽毫何

客代如椽

其四

玉帳梅花照叵羅胡床吹笛夜如何中丞節鉞行三輔大將樓船出

九河赤日桑乾窮兕虎青天蒲類息蛟鼉燕然片碣題銘處萬丈窮

崖絕頂磨

李萬戶過訪舟中作

寂寞孤帆滯水濱雙旌俄報李將軍虬髯本自山西出後臂先從塞

北聞異代凌烟誰左席他年冒雪有奇勳燕然絕頂聊相待爲掃班

生石上文

夜集萬伯修中丞署中聽奚童彈琵琶卽席賦

鼓瑟吹笙夜未闌狂歌醉舞燭花殘清光琥珀浮金尊逸響珠璣墜

玉盤細柳生風迴綺席叢篁扶月上珊瑚真堪十日平原飲莫向參

軍話路難行路難始

同陳子卿胡毅元集黃茂才館茅生擊鼓侑觴席上戲題

旅髻蕭然越客蹤故人文酒暫從容風霜驟擊漁陽鼓雲霧深藏碣

少室山房卷六十三

石鐘春盡短衣殘薜荔夜闌長欽笑芙蓉朝來曲水堪沈飲何處桃

花問舊峰

春日黃文學館中送陳子卿南歸訪馬生卽席賦

行李蕭蕭易水寒不因題賦到長安魂搖薊闕千門樹典入湘臺九

畹蘭擊筑風雲晨翫麟抽毫星斗夜闌干東歸未值秦淮棹愁絕春

風兩鬢殘

袂日再送陳生

布衣行色又風塵攜手平原未快旬易水悲歌逢壯士蘭亭修禊屬

才人觸舟自許浮東海龍劍猶堪射北宸歸去白門機上女莫言裘

敝出三秦

黃燮卿王至卿胡靜父毅元茅厚之過集

蕭蕭四壁似禪關縱飲寧辭十日閒邂逅江湖成白社參差河朔見

青山壘頭乍發幽人興廡下頻開倦客顏臺殿黃金原咫尺朝攜瓢

笠共飛攀

送包稚升觀察之蜀中

握手河橋與未開春風笳鼓出長安干波已見淮流靜九折寧辭蜀道難酒肆才人原憤鼻花溪詞客尚漁竿岩峩雪色三峩上何限新詩勒翠巒

首夏少傅趙公齋頭縱觀宋元本朝書畫名蹟出家藏焦尾命

作梅花三弄飯罷奕棋留連浹日即席賦詩

畫檻雕楹白玉堂高山流水落胡牀樹頭樹色分長樂戶外花枝接上陽筆札西清懸琬琰圖書東壁散琳琅儵然一枕蓬壺畔卧聽棋聲入夢長

少傅趙公齋頭烹供虎丘新茗適侯家以紫牡丹至清香艷色應接不遑即席二首

楊花飄落遍天涯十二雕闌散曙鴉玉盤坐邀陽羨月金盤馳送洛城霞清香恍墮幽人席艷色偏歸上相家入夢故園紅紫遍千峰寒瀑漱靈芽

少室山房卷六十三

其二

樓頭紅日近扶桑乳燕參差入畫梁雪乳乍分虛處土天香元屬魏平章移來上苑非金谷烹處中冷是玉堂莫便清風生兩腋聯翩傾國在明光

曹計部訪寓中賦贈

詞藻翩翩跨七閩樓船曾宿大堤春輝煌結駟尋燕俠縹緲驚鴻問洛神闕下雲霞飛錦綬湖頭風雨濕綸巾知君暫駐玄亭筆鹽鐵將成獻紫宸

詹司理過訪井邀集寺中夜譚司理家去余邑百里而近

駟馬駟驂碣石東持杯蕭寺問飛蓬無論客思孤航外何限鄉心一座中說劍春雲流綺戶抽毫晴雪照絲桐塵埃暫試空羣足苒荏黃金出漢宮

王將軍過訪不值次日遣信相聞走筆四韻代東時方拜總戎之擢而余寄居胡氏園芍藥盛開故詩句云云

高空遡望碧雲殘細雨蕭蕭一逕寒小隊朱旗頻出郭元戎金印乍登壇雙龍色照芙蓉匣駟馬光生芍藥欄為報主人林竹在天風晨夕候飛鸞

方伯荅徐彥伯胡靜父王孟博吳雲從同集茅生齋頭

相逢湖海合吳鉤笑拂青萍上酒樓坐裏風霜流覆局簷前星斗墜蕨闌三生障業輸芒屨十口生涯問做裘揀取高歌酬令節紅牙摧拍按梁州

王貞伯過訪胡園作時樹雨驟至轟飲幾達旦歸

握手高陽盡賦才參差遊屐點蒼苔虛疑上客尋花過總為元戎看竹來急雨亂飛巫女峽雄風適度楚王臺誰言定遠先投筆榮爛如椽勒草萊

王總戎攜酒同登新城南樓即席賦

突兀飛甍路水頭闌干十二挂朱樓雲拖漢闕雙龍度月擁燕城萬雉流坐裏胡床應盡興登來彩筆斲愁山川信美吾鄉吳聊伴元戎作壯遊

東黃水部孟修并乞其繪事

才名江夏世無雙耆舊襄陽接姓龐興衰烟嵐流彩筆吟邊雲日弄紗窻鴻冥大澤心長遠駟逐中原意已降識面長安吟晚暮爛燒紅燭醉銀缸

花朝過劉金吾齋閣小飲即席賦

煖日暄風半畫堂金吾西第暮傳觴圖書架爛偏盈架絲竹參差盡繞梁賦就桃花潛弄色吟餘梅萼亂飛香接離顛倒休辭醉能憶通家舊雁行

楊不棄吳用卿追送潞河作

慘淡塵沙吹別顏都亭楊柳並追攀河梁客趁雙魚下海岸人浮片鶴還白苧淋漓燕雪底青萍搖曳潞雲間誰言歧路分飛近縱飲猶拚十日閑

曹計部至自盤山極麗夜宿招提之勝賦此

曹計部至自盤山極麗夜宿招提之勝賦此

亂山迴合暮雲齊流水桃花漢關西絕頂雙燈懸舍利中峰一刹現
菩提蘿深忽跨猿猴上樹古聊同鶴鶴棲最是夜深鈴鐸昨天鷄如
傍法輪啼

過萬都尉館賦贈萬君虛懷好學風致甚高

坐捲珠簾夏日長主家樓閣鳳城傍金池草色連興慶玉洞花枝映
壽陽逸氣千秋迴處仲玄譚一代擅真長春山寫就難停筆次第蛾
眉出後房

過區用孺太史適長公繩玄誕日卽席賦贈

五夜文光切上台三春晴色繞蓬萊桃花漫向秦源覓棣萼先從漢
殿開紫氣細縹緲紅日駐清歌搖曳彩雲來丹砂勾漏容相問六翻從
君跨九垓

送吳太學遊邊

燕臺秋色乍開刪少借爐頭十日閑說劍風聲流易水彎弓雲色隱
天山平沙夜伴孤鴻宿大漠朝馳驪馬還愁絕胡姬離恨杏西風吹
少室山房卷六十三

夢出陽關

路河東郊同胡生踏青卽席賦

春色三分二已過空門相逐問維摩新紅破萼盈高樹淺綠迴莖上
細莎雪裏袈裟留絕域風前杖錫度恒河頽然一飽香厨飯坦腹繩
床話貝多時飯雜摩菴中

送王遵考使君之嶺南

鹵簿春風出禁城驂驪五馬向人鳴南州桂樹傳新賦東閣梅花問
舊盟銅柱亂雲行處合金門殘月望迴明名山莫戀羅浮色前殿長
楊識姓名

熊中丞出塞詩

百萬曾提閩外兵君王西北問長城埋輪疏上豺狼避橫槊詩成虎
豹驚川入大非長按壘河當無定夜移營雕弧白馬翩翩去盡縛單
于款帝京

于鳳鳴得雄賦贈

窈窕笙歌出畫堂將雛一闕暫徜徉羣珠合浦爭呈艷片玉昆岡乍
發祥數眸青雲麟趾集池頭丹日鳳毛翔無勞骨相占英物已聽啼
聲出後房

江汝成駕部留集丙夜卽席題

振策西遊半五陵旋車聊待帛書徵三天會見翔孤鳳六月何妨息
大鵬欸語涼風生白氈酣歌明月墜青燈猶聞彩筆多奇句題遍慈
恩第一層

黃觀察自沛上擢濟南賦東二首

奕世通家問孔融頻年經國倚司空千檣大海羣飛鶴六傳高天並
駕熊兩池杉松秦帝時風翻匏竹魯王宮猶能一識荊州面漫向關
河問落鴻

其二

竹箭南州貢競輸梅花東閣夢頻趨彭城浪息三千仞濟郡泉疏七
十區白馬何天沈漢壁蒼龍隨地獻隋珠拾遺池上飛乘翰笑揖長
庚下紫樞

過濟上晤劉大司空奉贈二律

玉匣雙龍挂斗躔金堤千鶴度樓船秦帷大吏羣趨日緩帶中丞獨
坐年碧漢雲霞高鳳羽黃河水雪淨蛟涎無論四載驅馳急燁燁旂
常太史懸

其二

寶鏡瓊函煥赤文支祈摧伏奏元勳旌旗素岱瞻紅日節鉞瑯琊駐
彩雲搜粟漫勞橫海校飛芻何待伏波軍由來據饋深延客倘借胡
床坐鶴羣

淮上訪王世叔留集署中座出新鱗共飽卽席題

急管繁絃次第陳歌魚鱗嘆暮途貧崢嶸鐵網飛銀鬣燦爛金盤照
玉鱗豈爲江蓴能喚客祇因岩桂共留人孤亭環碧他年過遮莫羊
裘勳帝宸

東萊侍御初抵武林葉公奮爲余邑明府

霜成拂面身袍懸突兀聲華柱後傳鼓吹春風吳苑外樓船秋水越
城前芝蘭競發會遊地桃李偏滋舊植年珍重魚鹽聊駐節搏空鵬
翼上甘泉

送趙總戎之北平

大纛高牙照彩虹除書遙下建章宮前驅半雜三河少別隊新分六
郡雄駸駘登臺呈逸步麒麟開閣待殊功平津突兀鈞天上吐哺能
無憶轉蓬

張參知詹父過訪賦贈

委巷蕭疎卧綠苔高牙俄報上公來谿頭弭節臨三洞海畔揚舲度
七臺此夕星晨垂草莽當年日月扈蓬萊長楊一代推題賦白首能
憐問字才

寄吳文仲使者人首

先是文仲以長歌寄余茲復屢使過同贈成八章
大纛飛揚駐草萊孤楂寂莫坐莓苔花溪乍識元戎過葉縣爭傳令
尹來霧湧雙龍呈玉匣雲驅六驥上瑤臺中原匠石凋零盡敢向靈

少室山房卷六十三

七

光惜賦才文仲舊為余郎也

其二

百尺清潭理釣猶雙魚何意問沉淪維舟敢道菰蘆客入幕偏容草
莽臣海嶠塵沙埋駿骨天都日月親龍鱗睜眸八座家聲在香案能
無捧玉宸

其三

十載青尊恨未同雲天隨處繫孤蓬東方號令驅千騎南陌音書墜
片鴻洞口觀菖蒲銷永日墟頭擊筑動長虹竹林舊眼容青白何事車
前泣路窮

其四

白羽登壇意氣豪偏從寒谷戀絺袍三年天姥迷清夢十日江郎醉
濁醪紫電蒼龍明說劍朱霞白鶴麗揮毫煩君一棹相攜去並賦錢
塘八月濤吳公自四明攜三衛

其五

輶車晴駐越臺前指點金華叱石年萬井霜飄觀察旆雙溪雲泊孝
康船囊中舊草餘孤憤案上閑花落太玄漫道經時流水絕相思長
抱伯牙絃

其六

縹緲寒霜墜鹿盧江州鹵簿晝頻呼猶疑玉鳥飛三洞不道金尊汎
五湖逕倚蓬蒿新白社蹊尋桃李舊玄都天門八翼星河近試問長
庚謫有無文仲舊有辛金筆

其七

盡日江頭卧白沙長天孤夢隔瑤華田餘元亮會栽秫縣接安仁舊
種花六洞浮雲迎仗鉞雙溪明月候飛楂菟裘半畝勝漂泊霜落東
陵正熟瓜

其八

突兀長歌贈遠遊淋漓霜色墮高秋如聞桂樹招淮上祗爲梅花別
隴頭晴雪萬山迷欸段夕陽千塢亂鈎勒歸來咫尺堪攜嘯極目雲

少室山房卷六十三

八

天下彩旂

送包稚升入闕稚升先

錦纜初停汎蜀船驪駒仍送入闕筵無誇積雪三峨外盡占飛雲九
曲前柳拂檐帷春燕候花迎袍笏畫遊年爲君拂拭雙龍去遙夜延
津斗色懸

黃堯衢屢寄詩札余讀其九際遊草慨然與懷賦答一律堯衢

傳雅詩文外

卧掩衡門鬢欲皤雙鴻嘹唳墜岩阿三山傲吏偕三謝九際飛仙挾

九何獻賦柏梁知自許藏書天祿定誰多荒園萬卷堪留客載酒能

無問綠蘿時同遊三君官閣者

送李太史之秦中

絳節朱旂太史才春風鳴玉下蓬萊鷄聲萬井開函谷馬色千山度
蘄臺授簡明光朝日近飛鴈平樂暮雲來舍香舊侶深相憶其遣玄
關閉綠苔

送江汝成駕部之秦中二首

祖席驪駒唱未停，河橋寒色晚冥冥。高天六傳飛函谷，隘地雙旌出井陘。雨雪蒼茫南北路，星河明滅短長亭。千城豈獨扶風借，百鎰黃金下帝庭。

其二

百壺春酒照華筵，曾是荊州識面年。問竹敢勞中散駕，看花頻繫孝廉船。崢嶸斗色雙鈎墮，粲爛虹光四壁懸。明發旌旄疑望處，太行無際白雲前。

初入葛湖同王仲升章茂德陳惟敬夜集盛明元思達思弘思齊思登思遜六昆仲社中賦贈

壺頭十日又高陽，年少羣趨作賦場。人比竹溪非異姓，客方蓮社是同鄉。論心海岱千秋合，握手乾坤萬事忘。資把深杯華月下，不知零露墜衣裳。

是夕陰霾無月，諸子酣飲夜分而唐祝兩生不至，命小奚奏樂。

少室山房卷六十三

有薦拈韻得中字卽席賦

曳履南樓興未終，胡床相對一尊同。霜飛玉宇秋將半，露濕瑤臺夜正中。繞樹參差飛倦鶴，御蘆嘹唳墜征鴻。更聞競奏霓裳曲，誰喚嫦娥出海東。

葛湖草堂四首爲盛氏六生題

滄波九疊浸芙蓉，夾岸千峰與萬峰。才子溪頭頻拭劍，仙人壁上舊攜筇。高天霧隱前村船，落日風傳古寺鐘。莫遣桃花飛一片，津門流出世人逢。葛溪鐵李益劍名

其二

十里澄波鏡面秋，鷄聲一塢住中流。閑花半落辛夷岸，古樹平連杜若洲。晚日亭臺朱戶掩，微風簫鼓畫船遊。紅粧隊隊湖堤上，唱徹菱歌興未休。

其三

湖上茅堂秋可憐，浣花流水不知年。緣隄藻荇仍沒隔，浦葦葭斷

復連過雨鳥鷗臨檻外，乘風鷗鷺到門前。攜家信宿堪忘世，底用須移書上船。

其四

眾壑天然敞畫圖，牙樁明月坐冰壺。雙流近接雙龍洞，九曲遙穿九鯉湖。野客爲圓當薜荔，奇人結社傍蘆花。他年會挾西施過，日占烟波理釣艖。

同盛明元散步山岡望金華諸洞壑賦示思達思齊思登思遜

五生

五岳長懷濟勝才，三山何事問蓬萊。岡頭處士龍仍卧，嶺外飛仙鶴並來。積翠中天藏洞府，空青半壁墮池臺。翩翩羣從俱奇偉，爲掃如椽向綠苔。

明日泛舟湖上王仲升以公事先行卽席再賦

牙樁秋霽喜同登，極目長天暮靄凝。月色正浮三翼舸，星芒如徹九微燈。汀洲曲折沿芳草，島嶼縈回出亂藤。投轄乍堪消永夜，雙鳧寧

畏簡書徵

十三日再同王仲升陳實卿章茂德王仲濟盛明元六昆季宴

集祝華父唐污父適至分韻得前字卽席賦
鼓瑟吹笙玳瑁筵，狂歌醉舞興飄然。疎星競向寒更出，明月偏宜後夜圓。時中秋氣色煥煌雙劍底，心期迢遞一燈前。經旬漫託平原約，千日中山任晏眠。

又明日汎舟東湖湖蜿蜒十里許，停泓靚澈大類朝川。時微雨灑空旋，卽開霽中天皓魄朗然如畫。芙蓉一樹亭亭南岸若

凌波仙子含情婉約不可名狀，余命維舟其下。小奚吹笙撥阮歌，滄浪明月之章飛白無算，賓皆潦倒比歸就枕漏下五

鼓矣

載酒鳧鷗靜不猜，謝家羣從故多才。沿隄竹樹參差發，隔塢芙蓉爛熳開。晚色拖烟籠遠寺，秋光含雨濕平臺。尋源異日扁舟到，夾岸桃花次第栽。

中秋諸子雨集遲祝生不至賦以示嘲

天際輕陰繞畫樓
波俄張大堤頭
清秋漫憶乘槎去
盡夜何妨秉燭遊
殿閉長生收月影
園荒獨樂罷風流
無媒一韻嫦娥面
政為陽塞雨色留

明元所備淑卿奉父勸贈以篇什期是夕擊以來而復為所囑又祝生以園地為族人所侵奪故云

再疊前韻寄祝生時明元以舟翅之不得
悵望幽期越水頭
蒹葭白露滿中流
空懸仲舉千秋榻
苦戀休文八咏樓
玉笛關山偏引恨
珠簾雲霧迥生愁
惟應天柱尋仙客
曳履孤峰盡夜遊

十六夜雨不絕同唐祝兩生集明元齋頭秉燭劇譚四鼓適罷
驟雨淒風斷續聞
西堂燒燭話偏勤
空勞神女飛三峽
不見嫦娥獨五雲
葉落仙萸秋縹緲
花殘叢桂夜湘纓
朝來一舸乘流去
盡損芙蓉越水濱

別明元思齊六昆季時余將卜築葛陂之上詩以訂盟二首
短髮江湖抱太玄
歸攜羣從與飄然
當年溪上聞諸逸
此日林中聚

少室山房卷六十三

七賢卜宅舊尋陽
夷口移家新赴陸
渾前他時倘蓬桑
榆笑一笑玄真卧釣船

其二

十口經年繫短航
何如一曲借滄浪
天空穩卧楊雄閣
地僻粗管杜甫堂
西塞鳧鷖迎嘯咏
北山猿鶴伴行藏
不緣二仲翩翩甚
投老那依玉樹行

貽喻叔虞那相明府季子也攜來余邑日僅十許歲今倏忽念載餘矣時俞羨長吳泰寧同集

花縣難將玉樹叢
當年見汝僅成童
驚人彩筆飛王粲
狎客清樽醉孔融
賦草欲追滕閣麗
談鋒偏向越臺雄
高陽爛熳名流集
莫負渠蓮十丈紅

激水胡應麟明瑞著

七言律詩七十四首

李本寧廉訪入武林以手書新曆餉余谿堂却寄七言八律

白面登壇寸管馳縱橫九域讓蛾眉神龍大海雙飛日老驥中原獨步時麗賦梁園春雪滿長歌蜀道暮雲遲誰言越客朱絲斷極日遙天候子期

其二

入代文章觀典刑雞林重譯購題銘無勞大澤誇雲夢久識鈞天奏洞庭禹廟冠裳迴百吏胥臺檣櫓壓千靈精廬四百湖堤上爛熳新詩勒翠屏

其三

翹首湘潭半夕陽誰傳詞藻賦高唐宗盟一代聞三李伯仲千秋見二王北極雲霞迴指顧東山日月謝行藏新篇漫惜南遊寡海外流

少室山房卷六十四

傳徧越裳

其四

中身名山迹已淪太函高座定何人傳衣兩地歸南岳賜履三天上北辰大厦紛紜羅國士孤檣浮沒問波臣中興咫尺葵丘畔寓目江淮一旅陳

其五

一麾環珮下甘泉雙管橫操百代權燦爛圖書遊洛日飛揚文字入秦年風雲八座長秋近象緯三臺太乙懸不是觀濤瀛海上西冷那駐木蘭船

其六

入剡名山思轉還雲嵐晨夕候高牙寧無逸興歌天姥大有閑情賦若耶萬岫分青懸梵刹千岩飛翠落官衙香風夾岸驛驄倚隊隊明粧越水涯

其七

珮玉含香事冕旒橫金馳傳出龍樓遊窮八極飛仙在望重三朝宿老留白帝城探新雨色黃公壇積舊風流無誇海上干將合昨夜精芒射斗牛

其八

邈近金緋照石渠盧溝橋畔暮踟躕同盟敢託先朝後並軌猶慚易世餘轉自慵疎憐叔夜寧因消渴慢相如無由共賦南鵬翮大旆搏風上玉除

送徐惟得還楚中

歲晚薄醺樂事饒淒然風雨發征軺弘文館闕雙龍近神武門深一騎遙夢渚寒雲飛獵旆湘江晴雪候漁燒憑君漫卜東山墅三錫玄圭下聖朝

王別駕過訪賦贈

當年詞賦滿林臯閱瑯琊擅俊髦驥足蹇紆龐統駕雞羣聊試呂虔刀齊封魯甸驅馳急鄂雪秦雲眺望勞咫尺風期同調在碧天河

少室山房卷六十四

上首重播

送張仲立上計二首

龍劍雙飛入薊城一尊揮手暮笳鳴分符帝問淮陽績授簡人推鄴下盟萬樹未央春雪煖干花長樂曙霞明亡誇爛熳黃金錫前殿如椽勒姓名

其二

飛旌千里問神州驛路梅花照錦裘上計詞臣新渤海稱詩才子舊長洲風烟御苑迴金埒雨露明堂下玉旒惆悵河橋深雪裏盡將離恨入齊謳

朱吳子三生攜酒同遊城南觀音禪院

卓帽青鞋霽雪前叢林遙望七燈懸乾坤萬古空王劫水月三生大士緣下界風旛搖貝闕上方雲磬落金田踟躕未辨西歸衲杖錫香林對惘然

張博士以壺觴過訪余病不能起迓賦謝此章

野外孤蓬繫白茆齋頭長缺倚青郊壺傾博士蓮花釀盤載先生首
藉散海岱雲霞驅別夢天涯水雪縉窮交亦知凡鳥堪題字浪逐楊
雄賦解嘲

張別駕過訪舟中以新刻餉惠肯聘修郡志將成

燦爛詞林見白眉冠挂冠偏趁黑頭時安仁宦就花盈郭元亮歸來菊
邊籬作賦高唐巫雨過飛書東岳岱雲馳十年流水希凡調試拂水
絃和子期張君先任新安尹

狄明叔邀集新居命女伎奏劇凡玉簪浣紗紅拂三本即席成

七言律四章

名花十院盡蛾眉美酒金樽照陸離霧裏雙鸞騰玉闕雲中八駿下
瑤池參差趙瑟傳情遠縹緲秦笙度曲遲後夜屋梁頰悵望河橋孤
館月明時伎十人二尤善誦

其二

痛飲狂歌白日酣何人同住百花潭明粧陳女開金屋妙舞羊姬弄

少室山房卷六十四

三夢選

玉簪滿架茶蘼風乍入當庭楊柳月初含追歡拚竭良宵興滿眼關
河繫別驂

其三

繡柱雕欄夾畫圖幽樓河上擅菰蘆壺觴元亮開三徑舟楫陶朱汎
五湖草色共悲吳苑廢花枝猶傍越臺無千將對舞東風夜燦爛明
星墜轆轤

其四

畫檻參差照綠苔三山何處問蓬萊朱顏驟向新春合紅拂偏宜靜
夜來風裊梅香紫玉砌月穿蘿影度瑤臺高唐總入襄王夢未擬重
憐宋玉才

于生高岡以早春九日初度賦贈二章時生年二十一

東來紫氣繞華筵玉馬飄颻大海漚九葉黃舒元日後千秋桃熟春
春前馳心高密談兵夜屈指重華謁帝年試問嘉名懸錫處桑弧晴
色廣陵懸

其二

玳瑁堂開雪凝疑百壺春酒照如灑斷水奇句推良史明月新篇和
武陵鴻雁清寒勞夢寐鳳凰池遠待鸞騰追歡况值梅花蚤倚嘯晴
空望玉繩

夜同朱吳李徐諸生集于茂才宅聽歌

南陌朱樓並馬尋一尊塵外共披襟齊姜久擅高唐曲越客同操下
里吟燭映紗厨春色淺香飛羅袂夜寒深雲門寂寞當年調慙愧鍾
期抱玉琴

送趙太學之北雍

束書迢遞赴皇畿岩壑何言戰勝肥絲絳正攜春雪過青帆俄逐夏
雲飛雄材世許攀槐棘古調時能問蕨薇到日含餉窮燕樂千花晴
色映荷衣

送黃上仲歸赤城時以伯兄說仲書至

翩翩戎服傍高牙長揖歸來興未涯別夢乍懸淮海月鄉心遙引越

少室山房卷六十四

四夢選

城霞毫端秀色舒毛穎匣底寒光照莫耶最憶元方油幕卧獨將清
嘯和悲笳

朱太學元長以新刻過訪卒業賦贈余與元長大父司空尊人

廷尉通家載世觀其韶令喜溢于辭

靜掩衡茆覺地偏輝煌詞筆照臨川通家政自推文舉倒屣能無屬
仲宣殷聳甘泉賦雪宮深碣石夜談天春風一騎長安邸何限飛
花墜玉鞭

其二

彩筆翩翩驟過從居然文藻挹芙蓉門留廷尉甘羅雀劍授司空欲
化龍謁帝明光春浩渺論交平樂暮從容當年國士雙垂胸握別街
知思萬重

壽胡隱君九秩為王呂茂才題

杖履飄然鶴鶴羣函關靈氣暮細縹三生夙擅榮期樂三典薪傳伏
氏文大海亭窺泰望日清溪船弄越來雲毋誇經術承家舊屈指鸞

章帝座間

送趙汝信奉常入都

挂席南風錦樹重頻年谿上濯芙蓉尋仙玉洞雲長滿謁帝金莖露
正濃午夜素琴借一鶴商秋神劍合雙龍臺垣咫尺黃扉啟燦爛棠
花拂過從奉常于少

送吳文仲觀察入賀四首

鼓吹江城落日懸牙旗明發使君船青牛一望函關外黃鶴雙飛漢
殿前北極衣冠晨拜舞西池環珮夜留連爐頭夙昔荆高輩極目燕
山共惘然

其二

燦爛明星墜龍懸屢雙鏑並昆吾千秋錄就呈金鏡萬壽筵開送
玉壺飛蓋西園涼月滿垂鞭南陌夏雲徂加餐何處頻相望嘹歷征
鴻下太湖

其三

少室山房卷六十四

斧鉞中吳羨畫遊閭閻城下暮淹留安期舄捧選天外博望槎飛大
海頭北斗文章新氣象南皮談讖舊風流黃金臺殿三千尺擊筑憑
誰共酒籌

其四

椽筆翩翩賦頌裁誕章長捧入蓬萊花前彩鶴飛吳甸柳外青驪繫
越臺長樂露華金掌下建章雲氣玉繩來天顏尺五稱觴地尙記吳
公第一才

寄區用孺

一棹棲遲大海濱桐江雲色繞垂綸青山乍飽閒中目白石猶饑病
後身別去龍門無國士歸來鮒轍有波臣故人藉甚甘泉畔日醉玄
都萬樹春

汪明府邀集衙齋陶寫部懋中適至同賦

秉燭高堂燕笑頻歌喉搖曳玳筵新琴中白雪飛仙吏坐上清風挹
故人剡曲蒹葭千里夢河陽桃李萬家春凭欄無限青雲色欲喚雙

吳到紫宸

入郡城訪詹父參知適文仲觀察以公事至同集

西園高宴月華濃咫尺臺垣並通從座上儒冠客一鶴尊前神劍合
雙龍陰森棠樹春光滿燦爛薇花夜色重最是胡床清興劇羊裘何
惜醉蒙茸

是夕二丈以直指葉公招中席輟赴畢燕仍過戚園轟飲達曙

乃罷

早蓋參差越水頭千山寥廓暮雲收風前並邇王猷棹月底重登庾
亮樓彩袖翩跹傳楚舞朱絃嘹歷和吳謳梅花漸吐新春色秉燭何
妨盡夜遊

直指葉公枉顧賦謝四章

攬轡千山入畫圖偏從岩穴問潛夫臺端此日冠峨多闕下當年易
化兔把臂蓬蒿新社關心桃李舊玄都天門六翮雄飛近一盼驪
車在暮途

少室山房卷六十四

其二余邑浮梁歲百年廉修復者葉公一且
談笑新之請遺愛舊德委中重覆感焉
燦爛西臺白玉珂頻年直指向關河豐城劍抱雙龍出激水橋乘駟
馬過作賦風雲迴縹緲飛章山岳動嵯峨寧知一代蒼生寄幾向清
溪問綠蓑

其三

大纛高牙控斗躡身袍馳馬出甘泉雲霞驟劃雙溪上雨露偏濃入
邑前秋浦棠陰懸節鉞河陽花色映樓船無勞汲孺誇長揖竟日茅
亭話太玄

其四

又擁朱旗入婺城清江寒色暮雲平霜飛竹馬兒童集日照花廳父
老迎繡服三天傳疏草綈袍一代見交情由來國士非凡遇匣底干
將夜夜鳴

夜集王仲升新第即席同盛氏諸仲分韻得寒字

畫檻雕楹十二欄一時尊酒盛詞壇風人把袂遊平樂月姊更衣下

廣寒臺接丹山翔彩鳳簫橫碧落度青鸞從知逸少多豪興桃葉歌成宴未開

王仲升以五言長律見貽賦此答贈

尺組長纓奮草萊清香畫戟卧莓苔北門鎖鑰雄鎮東觀圖書集上才疊嶂分青橫几簾雙流飛翠入池臺知君未厭從軍樂大纛高牙帝座來

入三衢訪文仲觀察邀同詹父參知酣集丙夜期以詰朝方舟

下澱水即席賦

玳瑁筵飛白苧新鶯喉搖曳舞梁塵金尊竹葉銷長夜玉笛梅花綻蚤春雪照吳門雙彩筆星環越署兩朱輪朝來共有鳴榔約一棹能無繫水濱

同張吳二大方舟東下沉飲三晝夜四之日始達撥撥即席賦

仍飛寶瑟佐清酣豪興飄飄激水南河朔千秋今見二平原十日已過三合毫鸚鵡催詞賦倚席魚龍狎笑諱信是青雲留白帽一丘誰

訝管寧愁

過張孟孺于湖上未及問姓名別去詰旦以羨長書泊新作來

謁賦答此篇

相逢今雨大堤頭梵刹丹青暮靄流煇家聲曾御李飛揚門閣舊封留何須鐵騎桑乾戰暫解金魚杜曲遊昨夜淨慈秋色裏霜華寒透鷓鴣裘

陳明府書來賦答

向憶登仙共李膺風搏水擊羨鯤鵬天長片鶴飛淮甸地近雙魚出廣陵桃李城頭春色滿蒹葭堤畔暮愁凝高樓百尺堪同卧把袂何時第一層

登趙太學文鎮谿雲閣懷詹父文仲二公

簾櫳十二挂高寒突兀樓臺峙翠巒六洞烟嵐長繞座雙溪雲月半憑欄丁丁樵斧飛春暮香杏漁舟泊夜闌此日平原堪盡興深杯何惜醉詞壇

寄陸使君使君舊治河濟上同冀觀察及余名姓余弗知也

挂笏黃堂坐晏然雙旌猶記北來船時名赫煇機雲後世業鬼蜮遜凱前六洞晴雲江郭繞雙溪明月郡樓懸甘泉咫尺徵良吏突兀龍章漢殿傳

上元同詹父參知文仲觀察夜集谿堂看燈作

千騎聯翩集水涯上元燈燭與偏遐憑欄火樹千枝月照坐金蓮日本霞織就鮫綉珠有暈粧成鸞鏡玉無瑕深宵拚醉平原席遮莫蘭陰送曙笏

詰且兩公各以詩來走筆和答

聯乘鴻翼度天涯並握鸞箋思轉遐季重詞名元海岱孟陽詩筆半雲霞提攜頓覺燕金重願盼寧愁趙璧瑕宛轉雙珠呈夜色不知庭月墜春笏

寄張詹父參知時以新賦三律見示

風前何處覓新裁目斷仙槎繫翠苔書戟東方千騎繞朱旂南國片鴻來桃花爛熳吳岫棠樹陰森蔽越臺莫道干將長射斗司空袍笏近蓬萊

陳太學過訪為借沈材叔園亭以頓行李賦此謝之

意氣翩翩越水頭居然名士擅風流獨將仲舉千秋榻懸向休文八咏樓几席平原堪潦倒杯盤河朔競追遊亦知廡下梁鴻寄一為窮途破旅愁

侍御葉公疏陳離事得請賦東二章

諄諄干言奏彩毫英聲直氣冠仙曹批來豈憚龍鱗逆觸處真憐多角勞日揭虞淵消霧雨雲收溟海息波濤惟應報國丹誠竭五夜霜華襲髮毛

其二

一疏迴天四海聞權聲馳頌越江濱臣心總為埋輪切帝眷偏從折檻勤十道乘驄爭吐氣三朝鳴鳳欲空羣西京底事蒐鹽鐵為報桓寬正屬文

鄧遠遊以書貺見貽賦答二律

飛蓬何處逐幽棲咫尺雲萍帳解攜吏隱欲兼山大小客居難定漢
東西鳴琴海國雙鴻度鎖印江城獨鳥啼是處休文饒八咏危樓曾
否共攀躋

其二

病肺經時息茂園淋漓書札到丘樊花栽構李三千樹草賦長楊十
萬言爾自飛鳧臨大邑人誰逐鹿向中原盈盈一水相思切極日湖
頭暮雨繁

觀察林公過訪賦贈

才名藉藉冠青錢執憲欣逢入越年起草夜停雙闕下看花晨甜六
橋前飛揚白馬笳聲動縹緲蒼龍劍色懸四百樓臺題咏處登臨誰
不羨如椽

壽陳隱君

瑞日暄風滿畫堂東來紫氣近錢塘千春大海籌增屋十里平湖樹
夾航盛世詠歌情正洽明時嘒鑿與偏長何當醉挾元龍去百尺樓
頭話對床

贈仁和劉明府曩有事計借選遊君子濟上同舟驪聚者月餘
識面長淮記苦吟黃金臺館獨登臨當年飛鳥過嚴灘此日鳴琴坐
武林南斗夜光雄劍合西湖春色畫楫深應知漢殿循良詔屈指晨
催大海濤

侍御葉公既按部吳會復以離政空惚馳返臨安諭撤通達眾
以大定輒綴七言四律代東行塵

東來紫氣又臨安拭目蒼生望未闕一劍乍過千壘靜單車纔入萬
家權霞光北極飄清禁斗色西臺照畫欄信是批鱗頭易白霜毫時
拂惠文冠

其二

比屋香燈越水濱霜天晨夕望氤氳中朝獨占乘馳步大海爭傳翰
鱗文柱後峨冠心捧日臺端掃筆氣凌雲栽花漫憶河陽事燦爛芙

暮拭劍紋

其三

吳山晴翠拂高車隻字風霜繞玉除驄馬近傳鹽鐵論雞林遙誦洽
安書三臺色動回天後十郡權騰煮海餘最是憐才勤吐握登龍時
曳舊長裾

其四

續斧朝持越郡前花驄行部筆如椽風雲西北飛揚候海岳東南鎮
定年秋思芙蓉明玉笋春光桃李媚瓊筵寧知鹵簿江州貴日向蓬
萊話太玄

壽龍使君六秩

旭日扶桑曉畫欄安期雙鳥對盤桓紅霞一曲秦源近日雪千家楚
水寒小徑亞簷移竹樹前庭袍笏映芝蘭山香莫問羣花落一喚飛
瓊舞翠巒

送章宗理納言使楚中

少室山房卷六十四

輝煌丹詔出蓬萊窈窕玄關閉綠苔劍佩青雲辭玉闕衣冠紅日下
銀臺河橋薄暮蟬聲起驛路深秋雁陣來漫憶觀棋泥水上蒼生元
屬謝公材

送王永叔入都四首

大旆翩翩越水濱朝天白馬向楓宸飛揚跋扈千秋思磊砢崢嶸八
尺身與襄平原寧計日歡來河朔動經旬誰言綵筆偏詞賦已卜螭
頭氣象新

其二

墟頭促膝又吾曹斫地王郎思獨豪九陌霞光迎劍珮千山雲色度
旌旄中朝奏疏關辰極故國音書問海濤尙憶春明門外事紅牙催
拍闥持螯

其三

吳山晴色墮高牙歌闕驪駒興未涯錦綬乍拋滄海月耕袍猶藉赤
城霞垣扉燭影宵分直禁闈棋聲午放衙明發武林關外路盡將離

恨入征笳

其四

把袂錢塘又別筵升沉往事一潸然公車賈傳同遊日帝里班生獨
上年握麈何天非碣石抽毫無地不甘泉亦知疏草艾難盡諫獵書
成太史傳

睿父參知入武林余過署中適以公謙湖上不遇留東

寂寞玄亭卧草萊登臨長憶謝公才猶疑斧鉞清溪駐不謂帆檣大
海來繡服定過吳子國珠簾同望越王臺金銀萬寺湖堤畔椽筆能
無麗賦裁時文仲大將達吳門

關壯穆侯廟作二首

終節耕袍氣凜然巍巍遺像識忠賢河山萬古精靈在宇宙三分壯
節懸燦爛黃金辭操日飛揚白刃刺良年莫言餘恨章丘下五夜英
魂照玉泉

其二

少室山房卷六十四

二
步
選
虞

巨類長髯貌絕倫當年馳騎破黃巾崢嶸正氣鍾三國慘澹英風敵
萬人縛禁已酬吞魏志誅豪猶現伐吳身雙旌異代鹽池上想象鏡
歌入帝宸

送右轄吳公擢左山西

井門遙望思如何縹緲棠陰十郡多函簿北風辭粵嶠樓船西日渡
汾河青萍謁帝龍光近彩筆懷人雁字過上考吳公元第一題詩能
到舊烟蘿

季秋同李鄧二明府俞山人尋靈隱故址作二首

有序

樓觀滄海日門對浙江潮駱烏傷靈隱詩也今寺在山麓于
二語殊不合山之腰最幽絕處有磬光閣登其上則跨重湖
攬江海十字真境儼在目中其下石梁亘絕考之終篇皆符
迺知今靈隱建自宋時非考功覓句地也

疊磴危梯萬仞懸嵯峨飛閣架蒼烟天浮海色雕楹外日蕩江流畫
拱前玄鶴並攜珠履客青鳥雙下玉臺僊誰言康樂題詩舊委女猶

同筆似椽

其二

曲磴千盤誤楚樵中天層構壓岩堯登高欲近重陽節望遠初殘八
月潮上界旌幢時隱見下方鏡磬暮飄搖猶疑舊日天台路不遺雙
娥候石橋宋原詩待入天台路

少室山房卷六十四

三
步
選
虞

少室山房類葉卷六十四

少室山房類藁卷六十五

續金華叢書

漱水胡應麟明瑞著

七言律詩五十二首

直指葉公以高堂大臺累疏陳情爰自孟冬移節若上不佞分

忝州民遇隆國士分庭抗席迥出形骸睽攜在茲瞻戀彌劇

河梁握別臆見平詞二首

突兀高牙鎮海濤衡門猶戀舊綈袍千秋烈日扶肝膽五夜飛霜襲

鬢毛報主共知心計竭思親誰識夢魂勞他年大節標良史一代名

臣付彩毫

其二

萱花遙望北堂懸一疏陳情四海傳繡斧聲名紅日下斑衣魂夢白

雲前埋輪未促燕中駕鼓柁聊移雪上船屈指瑤池華宴近蟠桃尚

息報新年

憇唐生污父舟中作

少室山房卷六十五

羊裘白眼天蒙茸獨占蘆花鷗鷺叢月底科頭弄雙楫日中坦腹眠

孤篷江湖散人陸魯望烟波釣徒張子同底事陶朱鬢毛白西施痛

負驕兒童

方伯吳公過訪話舊先是吳公北上余邂逅于金陵至是垂廿

載矣

青春攜策赴甘泉邂逅金陵北上船傑觀並遊鷓鴣底高臺同宿鳳

凰前飛身碧漢三千仞散髮滄浪二十年慚愧操觚成白首紫薇黃

閣共周旋

賀吳方伯擢晉中左轄

赫奕除書下帝庭六橋離思繞烟汀旌旂匝地過陽曲鼓吹中天出

井陘望重三垣頭轉黑交論一代眼長青太行絕頂凝眸處海上紅

霞接幔亭

鄧遠遊以浦陽改劇構李孟秋有事棘垣不佞邂逅湖上二律

志喜

黃金臺下賦河梁兩見栽花越嶠傍烏化雙鳧離漱水琴攜一鶴度

錢塘雄談自許千秋合痛飲那能十日忘莫誌重垣藉色裏續紛桃

李侯門牆

其二

片月燕臺萬戶懸芳尊何地不留連飛揚碣石論交夜涼劍臨邛作

客年大邑桐陰流解宇重湖花色媚樓船遙憐客歲青燈下達曙狂

歌玳瑁筵

早春寄宜律師

風範支公昔未頹龍池曾辯劫前灰竹齋疎雨焚香坐花徑閒雲乞

食迴地勝東林時卓錫天長南海一浮杯金銀四百湖堤畔得句能

無贈早梅

湖上同喻邦相汎舟離淨慈入玉泉觀魚池上徐茂吳以家釀

抗手河梁二十年譚心湖上一潏然乘風汎鷁離金界冒雨觀魚向

少室山房卷六十五

玉泉葉墜丹楓孤利底花餘黃菊斷橋前餘杭麩米堪同醉不奈秋

空咽暮蟬

參知洪公得雄寄賀

扶桑晴望海雲開蓬矢新看射越臺玉樹正從文苑出公方以學

莖元傍武夷栽洪公家七畝鷓鴣燦爛凌霄翻龍種飛揚歷塊材信

是高門蕃七葉祥光頻夜繞珠胎

秋日集汝申使君喜雨作時潘生對奕久之

浙瀝寒聲繞畫牆高梧飛葉半銀床珠簾乍卷三秋色玉局徐坐五

夜涼南國蕙蘭應被野西郊禾黍漸登塲酣歌不是耽行樂二頃城

頭有汝陽

寄鳴皋

邂逅京華得向禽攀花攜酒日長吟聽鶯上苑雲連陌並馬西山雪

滿林一夜征塵迷寶劍三年流水隔瑤琴傷心碣石論文地零落寒

烟夢裏尋

劉觀察仲修席上言別

抗手河梁思不窮
高天遙望楚王宮
吹簫幾夜騎黃鶴
解劍經時斷白虹
潞水霜華猶拂坐
湘潭雲葉已浮空
風塵別後頻相憶
錦字千行墜北鴻

同惟敬諸丈邀劉觀察集李園 有序

時李惟寅朱在明
安茂卿康裕卿梁思伯咸在坐
凡一十六人
余得寒韻

樓閣淒淒雲霧殘
幽盟河朔此盤桓
庭催黃葉風交響
席倚青萍月共寒
一徑秋光搖碣石
千門晴色繞長安
題詩剩有鄒枚侶
並拂朱絲興未闌

題劉觀察日涉園

錦石清沙動畫闌
深居羸得近長安
晴窗霧壓亭臺濕
夜榻雲移枕簟寒
逕掩杉松迴白鶴
池分梧竹下青鸞
門前俗轍虛勞問
十載焦桐已罷彈

少室山房卷六十五

送左轄趙公入覲兼便道還晉中

雙帆晨掠大河飛
燁燁星辰動紫微
上黨風光停繡鉞
太行雲色候緋衣
流傳竹素盈江表
蔽芾棠陰盡海圻
青史趙張元藉藉
燕金馳賜出皇畿

其二

卓蓋飛揚白日前
汾河秋色半樓船
輝煌白壁掄文夜
時公南爛熳黃金奏績年
握裏驟誇雙劍合
囊中爭覩一琴懸
匆匆錦里停車日
盡折梅花玳瑁筵

題唐山人蓮葉舟二首 有序

蓮葉舟輕自學操
唐人句也山人輕
舸湖上悉屏長
年青笠綠簑悠然
獨往余爲載賦二詩

芙蓉花壓大堤前
六尺沙棠任晏眠
南楚舊聞唐勒賦
西冷重覩白公船
吹簫極浦凌風去
把釣前灘抱月還
三十六陂新水漲
行吟何地不堪憐

其二

琴書一榻任夷猶
畫漿朱簾蕩碧油
夕趁蒹葭移遠岸
晨牽荷葉入中流
飄飄艇舫風前戲
汎汎蜻蜓日下遊
莫笑米顛今載見
孤山雙鶴在湖頭

答詹父參知四首 有序

余自違室人之變
侍家大人于里中
棧關蓬萊幾與世絕
辱參知張公札詢
拳至奉謝鄙律四章

雙魚晨下激江瀾
字字瑤華握裏懸
倦客已歸青嶂底
佳人猶望碧雲前
千秋宇宙供揮塵
五夜風霜入斷絃
莫詫菱光長佇倚
太微清切照龍泉

其二

廿載江天逐塞鴻
歸來華髮嘆飛蓬
三墳左氏窺難遍
六事張卿問易窮
伎倆久嗟颺且薄
心期猶託蠹魚雄
胡床夜夜雙溪月
咫尺元規恨未同

少室山房卷六十五

其三

半壑東南寄草堂
牽蘿捫虱且行藏
風前漫自歌招隱
月底那堪賦悼亡
海岱飄零馮叟欽
湖天搖落米家航
從知上客饒珠履
媿殺淮陰願未償

其四

寂寞清溪罷釣綸
寔然窮谷問遺民
明堂政爾思方岳
宣室能無叩鬼神
玉笈參差羅二酉
金章搖曳動三辰
支機總爲浮楂出
底事重尋賣卜人

答郭方伯舜舉

郭方伯舜舉屢致手書
慰問惓切感愧之餘
賦答二章先朝名德
重長楊拂袖言歸
大海傍南浦輕煙流
畫鷁東山明月候
胡床風期肯逐紅顏
盡意氣偏從白首
長莫詫林宗巾角折
蒼生頻夜卜行藏

其二

雙魚長下越江潯歷歷加餐問向禽代國聲華餘賦草汾陽勳績擅
詞林名山是處藏瑤笈流水何年和玉琴屈指梅花春萬樹西冷橋
畔雪堪尋

答世叔通侯見訊并懷說仲詞盟

尺素雙傳激水鱗江天翹首一傷神緋袍紫綬雲霄客羽扇綸巾社
稷臣藻翰千秋鳴鸞驚助庸三世勒麒麟相思暮下偏惆悵不見黃
生又幾旬

費孝廉過訪投贈新詩將由錢塘入廣陵買麗姝長干而返卽
席戲贈

伏枕衡門萬事忘爲君顛倒着衣裳紅絲欲繫朱顏客彩筆偏攜白
面郎一榻星辰吟處墮半軒風雨話來長臨安咫尺堪攜醉干樹桃
花拂短航

送張大參知詹父擢江右廉訪四律

自杪歲與張公晤語溪上疎曠迄今聞擢西江別悵鬱襟中
少室山房卷六十五

夜走筆成賦四章

萬戶懽聲徹海圻喧傳除目下皇畿當年石室袖中秘此夕天垣動
太微玉匣靈文雙劍啟銀河寒影一槎飛誰言鹵簿江州貴小隊時
能問蕨薇

其二

朝看綸綍下宸旒千騎傳呼簇上游帝命西江移斧鉞人從南國望
軒輶能無麗賦誇滕閣刻有雄章歷沈樓惆悵雙溪溪上月胡床遙
夕夢風流

其三

突兀匡廬霧裏來登高詞賦並堪裁留題欲占青霞色倚和誰當白
雪才九派寒光彭蠡澤萬家晴色豫章臺遺踪謝監俱零落一爲名
流問草萊

其四

望裏襜帷大國懸一時名勝總堪憐藍輿數載徵君過木榻長偕孺

子眠賦憶寒雲三洞底書酬明月九江前何緣並擷香爐秀徒倚東
林話白蓮

贈汪中丞四首

鵲印朝馳下九重雙飛長劍拂芙蓉詩書異域傳方虎禮樂中朝待
卧龍勒石燕然雲縹緲登壇灑水日從容紛紛坐客饒朱履吐握能
無問短筇

其二

一疏埋輪四海傳三臺推轂借豪賢飛狐倒馬當關日鉅鹿盧龍出
塞年燧火北亭殘帳幕波濤南粵淨樓船凌烟異日論功最十八鏡
歌被管絃

其三

尺羽纔飛萬竈收先聲何藉冠軍侯風馳細柳三千壁電掃扶桑六
十洲瓊瑤筵開晨北府琉璃屏徹夜南樓遙憐月底桓伊笛吹徹梅
花興未休

少室山房卷六十五

其四

三輔旌旗控月寒九河臺殿壓風濤元戎舊建征東節上將新登鎮
北壇列校任驅鵝鶴陣高流容脫鷓鴣冠懸知王粲思鄉切一賦從
軍爲路難

直沽逢丁元父夜談作余與元父別十年餘而邂逅中野真萬
里不期之遇也

其二

邂逅天涯總白頭雙帆偕發潞河流孤臣海岳猶生色獨客乾坤已
倦遊舊疏間關遼水船新詩迢遞岳陽樓黃金何限干霄色落日荒
臺起暮愁

其三

一疏干言動紫宸三臺九列望經綸猶聞絕島追窮寇未擬清時放
直臣日月並懸新折檻風雲長逐舊埋輪更聞秉燭真如夢把袂狂
歌各愴神

送鄧汝高督學滇中

燕臺春色照龍泉，藉甚王褒奉使年。奇字舊從千古識，遺經重向百
蠻傳。高峰越嶺停征旆，大海昆明息戰船。萬仞巖蒼題賦日，抽毫何
似帝京前。曹能始改官南都

曹能始改官南都

題詩遙向鳳凰臺，人識青蓮冠世才。宦薄南曹寧意以，官閑西寺亦
蓬萊。蒼山建業排雲上，綠水長干漾月來。爲報鬱金堂畔女，流黃重
織候新裁。

壽吳太學母七秩

紫色朝臨玳瑁筵，班衣垂手畫堂前。雙金突兀高燕市，片玉煒煌映
婺躔。青鳥未歸天外使，蒼虬長逐地行仙。簾前認我東方朔，一摘蟠
桃又幾年。

贈盛徵君

不學文園賦，倦遊高風遙。夜攬貂裘，傍驥尚思千里厨。下鱗長合
五侯，桂樹叢生淮海岸。桃花深發武陵丘，鬱金何日延州道。玉盃相
攜醉莫愁。

攜醉莫愁

集惟寅第同顧朗生王行父作

差峨西第接蓬萊，窈窕閒窻臥綠苔。已攜書還越嶠狂，猶擊筑上
燕臺。宮雲五色迷花駐，苑月千枝映樹來。何事觀濤溟海上，當筵枚
發正堪裁。

詹山人伯虎以玉印贈余乞詩

奕奕昆吾託有神，雙魚遙憶附書晨。千秋玉璽傳丞相，十襲瑤華贈
美人。錯落蛟龍吹霧雨，熒煌科蚪拂星辰。江潭何事占雞鶩，白岳黃
山會結鄰。

過汝元太學話別作同仁夫孝廉

河橋寒日弄新晴，唱徹驪駒恨遠行。慘淡黃金辭上國，蒼茫白壁抱
連城。舟移片鶴時時望，劍拆雙龍夜夜鳴。揮手不堪梁月色，亂山猶
傍客途明。

同趙汝元集陳仁父痛飲狂歌臺申且離別之臆備見乎詞

把酒疎星傍玉除，相逢猶是舊公車。高堂秉燭三更後，故國浮槎萬
里餘。海岳未妨攜短劍，風雲那復戀長裾。他時兩地遙相望，尺素能
無問鯉魚。

卽席再別仁父汝元

征馬蕭蕭倦客遊，天涯憔悴鷓鴣愁。雄才尚抱千金壁，豪氣難忘百
尺樓。野戍孤雲頻入夢，關山明月正添愁。猶餘舊日荆高筑，徹夜狂
歌易水頭。

是夕劇談漏盡相對黯然余與二君邂逅湖海訂盟金石者廿

載于茲，拂袖故山且捷關。爲終老計來，晤未億仍賦此章。
列炬華堂夜不眠，驪駒歌徹最堪憐。浮雲未信君門隔，明月偏隨客
棹懸。四海正逢多事日，三生猶結並遊緣。乘時何限英雄氣，怒力加
餐玳瑁筵。

久不得趙汝元問鄉人乍至自都下云墓木拱矣

少日風霜墮彩毫，中年日月厭青袍。紅顏意氣消雞肋，白髮心期付
蟹螯。作賦中山酬薏苡，飛書西域問蒲萄。天津橋北精丘近，試覓青
蓮望海濤。

米仲詔書畫船卷卽席題

汎汎風光易水瀕，沙棠晴照白綸巾。中流荷芰藏仙客，極浦蒹葭望
美人。經卷香爐晨獨倚，筆床茶竈午相親。懸知舟楫商岩待，漫向鴟
夷話卜鄰。

憶燕中仁甫汝元余三人晨夕縱飲垂十載餘頃挈家南旋話

別仁父齋頭縷縷申且歸後聞問香絕今汝元告逝仁父竟
客何方載賦此什志感

擊筑層臺夜放歌，十年燈火寄婆娑。天空潁水荀陳隔，日落咸陽趙
李過。閣上舊藏玄草富，齋頭新種白楊多。悲涼廿載談天客，不見三
星聚釣叢。

同王行父顧朗生胡孟徵俞羨長集惟寅白雪齋分得人字

南北驅馳道路頻，一尊攜手話沉淪。驚看郭下抽毫客，漸少華陽擊

南北驅馳道路頻，一尊攜手話沉淪。驚看郭下抽毫客，漸少華陽擊

筑人四野雄風迴白雪六街飛雨淨紅塵應憐獄底干將在繞夜寒
芒射北辰昔汝濬在獄中

再送座師陳公

一賦驪駒共黯然春明迴首夕陽懸綈袍邂逅三千里絳帳分攜二
十年祇見中朝傳鳳德誰從幽谷辨龍泉蒼生萬室瞻依久闕下行
看太傅旋

少室山房卷六十五

九
夢
送
廣

少室山房類集卷六十五

少室山房類集卷六十六

續金華叢書

激水胡應麟明瑞著

七言律詩五十一首

唐明府長公新構園亭三柳之上書來徵詩賦答二首

儵然十畝占孤蘆淨室名香饌楚蒲賦就園亭聞拙宦書成闕閑識
潛夫青山有夢飛盤谷淥水無心乞鑑湖漫道岩居堪獨樂蒼生能
釋謝公無

其二

亭子蕭疎隔水開聞君十尺卧蒼苔芝從角里先生乞木倩茅山道
士栽簷際數峰如斲就檻中羣石盡飛來清沙蕩漾鳧鷖集永晝相
過暮不猜

寄鄧遠遊遠遊書來云新構書樓高臺雲漢索余一律紀之

聞爾為樓近鬱藍晴川歷歷豫章南當檐河漢三千尺繞架雲霞八
百函徑壓蓬蒿同蔣詒堦藏蘭菊類羅合書成白馬深相憶不得南

少室山房卷六十六

皮竟夜談

春日張明府過訪賦贈二首

明府閩清源人而為烏傷宰
略侍御舉邑賢祠明府力也

燦煌車蓋集檐牙握手孤城送暮笳紫氣乍浮蒼嶺月清光時墜赤
城霞雙飛玉鳥高天外獨奏瑤琴大海涯聞說河陽春爛熳一節能
許叩官衙

其二

空齋一榻卧莓苔上國雙旌叩草萊拂劍星光延浦合飛觴雲色慢
亭來詩傳勵志驚高唱賦倚思玄識異才真訝絃歌酒下吏黃金千
尺步燕臺

閩中黃孝廉過訪作

花底何來抱玉琴一燈聯袂夜堂深舟移九曲多雲霧笠戴雙溪半
雨霖射虎愧余終落鳧雕龍憐爾驟同心胡床欲起征西謙百尺危
樓望水潯

晉安林計部以翰脫見存賦謝并寄懷仲兄貞曜先生時計部在淮揚

經旬寒色倚絺袍窮谷迢然墮彩毫五夜書傳淮海月千秋詞壓廣
陵清中朝劍鳥聲華遠故國墳荒夢寐勞二十四橋花滿目吹笙彈
瑟擁持螯

其二

分曹何處最風流燈火維揚近石頭簫鼓萬家隨畫戟舳艫千里遇
牙籌東園棠樹經春別西嶺梅花歷歲遊計日候公邗水上月明重
卧舊青樓揚州有梅花嶺

題天恩四謫册有序

晉安林氏自文安歷康懿文僖文恪四公並翺翔八座賜諡
易名一門之盛古所未有迺文恪二仲奮翼熙朝子姓繩繩
彌益顯大將來異數未可量也攬誦欽懼輒綴塵草

奕葉恩光道路頻一門華袞動星辰三傳鳳德依清廟自文安至文恪三世入座皆以正直拜四拜龍章出紫宸金匱易名藏太史玉璫御命發行人時不及大拜

少室山房卷六十六

君看瓊瑤新成錄百代何方殿後塵

讀林氏文僖文恪二公集有序

家君登己未第文恪公知貢舉而不佞受知貞曜仲季蓋兩
世通家云

金莖雲色近蓬萊禮樂文章寄上才三世聲華懸魏闕一時詞藻擅
梁臺蓮燈後夜中官集藜杖先春太乙來羨殺庭階雙玉樹聯翩花
萼照鴻裁

屠緯真訪磨父參知歷朝真諸洞壑暫憇葛陂寄聲盛氏兄弟
渴飲不佞一過從迺余自臨安歸緯真發逾月矣賦此寄訊
且期再至同人天台雁宕為汗漫之游

洞口君攜赤玉虬湖堤余躍紫驂驛四愁明月歌平子八咏寥天問
隱侯上苑雕龍羣彥絕中原逐鹿幾人留桃花萬樹仙娥近為報屠
郎續舊遊

憶在臨安舜舉觀察數過從旅中自庚午迄丙申歲致手書益

以雅賦屈指嘉隆詞客幾盡靈光一柱僅觀察存而余以晚
進忝竊深知殊感且作園居多暇賦此寄懷

嘉隆詞客草芊芊指點靈光一柱懸紫電蒼龍浮大壑朱霞白鶴麗
高天晨飛杖屐東山墅夕縱壺觴北海延溪雪滿空狂興在聯舟何
日話登仙

世叔通侯以選詩新刻見貽賦謝因訊說仲文學二首

材官十萬淨蛟涎賦客三千侍草玄劔拂蒼龍淮海上帆飛青雀潞
河前中郎論豈當年秘太史書寧百代傳妒殺南樓絃管夜胡床相
對月華圓

其二

天吳何伯靜無譁獨坐平乘似漢檣客子抽毫題桂樹將軍橫笛弄
梅花藏山業在神偏王治水功成鬣未華莫上燕臺頻倡和風傳雙
嘯入龍沙

參知洪公舉路侍御吳中丞朱比部同人賢祠喜而有作

少室山房卷六十六

先是齊君禹督學按部余爲窮
舉呈入郡祠迄今始嗣于邑

廟祀新裁日月懸千秋輿論協名賢高風慘淡三君列大典燦煌八
邑傳俎豆並陳丹腹底旌旂同曳翠屏前鄉閭不盡搥衣思倚和猶
能筆似椽

題張明府子環考績榮封冊

百里歌聲奏管絃三臺馳疏達甘泉椿萱日永高堂上桃李雲蒸大
邑前燦爛冠裳龍闕下飛揚綵綵鳳池傳中朝屈指思良驥極目黃
金照海漣

送汪山人還四明

驪歌一曲亂雲馳白帽黃冠照路歧八咏樓中人臥久四明城外客
歸遲高天暮雪帆飛動大堊春星劔陸離極目河梁慙握手壩頭霜
色對妻其

送徐太常之白下

驪駒又唱灞城西龍劔尊前惜解攜旭日葵榴爭吐艷春風桃李自

成蹊千秋大業傳鄭魯六代繁音陋宋齊屈指鳳臺吟嘯暇可無雄
筆到幽棲

吳允兆過訪同趙太學夜集坐中驟雨如注申旦迺別

望斷雙魚書水濱深居長日念離羣詞人躡屩來今雨病子支筇出
亂雲縹緲蘭膏延度曲糝粉梧葉墜論文相逢垂老堪留戀莫厭蕭
蕭徹夜聞

同吳允兆登趙文學環翠亭時梅雨大作談棋竟暮

危亭高峙越江湄城郭千家暮靄移北海聲華聞異代西京才藻見
同時雄風却暑離山逕驟雨催涼到石池最是辟疆豪興發一杯花
影度敲棋

送吳允兆還晉中

戴笠披緇問隱淪平原相值未經旬湘山蘿薛懸高士越水蘭若限
美人游覽漫誇誇雙展恨分攜長恨一舟頻浮家咫尺非難事爲覓玄
真舊釣綸張志和琴
人徒晉中

少室山房卷六十六

壽葉母趙太孺人詩 有序

邑明府涇上葉侯宰我三稔民用大和監司奏厥績天官得
馳恩所生母孺人命垂下而母適以是秋屆七秩冠霞帔
玉醴瑤漿一時並集奇斯甚矣不佞沐侯知逾越觀茲大慶
喜益乎辭

紫氣滄溟日夜懸玉冠瓊帔照華筵誰將黃鶴歌中事盡入青鸞詔

裏傳南岳霞光雕輦外東陵雲色畫堂前桃花萬樹瑤池熟好是仙
郎作今年

王參知過訪賦謝

風雨衡門一逕寒青雲何事問魚竿輝煌齒簿留丹壑搖曳旌旗度
翠巒永夜薇花千吏肅深春棠樹萬人懽酬知不盡書生意慷慨魚
腸抱月彈

葉明府創浮梁新成往來利涉一律以紀樂觀并寄師相趙公

夾岸津亭架彩旂騰騰不斷大堤頭長虹盡壓雙溪浪畫鷁橫分萬

里流幾處尊尊浮白坐誰家環珮踏青游甘棠滿植沙洲上荏苒仙
鳧近玉旒

其二

三百闌干照畫檣澄波如黛壓飛梁天浮鳥鵲長河畔地接龍臺大
海傍游女東西矜拾翠行人南北罷褰裳乘輿最笑公孫拙何限恩
波激水陽竹書來電
龍以為梁

春日侍家君過祝太學留宿別館夜出羣少侑觴豪飲申旦醉

夢中拈韻得此詩題壁示太學并示山人無殊

十日高陽興未闌一尊雲霧繞朱欄光搖銀燭春偏麗烟吐金爐夜
不寒舊業中郎仍閉戶新詩常侍已登壇清歌妙舞桃花下痛飲何
辭玉漏殘

飲酒漫成寄李允達

擊節長歌興轉豪浮名何事讀離騷飛揚跋扈元吾輩放逐飄零更
汝曹白日騎羊三洞遠青天捫虱萬峰高先秋已訂浮槎約散髮扶

少室山房卷六十六

五

桑弄海濤

輓劉仲修觀察

斗酒逢君白接離談天長醉習家池猶聞碣石千人廢不見靈光一
老遺蕙晚蘭辜斜日外竹枝桃葉暮雲時他年渤海詞名盛十五寧
論作賦遲

秀上人自永嘉過謁乞余言紹介汪司馬公將以是秋駐錫黃

山白岳間賦贈

贈我新詩澱水前天台霞色染頭懸來徵玄晏先生序去結青蓮大
士緣白岳何方重示迹黃山隨地足安禪莫言垂老才情竭和汝猶
能筆似椽江梅書擬
惠休詩

聽雨齋

十尺幽軒靜青樓碧梧蒼竹亂雲齊初驚膝間珠簾暮漸訝陽臺玉
珮低翠色西山寒並倚秋容南浦淨堪題美人正有芳尊約日斷芙
蓉萬頃西

朱山人卜居廣陵持卷遍乞名公題贈余賦二章

武夷山色最堪憐何事維揚覓畫船乘興剡溪春雪後卜居邗水暮
雲前杖履麗賦經時和杜牧新詩異代傳二十四橋人似玉明粧十
萬勝腰纏

其二

迴首高齋翳綠苔大江晴望海雲開言將德耀居吳苑不學靈均放
楚臺一葉乍從蘭浦過四松先傍草堂栽拙毫試覓平原叟會奇雙
魚到越來

盤張生世業癆余病卧牛載生以誠砭起之持卷索詩為賦
病裏過從問獨醒何來年少解忘形三彭遞守庚申錄五運重蒐甲
乙經碧洞騎羊原有術青城化鶴豈無靈相逢拚作平原醉何限名
山人座青

新春魯總戎招同李都閫夜集署中座上得笻字作

尊酒孤城急暮笳玉壺金縷興無涯茶烹雁茗千峰雪酒釀龍山十

少室山房卷六十六

六

日霞幕府春光迴大纛轅門晴色護高牙相逢況是河梁客握手何
妨片月斜

喻那相過澱上余以病癆牀褥不能出晤寄訊此章

一病衡門罷草玄歸鴻長盼澱江瀾那知叔夜風前駕真作王猷雪
後船五畝蒿萊元獨樂雙溪桃李尚爭妍飛龍自古多乖隔恨望何
梁白日懸

同趙使君雨中登大雲絕頂夜飲見一樓題

縹緲危梯望目繁微茫秋色半江城蒼龍擊電千禾立白鳥棲烟萬
樹明北浦漁竿誇舊漲西郊農鋪快新成攜壺不盡追遊思剪燭虛
堂聽夜鳴

聶水部招集署中賦謝兼送聶公北行

握手翩翩興未窮芳尊何意武林同不堪坐倚瓊枝畔飽聽歌翻玉
樹裏越海地偏雲氣紫燕臺天近日華紅春風爛熳甘泉側賦就能
無望北鴻

鄧遠游過訪溪上握手移日別去無何太公計聞促歸小詩奉
信

春花攜手灑溪傍滿目飛雲望太行念我驥心猶伏櫪悲君雞骨驟
支床孤航不奈兼葭遠一枕偏憐薜荔長蚤晚尋君豐嶽畔星河頻
夜合魚腸

壽張母八秩詩學象子元春瓊瑤雨
王皆盛推其繪事

蚤跨青鸞下玉宸寧馨爭羨膝前人斑爛張仲詩傳孝彩翰借絲書
入神鵲清夜寒星炫彩蟾黃秋半月重輪方平莫啜姑年少少駐塵
寰又八句

虞鴻臚以精舍借居竟不克往賦謝

典盡鶉裘易水潯高臺何處問黃金一枝吾自安幽谷全樹君猶借
上林廡下伯鸞逃世念壘頭司馬倦游心亦知大厦堪棲寄百遍寧
醉抱素琴

懷管秘書

少室山房卷六十六

浪迹燕山嘆滯留一朝名姓動宸旒金門執戟推龍尾玉陛抽毫羨
虎頭草色杜陵供眺望花香曲伺邀遊從知遇合堪青史莫笑馮
唐未拜侯

答顧叔時吏部二首

余與叔時相苴積有歲年茲屬安茂卿以手札投寄託契良
深報謝二律

憶賦河東紫極傍娉婷播曳動明光千金函谷高懸市片王崑丘蚤
壇場直諫世傳韓吏部清脩人識顧長庚盈盈一水吳楓外愁絕菰
蘆引夢長

其二

藉甚雄才北斗懸絨書何意茂陵傳屠龍技絕三朝後射虎心雄百
代前會見名山藏彩筆聊從流水和朱絃延陵一棹堪相傍伴宿楊
亭話太玄

載疊前韻寄叔時吏部二首

拂曙魚絨湖草堂美人題寄自涇陽雙鈎匣底星辰動一刺懷中道
路長綠水兼葭浮夢寐青山薜荔伴行藏相思會發蘭陰與爛醉青
蓮玉盃傍

其二

一徑蓬蒿任晏眠東南雲壑乍留連浮踪宇宙三生合片語江湖萬
古懸越水魚竿忘歲月吳天龍鏑射星躔陽春落落猶堪和敢向鍾
期話絕絃

睿父丈既有西江之擢復聞臺疏挽留將以大觀察移節會稽

三郡興文愴別更賦六詩異時一棹溪頭絕倒子猷之興盡
也

明發雙帆大海濱望書遙夜出楓宸關中乍擬徵黃霸河內重看借
寇恂君子六千初仗鉞生徒四百競攀輪猶聞僕射花溪上竟日茹
堂話隱倫

其二

少室山房卷六十六

分陝頻年召伯棠千家魏碣頌琳瑯纔聞大纛移江右忽覩高牙駐
海傍月下登樓懷婺女風前開閣謝滕王山陰咫尺堪攜興雪夜能
無掉短航

其三

江城秋半促驢歌醉解魚腸奈別何紫翠林巒三洞隔丹青城闕四
明多仙人絕徵尋方丈大士高空謁普陀漫詫越裳重譯至十年鯨
海靜烟波

其四

寒帷霞色候朱衣縹緲稽山入翠微千騎乍環秦碣轉六龍長抱夏
陵飛公餘卧閣紉玄草吏散行臺憶紫葢遮莫山陰乘興訪若耶溪
上醉芳菲

其五張公先任南谿有
鄉鄰代辭等編

早蓋翩躚越海頭當年椽筆照龍樓瑯琊山水詞臣醉天姥雲霞賦
客遊黃絹色絲時想像青鞋布襪暫淹留靈籟禹穴探行還何似細

練詔鄴侯

其六

大府征西接上村參差飛詔出蓬萊金華石室雙仙去玉洞天台二
女來月色微茫方廣寺日光浮動妙高臺無論擲地與公價彩筆縱
橫鉅賦裁

少室山房類集卷六十六

九步題

少室山房類集卷六十六

澗水胡應麟明瑞著

七言排律一十四首

俠客行六十四韻

朝端新拜大長秋賜第東方最上頭曲榭華堂藏燕雀華堂飛棟列
 貌猶論功肯就平陽列相骨爭誇定遠儔太宰均相容接席中丞停
 節讓鳴騶前茅鼓角陳清吹後隊旌旛樹碧油幾為高名羅劇徵時
 從長揖見曹丘雄心黯淡操戈發奇策縱橫借箸籌博浪誤驚羸主
 中白登長抱節王蓋長驅踐天驕血轉戰思椿日逐喉然諾季心
 輕海岱風聲劇孟重山丘朱家緩頰供非難郭解捐軀代報仇八百
 家奴懷蜀鏹三千門客佩吳鉤登壇辟易漁陽帥分道憑陵博陸侯
 向晚章臺嘶叱撥深春韋曲叫鉤駟麒麟閣雀飛身上鵝鵲宮扇掉
 臂遊入幕嘉賓窺喜怒當場摩詰效俳優微行漢帝令衷甲清暇唐

少室山房卷六十七

一

竊無雙下玉樓賈介原嘗元並峙奢靡王石定誰優雙珠跳脫迎無
 畏百寶流蘇障莫愁雲母屏開紅日耀水晶簾捲碧天幽澄籠錦緞
 流黃被火浣衫楊集翠裘五彩同心鏡箱結七珍如意鏡雕鏤盈拳
 鉢藹商胡贈徑尺琅玕貴主求象齒穹窿來絕域蛟精瑩膩出靈狀
 齊瑱楚珉相輝映魯壁秦碑互校讐爨鼎蚩尤存大夏尊罍饗餐駘
 成周華筵溢案鍾王聚妙墨盈箱顧衛留絲筆遺踪看載關藍田名
 蹟羨重修為園直跨新豐市鑿沼斜穿太液流曲島迴汀浮灑瀝孤
 峰層巘瀛瀛洲峒曉睥睨通河漢岷嶺翠恩礙斗牛泉美乍分楊子
 渡石奇先載鬱林州俯箱絡繹馳山荔巨舶聯翻海榴選匠荆揚
 喬木盡營工川洛眾材鳩瓜田瀟灑聯郊隄柳陌咸陽夾置郵十院
 名花行索笑八窻文杏坐銷憂松風晝起娛貞白竹露晴翻媚子猷
 芳草夢時連驟觀蟠桃栽處朔勤偷相思樹底閒情劇連理枝旁逸
 興迢迢萼飄香榮桂閣芙蓉輪艷撲蘭舟青蘋瑞實浮江上綠萼寒
 英奇隴頭俊鶴東夷勞遠致神鷹南國費窮蒐爰居受享翻成福吉

了能言不解愁子母玄猿攜上岷雌雄丹鶴貯浮丘當階檜栢龍鱗
 勁側徑悟桐鳳羽稠把釣文魚時撥刺開籠細鳥日啣啾坡瓊蓋淨
 屠蒼鹿瑪瑙盤股膾赤虬食進萬錢忘下筋羹調千盃未盈甌牛心
 探載熊蹯脆蟹足熬膏額髓柔李尉庖中贏寶厨郇公厨內足珍羞
 從容握塵延諸謝慷慨呼盧軋二劉侯白抗顏陳戲劇素青揚袂動
 歌謳數聲子夜明星落一部陽春霽月流別館笙簫雲共咽迴廊燈
 燭霧難收杯傳鸚鵡長酣醉杓滿鸚鵡鴛鴦勸酬五斗柳漿膏異核百
 壺桑落薦芳筍生來梁孝豪游擅蚤歲燕丹俠氣投日香虞淵猶角
 逐天傾杞國漫吞飯無論蕭相居帷幄謾識孫郎近冕旒倏忽韶光
 伴閃電須臾滄海變浮瀝霜華爛熳催紅頰石火紛紜照白頭好是
 太玄楊子業書成名字在千秋

青樓曲三十六

紫陌青樓接上林香車油壁鳳池陰珊瑚繞砌紫丹障瑤瑤當窻整
 碧岑絕代祇看雙白璧傾城何啻萬黃金駸駘帳煖勻蘇合玳瑁筵

少室山房卷六十七

二

芬蕪水沉樹樹相思巢比翼枝枝連理結同心風鬟馬鬢堪畫霧
 髻盤龍力未任淡掃春山重閣曙斜拖秋水曲房深床頭琥珀鐫文
 貝几上琅玕琢翠禽沙淨鴛鴦翹綺裊泥融鴻鵠睡羅衾惹籠石竹
 綠衣繡額郁溪蘭並帶紅理棹湖堤春漠漠乘桂河漢夜陰陰波填
 烏鵲虹千丈水戲魚龍獸百尋鼓瑟湘妃傳麗句吹簫羸女發清音
 福履舞燕甘泉畔宛轉鶯鶯浴水得天女大羅邀把袂仙姝少室戀
 披襟三三楚岫朝相似六六巫峰暮半沈玉洞玄漿霞共汎瑤池丹
 醴月同斟青鸞慣向前除下赤鳳偏宜後掖尋日隱未央頻望蹕霜
 飛長樂驟聞砧銀屏照膽悲華落鐵鎖傳心怨陸沉織錦蘇娥情慘
 淡題紉班氏與蕭森崔徽謝客容顏瘁薛媛懷人涕淚霑寶太生驕
 長卧疾息夫人憾但如瘖生來陳后情元妬老去徐娘思尙滯岸隔
 楊花愁歲暮江迎桃葉畏寒侵虬髯避逅緣持拂嶺鼻透迤為聽琴
 破鑑德音憐渡落投檢益壽笑奇嶽嶽裝殿迴唐宗入銅雀臺高魏
 帝臨東壁王昌懷易暢西隣宋玉賦難禁時憑劍術祛凌暴屢握刀

頭盼滯滯落盡紫薇重倚架開殘紅杏獨停針成陰結子須臾事傷
斷春風杜牧吟

事多出漢唐雜史小說楊花詞
揚白華初術如毒隱刺之類

挽朱廷尉可大十六韻

先可大以是言論斬
恩詔釋歸尋疾終

冠玉凌雲美少年
嶢嶢人代擯青錢
批鱗日慘雙龍關
折角風吹五
鹿筵勁氣千秋橫
碣石餘生萬死出
甘泉無論廷尉張
羅事政憶司空
解綬年石匣蒼茫
南斗下墮車淪落
太行前吹噓土壤
人誰測物
色塵羅爾並賢
赫輝蘭陰迴面簿
股勤澗水繁樓船
騰空驟駟庸多
讓貫日虹霓豈偶
然去住未妨鴻羽
隔升沉俄析雁行
聯飛揚大業
河山並突兀
雄詞海岱懸
共擬隋珠還
漢關那知和璧
瘞藍田
藜空
向閣殘新序
草沒雄亭掩
太玄強直自知
文季遂貞孤
誰並伯喈傳
關心雨露酬
前席極目乾坤
倚斷絃函谷
青牛沉紫氣
匡廬白鹿弔
黃泉生芻一
寄遙天外
萬壑松楸冷
暮蟬

少室山房卷六十七

朱澤字文季強直自遂蔡邕稱朱穆貞
孤羔羊之節可大生平行誼大類二朱

朱十六在明訂余過訪沙上念載矣歲杪得手書猶故情悽悽
也新春忽聞長逝感愴不勝挽以長律十六韻

慷慨朱家結俠年
金樽何日不花前
仙源洞府三千闕
帝苑池臺八百懸
夜夜更衣遊太液
朝朝聯袂入甘泉
臨淮桂樹通侯第
大庾梅花上客筵
突兀雄心摧海岱
飛揚豪氣拔星躔
建安遺瓦酬雙壁
宣德新磁破萬錢
彩翰如椽仍自貴
黃須張戟定誰憐
官徵恥抱齊門
瑟宦拙寧迴越水
船海月亭中邀月坐
江雲樓上抱雲眠
明眸皓齒羅閨妙
曲新聲被管絃
舞罷枯枝頰笑傲
歌餘桃葉乍留連
孤松爾自陶元亮
芳草余慚謝惠連
幾夜梁園期作賦
經時楊閣候談玄
生年忽報龍蛇值
哀計俄驚鵬鳥傳
地僻高陵盤夜兔
天垂荒隴咽寒蟬
酬知未遂延陵諾
愁絕生芻寄墓田

在明家有風池聲伎江雲樓最軒爽每訂余海
上為十日飲余亦欲卜居其傍竟參商未如願

憩清源舊遊禪寺懷蘇別駕以修二十四韻 有序

憶曩在清源日易使君座中邂逅以修別駕握手定交淹留
累月窮極平原之興一別十年聞問杳絕扁舟再過不勝今
昔之感云

十月繁霜正滿離孤城
凝望碧雲馳青衫
落曉還丹夜綠綺
傳聲命駕時
玉勒亂嘶韋氏苑
銅鞮高宴習家池
龍蛇四壁毫飛動
牛斗雙函劍陸離
妙曲西園陳翠管
清歌北里近彤墀
豪遊南郭朝朝共
勝槩東山日日期
綺陌朱樓情浩渺
紗窗紅燭夢逶迤
何人作賦非同調
若个談詩不解頤
一代平原懷兢爽
千秋河朔興難疲
從知意氣關寥廓
詎謂形骸判別離
驛路論心愁汎梗
河梁揮手惜臨歧
窮來海曲甘垂釣
淚盡山陰獨解維
搖落慚余同塞柳
漂零聞汝逐江離
茫茫白水迷三峽
歷歷青山礙九疑
無客乘風來滙口
與誰尋雪上峨眉
雕闌繡柱孤懸榻
清簟疎簾靜覆棋
漫詫王嬌留鳳輦
徒聞薛女畫蛾眉
君平易肆虛談卦
楊子玄亭失問奇
岸拆黃牛迴舸艤
城深白帝罷旌旗
遙天灑灑雙魚絕
僻地臨功駟馬遲
疏貫十千時際

少室山房卷六十七

倒柑題三百尙淋漓
清風明月羈玄度
流水高山咽子期
越國啼魂無翠鳥
蜀天翹首但黃鸝
亦知聚散人間世
極目長空雁影移
後再

壽吳封公七秩

遙遙紫氣度滄溟
翹首文圖見德星
三世龍章偏鳳躍
四朝鸞羽獨鴻冥
才高曼倩飛千牘
道直劉蕡困一經
杭麟田方騁富貴
蹉跎杜甫惜娉婷
傳家夙擅瑤華譽
報國爭傳玉樹馨
赫爾盛時新閱閱
依然名士舊門庭
庭姑蘇麋鹿遊春墅
震澤魚蝦臥晚汀
閭闔前開倚杖滄浪亭
下戲揚舸高陽謫
眉先白大耋垂垂
鸚尚青東望瀛洲
鸞馭出西來
玄圃鶴書停
花枝爛熳供談笑
竹色葱芊伴醉醒
神農安期遺履易
水桃王母降輜軒
前除冠蓋如虹集
後苑笙歌帶月聽
綸綍幾看迴結駟
緜繚猶自憶囊螢
天河路近槎堪汎
海屋籌多戶未扃
蚤識大椿千萬壽
南山無事祝修齡

封公文端公孫純叔少公父子而文仲使
君父也后先應仕以潛德弗耀于時

挽周徵君公取二十韻

藝苑靈光四十春，翩翩奇氣上青旻。飛翔鸞鶴三千界，慘淡龍蛇百六辰。北嶺彥倫非異族，東吳公瑾是前身。宗雷綺歲賦玄寂，禽尚生來習隱淪。虎阜池頭尋紫劍，鱸鄉亭上岸烏巾。雄章雙社珠同耀，麗藻昆丘璧共陳。玉筋縱橫三李合，銀鈞搖曳二王親。岫巖絕頂文摹夏，梁父中天篆勒秦。巨榜華夷懸突兀，穹碑河岳闢嶙峋。西泠倚棹吹黃葉，南浦垂竿弄白蘋。好士孟公腸磊落，無兒伯道思艱辛。羣仙闕苑招同列，上帝叢霄憶戲臣。太傅遺踪沈草樹，中郎餘業散荆榛。家殘甫里悲羅雀，冢駭皋橋嘆獲麟。是處霜飈摧大厦，當年湖海問前薪。浮名蚤借遊燕客，秀句偏擲入洛人。劇飲平原寧計日，高談河朔動經旬。踟躕舊雨舟藏壑，慟哭酸風笛滿隣。瘞鶴銘存徒自惜，籠鵝帖在定誰真。惟應彩筆星河畔，元氣淋漓照玉宸。

送萬伯修中丞經略朝鮮二十四韻

突兀熊車控九邊，燦煌鶴印下甘泉。元戎夜仗黃金鉞，壯士晨驅白

少室山房卷六十七

五

玉鞭驟擁全師過，碣石徐分小隊出。祁連驂留五色羣，連代鵝鶴雙飛陣。拂燕赤羽登壇環，甲冑青油張幕護。樓船雲銷上谷旂，竿駐霧湧丸都箭。鐵穿伐鼓吹笳行，塞日飛槎浮筏度。遠年詩書總屬中軍，好文武成推吉父。專曲逆奇謀，神鬼運嫖姚。雄略帝王傳，轅門妙算聞三策。樂府豪吟擅百篇，西第徵歌霞照席。南樓舒嘯月窺筵，椎牛有客俱長孺。倚馬何人不仲宣，潦倒鸚鵡孟似杓。淋漓鸚鵡筆如椽，千言草綴陳侯牘。一傳花生杜氏箋，橫槊澄江天破浪。拔刀窮谷地生泉，推牙怪鱷鱗堆阜。授首封狐血，漲川道左異壘迎。吐谷管中歷歷拜，呼延寧知報捷憑。公異會見題銘壓孟堅，後乘長驅母寡入前。萌生縛郵支旋扶，桑日上清妖氣細。柳虹飛息燧烟定，遠威名元獨步。平陽勳烈舊無前，銅標直建三韓外。鐵券遙頒萬國先，虎豹崇閣萌土闕。麒麟高閣畫圖懸，穀城遺老相逢後。一舸陶朱釣巨鱸。

蚤春寄懷大學士趙公三十韻

金扉銀鑰散爐薰，玉座珠居架斗文。日爲唐堯懸北極，風因虞帝動

少室山房卷六十七

六

南薰化明建禮宮，前雪樹拂舍元殿。裏雲長樂烟光晨，浩蕩未央霞色畫。縉衣冠肅肅，甘泉聚環珮。鏘鏘太乙聞，左邑亭臺行未厭。西清城郭望難分，九苞鸞鶴俱呈瑞。五色鸞鶴並作羣，求友黃鸝啼廣陌。陌將雛白鶴，卧斜陽。昭容戶外垂羅袖，采女車前曳綺裙。十樣蛾眉桃李艷，千盤鸞髻麝檀芬。煖煖甲煎中庭燦，縹緲都梁別院焚。水汎昆明寧習戰，山遊輿慶詎成醺。明堂禹益據謨詰，清廟夔陶釋典墳。獻賦班揚馳彩筆，陳詩枚馬擅風斤。傅岩板築真符夢，莘野鉏犁合罷耘。優詔異時仍白壁，辟書何處更玄纁。趨朝政喜羣公洽，報國應降太老勤。絳闌頻年勞上相，丹扉無策對明君。羊裘數問嚴江外，雁序長瞻激水濱。瓊閣交章神轉王，平臺傳論思偏殷。三千魚鳥張旗幟，百萬貔貅礪劍紋。龍武盡收榆塞卒，鷹揚全護棘門軍。材官甲冑先浮渭，大將樓船欲濟汾。舉鼎威名雄夏說，揚鞭豪氣邁高賁。倉皇跋足知狼顧，躑躅停牙見豕獮。海匪難林傳帝力，江寒鴨綠淨妖氛。耆英紫綬堪圖洛，狂客黃冠會入鄴。講易庭前饒管輅，傳書門下半

羊欣淇園荏苒齡，齊竹鄰架參差帙。散雲翹首越裳重，譯至赤松岩畔候元勳。

參知張公詹父觀察吳公文仲過訪吳公舊宰金華訂盟莫逆

張公神交十載近，始識荆迥並辱提攜收之方外高軒枉問

謙洽連宵國士之知敬酬此什

繡服緋袍試晚晴，荒途曲巷謝逢迎。州民禮數容長揖，地主風騷接大名。幄裏雙虹交映日，輿前千騎並干城。人倫張仲推忠孝，吏績吳公擅治平。白雪中原馳錦翰，青霞太末射楸枰。三都浩瀚裁新註，七子崢嶸締舊盟。志續齊諧羅麗異，書傳博物洞幽明。朱旗薺借臺端曳，玉珮行趨閣下鳴。躡躡久虛陳榻夢，飛觴何限庾樓情。蒨檐豈爲看花入，草徑聊同問竹行。業綜細縑元自得，篇攜綺繪定誰評。從知國士深留盼，愁絕文通賦未成。

送周大參之楚中

當年文價重連城，蚤向詞壇識姓名。玉署鳴珂朝建禮，金門持戟扈

承明中天正屬飛龍起南國遙看結駟行侍從清朝臣不厭驅馳赤
社帝關情參差原勒合毫待次第英皇抱瑟迎衡岳雁迴雙節迴武
昌魚躍片帆輕登臺風雨三湘暗按部雲霞七澤明方岳大藩形勝
地甘棠寧讓召公評

送參知洪公入賀聖節十六韻

暖日暄風上柳條樓船晨遡越江潮腰懸玉珮趨辰極手捧金函入
聖朝晉國生徒圍講座燕臺豪俠避行軺棠陰葵里關情切荔子園
鄉送目遙藉草定過平樂市看花頻宿灞陵橋天浮太液明霞麗地
接甘泉湛露饒彩筆何方留鼓吹朱絃隨處叶簫韶南皮舊事猶飛
動北海新盟未寂寥駿骨干羣隨顧盼雄心入極任遊遨空囊歷歲
藏孤刺陋巷經時挂一瓢洞裏秦人捫峭嵒山阿楚客寄瞻眺觀禾
乍許親田父伐木偏能問野樵敢謂龍蛇同奮發深知鵬鷁異逍搖
移床賈奉元規宴下榻虛煩仲舉招荏苒三卿迴獨坐逡巡九列讓
元僚從知岳牧明堂近蚤伴皋夔翊帝堯

少室山房卷六十七

懷王恒叔十四韻

恒叔以釋任還天台尋赴
白下中途病臥京口卒
南遷新命下蓬萊紫氣函關日夜開霞色乍眠方廣寺月華頻坐妙
高臺三山與盡思三竺九曲吟成夢九垓瑤圖勒銘推哲匠玉樓題
記仗雄才煥煌賦草傳中國燦爛文章接上台軼里晨霜流檜柏茂
陵秋雨滴莓苔窮交此夕攜孤憤故友當年和七哀授簡甘泉誇駁
骨飛觚碣石羨鴻裁崢嶸汲鄭交難續嗟嗟荆高世尙猜咫尺遮須
尋子建龍門曾識仲宣來

哭蘇學使君禹十八韻

早蓋朱旛辟眾僚青鞋白帽問山椒猶思藉草過三洞尙記看花就
六橋剗地雕戈紅日駐倚天長劔白虹飄論心北海尊偏洽握手西
園蓋未遙一水驟榮桐栢夢萬峰俄矗桂林標君之擢嶺右參知也
先銓書兩擬中州命
皆不枕椰樹色浮公座荳蔻花香撲使軺玉管暮揮盈洞壑金函晨
捧接烟霄長門闕賦驚先達宣室紆談誤蚤朝十日河梁懷並鬱經

時濠濮與難消將因素處尋公寂詎意飛昇逐子喬齋老白楊情漠
漠閣殘玄草意蕭蕭中郎典籍非零亂太史篇章恨寂寥躡躡五龍
飛帝闕旌懸雙鶴度神威胡床澁水迷秋月畫舸錢塘咽暮潮國士
中原時自惜名流東域定誰驕遺書百代鳴孤憤大樂千年闕九韶
潦倒酬知腸寸折不禁寒雨墮深宵

君禹過余必却齒薄掩蓬萊留連浹
日余病或不冠對談壘壘形影盡忘

少室山房卷六十七

少室山房類集卷六十七

少室山房類集卷六十八

澗水胡應麟明瑞著

續金華叢書

五言絕句八十五首

自桐廬至新安雜咏十六首

桐君山

長嘯揖桐君雲軒起天末攜手七十峰吹簫弄明月

桐江

愛此江水深弭舟江千宿蒼蒼萬里流不濯巖陵足

釣臺

嵯峨翠微半相對兩高亭不知雲霧裏若个少微星

七里瀨

連峰萬仞餘中劃溪流碧七十里春波亂疊芙蓉色

石壁

天風吹客衣削壁遠如墮何人掃石來獨抱蒼雲卧

少室山房卷六十八

辛夷館

愛此幽人居春風滿庭戶指點辛夷花忘却來時路

瀑布

亭亭瀑布泉風吹一千尺朝來海上帆挂斷長虹色

方千宅

萬山圍欲合一水去仍遙不識方千宅桃花滿路飄

謝翺墳

西嶺謝翺塚一徑惟莓苔相對鹿麋坐秋風時自來

新安江

蒼郊四無人輕橈蕩空碧春江不斷流滿柁靡無色

仙桃岩

絕壁聳精藍孤懸五千丈何代武陵人移家此峰上

胥口

落月溪水寒漾舟時未已西冷何處村望望茶烟起

北高峰

言尋王子喬吹笙跨鶴鶴高峰不見人日暮藤花落

南高峰

維舟北嶺下搖蕩青芙蓉欲向南峰去夕陽千萬重

烏石磯

瞥見雙白鷗飛來似相識翩翩欲近人復濺苔花濕

桃花硤

移舟信江風沿洞不知暮前村路轉遙繫纜桃花渡

題翠虛亭廿絕 有序

亭在劉氏園四圍皆竹萬綠森然余嘗避暑其中因酬以廿

絕 逸三首

雨色凝香案秋陰拂畫墻萬竿雲霧裏知宿幾鸞凰

其二

上枝凝翠栢下葉染蒼苔莫使王家見清吟不肯迴

少室山房卷六十八

其三

昨夜涼風起笙簧滿坐幽何當裁萬玉吹盡楚天秋

其四

霜朝庭聳玉雨夕院敲金一自淇園後詩人幾廢吟

其五

棲禽藏密篠關雀墮高枝老幹空千尺何人寫楚辭

其六

鑊就雲門玉吹成嶰谷音晝日過滄海蛟龍不敢吟

其七

鳥雀下前除幽篁百尺餘昨宵風雨過寒灑杜陵青

其八

野色琴書裏江聲枕簟傍恰稱幽人卧湘雲畫滿床

其九

參差臨渌水嫋娜拂秋霜忽記文同畫生絹六尺強

其十

消消薄暮霜嫋嫋經秋雨深院寂無人叢篁自相語

其十一

晉代諸名流清談自相詫何如院嗣宗長嘯深林下

其十二

倚闌無俗事解帶自清吟一雨朝來暑千竿翠欲沈

其十三

歲寒紫翠間珍禽自遊戲何當覓羽人共跨青鸞去

其十四

閑來晚翠亭四壁皆清翫傳聲王丈人更致蘄州簞

其十五

縹緲碧琅玕森沉下彩鸞佳人翠袖薄日暮不勝寒

其十六

截作簫君管攜來弄玉家一吟雙鳳舉白日赴青霞

少室山房卷六十八

三
夢
遊
庚

其十七

迢迢風雨夜卧此一憇幽恰似揚舫日滿湘兩岸秋

宮怨二首

羅幌寂無人玉階秋草綠永夜不成眠飛螢照華屋

其二

學得琵琶曲深宮不忍彈水晶簾幕下寂寂倚闌干

夏日齋居雜詠八首

陽春館

一雨過修篁微風動清夏萬籟盡蕭然援琴北窗下

綠筠軒

獨坐清風裏流雲濕畫欄空齋無長物十萬紫琅玕

漱芳池

明月照芳池倒景浴層嶂文魚不畏人競出滄波上

馭風亭

五岳非我鄉九州非我宅冷然起太空忽見蓬萊日

西園

閑持一杯酒獨向西園醉想像鄴中人青雲動飛蓋

東園

西園復東園焚香送餘日微風掃落花忽墮幽人席

嘯臺

鏗若鸞鳳音隨風落天半空令阮籍聞未許嵇康見

卧游室

泠泠七絃琴飛聲白雲上三十六洞天不假廬敖杖

小齋宴起偶題

午日照柴扃先生宿酒醒科頭了無事散步讀黃庭

題神遊入極卷爲金華高生

青天騎大鵬汗漫游入極笑殺牧羊兒空山弄拳石

題畫僧寺四景

少室山房卷六十八

四
夢
遊
庚

青鞋趁桃花香杏前山暮霞標起赤城漸入天台路

其二

赤雲遍長空何處清涼國遙望五臺山中天挂金碧

其三

一鉢復一餅相隨不知老蒼蒼太白峰落葉秋多少

其四

剪月作蒲團初雲爲破衲歲晚入峨眉千山萬山雪

綠筠軒夜深作

岸曠坐微涼荷池雨新足永夜寂無人流螢度深竹

長日抱疴掩關謝一切客朝夕相酬往者惟齋中十六君焉與

文託好各贈以詩歲寒之誼要諸白首矣

石屏

奇峰置案頭恍惚包山麓萬朵洞天雲鞭龍入林屋

琴

一鶴復一琴，儵然成太古。朝來岳麓僧，寄我瀟湘譜。

劍

鹿盧秘空匣，十載無精光。乍夜飛空去，龍吟大海傍。

書笥

三萬六千卷，一卷供一朝。百年雙白眼，不向世人驕。

玉磬

誰將一片雲，置此禪床側。相對寂無聲，南山下秋色。

五岳圖

援琴對五岳，流響入青雲。猶勝四壁立，獨擁卓文君。

碁

一杯秋色裏，時翻古人局。飛霜擊畫廊，邵艾收西蜀。

膽瓶

折取三花歸，琉璃貯春碧。三十六峰雲，畫繞維摩室。

笛

少室山房卷六十八

五夢 遷 虞

手挽鐵龍君，登樓喚黃鶴。萬頃碧天空，梅花何處落。

茶竈 水記梅廬第十九

夜凉起南軒，然煮雀舌。山童荷檐歸，滿瓮嚴陵月。

杖

青藜攜作杖，霞色照人明。偶過劉中壘，翻疑太乙精。

琴石

何年空林中，置此太古石。歲遠莓苔深，片雲無處覓。

博山鑪

月影下蒼苔，閉門無剝啄。白雲一縷高，幽人卧初覺。

塵尾

玉柄蟠蛟螭，隱見前朝字。逍遙七百言，花照瓦棺寺。

羽扇

羽扇白綸巾，寥寥坐清宴。千秋廣武軍，誰知阮公嘆。

芒屨

足下兩青鞋，他時作何狀。白日五龍飛，崑崙三萬丈。

臥室四詠

芙蓉帳

夢寐青蓮詩，千篇謝雕飾。却笑江文通，花生景純筆。

湘竹簟

攜來六尺雲，恰稱衡門夜。一枕洞庭秋，萬山明月下。

胡床

散髮踞胡床，徐看白雲過。時有鹿麋來，胡床相對坐。

石枕

至人本無夢，何者蕉中鹿。松風滿石闌，任意黃梁熟。

遊囊雜咏五首

蠟屐

長物不隨身，周游信雙屐。中天泰華雲，絕頂蓬萊日。

席帽

少室山房卷六十八

六夢 遷 虞

秋風飯顛顛，吟成一登眺。日暮謫仙來，相逢應大笑。

如意

摩挲三尺鋒，虬龍挂寒鐵。萬古英雄心，歌成唾壺缺。

布裘

清晨偶出山，一衲挂枯樹。向晚白雲深，藁耳不知處。

藥壺

五城十二樓，高懸煉金液。朝來費長房，誤入神仙宅。

秋日獨遊蘭陰山五絕句

蘭陰山

午風吹芒鞋，獨往忘日夕。指點山阿人，衙門在蘿薜。

西樵嶺

落景留空山，無人自來往。一片白雲中，時聞樵語響。

聖羅菴

一鉢坐禪床，清齋自朝暮。經年不出門，忘却前峰路。

顯教寺

採奇興不盡秋思滿林薄祗園掩夕陽小坐曇花落

龍湫

波光滿沙際夜景湛林樾山僧抱甕來搖動潭中月

杪秋再遊蘭陰過精舍見前壁間題悵然復書一絕

謝客訪石門杜公懷峴首萬古一傷心無言對樵叟

漫興四首

斟酌千秋事何人一瓣香夔江宵夢斷月色滿空梁

其二

一代汪司馬憐才海內聞乍日傳書至慙歎問白雲

其三

十載吳明卿相聞不相識遙夜武昌樓梅花飛鐵笛

其四

可怪滇南老雌黃信筆成那知陳晦伯剖擊更無情

少室山房卷六十八

七
步
選
庚

少室山房類集卷六十九

續金華叢書

漱水胡應麟明瑞著

五言絕句八十五首

題李惟寅山房三十八咏

清嘯園

爲園學步兵築臺五千丈清夜嘯聲流冷然萬峯上

松關

愛此松風吹柴關抱麋鹿白眼四無人漉聲滿空谷

陽春臺

高堂揮彩筆字字濯雲霞錦帳三千女齊歌玉樹花

芙蓉閣

傑閣起千尋芙蓉不盈丈爲有謫仙人含毫坐其上

清風館

一徑入深篁翛然碧雲墮涼颺四面來吾將北窗卧

少室山房卷六十九

先月臺

中天白玉臺高挂九千尺薄暮海東雲先送嫦娥入

涵虛閣

平湖千丈寬中有涵虛閣靜夜時推窗星辰四簷落

度雲橋

青鞵趁桃花杳杳赤城路石梁千仞橫自躡飛雲度

浣花池

方池六尺強風吹眾芳墮時有杜陵翁扶藜石欄坐

拱辰閣

危欄跨長空星辰俯手拾獨有紫薇垣可望不可卽

藏真洞

藤蘿垂洞口空谷四無人恍惚天台路難尋兩玉真

白雲峯

移來十丈峯虬舞舞虛牖面面白雲生終南亦何有

翠微亭

荷鍾入中條雲霞導雙屐山腰翠漸微冉冉孤亭出

凝秀軒

軒窗洞然開正對西山碧十日忘朝餐飽此蓮花色

來雲洞

去家十里遙結茆在深樹自雲洞口來忽與幽人遇

虬峯

蒼鱗刺苔蘚千尺自成趣朝來雲霧生縹緲欲飛去

釣磯

八十曾無恙蒼顏出渭濱寧知漢飛將黑髮盡麒麟

鰲嶼

海上釣鰲客曾聞太白翁何如置孤嶼圓嶠在庭中

琅玕亭

十萬琅玕枝箇箇青欲墮不分王徽之借我亭中坐

少室山房卷六十九

芳草齋

幽齋只數椽科頭抱書讀經句不出門芳草上皆綠

青霞館

朝吟白雪齋暮憩青霞館羲皇以上人脚赤髮仍散

松室

危闌繫鐵絙高懸四松上千尺凌雲臺晉人何足尚

青蓮閣

虛閣倚青蓮恍入莊嚴界悠然清淨身萬古長不壞

貝葉齋

一出恒沙河彈指幾千劫金剛在舌根何許貝多葉

會心處

聚書三十冬插架三萬軸開卷時忻然三公豈吾欲

蒼玉館

簾內延湘妃簾外種湘竹秋風何冷然淅淅動蒼玉

製芟軒

湖上秋風生推窗綠無數不製三間裝但製三間賦

疑舫齋

虛齋省千尺恍忽阿融留何須疑陸處天地一虛舟

浮白齋

左手鸕鷀杓右手鸚鵡杯拍浮酒缸中萬事何有哉

草玄居

翩翩白鳳凰夜吐青藜館何人坐吮毫莫是楊中散

梅花亭

孤亭十尺藏梅花萬株列中有姑射仙肌膚若冰雪

澹然閣

事業等唐虞浮雲過太虛何如高閣上支卧一床書

如如境

蘭若何儵然焚香擁孤衲兀坐萬緣空繩床下黃葉

少室山房卷六十九

滋蘭室

移將九畹芬散植雕楹畔悠然丈室中如坐瀟湘岸

霖雨樓

飛樓瞰平津空翠散遐矚山雨暮欲來蕭蕭入窗綠

留客處

十畝辟疆園寒風灑亭榭何須問主人日坐琅玕下

延春亭

南園紅藥盡西塢綠陰重別有藏春處胡床未易逢

沙上晚泊即事

葉落楓如城花欹桂若崩白頭溪上曳閑坐結魚簪

月下船窗獨坐寄內是夜繫纜東昌

憔悴鸚鵡裘飛霜正暮秋亦知粧閣上頻夜望刀頭

席上戲為崔孝廉贈所歡

胡姬年二八艷色好名花莫問張君瑞崔嵬是婿家

王恆叔山居雜咏十首

紫芝山房

何物東園翁老作備皇翼後夜呼荝君乘風起八極

松濤

飛樓跨四松杳杳拂雲漢白日廣陵濤飄蕭起天半

蓮社

西來有別傳自得碧筒趣肯使柴桑公攢眉獨歸去

嘉樹臺

千尺摩雲霄百圍蔽林莽迢遞雙樹根不作大槐想

釣亭

玉璜釣姬公羊裘釣漢祖奇哉清靜君玄成釣萬古

忘歸石

雙磯橫莓苔赤脚此閑坐偶逢隣叟談不知夕陽墮

芙蓉城

層城粲朱華彩豔照林薄新篇露下吟一一謝康樂

曲水瀨

玉匣闕昭陵聚訟欲成藪千載真蘭亭復落王郎手

雲碓

林鐘疎北嶺茶杵急西家湖風亭子外掃盡石楠花

龍藏

前身阿難陀種此青蓮舌何事五千函虛空盡貝葉

春日同葉唐趙郭朱包諸生遊蘭陰作

百雉雲中午雙虹水面晴曲江春事蚤隨處麗人行

為趙宗魯別駕題屏菊四絕

玉葉迎風粲金英泥露開東籬遙悵望拊掌白衣來

其二

直幹經時雨繁英昨夜霜靈均養不盡艷色滿瀟湘

其三

直幹經時雨繁英昨夜霜靈均養不盡艷色滿瀟湘

簪來盈宿露插處炫明霞布帽須頻落何煩笑子孟嘉

其四

裊裊依危石亭亭照暮山羨他甘谷水千載駐紅顏

胡毅元池亭雜咏十二首

深雪巷

襟被留雲窩清虛四天照門前乘興來或有王郎棹

凝香寢

斗室羅尊彝名香坐中發何處佳人過援琴鼓白雪

蒼荀齋

虛齋植蒼荀香氣何繚繞一路聞棋聲琤琮出花杪

水竹居

千頃竟何爲萬竿復何處居然五畝園獨領浣花趣

清華樹

朗吟池上篇搆此數椽屋禽魚互親人恍惚見濠濮

少室山房卷六十九

浣花池

方池六尺脩爲深劣加丈游魚不畏人潑刺清波上

懸蘿徑

何年卜此居恍入子真谷一徑懸飛蘿孤亭吐喬木

叢春館

堂上三千賓堂中六一叟無日不開花無時不搗酒

不染亭

翠憶何亭亭朱霞亦濯濯周遭十二闌飛香透簾幙

秉燭軒

敲碁坐明燭微風動清夜遲我同心人落花滿亭榭

飛嘯臺

高臺四無人嘯聲墜林樾彷彿羅浮仙空山弄明月

竹素園

亭亭風霧中琳瑯自成圖何言對此君大業在千古

沈氏園異竹數竿儼如紅玉客話於余乞一絕紀之

其四

棋圍暈紫霞恍作赤城色爲問石家郎珊瑚幾千尺

題寺壁二首

青林帶平楚雜坐惟漁樵迴看萬峯裏一逕入中條

其二

樓臺出林杪入望杳難分半夜投龍去千山盡白雲

其一

黃河大風商船阻絕姜計部仲文遣人覓舟載余一夕遂抵淮

上因得口號六首却寄

茫茫大河水一葉向江南不遇姜公子何人借布帆

其二

揚帆度呂梁回首見蕭縣桃源何處村千家寄高岸

其三

四月桃花水歸帆處處看南風薄暮起停棹向新安

其四

黃河九驛路驛驛旅人懷飛流六百里一夜到長淮

其五

暉如白帝峽千里一朝還獨少陽臺女雙蛾碧霧間

其六

長風破巨浪一葦下三吳那羨揚州鶴腰纏上帝都

園中卽景

庭樹清陰滿園林翠色交數竿春雪重搖折紫雲梢

題畫

水綠紅衣淨沙翹白羽幽塵中騎馬客誰見五湖秋

題祝生無殊蒲洲坐同司馬汪公二首

萬綠園軒窗蒲團弄秋色時聽湘夫人雲中鼓瑤瑟

其二

兀兀幽篁裏橋梧同塔然科頭抱雙膝日盡九疑天

徐象先以薛生素巾花卉五圖乞題各系一絕

不作倚門粧尙假傾城色何似薛家娘巧心照素質

右山茶

飄然姑射仙亭亭出林藪宛似薛家娘霜天濯素手

右梅

瑤琴月下彈羅帶風前解大似薛家娘幽香勻素彩

右蘭

霜飄金奏沉風動玉聲碎可似薛家娘秋闈鳴素珮

右竹

泠泠冰玉姿獨立瀟湘岸恍似薛家娘寒濤披素練

右水仙

少室山房卷六十九

七

夢遊集

少室山房類集卷六十九

漱水胡應麟明瑞著

五言絕句七十三首

別業巖溪之南平湖遠岫幽谷長林登頓沿澗頗擅獨往之趣

暇日效石丞朝川體爲五言絕三十章并拉諸同好作焉

春澗草堂

幽居武陵源背城止十里汎汎桃花舟春江澗紋起

谷口

綠堤十數家蘿蔓相縈帶亭午聞鶉聲傍然白雲外

灤西

愛此春風吹持竿坐溪畔鄰鄰饒西水浮萍聚復散

灤東

桂楫橫沙棠沿澗殊未已落日漾中流蓮歌四面起

三徑

少室山房卷七十

青山在南隣綠水在北廬爲問柴桑翁徑中復何有

華嚴精舍

焚香延禩僧偏袒坐林薄相對談華嚴西岩夕陽落

蘭薄

采采幽蘭花清香畏零落何處佳人來含情坐林薄

談玄室

玄亭落花遍兀兀把壺酒山童懶應門失我同心友

柳庄

今朝好風日策馬東郊行雙柑挈斗酒往聽黃鸝聲

蒼荀齋

偶結清淨緣幽齋種蒼荀婁迷月色下馨香不忍觸

芝坪

採林斲黃精冉冉白日暮千岩與萬壑不記來時路

嘯閣

靜夜無人聲微風動梧葉散髮踞胡床忽上南樓月

北窗

赤脚仍蓬頭焚香坐長夏何處來清風冷然北窗下

滄浪亭

言從劉伯倫荷鍾載壺酒一醉眠滄浪蟬聲在高柳

梧陰館

夜涼起南軒梧風時澹蕩疎雨滴階除復澗池荷上

蘿月軒

橫琴當綠蘿萬籟夜俱寂涼月何紛紛飛螢暗中入

烏石岡

信步不知遠蒙茸入深樹悠然亂石中忽與樵人遇

寒林

深林四無人秋意滿長薄日暮牛羊歸寒烟出籬落

廢寺

少室山房卷七十

一榻懸空林寒蟬滿窗戶但記入山年不知出山路

樵塢

曳杖隨寒山遙遙不忍別欲趁斜陽歸亭臯運黃葉

叢桂山房

攀援桂樹枝秋色俄已半爲報山中人花開正如數

鷺查

連山帶返景依約澄潭上白鷺時驚飛銜魚入深港

芙蓉溪

何方問奇客扁舟載尊俎欲采芙蓉花悠然向南浦

瀟湘島

偶作瀟湘遊置此江中嶼萬綠圍軒窗九疑何處是

明霞洞

尺素隨桃花傳情報仙媛爲掃石床霞殷勤待劉阮

苾芻園

閉戶動經旬長齋度晨夕不知園中草蒼翠已盈尺

葯房

手持長生瓢隨意坐林薄涼風吹古藤時復數花落

柴桑里

凌晨出東籬采菊動盈手悠然南山色落我杯中酒

梅嶼

素手何亭亭新粧儼明玉誰憐絕代姿歲暮倚空谷

雪岑

清晨策蹇躔正見梅花發獨往灞陵橋千峯亂飛雪

秋日同郭朱吳鄭四子登大寺山尋東峯亭故蹟亭故有唐人馮宿記

掃石坐危巖高天下雙鶴欲問馮郎碑東峯夕陽落

秋日送僧遊五臺山二首

挂錫辭吳嶠支筇入晉關秋風秋葉裏獨向五臺山

其二

少室山房卷二十

五臺五百僧日暮鳴鐘待獨有病維摩未赴文殊會

蚤春同惟敬諸子登顯應宮閣望西山霽色卽席賦

立馬蓬萊島千門霽色通西山四百寺處處玉華宮

卽事

文杏作雕梁盧家白玉堂武陵雙俠少下馬入垂楊

九日李環衛招同諸公登顯應觀閣不赴

寂寂東籬下黃花意自眞笑殺龍山客空過落帽人

夏日集古堂閱宋元諸名流畫題十絕句

短橋留夕照烟樹隔江深過客應廻棹疎鐘出定林

其二

前途風色起孤舟暫停泊寒鴉不斷飛殘暉在山閣

其三

一卷南華子科頭抱雙膝時有鹿麋來殷勤似相識

其四

芒鞋不覺遠目與歸鴻遇萬壑無人聲天風起孤樹

其五

醉吟絲簾底孤舟繫漁梁不知沙頭水夜添三尺強

其六

深林四無人徙倚白雲坐山風日暮來吹我鷓冠墮

其七

赤脚步青沙斜陽照古查鳧鷖太欺客相趁入蘆花

其八

散髮孤峯頂去天不盈尺四顧中原空悠然獨捫虱

其九

汀洲黃葉落一望彌蒹葭美人隔秋水相憶空瑤華

其十

前村風日好杖藜時不厭一逕荳花明數家松葉暗

夏日雙樹園閑居標括昔人成語作十絕句

少室山房卷七十

悠然濠濮隣會心豈在遠魚鳥時親人不覺白日晚

其二

乞得眞形圖五岳在指掌撫琴一動操欲令眾山響

其三

蓬蒿滿宅前中開一行徑高樹八九株披書坐餘蔭

其四

可人費招呼俗士且迴轍入室惟清風當窗但明月

其五

山靜無人聲焚香坐朝暮蒼蘚盈階除落花遍庭戶

其六

空齋種白楊悲風時謾謾人生不得意千歲復何益

其七

長嘯臨高臺白虹貫四野龍泉與太阿汝乃知我者

其八

何勞鄴侯晉纒架三萬軸痛飲讀離騷居然名士足

其九

庭花畫合圍松竹蔽行道淡類邀繡流相對豁懷抱

其十

左持鸚鵡杯右把鸚鵡杓拍浮酒缸中生計良不惡

獨酌逍遙館醉中拈筆漫書五絕

薄俗難共居紅顏不長好吾將跨大鵬神遊八極表

其二

振衣望天漢六翮來長風翩翩佳公子胡為濁世中

其三

仰面看屋梁著書閱千古誰為楊子雲作計徒自苦

其四

長笑山中醪千日誇酩酊安得遊華胥萬劫時一醒

其五

少室山房卷七十

五

巢由抱箕穎堯舜開虞唐何須論得失臧穀俱亡羊

瞻堂十景為大參徐公作

一環樓

底事愛樓居樓居自堪愛千峯翠若環不斷雕欄外

翫月臺

南峯流素華光彩蕩林樾胡床人未眠翫此瑤臺月

碧練湖

一鏡涵空明波光倒樓殿錯誦玄暉詩澄湖碧如練

古柏

移來蜀相祠曾息軒皇駕昨宵風雨聲恍忽蒼龍下

岩泉

何來千仞壑貯此百尺流莫令到入境畏引桃花舟

綠野堂

禾黍被郊原綠疇自高下何論十仞堂將築萬間廈

咫尺松楸

松栢啼烏烏楸梧下鶴羣咫尺親顏在無勞望白雲

人境舟車

悠然人境中舟車任來去底事論避喧本無喧可避

陽峽倒流

泠泠清溪水倒流向幽谷任洗高人耳不濯凡流足

峯霽金光

突兀金臺尖去天不盈尺中夜五雲飛正見蓬萊日

題大隱園芭蕉二首

年年學臨池赫蹠苦不足種取綠雲箋窗前三百幅

其二

六翮何飛揚含苞翳深樹朝來見羽人共跨青鸞去

少室山房卷七十

六

少室山房類藁卷七十

少室山房類藁卷七十一

續金華叢書

澗水胡應麟明瑞著

五言絕句五十三首

程氏息園三咏

繡佛齋

蕭然丈室中焚香自朝暮午夜文殊過窗前遍甘露

揮塵堂

盱衡長史鋒緩頰中軍筆門外眞長來氣壓孫安國

卧雲館

愁看巫峽雲懶醉羅浮月靜夜楚天遙黃陵秋萬疊

題漁樵耕牧圖四首

持竿俯碧流莫學蠡溪客白首向岐周拋綸專西伯

其二

觀棋坐斧柯四面青山色回首一千年桃花爛春碧

少室山房卷七十一

其三

時邀石戶農耨耕放黃犢翻笑歷山人移情九州牧

其四

大隗在何方襄城亦奚有莫言五尺童曾稽軒轅首

題畫

四山晴送色孤榻午生涼伏枕無餘事幽禽噪綠篁

偶題四首

上下五千年縱橫三萬軸高憑百尺樓遠送乾坤目

其二

不讀昔人書那知當代旨自信阿龍超任將周顛比

其三

落落諸年少沾沾問字來莫嫌雙眼白白眼更慵開

其四

發生去靈隱八咏何人識寥寥女傍一片寒山石

秋日同友人登蘭陰山小憩華嚴精舍作

支筇上寒山石磴連雲涉蘭若無人聲禪關墮黃葉

寄江雲樓

危樓倚太空裊裊一千尺美人期未來江雲四面入

寄松齋

箕踞長松下齋大如斗白眼雙飛揚人間復何有

寄雪廊

虛廊寂無人飽看瓊瑤墮想像釋迦文頽然雪山坐

寄江蘿館

朝夢江蘿開夜夢江蘿落如何二十年不到江蘿閣

右四題俱朱在明園亭余未能往作此寄訊

出郭望西山諸寺二首

柳色帶平湖桃花拂釣艦斜陽下南垞一片朝川圖

其二

少室山房卷七十一

西山四百寺寺寺金銀臺莫言去天遠回首見蓬萊

題祝生玉華館圖

孤亭寄華頂去天劣容尺時有牧羊兒招邀煮白石

題花石獅貓圖

長日花陰下安眠雪作膚玉人春夢醒何處喚狸奴

題朱光祿園中雜景十首

江蘿館

一夜江蘿花亂吐山房側喚取汨羅人窗間弄秋色

江雲樓

何年駕飛閣縹緲凌天風朝來五千丈半入江雲中

雪廊

羽扇白綸巾瑤琴坐來歇山童無處尋一片長廊雪

松齋

悠然四松頂置此六尺齋事事張功父何論十二欵

雨花巷

手持淨名經高座揮玉塵長爪何鋒鋒蒼頭暹花雨

筠房

苦竹數百竿中藏室如斗試窺偏岸人可是王猷否

癡香室

博山燎沉水鳳巢擁翠娃雙烟結一氣爛漫渡紫霞

鶴院

感君刺臂恩聊此休六翻夜來香露聲時墮清音樹

嘯臺

鼓吹出層巒恍奏鈞天樂氣懣阮嗣宗聲從半空落

快閣

中天構層臺登臨何快哉披襟一長嘯萬里雄風來

題畫四首

半畝疎烟合危峯落照合蒼茫白雲裏有路入終南

少室山房卷七十一

右樵

禾黍滿前村桑麻自成邑千古桃花源秦人餘古蹟

右耕

平野何蒼蒼空林動寒影扣角晚歸來斜陽墮西楸

右牧

隔岸遠山色蒼茫生暮愁孤舟烟雨際獨占楚江秋

右漁

題九華精舍冊爲願上人

五岳行踪僻三山去路遐何如北窗外坐卧九蓮花

張伯起幼子邀集別墅觀白公石戲贈

崢嶸十尺幽誰辨白公留試喚香山丈時時解點頭

伯起園池中鵝鵝數十頭甚馴擾戲贈二首

暫去三冬候重來六月中何如隴山翼空憶主人翁

其二

爲笑支公鶴凌雲杳莫攀美宅池上翼飛去復飛還

懋陳從訓湘竹榻戲題

大夢全忘日清音半雜雲遺然修竹裏恍忽下湘君

嘲考社

笑殺杜陵狂題詩欲斷腸寧知謫仙子捧研在沉香

余既賦瞻堂十景矣而意有未盡復三絕句寫之

翠蓋何亭亭蒼虬舞天半恍忽真人游金支夜璀璨

右古柏

灑灑幽岩泉源流自東魯中有杏樹壇莫認桃花塢

右岩泉

一柱障中流洪濤渺難越已見迴百川何論倒三峽

右陽峽

題章氏園亭四首

偶逐武陵人移家來絕巖日暮碧桃花沿洄出深澗

少室少房卷七十一

其二

長夏懶著冠經旬閉門睡偶來深院中萬朵紅雲碎

其三

何年植此君蒼翠歷林杪十畝渭川雲山童寒不掃

其四

綽約孤亭中梅花鬪清絕高天一萬株亂灑羅浮雪

題卷二首

世事了不聞峯頭數椽屋斷取華山雲長歌下空谷

右終南山樵

家臨洞庭口門對君山色微風卷釣綸萬頃湘潭碧

右楚江漁父

題畫二首

亭亭臥幽谷冉冉迴陽春日暮馨香發持將贈遠人

其二

幽意寂無人含嬌浴明月微風起淥波畏慢青羅襪

同觀梨園借鄭生白驪夜歸飲蔡山人所驪駁甚因名之曰雪
精卽席贈以此絕

遙遙明月底飛轡入層城何異洪厓客千峯跨雪精

少室山房卷七十一

五
卷
七
十一

少室山房類集卷七十一

少室山房類集卷七十二

澗水胡應麟明瑞著

續金華叢書

五言絕句二十九首

自淮上挂帆便風一夕遂抵梁下

淮水何湯湯布帆捷于矢一夜東南風吹船七百里

呂梁阻風

百尺牽大河一步一回首懊惱石尤風多于故人酒

題于生蘆雁四圖

落日燕山道寒風漢水波碧空秋萬里錦字數行過

右飛

不斷征人淚全銷旅客魂一天疎雨過燈影暗長門

右鳴

漠漠秋清月蕭蕭野岸風寒蘆林棟盡全樹上林東

右宿

少室山房卷七十二

乍可餐羨若那能參稻梁數羣烟雨外恍忽似繡湘

右食

寄居穀元池亭陳生為除室張榻酬以二絕

雪阻燕山道風寒易水塵獨憐陳仲子掃室待幽人

其二

一家猶道路十日寄并州幸借元龍榻安眠百尺樓

送祥光還白門四首

為愛三山色金焦問法幢一酌中冷水浮杯夜度江

其一

布衲披雲去蒲團向月裁故園芳草色應遍雨花臺

其二

片錫長安去珠林照紫霞橫經高座寺講席半天花

其三

四百南朝寺青鞋處處遊何方駐瓢笠古刹寄牛頭

為盛生明元贈淑卿二首

嘹唳鶯初轉輕盈燕欲飛應知杜陵老日日典春衣

其一

遠山眉綽約秋水睫濛濛好覓張郎畫無煩魏帝催

九日同莊靜父俞羨長登寶所塔時歌者願生戴青花倚酒

突兀龍山色登高豁旅愁黃花亦無賴偏逐少年頭

河梁話舊十絕句送左轄吳公之山西有序

憶壬午計偕晤莆田吳公于白下僅京兆府一交臂耳其明

年吳公遂以上第歛翁列藩飛沉異塗垂二十禩庚子秋羈

寓武林吳公以右轄破例存枉屈指舊遊杳若陳夢而吳公

氣誼總篤不啻久要未幾而公有晉中左轄之拜河梁斜日

揮袂黯然漫述短語以代驪唱通計前後都得十篇與集神

流亡論工拙吳公別號霞城

粲爛朝霞色峯頭幔作亭長城一萬里天接太行青

少室山房卷七十二

其二

太行何崔嵬千崖界空紫異日吳使君功名亦如此

其三

使君本人傑挾策遊蓬萊朱顏映綠髮片語雨花臺

其四

雨花臺上游黃金館頭別一鳴空騁羣排雲叩閭闔

其五

閭闔皇皇開青袍脫蒙茸燁如太阿劍白晝飛神鋒

其六

神鋒入腕飛青冥掣雷電上考書吳公第一明光殿

其七

明光寄陝服朱旛滄海頭東方簇千騎出入借軒轅

其八

高軒惠然來光照寒土寓笑揖大將軍爭誇汲長孺

其九

亡論汲生懸祇益衛侯賢何限飛沉事黃梁二十年

其十

分攜二十霜騰踔九萬里高咏河梁篇涕泪盡知己

再送左轄吳公十絕句

有序

公將以便道還七閩却赴香轄之權余詞有弗盡寫者後十

絕所繇續也

一代絲綸寄千秋保障名高牙擁大旆西入晉陽城

其一

白頭徒自新傾蓋儼如故蔽芾越東西棠陰十萬戶

其二

飛鴻遊碧漢尺鮒泳滄浪脈脈窮交意相看大海旁

其三

當年京兆府一面觀荆州詎意蜚騰速麟符觀玉旒

少室山房卷七十二

三

其五

百吏咸趨風千官競翹席人生得意年天門驛八翼

其六

旬宜既南國保釐復西土着繡還故鄉朱節震華鼓

其七

靈泉灌九滌頰洞浮蒼雲飛書乞佳夢為報九何君

其八

左泮莫耶錄右泮干將錫宇宙兩神龍延津當書躍

其九

樓船汾汾河中流渺雲霧耐可鮮荔枝不到桑乾渡

其十

燁燁承明廬上考書第一白首洛陽才呻吟卧蓬華

奇黃堯衛令覓小宋研及鮮荔枝二首

傳聞宋度南樓船載鸞鶴為覓小涵星晴窗試玄玉

其二

側生產勝畫天然絳羅襦欲買娉婷贈何煩十斛珠

題程元魯小像

冥心長塔爾曠目更遽然兀兀蒲團坐何人問太玄

其三

三都聊屬草五岳但懸圖盡日玄關閉忘言據榻梧

少室山房卷七十二

四

少室山房類葉卷七十二

澗水胡應麟明瑞著

六言絕句三十三首

長夏閉關散髮高卧吟誦之暇時或焚香鼓琴殊有羲皇之道
信筆六首

開卷小酬歲月出門便畏風塵十洲三島遊客萬壑千峯主人

其二

誰言名教樂地懶着沐猴衣冠午睡不知日落晏起欲費朝餐

其三

科頭不出城郭散步或傍簷楹前身灌園處士今代閉戶先生

其四

尼父六經日誦鄰侯四部時開領取千秋萬世從他九棘三槐

其五

小草自甘慚丑大椿終古逍遙不夢有莘五鼎高挂箕山一瓢

少室山房卷七十三

其六

東郭飛花晏坐北堂芳杜晨興題馭王陽自得絕裾溫嶠何能

題畫四首

桃花夾水千樹柳色垂堤萬重何處數聲雞犬人家只在前峯

其二

南澗新篁雨過西嶺長松日斜散髮孤亭相對忘言一卷南華

其三

窗北寒光露滿籬東暮色雲低地僻黃花自採天空白酒誰攜

其四

千嶺槎牙古樹萬峯搖落孤梅試問長安高卧何如剡曲空廻

端居述懷六首

千劫總歸眼底萬緣不入胸中散髮狂歌宇宙側身高卧空啊

其二

朝見許由行遜暮看盧舜明揚黃屋翻成重累不如枯坐禪床

其三

千古登壇大帥一時出塞諸侯試較兩家得失莫將毛穎輕投

其四

戶外時時獐狗床頭日月晨雞可道敬通威威須知玄靖栖栖

其五

爛熳圖書自惜蕭條門戶誰持莫笑枚乘年老遊梁剩見佳兒

其六

二女九男有底三公七貴無由架上乾坤萬卷毫端日月千秋

園中四時歌

春

北郭尋芳冉冉西園載酒遲遲曉日合花紫燕春風繞樹黃鸝

夏

午日陰陰枕簟涼風習習窗紗綠染芭蕉一丈紅舒茵苜千家

秋

偶約南鄰二客扁舟湖上從容不省停機何處秋光萬頃芙蓉

冬

白蛤孤吟寒街紅裙低唱羔羊何似陶家學士龍圖煮雪黔堂

客歲病留瓜步且三月今年春仲復過此值江魚大上每至友

人家玉尺銀條咄嗟便具殊厭饒口余越中不能爾也

夜夜三更澗水年年三月揚州飽食河豚江鱖何論越鳥吳牛

富貴曲十二首

翠靨霞生玉鏡紅粧日耀金鈿後院花開百合前庭柳學三眠

其二

妙舞誰同靜婉清歌莫辨嬌燒綺閣珠簾半捲畫堂銀燭高燒

其三

膩玉搓成素頸鬆雲縮就烏絲乍夜靈光賦就人人高倡新詞

其四

灼灼朱唇澄露亭亭素面迎風夜合花梢月上王昌近在牆東

其五

西北浮雲隱隱簾垂百尺高樓羅袖風前試卷玉釵斜撥篳篥

其六

寶屐參差步障銀缸爛熳窗紗一掃如椽萬字酣歌笑擁如花

其七

香杏笙歌院落煌煌燈火樓臺十二金釵對舞三千玉蟾齊開

其八

縹緲湘裙曳地翩跹洛蕊凌波院院紅綃國色莫將摩勒來過

其九

趙媛燕姬作隊秦娥衛女成行盡日綸巾羽扇絃歌荳蔻花傍

其十

驟見爭如易別相思入骨難禁南陌花開並蒂西陵草結同心

其十一

鳳輦晨遊綺陌羊車夕叩紗窗長信宮中第一昭陽殿裏無雙

少室山房卷七十三

三

其十二

日暮木蘭舟上羅裙玉腕從容北浦遙通菡萏西洲菡萏芙蓉

少室山房類集卷七十三

少室山房類葉卷七十四

續金華叢書

激水胡應麟明瑞著

七言絕句八十一首

再送茂卿還晉陵四絕句同童山人子鳴作

草色蕭條六代宮故園回首嘆飛蓬秦淮一夜西風急落盡芙蓉網

雨中

其二

客裏黃花別季膺清秋殘葉酒孤燈歸帆憶爾江城下半夜潮聲泊

廣陵

其三

楚塞吳關望裏賒遙遙雲水接蒹葭秋山何處幽期近縹緲峯頭一

片霞

其四

楊子汀洲起暮潮片帆南下雨蕭蕭他年共訪蘇臺月攜手垂虹百

少室山房卷七十四

尺橋

寄陳稚冲一絕

綠髮青袍易水涯東風頻過酒人家爲言上苑三春雪何似長干二

月花

唁陸茂才二首

謝家庭樹正蕭瑟莫擬探環向別藜白玉樓中題記罷他時來作願

非熊

其二

潦倒青氈氣未除莫將流淚洒長裾聊堪剩取雙眸在老向西河學

著書

別惟寅入燕四絕

星散交游二十年兩人相對白門前西風無賴長干柳吹送千條上

別筵

其二

白鷺洲前白浪高飛帆晨發廣陵濤浮雲萬里燕臺上擊筑何人伴

彩毫

其三

十載酬知泪未忘揚來爛熳酒河梁愁人最是秦淮曲月落霜飛上

去航

其四

片席遙分大海流寶刀持贈若爲酬黃金臺館三千尺截取長虹寄

石頭

黎秘書劉觀察劉金吾丘計部李環衛周明府康茅朱三山人

出餞卽席賦

隗臺

其二

滿坐青山照客裝風塵憔悴舊荷裳吳鉤莫問尊前色白日長虹墮

少室山房卷七十四

太行

其三

四海論交碣石宮一時攜手向西風惟應別後嚴陵釣千尺重懸大

海東

其四

高天擊筑暮雲屯大陸飛霜滿前門莫向塵埃慚浪迹十年詞賦在

乾坤

其五

寂寞胡姬舊酒樓南歸金盡鷓鴣衰陰符匣底猶堪讀可怕機前少

婦愁

潞河舟中再別惟寅裕卿汝修絕句五首

雨色荆門樹樹哀武昌黃鶴暫徘徊西風玉笛危樓上萬片梅花落

酒杯

其二

亂山臺殿楚江頭極浦蒹葭夾岸流二十五枝湘水瑟月明何處不堪愁

其三

神女祠前落日低祝融峯外亂雲迷那堪重作高唐夢萬樹清猿岳頂啼

其四

一望巴陵楚嶠分木蘭舟上雨紛紛中流無限瀟湘色日落君山起暮雲

其五

衡岳千峯霧裏看洞庭波色照闌干揚帆自爲青山去漫擬當時白雪寒

華陽雜詠八首

垂虹嶺

萬仞危岩古木低翠屏廻合上丹梯桃花流水無人問一路猿聲夕

照西

小石梁

雲際飛梁壓水開翠岩丹壑自紫洞捫蘿欲記天台路片片青霞展

水雲洞

積雪蒼茫澗道分空林麋鹿自成羣夜來洞口飛泉過流出西岩幾

武陵洞

雲壓重崖午不開石門烟雨護莓苔分明記得秦時路曾到仙源採

涵碧池

池上藤蘿歲月深半空寒影動青岑攜琴欲寫瀟湘意夜夜蛟龍水

浴雲潭

絕壑東廻鳥道微隔山流翠轉依依西風落日空潭上滿地寒雲濕不飛

飛來石

片石橫岫倚怪松清秋寒雨滴虬龍苔深不記飛來處疑是崆峒第一峯

步虛臺

縹緲天都十二樓銀河遙望不勝愁何因醉逐飛瓊語謫向人間五百秋

西湖竹枝歌四首

四山樓殿鎖清秋一水滌洞島嶼幽咫尺蓬瀛休道遠畫船簫鼓在中流

其二

聽樂魚龍出漢陵學飛鳧雁繞昆池青林半鎖瑤臺暮綠浪平鋪畫舸移

少室山房卷七十四

其三

倚棹汀洲草色齊翹船灣浪滿蘆堤萬家楊柳青門外一片芙蓉淡

其四

雙鶴徘徊幾夕陽孤山雲水似瀟湘重遊好採東風信萬樹梅花糝雪航

送胡文父還匡廬五首

爾去匡廬第一峯翠屏千疊紫烟重何時共拾金光草對倚青冥跨白龍

其一

秀出香爐萬嶺西道公精舍夕陽低憐君我欲逃禪去相逐寒雲住

其二

棲隱峯頭樹色分傳書過寄紫陽君一聲鐵笛千林晚片片桃花落

彩雲

其四

聞說年來李夢陽青鞋曾遍踏蒼茫扶筇何處天池近指點銀河百尺長

其五

九疊雲屏霧雨餘海風江月望來虛攜書倚遠青蓮興乞取匡君舊結廬

挽陸文學一絕

廿載青衫閱歲華殞宮遙掩夕陽斜春風何處山陽笛落盡棠梨萬樹花

湖上卽事二首

一派笙歌擁大堤春風攜酒畫橋西回鑾競結青絲騎蘇小門前柳色齊

其一

少室山房卷七十四

垂柳朱門十萬家青帝紅旂各年華蘇小墓前寒食近碧桃無主亂飛花

渡錢塘七首

一夜天風挂海濤雪山零亂舞江臯輕舟忽渡錢塘水萬仞扶桑日色高

其二

楮龜迴望兩山屯天削銀屏障海門白浪晝看三百里不知誰喚伍胥魂

其三

濁浪東排萬里天平分吳越海雲前憑誰爲乞支機石坐擁浮槎到日邊

其四

十二樓臺倚碧空安期亦在紫雲東瑤車笑指相逢處摘取蟠桃萬樹紅

其五

江色浮空四望遙青山斜倚木蘭橋何人共擊中流楫散髮迴看大海潮

其六

十載長安祗浪遊揚帆東蹴海天流含毫欲問思光賦萬壑魚龍起暮愁

其七

坐擁輕橋入亂山蓬萊東望彩雲閒麻姑是處堪攜手重疊秋江倚翠鬟

夜發錢塘以風濤迅甚次日遂抵桐廬

暮雲飛盡海門開越客扁舟萬里迴一片青山濤浪裏不知帆過子陵臺

裕卿業與余爲錢塘之約余以歸計迫不及待輒留一絕

飛流如雪洒蓬窗一夜離心擁去鸞回首不堪相憶處千山明月滿

少室山房卷七十四

桐江

登釣臺四絕

重疊嵐光倚翠屏天風吹客上危亭持竿試看羊裘坐何處長安有客星

其二

挾策初從帝座回繫舟重上子陵臺峯頭日暮狂歌發萬里浮雲海色來

其三

欲向桐君話隱淪千峯寒色對嶙峋青袍可是遊燕客不染支都半樹塵

其四

百尺綸竿俯碧流危闌天半夕陽愁山靈似識攜家意十里魚龍送客舟
邦相遊爛柯不遂戲爲四絕前之

底事雙鳧向碧空洞天重疊鎖芙蓉虛疑玉質雲中去仍見王喬懸
裏逢

其三

乘風百級上莓苔樵者峯頭喚不迴何似歸尋胡伯子石屏霞譜爲
君開

其二

當年仙訣妙通神下子蟠桃十度春一自移居蘭水上爛柯岩畔更
無人

其四

一局纔從石上看人間千日已闌刪何如共載溪頭酒剩作平原百
遍催

問喻邦相病四首

閉關經旬臥起遲青山長日對支甌吏人莫訝休文瘦政是初成八
咏時

少室山房卷七十一

其二

名姓曾聞在赤城衙齋一臥萬緣輕惟應剩取清羸骨白日飛鳥上
太清

其三

十年歸卧茂陵居長日惟刪舊著書最是漢庭憐汲黯病來猶得伴
相如

其四

爾閉高齋送夕陽余愁肺病臥空床柯緣對挾飛龍去萬仞青天坐
石梁

題方山人聽秋軒

密磬疎檣翠篠中碧天遙挂二梧桐何時自挾薄團至坐領塔前萬
葉風

齋中繪五岳爲圖稱卧遊焉各系以詩

泰山

玉殿瓊樓起太空扳藤遙上碧雲中中宵不辨星河色萬丈天門海
日紅

衡山

柱杖飛蘿上百盤狂吹玉笛和青鸞回看月色千岩吐不道峯頭是
廣寒

嵩山

道下崐崙度玉華黃河九曲照三花空明洞底無人住散髮中天弄
紫霞

華山

太華三峯削不成巨靈高掌矗咸京相攜玉女朝天去朶朶蓮花足
下生

恆山

絳節迴看上帝臺金莖雲霧接蓬萊不知碣石青何處萬里胡天雪
色來

少室山房卷七十四

秋日南軒梳髮忽數莖班班焉漫題二絕志感

未到潘年已二毛胡床箕踞白雲高猶勝寓直秋風裏寂寂寒更賦
騎曹

綠鬢全拋舊口容一菴秋色照蒙茸憑誰試摘三千丈挽取羲和駕
六龍

七月十五夜小亭翫月

尊酒凭闌客思孤萬家明月對冰壺不知簷外秋多少一夜飛霜下
井梧

謝章儀父惠家釀二絕

玉碗香飛琥珀明自呼南斗吸長鯨河清莫道今難俟已換王家月
旦評

其二

一飲揮毫一百篇何人真是酒中仙應知他日來民舍不飲麻姑石
上泉

送人之會稽

問水看山興未涯十年瓢笠寄煙霞青鞋夜宿雲門寺好趁千峯向若耶

秋日寄友人山中

白雁丹楓盡作行霜天何處問重陽東鄰老衲歸來晚靜夜猿聲到竹房

寄洛中友人

濁酒青絲照玉壺信陵公子對呼盧狂歌莫問燕臺客零落秋風傍狗屠

寄張鍊師

搗得茅齋傍玉華芙蓉伏火鍊丹砂清秋絕頂朝元夜白露千岩濕桂花

韓逸人西遊二華持扇索題戲為書一絕句

時韓寓金城東

豆蔓松花護客居半床雲色半牀書西遊何處燒金液太乙峯前舊

結廬

送人入蜀

道下荆門客思濃清秋落木遍千峯猿聲一夜孤舟雨愁殺巫山十二重

送何生遊邊

翩翩書記向龍堆白草黃雲大漠開落日固原飛檄少題詩頻上赫連臺

寄黔中劉從事

崔嵬銅柱亂峯前迢遞鄉書隔歲傳醉卧枕椰明月底不知人在夜郎天

秋日送人之夔州

黃牛峽口暮雲愁白帝城前江水流落日片帆秋色裏千山行盡見夔州

少室山房類集卷七十四

少室山房類集卷七十五

續金華叢書

漱水胡應麟明瑞著

七言絕句八十三首

秋夕紀夢十絕 有所

夜夢至一處萬山嵯峨白雲載之其上有金銀宮闕麗甚榜
日碧落洞天余徘徊其外良久不得入而寤因戲作十絕紀
之

芙蓉一枕自徘徊恍惚鈞天帝子臺長嘯八公攜手去萬峯雲色駕
蓬萊

其二

足躡安期兩赤虬飛行忽到海西頭青天一片崑崙頂亂落星河滿

副錄

其三

曉入瑤池殿裏行珠簾斜月華明天姝十萬花如綺不省何人是

少室山房卷七十五

智瓊

其四

十五神鸞戴白雲三山長揖魏元君不須遠問靈飛錄玉佩金璫盡

秘文

其五

永夜銀河送客槎吹笙遙赴阿環家狂拋織女支機石攜手扶桑萬

尺霞

其六

龍踏冷泠踏紫烟罡風吹向大羅天白雲滿地秋如水十二瓊樓獨

自眠

其七

一局王喬對未殘飛書何處到青鸞騎龍夜赴西池會三百明星亂

玉盤

其八

玉榜瓊樓次第開梯仙靈境乍徘徊花前舞罷山香曲萬朵紅英落
絳臺

其九

樹樹桃花玉洞前成都賣藥已千年秋來跨鶴騰空去月滿仇池第

一天

其十

縹緲羣仙列上清天都齊送珮環聲歸來莫道無人見兩袖霞光罩

赤城

夜登金華絕頂慨然有懷作步虛詞五章

兩袖明星拂絳河天風吹客上嵯峨無勞更覓梯仙界半夜鞭龍入

大羅

其二

長揖元君向紫宸中天殿臺金鉞如花座上三千女攜手先過第

一人

少室山房卷七十五

其三

禮斗壇邊下夕陽焚香絕頂奏虛皇不知誰喚羣仙到零亂星河白

玉床 詞中有仙人石床坐如白玉

其四

一謫仙班下海涯夢魂長繞阿環家西華舊業荒蕪甚老却瑤池萬

樹霞

其五

左揖龜臺右木公仙壇瑤草暮茸茸金華自有騎羊客漫許留侯事

赤松

新秋郭鴻臚吳文學過訪留飲小齋至暮

一自華陽罷和歌頻年白眼卧山阿玄亭莫怪秋來啟剛為侯芭到

綠蘿

嘲小社

舟泊廣陵憶杜紫薇青樓薄倖之句戲成此絕

花壓虹橋水壓城玉簫吹月到天明當時自少揮毫客可道青樓橫
得名

喻邦相即署中建樓題曰信美索詩為賦四絕

胡床明月坐高秋碧瓦朱甍大海頭十二危闌賓從滿一時傳作庾
公樓

其二

畫檻雕闌瞰越城平湖十里最分明公餘半卷珠簾坐四百樓臺弄
晚晴

其三

嬋娟一片起簷牙影落臨安十萬家絲竹管絃清夜滿何如遷客在
長沙

其四

不道青衫客異邦鏡塘江外是潯陽扁舟若趁滕王宴一夜南風到
豫章

少室山房卷七十五

戲贈貞吉中尉兼東后惟良

來鵬姓僻人希觀司馬名成帝未聞獨有故人先識面豫章前殿舊
將軍

靈洞山房雜咏為趙太史題五首

古洞棲霞

石磴岩曉挂紫煙芙蓉萬朶石羊眠尋仙不用盧敖杖雙跨虬龍入
洞天洞名雙龍

中嶽干霄

鳥道千盤壓翠微中峯突兀鎖烟霏天風兩袖捫蘿上不道金丹白
日飛

三山環壁

十尺幽軒鎖碧桃三山羅列畫屏高登臨忽憶吾家近萬仞扶桑壓
巨燾

片石飛雲

蕭然行樂賦歸農琴鶴齋前但故踪莫道嶺南無長物羅浮擔得最
高峯

山亭樵語

萬籟無聲晝寂寥小亭徐坐看花飄前山何處來人語一片歸雲下
晚樵

讀方喬山人集二絕有序

方喬山人太古從子也學五言律有清韻如霜清漁艇集雨
暗客帆收野水通泉脈山雲露石根藤交山寺僻溪截野橋

橫細草幽緣徑新篁密蔽簷曉樹籠雲暗寒山帶雪奇濕舍

鳩雨細香賺蝶風輕等句率晚唐餘味視從父可謂青冰第
才具不多耳堯治又喬之猶子既從汪王兩司馬乞太古傳

與銘復哀喬遺草刻之而懼其傳之弗永也索余題二絕其
後云

廿載寒溪曳短筇何人攜酒日相從林中偶遇飛觴客把臂無勞覓
仲容

少室山房卷七十五

仲容

其二方千有句云曠曠殘聲過別枝方鳳宋夫妾人字韶卿

尚記蟬聲過別枝韶卿亦與謝翺期流風莫嘆諸方盡五字重吟鐵
馬詩山人有題鐵馬詩頗可觀

再送吳師入洛四絕

翩翩行旆逐西風十郡材官指顧中屈指大廷推第一河南寧羨漢
吳公

其一

珠履三千各賦才向來門客盡鄒枚高牙大纛鳴鞭去白日遙登古
吹臺

其二

二室東西並拂天中天樓閣礙雲烟抽毫絕頂嵩峯上一線黃河墜
樞前

其四

七聖襄城鶴不遙
三花紫氣拂輕香
遙知問道崆峒後
齒簿相催入聖朝

客有至自吳門者
傳周公瑕勝人將就館
喜而為詩詢之
臺深銅雀鎖斜陽
高唱將雛待鳳凰
筵上不須防顧曲
吳門今是老周郎

葉明府校士錢塘五絕
余邑方大有秋故末首并及焉
曙色蘭陰照錦袍
飛檣遙下越門濤
高秋棘院掄文夜
萬樹天香入彩毫

其二
明遠高樓百尺懸
寒光遙夜動龍泉
由來寶劍司空識
紫氣行看北斗連

其三
紫綬緋袍煥陸離
畫堂燈火徹簾時
湖頭十里秋風色
兩袖天葩上玉墀

其四
巖嶮雙高上紫氛
迢迢三竺架青雲
雄飛好趁仙鳥翼
一顧能空萬馬羣

其五
處處黃雲足稻梁
家家秋色賀登場
東南竹箭三千尺
更逐伶倫到上陽

日暮風起仲嘉戴一布帽復落賦此嘲之兼呈汪司馬
谷口天風起暮笳
笙歌催客嘯流霞
亦知閭內非宣武
布帽何須落仲嘉

訪汪士能不值吳生留飲狹斜席中漫興二絕
潭水桃花閉綠蘿
一尊其奈片雲何
何時更發青蓮興
飽聽汪郎白雪歌

其二
滿溪花色繡平沙
自在嬌鶯喚落花
莫笑杜陵衣盡典
曲江還醉四

娘家

又戲作寄汪六
漫誇蓮花似六郎
鬢髻如戟太昂藏
若為騎鶴揚州去
十萬朱提照畫堂
汪適以會計入都

晨發題壁
春風一笑引流霞
占盡揚州十萬家
惆悵碧桃何處落
銀屏珠箔寄天涯

為沈生題扇
沈生善歌余使君司馬大雅堂四劇詩以易之
清夜琵琶揚落梅
香山司馬玉山頽
若為長恨歌成誦
一曲千金意未迴

夜同汪六吳三過城西酒樓巨觥飛白墮
數十巡旋取余所攜
金華更酌小奚撥阮三
墜子歌弋陽深倒申
且遜別俳語一絕紀之

潦倒墟頭作酒狂
青衫重入少年場
那堪醉憶瑯琊語
滿酌金華聽六

其四
楊孝廉邀遊河西酒樓歌者持扇乞書
垂柳垂楊千萬條
春風留客董嬌嬌
他時怕唱清江曲
二十年前舊板橋
戲用唐人原句

即事
蕭蕭風雨坐莓苔
百罰深杯未擬回
莫怪桃花閉春澗
劉郎今度是重來

歌者屢召不至汪生狂發據高坐劇談水滸傳
奚童彈箏佐之
四席並傾余賦一絕賞之
琥珀蒲桃白玉缸
巫山紅袖隔紗窗
不知誰發汪倫興
象板牙籌說宋江

贈吳美成
崇蘭滿室坐飛香
十二樓頭白玉堂
自是宣和詞賦手
莫將年少詫周郎

睡起作

綉衾霞褥臥徘徊
啼盡天雞喚不迴
無限悲懽十年事
一宵齊向夢中來

巖鎮遇雨宿汪士能齋頭隱括唐人絕句作續惆悵詩十二章

止成二首而止

騎鶴吹簫空月明
亂山風雨閉荒城
那曾一覺揚州夢
贏得青樓薄倖名

其二

仙源何處覓瓊漿
萬朶飛紅亂夕陽
莫怪桃花貪結子
芳菲元不爲劉郎

答汪仲淹

寒雨巫山閉楚臺
七香俄載阿香來
不因宋玉能相接
日日行雲未肯迴

又分得花字代歌者答

少室山房卷七十五

七

胡麻何處問仙家
忽有明粧出亂霞
自是劉郎重到晚
莫將風雨怨桃花

司馬公既命片雲矣更謂余命一字憶公高唐記神女小字瑶

姬詩遂輟以字之公笑日可并爲賦一絕句

仙姬環珮下瑤臺
戲借用握手桃花萬樹開
日暮巫山行雨去
莫教人疑片雲來

翌日吳肇成招同司馬泊諸君浮筏遇雨泊梁下有擊歌姬趙某至左手三指爪皆長六寸餘司馬記中所謂邯鄲才人者也

方平遙駐五雲車
勾引麻姑出絳霞
莫向蔡郎矜指爪
夜深留取接琵琶

琵琶 席中演琵琶 伎適趙姓亦奇

其二

綠髮紅顏照舞衣
門前車馬未全稀
若爲湖上參禪去
長爪錚錚法雨飛

別汪士能二首

痛飲狂歌夜不休
華堂風雨促離愁
相思何處偏惆悵
三月桃花病倚樓

其一

籃筍扶攜出釣磯
河梁別淚亂吹衣
不堪重執汪倫手
潭水桃花撲面飛

別汪士能二首

野店相逢匹馬黃
畫樓紅燭照霓裳
虬髯自是前生貌
莫向扶餘作國王

其二

綠酒銀燈露未晞
紅粧深夜舞明妃
無論車笠他年事
已共成陽作布衣

邦相病卧金華寄訊二絕時余亦伏枕山莊

八咏樓空月色饒
青衫憔悴沈郎腰
西風露白金盤冷
咫尺恩波下絳霄

少室山房卷七十五

八

其二

挾策歸來似轉蓬
卧彈長鋏送飛鴻
金華舊是尋仙地
可道雙旌駐葛洪

同祝遜父葉叔明諸子登大雲山

萬井樓臺夕照閒
青烟明滅鎖林巒
憑誰寫寄中原客
一片關仝畫裏山

是夕趙汝元祝無殊同游市中觀燈

焚燈燈燭照山城
攜手春風入畫行
歌罷落梅清吹合
恍疑笙鶴在蓬瀛

祝太學昆季過雙樹園不值

三徑蓬蒿晝不開
落花長日鎖蒼苔
何因看竹西鄰去
忽報羊求二仲來

雪中二祝生攜酒過訪

四山晴雪照疎櫺片片蘭陰入座青試問成都攜酒客幾人能過太
玄亭

將遊新安葉明府傳送人舟卽席賦二絕

竹箭春江二月流桃花紅映木蘭舟聊因葉縣神明宰一借仙鳥漱
水頭

其二

寧國新都一水間朝遊白岳暮黃山乘風坐嘯天門上遙指雙鳧入

漢關

張元春爲余作書齋四圖各系以詩

金華三洞

萬仞朝真天際頭雙龍飛瀑望堪愁何如坐對王維畫四壁青山盡
意遊

少室三花

三花晴色際天開尙憶當年二李才李翀莫笑書生長寂寞碧油車

少室山房卷七十五

引上元來封陟事見廣記

二西山房

海外徒聞二西山崑崙玄圃隔人寰生綃拂拭高堂上彷彿曾驅八
駿還

蘭陰精舍

溪上秋蘭帶暮春萬峯晴色照嶙峋他年莫使閭侯見認作僧繇第
二身

春日送高生楚遊

雲漲平湖綠滿堤片帆朝掛武陵西春山盡日無人見萬壑飛花杜
宇啼

方山人章葉二太學過集

龍門何客曳長裾年少翩翩各起予不是元龍豪氣盡十年湖海斷
來書

同胡孟駿王永叔李季宣遊曲中戲爲二絕

十千沽酒共持螯淪落長安氣尙豪銀燭綉簾春似海夜深重奏
輪袍

其二

蒲萄新綠照人明急管繁絃四坐傾莫道春明能久住朝來仍別潤
娘行

同房仲過雲間舟中聽趙五叔遠夜歌作

樓船明月夜如霜一曲清歌趙五郎貪聽陽關第三疊不知行色在

吳閶

潘張兩生小飲舟中時童子阿四侍側畧以王四娘呼之余賦

一絕

騎曹公子各翩翩黃四娘嬌壓玳筵狂殺杜陵歌扇底爛燒銀燭坐
霜天

趙生以歌者范三至再乞余詩

淋漓尊酒醉還醒嘹唳歌聲出錦屏最愛趙郎情性好雙眸時爲萬
少室山房卷七十五

山青

再贈小范歌玉簪

欲解絳綯換綠衫梅花明月夜珍珍不因趙氏連城在那得尊前聽
玉簪

幼子所權王姬攜酒餞別戲酬以小詩

最愛風流王四娘偏能問字浣花堂他年細檢成都札猶恐才人是
洛陽

少室山房類葉卷七十五

少室山房類藁卷七十六

續金華叢書

澗水胡應麟明瑞著

七言絕句八十首

鄧遠遊馳書遠訊纒纒千言副以絕句十章如龍泉太阿不可
迫視間頗爲余致前薪之憤不知余比爲浮名所累無地自
滅知我者希我且貴矣四絕寥寥用謝良友

珍重雙魚到草堂暮雲春樹話偏長
仙山咫尺攜家近滿把青芻飯
石羊

其二

昌黎漫詫蚍蜉橫中散休噴嘒嘒豪
漢落乾坤元我輩紛紛月旦任
兒曹

其三

散髮垂竿大海東羊裘無計擲西風
雌黃政爾須賢輩一掃浮名萬
累空

少室山房卷七十六

其四

十斛明珠顆顆圓驪龍光射草堂前
論心不爲鍾期在廿載震旦抱
絕絃

金華山雜咏八首

朝真洞

徙倚明霞上百磐石門天際敞高寒
峯頭坐讀黃庭罷遍禮羣仙白
玉壇

水壺洞

一線懸崖鳥道通石床鍾乳關玲瓏
飛流萬尺無人到誰縮廬山此
洞中

雙龍洞

洞底雙龍挂碧流蜿蜒十里暮雲愁
朝來拂拭仙人躡攜爾同登十
二樓

二仙祠

臺殿崔嵬鎖玉京白雲遙按步虛聲
他時辟穀堪尋汝終節雙飛繞
太清

芙蓉峯

萬仞巖峩霧色重青天誰削紫芙蓉
扶筇恍憶西遊日玉女盆邊第
一峯

赤松澗

鹿田西下接魚磯千頃寒流照客衣
薄暮亂山風雨過不知潭底玉
龍飛

紫薇岩

文采會鶯六代豪紫薇深鎖白雲高
何人爲啟藏書穴搖落青山伴
彩毫

石羊峯

絕頂寒雲挂玉清三山何處有蓬瀛
乘風自叱羣羊起不向黃冠道
姓名

少室山房卷七十六

姓名

調安茂卿時安攜妓湖上
一舫朝攜入畫圖亭前蘇小鬪楊
蒲徘徊十里春湖色忘却吳松
舊釣鱸

寄祝鳴皇

落鳧長安舊酒徒五陵花色勸提壺
別來肝膽憑誰問一片霜華照
曉粧

湖上寓目

獵獵輕風試碧蹄羣兒相逐段橋西
不知何處雙鴛度十數金丸落
大堤

過吳門不及入訪喻那相寄懷四絕

錦纜牙檣出太湖樓船簫鼓入皇都
那堪此夜吳閩外斷雨淩風問
客途

其二

越國山川處處留吳門花月更何人不道神仙吏四百樓臺任意遊

其三

晏寢凝香畫戟開雲間太守舊襟才蕭然一榻黃堂畔飛騎時迎二陸來

其四

玉尺銀條照座明鱸魚乍夜到江城秋風斜日長亭畔更向何方作步兵

河渠歌十首為大司空潘公作并奉懷前大司空朱公

大海波濤靜不流長堤雲霧似龍游千秋玉帛朝仙苑萬國車書會帝州

其一

鼓吹連天發棹歌旌旗耀日午風和波搖柳色通淮甸水泛桃花入潞河

少室山房卷七十六

其二

寶應堤成不避風高郵湖遠若行空由來餉事今年蚤四月樓船盡過洪

其四

大聖曾開出泗州司空重起鎮淮流河開砥柱三千丈殿鎮瓊瑤億萬秋

其五

鐵騎雲屯漢武年翻愁孤子變桑田何如此日新梁就南控長淮北控燕

其六

六月邊頭未請糧河西已到萬餘皇權聲欲沸三關士滿載嘉禾出太倉

其七

錦纜牙檣照碧天黃旗十道晚風前山樓未入吳姬口乍日中宮已

進鮮

其八

朝行齊魯暮淮徐沐雨棲風志屹如業就恥方徐內翰功高不數宋尚書

其九

三十來年治水勞白頭猶自駕輕舸河邊莫復誇千騎海上曾聞釣六鰲

其十

隨山刊木兩司空萬古勤勞夏后同試聽河堤行客語朱公一去有潘公

抵淮上友人邀飲狹斜迫歸不能繫棹

新水黃河沒釣磯一帆高挂暮雲飛紅粧十萬無顏色笑殺當年杜紫薇

別蘇別駕南歸四首

少室山房卷七十六

邂逅相逢與獨豪平原十日醉荀荀風前忽奏陽關曲別泪千行墮寶刀

其二

紅粉清源十萬粧亭亭高髻綠羅裳那能不滯狂夫興滿目飛雲是太行

其三

桃花新水木蘭棹揮手離人出畫橋何處相思偏入夢蟾江飛雪越江湖

其四

才大君猶困執鞭書成余亦倦游年惟應匣底湛盧色夜夜雙飛北斗前

送黃季玉還楚四首

一棹依然入五湖數聲長笛楚山孤岳陽樓上高迴首何處長安舊酒徒

其二

神如秋水玉如顏贏得殷郎喚阿環若向黃陵祠畔過莫教風雨妬

其三

電影霜蹄入駿村鹽車猶自困蒿萊亦知龍種元西極不向黃金戀

其四

布帽墟頭撲舊塵貂裘愁殺薊門春洞庭湖上南歸雁莫忘芙蓉寄

遣人

憇白牛精舍夢遊湖上聽歌作并寄郭鴻臚
脩然丈室卧楞伽一枕江南興未涯三十六陂新水色畫船簫鼓載

吳娃

食河豚
鼠肝蟲臂任乾坤修短茫茫一氣論絕粒五旬身尚在何妨殘喘食

河豚

河豚味在諸魚之下僅腹中腴可賞昔人目以西施乳亦稍誇
矣余驟食此魚頗有聲過其實之嘆戲題一絕以俟定論物

固有遇不遇也

掩映銀盤白玉壺質如雞卵味如酥若將西子曾前較未必鴟夷泛

五湖

記十八九時章二宅中食江鱖狂飲劇醉豪興欲飛迄今二十
餘年再過瓜步食此此物風味不減嗜昔乃余髮則種種不

復能作少年態矣

回嘗

鱖魚水族中佳品也江淮惟二月有之故亦謂時魚昔人恨鱖
魚多骨此物鱗刺尤多余酷重其風味每食必盡數盤座中

戲題此絕

最愛鮮鱗出素波金盤玉筋薦銀梭人生事事元堪恨豈獨鱖魚骨
太多

渡江一絕

一片歸心付倦遊碧桃花盡大堤頭滄州不借凌風舸二月春江似

箭流

過晉陵欲訪朱在明安二茂卿云在明以先一日往京口矣十
載之期竟左成約殊悵悵也

魂來

再寄文仲一絕
千峯迴合碧雲遲想像吳閫日暮時何日雙柑尋舊約一尊湖上聽

黃鸝

夜過長安酒樓作
墟頭飛雪萬家寒琥珀香吹白玉盤歌罷落梅天漸曉不知門外是

長安

夜讀獻吉仲默廷實昌穀于鱗詩漫興五首
回首開元八百秋莫將蹊徑細追求巨靈自有移山力手學黃河萬

里流

其二
自得西方最上詮蓮花千仞撲青天由來鼻鬚鳴鑿足可作風螭步

驟傳

其三
北地申陽各僑流中原名譽本鴻溝當時誤作攀鱗客王後盧前特

地愁

其四
肝膽平生獻吉聞金丹煉就肯離羣時人浪自開門戶點染高流入

墓文

其五

七字高華一代知若為諸體遍稱奇猶龍莫訝宜尼贊自是難忘問
禮時

采菱曲十二章 有序

采菱者髻州事緯俱今長矣余迺遇于三衢屠謂余是子知
詩莫一言附集末追數其舊為采菱曲十二章

風情老去似徐娘猶逐王孫負錦囊莫駕輕車殘雪裏人間無處覓
蕭郎

其二

碧衣長袖伴瑤琴欲擬方回更自矜學得新詩明月底含羞不肯向
人吟

其三

十院名花院院開高懸明鏡在瑤臺碧空萬里天如洗飛挾娉婷夜
半來

其四

少室山房卷七十六

七

紅顏二八定誰如三十專房寵未除頭白楚宮看似舊登車何用泣
前魚

其五

風神秋水照華筵怪得王孫掌上憐惆悵後庭花底月凭闌迴憶破
瓜年

其六

綉帽羅衫恰稱身綠絲布襖最撩人愁中開府看如掃夢裏司空認
未真

其七

那會調笑酒家胡慣向書齋直唾壺幕地閒行尋不得畫廊東角闌
楞蒲

其八

焚香懶着鵝鵲冠長日東君帶笑看好是綠窗明月夜潛身行傍曲
闌干

其九

舊識花卿在錦城相逢高唱少年行那堪回首東風惡吹送青帆入
四明

其十

玉雪肌膚姑射仙天涯揮手劇堪憐明年定挂山陰雪人在陽明赤
水天

其十一

玉樹相輝照畫屏朱陳遺事最堪憑含啼却築文君拙不遣相如聘
茂陵是子姓陳又朱生年差少同事

其十二

十年聲動大長秋一笑如花越水頭為有薛家紅線在何須重上木
蘭舟

送董大之會稽

風雪離人下灞橋長歌不斷董嬌嬌梅花兩岸清溪色船到西興正
落潮

少室山房卷七十六

八

再別惟效觀察一絕

陽臺題罷復琴臺夙昔風流擅楚才君到川南相憶處海棠煩寄一
株來

寄觀察陳座師

千騎西南最上頭雪山晴色照吳鉤高牙大纛行春暇滿酌郵筒醉
武侯

入晉陵復不及訪朱在明悵然復寄此詩

廿載飛書醉白沙亂山寒色限孤楂南園一夜西風惡無數江籬盡
落花

楓橋夜泊夢與房仲諸君懽飲達旦覺而悵然寄此

玉立紅粧照畫船終朝寒夢不成眠風流何處王公子落盡蓮花玳
瑁筵

湖上酒樓聽歌王檢討敬夫汪司馬伯玉二樂府及張伯起傳

奇戲作

光陰百歲迅流霞一曲東籬擅馬家何似翰林新水令秋風遷客走天涯

其二

水雲深處木蘭航白雪紛飛大雅堂莫向五湖尋舊迹于今司馬在鄖陽

其三

掩逕頻年侶博徒陽春堂上白雲孤才聞北里歌紅拂又見東園演竊符

贈黎園邵生

艷舞嬌歌向月明金釵羅襪關輕盈何緣飽聽花卿曲今日錢塘是錦城

幼識歌者何生一別廿載相對惘然為題一絕

回首高陽二十年何載重對各潸然渭城是處殷勤唱遮莫明朝送

少室山房卷七十六

九夢 遷 虞

畫船俗傳有渭河邊

憶以修學舟筏別至魏灣執手戀戀聞某直指垂至乃發迄今

令人悵然偶值清源鴻便輒題一絕寄蘇并訊易惟效茶景

明

脈脈盈盈一水頭何須七夕笑牽牛秋來兩地如相望夜色天街萬里愁

其二

四倍平原飲酒期牽衣猶自恨臨歧遙知送客河梁後不向襄陽倒

接離余曩在清源三君且夕談燕今易權關而秦歸關中矣寄亭四絕為邑文學祝宗且題從其子樹勸請也

縹緲千峯列翠屏入窗雲氣透疎橋遽然一枕南華夢別有乾坤在草亭

其二

科頭箕坐一亭空白眼青天送斷鴻幾許豪華駒隙內何人先覺大

槐宮

其三

高峯攢翠落精廬五斗頽然不願餘舉白持螯應自快着朱騎馬定何如

其四

風潭百頃和滄浪坦腹蘆花萬事忘睡起秋山捫虱坐不知斜照墮胡床

少室山房卷七十六

十夢 遷 虞

少室山房類集卷七十六

少室山房類藁卷七十七

續金華叢書

漱水胡應麟明瑞著

七言絕句八十首

武林送吳山人北遊

雪裏錢塘一棹孤送君寒色滿長途黃金臺館三千尺曾伴荆高作酒徒

哭李惟寅太保十二首

大將星沉易水頭五陵城闕暮生愁那堪落日臨淮第珠履三千覓故侯

其二

笙鶴遙天擁上才何年華表一歸來黃金慘淡名流絕落日陰風滿壞臺

其三

秋色驀門照大旗塞垣金柝夜遲遲危樓十丈中天月尙憶司空坐

嘯時

其四

細柳營中柝夜停衣冠朝坐惜精靈無煩更樹中郎碣潮海千山盡勒銘

其五

露洗長空散鬱藍無窮秋色庾樓南胡床寂寞珠簾閉不見征西月下談

其六

羽扇綸巾白苧袍聲名華猶美人豪不知累代凌煙上若箇如椽擅彩毫

其七

梵宇金銀簇畫梁湖山晴色遍奚囊魚龍寂寞仙槎去四百樓臺挂夕陽

其八

十萬貔貅靜不譁青門歸熟故侯瓜城頭一夜飛霜惡落盡桓伊笛裏花

其九

百尺層臺近潞河瑯琊一美敷經過華陽座上談天客強半追隨入大羅

其十

燕子磯頭落葉黃秦淮南去是金閨分襟最憶河橋畔明月千山墮屋梁

其十一

憶共春宵禁籟東玉鞭馳驟兩花驄六街明月天如水誰喚詞人碣石宮

其十二

國士提攜最少年青衫聯袂洛城前重來囑哭西州路萬樹棠梨咽暮煙

少室山房卷七十七

哭曹子念六首

歷落欽寄赴九泉伯通塚下最堪憐扶風何處歸妻子慟哭梁鴻廢冢前

其二

乘風先到鳳麟洲二舅星冠話昔遊樹樹棠梨葉水上殯宮何處問曹丘

其三

一病相如困茂陵玉樓魂夢夜飛騰亦知鶴背難勝汝應逐齊諧跨大鵬

其四

三尺鬚髯十尺軀便便大腹定誰如莫言飽食曹交粟七步才華四部書

其五

縹緲寧當罪治長當年書記美鄒陽只今何處尋遺草無限春風屬

野棠

其六

遊地金閨歲不遙
華門羅逕晚蕭條
鐘聲送客寒山寺
恨泊吳楓第

其二

送謝文度還武夷二首
長江天際一帆開
拂袖離歌下越臺
君去幔亭回首望
霞光猶似赤

其二

城來
淒風殘月大江濱
送爾津亭見白雲
搖落萬山秋色裏
何人同謁武

夷君

過齊東不及持斗酒
酌鳴皇墓二律寄懷
滿眼寒山卧北邙
脩文人去尙爲郎
無勞更下楊朱泣
曾共齋頭種

白楊

其二

少室山房卷七十七
殞宮遙鎖石門寒
淺土齊東寄伯鸞
惆悵棠梨飛欲盡
亂山無語夕

陽殘

天香館
縹緲孤根立翠巒
扶疎晴影拂仙壇
瑤臺十二金風起
吹送天香出

廣寒

空翠亭
翠葆林林夾畫牆
萬株寒玉鎖烟霜
閒來此地堪消暑
滿榻清風伴

上皇

紅葉沼
徙倚清香動曲池
赤欄亭榭午風遲
紅粧半掩青鸞扇
敢是溫泉罷

浴時

來鳳岡
百尺亭亭翳紫苔
清陰長夏滿樓臺
風前漫作琴聲聽
白晝天池鳳

鳥來

斷橋斜照

夾岸輕風上柳條
桃花晴逐杏花飄
遊人不道春光晚
簫鼓樓船入

漳塘鬻月

明月娟娟漾碧沙
銀塘秋水浴蒹葭
涼風忽逐雙鳧起
零亂中流白

天井平原

古木寒林四望幽
經過康鹿共淹留
俯然不起紅塵念
坐占平原十

畝秋

鶴阜清風
何年孤鶴此徘徊
引步僊風拂島來
永夜月明秋萬里
滿空零露濕

瑤臺

靈鷲峯懷童子鳴二首
行盡天台三十峯
春煙重疊鎖芙蓉
孤雲不作還家夢
卧聽僧堂雨

後鐘

其二
翠擁千林路不分
夕陽回首一鐘聞
天南詞客留題處
惆悵西岩滿

寺雲

憶同俞美長張元春何主臣吳德符遊宿湖上彈指隔歲孤坐
小園橫塘烟雨甚
思四君拳木闌飛白墮
共之輒題一絕便

面寄吳生傳致三子

好風涼月大堤傍
何限秋光撲畫橋
迴首亂山飛鳥隔
一林烟雨滿

橫塘

王山人希曾記室戎行廿載矣歸武林寄止窮巷門庭蕭然余
偶過暇若其中爲題此絕

荳花

老傍東林學種瓜
當年投管事龍沙
胡床獨坐秋風裏
門巷無聲落
憶與王生酣眠小玉館
中迄今垂三十載
武林邂逅縱談晴昔

則同事酒壚者什九岱宗矣把臂潛然輒復賦此

三十年前宋子侯名花傾國爛溪頭簫聲斷絕秦樓閉何處重搗弄

玉遊

送徐茂才

竹窗螢火記當年心折蘭陵繫酒船縱是相逢猶有恨西風憔悴菊

花前

送王生之白狼幕中二首

不逐游閒抱隱囊翩翩結束事戎行閨中秋夜長如許莫遣音書斷

白狼

其二

廿載封狼憶舊籌懸腰霜色粲吳鉤殷勤脫贈秋風裏五夜飛餐日

逐頭時方有事日本

病卧旬日焚香小齋偶扶杖過牆東則池上芙蓉盡放矣秋色

三分修忽強半捉筆聊賦短章

少室山房卷七十七

肺病寒窗臥綠紗竹床支枕誦南華不知湖上秋多少簾外芙蓉盡

落花

王生希曾以文犀琥珀贖余序其滇遊諸稿余謂之未暇也會

生有事白狼戲成二絕句東之

燦爛文犀粵嶺來竹皮冠小正堪裁異時牛渚休然却留伴溫郎玉

鏡臺右犀導

其二

一寸寒光萬里心懷中明月夢中尋莫將玉盃移相傍看伴蘭陵舊

鬱金右琥珀盃

少與徐文學同館萬松別去二十四載一時諸子邈如晨星今

秋邂逅武林因各舉大白為壽題小絕以紀之

一瓊猶記共錢塘舉白持螯思未忘二十四年彈指過其教容易賦

河梁

祝生如華舊從余學詩溪上一別三載餘是秋余歸寓武林忽

棹扁舟來謁投我七言律四章風骨峻峭殊可喜愕于其行

也走筆五絕勉之

一枕梧堂亂葉飄新詩何處擲瓊瑤數篇風骨峻峭甚可道青衫業

未消

其二

寸管縱橫白雪飛夜光前乘簇珠璣從他赤幘收全趙斟酌登壇在

布衣

其三

盡道寥天跨赤虬那知深獄閉吳鉤自知匣底千秋在無奈寒光逼

斗牛

其四

驟駟飛黃並絕塵太行高坂骨嶙峋君看異日登臺客可笑于今伏

櫪人

其五

少室山房卷七十七

一棹河梁繫白沙芙蓉江上未開花十年句踐羅傾國投老西施學

浣紗

再送汪山人兼寄余督學君房六絕句

玉鳥雙飛大海晴河梁斜日斷雲平涼秋試躡青蓮躡一問黃冠到

四明

其二

一曲君王賜鑑湖蒼生能起謝公無雲門寺口青山色憶對金陵舊

酒徒

其三

縣圖層城碧海頭何煩徐市說瀛洲月明天姥三千仞對挾飛鯨夢

裏遊

其四

廻首南皮舊蹟存當時詞客半銷魂由來筆札君房妙一柱靈光鎮

海門

其五

洞壑潮音阿耨前金銀樓閣太空懸三生大士容聽法淨洗軍持供
白蓮

其六

望氣頻過大禹陵甬東城郭近西興天風萬斛潮聲起人倚浮圖第
一層

看花湖上人家觀閨中四時障子為題樂府四章

綉戶重重閉綠苔桃花一樹曉風來羅衫乍試嬌無力淡掃春山上

玉臺

其二

一枕相思夢未成銀屏珠箔畫樓明石欄干畔榴花發相對麴奴坐
晚晴

其三

萬戶寒砧接暮笳征夫何處未還家相攜女伴瑤臺上五色金盤弄
少室山房卷七十七

月華

其四

窗外寒風正襲衣流黃那復理殘機鳴筆熾炭圍爐畔高捲珠簾看
雪飛

柳枝詞一首 湖上作

湖上春風萬萬條纖枝長學漢宮腰憑君莫奏清江曲無限情人憶
板橋

其二

嫋娜輕盈拂畫樓佳人金絡控驂騮同心何處真堪結樹樹青絲淡
水頭

衢陸君七旬矣而嗜奕靡倦過余茹臺竟日索詩為別一絕

峯巖巴邛遇橘仙枯棋三百思通玄何當戲叱羣羊去獨占青霞洞

裏天

楚余生千里過訪乞詩四絕以贈其行

握手新知話未央狂歌深夜舞魚腸蘭陵百斛猶堪醉莫指宜城憶
故鄉

其二

車騎翩翩激水頭朱絃彩筆羨風流元龍豪氣今餘幾為汝重登百
尺樓

其三

零雨蕭蕭滴夜眠送君愁上木蘭船征途不為南風惡何限黃鸝碧
樹前

其四

皓齒明眸照玉臺青帆瀟發更徘徊憑君小適山陰興明日溪頭挂
雪迴

題扇

滿空飛雪墮關干長信宮中夜不寒自是壽陽粧額蚤錯教人擬落
梅看

少室山房卷七十七

中秋夜小亭對月獨酌四首末首懷那相明府

危闌十二倚長空寂寂樓臺露氣中吹斷碧簫天似水玉盤初上海
門東

其二

玉露無聲桂宇高小亭孤坐一揮毫百篇斗酒聊今夜斟酌騎鯨火
錦袍

其三

萬家秋色武昌樓樓上霜華靜不流好踞胡床成獨坐幾人年少解
悲秋

其四

樓閣巉巖影開遙知仙令亦含杯不因桂樹飛香滿真作山陰夜
雪來

戲贈相者吳生

痴絕平生顧虎頭祇從丘壑擅風流由來寸管于秋在莫詫當年萬

里侯

題葉太學會心處

四面青山護草堂芙蓉萬朵浴銀塘黃庭一卷焚香罷散髮胡床坐
晚涼

送趙明府之同安

新捧銅章下激川同安百里侯朱絃飛鳥慢憶雙龍關少駐仙家十
六天

送郭生遊金陵二首

激水蘭陰不耐遊飛帆遙入帝王州石頭城上花如綺為覓長庚舊
酒樓

滿載金華百斛春青袍綠髻紫綸巾珠簾半捲長干道爭喚投壺郭
舍人

贈章生從龍

綠鬢紅顏學楚狂看花攜酒過溪堂生涯莫笑楊雄拙老挾玄經不
少室山房卷七十七

下林

小憩長春園作

谷口雲深護翠巒科頭長日對盤桓一聲山鳥夕陽墮滿榻長松生
夏寒

送陸孝廉

玉匣豐城劍氣重暮山重疊照芙蓉應知洛下諸詞客彩筆分行待
士龍

吳之衛過訪迫行不及往報率爾寄懷

邂逅吳郎曲水頭吳天霞色照吳鉤孤航不奈明朝別干樹寒楓盡
作愁

安二席上重聽紅歌作

深夜西林棹雪過一尊其奈故人何寧辭太白千鍾醉飽聽輕紅百
遍歌

少室山房類集卷七十七

少室山房類稿卷七十八

積金華叢書
漱水胡應麟明瑞著

七言絕句八十五首

夜飲郭金吾齋頭同韓劉兩生交達旦歸寓則晨食久熟矣戲

走一絕東郭君并韓劉二文學

談棋說劍更呼盧絳蠟燒殘白玉壺痛飲不須愁禁夜主人曾是舊

金吾

病目初起汪象先太學以玉簪十二篋我即取小單持承露分

貯几上覺茅蕭秋色種種撩人報以口號二

雙眼婆娑病色含不禁秋夢繞江南風流最是汪公子滿把霜林贈

玉簪

其二

荏苒秋光逼六街玉妃聯袂到空齋軍持滿揮文園露何似華堂十

二飲

少室山房卷七十八

夜飲仁夫館大醉吐頰因借所服綠衣歸詩謝之

五斗醒來恣所如暮天席地坐還廬酒闌人靜披衣出滿路晨鐘下

玉除

馬上望天寧寺浮屠作

十層珠瓦亂雲齊百丈金身落日低幾許慈恩高刹上千秋惟覩少

陵題

登玉華峰寺西山絕頂處余夜宿其中題此絕於岩石

絕頂秋光萬壑懸青萍搖曳亂雲前峰頭五夜聊伸足莫訝孤星帝

座眠

湖上

風起平林月色低飛香十里禁城西不知人在清涼國萬朵芙蓉夾

大堤

題董體仁壁間

二十年前瀟水傍墟頭晨夕縱清江天南海北凋零盡贏得君家玉

樹長

東蘇叔大乞黃花魚

徙倚東籬日漸春南山何處見秋容憑君乞取羅浮膽吟望飛雲四

百峯

無題五首戲贈李王元三子

珠箔銀屏玳瑁梁何人低語合歡牀金籠鸚鵡深多事窓外頻呼李

十郎霍小玉事

其二

金水橋邊白玉堂人人爭問薛家娘青衣屏後褰簾看不是王郎是

李郎

其三

文君顏色翻誰強十樣鸞箋總在唐一片蒹葭秋似水月明何處問

元郎相國植最屬意薛濤

其四

少室山房卷七十八

紅牙敲徹總尋常指點傾城在末行歌到玉門楊柳句諸君端合拜

胡郎見集異記

其五

風流千古擅詞場濯錦江頭正夕陽花發小桃寒食夜莫將魂夢儻

元郎戲用李昌祺餘話用洙事

射所牆東書事

門掩湘筠翠色虛將雜語燕入庭除不知金犢何時返閒坐櫻桃第

四株

歌者陳邵兩生別余二十餘載忽與遇長安邸中一曲辭去

廿載桃花澱水頭腰肢垂老向風流相逢一笑番成別月落參橫下

酒樓

偶題

獨掩窻紗畫漏遲春風含笑畫娥眉東鄰預訂黃昏約夜合花香月

上時

春閨曲

春衫斜捲越羅輕
女伴西園作隊行
蕩子不歸三月暮
百花深處亂啼鶯

秋閨曲

沈水香銷白玉壺
薰籠斜倚月明孤
狂夫尚作瀟湘客
夜夜金風落井梧

井梧

題畢餘興未盡
戲用唐人元句綴七言二絕末行
此是薛生絕后者薛嘗以素巾繪雜卉五種為一圖余系以五絕句

孕雲

用宋韓維句五韻共繪一
中儼若解公五雲畫云

獨步江東杜紫薇
橫行塞上薛明妃
君看彩筆雙超後
萬古長如白練飛
用唐徐凝題瀑布詩以
練飛入羊放事差不惡也

少室山房卷七十八

為象先題畫後薛生偶見特以精綉繪五卉見節而易山茶松

石豈其以歲寒盟
余耶漫賦一絕

浣却紅綃著翠盤
亭亭雲色墮瑠欄
分明蜀國魚笺樣
莫道青樓不奈寒

潞河留別王行父袁徵之李本建徐象先四絕句

瀟湘才子王行父
燕趙佳人薛素卿
千秋一字神偏王
一笑千金目未成

其二

懸弧正值中秋夕
設斝仍當乞巧筵
天孫雲錦千機細
月姊霓裳一代傳

其三

當年畫識真真面
此日綃看素素題
南岳地仙寧再下
上元天女會重攜

其四

袁宏徐幹各風流
李益王維興未酬
迴首素娥天咫尺
片帆無賴出并州

潞河南發

永黃門舟中話舊因讀余少作絕句石梁橫截海天
流明滅飛霞掛嶺頭及蒲萄新綠照人明三語則余皆忘之
并失其稿矣戲為足成二章

石梁橫截海天流
明滅飛霞掛嶺頭
好去大羅仙子宅
碧桃千樹倚蒼虬

其二

鬱金沈水未稱豪
噴玉飛泉助彩毫
北塞邇來饒蕙苒
西涼何處問蒲萄
永叔出都舟空亡一物
第載蕙苒酒十數瓶

黃生石父甚於吾
越為第一手而詩思亦翩翩
是夕賦一律送余南還酬此

一吐瑤華字字奇

瑤華字字奇
星芒寒逼丈人詩
青萍慙隱吳閨博
可道長安似奕碁

奕碁

少室山房卷七十八

卧病舟中旬日永叔命耶君過訊走筆賦贈二章

半腮迎日鬪鮮紅
累業眉山賦颺風
屈指烏衣三世後
新詩重觀薛奇童

蘇長公幼子過賦石相詩半腮迎日鬪鮮紅又風颺亦附見坡集

其二

霜寒秋色淨
枝頭又見王
郎白石榴
笑殺子安才
欲盡風帆猶趁大江流

仲君年僅十四王子安序除王關正茲歲云

憶與永叔丙戌上春官
永叔至安平鎮登陸今屈指十載乃余
附永叔舟再過茲地
追憶曩時王生據鞍上馬狀恍惚在目
相與拊掌大笑即席漫成

對倚青萍夜不眠
雄飛雌伏漫誰憐
衰楊古驛安平道
迴首西風已十年

十年

稚升席上再與永叔言別

九驛洪濤晝拍天城陰聊繫孝廉船殷勤淮水東頭月重向何邊照別筵

狄明叔新居何上所幸美人十數輩築臺榭以館之余過戲贈此絕

秦臺雙鳳太寥寥銅雀徒聞大小喬何似覽箋三十二月中樓殿關妖嬈

次孟城稚升使者以酒貨追至再賦二絕寄之

雙鯉迢迢尺素傳飛騎遙問孝廉船江風不為離人住恨殺孟城片月圓

其二

欵枕蓬窓月色澄屋梁猶記共青燈多情似逐長淮水一夜隨人到廣陵

永叔別余入天台四絕送之江上

天末飛檣挂海濤江頭晨送木蘭橋當筵忍登陽關唱斷雨凌風逼

客袍

其二

玉洞明霞樹樹催青鸞先傍大羅迴春花清酌高堂上拚取胡麻作壽杯

其三

洞天會宿上清扉雙送劉郎出翠微斜日亂山歸路遠桃花千樹赤城飛

余嘗夢遊天台二仙子洞中
佩如畫圖所遺故屢及之

其四

萬里長淮挂北風大江東下雪連空虛疑瓢笠王郎去翹首鳴珂謁石宮

出塞曲十六首為周元父題

周嘗為大將軍李幕容精騎射兼習琴奕丹青
會隨飛將奪天山橫槊詩成願盼問萬里王門沙似雪生還曾未費

毛班

其二

書生骨相未封侯暫逐荆卿卧酒樓屢下魚腸公莫舞大荒曾挈那支頭

其三

年少江東智略饒長驅日本破天驕不緣羽扇能麾敵銅雀春深閉小喬

其四

高宴從軍樂事多白登城上夜如何數聲清嘯迎風發十萬胡雛盡倒戈

其五

受降城下戰初迴無定河邊畫角哀落日沙場秋色滿題詩人在赫連臺

其六

磨滅雄心仗翠鈿蘭一曲暮雲前從知願盼仙郎熟不向人前誤拂絃

周生多狹斜遊

其七

暮擁清油夜漏邊從軍爾亦解觀基不知泥水風行日可以張玄投策時

其八

駿馬雕弧鐵補稍何人不羨獨孤郎橫戈夜度燉煌戍直取涼州獻未央

其九

躍馬陰山白日低拂雲堆上醉如泥彎弓錯擬旄頭落並墜雙雕大磧西

其十

八法縱橫擅彩毫何煩拋擲事龍韜飛尺檄蕭關外已報單于雪夜逃

其十一
一笑能空塞北亭樓蘭腥血射青萍歌殘杖杜長城下萬仞燕然自勒銘

其十二
嶺陽東望海雲平橫笛偏吹驃騎營繞夜落梅春不斷千山明月滿龍城

其十三
青海城頭月照沙黑山何處問琵琶長纓盡縛呼韓將重取明妃入漢家

其十四
短小周郎五尺軀侯門花色照長裾莫言談笑無奇策百雉聊城祇片書

其十五
君卿唇舌詭紛紛筆札兼傳谷子雲怪得五侯滿座鐵椎曾奪信
少華山房卷七十八

其十六
拂袖行歌入帝都灞陵亭畔醉相呼過從頗有任安在使酒何勞挈灌夫

渡黃河抵呂梁再寄徐參知即景舒懷共十絕句
千頃清淮匹練長使君高館重餘皇布帆無恙南風正日暮行人到呂梁

其二
漫說陳登百尺樓十年湖海浪成游多情好是徐元直一借仙槎問斗牛

其三
星宿黃河濁浪澄長淮飛雪罷奔騰金堤萬國輸王會玉盃千秋鎮茂陵

其四

檐雨梳風事若何古來師克在人和飛鳥直接桑乾塞轉果新成孤子河

其五
花照桃源百里紅班荆會此聚羣雄虛疑仙子裁靈藥莫認漁郎紫短蓬
桃源縣俗傳先主聚羣處在彭城下

其六
龍起會驚大陸前書生今握萬夫權輕裘沛上分曹處鼓吹牙門白日懸

其七
千仞雲龍列翠屏亂山環匝楚天青千旄絕頂行人過遙指元戎放鶴亭

其八
芒碭龍飛大澤雲高臺戲馬送斜曛胡牀何處邀詞客清夜黃樓萬栢聞
少華山房卷七十八

其九
豹略熊羆冠世姿雙龍腹下劍雄雌封侯莫訝儒生薄談笑會紆十萬師
廉訪嘗定淮南變為天下第一

其十
進履橋頭國士踪數城山下記相從功成屈指封留日重向金華問赤松

君嘗從家大人游在籍
非昔已辨鋒掃露奇類
激元亭上聽歌作

花竹周遭十二欄萬家明月滿長安夜深庭院天風起隊隊霓裳出廣寒
秋日卧病激元顯卿厚之囑民過訪

老病秋來話息機滿階梧葉夢魂飛亦知極樂華胥界無奈西風撼竹扉
其十一

十年消渴夢魂搖
驢背風烟又滿橋
玉露金莖何處問
漢宮秋色正岩燒

再別惟寅十絕句

三十年來擊筑場
白頭相對又河梁
雙龍莫訝經離合
滿目飛雲是太行

其二

亂雲殘葉晚淒淒
揮手長安日漸低
眼底只今饒醉尉
不煩追送灞橋西

其三

君向青門話種瓜
余歸亦卧武陵花
扁舟後夜堪乘興
雪滿山陰十萬家

其四

千里行歌出薊門
何年同住杏花村
衰楊古驛蘆溝道
歌到驪駒各斷魂

少室山房卷七十八

九夢 選 虞

其五

十載青萍賦浪遊
蕭蕭羸馬塞門秋
那堪茅店雞聲夜
落月梁間夢李侯

其六

日夜西風起潞津
余歸君住總傷神
相看脉脉燕臺上
地北天南兩病身

其七

易水燕山半草萊
蕭蕭風色暮偏哀
悲歌屠狗凋零盡
無賴黃金百尺臺

其八

玉河流水暮滄滄
行李西風出亂山
一路相思秋色裏
孤雲何處秣陵關

其九

極目天南雁鶩羣
荷衣深入五湖雲
華陽碣石當年事
憔悴西風不

可聞

其十

十萬貔貅罷枕戈
中山無奈謗書多
祇今銅柱留遺迹
誰見當時馬伏波

東李汝藩四首

萬斛鯨波大海頭
扶桑東指亂雲愁
玉門生入殊堪樂
莫羨當年定遠侯

其二

憔悴東還泣數奇
親聞南國倚閭時
誰言敬仲操戈怯
剩有交游鮑叔知

其三

歸來無恙舊樓船
贏得雞林字字傳
不是王陽難九折
千山雲色太行前

其四

少室山房卷七十八

十夢 選 虞

不解征衫客異邦
興關初返木蘭艤
東游可道風波惡
題遍新詩鴨綠江

巧巧素素皆薛生
名也而字特未稱
余與行父定議日
瑤英庶于二名不偏亦以古有茲字也

翩翩長袖越羅輕
玉骨水肌照眼明
莫道元家人已去
千秋重覩薛瑤英

瑤英

滕觀察先生招遊湖上藩臬諸公咸集命余賦詩

弱水盈盈一望中
羣仙環珮起天風
青霄盡欲浮雲色
紫氣遙臨大海東

少室山房類集卷七十八

少室山房類集卷七十九

續金叢叢書

澗水胡應麟明瑞著

七言絕句八十首

再題大雅堂七首 為東陽盧生

十尺荆榛峽口濤千年遺構蜀雲高堂成莫話幽憂事列座王楊盡彩毫

其二

半壁天南八詠樓陽春今在澗溪頭華堂肯借抽毫客五夜如椽拂斗牛

其三

千樹桃花送夕陽莫愁家住石城傍從今再視清商調絕勝當年白玉堂 李義山詩又入盧家如玉堂

其四

靈隱高僧卧佛廬參軍亦傍紫薇居丹梯莫話盧敖杖三百篇成奏 少室山房卷七十九

王除

其五

清川如玉抱前村處士當年舊華門破屋數間君莫笑千秋大厦有雲孫 韓贈盧全詩破屋數間而已矣

其六

珠箔銀屏賦浪裁美人何處問瑤臺鬱金堂上雙棲燕妬殺君家少婦才 沈盧家少婦鬱金堂又玉川有當時我醉美人家詩

其七

屈指河山罷酒徒華楊重見李生無知交尚有盧鴻在如意狂敲碎玉壺 盧普及李能茂游蓋其同邑人

汪明府以校文來武林旬日別去追送四章

乍擁軒車到六橋不堪江浦繫蘭橈飛檣百尺西風裏萬壑千岩送暮潮

其一

堤上明霞躍紫駟接天絃管帶瓊樓漫將桃李誇梁園采盡芳蘭澗水頭

其二

迢遞朱絃百里鳴朱衣仍傍棘闈行新裁何限淮南桂滿路飄香入帝城

其三

星斗崑崙一柱懸文光千丈燭龍泉渾忘鹵簿江州貴寂寂衡廬問太玄

其四

同黃生過方生仲閣適沙棠入湖曲因寄聲留棹子夜同醉狹天際樓臺掛碧空芙蓉十里礎殘紅岳王祠畔狂歌發何限湖山夕照中

其二

縹緲寒花石磴幽佳人無賴木蘭舟青帆莫便乘風去子夜錢塘載莫愁 少室山房卷七十九

其五

祝遜之訂約新秋過湖上不至 湖畔秋風日夜過東來舴舺定如何蒹葭滿目澄江上不分蘭陰墜露多

其六

秋晚再寄祝遜之 老去馮唐不解愁南山秋色暮悠悠歌殘白石無人和荒草斜陽獨飯牛

其七

聞弁州續葉殺青寄懷王問伯昆季四首 四部重開詫汗牛千金懸市定誰警風霜字字遙天外悵望如椽白玉樓

其一

副在名山更殺青茫茫元氣走羣靈從知百氏毫端廢可道傳家但一經

其三

百尺危欄跨紫虛
青藜遙夜燭前除
莫言中壘慵疎甚
閣上曾嘗太乙書

其四

萬顆驪龍抱月圓
江河不廢異時傳
琳琅何限階庭下
次第三株拂斗躔

新秋再寄同伯

柳色金閨半夕陽
鱸魚雖好未堪嘗
莫言方外狂司馬
多少樓船鴨綠傍

夢舟園懷逸季茂才

極目婁江大海濤
舟園秋色夢中尋
興懷莫話蘭亭序
玉樹瑯琊正滿林

黃生九斗搗所業
千里過訪于其別也
贈以絕句六章

萬仞潮頭濺客衣
布帆無恙雪中飛
推蓬面面青山色
已到嚴陵白石磯

少室山房卷七十九

三

石磯

其一

千里遙遙問字船
海天長嘯白虹懸
還家莫話相如壁
搗得成都舊太玄

其二

袞袞青雲結駟游
沾沾白雪斷鴻愁
何來意氣縱橫甚
昨日龍門御李侯

其四

縹緲仙都挂碧空
石門飛瀑亂雲中
他時倘為名山出
雙屐岩前候謝公

其五

秋風秋葉亂山蒼
踏盡秋山到遂昌
問訊故園樵牧侶
只今誰住郭公鄉

其六

掃石題詩坐綠苔
黃家羣從最多才
無雙漫白誇江夏
次第二珠照玉臺

題冊贈凌別駕二首

絃歌百里畫簾深
桃李千家接上林
試問珮刀臨激水
何如飛鳥向蘭陰

其二

仙吏仍浮剡水槎
天都縹緲接金華
官衙盡說囊如水
搗得芙蓉幾片霞

題林孝廉園池四絕

百頃風潭照玉壺
清磷白石擁菰蒲
沙棠獨抱夷光卧
何事風濤汎五湖

右浣花池

八面疎檣挂夕陽
樓頭雲色尚飛揚
屋梁咫尺親顏在
不用羨惟皇太行

少室山房卷七十九

四

右飛雲榭

古檜峻峻映夾池
虛亭十尺鎖鏈漪
朝來載酒誰相過
正值楊雲賦就時

右清澗館

縹緲精廬入望遐
芙蓉秋水舊生涯
如椽莫笑書生筆
十丈亭亭照暮霞

右振秀軒

題祝山人樹勳樓雲軒四首
掩徑蕭蕭木葉開
干將明滅動星文
青山獨據胡牀坐
閑看中條石上雲

其二

木末飛軒面水流
終南遙挂萬峰秋
玄關白日重重閉
不放飛雲去嶺頭

其三

一選莠苦盡日封匡牀雲色卧雙龍羅浮四百青天外不認飛來第
幾峰

其四

十一巫峰挂楚臺高唐新賦定誰裁莫言神女朝行倦夜夜閉雲臥
榻來

送祝如華二首

抗手玄亭話別離青衫憔悴越江湄那堪獨宿孤舟上潮落錢塘夜
雨時

其二

十載高山託素琴朱絃無處覓知音飛霜落月何橋畔惆悵行人發
武陵

履素使君邀集衙齋中嗣君出迓僅五齡風儀韶潤而衣冠楚

楚如老成人賦贈二絕

三尺龍淵掌上持亭亭寒玉照風儀機雲漫自誇年少又觀雲間小
少室山房卷七十九

陸奇

其二

徑寸驪珠夜色懸衣裳楚畫堂前抽毫異日蘭臺坐會學盈川賦
渾天

吳德符損餉宣德茶孟二枚因淪天池新焙賦二絕以賞之

柴汝官哥各浪傳摩娑秋色到龍泉筵中宣德新磁在笑殺何郎食
萬錢

其一

把贈雙珍破寂寥龍團翻雪亂雲飄瑯琊舊著煎茶賦已說宣岳勝
定窠

卧病經旬吳生持所業新詩來謁訝其精進賦贈一章

支枕河山望汶嶽夜光庭下擲瓊瑤新編莫怪淋漓甚飽看錢塘八
月潮

其二

隱凡焚香白日中冷然新檄愈頭風漫誇百尺金盤露誰奏凌雲入
漢宮

秋夜同友人攜尊浮梁之上藉草中洲月色橫空萬頃一碧吳

姬越榜歌退雲際恍然游廣寒玉虛舉白盡懽達曙迺罷歸

寫景物寄懷趙相公五首

縹緲長虹百丈懸蒼茫明月萬家前紅妝隊隊沙裝過十六吳姬和
采蓮

其二

洲上銀蟾白練鋪四山樓殿浴水壺當年一水天南北多少行人隔
岸呼

其三

溪頭寒月照蘭橈海上顛風落暮潮爲有君談神力在抽毫重記萬
安橋

其四

何人不羨濟川功策石虛傳大海東莫笑老爲題柱客當年曾住玉
華宮

其五

獨宿金繩繫法輪重施寶筏架迷津亦知黃蘗前身是肯作恒河自
渡人

蘭江竹枝詞十二首

夜飲浮梁樓大學士趙公

兩岬清溪中有洲山花紅白遍溪頭聞說西門好風景大家同上木
蘭舟

其二

蘭陰蒼蒼北固遙中洲水面似金焦欲把湖頭比溪上若箇三山在
六橋

其三

飲水白虹千丈強來來去去罷裝裝中流不碍登行客隔水休呼夜
渡娘

其四

渡口狂風掀白蘋驚波猛浪不愁人
昨宵西崦踏青罷明到蘭陰賽
水神

其五

苧蘿村中花滿蹊
江亦有仲卿妻銀釵照溪水
往往來來唱
大堤

其六

嚴陵東頭七里灘
家家門戶釣魚竿
良人昨夜趁潮去
將船賣酒入
臨安

其七

四柱凌雲排六檠
鐵柱高繫最堅牢
水母難興泗州浪
蛟精不作九
江濤

其八

溪上浮梁春漲平
濛濛烟霧懶回程
風秋潭上踏歌去
水遠山高無
少室山房卷七十九

限情

其九

鄭村渡口風浪多
魚船來去疾如梭
相邀女伴到梁下
一時同唱采
菱歌

其十

三百闌干浮碧空
笙歌繚繞暮雲中
天香夜半廣寒落
錯認銀橋在
月宮

其十一

金臺尖高高插天
俯江樓俯夕陽邊
當年板築通荒野
今日舟梁濟
大川

其十二

城南迥望告天臺
衝發悠悠二水來
清獻前身爲時出
蕭然琴鶴在
蓬萊

贈霓裳十二首

響遏行雲未足多
陽春流水定如何
夜來小玉飛銀漢
傳得開元第一
歌

其二

一枝明艷照窗紗
會事仙人萼綠華
唱徹山香蓬島上
瑤池千樹盡
飛花

其三

玉面朱唇陌上逢
香車油壁乍從容
莫教行雨峰頭去
尋遍巫山十
二重

其四

睡足紗窗晝漏遲
白櫻桃下畫蛾眉
珠簾百尺重門閉
沈水香銷月上
上時

其五

金屋何曾盼阿嬌
臨春歌吹總寥寥
遙空一片飛雲駐
人倚危欄弄
玉簫

其六

月底朱絃競管絃
風前紅袖趁鞦韆
爭誇靜婉腰圍細
不解湖頭唱
采蓮

其七

紫燕雙飛掠畫樓
黃鸝百啭和笙篴
胡姬十五顏如玉
底事長干喚
莫愁

其八

女伴相攜關晚妝
風鬟雲鬢若耶傍
昨宵湖上歸來晚
阿姊同遊字
蕙芳

其九

振袂飛霜襲彩毫
新聲頻奏鬱輪袍
十千長恨真堪買
三百靈光漫
詫豪

其十

瘦妻羸女各傷神
紫鳳天吳拆洗頻
笑殺杜陵溪水畔
雲鬟香霧是

何人

其十一

七香霞佩午珊珊駿馬金羈照玉顏跋尾飛揚湖海上前身莫是李

東山

其十二

園桃巷柳色紛紛素口蠻腰並出羣不信寒酸饒下朝西京誰並卓

文君

藝苑冠言云過之桃柳樂天蠻素皆舉發所得

題藝苑五游冊 有序

新都程太學文東博雅多藝能擗詞染翰外琴奕丹青咸躋

其妙余為題冊曰藝苑五游

玉軫閒揮望太空日隨中散送征鴻無勞郢國千人和白雪晴飛大
海東

右琴

少室山房卷七十九

杖底雙龍跨夕陽荒村仙姬坐更長枯碁三百無人共零亂青霞滿

石牀

右碁

八法縱橫晉永和鸞箋十幅照春羅科頭獨抱蘭亭帖散步臨池看

白鷺

右書

沈水香焚白玉壺洞門深鎖碧雲孤窗明几淨人聲絕閒寫初平叱

石圖

右畫

獨坐匡牀枕半欹山堂寒雨漲秋池夜關松子前塔落吟得襄陽五

字詩

右詩

曳杖村西閒步見壁間一語甚佳而不知名字漫為易數字足

成之

紅白花開籬豆齊野人茅屋亂雲西庭前桑樹老無葉日午鄰雞飛
上啼

少室山房卷七十九

十

少室山房類彙卷七十九

少室山房類纂卷八十

續金華叢書

激水胡應麟明瑞著

七言絕句八十一首

題徐惟得冲漠齋十二絕有序

徐惟得使君人貌天行超然物表築茹齋數椽于楚水之上而以冲漠名厥旨遠矣海內諸名流競賦新詩爛然卷軸願獨于名館之義濶焉余乃竊取古今達人微言奧旨與冲漠相發明者始壺丘太冲終曩陽恬淡凡十有二氏而各繫七言一章義取循名館中山川景物略而弗具使君有讀當仍舉桑落十餘觥頽然捧腹于北窗之下也

壺丘示觀

寂寂玄關閉萬緣頽然一榻抱枯禪天游未許肯人識正是壺丘入觀年

姑射疑神

少室山房卷八十一

肌膚綽約瑩秋霜絕頂疑神曉八荒得喪自然天地外不知身世住何鄉

鄭圃御風

羊角鵬程快羽毛罡風八極送飛濤自然天際真人度始信長沙躡翼勞

南郭隱几

靜坐焚香一畝宮灰心槁念夕陽中那能濫作吹竽客凭几蕭然萬慮空

化人躡景

振袂翩翩到北辰中天城闕跨金銀誰言半畝差容膝十二瑤臺屬化人

華胥夢游

勇退何人犯急流分司猶擬醉鄉侯朝來夢入華胥界一榻軒皇盡意游

摩詰散花

擲戟歸來理釣竿不將零露望金盤飛花散盡三千界丈室分明有大觀

少林面壁

勇猛精修萬劫離窮年枯坐更何疑為言一葦浮江日可似三花面壁時

雪山空寂

戰勝歸來岩穴間空花落盡閉禪關大千世界冥心處恍惚當時坐雪山

五臺清涼

古寺清涼開草萊三湘門巷半莓苔翻然杖錫騰空去閒看飛雲落五臺

漆園逍遙

一枝殊自慰鶴鶴身世千年付次寥北海南溟俱莫問長空何處不逍遙

道遙

空山寂寂午聞雞一路桃花照舊蹊漫說雙江恬淡觀真仙今在武陵西

使君居去武陵甚通故云

又題八絕

藜青閣
疊嶂危梯入窈窕長空不斷暮天青松陰竹色憑欄處次第千山入畫屏

白雲洞

石洞蒼茫閉水簾碧窗雲冷玉龍潛不妨行雨邀巫峽猶記為霖出傅岩

水竹居

嫋娜千竿翠欲沈一區烟雨坐來深君恩乞與嶺湘地閒聽蒼龍日夜吟

夜吟

習家池

峴首穹碑百尺遺，襄陽仍覩習家池。如泥不學山公醉，自嚼銅鞮岸接離。

九玄室

畫棟雕甍挾斗牛，瑤箱瓊笈鎖層樓。五千何代傳周史，三萬當今跨郭侯。

適意軒

九列三孤亦偶然，能將簪紱誤流年。歸期趁得西風蚤，何限鱸魚七澤前。

四顧亭

萬壑千岩照眼明，中天蒼翠撲檐楹。憑欄四顧俱秋色，疑是山陰道上行。

偃息居

水擊天飛快羽翰，巢林聊借一枝安。參差已熟邯鄲枕，上從他處萬劫殘。

少室山房卷八十

卽席

刺史蘇州欲斷腸，腰圍尺六舞霓裳。若爲並作盧家燕，雙宿雙飛玳瑁梁。

萬伯修中丞東巡歌十首

大纛高牙拂絳霄，青袍白馬似風飈。千帆掣海鯨波靜，萬碣撐空蜃市消。

其二

三千門客報晨雞，八百家丁耀水犀。何處精兵逾代北，由來飛將出山西。

其三

平倭望海說劉江，閩越新傳威繼光。底似中丞文武略，鸞飛檄到扶桑。

其四

平壤王京鐵騎屯，西飛青政盡游魂。笑他定遠空投筆，華髮蕭蕭望玉門。

玉門

其五

對馬洲前積甲懸，黑雲東起霧連天。轅門夜縛平行長，露布星飛北極前。

其六

關白頭臬太白旗，白狼河上羽書馳。樓船却笑文皇帝，百萬瑯戈困小夷。

其七

麾下俱封萬戶侯，金戈淨洗薩摩洲。山城肥後諸酋長，叩額遙天拜玉旒。

其八

詩才舊壓下都護，將略平欺霍冠軍。一代雞林傳麗句，千秋麟閣畫元勳。

少室山房卷八十

其九

爛熳黃金百尺臺，將軍飛騎入蓬萊。何須更奏征東曲，十八鏡歌盡手裁。

其十

萬甲憑凌大海東，清江鴨綠亂流紅。元戎奏凱歸來日，天子晨開碣石宮。

送安頭陀還蘭陰作同少傅公四首

野鶴孤雲去路長，袈裟隨處隨空王。楞伽一卷焚香坐，先到裴公綠芷堂。

其二

百丈金身照綠苔，青蓮瓔珞護瑤臺。天龍一指猶堪豎，莫詫西方大士來。

其三

十年湖海話禪機，歸問雲山舊衲衣。後夜月明金錫冷，遙空笙鶴不

停飛

其四

六洞三山次第看白雲迴望滿長安何須更覓蓮花藏一代金輪屬
宰官

東園四時詞

尺書何處候青鸞吟遍東風十二欄金谷樓臺春尚蚤海棠憔悴不
禁寒春

其二

薰風長日度簾鈞河朔園林總勝遊珠箔銀屏清吹滿石榴花底按
梁州夏

其三

朝來簷樹著新霜小玉銀箏抱雁行紅蓼碧蘆秋十里不知亭榭在
瀟湘秋

其四

少室山房卷八

五
夢
題
度

雪片高天墜草蘆瑤臺鸞鶴望清虛梅花萬樹孤山下何似橋頭策
蹇冬

王太學至卿一子四歲未能言嘗兩遇大厄夢異僧獲存或夙

生有緣習也一絕紀之

似夢如痴畫閣前前身誰為問梯仙三生我亦瓊樓客一墮風塵四
十年

王生庭中一雉鶴見余甚狎即席贈詩二章

尺八翩躚鳳鳥文雌雄追逐氣凌雲怪來花下如相識曾是當年鶴
鶴羣

其二

凌風相逐下瑤池雪羽霞標燦陸離自是主人多逸興庭前雙鶴解
看基

題浮屠秋溟卷時以姑布術游都下

扶餘國小漫稱王定遠封來白髮長自是青蓮多做骨錯將奇句恨

昭陽

其二

射虎年來漸白頭南山風雪夜悠悠他時太史傳飛將肯信平陽第
一籌

萬伯修東巡歌八首時新推經理遼陽

麟閣由來畫虎頭轅門此日拜貂裘金泥玉璽從天下御筆親題定
遠侯

其一

破虜將軍武略饒頻年橫槊靜天驕醪酥一醉樓船上十萬雄師已
渡遼

其三

親提精甲到平康汛掃鯨鯢百丈強莫詫伏波年尙少大標銅柱在
扶桑

其四

少室山房卷八

六
夢
題
度

征馬翩翩度北風千將曾授白猿公胡牀靜夜梅花落萬虜長驅一
嘯中

其五

鐵甲三千照大幢金戈百萬洗長江前旂壯士謳歌發一箭天山夜
請降

其六

無定河邊息鼓笳受降城下聽琵琶何勞更問燕然碣萬丈穹碑勒
海涯

其七

山西諸將定誰賢烈烈營平四海傳盡掃先零何足道千秋勲業付
屯田

其八

露布千言盡手裁霜笳奏凱入蓬萊西京狂貌麒麟閣文武何人吉
父才

王行父惠簞賦謝二絕

伏天無處避斜曛水簞何由借鶴羣漫作巫娥雲雨夢月明瓊珮下湘君

其一

珠簾十二照華堂一卷湘雲白日長已悉王恭無長物莫教殘夜踞胡牀

再送遠遊明府二絕

一葉晴飛大海傍東南雲色滿錢塘誰言薊闕三千里夜夜雙鳧入上陽

其二

千秋重觀豫章材五夜狂歌雪色來莫向斗牛占紫氣雌雄龍劍合燕臺

玉城十景為侍御涇邑葉公賦

右門鍊翠

少室山房卷八十

七

峭壁危崖暮靄屯桃花開落自乾坤中天積翠無人到萬岫飛霞鎖石門

天柱凌空

一柱凌空不記年嵯峨秋色傲亭前虛疑玉筍排雲上自是金莖漚露懸

鷲嶺迎暉

千仞岡迴倚石梁扶桑霞色對蒼茫長鳴獨向朝陽下人識清時有鳳凰

多峰吐霧

古岫飛霜日月寒動搖山岳惠文彈誰言絳闕仙人屬恰是烏臺柱史冠

蘭津望月

種竹剛依苑水頭秋花仍記澱川遊萬家明月懸秋浦千尺飛虹鎖暮流

柏塢飛霜

翠蓋亭亭繡作衣虬髯龍甲互相依風稜恍惚臺端見霜色參差柱後飛

考水涵珠

噴雪鳴環斷世塵胡麻誰識洞中春花浮片玉來青澗樹列三珠對紫宸

桓城映玉

萬堞嵯峨照水明紛紛鸞鶴下瑤京狂來欲趁罡風起十二樓臺望五城

五老排雲

晴巒一望紫烟重玉洞桃花處處逢蚤晚排雲闔闔昨天門遙插五芙蓉

三台輔斗

鼎立蒼峰峙翠苔遙看銀漢列三台誰言拔地三千丈斗色平連上

帝臺

帝臺
余家藏道復水墨牡丹紛披老筆而扇頭折技淺絳豐肌曼色
嫣然襲人更題一絕于便面右

誰寫天真第一枝盈盈霞色照軒墀多情錯認楊妃醉亭倚沈香日暮時

暮時

永叔挾小友鄭生入都生年甫十六美秀工奕酒中持素冊進
余乞詩戲成四絕

石梁天際夢魂勞雙別僊姝渡海濤綺閣紗厨春晝永一枰閒對鄭櫻桃

櫻桃

其二
清簾疎簾奕未停楚江雲雨正冥冥莫教夜半成虛約辜負燈花落
小亭

其二

綠髮朱顏羨子都楸枰拂拭酒家胡摧鋒謾自誇年少一著還須讓

老夫 宋人送徐師川語

其四

長欽翩翩海上遊
明光謁帝憂依劉
無勞更賭宣城郡
一局龍陽已拜侯

題趙太常山居四絕

眠雲洞

疊嶺層崖落照懸
桃花萬朵浴飛泉
玄關盡日封雲氣
一任羣羊化石眠

凌翠樓

傑構中天翠欲流
罡風迴合亂雲愁
何當八翼凌空去
長嘯三山十二樓

薜荔園

流水柴門白兔公
一區晴鎖萬山中
成功會著荷衣返
入夢休猜蕙帳空

少室山房卷八十

九

夢 選 虞

綠蔭池

千綠蕭森映夾池
此君長日對支頤
冷然詩思清神骨
何似山陰夜汎時

寄祝華父郭汝冲盛明元

夾畔晴波漱綠苔
青帆遙邈大江來
相逢問訊蘭陰客
蚤趁桃花上越臺

其二

一夜帆飛激水潯
南屏山色望來深
燈花落盡蒼敲罷
兩屐春風到武林

春日過嫩生齋頭米仲詔倪迂擴本在焉坡閱數過吳楓秋色

照映眉睫恨不攜
綠篔簹容與其間
作竟日主人也
莖渡無人盡日間
荻亭斜插亂雲間
不知簷外秋多少
一片關河畫裡山

題壁

題壁

千觴欲盡尊前酒
七盃曾傾月下茶
莫笑盧仝憐赤脚
當時曾醉美人家

趙相國以絲布衣材見貽

霧展霞舒篔簹色
勻清風兩腋度
綸巾從知黃閣絲
綸在不是塵中襍

謝趙相國借湘竹榻

落魄宗郎愛卧遊
十年湖海夢魂愁
朝來一榻平津至
何事陳登百尺樓

少室山房卷八十

十

夢 選 虞

少室山房類葉卷八十

激水胡應麟明瑞著

序九首

弇州先生四部藁序

重光單闕之秋應麟方東下武林道聞弇州先生病疾馳兩晝夜至
 婁水謁先生小祇園先生病已革強起執手語不佞知吾言亡若子
 吾續集甫成編子爲吾校而序之吾卽瞑無憾矣余俛首歎歎亡何
 先生竟易簀而冢君士麒仲君驥季君駿以集稱先生遺命來於戲
 余小子則惡能序先生哉顧先生生平辱知余小子最深茲垂沒復
 以序命卽余小子鄙弗文其曷辭輒僭爲序序曰文章之在宇宙其
 猶元氣乎經兩儀緯萬象隆則世與隆而污則世與污若是乎厥繁
 重也三代而上文章在六經仲尼贊易敘書刪詩正樂議禮而修春
 秋而六經統於一古今稱集大成焉學者往往謂六經匪可以文章
 言而仲尼之集大成庸詎槩以文章之一節姑亡論已語文章於三

少室山房卷八十一

一 步 選 虞

代之下則在百氏矣軻以儒周以道非以法不韋以雜短長以縱橫
 丘明高赤以編年向固雖壽以紀傳斯以書誼以論江左六朝以偶
 儷唐宋而下諸子以雜文原玉以駢類雲以賦唐山子樂以樂府乘
 陵操植以古風勃照鄰賓王太白以歌行徐期之問維顛頤昌齡參
 以律絕皆傑然各名所長迺上下數千年間未有總攝會萃而總于
 一者諱藝之士不得已則判途爲二而取漢之遷唐之甫以當之咸
 曰集厥大成矣夫遷吾亡論其聲詩卽一史外若騷若賦若子胡以
 弗少槩見也甫吾亡論其紀述卽諸律外若樂若選若絕胡以弗皆
 中程也曰遷曰甫誠哉數千年間出而較彼一偏之技猶然陷缺若
 斯矧乎舉百氏之長極二途之趣洋洋纒纒以自樹一代之言之人
 也姬周而降可易得其彷彿哉蓋至明而東海之上有弇州先生出
 焉高皇帝手闢洪荒載造區寓文軌所訖悉主悉臣擬諸漢唐功德
 遼邈而二百餘禩綦隆之化蒸薰灑灑頌洽爲泰和於是乎造物者始
 盡發天地之材全畀名世之士而弇州王先生巍然崛起東海之上

以一人奄古今制作而有之先生靈異夙根神穎天發瑗質絕抱八
 斗五車矜不足言弱冠登朝橫行壇坫首建旗鼓華夏耳目固已一
 新中樞家艱載颺臺省暨平晚歲籍僊苑觀帝宸中間動息起居詘
 信榮遷造次顛沛壹發據於文章雖咳唾呻吟嬉笑怒罵世咸傳誦
 以爲法則當嘉隆萬曆際亡論藝士鴻流薄海內外無思不服卽嬰
 兒走卒里婦擔夫西南裔夷江淮草木靡弗知有弇州先生也者遂
 使金石之藏延亘六合珠璣之散充斥八表至四部二藁出而古今
 著述盡廢於我明矣其爲卷也四百有奇其爲言也兆億靡量合宮
 衛室軒豁其規模大呂雲門邕和其音調火齊木難絢揚其色彩滢
 盧飛景震耀其光鈗祥麟瑞鸞容與其威儀天驥神龍跌宕其步履
 夸父巨靈堅強其骨力皇娥趙燕綽約其丰神赤明龍漢渺邈其津
 梁兜率須彌憐愴其境界何體弗備何格弗苞何意弗規何法弗典
 何辭弗鑄何理弗融何今弗離何古弗合九騷則屈宋之闕深也十
 賦則馬揚之鉅麗也逸篇則左國之瑰瑋也劄記則公毅之差戾也

少室山房卷八十一

一 步 選 虞

序說則孟莊韓呂之雄高也志傳則班劉陳范之賾密也書牘之凌
 厲縱橫其比蹤上蔡乎論著之豐溢渾厚其合轍長沙乎四六之整
 而流艷而發其含吐江左蹈藉唐初乎性碩之文倣以奧韓之力去
 陳言乎山水之文卓以詭柳之大放厥辭乎廊廟之文達以昌試之
 源泉混混乎而雅頌祖述商周饒歌憲章漢魏樂府憑陵八代古風
 馳驟兩都歌行出鬼入神勝擲乎駱盧崔李律絕超凡入聖奔走乎
 沈宋岑王總先生諸所撰造周視乎古昔宗工不必執甫以難遷第
 卽遷所長與遷角而遷弗勝也而遷之短于所長者先生饒爲之不
 必執遷以難甫第卽甫所長與甫角而甫弗勝也而甫之短於所長
 者先生饒爲之不必合遷甫以難諸作者第卽諸作者所長以角諸
 作者而諸作者弗勝也而其凡有所短先生又各饒爲之大哉先生
 之於文章乎猶崑崙崑崙峻極中天而五岳其佐命猶渤海溟泓大地而
 四瀆其支流猶清寧莫冒羣生而象形靡弗該猶化育範型庶彙而
 氣韻靡弗肖庶幾哉混合大千深入不二兼收廣蓄亡所成名戰國

以來一人而已。廼先生學術尤有不易言者。厄言宛委筆記諸編。覈元會運世之始終。酌皇王帝霸之高下。洞仙釋怪神之空渺。抉昆蟲卉木之幽微。以迨一技一長之淺深。工拙王仲任秘其論衡。張司空刪其博物。劉參軍謝其類苑。虞少監失其秘書。梁太子監其選裁。鍾記室陋其品藻。是又曠昔文人。蔑能僂得先生。願網羅囊括。恢恢有餘。嗟乎先生之於斯術也。可謂至矣。極矣。美善盡矣。茂以加矣。三代六經。既既。不有先生。孰與集文章之大成哉。即以宣父門庭而差。文學之科。標詞命之軌。先生非升室之素相。則入室之上賓。司馬汪公有言。宇宙文章。維先生歟。維先生亦自謂前亡昔人。後亡來者。諒哉言乎。不我欺也。應麟束髮。操觚。服膺大業。次公紹介。獲附忘年。猥擇芻蕘。面命茲序。儻曰。阿私所好。古今方冊。具存。昔林屬撰於陽水。吏侍申盟。于皇甫千百世下。當以不佞為知言已。

兩岳遊序

方可大誦官汝南亡弗以吏事難可大者即知可大能吏事又七弗

少室山房卷八十一

以元秩難可大者。廼可大聞命無幾。微快快色也。顧大喜自得曰。吾夢寐嵩岱兩岳十年矣。今謫官汝嵩三十六峰。在吾几席間。而道出齊魯。岱宗梁父。復當吾車。輒庸詎非造物者以一言私余遊哉。于是亟命駕而東。要友人于太史。可遠相與。躡天門。日觀。恣攬封禪萬家遺蹟。秦皇漢武所駐驂。處夜半觀日出。大海扶桑。方丈雲霧。燁煜蕩曾。決皆洋洋乎宇宙大觀也。已乃飄然一葦。浮河入洛。下車蒞政民。用太和公事之暇。屏去騶從。杖屨履登。太少二室。絕頂俯首中原。千里一色。空同王屋。浮丘廣成。若可左右望。而招者神情飛動。逸思橫發。長謠短歌。寓目輒書。合前與太史同賦。得雜體若干首。而總目之曰。兩岳遊而走書。澌水之上。曰。冀吾子一言序之。夫域內名山。大川無慮百十。而瑰瑋絕特。以岳稱者。僅五岳。相望奚啻百千里。而岱宗為羣望首。嵩高當天地中。尤世所爭先。快睹者。史稱向子平遊五岳。至屏家累。絕人事。而嚴君平氏終身遊。僅得其四。天于奇人。逸士猶或靳之。可大特以一謫官不閱歲。而兩陔其顛。遍窮其勝。且

歷以詩篇紀之。為篋笥中物。胡造物之獨私于可大也。可大尊人大同空安動。茂烈震耀。今古以身為斯文盟主。四十年而余猥以童子當國士之盼。曩者南還之夕。定交可大。稱觴秉燭。窮日達旦。語語開夫星初上。事廼今三復。茲編氣骨高華。聲調闐爽。真若與泰岱嵩高爭雄。萬仞之表者。非其才橫絕一世。能然乎哉。昔屈原賈生。皆以忤時貴見。擯斥比余。讀其文詞。誠極才人之致。而悽愴憤鬱。識者病之。可大小年材美。無謝兩生。願所為諸詩。特悠然曠適。過長沙三閭。遠甚固宜。隨試輒效。當盤錯位卑。兀而卓然。穎脫無難也。雖然。今可大且踵大司空故武。膺內召。入承明。勤著作。于石渠金馬。即欲復為茲遊不。得而余幽憂疾病。自放塵世之外。方圖以雕蟲。做帚託之名山大川。可大行矣。兩岳之遊。造物且以私不佞矣。

素軒吟稿序

素軒先生詩一卷。古體若干首。五七言律絕若干首。泊詩餘若干首。邦相明府既以屬不佞校之矣。則復命不佞為之敘。素軒先生者。邦

少室山房卷八十一

相尊人封繕部公也。先生少習舉子業。稍不售。輒棄去。築丈室龍沙。上命曰素軒。朝夕臥其中。取古今名能詩家。語恣讀之。凡境有所會。情有所鍾。遇有所觸。以至半響。愁怨。燕遊。賞適。奇憶。酬贈。一一而鳴之。于詩。既邦相成進士。先生沐馳封。膺寵命。顯重矣。而其好為吟。顧愈益甚。時時出遊西山南浦。間分樵青牧子。半席驟而遇之一翁。蒼顏野服。跨蹇執鞭。策作推敲狀。童子操几杖。其後大類深山窮谷。有道者不知其貴人父也。先生質力材具。于詩。故足躋上乘。方極軌。而其大旨。要在陶寫性靈。標舉興象。以自愉快。不欲以矯峻刻厲。自見。故其為詩。冲和恬泊。優游雅適。苑然太古。康衢。甫里之遺。即俾詞奇句時。出間發。而卒歸之用意。忠厚。其於詩家者。流蓋粹乎根極情性之正。非世稱述文人墨客可比。迹上下也。明詩之盛。盛于弘正。李何一倡。諸君子從而和之。聲調未舒。異者輒議。其後嘉靖中。李于鱗氏出。而獻吉復尊至王長公。勃興江左。遂操百代風雅。柄次公繼起。齊驅競爽。一時周旋中原。荷大業者。亡慮數家。而嘉隆之際。幾軼

唐漢若邦相其最著者也邦相雅善兩王先生願以其餘謬推較不
佞不佞既素習邦相而於其來令吾邑也益相與提挈爲不朽計恒
意其文辭得於天挺獨詣乃今而得之素軒先生夫江出岷嶺其始
溢觴河流之發崑崙涉者可褰裳渡及其排砥柱絕呂梁滙爲洞庭
彭蠡雲夢之澤浩漾傾洞滔滔日夜以起之乎尾閭之壑而後江河
之大觀斯極適以窮其源則謂非出岷嶺崑崙不可故夫讀詩者讀
素軒先生而邦相槩可見矣先生於詞尤工是歲以邦相迎養來蘭
不佞獲以通家子謁庭下不閱月輒促駕日吾以返初服也詎以吾
一人故旦夕曠子百里任吾得歸卧故素軒中足矣既抵家則以一
奚囊貯詩若詞謂邦相善爲而翁論次付之梓庶幾俟他日揚子雲
者毋令而翁今世藉而爵位重而後世復藉而文辭以重也蓋先生
所爲自期待者如此

方外吟序

鹿城雁蕩之區奇秀甲天下故生長其間者率清遠夷曠儼然埃壘

少室山房卷八十一

五步 選 度

之表至發爲詩歌亦往往與其人類蓋山川之助云余所知者布衣
康裕卿裕卿以詩名家隆萬間余與交最久且善裕卿下世余亦謝
病谿上杜門高枕不復通一客壬午之歲忽有投刺稱永嘉林山人
者余倒屣揖進與語觀其狀翩翩野鶴然居數日輒別去是歲山人
再過谿上手一編謁余余亟取讀之則山人近游武夷泊關中諸作
也山人于詩偏好王維孟浩然故不爲刻鵠雄深莽宕語而興象蕭
疎神情玄暢如藉茂草蔭長松臨水登山塔然竟日每一誦之輒使
人有輕世遺累蜉蝣方外意即亡論其格極其才窮其致摩詰襄陽
門戶無難入也談者以爲山人家雁宕而容武夷奄有二方之勝宜
所爲詩宛類其人若此今秋山人益謀泛舟下錢塘並四明遍走吳
間白下贊其詩以謁海內作者因固請一言爲臨歧之贈余辭弗獲
則進山人謂曰子游方之外者也吾何以贈子雖然子今囊中裝亦
僅一武夷耳夫會稽秦望天目之山大禹之穴洞庭七十有二之峰
金陵石城龍盤虎踞之氣浸以具區滙以長江控以大海其勝不知

視武夷何如其鉅麗瑰瑋什伯武夷不啻然皆余曩昔杖履間物也
今於子之行盡載以贈子異時再過谿上手一編以示我更有進于
是者庶子之游爲不負而吾之贈爲不虛哉山人曰詩敬奉胡先生
之教以行

吳生德符詩序

新都詩派肇自許宣平李供奉讀其靜夜明月穿雲翠微一咏至以
爲神仙歷千餘載而汪伯玉以閩深傑異之才壁立嘉隆諸子之際
風骨稜然典刑大雅重以兼收廣納流壤靡遺一時彬彬家隋珠而
人和璞蓋司馬之助于是爲烈而詞場接踵有指不勝屈者矣乃余
獨以吳生德符爲難能吳生溪南巨族也少從父祖業雖客武林歛
人占籍武林七慮十三四率富商名賈以貲力泉貨自雄子弟遊閒
鮮裘馬飾與隸挾毛嬙子都張吹六橋三竺間據湖山爲湯沐最上
畜書畫鼎彝然香者老容與太平之世而生願翹然自奮于詩歌凡
眾所競趨裘馬隸毛嬙子都一足芥其中而滑其好即書畫鼎

少室山房卷八十一

六步 選 度

囊指一間染焉而有未嘗數數者傲居委巷槌一室青苔黃葉中
毳擁褐朝呻夕吟夢寐所游從藝牆所揖遜亡非漢魏盛唐也者其
口訥若不能言而縱談古今則懸河注海而酌之莫窮其際其容瘁
若不勝衣而揚抗千秋之上則撫劍顧盼而追逐作者于九原其意
矯矯舉一世鮮當其衷而獨以昌陽棄菱之嗜偏注于不佞其爲詩
掃去一切巧曼浮詭尖纖之做習而力追大雅之上乘醇乎太羹玄
酒之遺味冲乎高山流水之遺音選乎士劍瓦缶之遺軌沈而深之
擴而大之其必傳于后世斷斷乎其亡惑也嗟乎詩至嘉隆聲律之
途斯爲極盛而薰蕕禾稗並蔓叢生間者二三遺老相繼喪頹于夜
繁音淪浹心髓即豪傑傑流時說生也獨翹起紛華塵囂之交
正色抗詞推而遠之匪其勇兼人其才軼俗其識曠世足萬一語此
乎此余所爲憂嘆其難能而每讀其詩輒爲之擊節而三倒也俾
司馬公在且把臂入林延之上坐惜乎其弗可復作徒使生以昌陽
棄菱之嗜日偏注于不佞不佞于是張張乎有餘慨矣

盤括序

盤肇迹軒農長沙發其獨智首揭羣方津筏千載繼之稚川之册後
思邈之千金泊近代劉張四氏備矣顧載籍浩如伏習者類不無望
洋之嘆而晚近世病情紛擊百變刻舟緣木又往往以陳言束之此
易水張元素氏所以有古方今疾之嘆也新都張君柏弱冠客遊吾
士輒以盤知名湖中今年垂七秩矣生平湯劑全活自通都大邑以
及下里窮鄉殆不可數計迺君恒不敢自足復慮一人之仁茂能遍
咸寓內則以閒日類集試驗諸方括為短歌數十百首至病情稍涉
疑似反掌死生者又緒為諸論以剖析之其取效若符左券其闢微
若燭秋毫且俾世之學流一披閱問旬月之功可人人抱其術以仁
壽天下噫是何其慮之精而識之遠也明興才謂輩出自學問詞章
以至百家眾技類能駕軼前古獨盤門眇觀其人王綸氏之雜著徑
捷旁通最為方家尸祝而推之近日稍扞格而難行蓋陽有餘陰不
足固彥修不易之定論而寒涼膠膩銳情剋削或以伐其天和楚

少室山房卷八十一

七

夢選慶

失而齊庸得乎此余身以疾嘗而洞徹其脈理者知李朱二氏世靡
得而偏重明也君治盤一以補中為案鑰而旁擷諸名家佐之故病
者獲其診視雖未必奏奇且暮而算計見效往往迄於萬全其賢于
剽輕詭過之夫不待明知而後策也是編行君之仁且遍咸寓內即
長沙諸公不得顯耀其美而余之言亦且與之俱遠故不辭而序以
復之

印譜序

印章所從來遠矣自李斯以昆吾刀刻秦璽兩漢而下官私傳流博
雅之士代有編集若王順伯吳孟思宋元諸模譜迄今雲間印藪會
萃古今參伍載籍斯以勤矣迺余自髫髻客長安三十年來耳目親
記亡慮千百顧氏所錄什九未遑蓋承平奕葉陵谷遞遷蟲魚科斗
之迹雜出于荒林大隄沈沙斷甃壞礎間固非一人聞見能盡蒐括
也鐫印入國朝亡出長洲文氏父子世濟迨今後禘禘二家大抵待
詔之工法為政博士之妙意為師法勝者往往局于法之內而精意

時誠而意勝者又往往溢於意之外而成法時乖劑二者而酌其中
俾法不泥意而意能無軌法斯上蔡之真源而長洲之詰胤矣四明
張大木年少才高以篆刻遊燕中余邂逅于黃生六洽館軒軒然霞
舉埃壻人也已余視所鑄諸印淳質典藻俊而弗治宕而弗流一展
翫間古色蒼然隱映眉睫蓋庶幾能劑量於法與意而獨擅其解
者異時繇文氏而努力前規以馳騁於六代漢秦之列余固未知其
稅駕所也大木將歸越持譜詣不佞頓首曰入長安邂逅胡先生大
幸遇胡先生而茂能隻字等之乎亡遇耳願得數語勒簡端梁也終
身奉之噫子雲老不解事僕僕長安市即奇字多識其何以語侯芭
生生歸矣宿春糧曳芒屨長嘯入四明洞天讀靈文於上清石室迴
視人間世六書得無復賸一格耶審爾其更鑄一石曰石羊生後身
以寄我

兩都游草序

此張孟孺兩都游草也先是尊人佐虞以詩名鵲起介胄司寇王公

少室山房卷八十一

八

夢選慶

蓋管上客客之而淪躡中道余每讀伐檀諸集輒恨與若人並世而
不獲把臂于東西雙弁間比入都晤俞羨長亟稱佐虞伯子孟孺其
材詣亡謝迺翁余私衷愈益嚮往焉願一水盈盈即奇偉菰蘆亡從
物色是秋始邁伯子湖上未及問姓名別去去明日而羨長以八行
來謂乍所邂逅即孟孺其人今且持所業謁門下矣余倒屣出迎覩
其狀孤雲野鶴翩翩然亟拂席命坐坐定命酒酒至命酌微醺抵掌
揚扞古今語語埃壻之表余傾耳側聽不自知膝之前於席而席之
前於賓也已孟孺袖中出一編長踞進余曰惟先君子之臭味門下
也敢介俞君而以蠅附請余展卷疾讀之韻高而曠思沈而澹調逸
而新如片石孤峰清池皓月與象冷標揭人外即驟見似坦易無
奇也者而微詞雋致引之彌長而繹之彌遠達其材竟其詣亡論跨
龜異時以較孫仲謀氏之于破虜堅庸詎難于步伐也嗟乎詩自三
百下迨弘嘉漢唐以還于斯為盛頃者儀璘匿景燐燐皆空衰詭尖
纖之態沁人心目孟孺方考業茲時而亭亭獨上一舉而盡泐之非

誠所謂穎脫于塵盆而軒舉于閭闔者哉憶瑯琊次公疏世說謂玄
晏文匪三都亡傳埋余絕嘆爲名通茲孟孺兩都雖寸鱗片截居然
有振衣千仞意而余言謬以糠覈抗顏前導而弗辭者知孟孺之必
傳于是編而不佞且並傳于孟孺也

李仲子集序

吾郡李仲子能茂天才瑰邁奔逸無前自束髮爲詩歌已駸駸有吞
虎食牛氣里中先達或以年少易之視其落筆吐語驚人句相屬咸
遂逖却避其鋒仲子顧弗以自足也益肆力劇心友千古士於漢則
兩司馬於魏則三曹於唐則杜甫明則李夢陽李攀龍弱冠補邑弟
子員爲督學使者蘇君禹識拔已縱遊秣陵吳會間卒業弁州四部
乃擊節大嘆咤日起八代之衰者其斯人乎亟陳啟自通纒纒數千
言弁州大奇其材數寄聲不佞子國有李子子其知之余唯唯庚辰
之夏有持刺叩門者自稱東陽李生余方飲投箸踉蹌出屣不遑倒
既執手晤言抗揚上下遠自吳穹近迄昭代亡弗懸契則又起大嘆

少室山房卷八十一

九
夢
選
虞

咤曰與子同里開三十年而毋相值微今日者幾失之余非夫哉今
而後所不以不朽謝子有如日余忻然而笑莫逆於心遂定盟焉自
是仲子歸彌月輒有所撰述輒走尺一命蒼頭三百里持詣余凡仲
子所爲文大都陶冶秦漢偏長獨造則記問啟札爲尤每一援筆大
者河決瀾倒雷厲颺馳即寥寥隻詞亦委篤雋永妙思橫流采絢溢
發總之神動天隨非斤斤研墨畦逕者詩歌則其生平精力萃焉七
言律之高朗鴻麗五言律之嚴雅清新高者揖讓開元平者馳驟元
和諸子歌行絕句時有離合淺不逗俗深不墮魔至五言古則幾逼
建安吾發中千餘年所僅有也總之仲子天才絕出而又能師古匠
今焚舟舍筏厝力篇章故克以少壯之齡驟臻此域過此以往余弗
知其所稅駕矣仲子素蔑視一第以青紫可芥拾既數困諸生默默
也又以好吟故嘔血久憊臥床蓐間一旦籍其生平製作泊雜文若
千篇緘奚囊授余曰以不朽累吾子茂曩昔所息壤於吾子者在耳
而僅僅若茲命也吾子其謂何噫仲子休矣千秋之業旦暮且而屬

矣而日務攝藥餌抑思慮專精神而之年甫壯業甫就名甫走宇內
而未克彰造物者忍以彼其材畀子而竟天闕子中道乎吾爲子序
焉爲異日先驅計可也仲子字允達父青州公亦能詩饒著述有集
行于時

少室山房卷八十一

十
夢
選
虞

少室山房類集卷八十一

激水胡應麟明瑞著

序六首

黃說仲詩草序

越山川瓌麗甲天下錢塘富春四明三竺南北二雁幽奇靚峭薄海
外內罕與倫迺天台尤以靈蹟著石梁巨空瀑流階道赤城之標高
揭萬尋曩讀晉孫綽先生賦輒豪興勃勃如神遊金庭玉壺與二仙
姝目成霞外者亟思拉同好偕往庶幾晨肇之一遇而難其人丙戌
計偕晤李將軍劇談天台黃君說仲不容口心翩翩慕嚮之明年
扁舟淮泗謁世叔通侯則說仲儼然在焉把余臂權劇欲狂中夜造
膝款言縷觀洞肝腹已袖出是編進余曰不佞磨寐吾子三十年于
此矣惟是不腆敝帚不敢有所隱也敢悉索以累下執事余受讀卒
業而三嘆赤城之郊磅礴鬱蔥之氣至說仲而彬彬盡洩也說仲故
天台世家蚤歲才情蔚起與蔡儀制稚舍王黃門永叔結詞盟東海

少室山房卷八十二

黃說仲詩草序

上而厥先宗伯公籍實從世叔王父文成公游世叔以勳冒仗鉞登
壇龍門差我一代景附說仲首居戎幕爲上賓操觚授簡而外元戎
喜怒一切置若罔聞也者獨捷丈室坐蒲團如苦行頭陀袂旬足不
履戶闔童子鑽穴聚窺第聞喉吻間隱隱嚙聲兩手伸縮往來據
斐几作推敲狀時而掀髯時而拄頰得句踉蹌起採赫蹠掌許錄之
句累成篇篇累成卷卷累成帙帙成則世叔趣爲剞劂行諸世說仲
用是愈益自信發舒瀝思覃精亡慮日亡論魯連却秦馮驩振薛毛
遂激楚古岩處崎流往往有以殊助奮記室者而說仲規圖大業迴
睨諸人漠如也今總萃其生平詩歌爲什亡慮千數計爲卷亡慮十
數計左提右掣大都得之世叔爲多選體之夷曠雍容長短句之輕
新婉達合作置鹿門朝川嘉州集篋不易辨五七言律絕序獨上
百尺無枝朗抱冲襟汎洗塵俗清者大曆旨者元和淳者咸通質者
長慶司空皇甫姚鄭復生說仲無忝孟季卿先達載式之輩宋度南
號巨擘較說仲才或少贏以格藐乎卑隘乎後矣始說仲名籍郡諸

生中棄去佔俾弗習習詩歌詩歌成而佔俾廢迺余嶸崎落放情
宇宙晉國能家武失之今頭顱業俱種種而選迨合并窮途得微赤
城之靈果有意吾兩人者之爲茲山主耶吾鄉皇初平煉藥處去天
台僅僅數百里旦夕曳敝青鞋入飛流懸瀑中覓晨肇曩時遺蹟胡
麻之粒庶幾一載遇焉即身後不朽名付諸蟪蛄區區人間世難助
其何足以擾之說仲亟從余歸矣二仙姝振衣霞外遲余與說仲久
矣

王生四遊草序

余識王山人在癸酉甲戌間始山人在嶽上從諸年少飲狹斜一日
邂逅余胡姬肆中問姓名踉蹌前揖曰象不敏蓬遊江湖習聞胡先
生稔矣迺何幸於此獲一當先生亟罷飲持刺候余門余與幣移日
壯之以千秋大業勸焉山人悅盡謝諸年少而從余學詩俄挾策辭
余走秣陵謁李惟寅太保聞問中絕三十載丁酉夏余羈卧武林忽
聞者以山人報余聞倒屣出覩山人乘高軒擁上駟從蒼頭五六翻
翻來其風度亡少類于昔而意氣神貌油然粹然盎然殆非復吳下
蒙也余甚怪且慰趣呼酒坐山人酒之曰自子之去吾溪上一時過
從朋舊聚散浮沈不知凡幾變遷矣而吾與子若魯靈光迄無恙茲
復合延津謂造物者無意乎胡以巧爲吾兩人地若是也子別吾三
十載矣中間蹤迹何方交游何人佔俾何狀其悉有以語我來山人
遽從囊中出一編避席長跽曰微先生問之象固且從容請之始象
辭先生走秣陵已遂由秣陵入燕悲歌黃金故臺覓慶卿漸離不可
得則復南邁而之楚浮洞庭汎雲夢弔二妃九疑蕪竹間則復西折
而之蜀挽舟巫峽瞿塘白帝躡草屨上峨眉洋洋乎震且第一觀矣
則復益西南折而入滇窮竟碧雞金馬昆明點蒼聲迹幾達于緬甸
富良而後以吾興盡而返吾初服大都五岳之勝得於吾之杖者亡
慮十之九九州之內得于吾之目者亡慮十之六六合之外得于吾
之耳者亡慮十之三生平感遇忻戚紛糾萬端一于吾詩歌發之是
編固曩昔先生餘教也不揣微惠一言附異日青雲之末先生幸卒

少室山房卷八十二

王生四遊草序

寵施之余讀之喟然擊節曰有是哉子之游也今萬內名能詞賦不
畜數十百曹大都矜幅尺樹門庭高者自托于狂怪怒張而卑者纖
阿浮狡優童市娼角容澤甚且折輩行捐泉布博游揚之口于曹丘
而韋布之鮮修者醜陋居坐藉口權夫禰衡致廟堂之上吏議主逐
客而山林之下明詔忘求賢蓋詩道與游道迄于今胥病矣卒之聲
稱隨泯于月旦而行履茂能逾尋常固也山人發軔海東攜一劍自
南而北復自北而南至接壤南交西竺而後返觀其人五尺恂恂匪
有乘躡履風之術而周歷四表若步武於宮中此庸詎可以聲音笑
貌冀耶余讀山人詩一再過情而婉秀而宕新而弗刻高者毋為亢
卑者弗納于衰蓋粹乎一規于風雅之正而絕出于晚近儕流習尚
軫哇之外者固宜愈遠而游亡弗得狎魁結偶雕題而坦然尸闕無
碍也余別山人溪上且易世即詩歌展倍茲編而足迹自燕吳齊魯
外無能越一境余固甚愧山人者而胡以敘山人詩以山人沾沾余
言甚力也姑援筆紀其歲月且以徵余之知山人三十年猶且暮云

少室山房卷八十二

三

林貞耀觀察覆頌草序

國初稱才之盛者無若吳下四傑嶺南五子咸彬彬合軌一時云而
閩中以才著稱者凡十較二方不啻倍之而林員外子羽又翹然爲
十人者之冠鄭繼之王道思崛興弘德嘉靖間迨今日而闡闢詞章
幾于家靈蛇戶罔象矣而閩之尤稱極盛者亡若晉安之林榮名奕
葉焜耀于一門三世之中父子弟兄更倡迭和而山林枯稿之言望
之自失若今觀察貞耀先生覆頌草其一班已先生王父文安公尊
人文僖伯氏文恪皆以良史之才擅藻木天聯翩八座其鴻裁巨軸
細之金匱石室而播之通邑大都者固已人人講習之而先生特以
蚤歲成進士敷歷中外已而養高岩穴十餘年所而以其生平全力
萃於詩歌吟咏故尤爲精詣亡前其體自河梁以迄輞川無所不懸
解其世自黃初以迄大曆無所不馳驟其人自蘇李以迄錢劉無所
不取裁茲所傳覆頌一編不佞麟受而伏讀未嘗不三擊節也五言
選體溫裕和平薄大康而上之而五言律爲尤勝如茂林豐草幽谷

長松味之亡窮索之逾遠七言近體情融婉亮兼天寶而有之而七
言古爲尤超如流水行雲迴風急雪排蕩莫測操縱自由他如大篇
長句鬱麗而春容莊嚴而富縟短章孤絕優柔而閑曠逸發而穠纖
卽鼎中一截全牛固已目中大都先生之治詩才高而絜之以法氣
厚而標之以韻骨澹而永之以思情與景適象與境鎔比與彌深而
勛節靡滅蓋卓然自名一家而侈大三世之傳籍第令陸氏兩生見
之君苗焚研之弗暇而敢以三都覆土甌也嗟夫古今所炫稱簪紳
悶閱極於漢之袁楊顧其人菁華不少槩見唐之寶宋之蘇蟬連競
爽而率填坎宦途求其應于仕者一不可得又僅僅一載傳而驟止
以今先生較之通塞久近其果孰與仲多故不佞竊以先生一門殆
造物者陰縱完界詎惟昭代亡兩亘古今罕覩其倫非虛語也而不
啻已也先生從子計部郎天迪方以文辭雄藝苑不佞嘗序其詩謂
閩有兩林員外行且嗣先生之業而益傳之無窮而林之獨盛於當
代也行且不可以世數計敬因先生命序而陳說私所豔慕如右俟

少室山房卷八十二

四

李臨淮青蓮貝葉二葉序

夫絳灌無文隋陸無武才之難兼蓋自古嘆之云廼仲尼稱有文事
必有武備詩歌吉甫爲憲萬邦而春秋美晉卻敷敦詩書而說禮樂
此其人寧亡一二槩見也豈層數盛衰固人材所繇高下而瑰偉殊
絕命世之英挺生間出則造物者亦有時而獨縱其全與僕李少卿
首創五言河梁諸篇上繼三百惜也沒身虜廷摧敗之功靡足自贖
葉師以雄略佐文皇混一縣萬而輓近世所傳兵法龐猥錯雜薦紳
先生罕言之兩君子皆曠代人豪奮迹行伍揆諸二者猶要乎難兼
若此矧世肖勳華身際豐亨豫大之朝而坐極膏粱都冶之奉卽父
祖箕裘置爲長物而詞章瑣瑣奚足以云此余上下數千百年而不
能無心折于余友李惟寅氏也惟寅故岐陽家嫡髻髻從尊大人楚
游白雪山房一編海內喁喁亟稱壽和既用才請受知當路宿衛羽
林慨然遐思述古作者與余輩結社華陽當代大家名流瑯琊歷下

武昌新蔡長興南海之倫朝分廷而暮造滕而尤喜折節寒賤士士
挾一長操一曲靡不躡屣而走臨淮嘉隆慶曆之間風雅大弘詞場
四闢上自王公下訖章布洋洋纒纒同聲合轍咸惟寅作新振起之
即古鉅匠宗工身關事運隆汚者曷尚焉迺惟寅迄未嘗以文事謂
武備自居督府守陪京極而位元戎列師保百萬之眾操縱掌握登
壇慨慨宇宙肅清當西夏弄兵東夷竊發中原士庶岌岌皇皇惟寅
坐鎮廟堂聲色不動而長鯨折角羸豕獻俘窮髮頭會匍匐請命即
古重臣元老身係社稷安危者曷尚焉迺惟寅迄未嘗以武備報文
事功名日起閱閱日崇九域之人望焉而震而吐哺結襪念弗少衰
花晨雪郊大集名勝據胡床而揮彩筆一篇一咏甫出而人爭誦之
以及羽書紛沓尺素淋漓頃刻百函交授並發今其製作大都哀成
巨集若青蓮貝葉一囊可較觀已其格也典邕和平而盡削巉崖詭
峻之狀其調也清融亮節而一掃尖纖浮曼之風其神情之來颯如
翼如如登九成之臺招闐風而飡沆瀣其色澤之傳温如燁如如入

少室山房卷八十二

五 夢 選 虞

萬花之谷濯春月而坐冰壺讀之而冷然大雅之音翫之而雍然泰
和之象明一代詩求絕去宋人唇吻而一稟于大曆開元者舍惟寅
將騎歸耶蓋語文事則篇章接軌隴西而勳勞運邁語武備則韜鈴
比蹤衛國而藻繪彌光非所謂瑰偉殊絕文武兼資崛起于珥貂橫
玉之中而併包乎垂紳貫札之業若春秋雅頌所稱述三軍司命萬
邦爲憲者否耶然耶余與惟寅交總角迄今逾三十載人謂知惟寅
者世莫余若而余亦謬自謂能知惟寅因二集之成而備述其生
平梗槩如右後世子雲者作庶幾哉以不佞爲知言雖然余之知惟
寅與世之豔耀惟寅特功與言二者其篤而論之謂深知惟寅未也
惟寅宿根天植少即棲心玄寂皈依太上之初故所居齋閣一以青
蓮貝葉名之其意旨較然可觀異日者履脫浮榮出函關而化西域
即山河大地彼且一切空之而奚有于二者噫嘻淺之乎余之所以
知惟寅矣淺之乎余之所以知惟寅矣

瑞雲樓藁序

自昔名世偉人肩將相文武之業者蓋莫如漢之諸葛武鄉迺唐宋
以還胡寥寥弗遘見也逮明而吾越兩文成後先並起括蒼劉公伯
温以雄略翊真主而以其餘事借高陽輩振一代風雅于明初會稽
王公伯安以雄略載大艱而以其餘事借李何輩振一代風雅于明
盛余嘗慨慕兩公冀一爲之執鞭弭而阨于世代之弗相及而猶幸
得交王公之後若今通侯世叔君者余讀其瑞雲樓藁未嘗不三嘆
息云世叔爲伯安先生家孫著書即以清標令望照映蟬冕嘗遊近
不佞李惟寅第中恍然天際真人令人俯仰自失稍長輒以弓裘自
奮居恒有馳伊吾絕大漠之想凡所爲挽強執銳披堅躍駿介冑之
士見謂縮鵬難勝者率道之談笑間既身襲龍陽公封以列侯督樞
筦重江防其雄才大略若龍泉太阿陸試犀兕冰試蛟鼉投之所向
若然理解天子亟心異之未幾遂有總理漕鎮之拜國家西北九邊
數十百萬之眾朝夕待命世叔建朱節震華鼓舳艦載道芻輓如雲
廷中翕然擬之長城大樹迺世叔不惟韜鈴冠世而問推其餘力于

少室山房卷八十二

六 夢 選 虞

文事尤矯矯絕出一時每臨江而橫槊出塞而據鞍分關而運籌登
壇而仗鉞以至留賓西第乘輿南樓坐嘯霜空輕裘雪夜與會所觸
一發之於詩歌若今黃君說仲所校輯瑞雲樓藁特其鼎中一載已
余嘗受讀卒業竊以世叔之詩揮酒性靈洵浣風骨思深以遠緒密
以清于情靡弗達而禦之以格于景靡弗會而諧之以調于境靡弗
探而裁之以法于體靡弗備而標之以神莊嚴而清廟明堂華重而
大弓寶玉婉暢而行雲流水奇峭而白鶴朱霞纖穠而芳草落花閒
澹而長林藜薄蓋世叔於詩歌絕去彫鏤刻削浮曼兒女之態又概
不爲半慳憤鬱無病呻吟之詞而一稟于三百篇十九首優柔平中
之餘韻真瀟瀟乎大國風哉無論諸徹侯中遊焉寡儔藉以韋布苦
吟之客挾其一技以與王公大人爭千秋萬世于身後者其能德色
所長以自侈于世叔否耶異時近述遠宗屹然爲東南赤幟伸吾越
兩文成故武有所恃以永永弗墜匪世叔而曁其人耶雖然伯温氏
啟運國初高楊諸子大都因襲元政伯安先生崛起弘正間李何甫

治業已游精太上駢拇藝文故嘗竊謂兩文成勳伐品流誠超百世而詩歌猶若弗能無待焉者今六台為家八荒重譯即世叔雄才大略姚燮兩公亦將局於時之亡所賦獨聲律自嘉隆再造幾奄黃初寶曆而有之當此時氣運之隆較前人不翅倍屣而世叔夙以鴻篇鉅藻驚弁州之座且春秋鼎盛中嘗慨然自下若溟渤之受萬流彼其稅駕之所余惡得而規諸日新富有望斯道之上乘主風雅于一代視兩文成之世奔奔乎有光焉世叔所躬自期待意在茲乎將相文武之業行且于其身卜之而胡以云唐宋以還寥寥也

西湖百咏序

武林山川勝絕錢塘天目等區為東南遊賞甲而西湖之韶觀積麗尤震旦國第一觀澄波鏡空萬頃如席外環三竺傍峙兩高玄宮梵刹四百八十金銀丹雘照耀其中恍惚窈窕真殆匪人世始余讀穆天子東方生書輒謂寓言亡當比周歷湖上迺知方壺員嶠聚窟閩風諸書所談境界即此而世人弗嘗類馳想于大瀛窮髮之墟致足哂

少室山房卷八十二

二 夢 選 虞

也自秦并六合祖龍車轍幾遍域中廼燕楚晉梁往蹟眇觀而吾越遺事簡冊班班藉人口吻得微以神仙藪穴靈藥易求故耶古今題咏香山眉山兩刺史而下充棟汗牛田氏志餘蓋嘗備載願前人所賦或總挈大凡或標舉尤最湖中景物孰漏滋多迨今黃刺史禹鈞百咏出而毫髮無遺憾矣禹鈞故富才情饒纂述筮仕一州意有弗欲翻然拂衣邁往大業樂武林風土妍美遂定居焉紫陽之麓咫尺大堤花晨月宵風天雪地日從二蒼頭挾筭囊棹舴舺沿泗六橋孤嶼間嘯咏敲推積成卷軸其色理之清華風神之道感若苧蘿夷光明妝被飾亡問雅士凡流瞥見心醉即兩芒鞋未踏武林而領略茲編湖天勝槩戀戀懸諸凡杖矣古今三刺史時代相去亡慮數百秋而遊麗品題若符節合不亦大奇事哉昔太冲屬賦士衡擲楸比三都出而平原之色為之矍然動余頃攜家亦欲效觚管于湖上蓋僅成十咏者再乃禹鈞材高足捷迺為所先卒業是編大令人妬然余故未嘗以儉父目禹鈞而百咏之王亦無庸色動于既成之後余亦

敏之前編竊謂過於士衡矣

少室山房卷八十二

入 夢 選 虞

少室山房類彙卷八十二

徽水胡應麟明瑞著

序十首

范浚先生集序

發自劉駱兩才人肇興其後迄以文獻甲寓內惟吾邑據臨閩楚粵水陸之衝山川之秀發林麓之宵眇巖壑之瑰麗風氣之淑清迥出諸邑上而上下數千餘載僅貫休氏以浮屠稱詩唐末五代間而著述遂亡一顯者其以著述顯而遺集迄今傳于世實始自范浚先生先生生宋南渡及考亭朱氏游考亭嘗過先生而會先生出顧案上得所撰心儀讀之大擊節賞嘆手錄以歸今附載孟氏書中是也是時郡人陳同父以氣豪一代而尤尊事考亭考亭與同父論學往復劄動盈卷軸縷縷不啻數萬言皆抨駁不少假同時橫浦張九成金谿陸九淵輩並負海內聲高位置持其說不相下考亭一切攘斥為異端距之弗遺餘力而獨先生迺虛懷茹納若此蓋自伯恭敬夫二

少室山房卷八十三

一

大儒外復弗再親者即先生學術醇然度越餘子可弗問知也先生生平所著述甚多多散軼今存者尚二十卷余讀之其于道德天人之際深博矣其詩文不甚概于古其持論甚破窳而才藻辭令奔奔足以發之非離配守章句椎樸俚儒比尤慷慨好縱譎天下事所上皇帝諸書及李富兩柄臣啟抵掌萬言率引喻古今洞達彼已鑿鑿可見施行至傳程義說李孝逸志徐微猷雄辨瑰略百折弗窮而忠義激烈浩然之氣誦之猶若淳鬱于簡編而飛動于翰墨是又足規先生肩抱之奇偉匪槁首山澤銳于忘世者也俾南度君臣一聽其言而委之以國必載造式微之宋而起之而徒以空文託諸異代可悲已乃先生所陳策雖廢弗售而遺集流傳自宋迄今行且與劉駱兩公後先不朽則造物之庇于先生固遠且大其亦無足悲者矣胡應麟曰余蓋于范浚先生為後學云余嘗及過其故居即今集所錄名香谿者范先生聚族居谿上兄弟同氣凡十人九人皆登制科躋庶仕獨范先生以布衣終其身而獨以著述顯今去宋南渡紹興僅

數十世而九人者之名卒而問諸范氏之子孫莫能一對而范先生集爛焉為吾邑寶玉大弓而九人猶得以科名自列于後復于茲集乎賴焉於戲輒近世夸毗之子往往挾腐鼠以嚇鷄鶴其弗思亦甚矣夫吾邑自范先生前歷數千百載未始有以著述顯者而有之實自茲集始而余猥以後死而得與於茲也則夫茲集之序非余序之而誰也

吳中往哲圖贊序

大司寇弇州王公圖吳中往哲遺像自先世兩司馬外起高太史季迪韓襄毅永熙葉文莊與中吳文定原博王文恪濟之至祝京兆希哲沈處士啟南唐解元伯虎徐迪功昌毅王太學履吉李太僕貞伯劉參政欽謨楊禮部君謙都少卿玄敬陸太常浚明桑博士民樺黃孝廉勉之文待詔徵仲陸少卿子傳王吏部祿之蔡孔目九達俞山人允文皇甫司直子安司勳子循凡若干人人為傳傳為贊而虛首簡俾不佞應麟序之吳之為國粵自商泰伯至德建邦遠矣春秋之

少室山房卷八十三

二

世閭閻以功札以言皆嶠然懸炳竹帛若伍行人之忠孝義烈言吳公之文學精華厥厥厥厥言尤非末世人材所及漢唐而下雖才代不乏律以商周或少降焉至于國朝而吳中人才之盛斯極槩觀司寇所繪茲圖瑚璉瑑人龍天驥可歷指數也不佞嘗讀太史迪功遺集則私衷勃鬱恨弗一當其人執纛鞭弭之末至襄毅文莊之勲名希哲啟南原博伯虎履吉濟之微仲諸君子之才藝烜赫乎旂常而縱橫於毫素流風稔澤百世而下尚猶使人矍然興奮然起獨其體貌之瓌奇神明之煒燁儀觀容止之肅穆而恬愉散朗而逸邁者業已借腐草木化為塵埃矣夫以不佞之生去諸君子僅數百載一旦而過吳物色其里閭而推求其屬胤尙有弗盡獲者而矧乎其與人偕逝石火而電光者也迺今入弁圍拜司寇揭茲圖而諦觀之曾弗崇朝而三吳先哲鉅公偉人俊士一目而在吾眉睫恍乎聚首乎丈室之中而儼乎交臂乎一堂之上所謂瑰奇煒燁蕭穆恬愉散朗逸邁者往往並其人得之使人羹牆寤寐之念勃焉飛動于尋

謙丈素願戀徘徊而弗能自己司寇之所為顯暴前修而發揚潛懿者心甚盛哉雖然茲圖于吳中先達備矣而揆之太上不佞猶以非其至者司寇起諸君子後鴻德駿猷懸揭海寓而文章之盛絕出古今遂舉明一代製作而商周之蓋東南千古大觀至是而後極非可以吳中一方槩也異昔江左名流有若曹不興顧虎頭輩以冠世之筆寫先生茲圖之末以附列兩司馬後後學泰山北辰之仰將于是乎在太史廸功諸君子且側席避矣鄙劣弗文公命為序僅識所規測一斑而并發明斯義于末簡蓋當今已有定論無俟議之百世也

增校酉陽雜俎序

志怪之書自神異洞冥下亡慮數十百家而獨唐段氏酉陽雜俎最為迥出其事實諸宕亡根馳騁于六合九幽之外文亦健急瑰邁稱之其跡諸志怪小說允謂奇之又奇者也唐會昌而後文章衰蕪弗振極矣成式與溫李輩同時其才力豪勁特與杜紫微類而學術遠

少室山房卷八十三

三

過之惜其亡所用心而託好于是殆滑稽俳笑之雄耳然非是亡以挾後人之好而永傳不廢至今夫世固有享大名顯當代製作盛行身歿而其言繼之混焉借草未腐而小說志怪之書即筆力遠出雜俎下迺遺籍什九爛然而其人之才氣豪勁素奇於文而製作未繇考見者尙因小說之傳而獲觀一斑則段氏之託好是書要未可以盡嘗也昔杜征南勒文于石率一置山上一沈水中以豫防陵谷之遷毀其苦心為身後謀可謂備極至于石有時以泐而征南之術于是遂窮然則欲為不朽計誠亡若著述之足恃而著述傳與弗傳又未足以盡憑則亡若大肆其力於遠且難而小見其能於近且易則好之彌眾而其傳可必于後則雜俎之流是也故大丈夫志於立言固當以刪詩書制禮樂為首務六朝張融見本傳而業成之後間一染指于斯俾吾之不朽于來世可以萬全亦豈非征南勒石遺意哉段氏書近多雕本而魯亥殊眾師儒老宿弗易微又缺漏幾過半余谷居孔暇稍稍據廣記校定之并錄其所謂續編通三十卷藏篋笥中弔詭

士且暮遇將羣起互傳之若其為說致詭誕不可盡信則余業蔽以滑稽俳笑之雄君子母求備焉可也

羨蒼漫語序

自仲尼出而六籍傳自六籍湮而諸子作不佞幼則沈酣四部博考古今竊謂子書之變大槩有三春秋戰國文不在經而在子子不在儒術而在百家漢晉而下文不在子而在史子不在百家而在二氏唐宋而下文不在子而在集子不在二氏而在諸儒故夫戰國而上之為子者子以文唐宋而下之為子者子以理蓋文與世污隆而理弗以代為升降故也明興而子以文著則劉青田之郁離崔相臺之士真以理顯則薛河汾之目錄羅豫章之困知自餘彬彬未易指屈慶曆以還談文者盛紀述談理者眇見聞著作既訕焉迺今讀羨蒼先生之為漫語也庶幾乎刺文與理有之矣先生英質絕人弱冠穎脫舉乙丑上第出宰吾蘭泊平之績為一時最中履歷清顯車轍所接頌聲塞途一旦移疾山中却掃閉關盈十餘載既以朝命強起分

少室山房卷八十三

四

部嶺南暑面挹羅浮背枕太庚烟雲萬變吞吐胷中默照靜觀神動天解凡宇宙之窮際元會之運行陰陽之屈伸以及聖賢賢詰之訐謔皇王帝霸之經略極而草木昆蟲幻萌蠕動之微瑣鬼神僊釋之怪迂亡弗洞極其要歸而燭鑑其情狀隨所得而筆之書而未嘗以示人也蓋先生中歲好道絕去一切驚名之念淵通綜練不沾沾為博閱深瑰傑不岳岳為高故其為漫語也交不必戰國諸子而有今之人所難及者理不必趙宋諸子而有昔之人所難言者其傳而之于後世也斷乎其亡惑也是書業已為倪司理強而出諸帳中屬之制氏矣郭生時騰復謂余髫髯時先生所識拔士亡一言跋諸末簡弗可也輒因其請而以鄙說敬質之先生

百家異苑序

自漢人駕名東方朔作神異經而魏文列異傳繼之六朝唐宋凡小說以異名者甚眾考太平御覽廣記及曾氏陶氏諸編有述異記二卷甄異錄三卷廣異記一卷旌異記十五卷古異傳三卷近異錄二

卷獨異志十卷纂異記三卷靈異記十卷乘異記三卷祥異記一卷
續異記一卷集異記三卷博異志三卷括異志一卷紀異錄一卷祖
異記一卷采異記一卷摭異記一卷賢異錄一卷他如異苑異聞異
述異誠諸集大槩近六十家而李翱卓異記陶穀清異錄之類弗與
焉今世有刻本者僅神異述異數家餘俱弗行迺其事大半具諸類
書鄭漁仲所謂名亡實存者也第分門互列得一遺二雖存若亡余
屏居丘壑却掃杜門無鼎臣野處之實以遺餘日輒命類生以類鈔
合循名入事各完本書不惟前哲流風藉以不泯而遺編故帙亦因
槩見大都遂統命之曰百家異苑作勞經史之暇輒一披閱當抵掌
捫腹之懽昔蘇子瞻好語怪客不能則使妄言之莊周曰余姑以妄
言之而汝姑妄聽之知莊氏之旨則知蘇氏之旨知蘇氏之旨則知
余類次之旨矣

赤松藁序 今名華陽

赤松子者神仙傳所稱皇初平叱石成羊事舊矣迺劉氏山棲志則

少室山房卷八十三

五

以赤松爲雨師何也夫雨師本列仙傳炎帝時赤松非皇氏弟兄明
甚第孝標博極羣書其說或有所受神仙傳出葛稚川列仙傳出劉
中壘晉與梁世代相去不遠其時書無刻本稚川所錄孝標未必見
之列仙籍曰中壘而文匪兩漢要亦晉人僞稱成不足據惟留侯辟
穀從赤松一語可徵蓋二傳皆因是附會而孝標流寓紫微遂與茲
山共做天壤則人間世所謂長生誠在此不在彼其有無無足辯也
第茲山穹窿延袤雄峙東南朝真冰壺雙龍三洞天幽深窅絕往往
人迹罔到固宜有仙靈宅之余束髮慕孝標比年病困枕席儵然有
輕舉遠投蜉蝣蟬脫之想因自呼曰石羊生將棄室家負瓢笠遍行
金華窮谷中物色其人賴天之靈間有遇合卽留侯所從中壘稚川
所傳第居一焉亡弗可者否則蹤迹孝標託棲遺宅異時獲以片言
並峙茲山例諸不朽安知三氏者所云赤松不借僕而四乎因首綴
茲篇假以名集而略陳其意如此云

養病藁序

不佞客歲之秋奉命家嚴治裝北上朝辭灑水夕次武林角弓遊疑
寒疾陡作始於膝理旋中膏肓一暨恣其憑陵二彭邈相侵擾驚風
同乎宋鶴喘月甚于吳牛涎及孟冬舟抵瓜步褰簾并廢非赤松而
辟穀五旬藥餌遍嘗類秦穆之復甦七日猶以簡書載至龜勉前發
抵淮廬盡入沛春初適大司空有事河渠築堤濟上舟航阻絕行旅
不通車馬紛紜咸從陸道而余蒲柳之姿不任霜露蘿薜之性屢夢
林泉昔人與盡刻嶽尚言何必覓戴冠以三折之肱扶再履之足涉
太行之險斬定遠之封哉夫孝大於顯親顯非必于三事行隆於養
志養有出於萬鍾且也惟疾之憂遠避之戒諄諄尼父詎曰空言吶
於寬閒敢於廣其萊彩用代貂蟬菽水是克牲醴奉大椿而借樂樹
萱草以忘憂取義達生喻言卒歲斯亦可矣爰再初服言返故棲感
遇述懷減綴茲藥靡慮小道貽誦大方筆研未燭聊復爾耳

唐詩名氏補亡序

唐詩之盛無慮千家流傳至宋半已亡逸度南而後諸家所蓄僅三

少室山房卷八十三

六

百餘蓋五百之中又逸其半矣今世傳百家唐詩十二大家二十六
名家益以單行別刻幾百數十而已余夙嗜藝文至于拮据唐業頗
極苦心購募殘編鈔勝秘錄之外凡散見諸書附載羣集稍堪卷軸
靡不窮蒐總之不盈三百之數間閱宋人書目有製作至繁而字里
行藏遺無可考者嗟夫昔之文人學士平生精力咸萃茲途當其馳
驟名場飛揚藝苑雙辭之懿半簡之工咸以紙貴雞林價傾洛下孰
不懸衷結念宇宙自期詎意零落異時遽同草木鴻函鉅橫散若晨
星充棟盈車鞠爲黃壤此太史所以躑躅於名山元凱所以歛歎於
片石者也夫一綫尙延千秋如在善存後死忍沒前規因據三史藝
文五家經籍以及列傳野記之中凡遇編名輒加摭拾爰除複雜融
會有無具列兼收以貽同好夫載籍云亡姓氏昭灼後之君子披覽
斯文與言藝哲儻可以慰作者于九原邈遺風于百代如日踏駁消
亂速朽爲宜則杜季以遺例應焚鄒余固亡所容余喙矣

齊之藁序

芝之靈干羣卉也則古以瑞稱矣三秀之柯燁燁煌煌陳於合宮薦於清廟肖其形摹其事而侈諸四方即五尺童子有弗徵其瑞者乎而吾以芝之靈也匪僅瑞于一世已也厥有大於是者焉增城閩風玄圃羣玉諸洞天福地絕真之巖無底之壑日躡月英磅礴輪囷勃然而芽蒼然而苗如道家者流亟稱五芝之屬樵青牧豎所不能窺達官貴人所不能逢而明王帝后所不能必致惟列仙羣聖時得茹之壽至與元化相畢此其瑞固以百千萬世計者也而匪僅僅焉瑞於一世已也厥今之業儒者起佔俾奮賢科往往績三載之勤乘一戰之捷大者君剛成侯平津次亦序鴻鴻駭駭驟經綸際九域而龍敵橫八荒非芝之陳合宮薦清廟而五尺之童共徵其瑞者乎周之雅魯之頌楚之騷漢魏晉宋之樂府五言唐之歌行近體絕句作者人與代偕逝並還而姓名族里亘于今而為烈彼其帶礪匣鐘鼎餽而片言隻字之懸于大造愈久而愈無窮若是者將無列仙羣聖所茹之芝百千萬世以為瑞者也噫瑞而計諸百千萬世幾於無何有

少室山房卷八十三

七

之鄉廣莫之楚騷語之乎少年銳進之夫彼執以為敵彼執以為對將羣然而諱而謂而悔而執從信之蓋余讀余郡張生詩而異焉張生用善于宋太史公為同里瑰葩逸藻挺出于輩流甫弱冠稱詩成快而命以青芝是固弗沾沾一世而斯瑞于百千萬世者也匪直惟弗詳且謂且悔而已余讀生詩一再過光燦然而幽色黝然而蒼味冷然而神雋然而旨厥有當于芝允矣輒因其請之力也而序以復之

二西山房書目序

自羲皇畫卦書契肇興周衰仲尼轍環列國退而定六經程百代說者以為墳籍之始余考緯書古文開闢以至獲麟蓋三十七萬餘歲云諸史如合雅禪通之屬絡繹繁夥至帝皇封禪文字萬有餘家仲尼觀之不能盡識則上古之書其數不可勝紀後世通謂三代以前無書可讀者不深考之過也秦不師古燒燬詩書項氏繼之咸陽三月先王典籍實始蕩然漢興除秦書律武帝表章六經諸子往往出

於破壁壞冢不數十年而劉向氏七略遂至三萬五千餘卷非古人述作素盛故撥拾煨燼存者尚如此哉王莽之厄至於東京班氏藝文視前僅三之一厥後魏晉六朝兵革動靜煨燼收不盈七略之數元嘉中謝靈運總萃書目六萬餘卷齊主儉所錄萬五千七百卷梁任昉二萬三千一百六卷昉並稱博洽與靈運時代相次不處多寡殊絕蓋靈運總萃一時所藏而昉儉芟除重複故也隋嘉則殿藏書之富至三十七萬餘卷其正本亦止三萬七千惟開元帝累葉承平異書間出一時纂集及唐學者自著八萬餘卷古今藏書此為極盛趙宋諸帝雅意文墨慶曆開崇文總目所載三萬餘卷累朝增益卷不盈萬宣和北狩散亡畧盡至淳熙四年書目成乃得四萬餘卷蓋歷代帝王圖籍興廢聚散之由大都具矣夫以萬乘南面之尊石渠東觀之富通都大邑之購求故家野老之獻納而累朝著錄不過如此蓋後人述作日益繁興則前代流傳浸微浸減乘隙除遺得此數理勢自然匪力所強也至薦紳先生博物君子收藏遺書若

少室山房卷八十三

八

張華之三十乘任昉之四萬卷鄒侯之三萬軸宋公垂葉夢得尤延之代稱玄富夫略相當若漁仲氏之志略端臨氏之通考則又藥錄前人不必代之所有家之所藏也余嘗總覽歷代藝文以及諸家所錄而參之當代經則十三家註疏外丁孟夏侯傳授僅著空名其餘六代以遺流傳絕少惟宋儒諸說盛行海內大槩存者十三史則二十一一代類梓於太學單行於各州編年自荀悅袁宏至司馬朱氏不遇數家而諸起居註實錄野史之類傳不能半大槩存者十五子則老莊列氏外宋鉅關尹淮南呂覽盛行星曆讖緯間多湮沒而漢唐宋諸小說紛紛然畢出傳者殆十之八惟詩文諸集六代以前甚寡唐宋至今迺始大盛而最不易傳即唐詩八百餘家宋人有得五百家者余方極意搜訪手鈔筆錄僅得二百餘家文集則唐以前存者不過數十家而宋元諸名公不必能文之士皆有集行世迨今尙數百家而國朝尤盛蓋世代遞近然也余自蚤歲營心載籍累錄積寸至四萬有餘卷雖今人所自為書居三之一儻有以釋道三藏來售者

盡壽有邦之產以當之則余家所藏幾可與前代等不可謂非布衣
之幸也第凡物盛必有衰聚必有散即前代帝王名公鉅儒竭天下
之力蓄之而一旦且散軼而不能保則余今所得庸詎可據爲已物
因略敘其意錄四部書爲二酉山房書目藏於家

少室山房卷八十三

九

少室山房類集卷八十三

澗水胡應麟明瑞著

序六首

大中丞劉公奏疏序 代臬長梅公

萬曆乙未春河間劉公奉命以大中丞來填越公至則周視境內而條畫其便宜凡先後數十百疏先後數十萬言詔一一報可越三載威惠誕敷瓊海以東鯨鯢之屬竦息待命于是藩臬庶僚某等咸請公頒刻所上封事揭四裔而垂千秋不佞得以伏讀卒業嘆曰猗歟盛哉文章之用其最鉅者宜莫如經世之文其最鉅者宜莫如奏章唐虞三代都俞一堂亡論漢則賈太傅之治安偉矣顧其言弗効于用甚且弗能一日安其位于朝廷說者謂長沙通達國體王者之佐而立談太息則自用其才者非也唐宋以還其人之傑然名世而疏草之燁然名家者亡若忠宣陸公文正范公迺陸公生唐季運身際庸猜晚輯方書以避讒構君子弗能亡憾於其君范公當宋用

少室山房卷八十四

選

兵西夷跳梁先憂後樂卒爽成言君子弗能無憾於其國兩公而外卑卑載籍古今名實罕覩其人若夫肩皇王帝霸之猷事神聖英毅之主際鴻龐熙皞之會而樹備無前之烈者舍劉公奚適焉不佞某謏劣無似無能為公役萬一第讀公封事而知公有大造于越者六事曰覈吏治也曰振民窮也曰練師徒也曰肅戎政也曰汰冗濫也曰郵災傷也嘉隆以降吏不迹古窺囑成俗愉情相師戶口僞增薰蕕錯列公於是有覈吏治之疏錢塘具區海寓樂土歲比大祲重以疫癘流萃枕藉蒼赤嗷嗷公於是有振民窮之疏會稽甲桶觸關成風暴隆日久縱弛潛滋卒弗服習將且予敵公于是有練師徒之疏勾踐遺教君子六千一二狂狡脫巾潢池首惡就金餘孽觀望公於是有肅戎政之疏承平極際姦蠹叢生費出無經吏緣為市詭竄名籍坐糜縣官公于是有汰冗濫之疏全湖居氓枕江抱湖洪水時行灌溢川澤電蠶雜處人不聊生公於是又有郵災傷之疏加以大庭之上萬機旁午時務孔殷朝鮮亟則公有排難之疏日本張則公有

戡暴之疏戎兵發則公有善後之疏鎮使臨則公有豫防之疏自公之開府兩越章亡慮數十百上上亡慮數十萬言大都纏綿于憂國激發于愛君普訊博誼長慮却顧務鑿鑿可見設施而弗為迂遠矯伉之談以詭眾昵俗故上于公之誠亡弗格而議亡弗行亡論洛陽少年即陸范兩公未覩其弗貳弗疑若公被遇於今日也距茲三載大湖東西吏職民懷師武戎戢冗餉畢空天災潛弭風聲震平遐貊而窺伺絕乎近郊匪所謂仁人之言其利甚溥社稷之臣以安為悅者哉且賈生少年銳氣一蹶弗伸兩公陳力富強弗獲久于其道致厥就寥寥簡編公以三十之齡建旌秉鉞而老成持重絕無沾沾喜事之心即方今勲業爛然異時達公之年而竟公之緒寧詎弗遠軼西京近軋唐宋而與周之吉甫同為憲於萬邦也不佞某寤寐三代之英久矣願瀾焉未覩何幸于昭代一遭逢之而于公一親炙之敬綴不腆之詞當左券于琬琰之末

送大中丞山西萬公經理朝鮮序 代

少室山房卷八十四

選

今天下稱極隆盛際矣四荒九域玉帛來王蟠動含靈咸若大造獨倭奴負固窮島包藏禍心比者狙伺鳴張購我藩服上赫然震怒特簡重臣以經理為名提十萬眾張皇境上闕以外若鉅若細聽便宜凡諸罪人務在必得戊戌秋銓曹以員缺上聞上博綜羣議僉謂今大中丞山西萬公威望夙著宜往詔報可公受命趣裝刻期明發某不佞忝公屬僚快覩公被遇上知樹壯猷絕徼外則於啟行之次作而言曰聖天子之以東伐畀萬公也豈不誠為社稷得人哉夫才不虛生變不虛兆故非常之才生必有賴非常之變兆必有繇故瓌璋鴻碩冠世之助非紛紜盤錯亡繇以自致摧陷廓清救世之略非橫決潰崩亡繇以自顯斯兩者其人其事始恒互相需而卒未始不巧相值也不佞恒竊志三代之英而下上其世若成周吉甫為憲萬方尚矣春秋而降卻殺氏之詩書諸葛氏之禮樂蓋彬彬焉彼其人皆絕類離倫文武兼濟出而將入而相定傾頌變業亦如之明德邇隆人才盛極以不佞耳目親記當今之世躬非常之才選非常之變偉

然以七尺軀負天下望如古所稱社稷臣者舍萬公而疇屬焉公生長西陲服習介冑習藝即以備自奮高步詞垣器度巍然若若宗俱勃莫知類軒而下士若渴蹄泮蟻垤具綱畢羅先是上雅知公才拔自曹郎專制一面垂十餘禩狡夷狂噬用觀察舊使超大中丞履任未莽海波澄澈茲東藩移鎮節旄所指長蛇封豕亡穴自藏不佞笑容緩頰第以非常之數窺測天人而知公之樹壯猷威絕傲者匪偶然也倭奴古未釋見陸梁元初蒙古驅混合之鋒乘全盛之勢曾不能折其半鐵高皇帝肇造函夏沿海諸術逼置重兵慮深遠矣俄而望海竭之捷屠株靡遺嘉隆以來實始滋蔓吳越七閩戰亡虛日適復掩襲我藩邦蹂躪我邊域六師萃止猶揚善鼓戢拒死岩城之中自北虜受盟未有暴戾狎頑劇于斯寇者揆諸世變允謂非常而公適以非常之材選茲運道執言問罪奉行天誅是役也庸詎直撫靖遐方掃除逋孽已哉樓船十萬飛度重溟生縛會豪俘獻闕下列扶桑爲郡縣編窮髮于版圖復千八百國之封疆揚六十四洲之

少室山房卷八十四

三

氛較諸城濶刺瀘水禽獲爾有光焉凱旋之晨勒石大荒紀頌聖天子功德文炳武烈震耀簡編所謂萬邦爲憲吉甫其人非耶所謂才不虛生變不虛兆否耶然耶通公以七尺之軀保中國安危先寓內憂樂當宁恃爲長城蒼生庇爲大厦孟軻氏亟稱社稷之臣匪公之攸屬而繫誰屬耶不佞幸以臬僚朝夕接見奉公教甚久而狎公愛最深是役也既爲聖天子社稷得人慶又爲公奠安社稷以上報聖天子知遇慶敬於馬首之東布斯言高牙大纛下以壯公行色

送鍾天毓歸苧蘿序

余自丙戌罷歸不上春官者凡十稔甲午奉大人命青衫塞術楚楚入長安中則曩時髻髻交游悲歌屠狗之倫什九物化間一二存者李大將軍輩僅僅如魯靈光每曳屐黃金故臺肝衡四望陰風颯然萬里北至若相對歎歎于華陽碣石間嗟夫大馬齒既日益增而前輩風流浸微浸滅若爲得盛年好學瓊邁不羣之士提衡揚抗以庶幾曩昔之諱天即繇此終身吾以爲過之且暮已過今而邂逅鍾君

天毓蓋庶幾其人焉天毓故貴介公子尊人觀察公歷仕通顯登實彪炳一時天毓少厭芻梁凡世所趨趨狗馬子女玉帛諸好意所嚮宜亡所弗極顧一切掃去而獨沾沾以不朽自期弱冠身所師友既已盡越之雋豪而猶以未足居恒念大丈夫生明盛操七寸管樹百代稱必游道盡一世而後亡遺憾惟是皇都四方之極而太學又四方賢士所走趨吾方欲盡交一世獨奈何局促轄下以不貨率妻子耶亟長跪請觀察公從二奚奴東書攜簞下金陵渡揚子擊楫長淮大河馳騎東北走青徐齊魯衛趙之墟所至發爲篇章盈篋盈笥既抵燕市入成均公卿而下列署之英六館五陵之彥嚮慕之如饑渴就之而發其積蘊靡弗恍然自失日鍾君信盛年好學瓊邁不羣士也君既度爽神清尤敏妙饒能事行草瓊鸞琴奕多所嫻習而實益甚精高辛穎頊夏后之鼎彝柯亭之材亦董之治漢碑唐碣五代宋元鍾張顧陸吳李米趙楷墨綉紫之遺一望而核其真贋緣是士益嚮附之出其下通君雅不以自多日鰓鰓然以弗獲盡交當世

少室山房卷八十四

四

爲憾一日與余把臂通侯宋君座而喜可知也詰旦踉蹌攝衣冠伏謁余寓日英不敏越中豪儔無所不締交願獨弗能得之胡先生頹天之靈長安中望見先生顏色先生幸卒賜一言既英垂棄以親觀察公於生平無遺憾嗟嗟天毓不佞故嶽崎歷落魁也世所稱狂而可笑宜莫余若者子獨惡所見而樂聞其言而驟欲得之自余三上春官而幾幾種種燕市悲歌屠狗之倫什九物化亟思獲一盛年好學瓊邁不羣士與游迺吾鄉有天毓其人而又雅好余若余則惡能以默默也天毓行矣都人士業皆有言爲天毓壯行色不啻和璧夜光惟是鄙人之言詭焉以糠覈先之觀察公驟而讀之其能無掀髯喙耶雖然余與天毓家相去僅五百里而遙異日者操扁舟負瓢笠訪天毓苧蘿之下彼姝之子翩翩然出而迓焉即曩時擊筑屠狗之倫羣起要余余弗與易矣余且從天毓老矣

壽郡伯張公五秩序 代陸太史

萬曆十有一年甲申六月實維大郡伯桂林張公五秩初度之辰諸

邑屬吏汪君可受輩謀祝公遐壽躋於大椿冥靈以仁壽當世則相率問序於余余不文不能稱公壽願竊從諸大夫後窺公所為治葵與葵人所為祝公而卜公獲算于天未艾也夫今之太守非虞廷所稱牧伯周諸侯漢二千石哉坐黃堂駕五馬裂千里而為封疆秩貴倨至亡二也願守之秩于民若甚尊而守之職于民則甚親晨興坐堂皇閱簿書發號令午而聽訟獄一政失環一郡氓庶怨咨之一政得環一郡氓庶愛戴之愛戴之弗已則羣起咏歌之又弗已則羣起祝頌之故夫仁逮一鄉者頌止于一鄉一邑者頌止于一邑守之仁則一郡之民于萬姓之口同祝而斯其壽者也以千萬人斬一人之壽則壽雖諸福之首造物者亦靡得而斬其算矣太史氏曰以余所觀記于今良二千石張公厥其人哉張公用經術起嶺右服官南昌治平為天下第一入拜臺御史所在捐小苛崇大體務矜惻廣恐懷至解剝忠邪振飭紀法則風裁稜然山立岳峙弗可奪卒用此失當事心謝病去天下望公為祥麟威鳳而公終不忍抱其仁民之具小

少室山房卷八十四

五

試而藏于一壑一旦竟驪然出上方念葵越東巖郡非公莫可輒以葵八邑界公公始下車趣行郡觀學舍庫陋嘆曰葵為文獻藪庸自沈隱侯以風流倡唐宋勝朝代有其人國初文士雄跨海內而胡近寥寥也則葵校之地非耶爰相厥宜建鳩工庀材新之不日且為會城中羅一郡之秀而月課其殿最士自是喁喁嚮風矣則又以為紀綱之淪敷絲胥隸之作姦也于是汎狴犴肅科條畢慮殫精旁晚却顧爬搔盡穴遏絕倖門大猾巨狡奉法惟謹則又以為左右之售欺絲賓旅之壅遏也于是繕輿梁飭郵傳一命而上通刺請謁握髮倒屣發膽露肝八荒洞如蒞隱畢達而又以其間勸農桑行賦稅訪耆碩郵孤養挫豪彊格鈔竊蓋張公之為葵曾不再歲而士奮于庠坵飽於野旅優游於途貪暴革盜賊屏縉紳作氣諸執事師以成風太和之象旁皇四境樂惠之聲浸淫九野公之仁無所冀于葵而葵人沐公之仁不能不頌公而快觀其壽而造物者亦不能不為葵人而陰以上壽昇公天子旦夕用頴川故事徵公入禁庭筦樞輔公之仁

一郡者且將擴而仁天下而公之壽亦且將由五麥而六而七而期頤而五百八千歲為春秋而綿綿未艾也諸大夫仁壽一世之祝意在茲乎抑余有進于是金華之山突兀巖岩穹然造天夫非皇初平叱石冲舉地耶公始稱壽而適守茲土其偶然耶抑造物者有意耶有如公由此極人臣備五福一旦念葵舊游曳杖而尋所謂金華赤松子者余雖老尚能候公朝真諸洞間以快觀犬還之為公有當不啻如大椿冥靈已也於是諸君起再拜曰偉哉太史公之言壽也敬載斯文賜公郡庭為八邑大夫士倡

送大參李公擢楚中廉訪序代

萬曆丙戌冬十月大家宰以湖廣按察使員缺聞於皇帝曰楚幅員遼鉅冠寓內厥民剽輕厥俗獷悍洞庭雲夢大澤間奸宄伏匿竊發責成委按察使非他方比其慎擇大藩之良以往于是吏部上浙大參李公名詔報可時李公職分守越以東三郡葵實公首治地八邑令長方君輩驟聞公行戀戀如奪怙恃相率走書幣太史氏乞一言

少室山房卷八十四

六

太史氏辭弗獲則進幣屢言曰夫諸君亦知聖天子與大家宰庸李公意乎國家防古建官外藩自郡縣而諸司無慮十數而獨按察稱外臺外臺吏自清戎督學而諸道亡慮十數而獨按察使稱臺長按察使之職上之則奉行紀法昭聖天子威命爽靈下之則佐兩臺覈羣吏禁非剪暴劔惡刑弊剔蠹理一省之中數十百萬之眾俯首聽命于三尺之牘其權至崇峻亡抗而其任亦至叢鉅不易勝也世儒斤斤論治體非寬則嚴按察司獄訟視刑書勢不得越嚴而任寬然咎陶理官也重華之命一則曰惟刑之恤一則曰刑期無刑此曷以稱焉夫務姑息禍長厚其弊也選懦無當或靡稱國家任使而工督責習文深武健暴仇任法寡恩即貪夫墨吏望風解綬大憝元慝屏息于潢池之畔謂培植國家元氣何故夫按察之職寬者體也而嚴者其用也仁以郵矜義以剖劔內奉無私外秉至明聲色弗動而訟簡刑清百度以貞豈直惟按察一方執此提衡天下易易耳則李公其人哉李公蘇名進士起家江右始以御史按楚楚人業家頌而戶

祝之既出守吳興備兵海上所歷治行無弗稱天下第一者比分部東越下車之始三郡士民喁喁迴視易聽公日坐堂皇夕引賓客糾効靡事而汗灑鐵心鈎鉅弗施而蹙猾屏迹耳目罔寄而隴畝隱憂閭閻疾苦洞達于函几之上蓋李公之爲治不爲小惠而爲大德不務小察而務大綱寬而有制嚴而弗擾故寧靜和平之福布于令甲播于謳歌卽聖天子燭照萬里大冢宰衡鑑百執咸以楚事非李公弗勝也夫全楚之任非浙東西比而按察使之重加於藩參顧李公視之會不足當小鮮何論盤錯李公第行矣躬其化導何遠弗平勵其風猷何坻弗率彼剽輕者將革而歸厚獷悍者將淬而好禮迨庭雲夢湯湯王澤詎惟永絕荏苒之警寧靜和平之福昔被于越之一方今且洽楚之四境矣雖然茲不佞抵掌楚事耳有如聖天子軫念海內晨下尺一書以臯陶舉公以社稷累公上佐當宁格心之化俾國家刑措不用如成周公之澤庶幾盡究哉則是行也楚實始基之矣

少室山房卷八十四

七

賀張明府子環考績敘

蓋嘗聞之太上有立德次厥有立功次厥有立言夫三者則德也始基之矣匪託之乎言亡以垂百世永千秋德矣言矣功弗効于行事將德爲徒善將言爲徒文夫庸詎可以輕重後先論也要以其二在人其一在天適逢而交構古昔難之以余所親記若今華川張侯蓋獨操其盛者哉侯家世溫陵溫陵才請藪窟賢科自奮往往數十百曹而侯尤名能選于其業戊戌掄魁制義亡弗人人誦者侯自跡彌益敬然以趙宋度南幅員僅三之一而大儒崛起閩遂以荒服配魯鄰明德鄧隆追蹤三代胡紫陽而後繼作寥寥也則苦行湛思枕藉其遺編而握趨其故躅凡域中雅言名理者亡論春根躡躡必虛往而集其長復以當今之世士持學術則攢詞章按詞章亦絀學術是二人者所爲皆過也蚤夜皇皇程古匠詰上邇秦中歷漢下迄唐而一稟之乎風雅之優柔謨誥之渾噩蓋侯以眇然一身交負並荷曰德曰言咸足乎已矣迺侯之器亡弗苞材亡弗繕厥功之首試吾得

諸華川士民又有更僕未能盡者焉華川婺東岩邑其風樸其俗獷其訟獄繁當嘉隆末造數與島夷角壯者負戈老羸轉徙戶口凋閭閻匱壞隍亭傳曠弛弗營侯下車周覽愴焉而會上所遣中貴人適以采鑛至鑛議所繇起者藝諸山皆峭空獨華川南麓傳有金銀氣覆其上浙以東俠徒亡賴甘心奇貨久而中貴人銜上命來眾益洶洶將復釀戊午之變侯推几勃然曰何哉彼所謂鑛者是倡亂之囹也別邑察若斯默弗言焉用令趣上書當道極陳鑛不可敬當罷狀卽罷鑛有他令以七尺軀當之當道避侯議力爭之中貴人役中輟四境大驩侯既沮止中貴人則晨起坐堂皇朝吏役而示之政曰訟之繁也匪民之訐也縣聽之失其平也于是開誠布公屏姦燭幽辭滯囹圄一空前此邑中有大獄株連千家侯訊得其情立破械縱之而以反坐誣者民志大畏無情之詞噤弗敢吐矣侯則曰未也民之獷也吾且以仁讓師之于是享儒先肅耆舊比邑諸黔首而勞以鄉方朔有期望有會歲有稽不逾時而郊圻之內揖遜藹如侯又曰未

少室山房卷八十四

八

也民之樸也吾且以禮樂文之于是隆師傳攬俊髦羅邑諸青衿而劇以藝業日有程月有課季有錄不逾時而里社之間絃誦彬彬如是諷農隙視公餘發贖緩振廢墜弊者便之庫者拓之高者培之下者浚之弗者除之潦消之間久病厲揭大捐俸入鳩工庀材梁成其上萬眾賴焉蓋侯之試邑甫三載而訟息刑清化洽政成百廢具興頌聲佛騰監司徵侯績茂異考上上報銓曹當宁紀侯名姓于御屏之上計日下龍章馳象服顯揚之孝光于四方君子謂侯德立而弗爲徒善言立而弗爲徒文功立而弗爲徒効握三事之全胥不朽之盛垂百世而永千秋若侯者誠瑰邁倜儻振古傑出之士匪有待而興者也不佞踈伏草茹凡郡邑大夫靡敢冒昧通一刺獨于侯忻慕爲執鞭而纂述其行事實于中有深締焉敬因二太學之請而首揭其大如此若夫牛刀之割發矧百里而上之而九列而極之而三公皆侯異日所必至惟是侯生平所任之重者與道之遠者弗與存焉卽沾沾爲華川士民祀要不足以當侯一映也

少室山房類纂卷八十四

少室山房卷八十四

九
選
處

澁水胡應麟明瑞著

序十首

送張參知睿父擢江右憲長序代

高皇帝稽古設官上律三代其於外藩眾建分部之秩所以樹屏翰而寄旬宣蓋卽成周召伯分陝保釐之遺意焉厥爲任至崇鉅也惟我三郡都全越上游而發自高皇帝撫運應天率先歸化故聖心繫屬尤厯特爲置大參知行省于郡城以控制東國非德望穹窿才猷煇爛者例不輕授至滿秩奏遷輒有非常之命所爲報稱勞伐甚殷若今擢大觀察吳郡張公尤其卓卓者也始公由高第列木天博學宏詞中秘無兩上識公稱人以爲古之遺直亟選諸史局俾長掖垣公夙夜矢心言無弗契會愉人挾私搆訐蜚語蔓延天子赫斯玉石咸坐公飄然一筆泝越入閩徜徉七臺九曲放於瑯琊所在以文事飾吏治公餘纂述充棟汗牛代醉一編傳播寓內久之公論益明遂

少室山房卷八十五

以大參知分部東浙是時三郡並以水陸之衝丁疲瘁之候壞瘠民勛財殫力竭游閒掉舌武健操矛猾黠舞文頑嚚聚訟豪強影射屏幪流李公下車周覽四境喟然嘆曰是庸詎可以多事擾也于是建之以悖大馭之以寬柔觸之以眞誠鼓之以信義作之以禮讓期月之間喁喁向風旣而教化流仁孚恥格暴戾而馴狡創而愿貪激而廉懦振而立庫藏實戶口增狴犴空萑苻絕甘棠之陰蔽芾萬家故老遺黎咸以寧謐和平之福數十年所未覩也余待罪輦轂凡奏最都門者交頌公之爲政不繩而聯不約而劑不斤斤而辦不察察而明且也崇祀前修弘獎後學式林泉之考賓山澤之壘盛節高標名言莫罄茲豫章命下臺疏競留白叟黃童攀轅屬路蓋允矣上對帝衷下厭羣望無論庖丁之解全越有餘卽由此躋九列宰百司皆恢恢游刃其于公又奚難焉公治裝在即惟是居發日久故發人德公彌深是行也薦紳逢掖爭致命猶子鳳城徵不佞片言以祖公前道余聞公先君子佐理三衢臍譽名宦仲兄明父氏顯天代母精貫

穹冥公後先濟美忠孝比肩固宜其政績之瑰異不凡也余歲比乞休誤恩未遂目睹公譽命騰輝行且用成周召伯故事入禁廷筮樞軸棠陰之蔽芾三都者益推而大厦四方余雖耄且僊猶能操天祿之管計日爲公頌之姑勒言以當左券云

信州土瓜詩序

信州土瓜奇產也生深林土窟中形質菌蠶類山蕕而色香味絕與梨同至醒酒之功卽李太尉平泉石弗過也余九齡行脚燕市與四方賢豪長者游頗歷塵噉殊珍獨是物未登牙頰仲冬客三衢適李司理以文藝定交夜燕出此驟嘗殊不能辨載詢適知嘆物固有抱靈孕秀而沈伏草莽埋没于山崑者卽以茲瓜之奇上之曾不得借吳柑閩荔貢御府薦寢筵下之復不能如冬薯春菘交布田畦婦人童子咸識其形食其力非好奇如司理則終吾世且無繇親之嗟夫士之遇弗遇亦猶是矣雖然老氏曰知我者希則我貴而物之貴于天下亦往往希有焉然則瓜之弗遇政其所以爲貴也夫瓜也司理識

少室山房卷八十五

之余食之既弗爲弗遇矣而俾其名竟沒没于後則雖遇猶弗遇乎夜歸倚酒輒賦五言律二章以呈正於司理焉

更定九流序

詳九流緒論中
余所更定九流一曰儒二曰雜總名法諸家爲一故三曰兵四曰農五曰術六曰藝七曰說八曰道九曰釋釋古釋家亦附焉儒主傳統翼教而碩士名賢之訓附之雜主飾治揀偏而旁蹊末學之談附之兵主法制權略而縱橫占候之籍附之農主稼穡蠶桑而飲饌藥餌之方附之術主者龜曆算而禽星宅相諸技附之藝主書計射御而博奕繪畫諸工附之說主風刺箴規而浮誕怪迂之錄附之道主冲退恬愉而房中爐火符錄章醮附之釋主經典禪觀而論宗戒律梵唄機緣附之夫上聖哲王之治亡尙六經故首之以儒崇大道也異端衰世之觀咸徇一典故次之以雜覈支流也國所重在戎故次兵以審大機民所天在食故次農以植大命術雖淺數神智工巧之規寓焉故次術藝雖末流弛張游息之務存焉故次藝說出禪官其言淫詭而失實至時

用以治見聞有足采也故次說道本柱下其言放蕩而難遵至齊物我達死生不可易也故次道釋本西方其言荒忽而亡據至明心性破塵幻不可誣也故次釋而九流之事終焉

羅氏路史序

三皇而上若存若亡矣史遷細釋舊聞肇基五帝蓋暴秦烈焰載籍焚如祖述尼經用當前導云爾六代凌夷史才中絕馬貞補傳劉恕外紀語焉弗詳羅氏此編最稱後出迺獨窮蒐珍選劇探幽微圖書河洛之文封禪云亭之蹟旁遠大隧荒林之竊伏下兼頽垣敗壁之深藏片款隻詞一章半策有關前乘具綱周羅遂俾辰放以還燧人而往遐踪絕軌逸事奇聞綴屬森然衆如指掌斯其輟羹謝饋之勞閉戶然膏之力固已至矣迺若靈篇秘笈散見羣書久缺傳流向湮紀錄者率賴是編提攜弗墜後世亦因綜核大都良哉學圃之鄧林詞場之寶筏也特其才高意廣見戾識偏異說放言縱橫亡忌且矜靡炫博鮮所折衷揆厥研摩僅當草創有能整齊筆削勒成不刊上

少室山房卷八十五

三 夢 選 慶

翼麟經下恢馬史則明諸君子有木天金匱之責者當亟爲究心云

賀張侯考績榮封序

海陽張侯之蒞吾邑也下車之始播揚仁風宣導德意暮之歲紀綱飭令甲新越明年大稔農有餘粟夜戶弗扃又明年化洽教諭禮樂具興頌聲洋溢徹于大廷于是大冢宰以考績報侯課上上天子既錄侯姓名于御屏復追念侯篤生所自贈侯父瀛峰先生如侯秩而侯母某太夫人封孺人命下之日士驩騰于岸農踴躍于野商若旅播布于塗薦紳先生摩肩接踵于侯堂皇之上咸上贊聖天子之明而下慶侯與二尊人之遇博土莊君陳君孫君邑佐桂君唐君樂觀盛典相率詣不佞乞一言紀之不佞鄙島足以知侯顧竊視侯政之大而諗侯獲福揚休之未艾也今之仕者釋褐而當一命孰不曰大丈夫當樹無前之烈成踔躡之勲使事功暴一時聲名揭寓內迺愉決人心耳不佞竊以爲非然論治道莫辯于六經載治效莫良於諸史詩稱子民必先豈弟史傳賢吏輒首循良彼庸不知威儀微察多

赫赫之光祿大舒徐爲閭閻之政哉蓋令長之秩于民最邇于下最親故其稱則曰父母其事則曰拊循故惻惻疾痛咸切厥躬焚瘁顛連若蒿而目生之殖之化之誨之斯父母之任已即養有難遂因之勞之教有弗率楚之捷之亦父母之任已世代波流吏不師古特督責爲精明襲轍筆爲教化彼其當時建豎詎不斐然顧黎元氣脈日鏗削而月枯稿亡論三代豈弟之風兩漢循良邈不復覩於天下矣若張侯之于吾邑豈非所謂豈弟循良民之父母者哉蘭陽兩浙上游臨閩楚粵之所籍較聲名文物之所會同舟車廩餼輻輳傳郵案牘簿書旁午道路科徭稅賦訟關爭紛紜轉輸堂署之間蓋東南最巖邑也頃者大役頻仍戶口流移歲比弗登教尼弗行侯始下車嘆曰是胡可以峻法繩而多事擾也視篆之明日大戒于郊與民更始一切煩苛悉宥悉除于是孳孳總離開誠布公集思廣益建之以惇大畜之以寬和鎮之以靜謐作之以勤敏舟車廩餼先事而儲案牘簿書當機而發征徭稅賦斂力而科獄訟關爭平情而聽行之暮

少室山房卷八十五

四 夢 選 慶

歲賓旅如歸氓庶復業訟簡刑清政且有成侯曰未也閭閻未實孰愈流離則躬儉節以先四郊絕苞苴以風羣下潔柔盛以召天和觀樹藝以罄地力精誠布假樹兩應期百穀咸登道塵拾遺侯曰猶未也禮讓弗與曷取飽煖則又申約束以導鄉閭播聲歌以錫俗習敦賢達以示範型一彰輝以昭懲勸德義薰蒸教化大明薄漬而致戾革而仁蓋侯之令蘭至是僅三載而吾邑之民始勃然蘇繼益然足終陶然化即詩稱豈弟史傳循良縣昔揆今孰侯愈者固宜大冢宰徵之民風受之監郡以上考錄侯而聖天子崇褒寵命上逮二親備存歿之榮極顯揚之顯也夫爲民者戴吾父母而邇念吾父母所自生則親侯二親沐崇褒膺寵命而歡騰踴躍播告相賀尤其情所必至藉第令侯以威嚴飭下駭察馳聲即與古趙張衡烈邑之黎民有革面戒心而已欣欣喜色弗謀自集胡爲乎然哉雖然茲特侯始事耳侯博大闊深肩鉅克勝納繁不亂固屹然台鉉器也異時循吏往往由郡縣而入三公聖天子方大蒐牧保之良以風勵海內且夕用

故事擢侯心督之任侯之政將自一邑而四方而二尊人之封將自一命而九命庸詎止自今已哉于是莊君挂君等咸然曰善乎胡先生之頌侯也敬書文綺為異日徵

賀嚴封翁伯孺人錫命序

余讀太史氏書至天道無親常與善人輒擊節其言達于天人之際迺其究歸之問巷之人必附青雲以施於後則未嘗不私竊陋之夫士也砥節礪行甘困窮亡悔要以弗欺其意詎寧有尺寸希冀于天哉卒之天久而定鬱過其始而厚植其終隱約其躬而嘯興其奇身不出閭巷之下而望隆平冕敷之上是之謂無用而用挫名而名太史氏所稱天之報施善人匪虛語也而鮑德焉挾一長於一善苟依託顯重以斬沒世之稱語于狹小丈夫可耳胡以謂善人胡以謂天道耶以余所親記嘉定嚴翁伯諱太孺人益信嚴翁者婺邑侯清陽君尊人也以厥考南阜翁故自稱曰夢阜南阜翁蚤卽世翁甫壯起當戶盡推故殖三孤弟而泮勵其仲以儒顯與人幣達大度把臂詞

少室山房卷八十五

五

肺肝至慈慈惠利好周人緩急尤天性親故迫患難以情告翁輒罄所有輸之坐是家旁落幾廢翁亡毫髮介顏而獨與太孺人勤懃畝自給日夕屢空晏如也而太孺人尤能以德義相翁姑為病躬湯藥視寢視十歲所遇厥獲絕詞諄聲如煙遠近風其德咸相率為孝謹太孺人之好周人緩急一如翁翁平居銳施予比窮折弗自振猶欣然有以相樂皆太孺人為之內也而是時明府君甫髫髻已穎脫羣兒日誦讀數千萬言矣翁願謂太孺人是兒昂昂千里先大人遺命經術教子孫其何敢失墜亟節餽粥館明師課迪之稍不給太孺人簪釧隨其後明府君用是感奮甫踰冠業成以周易試南省試南官連首撥既對大廷授政百里賀者牛酒填里門翁與太孺人顧相對不釋然日見幼未習吏倉卒負任使奈何趣為教賜明府君勉以廉平字郵凡當官務甚悉太孺人亦數寄聲兒為縣第視而翁居家狀毋浮慕赫赫稱明府君敬奉教治青溪治改而治東陽東陽復大治今皇帝戊子明府君報政成大家宰君考上上而後翁伯太孺

人喜可知也曰審爾吾夫婦高枕亡慮矣天子既內嘉明府君政績詔推其爵爵二尊人命下與鄉族姻婭慶于閭閻父老吏氓慶于邑咸噴噴嚴翁有子而明府君以大孝揚其親于是二時同官更方君輩幣而誌不佞若翁年家子詎容無一言紀之夫夢阜翁用布衣起閭巷皇皇仁義如弗及豈其養奇吊詭苟附託青雲以要來世哉要以為獨行其意自愉快于心其惓惓謀督明府君亦以先君遺命當爾卒明府君用經術奮推二尊人擇灌溉一方而翁伯太孺人燭焉沐恩給襲冠幘聲實際乎九重景曜燭乎當代非所謂無用而用挫名而名者耶所謂天之報施善人非耶方翁力行善致困窮入口僅于年百椹燼于火律以天人際宜不能無少勳翁願力行善自如其識量誠過絕尋常萬萬宜迄能待天之定而遺觀明府君之碩大其後也雖然不佞言尚有進干是明府君方以循良最天下異日者柄樞衡筭喉舌將益推二尊人澤布海內而二尊人食報將益與明府君展布之澤相為無窮萬鍾之養九命之錫翁一切際之漠然無加損

少室山房卷八十五

六

迥不佞固與諸君子執左券俟矣

賀葉母趙孺人七表詩序

太孺人邑明府葉侯母也桃葉宜家柏舟當戶清冰矢志匪石為心訓賢胤以一經卜芳鄰于三徒精誠所格雅帝若臨福佑所鍾維侯克大花封駟洽雲霞運百里之春葉縣飛鳧兩露藉九重之賜維孟秋之朔日為設帳之嘉辰金風乍起于庭除玉宇初澄于院落四郊赤子謹呼禾稻之登場萬室黎元快觀蓬萊之錫命紫鳳銜書北極虹光挾婺彩以齊飛蒼龍傳詔東華奎畫跨金垣而並耀地控蘭陰之麓如阜斯登天懸澗水之流猶川甫至蟠桃游熱祝王母者三千年寸草長春頌神君者八百載七言借賦十韻俱成

登趙鴻臚溪雲閣詩序

趙君文鎮新居北浦別構西冷縹緲飛樓高插星河之上嗟峨傑閣俯臨雲漢之中左顧則蘭陰橫峙登翠壁于千尋右瞻則激水斜來濯清漪于萬丈胡子元瑞登而樂之輒抒彩毫爰賦四韻落霞秋水

匪云遠附才情芳草晴川抑或同舒與象云爾

大參知張公二難雙美詩序

二難雙美者大參知長洲張公橋梓昆玉也先是參知太孺人呻吟霜露淹歷歲年叔子明父氏匍匐庭闈周旋床第神祇上下無禱弗虞巫醫近遠亡技弗奏痛薦施于人力竟顧代于天曹眞宰鑒觀神明有赫太夫人既康寧宿障明父氏亦委順初心俄參知蘇明經奮魏第讀書秘省都諫掖垣象服龍章褒崇備極而叔子精誠之行卓絕之蹤遂益以豔耀三吳流聞四海時人咸謂季公之孝匪叔也其爲前而叔子之孝匪季也莫爲後即陳氏二方萬能尙已通茲者大參知分轄之境寶曩昔太封翁遊宦之鄉去思未遐故老猶在沐保釐之新澤者咸追愷弟于風聞掄撫字之深仁者彌快旬宣于世及君子以張氏一門累善畢臻蓋不惟佑啟感通華家登于莫二而顯揚繼述弘世業于無雙于是邑諸生鄭雲鵬輩目擊躬逢踴躍盛際蒐羅篇什垂賁千秋以不佞應麟受知國士被化州民屬賦短章俾

少室山房卷八十五

七

同與頌通家子弟誼弗容辭輒用批穢前導金石云爾

松茂蘭芳集序

今皇帝萬曆庚子清源蔡景明先生七秩加四矣懸弧之且爲仲夏朔三日而嗣君適以前三日舉先生冢孫於是姻友之暱先生者咸共傳記會松若蘭爲圖而詩歌以侈大之不佞伏讀卒業作而嘆曰天道之報施善人抑何婉而彰曲而中也當江陵相之擅國炎炎之勢上蒸乎朝著而下鏗乎鄉邦一時巧宦之士斬且夕速化其門卽社稷生靈彼且竊而中柄臣之欲而矧乎一名第之微也而癸酉之歲先生以棘事蒞楚關同官目案頭卷亟稱奇貨不可失先生心知爲權相子自念以名器納交貴倖臣節之謂何卒擯之孫山外用此大拂當事心投劾罷而當是時他藩臬以衡文自媚者往往雄飛直上推而餘膏剩醖既子若孫而先生秩不過下大夫祿不過二千石懸車之日行道之人亡弗以志業未售爲先生憤而宗嗣未立爲先生憂先生夷然穆然無幾微介顏色第掩關却掃時取故所藏法

書名畫三代尊彝彝鼎自兩之屬摩娑撫翫之間用詩酒琴奕取適

里中者十餘載一日輕裝小舸度錢塘歷吳會訪古秦淮石頭東行越齊充青冀魯衛間窮竟諸方之勝者又十餘載而後歸歸而嗣君侯門則已昂昂汗血居然千里之馮先生爲一掀髯笑蓋至于懸弧之且冢孫併誕于一朝而先生喜可知也世方以大材蚤售爲先生惜先生顧得以葆眞茹和卷其未試者還之造化以借易喬松之遐算且得以望八之齡視蘭芬于奕世而以身所未竟屬之而彼一時也市寵乞榮之徒不旋踵而褫奪漸盡并其子若孫之忝竊亦緣手化爲子虛而先生方逍遙乎上皇以坐照其成虧而付之乎一映彼蒼之捷于報施抑何其婉而彰曲而中之若是也昔陶元亮以折腰東帶故去彭澤就孤松其勁幹挺節誠磊砢相肖迺玉男之咏弗能亡悵憾箕裘謝太傅欲芝蘭玉樹並生庭階于時子姓羣從亦曰彬彬而文靖之年曾未及登乎太上是松也蘭也兩者並躋其盛固難而交邁其盛不尤難之難也先生穎邁天植十四卽以異數燕賓與

少室山房卷八十五

八

距今政一甲子而冢孫適誕于初度彼其岐嶷夙成行步武先生之故躡而造物所爲娛先生于晚暮者且龜龜乎日升而川盈茲集也特其嚆矢云耳輒爲弁其端以俟之

少室山房類集卷八十五

漱水胡應麟明瑞著

序七首

藝葵園草序

萬曆癸未春余北上公車時黎惟敬歐楨伯並在燕而張助父陳五叔諸君以奏計至胡孟張區用瑞諸君以射策至余咸以舊好過從甚洽也而獨大來未識面心竊竊傾鄉焉一日大會于吳山人館亡慮三十餘曹轟飲夜分應門報大來至時同人以疲薊幾散去什之九余獨留晤大來觀其狀頽然穆然汪然千頃陂也已促膝共語則又冷泠然入于耳會于心間發一難析一疑若庖丁之解牛而老吏之折獄適作而嘆曰豪傑士故有真哉彼中亡所有而色取于聲音笑貌之間若河伯未離龍門曷與言海乎未幾余兩人各以下第去後十年余殊卧一壑大來亦數困春官丁亥之秋葉明府子木來余邑首出大來札授余通知明府大來婿家而大來屬余于明府也

少室山房卷八十六

尋大來再入試都下則鬼然擢上第以甲次出宰西昌矣湛盧太阿之鏘精光久闕函石之中一旦拭華陰而試盤錯將上千牛斗中裂犀駁下斫蛟龍奚往弗得而有于百里之邑也大來下車西昌甫期月政聲四馳刑清訟簡觀公署傍隙地蕪穢輒葺而藝葵其中春夏之交華葉芬敷日手一編獨坐吟諷長諸短章積成巨軸邑之士民爭乞梓焉因自命草曰藝葵而屬序不佞竊惟葵之為卉一也公儀拔而傳記播于前大來藝而賦頌傳于後豈所謂道不同不相為謀者哉公儀相也相師表百僚間閭之計吾何暇親焉故公儀之拔利民也拔而民獲其勞也大來宰也宰父母百姓場圃之工吾何敢忽焉故大來之藝亦利民也藝而民享其逸也藉令大來居相職拔一葵而利天下詎曰弗為公儀子而宰一邑乎西昌之葵有加藝而亡加拔審矣第公儀以拔葵達相體而魯削滋甚來賢者無益之讖身當戰國中處曾孟立言之際其文詞不少概見豈其果有餘于識不足于材乎迺大來之為西昌曾不閱歲倉庫實戶口增教浹化淪百

廢具舉且也案牘紛如文詞爛發飛龍縱筆馳大曆而驟元封蓋識固兼人才尤絕世洗洋濤雁極而流故能超然獨往追百代而上之際晚近尺寸形骸奚翅千里故欲知大來之製作即大來之藝葵而居可釋也余屏且隨於大來亡能為役惟是三都之附竊歸于中輒綴數言篇首行且屠筆研以俟大來矣

盛母雙節序

葵之東十里而遙有巨浸焉曰葛湖渚泓瀾森都一郡之勝堤上下舊族盛氏環居之其少而雋者世魁有客癖賢豪車轍踵戶外而羣從世弘四昆季雅同志倡酬湖之名遂駭駭聞于越云世魁貴介翮翮世弘弟兄咸奮自農畝屬者余汎舟湖上即其廬止焉飛鸞若鱗危棟若翼迴軒曲榭靡不有致以為厥先遺構也而丹堊塗楮爛然而若新詭問焉世弘舉感曰先君子甫壯棄諸孤不腆做廬皆拮据二母氏手孤弟兄受成事而已曩豈惟做廬即不肖孤勉成立以庶幾先人堂構絲毫二母氏力也當是時嫡母曹下世已十載余欽

少室山房卷八十六

其風素大書其冊曰賦鵠九熊越明年友人屠長卿系至復為文歷序二母賢而謬薦余言實之余竊愧未有當也未幾祝母亦乘駟仙去于是世弘伯仲介門人祝華父持冊詣余廬請曰當先君子卒業貌諸孤二母氏稱未亡持門戶其劇心蒿目有人子咋舌不忍言者賴天之靈不肖孤弟兄奉慈訓獲有今日適禱延曹母溘亡猶冀祝母健亡著酬烏鳥寸衷而竟無幸矣惟是錫大造于二母有文章鉅公在屠先生業命之惟長者無斲片言二母氏死不朽余悲其意請輒援筆序長卿後曰節之稱難于宇宙也詎弗彰彰哉塞兩儀橫六合亘萬祀而垂千秋皆是物也故大塊之賦材他無所獨斯而獨斯于節而儒者之藻鏡人倫百行備而節少虧其餘概無足觀已迺士君子涵貫古今學術融而操趣定臨大節而不可奪者子與氏猶子子焉而矧乎閨帷之習婉婉之姿矯焉而以節待聞此其難不尤倍蓰亡算也劉向氏列傳所稱蹈白刃而赴黃泉偉矣第或深于情或激于義或顛連而訣或迫切而捐較諸抱影窮年荼苦九折而靡悔

憾者其人暫猶逕庭也且或驟見一鄉或間見一國甚或僅見于一代蓋節之難于宇宙而大塊之弗輕昇可知已若乃一時並見而震耀一門者惟盛氏二母然矣始曹母室盛翁四旬未育母日夜懷宗祧憂一旦束裝趣命客金陵吳會間廣覓宜子者翁入武林館祝氏親室女賢挈以歸逾歲而駢舉思達弟兄曹子之已出不啻祝母亦卑卑自牧嫡曹母而奉之俄翁抱微恙捐館舍二母各殉以身願兩孤子未立也于是闔以外曹任之闔以內祝任之門戶軒然覺侮不作人以盛翁弗亡矣已兩孤子稍長立成童則罄資給延明師誨以義方課以藝業二子感涕奮勵卒能以遐陬僻壤來海內諸賢豪而登壇匠哲如吾長卿者操如椽而修述之母之行籍揚大廷登良史傳百千萬禩而未艾而奚以余言重輕惟節之難言希遠古昔適今願並耀一門豈豈女之墟元精孕毓磅礴蘊隆大塊特縱之而靡靳耶噫此固余所為沾沾齒頰而諸盛弟兄之賢且籍是蟬連開海內不僅止越焉已也若二母節而且才以幾幾未亡豈前人之緒而

少室山房卷八十六

大貽厥後有巴婦清望而而焉者則屠先生之言備矣

黃堯術詩文序

古今人之材果弗相及乎哉古之世之稱材者詞章問學出于一而今之世之稱材者詞章問學出于二夫詩而枚曹也杜李也古之人有不必文兼也者迺其詩藻繪蕃葩故未嘗廢問學也自南渡嚴氏之說興而詩自三唐外汰百家矣文而左馬也揚韓也古之人有不必詩兼也者迺其文淵綜富碩故未嘗廢問學也自北郡李氏之說興而文自兩漢外屏百代矣夫汰百家而一干唐以為詩似也顯百家汰而後世之詩卒無能登枚曹杜李之壇而奪其幟屏百代而一于漢以為文似也顯百代屏而後世之文卒亡能馳左馬揚韓之壘而角其鋒而徒俾詞章問學判為兩途而愁愁乎其弗相入是何古之立言者為術之工而今之立言其為計若是左也余不敏結髮操觚輒乘斯談以誌諸同志而二氏之指舉世靡然即有喙三尺鳴將鳴和蓋自丙子之夏晤瑯琊長公而入可知也適今于闕而得黃子

堯術若而人者豈亦所謂且暮遇之者耶堯術故文獻世家弱冠離龍英英汗血當世所稱賢豪匠哲靡不控囊鞬輟鞭弭途退舍以避前茹而堯術雅不以自足益虛懷勵往追逐古初詩則神枚曹而杜李如洛陽少年漢濱遊女風流格致婉約靡加望而知其詩唐也而詩匪足以竟堯術也文則享左馬配揚韓如幽燕老將河朔名流氣韻襟靈逸宕自恣望而知其文漢也而文匪足以竟堯術也迺至蒐蘿二酉紬繹五車大而天地日月之不廢不墜遠而元會運世之無始無終顯而皇帝霸之衰盛廢興幽而神鬼僊釋之推遷變互微而昆蟲卉木之蠕動發生靡不總統其要歸而是正其靡謬今勒成黃氏之言區分吟列亡慮百弓藉非其才軼人其識曠世竭乙夜而彈三餘胡以萃體製之全窮淹貫之實之若是也蓋堯術所為詩若文法唐非不猶嚴氏而未始競焉若嚴氏之于唐法漢非不猶李氏而未始局焉若李氏之于漢故諸所結撰馳百家驟百代即以追曩時名世鉅公吾見其進而未止厥今所詣固已超弁州之廊廡而

少室山房卷八十六

四

直闕其堂皇矣以彼其才究竟業成而論定身後夫孰謂古之人果弗可及而今也詞章問學之並擅者或是之亡也堯術都盛年負盛氣願獨以三都前導謬屬于余亦越五載而余未有以應邇復悉索篋中浮雙魚東海上曰履康生不幸稟賦孱弱且方罹幽憂一旦卒然冒霜露君雖恨于臣將若之何噫余之髮已種種矣經國大業不朽盛事皆堯術所自有余何能為堯術役堯術勉矣格有所必程法有所必比辭有所必鍊思有所必抽入之九淵而毋墮于廣放之八極而毋蕩于幻舉之千仞而毋激于峭按之萬鈞而毋滯于羸博而核之精而瑩之俾異日為子雲氏者後之視今亦猶今之視古也此余所謂古今人材未嘗果不相及者也亦堯術之所為屬序與余序堯術意也

觀風錄序代

昭代之文至于今而極盛矣而于越以東南大藩翹然冠羣省而出其上其文之發為時藝以演釋聖真宣洩備術者稱極盛中之尤盛

焉蓋自大禹塗山之盟玉帛萬國實開闢以來文明所發歷漢唐宋氏藝士代興至於勝國而鵠起聯翩俯割天下十之七以爲明前導迨我高皇帝統一區寓宋文憲劉文成旗鼓並建若王若方諸君子羽翼而先後之而經世大業遂成萃于越之一方迺今時義之工特其餘事顧二百年來三試而皆首列者僅越商文毅爲然而他方不一觀卽其故可推已余故嘗豔稱越中文物之盛客有盱衡而詰恆爲之神動色飛茲猥以官守攬轡而東單車疾馳不閱月而抵禦兒之境其山則天目秦望穹窿翠嶺盤鬱而造天水則錢塘富春浩漾混洋傾洞而浮地其外環以渤海峙以赭龕洪濤巨汐之震蕩激發爲觀之卓詭有獨擅于六合之內者固宜鍾爲穎秀類爲英華光藻焉奕與三吳分道互馳卽諸方之矯矯者亡論也余旣以職事巡行茲土復自幸得以巡行餘隙縱觀越諸士之文每奉璽書臨郡邑彰輝激揚之暇輒檄所部青衿程其藝業而殿最之而間錄其文之一二尤雅者大都以譚道則肆而昌以析理則顯而邃以雜物則該而

少室山房卷八十六

五

洽以敘述則瞻而典以論辯則覈而衷彬彬哉質有其文卽未必家連城人歷塊要以策賢良應舉選居然有游刃而亡乏材則是編也其鼎中之一變矣雖然吾尙有論于越諸士文詞之極盛莫逾于今日而文體之變衰亦莫有甚于今日者始也程朱之不足則抗之而左史以爲高既也左史之不足則放之而莊列以爲奇終也莊列之不足則遁之而貝經竺典恂恍窈冥昏惑不可知之域茲三者非必越一方爲然而越諸士故其嚆矢頃大宗伯數上言至布章程申令甲而弊也迄于今而未已彼其思愈深工愈篤詞愈修而聖賢之旨趣愈益乖經傳之面目愈益遠究且爲牛鬼爲蛇神司世道者有隱憂焉爾越故亟稱天下鉅藩將以首善率先諸省會若之何任其溺而莫之返也余茲一與諸士約寧以平毋寧以謙寧以樸毋寧以纖寧以顯毋寧以幽寧以實毋寧以幻諸所結撰務約諸先民之軌凡邇來佔俾流弊汎掃而一空之異日者絲時義進之古文詞又進之而功而德錄文毅上之而文憲文成又上之而伊傅而姬孔庶幾而

今日之肄習爲亡忝而余他日所厚望爲弗孤哉於是越諸士亟以爲然而乞余次第書之以冠諸篇首

忠清里林氏族譜序

錢塘之有林氏也其先世蓋從自大梁去徙當宋渡南時譜系綿邈弗可考勝國初提領公首以仕聞提領生士民士民生居義居義三子仲曰榮入皇朝以孫章貴贈通議大夫太常寺卿榮子三才文森才隱德弗耀文永樂庚子舉于鄉歷柱下史森亦以子貴贈官如父榮才子秀性至孝博通三教書爰自吳山大井巷徙今里中森子章幼敏工入法景泰中有司以神童薦歷官太常寺卿從一品賜封三世子二長應祥以蔭官太僕主簿次應禧亦用有司薦入中書爲人強直自遂武宗朝不肯阿逆瑾挂冠去瑾敗復召歷官尙寶卿順天府丞父子忠飭好修相繼籍籍登九列立朝餘七十年負郭廬亡寸溢州里偉其爲人至方諸胡威子父秀子二曰魯曰岡生寵及奇奇生梓梓進士起家至雲南按察副使岡負氣任俠業賈賓客傾

少室山房卷八十六

六

四方以同事中傷切縲縲識者悼其非辜扼腕天道當有後俄五子舜愛受孚爵咸克世其業以高貴雄里中旣而受嗣繩從子遜嗣愛子念絕繼功嗣受孫孟春絕之蕃嗣世代數更子姓岌岌如幾林氏此時號中衰而舜子思思子文明始皆用儒術自奮恩年十一孤弱冠入大學負場屋聲弗售賣志歿文明十二亦孤再試太學不利絕意進取屏居一室以經籍自娛讀史博綜古今成敗得失利害至端木計然諸傳喟然曰大丈夫當身名俱泰若處長貧賤誠足羞史遷因是至欲後之人諱談仁義則感滋甚也陶朱氏三致千金而散之吾師法蓋不遠始大肆其力于治生身與童僕嘗甘苦視百貨緩急而時操其奇贏既饒智慮多億中亦會數有天幸不訕乏歲入滋稔益規恢其已成之緒不數十年而武林田園廬舍腴上者相率歸太學家一時里中素封靡敢差甲乙迺其好施予利澤人尤天性比閭族黨空乏以情告人人厭其意去數捐已貲佐大興當寧重嘉其誼爲棹楫樹間間太學子曰之盛之芬之芳之盛少卓犖不凡雖寢處

膏梁而下帷焚膏與寒素士競佔俾聲藉甚冠諸生丙子與余同計
借再上公車報罷慨然蹶躡登岱宗拜陶里周歷大河淮泗已浮扁
舟入石頭吊古秦淮北固問歸而學殖彌遠諸僑輩爭俛下之方梓
廟盛年據夙抱以建樹當世而會太學嬰疾亡母安人張偕逝之盛
執二喪傷功名未逮怙恃相繼溢焉即異時萬一適逢而終天之恨
殆不可復于是乘幽憂餘隙摭先世積累之自爲林氏家乘傳之
諸子若孫謂不佞年家子宜有序序簡端輒因之盛所自述而稍次
第之以俟後之細金匱石室者且以徵林之所繇碩大繁昌非一朝
一夕故云石羊生曰余讀司馬氏書至貨殖諸列傳未嘗不竊陋遷
之無識也彼所沾沾卓王孫程鄭烏保輩皆賈人之雄耳身既薄仁
義弗爲其先世靡有功德之素子若孫又斬然蔑聞即傾國都巨阡
陌君子唾去弗暇而侈諸載籍其奚以稱焉余觀林自崇善公迄太
學父子積操業行蓋世世然矣致奕葉擅富饒以義聲奔走一郡非
僥倖至也孝廉齒力富強且益擴太學公所未究以潤澤當代諸仲

少室山房卷八十六

七

續紛蔚起多材能林之稱甲族于寓內將駸駸與隴西太原諸族伯
仲競爽而有弗可一方限者余不佞計日望之矣

祝生草序

詩能窮人甚矣東陽李生能茂以振世之姿過遠佔俾願不能博一
第與白面經生伍又不能存如綫之脈以慰若敖氏之幽魂而費志
之年會未逮乎四十迺暴戾恣睢之夫黃耆遐齡至生平一善亡稱
者孫枝繞膝日升川盈而未已豈其人誠賢于顏淵冉牛而才于王
勃李賀哉余固日問諸天而未得其解矣吾郡劉駱兩君子首揭文
學兩君子以窮著前代後有作者固宜窮李生則余交臂而失之者
今祝生樹勳之窮殆又甚焉祝生家亡擔石僅一婦供饋粥復終歲
病床蓐間而其激昂邁往之氣雖鴉衣百結而不少衰每舉觴白眼
旁睨一世亡足少當其意獨時時過余玄亭揚扈風雅其英識宏辯
若懸河放海而無所底止問出其詩歌讀之輒殷殷留金石聲余每
顧其人奇之而耳目其窮又未嘗不爲之三嘆也嗟嗟古今所豔稱

世祿世家大者十餘傳其極三數百載耳矣驟而執途之簪紳之子
而叩其祖翁即賢且好學能對其行履之悉他懵然莫知字與名
者比比而文人騷客特以片詞隻語永天壤同敝之令名欲彼蒼之
中泰然靡爭而不困阨其躬而齟齬其後得乎生既落落于時而好
爲詩歌彌甚鋤屋旁隙地爲園圍中空無所有第種竹數千竿汪司
馬爲題曰瀟湘坐而余亦屢贈以詩生日倪仰蔥蒨間或竟午突靡
炊烟意恆遽遠然適也一日持其草若干篇乞余塗抹評定之且曰
幸胡先生同世惟賜之一言即輟軼終身亡憾噫若不佞者嶠崎歷
落舉世之所訕笑而生乃沾沾斷得余言得亡愈益其窮乎哉昌黎
氏爲文送窮卒燒車與船延之上坐而令名迄今不磨藉第令生身
弗窮才弗豐窮弗甚詩弗工窮日益甚詩且日益工而名且日益遠
窮于生亦何負也生齒方盛強異日者子虛達于承明天子欣然召
見殿上未可知余獨悲李生之卒窮以物也因其請序諷及之

唐長公詩集序

少室山房卷八十六

八

古今稱文獻則首三吳矣而吳之才至國朝而猶盛國朝詩凡四變
而吳凡四踞上游初則太史導其源盛則迪功探其委中則皇甫揚
其瀾迨弁州而地負海涵古今之詩幾于盡廢一時吳會彬彬迹弁
州伯仲而起者亡慮十數皆不佞願爲執鞭者也然而全盛之極芽
葉潛萌外道出于菰蘆而與二乘角伎心侈于湖鏡幻術大于登伽
其尖纖浮豔揚袂市門之態亡論壯夫怵怩即唐餘元末諸人有嘔
嚔喉吻者而揚眉瞬目意且籠一世而趨之嚙母亦已甚乎哉往余
游歷吳閩每與周公瑕氏縱談斯道未嘗不嘆太音之寥落而未法
之凌遲也迺今而得雲間長公詩余讀之至爲之三擊節云長公髫
卯即銳意千秋大業弱冠屈首青衿泚掃博士陳言而一絲飾以西
京戰國同事諸人咸謂夫夫也衣狐貉而當暑長公置若弗聞也者
俄而聲實崇隆拂起鬣校蓋身未離蓬掖而譽藉寰中矣卒之上公
車撥輓第因以大肆其力于文章釋褐蒞官出宰百里鳴琴之暇篇
什輒形其才無所弗懸解而學無所弗究極古風樂府銘裁于漢北

材于魏而旁茹晉宋諸名家近體歌行範格于杜擘調于唐而近選
弘嘉諸前輩氣之雄而厚也幽燕者將之行兵也骨之沈而深也河
朔酒人之任俠也體之大而莊閭而栗也入清廟覽明堂而百辟裳
衣雍雍而濟濟也聲之鬯而和色之豐而麗也秦青之振袂而玉環
靚妝也思之穎而發韻之逸而玄也供奉之沈酣而步兵長嘯也時
乎而朗月繁星時乎而淒風急雨時乎而高江巨濤時乎而疊嶂危
峰讀之使人神動天怡心驚魄駭而一軌之正始之門大方之家藉
匪其姿絕人其識曠世則方復鄭聲合奏之時豪傑雋流且將傾聽
忘倦胡以燥濯潢汗澘然氣翳而力障狂瀾于既倒哉曩者瑯琊次
公嘗謂不佞少遊中原力追大雅而不爲柔曼兒女子之習不佞恆
愧斯言迺今當之長公允無慙色矣余與長公素昧平生第目擊江
河而不能無扼腕于世道輒因三都脫葉而僭序其端如此蓋聲氣
傳合隨叩輒鳴即小挺巨鐘靡當魯衛亡暇辭遜也長公文奇古瑰
邁直闕東西二京尤足以矻尖纖浮豔之聾瞶豐碑巨碣業已盛行

少室山房卷八十六

九

當世余不復具論論其詩

少室山房類藁卷八十六

漱水胡應麟明瑞者

傳三首

中丞滕先生傳

中丞滕先生者名伯翰字載道閩之建安人也六世祖禮部郎中員
殉難土木祀學宮員生弘恩弘恩生彝彝生海州別駕樹是為先生
王父樹生贈禮部主事鶴齡即先生父也娶封安人陳氏以嘉靖丙
戌冬季誕先生先一夕陳太安人夢日輪浮海起幔亭亭如車蓋一
金紫偉丈夫拱立視其傍厥明先生誕維肖贈公悅爰命以今名先
生警穎殊絕髮髻受經日常數行下弱冠補邑弟子員時贈公已前
貢鄉書凡五與計偕始謁選得南安倅蒞任歿于官先生匍匐奔赴
號慟感路人贈公吏深廉先生扶輿歸家壁立瓶粟弗繼先生恆憂
如益發憤下惟潛心神聖大業自洙泗洛闕下逮新會新建諸家言
無所不洞極而期于彌綸康濟沛澤黔黎當是時先生身未離龔序

少室山房卷八十七

夢選慶

已隱然負天下望矣會大司空萬安朱公來督學朱公倫鑒高一代
得先生制義大奇之曰是將為異日儒宗亟拔多士右乙卯秋試果
掄魁王戊第進士以甲次出宰番禺適潢池弄兵勢張甚先生橫身
排決築外城以捍寇籍浮費三萬餘緡盜野無所資羣就縛于是兩
臺使交疏褒薦以上考遷秩禮部郎番周故南海劇地明珠文犀充
斥先生束裝度嶺行橐僅梅花數枝率司廉知狀趣超改先生文選
先生持公壁立苞苴肅清久之政府權貴人多不悅者乘先生移疾
歸即家拜貴州按察副使先生奮然曰昔尼父欲居九夷矧今貴竹
匪唐漢三苗夜郎彼耽耽奚能難我立就道俄今皇帝御極棟棟一
新冀得耆宿鴻儒挽文風以迴世道會謂徵先生莫可遂仍故秩督
學校浙東西浙人才炳烜霸天下頃年奇衰盜濫有識隱憂先生下
車申約東樹章程叛道離經雖才必黜自餘纖長曲善藻鏡靡遺是
秋鄉貢士畢出先生門一闌入者明年大合浙東西不及貢髦士
三百有奇捐俸大餼之會城而躬謁臺使者蕭公萬公示以天人性

命之與時時課其藝業殿最之間拔文之尤雅者為錄若陸太史可

教鍾太常化民朱省元用光蔡茂才大節悉矯矯著稱場屋後先馳
驟宦籍亡慮百餘曹談者以先生振勵陶鑄師模冠絕明興二百年
所未親也先生聲動大廷且夕翺翔九卿列屬臺使其欲買人子補
諸生檄先生按令甲先生申報倖門久塞不宜啟其志揭蜚語中先
生僅敘遷浙藩右參政先生雖職司會計而浙諸髦士競從之如雲
先生提攜誨諭視督學時無少倦謗俄白擢嶺南按察使番禹老稚
極負拜瞻誦道路先生至則以政暇登羅浮絕頂觀日出方丈扶
桑探句漏良常朱明所在窮其勝紀以詩歌羅旁凱旋先生贊畫機
宜功第一幕府奏聞優詔錫金帛遷右布政浙中故事右轄第雍容
閒局先生廟精任職蚤夜弗違鎮巡見以為越俎庚辰入計言官遂
希旨齎訖先生先生慷慨投牒歸捷關謝絕一切例子告卿士大夫
有司歲月給與早先生願言麾去幅巾杖履徜徉七壺九曲聞里中
歸宗巖林莽鬱鬱先生廬其下默照靜觀飄飄有塵芥六合想守相

少室山房卷八十七

夢選慶

達官屏千旄踵戶闕先生為弗聞也者亡論媼姪乞援即親子弟郡
邑試未嘗寸牘入公門鄉鄰為不善聞先生風素相率化人以司馬
端明在洛不啻也先生屏居巖穴僅六載七閩以南童孺走卒亡弗
寤寐先生而冀其大用監司推轂章十數上先生卧益堅既而朝命
敦迫其使者冠蓋屬道途先生強起補粵中右布政河工訖超南都
察院右僉都御史閱江防先生憐心壁畫條便宜八事上之上嘉納
趣命以右副都御史填浙中先生之吏浙凡三政教而且富氓庶併
冒若二天茲復秉鉞一方山川草木色飛相慶先生亦倦倦過化視
官維家嚴冬颶風起瀕海堤堰衝決極望無人煙先生多方賑卹民
倚賴全活無算諸惡少白晝剽善良法其尤不逞者而反覆示羣黨
予以維新悉解散浙自辛壬間載被兵居人岌岌先生軒輶蒞止萬
眾帖然黃門章君尚學特疏方諸古社稷重臣人謂無愧色上方且
大用先生而先生胎稚苦疾歲壯漸增比填浙復當多故日夜埒
循其民人以事煩食少屢陳疏乞骸骨上溫旨勉留有謀猷宏博志

慮忠純等論先生彌感勵斯盡瘁答主恩因犯顏力疏改折漕網停
減織造等六事上一報可己丑春先生督材官防汛海上渡錢塘
疾大作忽夜偵島夷盛集餘皇犯內地先生投袂起部勒諸將奮擊
大破之賊首虜數百計餘醜魄奪絕流遁而先生神慮耗竭疾深入
腠理不可為矣凱旋省僚屬迓于郊觀先生顏色異常日先生猶疇
咨民事刺刺不休時暮春望後十日也越五日集諸藩臬諸司拱手
逝片語不及私事間上嗟悼贈先生兵部右侍郎無何科臣以海洋
功上特旨賜祭及葬既撫臣復以海塘功上事下大司空會公同享
晉公具疏先生勤勞宜加卹朝廷是其議予一子入成均制三
品未滿考無乞恩請廕例即祭葬僅半給惟先生全得之異數也先
生脩七尺有餘而驅幹魁岸長髯拂膺望而知為鉅公長者自壯歲
研精太上嘉隆儒碩羅公汝芳陸公光祖許公孚遠孫公應鰲泊家
大人輩盛推轂先生為任道之器其在北觀工部政則豐城雷公禮
主吏部事則蒲坂楊公博並以累朝勳舊折輩行誼時務于先生至

少室山房卷八十七

三 夢 選 庚

開府留都海忠介公瑞尤稱莫逆人以兩公剛方毅重其意氣實相
契云先生故以立德立功為上節而兼收互畜時逮詞章大司寇龔
州王公左司馬新都汪公文名震曜慶歷間先生恆樂道其長未嘗
蓋之以學業即不佞應麟雕蟲未技無足廁先生下走先生一見遽
賓之上座授以前茹既而忘分忘形所為卵翼撫摩不遺餘力蓋應
麟之辱知先生持于生成怙恃古所稱國士無雙風斯為下矣維是
應麟忝竊門牆餘三十載而碌碌塵埃靡尺寸仰酬大造敬掎摭先
生行履之概俟異日傳名臣者萬一考焉

林茂材傳

林茂才者名巽字健伯錢塘忠清里人也父曰林仲公受母劉先仲
公卒繼潘孺人仲公絲積著起家銀萬計中年未有嗣夫婦以為憂
吉月輒禱祠高謀嘉靖庚戌秋仲公夢神人介而金肖坐堂皇呼曰
而知而之季婦娠且備育于所育非季子而子也仲公寤持潘臂流
涕果爾者吾其鄧攸氏矣潘力贊神言聽之吉因趣仲公往視則季

公婦已前卧卒聞叩戶聲心動遂以厥明生茂才茂才生有奇表仲
公耳其啼曰英物也林氏宗非是莫克立取金錢綉祿數事授季公
疇昔之夜神人者業以而子命余矣季唯仲氏欲之即徵神人敢辭
命明年仲公寢疾且亟迺召宗人申前諾見茂才于先廟而命之名
罄籍所藏鏹二萬七千屬季公牛羊倉廩室廬稱是期他日嗣子壯
則按籍以歸又為教貽茂才屬以母潘泊賸人愛女甚悉季公奉茂
才拜受教讀而藏之仲公目遂暝茂才幼警穎異凡兒五齡授章句
塾中占對多奇捷九齡習經書義篝灯丙夜大寒暑風雪以為常二
十補邑諸生試高等尋受館學官凡後先巽序十餘年校藝自監司
下迨廣文亡不衰然冠同列然至大期率不利茂才喟然曰以吾下
帷之勤即三事可翹足待而遭蹶一第迺爾天平詎可以人力爭也
因稍稍罷佔俸以菽水娛二親先是季公緣茂才受仲產徒手一朝
資囊鉅萬數中不能無侈心既子女彌益眾嫁娶繁殷方士羽流競
從所好為姦利駸駸漏初籍過半會歸橐且及期季公熟計無所出

少室山房卷八十七

四 夢 選 庚

則呼茂才謂曰余年邁而往矣爾方壯任產顧而父遺籍在罄兄弟
貲弗能償奈何茂才泣數行下曰大人休矣兒一身毛髮皆稟之大
人金于奚有大人第以輕貨畀兒往母即推遺籍兒以不肖身任之
季公大悅悉索餘鏹五千緡畀茂才歸母潘得茂才果懂甚既而亟
訊故父遺安在茂才謝有之已長跪前說曰先大人之以厚貨遺兒
也亡他上而蒸嘗下而甘蠶世世毋失墜也兒誠不肖仰藉先大人
寵靈廁姓名多士末行博一命用冠帔榮二親蒸嘗甘蠶固餘事矧
金帛倘來物庸暇較多寡有無母潘異其言而未能驟信欲試以諸
艱因屏居一室諸仲公所有器物錫鉢加扇鑰而獨以門戶委茂才
茂才謂室人沈曰吾母之為是也阨我耶嘗我耶玉而成我耶吾聞
之龍泉太阿非盤錯固無以自見即踴躍前受事凡經費妻輸徭役
倚辦宗戚問餽亡弗若然中肯款人以仲公且不亡而仰事母潘於
子職尤兢兢及仲公所遺諸眷屬多方體恤無使有絀芥後言蓋母
潘久之遂忘茂才之非已出巽季公所乾沒置之恬然矣茂才雖以

身後仲公而愛慕所生怙恃不少替弱冠母沈瘠痼茂才晨夕親湯藥娶婦僅再宿即率之左右病姑及痛服緣禮降為心喪三載季公晚而瘵寄息帷床茂才扶飲膳披瀝委身巫祝亡虛日病革哀毀逾篤至竟以一慟弗能興未屬續前一日猶自力拜母潘曰而不孝事吾母弗獲始終惟吾母一委之天命遺令室人沈以婉孌承姑懼子際春以端慤成父志遂卒得年僅三十八云茂才內行固甚修其外與人交尤慷慨上義俠始錄學宮念受業師其貧推廩食之終身不奉一銀入他姻族多賴以舉火婚者周以財居者授以室葬者給以地應接不暇中閨簪珥脫繼之其卒也里中亡問識不識咸咨嗟扼腕或號慟至失聲當茂才齒盛氣盈視青紫不翅橐中物既屢試弗效恆邑邑寡娛中陳力母潘屬季公彙垂之候拮据匍匐艱阻備嘗幸家庭亡間謫而會所生怙恃相繼湮迄捐軀以成孝雖天年蚤終志業鬱而未暢于為人後之誼兩無負矣世銳言古今人弗相及以茂才躬所蹈概之傳記所豔稱庸多讓也茂才娶婦沈先後事二

少室山房卷八十七

五步選

姑具闕德子際春儁明嗜學以儒術世其家胡先生曰當健伯周旋二尊間憂憂乎難哉潘母躬抱撫無異屬毛季公托孤矣令按籍索遺貨當潘母心謂季公何即不難賴奉所生而潘也堅持成命季公其奚詞解焉賜委順以適潘而陰輸恫以遂季遺貨旁落庭亡謹訶卒之令潘也忘其贏而季也忘其誦熾哉孝思之格彼神人之預啟仲公弗虛也至捐廩康師然諾緩急此其人詎晚近世儷有哉身雖閭閻門弗彰所為貽穀後昆者繩繩乎未艾矣

貞慧唐母傳

貞慧唐母者祝氏邑太平里人也世為望族王父比部公以制科顯父光祿君修頽然長者而特善居積起家鉅萬稱素封母生而令淑端穎異凡孩始笄字唐太學廷倬即宮保文襄公諸孫而官論思濟先生冢嗣也為人豁達無城府町畦母年十八嬪于唐篋篋資送干計太學一不問悉闕以內政授之族中率易母年少驟而當盤錯非任母受事綜理學畫成井井中規晨昏服勞大者姑嫜儕者妯娌微

者娣姪亡弗厭其意人人以宮論公有賢冢婦云而太學亦用是佳公子稱藉藉太學雖生長膏梁然恬于世味獨雅好與權伯游而量故洪甚既得母亡復內顧念益發舒高會平原河朔間一飲濡首旬月母大以為憂恆多方譬諫至涕泣下沾襟太學心善之而未能用竟坐是得沈痼疾母躬視湯藥掖衾與衣帶不解百晝夜卒不起母號慟額天危以身殉地下福遺孩宗本呱呱彌月也爾然曰是藐焉者唐氏宗百代攸係吾奈何輕一死因稍稍進饋粥為撫育後人計杜門蓬垢絕膏沐稱未亡一切人間世紛華靡麗屏去耳目寒燈夜霜形影相抱起居寤寐惟唐氏一綫是圖唐自文襄登八座宮論大魁禁庭閣高華冠為縣已太學早世未幾宮論繼之未幾兩姑又繼之胤嗣單危僅奴背叛園田室廬蕪穢弗治姻黨比鄰之豪黠者往往持兩端觀望成敗當是時即健男子未易支迺母以幾幾一稜舍辛茹茶介以視躬彊以勵志勤以率下儉以治生爬搔拮据四十餘載若史遷所記丹穴婦清自衛以財人莫敢犯間推其餘潤以雷

少室山房卷八十七

六步選

慨困窮俾太宰太常之緒已債復與垂斬復續秋毫皆母力也今母行年六十而宗本服膺慈訓踵躡前修祖父家聲浸假光大且育丈夫子二人矣于是邑賢上李生惟聰等羣上事督學使者曰竊見故太學生唐廷倬妻祝氏逾笄而嫁閱歲而孀弱息露珠高堂風燭而祝柏舟自誓之死靡他其子職于婦儀抗師模于姆教迨今年逾五紀行矢一貞里閭觀刑邾邦慕頌願亟加崇獎以勵風猷使者下其事郡邑人無問言因棹楔問左且具列始終將以次上聞當寧適是月七日適屆母懸輓之辰宗本率其婦子戲彩稱觴羅拜膝下母舍飴弄孫意適適也己潛然太息口鄉者而父之歿吾業已蓬垢稱未亡所不從游地下徒以而未立故賴天之靈而既室既後而父逝不復返吾胡以獨樂為宗本默默不自得則紹介郭生來謁九頓首請曰不肖孤匪母亡以有今日緊豈惟不肖孤先太宰太常之脈胥賴母以延以母合辛茹茶勞苦百倍本也卒亡能報稱萬一惟是微惠大君子片言庶幾當華袞之錫先生幸卒寵施之余時方逃謝筆

研廼余廬去母居僅數寸武母生平行誼皆余所夙習見聞且也
家大人國士文襄而余及官論門忝忘年小友之日于太學固奕葉
通家也以母之大節凜然不欺其意卽徵宗本力請之且揭其高蹈
以風示海內矧郭生之代誌尤力也余安能以筆研辭作貞慧唐母
傳

漱水胡應麟明瑞著

傳一首

長安酒人傳

長安酒人者吾里祝鳴臯也父璋軀幹絕偉修八尺有餘而好勇負氣比鄰王謝子酣酒狎璋廣坐中璋躍起奮拳拳其齒幾折坐客大驚已睚眦一市魁袖鐵椎徂何得諸巷叱令匍匐呼適公偃蹇者立椎殺之魁不意皇賦乞命抱頭去自是璋勇氣聞一鄉鄉遠近相戒莫敢犯其父及弟兄慮仇家報復為患等且連坐有司號泣禁阻之璋意不自得脫身走長安更折節為謹厚以鼓琴遊公卿公卿善璋者為授室納燕媛逾年而振鳴臯先一日母夢雲鳥縞衣玄裳登翻而嘆于九霄卜史占之曰吉是惟男子之祥當以文彩知名于當世迺其性樂雲漢惡虞羅終亦非世途所繼弱矣占既而鳴臯生鳴臯生慧甚目晶晶數行俱下總角占對數有奇稍長讀三唐兩都七國

少室山房卷八十八

少室山房卷八十八

諸漢魏詩家言心勃勃慕效之父璋抑而狗時藝始治易春秋補京兆弟子員試高等以連最儻學宮非其好也而慕效古文辭愈益甚時發其意于篇章一撰山一咏成傳錄長安城殆遍諸木天貴人爭願事鳴臯而鳴臯雅自負下視一世又跡地茂禮法弗耐違條貴人前諸貴人之願事鳴臯徒陽浮慕冀為代言地而已實亡能推穀祝生者鳴臯規其微凡高蓋大冠呵殿持刺來輒謝病弗逐即逐無所報里中兒或白眼視之以是暴得簡俗聲而獨好飲酒其天性一舉白淋漓數斗弗醒終用此困始父璋垂素留長安一廟緩外悉倚辦五陵豪家其歿也豪家子羣起貨殯之鳴臯藉是得遍遊豪家子長安俗豪家少年子相率危帽繡衫挾金九騁名馬擊毬摩阮籍博聯翩狹斜為聲容太上攻奕道書畫闔閭野春明旁以意氣結要聚族效河朔平原飲鳴臯故洪飲出羣少年上又辯口滑稽弗窮至則盡傾四座眾羣少年大驩謂飲非祝先生弗樂競推為祭酒鳴臯願世方落落而羣少年所向得我心慨然有東方氏玩世想因遂浮湛楚

藥中為簿書期會以次發夙日告治具屆期賓至毋得後月宵花晨鰲吸鯨吞散髮披襟左手持蟹螯右執如意擊唾壺鳴臯誦杜陵贈李謫仙痛飲狂歌空度日之句時而大呼時而慟哭羣少年拊掌竊笑政以酒態當爾爾趣御者亟進觴巨劑其寄寓指也醉甚則以頭搶地竹林諸狂夫安在哉夜臺沽酒客無視生胡以豪也一日過羣少年飲所觀案頭慶卿傳亟取讀終篇撲袂曰惜哉荆高二庸豎操劍筑靡秋毫贏氏子遇我者藎粉矣其喜為大言類如此非狎習而驟睹靡弗驚而鳴臯意自若益發舒問其姓名睨而弗答迫之則漫應長安酒人乎其後謁刺達官長者亦自署長安酒人某飲何生以篆刻受知今皇帝特為鳴臯鑄印章珮之一時名公卿李惟寅沈純父輩挾日與沉飲絲是酒人名噪長安而是時石羊生業已從按察公至與鳴臯遇華陽榻石間勅然莫相知已問知為酒人則躍然已就酒人語則酒然已遂把臂為劇譚已遂促膝為劇飲迄三晝夜弗忍舍去咸自恨相值晚也間以其私臆語生舉世汝汝莫知余

少室山房卷八十八

少室山房卷八十八

迺今于里中獲元瑞天乎吾其真酒人乎哉自是稍謝去羣少年而從石羊生遊滅異時酒中故態什六七鳴臯為人嗜古文辭放蕩不羈於意氣重然諾厭薄俗子浮榮皆與石羊生合尤偏嗜讀書三墳五典八索九丘下迨百家亡弗窺家故貧鬻文所得錢贖持授書賈妻子凍餓啼號而弗聞也而四壁琳瑯素炫心目石羊生固有書癖兩人緣此爾交親所夕過從揚挖古始大而宇宙細而昆蟲明而聖王幽而老佛河懸解翻電掣雲蒸機鋒所諧塵尾盡禿語小極呼若飲澆之長安魏米春繼進飲已復譚譚已復飲至唯黃藝苑月旦人羣有好必投有惡必斥兩人恆自詫形骸為二肝膽維一也蓋鳴臯短而肥石羊生頹而瘦云善謔者或舉沈昭畧王微事為絕倒隆慶戊辰春兩人徒步入西山置瓢笠廢禪房周覽金銀宮闕四百所長湖巨峯曷地浴天沒日更決策裹糧窮極人迹弗到處所至橫盡筆端彌月歸倡和篇章盈篋好事家多剽以行鳴臯既自放酒中又修古典時尚悖博士少俊者據高座陵階臨之鳴臯大憤懣奈何

以雞肋而翁裂衣冠飄然去其籍羣家子觀鳴皋數贈燈場屋
今且并博士籍去之中厥而狎相侮了無曩時馨折風而石羊生以
按察公外除復將返谿上鳴皋愈不樂處京師會所善那直指爲買
田濟深遂先發妻子赴之而身留長安酒樓與石羊生十日飲飲已
爲別泣數行下曰平生不解作兒女悲今別知已誠不知涕何從也
又曰足下方以盛年勉荷不朽大業余不幸自放麴蘖中今已矣長
爲農夫以沒世矣千百世後齊東野人之語或有稱述者吾其識之
鳴皋別余之齊東居五載以歲餘入長安詢所知適故人邢直指來
報命會晤甚懽牛飲過丙夜甫就榻痰涎泥膈間欲路弗得時吃吃
有聲童子以鳴皋醉夢語耳迨明直指呼之死矣直指指爲經紀
其喪卒返之齊東直指名何字子愿故齊東產也始鳴皋居長安以
酒人自呼既去之而復入一以是終竟符其識

少室山房卷八十九

三

而下浸有聞彼肩瑰頁奇而所如弗合或願人間世一無足事事始
假以遺外俗芬誠不得已而託之酒第其狂易自恣若晉劉阮氏之
屬嘗疑史泰甚其辭迺今以余所親記鳴皋否耶然耶鳴皋以酒人
自命而竟死于酒至今愚夫僂父嫻笑之里中兒維甚嗟嗟彼未親
劉阮氏耳千百世後頌頌酒咏咏懷者能復以酒人名之耶且非酒
人而能若是耶雖然里中兒則奈何使之解也

趙先生傳

大庭而降風會茅然靡矣士尙論咸以古今人弗相及然而孟軻氏
稱豪傑輒曰雖無文王猶興何也得非苞靈孕和哀然挺出者代有
其人耶余束髮走西方恆思一當孟氏所稱而未獲願得之里中趙
先生砥行禮躬里中五尺童能抵掌道迺四方或未習聞也作東華
趙先生傳東華趙先生者名祐卿字汝申東華其別號也厥先宋清
獻公拈居三衢元末少府君肇家徙徽上十一傳而爲趙先生父處
士公以獨行著母童夫人感異夢娠趙先生先生幼有至性常跣

危坐識者詫非凡兒弱冠補邑弟子員歷試高等歲丙午舉於鄉是
時趙先生于書概已無弗窺嘗讀左邱明三不朽語慨擊節曰士
生天地間駒過隙耳不及時蚤努力樹大業三公五等朝菌奚殊耶
始發憤下帷潛心太上自洙泗洛閩以及荀况董仲舒揚雄韓愈昭
代薛吳王諸家言成洞晰旨歸而發軔其所未及作悟思等錄前後
萬餘言間以暇日講竟皇帝王霸之畧度方今天下可施行者意有
所觸發爲詩若文根極性情置漢唐名流靡媿色矣趙先生業既日
益進名亦日益高顧每試春官輒不利居恆自嘆一第足以當不朽
卽十上吾甘焉不爾者吾從吾好可也乙丑謁選得高安教授倡明
師道爲黌校先隆冬沍寒大雪壓廬集諸生談藝其中屹屹丙夜俄
就默中衡文聘取士得人爲多學使羣江右秀彥于會城念教事非
趙先生莫任者趙先生則奉檄往晨起據經坐上坐青衿環侍干餘
人質疑發覆人人自以意得去銓曹雅知趙先生儒者負經濟材毋
令久閒局擢知縣事建平建平故水鄉也圩田歲久污壞什七八民

少室山房卷八十八

四

顧賦靡所出相率流殍他州趙先生至至捐俸募役夫板築并請倉
粟助其成圩乞亡害逃亡歸倭寇因起當道令悉城屬邑無城者而
建平次當城趙先生曰大役也若疲邑何顧城不可已則多方斤浮
濫抑送迎得奇羨若干先城邑四門餘樓櫓壘堞以時就民大悅爭
勒石頭成功當道幾用上考薦而州以讓馬直積與縣不相能趙先
生復爭諸刺史前甚力刺史恚拮據浮言中之印馬使竟用此調任
之保康民兩泣道道挽留請得抱牘訴闕下趙先生揮手謝曰良苦
諸父老第此王命也單車疾馳不浹日抵保康邑踞即萬山中姦民
目無長吏白晝殺令尸堂上稱最岩趙先生下車則大召四境氓論
以禍福而剪艾其一二敗羣者以漸飭塚墮繕器具稽什伍挖遁逃
而開誠布公弘以更始之路巨猾惴惴告自新無何蘭谷公計至趙
先生徒跣奔歸治喪事骨立苦塊間閭邑吞嗟其孝服闋補龍溪邑
屢中倭瘡瘵之家十室而九撫摩其疾苦而噢休之歲暮念窮民無
告呼入出已鑿置坐隅寒者衣饑者食病者療不資公帑寸錢民德

趙先生若怙恃以入覲便過省太夫人冀偕往太夫人苦瘴霧憚行趙先生泣曰母不行而吾行溫生絕裾哉亟移文乞終老當道報可俄太夫人遽危疾夜叩天剖股肉以進疾良已太夫人竟享遐壽不及耄者三服闋再入都補乳源令擢別駕雷州地密邇珠池亡賴子僉衣重鎧出沒海島以盜珠爲業吏追捕往往殺傷相當趙先生察知不勝憤甫入境日夜勵士眾以待賊葉宗權等餘皇數百趨博里我兵奮勇擊之賊斬齒獲百數餘黨駭散入諸洋同事叩趙先生計安出趙先生曰賊尙眾未易一舉殲之除夜彼揣兵莫至方樂飲吾出不意縱火焚可使無遺類議克合而督府馳檄撫之趙先生以單騎入賊壘至則諸營各羅拜請命惟賊首十數懷狐疑因具以狀聞督府命便宜從事趙先生密偵賊所在遣兩吏賈人裝驛其後而銳士數十持兵伏繼之賊果不設備悉就擒是役也凡招賊船二百三十二擒賊首一十九瀕海氛翳一空趙先生力也當道方倚重爲長城而趙先生以年老堅上事乞骸骨臺使察其誠不忍拒行之日

少室山房卷八十八

五

餉遺慰勉有加趙先生既以完節歸慕司馬君實范希文故事與從弟今大學士趙公太僕卿徐公泊家君躬服古道化鄉閭風俗爲一變以清獻名德蓋宋代可焚香告天事尤偉則建議舉宗創祠廟而獨捐金數百臺其土曰告天並輯處士公而上水部公而下積功累仁事爲一編命之曰傳香錄自餘鄉先達偉人劉孝標駱賓王輩皆著論暴其忠節當世躋之性澹泊惡粉華獨寄好山水時時挾名勝探幽奇長吟短詠翛然自適方秋作感懷十咏騰播一時他簪什工者尤衆蓋趙先生自罷別駕還里中及余輩相唱酬十年所如一日也始趙先生業以不朽奮晚年願事功僅小試而詞章又小道無足爲且德成名立思有以進是者遂殫精性命築禮斗臺擬關據梧取參仝悟真讀之行其術有奇驗既益讀楞嚴圓覺金剛諸書乃大悟曰噫嘻道至此乎夫儒以淑世仙以度世梵以出世函三者而一之丈夫事盡矣因著書曰三逃記作佛宮奉大士日跏趺相對宛如看歲時識者知其宿根所植云趙先生年且大耋矣而色若孺子修眉

方瞳步履輕越望而知其稚川弘景輩流至與談竺乾內典則眞覺妙明圓機朗照令人身世并忘又解不以爲維摩詰龐居士也趙先生于余爲丈人行余少趙先生二紀餘然里中稱習趙先生莫余若者趙先生命爲傳余不得辭輒稍次其行事傳四方焉

石羊生曰孟軻氏所稱豪傑舍趙先生疇屬哉世沾沾狗耳目七尺之軀浮沈于聲利之途而舉世莫能拔最上侯平津班定遠極矣彼其眛不朽爲何物趙先生獨蚤用三大業自期俛得之而暮途棄去益逃諸無何有之域務解脫死生而後已此其人寧有待而興者夫孟軻氏所稱豪傑舍趙先生疇屬哉

少室山房卷八十八

六

少室山房類彙卷八十八

激水胡應麟明瑞著

傳三首

補傳一首

補唐書駱侍御傳

駱賓王越東陽郡人也父為博昌令見本集與博賓王生七歲能詩嘗嬉戲池上客指鷺羣令賦焉應聲曰白毛浮綠水紅掌撥清波客嘆詫呼神童比長天才逸發與王勃楊炯盧照鄰並以藻繪擅一時號垂拱四傑云先是唐起梁陳衰運後詩文纖弱委靡體日益下賓王首與勃等一振之雖未能驟革六朝餘習而詩律精嚴文辭雄放滔滔混混橫絕無前唐三百年風雅之盛以四人者為之前導也永徽中歷官侍御史時高宗屏不君后墨擅國賓王觀唐運且密移數上書言天下大計后墨怒誣以法逮係獄中作螢火賦以自廣久之謫臨海丞高宗崩后墨廢廬陵改唐物賓王恥食周粟即日去官歸

少室山房卷八十九

賦寶劍思存楚金鉗許報韓之句會英公徐敬業起兵誅后墨賓王仗策從之敬業雅慕賓王名得之大悅引至戎幕中羽書文告之屬一切諸焉既而義師大集將直指長安賓王援筆慷慨為檄文以諭海內詔云偽臨朝武氏者人非溫潤地實寒微密隱先帝之私陰圖後房之睚眦元后於翟翟陷至尊於聚麀猶復包藏禍心窺竊神器君之愛于幽之于別宮賊之宗盟委之以重任嗚呼霍子孟之不作朱虛侯之已亡燕啄皇孫知漢祚之將盡龍飛帝后識夏庭之遽衰敬業皇唐舊臣公侯冢子因天下之失望順宇內之推心爰舉義旗以清妖孽南連百越北盡三河嗚呼則山岳崩頽叱咤則風雲變色以此制敵何敵不摧以此圖功何功不克公等或居漢地或叶周親或膺重寄于大廷或受顧命于宣室言猶在耳忠豈忘心一抔之土未乾六尺之孤何在云云檄傳四方振動墨讀之至一抔六尺語凜然曰如此材而流落不偶宰相之過也敬業進兵拔潤州敗偽周將雷仁智與李孝逸遇下阿擊其前鋒大破之敵垂遁適是墜營中魏

元忠縱火圍逼敬業軍遂潰黨與悉禽獨賓王變姓名逸去削髮為浮屠居天竺靈隱間十餘載考功郎宋之問謫官嶺表宿寺中賦詩得鷺嶺龍宮之句思不屬方苦吟一老僧卧禪榻問故遺續云樓觀滄海日門聽浙江湖之問大駭質明趣訪之逝矣識者云此駱賓王也以是知敬業之敗有司慮墨以檄故必斬得其人因斬貌類者以獻云始賓王父早亡奉母竭力裴行儉再辟幕下皆陳啟峻辭意致委篤人以方李密陳情表世傳士先器識之云殆匪實錄至奮身為國舉宗百口棄置若遺其忠孝天性然也賓王既以起義亡無敢哀其製作者廬陵復辟累詔訪求魯國郗雲卿始集傳之天寶以還唐風載變後生輕薄齷齪前薪杜甫氏以凌跨百代之才特推駱賓王至擬之江河不廢李夢陽王世貞本朝稱大匠咸歸甫論篤而斥行儉為腐談新都汪道昆尤重賓王檄洎帝京疇昔二歌方諸秦漢間作者當學墨革運滔天刺刺生靈毒痛九野蓋開闢未聞之變一時唐之臣子宋璟姚崇婁師德輩俯首北面蒲伏裙裾殆不知廬陵何

少室山房卷八十九

物獨賓王仗義執言大聲其惡墨雖漏網逆狀暴暴干載讀之輒礙靡過視行儉目擊慘澹荷全污濁者器識先後何如哉自唐世因仍周曆日以叛臣刺反相沿郡乘邑志咸屏弗錄明萬歷丙子滕觀察伯輪董浙學事于是門下士胡應麟發人也首上事訟賓王云竊見故唐臨海縣丞駱賓王大節高風瑰材卓行詞華冠代學業超羣至孝篤于平生孤忠竭于始任微官奉母任武功簿而不辭直道事人謫臨海丞而靡悔屬北晨之篡國玄極攝而八極招奮雄畧以登壇赤羽呼而萬眾集勸一抔于故里問六尺于元兇歷數屠兄殺子之姦鯨鯢禍魄亟發酖母殺君之惡孽翰寒心既首建義旗將裂渠魁于七廟旋身膏逆刃向飛靈爽于千秋偉哉器量無雙詎曰文章寡二迺史氏頹靡弗昌言于紀述而州民謗陋迄罷享于蒸嘗誠亘古不白之沉寃實闔郡當先之鉅典伏惟闡發幽光播揚茂烈聿修廢墜廣勵風猷俾乾坤壯氣恢弘于崇正之朝海甸英魂鼓舞于右文之日書上事垂下所司適擢去不果已蘇督學潘至亟申前議列祠

物獨賓王仗義執言大聲其惡墨雖漏網逆狀暴暴干載讀之輒礙靡過視行儉目擊慘澹荷全污濁者器識先後何如哉自唐世因仍周曆日以叛臣刺反相沿郡乘邑志咸屏弗錄明萬歷丙子滕觀察伯輪董浙學事于是門下士胡應麟發人也首上事訟賓王云竊見故唐臨海縣丞駱賓王大節高風瑰材卓行詞華冠代學業超羣至孝篤于平生孤忠竭于始任微官奉母任武功簿而不辭直道事人謫臨海丞而靡悔屬北晨之篡國玄極攝而八極招奮雄畧以登壇赤羽呼而萬眾集勸一抔于故里問六尺于元兇歷數屠兄殺子之姦鯨鯢禍魄亟發酖母殺君之惡孽翰寒心既首建義旗將裂渠魁于七廟旋身膏逆刃向飛靈爽于千秋偉哉器量無雙詎曰文章寡二迺史氏頹靡弗昌言于紀述而州民謗陋迄罷享于蒸嘗誠亘古不白之沉寃實闔郡當先之鉅典伏惟闡發幽光播揚茂烈聿修廢墜廣勵風猷俾乾坤壯氣恢弘于崇正之朝海甸英魂鼓舞于右文之日書上事垂下所司適擢去不果已蘇督學潘至亟申前議列祠

郡城已洪督學啟睿至復采風聞專祀邑里三觀察使皆閩人形似
風節而後先繼至故自賓王舉事歷宋迄今八百餘載而公論始定
子一殆若有天意存焉於戲賓王不死矣顧新書文苑閣畧未詳而
劉昫舊唐論述尤謬因稍據臨海丞集擬其忠孝大都暨莖乘碑官
之足徵信者為駱侍御補傳以傳

胡應麟曰吾越之言詩文率繇賓王始非直藝一方耳也迺余產藝
中于賓王實晚進云賓王撤后墜大惡數十義炳日星而史臣以怨
誹譏之偽周羣鼠倒置君臣大倫以媚壘可也而亘千百載而下而
皆周之史何也大明御寓覆盆洞鑿勾萌蠕動有隘必伸而矧于賓
王於唐歷世久而公論明蓋記之古昔矣

家傳一首

家大人履歷述

家君諱信字伯安一字子祥厥先安定先生璣安定先生仕宋教授
吳子姓留吳興遂世世家其地勝國兵起徙蘭谿玉傳而為贈奉政

少室山房卷八十九

三

大夫禮部儀制司郎中富是曰先大夫先大夫質而願與兄弟同業
賈獨重然諾安義命用是賈曰因而家君總角則已悉讀素問靈樞
金匱等第其說忽翻然悟曰大丈夫生明世當用仲尼周公道沛澤
萬里胡株守一技亟棄去業儒補邑弟子員試輒高等是時太宰唐
公龍方請告偶讀家君文大奇之立召見家君甫弱冠衣敝衫草履
進而神彩秀微風度朗朗玉立一坐客盡傾太宰顧謂諸君是寧獨
藝文即器識亡兩幾欲以女女家君中奪母命止然自是過家君特
厚歲問遺無虛日已酉當省試督學豐城雷公行校士得家君卷快
甚為私識其處適萬安朱公以督學至訊雷公諸生義雷公雜取
家君卷授之朱公閱未竟擊節曰此空羣足毋失也雷公徐摘示所
識處為撫掌一大笑兩公皆當代文辭宗牙頰奔走天下士顧交重
家君若此是秋赴省以名高謀僻寓習靜得潘氏園夜束書至則羣
蟻至集室中無隙地一僕夫請縱火焚之家君驚覺曰若以是蟻蟻
非生類耶一舉火數萬命立盡胡忍也遽踉蹌還寓越數日入試精

思首義至日晴竟三義閣燭矣復屬四義草忽燬集筆端如蟬閣
筆稍稍去再舉筆再如前時漏且二鼓家君顧事急則不復屬草而
錄三書義甫竟夜過半旋縱筆書四義文思輒溢出如泉湧而蟻亦
絕不來轍卷申旦矣已中式謁座主方祥先生謝方先生迎謂吾讀
子四經似非人間物也始信為羣蟻報云已未第進士迎大父母入
都歲歉甚家君罄俸入市白粲大父母而身脫粟俄鄭太宜人病旬
旬頓天竟不起奉喪還瘞瘞骨立闔郡嗟咨其孝矣亥服除以郎中
公春秋高欲終養郎中公趣之乃行授禮部儀制司主事乙丑提調
塲屋肥搖宿垢百廢具振竣役條陳便宜十事將上之會聞郎中公
訃奔歸毀瘠如夷太宜人禮而貧愈益甚聚徒自結糜寸積入有司
戊辰再謁選太宰蒲州楊公夙習家君名即出他精膳即以家君補
其處踰歲遷祠祭員外逾歲遷主客郎時儉曾以孫把漢故乞欵塞
舉朝巨測宗伯播公吞主客郎家君謂庸一小人殺傷兩掠不可以
億計今納欵歲費不過十萬緡而於朝廷體甚尊許之便諸大臣議

少室山房卷八十九

四

以克合凡宴錫賚子悉委所司家君筆畫處置鑿鑿中察政府大以
為材驟遷秩儀制郎亡何穆皇帝上賓一時登極改元軍恩肆赦詔
書宣布中外踴躍咸以數十年所未親也於是當以大典勞遷九卿
銓曹虛秩待而會有陝諸王襲封事高皇帝制諸親王庶子封郡王
親王絕而將軍中尉繼者仍故封不在例而王某故由中尉入其次
子亦欲得郡王封家君持不可而其親親王爵甚行萬金大璫恫惕
扇謗旁午家君弗為動曰吾不過罷儀制郎耳姦高皇帝三尺即幸
漏網謂臣節何事迫權璫適授旨吏部出家君湖廣右參議蓋不逾
月襲封典行矣楚歲比大水荆襄二郡彌望魚鼈而大司農方日夜
持尺籍責委輸家君下車太息即日請行郡身暴草野中三月盡得
虛稅獨額十之四民大悅頌生我而二郡故江陵相里也江陵相新
得柄威福甚諸奉檄楚者伏謁視家臣而家君過其門僅一刺江陵
父治第宅四方餽餉幣山積家君公觀外毫不私江陵子若弟赴省
試諸司奉毀塔級降禮親家君曰吾天子藩臬也不復能折腰事權

貴由是江陵積怒而當事者遂上章按家君督餉亡狀例運艘渡江三月淮五月後期責所司而是歲楚艘皆先月度道路扼腕而江陵從中主竟奪級南按察會事家君被命去楚吏民道留以千數已乘扁舟浮洞庭度沅湘弔九疑益西南行夜郎貴筑萬山中攬觀夷夏大防天地日月所窮際出沒凡百日抵滇蒞政愈益以恩信逮下不為時尙阻訟牒鬪爭輒賜粟帛解散之境用大治所轄地鄰緬甸緬以大理饒澁洩久而屬夷刁氏父死兄弟爭立其兄尤鷓猶自分庶孽不得請則操戈為緬前當道盱食下其事家君家君飛檄緬諭以禍福大旨謂若不過中國一郡縣當若威時悉若眾窺我我沐將軍以偏師殄若亡遺類今皇帝神聖橫如倭強如韃悉心委命若乃無故入奸人言若朝啟天朝大兵夕至鞠若地為茂草若熟計利害毋悔緬得書震怖謝家君則身馳至刁氏立二人庭下責大義令疾自新兩人誓且泣誓世世不復倍因爲中割其地還報撫臣大喜與臺使交推轂家君仁而有勇遂以僉事晉藩參不越歲超臬副

少室山房卷八十九

五

家君前後數歷滇四載所至竹榻罷陳固若洗深山窮谷耳胡使君名輒頂禮呼佛子然家君爲人持大體捐小苛樂循循惡迎合屬僚自守令掾丞感刺骨靡二而列女深與直指貴倨者往往柄鑿癸未大計卒從不及論疏有滿腔赤子等語家君慨然曰陽城心勞撫字吾豈以鷹鷂易鸞鳳哉且吾行年六十間關萬里博一官一級何異味雞肋今者吾得我即日拂衣還里中大召親族故舊日燕飲相勞苦窮乏不能婚者捐貲授以室喪暴露者畀吉壤毋令後時宗人數百指日夕待家君以舉火間有陽請乞而陰背者家君如弗聞他日更以窮歸益復厚遇之其樂爲人所難率此類也家君博大慈祥忠信坦厚皆天授宿植幼卽慕司馬文正公爲人三尺童子不加一謾語無疾聲無厲色無城府無町畦絕口不談人過人以橫逆來恆樂受至鄉鄰有鬪則引咎自辜不能安寢食尤好抹患郵災老弱病躬調藥餉餽下逮丐徒賤役靡不熱賴以全活甚羣生平祭祀外未嘗殺牲而於小物微命逾謹嘗大會燕中貴賓賓垂集願簪

前一繩蛛絲網則然取置掌理其結結纏糾十數重家君竭心目力自已至中卒活蠅而後舉會龜蟹螺蚌之屬必重購投深淵日以千萬數卽蜂蠆亦不令人傷第謹避而已家君外和而內介與居終日挹畏不自勝一遇大節臨大義則責育莫能奪故一扼于中貂再扼于權相又再扼于臺使者皆坐此也始用布衣奮鬪巷中間空乏隱憂險阻段折靡不備而意常豁如視宇宙百物一亡足嬰其內自以少時抱痲疾數勤大父母稍壯卽斷一切嗜欲今年踰耳順形神甚茂鬢髮黑而貌敷腴驟而望之四十許人也雅好讀書諸子百家靡不究業以擴見聞不靳爲博長吟短章援筆立就業以暢情素不靳爲名居常不談性命而被服仁義間望偉然自嘉隆來薦紳先生童孺走卒無間識不識以爲鞠躬君子大學士李公春芳都御史何公遷天下稱儒碩咸忘分傾蓋延至家塾命諸子拜牀下善人倫者僉謂家君孝謹類萬石平恕類劉寬剛操類嚴挺之雅量類婁師德樂善好施類白樂天范堯夫至仁郵懇至昆蟲草木靡不周遍則于古

少室山房卷八十九

六

罕見其比蓋實錄云家君他傲不可更僕盡不肖麟自束髮服膺庭訓迄今靡尺寸樹且身抱狗馬病大懼一旦溘而令家君淳德泯泯于當世用是不量謹撮拾大都如右以俟當世大人君子之秉椽筆者

自敘一首

石羊生小傳

石羊生者金華山中人金華山道書曰三十六洞天故皇初平牧羊處也生少迂翫好談長生輕舉術又所居鄰上真于是里人咸謂孺子不習當世務而遊方之外豈曩昔牧羊見耶生聞輒大喜自呼石羊生云生父憲使公母宋宜人人生五歲憲使公令出侍客客占對必屬九齡受書里中師業已厭薄章句日從憲使公篋中竊取古周易尙書十五國風檀弓左氏及莊周屈原司馬遷相如曹植杜甫諸家言恣讀之憲使公奇其意弗禁也十三四爲歌詩稍稍問里社中十大補邑弟子員已挾書從憲使公北下錢塘浮震澤並吳會金陵擊

揖大江益東走青徐魯境趙入燕乞食長安市悲歌藟門易水
間所至與會感觸一發于詩時莊皇帝御寓八荒救寧萬里重譯薦
紳先生際會綦隆細述古始吳則王司寇太常欵則汪司馬楚則吳
參知蜀則張司馬洛則張中丞皆龍奮虎蔚爲世宗匠生每慕悅其
人願諸君子或歎歷四方或退居一壑亡從識面俄黎惟敬自南海
來從友人耶讀生開居十詠咄嗟何物寧馨詩四壁冠也而徐子與
周公瓊戚希仲歐楨伯陳玉叔何啟剛康裕卿沈純父祝鳴臯先後
至咸交口譽生盱眙李環衛維寅方威與海內諸賢豪談天碣石一
日耳生名亟虛左席以上客迎之由是生歌詩頗傳播長安中諸長
安貴人往往愿交生亡何憲使公以襲封忤大瑞指補外藩生侍宋
宜人還越宋宜人患頭風生日夜治湯藥遂感風疾跳匿金華山而
會大司空萬安朱公馳驛過澱水始朱公從長安視生詩數物色至
是發使要生山中艤舟待載移日生心感朱公知念亡以報則述公
治水顛末賦長歌七百言以贈公朱公擊節示督學滕先生曰奈何

少室山房卷八十九

七

當吾世而失此子滕公讀大奇之亟移文博士廩生并檄生入武林
時侍御蕭公萬公合試越東西士千人再拔生文冠次年丙子以經
義薦于鄉生始願從赤松兄弟牧羊窮谷間中屈意當路恆勿勿每
攝衣冠則攬鏡自笑是楚人猴而沐者然用二尊人故未敢遽絕去
丁丑夏北還杜門谿上適王太常先生自吳中來顧謂憲使公阿戎
安在吾願就與語談竟兩晨夕瀕行王公握手日不佞縱橫藝
苑自于麟外解所畏差強人意獨生耳則又曰生幸及家司寇胡可
弗一遊其門先是生讀弁州四部集謂古今文章咸總萃是幸太常
紹介劇權輒以尺一通司寇司寇業聞生得生恨晚首爲生序少室
山房詩孝衣鉢授焉生自揣亡能萬一弗敢承也司寇數期生海上
坐宋宜人未能赴蓋自是不上春官者六載邑明府喻邦相矚于詩
意不可一世獨善生游覽倡和亡虛日壬午宋宜人病稍瘳而憲使
公屢自滇發使督生借計生願長公知厚非假北上亡從而因努力
治裝過吳謁司寇弁山堂叩巽陽大師恬澹觀恍如躡開風升兜率

揖金母而拜木公其明年癸未與張中丞遇都下張中丞者新蔡張
助父也生素不相聞邂逅朱山人汝修館片語投合肝膽形骸幾欲
爲一卽傳稱傾蓋如故不足喻也俄再下第還里則張大司馬前此
弭節過訪生且屬憲使公必致生幕下生則復入武林報張公而少
司馬新都汪公至自歙生則復謁汪公湖上汪公持生刺倒屣出于
坐間脫七首視生此威大將軍贈也生能吐奇語賦此乎生夙慕汪
公甚卽援筆綴長歌千言既威大將軍至嘆曰名下無虛士生果然
汪公旋挾生過弁州伯仲于中路序生詩所寓寄彌篤至泊抵婁江
張大司馬亦取華亭道來會諸君子合并樂甚劇飲沈酣生以一年
少翩翩感集諸君子咸國士屬之人人意得也生結髮從事詞場于
前世名文章士僅吳明卿未識面目餘鴻碩俊髦交游莫逆徧海內
然于時尙益枘鑿丙戌入都復不第蓋自是北禮闈矣人或咎生
背今趨古生聞輒道然笑若欲以萬鍾不朽我乎生性喜靜寂惡紛
華于世味聲色狗馬軒冕玉帛泊然獨偏嗜古書籍所購經史子集

少室山房卷八十九

八

其世自洪荒以至昭代其粹自吳越以至燕閩插架幾四萬卷治屋
三楹貯之黎惟敬大書其楹曰二首山房而司寇爲記生日坐卧其
中毋論里中兒雖同室罕觀其面文少慕尙子平爲人而稟賦孱弱
乏濟勝具因繪圖齋壁綴詩其上曰卧遊室以自遣性尤好纂述所
著書有禹燕還越計偕岩棲卧游抱膝三洞兩都華陽蘭陰崎園邯
鄲養痾婁江白榆湖上等集六十餘卷詩數內外雜編二十卷筆叢
三十六卷丹鉛新錄八卷藝林學山八卷弁州律選六卷他未行世
者六經疑義二卷諸子折衷四卷史叢十卷藝獻十卷皇明詩統三
十卷皇明律範十二卷明世說十卷古韻考一卷二首山房書目六
卷交遊紀畧二卷堯玄國志十卷酉陽續俎十卷全姓名考十卷蒐
輯諸書有羣祖心印十卷方外遐音十卷兩司馬錄二卷考槃集十
卷談劍編二卷采真游二卷會心語二卷類萃諸書有經籍會通四
十卷圖書博攷十二卷諸子彙編六十卷虞初統集五百卷以發先
達無若劉孝標駢賓王二子孝標博洽冠古今當梁武伎君不少殉

而翁王武氏一檄爲唐三百年忠義倡世率以文人亡行視之于是
合傳二子而輯其遺文爲一編會蔚蘇君禹來督學讀生文稱善相
屬卽日檄賓王入郡祠千載鬱閔之疑暴濯一旦生亦頗自厭意云
生疎眉秀日長身望之癯然野鶴姿長經月不梳櫛科頭松下夏則
袒裊裸程熱沉水據椅梧條然莫窺其際隆冬感寒于雪中戴席帽
著高足屐行危峯絕壑折梅花滿把嚙之當其爲詩歌冥搜極索扶
臂嘔心宇宙都忘耳目咸廢片詞之合神王色飛手舞足蹈了不自
禁以故人相率曰狂生至性孤峭寡諧慕雅士若渴惡俗子若熱又
相率病生狷性生亦莫能自名姑隨俗牛馬應而已始生齒髮成強
寤寐古人囊鞬當代銳欲做尋一家追隨百氏之末殫今疾病殷憂
年踰三十顛毛種種自顧頽頽腰肢匪塵世物亡論一切有爲視同
夢幻卽文字結習且一洗空之旦夕將從赤松兄弟採藥金華石室
間呼吸靈和永絕世緣參乎大業遊乎混元斯生所夙負然哉惟是
生平歷履大都不亡足述者懼久益泯泯因稍掇拾爲石羊生小傳

少室山房卷八十九

九

以自考焉

弔詭士曰士誠各有志哉夫當其隆豫大之運疇不欲自奮以取世
資石羊生獨厭薄一切爲澹泊亡煤之業此其志可知也左丘氏亟
稱三事言若匪所先者他日之論魯大夫臧文仲也獨曰身沒其言
立是之謂不朽此其說奚以徵焉要之德與功非言弗樹若孟列達
尊輕重各有攸當必以上次論溺其指矣夫劉駱兩生是非旁午歷
千餘載至生而始定生業今方覆瓿百年之後或感以青黃文之惜
當世子雲不得與異日爲子雲者一交臂語悲夫

澁水胡應麟明瑞著

記五首

二酉山房記

二酉山房余所構藏書室也書以經類者三千七百餘卷以史類者再倍之子三倍集四倍凡三萬六千卷有奇友人黎惟敬過而樂之題二酉山房云始余受性頗蒙于世事百無一解亦百無一嗜獨偏嗜古書籍七齡侍家大人側聞諸先生談說墳典則已心慕艷之時竊取繙閱十一二從家大人宦遊燕中四方都會故舊書數也而家大人亦雅負茲好每退食諸賈人以籍來余輒從與其旁市得輒乞取盡讀而是時肅皇帝末年旱蝗迭見大父母復就養京師俸入不足恆乞貸鄉里以故帙繁而價重者率不能致間值其書願非力所辨則相對太息久之已家大人再丁內外艱余再從還越戊辰復上京師時余年十七始娶亦會家大人官禮部俸入稍優于是極

少室山房卷九十一

意購訪凡萬燕五載而家大人出參楚東裝日宦囊亡錙銖而余婦

簪珥亦罄盡獨載所得書數十篋纍纍出長安自是余奉母宋宜人里居十載中間以試事入杭者三入燕者再身所涉歷金陵吳會錢塘皆通都文獻所聚必停舟緩轍蒐獵其間小則旬餘大或經月視家所無有務盡一方迺已市中精綾巨軸坐索高價往往視其乙本收之世所由貴重宋梓直至與古遺墨法帖並吳中好事懸貲購訪余則以書之為用枕籍攬觀今得宋梓而束之高閣經歲而手弗敢觸其完好者不數身而中人一家產立盡亡論余弗好即好之胡暇及也至不經見異書倒屣傾囊必為已物親戚交游上世之藏帳中之秘假歸手錄卷軸繁多以授侍書每耳目所值有當于心願繼徘徊寢食偕廢一旦持歸亟披亟閱手足蹈舞驟過者率以為狂而家人習見弗怪也自余為童子至今年日益壯而嗜日益篤書日益富家日益貧家大人成進士歷中外滋久乃做廬僅僅蔽風雨而余所藏書越中諸世家顧無能逾過者蓋節縮于朝脯展轉于稱貸反

側于寤寐旁午于校讐者二十年于此矣山房三楹中雙闕為門前施簾幙自餘四壁周列度二十四度尺度皆齊一縱橫輻輳分寸聯台中遍實四部書下委于礎上屬于椽櫨然而條岌然而整入余室者梁柱椳栝牆壁皆無所見湘竹榻一不設帷帳一琴一几一博山一蒲團日夕坐卧其中性既畏客客亦畏我門屏之間剝啄都絕亭午深夜焚香鼓琴明燭隱几經史子集環遶相向大而皇王帝霸之事功顯而賢哲聖神之謨訓曲而稗官野史之紀錄葩而墨卿文士之撰述與而竺乾柱下之宗旨亡弗涉其波流阻其雋永意所獨得神與天遊陶然羲皇萬慮曠絕即南面之榮荒天之樂弗願易也昔人謂醴雞處囊中茂知六合之大而終日飽食沒世無聞為天地間一蠹余自束髮受書即妄意掇拾一家追隨百代迺今甫壯而衰亡能萬一自見而徒以七尺之軀沈痼于遺編敝簡而弗能出則當今為二物靡宜莫余過者顧余父子累積之勤嗜好之篤與諸書之聚余室皆非偶然于是歷敘梗概所由志之山房為一公案非海內同好不敢以出示也

少室山房卷九十一

關壯繆侯祠記

漢關壯繆侯羽義烈英靈炳蔚萬古而祀典之盛極于本朝慶曆間今香火蒸嘗薄海內外孩提走卒靡不知有侯者獨侯生平終始大節陳壽寥寥數簡缺畧未詳且筆削之正肇造紫陽自朱氏前即名世鉅儒猶繫統于曹魏則侯之效命先主譚者大都以盡心所事而已其于翊衛炎精恢復漢室之誼概乎未之有明也迺至東吳諸人名魏仇讐實漢蠹賊自孫策周瑜輩皆不過欲乘時寇敗跨割江表傳之子孫曷嘗有纖忽為劉之念權既破操鼎足形成績圖父兄志滿意得烏林之役昭烈奮身矢石以啟全荆而權百計忿爭必瓜分而後已此其肝膈底裏固可洞見侯睥睨其人曾斗符弗若而肯俯與婚乎蓋侯之絕婚孫吳即其辭爵曹魏方寸昭揭于天日迺後人聾瞶動以侯躁忽寡謀何也若荊州之失王公元美以先主不當委侯角魏而旁援後勁曾亡一旅之師其失當蔽之昭烈余則以孫

氏三世江東士暇卒練赤壁長驅中原岌岌而周瑜敵全吳之甲曾不能乘鋒席銳鎗江北之彈丸比權親率大眾窺伺合肥張遼以偏師一擊隻輪靡返則侯之舉襄圍樊洵七軍而震華夏允謂百代之殊勛三分之上畧其難其易未可以淺薄窺也當其時魯肅未亡法正猶在吳軍徐沛蜀軍秦川努力同心犄角大業則中原之復即侯一人負荷有餘昭烈武鄉高枕而議禮樂矣天不祚漢仁竄則留操遷則止若權若遜為鬼為蜮蓋世之伐毀于垂成漢事至是遂無復更可為者蓋冥冥之中陰若尼之不待武鄉淪喪而後決矣然則侯之存亡匪侯一身漢四百載存亡實侯焉係而判于蒙也長江全據之一言此余所為掩卷咨嗟太息痛恨于吳寇者也今侯之精爽魏魏赫赫宇宙亡窮迴眺東吳君臣奚啻犬鼠獨世人習論成敗概侯生平往往若有遺憾焉者而絕吳摧魏浩然之正氣穹然之偉績習矣弗察鬱而未彰余甚憤之輒因蒲東趙公命記侯廟而詳著其說如右若堂構之崇隆侍衛之華煥與興作之歲月日時前人紀載已

少室山房卷九十

三

悉而余方為侯鳴不平于千載之上固亡庸于贅錄也

白嶽遊記

白嶽東南一奧區也雖勝概不越尋丈間而天造神工炫心曠目遊人往往詫為絕奇余夙有少文之癖嘗得齊雲圖揭之齋中每撫琴動操山靈響答久矣尚以未及攀陟為恨仲春過新都去茲山百里而近既復過汪司馬肇林則茲山僅咫尺間會坐中有談及者余豪興勃勃欲飛司馬及諸仲仍從史之適暮春三日當玄君覽揆之辰爰覓筭輿發峪口薄暮抵休寧宿旅舍中傾白墮十餘巡數浮屠自九華至舉似白岳問孰優曰九華外拓白岳中攝其勝故未易甲乙也詰朝蚤起行休寧郭西游女方統紗堤上平波漲空草色迤邐肩輿過之袍袖皆綠屬昇者為緩行亭午達岩下曳屐上東天門飯榔梅菴次日齋服謁玄天太素宮香爐千仞突兀霞際折而東曰紫霄岩行小倦取磴道百級而下憇無量壽宮宮司馬新建極華觀可觀千山環拱懸水一線橫拖其前背負三峯轟天而起曰紫玉屏即文

蝸鍊石巨靈削成宜不及此而舊志絕不齒之又稍東穹碑屹立勒文其陽曰三楚升中頌藉第合以鳥迹鏡之末不署司馬姓名幾以為漢秦遺碣矣又次日攜酒登文昌閣望五老峯旁三石離立曰三姑余謂弗善易三娥取娥眉音近也通諸勝得詩十二章白岳遊人足迹所常至故世所共徵者弗列列勝之後出者如右自餘概于詩中見之

谿雲閣記

渡穀江並崖行五里而近有山巖然橫峙曰蘭陰俯控城圍仰屬霄漢邑西南最勝地也山之背重岡沓嶺延袤而下若鳳鸞若鸞躍抵洲上而稍就平是為蘭陰之麓大雲對聳闌闌萬家飛梁界空舳舻千丈又茲山最勝地也迺趙君文鎮即其地為書齋遊息焉堂五楹顏其楣曰草玄室朱簾翠幙位置甚都堂之後為軒曰嘉色取柴桑公采菊語也傍隙地藝叢菊數百本枝幹籜穹飽霜露率逾丈羣木既脫幽芳錯呈爛然庭除組繡奪目凡邑中言花事者咸出趙君下

少室山房卷九十

四

軒之下甃方池池淨不容唾金麟尺餘撥刺藻荇間陽琢石為平臺中散植牡丹芍藥山茶葵榴之屬右為煥室牖戶蒙密亡纖隙受風以冬貯蘭蕙素馨左為便房設木榻棋几桐琴四壁圍繪多名手古銅觚彝鼎官哥泉定諸窳焚妙香論嘉蔀雜貯江梅岩桂菖蒲而閨中盆卉若牙松若拳柏亦列置其次焉循曲房稍東為仄逕逕窈窕穿重壁穴旁為天窗以受明計其衡尺有咫而縱亘五丈折而北又旋折而東升石磴垂二尋磴窮得方檻小憇平曠沃野彌望皆綠憇者為踰足弗忍前舍磴緣檻歷飛梯二十四級梯凡三折每折級如之迤邐絕頂而至所謂谿雲閣者雕甍翼然金碧焜燿如費長房夜入壺公壺朝而聳翻閣風之杪舉閣浮提界在我目睫弗啻也閣四周施畫楯楯之內為風窗三十六皆洞開河漢縱橫象緯出沒雙溪如帶合流跨其前九峯若屏離立峙其後振袂而歌赤松則朝真芙蓉紫微諸岫岫飛動于檐隙已曼聲長嘯騁望于巖巖富春之際羊裘翁持釣竿曳草屨質質然來矣蓋蘭陰之勝據吾邑最山麓之

勝據蘭陰最而趙君齋閣籠一邑之現麗而盡收之又山與麓之勝之最也胡先生既用趙君請敷止宿齋頭時縱目乎鈴雲之上乃喟然而嘆曰觀之不可以已如是夫夫蛙之澤居于垣井也仰而窺夫蒼蒼正色者蠢然焉耳矣釜然焉耳矣夫若是匪蒼蒼者之眇也地之卑勢固宜爾也一旦而登杜甫氏慈恩之刹而吾之呼吸且冷冷通帝座焉彼浮屠雖高靈霞外而峭然一柱豈誠什百于垣井乎哉迺厥觀相萬萬其地勢高下殊也趙君斯築崇不逾十仞而廣僅足數筵大都孟軻氏所稱五畝之宅也而能籠一邑之勝而收之即其人磊砢扶疎亭亭獨上超然廣莫之表匪韞韞視中流審矣異日者余將拉鴻蒙氏遲趙君化人之官相與陟叢霄叩大羅歷切利兜率諸天而後返其觀也當必有倍進于是姑爲記以塞趙君而使之俟之

聚順堂記

丁巳冬瑯琊次公有豫章之役過家大人即索阿戎見即抵掌語

少室山房卷九

五

徹丙夜不休泊行送至蘭陰山下攜白墮躡屐登巔南望九峯蒼翠插天若青蓮然蜿蜒下亘數十里而遙至風秋潭上止焉斯地也華山枕其後漁塘滙其前紆曲迴旋于堪輿家言甚符次公指曰鬱蔥哉佳氣此必有順德君子若隱鹿門者流居其間哉余識之然遷延數禩未涉其境問其人也迺余宿有元亮之癖聞漁塘余君善蒔菊因同二三友人造焉門以外灌本交加藝菊數百本爛焉奪目漁塘君出迺則貌穆然則色溫然則言訥訥若不出口然予私念曰此次公所云順德君子若隱鹿門者流也迺入而其堂壯以峻其軒翺以朗其迴廊曲欄秩秩而噉噉朱簾高捲花香入座而子若孫胥彬彬然儒衣冠侍余謂友人曰堂以聚順願厥有旨也漁塘君即九頓首請曰古自棟宇來肯堂構者多矣獨畫錦三槐兩堂迄於今若新則惟承叔子瞻之記是籍猥茲野人之居願先生不惜片言記之異日得與兩堂俱承先生之賜其在萬世乎余曰唯唯夫順之義大矣以臺靡垂忤言若導山泉而注之東也順之聚難矣以臺靡缺漏言若

會百川而歸之海也聞君庭闈承顏則薛包遜孝順以克諧焉而聚棠棣燕樂則姜肱讓友順以克念焉而聚琴瑟敦好則梁伯鸞翰教順以克正焉而聚且也以其順德迺子若孫若萬石君之不言而躬行他日子若孫奉君教遷登應仕爲 聖天子將順之臣則給音下錫必曰此三代遺民爲朕釀大順之風者德足褒也此堂不更色飛乎哉君謝曰余不識聚順之奧義不謂當耆年而幸聞先生教余曰君髮鬢已耳順乎此天之所助而聚之所致也立成五言近體一章壽之因與君約共葆茲順德握手入金華山中爲皇生石羊牧倘皇生乞余作赤松宮記當必有進於是者今日且醉黃花間毋爲元亮所笑

少室山房卷九

六

少室山房類集卷九

澗水胡應麟明瑞著

行狀二首

先宜人狀

先宜人宋氏宋余邑中最著聞也聚族居尤埠食指無慮數百千即
 隸博士籍恆以十計而外大父最有聲外大父字道亨震其諱為人
 儻負奇芥視一第甚既屢試不售中棄去攝古衣冠築別墅日雪
 溪堂聚書萬軸卧其中經史子集環向恣讀之間發為詩歌盈帙晚
 尤好方術家言自長生黃白星曆緯候鍼石六甲五行無弗治而獨
 形家得其宗所著風水井見輿地指蒙多行世達官巨室延至恐後
 外大父亦雅好游而體便登陟每出恆旬日一歸歸而宜人持棗餽
 飾蓬籃謹候闕間外大父受成事而已始外大母首舉長母姨女
 于黃次舅氏且以疾廢季乃誕宜人而外大母歿故外大父出游獨
 宜人持門戶外大父觀其經畫斬然嘆曰是女也仁孝莊淑則天賦

少室山房卷九十一

一

乃其材矯有女丈夫風非賢如伯鸞吾弗與婚也時家大人以制義
 傾邑中未室外大父一見輒語門士施令喻旨委禽焉俄而家大人
 名日益起已酉薦于鄉歸逆宜人蓋十年長矣贈奉政公泊鄭太宜
 人咸在堂得婦宜人權甚奉政公家故饒既而燼于火家大人奮中
 微藉脯修以給甘毳是時江南諸從學就之如雲宜人子然一躬內
 奉姑嫜外奉賓客庀牢醴括米鹽周旋中饋諸勞若固有之間以
 簞燈餘隙刺綉辟繼佐家大人乏舉宗藉藉其賢已未家大人第
 進士宜人侍奉政公太宜人就饒京邸以外大父春秋高固請儲值
 歲大蝗歷齊魯趙衛至燕中千里地盡赤宜人躬舂脫粟而多方張
 具奉二尊洎外大父驩俸入不足簪珥脫繼之務各厭其意迺已明
 年鄭太宜人病宜人扶掖視寢洩衣帶蚪結十旬竟不起宜人柴毀
 骨立從家大人扶輓歸中途視膳奉政公尤曲至問密語家大人舅
 齡迫崦岷還驟居恆鬱鬱而誓御亡足司巾櫛者脫昏夜驟有緩急
 吾兩人曷從知家大人瞿然起曰乍吾夢爾爾微子吾告幾忘之立

召命諸媒灼得天津陳氏女勝奉政公踰年生子佐奉政公撫而謝
 宜人吾賴若以有今日尋奉政公下世宜人匍匐苦塊一如昔喪太

宜人丁卯夏家大人襄大事于澗水源宜人主工役饋餉一切辦兆
 以協吉尋奉政公勝陳相繼亡稚子佐呱呱衽席宜人躬保抱鞠養
 之是時家大人以不肖獨子納貳室唐舉弟鵬齒相若宜人懷佐而
 膝鵬兩忘其非已出也又以舅氏且瘵外大父繼體岌岌因力從史
 娶于徐得子浩甫若而外大父歿宜人辨踊呼天慟幾絕捐囊篋以
 治喪仍悉索餘貲界弟浩浩感奮卒納婦世其家識者謂宜人一身
 匪直胡氏宗賴以葆大宋之宗垂絕而續疇力也奉政公服闋從家
 大人入燕補禮部儀制郎自是周歷四司凡五載適虜酋款闕下今
 皇帝撫運應天凡登極改元錫封通市諸大議悉下家大人宜人握
 家秉概以便宜從事家大人得精心展布品式典章朝壘傾動危以
 勞勩擢九卿亡何持慶王襲封議忤大璫出為湖廣右參議孳宜人
 便道還里中宜人顧從宦日久田園蕪又不肖體素羸徃不忍割

少室山房卷九十一

一

因請留處守而家大人入楚督糧糧江陵相諸子試會城家大人靡
 盜禮其家成鳩工治府第諸司奔命匠石家大人如弗聞也者江陵
 相積怒漕使遂希旨斲家大人鐫一官移六詔稍遷至副觀察凡三
 政不離漢中屬弟鵬復傷而不肖艱嗣育故家大人自楚而滇越十
 載諸險畢從宜人亡繼忽介懷抱每信使旋聞家大人健七著則喜
 動顏色居恆謂不肖吾無他冀第得而父康於官而體康于室南面
 之榮吾弗與易矣其恬于世分類如此不肖自丁丑一赴公車旋絕
 進取念亦以奉宜人慈訓不忍離也舍傍闢隙地為小圃雜蒔桑
 苧葵榴時時御板輿挾子婦及諸雛倚然花木間竟日念同氣惟一
 姊一兄姊寄迹窮鄉而兄廢髮鬚絕人道因歲時推負郭問遺長姊
 母而掃丈室延舅氏出居之躬撫摩存恤以為常舅氏徐于一榻凡
 九易寒暑大期至揮手告旁觀吾以喘息腐餘竊生人之樂暑刻皆
 宜人賜也人以爲宜人孝友惠慈悉備眾善概之往籍眇觀等倫劉
 中壘所傳古今哲媛彼其義激所形白刃易蹈至安常履順無可鈞

之奇願人情所難有特甚者遇宜人聲色不動而尊親之道事育之節職悉理解女德之盛德能其繼矣既而家大人請老歸自慎宜人以女弟殤感疾猶強起洗沐出迓多袍冠金紫暉映白首晤言殊樂也諸側庶羅拜侍席前無所問一笑領之而已宜人自歸家大人第舉丈夫子一卽不肖麟次女弟鳳年十四殤宜人以夙鍾念也慘怛甚卒湛思中痰久而痼不肖晝夜繙經方問醫術聚羣兒雜奏宋元諸劇宜人觀不肖每強食自寬如是者亦越十載已丑仲冬朔晨起語不肖夜夢觀世音大士導而往西方鼓吹音樂從者以百數何祥也豈所稱極樂界耶不肖唯唯然喜不勝憂七之日忽風眩作干牌亭午正襟跌坐奄然逝傷哉彼蒼者胡奪余聖善之邊也距生嘉靖辛卯夏去古希僅一間云宜人警穎殊絕雖不諳筆硯而諸史百家稗官小說下逮傳奇詞曲屬于耳終身不忘諸妯娌雜坐壘壘談說不去口家大人列方面不肖忝冠紳而寒素自將與人處油然亡少驕貴色片語間肝腹洞見絕不爲城府町畦至普濟博施尤慧根

少室山房卷九十一

二 步 選 劇

夙植稚齒卽護覆眾生昆蟲草木不忍踐其命既歸家大人日給不遑而務行其意聞人患難痾瘵切于身置之以情告必宛轉周其急一日之間儻者食渴者飲寒者衣病者藥喪者柩若山陰道中行應接不暇恆言吾樂此不爲疲也逝之夕鄰鄰哭于邑族黨哭于宗媼姬哭于堂娣哭于寢寢獲輿隸而哭于途以宜人存日沾漑遍咸無物弗破故也宜人少蔬素禮三元北斗而于觀自在如來敬事彌篤至朔望虔誠焚掃有疾輒夢大士以楊枝展拂之輒差鼓吹音樂之導蓋往往西方時至云於乎人孰無母母孰無愛迺宜人之母不肖則愛絕常情一念精誠結于肺腑起居憂樂喘息貫通蓋舉世界大千無一足入吾母之衷而少奪不肖者至不肖依依膝下自少及強四十年猶一日無論妻孥燕婉棄置若忘卽五鼎三公蔑無何物誠謂母子二人更相爲命一旦溘然先朝露而不肖復以家大人邊暮不敢捐屏軀下從罔極昊天之恩曷能以瞬息已也惟是先宜人百行在躬宜得命世鴻裁以傳示來葉敬用幽憂餘辱撥狀萬分

伏維大人君子躬當道立言之寄者采摭而賜之銘不肖幸甚先宜人幸甚

別駕吳君行狀代

君姓吳氏諱某字某歛之海陽人先世自唐少徵公迄宗漢公源流最遠詳載家乘中至君父鳳英而客死于楚君時方三齡兄禪亦在襁褓遺貲竟爲某子甲匿弗予母劉孺人旦暮拮据鞠君及兄禪君甫有知問父狀輒辨踊弗食後十年劉孺人亦謝世君號慟骨立服除猶毀瘵不勝衣君既失怙恃獨依伯兄禪以湖陰江左饒沃地謀儲居爲治生計會女兄從命俞君之大田君徒步上謁俞君執君手與語大奇之何物寧馨匪碌碌下駒也亟命修費就外傳力學居無何俞君逝欲卒業蒙垂無寸錢喟然曰備者業不諱治生願今衣食靡所資而株守一穉奚爲者遂與兄禪改業買以信義著稱交游資用籍籍起則又慨然曰吾大者既不能業儒其次尙可以刀筆自奮幸藉二先人寵靈獲挂一命樹尺寸功可無負七尺能役老闔

少室山房卷九十一

四 步 選 劇

閩間耶始循例補郡功曹潔廉自持吏名儒行前後羣有司交口噴噴賢公以文無害授承年衛幕衛古漁陽境與屬夷犬牙錯故事歲時發金幣賜諸豪酋吏隸爲姦往往飾盜惡乾沒奇羨公受事毫忽無所犯賞勞給帛皆令人持錄致之吳越都會間精好什倍諸豪酋大喜過望世世奉約束稱外臣督府以是材君舉盤錯政咸諉焉君被知益淬勵自效凡徵衛課督邊儲給營餉所至寢私杜謁釐弊剔垢振頽頌聲四溢永平邊郡雜堞圯君親操畚鍤不數日奏功昌黎遷安令遞缺君再署一巖邑民上書求得君爲真令者累千人東事迫將越常格錄用君直指行部薦章勞午總之無慮數十上時銓曹以左輔重地非吳公莫可卒擢君判通州余方待罪州將簿書執掌奪履飢既得君懽甚內外諸劇務一切畀君職其羣州當孔道君所轄漕糧商稅最艱鉅又監司大農僉以君有異能符檄倚辦載道君恪共厥職一如官永平時獄訟繁興君據案片言立決率以爲神明富民妾以罪縊父母訟于官當道下訟鞠審君石

問狀情得趣破械遺之宮民懷百金頓首庭下君怒曰折獄辨冤余分也奈何持阿堵錢酒公其人惶駭逸去大豪蠶蝨堤圻壻頽毀幾不支君履畝悉復故經界紹瑄縮手奉行其不畏強禦類如此州土瘠歲侵連負萬計窮民展轉枯槁什九固圍君悉心撫字民賴以全活甚夥至家奉香火尸祝君君平居繩趨矩步恂雅飭節備者自以弗如一臨利害山立岳峙雖責莫能奪恆以少不獲竭力二親盛年操末業弁髦遺書為終身階缺事既服官躬儉約糞殖草具蒸膏享祀必備物致精捐俸入延明師誨諸子弟皆嶷嶷見頭角事兄禱克盡弟道白首無間言至處閭閻馭厥僕嗃嗃如也不佞頃被內召治裝旦夕發願徘徊不忍去君君亦戀戀河梁莫能別余為黯然登車未幾君疾聞又未幾訃音至矣吏民被君德者環泣四境咸以吳公不啻吾枯恃胡德蒼奪之暴也君柩將以秋初行孤起龍具行實哀經踵門請曰知吾父者莫如公言足以信今傳後者莫如公不肖孤匣遺骨歸首丘敢丐狀垂不朽余交君最久且深即不文義無

少室山房卷九十一

五

容默默敬據諸孤所稱述而筆其尤大較著彰顯者如右公生年為丙午九月二十五日歿萬歷戊戌正月初九日娶汪孺人次娶某再娶某丈夫子二長起龍某孺人出配某人女繼配某人次起鳳某孺人出聘某氏女一女出適某孫男某孫女某俱幼未聘字公之柩行矣余束官守不能執紼泥途而素辱君同官為狀皆耳目所親記不敢設浮借以點君生平惟當世立言大君子擇焉

墓誌銘三首

澗水胡應麟明瑞著

嘉議大夫都察院右副都御史贈兵部左侍郎建安縣公墓誌

銘代司空
銘會公作

莊皇帝初御寓余承乏文選郎與今大司馬粵西舒公前大中丞閩南滕公交莫逆也余在事彌年獲免魯戾兩公左右力為多是時上勵精當宁中外有司更置畧盡一時疏請什倍世皇朝賴天之靈兩公以同舍日夜匡余弗遂迺滕公方抱病猶為余強起勾稽功令餘次除日迄丙夜余以是德滕公尤深隆慶己巳春余竣事稍遷奉常請給歸未幾公亦子告嗣是子與公先後忤權貴人數起敷廢蓋二十年間出處隱顯之跡畧同云頃余拜命冬官公道起填兩浙芳冀公旦夕內召披瀝肝膽共淬晚節以報聖天子則公奄然逝矣余既偕舒公合詞馳奠公居恆念公赤心死王事冀得當以慰地下而未

少室山房卷九十二

墓誌

有會俄上命覈海塘功余因得備疏公勞勩茂異上聞幸天子嘉納詔予公一子入成均異數也又逾年公仲子萬里旬創持右參朱君狀介使兩幣載頓首庭下以公塋石泣請銘嗟嗟余于公死生患難之交也即銘公非余曠任者按狀公滕姓諱伯翰字汝載別號少松其先周子男國世居洛後扈宋躡僑寓閩之甌寧六世祖員郎禮部死難土木祀學官員生弘恩以廕籍知邵陽縣弘恩生鏞鏞生海州別駕澍別駕公二子長古松公鶴齡即公父也嘉靖甲午薦鄉書授通判南安娶于陳以嘉靖丙戌十二月初五日誕公公生而岐嶷不好弄始就學日誦數千言塾師賦異弱冠補邑諸生未幾南安公歿于官公奔赴邸中哀毀骨立南安公廉介絕出居官日不私一錢公徒跌扶輿歸家壁立公怡然不屑也下帷誦讀伊吾聲徹晝夜學使者行部至建安公輒高等名藉藉起諸生嘉靖乙卯舉澤宮王戌成進士觀政水部大司空豐城雷公試諸進士備邊策獨才公游揚諸薦紳不絕口已授官知廣東番禺縣番禺故嶺海巖邑適潢池弄兵

勢張甚公至緩催科審保甲浚壕隍繕樓艦教技擊至不遑盥櫛兼以鎮巡起築外城調停節度縮浮費幾三萬緡兩臺交章薦激獎備至丙寅擢禮部主事尋改吏部考功歷主文選事時蒲坂楊公為太宰於諸曹即慎許可願特雅重公日有所咨訪公徐條品目無弗犁然當場公慶隆初以大慶贈南安公如公秩母陳氏配楊氏俱安人尋遷員外郎移疾歸權貴有不便公者即家擢公貴州按察副使公脂車就道絕不以外遷芥屑中今皇帝御極廣厲人文特詔公以故秩移督兩浙學政浙人物聲華甲海內而奇袤弔詭稍遜曩時公以身帥之敦本實黜浮華甫閱歲文體斐然後先僅三載士輩英通籍名流自奮無慮數十百人尋轉督儲參政修漕艘謹充運輸輒如期擢廣東按察使粵諸士民皆知番禹政聞公來戴若慈父母惟公雨露霜雪迭出互施憲度張皇吏民咸飭羅旁之役公監領贊畫功最大幕府言于朝詔予金幣擢浙江右布政使會鎮巡爭苛禮不相能而風聞者妄意公構成間隙庚辰大計言官遂希旨齟齬公公投

少室山房卷九十二

墓誌

牒銓司歸屏跡公府寄傲林泉至不知嚇鼠為何物問以餘隙讀方外書要一二友人登眺里中歸宗巖縱觀瀑布之勝飄飄然有御風騎氣想郡邑守長踵門請質屬道路公輒鍵關以疾辭權奸敗臺諫羣起推轂公癸未徵補廣東右布政使潞河役興公簡廉勤吏分曹課督所節費不貲尋超擢南京都察院右僉都御史閩江防公念根本重地民匱軍驕漸不可長亟取事關振刷者條便宜十上之詔報可長江上下竟公任無一葦之警擢都察院右副都御史提督軍務填浙中公之再蒞浙也雖山川草木莫不習公色飛者公念浙自兵民叢棘旱澇頻仍地若甌脫矣至則延見父老咨訪藩臬大僚度不起剝瘵不已又值歲凶米價翔湧梓鼓盡驚益萌磔起公掀髯奮曰迺公奉三尺第恤饑民詎長亂民耶起移檄諸郡邑示諭黔黎多方賑濟諸無藉惡少蜂屯豕突概峻法繩之因力請改折漕綱停減織造以休息困憊一一取中旨報可亡何疫癘興死徙相枕藉捐俸樁瘞度二千有奇他如議常平乞赦賚少可紓民瘼者不憚反覆疏陳

必得請乃已公自撫浙以來朝夕飲冰寢食俱廢數陳疾乞休不允
會颶風起揚沙拔木蕩折民居而海鹽防海塘堤震壞公悉心計畫
括全省無碍帑金八萬資工費閩安堵若不知有大興已丑春以
防汎出海上忽島夷威集余皇將入犯內地公夜召諸將校授以方
畧掩擊大破之殺獲千計餘什九溺水中捷聞上優詔褒賚有加然
公自是疾遂亟凱旋臥床第者五日竟不起上念公薄伐功特贈兵
部左侍郎給祭葬如例邇年三品未滿考予全葬自公始公為人外
剛內和獨持敢任生平慕包孝肅為人其介特天性然也讀書恥逐
逐章句留心性命之學閱深博大人不可以涯矣親居官歷通顯絕
不爲家山莊僅老屋數椽礎田數頃卒之日餘俸百八十金至勇于
爲義則恤困窮孜孜若不及人謂百餘年來嶺南人物公與何文裕
海忠介爲稱首殆確論也公配楊安人出文敏公後多淑德後公二
月卒子四長萬申娶博士張袞女先公卒次萬言殤又次萬里國子
生娶觀察陳君烈女繼娶游處士士璉女俱安人出又次防側室高

少室山房卷九十二

出女二長適庠生陳鑿章次范有嚴松卒于己丑三月二十八日距
生嘉靖丙戌得年六十四云往公之貴竹弭節訪予山莊再信乃別
後十三年赴嶺表又期予出晤留連江介三日餘因極談建安山水
勝絕謂數年後解官歸當掃丈室俟予嗟乎孰謂公竟不待耶雖然
予後死矣異日者歸而善飯浮一棹武夷之曲拜公墓下以托于延
陵之劍固有日也輒因仲子之請援手志公墓而系以銘銘曰
猗猗啟宇自矧麟若若纍纍延七閩公繩祖武降庚寅排雲掣霧攀
龍鱗絃歌聲徹嶺海氓天曹簡秩超人倫秉鐸三周髦士馴良知高
揭越水瀕建藩陳臬懸朱輪吏肅霜威民飲醇帝念三吳災沴仍簡
書特厯控江澹載憂兩浙多呻聲量移節鉞驅頤鯨鯢築觀高出
甸羣書三錫來楓宸凱旋飲至車麟鞞鞠射盡瘁殞星辰帝聞震悼
煥絲綸豐碑巨碣鑲高旻公死不死厥後人
太子太保兵部尚書食正一品俸萬安宋公墓誌銘代大學士許公
肅皇帝季年河決華山絕沛趨昭陽清渠受蓄二百餘里餉道阻焉

天子南顧大息咨羣卿士疇爲我任渠事者僉曰今大司寇朱公其
人也於是朱公改司空視河公至則彭城之郊沮洳彌望又地當水
衝卽濬之必復蓄庚蓄庚蓄費且無已時卽下令召諸父老徵所見
聞對或云城之東十里而近趾隆阜可渠曩胡公世寧創議開鑿後
成公應期經始而罷者故迹尙存河勢紆衝蓄所弗及兼道徑易漕
復西渠不若穿東渠便疏入詔報可而故散旁居民多賈人子藉渠
爲利流言沸騰中朝諸年少持空談和之交難公以勞民殫財幸不
可必成之役上意不能無動詔給事中何君勸議焉何君具言舊渠
不可復者五而急宜治新渠議乃定新渠穿自南陽折而趨夏村東
南距留城百四十二里復疏舊渠起留城南抵境山五十三里渠成
而東齊吳楚舳舻五千艘銜尾而至天子大悅爲歌詩紀之待臣屬
和歷莊皇帝世渠益修繕石樹隄建閘濬薛沙諸水於湖徙故留城
水部及郵傳于夏村而漕務大集蓋公之規畫纖悉委折至今觀若云
明興以漕渠顯者及公凡五人工部尚書宋公禮平江侯陳公瑄武

少室山房卷九十二

功伯徐公有貞兵部尚書劉公大夏皆因勢順導役不踰時未有如
公之排衆獨往手縣官金錢米粟鉅萬數劃厚地爲長河而功用竟
成澤垂永世今徐邴以南濟汶以北頻歲潰決不恆而公所治渠垂
二十年宴然如故此其一費百全暫勞永逸之明效也公家居十年
所而資應役興今上思得練習渠事白首舊臣而任之公乃以其年
七月戊寅棄賓客逝矣於乎惜哉計聞上震悼下禮官議祭葬如令
甲封阡造塚示異數而伯子維京倚廬布狀來乞銘不佞嘗幸于公
卽無暇何敢辭公諱衡字士南薦紳學士稱鎮山先生上世居南康
宋東京郡公孺庭徙萬安遂爲吉州人孺庭子良臣紹興中以貢補
進士良臣子誠之官秘書誠之子子厚子厚子致美當淳祐成祐先
後以伏氏書爲解首數傳而至彩者公高祖也彩蚤世遺腹子祖貴
祖貴有隱行二子伯龍仲憲憲任婺源傅上以子麟貴贈刑部員外
郎憲仲子鵬爲伯龍後卽公父也鵬及龍憲俱以公貴累贈資德大
夫正治止卿太子少保工部尚書鵬娶贈夫人陳以正德壬申正月

二十日謹公東門慶元里先是有羣鶴盤空下週翔於舍日者謂公
 父而不聞當世有劉忠宣乎兒他日是已稍長就外傳類異絕人日
 誦數千言目十行下贈公憲甚奇之親授易解年十一補邑弟子員
 督學使者吳郡周先生得試卷大驚詫每飯輒食公號朱童子賦詩
 誦于人自後督學試輒首公辛卯公年二十遂以易魁其鄉壬辰第
 進士授龍溪令踰年改婺源甲午擢刑部主事遷員外郎贈公病請
 告家居六年強起轉郎中甲辰與大比武士乙巳奉勅錄囚江南居
 子舍七日而贈公卒免喪補禮部主客郎擢福建提學副使久之參
 政四川便道省陳太夫人居二月太夫人卒起補河南參政明年擢
 山東按察使尋擢右布政遷左明年以都察院右副都御史填山東
 亡何晉工部右侍郎董三殿石工以勤辦受知肅皇帝賜飛魚服予
 一子入爵監改吏部右侍郎滿三歲贈父鵬及所後王父寵俱如公
 官復廢一子而本生王父母不得與公因疏請移恩報所生特詔並
 給公兩王父母尋遷左侍郎擢南京刑部尚書未任會河決害漕改

少室山房卷九十二

五

工部尚書兼右副都御史總理河漕蠶書嚴重山東河南兩直隸咸
 受節度陸辭賜金幣麒麟服隆慶初新渠成晉太子少保食俸正一
 品仍總漕戊辰召還部壬申科臣交疏薦復兼右都御史出視河賜
 蟒服經理淮邳等處俄莊皇帝崩山陵事亟復召還癸酉慮囚奉勅
 主廷議所矜宥三十餘人眾稱允乙亥言路承權貴旨疏詆公外強
 直中腹誹無人臣禮請罷公公抗疏乞歸再疏再留眾謂公少濡忍
 且秉銓公陳引益力于是溫詔褒諭加太子太保乘傳歸初公守司
 空一日有詔遣工曹郎一人偕中使往造胡良河橋公知出大瑞馮
 保意也河故山水四聚勢湍駛轉石下槎勞費百倍工與新漕渠等
 遂疏言徒枉輿梁有司事無事煩中官抑王政有大體至尊上奉慈
 寧怙冒宇內如天無窮詎在濟涉今公私方告匱罷之便疏入寢不
 報王大成獄起詞連新鄭羣情洶洶公急排江陵相閱抗言曰一妄
 男子闖禁地付尉士足矣乃使蔓引株連此所關國體不細仍促駕
 諭金吾帥令速抵罪妄男子以息羣疑時變起倉卒掖廷驟以大獄

付帥朱朱懷眩茂知所措鄉間公言大悟即夕具獄上江陵意公右
 新鄭內衙之方議橋胡良時江陵相要公語宮中建造木抵累朝故
 事吾所先幹旋者數矣非甚靈政第順之公正色曰僕乃與公異公
 職在納誨僕職在守官江陵嘿然蓋言者前所指為腹誹而利公去者
 者以此隆慶中朝廷清宴乘輿六宮所徵服御器用動以億千計公
 疏奏國計耗竭久願勅中貴人毋濫徵言甚愜篤監局將作多無賴
 子竄姓名籍中旨既稟公奮然請嚴之所汰去數什百人時司禮貴
 人賒祥監內工憾刺骨願上方尊信公卒莫能難也其他諫張燈者
 一諫織作者再首劾閣陳洪再劾孟冲再劾李祐趙遷諸大瑞耳公
 名無弗縮首重足者其不畏強禦類若此始司空藏承凋弊之餘贏
 金厘塵七八萬公在事六年乃餘八十萬穿漕河泉十萬餘澤暑暴
 露往往成瘡疫公噢休撫摩行視醫藥成樂為盡力亡怨吝是時公
 年已及耆每櫛沐風雨乘小舟犯洪濤登降陟屺糧裹時絕左右不
 任罷餒公益鮮監將作西苑肅皇帝從帷中望見問偉儀度者誰由

少室山房卷九十二

六

是嚮意用公開府山東歲饑人相食噉聚弄兵公獨賦省役以招徠
 之盜柙解散繼大蝗公令民以斗粟易斗蝗蝗立盡四郊頌生我
 景藩之國紹瑞堤騎屬道路公好語中貴人務為約節事辦而民不
 騷在臬司一日呼積歲在官閣把其陰重罪汝之日若當死吾導汝
 以生吾廉知官中為蠹者種種因投贖于地令疏記實吾且顯用汝
 一不合立撲殺汝矣聞惴惴無敢隱公按疏拔去蠹甚者椽曹大驚
 以為神督學閩中所甄士多名臣有魁天下者太宰默方秉銓公以
 事法其子弟宰婺源令出必行與寵臣太宰鉉忤所親以禍福爭之
 公遷然弗為動其疆直自遂矯有古大臣風蓋自少然也生平著述
 有東撫奏議若干卷河渠奏議若干卷司空奏議若干卷詩文集總
 若干卷公雅不欲以雕蟲末技名而文渾灑爾雅存大體集史漢韓
 歐之長弗規規一氏詩情新麗密汎洗宋元類習追大歷黃初而上
 之正嘉慶歷之間獨公當一代稱作者宗工嗣起玉元美汪伯玉李
 于鱗輩交口推轂公以勳德詞章雅相頡頏云尤喜引拔傳流得一

善慘慘齒頰學者宗仰之若泰山北斗非獨以功名盛也方公得請出都門感者即披昭陵方中事議公削官銜以尙書致仕公歿逾年守臣爲力請詔復還太子太保享年七十又三元配劉封孺人累贈夫人繼劉累封夫人子二長卽維京丁丑進士歷官工部屯田司主事娶鄒氏故祭酒文莊公女也綬京太學生娶劉氏三女長元配出壻劉應宿季繼配出壻劉士遷皆邑諸生其嫁廬陵諸生曾文昌者中女也勝彭出孫二大夏維京子大商綬京子卜以萬曆丙戌月日葬邑之雙龍阡銘曰

煌煌大朱始卜萬安自公孺庭代有顯者迄司空世莫之與京休烈赫隆益阜以昌惟天篤生篤生名賢歷事三朝爲帝股肱河流湯湯延道弛離懷山襄陵沉璧奉菱肝食宵衣疇咨大廷司空受簡陞辭而往四載是乘徙渠便漕徐兗之間水土以平天葩燦爛侍臣廣和紀厥功成旣錫玄圭遺歸弼子帝曰汝衡眷倚方懋益輪其蓋多所匡正貴戚倖瑞側目耽耽蕪菲橫生請乞骸骨臣老宜罷非敢要名

少室山房卷九十二

天子慰留引退益力賜傳南征優游林臯返眞于斯便房泉扃石堅賦藏閉中羨銘詞可徵不朽者三景鍾汗青萬古全名

應文學墓誌銘 代大學士趙公

公諱召字可南古平其別號也元世自天台徙婺永康遠未有孟明者與邑人陳同父及朱元晦呂伯恭諸大儒游歷五傳至君王父惇惇生璋是爲君父東白公東白公由佔傳起家蚤歲擢登謁同郡章文懿公文懿一見輒避席呼小友鄉先達大司空徐公雅器重之行實具載郡乘君幼警穎寡言笑異羣兒前進士徐君觀其神彩玉立以息女女焉業成試有司督學張公按部奇其文拔高等補邑弟子員孔公天胤系至閱諸生卷得君大擊節有深探理窟之評是時東白公亦用諸生高等授新安博士過里挾君與俱適增城湛若水先生談道黃山白岳間君樞衣門下一時海內名士相肩摩聲稱輝燁起會母朱遺疾君第日夜侍湯藥不解帶比終扶輓還值洪水漲溢柩展轉急流君擗地籲天誓俱沒俄厲風倏變若有神竟舟達岸無

害觀者萬人嘖嘖呼孝感尋東白公請老歸君以冢嫡當戶晨昏竭力奉顏色頤指悉當東白公心東白公繇此得一意葆攝天和登上壽以無疾終君毀瘵骨立蔬食飲水迄三載毋失容鄉黨推善居喪自君爲標的旣身代東白公握家秉益修明約束而光大之遇羣從子姓恩禮隆篤弗率務以躬切劇至出入比閭族黨一秉以直道誠心猥薄者竊聞其風多自化環一鄉亡問識不識交口頌古平公篤行君子也君素履雅以和洽稱邇一當大節山立崖峙不可奪靈岩寺廢斥賣縣官有力者羣起睥睨君毅然曰先少師妥靈斯在奈何當吾世失之亟奮身廢箸酬其直且建祠享祀以東白公配他獨行往往稱是中年數以文藝困有司慨然念男子生墮地業當不朽自期待卽萬鍾五鼎足加損我乎翩然裂青衿去其籍日取古先王六藝演繹之間以餘力推能事于篇詠所撰述有周易質言道統錄靈崑寺志古平漫稿等書君以萬曆丁丑閏八月卒正寢距生正德辛未三月享年六十有七配徐氏宋竹齋公女孫卽前進士君冢息始

少室山房卷九十二

八

并嬪于君柔嘉婉孌更禮敬若賓主雖生長閭閻而簡素自下有桓少君風事舅姑養洽修醴先意曲中諸娣姒怡怡如也以至遇戚獲羣下咸有恩聞以內若大若小師其令淑生正德辛未五月卒萬曆庚辰九月享年政八表云君丈夫子三人長昌期期稱仲昌喚邑庠生力學有時望以例貢入太學授兵馬副指揮娶徐氏季昌穆郡庠生娶季氏女二長適貢士周某子次適太學生徐一謙孫男九長處思邑庠生次夢思孝思忠思太學生次明時亦邑庠生次清時進思咸時嘉時孫女一人曩余備員史局適昌喚偕余弟需次天官因介紹乞銘襄大事余諾之未暇也旣余南徙則昌喚以南揮使至未幾余復徙而北今駸駸十稔矣是歲昌喚亦以服闋來燕旬旬持徐君師臯狀拜庭下曰願終藉師相寵靈余悲其意且諾責亡他諉迺稍據狀論次之而系以銘銘曰

夫鴻婦光履直蹈方爾躬弗彰爾後大昌華山蒼蒼有阡在崗奕世永康是爲應長君不朽之鄉

少室山房類葉卷九十二

少室山房卷九十二

九

澗水胡應麟明瑞著

墓誌銘一首

明奉政大夫雲南布政司參議東陽王公洎封宜人徐氏墓誌

銘

闕逢困敦之歲莊皇帝御極改元家大人官儀制而同郡盧公仲佃在部中王公乾章在臺中朝夕過從暱甚也兩公淳德望一鄉而正氣直節咸矯矯與時俗忤以故仕不登九列後先繇藩臬挂冠歸于家大人蓋相類云其後十年盧公伯子祠祭君以抗言杖闕下海內高其風而王公伯子孝廉君亦驚舉藝林紉千秋經國之業天之懸左券以報善人胡毫髮不爽也余鄉嘗以童子識兩公今盧公厥棄塵世久迺王公客歲之杪復以無疾終于是家大人京洛故交垂盡矣是春孝廉君春糧三百里介斯生匍匐庭下曰世方急吾子片言仰藉尊大人寵靈之末敢以先考妣塋石請惟吾子惠然以不朽施

少室山房卷九十三

一

之不孝亮將世世奉明德余悲孝廉君情致委篤仰通家故誼弗獲辭按狀公諱乾章字順卿別號震所自十世祖宋安撫使遷居婺之東陽奕葉爲鉅族國朝六世祖堉習形家望邑西南青雲里有異氣遂孳家徙其中載傳而爲公曾大父志志生公大父廣濟縣教諭垓垓生贈奉政大夫四川按察使寬卽公父也先是公母蔡宜人娠公方就蓐夢神人儀觀偉甚鼓吹騎從翼而趨堂皇寤則誕公狀維肖舉族知非常兒既髫髻神穎秀發九歲能屬文奉政公撫公背歎曰吾家兩世治毛詩芥一第而均弗售大吾宗者非此兒也耶十四遣就安成受春秋劉某先生公獨從一僕負笈往未暮歲盡得要領手錄歸始安成擅春秋相戒毋得傳外境于是公之行也同舍生合謀祖道上而一二無賴胙公篋篡取之抵家奉政公詢錄烏有矣公大感已奮曰彼能祛吾篋庸能祛吾舌也卽朗朗誦奉政公前竟篇靡一字訛脫奉政公屬耳大驚亟謂兒休矣奚以錄爲哉明年補邑弟子員督學劉公按部試崔浩自方子房論公操翰若飛陳漢魏兩朝

用兵事纏繞目擊且言浩之運籌帷幄也批察破的不啻超子房上之迺子房穎脫雄猜而浩湛七族于悍驥之志明哲保身戒胡方相遠也劉公披卷擊節非文塲老宿莫能立拔多士右旣觀公僅踰冠彌賞艷錫楮幣四倍至委不能勝無何奉政公寢疾公湯藥衣帶不解累十旬卒不起公柴毀骨立懼傷蔡宜人意中夜投泪令弗聞辛酉服闋薦于鄉王戎第進士授中書舍人轉山西道監察御史巡視蘆溝橋時世廟高拱穆清貂璫用事多不法宛平令彊直自遂中以非辜係圖扉御史顏公鯨抗疏極論坐奪官是時上怒甚臺無敢救者公獨疏繼之畧曰宛平古所稱赤令非受役中貴人者也夫中貴人行其意宛平令受其法意與法恆相左也陛下不罪中貴人而覆罪宛平令且連及御史若國家紀綱名分何因力請汰羣閹以肅城社還臺諫以作敢言旌縣人以彰奉職疏入留中人洵洵懼公禍叵測公氣益發舒將具疏再上會閣臣列名申救上意解奪公俸三月以嵯政按山東長蘆時例嚴夾帶鹽不以時掣稍稍踰故額輒用其

少室山房卷九十三

二

罪罪之羣大賈疑畏不前公晨至夕疏議停罷買稱便屬道途先時除解額取盈外歲奇羨往往溢萬緡公秋毫無所問敝衣冗篋竟任不睥睨一錢復命論劾兩藩臬不職事兩人皆籍山西與銓衡相維結疏入吏部果恚公而給事中某遂希旨盛稱兩人賢而公糾刺不以實公謂臣于僚屬日耳而目之科臣輦轂下何所從悉治狀其承望風旨灼然疏具寢不報俄命下按楚中甫旬日外遷四川按察司僉事時田蔡亂初平又播州西陽地犬牙錯其間號難治上特賜璽書兼兵備詰贈公考如公秩而封母蔡氏太宜人蓋天子西顧特典也公入境身先僚屬問民所疾苦而噢咻之川以東土風獷戾訟獄旁午公視事日理爰書數十以爲常重慶民有悅鄰人婦而挑之者婦孺錐棒其腹吏以未成姦抵婦罪公曰婦致死而加之辟是爲宣淫者讖也立釋之有翁甚憐其子婦孺疑焉夜竊翁衣履突婦牀婦惶急咋舌幾死有司當婦罪大逆公以婦所操者貞所觸者誤置弗問一日登郡城四顧慨然曰郡襟帶二江盤踞巉壁稱天險今彌

望顏坦敗堞險安在卽出贖銀繕築迄城就民不知有大與先是參將一控播州中廢格不行而兩臺使欲追設如故公議曰播人心習服楊氏大而參將所號令所鞭笞者皆其爪牙膺腹也犬羊之屬刻木可以傳信而吾以漢法治之如率鷹隼而搏豺狼彼有噬且鬪而已往參將周表在播日惟高卧杜門齋首揚烈猶紛紛奏擾今一旦驟復之彼愈不自安從其愬而中止是天朝命將之權反制于蕞爾之狄不得所請恐西事紛紛浸從此始矣爲今計莫如以不治治之浚濠隍斥烽堠練兵積粟以備非常彼畏威懷德耦居無猜又何求焉議上撫按大然公得不置後三十年而播酋楊應龍竟釀亂人噴噴頌公遠識云東城隍創書院爽塏宏潔簡青衿慧者程督之所甄拔胥君從化汪君言臣張君似渠蘇君雨毛君蔚相率取高第用是政聲藉藉播都下俛內遷而太宜人計至公哀毀深墨一如昔喪奉政公瀕行諸父老板送闌咽仍創祠生祀香火不絕至今萬曆改元以服闋赴部除河南按察司僉事巡睢陽督學使者遷公暫攝朝貴

少室山房卷九十三

三

欲縫掖所親意公攝官無拂理公貽愕曰青衿國家名器吾敢輒阿權貴人且吾任外臺專絕法而驟以私牘濶公庭何耶使語答稍不遜杖而擊諸獄彌月甫釋之所拔士逾籍尤眾安君世鳳甫垂髫試諸生第一癸未借計果掄魁公蒞河南四閱月遷江西布政司左參議分部九江都昌劇盜何鳳等蟠據湖上恣寇鈔吏督兵往捕鼠竄洪濤中稍解嚴徒黨四出羣不逞揭竿助之殺傷官卒不可以數計公奮髯曰盜在吾四封而衡行若是不滅此何以朝食哉第古用兵滅厥渠魁今有司欲一切蒐獮之宜入自爲鬪牢不可破也因下令揭通達誅止二兇諸脅從概罔治旬日間羣面縛十之九因趣兵夜襲之速明兩大酋首畢函致麾下所駐南康負匡廬面潯陽形勝甲宇內公登臨嘯咏以隙日訂五經同異錄國朝北地信陽諸名家製作甲乙品題之時時指月俸購古文奇籍有屬令橐金篋中公發緘大駭召令切責之令惶恐幾無地容滿秩陞廣東按察司副使兵備海南兼提督瓊州學政未行坐建邸失印鐫一官先是建昌郡王灑

子酒一醒輒旬日盜旦卽卧內據之郡邑秘其事日潛索民間公時公兼攝吉安復不相聞知盜就捕建康踪迹始大暴上震怒諸家者悉嚴譴而公以分部抵罰同羣僚愕然請治裝入自明上且無以罪公謝曰官于朝譬操舟于水諸君乘長風破浪萬里而吾至困石尤天也何言哉竟拂袖歸掃軌杜門足跡不一至城市旣銓曹廉知江右狀起公福建按察司僉事駐節福寧州時劇盜林道乾郭東山等勾引倭夷猖獗甚而福寧據上游實汀潮門戶舊設守備部干兵鎮海島島卑僅卷石寇舟至未及舉烽已蟻傳城下已公親率所屬抵海上遙見一山隱起巨浪中距州僅四十里許促率舟登之山外衍而中豐於海氣無所不目攝公以杖擊地曰此所謂天塹非耶吾頓兵其中奚賊敢越此越此吾踵其後彼將亡噍類遺因狀問兩臺臺報可竟公任果無害江陵握國秉汰藩臬諸司十之三公兼視七道事晨起據公座胥史抱牘常累百公雙瞳炯炯剖決如電人纖忽不敢欺直指使者雅重公冬月慮通省大辟囚先一日檄公謙狀公

少室山房卷九十三

四

緝閱成案並攝諸囚面鞠之所開釋如建寧民丁五郎等三人則盜所仇逮自誣服者也漳州楊氏婦以弑夫寘極典訊其年距入狴纒十三公大駭詳詰乃知婦夫實贅婿母孀居私惡少慮婿之梗也而害之給文任其辜且曰若年稚官必汝貴也無何母與姦者相繼死婦遂永閉囹圄中福州民身首殊即舍盜絕踪吏繫同宿抵以罪公以亡者亡寸挾遲遲刺以刃非人情夜具疏諸囚誣濫狀御史是公並得生不爾五人者質明磔于市矣福安治環大海一夕颶風發水墳地幾十丈壞城堞堞漂蘆舍溺者數萬人公馳往惻然出帑金置棺殮其骸大發倉粟賑流殍而爲文弔其禍讀者感動悽惻以方李華古戰場是時刑部卿洪某忤權相放歸江陵憾不置密旨以大獄寄公公廉知洪在申啟營救殊力當事切望之會仲秋省試七閩士公入爲總裁官御史命試題藩臬諸公環視莫敢詰公越眾請曰題誠美然傳播道路稔矣御史不怡題中易而公亦以是月擢參議雲南布政司癸未春大計考功卒從不及論以二憾故也公聞報欣然曰

吾一官萬里視浮榮譬嚼蠟彼其以歸老難余哉抵故鄉懸車謝客
斥餘俸創別墅東郊高臺曲池曳杖臨眺無虛日性雅嗜讀書杜門
手一編貴交游罕得觀其面獨寒士投刺勿遽中亦倒屣迎之郡人
祝無殊邑人斯惟武李允達數過從揚推公握杯酒相勞若若平生
間發一談諸後進型然絕倒咸以爲先達未易親也爲文章援筆立
就大都不加點尤工詩樂府新詞所著浪遊等集梁太素傳奇並行
世嘗題壁弋陽署王次公行部九江讀漁燈燃楚竹人語漸吳楓之
句願同黃郭公孝曰此咄咄逼人可畏公優游林下以文藝自娛者
一十八歲卒萬歷己亥仲冬距生嘉靖丁亥秋暮享年七十又三公
貌和平而氣瑰岸兼擅政事文學之長卽應接上官不肯少爲遜條
態惟通人雅士能諒之蜀則臺使兩陳公楚則大司馬凌公御史大
夫喬公直指徐公熊公燕公安公皆交章薦辟恐後晚節宦閩藩伯
某集衆僚出示所作詩韻連失讀者唯唯競贊揚公却立微哂某怒
形于色耐大白前浮公曰古行酒軍法從事今公犯誼諱禁趣盡鴟

少室山房卷九十三

五

公遠曰師出以律不以律胡衆之肅也某色愈厲中罷燕公出入談
笑自如迺至緩大獄爭大典竟以是遭三黜直道之難容蓋自古嘆
之矣公自奉甚約素款客則人務盡惟與人交由由然惡語不狎及
奴隸以故爭德公長者尤善以骨相觀人李文學能茂數上詩公稱
其翩翩奇偉假年歲足逐鹿中原而不無大和缺折之慮李果先公
略血卒公素強無疾先一日尙康步良食命應門掃逕灌花木俄有
星夜殞里中翌日沐浴正襟坐中堂揮手逝卒應靈神人兆云公娶
封宜人姓徐氏敏慧恪共始公爲諸生食貧旦夕所需餽粥而瓶粟
時告罄宜人躬績糲多方佐公無幾微愠見色公既貴迎養太宜人
京師時春秋高多嗚嗚宜人怡聲屏氣必斬中其權而後已凡逮事
公逾四紀白首相對亡間言外而嫻嫻內而嫻嫻微而減獲人人厭
其意鍾愛孝廉君特甚而弗爲姑息嚴督以詩書孝廉自塾歸誦制
義公前宜人以意辨高下恆十中五六工治生不爲孝廉君計曰
男子生墮地桑弧蓬矢射四方寧醒醒臥蓬蒿守阿堵物哉居常論

孝廉而父子世受國恩努力鉛刀呈一割之用異日居官受事勿負
清白吏子孫可也公歿悼慕深至成痼疾竟以次歲庚子膺月終距
生嘉靖壬辰春春秋凡六十九云子一卽孝廉嘉亮娶盧氏參軍洪
度女女一適侍郎虞公守愚孫應旂孫女三皆嘉亮出尙幼始公躬
翔臺諫及家大人游余年甫十二公一見以小友呼之比余嬰肺疾
雕蟲刻鵲自放一丘而孝廉君顧成見挽推引而納諸作者之域則
余于公固載世通家也不朽之責卽言之無文其曷辭爰泚筆志諸
石而系以銘銘曰

華宗十葉蕃東陽瑯琊太原屹相望一經世授沈官墻三世之後飛
岩廊直詞勁氣吞豺狼矯如孤鸞鳴朝陽靈書持斧巡荆揚高牙大
纛懸疆場政聲焯焯輝馳明堂逸巡九列朝天王南金百鍊鑿剛腸中
山謗橫流蜩螗挂冠神武天茫茫初平握手呼羣羊遺編萬軸堆琳
瑯續紛製作羅縹囊婉婉中間同頡頏白頭比翼諧絲簧趨庭汗血
神昂昂傳家大業追三唐靈光一柱撐銀漢胡乘白雲歸帝芳鬱鬱

少室山房卷九十三

六

佳城蟠北切貞珉百代垂玄黃遺風山高繫水長

少室山房類葉卷九十三

激水胡應麟明瑞著

碑銘一首

唐令君新建信陽願豐隄碑

常山邑全浙上游其地界七閩三楚舟車之所縮藪富商巨賈萬貨之所走趨錢塘之水實濫觴焉源發縣東北郊逶迤百里抱城領建歷衢葵以達于江歲月滋久洲東港埋水折而西去郭紆繞閭閻之概汲行旅之漚輸成病之又形家者言率以水遠弗宜於巽序諸青衿士蚤夜皇皇冀得良有司以紓宿患先是弘治中令劉君擬築堤掇水使毋西而合流港東旋以憂去弗克嘉靖初張倅尋劉故蹟亦罔迄工今上改元甲午雲間唐侯以進士箱符來邑甫下車揖諸父老問一切政所宜先合詞稱築堤為第一義侯周行境上喟然曰是誠不可且夕緩顧大興匪可倚辦頃刻間越明年惠政四孚頌聲沸起邑茂才徐仕陞輩復請之侯曰嘻微諸士余豈其一飯忘爰白當

少室山房卷九十四

一

路發贖錢鳩眾工相物宜時農隙侯躬率僚屬即勒指麾靡遺餘力始秋中迄冬末為旬僅十有五而版築告成衡為丈若干有奇廣為武若干有奇高為尺若干有奇凡舊堤之材朽者易而良弊者撤而新頽者封而固隙者繕而完庫者增而隆隘者闢而曠又環視港之壑者決之激者排之溢者疏之膠者浚之沙者淪之礎者夷之飛流如虹襟帶城下紫洞願盼亦拱亦留百年之利暴興一旦士胥慶于庠民謳歌于野旅相率加額於途侯鑲石于隄而命之曰願豐逝將以地利人和而必天祐於是徐生介祝生樹勳輩請不佞碑侯伐以志不忘不佞槩觀載籍洪荒以降水之利害所關于家國天下其鉅而治水之任最為盤錯亘古今不易其人助華二帝如日中天懷襄之厄四岳九官舉遜避而推蘇微大禹幾無唐虞漢武席累代之雄驅山鞭石勢無弗行瓠子之決殷憂作歌至沈璧馬而後濟太史入書河渠列于禮樂班祿十志紀溝洫以配天文誠重之也唐侯以明經上第初命而宰一方稍飾無字振催科掉臂而躋省闈固匪以

隄之成否為殿最而隄之成否又未嘗顯責之侯若他政事弗容已而侯則奮然任之鞭笞罔施聲色匪大而數千百載無窮之利執券而收之掌上非夫誠結于中仁昵于外抱絕類離倫之識而負規天條地之材其胡以及此抑余嘗聞之文人無用則舉世以為然惟是唐之白宋之蘇兩使君者咸以築隄垂永賴之烈彼其時寧無揚眉瞬目自詡任事之臣而以隄特問寓內者胡寥寥希遺見也侯方以文學追馬班即兩使君猶將需之左席迺今願豐告成文人之用彰彰耳目有明效焉傳諸異代庸詎知其不與蘇白二隄同弊穹壤也不佞無能為侯役特以臭味忝一日之知樂覩是隄之成不直為一時良吏快且為百代文人快輒援筆碑其事而系以銘

銘曰姑蔑之淵錢塘之源如何崑崙發軔萬川沙壘中流既分既合胡然而盈胡然而竭居人抱囊行旅挈囊皇皇青衿旦夕望洋偉哉唐侯先憂後樂縮符下車首訊痼疾奇樟斯得桃李並栽偃室告成聿來澹臺翕曰河渠利病孔亟侯聞變然隄此朝食爰戒于邑爰次

少室山房卷九十四

二

于郊沐雨戴星以先庶僚蒼赤纍纍奔走赴義管彼嬰孩飢渴怙恃經始仲秋迄于嚴冬我隄告成燁如長虹十旬非適五月何速真宰上訴眾靈匍匐一水抱城蜿蜒若留騰躍龍門上游不黍盈阡是灌是漑我昔何勞夫負妻戴閭閻踴躍道路懽呼寶筏金繩廣濟迷途巨川舟航明堂梁棟詎曰文人亡實亡用曰白曰蘇泊侯而三隄垂宇宙伯仲之間我敢會城聞風玄圃欲駕靈槎汎彼銀浦隄石窪穹鑲碑大東百世永豐自唐長公

銘二十九首

古玉方鼎銘

得古玉文方鼎方腹圓趾以周尺度之高九寸八分衡廣四之三縱四之二腹四週臥鑿鏤刻精工而內外折旋纖悉中矩四足空中抵上高皆近代玉工竭力不能為者信齋閣中奇翫也惜一足蝕土變蒼下稜微挫絲忽中損連城耳然亦非窮指大宜有物是月以茂凶將驚諸款賈因稍述其形製

而系以銘米元章所謂吾齋秀氣從此不復泯矣戊寅秋半
識于羣玉山房

奕奕陽精至自于闐歷漢迨明千五百年法象乾坤腹方趾圓人矩
應規天工折旋昆吾鍊鋼篆刻糾纏蠶臥螭遊神物蜿蜒石匣秘藏
虹霓在田大隧崇陵綉蝕隱然天發靈光燁煜市廛抱璞以歸陵陽
素緣白板精廬蕭條太玄斐几銅尊沈水畫然拂拭焦桐泠泠五絃
五鼎萬鍾浮雲邈綿歲游苦饑豐玉詎憐爰飾明妃以媾呼延懷寶
迷邦誚彼聖賢我獨何人韞匱自妍鸚鵡澄心勒銘如椽秀氣吾齋
千秋並傳

白玉如意銘有序

燕市張燈從二三好事遊狹斜得白玉如意長尺有四寸首
琢靈芝身作子母螭上下相向蜿蜒若生古云玉運尺為寶
此雖長尺餘非逕也然亦奇矣昔人以玉柄塵尾為王謝子
弟物余之畜此聊取適一時而已因銘以識之

少室山房卷九十四

誰剖長虹自西極上座談天絳宮闢白晝千人走碣石

齋頭小彌勒博山爐銘有序

欽人斲壤得萬歲藤根二為彌勒像一軀博山爐一座精巧
瑰特儼出天成余兩遊燕市得之嘗合置齋頭諸好事雅相
慕翫暇日因命名像三日聖菩提曰木上座曰龍樹尊爐之
名五萬年芝仙人掌小崆峒旃檀座香象龕蓋像惟取義爐
則四旁上下各從其形且為之贊若銘頌十餘大都頌傳餘
瀝存其半以諗滑稽

丈六金身示現寸草靈根不昧孰曰枯槁相彼伽文八十二好冢嫡
在茲永世為寶

又

而躬頽然而腹坦然而口莞然問疾維摩胡以欲然補處大雄胡以
偃然吾弗知其所以然而然

又

超大千界入不二門於未來劫為無量尊不知者曰菩薩之幻相知
之者曰菩提之上根右像

又

木上有火鼎君子以凝香晏寢

又

六鰲蟠五龍蟄吐玄雲潤八極

又

三秀草萬年芝斲靈根樹鼎彝

又

萬歲仙藤九曲靈根玉竊蘭芬永裕後昆右彝

螺觥銘

東海波臣南山木客象彼犧尊為大白

鴟夷觥銘

營精丘鑿酒池載西施浮子皮腹如壺號鴟夷

少室山房卷九十四

又

翩翩者鳧中沈一壺拍浮菰蘆高陽酒徒

又

鷓鴣杓鸚鵡杯玉山倒非人推

又

木兮瘦兮酒兮觥兮酌兮斟兮濁兮清兮醉兮醒兮

又

長生木瓢示真率浣花野老醉爭席

海山琪樹銘

太華峰頭十大蓮少室三花凌紫烟

玉塵尾銘

白馬酣蒼虬駕辟華陽空稷下

九節筇銘

九華仙人九節筇飛行五岳如游龍西朝白帝上芙蓉玉女洗頭下

相逢 爽鳩氏為靈壽丈人銘

壺公壺銘

須彌山納一芥一壺中貯三界

大鵬夷觥銘

鳴夷公腹如壺挾西施汎五湖

又

南有箕北有斗千金一壺中流為友

湘竹如意銘

逍遙七百名理秩如維摩默如文殊擇如

水沈如意銘

龍樹斯雕虬枝若亞畫地隆中談天稷下

長生瓢銘

承露天中俯八極飲泉丘中隘九域拍浮缸中醉千日

又

挂之高林由日煩居之陋巷回日賢慮為大樽周曰然帝錫長庚為

酒船

又

維地有泉星在天飲如長鯨吸百川有能盡此詩百篇

青田核銘

爾腹枵然平而背駢然平而口坳然平而飲飄然平而醉膠膠然平

旃檀如意銘

以擊珊瑚汝先折以擊唾壺汝先缺旃檀之座玄理徹爛熳天花墜

春雪何物靈豪逞鋒鐵

趙文鎮一蟠木凡置齋頭若翔鸞舞鶴形甚怪偉乞予為銘余

為銘銘其足

靈根萬蟠蛟螭鳳舞鸞翔紛陸離曼寢疑香國華胥我欲嗒然從

子某

頌一首

乾清宮落成頌

大明御寓奄宅四荒華夏再造日月重光神聖相繩餘二百禩德化
到隆遐格廣被維皇嗣服克長克君薄海外內悉主悉臣高拱穆清
幽隱畢達霜露所墜洞燭我闔府宮一體臺省肅雍仁裕卉木澤彌
昆蟲魏魏合宮靡潤靡飾上法唐虞土階菲華端居高拱二十六年
除舊布新象魏式懸天心弗違申命熒惑祓除故基示我物力帝其
明命夙夜咎躬攬一宏綱車書來同潢池既安狡孽旋定辨髮獻琛
從好從令大工伊曠建樹孔時公輸效長將作請期皇帝曰嘻予罔
敢逸仁愛自天惟慈惟飭庶司眾職旁午九關僉曰神居宇宙具瞻
乃命工師乃庀林木選匠荆揚伐材庸蜀靈臺經始蒼赤景從西山
文石北苑椅桐帝念其咨經始勿亟父事子來堂構如翼業業言言
兩宮告成三光在檐七曜在楹采恩切雲飛雲綰霧蒼龍九旂鸞鶴
屬路乾一以清坤一以寧維皇得一天下以貞明堂既開清廟既闢
撫馭萬方永示皇極

少室山房卷九十四

贊二首

李惟寅太保像贊

醉乎其容坦乎其躬廓乎其度藹乎其衷朗朗若萬間之厦戔戔若
千丈之松開國岐陽元助上公龍門之下虎帳之中解推盡海宇而
不名其德安危繫華夏而罔居其功湧若耶于臺端流河漢于心胸
禰供奉兮鳴皋禘都尉兮晨風髻鬢蓋聲詞林園工壯歲登壇馳驅
四封晚途學道兩朝之業八代之文浮雲之點太空容與乎青蓮之
閣逍遙乎貝葉之宮孰貌茲圖角巾蒲團穆然太冲吾誠不知為地
文為天壤其殆壺丘之未始出吾宗也耶

李九達像贊

而形偉然而容岸然而心胸廓然洞然苞千古而籠八埏食牛三朝
倚馬萬言賦頌西京聲詩開元跋扈飛揚作者亡前荆玉雙削蓬蒿
蔽園矻矻楊亭以守太玄歲值龍蛇命也弗延騎氣乘風游于混元
嗟嗟仲子疇豐而材疇嗇而年疇阨而遭疇縱而傳嗚呼仲子孰令

汝賢造物小兒維汝實忌匪汝實憐予之胡昌奪之胡遺嗚呼仲子
余弗知其所以然而然

少室山房卷九十四

七
蘇
選
廣

少室山房類稿卷九十四

漱水胡應麟明瑞著

莫文十首

莫王太夫人代直指蕭公

維坤元之肇毓兮挺茂德于姬姜降輜駟于鉅闕兮佐鼎鉉于明堂
 鑠天孫之雲錦兮衷月媛之霓裳御東陵之玉鳥兮捧南岳之金璫
 夕西華而侍宴兮朝北極而借翔輔阜慶于密勿兮冀旦夷于明光
 劑梅鹽于閭闔兮紆內顧于殿廊昭蕭雍于寢廟兮篤婉婉于家邦
 肆大廷之簡命兮蜚紫綬于長楊茂賢聲于綸綍兮永哲譽于標綱
 我翟冠之璀璨兮被象服之煒煌既柔嘉之爾式兮率聖善之彌彰
 胎上眞于紫極兮誕殊質于閭房授靈圖于廣莫兮閱人代之滄桑
 朝太眞于丹闕兮職女史于軒皇翠瑯琊之二輔兮更香案于文昌
 泊鶴鶴之並育兮矯汗血之飛黃騁空羣之絕步兮儼特達之圭璋
 和陽春于郢國兮肩赤幟于詞場猗婦儀與母訓兮隻古今而嚙雙

少室山房卷九十五

步選

極生人之奇邁兮軼明盛之嘉祥謂遐齡其川至今萃百順之繁昌
 起東山于捉鼻兮符渭水之琮璜幹旋璣于帝座兮綵繡蔽于天闈
 耀千秋之彤管兮標令淑于旂常胡渣捐于一夕兮迴鶴馭于窮蒼
 超閭浮之混濁兮邈兜率之微茫勸萱庭之萎萼兮咽蘭砌之摧芳
 錫珠襦于絳陛兮蹙閭樹之琳瑯趾音谷之登絕兮杳河漢之湯湯
 望易遷于霞外兮渺去路之悠長某辱師門之鑄造兮尾曩足于康
 莊拜緇帷于堂下兮竊懿範于羹牆驟訃音之耳屬兮詠白馬而悲
 傷紆惠文于鄰境兮悒夢寐之傍徨東生芻以寄奠兮祭濁酒于椒
 觴惟鳳簫之鑿步兮欲薄醉于微腸尙饗

祭胡太夫人

維姬姜之窈窕兮毓靈爽于坤維降輜駟于南岳兮雜霞珮之離離
 繫惠心之婉婉兮昭四德之咸宜羌文紅之馴習兮率婦訓之修持
 爰作嬪于巨闕兮蔡桃葉之維時蕭灑滯于中饋兮薦蘋藻于先祇
 相夫君子惟嘸兮暢威武于戎夷從嫺姚于朔塞兮燁飛將之奉旗

騰令聲于帝座兮躬象服之紆徐維九苞于丹穴兮翮五色之長離
 肆九熊之梵庠兮俾典籍之如飴想詞盟于壇坫兮濯文采于漣漪
 腰斗牛之雙鑄兮組雲漢以爲綦旣蕭雍于蘭壺兮亦聖善于萱墀
 謂百齡之爾錫兮偕白首于娥眉觀侯封于燕領兮辨汗血于黃驥
 胡渣捐于一疾兮載天末之鸞旂升大羅于廣莫兮滿謫籍于僊期
 觀上元于高闕兮武萼絳而逶迤目飛瓊而一祭兮訝弄玉之來遲
 悲秦簫之獨奏兮析連理之化離痛象賢之遐慕兮淚雞骨之淋漓
 某等竊通家于載世兮欽淑媛之芳儀挹餘休于令哲兮祝純嘏之
 維祺聞訃音而躑躅兮麾白馬而狐疑傷吳穹之弗弔兮紛扼腕而
 凄其陳東芻于枯絮兮冀勝費之如馳維素軒之來格兮下青鳥于
 瑤池尙饗

祭內兄舒允升

繁蘭陰之峭嶒兮峙激水之淪漣擊人文其蔚起兮毓靈爽于東南
 誕神明之華胄兮邇家學之淵源振矜珮于芹鬢兮欽碧巖而譽延

少室山房卷九十五

步選

羌下帷而發憤兮絕步履于窺圖驅盧王于后乘兮揖揚馬而周旋
 美室家之窈窕兮協麗藻于蘋蘩逸和鳴于閭闔兮鼓琴瑟于朱絃
 維槐陰之鬱茂兮茁世澤于芸蘭儼三珠之林立兮森玉樹于詞垣
 肆棘闈之飛步兮奪標錦于青錢矯垂天之羽翼兮兆水擊于三千
 既龍門之屢上兮亦陳賦于甘泉期彤庭之獨對兮躍飛兔于天閑
 排雲霓于閭闔兮暢鴻碩于奎躔軼經綸于董賈兮邁術業于歐韓
 胡渣捐于一疾兮仆遠志于盛年渺太清之獨遊兮蛻凡骨于塵寰
 載靈輻于道路兮歌薤露于新阡咽寒風于丹旆兮杳騎氣之翩翩
 歎式諸昆之登省兮官堂構于象賢洎孫枝之觸目兮紛振後而承
 前雖永逝而猶生兮卑輕舉于大還觀高門之突兀兮忻結駟之駢
 蕃悵余心之震慄兮悼白馬之遲延渺生芻之一束兮奠濁酒于穹
 泉維雲駟之來格兮下笙鶴于瑤天尙饗

祭陳太翁代述臺李公

維岳降神是生甫申孰爲之先積功累仁於赫封翁淳熙天授中州
孕靈大河毓秀樂志丘樊鶯鶯鴻鸞矯矯亭亭羽儀八挺仲舉高標
太丘偉度日揭星懸海涵地負躬修至道畏壘之陽俗里薰蒸比屋
善良靡畜弗通靡隱弗耀翳翳堂槐蔽芾清廟佑啟我師名世儒宗
六廟雄飛昌辰奮庸釋褐軒墀鳴絃井邑桃李盈阡桑麻被域迺膺
簡命運蒞淮漕芻粟千倉雲屯田郊貪墨劇心豪強攝氣南迨吳淞
北訖燕薊十禩霜臺白簡多冠爲社稷臣貽四海安天子日俞撫我
京國爰開大府百吏受職何教非翁師銳于承何澤非翁師沛于行
駟馬高車翁門既闢鳳詔霞章翁既報食芝蘭繞膝戲彩含飴五福
萃躬若固有之拭目經綸霖雨一代通觀厥成兆姓允賴云胡二豎
奄勿肯育躡霧乘風遊于混茫僊馭翩翺瑤臺鸞鶴白雲在天帝所
甚樂贊贊我師純孝夙鍾罔極劬勞哀感吳窮翁臥一丘翁德萬姓
焉奕融昌全歸奚恨某濫竽堂廡列門牆沿溯淵源嘆慨望洋聞
計震驚匍匐奔走白馬皇皇羈馬官守生芻一束遠致微誠方寸飛

少室山房卷九十五

三

馳搖搖旆旌有醴在筵有牲在俎徒倚青虬降格下土尙饗

祭劉封翁代督學洪公

於戲碣石之靈賢閣之精挺生人豪太阿發矟燁若孤霞炯如列星
百尺無枝矯矯亭亭攝暴鋤強掖懦扶傾族黨北閭恃公輯寧武略
鷹揚文鋒蝟興材捷數奇脫銜浮名遁迹窮山修持姪嬰布襪芒屨
棲神練形草拾金光芝餐玉英丹霄跨鳧赤岸騎鯨鯨鮫貽家嗣掛騰
一經掣電西池搏風北溟試宰百里縉紛頌聲帝曰循良首鐫御屏
作朕耳目天垣驟升有赫鸞章飛馳大廷鬱鬱堂槐邦家幹楨偉哉
維公道觀厥成移孝疇先勿欺是徵苟利宗社毋卹生平黃門矢操
維白維精請劍尙方朝陽鳳鳴封事萬言海隅豔稱檻折輪埋飛霜
晝零公食爲甘公飲爲頽詎曰投荒天王聖明岳岳高風人倫重輕
大賓鄉舉允協輿情紫氣青牛迴翔漢京謂越期頤千億斯齡云胡
一疾奄忽遐征擁霧乘颺十樓五城廣陌哀恫窮鄉悼驚國逝黃耆
朝嗟老成某等夙叨世講邁融若膺筆研迫隨通家過庭踰祝嘉祥

五福備登溢焉聞訃躑躅屏營白馬生芻徬徨旆旌旣束宮守彌傷
典刑河酌陳詞涕集如傾維公器格率來雲軒尙饗

祭劉太孺人代觀蔡林公

靈光孕育兮維婺之躔順德凝承兮繫坤之元肆籍龜臺兮雲裳霧
鬢握手二娃兮降于江潭名門作嬪兮令聞廣延舜華燁敷兮有渥
其顏夫君式好兮婉嫺靜嫻高堂視膳兮肅雍慈虔申椒雜芳兮陸
離蕙蘭禮祀克共兮拮据蘋蘩如煙續紛兮聞無擇言臧獲優游兮
強力自前操日若光兮提攬若桓彼蒼胡奪兮一蹶弗旋喆胤垂髫
兮泣血汎瀾支牀雞骨兮抱經熊丸紫氣燭穹兮太阿龍泉賜履尙
方兮花栽鄰樊八翼雄飛兮集于禁垣正笏垂紳兮驅除佞讒直聲
振代兮於維象賢綸綍輝煌兮聖善廣傳躑躅黃門兮板輿夢懸飲
恨終天兮莫贖九原亂日乘罡風兮鳴珮環左赤豹兮右文鸞歷瑤
池兮餐大還靈昭昭兮樂婉從夫君兮日遊樂聞東海兮成桑田
產渥佳兮遊天閑駕屬車兮鏘和鑿曠祿養兮愉斑鳩憶劬勞兮哀

少室山房卷九十五

四

槍煩嗟罔極兮慟潺淩美孝思兮劇纏綿和楚些兮垂千年

祭俞太封翁文代張明府

維公洞庭毓秀陽羨儲精懷琳抱璞履素含貞隱迹丘園長嘯雲岫
氣軋虹霓貫蟠河宿七尺之軀萬夫之雄龍泉太阿孰嬰其鋒施弗
近名善弗期報大德弗彰高門迭耀桓桓吏部玉質金相南宮奮迹
天暑翺翔矯矯令君人龍文虎摧桂禮閣掄魁天府於惟明公通觀
厥成生人至樂宇宙孰榮居貴日虛處盈愈下閭巷青雲鄉邦大厦
納汗涵垢排難撫災太丘之度義方之懷僉謂燕貽維公足法僉謂
顯揚維公爲烈龍章燦爛鳳詔燦煌朱紱方來于彼廟堂矢畢百齡
維祺壽考爲世靈光爲時大老云胡一疾奄忽夜臺乘風騎氣返駕
蓬萊月犯少微峰摧岱岳薤露興歌松關冥漠皇皇哲嗣焚焚賢孫
當官聞訃摧裂心魂某等忝竊同袍因緣年誼骨肉通家情均靡二
方憑耆宿示我周行典刑漸沒五內如崩敬束生芻將此河酌來格
惟公遙天笙鶴尙饗

祭陸黃門

猗歟陸公矯矯人龍豫章驍騎寶玉大弓奮關博霄剖符百里單父
絃歌河陽桃李循良比迹豪獷革心仁孚赤子教洽青衿天子曰都
汝來禁閹糾繆繩愆拾遺補闕猗歟陸公進思盡忠正笏垂紳百僚
斂容直道難容一麾海嶠息駕投箸徇律嘯傲裴公綠絙謝傳東山
六合蒼生延頸賜環帝念老成朝訪耆舊鳳詔頻飛蒲輪遠就謂公
復起握樞秉衡大廷耳目當宁股肱詎意雲駟遠焉長逝九列與悲
萬夫殞涕某髫齡沐教庇藉恩私提攜卵翼慈父仁師河酌載陳生
芻載束佇望瑤笙聿來空谷尚饗

祭葉叔明文

奕葉華宗兮越海之隅誕降精靈兮婺女之墟南金貫關兮漢維相
如六館肄名兮嗣躋長裾水竹會心兮人境是廬平原河朔兮聿來
高車細纒四部兮鄴駕廣儲八代神交兮三唐拮据瑰詞藻發兮秋
江芙蓉令譽光融兮木難瓊瑤捧檄金門兮趨躡石渠枳棘車棲兮

少室山房卷九十五

五

鸞鳳乍紆武夷九曲兮洞天踟躕霞色幔亭兮羣仙投書夜即萬里
兮一麾扶餘昆明點蒼兮九夷是居濁世詎諧兮威施遂條迴首苾
芻兮白雲卷舒拂衣三逕兮尊羹鱸魚騎鶴吹笙兮言旋太虛絮酒
在筵兮生芻在除蒼虬帝閣兮極目欽歎尚饗

祭太傅趙文懿公

家君命代

猗歟我明光岳鍾靈盛于世皇迺生名世誕應昌期維嶽之陽三策
天人纒纒萬言大廷對殿天子曰俞五色雲英輪困廟堂執戟形埒
如彼高梧晨棲鳳凰直道匪躬正色昌言狐狸遁藏一夫橫行毀滅
天彝百僚彷徨公髮指冠面折權儉以植大防貝錦齟齬馬首遂東
馳驅夜郎爰集朱明歷探洞天耀真良常夜登羅浮絕頂題詩淋漓
石牀今古賢豪始與昌黎後先若望度嶺遙歸滿折梅花以充宦囊
焚彼銀魚棲我碧山巖阿芟房湧雪紫霞玉露水簾迴環畫廊綠棂
逍遙問道容成游心上皇神聖嗣興地闢天開顯忠遂良首御蒲輪
少宰成均清華歷敷詔下老臣汝作雨霖大川餘皇元首股肱喜起

庶歌謨謀頡頏統萬道逃負固窮城主帥是戕公怒赫斯立命元戎
剪鋤亂螳蠶茲有苗躡藉藩市兇威陸梁公運神機魄褫羣奴款封
乞降中州易子西播弄兵海隅沸湯公坐闕庭默奪潛消四空慧芒
慨念皇儲國本攸關夜寐弗遑力疾上書洞格宸衷老成慮長一十
二年身係安危化徵越裳相業維公岌業崑崙超蹤漢唐帝眷彌殷
天庥游加百福焯焯麟趾振振奕葉芝蘭芬敷棟棠言念赤松累疏
乞骸歸侶二皇天子曰都莘野渭濱期頤帝傍公載上知迴首白雲
欽歎太行崇崇吳穹一老弗遺傾頽棟梁大星墜垣五位震驚九列
悼惶賻贈褒崇日月昭回賜車輜輶維公與余束髮同嬉朔朔棘場
晚締嫺嫺兔絲喬松永矢弗忘屈指盡遊太白望舒生平願償遐計
俟聞五內痲痺崩摧若狂於戲維公位極人臣師兼帝王於戲維公
子姓孫枝雲那發祥公德九原公望三朝公勳太常既尊既榮既壽
既康公逝弗亡蘭陰蒼蒼蘭澤湯湯公騎石羊羽蓋霞軒聿來故鄉
鑒此薄薦尚饗

少室山房卷九十五

六

少室山房類集卷九十五

漱水胡應麟明瑞著

論十首

晏嬰

夫春秋之世之亂也而忍言哉蓋君臣之義絕矣晉欒書中行偃執厲公召韓厥厥曰二三子不能事君焉用厥也齊崔杼弑莊公人謂晏嬰死乎曰君死社稷則死之若為己死非親暱誰敢任之韓厥晏嬰夫非春秋所謂賢者哉君父之仇義不共天臣弑君子弑父殺無赦無論其職大小也二子身為大夫驟聞君父之難當率先有眾奉大義而赴之誅元惡以靖國家上也苟不能則死之又不能則去之舍是亡可言者方厲公之執而書偃之召也厥橫身力爭庶幾萬一挽回必不得已猶當致命畢力于嗣主之世而始焉則為克之中立以觀其變繼焉則為盾之比周以怙其終晉尚為有人乎蓋厥也弗臣而悼也弗子矣夫人臣之義食焉弗避其難嬰之食誰之食也莊

少室山房卷九十六

一

弑而弗從猶之可也方莊之未弑弗當諫與迨莊之既弑弗當討與諫而弗行與討而弗獲弗俱當去與四者之義嬰亡一焉生食其祿死而置之臣焉用哉夫春秋之世君臣之道絕矣以二子之事如彼而世以為賢後世亦卒無有聲其罪以責之者甚矣大義之難明也

豫讓

豫讓漆身吞炭以愧人臣之懷二心者讓蓋以義士自許也當其時通國義之迄于今萬世義之迺宋儒蘇氏胡氏直以為聖賢大學之道甚矣其識之陋也余以為讓特刺客之好名者非惟弗知義殆近于弗知恥所持論正以導人臣之懷二心而胡以愧也夫君臣父子一也父有弗子子無弗父君有弗臣臣無弗君孟軻氏論手足腹心報施之道至矣而其言可以訓天下之為君不可以訓天下之為臣可以陳于唐虞桀紂之朝不可以陳于春秋戰國之世以故言出于孟氏而豪傑猶或非之然而曰犬馬曰土芥曰國人曰寇讎其輕重之等較若也夫范氏荀氏滅于知氏知氏滅于趙氏則知氏于范氏

荀氏正趙氏之于知氏也讓以眾人報范氏荀氏則二氏之亡仕他姓可矣曷在乎仕其故主之仇之後而且為之盡力也不幾于寇讎之報大馬之視乎夫瑤之未敗果知之讓擇而事之惡取其知瑤之將敗希爭之讓默而成之惡取其賢瑤亡也可以死矣弗死讓執也

可以死矣弗死至再刺而再執也猶不死惡取其勇俾襄子而再釋焉將以刺終乎將以弗刺終乎刺而中胡以見襄子于身後刺而弗中胡以見襄子于生前終止而弗刺胡以自立于天下萬世故吾直以讓非惟弗知義而近于弗知恥也其塵塵焉惜其一死務以苟成其一刺之名而已于人臣於二心奚有也即人臣二心將以讓藉口自道而又奚愧也然則為讓計宜何如曰死范氏荀氏上也死知伯之亡次也死襄子之執又次也以刺而報其主則已卑卑再刺而再弗行而卒弗死而徒欲以漆身吞炭愧人臣之懷二心者難矣哉

樂毅上

樂毅不拔二城夏侯玄以為庶幾湯武何其陋哉河汾氏從而與之

少室山房卷九十六

二

眉山氏又從而駁之是皆有疑于毅之不取而未嘗熟察古今攻守之大勢也以吾論之即墨之守不必智如田單而後全而二城之拔非特毅有所不能即力與材倍徒於毅者未必也胡不以戰國推之燕視秦關土孰銳毅視武安君起將略孰優下齊七十餘城坑趙四十餘萬震讐孰甚燕之圖即墨視秦之圖邯鄲孰急平原安平之應變孰短孰長智者所了也然起以百戰之威挾秦國之眾乘長平之勢蹙垂亡之趙一圍而不能舉再命而不肯行三迫而甘伏杜郵之劍觀其力拒應侯之請即未必盡然而邯鄲之不易克固昭昭矣獨于毅焉疑之可乎夫齊之與燕勢相軋也單之與毅略相等也然而主客異勢急奮異心重以嗣主狐疑鄰國反間亡臣合力戰士思歸斷劫之代蓋毅有天幸焉不然其能成師返哉故吾謂即墨之守非單亦全二城之拔非毅所及而論事者必灼見古今攻守之大勢而後可也

樂毅下

甚矣攻守之勢之相懸絕也故守者將有不必才兵有不必眾而攻者將之才有無所用而兵之眾有無所施夫王莽以百萬圍昆陽也而殲隋煬以百十三萬圍平壤也而潰此其兵莫眾矣則曰將非才也孔明以十萬圍陳倉而不拔孫權以十萬圍合肥而幾擒此其將莫才矣則曰兵非眾也尤武悉漢將之良以圍天水而折北神武悉齊兵之銳以圍金墉而殞身此將非弗才兵非弗眾矣則猶曰敵堅也拓拔英揚大眼以四十萬圍鍾離而隻輪不返郭子儀李光弼以六十萬圍相州而九帥盡奔此將非不才兵非不眾敵非不脆矣則猶曰救至也至魏太武屯百萬于宋唐太宗聚天下于遼則不惟將之才絕古今而且帝矣不惟兵之眾極海宇而且精矣王莽隋煬加兵未必精以盱眙小城安市夷帥敵非勅也義隆膽破延壽望風救已絕也然而卒自解者何以故也故曰攻守之勢懸絕甚也有善守則無善攻也而况乎樂毅之將燕昭之兵而攻乎田單之守若之何二城之可拔也而夏侯氏以庶幾湯武然乎否哉

少室山房卷九十六

三 趙奢

自山東遺秦禍諸侯之得志者三而蘇氏之合從弗與焉孟嘗之臨函谷也信陵之存大梁也趙奢之救閼與也孟嘗信陵俱貴公子率列國以攻秦獨奢起小吏提孤軍大破秦師其事甚偉功甚奇而讀史者忽焉第知奢之勝而已而所以勝弗知也當秦之圍閼與也惠文以問廉頗以為難救何哉閼與之地秦韓趙三國之交秦攻韓而移兵閼與蓋出趙之不意也而趙始發兵救之令秦也據險以拒趙若魏太祖之屯柴壁則趙師阻令秦也扼險以要趙若唐太宗之襲美良則趙師殲二者皆曉兵所忌而頗位趙上將氣聞諸侯固不肯輕用其名關成敗于鼠穴也奢則未嘗有戰伐之勳一旦欲翹然自樹勢不容不出死力以見其奇而奢方拔自細微又易以愚秦耳目于是頓兵邯鄲增壘以示吾弱而弛敵之防堅壁以蓄吾威而俟敵之間至於二十八日之久彼師已老而我師方壯然後乘秦之無備而卷甲以趨之彼欲拒吾於險之外而吾已入欲邀吾於險之內而

吾以出比秦人悉甲來攻而吾壁壘已成土有必死之志以久蓄之鋒乘初至之銳勳必死之勇以馳乎疲勞暴露之師此其廟勝之勢在趙在秦不待智者而決矣或曰奢之勝歷之謀也歷所謂厚集其陣先據北山皆兵家之常偶合于奢而奢用之蓋奢之勝而非所以勝也奢受命出師勝秦固燭鑑焉而俟歷乎哉然則廉頗之議失與頗秦所忌奢秦所易也奢將則敵信而弗疑頗將則敵疑而弗信故奢之事頗雖勇有弗能行頗之言奢雖勝有弗能奪也夫道遠險狹頗之言誠未為失而括也長平大刼亦父奢閱與事狂之悲夫

趙括上

白起坑長平四十萬古今以罪趙括輕躁寡謀可罪也而長平之事則大有難言者世襲故常類以括為妄庸豎子則弗考之甚也何者四十餘萬之眾匪易御之師也四十餘日之圍匪易支之困也使括也而果妄庸豎子若宋義劉秩李元平輩將鋒交即潰曷能以其眾戰耶將伏發即殲曷能以其眾守耶以四十萬之兵陷必死之地壁

少室山房卷九十六

四 趙括下

四十餘日之久而無一叛者至括死而後降則括之為括可知也括當時所與援梓對壘何人哉秦兵之強天下靡敵焉白起所擊天下靡堅焉彼且因失地之忿勵用壯之師非閼與之戰兵無名將無勇者比也當起未將而頗之禦敵已憊矣泊乎武安既出秦掃境以潛屬之而其王又親至河內發穉弱以趣之蓋不啻宋人所謂空國而戰者噫嘻當其時事勢之亟何如也吾以卽信平弗代而馬服復生未易云也夫括也果若李元平輩則一王龍舉之矣而胡以必起以寡舉之以正舉之亡不可者而胡以用眾而胡以用奇且一朝食滅之矣而胡以若是久也惟將而必起而必用眾而必用奇而括之不

趙括下

秦之縱反間也第欲將括趙卒將之而括卒覆其軍胡秦之巧趙之拙而括之愚也當孝成之受上黨也議之平原以廉頗當起其策之亦審矣及頗失亡堅壁孝成讓之而秦間之入直以頗為易與且降

頗也將四十萬之眾外創于敵而內迫于君是章邯鉅鹿之勢也縱
頗之才足以堅守趙之君臣而聞斯語其能無變然動哉而當其時
孰可以代頗者馬服死安平亡李牧方保塞未知名蓋六國之將舉
亡任此不獨趙也獨括素喜兵時亦以能將歸之而先是父奢又嘗
代頗却秦故孝成平原驟舉之而不惑也夫秦之利在去頗不在任
括趙之失不在任括在廢頗頗代而四十餘萬之命已懸于白起之
手矣方是時趙之夙將頗外樂乘龐煖二子而已趙不將括而將二
子未必不為芒卯扈輒之續而其敗或速于括未可知也括堅守四
旬而救弗至而卒以身死敵雖不足以贖其債軍之罪較之誤國而
降者猶有間也而世之罪括甚于趙葱騎劫而孝成平原夷于王遷
郭開余是以悲之

韓信

神矣哉漢高之智也其智之神蓋不惟顛倒一世且籠絡萬世而愚
之夫韓淮陰之反不反于武涉蒯通之說而反于擊稀豈人情哉自
少室山房卷九十六

五

史遷文致獄詞世遂徒惜其功大而弗克終至稍名能扼腕者又率
以高自將而蔽罪于后雉此淮陰之冤所以亘古不白而天下萬世
咸籠絡于漢之術中而莫悟也高于當時所深惡而劇畏者籍耳信
耳自臨淄之乞封與固陵之割地高之亟欲取信曷嘗一日忘之迺
至垓下之戰蹴百勝之楚于掌股之上而立致其亡高之所畏而惡
且不在籍而在信而信方子子然抱其微誠今日却武涉明日辭蒯
通以漢終不忍奪我不知楚且亡而已且暮及矣夫奪信齊而徙之
雲夢猶置蛟龍于大澤而日虞其騰也奪信楚而居之咸陽猶押虎
兕于高堂而日虞其攫也蓋漢之縛信不待陳兵之景信破籍而陳
平之謀已策矣漢之戮信不待家眾之誣高擊稀而蕭相之禍已成
矣夫稀匪布越伍也所將固勁兵而翱翔趙代為漢疾埒諸疥癬而
信則漢以腹心虞之命將擊稀周勃灌嬰輩比比足任高也其胡以
舍信于近而事稀于遠也信功大而材高廢不以罪海內功臣已人
人駭詭而高之積慮必戮信始安戮之復不以罪則功臣愈危而高

亦亡以自解于天下萬世即擊稀戮之猶或慮夫世之投喙于我也
則無若自將以擊稀而推后以戮信夫然後罪信者咸以失職快快
罹禍致疑間有矜信第以雉一婦人不當顯戮而高也竟遁之乎是
非衣鉞之外於戲此淮陰之冤所為亘古不白而天下萬世咸籠絡
于漢之術中而莫之悟者也夫淮陰之愚于漢吾不暇惜而天下萬
世咸愚于漢而莫之能悟則吾之論有不容秘之終身者矣

關羽

余讀陳壽書至關壯繆之走麥城未嘗不掩卷三嘆也蓋漢事至斯
遂無復可為者矣王長公謂荆州之失昭烈與有責焉當壯繆破襄
宜遣孔明益德帥精甲數萬控扼江陵遙相首尾庶乘魏之勦而伐
吳之謀其論甚卓而夷考時勢則有不逮及而且有不必然者先是
劉封孟達屯成上庸羽始圍樊累趣發兵而二人銜其矜高堅閉不
出以致運路斷絕迄墮吳寇之奸當南郡既失麥城孤危二人營兵
風發赴難即亡救荆亡何至壯繆父子駢首淪胥致古今一大扼腕
哉若昭烈之不預遣孔明益德非委羽也三蜀甫定驚擾不常如魏
眾所傳日斬數人而莫能靖孔明固未可且夕離益德破張郃鎮關
中移軍遠出師必乘虛來寇亦非所以救輟巴微總之時勢未遑然
俾昭烈逆計羽之安危則寧舍巴蜀而援荆之師有不俟終日者要
以羽方乘勝而南郡非旦夕可下或小有利鈍上庸密邇足相應援
詎意封達外訐芳仁內叛瓦解土崩至于斯極也耶夫漢事可為僅
僅羽威振華夏之頃而一跌至斯此吾所為三嘆流涕欲磔呂蒙之
屍于千載之上者也

少室山房卷九十六

六

龐德

古人云死有輕于鴻毛者其龐德謂哉德之于蜀以故誼則主超在
焉以天倫則兄柔在焉何親于魏而必附之况德既食張魯之食矣
魯滅于操則操者魯仇而德委質于操以終其身其視壯繆守邲見
執曹氏問關萬死故主是求至竟立效報曹而後去者其人何如也
且也中山帝室之胄海寓所知德豈有胸無心者流顧捨正統之昭

烈大節之雲長而奮臂螳螂致命篡竊方其就戮雲長親諭之降而
惡言抵觸自蹈天誅據德所云魏王帶甲百萬等語徒以操凶威虐
炤雄視四方詎復知所謂順逆邪正哉操一天下德且爲上佐爲元
助彼區區一死而足償其助桀之罪也而矧乎其死于操也

少室山房卷九十六

七
夢
選
奧

少室山房類彙卷九十六

嚴水胡應麟明瑞著

論六首

諸葛亮

武侯人品信軼漢唐而班三代矣迺其人才又絕出于三代之下者夫三代而下稱才之盛莫如漢漢高之目三傑也其才猶千古一選也然良能運籌而未必能臨陳何能治國而未必能運籌信能行兵而未必能治國高能用三子之長以取天下而弗能以身兼三子之長武侯之才則三子之長以身兼之而且能取天下能取天下而且能弗取者也夫武侯之治國人能悉之其運籌之大者隆中以一言定鼎江東以片語致師祁山之出屢統劾法王亡閭一三僅存無益勝負之數審也而曹氏謀臣策士布列後先武侯惟綸巾羽扇談笑道之而司馬諸人一籌罔措即曲逆剛成紛綸帷幄而庸詎加焉迺其時蜀將之堪大敵者關張黃馬久歿行間第魏延足使而狼戾矜

少室山房卷九十七

高尤難獨任故自街亭失事之後前節後勁皆身當之斬王雙圍賈栩破費耀走郭淮敗宣王賊張郃迄于斜谷之運渭南之耕未嘗別遣一軍獨任一校而入陣一圍同流宇宙為萬世法則武侯行兵克敵廉李遜心居可見矣夫相可與治天下而已夫將可與平天下而已鈞之匪所以取天下也取天下必其中有帝王之度混一之規乃能得之故蕭張淮陰不遇漢高將相之才終無以自顯而知于天下武侯則可以將可以相可以取天下而無所藉于昭烈之鑄鍊也夫懿之神奸籠絡一世蓋亦庶幾有取天下之慮者而兩雄相當智窮力屈巾幗之受借曰老師而蜀方屯田持久上下一心天假歲餘魏明天折曹爽紛爭圍難四起揚旌以入秦隴關洛悉無人之境矣吳之甲兵孰與中原吳之圖帥孰愈仲達魏滅吳孤舉九州之八以壓一隅于取天下與禮樂又何難焉而武侯則未嘗有意于天下之取要以答先主之知明老臣之節竭盡瘁之忠而已吾故曰武侯者無論其人物品流軼漢唐而班三代其人才亦絕出于三代之下而不

可載觀者也

張郃上

余以為張郃街亭之戰蓋古今天幸之尤者非可以兵家得失論也夫郃之在魏稱宿將知名然不過一校之任趙雲魏延等耳當武鄉出師關張黃馬悉喪亡矣而趙雲尚在不以督街亭而以軍箕谷何也雲年力暮衰陷陳先登慮非壯日而箕谷潛師張皇一面非雲之老成持重故未易勝也則蜀將可使當其時宜莫如魏延而武鄉復置之不用曷以故哉延始出巴中即欲分道與亮會于長安尋武鄉用兵一飯紀律以延之負勇好奇使當前隊或任情輕敵以致他虞此武鄉之慎也舍二將而蜀之良無幾矣其以大眾付之馬謖之手固由設計畫辨才見知夙日蓋亦大不獲已存焉迺其遺謾也行師制勝當事有畫一之規而孰意謾之敢于方命也壽史明言遠亮節度舍水上山舉措繁擾郃因絕其汲道大破之俾謾也率履周行毫無矯越乘初出之鋒併三郡之力拔王平以當旗鼓而援梓潼銳

少室山房卷九十七

奮命而前武鄉親率魏延吳懿等長驅以戰之郃將投首伏屍之不暇而暇待木門之役乎哉嗟夫明知武鄉違眾而舉謾受知如謾遠亮以覆師而郃逢其適而微其功吾故以街亭之勝為天幸之尤者也蓋自是武鄉出師遂身為前鋒不復命將矣即武鄉垂放遺教揚儀反旆鳴金魏眾却走死生仲達之謬遺笑無極夫以殞逝之武鄉按其章程足以摧懿于後日矧以生存之諸葛循其節度不足以破郃于當年哉然則街亭之勝信古今天幸之尤無論乎兵家之得失也

張郃下

難曰郃之成功若吾子言信天幸匪人謀矣迺魏書本傳盛稱郃久領邊陲長于應變昭烈武鄉咸深憚之其聲實懋著奔走敵人豈悉微天幸無預人謀也噫郃之籌略器能槩之壽史終身可考矣自去袁氏歸曹公雖平魯破超時奏勞伐皆一戰之任非仗鉞登壇自建旗鼓也迨曹公還自陽平留拒昭烈始擢之眾將俾督諸軍然而守

疆場則漢中陷沒佐統帥則夏侯喪亡至進兵宕集一遇益德萬眾
盡殲棄馬緣山爲世尋戮尋曹公身至巴中精甲被野郃爲上將亡
能規恢尺寸鼠竄故邦此其才略器能固近出羽飛之下而敢望諸
葛之萬分哉暨郃因天幸踰街亭魏宜顯委西方承杜敵患迺武
鄉載出舉朝惴惴惟蜀是虞選將警兵空國而戰主之司馬佐之郭
淮費耀戴索魏平賈樹之屬國無留良而郃也受命宣王僅同一校
胡街亭制勝于前者大勳陡滅而祁山因敗于後者銳氣莫伸哉則
郃之爲命昭然可見魏明帝論司馬以西方事重非君莫可固洞悉
餘子之才艱于禦侮矣非馬謖庸夫自投死地卽王平之守郃且兩
攻之而莫能克而矧乎其他也吾故曰郃之成功古今天幸之尤不
可以兵家得失論也夫自昭烈既崩魏疆弛備武鄉始出蜀勢方張
使天祚炎精木門之殲早遂茲日則成陽以西一舉底定長驅河洛
充冀風靡不半載而中原復可也惟漢祚告終而街亭一戰實大運
興亡之候故冥冥之中若使若尼智無所運巧無所規蓋渭南之卒

少室山房卷九十七

三

魏延

始武鄉之出祁山也前鋒將魏延欲假奇兵五千道子午襲咸陽謂
長安以西一舉可定武鄉以計危不用議者至今惜之是徒知街亭
喪師貽討賊之憾而不詳嚴事勢之當否籌畫之是非也古之伐國
而以奇兵勝者眾矣然必其國之削弱主之惰庸與臣之懷邪與將
之攜二而後可故梁元帝之講道陳後主之賦詩皆敵兵咫尺蒙蔽
罔聞以致天塹爲墟宗社淪覆乃三軍之帥非得于謹揚素賀若韓
禽輩尙未易言也鄧艾道陰平以滅蜀允謂不賞之勳陳同父氏猶
以微幸行險折之百代之下若延之請奇兵以襲函谷其事勢可同
日議哉魏何國也全盛之國也處何主也敏達之主也大臣則曹眞
蔣濟矢心于其內諸將則張郃郭淮効力于其外而司馬懿之窮姦
極兇馳驅疆場其握算若神明發機若鬼蜮而謂子午之途若陰平

之道長驅以入無人之境乎卽延能以一旅奄至咸陽蜀援未交魏
救四集窮城獨守究竟奚之無論長安以西寸壤難拓五千精甲且
盡沒虜廷矣武鄉身統六師關中震動平取隴右規出萬全而舍彼
康莊希此詭遇乎是其事勢之艱毫亡克理而延者猜狠之雄傾危
之黨又匪可寄之重任屬以深謀者也考延委質武鄉摧鋒司馬率
旗陷敵勇略足稱迺發縱指示靡非戎幕竟亮出師未嘗委之別部
子以一軍彼其人才固可槩見及武鄉之卒遺令殿師茲何時也大
喪在前大敵在後全軍返國尙慮不支而延奮欲部曲先還身留擊
賊卒以中途叛亂三族誅夷此其才識器能庸人之下而妄希五千
組練一舉足而定咸陽其籌畫是非武鄉所謂臣之未解莫斯爲甚
矣於戲始出祁山三郡響合街亭一戰士氣焚如要以天促炎精堂
堂之陳蹉跌意外而矧乎行險徼幸觀獲大功然則延策之不行益
以覘武鄉之遠識而不足爲憾也

少室山房卷九十七

四

劉裕

英雄之士崛起紛爭戰伐之際必先有濟世安民之大志而後可與
成撥亂反正之大功志不先定而汲汲焉據高墉竊神器苟以傳其
子孫此盜賊之靡而胡足議于英雄之萬一也秦之將亡也項羽劉
季所謂時之英雄也觀始皇車服儀衛之盛一則曰大丈夫當如此
一則欲取而代之吾以爲兩人者皆富貴之徒而匪所以議于英雄
之大業然而羽誅宋義破章邯以五載恢霸迹季降子嬰報義帝以
三傑定不基彼皆卓然自立而未始竊秦之名擅秦之勢拊其背扼
其吭而效之位則列之英雄之等而亦宜也蓋至于光武文皇而英
雄大業庶幾近之矣光武以神明之胄交夷新莽合德成宣文皇以
髫髻之齡掃蕩隋場比蹤湯武故三代而下得國之正必曰漢而唐

而宋弗與焉以宋之得國匪正也非吾所謂英雄也迺六代之君劉宋之裕則大異于是矣裕奮臂草茅不階寸尺覆孫思遠盧循夷桓玄滅讎縱縛姚泓虜慕容超百戰百勝幾一四海不可謂非英雄之主也令裕果有濟世安民之志則建業偏安之晉劫迫于文景戮辱于愍懷不足爲天下共主允矣矧其皆逆臣僭叛正朔已無狂虜紛更中原久沒吾首建義旗救殘水火肅清胡羯分北羌氏揭夷夏之大防遠帝王所自立且夕惟畏天命悲人窮而江南一綫絕續有亡漠然無問泊平詭歌獄訟朝覲來歸不傳已即天子之位履九五之尊俾曹馬腥羶一洗宇宙吾之大統排典午而迎炎精豈非撥亂反正萬世一時哉不知出此徒見操懿以遠往往假禪受以愚民耳目而晉氏諸世家公族布列中外又未易一舉而盡殲之于是挾情君據強勢深謀劇畫惟篡是圖今日殺謝混明日殺僧施又明日殺諸葛長人無非殺其異已而不便于篡者也今日逐魯軌明日逐國璠又明日逐司馬休之無非逐其異已而不便于篡者也今日用劉穆

少室山房卷九十七

五

之明日用徐羨之又明日用傅亮謝晦無非用其不異已而同事于篡者也內憂消羣醜集于是大發兵以剪外寇首取燕次取粵次取蜀又次取秦秦之亡也魏人重足河洛震驚裕能翻然改圖置晉度外乘關中之勝權吳越之鋒猛將銳師長驅北向魏雖全盛以拓拔嗣之庸庸而當裕之神武以長孫嵩之憤憤而當王鎮惡檀道濟之威名其折而宋也必矣彼屈丐者犬鼠之媒裕一天下將稽首勞面匍匐遠塞之不服而敢窺函谷之泥丸哉迺裕也一篡皇皇無復他慮聞劉穆之死即日南歸以稚子愷夫鎮邊巨寇三秦故土緣手失之蓋裕之肝腹崔浩王買德之徒洞燭之矣有削平底定之績而徒區區博圖篡之名豈非安民濟世之志未嘗素定于其中故撥亂反正之功不得倖成于其後哉夫曹馬誠權姦而廢立之舉彼猶然有所待也而裕無所待而躬廢之師昭誠悖戾而弑逆之舉彼猶然有所諉也而裕無所諉而躬弑之自是而齊梁而陳隋無弗躬廢矣躬弑矣究其端皆裕作之俑也而矧乎其屠戮已降睡毗舊怨猜忍刻

虐豺虎同羣于人君之度何如也吾故曰若裕者春秋之大愆聖筆之首誅古今盜賊之靡而胡足議于英雄之萬一也

高歡

君臣之義自曹氏攘攷朝綱辱戮主后踵接以師昭劉裕諸人滅絕凌夷于天地之內久矣當其時君其上者徒竊空名寄頓廟廊社屋詐夷非醜則縊迺強臣悍帥劍履入朝睥睨其君殆如無物五朝因襲謂爲當然而孰意元魏之衰夷狄之長而有北齊之高歡氏也歡始出秀容麾下滅兆殪隆位大丞相其舉兵晉陽致孝武出奔律以人臣之誼罪亡所逃第自榮穆殞身人戒前轍歡執言討賊有社稷功而魏主偏聽回邪致生播弄之罪固難盡蔽于歡也至嗣君繼立大創前愆引分輪誠靡所不極噫典午以還冠裳倒置君之生殺懸命一人首領獲全已爲至幸而歡也曲拳拳跪恭順自將敬事所尊終身毋越卽道非粹白不謂難乎夫歡在當時割據中原兵精士眾垂旒而王孰能禦者彼草昧之雄富彊是急區區名義不啻贅疣寧假是以塗民耳目哉大都激發真心冀追發失較諸六代諸臣遂非文過隸視其君而卒弑之非徒倍徒而什百也夫前歡而司馬以迄爾朱後歡而宇文以逮普六其位皆歡之位而其勢皆歡之勢也有能爲歡之爲者誰乎而世以晉陽之甲蔽罪于歡必夷諸司馬宇文而後已吾恐自新之路絕而人無爲善之望司馬宇文輩且相率擲掄于地下矣

高敖曹 慕容紹宗

拓拔氏衰齊神武以英雄之度鶴起中原善任知人流譽海內迺余考其將帥之良勇莫若高敖曹而智無出慕容紹宗右者而神武用之皆弗能盡其才也夫敖曹之勇當時已配楚項籍其歿于行陣神武如喪肝膽宇文泰賞追者布帛迄數世莫能盡償其威名震懼若此而首領不保何哉敖曹能勇而不能怯者也而神武直任其勇而不思佐之以謀至建旗鼓以攻黑獺則其視宇文爲何物其輕敵可謂至矣輕敵者亡兵家炯戒而敖曹臨大敵而犯之能亡及也紹宗

智略自爾朱兄弟皆違戾其策以底敗亡至歸神武宜若韓信之遇左車迺齊之驍銳泰彭樂侯景諸人神武纖悉委寄凡周齊後先大戰數十河橋卽山沙苑之役連兵百萬震動宇宙迄未聞紹宗運一籌借一箸于神武之幕豈神武之不用紹宗耶將紹宗自諱其能不以薦之神武耶迨神武垂歿子澄憂侯景之亂始特舉紹宗以命之且云我故不貴之貽爲汝德於虜使景也前斃于歡則以紹宗才歡終不及一用而借腐草木矣何以異于爾朱之世哉卒紹宗決水潁川淪溺墜下破景之外未奏一勳則以兩將之智且勇而用之咸不盡其才皆神武之失也嗟夫六代之雄言知人善任者若神武亦庶幾矣駕馭少疏以二將之才而莫能竟其用而皆致之不得其死至唐文皇效之于尉遲恭李世勣幾帝武翌而眇任城術之不可不慎如是夫

爾朱榮

余讀史至元氏之末未嘗不奇羨爾朱榮之雄武而重惜其無成也

少室山房卷九十七

七

夫自三代以迄六朝能以身一四海定中原者漢高魏武而已迺兩君初起草昧攻城略地兵家利鈍皆互有之及其劍大敵戡大艱往往顛沛流離幾敗而克而榮獨不然始自秀容夷帥一旅入朝遂沈母后易長君通國之人毋敢衡抗尋誅那果滅韓樓遂陳慶之平拓拔顯縛蕭寶實萬侯魏奴兵鋒所加靡擊不碎至以七千之眾禽葛榮百萬之師頃刻之間放散立盡其摧陷廓清之略豈戰國以來所常觀哉當是時寓內人豪若賀六渾賀拔岳侯景高敖曹慕容紹宗之屬咸出麾下蒲伏指揮猗與盛矣以較昔之開拓無論江左諸君因仍剽竊卽漢高魏武雖所遭人傑非羣盜塵邊逢榮世其功烈當不過此王元美氏至以爲振古之豪項籍流亞非虛語也顧江左諸君道成霸先輩攘攸一皆策無不迷而榮之末路身首分張天壤懸絕何以故哉志大而慮疏謀深而術淺輕天下之人謂無足一虞而不知禍機之伏驟發于肘腋之下此正漢高魏武之所爲發就而榮視之漠然者也俾榮也輸忠委赤內絕異圖假以數年取三吳定百

越始終臣節光輔魏君伊周管霍流芳矣運卽功非混合不失爲王景略陶士行而始念不滅身名俱滅惜哉信古之英雄惟諸葛孔明爲不可及矣

少室山房卷九十七

八

少室山房類稿卷九十七

澱水胡應麟明瑞著

史論五首

陳壽上

甚矣哉史氏之言不可不詳其顛末也陳壽之志三國繼踵馬班而世率以壽父子見法武鄉故諸葛傳贊有將略非長之譽此皆不詳覈傳文之顛末且不知壽之所處何時而托摭片言以藉口者也夫壽之志三國也天下統于晉矣司馬昭者懿之子而炎為武帝則懿之孫也炎以懿孫混一海寓臣六合而奔走之壽于斯時雖蜀之遺民而實晉之編戶也壽能抗節首陽不食晉粟作蜀漢先朝之史以彰直筆而死生利害一置無心其于晉氏之先即毫無諱忌世孰得而議之迺蜀亡之後壽固已身為晉臣久食其祿矣所纂國志雖非被命纂修書成之後張華杜預輩一時朝士咏嘆播傳其不得私之家塾而藏之名山審也若是而顧于晉之先世兵爭仇敵之人據事

少室山房卷九十八

史論五首

直書臨文無隱大者將為崔浩之暴楊國惡湛七族于一朝次亦且如蔡中郎輩嬰縲絏於狴犴而望書之行于世而傳于後乎此壽于武鄉行陳之際戰勝攻克不得不紆回其筆以少致其北面之私者而其意于武鄉實未嘗有所軒輊也夫壽之成書列傳百數吾悉取而讀之矣體存簡質辭絕浮蔓即昭烈魏吳寥寥紀述獨武鄉一傳紆徐鬱茂備極敷厲僅大捷鹵城一諱宜王之敗至渭南之卒接行營壘天下奇才之嘆且揭篇終噫彼司馬懿者百代姦雄之最迹其生平曷嘗有所輪服獨斯言也觸于目而發于衷蓋古今之公是而壽直書之而不沒所為揚詡武鄉之將略固已至矣而謂父見髡鉗已遭箠辱畜憾于武鄉而報之于史筆否乎然乎且武鄉之在當時雖管樂自居實伊周之匹也廖立拔涕李平捐生彼其馭下一操以直道誠心獨于壽之父子行法參商致憾身後壽不足言武鄉之治理固已疏矣是後人之扼腕武鄉適以啟武鄉之疵類也矧本傳之文彰明較著其大如彼不詳覈而毛摭片言足以服壽之心于千古

之上哉

陳壽下

或曰壽壽之傳武鄉信無風刺世人之疑均為未達矣第武鄉一集壽所纂修篇末明言亮于治戎為長奇謀為短理民之幹優于將略此例數言詎得悉為壽諱也是又不然諸葛氏集雖壽所纂修實奉命晉君者也首稱毗佐危國負固不賓蓋亦遵時道詞不容直遂中歷敘其逸羣之才英霸之器立法施度工械技巧物究其極惡無不懲善無不顯吏不容奸人懷自勵道不拾遺強不凌弱則幾于王者之事矣且以武鄉素志進思龍驤虎眈苞括四海退欲凌厲邊疆震蕩宇宙然則亮之將略壽以為長乎為短乎若夫應變數言其下亟稱所與對敵或值人傑加眾寡不侔攻守異體連年動眾未能有克蓋天命有在不可力爭其抑揚微旨明寄宜王壽之本意灼然自暴豈得以為諱亮所短耶申言梁益之民追思不置詠甘棠于召公又以周公之誥丁寧煩悉擬武鄉之文告則壽固尊亮以為周召品流

少室山房卷九十八

史論五首

匪但匹蕭亞管而已迺至篤終佚道使民雖勞不怨生道殺民雖死不忿四語也唐虞皞皞大公之化三代之下惟孟軻氏能道之諸葛氏能行之而壽也顧亦能徵之能贊之則古今之知武鄉壽居其最焉可也俾當時壽之父子毫有未盡于孔明胡以敘致纒纒聯篇累牘極其揄揚而弗能自己哉惟是後人拮拾此言而上下全文漠然不考又往往不省其著作之時諱避之體而譏彈一轍不惟上負前人敘述之素心而且貽累武鄉之盛德故詳為辨析俟論君子衷焉

表文又云昔管子舉城父蕭何舉韓信皆付己之長未能兼有故也亮之器能政理抑亦管蕭之匹亞也而時之名將無韓信城父其人故大功迄于未建云云數言頗近似而實未然夫蜀之將率時誠乏才而魏以九州之七武士千羣其于將材固不可勝用也而自街亭一戰之後武鄉載出之餘王雙覆亡郭淮竄遁魏平賈栩圍困於祁山戴凌黃曜敗衄於

上邽凡魏兵遇蜀如破竹瓊莛迎刃摧裂至函城之戰木門之追今古笑端迄今未已懿每觀武鄉綸巾羽扇蕭然戎陳而軍政嚴明奇變莫測輒極口嘆羨擬之天人余嘗笑宋儒以子房孔明並稱而本朝王維楨氏拔鄒侯武鄉之上夫子房鄒侯籌帷幄治國家可也使之統大眾臨大敵彼能然乎故時無韓信城父益足以顯亮之才而不足為憾也本朝王維楨氏著論以何屈羣策亮恃已長為兩公優劣之辯甚矣其憤憤于史也余以亮與何所值之世所處之國所事之主皆迥絕不倫何所值開創之初賢能彙集而亮季世也何所處紛拏之際豪傑周流而亮偏國也何所事豁達之君風聲感召而亮庸主也以垂亡之漢當積衰之蜀奉庸劣之主卽一餽十起而才生有限惡得而用之考亮于巴士名流纖長寸善蒐錄靡遺而廖立痛哭李平捐生皆以亮既亡無能拔已史楨之妄不辯自明矣

少室山房卷九十八

三夢選

范曄

典午以降無文矣迺范曄後漢一書彬彬瞻輝軌轍馬班無論六代諸人蓋歷唐宋以迄勝朝宗工鉅匠名世迭興而史筆寥寥自若也曄自謂體大思精天下奇作以今較之良謂不誣李獻吉答人論史雖稍致不滿律以馬班故耳至謂三國以迄金元遠不及曄致公論也而宋史曄傳則有大不可曉者曄雖世家近臣而文章之士其於軍旅非所夙習又未嘗聚徒宿俠覬覦非常孔照先者曷故而深相援結務推之俾為戎首且世之營圖不軌必若王敦桓玄輩氣勢威力彈壓一時庶幾僞定否亦當如臧質鄧琬憑依喪亂藉口宗支而皆則宋主勵精國儲武戾無論萬無一幸卽事成倉卒詰且皆齏粉矣茲下愚極陋類能辨之以照先之狡獪而顧出此余有以知曄之逆狀未足盡憑也嗟乎左丘失明馬班狴犴而曄至身首懸殊豈文章之美挾奪化工造物小兒真不無悉忌耶不然胡自曄而後之作史者皆顯達而亡弗令終也

歐陽修

歐陽氏之史五代也當時尊之謂出太史公上歷宋至元無弗以上接班書餘子弗論也迺本朝楊用修列之司馬家奴王元美擬之下里學究胡毀譽懸殊至于斯極哉余嘗以西京而下史有別才運會所鍾時有獨造故文之高下雖以世殊而作者選與主盟不乏自春秋以迄勝國概一代而置之無文弗可也若夫漢之史晉之書唐之詩宋之詞元之曲則皆代專其至運會所鍾無論後人踵作不過緒餘卽以馬班而造史于唐李杜而挾詩于宋吾知有竭力而亡全能矣迺至陳壽范曄之才不過三國六朝中人之上者其于昌黎河東廬陵眉山兄弟不同日語審也迺昌黎中書一傳真足頡頏司馬而意欲自開堂奧盡削陳言故太史之文不以馳驟于順宗而以戲劇于毛穎他可推已河東段氏逸事體法孟堅餘率已調眉山家世序論表策其所偏精而紀傳之文寥寥絕響獨歐陽究心史學摹勒馬班五代一書差存勸戒而以曄書壽志較之猶將瞠乎塵後是固時

少室山房卷九十八

四夢選

代所歷未易超然要亦史有別才難于兼美也不然謂數君子之才而出陳范二子下可乎司馬君實嘗謂唐三百年鉅公間出遂無一人足與陳壽范曄伍而寧知歷宋迨明而二書之懸揭自若也吾故以西京而下史有別才而運會所鍾時有獨造也善乎李獻吉之言史曰古史筆形神湧出覽者躍如五代雖成一家言而無是也此歐史之定品也

司馬光

偉哉司馬氏之為通鑑也迄宋而亡此書則編年之體絕而春秋之迹熄矣而評者不先其大往往以義利精粗褒誅出入而議之是徒知筆削者之易工而不知創編者之難合也夫綱目之與通鑑雖制作相因而紫陽法春秋者也洩水法左氏者也春秋以辭為褒誅故一字榮于華袞片語嚴于鈇鉞而左氏則直書其事臧否自形卽是非曲直大綱所係公論時參而于春秋之書法則質乎其不侔者也而安得以綱目而例之惟是曹魏系統意重中原而武侯入寇之文

世所同惜迺紫陽未作之先三分順逆固未盡明涑水第因仍舊史
非用情于排蜀也夫通鑑之作無俟綱目之修而綱目之修斷不能
無待于通鑑之作有春秋不可無綱目則涑水之啟紫陽其功斷斷
乎有不容軒輊者矣

說一首

松溪說壽李隱君

盈天地間之物節最高而年最永宜莫有松若者陶潛氏之逸也盤
桓栗里之孤松杜甫氏之放也瞻戀草堂之四松祖龍氏之威推倒
百皇鞭撻萬彙顧獨託蔭于梁父之五松至尊之大夫而靡敢斥焉
上古仙家者流或餌其花或飯其葉或飽其脂飲其膏究至通弗明
列丹籍冲舉霄漢者往往而是故千歲之松雲氣覆之乳苓鍾之霜
露降冰雪沍厲風之震蕩摧折雜芳羣卉德滅漸盡嘗試攬衣策馬
登高丘而一寓目焉荒林敗葉厭厭悒悒若無復毫髮生意而亭亭
一蓋鬱葱千丈特立於中條太華祝融王屋之顛藉令樵人弗知匠

少室山房卷九十八

五
夢
選
廣

石弗採則歷歷劫斲元會而不朽不腐即大椿冥靈胡以加故余嘗
謂天地間之物節最高而年最永宜莫有松若者也龍丘李君別業
清溪之上長松數百枝環精舍而周焉故君少輒以松溪自命今年
登五秩矣懸弧之日親姬謀所以薦一觴者相率而丐言于余余不
識李君何如人第即松之爲物而卜君之算日升川盈繩繩乎其未
艾也或曰吾子之所云松節最高而年最永彼托根于巖穴委幹于
浹莽生寬閒之野長寂寞之鄉老無何有之境其得算也固宜李君
腰巨鏹客燕吳錢塘廣陵營丘碣石當世所謂天府陸海豐亨盛麗
區也李君以大賈冠危衣繡烹肥擊鮮夷衍其中芳辛旨醴之所炙
蝕妖冶娥曼之所蕩搖奇袤詭特之所播弄吾見其精日益以搖神
日益以騷而形且日益以凋若之何與彼清溪之上蒼然鬱然者而
計其久近也是不然子獨不聞之大隱市朝小隱林藪之說乎有熊
帝而仙者也周穆王而仙者也柱下史而仙者也關尹令而仙者也
夫其據九五之尊肩朝命之重猶之乎蟬蛻塵埃羽化霄極而矧乎

李君者改靈茹和潛耀斂錫爵祿靡人簪珥弗櫻精外齎而神內完
彼其所爲自葆者充矣碩矣堅且固矣其獲算之永也微松之爲物
其孰與之上下其論也且也祖龍氏以殺伐斬長生以嗜欲斬羽化
其于松殊趣無論若陶之逸杜之放臭味埒之乎松若無間然迺取
稱太宏流譽太遠犯造物之所夙忌故兩君子之季不可以天折論
而要以耄耋期頤遠矣李君者不惟不風波于富貴抑且游心于混
元抱朴于兜玄澹乎其無名穆乎其忘言之人也之算也將邁陶駕
杜而與赤松諸真揖讓于清都絳闕者區區人間世夫胡足以旣之
于是或人聳然避席載拜曰旨哉夫子之所爲說松也請揭之文錦
播之鄉閭以永爲松溪君壽

少室山房卷九十八

六
夢
選
廣

少室山房類彙卷九十八

激水胡應麟明瑞著

辯十二首

五霸辯

學者多誦五霸而不得其說于桓文之外于是取昆吾乎夏取豕韋取大彭乎商以合乎周之齊晉而五之自遷史夏商本紀既絕弗載而春秋秦漢雜傳子書又往往掇拾其一而軼其二三是以後世之惑激甚蓋余讀汲冢紀年而始得其說焉夫霸之取稱其大旨二諸侯而有勞王室錫之茅土俾專征伐而人服之若文王之爲西伯是其伯伯以功也諸侯而弗共王室恃其强大自專征伐而人畏之若共工之伯九州是其伯伯以力也自徐偃宋襄攘竊仁義卒以削亡爲天下笑而戰國之君盛以甲兵土地相凌于是乎孟軻氏大明王道以辟之而霸之云者祇以爲尙力之事概之三代盛時之所謂伯迥不侔矣考竹書所紀三氏其始之伯也要皆得之于功而其末之

少室山房卷九十九

一 步 選 虞

亡皆失之于力者也夏仲康六年錫昆吾命作霸帝芬三十三年封昆吾氏子于有蘇帝癸元年昆吾氏出居許帝癸二十八年昆吾氏伐商三十年商師征昆吾三十一年商克昆吾此昆吾氏之始末紀于竹書者也夏孔甲元年廢豕韋氏使劉累豢龍帝具元年使豕韋氏復國商外壬四年邠人仇人叛河直甲元年彭伯克邠五年仇人入于班方彭伯章伯伐班方仇人來賓祖乙元年王卽位自相遷于耿命彭伯章伯武丁四十二年王師滅大彭五十年征豕韋克之此豕韋氏大彭氏之始末紀于竹書者也合前後而較之昆吾也豕韋也大彭也其詳不可得聞其興滅之大都概以具矣夫昆吾氏之霸霸于仲康之代而亡于桀豕韋大彭之霸霸于直甲祖乙之代而亡于武丁夫昆吾氏其興弗可考自彭伯章伯之命于商而昆吾氏可知也大彭豕韋其滅弗可考自昆吾氏之黨于商而豕韋大彭可知也然則世之談五霸者以其始之以功霸而合之桓文乎則可以其未之以力霸而合之桓文乎則弗可夫桓文固尙力而厥功實弗容

掩也述三氏于始則類述三氏于末弗類也是昆吾大彭豕韋桓晉文之說也

伯翳辯

三代而上史書名氏之譌累矣其最大而可疑可疑而弗可弗辯者亡若伯翳之與伯益自史以伯益佐禹以伯翳先秦司馬貞張守節等並疑其謬而莫能援明証以折衷之故歷世紛紛迄於今伯翳伯益爲二也夫使伯翳伯益若共工倉頡栗陸容城鴻蒙雲將齧缺之屬荒忽茫昧而不足有無則可誠禹之佐舜之輔而秦之先則其人所係世道何如者而可弗定于一也史遷秦本紀云大業娶文華女華生大費大費佐禹平水土輔舜馴鳥獸舜妻以姚之玉女是曰栢翳爲秦之先夫禹作司空天下之大任佐禹濬川天下之大功藉令非伯益而別一人則尙書載之當參栢陶伍稷禹矣今考虞廷臣庶四岳九官十二牧輩靡不具載于書而伯翳之文獨不經見以史所稱平水土者質之乎書則借秦鮮食益事也以史所謂馴鳥獸者質

少室山房卷九十九

二 步 選 虞

之乎書則掌火作虞益官也然則尙書所云伯益非伯翳而誰耶秦紀所云伯翳非伯益之誤耶蓋伯與栢其音同秦本紀作伯翳益與翳其聲近故史記誤以一人析而爲二猶幸乎其人雖二而其事則一也然而大費之云又胡以稱也則吾嘗讀汲冢紀年而得之竹書紀啟卽位之二年費侯伯益出就國夫史記先稱大費復稱伯翳伯翳爲人名則大費爲國封矣大費爲國名則伯翳爲伯益矣卽竹書一簡而伯翳伯益大費舉不待辯而明而司馬貞張守節皆置弗道彼索隱者惡在其爲索而正義者惡在其爲正也

少康中興辯

春秋戰國之世文士之好奇不已甚哉自古中興之烈亡大于夏少康者粵自襁褓之中已蒙大難流離竄匿四十餘載迄以一成之旅復夏舊物而光大之彼其崎嶇有虞仍鬲之間所爲布德兆謀蓋將靡所不極而史遷本紀盡逸其文後人求之弗得遂舉離騷天問荒忽謬悠之說以質之夫夏自太康距于夷羿寒浞篡于有窮中間喪

亂囚仍世已三易而從與過澆狡力相資滅斟紘相跨據都邑視王莽桓玄之禍弗啻十倍豈一刺客一虞人之任哉少康履歷僅見左氏而首末弗詳惟汲冢紀年差備復夏之事第言伯靡自扁帥斟鄩斟灌之師以伐泥世子少康使汝艾伐過澆澆伯子杼帥師滅艾少康自綸歸于夏邑其事雖不可詳考要皆王者正正之師至如離騷所謂襲女岐縱田犬則絕不見于簡編也離騷所問蓋齊東里社鬼巫虛墓之談屈子放逐無聊感而筆之以問後世世儒不能辯斥而好奇如沈約者又引之以釋紀年遂使少康靡艾萬古中興之績下全孟嘗郭解之傳余不得不辯之

文丁殺季歷辨

劉知幾史通云汲冢瑣語稱舜放堯于平陽而書云某地有城以囚堯為號識者馮斯異說頗以禪受為疑又云汲冢書稱舜放堯于平陽益為啟所誅又太甲殺伊尹文王殺季歷凡此數事語異正經其書近出世人多不信也按舜之放堯文之殺季無事別說足驗其情

少室山房卷九十九

三

已于此篇前後言之詳矣夫惟益與伊尹受戮並于正書猶無其證推而論之如啟之誅益仍可駁也右俱劉語按汲冢書目云瑣語十篇諸國夢卜妖怪相書也則瑣語之書大抵如後世夷堅齊諧之類非雜記商周逸事者也其書自隋唐志外諸家書目咸所不載蓋自汲冢既出之後旋就湮沒可知惟紀年載太甲殺伊尹沈約固疑為後人所增至文王殺季歷乃商君文丁非文王也考劉史通前後議論一以春秋亂臣賊子規度賢聖故妄意文王得位亦如商臣許此之為而弗詳考本書恣其毀蟻真所謂言奸而辯記醜而博者其能免仲尼之誅乎夫即劉引紀年商莽舛謬若此則所謂瑣語云云尙足信哉

西伯辨

自文王釋羸里之囚紂錫之弓矢得專征伐世遂以文王為西伯至哉黎一事咸曰文王是舉將以震紂而萌其悔心也噫文王三分有二以服事殷仲尼至德之嘆蓋倦倦焉一旦甫釋囚繫而輒有哉黎

之舉若句踐以美女參吳而兵隨其後者孰謂文王之德願為是耶且紂當文王之時三仁未亡天命未絕諸侯八百未會而文王遽稱兵以獵其郊視後世亂臣賊子舉晉陽以清君側者復奚異哉元儒金吉甫氏獨引膠革之言直以哉黎繫之于武而文之心始暴曰于天下萬世然膠革之言足以証西伯之為武而不足以証哉黎之為武也余考汲冢竹書帝辛四十四年西伯昌薨四十二年西伯發受丹書于呂尙四十四年西伯發伐黎自武王之立以至殷亡始終西伯之外無別稱焉于是始信哉黎之舉灼然出于武王而文之以服事殷沒齒無纖芥可以刷百代之疑矣金氏前編多引竹書獨茲事關涉非眇而紀年所載彰明較著特為愉快人心而偶未之引豈考覈有所未至耶

夷齊叩馬辨

甚哉三代而上史氏之說之不足憑也司馬遷列傳七十而首伯夷而其傳伯夷也始之以逃堯之文卒之以伐紂之諫蓋歷數百千年未有核其實者也夫讓王之謬有識概能辯之獨叩馬一事其所關涉甚鉅宜其所紀載特詳乃遷所取証茫無一焉而世之儒者萬喙一詞即博涉自信如宋羅泌之流亦僅啟其端而其說迄靡竟也夫三代之書遷所取証者六經孔孟之外國語短長莊列韓呂數子已爾孔子于夷則賢之矣孟子于夷則聖之矣而未嘗概叩馬之事也孔子于夷稱其餓矣孟子于夷述其清矣而未嘗概叩馬之言也采薇一歌足發明武未盡善而孔則刪之食粟之恥有大于弗聽惡聲而孟則置之揆之事理胡刺謬也先秦之文詳于識文武者宜莫踰左氏勇于非湯武者宜莫踰莊周而左國諸書談者弗引莊列諸書引而弗言書出于漢之後而足以証周之前者汲冢而汲冢諸篇又始終無一語及也然則叩馬之諫太史所采據果何書也夫三代之書其傳于後世常夏而三代之迹其缺于上古常多至聖賢大節未有不具載于六經而互見于子史者若之何合六經諸子諸史而茫亡一証也故吾斷以為夷齊無叩馬之說也然斯語非遷創之蓋戰

少室山房卷九十九

四

亡一証也故吾斷以為夷齊無叩馬之說也然斯語非遷創之蓋戰

風遊談之口而遷信之大果也夫戰國之談其起于見夷齊之遜位而遂疑武王之有爭聞夷齊之居周而遂疑伐紂之當沮因委曲傳會而爲是與夫叩馬一節在夷齊誠優爲而君臣父子一言足以樹天地古今之大戒願以之垂訓則偉而以之紀實則疏也則君子之讀斯傳者尙亦取其言而姑略其事也哉

仲尼曰伯夷叔齊餓于首陽之下餓之云者蓋以夷齊遜國而貧弗若景公之擅國而富易嘗謂餓而死也夫孔子餓于陳蔡靈輒餓於驪桑而皆未嘗死胡首陽之下夷齊獨死於餓也食粟采薇其因餓之一言而附會欺夫武王非復諫者二子之難難遜國弗難叩馬難無怨弗難采薇莊周稱夷齊之成陽見武伐殷曰天下亂周德衰不若避之遂至于首陽之山因餓而死此太史之說所從出然莊生滑稽口也而亦愈可証其無叩馬而諫之事矣

東遷辨

少室山房卷九十九

五

蘇子瞻論周之失計莫甚東遷而以靈王神聖諸侯服享爲証此但據子朝之書而弗及詳論其世也靈王之世孫甯出君而莫能討崔慶穢君而莫能誅陳生伯與爭政而莫能斷至假列國大夫以聽訟于王庭其紀綱名分幾于蕩無一存矣穀洛之鬪王欲雍之太子晉之諫可謂切深而王卒弗能用也終其身政事可見者聘后致命于齊而已神聖服享惡乎在哉善乎唐李翔之言也神堯以一放取天下後世不能以天下取河北夫唐之弗振豈亦東遷之罪也夫太子晉一言晉人遽欲舉侵地而返之俾弗蚤死而君天下卽成宣之治可驟復衰周之末胡以蔽失東遷哉

卿先達范茂明作東遷辨明周失計弗繫此屢屢數百言其說大備卽子瞻復起莫能奪矣獨所謂鬪王神聖諸侯服享二言蘇氏引以証東遷之失者未有說以破之余恐後學于史傳弗深考尙爲眩惑故詳數其世以補後明之遺夫靈少諡也春秋諸侯謚靈若陳若晉若楚其君皆不道之甚迺

王神聖服享而獲謚爲靈何也卽二語不足徵而以周之弗振委東遷謬矣餘說皆范已得之吾是以弗及

麾蓋策馬辯

吳明卿肥城縣重修關侯廟記云侯嘗麾蓋策馬刺顏良萬眾中語誤甚按陳壽三國志壯繆本傳云初望見良麾蓋策馬刺良于萬眾之中斬其首而還其句讀當以麾蓋爲句屬上而策馬刺良文屬下句麾蓋者如韓信與趙戰泜水建大將旗鼓之類東魏高敖曹攻宇文泰建旗蓋以臨陣魏人盡銳攻之一軍皆沒蓋大將行兵卒戴兜鍪被鎧甲混卒伍中庶不至爲敵餌若建旗蓋展前旂一爲敵人所識叢而射之萃而攻之無弗立斃矢刃者如劉宋殷孝祖自負誠節嘗履行陣中軍中謂之死將卒殪流矢張巡欲射尹子奇而不識乃以荻爲矢敵得之馳白子奇隨而射之喪其左目齊神武再攻宇文有識神武所在者以白泰泰因亟選壯士十人配賀拔勝以攻神武幾獲之唐李晟錦裘繡帽以奪敵心李懷光誦其餌賊卽大將行兵

少室山房卷九十九

六

可見當時良不建麾蓋則萬眾中何緣別而刺之凡熟史學者此等入眼瞭然吳第習聲詩而未暢今古誤則宜也

張飛字益德辨

世說劉孝標注引蜀志張飛字益德今志不傳亦傳寫之訛也
陳壽三國志關雲長字雲長字長生張車騎飛字益德而無別字元末市井演義訛益爲翼世以童孺習觀而正史反高閣東之遂不復知演義之謬據關壯繆傳孔明答雲長書論馬超云當與益德並驅爭先又飛傳據水斷橋云身是張益德也可來決死司馬公通鑑所載並同元好問唐詩鼓吹李商隱詩云益德冤魂終報主阿童高義鎮橫秋其本集亦然自唐人未嘗以益爲翼也宋洪景廬夷堅志第七卷論張益德廟云蜀車騎將軍張益德廟元在遂寧之涪江又引王景文夷堅別志云雲安夢張益德甚白亦見夷堅七卷此條之下是宋人未嘗以益爲翼也近王長公關壯繆論乃有孔明翼德之文此蓋錄者依傍演義反以益字爲誤而私易之長公斷不知

也緣翼義于飛稍軋故舉世雷同不知古人字義類有不可解者即如蜀諸臣黃忠漢升徐庶元直字皆不隸于名詎容億逆余嘗戲謂必欲名與字協曷若以翼德字羽以雲長字飛耶談者爲一大噱

河伯辨

馮夷之爲河伯其說遠矣好奇之士講張眩惑紀載實繁卽特立自信君子亦但斥言其妄而未嘗不以河伯爲水神也乃余讀竹書紀年而得其說焉紀年載帝芬十六年洛伯用與河伯馮夷鬪夫洛與河國名也伯爵也用與馮夷人名也謂河伯河神則洛伯洛神耶夫洛伯能與河伯鬪矣胡用之爲神寥寥後世而馮夷獨稱耶觀世十六年殷侯以河伯之師伐易則河伯爲諸侯而馮夷非神鬼昭昭矣穆天子傳河宗栢天爲穆王乘副車導之極於西土而後返則當時栢天亦造父賁戎之屬扈從穆王者藉如後世所謂魚身人首何以周旋天子之側哉夫九歌屈氏之寓言而秋水莊生之幻說本未嘗謂實有且絕不道馮夷之名而茂先博物成式酉陽從而爲說以實之吾不可以不辯亦幸而得之竹書也

西王母辨

山海經稱西王母豹尾虎齒當與人類殊別考穆天子傳云天子賓于西王母觴于瑤池之上西王母爲天子誦天子執白圭玄璧及獻錦組百純組三百西王母再拜受之則西王母服食語言絕與常人無異並無所謂豹尾虎齒之象也山海經偏好怪所記人物率禽獸其形以駭庸俗獨王母幸免深文然猶異之以虎齒益之以豹尾甚矣其無稽也竹書紀年舜九年西王母來朝獻白玉環玦則西王母不始見於周時莊列俱言西王母亦不言其詭形惟司馬相如大人賦有豹尾虎齒之說蓋據山海經耳乃山海經則何所據哉因讀穆天子傳漫識此爲西華解嘲儻大荒之外果有其人當命三鳥使邀不佞聞風之頂浮大白三百賞余知言也

一女辨

山海經云洞庭之山帝之二女居之是在九江之間出入必以飄風

暴雨按二女之辨歷世紛紛景純獨謂天帝之女似爲有見第三湘川不及四瀆堯女旣爲舜妻安得下降小水而爲夫人此又首尾衝決之論夫堯女舜妻不當下降小水迺天帝之女不尤貴乎總之荒唐悠謬無事致詳也

考二首

唐天策府十八學士考

世傳天策府十八學士以唐一代人才盡此然當時隱太子及齊王元吉各延攬相傾秦耶不能兼得也按史武德初太子建成與秦齊二主勢位相軋爭致名流以自助太子則詹事李綱實軌庶子裴矩鄭善果友賀德仁洗馬魏徵中舍人王珪舍人徐師模率更令歐陽詢典膳監伍彥直典書坊唐臨隴西公府祭酒常挺記室參軍事庾抱左領大都督府長史唐憲秦王有友于志寧記室參軍事房玄齡虞世南顏思魯諮議參軍事實綸蕭景兵曹杜如晦鏡曹褚遂良士曹戴胄閣立德參軍事薛元敬蔡允恭主簿薛收李道玄典籤蘇幹

少室山房卷九十九

八

唐十八學士像贊考

天策十八學士像間立本寫今藏兵科中書舊在大內相傳永樂中收付兵科每詹翰諸臣供事廷試者必留飲科中索一玩以爲故事萬曆初周公瑕游燕中得摹本知卷爲沈存中家物而跋尾書迹頗不逮因補錄之珊瑚兩王公俱有跋大學士淮南李公介弟子毓刻之石嘗以一本遺家君余及見之存中跋謂圖中名字官秩與史多不合如姚東字思廉史作姚思廉東之蘇壹陸元朗薛莊史皆以字爲名李玄道蓋文達于志寧許敬宗蔡允恭史皆不字房玄齡字喬

年史以房喬字玄齡孔穎達字仲達史以爲字穎達蓋唐書成于後人之手此乃當時紀實者也右皆存中跋語然以余所見圖中最可疑者莫如顏相時圖載相時字師古按史師古相時兄弟也師古字籀相時字睿師古亦爲秦王府文學掾實出相時上而天策之選不與相時傳新舊唐書皆云武德中與玄齡等爲秦府學士舊唐書瀛洲事未復言相時有兄師古紀載甚明當時在選決相時無疑而以師古爲字存中博極羣書諸學士官名全異悉考列跋中此其大矛盾者胡絕口不及嘗意摹本非存中之舊後人因筆談所載按其名字與史異者廣作斯圖而不知相時何人以為即師古也第存中所考史傳亦自多互異唐書薛收傳以爲圖像而思收存中以爲思收而圖像接收四年入館至七年卒以劉孝孫補之未圖象之先孝孫已召入爲學士不因思收始以孝孫補也新舊唐書褚亮傳俱以贊亮作杜如晦傳亦云而存中以爲于志寧考志寧傳不言此然亮及志寧各有贊其語殊不知自爲藉如傳及存中言則二人必居其一

少室山房卷九十九

九
夢
選
虞

並可疑也存中引蘇世長召對玄武門上譏其名長意短以蘇爲學士日改名按史世長入唐高祖責爲屯監尋引見玄武門與語平生因謂之日何名之長而意之短此時世長未嘗入秦耶存中蓋誤以高祖爲太宗唐書孔穎達元字仲達不云字穎達也存中素名淹洽而所取証咸抵牾若是蓋全憑記憶不檢冊書考之前輩往往病此明楊用修亦然余恐後人取信存中將史傳漫不復徵是又與齊楚得失無以異轍參訂是非而並存之俟異時學士定焉

澁水胡應麟明瑞著

策一首

問士稱文章學問尚矣顧前代以文章稱者其途有二以問學稱者其途有四其目可悉陳與其人之專門名家者可悉數與三代而下有能總括而會萃之者與明養士二百餘載理學事功無論亦有文與學名者與亦有能兼此二端者與近世有詆文章學問為枝葉而託之乎空虛性命者以數於周公仲尼之道然與否與諸士懷才待試有概于中夙矣即言言劇論主司固樂聞之毋諱

才之難于天下也匪廣才之難也而真才者之為難匪偏才之難也而全才者之為難夫隋侯之珠代不一過而蚌胎盈目和氏之璧世不一觀而砥砢塞塗萬物盡然而矧于人乎此廣才眾而真才所以難也輕清之形靡不覆轉而或虧西北重濁之體靡不持載而恒

少室山房卷一百

缺東南造物且然而矧于人乎此偏才盛而全才所以難也夫真才之難一代不界人而全才之難尤累代不一人無惑乎文章學問士弗多見于天下而空疏謬悠竊性命以自文其陋也愚請歷陳其概並擷其人而折衷于周公仲尼可乎夫士也雖稱于世非以其樵朴無文執鋤犁規什一下同于耕農坐賈也又非以其浮夸無實絕文采屏見聞竄迹于黃冠梵流也蓋古今言士自道德事功外其途轍概有二焉執事所課文章所謂學問是已文章者上而皇帝王霸之謀下而神聖賢智之撰遠之而彌綸宇宙幽之而感格鬼神亡弗賴焉其功用若是大也士亡貴乎文即六經咸虛說矣問學者上下古今之迹百家眾技之方禮樂聲名事物之煩鳥獸昆蟲草木之細無弗貫焉其統括若是宏也士無貴于學即六藝咸虛文矣夫文以闡乎學學以博乎文二者未始不交相用顧天之生才有限士各以其性質所近而專門名家于是工撰述者以文章名務淹貫者以學問名而其途始分而文章之體非一為之者往往極于力之所到而

時之弗及乘于是或剽意詩歌或殫精紀述而文章之途復析而為二學問之道非一為之者往往困于資之難兼而日之弗暇給于是或以經學名或以史學名或以典章經制名或以百家小說名而學問之途復析而為四以文章之士言之春秋則檀楊左史公穀荀卿韓非屈原宋玉漢則賈誼董仲舒司馬遷相如楊班枚李六朝則曹劉阮陸潘左陶謝唐則王勃李白杜甫韓愈陳子昂柳宗元宋則歐陽修王安石曾鞏蘇洵韓絳黃庭堅陳師道是皆卓乎以文章師百代者也然或長于敘事而短于持論或工于古選而詘于聲詩或富于大篇而艱于小絕即文章一體倘不能會其全而各極其趣况兼二者而時出之也而欲以其餘而究極乎學又可知矣以學問之士言之春秋則公孫僑襄弘倚相漢則東方朔劉向歆馬融鄭玄六代則張華束皙郭璞皇甫謐王肅陸澄劉炫劉峻唐則孔穎達虞世南歐陽詢顏師古李善杜佑宋則徐鉉徐鉉劉敞沈括鄭樵馬端臨王應麟皆赫然以學問著一時者也然或優于經術而典故未詳或核

少室山房卷一百

于史書而幽隱未洽或博于徵事而名理未精即學問一道且不能該其二以及其三况兼四者而悉備之也而欲以其餘而肆力于文又可知矣即其中若史遷之細繹金匱劉向之直諫多聞揚雄之究心奇字韓愈之博極羣書非不羅百氏于文辭也而吟咏則非長若陳思之綜核天人景純之注釋蟲魚子安之辭遠五雲杜公之書破萬卷非不蒐羣彙于詩賦也而紀綱則未極是數君子者上下千秋最為傑出其得其失且較然若此而况乎其下此者也明興聖化作新人才蔚朋醇備于國初優游于宣化勃興于弘正博大于嘉隆若伯溫季迪仲默昌穀子業于鱗教美助父明卿之于詩子允希直平仲賓之克勤仲冕德涵允寧道思伯玉之于文以絜古作者之途亦既纒纒乎可觀矣若介夫仲深元明應德才伯室甫之子經于史子淵用修子元子衡非言叔心之子于子于集以較諸古學者之途亦既瓊瑤乎可述矣顧其所就猶之乎各擅一長自名一家未有能總括前人超軼往代者也至于浦陽之文稱博洽矣而勝國餘風纖豔未

掃尚憐于詩北地詩文稱並嫩矣而六代以還真籍未觀何有于學
瑯琊崛起吳會文則根極漢史而出入貞元詩則風骨建安而銘情
大層以至遠古之遐踪昭代之經制蟲魚之瑣屑科斗之瑰奇無弗
肆而厥曲而通焉庶幾乎齊驅左馬杜韓追美倚弘向朔矣惜其于
文則尚缺于史于學則未暇于經也夫獨造而不能兼該固前人之
所短自開一堂與自立一門戶亦明代之所闕也蓋前人當特起之
運天肇其機人殫其力故偏至非難而兼長並茂為難明文承累代
之餘踐徑無餘矩矱備極故總統非難而特出創造為難時也勢也
亦莫非才也然此特論于三代之下也等而上之有元聖如周公
其人乎材美冠天下而駑駘不形藝能高一代而吐握不暇多士無
逸諸篇委釋而真至七月東出諸什典厚而沈深周禮一書四方百
物之具陳何其肆而隱也爾雅諸訓草木昆蟲之備舉何其闕而該
也不有大聖如孔子其人乎經天緯地以為文致知格物以為學風
雅之陳爰象之保詞人皓首弗能窺書禮之刪春秋之作文士一詞

少室山房卷一百

三

弗能贊而問禮問官學琴習射對商羊辨辨實讀泰岱之奇文識防
風之巨骨神遊六藝之精而統括之無外心通萬物之表而周斷之
無遺是二聖人者誠命世之真才萬古之全才文章學問之極而士
所亟當誦法者也迺漢唐以後諸君子亦豈可遽少哉精疑于一而
志于必傳神運于先而矢于必達罔羅百氏以為業羽翼羣聖以為
功其自信于中有俟之百世之後而不惑其自得于已有投之千乘
之重而弗顧其造詣雖有淺深其成就雖有鉅小均之無負真才之
名承肩不朽之寄誠桀紂之威武不能屈祖龍之烈焰不能焚者也
奈何近日冒士之名者長惡其能而且自揣其弗能至乃欲以虛名
高之遠宗主靜之塵機近述良知之說以詞章為雕飾以文字為
浮華詩書名物問之茫然日六經皆注脚也秦漢君臣詰之莫對日
諸史皆陳編也其意若甚玄而可喜其言若甚簡而易循其自處若
高子子貢有若而究其指歸探其蘊奧曾不足以焚香洗鉢于小乘
之門伐薪汲泉于外道之側而方且居之不疑岸然左氏所謂太上

欲羣天下之豪傑而下之嗜其亦甚矣其亦悖于周公仲尼之道矣
吾意二聖人多材多藝多能多識當不若是之牆而面膚而立也藉
使二聖者詩書易雅之無傳禮樂春秋之無作而吾且信其能為而
能弗為也何也彼其天聰明之盡決非樵朴無文玄虛無實者倫也
謂二聖之道盡于文與學乎固不可謂文與學而無與于二聖人之
道乎則尤不可繇今之道則大易所謂往往行前言顏之所謂博文會
之所傳格物思之所稱問學孟之所推詳說皆一舉廢矣下而子貢
游夏之文學况雄通愈之著述其於聖門堂廡無復步武之望矣為
之說者求其故而不得于是陸氏楊氏以周公仲尼其過不可枚舉
王氏輩以文王孔子遠出堯舜之下其說愈新其詞愈誕使天下之
人敢怒而不敢言大駭而不敢致詰甘為之下而習聞其論者狂易
反走飛揚跋扈而莫知底極有志之士太息流涕痛哭欲究正其故
而往往阻于其道之不相入嗚呼彼誠惡夫周公仲尼開文學之端
文王之謚而為文孔子之大而能博不若堯舜之精一執中也吾不

少室山房卷一百

四

知堯舜之精一于庖羲氏之畫卦庖羲氏之有畫于天皇氏之無言
而止而盤古而混沌其等可一一差別耶若是則泰始之焚書功烈
當首乎三皇漢高之不學道術上舉乎五帝梁武之餓臺城遠勝放
勳之殂落蕭繹之談老子迺適杏壇之設教而即其羣則而陰習者
老氏何以有道德五千之文釋氏何以有大藏五千之富也吾聞老
聃氏之史柱下藏書溢于九丘吾聞瞿曇氏與外道角各習其道而
勝之而後出其上而大弟子阿難以多聞為第一彼其說則誠異端
其才亦必有過絕于人者未聞有所弗能有所弗知而後謂之上乘
絕詣也吾聞老聃莊周列禦寇之文簡奧而宏深沈洋而奇肆吾聞
法華華嚴楞嚴圓覺維摩氏之書博大而要眇周徧而精微彼其中
亡意于文然而曷嘗不文也其道弗專于博然而曷嘗不博也今之
儒者自佔傳世資外茫乎昧乎含哺鼓腹太平之世則亦已矣何至
視筆札為仇讐以載籍為疣贅標同伐異造作名字冥心閉目樹徒
扇黨其流相引而不已其禍循環而無端不于楊墨之橫議代厲

之縱橫弗止也此雖東晉清談諸君子且未能推讓其間而况江都河汾之閭域伯淳元晦之緒餘哉若是則爲今之士宜何若而可曰周公仲尼其道大其德備其才全士之極也漢唐而下諸君子其業精其見確其才眞士之次也近世之高談性命以自文而中無所有者士之賈也才之蠹也士也以賈者爲戒以眞者爲師以全者爲極文章則發據道術學問則翊衛聖經不用則寄之立言而道統明用世則飭之吏治而功業起庶幾乎周公仲尼之徒在是彼空談性命者將自愧自艾之不暇而詖淫邪遁不得以說爲天下禍矣

此余鄉貢歲場屋時義也當時命題者意有所屬風簷下漫爾信筆偶座師直指吳公閱及大賞之錄程式中自後余浮游江海原卷棄擲久矣辛卯東歸檢拾故篋親程錄此篇在焉其詞間有泰甚皆吳公筆削之餘所存余語不過十之五六余卷既無從校覈重以吳公筆不忍舍旃輒錄梓卷終匪以存余語實以存吳公筆也

少室山房卷一百

五步選

兵機

策問二首
問兵非盛世所諱諱也迨古今稱善用兵往往不可以一端泥嘗試與諸士商之違令者誅師律也穰苴行之莊賈矣迺御羌于王猛願以邀賞而策勳將違令者不必誅與梗法者戮軍政也魏絳行之揚干矣迺許歷于趙奢願以請刑而奏績將梗法者不必戮與穆公之釋孟明非以使功不如使過耶而狄青破南蠻以償軍之必罰也安在于過之使也武侯之縱孟獲非以攻城下于攻心耶而段熲平西羌以窮寇之必追也奚昧于心之攻也君命勿受漢文所以勞細柳偉矣而高帝單符直馳廣武之壁謂推陰將略而出亞夫下吾弗信也敵虛必乘宋武所以克廣固奇矣而文皇大眾竟扼高麗之墟謂任城將略而出太宗上吾弗知也陸戰用車一也衛青以武剛走老上馬隆以偏箱討樹機一以攻一以守而皆破敵胡後世弗能遵賊水戰用舟一也關羽以縶虜虜德岳飛以舴舺殄楊么一以

巨一以小而皆獲俘胡後人弗皆濟歟此其轉移呼吸違行若冰炭而明效捷鼓桴豈運用之妙存乎一心成法有不必泥與將事異非紀載所能悉歟爾諸士夙諳韜鈴當必有燭照于衷者

時務

問昔人亟稱識時務則存乎俊傑矣夫俊傑未易言而時務未易識也聖朝建都西北與大虜鄰東南實維財賦之域頃關酋訶于海楊首橫于川國家竭東南民力從事二方幸天子威命爽靈服箠其處願識者以關酋雖殄餘黨尙存彼其不得志于朝鮮將無益導吾之無備而出吾之不意吾所爲飭勵于東南者何可後也楊酋殄矣而安氏諸姓恃功耽耽不乘此時講永賴之策踵楊酋者據其巢窟復爾橫行東南將士何時而息肩耶越故稱君子六干肅皇帝未訓練張皇摧鋒寓內曩二三狂狡脫巾潢池賴當事諸臣厥辜咸伏茲東戍解嚴南旅旋撤何以使之帖然間井亡復隱憂歟天下方金甌全盛而人情洵洵造孽與妖靡有寧日大都東南不逞之徒而越諸無賴爲之嚆矢所爲逆折姦萌而潛銷釁釁將何道而後善凡此數端皆時務至亟誠不可不逆計于前而預圖于後爾越故東南首播諸士必有以俊傑自期待者其詳著于篇

少室山房卷一百

六步選

少室山房類稿卷一百

漱水胡應麟明瑞著

讀二十一首

讀後漢書

余嘗竊第古史筆為三等尚書春秋上左國司馬中班范二漢下而三國五代諸史弗與焉或以進范曄退陳壽為疑不知遷固而後文質兼該賡而不穢詳而有體者僅曄庶幾雖剗精錄采竭力字句獻吉所短迺盛極難繼遷固居前更有馬班能為史漢乎昔人謂孟堅死而史職亡余亦謂蔚宗歿而史才絕後生晚出挾天子令諸侯即孟堅且恣齒牙矧復餘子試舉後漢一編歷南北二唐五代宋元遼金眾籍較之李獻吉云遠不及曄孟浪難觀者左馬復生斯言不易矣

讀三國志

陳壽有餘于質而不足于文范曄有餘于文而不足于質品格政自相當迺壽書失之太簡而東京一代故蹟讀范籍粲然足徵洵辭亦豐藻奕奕二史之優劣判矣

讀三國志關羽傳

王仲淹稱陳壽三國依大義而削異端朱紫陽亦謂近是乃今讀陳書者無裴注參考其顛末則魏蜀吳事幾若春秋以前若存若亡矣他無備論如關壯繆水淹七軍雖天時偶合當時攻圍排決寧無方略謨謀矧曹氏戰將可當一面者惟禁與張遼徐晃數人老瞞之克大敵類為軍鋒非許褚龐德一勇夫輩比也而傳第言壯繆乘大船攻之禁等窮促悉降僅同兒戲於乎使老瞞任使繆悠若若此類則二袁呂布之世雖百操無存而能併吞海內十之六七耶

讀晉書

晉書成于開元之世謂文皇掠羣下之美以市名非也其質有制曰者數處皆出自貞觀意見要以眾史官雜沓輯成難于偏屬總而歸之文皇耳李獻吉極論晉書蕪雜當修而王元美以為裨官小說之

倫皆得之矣第惜自竹林而後風流崇尚芬溢齒牙而此書備載詰言履歷故清聲雅致往往有使人絕倒者猶勝于宋元之塵陋也

讀晉書司馬宣王本紀

晉書司馬宣王本紀云諸葛亮寇天水圍將軍賈嗣魏平于祁山天子曰西方有事非君莫可付者使帝統車騎將軍張郃後將軍費曜征蜀護軍戴凌雍州刺史郭淮等討亮張郃勸帝分軍住雍郃為後鎮帝曰料前軍獨能當之者將軍言是也若不能當而分為前後此楚之三軍所以為黥布禽也遂進軍隴亮聞大軍且至乃自帥眾將芟上邽之麥諸將皆懼帝曰亮慮多決少必安營自固然後芟麥吾得二日兼行足矣於是捲甲晨夜赴之亮望塵而遁帝曰吾倍道疲勞此曉兵者之所貪也亮不敢據渭水此易與耳進次漢陽與亮相遇帝列陣以待之使將金牛輕騎餌之兵才接而亮退追至祁山亮屯鹵城據南北二山斷水為重圍帝攻拔其圍亮宵遁追擊破之俘斬萬計天子使使者勞軍增封邑諸將賞擢有若右事實本漢晉

少室山房卷百一

二

春秋前半大同獨後百數言証甚漢晉春秋明言斂兵依險軍不得交而云與亮相遇列陣待之兵才接而亮退又尋亮至鹵城登山掘營不肯戰諸將咸謂公畏蜀如虎奈人笑何懿病之乃自案兵向亮亮使吳懿魏延等逆戰魏兵大敗漢人獲甲首三千懿還保營通鑑綱目皆同而此云亮據鹵城南北二山斷水為重圍懿攻拔其圍亮宵遁追擊破之俘斬萬計何矛盾之極也陳壽亮傳于街亭之役直書不諱而此但言糧盡退軍與魏將張郃交戰射殺郃絕無損軍失律之文郭仲五事亦言祁山之戰殺張郃却宣王諸軍大克壽之不書為晉室諱耳自餘孫盛鑿齒皆身為晉臣直筆其事懿之子孫亦不加罪要以張郃之亡事勢彰灼無可飾言也晉史之修乃在唐世其于典午時代遼邈一時諸臣何所遵據竊易舊文顛倒故實以愚觀者即元凶褫魄棄甲潛奔悍將與尸隻輪不返而索隱語怪代有其徒或藉以為口實使孔明震古一建之勳壞于瞽說此余不得不詳為辯也善乎文皇之贊懿云秦蜀之人勇懦非敵夷險之路勞逸

不同以此爭功其利可見而返軍固墨莫敢與爭生怯實而未前死
疑虛而猶遁云云即贊詞以觀傳語其前後柄鑿自相背違無事詳
駁他書誣罔立判矣

是役也張郃先請分兵駐雍郃曰此楚之三軍所以爲縣布擒
也及相遇祁山郃固請分兵爲奇以擊亮懿又不聽蜀兵既退復
遣郃追亮以致陣亡自胡三省注通鑑皆以郃拒亮街亭威名夙
著懿忌其能言計沮格以致殞身此似是而非者郃街亭之勝由
馬謖非才違亮節度出于天幸且主客勢殊郃嘗以十萬之眾喪
師清川棄馬緣山鼠竄歸國其才固出益德之下而足當諸葛之
前蒞耶夫郃既再拒武鄉蜀人所畏則魏明宜委郃隴西以承杜
蜀患可也胡武鄉載出王雙授首郭淮曳兵郃于斯時無能建一
矢之效耶觀魏平之圍明帝面命宣王以西方事重非公莫可固
明知郃輩偏裨之才不足當茲大任允矣使郃前遇武鄉奮其雄
臂則萬弩之射豈待木門之追而後快哉矧圍城之戰宣王自案

少室山房卷百一

三

讀三國志裴注

裴世期之注國志劉孝標之注世說傍引博據宏洽淹通而考究精
嚴辨駁明審信兩君之深于史學也迄今三國六代小說逸事往往
覆賴二注以存而二書無注亦大有茫然不可讀者故余謂著書誠
難而注書尤難能注若二君可也

讀宋書二則

沈隱侯裴松之傳稱後人無聞而裴子野更爲宋略裴書沈氏之先
以報之約聞徒跣詣裴謝遂兩易其文今裴略不傳大概當是荀袁
漢紀之屬以編年爲體文存簡要故纂輯易成且義取春秋以字爲
褒貶也迄今觀之沈之忠邪自有定論而裴之文學亦無事系籍世
家而後傳徒令人窺見私臆資笑藝林耳

又

隱侯子野皆宋世博洽之尤者然沈視裴先達隱侯作傳于野未必
知名是沈故出于無意也而裴至取一代褒誅之大典以隱然自快
其私可乎沈之徒跣固已卑卑第爲厥先不容已而裴之淺中狹識
卽其書義例可徵其泯絕不傳于後非著述之不幸也

讀北齊後周書

古今行陣之間兩雄相抗而不相下如兩虎並搏勢必一傷幸而不
傷則天命在焉若漢高帝之阨睢水困滎陽是已迺袁紹之于曹操
則一敗而亡劉曜之于石勒則一蹶而縛夷考古今兩雄相抗而
隨振殆而輒安未有如賀六字文二霸王者也歎以一旅滅爾朱兵
強國富割據中原泰崛起歡後知眾寡非僞而委任賢能優禮智勇
兩國之志于吞併數矣戰之最苦伐之最太者蒲坂河橋印山沙苑
四役東西魏之勝各二歡與泰各失馬濱危幸而獲免而泰爲彭樂
所窘歡爲賀拔勝所追幾禽于敵而俱脫于險一何其巧也蓋兩人
者才略大都等埒謀臣戰將又略相當而又皆偏霸之主天命在焉
故行陣之間符巧若此然歡晚再舉兵以挑西師而泰竟不出蓋宇
文之氣索矣考當時促歡受禪者甚眾歡皆力折之而泰歆其君而
竟篡之國則歡之賢泰不啻倍蓰而後世東魏並稱何也

讀魏書

魏收北士之小有才耳其人之鄙庸庸猥不可更僕道也而齊人以
一代之史而付之高氏之政事斷可識矣是時北士之堪史筆者良
鮮而邢子才最爲宿學可參用也胡獨以收流古今穢史之謂耶

讀隋書

鄭漁仲劇重隋書謂古今史籍第詳于紀傳而略于表志史自馬班
外范曄陳壽皆徒具紀傳而已于表志不敢窺也其論迂謬不情迺
爾余謂陳范不作表志咸有他故范蓋書成未久旋即被刑而陳書
分志三國與史漢體製懸殊且史之所重紀傳而表志若其間餘故
耳若以表志有無爲史才優劣則沈約魏收之史宋魏固皆有之而

李延壽南北史之無表志者一出而沈魏咸廢何耶且唐而後宋遼金元表志咸備而其文益下又何耶惟隋志一編古今卓絕唐室諸臣分任備極研磨又承隋世嘉則殿三十七萬之後物力全盛海寓綦隆而魏徵諸公得以肆意于此故自班氏藝文後獨賴是編之存得以考究古今載籍離合盛衰其關涉非眇淺也劉子玄迺驥驥之是豈知史學者哉

讀南北史

司馬君實以李延壽書為近代佳史余讀之信然所云機祥譎浪環屑備載余考典午以還清談鼎沸臨川世說音書撥拾幾無子遺沈約魏收等史卷動盈百延壽芟除蕪蔓會粹此編筆削之功固以勤矣小說諧辭種種備載要以原書紀述不忍槩刪亦以其人多好且習尚所趨未能驟變也總之唐三百年史筆可視僅茲二籍耳昌黎碑准西傳毛穎而不能史順宗豈人禍天刑果以拙避乎

讀新舊唐書

少室山房卷百一

五

啞峒氏云歐陽人雖名世唐書新靡加故今之識者購故而廢新此實備廬陵語也楊用修遂劇罵新書以遠出舊唐下余不敏未敢謂然新書雖耽尚奇僻其氣法勁悍猶足成一家言第律之史筆當行不無三舍耳舊唐敘事委綉間有足稱而猥俚之詞冗蕪之調旁午簡編果出新唐上否耶故余嘗謂史畏繁而繁若後漢可也舊唐不可也史貴簡而簡若三國可也新唐不可也三書者兩存之備考可也舉一而廢一不可也

讀宋遼金三史及宋史新編

宋遼金三史皆元脫脫修實歐陽玄輩筆也遼金二史雖敘述庸庸猶粗足省覽迺宋史則叢脞極矣蓋玄總其事非一人所成故諸傳志中有極冗者有極猥者亦間有整比可備刪削者總之李獻吉所謂晉宋元三史必修之書而宋其甚也本朝柯維騷宋史新編稍去蕪蔓而筆力痿弱無發明殆若節抄耳王長公謂宋史之繁寔為遼史之簡金史繁簡在宋遼之間亦差為彼善于此也

讀宋史李全傳

李全始末頗見周公謹雜說宋史全傳間采之至盈兩巨軸其繁猥野俚亡論史筆幾與市井小說宜和遺事水滸等傳均亦可徵元世文運否極也全起羣盜包藏禍心蹂躪淮泗青齊間幾二十載金宋元三國五遭其患非新塘支解禍亂未已全謂之紅襖賊全至死尙衣緋袍全傳盧鼓槌卽金將紇石烈牙吾塔以好用鼓槌擊人故又綉旗女將楊用修以配錦繡夫人者劉制使女也張惠號賽張飛後降全復歸全三峰之潰步持大槍奮鬪死之三人皆僻而不易考聊并識此

讀通鑑綱目三則

綱目之繼統春秋也聖人復起斯言弗易矣迺至正閏之間名義之際概之始終時有一二未甚懸合者今人窺見一斑便執為奇貨毛舉分出以難紫陽而不知皆紫陽胸臆之餘剩也古今宇宙事變萬殊誅意原情勸戒百出卽如後人之說一隅得矣反之三隅則其變態異同當益甚焉故紫陽寧偏徇其長而不暇盡圖其合要之足以寄褒誅存筆削而已若夫一人之力而上下千秋數禩之工而整齊百代耳目漏遺編摩謗外當必有之第平心易氣各尊所聞卽紫陽復生無嫌諒直而猥以螢燭微明橫生詆訕人雖自絕日月何傷於乎春秋而後歷世史書第存紀述素王遺業永廢人間獨是編體大思公詞嚴義正真足繼往聖開羣蒙何不知量者之比比哉

又

莽大夫楊雄死紫陽特筆也其意則偏惡子雲其義則責備賢者也後人求之而過有謂因貶見褒者而紫陽之序反駁胡笳皆深斥子雲貶而褒非其旨也有謂罪之使弗與于道者而雄之于道醇疵之間有亡之際非若曾孟之繼體宜尼也且罪雄而荀董王韓輩又胡可以一一罪也夫紫陽之有功聖門過周程邵張遠而皆極口推轂之非護前者也雄身為漢臣莽篡而不死可也而猶仕何也紫陽特而筆之假雄以明春秋之義也而非雄則紫陽固未暇筆也總之責

備賢者也求之而過者皆非也

又

盧格荷亭辯論難紫陽以不死書狄梁國也是徒知文公之有綱目而弗知其有語類也語類明言書梁國死矣而竟弗果也其潛授五龍挾日度淵也非周旋孽后而得其聽從弗能也故梁公之仕爲唐也匪爲周也其死死唐也匪死周也夫責賢者備春秋也爲賢者諱亦春秋也然則胡以弗責梁國而韓子雲也子雲昧大義而梁國振大艱其迹同其心異也於乎文公之諄諄於語類也亦既慮夫堦井之夫必嘔呶于一得矣而卒弗果也則吾所謂不得已而徇其長者也夫彼所目謂國能皆邯鄲之餘步也觀語類可以愧死矣

讀通鑑胡氏注

自裴松之三國注成史學中無可繼者獨胡三省之注通鑑宏蒐博引備錄諸說而斟酌事勢懸斷是非皆昭昭目睫于千載之上俾溫公未發之旨開卷瞭然真司馬之忠臣涑水之素相也當溫公之成

少室山房卷百一

七

通鑑自謂得劉道原范祖禹諸人各任其事以奏其功而不知三省之注其功尤有大者世或日用而弗知也

讀世史正綱二則

通鑑之後有朱氏之綱目綱目之後有丘氏之正綱三書皆宇宙不可缺者而綱目之異于通鑑正綱之異于綱目皆所以究于同而不足爲異也

又

西京而後史之所謂褒貶者綽如矣司馬氏之纂通鑑也體主編年意資治理所先務非褒貶也紫陽始折以春秋裁以大義華袞銜鉞隻字凜然矣而其創于嚴也慮世以爲刻也故法有所不必盡行而意有所不必盡究也蓋丘氏之正綱出而充類盡義無餘憾矣亂臣賊子明以後其少瘳乎

少室山房類彙卷百一

澗水胡應麟明瑞著

讀十二首

讀汲冢三書

春秋戰國之書亡于秦漢而出于晉之汲冢而傳于後者厥有三焉
 魏紀年也逸周書也穆天子傳也紀年合乎魯史逸周合乎尚書穆
 天子合乎山海經迺吾所謂合云者匪其事之合已也其文其義其
 體其合者往往如一手而粹者往往足以破千古之疑世以伊尹季
 歷而置紀年以世俘王會而置逸周以西王母崑崙玄圃而置穆天
 子是謂舉一而廢其百夫周書迄于太子晉紀年迄于慎靚王皆春
 秋之末戰國之衰也浮誇之議其昔即左氏且弗免乃史遷之採上
 古其淫誕怪誕蓋不可勝道也以二書較之乎丘明司馬吾以為駁
 者猶未若彼之眾而其粹者可與暴聖賢之心迹最皇王之軌度昭
 昭乎弗可掩矣穆天子雖非二書比而其敘簡而法其語雅而風其

少室山房卷百二

一夢 選 廣

事修而核視山海經之語怪響環也錄之以資閱洽亡寧愈于神異
 洞冥之陋哉故余為詳次其可信者而稍白其可疑者讀者將亦以
 余為好奇也

讀莊

莊周南華其文辭瑰崛橫放固獨行天地間至拮擊聖神凌侮賢哲
 亦生民以來未有之變也眉山氏癖其文辭而謂盜跖讓王四篇非
 周作尋其旨趣或近之至以天下篇不敘仲尼為陽擠陰助則無謂
 之大者夫楚公子被難出奔其僕操筆隸之匪得已也隸之而足免
 於厄以為得事主之權固宜若戰國之時仲尼雖沒六經之道燦如
 日星周能大聲疾呼以暴其教于天下若孟軻氏之著七篇即舉世
 莫宗俟之後聖足以不惑夫奚厄於已而又奚厄于仲尼者而奚取
 于陽擠之而陰助之也周方槌仁提義廢禮絕樂欲以一人私臆掃
 百代名教而空之爰自神農氏下至堯舜禹湯文武亡弗詆呵而仲
 尼當時特巍然為仁義禮樂之宗故尤極意訕譏恣其唇吻蓋文固

弗于夷考其實則尤甚矣真所謂小人之無忌憚者求諸眉山氏所
 云竟南華一編邈未之觀也後之讀是書若孟旃抵掌駢駢誇揮
 之一笑而已藉以為陽擠陰助吾恐後世之人將遂以其文并既其
 實其為禍也必不訖矣

讀山海經

古人著書即幻設必有所本山海經之稱禹也名山大川遐方絕域
 固本治水作貢之文至異禽詭獸鬼域之狀充斥簡編雖戰國浮誇
 之習乃禹貢則無一焉而胡以傳合也偶讀左傳王孫滿之對楚子
 曰昔夏之方有德也遠方圖物貢金九牧鑄鼎象物百物而為之備
 使民知神姦故民入川澤山林魍魎魍魎莫能逢之不覺洒然擊節
 曰此山海經所由作乎蓋是書也其用意一棍于怪所載人物靈祇
 非一而其形則皆魍魎魍魎之屬也考王孫之對雖一時辨給之談
 若其所稱圖象百物之說必有所本至于周末離騷莊列輩其流遂
 不可底極而一時能文之士因假穆天子傳之體縱橫附會勒成此

少室山房卷百二

二夢 選 廣

書以傳于圖象百物之說意將以禹益欺天下後世而適以誣之也
 自此書之行古今學士但謂非出大禹而已而未有駁其自于穆滿
 之文者尤未有營其自于王孫之對者區區名義之末誠非大體所
 關然亦可見古今事理第殫精索之即千載以上無弗可窮也作者
 有靈其將為余絕倒于九京也哉

讀墨

諸子百家並出于春秋之世所以誣熾帝王聖詰者無所不至然于
 吾仲尼未嘗不知所尊事也特其學術陋陋雖間引仲尼以自文而
 踏駁不中誕幻無稽適所以誣熾之然而未敢有冒言以排之極論
 以毀之者有之蓋自墨翟始翟書十五卷今存余嘗讀其非儒明鬼
 公孟諸篇所為囑授其徒黃鼓其眾者一以指摘仲尼為事莊周遠
 出翟後蓋聞其風而興起焉耳周之為書蕩乎禮法之外目神農以
 至湯武靡不在其戲侮之列其敢于非聖蓋無足怪而翟者固是堯
 舜非桀紂摩頂放踵以為天下而獨甘心置喙于吾聖人何哉蓋其

意欲與吾儒角立竝驅以上接二帝三皇之統故肆言以震振一世而冀其從而又苦行以先之聚徒以倡之馴致儒墨之稱雜然並立于衰周之世正仲尼所謂行偽而堅言奸而辨者聖王有作其無逃于橫議之刑必矣孟軻氏距楊墨考楊之言論指歸要以自爲不至如墨之恣無忌憚也貽禍之烈唐儒如韓愈者亦從而尊信之彼未深考其言耳窺其一二則所以誅之絕之者庸詎在二子後哉

讀呂覽

呂氏春秋太史以遷蜀後作者一時信筆之詞傳固明稱不韋相秦慕平原信陵諸公子質致游俠人撰所聞其說是也高似孫子略謂始皇不好士不韋招英茂聚俊豪始皇甚惡書不韋極簡册攻筆墨且舉是書所指摘近似始皇者以始皇能不怒而容之數語本播弄詞鋒罔稽情實而後人或規倣其意以秦法若猶寬者余以不韋自計脫異人俾莊襄之國亡而爲有秦戴之不啻父母讐之不啻明神盤錯冰霜固非一日而政也弱齡甫立端拱深居一國之柄咸其所

少室山房卷百二

三

操招徠賓客陳說古今特其藐者彼其于始皇何有而始皇亦易由禁之耶且始皇之初非不好士喜書者讀斯之逐客則亟毀其令開關以納之讀非之說難則撫髀其人伐國以求之其勤于下士溺于好文知是卽尉繚氏所爲致詞遠遁者固足規其大都矣洎海寓平志意極規爲萬世不拔之業而弗由其道于是坑儒生焚經籍以愚黔首築長城絕大漠以遏四夷觀高氏所稱西服北懷等語皆非十數齡之始皇所有事也詎得以不韋爲譏而秦不怒哉

讀戰國諸子

竺乾之教漢明始入中國其徒往往主鄭圃西方之說以爭之識者以後人攙入之文不足據也余嘗讀戰國諸子書竊謂西方之說大略已具斯時世第知老氏之致虛墨氏之博愛爲佛所自出皆得其一而未得其二者夫爲老氏之說有三虛靜也恬愉也濡弱也佛之所云寂滅非虛靜乎安樂非恬愉乎慈忍非濡弱乎爲墨氏之說亦三兼愛也明鬼也尙全也佛之所云化度非兼愛乎輪迴非明鬼乎

普偏非尙全乎鄒氏之言曰九州曰瀛海則佛之大千微塵也須彌阿耨也列氏之言曰周穆曰華胥則佛之神通游戲也變幻空花也莊氏之言曰大椿冥靈曰蜉蝣朝菌則萬劫億塵之旨曰鼠肝蟲臂曰生馬生人則三塗六道之因至其生死之談實際之論機鋒迅發于後世禪學門風尤爲昭合蓋釋氏未至中國而其立教之規大都已具于戰國數子矣至六朝南北盛演諸經一時能文之士盡取諸家之說以潤色而張大之而世外闊深傑異之觀遂盡入于瞿曇之門戶而猶以未足又取釋氏之說而竄合之母亦秦甚矣哉

讀世說新語

劉義慶世說十卷讀其語言晉人面目氣韻恍忽生動而簡約玄淡真致不窮古今絕唱也孝標之注博瞻精覈客主映發並絕古今考隋唐志義慶又有小說十卷孝標又有續世說十卷今皆不傳悵望江左風流令人扼腕云

讀蜀志譙周傳

當塗爲魏典午爲晉世所知者而意義出處或未洞然按代漢者當塗高春秋識也自西京末茲語盛傳世祖與公孫述書嘗一稱而竟亡驗及曹操建號譙周以問杜瓊曰魏關名也當塗而高識驗矣然安知非老瞞擅國日假封號以應謠言耶典司也午馬也見周所爲識文後果驗史謂周有他術數寄辭于識識之不足信也如是夫

讀吳志魯肅傳

史稱肅軍旅間手不釋卷談論文辭思度弘遠三國將帥有儒者風諸葛外一人而已而世罕知之肅不死羽不亡乘襄樊之銳與蜀併功中原復矣肅死蒙代與權遜定計襲羽蜀失荆大事遂去炎燼坐灰若蒙古今亂賊之最不足與張承業爲奴者遜以姦濟權以惡濟操皆春秋所必討史軼弗誅致羣賊漏網數千載余說出而無逃天地間矣

讀杜甫咏懷古蹟詩

莘塋躬耕南陽抱膝處全也成湯三聘豫州三顧出全也伐桀弔民

出師復漢心全也德感嗣王誠格庸主道全也尹奮乎百世之上故人亡異詞亮崛起三代之後故家肆臆喙杜工部云伯仲之間見伊呂蓋千載論孔明者至是始定孰謂文士筆端迂遠情事亡足重輕哉

讀葛稚川魏武逸事

葛稚川抱朴子云魏武姦雄篡竊適心欲用乎孔明孔明自陳不樂出仕魏武謝云義不使高世之士立于污君之朝也按此事他無紀錄僅見洪書操之不强武鄉與不追壯繆大類皆庶幾五伯之風又昭烈在魏日久操不加忤害反資給兵仗遣之雖昭烈能自晦匿迺魏武容賢之量亦差有足稱者不得以人廢也

讀空同子

李獻吉空同子云關張死而蜀事去矣王元美孔明論云以關張之驚悍而死孔明安得不親戎陣其用魏延馬謖輩非得已也兩公語皆卓識初昭烈入川壯繆忠武同鎮荊州洎龐統卒而孔明赴蜀蜀

少室山房卷百二

五

五

甫定而取漢中時事勦日不暇給其委壯繆與魏角者以羽鎮兩郡威信大行卽樊城不拔魏未能卒取荆也詎意吳寇之肘腋哉俾士元弗天孔明弗西漢事寧當至此大概炎精垂燼匪人力所能噓也王允寧諸葛蕭何論允陋不足辯

激水胡應麟明瑞著

讀十一首

讀鬼谷子二則

鬼谷縱橫之書也余讀之淺而陋矣即儀秦之師其術宜不至猥下如是柳宗元謂劉氏七略所無蓋後世偽為之者學者宜其不道而高似孫輩輒取而尊信之近世之耽好之者又往往而是也甚矣邪說之易于入人也宋景濂氏曰鬼谷所言捭闔鉤箝揣摩等術皆小夫蛇鼠之智家用之則家亡國用之則國傾天下用之則失天下其中雖有知性寡累等語亦庸言耳學士大夫悉宜唾去而宋人愛且慕之何也其論甚卓足破千古之偽

又

鬼谷子漢志絕無其書文體亦不類戰國晉皇甫謐序傳之按隋志縱橫家有蘇秦三十一篇張儀十篇隋經籍志已亡蓋東漢人本二

少室山房卷百三

一

書之言會萃附益為此即或玄晏手裁而託名鬼谷若子虛亡是云耳

讀越絕書二則

越絕書跋云維子胥之述吳越也因事類以曉後世著善為誠譏惡為誠句踐以友更始之元五百餘年吳越相攻復見于今百歲一賢猶為比肩記陳厥說略有其人以去為姓得衣乃成厥名有米覆之以庚禹來東征死葬其疆不直自斥託類自明寫精露愚略以事類俟告後人文屬辭定自于邦賢邦賢以口為姓承之以天楚相屈原與之同名明于古今德配顏淵時莫能與伏竄自容年加申酉懷道而終友臣不施猶夫子得麟覽觀厥意嗟嘆其文於平哀哉温故知新述暢子胥以喻來今云云以上俱本書跋語按漢書藝文志雜家有伍子胥八篇今詳越絕一書于子胥始末特詳且稱贊其賢者不容口而子胥之列雜家者本書竟不復傳觀此跋首言子胥之述吳越終言述暢子胥以論來今豈東漢越中文士因子胥雜家之舊而

附益以句踐種蠡行事會為此編易名越絕乎不然此書所載吳越事相半何得獨云述暢子胥且首言子胥之述吳越又何也用修據以去為姓等語而得袁康吳平名姓可謂異代賞音至子胥撰述之繇明記始末而不復詳管亦得其一而不得其二者與

此書以為子貢作者絕不經又一無左驗第據亂齊存魯一章爾用脩以為周說是也詳味此跋子胥之述吳越因事類以曉後世著善為誠譏惡為誠洎後温故知新述暢子胥以論來今等語則子胥舊有是書述吳越雜事而後人温其故典而暢敘之以傳于世意旨甚明其云更始之元當是西京之末而此書文氣全不類其時蓋袁康者先述此書于東漢初而吳平者復為之屬文定辭于東漢之季故云百歲一賢猶為比肩也其云禹來東征死葬其疆末又云覆之以庚兵絕之也豈袁非越人更始間為亂兵戕于越地因而葬與吳平則自是越人成此書者故云文屬辭定自于邦賢也此書閱世數千年至用修始發作者姓名而未及究其顛末之悉余不敏實首竊窺

少室山房卷百三

二

豈書之顯晦自有時與庸錄諸此俟異時博綜之士

讀三墳

元經出阮逸世以即阮逸也孔叢出宋咸人以即宋咸也朱紫陽以麻衣出戴師愈黃東發以文子出徐靈府宋景濂以關尹子出孫定王元美以元命包出張昇獨三墳亡謂出毛漸者余知其漸出無疑也漸所作三墳序其詞實淺陋與書合故最偽書者最所出之人思適半矣或曰若子言世得論衡將益為中郎之秘獨奈何令人好古也噫尚書出孔壁世以為詆安國平竹書出汲冢世以為姍東哲乎列子過江始傳世以為張湛偽乎惟其是而已

讀關尹子

關尹子九篇以即老聃弟子而莊周稱之者按七略道家有其目自隋志絕不載則是書之亡久矣今所傳云徐藏子禮得于永嘉孫定者陳振孫疑定所受不知何人宋景濂以即定撰皆有理余則以藏定二子尚非如阮逸宋咸輩實有其人或俱子墨烏有未可知也篇

首劉向序稱渾質崖反注洋大肆然有式則使人冷冷輕輕不使人狂等語蓋晚唐人學昌黎聲日亡論西京即東漢至開元無有也至篇中字句體法全做釋典成文如若人有超生死心厭生死心等語無論莊列即騶冠至亢倉無有也且隋志既不載新舊唐志亦復無聞而特顯于宋又頗與齊丘化書有相似處故吾嘗疑五代間方外士掇拾柱下之餘文傅合竺乾之章旨以成此書雖中有絕到之談似非淺近所辨第以關尹則萬無斯理彼蕪耶定耶真耶履耶吾何暇辨之哉

讀淮南子

漢世記事之博莫過太史公立言之博無出淮南子故楊雄以淮南太史並論又以為淮南之用弗如太史公知言哉淮南蓋效呂覽而作者其文詞奇麗宏放瑰目臻心謂挾風霜之氣良自不誣而詭辭妄說益溢篇中自戰國莊列二鄉縱譎宇宙茅靡瀾倒舉世若狂漢興董賈諸人漸趨淳朴一代文章垂復古始淮南又羣集浮華網羅淫僻淵渟滙萃為此編自以極天下之觀而不知好大喜夸之弊不亡國殺身有不已者余讀淮南既奇其才悲其遇又重惜其未聞君子之大道也因題簡末云

讀中說

王仲淹之著中說也唐宋以遺知之者十而三罪之者十而七疑之者十而九甚至以河汾有穢行史削之夫仲淹生隋季世遯迹閭巖一時與游董常數子而外無論房李魏王若風馬牛絕不相及即薛收杜淹識者疑焉而隋史成于武德貞觀之間計中說當時潤飾于王氏諸子者尙未行世未必知隋有若人史置弗錄胡怪也余讀仲淹書獨慨夫士之生于三代之下者一靡于管晏載蕩于孫吳三溺于申韓四淪于楊墨五淫于莊列六殉于曩摩下逮六朝南北即瑰偉絕特蓋世之英亦將望是數者趨焉息焉其于周公仲尼之道蓋邈不知其何物矣仲淹勃興衰運直欲懸揭而日月之今釋其遺言源流洞如規模廓如詞義秩如温如燁如即性命天人之極被或末

窺是非大謬聖人者固已鮮矣藉令命杏壇詎出端木顛師之下若之何後世之知之者弗勝夫罪之者之眾也至刻畫顏曾步趨魯福郊福時之爲固無事辨特其肩任太弘論建大廣志意太驟稍似有以啟其端者紫陽所爲三嘆而致惜歟

讀鬻子

鬻子章次篇名前人論者咸以殘缺不可曉余初讀尤漫然載閱之覺其詞頗質奧雖非真出熊手要爲秦漢前書由反覆細釋之適知此書之存時舊纔十之一而篇名章次錯亂混淆之甚宜宋以來諸家未有得其要領者也蓋古鬻子本書篇名章次與莊列不同而絕與今傳鬻子類所謂撰吏道符等目即關尹之一字二柱等篇也撰吏下有五帝等目道符下有二三王等目即一柱篇之益沼等章二柱篇之益于等章也關尹九篇而每篇章次少者六七多者十餘更互闡發以竟一篇之義故每章之語雖極寥寥而不覺其簡鬻子二十一篇律以關尹則今傳短章總之當不下百數十而東京之後兵火殘逸至唐所存僅此一十四條當時注者鹵莽苟欲庶幾前代全書遂以每章當其一篇而僅以爲缺其八故今讀之寥寥枯寂若本末略無足觀者又其篇章既混而先後復淆後人因益厭棄弗省余既幸得其說輒稍爲更定之雖缺者不可復完而章次篇名咸中舊解亦謂且暮遇之者也

讀論衡

王充氏論衡八十四篇其文狠兀齷齪世所共輕而東漢晉唐之間特爲貴重蔡邕秘諸帳中葛洪懸諸座右劉子玄搥提班馬不遺餘力而獨尊信是書三子皆鴻生碩彥目無今古適昌歎羊棗異代同心何哉秦漢以還聖道陸沈淫詞日熾莊周列禦鄒衍劉安之屬摠怪興妖不可勝紀充生茅靡瀾倒之辰而獨岌然自信攘臂其間刻虛黜增訂諱斯僞諛之旨遏截弗行俾後世人咸得藉爲口實不可謂非特立之士也故伯喈尙其新奇稚川大其宏洽子玄高其辯才特其偏復自是放言不倫稍不當心上聖大賢咸在訶斥至于

問孔刺孟等篇而闕邪之功不足以贖其橫議之罪矣近世謂充泰甚若何氏沈氏諸說或未足以大服其衷故余稍爲次其功罪以折衷後之君子

讀齊丘子

化書六卷稱宋齊丘撰宋景濂曰齊丘子六卷言道術德仁食儉六化爲甚悉世傳爲僞唐宋齊丘子嵩作噫是書之作非齊丘也終南山隱者譚峭景升也齊丘竊之耳其文高簡固微有見于道德者非淺機小數比也按此書張文潛黃東發俱以爲齊丘撰而景濂歸之譚峭因考諸仙傳得其人錄于後峭字景升唐國子司業洙之子師嵩山道士十餘年得辟穀養氣之術周遊無所不之夏則服烏裘冬則綠布袍或臥于風雪霜中經日人謂已斃視之氣悚悚然因遊三茅經建康見宋齊丘有仙風道骨雖溺機智而異乎黃埃稠人遂出所注化書授齊丘曰是書之化其道無窮窮子序之流于後世齊丘因奪爲己有而傳之厥後不得其死宜哉景濂之言蓋出于此然齊

少室山房卷百三

五

選

丘仕南唐而南唐又有金陵羽客譚紫霄者能劾召鬼神四方道流從學百餘人于三教書皆所洞曉嘗教其徒講莊列深以爲合于釋氏則于今傳化書意旨尤若相類三譚並與齊丘同時一人耶二人耶吾不得而知也因景濂語并及之

漱水胡應麟明瑞著

讀二十首

讀太平御覽三書

宋初輯三大類書御覽之麗賸英華之蕪冗廣記之怪誕皆藝林所厭薄而不知其有功於載籍者不尠也非御覽西京以迄六代諸史乘煨燼矣非英華典午以迄三唐諸文賦烟埃矣非廣記汲冢以迄五朝諸小說烏有矣余每傳太宗之諒德至讀三書則斧聲燭影之疑輒姑舉而置之迺廣記之臚列詳明紀例精密灼然必傳又當議于二典之外者也

讀册府元龜

景德間册府元龜輯自楊大年陳彭年手其書今鈔本具存顧無大足省發者反不若廣記三書何也元龜所輯皆類之正史而正史家傳人誦無賴於元龜也至類例參差體裁割裂乙夜之觀徒成溢美

少室山房卷百四

蓋是時通鑑通攷二書未出諸史浩如烟埃無從措手亦加類攷以便九重耳嗟夫吾于是知涑水番陽兩馬氏之功于史學真億世不磨今家畜二書遂伴飲食而不知未出之先艱于考索有百倍者後學無易視哉

讀通志畧

鄭漁仲通志畧謂其十五畧皆漢唐諸儒不得聞者番陽馬氏駁之審矣大都鄭之學術深于探索而短于會通密于典章而疎于故實知得而不知有失知已而不知有人其以博且雅不足為大史公惜似也而劇罵孟堅使之容足無地馬班一體不知孟堅能知太史乎至謂編年紀傳書生皆足辨之而表志非鉅儒不能然則太史左丘見重百世者果以編年耶紀傳耶表志耶此皆鄉社老人動止供笑之論也若其殫心畢慮欲度前人獨到之思偏精之識往往有不可泯沒者要自宇宙間必傳之書讀者取舍焉可也

讀文獻通考

鄱陽此書于古今典章規制囊括網羅無鉅弗該無細弗綜研摩之力勤亦至矣迺其持論多操見確按證精又昔人之難于兼美者余嘗謂涑水馬氏通鑑出而歷代經綸治理明鄱陽馬氏通考成而歷代典章規制備通鑑紀傳之全體而通考表志之大成宇宙間不可一日而無史則不可一日而無二書雖涑水主格君鄱陽主格物用不同而功則一也

讀類說

曾慥類說今尙全余在長安得鈔本精甚每獨置案頭經史作夢暇時一寓目以蘇疲補頃年攜家遠出不復記存幸卯北歸掃除做篋則此書亡去什九僅一帙雜書中拂拭之猶無恙可讀也因識而藏之以比于吉光之羽唐人詩得劍乍如添健僕亡書久似憶良朋信然

讀說邪

陶九成說邪百卷蓋信手鈔錄成編非廣記等書比也陶所錄本書

少室山房卷百四

今什九不存間存者往往賴此而完帙僅半餘恍忽視其名耳宋人雜說單行本朝垂百數種舍此遂無可別藉故是編雖蕪冗世莫得而廢也書素無雕木鈔錄為脫之甚即深于經史是正為難當得沈適是中者閉關旬月耳

讀古今說海

雲間羅輯說海奈雜歲從人借讀大詫為奇書即該洽亦往往見欺纂人以家藏秘本也此長博考諸說家乃知此書就日瀟湘等錄多出說邪靈應格神等傳多出廣記僅卷首北征半夏諸編雜彙本朝故實又皆人所嘗見家有之書也蓋是時廣記未行說邪罕畜一時老宿訂証無從如前此陸氏小說三十家後此顧氏小說四十家皆廣記鈔出雜他書不過什一二耳惟百川學海當是宋人遺書近海鹽王文祿擬而為學山割裂亡當大可笑也

讀鶴林玉露

山靜日長數百語幽事楚楚有味平言哉而友人善謔者云如此乃

忙了一日何閒靜之有餘不覺噴飯滿案細譯之雖滑稽語實自有深致可尋時服一猛省可也

讀程史

南渡諸將武穆功最大禍最酷古今所共扼腕而張韓劉三氏子姓悉無聞吳氏遂以逆赤其族僅武穆孫珂仕顯且文學矯矯為一時宗亦好選一證也余嘗讀金陀等編知當時議論誣枉滔天似閻浮東南界人理永絕者至今精忠大烈宇宙並存槍能以十指掩萬世共觀乎此書雜記當時聞見持論哀敘事核當是南渡諸說家第一編閱之不但藝苑賞心且時為武穆吐氣也

讀西溪叢語

西溪叢語南渡姚寬令威撰其人與紫陽同時文公論子華子疑寬偽作而又恐非所及輩行當視紫陽稍先也記錄雖瑣屑時有可觀第文獻通考無其目而有姚氏殘語六卷豈即此書或寬別有殘語今不傳而此書近出鄱陽或未之觀耶其顛末不可詳考漫併識之

少室山房卷百四

讀洛陽名園記

李文叔格非易安居士之父也所纂洛陽名園記一時全盛風景類此尙傳枕席間一時展之不啻卧遊金谷也王長公嘗欲集輯古今記文為名園墅稿已成序而未卒業聞此不覺慨然

讀東京夢華錄

東京夢華錄四卷記汴中風俗時序景物以及祠宇樓觀甚詳信宋人之好事也其辭頗猥俚而開卷見當時全盛風華種種目睫吾嘗欲稍如剪飾合南渡武林舊事刻之便自覺兩都遺習爛熳著人宋雖弱運猶遠勝今之秣陵燕市也

讀夢溪筆談

沈存中博洽名一時所著夢溪筆談議論多獨造朱元晦亦盛稱之第其師心自信往往有牴牾史傳處蓋此書成于遷謫之所亡或籍可參攷故本朝揚用修蚤成滇南所著書牴牾前乘處尤夥其病正與存中同要之著述非詞賦比或至貽誤後人疑者缺之信者稽之

務出萬全可也

讀演繁露

程大昌演繁露攷訂多精核可觀據周公謹謂此書初出高似孫方弱冠即為繁露註以復之今不傳于世第高氏他書如子畧握奇經注之類率迂詭不振即所謂繁露註亦此例耳胡以難文簡哉

讀齊東野語

宋末周密公謹所著齊東野語癸辛雜志武林舊事諸書尙傳宋史中頗採用其說張魏公富平等敗及韓平原被禍始終皆實錄今儒生動輒據齊東野語事蓋徒據史家紙上不旁考他書故宋自朱仙鎮後恢復事殆無可言讀史忠惠韓仲止諸疏當時兵勢事機可想見朱元晦似亦有斯意所謂豪傑識時務者明丘文莊崔文敏議論大概主此余意直以岳武穆亡百年間無一可將者李邵郭田韓觀小子不敢望楊沂中劉光世而命以經畧中原誓肉投虎口何異俾外有武穆之將而內李忠定主之即無匪恢復之時也蔡州之勝雪百年恥要以孟珙氏為將故坐收成績不爾金縱垂亡豈宋所能必克耶蒙古滅金勢已壓宋而孟願能于其間收復襄鄴諸城廬州之圍杜景以數千禦八十萬之眾元人傾國不能進跬步余嘗謂國勢無強弱人實為之至守之與攻又絕不類理度世固萬萬無完理第大江有呂文德高士壁輩守之亦未必遂淪喪或以諸葛不復中原為疑者乃其所遇曹馬皆勦敵非王莽赤眉輩也

少室山房卷百四

讀夷堅志

洪景盧夷堅志四百二十卷卷以甲乙丙丁為次每百卷周而復始四甲迄四癸通四百卷餘二十卷則洪成而未盈百也余少讀鄱陽經籍考則遍詢諸方弗獲至物色藏書之家若童子鳴陳晦伯皆云未親蓋瑯琊張公亦不省有是書矣武林雕本僅五十卷而分門別類紊亂亡章余固知非野處之舊然亡從一參考之癸未入都忽王參戎思廷語及云徐某歲憩一民家觀篋中是書鈔本存焉前後德誠亟取補綴裝潢之今尙完快也余劇喜趣假錄之王日無庸子

讀夷堅志

洪景盧夷堅志四百二十卷卷以甲乙丙丁為次每百卷周而復始四甲迄四癸通四百卷餘二十卷則洪成而未盈百也余少讀鄱陽經籍考則遍詢諸方弗獲至物色藏書之家若童子鳴陳晦伯皆云未親蓋瑯琊張公亦不省有是書矣武林雕本僅五十卷而分門別類紊亂亡章余固知非野處之舊然亡從一參考之癸未入都忽王參戎思廷語及云徐某歲憩一民家觀篋中是書鈔本存焉前後德誠亟取補綴裝潢之今尙完快也余劇喜趣假錄之王日無庸子

但再以筆叢餉我可矣余持歸竟夕不能寐篝燈披讀迺知此特四
甲中之一周爲卷凡百每篇首綴小引其後先次大都洪氏舊裁
餘卷三百二十竟不可得然其梗概臚列也自漢迄唐晉之簡帙重
大者什不存一太平廣記五百卷宋世之書今逸其數弓茫無要領
而此編以荒唐瑣錄尙巍然四分之一非藏書家至快極愉哉因亟
題其後俟異日校而梓之

又

武林刻本夷堅志不知始自何時以余所得百卷參之蓋亦洪氏之
纂匪後人僞託也其叙事氣法相類如一意南渡宋亡之後原書散
軼剞劂者難于補亡又卷帙繁冗工不易易故摘錄其中專志奇詭
事自餘冗碎咸汰弗錄且臚列門類以便行世其書僅五十卷益余
藏鈔本則合夷堅所存尙百五十卷也第刻本統于四百焉摘出則
余藏百卷中同者固當什二三今閱之迺無一重見則刻本尙難據
爲洪書姑識以俟考

少室山房卷百四

五 夢 選 虞

又

余邇從王參戎處得鈔本洪志其首撰甲至癸百卷皆亡僅支甲至
支癸十帙耳迨其中已辛壬等帙又三甲中書蓋支志亡其二而三
志亡其七矣四志百卷竟亡懸物色武林本或從初志摘出或卽初
志而妄析門類未可知余旣幸是書存世猶悵悵欲觀其全真無厭
之欲也第野處文譽噪一時容齋隨筆等筆力錚錚而夷堅猥爾彌
甚疾行亡善迹信矣王質景文夷堅別志世不傳而余得夷堅續志
四卷蓋本朝人錄也

又

談者率以廣記五百卷所輯上自三皇下迄五季宜羅怪充斥簡編
而洪以一人耳目一代見聞逐千載而角之其誕曼亡徵固勢所必
至也今閱此書紀載不僅止語怪一端凡機祥夢卜瑣雜之譚隨遇
輒錄以逮詩詞謔浪稍供一笑靡不成書其卷帙易盈而速就職此
故也然取數至四百餘亡論靈怪不足徵卽叢談傳會不啻什之五

六借無從起而質之

又

宋有國二百年耳野處宦達南渡其時僅僅百載餘而怪力亂神紛
然若是去莊列之夷堅幾何哉余生肅皇帝季世濟承平今馬齒半
百奇詭異事自生平未一觀焉則傳之耳者率誕妄足推矣迺余
遇志怪之書輒好之無異于洪氏也豈野處之爲是姑假以優游晚
歲若蘇長公之談鬼耶余嘗欲取洪書及其非怪而附錄者與往籍
已見而並收者洎宋元諸小說及國朝祝希哲陸浚明等編分類以
續廣記一書大都亦五百餘卷雖靡關理亂而或俾見聞猶勝洪之
售欺于天下也

少室山房卷百四

六 夢 選 虞

少室山房類集卷百四

漱水胡應麟明瑞著

讀三十首

讀諸葛武侯全書

石羊生日武鄉之自擬管樂宣父竊比彭聃耳杜陵氏伯仲伊呂之評觀其深矣余嘗讀王長公夷吾論而知管氏難于太公也則較武鄉之時于管氏不尤難之難耶夫太公所輔聖主仲則中君而武鄉聞君也太公所伐獨夫仲則脆敵而武鄉勁敵也君聞敵勅而輔之而伐之俾君也信其忠敵也信其畧極之而仇信其法又極之而夷信其威若人者規模局量漢唐下可萬一再觀耶他如出師二表恍忽典謨開誠四言參伍訓命雜耕于渭水盡瘁于祁山大都外王之

事內聖之學也則杜陵二語意尙有未能盡者頃讀王氏武鄉全書

偶得十四言云成湯聘後聞三顧大禹征來見七擒殊自拚躍謂粗足概侯生平且符合天然了無矯強即九京之下武鄉謙讓未遑知

夏商二后周撫漢唐不以孺子爲狂易也

讀諸葛孔明集二則

武侯自擬管樂管九合一匡才誠不世而所輔桓公所柄齊國扶天子令諸侯其勢易舉功用易成武侯扶弱主簪偏邦人心去漢迥不作也至規模局量則檻車三顧寵辱異觀五畝三歸宏隘殊域弗待言矣樂策士之雄耳內襲燕昭之鏡外因齊滑之滲中入蘇代之間即他帥行師臨淄外掌何難于教而武鄉匹哉大率孔明爲當時言不容太盡否則史壽之訛非事實也

又

江流石不轉遺恨失吞吳杜蓋以法孝直在二語窺見孔明本意不欲伐吳也迺吳人襲荆戍羽其爲漢賊已均矧昭烈于羽手足腹心壯穆死而不爲出一旅之師而置之伐魏吳乘勝而助之魏亦詎可旦夕下也惟權懼乞盟而昭烈不答此則天意之劫炎精與紫陽謂孝直輕快能止伐吳此有妙理觀高帝寄腹心留侯而間亞父路闕

氏等策必曲逆能之孔明語可想見矧魚水之譬生已奪好羽飛而死沮昭烈之出尤孔明所難言哉

讀三國諸葛氏傳

漢末諸葛氏分處三國並著功名瑾子恪孫棟亮子瞻孫尚誕子觀孫恢奕葉知名諸葛之才一何盛也恪以忠誕以節俱覆宗族禍害畧同至瑾以喬延息于蜀誕以觀續嗣于吳天之弗絕賢者又何其巧相視也瞻則死君尙則死父懿哉武鄉其有後矣恪智辯英英孫權一世伐魏之舉乘瑕蹈隙詎曰佳兵世率以成敗論異哉

讀唐駱賓王集

用修云孔北海大志直節而與建安七子並稱駱賓王勁辭義舉而與垂拱四傑爲列以文章之末技掩其立身之大閑可慨也君子當表而出之楊氏此論甚公然謂大閑掩于末技恐不應爾妖北竊唐舉唐臣子頌德恐後自賓王一檄痛擗其姦疾呼其惡壘雖漏網干載下罪孽歷歷即輟磔都市弗過寧曰末技且當時從敬業起事詎

少室山房卷百五

讀諸葛孔明集

止竄王數人今皆名姓無聞而賓王以一檄故烜赫天壤謂文章永氣節乎氣節承文章乎

讀呂黎毛穎傳

文自唐宋而下昌黎才具當特高于諸人其意創自爲尊不欲剽前人一字無論前人隻字即自出體裁亦千億化身靡一律焉故其機軸若生龍活蛟不可摹執非才力絕人真足起八代之衰未易語也而近來評者謂韓序記書啟如達摩西來獨取禪宗惟紀傳志銘未得太史公法噫今天下枕籍史公殆百年矣有能躍出毛穎之上者乎昌黎者能爲史公而能弗爲者也然又不肯盡沒其伎故假毛穎以泄之若曰吾非尺寸史公聊以文滑稽而已此其微旨獨寄于干載之上而始發于余者也

讀平淮西碑

昌黎之有古意者毛穎傳進學解送窮文皆以文爲戲示不欲步騷前人也世徒知其滑稽而罔測其微旨所在乃不佞竊獨覓之至如

平淮西碑自是唐宋以來第一篇大文字而段文昌敢重作之已極可笑吳興姚鉉復取段作而舍韓碑迺知劉邕嗜痴亦宇宙間宜有事也

題樊宗師集後

燕市中得一書題曰奇文集亟展讀之迺樊宗師終守居園記也退之嘗爲樊志墓紀其著作甚盛今行于世僅此篇爲文而奇僻者可以少省矣

題皇甫湜集後

皇甫持正論文謂虎豹之尊不得不炳于犬羊鸞鳳之音不得不鏘于鳥雀是也然虎豹之尊鸞鳳之音異于犬羊鳥雀者一稟諸自然匪有意于爲異也六經而外孟荀左國莊列短長斯爲極軌退之纔覺措意便落一塵要以時代所壓而閎深奧衍名理隱中縱橫幻化詞必已出西京而下故當以韓爲第一流迺至皇甫諸人出韓門下以奇自負今讀其遺集所謂天心月脇鯨鯨春麗皆摘精匠彩片語

少室山房卷百五

之間咀嚼其中毫末無有此其相去庸庸茂能以寸而日奇哉而曰奇哉

題歐陽詹集

李觀歐陽詹皆昌黎所極提獎者觀至與韓並稱今集不傳而詹集寥寥乃爾唐亡子厚昌黎幾獨步一代矣

讀白樂天長恨歌

樂天長恨歌妙極才人之致格少下耳唐時一女子姿僅中庸而索價十倍以能誦長恨歌故不知徐君禧姬侍三百悉暗記魯靈光者當何直酬之耶

讀劉中山集

劉中山全集近始刻于嶺南友人黎惟敬訂定者也楊用修以爲元和而後巨擘首當推劉其才格錚錚誠無能逾過者迺其意致時時著議論色相都緣伎倆有餘不肯受束縛樊籠中耳蘇子瞻始一學之便開宋人二百年門戶故知流弊浸淫不可不慎也品彙於劉五

七言律少選而絕句最多自是獨見迺用修評品又自確然余兩存其說學者並實見胸中詩過半矣

讀杜紫薇集

紫薇燕將錄縱橫凌厲氣雄一世短長而後可繼先秦者僅觀此篇而世誦其阿房宮賦此賦若郝方回蒼頭小有意耳迺篇末數語村學究面目可憎之甚故不若李華含元殿稍具典刑也

題柳河東集後

柳州嶺右諸近體面目愈工神情愈遠何也盛唐之工在神情故愈工愈合晚唐之工在面目故愈工愈離悟此數言詩道過半矣

再題柳州嶺外詩後

觀宋人使事持論咏物往往極天下之工而詩道遂爲之下裂是其驗也然元和七言律可以工言者夢得子厚而已樂天工而太易以易而沒其工此外雖昌黎之才力於近體固未遑矣

題李長吉集

少室山房卷百五

唐人以太白爲天才絕樂天爲人才絕長吉爲鬼才絕信乎其各近之也卒之太白應長庚樂天主海山而白玉樓一記天帝特下詔長吉爲之豈漢庭貴少兜率大羅之表或以其奇思奇語鑿天巧奪化工召而閉之玉樓中耶世以長吉才稍加以理奴僕命豈不知長吉非附于甲詭無所置才加以理且併長吉俱失之而胡騷之命也

題元次山集

元次山文故爲艱深險澁而無大發明蓋樊宗師皇甫湜之前驅耳高似孫至謂視柳河東英囁過之唐之文惟二公豈不省昌黎何代人耶甚矣高之無目且無耳也余讀元子文佳者僅世所共傳中興頌迺其文體典雅渾雄非艱澁比而諸艱澁之作無一傳彼藉口盤庚者戒之哉

讀李華文

華在中唐前與蕭穎士並有盛名今二集皆不傳僅散見英華文粹等書耳含元殿賦命班倭之匠下荆楊之材持斧執斤者萬人涉磧

礫而登崔魏誠快語而自以爲三都二京則彼所長願不在是也老
杜極苦作無韻語而九天之雲下垂四海之水皆立特奇太白文賦
亦往往有佳境蕭士贊謂所能僅詩管中窺豹者哉

題李習之集二則

李習之孟東野張文昌皇甫持正皆退之門下士也惟東野退之多
推獎語至三君或稱之藉湜或以李翱張籍從游並稱則翱之師愈
審矣讀翱集凡韓皆名之祭韓文僅呼之爲兄何耶

又

翱又有答韓侍郎書詞甚率易疑非退之然他文于愈皆兄之而此
亦然則爲愈審也翱答某後進書謂足下齒幼位卑不當名前輩迺
其人書中尙云劉君某楊君某而翱每書及昌黎輒以李觀韓愈並
稱何輕于責人重于恕已耶讀翱集斥異端崇聖道詞義凜如在唐
人茅靡仙佛中可謂卓然不惑者他文亦典實明健一洗浮華歐陽
永叔至韓李並稱而不及子厚以其識也然其文率人所能至竟集

少室山房卷百五

中無可與梓人封建及嶺右諸記等列者翱生平得意高懸女楊烈
婦傳自以不減孟堅以較段太尉逸事尙遜三舍况霍光等傳摹勒
如畫者哉唐惟柳差可配韓而歐公去取若是蓋一時論道之語非
定評也

題白樂天集

唐詩文至樂天自別是一番境界一種風流而世規規以格律倚之
胡耳目之隘也倦綉圖詩遼陽春盡無消息夜合花開日又西中唐
後第一篇而正聲不收暨品彙亦失之聊識于此又昭君一絕亦可
爲中唐第一品彙並失收

讀李賓之金山四詩二則

厄言云文正之先何李猶陳涉之起漢高余謂此四詩蓋已兆嘉隆
門戶不特先鞭弘正也同時謝鳴治程克勤俱文正齊名二集余遍
讀之程風格雖整而乏天趣謝則元白宋人遺響耳遠非文正比也
四詩見餘冬序錄以爲文正生平所自喜也諸家亡一選及余特揭

之

又

四登覽詩皆去大雄爽所謂順流直下一氣呵成者非小家湊砌語
雖間有不甚合處顧成弘間未易語

讀顧華玉詩

弘正七言律李何外集中殊寡佳者往往爲杜陵變體所誤氣骨雖
勝而韻調殊乖獨顧華玉一稟唐音故視諸家獨多合作此例數篇
皆灼灼可傳者也

讀華玉風洞詩

此首全類嘉隆亦與華玉他作不類總之弘正前七言律合篇不越
十數合李何百餘止耳嘉隆迺不勝數而五七言古茂矣

讀徐勉功集

徐勉功高觀察皆以冲澹勝者也兩君入唐與王孟絕相類徐五言
律不能工有樂府歌行絕句往往可觀高不能歌行樂絕而五言律

少室山房卷百五

清新婉麗出徐上若其安身立命則並在五言古詩總之勉功才近
王觀察才近孟五言古品格高華似過之而他作成弗逮也然工此
道者于七言律斷非長乃右丞獨以此擅今古古人信未易及耶而
兩君匪今人矣

讀高子業集二則

高子業嘗言李獻吉評其詩不如文子業詩世所共知其文迺寡述
者余讀其集實溫雅古質有崔蔡風惟其意不事奇險又刊落藻麗
故讀者忽之品格故非詩下也是時士甫脫宋元習李何崛興爲西
漢盛唐學然大而未化一時羽翼諸君子反擬拾李何餘瀋自昌穀
仲島外未有絕自名家者子業後出少年迺能壁立自樹超干載而
上之卽遺集寥寥求隻字宋元弗可得其昧李何大非所及幾于化
矣若其才之屏氣之促則其年之所以弗長者

又

余嘗評李何製作異時日漢文唐詩可也日明一代之文之詩可也

若高集斷于古人中求之王次公嘗以昌穀子業並稱謂千載校李何尚有廢興二君必無絕響可名確論第昌穀集迺獻吉刪定其他弱雜尚多子集諸篇願一無可去取其尤憂憂耶才則子業似非昌穀比

讀王道思集

道思于文章日無千古壁立萬仞雖門戶不越宋人而規模宏遠曲折紆邃較歐會二氏不啻過之然其才非八面受敵者故匪歐會等輩也其集序記合作處殊絕于人而志傳啟札弗逮至論策諸體一不概見何耶道思嘗謂學班莫如會學馬莫如歐學歐會正所以學班馬特與今人所學異耳然則道思固未嘗以班馬弗當學也

題皇甫司勳集

皇甫子循之詩之于中唐也之文之于六代也至矣詩調本中唐而取材齊梁取韻章柳故五言律高華迥出開遠有餘跡大曆諸子情致少乏而品格過之文四六偶儷之中有翩翩自得之妙先是吳中

少室山房卷百三

七

選

爲六代者數家類矜局未暢昌穀伯虎書尺工美諸體茂聞至子循操筆縱橫靡弗如志幾化于六代矣以較江左諸人雖淵藻不足而神令殊超總之名家本朝而必傳來世者第詩自五言律外餘率非長而文亦不能爲宋人之表啟則才具所限也子循于瑯琊先達而兩公後起掩之弗能平晚季多發其意序論中又以濟南刪其詩作論歎文存于集余生平不識子循願其能誠有足尙卽殊好弗可泯沒也因題卷末云

澁水胡應麟明瑞著

題跋二十六首

題方氏跋益藩賜宋懌書

國初吾郡宋太史文舍人書父子並起一時而皆為當代冠又太史書舍人文亦卓然稱名家蓋古今創觀也方氏為景濂門下士而極口贊仲珩至品之威鳳翔霄祥雲捧日噫若正學寧諛人者哉其言當時乞文太史者必謁舍人書之令人想像其父子間一吮毫而空四海而海內奔走其門者亦樂得二絕于其父子間以為快未幾仲珩沒景濂徒造物乘除之數可畏哉仲珩子懌復能書益藩嘗舉魯公多寶塔碑賜之跋見方集可考宋氏箕裘之盛迺爾今懌書絕不傳即仲珩書亦寥寥什一存世嗟夫三世為將道家所忌乃自昔患之矣

又題方跋宋仲珩書寄自作詩

少室山房卷百六

希直最不輕許可此跋于勝國趙康二承旨意若弗盡予獨謂仲珩兼撮其勝而後放有加豐人翁目曠古今迺其贊仰珩秀逸雄麗之中具冠冕瑰玉之象而皆盛以本朝第一歸之其品格可想見藉令少引以季駿駘宋唐躋魏晉乎而天關中道豈造物者必欲與午諸賢長技千載耶余性拙于書至仲珩亦望而知其美若其詩國初高楊輩無以過也惜仲珩書及詩今率鮮存者大塊忌才蘭摧玉折余尤不忿于斯人云

題駱賓王起義檄

武墨以淫化穢亂唐室實曠劫無所之變而一代瑰才傑士擊踣曲拳無敢聲其罪者獨駱賓王廣陵一檄詞義凜如足寒猶賊之膽蓋唐初第一流人物也而生懷淺躁之譏死罹怨望之訕史氏因循列于文苑並其字失之遂令邑井祀典千載寥寥往余籍弟子員日嘗以白晝學建安滕公滕公靈材甚業舉行會權任去弗果蘇觀察君禹繼至大快余論即移文祀駱于鄉此舉不特為當時節士伸冤亦

為萬古詞場吐氣也

題駱賓王集後

賓王起義世所共知而不知其奉母至孝集中三與上官啟皆以捧檄負米為言至裴行儉辟為記室力辭以母老不堪遠行情致酸楚意旨真篤語言涕淚即李令伯表弗過也道王命以自陳則抗詞不谷半千論以干進則守道不迴概賓王操履類出唐文士上遺集班班學者徒泥裴語何哉

又

史稱駱賓王失職鞅鞅遂與徐敬業起兵夫孽后臨朝羅織萬態即狄仁傑輩尚誣以反况賓王倡義殺身欲加以罪寧足據乎且文人失意憤排其常屈平懷沙賈生賦鵬後世咸悼其忠賓王首倡大義庸可以此皆之駱集十卷今存自矜昔書憤三章外無一鞅鞅語至忠孝氣誼淳鬱諸製作間有足異者余別傳之

題駱賓王帝京疇昔篇後

少室山房卷百六

汪司馬伯玉嘗謂余三代而下有才子有文人有學士有作者才子文人學士代有之作者非屈之騷司馬之文賦杜李之五言白甫之律絕莫能當唐以後無作者矣惟秦柳之詞王關之曲耳因及吾郡駱生曰若賓王二長歌前無古人後無來哲蓋亦庶幾作者也余有味其言而志之

題范茂明淮陰先生辨陳同父酌古論

方茂明為此文年僅二十一同父作論纔十八九耳英氣已勃勃迺爾二君皆老壽終願其後撰述卒無能有加于前豈其筆力弱冠時固已定耶茂明辯說縱橫大有秦漢風一掃宋人頽習而他作不盡爾同父論體勢實步驟蘇氏兄弟時時錯雜語其間而奇偉絕人之識即前代豪傑身當其事者且心折九地下惜乎其登第遽沒當南渡助勦戎馬而未展一籌也其論淮陰策李左車足盡刷史遷胸臆之陋但所設破趙策未為中窾至論薛公策騎布孔明扼司馬鄧艾取蜀可謂深識天下之大勢切中行陳之機宜非振世之才莫能與

矣茂明亦好談兵事屢進策紹興間弗用同父上皇帝四書卒為姦人所中幾殺身宋柄國者類爾弗滅于金固幸尙望以恢復計乎但兩君生同世又並及紫陽朱氏游而絕不相聞問何也豈同父數走四方而茂明老居一壑故耶噫嘻若兩君者吾郡二百年無此人物矣

題陳同父集後

同父當靖康建炎間以氣雄一代其說以漢唐創業之君即商周之始無以異故朱紫陽亟詆為功利而外之而同父亦自有堂堂之陳一日差長等語世以為議切紫陽也余讀其集迺不然同父之尊事紫陽至矣每紫陽誕日輒走使千里寓書損餉備極情文其終身弗能相合者僅前一說而同父之尊事紫陽凡可以致其推挹無所弗備迄未嘗因是而少替也二君子書尺往還不啻十數二家遺集班班學者弗知詳考徒據史傳舊文俾同父之虛懷夷于子靜之拗崛余弗得弗辯之

少室山房卷百六

三

題陳同父水龍吟後二則

陳同父絕不能詩今集存者僅二絕一長歌知其未嘗事聲律也集未載詩餘數十闕而草堂所選水龍吟詞特佳甚而集不存古今製作佳者不必傳傳者不必佳大都有幸不幸耶

又

此懷所權作者殊足情致與同父他詞不類周公謹野語載陳嘗狎一妓欲娶之漸落籍于唐與正唐以言間妓好遂弗終陳因是大憾搆唐朱元晦卒起嚴蕪之獄此詞之作豈卽其時耶所狎妓或卽葉故與正不肯為落籍耶今紫陽集載論劾與正封事幾萬言所謂行首嚴蕪稍以色稱紫陽筆也葉亦能詞見野語甚詳以一婦人色致諸名士紛紛聚訟為千古口舌端令人噴飯不已

題泊宅編後

泊宅編十卷金華方勺仁聲撰勺當靖康建炎際隱居不仕後終于晉上與唐張玄真操行畧同玄真所著大易等不傳而子書今尙行

世吾郡南渡而後呂太史一倡何王四氏繼之所為發明經術不啻數十百種世傳僅什二三而是編以勝辭瑣錄至于今而完表不廢而其間亦往往有可訂史乘之所弗及者世以隱君子亡裨于時而小說家靡足論于著述然乎

題庚溪詩話後

詩話為南渡陳巖肖子象吾郡金華人父德固當靖康時為汴京守備官嘗獻制虜策朝廷弗能用俄都城陷率眾赴虜死之子象以任子中詞科仕至兵部侍郎見吳正傳敬鄉錄近詩話彙刻百川學海中不題作者姓氏余參訂本書前後得之喜甚綴詩數句未知其郡人也昨閱吳公所錄始悉其家世履歷因亟識之詩話最盛于宋當未渡前日不啻數十家而始詩者皆弗一一至南渡未而劉會孟嚴羽卿出遂以譚藝雄古今此書成于紹興南渡之始其綴述見聞網羅散軼良有足多不僅僅該藝而已又吾鄉先達忠義世家固不得而泯也輒弁及之

少室山房卷百六

題困學紀聞後

趙宋自渡南後詩文書畫率厭厭不振絕與其國勢相侔豈錢塘孤僻海隅又非建康比故爾時人才無一可軫接唐漢耶而獨該洽士天挺其間紫陽氏之致廣大盡精微固不可時代論至如鄭漁仲馬貴與撰次類書其討覈之勤綜理之密皆卓然自名一家橫行濶視于著述之場而不為無補于世顧反有唐漢所不如者而王伯厚生平製作迺至七百餘卷噫嘻一何盛也玉海一書今存大都幾希馬鄭之間困學紀聞二十卷中尤多發明讀書得一義如獲一珍珠船傳哉斯旨非真有志學問未易咀嚼其間也余之生也家大人命名適與伯厚同而生平術業乃遠出伯厚下若所謂困而能學雖伯厚以自謙而實余不敏有之因題卷末以致余仰云

題吳禮部敬鄉錄詩話雜記後

吾邑自范浚先生始用著述顯金吉父氏系興于經典發據無遺力而他國未遑也禮部吳公師道生事吉父稍厚而于著述尤殫心補

註戰國策大行于時考覈之精深辨析之疑當嘗鼎一臠足例其餘其全集余嘗得其鈔本詩歌蓋多佳句余摘錄詩數中至敬鄉二錄及詩話等編舉郡邑凡有聞者緝其製作履歷彙若指掌下逮隋流逸客片語雙詞亦博采旁證竟其隱伏耳目所及點綴弗遺其爲力至勤而用意良獨厚矣今去吳公僅二百載而文獻之詳遂邈弗得而覩而南渡而上人才篇什史乘軼而未收者尙倚藉諸編稍獲綜其崖畧蓋吳先生功于是爲烈而余于禮部固異世子雲也因筆余懷于末簡以俟異世之爲余子雲者誌之

題劉青田集後

戰國後無子書矣東西京文賦特盛而子書遂非先秦埒異哉青田之子郁離也奇氣瑰藻絕唐宋越兩都翩翩然周末抗衡焉殆天授非人力也高皇帝載造區寓同文八荒郁離哉彼符赤伏者恆甚矣迺青田之爲他文體格卑卑元末無纖殊故曰殆天授非人力也而嘉隆之際短長復出于明明之盛至此乎噫

少室山房卷百六

五

題方希古遜志齋集後二則

余往述諸子辨雜取唐宋文人遺論訖本朝宋太史景濂王長公元美凡數十家而竊以鄙意折衷之弗能秘而行諸世世之治諸子者頗難余言當是時獨方氏遜志齋集未覩也癸酉春客武林邂逅是集龍丘賈人處亟取閱之中辯論諸子凡二卷其爲說亡弗犁然當余心卽太史長公所論有弗若是昭者中間稍稍矛盾僅百之二三餘合者幾不啻什八九矣希直精忠大節爛焉日月爭光諸所爲說一原本六經軌諸至道余願爲執鞭弗可得願時時有合于余余寡昧索居自放人外而私衷謬臆亦時時有合希直者此何以故也後之君子欲以狂誕罪余余且得藉口若人以自道亦因以考見余之困而能學雖高賢大良垂世之訓而千慮所得時或中焉庸詎非吾生平至快極愉哉因此筆題諸簡末

又

弁州文評云方希古源出眉山氏才高特少波瀾耳余讀之其詞氣

俊爽英發特類大蘇志傳簡勁有法過之而奏疏之屬不逮表啟則遠矣詩學太白歌行時有近者蓋亦眉山前轍而不能如蘇之自得也總之子瞻才較大希古才較偏至學術之高明識趣之閎粹矢口成言皓然一秉于正如堂堂之陳王者之師直之無前舉之無上無論眉山父子蓋三代而下文章之士所未覩矣

又

王長公謂國初之業潛溪爲冠烏傷稱輔次及蘇平仲胡仲申皆吾郡產也又李獻吉送徐昌穀歸吳門詩云金華數子眞絕倫意亦爾爾然數君子皆產元末且受業其人之門浦陽閔才絕學足盡掩虞揚諸氏而意調不甚相遠忠文持論中窾而南渡僑元語時時錯之眉山染說譬說卓有秦漢風他文率仍爾時舊習仲申抑又靡焉獨希古年視諸君子最少與勝國文人躋弗相及故其文一掃元調迨逼盛宋大家惜其知名稍晚旋殉節革除志業鬱而未竟篤而論之國初自潛溪外當首推也

少室山房卷百六

六

題唐伯虎書牘後二則

余三復此書而悲之大塊忌才固自昔亦何忍荼毒之至此然伯虎非身罹此境亦無以有此書今當時之竊高第享榮名者什九腐草木伯虎此書爛焉竹帛千秋永垂視商文毅輩所得孰多不待智者而決矣

又

此書視六朝所擬李少卿作可謂合曲同工舒寫淋漓瀟灑至處殆不忍讀然伯虎此書外他文遂無復傳卽傳者一二亦弗能工何也豈其才固盡于此將一蹟而不復奮耶計伯虎之卒僅得年四十許蓋亦不久喪矣昔武曌讀駱賓王檄曰人有如是才而使之流落不偶當時之擠伯虎者殆壘之弗如也哉

題二王書牘後

右兩瑯琊書牘四卷爲長公者十之六爲次公十之四次公生平與交游書牘自三數達尊外凡等輩率手書至與余遷往者尤無一非

真迹行押之妙在有意無意間姿態溢發而行間茂望而知其晉
唐人物也長公書牘大篇多侍者代錄亦蕭散無樣史氣侍書者二
人皆長公家僮都方回奴故自不俗余至小祇園每見之他短章則
亦手書為多雖不規規曩轍當其合作奇逸縱橫不啻蘇黃入室寶
也余自交兩王公片楮隻字咸所珍惜積之念載以成此卷今兩王
公相繼作白瑤宮客即欲更求一點畫展且中不可得矣敬題末簡
以識余懷若其文章之美且宇宙而長新者在處自皆有神物護持
固無俟後人贊嘆也

題康裕卿詩冊後

余初識裕卿于今大學士趙公座上余尚未冠也裕卿讀余春日閒
居十詩中句若曳杖青山遠推窗綠水來風雲欺病骨天地與閒身
之類輒狂叫擊節期他日必有聞于世自是裕卿凡製作寄余無慮
數十百相傳庸什得意者必手錄貽余重其人恆秘諸篋笥久而慮
其散軼則命家僮裝潢成帙每臨風對酒與會相思輒時展閱恍若

少室山房卷百六

七

裕卿之在日焉今裕卿已入岱所恃以奇想象獨賴是卷之存而余
童子日所為詩藁草率已憊誠僅前數聯以裕卿賞識故尚存胸臆
因誌筆紀之河山之感臨楮慙眩裕卿有靈得無歎歎地下耶

題李達甫投贈古風後

妾中詩派肇于駱賓王通唐初沿襲陳隋五言古詩與近體無以異
孝標二作稍超故未脫六代聲格宋元後益卑卑或謂吾郡舊無五
言古余殆無以難之達甫生數千載後迺奮臂嘔心直探魏晉之壘
擊其符而瓊之此六詩其投贈不佞者令具眼諦觀庸待其詞畢也
今而後有能復舉前說以謂余者乎噫達甫尚益竭而才建安黃初
規獲弗遠矣之詩駸駸上乘矣

又

盧藏用謂李泰和子如干將莫邪鏗不可犯但虞缺折耳余每舉斯
言風達甫以其才高名又體氣劣弱慮年壽非所長不三載竟赴
白瑤宮召矣英雄大業未半中殂徒使存者抱知一之嘆于地上噫

題李仲子詩草後

余嘗摘鈔仲子集中佳句無慮數十餘寄余如寸心懸宇宙片語劃
江河雄名枚叔後絕技杜陵前毫端雕混沌篋底週洪荒天姥雲堆
案嚴陵雪照蓬萊荔封囊草芙蓉溢劍花駿骨時名重羊腸世路艱
策抱龍門下詩裁兔苑旁斑衣正遠慈親夢彩筆先傳幼婦詞諷帝
星辰天北畔懷人風雪海西頭玄晏為傳諸賦山中郎還秘論衡無
海岳心懸孤劍迴乾坤樂就彩毫多上俱奇他作則路通秦望北
山斷禹陵西急峽魚龍關深林鶴鶴呼樓臺句踐國玉帛夏王宮綺
羅紫萬陌鏡吹鏡千家別激萊青荇平泉綴綠苔勝事蘭亭墨幽期
剡水懸擊劍長虹流碣石呼盧明月滿成陽秦淮鷓首春烟台建業
曉前暮雨殘攬轡風霜迴百吏飛章河岳走千靈畫棟飛雲滕子開
胡牀明月庾公樓青天片鶴嶼江去白晝雙鳧賀嶺來千花南浦吳
娃醉獨樹西陵越客過皆整屨可觀血汗血中道未竟飛黃之馭又
題余陽春館十六咏金華山十絕句並佳作也八日曝書得允達草

少室山房卷百六

八

于散帙中不勝河山之感因援筆志卷末異世有楊子雲出徐將俟
而贊之

書二王評李于麟文語

庚辰夏過小祇園長公譚藝次偶及李于麟文長公曰余初年亦步
驟其作後周覽戰國西京諸家迺翩然改轍于麟初極不喜久之余
持論益堅李遂止弗復更言余請初年所作觀之長公曰當時意不
愜即棄置其稿今不復憶何語矣是冬次公訪余溪上夜評曠當代
諸名家至歷下曰李文辭多繳繞紆曲固其體欲艱深亦蘇才短故
不能詞達其意猶口吃人終日諄諄聽之者第覺難解今之意為此
體者大都才具所趨也兩王公筆札間推較濟南不容口其百論不
同乃爾蓋兩公于李交厚故董狐之評不無少曲而其指往往寄寓
他文中初學不盡參其集未易悟也偶讀于麟文輒識簡末俟精月
旦者定之

少室山房類藁卷百六

漱水胡應麟明瑞著

題跋十二首 遺墨上

跋王大令送梨帖

右大令送梨帖云今送梨三百顆晚雪殊不能佳凡十二字五字紙素破蝕筆跡大半不存無恙者七字而已庚辰夏王次公以計吏人燕坡役類發賈人持是卷索十萬錢顧囊空直無所出偶朝士寄贈所知金五十在焉輒罄舉債之一時盛傳為奇絕事信次公之癖于書也晉自典午渡江距今不啻千載二王真蹟流落人間如天球河圖舉世不能三四此帖雖鴻滅不全而筆勢之縈迴縹渺飛動于薄蹠之上即寥寥數字如目擊其超逸絕羣之氣致足觀也或猶以五字殘缺為憾余戲謂今世購定武蘭亭者必五字損本為真送梨亦五字不全異時將復為書家公案得非山陰父子翰墨間例有斯厄耶同閱是卷者是日聞余言皆失笑噴飯滿案次公亦捧腹而起

少室山房卷百七

再跋

禾師書一字五萬錢即今中金五十也然則大令身後一帖僅足當禾師存日一字耳而次公是舉世便詫為異聞即此微古人好事倍于今今嗜利百于古矣適次公方以書名天下寸楮片筆舉世共珍傳諸異代知不有以五萬錢易其一帖者耶

跋鍾元常季直表

王長公義聲振一世其豁達大度詞場中漢高帝也其氣宇籠罩今古故製作亦如之為大厦庇天下士殆三十年又園林水石之盛為一時冠故世莫不以其富伴于三吳巨室而實弗然也丙戌秋余嘗偕汪司馬過弁中玩諸古帖司馬乞鍾太傅季直表觀之長公默然良久日是月以催科不辦持質諸就李項氏矣余舟迴詣項氏假其所藏彝鼎及遺墨遍閱則此帖儼然在云於戲即此一事而長公之為德于當時寒士者其難易可知矣

題蕭翼賺蘭亭圖

世以蕭翼誘取蘭亭事誣不可信其說以文皇威加九域一庇殘老僧敢固匿之非也人主之威固有不能勝匹夫者文皇于蘭亭誠弗欲必得則已欲必得而弗緩圖之而徒脅以威彼潛藏伏匿為計甚深極而恨且投諸水火人主之威不過殺其身而已如蘭相如懷中壁贏昭王耽耽虎視在秦廷而其能奪之而况于兵燹亂離之後若存若亡之一帖耶且一夫之癖愛亦有甚于人主寧殺其身而以毋失所寶為快者此其勢視人主之物為尤難即明知其處而匪威脅之可得而文皇于蘭亭又其意所欲必得欲必得則所以詳為之慮而緩之為圖將亡所弗至而何有于發一使以欺之然則蕭翼之謀雖曰文皇與知焉可也

又跋

嘗貞觀末年文皇之大漸也語太子治曰吾從汝乞一物為殉可乎叩之則蘭亭也夫太宗誠欲殉蘭亭遺令願命大臣昭示百辟即嗣君弗欲惡得而違况萬萬無此理而文皇直異辭宛轉于彌留之際豈其智願弗知出此哉嗚呼彼其以誠動其子即其以詐使其臣之道同一癖愛而必欲得之心故勢所得行而有弗用也嗟乎俾太宗孰是心為天下雖堯舜之治有弗成于貞觀耶而徒使後世以一帖窺之惜也

跋褚河南哀册文

褚河南哀册文真蹟藏王司寇元美伯仲俱有跋次公行草得法此帖為多卷後宋米元暉元陳寧極二跋此書老筆縱橫而姿態逸發絕得典午風流唐人書可裝二王屏脚者無踰此武家子舍之而取枯樹賦何耶

又跋二則

方希直遜志齋集亦有此帖跋知是書國初嘗入越矣希直跋不見此卷中兩王公論復不及蓋革除際人諱其文因毀裂俾泯其迹耶方所跋論河南及顏柳書法高下最為精識又其集評書甚眾且夙游宋氏父子間必深于此道而今隻字無復存者皆亦坐革除故若

其精忠大節與河南異世相符合固非人力所能存亡也輒弁志之
邇弁州續葉出題知此跋長公亦論及之豈勒石之時偶未考及集
耶然則希直手書信亡久矣石勒于長公家

跋米顛自薦啟

米元章顛事甚眾散見宋人小說雜記亡慮數十百條余嘗欲彙輯
爲一編以資藝林中譴浪是敢亦其一也米又有長箋訂某公閱所
藏墨蹟彌可笑憶宋人送米詩落句有名滿天下之稱或疑大過米
不足當答曰二十年來何處不知有米顛子耶雖戲言可謂實錄因
題卷後俾讀斯啟者相向發一大噱云

又跋

觀老顛此劄適欲中立蘇黃間亦其慧也余嘗上下史籍得類米者
一人曰張融思光其才具類也詩文類也伎倆類也南史稱融衣履
盲動意制甚多蒂每一出小兒羣噪隨之至呼爲活卦影融海賦精
麗現嘯蒂蘭詩問大沉雄融書謂二王無臣法蒂畫謂不使一筆入

少室山房卷百七

三

吳生噫其相類何其酷也融嘗自言大丈夫當刪詩書制禮樂何至
碌碌寄人籬下可謂有志蒂自負自古及今余不敏實得之乃沾沾
不出翰墨間然融集今不傳而蒂之筆踪滿世得失大都相等也南
齊人目融不可無一不可有二余于米老亦云

跋吳德基千文

勝國末吾邑吳履德基以書名委中而寓內無知者由元世臨池特
取故耳今吳書吾邑故家多有之余所見不下百幅而他方絕迹並
書家無咳唾其姓名者近文氏傳雲館帖元人書甚夥迺德基亦低
低焉豈徵仲太史尙未及觀吳書耶此卷全錄千文缺二六字用筆
勁峭道拔處深入右軍間有一二不甚合作者蘇人摹勒擬用文氏
筆耳以吳之臨池工苦爾爾而絕不遇賞音士之埋沒可勝道哉

跋周公瑕書朱司空河工敘

天啟居士周公瑕著歲遊文太史門小楷稍變尖纖益以濃厚其用
筆法子昂而結構則徵仲矩矱也嘉隆之際獨步江左垂三十年遇

合作處真如陳思格神賦穠纖得衷脩短合度披披微步羅縠生塵
者第驚鴻游龍之態微所短耳茲序題甲子歲爲朱大司空衡撰者
朱公創鑿漕渠爲慶曆間名臣冠而此書最公瑕平生合作神采奕
奕良足相當豈其感恩刻意致然或夢子功成偶一時有神助耶視
日可大出真蹟縱觀移日題

少室山房卷百七

四

少室山房類葉卷百七

澗水胡應麟明瑞著

題跋二十首 墨蹟下

跋家藏宋搨蘭亭趙文敏臨真蹟三則

右蘭亭諸壑家咸以為定武本第首行缺下一字與吳興十三跋本微不類其後復有子昂臨本亦缺首行一字而雄逸道潤天真爛然自蘭亭神詣八法唐人歐虞褚薛所臨今無論真蹟即墨本混淆靡定獨吳興臨本存世余目覩不下十餘此猶其合作者也豈人翁最迂持論獨謂趙去右軍不遠細釋此臨不惟得其體貌殆兼風骨性情而有之視昔人豈稱雙鵝並運各極摩天者加一等矣若墨本定武是非固難懸斷而楮素膩密煙煤濃滯灼然宋搨無疑也因跋而藏之一展閱間忽忽身在茂林修竹間雜坐東晉諸賢矣

又

謂文章闢氣運下士問道大笑之右軍素不以著作鳴而蘭亭序

少室山房卷百八

一 步 選 集

俯仰感慨實際之語千載若新加書法入神遂以盈尺之箋同舞塵劫晉人謂右軍自錄數十過終無複日所書余謂令右軍閉戶窮年更草一敘能前作抗衡乎蓋書契以來應有茲帖一時氣運助以發之即右軍莫測所以然也孫綽與公文名振代而後序寥寥殊無省發彼赤城霞起瀑布飛流非異時天台賦語乎至羣賢賦詩不可解者甚眾且無一佳而大令罰航寧其不能事此也古人意興弗極不強構思正高出今人數倍處矧坐中雖觸目名流才出大令下者眾矣彼以罰航為非耶總之山川間氣一時並攝右軍筆端故令六宮粉黛無復顏色耳

又

夏侯太初謂樂毅伐齊之兵庶幾湯武晉人迂蕩不情迺爾直可壓卷啟顏顧右軍屢為傳錄豈好異拔新名士例不免也大令意氣堅鏗欲凌阿父計會中羣賢在其目睫者不過數輩而十數勝辭甘出諸人下哉固爾時情與弗屬大都詆世罰航反以為適耳太初以樂

生不拔二城意未可量余亦以大令不屬雙字旨未易窺也顧千載未有發其微者聊為拈出配太初當啟顏一則也

跋吳德基行草

余所藏吳德基行草大書四軸皆錄李青蓮絕句蓋吳生平好書太白五七言絕余所見亡慮百數邑故家往往有之而傳流他處靡一蹟並自元及明詩書家絕不及其名姓士之傳真有幸不幸耶此四絕用筆道勁特甚而結體圓密精工殊得晉唐遺意王次公過余齋頭觀其一曼然問何人以吳對曰鮮于困學不過也惜不使長公見之得其片言可無遺憾地下矣

跋家藏吳德基陶詩

此德基行草靖節停雲詩也字大僅若錢結法道婉而筆意峭勁與柴桑品格良足相當下作靖節扶筇像韻度翩翩非俗工所辦疑亦出德基手也故老傳高皇帝聞吳書名嘗詔令進御並浮屠月鑑美業以吳筆太剛鑿畫太媚皆不錄第此余邑傳流語他野記逸史無可互證者今吳書存邑尚眾鑑美業遂絕不聞并識于此吳嘗及景濂太史游為其室傳傳見集中

跋王元琳真蹟

右王珣伯遠帖真蹟瓊江左有盛名即桓宣武幕中所稱參短簿者其書流落人代宣和譜有伯遠三月二帖此伯遠帖真蹟也書凡五行六十九字古澹蕭疎真趣流溢如飛天僊人遊歷下界類視凡俗悉同塵埃望而知其晉人筆也與午真迹存宜和書譜者尚不下數百今惟右軍大令一二靈光自餘翰墨永絕而此帖獨巍然宇宙之間昔人評晉人一帖當二王五帖得元琳不啻義獻矣

跋顏魯公祭姪帖二則

念載前閱停雲館刻魯公祭姪季明帖天真爛熳從心不踰以為古今神化之筆元二陳及文太史鑒定詳矣王長公跋真蹟在永豐尋氏意公見未易得忽燕中邂逅此卷裝潢減幾不可觸手而文章首尾尚完驚喜決日輟飲食恣閱之通知此書全用退筆鋒穎推勦

漢墨微茫而氣韻飄動道遠字字欲飛真間代奇物也唐三百年間臨池滿世而追逐一二王迺魯公以無意得之

又

停雲館刻余始閱之大詫以魯公此筆不似從人間來者及真蹟觀迺知墨本相去尚懸隔三十里非神化所至而何第稍有可疑者停雲二陳文太史跋此本並無之則長公所云韋氏藏本屬太史鑒定無疑而此卷尾元人數跋皆名士鮮于伯機輩序購求源歷甚詳決匪後人偽撰而其書則皆贗作計必有真蹟系贗帖終大史胡以弗及見而止錄二陳跋耶又跋稱天水小印今卷首亦不復存以爲摹本則筆勢放縱墨瀟灑淡相承決匪雙鈎廓填所辨以爲臨本則行款字數較石刻不夾纖毫即魯公自書百過斷不能盡仍其舊而何論後人也或韋氏所藏跋尾二陳真蹟而魯公書贗則徵仲太史目睫所經鬚眉洞鑒而胡以曲筆于此豈此書太史跋後後人割莫文真蹟以模本傳二陳文氏而傳之耳又贗放鮮于等跋傳真蹟以

少室山房卷百八

三

他售之人而鮮于等真迹又別傳摹本爲三耶此其類未故未易一二懸斷異時當特過江右假韋氏所藏觀之

跋米南宮誤思帖一則

老頽書僅六行而筆勢翩翩其跋扈飛揚之氣不可馴狎致足賞也墨者多以爲摹本屬中一二字刻蝕少有廟填耳末三行則真迹無疑矣唐之旭宋之芾皆類名一代今親芾筆踪狂態淋漓尙在旭書傳世雖寡第摩挲素諸帖亦自想見其人惟六代張融之類不減二子而書絕不傳近王長公以知汝殊愁爲融書亦以頗態億之耳第六代人書傳者不過數行而殊愁至百餘語故當是唐人筆也

又

米老以類名一代而大鳥旭書以變亂古法驚諸凡夫彼不惡傷其類耶合二顧相遇中原各騁尋丈之勢差足以快旁觀第未知鹿死誰手耳

跋蘇長公帖

坡公黃柑帖骨法凝重而肌肉豐妍非貴嶺妃子如楊太真不足喻第無奈身材大匾洞何黃長膚謂書縱易橫難古今惟鍾太傅一人效之者非獨則俗蜀中一人是矣蓋指坡言也

跋吳履書柳詩二則

右吳履德基書柳子厚真源了無取古詩似退筆不經意細閱之晉人風骨種種具存迺知勝國臨池苦工遠出宋世上蓋趙宋諸公往往好入己意故翰墨雖各名一家而典午範型都盡元自趙鄧鮮于究心古學頓還舊觀今師趙者眾後生厭同喜吳山谷海岳時復主盟大都習尙所趨非大力者起而挽之故未易口舌爭也

又

子厚古詩冲淡峭峻在唐齊名蘇州蘇長公至品諸輩上然韋詩蕭散自然去柴桑格致不遠子厚雖骨力稍勁其不及韋政坐此故由子瞻勸捉未破耳道人庭宇靜苔色連深竹宋人謂遠勝竹逕通幽處禪房花木深亦憤憤之見常詩警絕處在山光悅鳥性十字初不

少室山房卷百八

四

係領聯也

跋楊廉夫論詩卷

老鐵此卷評詩頗得源委而詞太冗蔓當是一時信筆第其書亦瘦勁不俗聊復存之

吳中四名家真蹟跋

此卷祝京兆楷書一字大若錢書邢麗文上祖戶帖甚飭其後小楷十通皆與外父李貞伯者初以京兆遺落世事甚讀諸札迺知其周旋家庭間間尙有余輩所不及者在也第書多信筆起草不經意者半之又行草藥珠宮三詩又行草四文待詔小簡二精工之極當是刻意書吳興碑記草其一而卽陸子傳札訊太史者蓋紫頭偶乏取以代箋也子傳書是小楷清麗覺微弱耳尙隱可讀王履吉行草絕句一又長札三而一短啟三行者字字欲飛又雜束十餘大都非烟火食人筆也陳道復二二送扇一借牛卽郵事數言以楷墨映帶之翻合作雅觀書不可不學如此

吳下名流雜帖跋

右卷皆吳下名流書吳原博對溪詩逼大蘇彭孔嘉一作顏平原體
王履約二長箋翩翩一攻而知者絕寡以難弟故也王祿之二一楷
一行文休承二周公瑕一唐伯虎一呼張夢晉春遊古詩無復作柳
陰巧者耶鄧徵父西山八詩神采奕奕即公瑕用意未必過也其人
晚出寥落舉世鮮推之可嘆又三紙學米未成未有仿字當岳子餘
也張伯起一張仲立一皆與余酬往札伯起不出無恙迄今仲立幾
博一州守中道奄逝矣人生出處窮達信自有命第仲立枉作三年
折腰耳

跋吳下名流江南春詩

卷首王祿之江左名流四大篆江南春畫意一帖題交太史而行書
三詩于後王次公過江右訪余齋頭偶閱此卷謂文太史書及吏部
篆皆真蹟畫則贗本也文書承小草二文休承小楷二甚工王祿之
行草二彭孔嘉行楷二周公瑕行草二精極蓋初年得意書也袁魯
少室山房卷百八
五

女太史做山谷書跋

右卷文太史做涪老大書山寺五言四律道逸蒼勁清思照人眉睫
間詩亦蕭散有餘韻之令人意外作一適又長幅大書早朝七言四
律字縱橫三寸餘沉雄偉麗雅與題合蓋入詩皆徵仲得意而境地
不同故俱作黃體而能各致其工如此信前輩未易材也

王履吉伯仲雜東跋

履吉書蕭散縱橫天真爛漫近代書家恍忽晉人丰度僅視此君而
豐人翁以為邪氣溢紙何邪履約履吉之兄書法翩翩真足魯衛而
世以難弟掩之履吉詩高華朗秀儼若朝霞吳中一時才彥自昌黎
外惟此君可追逐亦以天折未成俱可憾也

跋何仲默詩卷

嘗于何啟圖太史處觀仲默銅雀瓦詩邇得一卷真蹟也樊少南志

仲默基言與李獻吉並學顏柳今觀之誠非漫然信筆者嘗見李石
刻數處皆然第二君詩文皆學秦漢而書不能越唐人何邪聊書此
發一笑

少室山房卷百八

六

少室山房類集卷百八

跋趙千里後赤壁圖

漱水胡應麟明瑞著

跋唐人長林疊嶂圖

右長林疊嶂圖濃郁遠深大類王右丞而精工密緻又似小李昭道筆或以渲染鮮明畧無追餒唐畫不宜爾爾疑為趙千里者近之而山石全用勾法深甚合宋人墨質粉筆至今未決也其絹素縹厚之極非南渡勝所辨且單條衝僅盈尺許而縱乃四之於小閣疎窗位置殊恆每披香斐几縱目其間不覺身入萬山與鹿麋遊行豐草矣

跋黃荃柳塘禽鳥圖

右卷墨者率以為黃荃而未無欵識絹素堅厚無損而渲染粉墨往往有剝蝕處長可二丈所摹鳥鴈鸚鵡山雀以及林塘蓮芡之屬種種入妙吳中諸名流文休承張伯起周公瑕輩十餘人咸有跋以非荃不能也第今人遇唐宋畫無欵者山水則曰王維人物則云吳生金碧則云小李花鳥則云黃荃殆成套語恐其時尚自有人如如此畫真出五代荃之諸子固亦能辨此矣况趙昌王友之屬之花鳥知名不一而足欲斷以此畫為荃余未能決也

少室山房卷百九

一

跋李龍眠佛祖圖

右李伯時二十七祖圖念載前當為完卷頃落一買師管生手因割為三取諸跋真贋雜置之一以驚萬中尉嘗出示余凡十四幀一驚吳用卿即此卷以六十緡售余者凡九幀一驚李太將軍其卷當為十三幀方謀一借觀適李奉命備邊以七千人深入虜境盡沒卷遂不知何所噫古人遺墨一觀亦有緣耶畫法絹素灼然南宋前無疑或尚以非李所辨而疑為唐宋五季者總之神品無上不必求實其人也余見伯時蓮社圖巨幅其筆墨氣韻妙絕不可言下為文太史書李元中記文精工之極且畧無絲毫損蝕殊可寶斷亦為吳用卿得以八十千歸劉金吾矣

跋伯時西園雅集圖

右西園雅集圖扇景也逕可盈尺許而人物泉石花木器具種種備生動相或以非伯時不能余所見此卷甚眾一豫章薦紳所藏人物稍大與佛祖圖等筆法亦蒼古而缺一姬人且注意獨人物而水石花竹等不具余鄉徐先輩復得一卷絹素破裂甚人物視前差肩卷甚高大具池島峯巒而筆類元人疑勝國所臨者也此圖卷末虞伯生書特佳絕余數見虞公他書字形頗長而文弱道緩此則方古端勁而字形殊匾視子昂頗蒼勁敬仲尤雅蓋其最合作書也或以此跋故謂圖亦元名手臨余未能決俟精鑒定之

跋趙千里後赤壁圖三則

右全寫蘇長公後赤壁圖卷末意態皆完而題款為裝師割去蓋此卷絹素自首至尾分寸斷裂裝者器工累月僅克成卷山水樹石多剝蝕而人物面貌無損秋毫亦絕奇事也畫法之工張元春詹東園楊不棄咸以神品無上余鄉吳少君嘗親以頭搶地呼老師拜百數

少室山房卷百九

二

不已即無欵望而知其千里生也人物長劣盈指氣韻矯矯欲生而長公夫人持斗酒出送郊外縞衣綰約有傾國之態未審爾時措大家室果此殊尤否耶

又

或疑此圖當有前赤壁者余謂未必然前赤壁自白露橫江數語外皆議論無可摹寫後赤壁文簡于前而實景實情不啻十倍畫師欲紆徐盈軸自不能舍後而前也此圖尋丈之間有江山萬里之勢其人物之精工水石之奇古類非勝國後所辨即出趙千里亦其生平合作之最也前輩風流韻度溢逐塵土賴此少存其概每良天佳月一展翫之以當神遊自以為不減長公茲夕也

又

此卷于赤壁後賦語無一不具愈翫愈見其工長公嘗謂涼天佳月即中秋茲遊豈其口實耶二客不審何人蓋無是子虛之類當時蘇公謫黃門下士無一在坐非黃秦晁張等也長公夫人亦殊有林下

風嘗謂春月使人權欲令長公呼趙德麟輩飲花下者其能奮斗酒以待不時固宜至圖長公登高履危石扁舟皓月放乎中流一派天機蕩漾楮墨非神匠不能惜余不及同事茲遊少沾慨餘瀝也

跋閻次平江湖圖

江湖圖一卷宋蜀錦裝首寫吾鄉錢塘江湖絹素筆墨絲毫完善獨卷末無款識其品格非前宋斷不能也董太史定為閻次平余未及詳勘宜和諸譜當亦近之或以此卷之工品第神妙恐次平未易至也卷首圖江干秋色蕭寺浮圖閻集觀潮民庶紛沓往來而雪山一派如白龍千仞卷海而東噴薄震蕩宇宙晦冥漁撈各掉飄飄數敗葉颺舞虛空出沒濤浪一展翫次心悸魂消恍忽几格間十萬軍聲矣

又跋

卷首觀湖圖三篆字李文正題末書長歌似未至吾越者余謂枚叔以揚子為錢塘亦未至吾越之故或太子吳人歷職欺以其方耳而

少室山房卷百九

三

至今談者紛紛謂曲江即具區而廣陵揚州揚則越分野屬焉胡紆繞不情至于茲極為枚生計者患文筆未工耳豈以地分遠近為瑕疵耶此詩詞三昧故屢為揭之是卷也而遇枚生操筆再賦一通當令吳太子氣雄萬夫豈直霍然起色已哉

題秋江百雁圖

右秋江百雁卷無題款卷末詩一卷皆浮圖題畫語當是南渡勝國間某生手筆俞策公臨以為北宋夢英恐未然也元名士張憲馮海粟亦有詩所圖羣雁飛鳴宿食之態備極天工而枯枿橫江葭蘆夾岸長洲遠渚殘霞落日恍忽瀟湘彭蠡置吾齋頭或以趙大年有此圖當是同時或勝國浮屠摹本余未見大年卷俟他日定之

題宋人雪山遊騎圖

右雪山遊騎圖絹素縝細之極而行筆秀潤精工絕出蹊徑之外鑿者咸以為李唐或當爾也寒林遠岫磴道蕭索一士策蹇驢入山庵一操几杖者隨之豈鄭五相公所艷稱灞橋風雪衛子止者耶

黃子久縹緲仙居跋

黃子久縹緲仙居圖層峯疊嶂矗起千仞橋道樹石朝嵐夕霞雜沓相間絹素不越尺餘而天機一派流衍毫墨真所謂桃花流水天地杳然者若其行筆之秀潤蒼遠逼董李而起錢盛諸人固老癡能事也

題黃子久西泠烟靄圖

平林遠洲水天一色危峯突起白雲晴嵐橫亘其中一翁策蹇驢出垂楊映修竹蒼頭抱焦尾蹒跚而前楊鐵史題筆所謂今日抱琴何處去美人祇在段橋東當是西泠三刹風致不知何以能盡闢遊人專此岑寂也此頓黃子久筆尤為媚潤清新至其氣運之生動真足為湖山傳神者非久居武林天竺間未易領畧也

黃公望秋江漁笛圖

秋江漁笛圖題大癡老人筆意蒼然望之可識第絹素破裂之甚丙戌春入都裝璜僅能成軸雖憾減不完其氣韻尤足傾倒餘子蓬底

少室山房卷百九

四

二簣翁撫掌樂甚興到便欲浮舴舨蕭湘夢澤間惜無從喚老癡寫之

題趙承旨春江晚棹圖

蕭子雲待渡圖趙吳興筆也纖濃秀潤凝睇一盼百態橫生如芋蘿夷光無間識與不識掩袂心折要之楮墨間片語味足罄其形容也吳興筆向與子久叔明狎相雄長爾時吳人酷重黃王氣韻念年來吳興倏忽增價大癡黃鶴又小挫矣此亦一時好尚未足盡憑廼其偏正絕詣咸自有不可掩者也

題王叔明松溪書屋圖

右王叔明松溪書屋圖用筆布景迥出畦徑之外危峯特起轟峙九霄飛流灑瀑滙為深潭二士解衣促膝濯足其間一精舍隱見懸蘿喬木中幽人持卷默照靜觀若楊子之草太玄長安中數賞鑿家咸稱卓絕攜至江南議論頓爾不作蓋此畫筆意過奇故好者以黃鶴生平妙境而不合者以為外道野狐余特舉似張元春張日筆誠奇

第以必出阿蒙手則未易定也

題沈啟南重溪秋色圖

沈啟南重溪秋色圖吳文定題識其上其蹟也而啟南自題小詩筆意緩弱不甚類或以啟南中年筆率此類而張復元春驟見輒咋指驚愕謂為啟南得意之尤者此君最慎許可不妄也圖惟枯槁二陂陀數行而涼風颯然素練飄舉非啟南故未易辨輒跋而藏之

沈啟南山水大軸跋

右啟南山水巨軸桑皮可四丈許跋以最晚年筆也樹石橋道澗瀑陂陀無一不備而蒼勁玄澹老筆淋漓後人磨歲月為之未易及也

文待詔春山喬木圖

文待詔春山喬木圖為李貞伯後人題者古松老檜黛色參天精舍數椽隱見木末幽人抱膝袒裸濯足于懸流飛瀑間上有待詔二詩以貞伯藏書甚富不知邇來異書迭出幾倍成弘二酉山房六萬卷瑯琊長公為記以宛委石篋禹穴洞庭見擬惜不令待詔一摹寫似

少室山房卷百九

五

後人也

文太史虎丘虎溪二圖跋

虎丘圖秀潤蒼古太史真蹟無疑而詩筆道媚過甚或以詩非系圖後者賈師強之耳又蓮社圖記文精工之極當是太史生平小楷第一而圖極潦倒不足存蓋以原圖失去贗者強模舊草以愚隸家不意二卷皆入余手真北山愚公也聊跋此每閱卷自發一大噱

文徵仲雪山圖二則

文太史雪山蕭寺圖危峯杳嶂特起萬尋同雲冒空四壁之間不寒而栗噫豈大峨峯顛下臨夔峽悲臺巖岷哀壑嗟峨意耶何時浮一棹訪周益州登頓沿洞窮其獨往歸懸此幅枕席之左以當卧遊也

又

此幅待詔筆無疑而止徵明小印或以為摹本未必爾也上文壽承真蹟鑒定以為太史晚年得意筆朱子朋次題丹移野渡寒風遠門掩空山夜雪深景界吻合周公取評意大同而文氏一子姓絕嘆非

太史傑思不能到聊并識之

題陳道復竹林精舍圖

陳道復竹林精舍圖上書五言絕一用筆草草不經意而天真爛熳若揚凝式神仙起居法世以為散僧入聖不誣也

跋仇英漢宮春曉卷

右仇實父漢宮春曉圖文壽承隸其末以臨宋李伯時筆其于宮中景物纖悉具備第所圖嬪御皆豐妍而寡綽約蓋自唐周昉諸人傳流體法大概爾爾余嘗于童子鳴處見戲嬰圖王敬美處見撥阮圖文壽承處見搗練圖皆題昉作其美人態度咸爾蓋婦人以綽約聞者古今一趨飛燕耳然成帝幸之不久遂為女弟所奪唐自太真擅寵一代風靡習尚所趨豈盡畫工傳合哉

題唐子畏夏山琴趣圖

唐伯虎夏山琴趣圖甚秀潤妍美而或以為摹本余未能辨也第伯虎跌宕不羈而于繪事往往精工縝密法度森然亦是唐人四倒之

少室山房卷百九

六

一也余嘗于弁山堂見伯虎像青袍布笠風骨癯然自是四海九州

一窮措大面目與繪事尤不類云

題文伯仁雪山山行旅圖

文伯仁雪山山行旅圖同雲四郊天地一色孤亭木末幽人擁褐靜觀千岩萬壑樵采斷絕而蹇驢數騎驕驕涉峻坂而越危峯噫是非鄭蔡相公自灞橋尋詩得句迤邐未歸耶此圖意氣飛動而墨瀟淋漓幾欲與待詔爭長鼠穴中故非餘子所辦也

跋周昉育嬰圖

右圖周昉作昉嘗與韓幹俱貌趙卽而昉得性情韓得狀貌世以定二畫師優劣余謂得性情者尚未離狀貌也必如顧虎頭圖裴叔則頰上加三毛迺為得其神韻而性情狀貌不足言矣昉幹之優劣世所共知而虎頭之所為異于昉則畫家所未究余親夫近世談詩之士咸致力狀貌間以為親切至情性之說往往置之而何有于神韻輒因昉畫漫及之

又跋

圖名育嬰寫唐人宮中景物酷類絹素破裂而設色如新尾有晏元
獻跋幾七言文既雅馴書亦嚴飭迺晏公在宋自詩名外他不復
傳微此世幾無知者信古人才未易測也此圖助筆真蹟難遽定斷
然非五代後物矣

跋米元章拜石圖

右米元章拜石圖孤峯巉巖雖庭中尋丈而有摩霄扶日之勢老顛
以宮袍象笏蒲伏蹒跚其下想見其眉睫稜稜視海內空無一物獨
片石可當吾拜一展翫間榮驚不恭之狀溢毫素可窺也徐孝穆自
中原還謂惟寒山一片石堪語老顛之拜指不同而意同迺同時蘇
子瞻亦有此好至以仇池石假王晉卿往復紛爭幾成聚訟使老顛
見之不知更作何景狀耶

又跋

米老愛石之癖至此豈其胸中磊塊固叻契耶米以研山易與薛紹

少室山房卷百九

七

彭後紹彭秘不復出米嘆息圖之屏間大以彭為忍人此其故後世
無知者余獨悉之蓋米多伎倆薛恐墮其術中不得不爾宋人小說
記米嘗見故家奇物泊書畫之屬必百計取之不入手者不已如御
屏前瑞研舞蹈奉之以歸亦拜石之一驗薛之終秘不出固宜哉偶
憶得茲事漫題卷後老顛有靈將為余發一大噱也

跋陳道復水墨牡丹真蹟

右水墨牡丹白陽山人陳道復真蹟也戊辰之歲黎惟敬偶得于長
安西市愛之甚恆置齋頭辛未春余將侍家大人入楚惟敬戀戀不
忍舍既賦贈長歌復輟此卷首以大篆題洛陽春色四字納余行囊
中余曰此公所耽玩奈何奪之惟敬曰惟吾所耽玩故以貽子子曰
一展即與吾面晤矣殊矣余重違其意受以歸珍襲山房視他卷有
加卷後皇甫子循題字謂此筆似不從人間來周公瑕跋以陳畫筆
自林藻深慰帖悟入蓋書畫理本互通也余以斯卷雖草草點綴若
不經意者而天真爛漫妙奪化工老格縱橫絕出毫素閱之恍忽洛

陽姚魏移植吾廬昔趙明誠得徐熙牡丹圖買人索值二十萬不能
致卷還之夫婦惋恨彌日余山房積書四萬卷不減明誠獨趙氏所
藏金石法書名畫余無一焉僅此卷又故人贖行不假寸錢而得視
明誠所遇何啻天壤然明誠有才婦朝夕語語揚揚推校曾即頃刻之
間足以樂死而余際敬通之厄戚戚無權是明誠所遇視余又不啻
天壤矣

又跋

五代時寫生徐熙獨步以其全用水墨不假丹青驟閱間粗枝老枿
極似潦倒熟玩之神韻飛動天真爛然猶李成關仝山水迫視幾不
類遠觀則雲烟蒼翠恍坐千岩萬壑中皆前古所未有也同時黃筌
父子稱亞熙然工在形似下熙格固已數等而熙當年為筌所扼至
困瘁以死未久而聲價煒如卽南渡一卷之需贏二十萬噫是時筌
復能扼之否耶熙畫今彌不易得窮措大得此卷不啻得熙矣

跋所藏黎惟敬書

少室山房卷百九

八

慶曆間吾友黎惟敬八分獨步當代歿後其書尤重海內爭購之布
衣李自奇者素儂猶偶從惟敬乞得大書十數行秘巾箝中迨惟敬
歿事勳作百餘幅散諸閩楚間時海內驟貴其書黎又驟沒皆不暇
辨其真偽相率重價酬之此人遂致金數百後踪跡敗凡交游咸為
媿恥李更揚揚然得意也余因嘆惟敬生存日每與人作書不能博
半銀身後事迺頓爾迥異如此物固有遇不遇而盜焉其書者又不
中與啖羊羔人作僕矣

題何長卿文壽承墨竹圖

國朝文太史父子風流照映寓內而壽承篆刻特為一代宗師長卿
自弱冠執業壽承之門蟲書鳥迹不脛而走六合之外者越三十禩
卽兒童走卒靡不知有何氏印章者以較壽承不啻高師一着矣迺
文氏丹青世獨以休承繼徵仲而此圖老筆縱橫直闢湖州之室信
前輩未易材也長卿寶藏真迹摹拓有年文氏質管一派行且復落
新都手不獨以印章雄一代矣

跋周公瑕畫蘭卷

公暇雖出文待詔門而生平未嘗作繪事晚歲忽吳中盛以蘭畹歸之歛人重購書筆幾為減價此卷清絕楚楚真足爭勝吳興第作此時年已望八越數載遊岱矣其披拂散落人間不過百餘本恐異時無復知者聊識卷中因憶曩歲宿公瑕天地方為一身容圖扇余迫欲得書小楷遂無暇近茲今其書畫尙可得迺其人不可得矣弛筆三嘆

題于鳳鳴畫冊

唐人于良史詩風兼殘雪起河帶斷水流古今絕倡也今人酷尙標格步趨盛唐此等句絕不復覩然此句雖極精工而風神道朗氣骨雄厚不失開元晚唐間有此精工而神氣委弱往往墮穢靡篇中初唐風骨峻峭而假釘華靡模寫生肖殊寡即盛唐一二見耳因憶于生家故事適此句此景最合天然不覺為三擊節輒援筆記卷終生其深味余言努力先業異時扁舟載過知毋作吳下蒙也

少室山房卷百九

九

清源舟中雪後題于生扇頭

舟次清源于鳳鳴文學過從旬月游處甚驩春北首鳳鳴載新舟中為賦此章時初旭乍升流漸交下斷水殘雪照映兩崖鳳鳴着單袂素綃跌坐榜柁儼若相對畫圖中何日同醉都門躍馬燕臺堤柳作三竺六橋想也

再題文壽承墨竹圖

右文壽承墨竹老幹紛披足為賞管家嫡祖世之耳食者往往以書法掩之長卿師壽承篆刻印章流播幾遍海內而潛心繪事備得文字風神亦世所未悉也因載是卷末俟異代子雲賞焉

跋王中叔希白軒賦

南州之勝無若潯陽吳會之勝無若京口潯陽則匡廬五老千霄巖雲京口則北固三山吞天吐日皆宇宙奇偉觀也自昔建高牙擁大纛遊宦其地者不知凡幾而其勝往往為羈人遷客擅之樂天氏之在江州一郡司馬耳而匡廬五老迄今藉其篇咏以雄視東南昔人

亟稱地以人勝殆非虛語若北固三山寥寥千載地主未遑蓋至明王中叔而後顯君子白公瑰才同直節同遷謫同地勝同其築室衙齋而以希白自命豈所謂有其實而名弗得辭者耶余嘗讀白公琵琶諸行誠極才人之致而憂憤鬱悒哀傷不無泰過故白公雖不久召還而媒孽偕生卒未獲究其底蘊適中叔所為希白軒賦齊得喪置順逆冰融霧釋于物我之交其詞無論其識且超白公而上之異日者一息而搏扶搖大究厥施于海內俾北固三山與匡廬五老東南並峙吾固于茲賦窺一斑已

少室山房卷百九

十

少室山房類集卷百九

漱水胡應麟明瑞著

題跋二十一首

周公瑕書王司寇石羊生傳跋

戊子冬余卧病京口不食者載閱月長公屢使過存余因丐作小傳長公慨然屬草信宿文成淋漓萬言咸謂極筆余攬誦沉痾頓減已稍進七箸已丑春還溪上舟過吳門周處士公瑕來訪語次及長公新作讀之大詫子何幸以一疾致千秋吾茲且樂附驥尾余亟請公瑕以蠅頭錄之公瑕日子能輟棹三日則可余唯易舴舻入葑門訪張伯起兄弟復乘月過周文學懋修暢飲兩晨夕比返金閶則公瑕攜冊遲舟中久矣精工縝密固此老境界而其書是傳飄飄自得妙入山陰真有飛天僊人揮斤八極之勢蓋公瑕弁州石交而此文又弁州絕詣竭其能事為之傳神信筆所投花豔爛發如右軍曼倩大令宓如弁州文故不啻夏侯陳思公瑕書亦不失二王詰嵐獨不佞才忝東方詩慚甄媛耳然生平之願足矣

跋周公瑕書王司寇詩卷

癸未過公瑕炊筍齋頭甚暇因出素卷索書長公前後見贈詩七言律二絕四初通問酬答者又七言律二邀余過弁山又五言律二讀余全集代跋又五言古一送余北上又五言古一末五子詩又五言絕二十陽春館雜題和余凡三十二章諸體畧備惟丙戌許一長歌今不可得矣第止此亦震旦第一瑰麗也况重以公瑕書乎敬跋而藏之

周公瑕書一酉山房記跋

公瑕年已望八猶自力為余書此記其精工密緻有壯歲不如者由弁州生平知已意氣所發故自超然耳此記迺長公閉關修玄日謝絕一切文債獨為余破例成者書來謂僕已息慮葆和非復曩時元美拙記皆按足下原草信筆點染不足塵大雅青細也記文之末大慨與書旨畧同竊當時刻日引接上直問畧提君一切舍置矧復餘

者比出關後稍稍探拾前業如弁山別集之類意况頓自不佞余丙戌入都談及神王意取前記點綴之則後半盡易矣因笑曰昔嘲揚子雲雕蟲小技壯夫不為語願晚為足下作此得無益甚後來之謂平亟毀前草勿示人可也余以公瑕書弗忍且前草亦自有深致因並存之

跋二王詩卷

長公詩率題扇頭惟此二十絕和余陽春館者錄荆箋筆勢翩翩有蘇文忠餘韻當時嘉隆五子無一工書者濟南之拙于筆與其工于詩政可頡頏吳明卿之學山谷亦鄉社老人動供一笑耳徐子與題扇冊嘗門下士代之廣陵文札未嘗稍近翰墨恐南海亦畧同究竟長公其狡狴者自評眼中有筆腕中有鬼知人自知固灼灼矣近以書非所長弁其評掩之彼亦知古今評書張懷瓘黃長春之倫果皆書名一世者乎而書名一世者鍾張皇象之倫有片詞月旦流布今代否乎次公書鈞臺短歌一雪中七言律二端陽七言律二其書自是名家亡事擬議也

跋羣公手簡

右卷俱慶曆名公與家君往還書尺王司寇元美三王奉常敬美二王學士元馭一汪司馬伯王一吳參知明卿一外元美與余長箋二又小牘四敬美與余長箋一又小牘三皆以附家君書來弁置卷末其言言肝膽也每案頭值此輒縮胸不忍展讀情輒脈脈久之

兩司馬書牘跋

王汪兩司馬並千秋文章伯也王公既自云腕中有鬼汪公于翰墨尤若謙讓未遑者每長箋巨牘必使家僮代書王公二僕一名瑤一名璉書皆雅飭而意度翩翩時有吳興風致汪公門下士二皆工顏平原體汪公雖小牘數行亦屬草令書之今兩公啟札具存齋頭皆裝潢大軸光耀萬丈開卷閱之雖望而知其代書細玩則全無一筆入椽史門闕者固知郗家蒼頭詎特小有意已哉

跋張伯起詩卷

吳未過吳門訪伯起曲水園出素卷索書得此乃洞山十絕句書端
續溫厚鋒穎內藏詩亦穩妥清適雅與書稱當是伯起合作此君四
十即較試禮闈鑿壞蓬華真古之遺應無奈翰墨爲累又傳奇數本
倭語灼灼人口耳視葉家老友不覺翰一筆耳漫書卷末伯起當一
笑謂然也

跋楚游餞別卷

右癸酉余歸越中一時社中諸賢餞送之作陳思育太史二五言律
黎民表秘書一長歌康從理山人八七言絕潘光統鴻臚一七言律
安紹芳太學六七言絕又康山人泊丘齊雲戶部朱正初光祿各七
言律一外李言恭太保四五言律安太學一七言律茅溱山人周柱
明府各七言律共作一册今失去而此卷宛然獨存其人則什九皆
錄矣輟筆茫然

跋李達父書牘

吾郡李達父氏目無古人惟舟州濟南兩公在牙頰不知何以謬濫
及余豈以同郡故小紆月且耶其書尺皆信筆起草而花艷爛發天
機自流即手札千言大都爾爾豈其天授偏屬此中耶不然胡他文
之鍊削泰過者往往不逮耶前後書尺幾百篇余悉爲存錄今裝潢
二軸時一閱之以當達父半面然山陽之感愈久愈深宗廣陵所謂
一言一泪者彼其人皆存世漫爲致語耳若余于達父一牘眞實景
實情矣

扇頭跋一

右篋皆嘉隆前輩陳道復淺絳牡丹一背題湖上看花七言律陳子
兼一一書金山詩一書春游詩筆勢翩翩雄逸其背余近乞楊不棄
作燕磯京口二畫殊勝揚名明時敏人亦近日佳手也文壽承行草
共六彭孔嘉行書一文休承行草九俞仲蔚黃淳父各四諸君惟道
復不相及餘率莊皇世尙存然余僅一文識而他問問而已

扇頭跋二

右篋二王書之上長公一書七言律二一書七言絕四即余初通訊

日谷書所謂二律四絕少酬來美者也又一小行書七言律二則選
余過晤舟園之作又一書未五子古詩又一書七言律貽家君楚落
同事場屋尋長公擢廷尉賦別後癸未富書家君憶癸酉之歲奉接
徽音于黃鶴大別間今復親癸矣數語指此也一書五言古送余北
上頃歲失去每念及彷彿久之

扇頭跋三

右篋二王書之下次公小楷一書周公瑕天池精舍七言律行楷一
書癸未過余齋頭五言律行草二書丙子贈余計借詩小草一書聞
余得雄及過蘭陰詩行草一書罷官歸寄余詩皆七言律也餘行草
二十雜書贈送諸詩通次公生平爲余書扇頭暨餉惠後先無慮數
十並友人持乞以往或紙散墨滄所存不能三之一矣

扇頭跋四

右篋皆慶曆間名公書贈朱大司空一書寄贈余詩又二書園居漫
興皆行草七言律贈余詩如春天攀樹雙鴻度秋夜懷人片月來此
日漢廷方貴少非君誰是洛陽材無媿大曆諸子汪司馬伯玉一小
楷書贈余同遺葉江四七言律沉雄整栗爲生平諸作冠蓋王亦津
津色動而世率以支掩之非論篤也又一小楷書中秋湖上二詩亦
佳又二書招余入社詩俱行草其一失之張中丞助父一書文殊卷
訪余詩又三皆草書山行及過梅峇生七言律此公章法正其與
肖父司馬行草在嘉隆足繼次公詩不必言矣

扇頭跋五

右篋朱宗正灌父小楷排律一即贈余北郡詞林冠中陽藝苑英斯
人誰繼美之子獨成名十韻者時余年十七今一讀一汗矣戚希仲
行草一戚名元佐構李人舟州分部三郡屢與倡酬青藜閣集其序
也此公古貌古心同家君官禮部日相余詩稍有未合成爲痛削苦
錄余因是積漸悟入蓋生平受益之最者次則周公瑕康裕卿耳是
三人余至今每飯如親也羅觀察汝芳小楷一觀察諱理有盛名其
年位懸尙余皆眇不相及不審何以見知此其七句外書蠅頭逕分

殊不易得余感其意至今什襲珍之黎惟敬行草三余得惟敬扇頭
最夥小楷一書謝端陽款扇五言律行草二書金山京口二七言律
隸書二書顯靈宮雪望二七言律皆及余酬唱者餘行草二十餘雜
書諸體詩今率為人持去及展拂逾儼僅此三存故事耳歐楨伯行
草一書邀余及魏茂權胡孟張集齋頭詩又一書蘇陵秋夕同惟寅
諸子分韻詩諸公惟敬以八法名餘不盡爾然其書皆可貴也

扇頭跋六

右二篋皆周公瑕書余十齡卽識面此君當時輒書二篋贈余爾後
屢有寄餉及余過吳聞輟棹訪公瑕必索書十數題別又公瑕晚再
遊燕余日夕過從故爲余揮酒獨多卽扇頭不下百數十大都泯滅
懷袖及散失搯去之餘完者尙四十許柄當時以其人存世不甚珍
惜今復覓寸翰不能矣因錄爲二篋而藏之

扇頭跋七

右文壽承小楷書倪雲林江南春二詩時年已九十矣周公瑕小楷
少室山房卷百十

五

一書昆廬閣觀象臺四七言律皆雄麗宏整亦其平生合作也警語
如邊聲乍息漁陽警風色全催易水寒晚色千門雙杵動胡天萬里
片鴻分此例不可勝舉而吳中無論長幼皆以周爲不能詩今當久
論定矣又一小楷書句曲道中二七言律于武林失之又二一書七
言律四一書五言律二字皆逕分是借余過訪長公書于弁山堂者
又一書天池二律時年已八十而字僅若蠅結法精悍亡毫忽疎慢
意致足寶也又一楷而差大書七言律贈余者繼莫廷韓七言律共
一篋又一小楷五言律同黃淳父錢叔寶張伯起彭孔嘉五君共一
篋書各精美翩翩逼晉唐而休承圖其一面尤得黃鶴大痴三昧當
時金閭名士畢集成此不過頃刻間今求一握于吳中恐窮歲不易
得矣

扇頭跋八

右張伯起小行一書贈余長歌又行楷一書送余北上及哭王長公
二律又行草四雜書他作莫雲卿行草四又行草二康裕卿行草一

書送余楚游七言律又行草五言律二又行草七言律三裕卿暑歲
遇余燕中卽有小楷書送余八絕句爾時未有書畫之癖緣手失之
自後累書贈余不啻數十以其歲月過從不甚珍秘此君入岱後所
存僅此高常侍開篋泪沾臆見君前日書政可借用也詹東園行草
二又一書同余山行詩亦失之曹子念行草一書贈余七言律梁思
伯行草一諸君交游中工翰墨者今相率脩文白瑤宮幸伯起健飯
耳

扇頭跋九

右李惟寅小楷四又行草六層長卿小楷一王世周小楷一蘇君禹
小楷二行草十喻邦相胡孟張區用孺朱可大小楷各一張唐父吳
文仲小楷各一俞公臨小楷一吳叔通楷書四李允達小楷三行草
七諸君皆游從深厚且名能書者詩多贈余之什惟公臨作五言餘
率七言律也

扇頭跋十

少室山房卷百十

六

右沈純父行草二郭美命行草一王承叔小行二行草六鄒彥吉行
草四安茂卿行草一朱在明小行一又小楷一顧朗生代書者失之
錢象先小草一黃貞父楷書一陳玉叔行草一陳從訓行草一董述
夫行草一鍾敬之行草一林貞耀行草一宋忠父行草一朱宗良行
草一鄧遠遊小楷四黃公補行草一朱孔賜行草一張仲立行草一
王中叔行草一顧道行行草一蔡稚舍行草一崔子玉行草一右俱
交游中書贈亦有八法非長而其人尤不可失者並留以當一面云

扇頭畫跋上

右篋皆嘉隆以還名手陳道復牡丹一玫瑰一文休承茂林修竹一
錢叔寶茶蘼一梅花一張元春江南春一湖上居一顧仲芳水亭一
顧道行山水一鄒彥吉山寺一詹東園蘭一竹一又枯栢一又淺色
蘭竹各一楊不棄金山圖一燕磯圖一做倪一又烟籠萬玉圖一管
建初梅花二宋晉之遠山一嘗得謝時臣山窗讀易圖一戴文進雪
山行旅圖一皆失之可惜也自休承而下率交游工渲染者今半不

存矣

扇頭畫跋下

右李郡山寺鳴鐘圖一沈仕古木寒鴉圖一孫枝野渡漁舟圖一朱
朗紅梅折枝一錢序重岡疊嶂一劉爵古松流水一董良史梅蘭竹
石一周之冕柳港啼鶯一其人皆近代道染有聲然余皆未識面故
別而存之

少室山房卷百十

七

少室山房類集卷百十

書牘十首

徽水胡應麟明瑞著

與王長公第一書

應麟海濱之下走也倥傯蒙於人間世百無一解獨自燥髮以還
 卽知慕好古文詞每攬觀典墳丘索虞夏商周而上倚相之所誦讀
 尼父之所刪脩渾渾噩噩以尙已至先秦盛漢黃初開元諸大家
 遺言若孟莊若屈宋若左丘兩司馬陳思李杜十數公輒廢書太息
 曰偉哉六經而後文不在茲乎俾今之世也而有十數公其人終吾
 身執鞭其側何憾哉弱冠從家大人宦游長安業聞執事以文詞起
 海上靡然羣一代之奔走之中山之毫橫焉于千秋雒陽之楮騰踊
 于四境雞林之金絡繹于上國昆丘之璧飛照于大荒承雲之樂高
 張于洞庭春雪之音絕和于郢里而且天函地苞河海納士無賤
 而弗下才無下而弗憐卽崇伯子據饋什起姬文公沐髮三握武鄉

少室山房卷百十一

一

選

侯集思廣益昌黎氏濟弱振頹弗云過也于時應麟方齒髮盛強沾
 沾自意天幸一當大君子于吾世庶幾者其以臭味之末卵翼青雲
 乎迺執事甫以克壯之猷爲聖明所嚮注建高牙擁大纛鎮撫一方
 紆朱拖墨之吏辟易前菲韋布賤儒欲以長揖爲大將軍重而無其
 自頃者伏聞執事拂衣東歸逍遙海上旣切憤叔孫桓魁臧倉郝胤
 皇甫縛魏泰李定楊畏之屬無世無之又竊沾沾自意執事之謝人
 言也天將以爲木鐸乎懸慧日以徧照羣迷澍法雨以普施來學大
 千微塵悉屬弘濟豈其小余小子而獨靳焉則復以嚴君匍匐于炎微
 慈母委頓于高堂窺身藥物削足庭戶側身東望奮飛莫能嗟嗟執
 事語不云乎百世一賢接踵而興千里一士比肩而立今者不肖之
 于執事嘉隆相述匪有古初輒近之殊也吳越爲鄰匪有關塞胡秦
 之隔也道術全方聲氣傳合匪有僑墨揚乘之辨薰蕕涇渭之差也
 然而懷中之刺慙感漸盡迄今念載而竟弗獲費姓名達聲欸于龍
 門之下河清難俟人壽幾何彼訪道崆峒問途大隗立雪少林傳衣

嶺表獨何人斯哉若高文鉅冊奉以周旋藉之卧起則受執事之教
 世固未有如不佞之最深者嘗試論之古今製作同委異流體既旁
 分職亦各樹故或爛于辭令而聲音之妙未詣或窳彼風謠而著述
 之功罕奏或兼資謨雅而學問之闕罔窺或綜洽簡編而占綴之能
 彌劣屢參載籍專門匠哲代不乏賢惟是總掣之才胡寥寥希觀也
 明興慶陽李氏崛起八代之衰希蹤三古之上經秦緯漢出宋入唐
 重謂不賞之鴻勳無前之傑思而運屬蕪蕪功蘇草創擬議之則滯
 焉弗鎔采蓄之程隘焉弗廣兩都而外誦法靡微六季以還見聞旋
 廢以致緣情者病其剽剋多識者陋其拘牽嗟嗟執事豈大統之集
 天意固有待於今日耶鄉者徧窺四部全草浩瀾沈洋莫知底止錯
 綜神化無所成名左逸諸篇則魯史雍容之度也短長諸策則橫人
 偶儻之風也記傳碑志則太史孟堅之雄也賦頌箴銘則中郎文考
 之蔚也序論之闡深奧衍則韓蘇四子競出其長書牘之俊逸詠奇
 則晉宋九朝互標其勝而四言斟酌風雅雜步馳驟離騷樂府比節

少室山房卷百十一

二

選

三曹郊祀聯鑣二京古風枚蔡雁行歌行李杜遐軌近體拾遺之造
 極絕句龍標之軼塵自昔名流有從事弱齡望洋白首者執事率談
 笑道之間用其一以與孟莊屈宋十數公方駕長驅曾未既其騰
 捷而况乎總統百家鎔鑄萬品條理始終一以貫之而各臻其極哉
 且也卮言筆記宛委諸編鉅而須彌細而芥子玄言奧旨迴微窮蒐
 璣說稗官旁引曲暢粵若丘明太史曹杜諸君咸以文詞取稱博極
 未聞有兼攻爾雅別擅凡將與東方中壘角異拔新茂先廣徵括深
 競僻如執事所撰述憂平毫髮無遺憾者也然則奚論明興卽穹古
 以來六經而降文章大統匪執事集之而誰耶猗與執事是豈人力
 實曰天授令後世言林越漢唐而推明代斷可識矣今寓內詞人駢
 首北面眎獻吉成弘之際倍屣什百孰使然哉不佞踰伏窮鄉微吟
 土窟雖獲天蠶海無異醴難實于詞壇鮮所降伏惟一當執事則心
 醉神馳魂悸精奪猶李邢國見唐文皇英雄氣概都盡然又不屑爲
 延叱之倔強扶餘之攘攘敢微惠次公世及之雅馳獻五言十章七

言百韻版正大方伏願因緣鈍根廣說妙法屈金色臂指授菩提不
佞幸甚天下幸甚千百世幸甚

第二書

吳中使以人日來持賜大教藉以雄章應麟方卧病牀蓐亟躍起盥
沐展誦之尺牘千言洋洋纒纒恍然如陟崑崙泛溟渤耳眩目易精
攝魂攝宇宙大觀斯其極已二律之神奇四絕之杳眇陽春白雪洞
庭雲門乎一唱三歎有遺音矣嗟夫應麟曷以得此于執事哉今寓
內操觚之士于詩文尺寸有窺莫不憑賦而東上者驥首雄鳴冀一
當造父之馭次亦呈洩勃于和扁薦標于班倕廼應麟于門下則
有大不然者生長嘉隆與執事輩行崇卑遠絕其涉世也既晚僻處
海邦倥傯孤陋其聞道也又晚遭逢次公因緣紹介其納交執事也
又最晚執事誠俯念通家不麾而置之固已大幸乃猶拳拳然獎以
代興埒之國士應麟曷以得此于執事哉今世所盛行執事四部全
草不肖亦既徧讀之矣中所謂國士其人不二三見也所謂代興其

少室山房卷百十一

三

語不一再見也而一旦舉以畀之後進之中最晚合之士豈執事我
欺乎不肖始而懼中而疑終而勃然興慨然釋怡然悟曰執事片語
卽于古在焉舉海內賢豪冀一當之而不可得而一旦以畀之後進
之中最晚合之士執事者固必有以重教之而不輕棄之也此應麟
所爲奮迅激揚中夜徘徊而不能無厚望于執事者也應麟自若嘗
從事詞場迄今桂苒十載矣私竊以爲二代而降立言之徒一盛于
東周載盛于西漢三盛于李唐而總之莫盛于今代而今代所以盛
者莫盛于今日而尤莫盛于明公夫文之鹿失于永元北地濟南始
再逐之然而臨墓之習未融也刻畫之痕未伏也孰與執事之闢關
縱橫錯綜滅沒弗斷合而無平弗合也夫詩之幟類于大曆齊東洛
下始狎樹之然而混一之功未奏也神化之域未探也孰與執事之
廣大悉備莽宕沉深弗斯超而無乎弗起也故恩管竊取執事卮言
前說而廣之日先泰兩都之則闕于北地則于濟南則于新都至瑯
琊而蘇其極建安天寶之美暢于神獸高于于麟大于獻古至元美

而集其成此非愚一人言也卽以俟百世談藝者可也而未足以既
執事也夫杜甫韓愈博識矣其蔽也學術固于詩文而其能自見郭
璞張華洽聞矣其蔽也詩文掩于學術而莫能自拔子建子安二少
俊兼之矣而子安詩文子建學術稍非其至上下數千載間誠未有
詩而文文而詩詩文而學術兼際其盛如我弁州者不肖所亟稱其
盛今代而尤莫盛明公蓋實有徵焉非苟爲佞也夫上下數千載間
瑰流哲匠若彼其多而卒無能超越執事不肖沒齒依舍執事何
適矣追惟舞象之歲拈弄筆墨銳意成一家言自樹不朽而鈍質屏
軀用力愈深望道愈渺僅騷人賦域恍忽有窺于樂府得其原于古
風得其質于歌行得其氣于五七言絕得其韻近體排律一章半
簡無大踰人至數百韻以還數十篇而外淋漓浩蕩點綴不窮竊疑
藝林靡敢多讓而尤嗜讀書身所購藏幾等鄴架經史子集網羅漁
獵時有發明不敢以鴻碩自居不至以空疎自廢慨自弘正以來作
者如林學者如綫楊用修一木耳風趨瀾倒故未易支匪執事崛起

少室山房卷百十一

四

盛時膏膺大呼爲六合倡豈直取輕唐漢將遂媵笑宋元人才污隆
邦國榮瘁詎弗信哉顧此意非執事莫能知非執事亦莫敢告也今
漫往不肖所存詩歌十卷文賦一卷雜撰述三十卷才格上下聞見
廣狹知識有無概無遜于左右伏惟痛加繩削指示迷途昔人所云
莫爲之前莫爲之後其說良可念也嗟嗟執事與當今海內賢豪冀
一當之者執事旣以命之矣適不肖所厚望門下執事終無意乎清
如孤竹仁如子淵猶庇藉青雲以施來世而矧乎閭巷之士也龍門
未登寤寐饑渴俟高堂藥物稍稍奏功便當負笈振衣伏謁函丈爾
雅之樓文旂之館願假片席以待胡生爲平原十日也惟執事毋訝
其狂焉

第三書

春首北遷金闕遇張太學武林遇柳水曹載附短牘起居計後先入
記室矣情和伏惟尊候萬福抵舍後適友人攜樽過存座中獲聞家
君文戰之捷不覺狂呼絕倒相與浮大白百餘華陽礪石間自嘉隆

一振雅道寥寥茲文悼代興詎非天意恨不獲周旋鞭弭竊望下風
耳杜門谿谷宿疾漸平學步鄙近亦稍稍二親堂上兩孩膝前三
萬軸縱橫案頭不腆微帚十數卷零落篋笥戲采弄雜之暇拂拭遺
編刊定故業與蠹魚醃雞爭雄長鼠穴中聊復自快五畝之隙旁擗
小園蓬蒿蔽虧闢行逕僅容雙屐飛流千頃環帶其前喬木數株掩
芾其右蒲團竹几了無人聲散髮赤脚坐送餘日籬根繫小舴舨興
至出遊于蓬底淪佳茗焚妙香沿澗落花信其獨往當景物會心劃
然長嘯二奚童歌鷓鴣舞鸚鵡以佐之行道聚觀咸謂襄陽米顛復
觀今代晴天爽月雪晨風朝時或岸高噴扶短筇憩平疇躡幽徑尋
僧遠寺振衣高岡麋鹿爲羣猿鳥相狎無次公之慟哭有林慮之忘
憂庶南華之達生幾右軍之樂死回憶客冬瓜步恍若隔世非執事
存郵撫摩胡以今日惟是吳越千里美人一方鱗羽浮沉起居離索
此曹生所以長嘆于轉蓬杜子所以馳懷于春樹者也嬰疾以來人
間世事無復繁繁惟著述一念耿耿方寸未能遽灰昔人所謂生年

少室山房卷百一

五

選

不百奈何仰面看屋梁著書寧關身事又謂使我有身後名不如生
前一杯酒快哉二言足稱名喻不幸宿生障業纏糾背脊雖司命未
如之何且忝竊國士之知荏苒廿載萬一無狀爲門牆羞用是竭其
疲猥不敢自畫惟執事始終教督之冬杪以藥物屏除人事呻吟歲
月紀述道途復得韻語垂二百篇通計舊稿五七言律不下千首自
餘諸體合聚數亦相當第不肖于兩漢樂府古詩意有獨會日坐應
酬不遑操筆今欲盡棄唐風專精斯業務得其恍惚備明一家行有
餘力旁及魏晉下沿六朝戶擷其華家壓其粒不備作昔人擬古一
櫛數載而已二氏歌行氣骨可逮至于變幻恍惚俟之神情若陳隋
盧駱蹊逕具存綴屬之工匪所患也期以十年削述庭戶庶幾此懷
而才弱志強心長技短盧蒲整足髮已種種復奚能爲所恃執事青
雲之上不吝手援俾蒼蠅絕羣驕馬增值耳詩藪小復益之外編卷
帙畧與內等漫應徵索大爲側理氏災尙數板削未完尋當頁上
大序間已脫藁幸即發舍親雲天渺茫臨楮馳瀾不盡

奉報中丞王公

客歲子念過蘭應麟方以賤恙謝客枕席間獲聞執事起居慰藉無
任且知執事手書原貺見貽而子念以不肖計偕中途壁上矣前得
子念吳中啟復云翁以來教轉擲都下嗣於喻明府處兩閱翰教復
兩下詢不肖諄諄也未學鄙生卽執事一念之知一言之及且懼無
以當辱迺明公垂神懇篤再三不厭如此古所稱國士遇者曷以過
哉鏤刻鏤刻新春伏惟杖履萬福弁圍水竹日佳日勝而翁以葛巾
野服嘯詠其間意興所寄萬象欲新真寓內獨樂視列仙傳所載絳
宮瓊樓貯安期俛佺輩旦夕啖食赤松丹粟竟無一事可託不朽此
徒天地間一蠹雖千載何益若翁身居福庭神遊八極咳唾笑嬉與
造物爭雄長者何如也應麟滿意去秋計偕之便移舟海上一登龍
門用慰十餘年寤寐之想坐老母疾憊方寸皇皇遂爾中輟深惟年
齒日加估僂無狀惟翁惠賜大教終始曲成不勝生平至願喻使來
便敬布謝私尙高堂藥物稍酬挾笈吳中伏謂有日次公計已旋車

少室山房卷百一

六

選

或得取道錢塘聞動履尤所願也子念不及通詢并祈晤間吡致
餘寒尙峭伏惟若時爲萬世自玉臨楮馳戀不宣

再報廷尉王公

喻使旋獲奉大教嗣以鴻乏失候起居深春子念又至伏詢道履安
和慰藉無量載讀曇陽大師傳知執事姓名夙登仙錄而復接遇上
眞神舉旦夕蓋不惟開闢以來文人創見卽列僊羣聖如執事身名
烜赫獨冠古今而復脫履塵凡終始宇宙者曷嘗有二妄意僂師金
母大士元君一時咸爲執事而出非虛言也東方小兒久以口舌陸
梁上界異時一與執事遇便當作小巫神氣素然矣一笑子念
入閩計其歸途當在秋杪爾時西風涼適病骨少蘇快策相與同舟
而下伏謁舟中以摠訟生平宿抱第恐登假期近乘風帝鄉瑤池大
羅萬里杳隔鸞翰鶴馭攀踞無從徒增悵結耳喻使行便敬附八行
沉水一斤博山一座奉供清燕惟左右者塵入之

與王元美先生

觸暑冀江明公不以穢穢見拒祇園澹圃載辰周旋宿生塵垢頓欲
消盡奉別後兼程還越六月之杪始抵故山息翼榆枋尋盟泉石弄
雅二親之側頗用自娛子念過蘭僅一交臂舟人促行不獲附狀左
右新涼伏惟道履萬福每憶嚮者北上上調辱翁投轄閉關為十日
飲弁山之堂文漪萬頃峭碧千丈芙蓉菡萏飛香逗空含艷撲目自
謂人間世無復此樂茲秋清木落正值其時景物之勝定當逾昔而
賤子薄福株卧一丘不獲負長生瓢操九節杖日從遊于玉壺金闕
中悵恨何可言何可言不自量微惠次公世講之雅泊明公國士
厚知冒求家傳輒辱俞允命以仲秋脫稿茲特專力候領大篇俾家
君姓名永藉不朽即人子萬鍾五鼎茂容此矣詩藪六卷附上記室
蠶測管窺畧盡于此計不足當一噓惟慧眼諦觀概加塗抹俾無訛
于大方白露兼葭美人千里臨楮馳溯不宣

報元美廷尉

扁舟海上載瀾名園投簡飛簷傾篋倒度無夕弗燕無書弗遊無遊

少室山房卷百十一

七

弗權無燕弗洽兩瑯琊既震旦盟主兩司馬亦宇宙人豪四美一難
一朝畢集而應麟以草莽鄙生曳青鞋敢皂帽飛揚跋扈于其間邈
想金谷蘭亭豈直座中無此高賢又何嘗有此狂客也阿呵執事遭
逢南岳印證大暉歲月既深熏修彌遠舟州園金銀樓閣宛爾玉京
梵天而太湖三萬頃洞庭七十峯即弱水玄洲方壺圓嶠奚啻乃執
事時時挾賓游聚名勝一觴一詠汗漫逍遙坐鵬背閱青天摩龍肝
飽白日真廣成浮丘豔請人世世人往往于世外覓梯仙國都胡左
也曹子建舉九州之八讓五官中郎展轉臨苗東阿侯服生平戚戚
無一好懷晚得遷陳竟以憂死死復作遮須主人眎昌黎生從軍駐
遠差神王第恐其間苦惱政自不少即上帝憐才不令飄轉要是地
下夜郎扶餘何渠若執事身居福庭名貫仙籍耶異日飛昇時至拔
宅大羅不佞願逐丹房中一雞一犬並翔青雲執事肯假之羽翼否
次公役旋卒卒附笑諒之

與長公

清和肅狀起居嗣乏便鱗弗獲申候惟是狗馬下僚卽一寤寐一
趨未嘗不奮飛函丈之側也執事千秋鉅望特簡上心蒲輪昂書軫
接道路明揚盛際曠代眇聞而鳳翥鴻鸞彌不可卽亡論淵源長源
二子文靖東山展也慚德矣麟猥淑大教門牆未光實竊輝暎私衷
慰藉曷可勝言霜寒伏惟道候萬福自客冬返舍益知世途榛棘鑿
枘難諧科頭杜門謝絕一切軒蓋浮榮雅非夙願筆研狂習漸亦掃
除方且遁跡大山窮谷中友麋鹿食蕨薇遣送餘日所未能決然長
往者遠則執事近則二親耳豫章來生過訪云大集就梓以較前刻
卷帙過之方寸怵怵寤寐瞻切幸勿金玉慰我渴饑秋初傳執事整
赴留都輒綴小詩奉詢茲來鴻迅發謹錄吳箒上博軒渠小葉削刷
適完弁奏記室樂府歌行百八十篇得之結夏綠曩奉尊教抹掖應
酬因漫擬鏡歌諸題浸淫郊祀下逮西洲而長篇瀾汎極于供奉惟
少陵創格稍別前規當俟異時直書耳目備一家言執事樂府前無
古人希明箴得失指鏡然疑此不惟麟一人之幸也不宣

少室山房卷百十一

八

報長公

不肖自總非遊燕微吟短述薦紳先達互締忘年盛欲引掖門牆資
諸國士迺不肖瓣香一炷未敢遽有所屬也稍長益蒐覽籍綜攬
賢豪知宇宙文章成萃執事側身東望實始繫心既因緣次公紹介
壇坫青雲之附竊幸庶幾誠不自意執事過相期拔暴之萬眾授以
千秋感激厚恩踴躍中夜妄意斯文正朔如日中天護法持教所當
自力以故遇有誘佛之調達孽孔之桓魋無弗昌言疾論面折其非
而怒螳盈道築犬成羣陷阱之蛙告海則驚醴襲之雞語天則笑招
尤啟繫實係于茲又以古今才傑或參商異代或枘鑿當年而不肖
草莽鄙生馬牛下走其于明公分懸位絕願以尺簡受知寸朽蒙拾
神情標舉輿會飛動卽不能如迦葉之破顏少林之得髓亦豈敢爲
請息之端木願後之南榮而人微力寡地卑望未爭名者惡其少達
浮慕者害其精研娥眉之妬劇于專房駿足之摧萌于驂乘莠言日
至浸潤潛投職此二端更無他道客秋上詞僅得聽聞退自深惟既

駭且愕所幸曾參之罪未至殺人執事之明遠軼慈母遂使蚊雷肅清貝錦斷裂讒人失足自投有北媚嫉反走如放四夷然而古道陵遲世途榛棘亦大可畏矣至于奔圍雅集狂客嗣興尤爲可笑藉令不肖材至鶩劣藉令不肖不遇明公猶將躑躅中原披倡小島秋蛩春蚓不窺自鳴寧至與此輩較量身手學競短長蘇長公云周伯仁腹中所容迺王茂弘等輩彼哉彼哉鄒以下何譏也不肖久已忽忘執事拳拳聊復緩頰蓋此之不虞抑又甚矣奉大教歸業已杜門息交抹殺塵世柱史玄同莊生齊物是非臧否一切置之罔聞倘天假餘年沉疴退聽尙當奮勵六經摩研四始模二炎之矩轍窮七閩之波流學調于開元錄裁于大曆馳驅于弘正歸宿于明公婆娑一氏之言仰答非常之遇且以三餘隙日綴葺蕪詞羽翼卮言俟諸身後彼嗷嗷者惡能恣衷臆于九京關唇吻于百代哉信筆狂譚縷觀及此執事者亮之秘之霜寒強飯自玉萬萬

薦李能茂書

少室山房卷百十一

九

東陽李能茂者燥髮殫精古文辭今年垂三十尙碌碌困諸生昨盛暑叩門出一刺袖中慷慨日不佞茂爲足下懷此五載矣實以無因至足下非若禰正平之入洛初無所欲詣而慙誠無所投也已又出一編袖中日凡不佞茂所爲五載懷一刺于足下者以此夫千里一士誼猶比肩矧不佞茂去足下僅僅贏二百里豈足下無意乎某聞其言竊異之亟受讀卒業見其所爲諸詩歌類能脫棄凡陋五七言律體大思超時離時合七言古韻頗未熟氣骨稜稜自雄五言古尤所偏長高者可升魏晉之堂平處亦不失王岑前躅他傳記酷放東西京雜文錯韓蘇諸子往往矜局寡暢至啟事書尺縱橫跌宕磨縷淋漓肆筆所投多而益辦卽躡躑躅掌許而花艷爛發應接弗遑度其人才耳目儕流罕踰過者其持論陷缺一世獨服膺執事巨賢刳不再觀奈何躬邂逅失之輒以姓名紹介某于左右某嘗伏窺執事大集記執事曩在燕于鱗子與六七公倡和時私相誓吾黨從寓內得一瑰奇士無論吳越必展轉遞報以爲懽如某者雖未獲追隨六七

公後迺執事業以命之矣庸詎知執事不遂以所望六七公厚望于某也以執事之厚望某而某幸得斯士尙庶幾一當其人且咫尺里閉中沾沾嚮慕執事而某開扼不聞是某不惟下有負此生弁上有負執事也夫知而弗舉而上負明公匪報塞之義知而弗舉而下負李子匪弘逮之仁匪仁罪也匪義亦罪也失一士而抱茲二不韙以行于天下是則某之所大懼而蚤夜弗敢以寧者也伏惟執事據饋握沐之風流于海外倘不以某言爲迂爲僭慨然接引其人覽觀其業有萬一可與進授之銜轡策以馳驅使得夷于泛駕之列某誠劣無似異日者且將緣是受上賞于藝林焉某不任悚息待命

少室山房卷百十一

十

少室山房類藁卷百十一

漱水胡應麟明瑞著

書牘二十三首

報王中丞先生

客從襄江持雙赤鯉至剖之素書在腹封識宛然知葛僊翁以是月
 望日寄我者也新詩字字欲飛函關紫氣聞風朝霞自不當以漢唐
 凡格論嘗夷考古昔才人列名滿籍若李供奉之長庚杜拾遺之文
 星典吏白舍人之海山使者皆烜赫可徵迺其仙去之後間有篇章
 往往不逮存日豈詩必窮而後工一踏通顯涉要津無論欲界清都
 鈞有才盡之厄耶以今觀于執事而知二三子之才不盡于人間而
 盡于世外猶之乎非才之極也否則傳記所稱二三子之得仙有未
 必盡然者即如執事一旦奉上帝御書為五城十二樓長將製作遂
 伴化工異時續成四部于鈞天之臺尊綠吮毫蘭香和墨智瓊捧研
 騰楮價于七襄耀文光于八極庸詎若長吉小兒受帝命賦白瑤宮

少室山房卷百十二

迄無片語隻詞流傳人代耶聞次公小需次作關西夫子便欲挂冠
 聚首之期逆計不遠東方生所記聚窟風麟洲儒家者流每謂謔浪
 究竟得之耳目間漢武皇而在今當無不與同時之恨矣晨起值三
 青鳥海上旋敬附尺箋于五雲閣下

再報元美中丞

不聞笙鶴之音又聞月矣瑤池大羅咫尺人世東南中山弁遂與海
 上三神無異顧安得如費長房持葛陂九節杖乘風馭雲飛入壺公
 白玉樓也歷稽古今才彥往往見忌造物小兒羈旅第愁疾病天折
 悉是其常無足嗟怪甚而戮辱不免其身何以故取精泰多取名泰
 劇消息盈虛更倚互伏吳穹定數孰能踰之且秦漢以還證道之士
 非童年履脫室家遺外一切則壯歲萍梗草澤屏息萬緣彼其于世
 味毛髮染指便無復登真之望固未有優游百順極紛華鉅麗之享
 于人間而又參時兩儀握悠久靈長之柄于物外者惟是執事江東
 望族著青雲父子弟兄奕葉蠅冕重以文章之妙姬孔子秋學問

之宏威文六合茲又接引上元印心大道永漏岱宗之籍長居建德
 之鄉竊恐司命之君將愈益不勝其忌雖然天以古今全盛之材縱
 執事矣則亦安能不以古今全盛之筭昇執事今而後即冥冥之中
 欲有所兼弄顛倒知小兒伎倆不足當王先生一映矣迺若一時艷
 慕之傳稍觀未光頗聆緒論而人人自謂大丹可得黃金立成端簡
 朝元刻期拔宅至以東南仙聖海至八百之多者應麟竊又以為未
 然夫升洙泗之堂不必皆顏冉比唐虞之屋不必盡巢由故聘者著
 書惟吐舌于關尹牟尼設教僅灌頂于文殊固知學者牛毛成者鱗
 角百代接踵一土比肩不然胡喬松而後沖舉之證寥寥楊許以還
 宗派之傳落落也臣之少也亦嘗妄意茲途銳情往籍既而屠龍惕
 日畫虎彌年蕘稗未登蒲柳先撥神明耗竭齒髮變衰深惟根株鈍
 弱運數涼蹇馳驅不朽之場已為盜分觀觀長生之業切慮無階每
 攬觀九命所陳時復三嘆自失何敢以蟻登規圍綺螭姑等壽昆
 鸞哉伏惟執事丹臺之上屢賜手援竊計高真紫府之前或垂齒錄

少室山房卷百十二

而度德量力徘徊中宵實所未厭故寧求觀于小道無使見笑于大
 方執事者將亟賞其自知之明為復亟哀其自畫之陋也信筆縷縷
 不任主臣青雀西來尙毋金玉

與少司馬王公

遷宮所邀然玄關一竅大較非異足下仙才也有意捐夙障
 從我游乎

與少司馬王公

夏五附小狀水曹屬車駕北征竟以原札返舍卧病衡海內交知
 聞問闊絕燕鴻吳鯉河山邈如尺一之訊久藏可篋昨者驟聞留都
 大司馬之命午夜躍然如執事曠劫人豪即九州之長奚當一映然
 而斯舉也生色詞林吐氣文士即不為一身一家慶能無為感世得
 人慶也應麟仰藉靈株伏以來體氣漸平飲啄無害惟世念益灰
 冷將移家金華窮谷中為石羊君供伐薪汲泉之役惟是二親班白
 下寡弱息旁無幼弟徘徊願戀未即飄然邇以丹元子告疲弁聲韻

暨東高閣竊懼一旦溢焉爲門籍羞因稍稍檢拾故所論著十數家
災之于木庶幾楊氏之玄中間挾幽摘選則訛糾繆願以一班自信
卽古人閱鉅之業未敢觀心較近日用修之鹵莽差謂愈之屬剗剗
未完新歲之春當持以奉獻也間嘗竊謂文章學問本非一途無論
左馬杜韓人皆淵洽卽六代唐初風軌具存自宋熙豐趣尙異迥
一時博雅尙有其徒弘正諸賢號稱復古操觚雲湧而咸以讀書爲
戒至有晉魏以還茫然心目者噫是詎可聞于鄰國也故不肖妄謂
國朝文章之盛幾軼古先而學問之衰無逾晚季至于嘉隆玄談日
沸卽豪特之士嘔起其間而屬辭者虞譏于堆垛多識者取誦于支
離不有執事出而挽之將恐兩家者言浸淫無極天不生仲尼萬古
如長夜虛語乎哉不肖夙抱此懷以時多桀未敢誦言今惟一吐
于執事之前且卷而懷之以俟異世矣六詩過蒙獎飾彌匪所安仲
默于鱗千秋一出卽代興迭王明德方隆奚小子之敢觀觀惟執事
不靳深教庶幾竭蹶趨之不一

少室山房卷百十二

謝司馬王公石羊生傳書

卧疴京口兩辱手書厚德榮施迥逾骨肉而鄙劣姓名濫叨鴻鉅千
秋百代快親身前今而後所不以九死餘生奮歷竭趨圖國士于萬
一非夫也南中閒局卽本兵重寄未足展命世才旦夕璽書趣召大
拜樞衡稍出緒餘膏澤寓內俟三千八百功滿行圓然後拔宅紫霄
乘風玉清卽仙籍中且將列銜無上區區人間世駒隙蠅頭詎足點
之眉睫也

與大司寇王公

伏中穉穢名園留連浹日遙閣崇臺雕闥畫楹金碧燦皇炫耀心目
而荷鸞蘭馥侵裾襲履松聲竹色盈觴夾坐皆非復人間世往籍所
志洞天福地類以浮艷過實等之寓言迺今耳目親記殆軼所聞矣
六月之杪僅抵故廬三親在堂兩孩繞膝青紺萬軸薄用自娛間有
呻吟大都倦遊所得加以藥物之餘意氣漸盡知大方壇坫不足當
一笑也伏惟晉秩南都崇遷八座國朝文人學士度越宋唐獨各位

遠却執事者實始兼之暇日登鳳皇之臺揮如椽而引大白千秋著
作將遂併廢一朝不肖足疾稍瘳秋杪扶藜躡屨躡蹻高牙快親羽
儀之盛不知珠履未行肯一則會稽狂客否也

與王司寇論丹鉛諸錄

客歲三狀起居俱未獲垂報殊極悵豈鴻鯉浮沉將大教奪兀未
發耶自我公晉陟崇班蒼生拭目門牆末士踴躍曷勝想像都燕
間建朱節震華鼓醴酒大江弔古雨花風臺畔無論六代諸君卽李
供奉久擅金陵王氣今且却步三舍區區孫仲謀劉寄奴輩徒豪舉
一時胡足道也新春伏惟合候萬福靈光一柱南極一星撐拄照臨
大千世界蓋九州之內華封之祝有同心焉詎直鄙人私虞而已麟
自容夏病歸沉痾就平慈顏奄背創深痛巨幾不欲生深惟千秋不
朽之權有海內鉅公在冬杪倘能扶曳當擔簦負笈候命聞人計執
事不靳餘輝榮賁幽壤也病中檢摭裨官十數種生平佔俸概見大
都其半剗剗粗完尙多未備急于教削先此上呈中間數言稍稍舉

少室山房卷百十二

四

正丹鉛諸錄曩讀用修書絕嘆以爲國朝不可無比讀晦伯書則又
絕嘆以爲用修不可無惜繩糾所得僅十之三因取厥義例增而廣
之得失是非方冊具列不敢俾用修之誤復誤後人竊惟當世子雲
無逾執事故敢悉効其愚不知千慮之餘時得一否雖然執事今方
深入無諍游心太初談堯舜于戴晉人譬猶一映而况乎區區齊魏
之爭奚異乎蠅之左角也

雜啟長公小牘九通

臘盡以家嚴命強起涉淮屬徐沛運艘旁午鶴首復東中途改歲將
觀燈于廣陵雨阻弗克仲春抵瓜步晨渡大江遙望金陵宮闕神爽
翼翼幾欲奮飛迺賤軀瀕死之餘步履踣踣加以僮僕流移一水盈
盈逸如天塹惟是清宵魂夢恍忽高牙大纛間比聞憑軾趨南中者
日以千計龍門之盛絕古今益嘆鄙人之瓠落也

二

某於詩歌卽結髮從軍大小百戰而僻處海邦進寸退尺曾不足稱

王夜郎擁眾扶餘而敢矣希聖之盛惟近所著詩藪內外四編頗
竊自信管中之豹蓋生平精力畢殫此矣昔楊中散著書以俟後世
屬當世無子雲耳世有仲尼子淵殆庶幾且附驥類矧師友淵源未
及游夏者耶數朝計已卒業知齒牙餘論匪所惜也

三

執事之于文章也前無昔賢後無來哲內苞函夏外徹裔夷聲譽之
隆焜耀存日巨賢刻中當無二矣迺天之所為獨縱執事與執事所
為迥異諸人者叩之所以或真能知也告以所知或真能信也嗟嗟
執事少陵氏之在唐厄窮卒世當時雖觀餘子吾無暇責君如開元
帥如嚴武友如李白亦概棄且忽焉至元相國韓昌黎而後始論定
豈杜猶有待哉要以自信確然弗為時沮則屈宋曹劉甫也業先自
任矣

四

弘正諸賢律詩寡合而古作時自可觀嘉隆諸子近體偏工而古風

少室山房卷百十一

五

幾復絕響兼集其盛者執事外李何二氏國初若高太史亦庶幾焉
次公足稱具體此外非無名世總之一技之長願未易為人人道也

五

徂春結夏往來燕吳間越間得書經史子集一萬二千五百八十四
卷詩樂府歌行律絕一百四十二章名山川岩洞瓌瑋絕特處足述
所歷又無慮十餘生平之游弗壯于此執事得無樂聞之敢悉以布
于左右

六來云蘭翁新酒碧于
泉一斗真堪價十千

自明公之月旦行金華遂無處生活然尚據麻姑上游將無絲皇氏
伯仲故耶朝來驟得新評覺爐頭光焰頓爾萬丈急呼竹林舊游浮
大白三百澆之不知鼻端之出火也

七

金華三洞天朝真水壺雙龍皆幽靚皆絕洞前產嘉苾殊不下陽羨
建溪已買田其麓刻私印珮之日金華洞牧羊君何時仙躡乘罡風

過此呼萬石羊起立攜手大笑青雲中也

八

秋杪裏糧學同志登金華山絕頂夜宿孝標紫微岩慨然念其人上
軌伎君下劫悍婦終身戚戚無一日歡而此山此岩遂千古為其有
至國朝遇先生而名益爛焉彼華林之黷見惡乎在因以鐵如意擊
岩石大呼劉生姓名醉鸚鵡十餘觥林谷之間恍若有膏而答者

九

昌黎氏云楊子雲著書以待異世之為子雲者迄今千年未嘗有兩
子雲也僕未嘗不大笑具言士思不著書或著書不能千年耳夫世
有昌黎矣而尚為無子雲哉

與王次公

仙舟過澗不依獲以年家子側侍笑言蘭陰之下淹留竟日山靈動
色白雲晝飛子猷返棹昔為雅談方之執事殊有慙慙所乏者戴安
道為地主耳吳使嗣還伏荷手教麗藻素絲光照蓬室重以覆瓿之

少室山房卷百十一

六

業仰託大篇匪侯苞之素而過辱子雲之知度左思之才而濫冒士
安之賞即干載而下持以不朽寧獨一時知己感哉于時輒成二律
錄寄扁頭新春亟擬挾笈裏糧候公于匡廬絕頂則復以舍事倥傯
就道中輟俄聞副臬之拜側身西望愈益神馳伏惟明公以命世偉
才當石文鴻運期翔華省歷有歲年日且大究其用于天下令異時
屈指我明豪傑有臯夔屈馬合而為一者非古今文人快觀事耶豫
章奇秀不啻九江雖蓮峯瀑布颯達旌麾而西山爽氣日候几席暇
日登滕王之閣揮如椽而引大白昌黎子安有靈當局促三舍矣賦
成見寄引領來鴻無任惓切

奉次公敬美

自去冬邦相丈來邑即懸企台旌過澗為平原十日權中間抗疏乞
休恨望彌日暨豫章迎吏至知疏上留中輒又慶幸久之遇仙舟辱
臨敝邑不佞曾不能奉宿昔教也則何以稱北道主哉憶昨騰棹蘭
陰登高握手追晚言別情況種種神思欲飛執事念及斯時得無一

爲恨然否尊使還吳楚辱手教惠賜驛蕃殊出望外酷熱中展大篇
讀之清風穆然襲我肺腑蘭陰澱水再經品題異時遂爲勝地非特
鄙人幸也感佩何可言何可言車駕已至豫章江右諸公當復有倡
酬之什伏計內遷旦夕舟過做那更得于高牙大纛中望見顏色尤
私衷所切計也喻使歸里敬附短章珠玉在前令人辟易無論形穢
伏惟削而教之

與王太常敬美

婁江一棹載颯清光淡旬華館授簡飛觥窮日落月以二先生爲北
道主而兩司馬爲坐上客無論金谷蘭亭不知郢中鄴下能專此盛
否而應麟以世講之末濫辱提攜渥聆玄教迄今追憶猶神動色飛
于澹圃之間春和伏惟道侯萬福執事千秋大匠一代儒宗而永退
盛年棲心禪寂豈特名世僅見求之前代邈難等論第神龍威鳳終
非蕞澤中物昔右軍一憤遠引後世往往有未竟之嘆妄意執事焚
修之暇暫出玄關俾寓內蒼生稍落福澤旋復拂衣稷契巢由參合

少室山房卷百十一

七

爲一足稱古今詞場一大愉快豈執事無意乎名園清適大篇奇句
日益繁富曩面乞諸題計俱脫稿萬希揮擲以慰渴饑新正病臥未
能走候轄軒專人代叩暮雲春樹神與俱馳

報王敬美先生

客歲束書北上振衣龍門瞻望山斗十年寤寐傾倒一朝至愉快也
落羽南歸風塵眯目辱明公載啟玄關進之晤語中宵揚扈萬古若
新第于時玉體違和未竟請益西天阿闍隨見輒隱延平雙劍乍合
復飛不無悵悵耳行日承倦倦盛心最以大業應麟自矜非誦法古
昔窺約有年比來屢奉教言彌復領悟于古則樂選歌行近則五七
律絕叩源推委具得體裁構思吮毫時出蹊逕當意所獨得神情飛
動身世並忘南面王樂無以爲喻第犬馬邇來益苦多病竊恐力不
從心遵道中廢爲門牆累非復淺鮮所冀執事終始造之昨漫與友
人評覈當代竊以弘正之才博于嘉隆而精詣未極嘉隆之才密于
弘正而統括未全弘正材饒于古卽朱顏孫鄭歌行時自可觀律則

以獻吉爲之而猶未暢嘉隆材禪于律若吳徐宗梁近體各臻其妙
古則以濟南出之而猶未超故規雅道于儒門則廣陵才近體顏孫
長興德隣卜氏昌穀子業古選夷清于麟明卿近體尹惠仲默具體
猶顏氏之一間獻吉聖域類湯武之未優必求神化無方古今悉備
詞人周孔藝苑唐虞長公一人而已至如精詣則歷下武昌兼體則
信陽北地而且絕出羣躐自建旗鼓如迦文之後少林西來獨啟禪
宗別開甘露者執事一人而已同調翠然頗稱確論計門下燕閒省
及噴飯案頭也還山大序暨北上長歌統惟揮發側身東望神爽奮
飛

雜東次公四通

王穉欽不死可名才子吳明卿雖老祇作詩人二語于兩君可謂千
秋斷案大抵穉欽才具過吳卽詩文逕庭作者而天授處勃勃不可
掩吳才情藻繪皆匪王敵而近體卓然名家由工力深至故也若吳
自近體外諸古風樂絕種種非長而王之五言律雖長公擊節稱善

少室山房卷百十一

八

格終出吳下則天授難以盡憑而人工不可不力審矣鄙見夙爾昨
聞執事茲評不覺犁然心醉以爲王吳復生亦當款服而晚進深味
茲言受益非尠輒援筆退紀之弁綴一轉語以聞執事將無莞爾而
笑也

二

昨齋頭親鄧氏函史屬辭聯類足遠繼扶風而近珍構李亦文獻之
一徵也嗣讀其上編迺潦倒無所發明蓋下編先就且史才不易志
特其一端故耶陳晦伯博洽自居所著述自正楊外若經典稽疑數
種皆淺隘不足觀天中記尤僕所未解者類書之體有二匪博則精
此書既極挂漏又所輯皆凡近庸冗事以擬宋人海錄彼猶有意而
天中何也

三

李于鱗以詩鳴而唐詩選一書去取乖方靡關軌後陳晦伯以學稱
而天中記一書采掇蕪陋罔神見聞李序說大自矜持陳篇名高自

標目良可作對往嘗疑詩刪匪出于鱗昨始得之執事將英雄欺人或才識異軌耶第李序雖持論過高獨造之見尙足千古陳故一書籠耳詩文意義多所未請矧操筆自運而可責之然天中類書摭摭故典本子見存亦何難辨而疎淺若是唐宋迄今類書存者十數家得失短長大都等埒明無類書而是編之輯殊爲可笑蘇子瞻以五臣注文選俚備荒陋詎日增足于蛇已耶

四

劉義慶世說一書誠古今絕唱所謂三莫有遺音者然至執事伯仲始大顯長公序中四語得其神際卽令世說自評無極此妙願學人未易點頭執事復卷爲之標句爲之釋遺恨無毫髮矣第前史藝文志臨川所纂尙不下數種今一二存廣記中較世說香壤不侔也豈精力固盡此耶

書牘一十三首

漱水胡應麟明瑞著

報左司馬汪公

應麟生長于越材質庸下行年三十落落于時顧聞海內文章鉅公
 有身任千秋萬世之責者必擢衣引領冀一趨其下風蓋自燥髮迄
 于今茲猶一日也曩歲浪遊燕中每從一二兄弟捧誦執事諸大篇
 輒擊節服膺以為丘明太史並見當代惟時執事方馳驅四方折衝
 萬里戰門大纛之下草茅禮絕不敢以姓名通既執事拂衣東歸黃
 山紫氣咫尺相望日夜裏糧負笈庶幾一登龍門坐家母沈疴歷年
 日尋藥物盈盈一水奮飛無從竊意大人君子棄置牙頰間久矣邇
 者喻明府坐中伏辱瑤緘下訊慰誨拳拳且勗以青雲期以大業五
 內鏤刻如不欲生古人薄感恩而死知已曰知已不易遇也如應麟
 者謏才末學無異醜雞卽有呻吟何足當名世鉅公一映迺執事以

少室山房卷百十三

一

奉汪司馬伯玉

自秋風起嚴瀨日候仙查既則歲行盡矣知執事遲遲其行以愛弟
 故也因東芻漬酒東下婁江哭司寇公于舟園哭奉常公于澹圃瑯
 琊二墅風物宛然觸目劇心靡匪河山之感追惟曩歲縹緲樓臺飲
 仲淹跋扈飛揚而執事丰度頽如恬如穆如廣廈百間澄波千頃混
 茫空洞了無垠際兩王公墳篋二美并合一朝明月並懸高霞雙映
 邇不佞嶸崎可笑亦令點綴其間十日華陽縱譚今古真宰上訴萬
 象欲新乃至改席良霄張燈乙夜名花異卉左右錯陳俊味芳羞先

後層出子夜數闕清商半部軟語冷謔皆肯間之神動機流阿平絕
 倒真如大雪行山陰道應接不遑迄今眷戀舊權庸可復再衰草斜
 陽寒蟬荒笛一慟而外他非所云伏計執事俯同斯念異日者青牛
 望氣白馬踐盟奔園澹圃真是不堪重過也王氏諸郎君朗朗玉立
 瓌姿異質咸自絕人渥注丹穴之產故非凡翮下轅所能彷彿嘗試
 竊窺其志慮庶幾克紹前芳不僅僅朝暘天廐而已長公身後屬籍
 大篇以存者任歿者是在執事攬觀古昔文人類多抗厲卽國朝弘
 嘉二李雖開創之勳迄今為烈興起之效逸乎未聞至同好相凌同
 名相戾尤藝苑之中膏肓之疾復有生食其力死食其言者紛紛輕
 薄殆不忍譚惟我汪王兩公偉度冲襟囊括海寓如南岳青原並收
 法嗣維摩師利互闡教宗一時善信稽首皈依就之如雲望之如日
 且瑯琊才具之于濟上不啻諸葛之視魏文而推賢竭誠無所容口
 執事年輩之于長公大類青蓮之于工部而和衷合德無復二心迥
 視李何往復紛爭幾以詞塲化為敵國良可慨嘆夫于鱗身後長公

少室山房卷百十三

二

業任之矣長公身後匪執事嚆任也曩長公存辱命為傳茲集序仍
 玷姓名一么麼鄙生厠五六鉅公之末執筆忸怩罔知所措稍一搆
 思愧汗淫淫繼之雨淚簌簌矣願幽真之寄終不敢忘所冀大匠宗
 工不吝教我俾仰藉寵靈下報知已萬一不勝大愿春寒苦雨日高
 卧太函中奇句新篇動盈篋幸毋金玉以慰遐心仲淹此來安否
 仲嘉游道若何士能奇與勃畫持牙籌入都邑作豪估夕擁燕趙
 卧狹斜鬚髯如戟丈夫熊殊可念第黃四娘家滿蹊花木頗闊易主
 不虞冀北羣空耶想像執事嗜昔風流倏忽又如隔世矣中年後一
 作書訊知舊傾逝離化之感百端交集宛然喬洗馬度江昔狀曹子
 建所謂保玉體享黃髮長獲我心屈指當代賢豪喪頽幾盡伏惟執
 事為世靈光為時大老當今氣運盛衰中國輕重詞塲有無蓋以一
 身係之萬惟加餐自愛以上膺穹眷也

中秋湖上飲歸東伯玉司馬並元敬大將軍

東南之最勝者錢塘也錢塘之最勝者西湖也西湖之最勝者湖心

亭而湖心亭之最勝者中秋月色也以湖心亭而當中秋月色而得
司馬公暨大將軍爲北道主而又得海內名流十五六爲之客而又
益之以不佞胡生之狂謬亦濫竽其間焉茲游也茲集也可謂才兼
乎文武而美盡乎東南事絕于湖山而聲光乎宇宙得非千百年最
勝中之尤勝耶夫泰甚者衰之候也盛滿者缺之徵也惟尤勝于千
百年之最勝也而造物者弗能無忌矣而醜酒者弗能無諱矣而古
人最勝之集屈指于千百年而弗足者于是乎折足乎一夫而有餘
矣夫詩文書畫其體殊其用一藝則鈞道則鈞道不朽則鈞不朽
不足爲則鈞不足爲然而鈞之未有非其才而至其域者也古之同
學書者弗勝則去而爲畫同學畫者弗勝則去而爲塑藉令全學塑
而弗勝也下于塑而可至其域者彼且樂爲之何也彼誠樂于至其
域而無所取于蹈其名也夫詩文參天地關盛衰書畫亦合神明符
造化東漢諸賢伯英子玉輩不以文易書東晉諸賢逸少世將輩不
以詩易書三目翁不以書貶帝虬髯公不以書貶王曹孟德不以書

少室山房卷百十三

三

貶霸虞永興不以書貶忠歐率更不以書貶孝褚河南不以書貶諍
顏平原不以書貶殉蘇子瞻不以書貶才黃魯直不以書貶節朱元
晦不以書貶道趙吳興不以書貶藝虞伯生不以書貶學王介甫不
以書貶拗張思光不以書貶狂米南宮不以書貶顛歷證古能書之
名書于人果何負也而稱彼能書又實匪不肖意也藉令不肖意而
所稱又實匪其人也湖山盛集觸目琳琅家享黃初尸屢大歷其孰
非詩而且文者至于書則不必人人能不肖所爲舉公瑕而獨贊之
也猶之乎頌明公之武功而美戚大將軍之文事也夫公瑕之詩不
肖固贊之不啻口出者而彼以爲譏則僕于公瑕亦有所譏耶蓋不
伎有是言誠爲公瑕而未嘗爲彼而彼以沉涵之餘乘閭晉之後修
睚眦之隙報疇昔之故跳梁于湖光山色之間嗚呼于朗月清風之
下使其林慚無盡澗愧不敬王衍無服于清譚賈誼屢爲之太息蓋
自有中秋有西湖以至今日未有若斯會之奇亦未有若斯會之厄
者也雖然其人醉矣甚矣而與較是非計得失是不肖亦醉也而亦

甚也况其始而怒號旋卽創艾長跼乞盟者再指天畫地而自誓者
三皆金觀察沈侍御所目擊當其時不肖第付之一粲而已而何所復芥
耶以執事方酬酢眾寶事之顛末或未曉暢其詳且使問之惓惓也
故敢布腹心于左右者

與汪司馬

歲杪成大將軍過溪上蕭然起居計入尊覽首夏北歸抵京口友人
拉遊浮玉徜徉大江雲濤雪浪間遙望焦光先生宅隱見鰲背猛欲
移舟一登而風雷陡作竟爲同行所尼比至吳門問訊則聞翁避暑
吸江之亭且匝月矣一水盈盈坐失良晤悵恨不可言已附小刺景
升且冀仙槎迴日胥命嚴灘迴關門紫氣迄今杳然將取道餘杭更
如曩歲耶朱博士以堪輿赴歙敬附八行俟明春賤恙稍瘳躡蹻龍
門用慰十年饑渴也前寄扇頭詩極草草茲更賦七言一律薄展候
衷伏希大匠鍊削不宣

報伯玉司馬

少室山房卷百十三

四

自餘杭別僊駕再宿遂抵金閭周公瑕健飯猶昔獨兩耳曠曠甚已
於歲首辭謝一切謁者以先宜人誌出執事大手筆也而不肖復通
家累世誼萬萬不得辭因強爲書石適刻工沈幼文偶暇旬日鑄成
神采斐然精華奪目自詫暮年最得意書也新春方擬貢上揚成者
百幅適鄉人賁大教至云仲淹已卽世矣十載同盟一朝電露私衷
悼惻何可勝言執事天篤友于際此故難自遣第瑯琊泯沒宇宙寥
寥砥柱詞場靈光藝圃萬古文柄執事一身繫之卽手足之恩勉爲
少割且仲淹學成名立第五之稱實足以豪而其遺文在篋孤子藐
然微執事而孰爲經紀之此不可不蚤爲計也僕比來舊殖益荒間
取樂府諸題一二擬議之六句之中遂得十卷已刻成并誌銘頁上
此道蕪沒千年瑯琊一振今又厭厭長夜矣不肖間得其意耳于古
人無能爲役也白榆百八十章啟之旬月固霍嫖姚天幸實微執事
寵靈惜不獲長公見之雖然日月逝矣後人螢燭微光藉有所明不
過容隙執事濫賞至以吳匪越班此非鄙人所敢聞命嗟嗟夫豈直

今茲千百世而下事已定決矣世儒猶習晉亞父鴻門之役謂沛公死天下寧無沛公通自漢距今未覩有兩沛公也千百世而後之于長公可知也不肖近為長公續彙序讀者頗有阿私所好之疑夫古今作者方冊具存試歷舉不肖所列諸家參以弁州四部二藁虛心易氣互見短長然後知不佞之語為不慚而弁州之造為不易計當今寓內惟執事首肯斯言他非所敢必也若騷不將楚賦不逮漢古詩不敵東西二京則自唐以迄今日皆然不肖夙持此論當長公存日屢發其意于詩藪中長公弗以為忤且非獨自唐歷明而已建安黃初去東西京幾何曹劉諸人製作已大逕庭昔人論禹入聖域而不優謂堯舜之後復有堯舜且猶難之噫此未易為耳食道也若夫體多總雜而間涉豪麗格務兼該而時流輒近語必瑰奇而或傷浮巧事惟繁密而小遠性情此弁州之大亦弁州之病弁州之病亦弁州之大惟是初學讀之則茫無入手習之則率虞捧心故不肖嘗謂唐之老杜今之弁州皆學人末後一着非入門發軔所先政若汝其

少室山房卷百十三

五

離而標其合則唐人何渠能越老杜今人何渠能望弁州譬則崑崙為天地之心九州之脊欲升高極遠五岳三峽足矣始發足而問崑崙崑崙不僵仆中道者然惡可以衡岱廢崑崙也况五岳三峽既陟其顛崑崙或可循級而至耶自弁州伯仲之沒不肖每一吐詞捫舌輒止願今日所以道弁州即異時所以道執事抱區區之臆而不一驥首長鳴于伯樂之前非夫也蘇文忠公謂言有大而非誇達者信之眾人疑焉當今之世所稱達者舍明公誰耶近讀老杜存沒詩悲嘆陡集因作入哀篇首瑯琊以識歿者五君咏首執事以識存者雄飛北地前獨步弁州後自謂庶幾實錄竊以明公與長公一時並起無論文章殊絕即人品度越古今要皆巨賢剖中一二創見匪可以世代論也弁州坏土未乾而生前所素躬翼駭叛而之他薄俗紛紜殊可鄙畏天幸明公以厚德偉度鎮定其間第恐更二十年前輩風流邈不復覩矣言念及茲令人太息伏惟強飯自愛努力景光以對玄祐不宣

奉少司馬汪公

客秋天幸瞻躋臺斗于湖光山色間辱公倒屣龍門齒諸國士而大篇日揭錫以千秋尤未學後生沒世之感豈直鑲銘心骨而已婁江之行獲侍杖履遂得載晤兩王公張司馬暢飲劇談皆非人間世所有函關紫氣高陽德星平原豪舉古今三盛事不旬月間成躬遵之抑天幸中又有天幸矣旋舟日小駐中途遂致相左武林握手倉卒臨歧言念河梁悵惘欲絕不肖返舍後因卧衡茆日尋湯藥馬齒浸長樹立茫然未審將來能以寸尺慰藉盛心否公碩德偉望大業鴻猷社稷華夷繫籍輕重茲尊服告除海內蒼生喁喁綠莖寧終斯一出以酬名世之責耶聖書旦夕南下麟雖病且憊猶能持雙柑斗酒遲彩鶴于嚴陵歌大厦之章以壯行色也

雜東汪公談藝五通

何主臣將至慧月天人傳讀之神爽飛馳真使人有乘查犯斗之興自昌黎毛穎兆派西來祖襲紛然至于獨成一史總之不離子長故

少室山房卷百十三

六

躡執事茲文躍出則前人撰述併廢一朝不知後有作者從何措手耳

二

辱垂示鴻篇古風蒼勁閑遠多得黃初意象視東西漢溫夷稍遜然無一語入梁唐諸人歌行步趨王岑幾于十肖五六五言律整而健實而沈絕句雅而冲新而峭至七言律高華儷密雄大精深千鍊為格萬鈞為字屋下武昌真可鼎立為三而排律之愈出愈奇益多益善又非吳李等班當議之王氏伯仲耳今五尺童子能知公文而白首藝林者于明公之詩或未能悉癘壹與明公不鄙而令不肖評定之不肖不敢有所隱亦不敢有所私謹粗據管窺以復惟大方萬一采焉

三

大雅堂四劇雖文彩翩翩而精嚴密麗工極人間自當為南音絕唱元人第長本色耳稍入紛華即關鄭王高不無冗複之累視明公才

情奕奕而峻潔清冷一塵靡染者竟代寥寥何時更叶北音集長勝國使崔蔡三家不得專門虜世亦藝苑之賞心也近作十卷漫呈訂執事朝來且噴飯盈案矣

四

近讀山陰徐文長氏四聲猿惟壓卷禰正平罵曹氏一章佳耳中饒本色雋語矯矯不入南音細檢之字意亦多複雜且用韻時有重者此勝國名家通病益以見執事之超然非良工苦心故未易識也梁辰魚紅線足稱本朝雜劇鼻祖豐而潔麗而清繁而不亂第本色頗為彩繪所勝若浣紗則終篇無一佳語往往鄉社老人動止供笑矣且執事水雲深處南北詞寫夷光少伯心事委篤如訴而文極雅緻即元人煙波釣叟三舍不遑彼不知遵用而自出譚語結案去為蛇足者幾希徐四劇自首章外木蘭差可誦餘亦庸庸門下皆已觀否

少室山房卷百十三

七

白岳海內名區而舊志篇章遂無復致佳者當以執事四律為開山祖也惟文亦然不肖十二章分咏諸勝槩頗為不惡方之盛賦恐不能馳躡後塵耳人旋附去須大手錄削之

自款歸再報汪公

奉違几杖炎沍載更矣追惟曩歲棹孤航浮夜雪泝四百灘伏謁太函之下執事倒屣而進之把臂談天挖揚今古上窮羲昊中覈漢唐下綜昭代製作污隆體格高下燁如懸鏡茅塞洞開爾乃升安昌之堂入高平之幕卧汝南之榻傾北海之尊無畫不游無夕不燕登山臨水窮日落月誠生平之豪舉寓外之極觀也瀕行辱長者高車饒別浦激順流東下疾于乘飈迴望三天子都不啻香漢西風翹首躡爾魂銷惟是鴻筆大篇奎聯壁耀衡茅之下日奉周旋九鼎萬鍾槩無論矣仲淹溢沒痛悼不勝幾欲持生芻絮酒奮飛谷中且以其間搥挹末光重修社事而病冗交妒行或尼之新春伏惟尊候萬福盛德大業富有日新玄貺特綏無庸贊祝慨惟嘉隆先達喪頹略盡瑯琊墓木行且翳然獨執事崔嵬靈光師表一代穹苞壤負岳聚川藏

六軌所通無思不服蓋皇王之烈匪霸伯之勳葵丘城濮咸在下風軻氏所稱以善養人中心誠悅于今觀之桃花源紅霞千樹絕勝武陵幔亭雲氣五色亭亭如車蓋執事當茲春和景明之候乘肩輿出郊遂挾二門下尋歷舊遊簫鼓競前絲竹沸後寶釵旁列珠履錯陳西方南面會無越是座中大寧雅歌少廉雄辯士能狂與故應靡減昔昔第桃葉度江蘭陰隔水二仲翩翩又弱一個恐銜杯念及時為憮然耳長君久客廣陵比復何似次君汗血異常行且歷塊空羣蜚聲天廡矣大集制氏迄工方揭日月而懸宇宙奈何令鄙人一朗誦之偶值便翔起居記室惟葆攝天和以膺遐算不宣

報汪氏二仲泊獻于肇元諸昆

司馬公以文章命海內所謂五百年而一覩者迺二足下以同氣懿親左提右挈更倡迭酬不出家庭而聲走寓縣豈三天子都清淑之氣蓄之千古而未洩而一旦盡洩之峪中耶自二足下以字顯而求羊兩生措足無地行且削迹避二足下詎惟驃騎之名第五不咸即司馬公命世大業安得如隆準所云孰與仲多哉獻于肇元兄弟並復佳否異時躡屣屐中觸目見琳琅珠玉也

少室山房卷百十三

八

少室山房類藁卷百十三

澱水胡應麟明瑞著

書頌十四首

報皇甫司勳

憶若歲過吳閭伏謁龍門之下冀瞻望顏色一奉教言適明公臥病
精廬掃絕塵軌卽片刺無繇自達訊諸關人知河魚作楚旬月矣嗣
是孤蘆之間率扁舟夜度盈盈尺水實若明河每長嘯臨風未嘗不
竊嘆御李之無自也客歲遇周公瑕于燕市極口稱明公注問雅情
方圖謁姓名于左右而子鳴持大教繼至則司勳全集爛然辱長者
之垂施焉僻壤鄙生胡游膺殊寵至于斯極豈明公過聽二君子以
不佞獲天蠶海而窺于雅道之萬分耶不佞嘗謂五季以迄勝朝
六代三唐流風掃地弘正諸公鏡情復古要以振起當今可耳揆諸
曩昔恐叔敖優孟後世不無異同何者弟子高師一著僅及其師北
地信陽之才不能越馬班李杜而詩文製作復豈真陳規則奔走步

少室山房卷百十四

一夢 澱水

趨固已遠巡塵後矧時代所歷有未能盡超者耶故不佞嘗以當今
心世不可無何李而尤不可無明公非苟爲佞也明公菁英天授視
三唐六代殊自錚錚而業以功深境由玄詣語六則縱橫自得變幻
從心語詩則色相盡空神情獨會試以司勳一集上律齊梁諸子大
曆十才高者逾軼沈謝錢劉平者不失陰徐即取即前人羣然復起
有能增損隻字者耶生平骯髒獨于明公傾嚮渴饑北鴻遺發敬附
入行未竟緒言胥之面晤

再報子循司勳

王次公云千秋而下信陽北地容有廢興觀察廼功必無絕譽僕三
以其知言若執事六代之文舍沈吐任饒顏凌謝五言之律苞元孕
起驟冉馳會詎惟十得八九幾于毫髮亡恨且超乘而前矣故嘗謂
何李徐高西漢盛唐而不足者也執事江左大曆而有餘者也絕長
補短政爾相當今之爲劉爲呂不佞以爲皆非也卽散體之文長句
之律勢所難兼然所謂同能不如獨勝也

報徐子與

□□□□□元美蹈海黃金臺館闌其無人頃天幸明公上計明
堂一時諸子雲合景從華陽碣石間復爲雋國第迴眺往日西曹不
無逕庭所謂極盛難繼耶不佞覽楚變驢風塵眯目三千里入長安
僅明公日夜周旋差無憾耳惟敬座中載奉談笑穆生醜醜周郎醇
耐依依心醉席寐念之辱論鄙言獎提泰過嘉隆弘正邈矣前修何
敢以邦莒之賦妄意代興惟長者不棄成言所謂蒼蠅絕塵政自無
妨騁驥南皮之會面卽不宣

報張肖父司馬

車騎過葵城辱枉訊家君下逮小子屬萍梗江湖不獲從激水羣兒
竹馬之後抵舍讀論教拳拳彌感且愧明公材兼文武任隆將相古
今詞客力屈事功至明公迺一洗之萬內抽毫孰不仰沫壇坫之下
願倦倦以雍然一代謬借芻蕘豈過聽瑯琊愛忘其醜耶青衫上謁
遂承破冗過存大貺丘山逾切蚊負之懼偶司馬公訂期三弁躉別

少室山房卷百十四

二夢 澱水

高牙春深旋越晉謁不宜

與吳明卿

不佞束髮習詩歌則聞寓內有明公矣于時直以明公齋駢五子狎
主葵丘耳既稍稍習見諸君子製作集衡而篇角之迺知名公材力
固伯仲濟南而沈著森嚴雄深渾麗旬百鍊而字于鈞蓋上自開元
下迄嘉靖直接杜陵五七言律者明公一人而已不佞少遊京師於
當代名家靡不接席至心所獨醉矣州而外惟是明公每誦藏甲諸
編輒神明爽然爲國朝詞場一大快第楚越兼葭美人千里無由縮
地少奉晤言中常快快竊謂明公亦同此懷當今左袒滄南十夫而
九不佞時抗論焉惟王次公所見略全自餘鮮首肯者計惟明公能
自信之百年而後公論迄定不佞其嚆矢耶詩藪三編近頗行世辱
長公驟許以爲千慮之得注司馬公亦以公心獨見濫推總之私衷
謬臆廿載以還逢入嚆嚆不輕吐者比歲沈疴枕席竊恐遠先朝露
不傳已出之中間數則僭及明公聊用附諸隋和之未然非緣是以

求知下執事也黃孔昭過激水極稱注問雅情傲邑章生者頗習詩
景慕高風銳于饑渴且夙聞邑之方子嘗蒙顧拂輒躡躑負笈遠謁
門牆惟明公與進之

報灌父宗侯

讀中州人物志洋洋乎鉅麗之觀也無論文章典編班范而下邈焉
寡傳至采摭之勤揚扝之當真宗國之著龜昭代之良史矣李何王
高等傳尤見執事精神所注昔司馬子長纂史記而奇文特發於游
俠刺客間至今儒業者流恆誹其庸庸詎若執事極意表章皆學術
才華羽儀盛世之士也此書成而諸君子不相與愉快九京以執事
爲地上知己者僕請任之不佞下里韻蒙甫學聲韻管窺悉測曾不
足當楊氏之烏寧敢自附公家之駿迺大教過情推挹至並舉中原
豪傑責望將來公所以弘獎氣類庶幾追配古人藉第令一么麼海
上鄙生胡以肩荷也嵩高二室不佞夢寐之中日夜觀之乃今獲以
童子當國士之知入洛之懷何能復已冬初策羸馬曳長裾追逐羽
蓋於三十六峰之上俟孝王之國雲花十丈登臺染翰與執事同賦
之

少室山房卷百十四

三

與黎惟敬三通

四千里入長安門冀得荆州一面耳乍傳車騎抵潞陽瞻望踴躍
擬策蹇衝馳叩行軒則連朝風雨妬之惟寅見柱以長者通讀鄙言
謬相擊節有欲避三舍之稱令人惶怖無地齒牙餘論一日獎借至
斯顧異時國士厚知胡絲報塞孫陽氏佇足冀野馬羣遂空要以駭
異渥注無難歷塊迺不佞之駑劣豈其人哉裕卿往敬布腹心縷觀
願言需之異日

二

西園盛集公豪興遺發浮白玉舟百餘醉中作二酉山房四古隸咸
稱奇絕僕楸枰藉公靈爽亦屢占上游同座以裕卿大北爲耽耽不
平然其能一籌難我也

三

詰旦惟寅載酒肴拉公泊思伯裕卿在明同登顯靈宮閣晴雪萬家
縱目昆明太液聞何異會城絕頂二小羽士風度迥致佳且善詭覓
裳三疊公當蚤一振衣也

報歐楨伯

片語墟頭遂成宿契高陽十日逾越千秋而鉅筆鴻章懸揭海岱卽
無賴南征未嘗不爽然白適也衡陽巫峽之間魚沈鳥浮迺病子株
卧一丘足音屏絕騁從自楚而蜀蜀而復闔與武夷君酬酢歷歲無
繇致一耗于門下至先拜大教之辱媿罪何言陸生行附致懸耿涼
秋躡兩青鞋訪公白下當合燕磯牛首山川色飛耳

再報歐楨伯

諸集高華秀朗世所共欽迺使事之工聯類之富綺而不繁大而能
化則自老杜外惟弇州伯仲伯歐先生三耳仲默于鱗名高一代要
以風格與象抵掌開元至綜貫百家下上千古非其所務亦非其所
長良工苦心同調調疎知我罪我斯言不易承秋深言返初服公亦

少室山房卷百十四

四

嶽藝林方爲海內所急胡能一旦飄然卽欲南歸何哉近舍西洽遠
尋南岳大江風濤舟楫不易輕觸浙上無異康淫橫病且億猶能攜
斗酒相遲溪頭爲布衣十日飲息壤在彼惟門下毋他圖焉

與黃淳父

少讀五岳山人集私衷竊勃勃鄉往焉願墓木已拱無餘一把臂吳
楓秋色中已復從子鳴諸君讀足下句曲諸篇嘆曰勉之不死矣過
金閶亟擬懷片刺卧齋頭縱談千古屬家君北行期迫無寸晷之暇
頃歲因緣裕卿始獲通問問下執事旋辱手札報以瑤瑤古調清聲
隱映眉睫不惟恍觀足下且恍觀足下先君子矣中原何李勃興詞
流雲集而載籍極博未觀其人爰自尊君超乘而出蟲魚科斗精研
極索詩文縹緲雅亦稱之迺足下天挺才情諸所結撰形迹不傍色
相都空蓋尊君鑲金雕玉而足下初發芙蓉猶之光祿臨川各擅其
美本朝藝苑相承聲華奕葉者江夏之外耳目無雙矣裕卿翩翩豪
舉布衣之俠意氣難干獨推轂足下不容口酒中輒稱足下往客金

陵攜漢玉巨觥入長干東南諸曲潑倒酣暢美人持箋索詩及書者數十輩足下手不停揮俄頃成集逾令人寤寐高雅垂虹亭月色萬頃何夕維蜻蜒小艇放歌散髮同載而南也

與周公瑕

憶從家大人謁刺門下不佞僅十齡耳于時瞻望顏色竊以門下非今之人也古貌古心實出塵壙當求之幼安叔度間方今江左第一流宜無過者北抵燕中華陽碣石豪雋如雲不佞猥以微詞爲惟敬諸君賞識獨恨無從接門下一談戊辰南返輟棹吳閫適門下受聘東諸侯玄纁蒲輪爲黃金臺上客秋杪載抵燕中亟訪寓舍則風馭冷然出長安旬有五日矣竊嘆名流契合古昔惟艱胡不佞于門下載世通家而齟齬道途若斯之巧也已物色一二酒人咸以門下讀鄙作于管秘書席上擊節咏嘆有可冠四壁之稱令人既感且作門下三十年藝苑名家迺不佞劔竅微吟庸詎足當晉人一映而不惜齒牙輒推至此益信門下古之人而匪今之人也自今以往僕固奮

少室山房卷百十四

五

再報公瑕

鄭文學以誌事及門牆漫往側理數番索書仲長統樂志嵇叔夜養生二論垂省入矣憶與足下晤金閨迄今淹冉六載吳越相距一葦非遙而音問濶疎茫如異域昨冬計借而北屈指過姑蘇首詣足下信宿天池登蓮華峰絕頂歸拉幼于伯仲痛飲俠香亭却假吳娃雙漿載足下虎丘噉茗千頃雲爲別亦大快心事而春期迫甚竟爲二三仝人所尼踉蹌解維亡論勝緣抹殺卽數字不及相聞想像夜泊寒山江楓漁火一段旅人况味今猶憶憶曾臆問瑯琊公歸臥祇園主盟斯道而足下以古心玄覽左挈右提一代風流于斯爲盛觴咏之暇曾否齒及胡生耶彭廣文來知足下健態猶昔七十老人篝燈夜坐作蠅頭細書終篇無一潦倒大似廉將軍飯斗粟據鞍上馬昔

何修致此鬢鑠艷羨羨僕年甫不惑老境已種種迫人聞足下內好尚未衰諸姬玉立當御美哉周郎南面之樂胡以過也承春深游目湖上桃花柳色念之令人奮飛計三吳奧區足下皆幾彈歷廼嚴陵仙都赤城二雁宕併不勝金華三洞天咸僅僅咫尺胡乃靳此數百武令大川名岳不一潰周郎筆踪高秋涼爽作十日布帆計便足了此足下果有意乎青鞋皂帽惠然南來則蘭陰之下尙有孳長生瓢負九節杖以殿遊屐者毋若子猷之興盡也稱修才猷揮霍而局促一瓊唐人雜纂所謂窮波斯病醫人不識字措大殊邈不相稱可笑第此君伶俜瘦骨日擁如花卧牀第尤似非宜天女維摩故自病中有宿分人匪羅什吞針實難不見許旌陽炭婦耶桌極傾倒足下不惜齒牙一爲破除此障恆河沙界功德也華陽碣石問諸酒伴比來一一相聞否新填宿草觸目友生惟敬壽承思伯子鳴裕卿謙之先後作白玉樓客天留足下爲吾黨中碩果何時面孔相向臨風悵然

少室山房卷百十四

六

少室山房類集卷百十四

激水胡應麟明瑞著

書牘十五首

與大學士趙公論東西二虜書

長君至自燕中甫解裝則大教發焉盟誦載三冷然金石之音從天而墜而二錄細繆互映又恍然由石渠之秘而披芸閣之編也以相公執事端居廟堂密勿之中萬方待命而不遺草莽軫念衡茅至于斯極即古上臣休休吐握一饋而七十起者矣殊哉伏惟執事躬聖賢之學負豪傑之才自蜚聲玉堂正氣直節已岳岳動海內茲起昌辰握鼎鉉調元化運斗樞登庸以來三光順序百神受職黃重白與霽慨雨霖此大人正已物正感格帝衷之明驗也頃窮邊小醜戕賊主帥負固重城奮螳臂以觸天朝而日本兇渠陸梁島嶼襲奪我藩邦狙伺我甸服東西二方亦孔亟矣執事聲色不動簡命元戎授以方略不逾旬月叛黨肅清父子纍纍組繫閣下一時伏饋適比者又

少室山房卷百十五

一 步 遺 度

聞平壤大寇羣倭鼠奔封豕長蛇旦夕殄戮即公且往往山甫薄伐僅此繼見裴中令之平淮范參知之懾夏皆下風矣不佞以通家世誼竊觀末光陰受太平之賜慶幸曷勝自惟迂謬狂疎生彌寸樹惟是估俾呻吟羸二十載于古鏡歌古吹等曲竊觀一斑將追做韓愈氏作爲詩詞以鋪張武功揚詡聖德且俾天下後世采錄民風參稽野乘者備知執事垂紳正笏措天下于太山若此雖然芹曝之衷竊有獻于左右夫統萬之平也固絲社稷之效靈廟堂之定策與夫邊將之戮力逆黨之天亡亦以西郵諸敵玩弄我掌上出入我彀中無復英雄之度故也今大眾解嚴人心懈弛反側得亡有未安乎瘡痍得無有未復乎萬一餘黨尙存規圖前事勾引羣敵中之善戰者乘我無備出我不意負緣復入互爲聲援海內英雄藉之而起其憂更有大于曩日此不可不爲蚤計也夫平壤之寇也功則偉矣顧巨寇方張詭變叵測懸軍絕塞主客勢殊樵采易撓飛輓難繼情見勢屈何以自援昔魏太武禽赫連昌于統萬旋即罷歸定以殘孽招合爐

餘更據邊陲幾爲勅敵竭國之力而取之唐文皇以古今善將將天下精兵頓安市堅城之下竟不能一抵平壤亡功而還至宇文述滲水之事足爲永戒雖繼絕存亡除兇伐叛堂堂天朝王者之師非前代驕卒貪帥兵出無名者比而二方故轍昭灼簡書草茅書生長不能無漆室之憂杞人之戚執事方博詢萬內石畫以與太平豈遂以不肖爲狂爲迂也竊以當今之策西事已寧者宜速論指邊臣一切燥濕其前非而更張其做轍行寬大之政養和平之福開生息之源柔詿誤之徒收桀黠之效而明斥埃于外詰戎兵于內俾士懷其安民忘其敗庶瘡痍漸復反側自安十年之後葆大藩滋更爲雄鎮雖有狂虜自足以懾窺伺之心至救朝鮮之事示以便宜戒之深入毋貪功毋玩敵毋養寇而俾我大兵之成遠左者多爲之形援四張其聲勢務令吾一身血脈呼吸關通即有緩急辰發已應使朝鮮之君循行境上招徠其攜貳傾誘其散亡彼腹臣心膂貴戚遺氓聞故主尙存而天朝爲之規復將揭竿斬木以剽仇讐簞食壺漿以逆戎陳

少室山房卷百十五

一 步 遺 度

然後出吾兵之據平壤者椿其心發吾之成遠左者擣其腹彼欲去弗能欲戰弗角欲欲守弗固不半載而勅敵之載懸于橐街可也吾誠若是則振古之功成善後之策備執事所爲上報主知下厭眾望者炬赫炳耀竹帛旂常高揭大書詎惟我百里光即垂諸千禩永永不朽矣以執事之明灼如鑑而不肖一書生謬談天下大計至此可爲捧腹然古今載籍事有類此無慮數端則皆歷觀其利病而不敢以無實之空言進也惟執事者熟籌而審計焉倘萬一以爲可采則國家幸甚桑梓幸甚

報少宰趙公

踰瞻垣斗載歷歲時屬賤疾膏肓即長于嚴瀨一水盈盈莫能鼓枻而東以庶幾旬日之誨迺尊者之賜儼然辱先臨之盛藻華絨煥逾九鼎感私謝臆殆將奉以終身竊惟執事剛方之氣峯崿萬仞鴻偉之度周暨八埏寓內蒼生若近若遠拭目繫心久矣茲留都暫借天假晝遊旦夕徵拜大廷舟楫西夏身係中國安危昇宇宙東南千古

生色詎惟發人一方私祝私慶而已承弁州晨暮聚首文殊摩詰二
大士互說妙詮將遂令大地山河六種震動若何令須菩提舍利弗
輩與聞之首夏清和南中多暇雨花牛首高座諸勝日嗟峨尊俎間
倡和篇章動盈卷軸願一一致歸勒飛雲片石之傍爲異時靈洞山
房增一卧遊公案也

奉大司空朱公

鄭商行肅狀起居尋挾書北上日踐跋牛馬走中首夏南還晤長公
知福履方來不任私慶翁累朝宿德一代元老雖道遙緣望怡神太
虛而鴻烈駿猷屹然與匡廬南斗參峙大江昔人所稱身係中國安
危殆非虛語應麟忝收國士亦越十年碌碌塵埃亡一善狀屬者稍
欲以雕蟲自見而幽憂疾疢日尋湯藥文園病軀青蓮傲骨長康愁
態孟郊窮愁兼茲四子合爲一身無昔人之寸長有古者之眾疾當
今棄物自揣其尤落羽造歸勞苦徹骨叨竊洪庇遂煖桑榆圖書萬
軸金石千卷蝸涎鼠壤差用自娛且遁迹廣川長谷遂其幽深問以

少室山房卷百十五

三
步
選
慶

畊釣之餘成一家之業庶幾上酬教範盛心生成大德而二親在堂
旁無庶弟下寡弱息顧戀徘徊未便長往惟我師相始終造之家君
比歸自滇父子晨昏頂戴高厚非言所既明府使西附致犬馬新霜
乍寒珍攝道躬爲宗社爲生靈自愛不宣

奉滕中丞先生

春暮蘭陰一瞻道範屬樓船迅發悵悵迨今師碩望駭猷昭揭寰宇
宏才絕學振起東南茲偶以萋菲莠言飄然岩穴青鞋布襪徇律慢
亭九曲間卽考亭無能擅熾前代何論東山謝公第海內蒼生喁喁
且夕恐神龍威鳳終須一出以副霖澤羽儀之望非若穴能久佇也
應麟於於越諸生最辱空羣之顧迄今幽憂枕席尺寸無聞追惟曩
昔國士殊恩慚汗浹背迺嬰疾以來烟霞泉石愈結膏肓究竟未知
面目何似或藉師靈寵得少以著述自係千秋庶不負教育生成億
萬分一耳春深藥餌稍響將負笈春糧介武夷君伏謁函几于三十
六峰之下權歌漁唱斯夕周旋知龍門之不見拒也

與王世叔通侯

曠觀風儀載歷歲矣伏惟節旄金印坐鎮長淮芻粟如山鯨鯢屏息
社稷重臣當代無兩而偏工餘事漁獵詩騷又且騁曹劉而軼韋孟
豈昔人所謂天授非人力者耶何全智獨稟也至虛懷樂道忘分下
賢若禹周之據饋吐哺則原嘗四子不足齒牙矣不肖猥以庸樛謬
蒙采拾中懷耿耿每遇西風何嘗不振袂長吟冀追逐三千珠履晤
對笑言于清油幕下至夜雪谿頭輒思浮輕舸入剡曲一問安道故
居惟是病廢以來班白在堂孩提在抱加之賤荆淪喪半壑之外步
武惟艱所冀明公亮其疎節不以人間世禮法督過之幸之幸也說
仲使旋附訊起居主臣無任

又

辱諭皇明詩統舊輯古近體僅六十卷藁垂脫而奔走江湖以卷帙
浩繁肩置子舍第五七言律自隨易惟效使君偶觀稍命增入弘正
前名下諸公什之四三凡耳目所及槩不敢錄慮或漏遺故也蜀中
業已梓行君侯下問惓切謹仍錄首卷以上惟俯爲藏拙焉

報郭舜舉觀察

曩容武林一奉未光于湖上卽單辭片諾而古心古誼令人如醉醇
醪尋復晤對卽君喬梓風華交映眉睫羈懷旅况洵遣一空新秋拜
命華緘副以鉅刻于時披誦踴躍擬趣叩行館以罄宿衷則文駕前
發關外念之悵然使來重辱八行恍晤顏色丘山之惠既感且慚胡
長者昌歎鄙人至于斯極也不佞樗櫟散材志無廊廟謬知當路跬
步靦顏頃復自放丘園奄冉廿載而數膺家難載涉風塵茲馬齒日
衰倦游彌劇加以高堂八旬弱息三襖病荆淋葶瘦骨伶俜而欲以
青裙白髮塗抹于五陵年少之前寧不滋其捧腹也長者垂神委篤
漫爾及之二詩少致仰懷并希錄削蘇堤岳墓花事漸饒軒車至止
更圖握手以悉原言

再報舜舉

明公一代人倫千秋匠哲頃嘉隆諸老相繼喪頽詞場尊宿指無多

屈靈光一柱行且頽頽大椿以覆庇海內寒士胡來論之謙謙也名
篇華什麗爾清新大層黃初繼橫信手揭之座右日奉周旋附復不
既

與楊使君

憶二三君子結社都門時也執事實以大雅主盟其間而不肖之獲
從諸君子後則執事以通家子進之朝夕坐隅楊權古今摘剔瑕謬
執事所為功德不肖甚盛也俄執事有滇中之命二三同志次第星
散不肖亦以隨侍還越每追念舊遊側身南望萬里之外神爽欲飛
方日夜以淮陽之召為執事祝頌聞執事竟拂衣歸矣激雖孔道不
肖故多病謝客無從通尺素以候起居曩者稚修來邑私竊自幸可
緣是一奉大教俄而此兄物化竟爾中輟魏之魏之邦相丈至詢知
道履萬福裕卿繼來稱述近况竹林風致宛然猶昨江右山川比之
京洛故自不減第曩時坐中小阮竟屬何人合杯之暇故未能無念
不肖耶執事偉望碩才上之當握管大廷黼黻皇度下之亦當秉鐸

少室山房卷百十五

五

一方鎔鑄羣品迺以盛年屏迹田里豈造物者忌才抑固將用是成
執事千古也執事無苦丘明氏所稱不朽豈獨區區功名際哉後世
知楊子雲固百倍于當時知者奚以解嘲為也小詩一章聊當奉憶
弁屬邦相使致之

報大司寇李公

於越鄙人踰伏草茅於當代鉅公鮮所知識顧自髫髻往來京洛間
則伏聞執事高風翼一握衣門下蓋匡廬南斗之仰十禩于茲矣頃
者邦相明府以舊知來邑朝夕聚首揚扈藝文每屆指當今匠哲輒
推毅明公不啻口出因問請大集閱之恍然若入清廟明堂觸目皆
天球彝鼎誠希世之偉觀而藝林之奇構也于時附驥之思寸衷飛
動妄冀一廁名簡末自係千秋而邦相遠以校讐見委且盛稱執事
廣心偉度靡擇芻蕘遂輒因明府之言濫加次第自顧菲才陋識管
窺一二無異醯雞且夕兢兢獲譽大君子是思迺重辱使者遠將筆
札副以腆儀慰誨勤倦賜予逾越感恩沐德饑肺肝伏承嚴諭盛

欲以俚語弁之卷端尤非眇薄所敢聞命夫文逾左氏而微序士安
賦越隱侯而邀賞元禮執事固揭謙亡已迺賤子之弗量其何假以
自文涼秋具草印正大方或仰藉寵靈獲以塗抹之餘玷名山之籍
豈直惟萬鍾五鼎榮莫並之不腆賸詞且日月借承矣來鴻促發草
勒謝悰緯羅一襲縑布一端附使者西以竊比于越裳之貢

報陳京兆玉叔

陸司成攜大集至臨沐誦之如清廟朱紘華堂白紵冲夷粹雅三嘆
而有餘音文則周鼎商彝隋珠十璧古色黯然精理瑩然上絲微可
瑕摘也古所稱和順積中英華發外有德者必有言亮哉乎不誣矣
尺牘纒纒數百言靡非肝腹至詩藪筆叢二序快哉公以千秋惠我
也公名篇鉅製流布遐邇難林之微捐金購募或終歲不能得片言
鄙人願未及請而兩得之公之溺愛鄙人迺至于斯極而鄙人之庇
藉寵靈懸諸日月不將與二序無窮耶天尺樓詩草綴上二酉園遂
得五言古一章弁心遠堂萬緣軒家君所命皆成之一日者不佞之

少室山房卷百一五

六

索居而離羣也久矣惟大匠斧削焉

與玉叔

僕嘗謂公雅量足以鎮一世高誼足以驅千秋廣心足以容萬夫虛
懷足以傾四海無論當代賢豪聲氣輻輳卽韋布山林晚進未學片
長寸善葑菲不遺達公之志匹夫匹婦有弗與被吐握之澤者且引
為已辜焉雖謂公藝苑中伊周可矣洎公之晉而留都海內同聲莫
不舉手加額冀公立躋三事高峙岩廊為文章吐氣而寒素之流尤
汲汲焉所望于大厦之庇可知也迺公則竟以留都歸也豈道大莫
容自昔固然耶將公取精造物者眾而不能毋小阮于位耶將造物
者故小阮公之位行且大昌公之樹以永賴于千秋耶維是謝公不
起蒼生之望惡能釋然速今雙鬢未蒼二屐猶健優游東山花月間
小適歲時一旦蒲輪入楚終當出建掃除天下之業而以其緒餘兩
澤東南半壁俾人人以太丘庇我庶明公素志為允愜而當代瞻仰
為不孤哉夫兩花靈谷之勝不佞往來方寸十載矣計且因公一線

其游日方束裝而驟聞公之促駕歸也夫安能無望于公之復出也

與吳大參座師

急足過蘭亭師俯念門牆將致大惠感戀之深淪浹心髓亟欲叩謝
薇垣屬家慈宿疾未平每歲之中暑候尤劇坐是未克裹糧東下罪
狀何言師名世偉才藩參之擢越在疆場寧足爲人借寇公地然臨
安一郡遺愛萬家茲者建高牙擁大纛坐嘯其間湖山列庭雲霞屬
路徵輸之暇時一巡行使錢塘士民噴噴稱羨此前使君吳公也豈
不亦快心壯遊哉雁蕩烟嵐六橋花柳數歲之中兼撮其勝師殆玉
皇香案吏躋謫塵寰非復世人也嘯歌成帙願發郵筒涼風伊邇倘
許以青鞋布襪唐突于旌當買孤棹犯雪浪奉候于龕藉二峯之側
江湖千丈絕勝廣陵門下生老矣猶能從師賦焉

報羅觀察

俞生至自豫章首出華絨副之麗筆蠅頭蠶繭清風穆如公海萬蓬
尊震旦老宿俯視不佞辟諸一蚤一蚊勞于何有迺不棄芻蕘先施

少室山房卷百十五

七步

草莽多方汲引慰誨拳拳卽有曾無心寧不寤寐奮飛冀執鞭弭于
門牆之末惟是小子狂簡不知所以裁之政恐太上之途非凡質鈍
根單刀可入耳鴻歸草動陳謝新秋涼適擔簦躡屨候公廬岳之巔
雲屏九疊瀑布萬尋勝概大觀惟長者指示以洞開茅塞幸毋日游
夏弗能贊一詞也

報劉君東

頃歲借吾丈握手清源碣石間一別便如夢寐迄今十載餘矣接大
教通知丈已高尚不赴公車者久矣僕適歲以賤判淪逝株守一丘
無復計借之念意丈飛騰雲漢搏扶搖而上九萬不謂亦同此懷也
人世浮榮電光石火區區蝸角雞肋何足論哉職方公集夙所嚮慕
而往時收錄僅得數卷今大編勒成殊快仰止之私怡園佳勝種種
暇當如命作一記奉贈不敢負諾也今婿英英玉潤足爲後進中領
袖而忻慕不朽之業尤爲難事亦吾丈翁婿之間意氣所注致足欽
也詩藪一部中間持論頗爲藝林所許其國朝一帙首論國初諸公

便以職方公爲領袖其時談藝之士未暇及尋也今俱爲友人攜去
僅一部留杭者存而紙素澆滅以兄所必欲見者輒附請教幸笑存
之伏枕口古一律聊致鄙懷外新刻一部詩扇二握方墨四函奉上
病瘍不見賓客者兩月餘以公手札勉起與令婿相接粗糲恩惠不
能留爲平原之飲異時丈或乘興完溪上之盟當傾倒十日以竟此
懷耳十指憤憤不復能作蠅頭書亦計丈高雅不復以世法相束縛
耳鴻迫萬不一申旣惟炤亮

少室山房卷百十五

八步

少室山房類藁卷百十五

灑水胡應麟明瑞著

書牘二十七首

報王承父山人

虎頭公大艦中邂逅足下不數語別去真若崔家摩勒持七首暫然
 飛翔太空了無蹤迹可問此時僕恨不得為千牛後身以紅綃累足
 下歲杪鄉人廻忽將至手教縷縷數百言怪渠何從值足下訊之乃
 知其人業醫走吳會間得無足下賈藥青城後還訪崔家郎君焉與
 相遇耶僕自別足下歸杜門塞兌人間事一無所問實有如足下所
 謂三萬卷中老蠹魚不復出世者亦以邇來大老相繼喪頽兼之僑
 輩往往傾逝所可揚眉吐氣僅吾承父一人舉足出門鮮可控告無
 論生乎吾前後起之士如吾鄉李能茂楊承觀英英上足僕素以大
 業期之一歲奄然同殞狐祭憶僕曩在京師與諸子相酬齒最稚未
 三十年來存者遂如晨星今開眼乾坤殆無故物僕雖甫越四旬頭

少室山房卷百十六

一

願種種浸假作靈光殿遺瓦矣足下厭僕十年以長叢林者宿屈指
 能幾僕于足下惡能一日忘也別來游道何似飲與何似痴愁何似
 少病少惱少魔障否妻孥不訕詈否男女不啼號否故交厚祿時時
 問遺不大落莫否鄉里小兒着緋騎馬揚揚巷陌間自雄亦知震且
 國有王先生不舉兩白眼相向否長日坐蠅螟寄讀浮屠氏書老和
 尙舊公案頗有所窺將來臨大事不至驚突否幸一一明以諭我足
 下別論僕詩藪于前古甚疑迺國朝諸公不無阿私掩護當別為快
 筆紀之僕宿根介慧不解逐影吠聲至于隨人悲笑彌所不耐所為
 詩藪一書悉是肝腹剖露隻字毋敢襲前人前人藻鑑有當于衷必
 標者木書使之自見其有不合即名世鉅公不復雷同汪司馬作序
 謂僕于于鱗元美抗論醇疵時有出入無偏聽無成心數言真知僕
 者居管恐許直獲戾信如足下云云人人能如足下者讀此書適生
 平大幸夫復何言且僕之談詩大都蒐獵往代罕及本朝偶諸大家
 有相聯類間一染指不數數然也足下目無往古願每降心折節于

僕此書至欲盡舉本朝名流俾之揚挖此自足下盛意見推可耳當
 今之世元美所云闕闕詩書人人大將僕雖有喙三尺何敢與也頃
 為易使君所更選輯明近體詩凡二十餘卷起高大史季迪訖吾鄉
 東陽李生自餘存世諸公慮采掇未周概不敢錄若已逝同盟黎秘
 監以山人之類僕俱悉料理不使遺憾九京獨足下名篇傑句浩
 如烟埃而局于款列無從措手王長公戲余仲蔚若幸健七著特吾
 書太寥寥得無今日謂耶嗟嗟承父同心同調如足下海內無多方
 與足下為太白殘月相望耿耿取寧當以速朽冀足下驟發斯言要令
 足下洞知胡元瑞方寸中惓惓耳頃聞足下吳越游某子甲夢足下
 非常足下欣然引滿賦長句以自快僕常嘆羨足下真達人計今聞
 吾言當復舉大白百餘觥不爾不足為王承父倚天帝白玉樓首詔
 胡先生或遮須界地主急欲須代後事便當責足下足下幸毋忘吾
 言詩藪中瀾暑足下亦坐是故也歐楨伯此一書所論詩藪諸篇與
 足下見推意大合昔楊子雲草太玄俗物擲擗滿路逮百年之後桓

少室山房卷百十六

一

君山賞識則子雲者人與骨已久腐矣僕書未殺青王次公從篋中
 肱得輒狂叫擊節稱善後書成小有異同而長公遂以為奇絕無兩
 所獎誘成出過情茲承父楨伯諸君又遞相印可所遺視子雲奚翅
 什倍愧淺陋不足當或致貽賞音之憾于來世耳足下別我十載間
 著述更復幾種剗剗更復幾編僕嘗謂足下崛起孤島自當為一代
 布衣之雄唐之二孟非不矯矯然鹿門才偏東野才僻並似非足下
 伍至近時孫謝之流眇無足論若八而受敵一萬千里成佛受記不
 傍他人竟當屬之足下第古今辭章軼復具在屈騷馬史非必其才
 量絕大要天地間有此好軸其人適當運會假以發之好軸既彰猶
 規矩既設後之欲為方圓即公輸墨翟安能外此故以少陵大自之
 雄不免憲章魏晉者寧其材視曹劉鮑謝弗如也下至近世秦柳之
 詞關鄭之曲卑卑小技不可不日自開堂與其才願賢於李杜耶足
 下偏強自負願生平製作脫離今人可耳何嘗能踞出古人若才力
 錚錚破的飲羽則古人復與亦無能多難足下政不必拘拘所見也

僕月已足下身後大畧如斯足下其以僕爲阿私耶掩護耶耶既
歿寓內寥寥英雄逐鹿之際廉將軍善飯猶昔須臾底一決之果
爾者僕請悉索敵賦卷甲以從與足下掎角中原快哉萬世一時也
足下勉旃努力毋令老態逗漏爲童孺子所窺宗子相云大丈夫處
世上之不能爲飛仙周遊八極次之便當爲詞客橫行千秋僕每笑
此君失言疇昔道家者流羽化尸解不知凡幾後皆展轉漸滅粉蠶
無聞求其姓名邈不可得與草木腐何異中間租川弘景一二有聞
自以依附辭章故匪曰神仙庸詎若原暹甫白數公頌聲燁燁塞人
口耳讀其遺集如雨儀七曜光彩常鮮玩其成言則風氣性情恍忽
生動此乃吾所謂長生不老非服食煉養蠅蛇鳥伸之謂也籍令宗
生而在而聞吾言定當悅首輸伏足下以爲何如承春初北游齊代
徵長歌于僕以壯行色僕請爲足下賦千二百言俾足下登岱宗絕
頂奮袂歌之海日夜出天雞亂號雲中之君紛紜來下俯視齊州爲
九彈丸秦皇漢武胡足豪耶僕將于秋首赴吳江爲長公竟集事比

少室山房卷百十六

三

與康裕卿

八雁山諸詩伸紙疾讀一再過恍然與吾裕卿扶筇振袂涉四十九
盤之嶺東望巨海混濛森漫金支翠旗仙聖出沒以億兆計已而宴
坐龍湫俯窺瀑布銀河萬丈白練千匹飛流倒挂于空青石壁之間
信茲遊之奇絕也觀察公亭亭物表足下又矯矯霞外兩賢相得爲
山靈成此盛觀良足今古獨僕於二君最善而又所居與二雁甚鄰
迺不獲把臂同之得無復貽康樂之憾於來世耶夜來睡寐中忽得
百餘語遂用昔人夢遊天姥例作一長謠寄足下俾觀察公于東南
雁宕絕頂各鑄其一異時足下結菰其上却躡兩青鞋過訪呼李孝
光輩擊節歌之勿虞茲山石裂也

報康子
省敢知定居珠浦三面面山一面面野谷中竟日不聞人聲清溪百
畝飛流鏡玉恍忽浣花茅堂數十椽當山谿之勝最會心處柴關僅
設八窗洞開白雲英英時墮几席屋後長松古檜高矗露表左右隴
地雜蔣修篁杞菊四時取其苗餘花實以療饑饉根繫小蜻蜓艇與
至出遊老妻稚子盡室同載得魚沽酒則扣舷擊楫歌滄浪之章一
醉蓬底不復知東方吐白視曩昔曳長裾彈劍飲碌碌長安塵土中
豈但羅刹之與梵天而已

報胡孟弢

中秋綴上握手論心登高賦別暢劇一時致足樂也榜人還得足下
諸作悲壯雄爽飄飄有躡叢霄凌倒景意僕病餘向戒作詩是日讀
蘭陰四章酒酣耳熱不自抑按援筆步武數亦如之雖玉樹兼葭不
堪照映以施山靈不妨作第一重公案也次公秋杪過蘭偶那相不
在邑復值令先公忌僅作刹那會遽行僕賦六詩祖筵并似足下解

少室山房卷百十六

四

裝以來更有妙製不惜寄將恐那相且夕暈移音問遂難數得耳弁
州公已入關不復與塵世事英雄逐鹿之際千秋大業方與足下勉
之足下努力人生不百毋更作良知見解耽誤歲時也新秋與那相
山遊甚適得詩若干草寓貞吉所能發興倚和乎裕卿近一書至倦
倦致囑足下故交離索念之令人慨嘆深不多及

報喻那相

出武林卽擬作雲間十日客而疾入滕理矣輕橈抵京口之明日問
醫服散而後知吳閩之夜過也意恨恨不可言呻吟枕席間不覺竟
成四絕然無絲寄足下緘之吳囊渡江抵淮疾適大作一卧五旬粒
食俱絕奄奄待盡及春始蘇想像足下益時揆二三同調雕龍碣石
躍馬華陽飛舳振袂一日而屈千人甚適也不佞病後如惠施五石
瓠渡落亡所之視往與足下唱和時意氣壯耗八九矣方且慮以爲
大尊浮沈江湖恨不獲逍遙生把臂濠梁商其棲泊耳得北來耗有
天津之命殊爲足下神王高牙大憲居東方千騎上頭建朱節震華

豈循行九河故道思禹功而詠明德丈夫生平意氣差足一吐蓬萊
閣去蘇門咫尺問鄉者與裕卿孟張同登其上飄飄有馭風遺世想
三人信筆留題一時傳誦以為殊作恨少足下和之今宦遊此中政
可了此公案弁前六詩榜之楣間亦盛事也濱海白鹽肌理如玉以
并刀削之衆如雪霜太白所謂盤中水晶宜無越此紫蟹惟一壳外
郭黃膏滿中遂無復肉二物美而且豐僕往留天津朝暮食之聞足
下是遷幾于指動然幽越路殊未能浮一葦運造足下俟秋風起寬
錢塘枯枿散髮偃卧其中歷四明吳松登萊至足下所轄而止今之
天津又何異織女津耶茲人生一大壯遊非足下不能啟余與第燕
趙古所稱佳人如玉近寥寥不一觀而成都垂簾買卜者世杳弗聞
恐支機石了不可得即得之無復能推算不若得足下詩耳在明飽
米以足下驟遷無復將至僕已往蒸豚與相易令渠更餉足下渠遂
并掩僕他寄詩數奪之一笑

與易使君惟效

少室山房卷百十六

五

僕之以劇猴留滯滄口也蕭然短褐鬱係無聊若爾齋之羊酒輟之
餽圍焉焉脆脆焉困亦甚矣賴天之靈邂逅執事者軒輶實茲茲土
不佞以舊好提攜追隨蘇蔡兩君子玆楚之末操解雪夜舉白花期
飛蓋西園巾車南郭遂令快心之事頓出于窮途極意之權穢成于
逆境較諸平原之期而過之十倍擬諸河朔之飲而益以千秋誠耳
尸所曠逢而古今之盛集也別來放身江海日從赤松子牧羊窮谷
中想像檐帷邈如天上身無六翮奮飛莫能乍觀除日驟聞假重三
衛中夜雀躍明公以經國上材干城偉器而久淹待從心厭承明茲
剖符名邦縮章劇地牛刀盤錯游刃有餘矧以江郎舊治棠蔭蔚然
過化之區何難速育哉僕頃益自廢人外百念反冷萬緣冰消棄禮
簡賢世所擯嫉即以公昭臨鄰壤亦無能挾一刺以俟聞人惟是山
川之勝方寸未忘俟衡瀾春採桃花彌望支笏躡展覓青霞洞主較
九杯石室之中公于其時倘能却鹵簿減騶從憑賦而來一高目焉
當勿虞斧柯之爛也

報易使君

公之照臨鄉國也亦越三禩矣娶去衛僅百里而遙而辱知如鄙人
曾不能浮舴艋叩軒輶一接温如于寢寢之服大懼不恭之罪分無
所逃迺長者不惟不以爲罪也而寵命以先之腆賦以副之懇懇焉
勸勸焉布衣之權金石之契儼猶之乎十載之前定交之始也夫鄙
人胡以得此于公惟是雌伏衡廬閉關却掃足不履郡城之中目不
識賢大夫之面爲日久矣豈長者過知其慙而大降其疎耶伏惟莅
政以來仁風四訖微邦密邇尤切見聞歷稽古爲守者冀黃召杜惠
聲廣布而風雅未凋元白柳劉潤色多方而膏澤未洽若我惟效使
君兼之無媿矣自清源別公離羣索處異時雄飲之態邈如河山實
以久在孤蘆不見偉人故也抄歲桃花之約復爾寒盟茲酷暑如焚
未能覓爛柯之客俟秋風起便當騎石羊入青霞洞天三衛道中木
奴萬個不減巴邛橋柳樹端有實大如斗剖之而四仙子對奕于中
者其一頎然而少孳龍肝于座旁即蘭陰胡生訪易使君而至也

少室山房卷百十六

六

報李景穎司理

歲杪持樽斧入爛柯方與負局翁決賭九杯于青霞石上不意使君
之過聽易使君也而屈威重以先之極禮意以下之使人綢繆固結
而莫能自解即以歲事崢嶸扁舟瀕發猶心旌飛動于太末之墟昔
人亟稱與公瑾交如飲醇醪得無明公謂乎抵舍後圖籍塵埃蓬蒿
滿目即欲如張仲蔚中開一徑且病未能通車駕方賢勞四遠日馳
驅東西二越間而僕又索居離羣無從候關門紫氣計明公具悉于
形骸之外也秋首爲家嚴論督勉爾挾書二十載老明經策蹇躄
風雪千里而入長安固已委頓頽落而况以皮骨殘軀強顏塗抹與
東家年少子角麗昭陽殿下寧待識者然後胡盧第有大不得已迫
之昔張子房駕言辟穀以歸今胡元瑞駕言干祿以出歸與出則不
同寓旨一也縱筆繆談至此明公得無大笑其狂耶耶志辱明公下
委寢寮以來素業久廢僅舉正大綱及刊定紕誤數則行迫草草致
土煩記室檢入之以明公如椽大手即帝命修五風樓猶將成之不

日而況乎州里之乘何游夏能贊一詞也

報童子鳴

得足下藏書目閱之所臚列經史子集皆犁然會心令人手舞足蹈古今書目條例惟隋志最詳明馬氏經籍考會萃晁陳諸家折以已意幾于豪髮無憾迨今得見古人著述大都往往藉此至故家文獻若張茂先任彥昇輩代遠無論即趙宋盛時宋公垂葉夢得家藏劇稱宏富迺書目蕩亡一存鄭源仲羣書會記三十六卷見馬氏通考蓋亦端臨會萃入已書矣今原書行世可見僅尤氏遂初堂目一卷以說郭鈔錄始末具存第其間銓次蕪紊蒐輯稠疎如晁陳馬鄭所載羣籍南渡當悉存世而尤氏所收十缺三四或漏載過半有之又

不分四部而信手錯陳僕每疑非文簡之舊然陶氏當勝國未年去南渡纔百餘稷且說郭特記全鈔于此目之下不應僞撰明矣國初宋文憲博極羣書子集之流似非經意近時馮汝言李伯華諸氏亦名藏書數萬其目考見無從計卷帙或多足下若分門別類部伍井然當無復踰此者足下久客三吳近日藏書更何氏稱最信遺具示不宣

少室山房卷百十六 七 步 選 慶

與朱在明

魯有大俠朱家氏嘗手挈季將軍于墟炎之網而出之今足下豈其苗裔耶胡興之暴也自足下起島上而土爭憑軼而趨風遂令馬馱之沙與春申之阜岳岳相望古今人願豈誠弗相及也俾足下而當楚漢無論三千珠履旦夕致之即奇計縱橫於脫季將軍何有迺令俯同羣卒日與抱關擊柝者嘯哨夷門屠市中一念之令人英雄氣概都盡惟是荆卿漸離二三酒人輩如昔庶幾少泥吾在明歸思適間當路竟以王官趣足下彼其以足下難拂衣耶以拂衣難足下耶嗟嗟在明雪廬無恙雲樓屹然盍歸乎來高卧江蘿館日飲醇酎一斗和離騷一章猶足稱夜郎自王荻蘆中安能俛首折腰作賈太傅長沙面孔也

又雜東七通

跨蹇馳晨入春明門風塵簸簸滿面一青衫何物能造爾許大惡業昨乘興擲付酒家臥聽吳姬歌楊叛兒劇飲漏盡不復知城柳之啼鳥也

二

足下買麗姝平康里當復費十斛青瑣玕耶江雲樓貯此尤益冷然作真人天際想然何可不一致胡先生也

三

足下過廣陵看花觀謁后土夫人樂否腰纏十萬騎鶴揚州無足論要當撿取二十四橋月色滿載而南期足下垂虹亭上耳

四

妻江合桃大者徑可半寸許色殷紅如鞞鞞光爛爛照一室中百歲之甘殆無復居其右吾里中楊家果差足當然時時作指大風味也

五

足下所餉藤衣桂餅悉至陳心叔名疑是夕遂篋燈遍讀之此君博拾可念當與晦伯並驅嘉隆間至于絕倫逸羣故當歸弁州氏

少室山房卷百十六

八 步 選 慶

六

徵父西山八章奕奕神合其人已歿遺集當可致不

七

足下今遂五男兒耶憶足下舉子長安中僕與諸公畢赴湯餅會家生以阿瑤字家君恍然政類昨日不謂琳琅珠玉盈庭頓爾僕三紀尙無復萌華念之慨然

與祝鳴皋文學

今年夏溽暑蒸人頭半岑若五石瓊恨不與足下解衣散髮牛飲河朔之間憶爾時長安中伏天借足下過某勳戚貴人家惟敬仲修思伯子鳴裕則少承謙之輩咸集高堂十仞八窗洞開層水嵯峨如雪山離立左右前後客坐其中儼入洞庭點蒼間大甃盤盈六尺一貯甘泉浮碧桃朱李一滿貯青門瓜五色鮮華瑩徹不啻瑤瑤水晶平頭奴運七輪扇涼颺滿庭令人心骨俱冽酒酣興發龍陽君振袂起

歌高氏小梁州詞胡姬年十五吹紫玉簫相逐清音冷冷上屬雲漢
俄洗酸更席俯臨大渠樓臺倒影金碧洗滌芙蓉茵首矜妍競笑應
按不遑既則明月出于花間飛星流于木末琴瑟交奏交構遞作恍
忽遊廣寒聆鈞天迄今追思此樂情然殆如隔世事矣

戲與鳴皋論手談書

快甚高軒出郭輒拂拭椽枅傾暈于白玉壺中而柴關亭午了無剗
啄聲也豈畏心過甚有託而逃耶殘雪疎梅點綴籬落明窗斐几不
受纖塵擁博山蕤沈水憑斑絲隱囊獨坐此時得一暮品卑卑王茂
弘者弄之掌股之上追奔逐北千里無留行棄甲曳兵而不止卽南
面王樂吾豈易哉公在扶餘國中當無復敵手沾沾一方作草頭天
子故自雄然何若佐命文皇策勳百世也阿阿

燕中與祝生雜東八通

安石榴一樹可益裁着北宿俟五月盛開胡先生戴研光帽舞山香
一曲其下何但絳英點頭當令阿平絕倒不已

少室山房卷百十六

九

金水橋偏見寫本北堂書鈔與購未獲買人索值四十千購得卽馳
送足下適煮羊脾已復爛足下食指動者速跨東華門衛子來

三

太平廣記近有刻本出晉陵談氏舊校頗精今六代唐人小說雜
記存者悉賴此書第中間數卷全缺僅目存首帙吾服當與足下參
互訂補俾此書復稱完璧亦異代子雲也

四

曠晦伯正楊援証頗精至詩文引用或斷章取義或反覆抑揚此自
詞人所解而陳第據紙上陳言格之恐用修有靈將復稱屈地下

五

蚤入燈市中購得陶氏曾氏兩雜說知足下雅欲觀以累東郭君使
者此二書鈔本僕所親十餘無一善足下讀之疑誤輒止乙其處

六

仁過酒樓擁少姬彈琵琶樂甚甚思與足下共之一同人趣赴朝貴
約與遂颯然不可留豎儒敗阿公事迺爾書報足下爲掀髯一大噱
也

七

聞刑直指爲足下買田濟上當去歷下生故居不遠新秋煩足下攜
甕肩斗酒以大白往醉其墓日蘭陰明元瑞寄聲聞谷中有響答者
以報我

八

足下齊東生計想益就秋成在日異時學稼吾子雖尼父自謂弗如
何可以老農少也

少室山房卷百十六

十

少室山房類集卷百十六

澗水胡應麟明瑞著

書廣三十三首

報梅客生

別吾丈不三載大遂拔青雲入紫闥以循良最一方又未五載大遂
建高牙擁大纛以勳名揭四海奇矣奇矣大丈夫不當如是耶曠昔
邂逅劉金吾座上竊窺丈虎頭燕頰類班定遠其人而鬚髯張虬
鸞飛動又與李衛國所遇海客張公絕類迥今統十萬背鬼龍橫鴨
綠平壤餘威震乎殊俗將今日本東首如扶餘國中自相戕賊而坐
收一鼓之效異日者旋師玉門丹青麟閣定遠之封特緒餘矣世人
饒薄文士往往謂鋒刀亡取一割自近日汪張兩司馬稍稍破扇之
第彼非夙昔預期要亦時適逢世未足大建胡揚旗鼓若吾客生擢
一第曾幾何時而奮身投足委命不測之淵卒之算計見效言無不
譽舉宇宙至難之事運量草上此其忠肝赤腸雄算偉畧寧全難保

少室山房卷百十七

妻子異情難報庸流訂回日語惟是公仗鉞登壇村官突騎雲集待
命意且應接不遑乃蓬蒿故人落落如胡元瑞尚往來方寸間何足
下軫念舊知久而彌篤也孟陞留滯齊東尚無來耗惟寅忠父旦夕
聚首差足為懼做邑方生其人誠有致第僕尚素米侯門倘攜來燕
市將並懸枯魚肆矣拙刻寄頓中途數種先上督後合異日致之

與錢將軍

湖光山色間稔飢高情秋暮出關迴首故人邈如河漢每相思與會
神爽欲飛縮地無從隔增悵戀計彼此共之也明公雄爽傑魁之氣
不啻焚舞陽長驅十萬眾橫行匈奴而興寄冲玄標韻神令又遠出
祭征虜雅歌投壺表所謂文武兼才世不一觀奈何令東南間局久
絳旌旄間者度遼新命儼然重借將無益以胡生詩為左券也公虎
頭燕頰自墮地業當封侯乃今建高牙擁大纛坐鎮右北平丈夫得
志以殊伐報王家今代麒麟閣何人第一功努力努力胡生潦倒一
徑竟爾作東華門落第舉子自是蹙蹙上業債未酬長安米貴居大

不易嚴僕射憐才下土名滿天下豈不能營燕山尺寸地為少陵野
老作漢西居耶一笑

又

山童偶過塵蓋敬致八行何時乘興一叩公青油幕下呼盧較奕遣
此岑寂杏花朝也

與宋忠父

新都汪太學象先司馬公胄子也高才逸韻翩翩吾黨中白眉邇乞
令先公贈諡借季方入長安捷關謝客獨雅慕君侯高誼莫一望顏
色龍門惟明公賜之清燕此君伯仲皆奇雋尤癖游觀蓋渥水之胎
去凡樞不翅千里新秋計軒車祗役陵寢夙期僕紹介前茅偶病目
旬餘不克顛積奉聞倘獲殿輻輳得于金城玉扉中遍開羽衛典章
之盛歸譚之不佞以當廣陵濤色即病軀源倒將霍然東走高齋悉
索大官餘饌為長夜飲矣

報鄧遠遊

少室山房卷百十七

公方張樂洞庭之野而僕以五岳前鳴得無貽形穢之謂于大方耶
惟是木桃不投瓊報無自願足下振以同聲弘以大雅弘嘉而後竟
在茲乎如日吾為魏公藏拙匪所望于蕭傅也

報林貞耀

樓船語語權極生平惜公兀方殷而不肖復為六橋花事所驅放舟
東下願速勸使者賚賜八行獎諭綢繆餽豐渥而鴻篇名集罄發
鉅公累世之藏不啻寶玉大弓下賁蓬廬鄙人寡見謬聞即結髮詞
場所得僅如雞肋迺執事搗謙已甚至欲舉千秋之業投以雌黃即
有冒無心逾切蚊負之愧頃復瑤緘嚴督慮以方命而蹈不恭謹聲
其愚衷卒業貢上問以管中之測踴請高明執事亮之教之

報唐長公

不佞海濱登儒也東髮操觚輒妄意策名藝苑之末而技劣才疎無
聞四十自嘉隆諸老論謝以來無論二三同仇邈如秦越即寓內賢
豪擅古今述作之場如執事者亦未能勝登鄰已聆聲款于大方誠

不自意金玉之音一旦楚然下于窮谷露盤披讀語語肺腑益以華
衣繡衾情文備極而且大篇把贈明月投懷妙墨遠贈清風拂坐吁
嗟長公僕何以得此于左右哉不佞自挾策京華道逢瑯琊伯仲定
契忘年既而伯玉司馬晚收榆社當時亦謬擬鶴刻一家蟬連百氏
而殷憂疾病展轉泥塗迄今齒髮變衰萬緣反冷自分區區噪抹付
之子虛而况欲馳驟中原分途上駟如虞淵之逐日王屋之移山自
非夸父愚公疇不嗤其狂昧也明公光岳效靈震旦應化人倫麟鳳
藝圃駢驅當今壇坫桓文孰爲二廣而更下撥芻蕘窮蒐蒐林麓卽聶
生鞞鞞尚在鼓刀此身六尺已允爲嚴君有矣滄桑可變盟好不渝
白首之期矢于今日固鄙人之靡量亦知執事之罔遺也招遊字下
神爽奮飛家累高枕未繇遺發尊駕不日垂抵此間淨慈天竺諸峯
日望彩毫發據奇秀不佞黑貂久故尙能解付酒家當北道主人萬
一執事念之

與王參戎

少室山房卷百十七

三

聞塵蓋將臨掃苔瀟若以聆玄箸而風雨陡作令人悵然旦日必期
高軒再過川原朗霽飛埃不揚大將軍前所詣即清道潔塵固屏
翳飛廉職也園中綠牡丹盛放若沈香亭美人見者心折車騎到日
滿酌劉荆州巨雅浮之

與徐惟得使君

明公勇退急流不啻鳳凰千仞第時事紛紛捉鼻謝公至竟東山
一出異時凱歌肥水助勒旂常武陵洞中桃花千樹皆門下優游日
也不肖于明公雅齒通家而中道雲泥間問疎瀟不意漂流江海獲
奉晤言竊窺明公如萬斛餘皇破浪乘風靡重弗勝靡遠弗到而綜
理周密經畧縱橫又如庖丁之刃肯窳洞中若然犁然真可謂曠世
全材吉甫流亞至棲心漢沔叨合道初卽留侯赤松嗟乎後矣僕僕
僕塵埃倦遊彌劇將擔簦鼓柁訪明公于三湘七澤間獻歲秋高幸
宿戒聞人毋閉關以謝越客北帆漸遠臨楮神馳

與萬伯修中丞

一代龍門之何飛動寸衷二十載矣何意高牙大纛間獲奉言教慕
府容其長揖胡牀拉以嘯歌撥軍旅之勞規長夜之飲畧王公之貴
結韋布之歡目炙清輝神怡妙論八珍溢齒六律爽心卽平原河朔
未及兼旬而桓府庾樓足當千禩瀕行腆惠優渥濡及榜人荒塗大
河石尤四面塵沙夕起飄空障日妻孥對面杳隔異境行路之難古
昔嘆之廻望干旄益深戀戀計明公仗鉞令毫之暇持觴北望亦不
能無慷慨于臨風也舟達潞津二三舊俠擊筑悲歌留連晨夕未及
策蹇驢一入秦明門宗人行便粗致八行臨楮馳瀾不盡

與萬伯修

留滯都門索米爲日晝夜思歸而十口累纍故鄉天未惟是明公仗
鉞雄邊專制萬里驛騎車徒概得以便宜徵發迺不肖夙膺舛牀忝
當國士下陳不揣敢冒假餘皇自燕抵越俾窮途倦客高枕而達故
鄉卽明公大造鄙人街戴沒齒矣戒裝晨夕敢布腹心

東吳生德符

少室山房卷百十七

四

昨足下所云壇蓋及俞仲蔚集借過剎那頃卽返上鵲橋之夜幸無
他駕當拉天孫擊河鼓行酒終宴贈之雙彩筆以當纏頭耳

報唐長公

曩謁武林適公軒車見在竟阻道途自門下養高岩壑僕亦旅食江
湖卽飛夢相尋而山川間之眇不可卽杪歲梓人過雲間始克附入
行于左右辱公報以赫蹏字猶未滅而蘇君嗣致大教媿媿數百言
何門下注念鄙人委篤真至于斯極也明公經世大業經國大猷
上之當參峙木天翻載皇度次亦當奏惟秉鐸陶鑄一方迺區區小
邑竟阨牛刀才高見忌造物者陰實爲之滅氏之子惡能使公不遇
也至百代之傳在彼在此必有能辨無論耳目浮榮彼云亭封禪七
十二家今皆淪沒漸盡吾黨視之翼異蝸之左角耶華居新構如曾
城閭風迴出塵墟令人恍然作天際真人想恨兩腋固奮飛莫能
向夕扁舟挂雪造膝玄廬以平原十日之權播鄴侯四部之書亦古
今至快極愉也藏山之製月盛歲增雙鯉錢塘幸毋金玉蓬萍六載

僅得詩二千什書二萬卷差足自喜計門下亦樂聞之蘇君鐫刻之妙夙所傾嚮願片刺輒行如西天阿閼奈何已拈一律寄之并上博笑

報張大參知睿父

斯生還娶城伏謝仁臺業附賤姓名一致犬馬尋扶書北上至吳中而得室人之耗竊計老親在堂菽水晨昏靡可奇者匍匐東歸抵舍而家嚴疾作不肖委身藥物奔命巫醫二六時中寢飯俱奪坐是薇垣之下問問濁焉即十旬之遙百里之近無能削寸膚一候聞人知明公地負海涵不深加督過也頃黃口病癆倉卒赴省歸而三復至教九頓腆儀鑲結肺肝罔知報塞伏惟高牙大纛坐鎮一方比屋黔黎頂戴弘造第恐司空龍劍紫氣燭霄寇公之借徒雁河內萬一賴天之靈建節傲土異日者元戎小隊載過葵中得從州民之後一望見上公顏色則生平莫大幸也文仲累瓦編購之未獲所云董彥道蓋宋人董道廣川書畫二跋見馬氏通考近代具存畫跋不肖嘗一載讀之蓋亦博雅之士考宋史文苑儒林並無道傳啟中六事意若評騭六書恐不皆關係故與明公該洽冠世必洞悉其指歸鄙劣管窺胡能隻辭為贊役旋附報並希指示原籍庶千慮之一嗣就正于大方焉

少室山房卷百十七

五

報睿父參知並東文仲觀察

杪歲平原之飲濡首渥肝窮日落月無論竹林諸賢即朝穆之醴酣中山之暢洽殆無以過迺一先生並握驪珠同紀勝會言言刮目字字賞心每把翫扇頭彩雲白雪擊節呼盧等句令人兩腋習習乘罡風而上扶搖何高華奇麗一至此乎上元之夕載辱提攜遂為蘭陰澗水間無前勝事計兩公必盛有篇章垂之不朽捷關索居慨焉良覲側身天末神爽飛馳

報李本寧觀察

梁舍人座中周旋大雅迄今三十載矣兩司馬相繼脩文嘉隆遺老靡子遺者惟執事靈光獨峙砥柱江河一代千秋大統攸集茫茫震

且不遂淪為長夜以明公在也不肖疾病罹躬百念灰冷頃德星降照亟擬趣奉笑言不意遠辱手書重之新曆古昔王侯先施草莽迺今何幸驟于明公見之春分季一葉東下謁軒輅萬松三竺間馬齒雖長尚思努力鞭箠以追隨六驥之末惟大教之無吝焉

又

軒車垂訪屬館舍親輒未遑謝臺端夜來歸自湖中適明公手教飛塵遂使窮旅生春清厨改色感飲不可言雄篇妙墨當代無兩鄙人何幸一旦獲雨奇珍當與觀自在真言同揭座右終身盟沐誦之

又

公政務殷冗且四方之憑軾者紛然坐是不敢晉謁適倦倦方寸則靡瞬息而不在龍門也爰令方乘日祖眺科頭匡坐丈室想像明臺雖霜威肅然或不無龍藏之困適平頭持大教下臨重以佳筵文履恍然乘雲御風晤真人于天際即伶僂瘦骨不自知兩腋之奮飛矣俾旋附致大馬容日躬叩傾刺那之誨不宜

少室山房卷百十七

六

報吳文仲

那城邂逅旌麾旋有三衢之謁辱門下軫念故交客之首座以一布衣介兩上公之側晝而華筵綺席窮十日之權夕而鸞舞清歌竟百刻之漏高陽河朔亟稱豪舉概之今茲胡足論也塵冗紛紛忽忽歲暮得參知公下示三什穆如清風方翹首來鴻而瑤絨飛墜捧誦佳律高華縝切如對開元大曆諸君良哉此會突兀千古矣承軒車湖上之約適本寧廉訪手書同至春初買棹遲車從于南北兩高暢飲酣歌作生平快愉事也

報鄧遠遊

扁舟晚泊禦兒辱公物色津門客之上座樓船盛集華燈列前清吹夾路論心促膝旅况盡銷重以平湖朗月千里若規遠岸長空萬頃一碧丙夜沈酣狂態逸發杯竿縱橫纒鳥顛倒誠生人之劇懽詞苑之盛集也詰朝解纜驚然魂銷執手故人時入夢寐既歸踏上一臥六旬絕粒枵腸僅存喘息淋漓藥物展轉牀第秋深閉戶奄忽初冬

一暨見寬稍稍起色老親弱弟聚首殘年仲春買舟扶掖東下擬館舍小定馳遣一介問問琴堂則大教儼然先于窮谷長箋慰慰縷觀千言誼激肺肝情細金石令人馳望毛骨奮飛咄咄遠遊逸氣干雲雄才絕世若足下者謂宜高時木天端居黎閣迺俯同羣倅出宰一方拜迎官長鞭撻黔黎期會簿書拮据錢穀罄折賢勞良哉獨苦第足父執鞭子弓問政古聖昔賢咸親民事以足下碩抱駿猷何施弗合異時張皇循吏標揚名臣毋使輕薄中庸交口亟稱駭人無用文士寡效其亦可乎僕年垂知命蒲柳蚤衰即著述一念尙搜方寸而晷短途長憚于驅策加之二三朋舊日益喪頽將鼓缶而歌鼓腹而遊爲吳越閒人宇宙一蠹足下春秋鼎盛努力前規砥柱狂瀾挽廻鴻造蔡丘城濮狎主齊盟是則不佞惓惓私衷匪敢佞也俸餘損餉卽付酒家重以口腹爲廉吏果奈何

報俞美長

足下體中尙未佳耶久客遠歸加餐故應努力第驕陽作崇養盛以候涼秋何如素馨損惠卽配天池取郭婆新汲烹之作凌晨清供如足下云云以脂粉泥其滌粧不可也一笑

少室山房卷百十七

七

又

夜來素馨至今芳意未歇凌晨蒼頭趨郭婆汲新供上當淪羅芥擁少君吸之異時夢得樂天茗餽相迺易倡酬之什播誦詞林吾與足下第各賦一章何必減昔賢風味也

與俞美長雜東五通

詰朝煮茗摘蔬客何長卿張元春雕繪皆江東獨步須足下攜大手筆來成小齋三絕也

二

湖頭邂逅燕姑遂令桃花千樹片片欲飛樂事賞心得之意外僕往在長安許爲薛素素作歌今迄未就足下賈勇先登僕狂興陡發當繼作二百言許并一了都下宿逋政恐造物小兒見嗔無賴耳

三

郭外登高卽片石可觴亦爲游人所據足下捫蘿絕壁舉觴白眼呼吸帝座古今豪舉無越茲辰雲門天闕二語尤崛奇入唐人座中當令元白動色

四

小樓匡坐觸目琳琅令人浹日留連竟暮忘去頃詞場百六江左風流零落漸盡一朝遇足下頓還舊觀

五

弘正以還膚立成風古今學問之途靡復一綫昨過足下高齋圖書四壁皆手自校讐覺雙瞳頓爾開豁須臾日買田陽美朝夕過從足下作三萬卷中老蠹魚也

報鄧遠遊

極浦層堤翠芳攬秀高峯遠寺涉險攀奇加以天時朗徹人境清眞燕樂嘉辰牛飲長夜無論平原布衣卽金谷蘭亭詎當全盛哉湖頭把袂悵戀風流音徽冷泠恍在耳睫伏想旌麾蒞邑簿書旁午轉盼

少室山房卷百十七

八

舊遊倏成塵迹能無夢寐飛越河山耶北上之期茫然未卜倘蹇驢業債若戀寒酸執策追隨軒蓋之末並驅徐沛達于蘆溝亦震旦國中豪舉極樂事也

與陸使君

濟上蓬蓽使君沾漑下風一二賴天之靈德星巍巍照臨東國應麟方旅食淮甸弗獲以青鞋布襪從州民伏謁道旁杪歲歸廬始遂荆識大懼龍門峻絕草萌一介無地自容迺執事頽然屈千乘之尊隆三接之遇披襟款狎權若平生卽孟軻氏稱樂善忘勢古今賢豪殆同一轍矣扁舟入省濡滯及暮春風載和專使馳候不腆微帚索笑大方惟明公之寓目焉

報王恒叔

讀五岳游草覺撫琴動操之餘山谷皆響足下信奇人然造物小兒亦何意獨縱杖頭若是僕犬馬四旬僅岱宗一人眉目峇歲挈家遠遊將永別金華諸洞整因發憤走芙蓉紫微歷探朝真水壺雙龍窮

極幽峭而後返向未暇寫之筆端閱足下遊記快哉十得八九矣何時同蠟雙屐登金盆玉壺絕頂大呼石羊君也

與王永叔

足下移疾還赤城桃花萬樹爛如蒸霞二僊娥出近胡麻澗旁攜手入天台洞中樂否見司馬子微爲致聲僕久厭塵囂何日請期垂滿相與逍遙鵬背作八極遊也

與蔡稚舍

一別足下歸谿上聞問便自杳然追憶齊河邂逅不數語揮袂真若西天阿閼國隨現輒隱廼人生夢幻泡影亦何處不然足下高嘯石梁鴻篇巨製當令與公舊賦無復金石聲春深謀一相過飽餐赤城霞色也

報黃說仲

武林邂逅遂不獲以雞黍享故人今猶悵悵足下抵淮大將軍有揖容顯重可知青油幕下觀棋往事恍忽如夢第小山叢桂無復遺踪

少室山房卷百十七

九

跨馬郊原得無躑躅于西風殘照也

少室山房類稿卷百十八

續金華叢書

漱水胡應麟明瑞著

書續十七首

報願叔時吏部

昔在丙子得公卿書制義讀之輒狂叫擊節以為自趙宋以迄當今
 五百餘載士之殫精場屋不可為量數而盡削凡蹊超然化境神通
 游戲于八極之表者門下一人而已載讀涇上諸篇總之高處在古
 無上平處頗視唐程分制義足傳南華淨名鼎立宇宙矣願猶以公
 之業聖于今而未敢必公之選于古也已則聞公出而仕以正氣直
 節樹朝紳已則聞公引而歸以清標特操振閭俗至學術之富窮四
 部而敷九流私心之鄉往愈勃勃焉每欲介茂卿通姓名下執事惟
 是情疎玩惕片刺未遑執意公之通知不候而儼然先之也毛子貞
 夫將至大教副以妙墨脫以鴻編恍忽瑤華墜天際踴躍披誦病
 骨欲仙嗟嗟執事僕海濱豎儒耳弱冠狂歌放情丘壑即耽問諷見

少室山房卷百十八

一

因異離難之處幾天冠執事方龍躍鳳鳴奮乎百代而旁蒐草莽博
 詢芻蕘真至委篤過情乃爾將泰山渤海必茹納涓埃以自成其大
 耶制記諸篇超超玄詣尤匪近代淺識所窺不佞嘗竊謂不朽二途
 咸勃興于弘正之際而得失瑕瑜大都等持古道問學以尊德性而
 今也問學廢于德性之尊古源實學以著文詞而今也實學喪于文
 詞之著流弊迭巡致談理者上不復知有六經而談藝者下不復知
 有六代此其漸庸可長也執事偉論欲配周朱于大享而續黃陳于
 正聲規模思度弘且遠矣于慮之一幸附高明砥柱狂瀾惟公自愛
 吳鯉溯流恩惠勒謝小詩四律小刻百卷惟大方削而教之

與願叔時論宋元二代詩十六通

病中毛文學過溪頭首出大教亟伸紙疾讀之清風穆如沁澈五內
 不啻枚乘之發陳琳之檄矣公偉度冲襟苞舉六合而獨虛懷于鄙
 人大觀宏識殿最百家而獨注念于宋元諸作者豈其不得中行下
 思狂狷耶要以芻蕘弗遺流壤靡擇政所以自成其大耳承欲類集

古今諸詩自蕭氏之選馮氏之紀以及高氏之彙李氏之刪悉加訂
 定而旁擷兩宋勝朝都為一集誠不刊之盛典第時代遠綿篇章總
 雜即未易歲月訖工且竊窺公之用意片長必采眾善畢羅大小各
 因其才盛衰不沒其世非心公量拓鑿裁精詎容輕議僕隨天齋
 海學步前流目睫之識徒貽來哲公言遠矣未敢間命也廼劉氏詩
 統寤寐頻年公既索諸蜀中冀可必遇獲觀之後或當參其類例有
 所建明削錄大方庶幾萬一何時孤帆夜雪乘興延陵晤對玄亭縱
 譚與眇以十日之工定千秋之業亦古今至快劇娛也寄至元人諸
 集格致風尚咸有足觀而若倪若陳之外藝林之中杳無識者以今
 核之其中寧無一二追逐唐餘者耶此彌足徵公遠見非逐人悲笑
 者流矣辱委稍加評抹印證宗門宋人詩話數種檢摭如命伏枕岑
 岑未竟傾吐來鴻迅發嗣致願言

二

少室山房卷百十八

二

辱論韓柳元白諸家皆大方材具也昌黎五七言古及東坡倡和諸
 篇窮竟筆力司空圖謂掀雷掣電撐扶天地之根信矣而揆之昔人
 則和平溫厚之義缺焉李實之謂為角音似也至近體卑卑不離中
 晚寸步氣運所驅即以退之材力茂克挽回而今人以習溫韋李許
 矣矣柳州古選自是陶韋正脈正聲亦亟收之其近體精工之極殆
 所以不如大曆諸人高氏之不取非無見也樂天信手縱橫妙思溢
 發唐謂人才之絕允矣不誣而淺近庸率詩家所近什九蹈之微之
 才不如白力不如韓致不如柳通較中晚人才三大家外劉禹錫為
 最優惟中山諸律絕元和巨擘首藉此君而自劉之外又僅元差足
 配白故一時並稱耳宋大家王蘇黃陳介甫步趨唐人小詩絕句時
 足亂真而近體劇思求新遂肇坡谷門戶長公俊爽瀾翻歌行時觀
 合作而近體龐襍詠諧雖老境參橫至貽誤學人尤有甚于白者清
 老一代自居其詩第得杜之拗澁偏枯而沈雄偉麗無萬一焉不知
 舉世胡以茅靡若是是時坡既武庫矛戟不厭眾心而陳無已輩又
 皆出谷門廡且師法歸之杜氏見以名高宜海內旁無異吻亦古今

變革大限也陳雖出谷而近體遠密精嚴深造自得匪三子流總之
以才具言則趙氏之稱大家故當四氏政不必苦校其詩若梅聖俞
之學唐陳去非之學杜皆錚錚躍出庸詎可以宋概耶南渡尤陽范
陸時號大家而才遠出蘇黃下詩率唐調寡而宋調多至永嘉四靈
雖跬步不離唐人而調益卑卑才具瑣屑無足論矣元之號大家者
虞楊范揭而前則趙子昂後則楊廉夫數子而其才咸窘邊幅詩亦
粗具膚響若唐之空花水月杜之萬戶千蹊概乎未之有聞迺元調
較之于宋則於詩差近而自諸子外傳于今世者類有足觀振起國
風之一漸也諸君子集惟延之曼碩未親自餘僕備有之暇當一一
評訂印正大方第非公鮮不以葛藤誚僕矣

三

正聲不取垂拱四傑誠為卓識惟排律駢賓王蓬轉俱行役一篇不
在二庭歸望下王勃滕王高閣短歌足為唐七言古壓卷以繫序未
不及收耳此外盧駱長歌例不一載自是正聲曠然家數品彙固並
收之廷禮非憤憤者後來仲默論出要為另一宗門于麟和之第非
所以論正聲也

四

葛常之云太白不取建安七子而少陵亟稱垂拱四傑七子固兆端
綺靡而王楊盧駱亦詞人之小巧者耳此正論也而非所以論太白
少陵李氣岸高拔故持論常輕又篇名古風挾風雅以令曹劉不取
固宜杜意度包含故立論多恕又篇名為戲憤輕薄之訕前哲亟稱
有故夫李于杜猶然不滿而杜于高岑蘇李富嘉謨孟雲卿皆什九
見于題咏矧王楊盧駱輩耶

五

篤而論之四傑固以巧麗為宗然長歌婉轉上繼四詩近體鏗鏘下
開百世其功力匪邈小也自五言律掩于沈宋王岑七言古掩于少
陵太白後人展卷忽之不思陳隋極敝之後非四子草創厥初盛唐
諸公能遽抵妙境至此耶迺其萬言一揮滔滔混混恐陳思而後賢

刻中未有過者總之才情富而氣格卑駢驪工而典則遠故視李杜
韓柳四家聲實懸逕要之長處不可盡誣也楊用修以杜韓于王猶
見未足憑

六

高氏正聲一部其評批朱者在不佞未冠之前墨而楷者亦曩時鄙
應也今以較之去取往往異同惟大旨差不悖一人之見且爾況上
下數千載乎憶近某公選集唐詩自序云品彙之博而尚有遺篇正
聲之嚴而兼收劣製殊有味乎其言即今正聲所收劣者大都十之
一而所遺佳製無慮十之三品彙所收劣者大都十之四而所遺佳
製無慮十之二所錄然者唐宋選詩國秀英靈極玄間氣皆漫無倫
次鼓吹等集尤為可嗤周氏主裁方氏主格率泥一偏僅唐音粗備
一代而簡擇未精蒐輯未廣至庭禮二編庶幾十得八九矣而時際
國初元風未滌兵燹之後載籍多湮耳目所羈故難盡善也僕異時
肺病少蘇或當循門下教旨取王楊韓白諸百家唐集遍閱之益品

少室山房卷百十八

四

彙之遺而大芟其蕪襍損正聲之劣而畢聚其菁英此則工力差易
而僕亦自計足辦者書成之後門下更一揚扞之唐諸作者當無遺
憾矣願丘陵川澤因之高下易耳新草創非超世之識未易云也

七

僕嘗欲竊取明公之意做高氏所輯為古今詩彙一編以漢郊廟饒
歌洎諸樂府為始音十九首洎蘇李河梁兩京雜詩為正始陳思李
杜及明王元美為大家曹劉阮左潘陸陶謝沈宋王孟及明高李何
徐輩為正宗顏鮑庾江錢劉韋柳及宋梅陳明薛王吳張輩為羽翼
陰何徐庾及南渡范陸勝國虞楊明皇甫昆季輩為接武王蘇黃陳
北宋諸人為正變陳隋晚唐宋季元末諸人為遺響而旁流閭秀代
錄其人似亦足備詩家一公案第其工當以歷歲計卷當以近千計
帙當以近百計恐非一舉所能就一人所能任徒付之一盧胡耳以
明公之度甚遠思甚公也姑錄梗概以俟異世之同茲志者

八

汪司馬伯玉嘗屬僕選古今詩以三百為祖分風雅頌三體隸之凡題咏感觸諸詩屬之風如太白夢游等作是也紀述倫常諸詩屬之雅如少陵北征等作是也贊揚功德諸詩屬之頌如退之元和等作是也意亦甚新僕時以肺病不獲就緒今司馬公已不復作言之慨然以其旨不廢宋元有與公相發者聊為一拈出之且以俟後之君子

九

讀宋高僧詩選乃錢塘陳起編輯文獻通攷但有九僧詩集而絕無此編今攷其前集一卷正九僧詩也自希晝迄懷古瀛奎律髓名字次第悉符方氏所選諸篇咸備茲集知律髓所據即陳氏編也惠崇九僧之六佳句致多尙存總龜警策一門如露寒金掌重天近玉繩低陰井生秋早明河微曉遲無慮數十今皆不存惟河分兩勢斷春入燒痕青數首而方氏所選亦僅此一二篇注云崇有佳句為圖詩殊不止此當續攷補入之自餘律髓所收往往具載即所據是編可

少室山房卷百十八

五

十

見其後集續集數卷宋諸名僧道潛秘演善權惠洪大都無遺漏者第以惠崇諸警句十不存一而題驚清字五言律妙絕亦不錄其他散軼庸可勝道惜九僧原集之遂亡也

十一

此編必方氏所據選本道潛風林驚墜雪雨澗咽飛湍又秘演諸人所作往往概見集中僕嘗謂僧詩無唐宋欲取六朝道猷等作迄于元止來復宗功彙作一編力既不勞而傳亦可久暇當印正於公耳

十二

倪元鎮詩之于虞揭四家正猶其畫于趙黃王吳四氏清空簡遠纖益不侵而天趣超然在勝朝殊不易得惜元人繪事特重今時而詩律無稱述者此老復以迂潔蔽之故世徒知其人與其畫而篇章一付之無是子虛非得公此編檢勘即僕且失之矣王叔明詩亦間有可觀同時潘子素等惜集皆不可得

十三

王長公云倪元鎮筆如風女兒難擬長袖晉人所謂張茂先我所不解政此類也世人評書迺稱其逼近黃庭何耶余以元之擅臨池者比屋而詩得孟韋遺韻獨元鎮一人特才具不多渭城而外無復他曲耳今倪畫海內酷尙書亦時時見重鑿家迺其詩既不為當時所予今知者益復寥寥豈迂潔一端取名太過亦造物所忌致其篇什無稱耶漫書此發門下一噴飯

十四

寄來諸集陳眾仲爽勁鮮華然一誦與象俱徹詩所以貴深婉也周衡之不知名其集殊有佳者管玄暉如管中之豹時得一斑惟黃氏歷宋至元世有吟咏而無一足發悟之時義大矣哉僕收書凡勝國遺編遇則錄之不復較其工拙茲羣集俱迄工附壁幸一一檢歸笥

少室山房卷百十八

六

周衡之竟不得其名公別考或得之當錄以寄我其詩五言古學陳陶稍具膚響歌行在集中獨為合作奇警飛逸伸縮自由迺近體局促卑陋遂亡一章半簡可備采擇者致足訝也僕嘗謂自宋迄元諸名家惟歌行代有篇什絕句次之近體得失相當而古風漢魏永絕微此君彌益信矣

十五

詩話玉屑野語僕近得副本頗佳二集童時所閱以卷頭時塗沫漫往印正大方餘南唐近事郡閣雅談諸書悉存總龜集僕已折錄之役竣當如命也

十六

此編題錢塘陳起宗之稱宋人而通考止載九僧詩集近閱齊東野語十六卷論詩道廢興云某某咸以詩語被禍而刊書陳起亦在禁鋼之中迺知其宋末人也此書抄錄即印本廢久公何自得之或以俾好古君子并唐僧弘秀集合梓之題曰唐宋詩僧集豈不愈于近刻鼓吹草堂等編耶

少室山房類纂卷百十八

少室山房卷百十八

七

激水胡應麟明瑞著

書廣十六首

報李仲子允達

允達足下語有之百世一賢接踵而起喻才之生也時之同者之難也千里一士比肩而立喻才之生也地之同者之難也同其時難矣同其地又同其地難矣同其地又同其心弗尤難之難乎此有兩人焉時則同地則同迺其心又無弗同若是者百世而喻之接踵吾猶詫其速矣千里而喻之比肩吾猶駭其繁矣夫不佞之與足下何如哉不佞生肅皇之末足下產穆廟之初時之相後弗能一紀也不佞處激水之濱足下隱東陽之麓地之相去弗能數里也僕尊古允達亦尊古僕卑今允達亦卑今僕於名允達亦於名僕負氣允達亦負氣僕善病允達亦善病僕寡交允達亦寡交僕狂迂允達亦狂迂僕疎懶允達亦疎懶蓋不佞之于足下摩頂放踵

少室山房卷百十九

一 步 遷 履

無一弗同者小有弗同則不佞已絕意進取足下稍染指事功也而其無一弗同者較若也願僕與足下時同地同者三十年而未嘗一把臂一游從焉抑又何數之奇也此其失宜歸于僕誠不意足下一巨抑邁往之衷動下人之慮求虛已之益擴包荒之度極友善之量陳啟萬言纒纒自通將進而若局促于雁行退而若忻慕于驥尾者此非不佞所敢知也嗟嗟允達才之難于天下久矣才同者限于時時同者限于地地同者限于心心即同矣尚猶有限于迹者若前乎此三十年不佞于足下是也迺今足下不鄙僕而辱施之僕不自揆度而應之若鱗之縱擊矣羽之搏風矣膠之投漆矣兩人者庶幾哉一無遺憾矣如是而僕猶抱其區區而有所弗盡于吾允達非夫也嗟嗟允達吾與足下妾產也妾越之東國也厥初人才何如哉學術則孝標之博洽籠千秋詩歌則賓王之綺藻煥百代而皆妾產也唐宋之際稍陵夷焉伯恭同父一再振之至黃晉卿柳道傳吳立夫輩聯翩勝國殆十數家而妾之才遂以一郡距海內者十之三至王子

充蘇平仲胡仲申輩馳驟皇朝又十餘家而妾之才遂以一郡割海內者十之六蓋至于宋文憲景濂而一代之才咸歸吾妾矣今去文憲僅二百年雖豪雋迭興鴻鉅間出而嗣續前規者胡寥寥希邁也豈造物者以其初洩之太盛而闕之其終耶將猶有未足于其先姑關之其中而大昌其後耶嗟嗟允達弗可預知者彼蒼意也弗容自已者吾黨志也語不云乎法乎上僅得其中當文憲之從事于學嘗沾沾仲尼孟軻矣而迄成其為文憲也使其所師下于仲尼孟軻則其所就將又有下于文憲者今僕之才淺薄尾瑣萬不足以辨此而足下儼然抱絕人之姿空羣之足又卓然弗奪于時向而敏而好學不恥下問又惓惓焉舍足下而弗告其誰可告者僕之所以弗敢終匿其愚也夫世所謂不朽者三德也功也言也言所為不朽亦三文也詩也學也夫學如孝標博矣極矣而製作之傳未之廣觀也詩如賓王高矣美矣而掩貫之域未之洞精也文如景濂大矣成矣而聲律之途未之深造也是非三君子才有弗逮也孝標六代賓王唐初

少室山房卷百十九

二 步 遷 履

景濂元末其時則非也即窮三君子之力而挽之而欲以一人焉盡革其舊力固未易也今僕與足下之世何世也大明制宇非江左偏安匹矣神聖重光非垂拱再傳擬矣車書全盛非至正末造倫矣則夫集三君子之長以上接周楚漢唐之緒使妾之為妾異時不以一代一方限者非生乎今所當有事耶嗟嗟允達僕犬馬長矣聰明衰矣少之時彈力于詩歌而其能究壯之歲覃思于學術而莫能備泊乎晚節而垂涎于文事誠哉却行而求及前人將一無所就是思而觀希三者之萬一乎惟是足下年甚富力甚強中甚虛思甚遠才甚闊今之世而規圖大業于吾郡宜無踰足下者徒以不佞臭味之間有相契而謬相附且欲相師焉誠非不佞所敢知也無已則當今天下固有全執三事之權以追蹤三古之上者足下亦知其入乎吳會之墟洞庭之澤洋洋乎大觀焉由妾而趨僅旬日之軌也足下闢其垣而有得焉其于三君子之業思過半矣夫才進則禦之以格格定則通之以變氣揚則沈之使實節促則澹之使和數語也瑯琊法門

以如基不佞也不深不玄不沈不堅入之沈深出之自然完之粹然
數語也邛邛法眼以終授不佞也顧不佞實未之能副也敢敬以布
之足下足下潛釋此而有得焉其于邛邛之道又思過半矣嗟嗟允
達不佞自還里以來權關結舌不為人談藝久矣而獨諄諄然辭費
于足下以足下于僕時同地同心與迹無弗同有所言而弗盡于足
下非夫也惟足下無棄葑菲無擇芻蕘以毋忘比肩接踵之義異日
者青鞋布襪惠然肯來將與足下徧歷金華諸洞天呼牧羊兩小兒
登芙蓉萬仞之杪振衣長嘯極目齊州爲生平一大快也

報陳立父

曩歲獲交尊公竊聞足下韻概則私衷嚮往久矣頃黃金臺上一奉
教言公方酣燕杏園僕遂翻飛林麓雲泥異趣聞問無從自車駕蒞
止越中一時人士憑軾而東歲以百數不佞每邂逅知交劇談大雅
未嘗不色飛神動夢游天姥之間也明府至自錢塘遠拜手書嘉貺
之辱重以瓊瑤下贈清風穆如足下之軫念故人意則蒸蒸厚矣迺

少室山房卷百十九

不佞疎簡隱衷其何藉以自文字左右名園鉅圖勝概冠絕楚中不
佞夙聞之都人士委賦大隱諸題即未能負笈攜筇以盡挈林樊之
勝而想像高深徘徊觀麗固已神怡采菊之軒耳飽松風之閣矣賤
疾未平筆視蕪廢殘暑漸收敬如來命不敢辭也尊公雄飛直上寓
內繫心一代詞人將爲吐氣倘遂獲移鎮浙中俾大海澄波長湖增
艷豈不亦千古快心哉使旋附謝卒卒無次不任主臣

報顧朗生

僕迂僻狂慝人也世緣落落願獨好慕古文辭尤願交當今作者曩
歲侍家大人遊楚獲交在明朱丈每卜暇相過從爲文字飲一日在
明與諸同志屈指當代名流輒軒衡謂不佞日子識顧君朗生乎是
吳會間錚錚者也不佞時則私竊識之方潦倒風塵不獲藉在明交
權足下既家君出參楚藩在明旋亦拂衣海上鱗羽乖隔歲不能一
再聞問春間裕卿使者有吳中之役輒附一札通在明泊返舍持在
明書至則足下手教儼然辱先之陳義縵縵寄情委折披誦再三不

能去手重以瑤篇下贈清聲古色意氣所寄千里若新吁嗟顧生僕
何以得此于足下哉僕自束髮拈弄筆墨欲爲今人而志弗安欲追
古人而材弗逮踴躍二途迄無定趣間爲二三同志左提右挈形之
篇什一皆委瑣蕪雜曾不足當大方一噉奈何足下獨從而好之好
之不已又從而筆之書而託之詩也即葑菲之采足下不遺令當今
綜核名實者謂足下何愧矣愧矣僕自去冬坐老母病已無復計借
念將來或可從黃勉之孫仲可輩作吳楚間閒人不妨稱足下同好
也承諭高軒遠弔子鳴審于何日倘遂不棄扁舟阜帽惠然衡門之
下僕雖鄙劣尙能拉足下溪頭爲十日飲或深秋過海上訪王長公
亦當首詣足下徜徉薜蘿談詩芝桂延津之合不遠有期康使再過
草草奏報小刻二種并往拙詩四章附酬大雅瓦礫視之可也

報宗良王孫

不佞十載前從山陰劉生得書梅詩一帙讀之至足下輒擊節賞歎
以爲不意今人中有才如足下者而是時不佞方索居無能藉交游

少室山房卷百十九

通尺素于左右頃歲周旋文父始稍稍竊聞下風邇者邦相兄來冷
做邑王次公往來澗水間每一晤言輒交頌足下不容口私心則愈
益鄉往欲藉明府君紹介相聞屢矣願恒以病冗奪適茲辱手教儼
然臨之雄詞麗藻穆如清風雅誼欵忱投我肝膈不佞何以得此于
足下哉以足下才而當西京建安無論梁孝諸王即陳思兄弟奚能
難足下者顧不自滿足而過知不佞不佞非敢叔劉生其人易以稱
同調下執事也不佞自髫髻習古文辭念載于今靡能尺寸自樹惟
是海內名流什九不鄙而與之交獨以未識足下爲憾乃今得一當
足下十年寤寐之思慰矣邦相人便敬布腹心小刻俚言就正大雅
足下儻有意卒教之者彭蠡歸鴻不佞尙當翹首俟焉

報孔陽王孫

不佞曩從友人黎惟敬輩結社燕中每與揚扈當今名勝至大江之
右則惟敬輒津津口足下也于時私心竊以嚮往久矣邇者邦相丈
借重做邑不佞以臭味獲與朝夕過從晤間尤亟稱述足下不置杪

秋遂荷佳篇并屬詩冊方藉手以尺素通記室乃足下大教辱先臨之而且申以瑤章侑以華刻一再捧閱恍然若與足下晤語龍沙之士不自知楚越千里隔也足下麤藻清才宿根天授竟所造詣豈直雄視東南故當凌鏤大曆元和而上而傾才下士躋臺一命允信陵梁孝以來所僅邁見者至如友雅之輯即李何徐薛輩相與愉快九京何論當今迺不佞株卧一丘願得因緣邦相締神交下執事抑何奇且幸也匡廬勝閣不佞寤寐有年矣重以足下泊諸君在則何能頃刻忘深春或遂挂帆之興當巖樟江門首詣足下依隱亭中能分孺子半榻借胡生爲十日飲否

報何仁仲

不佞童卯時即厭棄博士家言少長隨侍家大人都下稍援筆習古文辭顧當世賢豪作者未數數觀也一日家大人從署中歸手一編示不佞曰是漢東何仲子詩也是曩嘗從余習舉子業今且翩翩以詩自雄矣于時即受置几席讀之具見足下神情朗逸風疎霞舉埃

少室山房卷百十九

五

瑤之表恍然若于僕之衷素有相入者輒和之以寄足下一再相閱後尺素實絕惟心念之頃爲世路所驅龜勉北上燕楚異域分于足下無緣晤語比至都下過康山人甫就席有騎而叩門者問其姓名即曩所稱說何仁仲也輒相對握手歡極平生揮毫雄飲狂態淋漓旬日之間十數聚首一何奇且快耶俄不佞落羽東歸足下亦鼓棹南返十年寤寐得之一旦旋復失之區區七尺何能堪此離索迴望黃金臺館腑欲爲裂惟黯然而已里中落落追念舊遊日以爲歲昨忽別駕熊公持一書一刻至云足下自楚中寄我者亟取閱之則燕中倡酬之什與不佞諸詩種種具在嗟乎足下之於友義篤矣自得深矣顧不佞何以當辱也披讀來教無非裏言三復之餘令人氣結至訂期過我又翻然神動色飛第所謂米家畫船迄今寂寂豈漢東仲子易而臥遊宗生耶抑子猷與盡中道遽返也足下勉之蘭亭春色不減武陵來歲願暫輟漁竿一操瓢笠若耶雲門之畔倘有青鞋布襪長嘯而來者不佞雖爲劣猶能一旗鼓相當也別駕使旋

卒卒附報不一

報吳叔通

不佞結髮操觚聞海東吳叔子稔矣頃浪遊金閭武林邂逅諸同志稱述足下不容口鄙心竊願交焉願無從修短刺謁姓名于下執事昨偕汪司馬過兩瑯琊海上歸抵舍而鄉人以雙鯉至亟投筋發緘則足下見貽手教泊下贈諸篇也足下藝苑菁英人倫秀出鴻鸞鸞舉橫絕無前不佞固亟願執鞭奚翅接席而迺先施非劣論義菲衡雅量虛懷太丘有道高情遠韻摩詰襄陽風霜之氣飛動于寸蹠金石之音鏗旬于尺箠不佞把翫三過既私竊慶幸于吾鄉一當足下而臨風長謠美人離隔則又未嘗不嘆河山之邈如憾執手之無自也僕自矜鬢厭棄時規妄希大業研精畢命廿載于茲雖間辱鉅公濫相吻沫而幽憂疾病進寸退尺加以怪蒙猥蕙索處窮居青眼既乖二毛滋見丈夫樹立偃偃莫之惟是足下崛起頽波力追曩哲即大浙之西家驥人壁分庭抗禮寡見其儔矣勉之叔通日月如馳努

少室山房卷百十九

六

力不朽異時左提右挈方駕前修西京盛唐詎日退軌哉鄉人立待報音卒卒未展鄙言四律敬謝瑤璋惟足下之垂教焉

報張茂才

癸巳之夏陳觀察過我定交不佞與抵掌談天夜分而罷別去武林甫閱月而以賢書寄我意觀察奇人所漁獵當得瑰璋絕特之士比開卷而足下姓名巍然首舉焉不佞之爲觀察喜可知也又閱月而洪茂才來做邑輒傳致足下倦倦云將以返棹之候抵不佞結文字騷夫以足下才何有于不佞顧才如足下誠不佞願爲執鞭者于時竊又大喜過望蓋不寐而跽足下高軒四浹日矣歲迫易使君御者在門不得已一赴三衢歸而家大人出示手教而知足下之已過激水也則豈直惟河山之威踟躕鄙人足下鼓棹而東亦寧無興盡之憾耶翰論諄諄靡非肝腹至五七言諸體清聲古色雋調環詞黃初開元燦爛篋篋不佞讀而應接不遑錯愕自失咄咄張生胡足下埋名鏗照東海之濱閩抱大觀一至于此當今諸老垂盡宇宙寥寥代

興盛世使全越山川重于九鼎非足下而購其任之僕犬馬長矣聰
明衰矣才盡于文通第下于逸少豈其敢以鼠璞魚目矜多隋和惟
是足下厚誼虛懷雅不容已同聲之契實締于今惟足下念此盟言
毋忘夙昔也大集索序鄙人寧有推諉迺靜卿行迫而新歲文通轉
杳幾奪廢洩謹先綴七言四章附驥末簡即詞愧腆爛總之衷腸所
據非敢爲佞惟足下鑒之亮之異日序成更覓便鴻致之都下郭隗
之臺黃金百尺足下左策飛黃右驂駉駉方一騁而空率土之羣何
言薊北暇而過問昔時屠狗復有狂生胡元瑞乎華陽無恙碣石獨
存秋清木落幸挈荆高一三子擊筑放歌歌易水之章以待我

報崔子玉

鮑生回辱手教纒纒置之袖中字猶未滅而嗣音游至大貺之錫雲
霞爛焉載讀誨言故人所以屬我者厚矣第不佞自結髮以來委身
鉛槧犬馬日長碌碌蓬蒿進之不能以鴻筆潤色皇王之大猷退之
不能以微言紹明神聖之絕學即間以雕蟲末業染指大方不朽之

少室山房卷百十九

七

塗恐難預必且病近世之殫精性命者薄九丘百氏爲陳言劇志詞
章者鄙六代五朝爲勦說弘靖之間一二名公卓然特立而時無英
雄輕于持論今其著述流行海內後學取信貽謫良多故不自揣揆
擬拾謏聞用相質正或得以黃緣曩語傳示將來庶幾虞稗之流猶
賢博奕之士可耳足下盛論云云詎僕所敢望哉惟辨或過煩詞間
傷激大概爲高因下本之前人藉非足下古誼古心何從領畧今茲
以往僕將守雌齊物以畢餘生堅白異同匪所計矣昨載晤王參知
咏歎高雅甚悉足下如水壺秋月迴絕塵縈而光輝朗潤彌不可遏
又如玉盤露屑雖食之爽澹而能令俗子臙肺冷然未易爲餽釘紛
華者道也訟堂清暇卧理餘篇章富休文八咏一一和之以寄
胡生武川雙鯉辰發西至鄙人日候于灑江之上矣

報張大來

郭隗臺前高賢滿坐僕酒態狂發而足下川澄淵渟若干頃之波浩
乎而無紀極也僕于時竊已心醉久之俄策蹇馳山春明門青衫無

賴不復能覓足下五陸三市間客歲秋首赴燕滿意物色曩時請酒
人擊筑放歌尋荆高故事計望見足下顏色不遠復以病卧京口委
頓東歸一榻衡門湯藥爲伍生平意氣盡矣明府公甫下車卽出足
下手書副以華什敘致縵縵許予真切頓令病骨習習欲飛噫嘻足
下僕五上春官兩別大都三返窮谷丈夫樹立自分已矣惟是雕蟲
之技妄冀于著述稍見一斑若足下盛業偉才絕出一世謂宜登石
渠坐天祿大者補蔽帝猷追蹤夷契次亦當如左馬楊劉輩然藜秉
筆洋洋纒纒以播告八方乃燃尾燭亦且數四豈造物小兒必欲
以鹽車阮良驥耶蘭陵釀法頗異往時鬱金之香不減唐日足下儻
有意乎曳屐放舟爲臨卽十日飲乘興歷武夷窮雁宕而歸餘足作
東南佳觀不落莫也新春掃榻以待高車君典遺集梓行何似幸至
一觀萬金足下所稱鼎足于來論中得之乃僕素樂道其人者計亦
能聯璧同來乎盛暑揮汗作答俚刻百卷悉索做賦以上惟大匠斤
削之

少室山房卷百十九

八

再報大來明府

晨起啟關而葉令君使人手持雙鯉至日得之西江上游者噫呼童
剖之素書爛焉無論加餐相憶語語肺腑而且懷以新詩授以素筆
至酒資之餽奇頓杜康至今尙酌酌柴桑之秫也足下捧銅章宰百
里栽花鳴琴之暇日跨雙鳧入上陽名姓紀于御屏且爲天下治平
最異時文人循吏兩傳並入輝赫簡編吾黨士良爲吐氣乃若葉令
君之宰敝邑足下亦欲聞其政乎古所謂愷弟神明公勤廉飭當官
之美咸備一身今海內賢能所在蔚起僕不敢妄恣較量至夷考唐
漢以還史書所錄卽哀然一代末有若令君之絕出者也自令君下
車卽以足下故知不佞驢黃之外願不佞于令君踪跡曠疎歲不載
觀豈解爲緩頰隨生惟是賢聲惠績下徹閭閻上通矜珮萬眾一詞
亦豈能掩其實耶足下西江政績僕得之參知王公大白瓊異茲者
復令君矯矯相望楚越間計聞此而喜可知也羅太宰學術風猷岳
峙當世其遺言緒論擬拾而表章之實在足下此外皆牛刀餘割無

所侯不佞云云矣

報胡文父

次公車騎已達龍沙計日相與下上德甫用晦宗良貞吉孔賜諸君子鱗比里中一呼畢集合毫酒翰白雪四飛將遂匡廬之顛瀑布無色斗牛之分紫氣燭天千古快心殊令人妬不肖索居海上互鄉難言邇邦相至始獲一吐胷中塊磊第彼此相對旁觀遂無復人也一笑一笑

燕中與文父小牘二通

裕卿雞鳴出函谷殊駭聽聞昨晤惟寅亦云揮泪而別而何仁仲以爲尙留都門誤也今特遣一信問諸水濱

二

信歸已悉彼寓所裕卿片紙至豈慘不可讀且欲拉吾及足下同買一蜻蜓鼓柁而南亦寓內至快心事僕凌晨前發遲足下潞河之陽足下須辨裝亟至無爲使燕世子聞率荆卿漸離輩築放歌大

少室山房卷百十九

九夢選虞

關黃金臺下也

報李通侯惟寅

讀貝葉齋草鄙人以姓字占籍青雲幾十七焉快哉無所憾矣自君侯倡盟大雅域中諸談藝士憑軾趨風華陽碣石之間蔚爲倚國每花朝月夕風天雪郊挈盒攜尊連鑣並轡無論雙闕五陵西山金銀樓殿四百餘題名其上殆遍離尋丘切壑稍具遐觀君侯必聯絡賓朋窮其勝而後已按是編一時倡和宴遊之盛觸目可想像也今往事遂爲陳迹而故人亦大半入岱僅君侯與僕以其時年齒差少故相望僅存若太白之配殘月耳君侯虎頭燕領行且立勳萬里外一通侯故物不足言僕自別君侯離羣索居持一竿東海之上卽擁眾扶餘稱王夜郎安能與英衛元勳絜量高下哉賢郎雋聲傑起幾跨阿翁不佞髮種種矣而心故長何日相遇中原覩其騰霄歷塊也

與李臨淮

連朝風色莽莽咫尺間遂不能相過一道別悵行期已卜暮春之朔

扁舟泝潞河發矣古人所以執手徘徊臨歧戀戀者非無丈夫之志以知己之難遇也僕于君侯誠所謂傾蓋如故者況益之二十年之雅而值茲數千里之別彼此戀戀更當何如析雙劍于河梁坼長虹于薊野中夜悲歌不自知衰涕之交集矣俚言一律呈正大方心長調短不足言別君侯念之

少室山房卷百十九

十夢選虞

少室山房類集卷百十九

澗水胡應麟明瑞著

書牘十首

與李惟寅

君侯之結社長安也義薄雲天聲震海寓四方才雋影合響從蓋平
 原信陵梁孝陳思合而一焉維時不佞齒最少技最劣而名最卑而
 君侯一見拔之珠履數千之中置之國士無雙之右以上賓廁下走
 以大將呼小兒渥解衣之惠弘結縻之風崇斷金之交竊聯璧之譽
 卽君侯銳情吐握靡擇芻蕘乃不佞沐浴殊恩卵翼洪庇鑿舟擢赤
 自矢以毛遂荆卿冀一當狗盜狗屠于門下者詎旦夕忘哉何期游
 從欵洽造物見猜唱和繁興真宰積怒風波倏起羽翼中乖足下留
 都不佞還越躑躅荆門之野徬徨易水之章飛霜擊于青冥長虹貫
 于白日壯夫之髮堅而指天烈士之肝墮而填地當是之時僕與君
 侯面孔相向黯然魂銷啞爾神去窮愁孤抱逆旅萬端口欲訴而一

詞莫陳腸已斷而九迴靡歇誠生人之荼毒而知已之極悲也自別
 足下言返故廬肺病侵凌雄心滅沒分已息交軒冕絕迹市朝雕蟲
 是師蠹魚爲友經史子集環蔽蓬蒿典索丘墳吾伊草莽以立言爲
 盛節以不朽爲殊勳覽太玄則大子雲之準易絀中說則應仲淹之
 續書讀史記則榮司馬之發誅咏離騷則高左徒之比興紛華盛麗
 弗存乎中隱約沈淪無慕乎外跋扈飛揚取諸懷抱優游泮渙遂其
 平生日晡而眠日旰而起科頭跣足不履不冠抱膝微吟曲肱長嘯
 清琴數弄名香一炷頽然丈室耳目盡忘齊景良朝荷鍤小車攜壺
 蹇衛與集神王無問所之招南鄰之叟尋北寺之僧耦東郊之農挈
 西園之幼時而濯和風弄佳月翫晴雪眺晚霞時而歷層巒升高岡
 浮清川浴淺瀨時而撫長松倚修竹坐茂樹擷幽芳時而釣游鯉弋
 飛鴻聽鳴禽友黃犢得意則涉旬長往耽奇則彌月忘歸黜陟不知
 理亂不聞寵辱不驚利害不入汎汎然若大尊浮于江湖虛舟泳于
 川澤一切人間世不復繫寸衷久矣惟是空谷之中足音曠絕二三

兄弟耿耿余懷若吾惟寅尤所眷注追惟夙昔投簡操觚把臂崇壇

論心廣坐自謂黃河如帶泰山若礪金鐵可泐盟好弗渝寧意渙散
 睽乖至有今日此黃鳥之歌所以興悲于遠別碧雲之怨所以極望
 于長空也嗟嗟惟寅華陽未毀碣石猶存屈指故交無恙有幾秘書
 長夜于羅浮內史先秋于大庾康子棲神于雁宕童生委骨于龍丘
 謙之草宿于瀟湘鳴皇木拱于京洛仲修汝修植伯持伯懋功孟弢
 在明諸子或投簪海岸或解佩江臯或挾策都門或懸壺市肆莫不
 雲萍蕩析風葉紛披後會無期前懽茂續桓大司馬云樹猶如此人
 何以堪嗟嗟惟寅追思往事能弗痛哉周視吾曹僅一足下鬼然靈
 光樹燕趙之長城撐吳楚之半壁坐朝堂則方虎之重出沙漠則韓
 白之英際遇隆矣建樹偉矣榮名顯矣志願躋矣亦念鄙人之瓠落
 乎已乎惟寅君侯進而清廟垂不世之勛不佞退而名山希來世之
 業固知鵬鷲異翔龍螭殊軌然而屈伸逍遙大小一也合浦之珠復
 還有日延津之劍重合何時臨楮吞聲泪目枯竭

與黎惟敬秘書

始不佞之遊長安一卅角童子耳公以三十年名家觀其隻語而拔
 之庸眾之中躋之國士之右畧其黃驪期以神駿卽中郎倒屣于仲
 宣元禮通家於文舉較之今日不足異也六載都門聯鑣並轡西山
 四百八十寺題名其上歲輒一周每令節芳辰名園勝墅若河朔盛
 夏蘭亭暮春梁臺冬初赤壁秋望靡不折柬追呼窮極興會華堂蓬
 閣飛塵不侵繡戶珠簾珍玩羅列圖書四壁彝鼎兩序清談甫洽能
 事競興公與壽承以翰墨思伯以丹青惟寅以鳴琴鳴皇以擊劍謙
 之子鳴仲修汝修以壺矢六博僕與裕卿在明顏生岑生以奕棋董
 子有抱膝而吟有曲肱而卧有胡牀淪茗有棊几焚香人自爲偶形
 骸盡忘禮法無拘機械不設羣賢既至少長旣集披襟酬錯撫景留
 連或惠風暢于庭際或素月皎于簷端或密雪布于長空或曾水啟
 於幽壑重以名花十畝喬木千章深菊萬叢疎梅千樹四時景物觸

目彌佳至于改席懸燈滯宵徹漏左龍陽右安陵前綠珠後靜婉魯
衛新聲宮商迭出演闕異味水陸還陳飲則踰平原之日而不歸醉
則居中山之期而不醒一咏成而句已傳于碣石一賦出而楮輒貴
于華陽誠人代之賞心而帝京之盛集也自門下引高岩穴僕亦焉
卧林垌一時同社雨析星飛十禩以還喪類畧盡思伯物粵仲修物
燕鳴臯切齊謙之切楚壽承切吳子鳴裕卿坊越兩朱生落魄昂藏
一則罷瑟王門逍遙替絃之外一則鼓刀屠市宛轉縲絏之中僅惟
寅燕領樹都邑長城泊門下鴻冥垂藝林碩果追憶曩時樂事如彼
軫念茲辰離索乃爾何能不扼腕徘徊撫膺踴躍望美人于天末思
公子于雲端也緬惟門下俯同此懷寄我新篇誦之踴躍僕常抗論
古今文人年迨晚暮非才力之變衰則志意之橫放較之壯齒往往
不侔獨吾惟敬楨伯二君並起一方咸汰斯患比聞卜築朱明閉關
勾漏羅浮萬勿競秀爭奇而公方吐納雲嵐超忽霞霧固宜青蓮歌
曲倚醉彌工拾遺詩律投老逾細也君華翼翼騰踴九達何物黎君

少室山房卷百二十一

三夢選

生此寧馨豈所謂丹穴之鸞驂耳之駒非耶僕下駟程材黔驢較技
二毛滋見一善靡聞微長康之黠而類其知匪嗣宗之狂而慕其達
崎嶇大於馮衍歷落甚于桓倫加以牝雞在室無晨不鳴獐狗當門
有時而墜雄圖幾于盡擲壯志尙爾未灰爰倒檢舊殖垂且百弓馳
上大方慮規三益興文道故神往形留徒倚足音惠子窮谷

報蘇君禹督學

語云白頭如新傾蓋如故不佞每三復斯言未嘗不拊髀嘆也何者
不佞東海之鄙人耳束髮修詞則雅嚮慕兩漢三唐之業既從家大
人浪遊京洛一時名勝不鄙誦陋引以過從年弱氣盈妄意舉足掉
臂可升作者之堂入風人之闕而志大才疎心長技短世務嬰其懷
抱疾病中其膏肓將遂負笈名山脫屣塵外而當路一二鉅公憐其
泛駕拔以空羣復爾逐隊簪紳覲顏佔俸古今殊尙妍醜異觀屢上
公車輒復報罷茲者三戰皆北皮褐東歸却掃閉關自同康鹿不願
一點迹郡縣之門厠足旌旄之末卽以命世賢豪登壇鉅匠藉軒咫

尺徒有神飛詎意執事聖不自聖念及蕝蕝才以憐才采茲葑菲車
徒雜沓相對屠沽軒冕燦煌下交岩穴卽不肖知同尺鷃藝少黔驢
能不一披肝瀝膽吐露於大方之側哉樓船豪飲權極平生握手款
言誼成千古桐江入望嚴灘分襟夕陽在山黯爾魂依卽不肖于門
下未敢謂國士無雙迺執事干胡生尤可謂知已莫二矣夫生有生
同里悲述締姻媿而蒿艾異芬參辰沒齒者明公獨不階片刺無事
先容結駟班荆頓成金石則古人所謂白頭如新傾蓋如故豈欺我
哉載讀參知公下頌手札大義動惓惓篇煇耀問字傳經之冗尋
分題授簡之盟非慧業宿根庸暇及此謹用揭之坐右誦以終身卽
下問搗謙拳拳無已譬則瓠巴鼓瑟慶梓削輪諦聽旁觀惟有心醉
而已卧病以來向疎筆研清風披拂舊習復萌輒綴七言律六章不
揣球珠上酬琪璧將因布鼓竊叩雷門伏惟憲以同聲痛加繩削尙
胥後命神爽飛馳

再報君禹

少室山房卷百二十一

四夢選

夜來篝燈疾讀諸大篇古風已登漢氏之堂入阮公之室當今獨步
靡可比肩五言律清融朗秀長軌開元七言律流暢和平比蹤大曆
時而屬比少疎音節過亮猶之商彝小蝕趙璧微瑕固無損其連城
第益彰其至寶伏惟明公虛受之懷獨隆千古下交之誼實絕一時
草茹曲士濫荷深知稍有隱情便爲大恩故忘其聾瞽冒布腹心非
敢說劍公孫之門贊詞尼父之筆實欲反求大匠加削朽株上冀隋
珠借光魚目耳占對卒卒不旣願言

報王大參

應麟馬牛下走瞻踰清光曼若霄漢兼以幽憂之疾株伏枕余素不
敢冒昧音謁大人君子卽郡城之中足迹疎曠十年所以春初驟承
車駕左顧衡蒞國士之知踴躍肝肺張顏持刺一再公庭辱明公忘
分推誠屈威損重寵施異數冠絕後先以王侯而友匹夫以方岳而
遵窮巷閭閻目以生輝道路詫爲殊特擬諸信陵之轡則上焉者齒
德俱尊揆諸僕射之旌則下焉者技能彌劣誠當今之創觀而古昔

所難遺也間者復辱雲箋下前岩穴膜儀盛貺飽德醉衷九頓拜嘉
罔知報塞頂高履厚奉以終身使族卒卒肅狀布私媿小子之不恭
惟長者之崇照

謝張大參知府父

駱谷波臣林丘牧豎管窺蠶測無異醜難辱長者采擇芻蕘過存藜
藿屈上公之威重問下士之沈寔發金紫之靈光志草莖之侮倂征
西車從闕咽道秀鎮北干旌徘徊間右固已榮逾袞龍龍溢街茅廬
至禰生之刺甫入于公庭崇伯之饋還吐于私室中郎之屣旋倒于
賓席孺子之榻長懸于郡齋爾其握手披襟論心造膝深宵坐月永
晝談天縮四部于齒牙羅三車于指掌應八荒于七節酌萬象于尊
疊供荒混沌之前元會運世之後堯率須彌之外德僥蠻觸之中無
不綜核精研旁通曲暢張華束哲耳目未該劉奇陸澄記誦徒侈奪
何憲五花之簞剪王勃七曜之文元氣淋漓眞宰幾于上訴靈光焜
耀大乙爲之下巡藝苑大觀詞場豪舉斯其極已又何加焉盛集希
少室山房卷百二十一

逢合辰難再布衷陳謝莫罄願言

報張中丞助父

自北地信陽兩君子龍躍鳳鳴奔走一代子業以清聲古色接軫聯
鑣河岳之靈幾于盡洩嗣是中原文獻一綫寥寥明公崛起方今雄
飛直上較之三氏于湯有光不佞雖未逐後塵得諸瑯琊伯仲恒以
爲堪盧大阿鋒不可犯宗梁徐謝咸避前茹于時私心嚮往饒渴靡
加而霄壤途歧間稀值問者敝裾羸馬蹙蹙長安邂逅墟頭周旋
大雅辱明公畧去形骸剖露肝腹抗揚文藝上下古今莫逆于衷相
視而笑至枉駕衡蒞停騶問巷上公之貴置之若遺豈不佞夙生緣
業當御李君天作之合靡由人力耶不然而問潤于生平者胡其遭
逢于漏刻也得書慰論拳拳以不佞從事嘉隆五子並驅孰知先後
令人愧怍罔知所承明公瑰材麗藻橫統亡前逸調雄詞高華莫並
俯眎鄙人殆大鵬之于尺鷃而視焉希有見目狂迂有骨無心能弗
沾背所冀登壇大匠終始玉成毋使知人之哲翳累于秋知已之明

局踣五夜至所望也至所斯也鴻旋勒謝末竟願言

報葉離臺

應麟之乞米長安也弊裾羸寒蹙蹙塵埃十口纍纍故鄉天末重以
老親門閭弱弟襁褓俯仰宇宙躑躅河山欲歸則羽翼推頹奮飛無
路欲留則形影獨語告曷從天幸明公政成報命闕下皇情首注
簡蒞越邦應麟方以貴賤途歧尊卑禮絕懼趨謁舍投足次且廼明
公軫念舊交不遺遐逝形骸罔間勢分盡忘寵以華筵賓之上座披
肝洞膈扶日傾宵于時應麟固以飽德醉衷刻深五內矣至詢及羈
旅靡依長途病涉慨然垂慈不報多惠難名飛檄自天單符動地遂
使六鵬生于白晝四牡附于皇華門無怪澤之呼野絕荏苒之警俾
呻吟餓蜀之夫憐憐遊梁之客安車而遵大路高枕而達故樓迄今
松檜猶存蓬蒿旋掃白頭無恙黃口同驩疇之賜也疇之力也應麟
之頂戴洪恩銜結大造此生此世何日忘之古人艷稱知己將于生
成麟也不肖昂藏七尺已爲明公有區區妻子脫屣何論哉昨舫度
少室山房卷百二十一

准亟思上屬側聞台旌泣止改吉秋初故因家嚴賈使狀布腹心高

牙大驚幾幾九霄馬首威嚴未敢以韋布短衣匍匐道左軒轅少暇
圖侯顏色不宣

報謝直指葉公

易水騶樓渥承睇盼臨安留帶更辱提攜大造洪恩怙恃爲一而且
誠推肝膈分絕形骸以草莽下臣擗上公之左席以荆榛窮巷駐長
者之軒車古昔僅聞今茲曠視藐焉一介其奚以堪自大旆出關樓
船抗手踰歧黯慘神爽飛馳泊抵故廬將圖北首而賤荆奄逝并日
靡供嚴父衰遲晨昏莫寄踟躕里閭瘴瘴風流極意德星還照東國
迺聞太夫人仙遊之耗痛悵不勝亟擬生芻絮酒匍匐玄堂恐盛暑
酷炎復勞苦次側身東望悵悵難言伏惟至性夙根哀慕罔極迺玉
體方勤劬王事莞瘁百端尤冀勉思大孝損節深思以上副聖天子
九重之望下慰太夫人九地之靈詎惟愚父子且夕應懸蓋東南萬
姓同以爲祝者也家君使僕敢布腹心鄙律六章少抒悼憶惟執事

頌亮之

載報直指葉公

應麟山鹿野麋自放人外長林豐草抹殺世緣維是明公下車做邑
首辱拳拳捐百里之煩勤三接之遇畧州民之分申國士之交卽窮
年掃迹不取一投足公庭廼明公諒其迂疎黃其狂簡吹噓盼昧無
已有加應麟于是時業已醉心飽德自矢豫生久矣自明公飛翔天
路不肖亦蹶躡風埃旅食江湖萍蓬靡定而邇歲滯留燕土羈寓武
林因瘁伶俜不可名狀乃長者停駒土窟賜席霜垣曩絕恒情一掃
世法卽古之樂道志勢推誠下賢未有如執事之光絕後先者也願
麟也何人以最下之朽株當無上之弘造劇肝鑠腹愧切難名歲杪
病瘍迄今兩載伏枕岑岑辱金玉之章下頒窮谷霍然起誦恍接風
儀伏惟明公鳴琴之政迥出千秋攬轡之風高舉一代卽今與梁溱
洧廟貌錢塘萬姓瞻依八表傳播國朝名臣倍屣唐漢至絜功較半
未有居下位而立障之頃成百年之永賴處外臺而垂紳正笏措天

少室山房卷百二十

七

下于泰山者也仰惟玉體懸然不勝苦塊剗太夫以有子明公足垂
不朽而大廷之簡注環堵之謳吟不可失也讀禮之餘聞進荅尤節
哀搏泣以成異日者震古無前之大孝愚父子旦暮望之且暮祝之
使旋草勒報謝未罄願言

啟劄七首

賀申學士生辰啟

壽域啟黃扉八表觀三台之象祥光流絳闕萬年懸五岳之圖昌期
協而名世生治運隆而真宰出轉洪鈞于北極海晏河清騰紫氣于
西華虹飛電繞恭惟某一代真儒累朝宿德閱深邃密接孔孟之淵
源廣大高明負伊周之局量蚤年躬策彩雲垂耀于楓宸午夜然藜
太乙下窺于秘閣文章蔚爲宗匠朝野視以儀刑絀金匱石室之藏
兼總乎丘明大史之所未備校天祿石渠之籍博綜乎楊雄劉向之
所未通萬方翹首以望其雨露五位虛心而倚爲柱石惟茲大德克
當天心爰及熙朝時升台座經邦論道尊同帝者之師翊化調元望

重王朝之佐掌絲綸于禁闈贊補綴于明庭陋唐漢之規模功百于
蕭曹房杜起勳華之禮樂任兼乎稷契夔龍越裳重譯以來賓西域
懷琛而入貢恩加九錫普天同祝其修齡化被四方率土並占其遐
筭惟中元之詰旦爲初度之良辰欣王露之方溥值金風之乍起兔
官蟾闕呈五彩之奇輝鳳閣鸞臺備千秋之盛典禎祥協應日朗天
開淑氣氤氳嵩廻華拱姓字遠符周伯知間氣之生申聲名近邁路
公適歲支之逢午兩宮眷問交馳中使于掖庭三殿傳宣盡出大官
之庖饌降而百辟莫不同懽爰及羣黎咸知共慶瓊珮趨解于瑣闥
衣冠輻輳于通衢金醴榮煌並列安期之赤烏玉桃芳馥雙飛王母
之瑤緘誠哉海甸奇逢允矣天人交慶彼函關之西駕奚裊王靈而
俗社之中興空傳逸事孰有榮膺百祿歌大平宰相于明時澤遍重
溟頌中國聖人如往代者也某榜櫟庸流草茅下品龍門願盼濫空
冀北之羣雞樹瞻依彌切周南之想屆茲華誕曷任飛馳敢竭愚衷
少申毫末伏愿介富壽康寧之景福真靈長鞏固之丕基奉天下者

少室山房卷百二十

八

億萬年大業與乾坤而並久相成周者八百載太和巨宇宙而長新
某不勝翹企祝望懇切屏營之至

賀大宗伯王公啟

伏以八座尊嚴當代重斗山之仰九重咫尺敷天切霖雨之恩典禮
樂于太平夔龍再邁復文章于元古左馬同聲凡叨函丈之末光曷
任門牆之私慶瞻依莫喻踴躍難言恭惟某海嶽儲精貞元毓秀巍
巍名世應五百年間出之期赫赫儒宗際億兆載方亨之運雋譽流
聞于襍祿英稱藉甚于簪裾瓊島風清獨占羅浮之桂樹玉堂天近
先攜大庾之梅花雄飛雁塔之前高步螭頭之上讀書中秘羣公讓
彩筆之鸞騰獻賦西清列辟觀宸旒之悅豫視東觀蘭臺之草紬石
室金匱之編天顏肅穆以親承日角從容而坐對堂中刻漏蓮燈合
藜火以交輝閣下絲綸槐色與薇花而互映望極平清華之選恩隆
乎密勿之司鼎茲時升佇聽宣麻于北極軒輶暫借猶煩典禮于南
宮治神人和上下非伯夷何以任其官審經曲觀會通必商容乃能

舉其職郊天祀地之典一振宏綱朝日夕月之儀咸撮機要萃衣冠于朱雀兩都瞻黼黻之光馳劍履于蒼龍四海播儀文之盛玉樹鳳凰之句金波鵲之章振六代之靡風一歸大雅攬三山之秀色盡掃陳言中夏外夷拭目冀希文之大拜兒童走卒傾心頌君實之明揚誠哉不世奇逢允矣當今快覩明良喜起之氣象將益信而有徵聖賢豪傑之經綸行且立而可待某白屋經生寒蕪末品衡茅佔俾濫膺桃李于公門草莽握承幸接芝蘭于下席夙奉鳴絃之教冒干製錦之榮葉縣飛鳧有凋王喬之異術冀羣識駿敢忘伯樂之殊恩用竭愚衷肅陳短狀少紓蟻悃上祝鴻猷伏冀珍玉道躬膺承簡命彤庭晉接幼鹽梅舟楫之誠絳殿敷陳荷柱石台衡之寄與周召閑散而相望並伊臯稷契以為徒某不任翹跼瞻望之至

賀御史大夫趙公啟

栢府崇遷九域佇澄清之化蘭臺獨坐千官迴振肅之風廟堂動色于周昌朝野歸心于汲黯太微高揭清光徹帝座以昭回執法中懸

少室山房卷二十一

九

紫氣合皇都而照耀恭惟某命世儒宗昌辰碩彥為時而出膺五百
年豪傑之期協運以生際億萬載明良之會爰自立朝之始常存正
直忠讜之心泊乎入仕以來茂著澤厚精明之業大行首試聲名遠
播于夷陬給舍旋超奏疏交馳于瑣闥敷歷乎東藩西省惠愛旁流
飛騰乎北寺南臺丰裁益峻昌言正色屹立于波靡瀾倒之時大烈
精忠聳動于地闊天開之日駐旌帷于蜀郡三峨飄象緯之光行齒
簿于江州五嶺借山川之色四海之傾心日眾九重之注念彌殷大
蘇高牙不踰年而內徙穹階峻秩甫閱月而重遷威行百辟之先位
列羣公之右鷹揚虎視巍然柱下之元遠鳳翥鸞騫赫矣臺端之碩
輔蒼珮透迤于廣殿絳駟馳騫于中逵姦人遙望以潛踪善類因之
而作氣垂紳正笏雍容而鎮定乾坤載筆峨冠指顧而動搖山嶽稷
契臯夔之事業復見于今漢唐晉宋之功名眇乎其下倬哉盛世斯
民之遇偉矣得時行道之秋某樗櫟冗材疆場末吏沉浮列署濫叨
白簡之餘光奔走外藩竊庇阜囊之休烈恭聞大拜曷任瞻依敬竭

衷誠少撼忭躍

啟汪明府代同人

玉鳥乘雲漢殿重雙鳧之賜銅符耀日燕城分五鳳之華春光將遍
于河陽爽氣式瞻于秋浦某等南宮與計叨陪奏對公車上國覃恩
幸獲樞承仙駕敢託花封之末僭申芹曝之思伏惟惠降華鏡照臨
廣座琴飛白雪幘岸清風一奏驪歌並折渭城之柳色少紓鸞馭先
流潔水之蘭芬云云

賀唐父廉訪擢江右

崇遷大國峻陟元僚象輶三垣班聯八座香爐瀑布候旌旄于匡俗
之廬畫棟珠簾瞻鹵簿于滕王之閣紫氣極西江而照耀蒼生合東
郡以攀援應麟猥以衡蒞濫竽洩勃興言芝桂託好蘭蕙懸上榻于
高齋敢云孺子據胡牀于廣榭數奉元規顯擢躬逢榮光快覩薄言
申賀未罄悃誠神劍雄飛行躍司空之珮德機咫尺頻占博望之槎
離合五弁權虞並集仰惟崇一為任飛馳

少室山房卷二十一

九

賀參知洪公得雄啟

棠服延芳戶牖協三槐之榮蔽垣炫采階除徵五桂之祥雙珠兆而
合浦霞飛尺璧現而昆岡電繞騰騰海嶠喜溢江藩伏惟某某高門
日揭巨闕雲初司文苑于中台是生玉樹宅武夷于上界爰擢金莖
八翼垂天預識九苞之鳳五花墮地爭奇千里之駒懸弧矢以射中
華紹弓裘而傳大業應麟叨光世誼竊庇州民忻逢岳降之辰樂遂
華封之祝薄陳牙頰敢布腹心曝欵未申塵襟幸炤

舉唐臨海縣丞駱賓王祀鄉賢劄子

竊見故唐臨海縣丞義烏駱賓王大節高風瑰材卓行詞華冠代學
業超羣挺生景龍垂拱之辰驟揭天寶開元之幟雕章繪句則霧捲
霞舒授簡揮毫則星流電掃揚揚盧遜其渾博沈沈宋範以馳驅逃榮上
裴閭喜之書陸沈靡悔潔已拒員平原之請壁立難攀至孝篤於平
生孤忠竭於始仕微官奉母任武功簿而不辭直道匡王謫臨海丞
而愈奮屬北晨之奠國玄樞撼而八極播仗雄畧以登壇赤羽呼而

萬眾集慟一坏于故主問六尺于元克歷數屠兄殺子之姦鯨鯢視魄亟發酖母弑君之惡裂翰寒心既首建義旗將裂渠魁于七廟旋身膏逆刃尙飛靈爽于千秋偉哉器識無雙詎曰文章寡貳迺史氏因仍弗昌言於紀述而州民藹陋迄罷亭於蒸嘗誠亘古不白之沈冤實闔郡當先之鉅典伏惟闡發幽光播揚茂烈亟修廢墜廣勵風猷俾乾坤壯氣恢弘于崇正之朝海甸英魂振迅于右文之日某不任激切祈懇之至

明蘭溪胡元瑞字應麟年三十八所著詩已二十卷他所撰著二十四種共爲卷二百三十有三制作之富得未曾有少室山房詩數十卷六卷筆叢四十八卷廣州已梓行是集詩八十卷文四十卷共一百二十卷明萬曆戊午新安江湛然刻于金華郡齋各收藏家罕有記載亦未見重刻本余由天津圖書館借鈔內多闕策卽用四庫本鈔補餘書多未見季樵胡宗楙



碣

石

編

四明張氏約園開雕

序

吾鄉楊伯翼先生生當隆慶萬曆間傲骨嶽崎不可一世抱經樓藏有西清閣詩草四卷展轉而流入於北平圖書館詩鏞既鈔得之猶未刊也今刊其碣石編劉子威不輕許人者獨於伯翼詩則稱其廣肆奧微洞通情境五七言古規蘇李而馳建安七子時極其致律絕則約裁聲韻以激越音節是其嚴於和而峻於命篇者今讀伯翼復子威書自言治詩文二十年茲見其難蓋競競守古尺寸不敢黍米溢也書中不滿王李及明卿而

碣石編序

一四明叢書
約園刊本

獨推重子威引為知己則其學可知已居城南小築曰儵園自謂守先人造業檉楓柏栗隱映若碧城天風海濤生几席閒蕤蒹荷芰蹲鴟蓄積之屬至死不饑見答天台其襟懷又復何如斯編賦一詩五十九為卷上記事二傳一序一書六疏一為卷下凡二卷錄於徐興公書目或有言碣石未如西清之雋永或言西清少遜碣石之沈淨屠田叔以為兩集各具韻頡之韻洵為知言伯翼每謂是是非非賢賢黜不肖古今儒者大權斷斷不可枉誠心直躬高行闊步毀譽無所護曲直無所強見答

宋叔仁書名滿京師所交盡名士而卒與時忤嗚呼如伯翼者疆陽之氣鬱而不化其不遇於世也宜哉爰刻斯編為之三歎民國二十五年一月後學張壽鏞序

碣石編序

一四明叢書
約園刊本

鄞縣志本傳

楊承鯤字伯翼父美益兩上者舊傳嘉靖二十六年進士嘉靖

歷官提學御史四明貴州布政使左參議貴州大理

丞曹太僕少卿承鯤少有異質嗜書尤喜讀班馬二史

工於詩年十五六為諸生沈明臣一見奇之曰今日建

五丈旗當以楊生居吾前所謂獬兒難與爭鋒也因贈

詩呼為德祖以是有重名為人守古獨行於當世少所

許舊每謂是是非非賢賢黜不肖古今儒者大權斷

斷不可枉承鯤與朱叔仁書嘗以年家子謁尚書王世貞貞

碣石編傳

一四明叢書

見其行卷絕驚異承鯤默然別去舊語人曰錢王先

生博大心慈客持片楮求譽輒津津不休即孺儒賈豎

人人謂王先生知己也其知己多矣僕尚庸庸其間哉

承鯤與劉子威書既以太學生北上作薊門行一日名滿京師

旋即歸里於城南小築曰翛園日獻詠其中與友人書

云家有遺業一區檉楓柏栗隱映若碧城風濤生几席

間菱菰荷芰蹲鴟薯蕷之屬至死不飢伏臘之暇想足

老矣其高致若此文章高妙少善書法蕭疏似晉人所

交遊盡名士第一流舊承鯤論文謂先民有作穀率

存焉不入穀率雖工無當也論詩厭薄王李謂暗中摸

索知為今人之詩惟誦之不類今人而不蹈古人之跡

斯善矣譬之學書然方其心摹手追必盡肖古人及其

成也不必盡肖乃成家可稱知言者也靜志居詩話年四十

卒蔣傳○案本跋碣石編序云吾友楊伯翼謝世三載

乃辛卯孟冬十二日夜夢寄三十六於子曰承鯤無

恙近居歐洛山中見黑黃二鷓鴣弟目弋已得一黑矣

黃未獲也題封宛然覺而賦詩曰夢裏開緘淚欲潸驚

回梁月似君顏三年書札悲今昔一夕精靈託往還卻

碣石編傳

一四明叢書

恨帝京為下吏不知歐洛在何山鳧鷖鴻濤終難辨朔

蝶莊周栩栩問據是伯翼之

卒當在萬曆十七年己丑

碣石編序

故友楊伯翼者傲骨嶽崎不可一世高標磊落難與千秋式當隆慶萬曆之交蚤悟四始六義之旨逮其在日揮塵履舄紛紜莫不願聞衛玠之談道泊乎亡後遺篇歲月遒邁悉皆賞譽劉勰之雕龍論其年雖止四旬微其業可垂不朽慨其雄心無著巷慟回車之哭壯志未酬筆拈告墓之文閒詠前代五君謂顏延之允稱大手醉吟近世七子謂楊德祖可呼小兒人徒羨其擅風雅而裁吟詠乃不知其噦心肝而示牢騷也往予嘗選西

碣石編序

四明叢書
約園刊本

清集中數十篇授之剗剗而序其詩者略云備矣今再序碣石編焉思之不休故言之不已亦從其子德遷之微也向客有言碣石未如西清之雋永有言西清少遜碣石之沈淨予皆不然之蓋兩集各傳色澤之施各具韻頡之韻客之所言未是通方矣且也伯翼之詩律中金石伯翼之書筆矯蚪龍故誦其詩者如聆大韶并啖哀家之果得其書者如獲片甲兼收甲帳之藏伯翼可謂不死矣予偶檢做籠載伯翼亡後夢中寄余尺牘因作紀夢詩亦蘭茝臭合不以消馨而有閒也并錄於此

序曰吾友楊伯翼謝世三載乃辛卯孟冬十二日夜夢寄三十字於余曰承鯤無恙近居甌洛山中見黑黃二鴻鶩弟設置弋已得其一黑矣黃未獲也題封宛然字字淒楚覺而惆悵不勝人琴之感賦詩曰夢裏開襟淚欲潸驚回梁月似君顏二年書札悲今昔一夕精靈託往還卻恨帝京為下吏不知甌洛在何山冕鷩鴻鶩終難辨蝴蝶莊周栩栩閒錄罷更加淒楚念先友之無從見也遂成小言時予七十有六去伯翼仙逝之歲凡二十九而序始成萬曆丁巳孟夏望日友弟屠木峻撰

碣石編序

四明叢書
約園刊本

碣石編卷上

賦

明鄭 楊承繼伯翼著

菊賦 與董伯念膳部作

夫何有此華菊兮際暄暖之杪商庶彙寂而告殞兮淒
氣切肅而變霜鴟雞晨鳴而極悲兮蟋蟀哀而入房俯
厥民之幾隳兮愁萎翳之彷徨誠獨遭此推槁兮不以
後時而不芳紆蓊葉之葳蕤兮韡茂華之煌煌燿風露
之高節兮薦幽遐之渥香鍾淑氣之純和兮備五色之

碣石編卷上

四明叢書
約園刊本

中央目隆烈而久處兮媿嫵媚之獨藏步逡巡而自理
兮似委蛇於周行又扶疏而含寂兮若隱思而凝望藉
莖郁而幽敷兮夫固飭真而懼彰淹貴賤而靡盛衰兮
豈行員而德方量六服之可補兮悲三閭之見將斯宜
喬而或谷兮將雨牛而濫觴何所避之不辰兮當萎靡
而振揚彼瓊枝與瑤華兮又謂余之不量傷時俗之弛
陀兮誰知予之貞良淒真偽之莫辨兮惋甘苦之疇明
縱菸萑之見尋兮實約汙而愈昌直高義之不毀兮肆
獨立其何殃雖重蒙平瘵瘁兮終抱節而自傷使連性

而可改兮曾奚以異乎祥桑願獨奏此薄技兮抗謗
而翱翔亂日時之駛矣不我留兮軋沕莽晦道阻脩兮
世無良人情易道兮與蘭為友桂為仇兮樸菽穢累誰
為謀兮含貞佩潔增離憂兮

詩

贈錢季梁進士省覲歸壽其太夫人八十

高皇手提三尺劍坐麾四海如委翎凌煙功成賜鐵券
詔謂宇內求真形錢王古鐵漁人得紫鏽徧蝕波濤鯨
熟看帶礪隱玄玉金書細鏤魚龍青二百年來治平久

碣石編卷上

四明叢書
約園刊本

錢氏子孫多壯丁君今蔚起觀滄溟隘精再鍾羅剎
豐眉脩幹照冰雪玄言五千合典刑遂令天下望筆跡
一語出口如真經時來歛與風雲會手掣紫電開青萍
名成進士拂衣出要與吾道爭震霆太行白雲常在眼
東下扁舟不可轉手持瑤草身綵衣直向階前學嬌蹇
高堂老慈念笑看錦帔素髮顏如丹捧檄始知毛義喜
牽輿絕勝潘岳歡牛心龍炙百拜獻寶幄獸饌開壽宴
羊酒爭馳里門入左右共識賓朋羨男兒得意豈有窮
有官不用三千鍾但願子貴母長健承顏數上金花封

錢氏忠孝古有語吁嗟盛事今再逢吁嗟盛事君再逢
得不盡孝兼盡忠

錢季梁山樓宴集

花逕層層轉岑樓宛宛登江吞百谷盡風壓萬波增土
酒甘於蜜山梨冷勝冰海門餘雪在斜日玉虹蒸

送萬揮使督運之京

少年戎馬望長安萬里清霜照鐵冠九世漕艫臣節苦
屢朝綸命主恩寬吳雲漠漠旌旗遠朔雪蕭蕭棨戟寒
聖代只今優轉餉到京先見六師歡

碣石編 卷上

三四明叢書
約園刊本

絕句二首

江鳥黑如漆澄波飛每遲窺魚未肯下但恐世人知
樓雉千尋峻山梁百石橫寒藤與荒蘚日日老孤城

舟中獨酌成詩

萬牛變爲豕不如一豚蹄金罍對綺席未若臨迴溪魯
酒清且冽吳魚斫成鱸一酌壺再傾海日忽已西春風
不相饒吹我顏色淒男兒重弧矢豈得念織鞋但醉莫
復歎故山雲外低

屠田未奉常以詩寄其子太學悲不堪讀作此示

太學亦致老大之感

客裏題書寄阿戎墨花猶染淚痕紅一官天上頭俱白
五畝城隅望轉空紫塞總無南去雁黃塵時有北來風
寒鐙半壁春星薄笑我尊前似若翁

古城

黃河春水漸縱橫千里荒涼到古城幾處謳歌三限苦
百年饑饉一時并寒沙莽莽英雄國宿草離離戰伐盟
欲採風謠獻天子不知身隔白瑤京

滋陽道中詠烏

信宿滋陽道聯巢見乳烏卑飛常狎主覓食競將雛老
去一枝穩春歸千種呼異時驅父子不復歎羈孤

曲阜謁周公廟

荒城落照掩嶙峋野廟長楊入路塵禮樂正逢周監古
丹青猶見魯宮春苔埋鼯鼠豐碑折雨洗鴛鴦碧尾新
千載金縢空涕淚不知珪璧爲何人

登聊城樓

聊城春欲暮客病乃思家載酒郡樓晚憑欄歸望賒東
藩初壓柳南國久飛花一箭功誰在風吹萬井沙

碣石編 卷上

四四明叢書
約園刊本

楊花二首

春風欲度大隄長無奈楊花竟日狂吹入玉河先作雪
積來銀榜忽成霜輕露舞燕頻回首故拂啼鵲更斷腸
惟有深宮看不盡卻穿簾幕重飛揚

其二

舞榭歌臺處處飛隨風又上美人衣翻從碧瓦疑朝霰
卻向朱簾亂夕暉日暖宮牆愁不起月明江樹望全稀
長安大道吹俱徧更逐清塵滿玉扉

清源道中喜雨

碣石編 卷上

五四明叢書
約園刊本

舟楫津梁隘城陰雨乍飛未能滋土脈稍可濯春暉燕
舞高俱盡鳩鳴喜不歸三年齊魯旱似有麥苗肥

憶事三首

千尺迴廊百尺橋海天風細夜蕭蕭朱簾不卷銀屏閉
明月樓臺在赤霄

何處吹簫夜色涼不勝哀怨濕衣裳平湖百丈天如水
露滴藕花秋夢長

翡翠簾櫳白玉宮碧雲無影佛燈紅夜深下界行人絕
一片經聲在半空

至邸贈田未太常

帝里逢迎五載過一官猶自寄婆娑二三兄弟如君少
京洛風塵較我多入座雲巒侵几席到門車馬避煙蘿
西山爽氣朝來甚柰爾卿卿黛色何

寄蔡子行

久病天涯客思歸海國心黃金炊桂盡白髮與秋深旅
夢驚殘夜鄉書望好音飢荒兼盜賊萬里共霑襟

寄聞仲連

何限悲秋意臨軒望所思年饑鄰里散道遠歲時睽有
念都依佛無緣欲度誰江干小茅屋憶得綠蘿垂

碣石編 卷上

六四明叢書
約園刊本

曉

落落大星動荒荒殘月新馬驕常倦夜雞小不知晨風
雨思家數陰陽紀異頻江南與江北哀疏幾回真

六月十二日得上林家兄書云鬢髮中白覽之流

涕賦此寄上林兼呈袁公教讀

臥病長安客家書此日來卻傳雙鬢白總為片心灰樹
老陰難密蟬秋語易哀百年兄弟淚頻為故人催

聞蟬同王辰玉作

何處蟬聲至悠然客思驚
漠南千古望秋色不堪名繁
暑濕難歇涼風吹易生
莫將兒女淚輕灑鳳凰城

歸

白酒他鄉客清江故國心
如何學山海猶自望高深
幽薊秋常早乾坤歲屢侵
南歸問行李吳寇幾消沈

贈王思延都護

讀書十年無一字雷雨荒山走魑魅
垂老不知行路難
翻向衡門紀災異眼中五嶽分秋毫
筆底風霜半顛顛
謁來燕市三日遊擊筑涕下常幽憂
城雲不動凍日白

碣石編 卷上

七四明叢書

約園刊本

對酒忽憶梁園秋信陵門下賓客盡
魏王池臺煙樹愁
信陽王君鷹揚質眾中與我情常密
肯將肝膽向時人
不惜皮毛見膠漆高牙大纛手自取
翠羽金臂漫相失
長安大道霜日晴赤驃蹀躞黃金纓
每攜斗酒慰寒谷
井間生涯憐杜蘅四郊逡巡馬常備
百函矢口書還成
慷慨相逢又相別百年草草何愁絕
壯士空存越石心
老妻但笑張儀舌歸去天南憶舊遊
茅堂晝掩青谿雪
開元寺宴集留別王思延余懋吳

九月燕山雪涼風早下來客心殊自苦
歸思不堪裁鐘

鼓秋城急煙霜夕殿開南行寄鄉信
欲去更徘徊

題何仁仲采芳園是其尊君司寇公所老

芳洲迢遞接城隈雪壁朱扉水國開
大別寒雲生几席
岳陽秋色傍樓臺朝廷舊識尚書履
巨壑猶傳太傅杯
我亦爲園滄海曲碧霞千里望蓬萊

曉望

鳳城涼月落雙闕早鴉鳴日氣千門赤
霜華萬壘清
欲歸寒事逼將老壯心驚樂劇留餘蹟
蒼茫意未平

安我素大行席上留別

碣石編 卷上

八四明叢書

約園刊本

綠髮看易老黃華羞獨存朝廷事既邈
巨壑道彌尊
歸去將湖雁愁來共嶺猿天涯候霜雪
谷口念田園密篠
通江界寒潮滿郭門題詩紀歲月得酒
信乾坤失意無
南北忘形有弟昆離筵對明燭黯黯自消魂

九月九日郭美命太史席上作

節有重陽勝情因落帽雄塵驚塞門
黑日薄海天紅酒
拓賢人量詩聞大國風平生懷有道
萬里幸相同

九月十日王胤昌太史置酒丁園集社中諸君分

得山字

失意逢高會因人破旅顏綠蘿幽徑入朱館夕陽還命
酒占雄帥分題鬪小鬟坐深銀燭冷夜久玉繩閒踳躑
千金骨遲迴萬馬閒霜清黑谷水秋滿白楊關過眼黃
花會驚心黑髮班還將太史副歸老共名山

雪夜集林孟鳴比部宅得秋字

朔風吹積雪莽莽見邊秋寒益傲貂苦歸逢長鋏愁出
關瞻紫氣把酒問滄洲毛骨生難換乾坤老自休新知
有比部感激漫消憂

薊門行贈張伯誨將軍

碣石編卷上

九四明叢書
約園刊本

薊門三日風日黃驚塵漲天歸路長禁柳條寒半欲折
邊榆葉稀天欲霜將軍角弓控不發檣上鳴鏢動咆哮
玉帳高寒瀚海雲朱旗半掩孤城月城頭落月照皇都
萬竈漠漠秋煙孤暮天軍中一事無蹴踘笑踏紅氍毹
繡簾銀燭夜慘淡仰視河漢西南趨乳皮薤白金城酥
滿堂醉客爭樽藉將軍大呼一擲萬袒臂已覺無全胡
天子但顧西南隅窮荒蕭條八月雪鳴雁哀叫胡雛呼
雲中古戍烽候緊漁陽勁卒膽氣粗天山茫茫白草枯
文皇遺鐵生紫翠至今羣胡不敢動側目齧指空驚吁

英雄出塞薄萬里龜茲于闐入版圖君不聞北斗之下
爲中國太宗滅蠻心未休翠華卻過北斗北千秋仰見
肇造難萬古長沙淚靄臆

寄別馮琢庵太史

歸去清江理釣絲一舟長與白雲期荒山露下蒼厓濕
茅屋秋生碧蘚滋直以形骸甘落魄肯將顏色怨明時
黃金臺上休回首莽莽風吹易水悲

索居

萬里燕山客涼風久索居如何聞去雁只是少來魚欲
雪關雲白將寒禁柳疏壯心與衰草落日對躊躇

碣石編卷上

十四明叢書
約園刊本

王思延席上留別分體五言

悠悠滄波客鬱鬱朔風離別有嚴期況乃聞歸鴻辭
決豈不烈感歎夫何窮燕市多繁霜遊子怨飛蓬在子
惜分手願我中心同清歌發逸響麗月臨寒空絲桐感
人情哀思滿堂中高義古所敦君子戒薄終努力念嘉
會萬里望飛熊思延尚無子故望之

聞雁

何處聞歸雁寥寥半碧空江邊有楓樹不待曉霜紅

七哀詩四首

驅車廣陽城遙望黃金臺朝暉生巨野霜氣正皚皚悲
風號衰柳飢鳥鳴相哀遊子戒明發念舊心何悲行役
不及餐結轡中自違白駒在空谷幽人臨路歧娥眉世
所妬忠信常見欺去去惜年歲弗為達人嗤

其二

朝發桑乾河暮宿樓桑村王氣久消落靈蹟祕陳根物
色遞遷化日月屢崩奔奈何此征夫跋涉無朝昏驅車
冒榛徑忍飢過市門餘雪照墟里頽陽藹荒村隴墳鬱

碣石編卷上

十二四明叢書
約園刊本

相望賢達無一存顧彼翳桑人太息涕潸潸

其三

客行無昏曉乘月理歸軒仰視明河低畢昴正闌干繁
霜生肌骨齒戰不能言空野無人聲雞犬互悲喧羸馬
為哀鳴僕夫自辛酸行行日已老帝鄉日已昏朔風裂
緇衣客歸苦不早燕雀懷故柄遊魚思在藻日月逝不
處誰能長美好眷我平生親言旋永相保

其四

遲遲遠遊子鬱鬱望故鄉故鄉何脩阻江海浩相望早

疫殫為厲天災橫流行時潦彌阡陌妖祲化秋陽赤土
生黃埃魚鼈入中堂饑瘼困無訴疾疫薦為殃愛子棄
不收幼妻鬻為糶流屍滿江河暴骨如朝霜顧聞號慟
聲摧痛割中腸與子同幹軀各在天一方安得宋公粟
竭力與助勸

重過寶應湖

湖水寒初落行人老漸悲土風鳧雁熟鄉思稻梁遲業
起千秋見名空四海知輕帆日西夕吾道欲何之

送蔡肖兼先生總憲貫竹

碣石編卷上

十二四明叢書
約園刊本

露白江水寒葭葉半折北風吹空帆渺若雲際雪白
公借寇今五年萬里獨向羅施天朱軒白馬出江許千
乘萬騎爭祖筵霜清柳絲尙堪結急管哀箏半嗚咽青
衿弟子涕不收白頭父翁惜難別嗟公之來海水澄河
魚大上年屢登文翁笑看蜀俗化次公坐籌漢戶增此
日還為貴陽客輶車更指盤江窄一綫高懸鳥道青千
尋下見蠻煙白洞獠谿苗相簇迎箐嵐沙雷濕飛旌中
原日落天地赤北斗倒視銀河平官衙無事雲氣生石
鼠竹雞清晝鳴夷歌土酒直一醉絕域那知長官貴門

開吏散霜葉飛十日不見一客至
鳳凰城裏騎如雲寂
寞天南消息聞
題書好寄桐鄉叟
還憶當時老使君

湖干曝日

閣外柳條長平湖半夕陽雪消沙草綠
春動水煙黃老
漸思巨壑貧猶典
驢驢理生無遠計
曝背近東牆

寄題江心寺

勝絕江心寺江空塔影長
潮痕剝斷石海氣濕危廊
僧老秋無寐雕寒翅有霜
英雄餘涕泗風雨弔殘陽

是文丞相起兵處

碣石編卷上

十三四明叢書
約園刊本

喜朗初歸

秋老黃冠谷歸來已薄霜
水田晴稔稔巖屋曉蒼蒼
鯨海書難寄龍秋興不忘
名區可遺死慎莫問行囊

脩園晚望

林窗暝色下天海方超忽
野水靜生煙羣峯澹將沒
歸人草闕至怪鳥丘中發
萬慮寂無言還山事金骨

寄慧上人山居

密巖冰雪晴水石入天清
古寺晚鐘出山家春霧生
舊畦烏撒飯新雨綠苔蘖
若共桓溪老應知不世情

加餐

江浦秋湖大郊窗野望寬
沙鷗終日白海樹幾回丹
篋計常澀邊隅天漸寒
鄰人念多病相勸且加餐

讀慧上人東嘉草二首

新詩讀罷意俱閒
煙海蒼茫去不還
應笑桓溪老居士
碧窗終日夢青山

夢落青山百徧登
綠溪黃葉路層層
霜潭欲下無行跡
手拄寒厓幾尺藤

雪林和尚東退居

碣石編卷上

十四四明叢書
約園刊本

搖落湖南寺煙波古法堂
寒收石瀨淺天入海門長
老樹占風雨幽苔稔雪霜
我來時宴坐心與大雲涼

寄仲連園居

南國暄光到江潭已泮冰雪晴
寒翠近沙暖濕雲蒸多
病身何補繁憂夢不勝
荒園三徑竹生事在傳鐙

雪曉懷西清田舍二首

松暗泉鳴澗道崩
洞門秋色掩寒藤
朝來茆屋無行路
雪壓幽厓第幾層

種來黃獨已如拳
手劬冰膚煮澗泉
酒醒雪晴無一事

竹窗炊火送新煙

送豐吉甫之京兼訊田未太常田未吉甫舅

委頓中林士今年作遠行死心別妻子生意憶磨麿白
草經秋折青天出塞平太常消息斷宅相幾時成

雨赴東山草堂

極知山雨至不憚嶺雲深一徑穿蘿入千峯並馬尋濤
聲海市黑石色佛堂陰沽酒候童僕哀猿何處吟

雪夜仲連孺愿長文看菊因懷東山茅舍

不了悲秋望其如卒歲何海風陰作雪湖雨夜增波懷

碣石編卷上

五十四明叢書
約園刊本

舊心俱折看花恨已多荒山老茅屋飢餓幾人過

西閣雨望

閣外松閒盡夕陽碧窗清喜自焚香柴門不掩寒潭綠
遙見西山雨足長

碣石編卷上

碣石編卷下

明鄭 楊承鯤伯翼著

記

北征記

萬曆戊子春余有事於北丁未戒舟西二十五里至霸
上雨霏霏幕江千里一望令人有擊楫意戊申抵上虞
大雪道有僵殍寒甚遂止宿城西己酉雪深尺餘迤邐
至曹江雪轉劇不可渡庚戌雪霽沙水如鐵遂渡辛亥
至山陰會陳立甫司理亭午見峴千巖萬壑照耀璀璨

碣石編卷下

一四四明叢書
約園刊本

眞應接不暇山會故沃土而近數歲侵行旅稍暮即戒
不進睹一郡天下可知矣壬子渡錢塘平沙積雪海門
諸山如銀屋渺渺天際癸丑復雪甲寅會錢季梁進士
飲其山樓樓據鳳山麓宋孟后宮址也江流如帶宛宛
繞欄楯而南而於越千峯如翠虬青鳳湧出几席閒極
不忍別乙卯復雪飄瞥甚隆烈彌劇日與逆旅主人
呼酒擁爐而已湖山眉黛了不可見丙辰雨丁巳會虞
德園駕部戊午雨三日雪不消簷閒冰柱如鬚髻己
未復雨雨雪陰曠久會城米價大踊闔閭有食糠粃

者糠與米價幾敵蓋丁亥之水互蘇松嘉湖杭紹數百里漂沒廬舍人畜不可勝紀田有至三四種竟不得穫者以故亡竄相屬父鸞子夫鸞妻諸山壤民日不得再食薄暮卽就寢燈火爲絕庚申雨止辛酉晴輿出關壬戌至崇德癸亥宿平望原隰蕭條村人多以木屑雜糠食而野林及祠墓間往往有自經者甲子宿吳江乙丑至吳門丙寅同陸給舍倪太學陸參軍陸山人遊虎丘丁卯陸給舍復攜具至虎丘近暮抵山涼月乍流松濤欲發徘徊磴道間與浩穰之區若隔世虎丘爲吳闔

碣石編 卷下

二 四明叢書
約園刊本

閭墓盤郢魚腹之劍三千在焉靈蹟永閉空爲遊人資賞耳而王珣復捨宅爲寺珣名不甚著而以捨寺故爲世美談名固有所附以傳耶戊辰發吳門己巳至無錫以舟急不得一登惠山悵望久之晚宿常州庚午至丹陽晚至鎮江辛未約陸山人遊金山汲中冷泉登裴公洞江天閣時風起濤涌南北帆檣出沒鴻濤中倏忽萬里而石骨出寺東南不數百丈奇峭如琢相傳爲郭公墓不必其然午飯僧觀瀾房欲乘興至焦山風轉厲遂還至渡口尋昭關昭關者子胥亡楚奔吳所越關也泮

泮雄濤烏覩所謂百金劍蘆中人哉壬申喜生攜尊遊北固徒步從濱武場抵山麓坡陀間男婦多劇野草間之云御飢耳憮然而去登麓有一小祠則前守所建以識狼石也狼石爲諸葛武侯與吳大帝據坐畫策拒魏武處夫一水一石經前修遊止後必識之卽泚漫不可蹤跡又傳會之而爲之亭臺碑碣以永其事何者則慕其人耳而其人之言行功烈炳朗竹帛乃窮白頭不一開卷得其厓略不亦倒置哉折而東下磴道數級復上爲嶺脊廣不踰一尋長數百尺下臨峻坂前屬甘露寺

碣石編 卷下

三 四明叢書
約園刊本

山門由脩廊而上折而南爲大殿殿東爲鐵浮屠高二丈餘唐李德裕建山杪有望海亭圯矣所謂摩雲頂也俯視郡城諸山蜿蜒繞坎方大江夾而趨鐵甕不虛也癸酉渡揚子甲戌抵維揚乙亥尋瓊花觀觀防漢延祐開花歷晉唐宋俱無恙紹興間女直移之北羽流補以八仙花今亦亡矣唯空石欄耳丙子發維揚宿邵伯湖丁丑至高郵晚至界首湖勢相屬空洞不見水端居人多茅茨矮屋莽莽蒼蒼風起塵合無復江南面孔矣戊寅至寶應晚至淮陽觀漂母祠想淮陰垂釣處未嘗不

扼腕歎雄俊之士當其窮也屠狗吹簫何可比數及其得尺寸之柄則天飛雷動天下響屬之矣悲乎哉士窮也雖然世不有真英雄乎朝而殺人暮而禪寂朝而田畯暮而三公漠然淵然中奚動哉己卯宿清江浦庚辰出閘時江南運舟俱出淮淮多淤舟楫不行篙師髀沒入水進權萬口謳歌面作紫黑色此可以知漕輓之難矣嗟夫以河之大千七百川之水聚焉而復合以中國諸名川悉委於河而僅以一淮疏之上流壅則下決下流壅則上潰而顧日隄且塞焉豈萬世計乎辛巳至清河雪寒舟子踉蹌壬午至三汉口守風癸未宿古城登陸寓望荒落甚問有盜否曰盜多顧無用此爲甲申至宿遷城卑而迫河乙酉宿鋤頭灣丙戌至邳州留侯所進履地也稍見一山如黛出天末心目爲開夕會袁坤儀進士投一詩甚婉麗丁亥至新安驛戊子至房村己丑至徐自淮至徐河兩厓俱束以鉅隄故潘尙書所築以捍河暴者庚寅觀戲馬臺九里山直空阜耳英雄陳迹與寒煙蔓草蕪沒低回者久之徐南北孔道而有司經費歲不貲民疲於役吏匱於輸以故凋瘵甚當事者

碣石編 卷下

四四明叢書
約園刊本

雖頗憂之然稍一裁革則不勝騰口矣辛卯宿茶城河至此折而入爲古洪閘汶水初由耿山下趨而南嘉靖開淤改濬今道然屢濬屢淤歲費無算丁亥復淤北歸運舟以千計積不行彌月食盡大噪夫文皇帝過汶水分注南北爲漕計也當事者卽漕不經心經心者何也壬辰宿鏡山山趾故有湖今廢癸巳宿夏鎮甲午至宋家口乙未發南陽是齊地稍見瓦屋丙申至新店聞水薄舟楫不行與諸子釀餽飮登陸小酌作柳茶少啜快甚顧見榆皮葉俱盡問之知爲饑人所餐慘然而罷丁酉上新閘戊戌至石佛盜劫運舟殺一人傷一人己亥至趙村道多餓人告饑爲作粥食之庚子至濟寧辛丑舟不行壬寅約諸子謁闕里無應者遂獨身從濟東門買蹇驢二從一蒼頭行三十里至孫氏鋪餉午又東行三十里至兗州城西門時尙未晡遂尋少陵故城南樓經魯王宮宮無前殿東爲磁陽王宮又東爲磁陽王別墅而究故城南址在焉高數仞周一畝許而立石題曰杜甫臺蓋公父閑爲兗司馬公省覲登嶽雲樓作趨庭詩是也泗水流其下泗水入城東門極清泚西合於汶

碣石編 卷下

五四四明叢書
約園刊本

迫日暮返旅邸濁醪三舉就寢癸卯從兗東門渡金口堰循泗水行二十里忽見灌木深黑望若城雉從者曰孔林矣疾行十里至曲阜城西門循城西折而北行列柏中二里許一綽楔顏曰至聖林又數百步至漸門漸門者林前門依魯故北城址高三丈餘入門不數武旁立一石題曰輦道宋真宗幸闕里所由也又數十武折而西爲洙水橋洙水從東北來西合於濟踰橋又百武爲享殿左右爲齋房出殿爲子貢手植楷楷圍丈餘高三四丈枯矣肅行數十武折而西三丈餘南面爲夫子

碣石編 卷下

六 四明叢書 約園刊本

墓高丈餘石碣題云壹世祖前石鼎爲至治閒物肅禮而退墓西丈餘爲子貢築室處墓東三丈餘爲伯魚墓碣曰二世祖禮如夫子墓又東爲駐蹕亭亦宋真宗事墓南數丈隧道西爲子思墓碣曰三世祖禮如伯魚墓石鼎爲延祐閒物隧道左右列石人二石獸四形質奇詭人或云方相獸或云神羊駘馬迫日午東西行林中不數百步林木茂密仰不見白日饒大阜無碑版莫知其誰何也而孔氏子姓多葬焉出林登漸門樓望魯故城城形方周三十里十二門而漸門據城北址史記孔

子卒葬魯城北泗上其然哉甲辰登曲阜謁周公廟觀大中祥符閒二碑剝落不可讀矣曲阜起關中委蛇出沒千餘里貫魯城東入海而廟據其上或云卽魯太廟址南望兩觀東望少昊金天氏陵顏子墓平楚際天而龜蒙鳧繹諸山如障繞出東南寒翠欲滴下阜觀車輞井入城謁宣廟出殿南十餘武爲杏壇金党懷英所書覆以小亭又南爲宣聖及七十二賢贊碑石半剝貞祐閒火也又南爲夫子手植檜大不餘丈長三丈餘而黝黑如鐵色無枝葉又南稍西爲奎文閣左右刻漢唐諸

碣石編 卷下

七 四明叢書 約園刊本

碑碑之最古者漢五鳳元年魏陳思王二碑會日暮不能徧觀觀金絲堂從毓粹門出觀顏子陋巷魯靈光殿址址空無人居夕宿管句任君所任東阿人有致甲辰別任君暮宿兗城西不寐仰視屋梁竊怪兗地夷曠而田最賤畝有至百錢者彼其所入薄也故嘗論之以爲分田之制不可復矣江都限田之法必不可不行也井田之制不可復矣因其地之高下沃瘠多鑿陂池溝洫使早有所備而澇有所泄必不可不行也或曰兗故高曠其土宜豆麥而民復便之奚必水耕火種如江南哉

余曰不然人未有不樂沃饒而水與土未有不相狎者
彼隆慶丁卯戊辰充大水平地丈餘壞城郭廬舍何故
則水至無所泄也萬曆丁亥充下兩者彌歲迄戊子春
尚枯暎穀價翔踊餓殍薦屬草木之實略盡又何故則
水盡無所瀦也行百餘里內稍見一二窪深不數尺即
薄有水矣故青兗閒田多下下者無厚收也所以無厚
收者彌望赤土人力無所用惟仰面冀天耳人固難慮
始哉乙巳旦西行八十里至南望湖水半落沙草閒男
婦以萬計掘鳧茨蒲贏之屬風大發荒荒不辨渡水謁

碣石編 卷下

八四明叢書

約園刊本

宋尙書禮祠一食頃而大舟至矣登舟倦甚舟人爲作
雞黍白酒一醉竟夕丙午至開河丁未至安山戊申發
東阿晚至張秋己酉至東昌登光岳樓樓高百餘尺四
望極目然久不雨春盡猶寥寥耳庚戌至臨清大雨竟
日遠近霑喜辛亥至武城一綽楔題曰絃歌古渡壬子
至鄭家口會董太史癸丑宿四女樹甲寅至德州午過
東光乙卯至滄州州設轉運司晚至獨流丙辰至楊青
晚至直沽人家俱瓦屋水清駛曠望倦眼爲蘇丁巳至
楊村驛晚至蔡村戊午至河西務從陸晚抵灣宿接代

寺已未旦發午入都門暮抵館

重修延慶寺記

天台之教幾息而法智大師以苦行起大中祥符閒一
時名臣總持就而諮詢至感動人主爲賜號拓院舍而
延慶之名始著於天下迄今爲年者五百七十有七僧
之爲代者一百二十有一而寺之重建者一修者再萬
曆戊寅住持德高復圖新之而適故相文敏余公以祭
酒子告歸首爲疏倡其事無何公召入而公之子廷槐
遂適成之越乙酉畢役壯偉宏麗燿然新矣而高等復

碣石編 卷下

九四明叢書

約園刊本

乞鯤爲之記夫有瑰奇之士踈蹕之才崛起尺籍之中
而自致壤塗之外操一曲之說以易方內而天下靡然
趨之若飄風之馳疾雨之解辟草萊創堂與使千古之
下信其說而不疑抑何恢恢有餘力哉雖其術有大小
學有精粗自非絕異之資不能三代而降若黃老楊墨
刑名莊列管商孫吳及今佛氏是已眾家之說傳於世
或壽與否古人師之黃老刑名其效最著東京而下佛
之說最大其言宏肆其理奧衍其指浩渺而無端厓其
書極博不可載紀精其說者謂足以出六合洞三光無

論其事有無當其創為微辭馳騫一世使天下靡然趨之固非淺見寡聞能通其趣也是故無形之中有形之表積之而稊米又積之而河山又積之而方維圓則必有恢詭譎怪之事出焉而猥以尋常耳目測之陋矣故忠佞並產也芝莖並茁也麟鳳梟獍並生也而後乃知天地之大也日月之明也河海之潤巨岳之崇也況乎佛之為教其精微幾與儒者埒第有善不善耳嘗竊怪夫今之為儒者與之論佛莫不訾之然而莫不事之而又莫不悖之彼其高視闊步侈焉而談千古之蹟窮百

碣石編 卷下

十四明叢書
約園刊本

家之說一何辨哉徐而叩其請為儒為墨為老為佛為刑名為管商又何慌忽無見哉顧且以其貪生弔詭之心溢而之於佛當春而思木落盛夏而悲凝霜於是乎不勝其死生利害之念膠於中而委質於佛而不敢後矻矻墨墨高者圖出世卑者冀來生可謂至矣而獲其行事則抵冒自恣熾趨而行以齷相扼以詐相傾內競銛利外表枯寂以退為進以取為與進如息陰退如墜谷肥德聚淫睚眦詆誆臉人之膏而豐其肉臨勢不避湯火財之所交則天地四方昧目此夫沈五欲海而操

菩提行者也何謂儒哉無論儒即法智師學佛者也其勤至於四十九年脇不沾席而教觀之義竟以舉則真無愧其類者今之為儒而無愧於吾夫子之道者誰而又何譎譎辭而闢人為也故楊墨黃老刑名管商莊列孫吳佛斯皆分造化殊尤之氣而創為未有以發天地之藏易塗民耳目其用皆有裨於儒惟陽竊夫儒之名而陰逃而之乎佛顯之乎佛而又私悖其戒也者斯儒與佛之所不赦也佛何傷於世哉由此觀之寺雖新可也

碣石編 卷下

十二明叢書
約園刊本

傳

李名父傳

李君生香鄞人也字名父生而秀慧讀書數過輒不忘及長美須髯望之有異而顧獨善默憶與同舍生學不見其問辨而意固已了了初頗好繪事諸劇伎已忽盡屏去篤意經業年十六補邑弟子員為華亭公所知未幾以貲入國學試高等南海倫公甚器之於是天下知名父矣君大父春亭公性峻急畜諸子姓不少假獨假君君故善治產家內外事咸決於君咄嗟便辦無不中

其歿春亭公益才之父橋莊公治產米鹽遂病肺每疾作竟夕不休君亦竟夕不解帶其事橋莊公常得其微指先中之歲時具滌滌致洗腆必邀其諸父奉觴上壽歡如也橋莊公常召日者卜日者私於君曰天運一周公大期至矣名父大憂之爲不食而每以丙夜出中庭執香籲天祈以身代沍寒薄之遂得瘳疾明年橋莊公卒哀毀骨立又明年母孺人卒名父哭不絕幾滅性疾增劇意惘惘不欲生家有圃亭常懸其父母像朝夕薦茗述家政如平生歡月朔必至墓所哭拜墓去城十里

碣石編 卷下

十二四明叢書
約園刊本

而近常徒步往初爲期後不爲期忽一念至輒往矣家人弗知也比歸見餘淚覆面乃知從墓所還如是者十餘年不輟其天性篤孝如此與仲氏析箸不爲籍遇美出宅輒不問人有左袒君謂君云云君默不應徐而曰天地何私乎君性儉嗇於自奉服食器具一如素儒而顧獨好施人有求之必與之有貸之者未嘗責子錢曰無損於我而有利於彼何靳焉郡嘗饑富室多閉不發而名父獨開庾以待糴亦稍周其匱者閭里德之邑土确俗無積蓄利頗闕出海外與島夷互市又多負夷金

夷怒掠殺數輩於是府禁不得下海通夷且懸賞格捕下海者於是邏卒口致漁樵入市賞府悉酷坐之君憫之亟白於府全活甚眾君性夷與人交無城府亦不爲苟容引體峻議論口完名節而性不能忍人過而忠厚闔爽無彼此於人人亦以此近之

論曰名父常登道傍曾井三圮三葺之此其意有足多者語云種樹畜養不見其大有時而用吾於名父亦云其子若孫彬彬蓋賢矣

序

碣石編 卷下

十三四明叢書
約園刊本

建安七子序

世無建安七子集范司馬彙七子集而冠以孔融宗典論也非建安七子案陳壽志敘陳思而下至於公幹七人而謝靈運作鄴中集詩亦列仲宣等七子從史也是爲建安七子七子賦頌誄贊書論表檄俱雄歷一代而詩爲最詩俱能入漢堂廡而子建爲最嗟夫以子建之才魏武私之幾奪嫡矣顧潰焉自放上觸巖禁下快見雠德祖既誅儀虞踵戮削爵徙封殆無虛歲則才爲之殃也子桓作典論而不及厥弟至修儀輩稍涉基怨亦

黜不錄嘻妬哉六子翩翩各以所長掩蔚千古若仲宣
西京德璉朝雁公幹永日斯皆風雅之羽儀陳思之流
亞乎餘子篇什絕少慕古者恨之惟偉長著論庶幾成
一家言此不錄錄其詞賦雜述示諸同好傳之無窮

書

答天台林存陽書

虎林一再奉顏色旋復別去庭葉撼撼七隕矣自四明
望天台相距一雲耳會面之難乃至此屈子痛心於生
離文通銷魂於遠別叔夜命駕於一思士衡與哀於十

碣石編 卷下

十四四明叢書

約園刊本

載古今人情豈相遠哉而僕橫淹蕭艾坐失椒蘭索居
有過矣之嗟抗首增懷哉之歎以此憤懣忽忽涉世如
遊塵壒中晦不見白日安覩所謂大覺乃辨其大夢哉
城南有先人遺業一區檉楓相栗隱映若碧城天風海
濤生几席閒菱菰荷芰蹲鴟蓄積之屬至死不飢伏臘
之暇想足老矣足下擁赤城之標飲虹梁之沫其奇麗
視僕直玄湖之與滄池耳然當其自適亦復如是使旋
附訊履社天下事未可知山中且復強飯無用憂天
爲也尊傳尙未搦管病懷日夕作惡莫可寄念耳如何

復劉子威先生書

昨歲辱手教并示大集感愧彌至尊體比當勝良慰僕
治詩文二十年今茲見其難耳蓋兢兢守古尺寸不敢
黍米溢也至拙集付梓所謂妄自尊大使出於涯涘不
望洋向若歎耶然以之求王司寇一敘有餘地矣所以
見王司寇無一語及敘者司寇爲人博天心慈喜獎借
下輩客有持片楮求王先生譽言先生輒口津津稱善
不休以故世無愚不肖靡不至王先生門者先生小言
大章百牘俱發靡不當其人意卽孺儒賈豎無不人人

碣石編 卷下

十五四明叢書

約園刊本

謂王先生知己也夫王先生知己多矣僕尙庸廁其間
哉其論歷下忠篤有餘朗鑒不足歷下執筆張甚其文
不至左馬不已其詩不至漢魏諸公李杜不已而固自
以爲咀左馬之英獵漢魏之骨矣明計直指居之不疑
而王先生又從旁傳之以益其過蓋歷下樂府十不得
三七言古十不得四五言古十不得五其最近者五七
言律七言絕耳而歷下所最極力則七言律世亦以此
慕之然謂其同軌先哲可詠可歎其然乎王先生敘致
最暢能盡其才惟五言古餘體工拙半其文極變幻精

彩流動足成一家言而好用綺語此歷下所絕無者歷下文務深沈不敢一步夫巨明子長軌躡亦不敢一語襲六代以還口吻而殊未洽其洽者古人匡郭其否者詭道耳君房極口論文獨服膺先生與僕書曰我國家文如子威詩如足下有幾人哉先生亦謂僕曰明卿諸君附王李而起蠻夷大長老耳足下打天下手也思之愧汗二先生愛僕許與過當有之敢自誣哉乃其守古獨行斷斷不至望人顏色逐人行徑則自謂庶幾不爲知己剝面皮者也承教不敢不正對極知非後生體死

碣石編 卷下

十六四明叢書
約園刊本

罪死罪鯤再頓首

答永嘉劉忠甫書

僕則安能詩哉要其守古尺度滿不敢溢卑者必有當於先民自謂不啻銖寸過之也北地信陽持蒼素不相下一時識鑿之士不無左右袒然篤而論之信陽爲偏夫舍筏登岸期在得岸不在執筏岸不必登雖有資筏終筏中人非彼岸也詩之爲道至圓不能加規至方不能加矩則方圓之至也規矩在手必至於是乃爲方圓李何文章在矣李有不自出偉詞者乎何以言古人影

子也何有不盡一先哲者乎何以言自開堂奧也蓋先民穀率備至不入其穀卽富窮萬卷敏發百兩侈則侈矣何謂詩哉匪徒穀也藉令二三作者爲唐人口吻而不稟沈韻於心快乎韻猶若此何論尺度今海內一二大老爲聲詩曷嘗不轟轟盛哉顧暗中索摸之知其爲今人詩耳使讀之而不謂爲今人而無所蹈乎古人斯善之善也足下體絕異之資詞翰之雅南州少雙不啻爲兜整吐氣故是大戰場人願必無以東南一壁自霸僕且執牛耳而先矣

碣石編 卷下

十七四明叢書
約園刊本

與錢季梁書

讀足下癸未制文知爲神仙中人數年來甚欲圖一面不虞忽見辱也美秀疏宕如其文文可以知人不虛矣僕涉此道不深無能起足下意顧以爲古今詩文自有真骨黃口執筆字剽句墊百綴成篇遂抗手高引謂前無古人此不以溺自照耳夫文猶書也臨池染翰無不師古人方其精心畢力必盡肖乃已及其成也必盡不肖乃成家故書之爲道無一筆不出古人而無一筆似古人無一筆蹈古人而闕之真爲古人也斯書之妙也

文亦猶是矣李于鱗作古樂府謂如胡寬造新豐雞犬放之皆識其處其論精矣僕嘗駁之寬作新豐其材木雕績聖漆瓦石戶牖衢道無不新也而無不舊也斯真巧矣如毀其礎柱移其屋壁遷其戶牖瓦石道路聖漆之屬而爲之而曰巧何爲巧哉于鱗作樂府則移其礎柱屋壁戶牖材木聖漆而爲之者也不可謂不巧不可謂真巧夫文亦猶是矣足下試憑之外小詩一軸奉寄殊不足采悚悚

答朱叔仁書

碣石編 卷下

十四明叢書
約園刊本

吳門得手教讀之流汗乃不知僕之不宜於今如此夫不宜於今而生於今生之者謬耶反古獨是不能宜於今者謬耶傳不云乎羽翼未成不可以高飛僕翅短矣何寥廓之望哉憤世絕俗何益於時狐突王陵吾之師也王季孺常極口怨僕太直僕不敢解雖然謂王愛僕則可謂王知僕則不可大抵僕所操指無他異於世以爲人一生耳生有重於九鼎有輕於鴻毛非天之降才異也彼其所自爲生者異耳僕無纖芥之善而有必不可化之性謂是是非非賢賢黜不肖古今儒者大權斷

斷不可枉誠心直躬高行闊步毀譽無所護曲直無所強二三兄弟一時把臂論交若出一口私心最喜謂庶幾直道可興而不虞世方以苟且爲明哲波靡爲流通無所是非爲大雅執廉隅守尺寸爲含瓦礫不亦謬乎持方鑿納圓柄既不相入矣而一二猥狻之士深用爲嫉白眼少年不堪其行者又橫加口語肆爲構陷昔阮嗣宗縱情獨詣禮法之士疾之如讎足下試察今之疾僕者何如人哉丈夫黑白自非不識一丁其胸中未必不了了陳留有風俗卽小吏可知矣錢孔中人定不至與之爭萬里途而顧猶不能不爲足下一開口所謂目光在牛背上耳彊陽之氣鬱而不化人我關正自難破如此歎之歎之夫僕不早自省謂往哲懿行褰裳濡足可至勃然與蹶然輟年過三十而道愈喪交遊徧四海而名日湮語云四五十而無聞謂聞道也譽云乎哉身不行道不行於妻子僕畜妻子十許年空名耳彼下軍大夫龐德公王霸諸子所謂肅肅雍雍僕有哉非也而欲以口中雌黃軒輊一國君子恥之閨門之內可以觀德何暇責世乎來諭敢不自戢獨恐進退無據老死

碣石編 卷下

十四明叢書
約園刊本

而一無所成爲知己憂耳正月出門四月始抵都行路亦太難矣七八月閒念足下亦當北來思晤方切不一

一
答金華李允達書

念與足下赫蹏薦返忽十餘歲歲事蹉跎老冉冉至矣而猶爲天地一蠹灑焉自異愁焉傷心雖南北故人時時在念而老困一經無由望見顏面僕山水之癖宇內所知比年以來卽浙中諸名山川往往入夢亦不能一杖履徧之客春北遊燕趙魯齊之郊弔少昊之墓登千

碣石編 卷下

二十四明叢書

約園刊本

金之臺謁孔林孟廟而太山咫尺扼不得一登至今以爲大恨離寒觸暑百許日始至都至三日而病病百日始解薄了試事踉蹌而南抵家復病病復百許日稍安穀顧迄今不了牀簣債如之何忽承翰教數年之懷縷縷欲盡讀之不知流涕之汎瀾也足下懷海上之日久台蕩之念當復不淺亦有意石窗赤城閒乎則僕有五石槩藏之舊矣願以待足下爲十日飲願足下鷓首東也

疏

正有道人募緣疏

正有者吳江人號大量列泉上人弟子也列泉以行業高天下而正有爲之執薪日之役甚堅苦列泉善之亦如獼猴之於五祖云久之別其師遊太末靈曜寺三年復之構李崇明各數年晝則施茶夜則誦經呪不輟又造大千手眼觀音善才龍女送落迦供禮而每歲二月必乞米以百餘石絕海徧齋大眾蓋七返矣海上黃頭赤髭靡不識大量道人者嗚呼篤哉歲戊子復謁普陀還持一卷候余脩園而延慶龔上人爲之介籛條而入

碣石編 卷下

二十四明叢書

約園刊本

貌古氣閒既歷敘其所爲苦行而欲乞余一言以北遊燕趙齊魯之墟廣旬萬眾普惠十方要使善信傾心知識委志破慳貪門登歡喜地接濟迷津澄瀛覺海斯其志亦偉矣夫儒之所惡吝爲大佛之所罪慳爲先故有施食施金捨身捨宅門徑雖殊因牙不異若夫西蜀錢山東京金穴高安之四十鉅萬穰侯之千有餘車石衛尉錦障蠟薪王元寶朱泥銀壁斯皆煙消灰滅雨散颺揚冷入青蕪塵生黃壤金棺已化蚨母俱飛玉樹空埋錢神安在豈若勞施苦厄力拯疲癯割籽粒之藏弘濟

萬品損須彌之積普飫羣生目之所擊耳之所聆或願
領遠道或鬱腊窮林或半菽不敷或一簪不著或公輸
私負罔遁斯屠或夏濕冬鞞不掩骹骼或千里流離攜
負項屬或百口天闕枕藉魂銷茲皆痛折心脾荼淪髓
骨佛寶所以起大慈悲龍天所以發大誓願千聖爲之
蹙頞十地以之興嗟況乎蕞爾凡夫須搖微命倏隨湛
露旋化朝陽總屬微塵同歸大劫而欲以貪視骨幹齧
視繡緝不以極難得之人身早辦最上乘之善果祇恐
懸車遂迫窳堵橫侵一縷輕絲微風吹而忽斷九層危
卵寤眼瞬之輒傾伏願若善信若智識速發菩提心或
造寺或寫經廣登龍華會億萬隨緣錙銖合慶義無掠
美福有所歸者

碣石編

卷下

三四明叢書

約園刊本

碣石編卷下

禮

一

禮

禮

卯

一

卯

卯

禮

一

禮

吳興劉氏
嘉業堂刊

董伯念詩序

吳興自沈隱侯爲四聲嚆矢附注之士代不乏明與顧獨寥寥嘉隆以來然後秋風翔暢逸才比肩憑出以余所睹記蔡子木徐子與而下無如伯念者伯念燥髮時卽蹀躞不羈其王父宗伯公方以計然之策起家擅素封於江以南伯念弗善也獨折節讀書習爲古文詞旣成進士授祠部郎會上以建儲議格杖諫者廷臣惕息伯念抗疏爭之前後數萬言疏再上不省坐削籍歸則遷居山中不復與世接時余方至茗間屏騶從過之野服相對命酒賦詩靡間也居無何董氏難作宗伯公不愛重貲以與黔首媾一二耽耽視者欲得而甘心焉

序

數矣卒以伯念故止是時微伯念事幾殆旣廷議雅重伯念欲強起之則伯念死矣伯念於書無所不讀至於書畫篆籀皆窮其妙其詩古選憲章陶謝近體沐浴岑王用物弘而鑪錘苦取態巧而意象具如藐姑射仙人飲瀆殮風軒軒霞舉蓋自弇州太函相繼下世天假伯念以年駸駸乎將立壇壝與海內爭雄長必不肯捐黃河以北自作龜茲也烏乎金刀掩銳長淮絕澗在昔歎之冥契旣逝發言莫賞余於伯念有餘慟矣伯念旣死茅侍御荐卿兄弟念甥舅之好爲葺其遺稿行之而余爲序之謝肇淛曰余初識伯念於長安道中蓋嘗一以牛耳許之於茲十載矣伯念死而不及見其成則天也

夫天之於人富貴其所不惜其有洩靈秘而擅聲華者則真宰若默讐之以吾觀於宗伯公所謂富好行其德者也爵上卿能使奴自饒而食其力轉數百數豈不洋洋大哉然造物不少靳也董董一伯念而遽奪之矣豈固有幸不幸耶抑蒼蒼者所重不在彼而在此耶夫伯念已矣吾將以俟諸不可知者陳留謝肇淛

序

董伯念傳

東海茅國縉薦薦卿甫撰

董伯念卒之日海內薦紳先生以及騷人俠客靡不
咨嗟歎息抱云亡之痛或絮炙走數千里憑其棺哭
之哀不留刺而去乃謀所為不朽伯念者唯是遺文
若干篇纍纍而在友人吳子野溫允文李白甫為之
搜羅校次會閩中謝在杭先生以名賢司理吾郡而
吾里中賢豪如章元禮朱太復吳允兆皆亟為之序
斯亦足以覩伯念矣子野復把余臂太息曰諸公俱
足不朽伯念願莫能明伯念所以伯念有心非吾子
孰與慰九原述後世乎嗟乎余忍伯念哉為飲泣而

傳

撫其遺作董伯念傳

董伯念者名嗣成伯念其字也先世居烏程之上林嘗
手植梅蒼蔚扶疏蔭覆數席宋南渡乘輿嘗止蹕其下
遂號梅林董於吳為著姓焉入本朝大父宗伯公份以
文章工麗受知世廟貴而寵父道醇官給諫母茅氏余
父鹿門公次女以伯念貴封宜人有弟五人而同母弟
嗣昭最才伯念生而癯黎黑兩目起煙霧望之如山澤
人年二十明春秋薦鄉試高第明年成進士二甲第一
人授祠部郎當是時伯念以少年才士直華省而宗伯
公門生姻婭滿朝廷據津握樞世竟指目之願伯念驚
馬襍被蕭然長安邸中長安貴人忘其為世家子也又

三年給諫公始成進士授行人奉使出國門聞道歸省

而伯念亦齋璽書東歸會宗伯公躋大臺子若孫奉觴
上壽賓客車馬馳逐如鶩家僮衣綺縠飾膏澤夾尻而
趨烹鮮炙肥希鞞鞠脆妖冶都豔獻羞侍酒伐鐘鼓吹
笙竽俳優侏儒之戲窮日夜伯念獨喟然曰嗟乎物禁
太盛且以今所觀顧可久長計耶未幾給諫公病沒伯
念自邸奔訃哭泣餽粥如不勝喪乃前請於宗伯公為
書數千言大都損益虧盈之旨而嗚咽悲憤語過激宗
伯公不省宗伯公故以蒼頭力起家頗暱近之其臨子
若孫則甚矜嚴蓋嘗面予伯念所請而諸蒼頭輒微言
巧沮者數矣伯念亦輒嗚咽悲憤不敢復言服闋補主

傳

客邸席未及暖念身為禮官首以建儲上請不報諸言

官繼爭之貶黜殆盡孟給事養浩最忤上意廷杖之幾
絕是日天風霾白日黯黯朝士都相顧無人色京師誼
言給事已斃伯念策馬歸邸適賓客滿座飲酒不盡扃
起闔戶草疏詰旦實封以進始出其副本示同舍郎一
日褊布長安中讀其疏者莫不心怖股栗而伯念意氣
自如改服出舍待命左掖廡下草疏之夕舍中兒有微
覺其事者抉戶涕泣以宗伯公老郎君幼為請伯念獵
襟大言曰今日之事吾倡言之首禍誼不使孟給事獨
死我獨生且吾家三世食大官奈何愛七尺不為明主
一忠言決矣無可奪者於是舍中兒涕泣出市良藥或

治木以待微聞主上覽疏怒甚抵之地已復呼左右取
覽曰嘻若果不畏死耶俄得旨削籍去舉朝譴且喜且
愕當是時伯念亢直聲震動海內海內人士莫不延頸
羨宗伯有孫給諫有子伯念著小冠短褐買蹇驢出長
安歷滹沱邯鄲竟燕趙三齊之墟發爲詩歌多感慨悲
思而無所懟怨識者益賢之居無何江以南一二世家
與當路相齟齬引繩批根浸淫不可解於是閭里之悍
逐利競起伯念歎曰固也向吾數言散吾家不吾省今
事急而圖之縱不知者謂我我豈敢背吾心哉且食吾
言哉乃大署其門曰惇入者返不讐者償署始布諸無
賴惡少顧目攘袂繞廬叫呼慮非顧曲直生平無短長

傳

三

或素所卵翼者咸操戈反噬東西吳爲之囂然騷動宗
伯公素以貴難江南不數月存者十僅二三伯念旣內
失宗伯公心外爲無賴輩所窘急僇辱悒悒不得志始
病嘗慷慨稱曰昔人言富不如貧貴不如賤第未知死
何如生以吾念之生烏得與死並耶萬厯乙未嗣昭成
進士伯念始輟然喜曰吾有弟而才且顯門戶可託獲
我心矣遂出囊中金買別業於東林山之麓爲終焉計
俄而宗伯公謝世嗣昭相繼歿伯念號哭屢絕歎曰始
吾病特苦賸理今在骨髓已矣世有秦越人寧能起吾
弟也而我望起乎余時從中州歸蓑帷相對骨立癯癯
可念欲哭不敢出聲然兩目炯炯猶觸人謂庶幾再起

乃百方療之卒無效竟以冬十月四日大呼而絕年三
十六絕之頃覺赤光從頂中出亟呼宜人泣曰不孝子
不能復奉母魂魄長恨矣吾死後白服裹吾尸以謝天
子嗟乎痛哉伯念木強坦中絕無城府町畦意有不可
惟慙額低首卽家庭間不能憤發侃侃乃其危言感激
犯雷霆甘鼎鑊如飴抑何勇也其才華而敏書法憲章
三王上下趙承旨繪事在雲林叔明之間片紙所落人
爭寶之而恂恂不以傲視人人亦未有以才忌之者當
家難初發時念且澡濯家政以清白世其後竟敗壞不
可收拾居嘗憤憤諸賦獲亦竟不能翦拂就羈馮遺其
憂於老母弱子無異以羊將狼豈其所從來遠固不可

傳

四

旦夕冀耶抑尺短寸長彼固有能有不能耶子廷勛年
九歲韶秀而穎其家且日落必能讀父書而以清白成
先志者
茅薦卿曰余嘗覽伯念與友人書曰乞比丘以百部妙
法懺悔愿世世無生朱門中余爲之憮然者久之以彼
志節卓犖庶幾哉嶠然不滓也者而竟以重糈發難
敗不可收卒悒悒齎志而往況中才之士乎古者世其
官魏晉而還以門選趙宋猶以任子起家取卿相聲稱
後世者比比乃今公卿子茹荼食淡砥節行曾不得與
白屋寒士伍何歟然伯念所苦心進退君親問自足不
死而可以死爲伯念魂魄者又何曹焉

董禮部集卷一

吳興叢書

明烏程董嗣成著

同邑後學劉承幹重編

五言古詩

清河夜泊

朝發淮陽城暮宿清河縣洪流激湍音高秋明素練南
風一以吹歷歷雙蓬轉金氣慘且肅霜隕威蕤變我身
飄如蓬我心愁以蔓仰觀明月光哀聞雁南翔月光千
里同雁飛不成行沙磧半入河衰艸接天荒幾家窟穴
中野燒多蒼茫身非苦征戍胡為眷此鄉此鄉非吾故
栖斷悲長路路長有盡時我心更誰知隨風發清商藉
以寄所思

禮一

一 禮部集卷一

送包別駕南還

徂征一何迅眷言不長顧流序擾羈心炎風啟脩路僕
夫憚午發客思安微暮薄虹飲晴川斜陽澹輕霧以予
慕歸人懷彼山中寤揮袂離席遙孤雲寫情素素心遠
從君托寄滄洲樹

贈別屠緯真儀部四首

冥冥大道沒稍稍世塵滋游覽寰中物托身將安之羸
蝶祝亦肖亡羊路何岐倬哉獨斯人崛起名世資矚目
空八紘抗志千秋期區區方寸心相隨以驅馳

其二

高卧蓬邱中置酒日懽譁白眼都人士吐辭眾錯愕四

座寒雲飛遙空繁星落生平莽蒼意相看舉寥廓曜靈
任奔突青冥恣磅礴遐哉解醒者千載寧復作

其三

浮生安所寄飄蓬隨西風一轉難自覺吹墮汚淖中遺
珠大道俯昧者不復逢誰能滯塵土妙識懸解通組綬
不足繫兩腋生罡風長揖辭漢庭終當從赤松

其四

余結南遊軫君滯承明署笑語隔星河展轉牽岐路恥
生兒女心所嗟莫余助金石詎可銷迪德允難口巖穴
本夙契紛華何足慕何日凌虛空共踏丹霞去

集古送紀仲子應試

禮一

二

兔絲附女蘿結交亦相因堂上置尊酒歡樂難具陳結
志青雲上兄弟兩三人脩翼無卑栖逍遙撰良辰涼風
入我室肅肅僕夫征飛鳥在我前太清不受塵男兒重
意氣恨恨那可論贈子以自愛千載有雄名比翼翔雲
漢先據要路津

春日過康伯舅氏園林題贈

杖策涉春郊柔風來芳林飛虹亘長渚宏軒瞰遙岑以
彼疎曠容適我寥落心何必傲崇構眇懷多高深平原
趨楹前況有正中琴行歌選磐石倚焉蕩煩襟

其二

夙有高逸尙營構屏塵慮衡門帶長薄清流蔭芳樹披

軒無垢氛惟有青霞護簾箔
春聲曉流鶯度微風
振輕舸平川恣容與架多
工索藏室有鼎彝富託彼軒
貴途馳心以榮慕

菴畫溪上作

曲曲山下溪亭亭山上松
泛泛水中舸謾謾生長風
蒼林蔽白日大冶失其容
浮陰翳以繁雲物蕩心胸
俯景同遊魚仰面接飛鴻
安得結吾廬優游以長終

鼓柁出城隅峰巒窺堞起
脩柯蒙蒼鱗垂篠蔭淥水
良朋偕契儔有酒多且旨
跌坐藉芳蕪流觴雜澗汜
幽禽聲啾啾飛鳴墮人耳
繁華有銷歇景物無窮已
慨慷干年中臨風懷帝子
頽宮生荒煙荆榛蔽羅綺
所以清遠

禮一

心永言托君子

舟行對月小飲

浩歌延暮景朗月來青旻
團團當客窗離離照客心
流光初澹蕩瀨氣益四沈
擊瓿取斗酒呼兒烹鮮鱗
月影入杯中爍煜生黃金
自我日北來土風日以異
獨有天上月照我同兩地
有月且徘徊有酒且沈醉
天地如蘆廬逆旅任所寄

詠懷詩 有序

夫時多盈缺達人固以屈伸境有屯亨志士緣之感慨然聲由情發興以言宣故水激而湍瀨斯鳴竝急而宮商乃協蟬當夏噪蛩以秋吟謂

非出之自然而徵之時會者乎東阿遭斥乃上責躬叔夜逮收用成幽憤梁鴻出關而賦五噫應璩悲時而咏百一如茲之類良難數尋余丁時不造家難嬰躬九原莫起深懷樹靜二毛早見每歎河清觸序皆悲捫心增恨况值炎蒸良難自遣爰於長日捉管成篇遂得十有四章

南山有喬木直幹凌青雲
上有翔虬枝下有磐石根
好鳥巢其顛兔絲垂紛紜
鳥鳴雖以啾綠葉稠且陰
嚴冬霜不凋豈謂愁斧斤
狂蕪動天地倏忽山石奔
白日黯欲墮重霾結氤氳
悲哉千年固毀折同芻薪
眾鳥驚覆巢哀嗚呼其羣
昔爲篋中錦今作車下塵
內傷失所托

禮一

匪直求同林哀聲徹晨夕
腸絕那可聞

矯矯雙黃鵠高飛太山顛
舉足亂浮雲翅可摩青天
饑飡桂樹枝渴飲崑崙泉
寧與樊籬鳥鼓翼相周旋
一朝鍛羽翮俛首受羈牽
恥爲耳目玩常思凌雲煙
奮飛會

有時寄言弋者前

士生千載間知已固艱得
楚國卞和氏抱玉甘自泣
豈不爲惜身所嗟重泯沒
我有千金劍解贈人不識
夜夜居匣中精光耀白日
所以千里驥長鳴徒奮臆
温風煽熙陽皜皜臨赤宇
河漢清以垂繁星在高樹
踟步中庭熠燿飛螢度
憂懷結不舒脈脈向誰訴
達哉柱下史超曠誰與悟

四

西鄰妖豔女嫁與東家郎婉孌絕代姿肌體柔芬芳
翠雜裳衣珊瑚搖明璫幼讀行露詩操節嚴冰霜十三
不出戶二十守閨房義比秋胡妻羅敷亦同行自從嫁
夫君薄倖良可傷同心內自乖終風暴且狂朝隨遊獵
騎暮宿青樓倡不念兔絲情棄擲委道傍終宵守空帷
悽然獨旁皇身如斷蓬根泪如迴三江一心抱貞堅德
音胡無良所恨不識察豈徒惜容光羨彼雙飛燕差池
共徊翔

少年快意時容華若朝暉愁樂遞更變流光忽西頽攬
鏡時自照白髮行相催朝如桃李華暮同秋草萎榮名
等飄風光景隙駒馳丹砂駐朱顏仙人難可期

禮一

五

古昔明達者東都兩疏氏拂袖還林中盛滿自知止飲
餞傾朝臣車馬如流水陸生服南越歸來家好時橐中
千黃金慷慨散諸子挂劍日嬉遊歌舞動閭里朝曦無
迴御江水不返流絲斷難再聯落葉豈更收世人好夜
行鐘鳴良不休損益悟聖言知己企前脩

秣馬將焉之駕言弱水旁雲陰結重樓臺殿鬱相望冉
冉列仙人飄飄襲霞裳兩兩吹玉笙離離鳴鳳凰我欲
往卽之波濤浩茫茫身無雙飛翼悽愴結中腸

沈憂不可解終夜涕交頤朝步出廣野展轉臨前坻南
陔高山巔峻嶺俱崩陰霾暄以繁和御慘無暉虎狼
據我側驚風飄我衣我欲策駿足荆榛道嶮崎我欲寫

憂煩徒侶無因依回首望高堂置酒日嬉嬉居夷豈識
險樂致令心悲古人有遺言在安不忘危

種蘭深谷中寂寂吐幽芳桃李下成蹊明珠生夜光達
人不求名立身苦不滅我聞接輿言迷陽故無傷

高臺多悲風深坻多秋草男子志不伸咄咄縈懷抱盛
年不可留誰能常壽考尙平遊名山婚嫁苦不早我思

採紫芝逍遙以終老
蟬噪高樹枝蟋蟀鳴窮砌明月入我幃反側永不寐良

時不生憂憂來與時會蠶老爲抽絲心傷以憂瘁寶刀
絲可截憂去仍復至人生無百年忽忽信若寄徒爲苦

役役胡不恆晦晦文侯悟至言魏國信我累我慕漢陰

喪灌園謝機械

禮一

六

明妃生漢宮自負傾城質眾人舉飾貌黃金買顏色可
憐絕代妍君王未曾識一朝賜單于相見始驚惜紅顏
不自矜詎望承恩澤吁嗟誨姪女紅妝倚門立

白日歸虞淵忽墮西山嶺所嗤夸父愚窮足躡飛景前
途慮轉逼無涯詎云騁北邙何纍纍白楊何蕭蕭彭殤

總同歸千載猶昏朝狂夫昧委化智慮終徒勞
夏日溫允文見過適久旱甘雨驟降用以述懷

祝融令始布屏翳澤未敷九旬憂愆焚下土乃焦枯忽
枉故人駕惠言顧我廬三載愴離別千里斷音書適見

情用愜相對焚枯魚執手問顏色悲我方茹荼立言旣

以暢素襟悠然舒狂風西北來重雲羃庭除震霖徧廣
野依微霑平蕪乍傾如歎瀑再注若決渠埃鬱勢初變
蘊隆困斯蘇既慶起田稼亦欣滋園蔬涼色緣隙度清
音透橋虛明發尊無寐立談共踟躕

湖中夜泊效謝體

落日沈遠樹寒煙出孤城湖中鷓鴣起沙際蟋蟀鳴社
鼓發初響漁燈漾微明遙岑漸以沒但聞疎鐘清空水
饒雨色雲林散秋聲未深宋玉悲良懷遠公盟獨步縱
遐矚曠焉寄微情

冬夜簡寄舅氏康伯

慘氣變百卉流光鑿空幃遙林長風勁木末嚴霜飛脚
踟悲往路悽惻懷所依聊將疎麻贈代以奉音微

贈虛肩道人

人生如六馬並首受銜屢躑躅蒙塵途朝燕暮復越解
鞅謝羈馮之子自超潔既絕愁障牽亦知愛根滅清虛
禮玉宸玄同悟真訣杳杳凌紫氛峩峩近銀闕乾坤忽
浮沈滄海容變沒精炁還太空展輪縱飄忽問君亦有
肩杖頭擔日月

題春山書屋卷

冥心棲高深小搏托巖穴日照羣鳥喧雲麗眾芳發滿
鳴激清池焱動盪疎越既資窮索幽轉覺紛紜絕含綵
閱朝霞飛翰映孤月芝英聊以飡蘭佩永宜結爲歌泌

水章獨探鴻寶訣千秋馳素懷尙友企貞哲

代愛姬贈主人

灼灼桃李花遲遲春日陰嬌花見妾貌白日況君心歸
莫誠亦誦敝席時所欽背立頻偷顧含情黯獨吟願貞
歲寒意持此保恩深

看美人摘薔薇

繡襖浥鮮露羅裙承曉風含羞復含態傍架更移櫳探
疎終或謝愛近意嫌豐腕玉防罽刺髮雲懼礙叢攜將
簪寶髻的的兩疑同

名士悅傾城

玉鞍游俠客金屏佳麗人目成雙意結神洽寸心陳龍
駕疑江浦鴻驚是洛濱舞態飄迴雪歌響動梁塵結綠
知難貴明珠詎可珍未投芍藥贈遙見桃花春

鬪雞篇

蒼隼誠雄擊迴鸞亦善翔詎如張錦翼奮勇登華堂長
鳴懷獨逞赴敵誓無當芥羽散飛彩金距曜嚴霜英名
稱漢帝麗藻逞陳王願比干城武畢命向邊場

白嶽詩爲周生賦

周善琴

震旦啟玄宮歸巖表靈異橫空千餘仞飛霞散彩翠半
壁開天門裕衍列星墜覽勝懷名都金光此焉闕以爾
高深情微悰寄幽邃獨抱嶧陽桐悠然遣塵累一彈白
雲流再彈玄鶴至窮壑飄涼風長松落寒吹兩兩相和

鳴清音動天地何必慕五嶽俯仰恣吾意

感舊篇

平生愛俠游驅馬入皇都燕齊多奇士伉慨氣有餘仗
劍行報仇不惜千金軀強藏繁弱弓腰懸金僕姑左手
臂蒼鷹右手牽韓盧夜歸烹肥羜斗酒相歡呼執別臨
河滑岐路歎踟躕踟躕悲來日青春馳白駒嗟余已之
毛所遇並云祖華屋空塵土墳墓成工墟俠骨云何葬
言念結交初永昏有再明寒肉無回枯金石慮銷鑠何
況身與膚悵望荒原中流涕長歎獻千載賢達士勗哉
懷令圖

發青陽驛

禮一

九

條風啟征途遙邁自旭旦覽古舒遠懷解紱謝微絆廣
衢殘雪開遙甸芳蕙散遠楊旣載敷谷禽亦時轉尙遊
達者心點狂聖所贊唐風咏山樞感物有餘歎

題夏日山村圖

朱明變炎景綠條鬱重陰幽厓無烈照空谷生寒音兩
兩村老翁偃息在中林遠洲維釣艇暮出滄浪吟散髮
踞盤石逍遙清塵襟緬懷巢許儔千載同此心

過訪允兆因賦贈三首

桐生高岡巔條幹紛漣漣大枝干青雲小枝拂巖阿斲
爲三尺琴宮商均諧和千載釜爨下堙沒恆苦多世無
蔡中郎清音當奈何

城南何所有種桑復漚麻桑麻新雨長密葉柔且嘉用
力倍苦辛終歲收汗邪紛紛南陌頭羞被桃李花

汎汎谿中蘋離離岸邊菖翳彼藜藿多芳香難掇采有
美居深溪零露溥霑霑溪水阻且迂伊人竟安在曉日
照芙蓉借以譬文彩孤松挺雪霜歲寒貞不改

送表兄嚴六之南昌從事

廣隰多茂樹汗潦無原泉翮彼鳳皇鳴必于岐岡巔人
生貴自立基下每速踴嗟爾方弱齡嚴君蚤捐棄拮据
母氏勞三遷訓以義雖有連理枝中歲多凋瘁君能奮
蒿萊身膺一命貴服官有崇卑致身義豈殊勿謂魚目
賤含輝比明珠下位洵難處榮辱生須臾三復金人銘
口乃禍之門老氏貴柔弱剛強寧久存骨肉遠離別贈
君以片語猶勝兒女仁執手泣如雨

古意寄贈屠緯真

熒熒園中葵翩翩幕前燕與子結綢繆疇昔共歡宴落
落金石心思愛矢不變好脩眾所譏蕭艾固難辨蛾眉
自來妒謠詠更奚怨嫫母本自醜西子本自妍君恩一
朝歇美惡同棄捐妾意貞不移君情或能遷清露零蔓
草有時還復連君如楊柳花妾如淥水萍花飛著水中
何愁不合井

集允兆宅

折草期芬芳何必蕙與蘭娛客貴適意何必盛盤餐深

清嘯傳杯半傾如澗明燭明夕照涼颺散輕秋白露何
灑灑繁星在檐端豈其乏豪貴心知良獨難飄飄千仞
上相期振高翰

賦得照流看落釵

佳人若耶渡密葉礙新粧試將明鏡裏照取舞鸞翔雲
堆分日暈蓮蕩蕩波光風搖難遂穩影合易成行還疑
洛如如回頭笑問郎

爲挽船士與新娶妻別

葛藟何緜緜根株交以蔓良夜偕枕以光輝生燦爛容
華及上春行樂方衍衍本意同百年豈期中道散昨日

禮一

十一

雙鴛鴦明朝失羣雁歡燕在須臾揮手腸已斷我行卽
長路子居守空帷長路有時盡惟空誰與悲但持寸心
在無憂顏色衰

寄馮開之太史

清露被蘭皋金風蕩煩暑永夜懷伊人遙遙隔川激身
本箕穎倚眷此夔龍侶偃起命世資實乃斯文主皇皇
多士師奕奕明時輔素心契巖穴玄情越圭組瑚璉陳
明堂砥礪遺道左所繇形質殊致復音容阻昔別綠蘿
蕪今來凋萋楚旣恨違芳菲亦悲變時序折彼芙蓉花
因風寄江渚

嚴道澈過訪不值寄懷二首

河漢清皎皎照我彈鳴琴野鳥羣高飛叢薄一何深有
鳥失其侶旁皇向中林寂寂感物候悽惻生悲吟一吟
遣一思白露霑我襟絃絕不復調良夜空沈沈抱此孤
桐遺藉以寄知音

有樂空在懸有酒空在尊不能娛佳實何以寫憂煩微

蟲語庭砌涼颺入櫺軒迢迢懷伊人展轉胡能言燕雀
處林莽鳳皇何高騫豈不願往從所嗟隔山樊不如秋
蓬根隨風向空原

寄京邑同志

凜凜孤根松托生在高正與子期夙昔恩愛結綢繆兩
心厲白日堅貞同千秋朝趨鳳皇池夕典鸛鶴裘耳熱

禮一

十一

仰天嘯春華紛若抽氣吐椒與蘭聯翩建安儔尺蠖伏
泥中紫霄神龍游置身忽以殊寸心獨含愁含愁於遠
望天漢阻河流脈脈懷深情沈溺豈足憂

沈溺豈足憂終夜自反側援琴一再彈高深眇難識我

思古人心曠焉遺世立猿狖狎中林游魚逝深澤雉雉
居山原飲啄一何適舉目覽寰中蜉蝣紛以疾東方誠
媿世金門聊寄跡何如安期生留書謝金壁孤悵誰與
言一言三太息

太息誰與言吾友滯京洛眇若參與商徘徊歎寥廓鷓
鴒集昆明戢羽洵云樂矯彼冥飛鴻高颺避繒繳疇昔

念同羣飄零若秋籜栖翔各異路處世在所托乘時揚

令名勗旃勿自薄

送錢惟凝驗封之任留都

涼風吹林杪大江水微波明月將桂棹流光澄絳河握
手傾金壘惜別臨當歌我歌淒以激我酒旨且多龍關
鬱崔嵬珊珊搖鳴珂賦遊辭尺淨鴻栖羞卑柯疇昔有
奇志春華莫蹉跎

榜人夙昔道駕言豫江干江干何所有芬芳莛與蘭我
欲采佩之隨風汎輕瀾匪余好奇服蕭艾日以繁雄鳩
日鳴逝鷺鳥翔雲端愴然情獨結脂車迅難攀在遠分
日親庶幾古人言持此以贈子用舒別離顏

虞山二首

禮一

三

駕發吳城隈言臻琴川路觸炎振短策凌虛縱退步幽
崖轉盤紆蒼林莽回互翠屏千餘仞虬螭肆踞嵌空
標玲瓏錯采變晨暮巧豈椎鑿功力由神物護窮巖綴
玄珠飛泉歎深樹隨風奏宮商暎日炫丹素疑茲瓊瑤
宮詫彼仙靈住因崇訪道心亦資濟勝具悠然遇安期
逍遙陟玄圃
蘭舟憩層陰荷衣試微涼薤藟蒼靄中窈窕琳宮藏青
天沈巨壑丹霞起層岡峩峩劍門關磷磷隴坂長磐礴
龍石轉飄飄虬松翔孤雲恣澹蕩大海浩蒼茫振衣舒
歎歌高情曠無方坐看曜靈匿揮戈慕魯陽

送馬苻卿子告還同州

達人尙嘉遊君子貴識微遠氏允善懷觀化以行違富
盈無後履虧良有前期逐逐同飛蛾滅身眾所嗤眉睫
眇反照躬蹈奚能知夫子韞良璞燿燿明堂資家率萬
石風祖德同韋詩進跡紹先緒蜚聲縉雲司懋選典三
禮雍肅甘泉祠文物當熙朝象賢協羣推晉秩尙符璽
從容向留畿宏鉅未竟展況當強仕時豈謂不崇朝長
獻謝組圭朝披泰華雲暮采首陽薇蛟龍潛深壑鸞鳳
凌霄飛寧處籬落間垂翅受繼羈爲頌蒸民篇明哲侔
芳規

送周石父之永嘉赴高將軍招

短褐辭故廬長揖向幕府朝帆發富春暮宿臨回浦炎

禮一

西

銷塵既清嶺迴路逾阻杖破石門煙衣濕龍湫雨眺覽
入丹青吟嘯靜笳鼓洞天逢容成靈砂共君煮

送韓觀察之任秦中

古人論交道白頭歎如新所貴在知己然諾可許身疇
昔締深好執手臨河濤尊酒慨以慷微衷片言申黃河
天外流滔滔意無垠德立信不孤交合良有神感茲金
石固皓首彌相親隨風各飛揚羞彼陌上塵離合何足
念翹首延平津

天地忽晝冥北風抑何狂吹我五湖水波濤混蒼茫鯨
鯢共張吻毒虺據我傍浮雲黯四陲舉足徒傍皇魑魅
滿路衢何日問豺狼息火明其膏止沸乃揚湯悲哉九

關遠凜哉九秋霜慨此大地中誰爲控懷襄一柱撼百川
獨力排羣猖詩人頌豈弟感歎泣沾裳沾裳一何訴
皎皎白日光願比畏壘民家戶祝庚桑

軒車駕言邁言邁長安路隴水日夜聲秦川莽雲樹誰
宮夕照中樓閣紛無數函關天險開河山四塞固嘒息
朔方矍甘泉羽書鶩湟中殺氣昏三輔勞委輸轉戰困
孤城神武羣首仆暴骨遍郊原荒涼悲野戍時艱重老
成聖明屬西顧瘡痍藉撫循德威眾所附勗旃懋勛猷
千秋垂竹素

七夕俞氏山墅宴集有賦

山樓澄夕暉幽壑集秋爽迴湍激堂宇流雲度林莽旣

禮一

五

欣值良辰復茲愜心賞秦謳吐清芬嵇琴發瑤響雙星
耿河津玉露濕仙掌轉覺禽魚親自生濠濮想無文酬
七襄有懷暢孤往

董禮部集卷二

明烏程董嗣成著

同邑後學劉承幹重編

七言古詩

貧交行贈嚴大

結交莫結富豪子黃金散盡情如水
 結交願結貧賤交鶉衣短褐意自驕
 家無擔儲食不給壯氣凜凜摩青霄
 憶昔相從總髮時片語相結心相知
 肝腸歷歷共披示季布一諾誰能移
 裂背怒髮氣未絕刀環已挂人頭血
 長空白日忽東流朔風六月吹寒雪
 無錢不似市兒求有腰肯向傍人折
 別來十載君猶貧絺袍猶是舊時人
 斗邊誰識豐城氣璞裏空憐楚壁塵
 黃河雁斷幾秋草

禮二

嘉業堂校刊

歸來菰蘆春已老多時白眼向人看
 此夜青尊為君倒平生結交二十年
 意氣那得如君好千金不惜牀頭盡
 七尺何須徒自保飲君酒請君聽我擊劍歌
 紛紛濁世今如何勢在誰人不膠漆
 轉眼一去情無多吁嗟轉眼一去情無多

紀子達子脩昆仲夏夜相邀蔡宕玩月醉後放歌

青松軒下微雨收清風六月涼如秋
 明月斜銜碧雲裏赤日半落西山頭
 主人不辭酒百斛清宵擬作乘槎遊
 乘槎蕩槳出村口小溪夾道垂楊柳
 侍兒初返採蓮船玉腕纖纖進新藕
 擊楫行歌出畫橋紫簫曲曲度蘭皋
 蒹葭風靜湖光白星文不動青天高
 青天倒映湖光裏

蛟人龍女聲嘈嘈散髮一呼數斗盡
 河朔空復稱雄豪千年劉阮已寂寞
 卽今此業輸吾曹尊中已空不足恣
 酣暢又有輕舸送新釀中流宛轉夜
 未央狂來大嘯踏高浪相逢總是高
 陽徒此時不飲何為乎青春一去不
 相待富貴可得常在無浮生碌碌竟
 何事雙鬢辭我先凋枯飲君酒為君
 壽惟願清風明月對金尊與我相隨
 同白首醉眠不知天地復何處但見
 星辰歷亂在我手

莫憲使姜民部招飲雲龍山漫成短句

黯黯孤城落日懸蒼蒼紫翠亂峰前
 河流千里瀉秋色村郭萬家迷遠煙
 落木蕭森天欲暮片帆高下空中度
 霸業縱橫竟若何寒月荒涼臨野戍
 野戍秋深去馬嘶

禮二

二

殘星歷歷向人低馬蹄星影亂流水
 鶴去亭空浪傳耳英雄壯氣已消歇
 安問當年游俠子

雪中入署示屠緯真

天風夜半吹寒雲片片碎落闌干下
 手僵膚裂強出門狂飈飛石亂相打
 鴉啼盡日冷衙齋窮巷泥深厄羸馬
 與君俛首府中趨愧殺當年高卧者

家大人同諸客遊盤山歸道其勝不覺色飛李白

夢遊天姥良有以也遂作是歌

曾聞秦皇鞭石東海東波濤屹立生
 雄風又聞巨靈夜劈太華峰黃河一
 綫流其中生年二十不出戶心隨五
 嶽遊空濛家在吳興萬山裏溪山畫
 真不窮天台窈

宛白雲隔一轉路入桃花通吳儂所具只如此誰識塞
北山川雄塞北名山千萬疊見說惟有盤山鬱鬱摩青
空摩空一道人不見捫蘿倚壁心如戰側足斜臨百丈
淵危峰半壓行人面虎蹲豹伏勢欲騰鯨甲龍鱗飛片
片既嵯峨以嶮巖復杳冥而葱蒨絕磴盤雲寒流走電
砮崖空洞白日昏恍惚微露光如線煙霏霧卷結不開
彷彿遙空挂飛練紫蓋朝生海外霞白猿晝宿巖前殿
纍纍大石天削成掌中搖動浮雲輕山有搖動石徑勢
駁丈一人可推勢
欲墮兮吸吸聲欲發兮砰砰開處還疑五丁鑿移來豈
爲愚公誠突兀浮圖插天起千里蒼茫塞煙紫長城如
帶亘長虹中開一缺青山倚唐皇駐驛今幾時龍旗虎

禮二

三

幟荒塵裏吾家大人興復深裏糧杖策相招尋歸來袖
得峰嵐色指點歷歷開人心說之使我身欲翼夢入蘄
北空長吟勿使山靈聞此吟悲風驟雨聲沈沈夜半猿
啼鬼嘯來干林

賦得都門柳色送沈仲亨還金陵

東風澹早春一夜生芳草柔枝漢苑中嫩葉隋堤道旖
旎初迎旭日垂扶疎欲送斜陽早半拂征衣半掩城弄
出黃鸝花外聲長橋一道寒煙嬾紫陌千絲翠黛生依
依似惜春光老冉冉如憐行客情長安車馬如流水雜
遡芳郊暗塵起飛花故惹冶遊裙愁眉偏向離筵裏暮
暮朝朝人不同年年歲歲春相似君來柳色纔黃金君

行柳色綠又深紫駟驕嘶去不返孤帆一片隨春林君
到金陵春已暮幾處傷春桃葉渡薊北江南總是愁試
看江頭柳千樹

送董繼可比部以直諫謫官

大海東奔環琅玕蛟龍鬚鬣撐如麻陰山三島鬪峭岬
紫樓銀殿手可拏天門中開惟星墜咄咄壯士臨豪家
天吳欲泣海若走虎鬚碧眼生狼牙胸探五嶽洞可攬
氣吐十丈紛朝霞不操白簡不服豸手搏犀兕驅龍蛇
組練三千內庭列太液鼎沸昆明竭旌旗亂掣銅龍雲
馬蹄踏碎螭頭月人知太平不用兵無奈狐疑思先發
董生大叫閻闔傍片語一出鳴朝陽親批逆鱗還四顧

禮二

四

日月晦黑天蒼茫但聞半空飛礮礮忽驚六月飄嚴霜
幸留七尺未殉國慷慨一劍臨疆場男兒一身豈爲妻
孥生莽莽欲發氣未平殿中已折朱雲檻塞上還請終
軍纓胡雲重重遮北斗寶刀夜半聲欲吼送君此行勿
歎嗟匹馬縱橫沙漠走

題如此江山亭圖

青天嵯峨擁高峰江光倒映千芙蓉長松窈窕晝無日
飛泉迸落深林中環林倚石一亭子吞吐江山有如此
乾坤簸蕩雕楹前日月浮沈綺窗裏停杯攬勝皆賢豪
古今代謝如昏朝牛山眺望徒洒泣蘭亭往跡成蕭條
丹青手陳先生寫出意態殊縱橫千年不改秋山色萬

古留得空亭名淋漓翠黛展半幅身在錢塘與天目

茗雪逸仙歌爲趙心山作

吾聞天目山高三萬六千尺震穴澄泓天眼拆湯湯兩
道趨吳興下會潯川一曲蜿蜒凝寒碧綠樹蒼林亘冬
夏寺鐘漁鼓通晨夕中有仙人廬其旁薜蘿爲衣芙蓉
裳曾向長桑乞得上池水視人能見垣一方朝采五芝
暮拾蕨煮來白石片片充饑腸數椽茆屋間吟嘯五湖
煙月供徜徉胸中一一爛星斗淋漓泉石筆下走鑿坏
不迎結駟車有客常過問奇酒年餘八十尙爾酤朱顏
清溪日日拄杖聽潺湲不是歲星隱金馬但見紫炁臨
函關函關青牛一去後華表千年白鶴何時還自我之

禮二

五

出風塵隔自君之往煙雲寂遺得詩篇不忍看爲君復
裁新詩長太息

相逢行贈韶陽蔣郡侯

相逢難相逢乃是平生歡結交十年前意氣芳如蘭聯
鑣曉入承明曙把酒宵酣紅燭殘長安一別日萬里五
嶺雲山隔江水蠶叢百轉絕地來鳥道千尋與天峙鴈
亦不能爲之飛魚亦不能爲之逝風煙斷絕經幾秋大
庾梅花何處是偶然理棹五湖來銅官山下聊徘徊忽
見東方千騎至熊車皂蓋如雲開爲問道旁知是誰云
是蔣侯朝天回蔣侯蔣侯且駐馬與君握手傾金壘一
見驚且喜各詫朱顏摧肝腸一片皎白日爲言別後長

相憶丈夫得意是專城莫嫌百粵文身國昔年贈君雙
佩刀至今燧燧生顏色吁嗟蔣侯纔相對又南北苦霧
沈曜靈匿羅浮山下孤月高五羊城頭片雲黑聖明方
重二千石肯令長沙久卑濕

張公洞

嘗聞世有三十六洞天山水窟宅栖神仙神仙之宅身
可到兩袖欲舉風泠然泠然御風何所從震澤之西乃
有蓬萊宮千載靈洞名張公丹成仙去跡已久欲往尋
之遊太空洞門窈窕不可覓亂拂藜莽披蒙茸數拳大
石壓當路到門凜凜飄霜風攬衣躡磴徑轉仄攀崖捫
壁愁難通峻嶒直歷千尺底鮫宮龍藏開其中蛟龍一

禮二

六

一盤深壑萬樹珊瑚相錯落千形萬恠難指陳照耀紛
飛轉驚愕巉巖不由巨靈劈神奇豈是輸班鑿忽如聳
身遊帝庭雲幡羽蓋遙相迎又如按轡細柳營獵狝萬
隊懸霓旌如入武庫觀甲兵森森劔戟生光明又如玄
熊赤豹深林行雷聲電影皆橫生仙人對坐儼相向玉
女雙雙侍羅帳丹爐如寶翻瓊漿石牀直置雲霞上曲
房含霧經幾層玉柱擎天高百丈當空忽起金銀臺瑤
光一竅天函開赤烏霹靂爲誰闢至今滿屋聞風雷吁
嗟造物變態無窮極令人對此仰脅息人間奇恠猶可
尋天上煙霞杳難卽張公張公安在哉但見石上青驪
跡

湖上阻風對月放歌

白日欲墮山冥冥狂飈忽起天地傾銀濤雪浪與山平
孤舟震撼如羽輕長年膽裂身倒行湖伯邀我駐前汀
維楫兩岸垂楊青遠巒近岫紫翠生須臾滄波弄月明
天低水闊萬里澄且呼鷗夷進兕觥把酒長歡神宇清
浩歌一曲來湘靈更擊鼉鼓吹龍笙蛟蜃起舞陽侯驚
銀河亂落北斗橫千年誰是長庚星千年誰是長庚星

絳巖歌爲周士昌賦

秣陵城下紺雲起晴暉倒映滄江水瓊瑤爲樓琥珀除
桃源深處仙人居絳闕峩峩足可躡赤城標建遙相接
熒熒雲生紫玉堆煌煌日照金銀臺洞天舞鶴縱復橫

禮二

七

山高玉遂霜風清浩歌采芝足朝暮世上紅塵今滿路

送周士昌再遊雲中兼簡胡開府

秋風颯颯征馬嘶落日壓樹寒雲低一曲吳歎一杯酒
不別妻兒向西走昔年曾作雲中遊珊瑚錯落裝刀頭
塞外秋高看鳴鏑營前月出聽箜篌丈夫得意須橫行
重來關塞不問名將軍好文重揖客書生抵掌能談兵
天空雪滿飛狐道鐵衣健兒凍欲倒蘇武城頭戰氣昏
昭君墓前秋色老黃沙萬里無行人伴君行裝月一輪
月輪高照行人去行人去兮月輪住生平知己不易逢
胡公談笑生雄風寸心隨月寄君往遙共胡公一慨慷
欲問相思何地來一曲胡笳天莽莽

春色行爲項大夫題百花卷後送陳使君督儲北

上

君不見淮南三月生芳春春光爛熳花如茵錦繡叢中
定征騎絃歌聲裏送行人富貴遙連漢宮道芳菲直接
天涯草草色萋萋引馬蹄香風飄飄拂障泥昇平無事
海宇足舳艫千艘輓芻粟綵旗歷落紅塵飛牙檣掠亂
遊絲撲君行正及春繁華輕帆片片隨飛花未央宮中
堆似綺昆明池畔紛如霞聖皇正與民同樂應憐淮海
頻疎索春光願借上林枝散作恩波徧寥廓遲君旌旆
渡長河分得金莖共君酌

登太白樓

禮二

八

濟陽城高瞰流水城頭酒樓拂雲起千載酒星知是誰
當年謫仙身姓李樓荒日落飛寒濤金尊空照明月高
手把長庚一沉醉與爾淋漓宮錦袍

長安雪霽歌

燕山二月雪作花白日照耀生彩霞天上常懸燭龍火
馮夷剖珠光欲吐紫陌處處飛寒煙銀闕重樓鳳雙舞
宮中無事正歡燕醞酬夜醉昭陽殿但覺春寒賜錦袍
那知曉漏傳銀箭君不見滿街鶉衣向人泣樹上啼鳥
淚從濕

送徐山人楨生之東萊

徐生兩足健如虎踏遍燕秦又齊魯與我擊筑燕市日

寒空雪片捲如席別我匹馬出長楊馬首亂撲梨花香
人生但須飲美酒君胡日夜東西走君言丈夫須橫行
北遊朔漠南滄溟岱岳高峰插天起坐看白日生海底
獨跨癡龍浴白日齊州九點蒼煙裏到處山川作主人
尋常甲子石火耳笑殺俗子徒須眉空守田園對妻子

自題畫

老翁箕踞青林下一曲瑤琴適彈罷忽然仰面睇飛泉
恰似鳴絃谷中瀉謾謾長風飄樹間片片白雲穿石罅
始知天際有真人世路浮塵空代謝

天尺樓詩爲陳玉叔賦

漢江之水何湯湯瀕洞天地開混茫氣吞雲夢涵七澤

禮二

九

倒卻巫峽凌瀟湘龍精蜃氣時出没日月相避無輝光
傍有高樓瞰江起上摩青霄下臨江水雕窗啟納通雲
煙紫霧青霞紛紛兮在檐底茲樓去天不盈尺仰面捫
天天半坼列缺垂首豐隆下揖寒空司司若然如劃黃
金臺殿白玉樓恍惚天帝相對坐瑤席帝子青鸞飛不
到仙人黃鶴杳難卽仙人帝子但撫手霓旌羽節爭先
後中有千年百代之瑯玕亦有宵輝晝燦之瓊玖以天孫
錦章爛四垂一片光芒亂星斗爲問誰能成此樓陳君
意氣高千秋把酒振衣日長獻鈞天九奏空中流滄紫
英兮吸玉露上天下地倏忽從夷猶但恐天帝時見妒
太乙嘖嗜龍虎怒精衛脚土填二負負之去湘如漢女

不能爲波濤祝融之神震且怖我能手扶鰲足四隅立
爲君永永鎮無極

鴈宮歌送龍君善之永嘉

予家浙水西曾聞鴈宕山空崖藏日月幽壑通雲煙岡
巒削出青天外霞氣直與天台連橫空翠黛幾千尺長
虬老螭懸半壁鳴泉百道寒玉飛奇峰萬疊晴雲坼瑤
洞琪花日夜長仙人鸞鶴時來往大海東環覆若孟甌
江一片平如掌江色遙臨回浦城城頭綠波濤生官
衙落日青嶂滿山郭飛雲綠樹明吾兄才高厭簿領把
酒吟詩醉復醒詩成秀色驚五岳醉後狂歌凌萬頃此
行日日有冥搜何嫌廣文一官冷

禮二

十

秋夜短歌送伯生南歸

青天忽墮銀河裂流光照耀珊瑚玦壯心千里托刀環
清尊幾夜悲離別英雄扣角歌莫哀乾坤何處容奇才
肝腸一片知已在浮名濁世同蒿萊送君行拔劍向君
舞酒酣舞罷不見君孤帆寒影沉江浦雙龍會合知何
時秋來夜夜淒風雨

送彭欽之下第南歸

霜風淒淒凍雲黑遊子貂裘慘無色懷中明月向誰投
終宵獨抱牛衣泣擊筑送君君莫悲丈夫生來難遇時
不見傾城漢宮色長門憔悴憐蛾眉

罔伯與余雅相慕也燕市一見相得甚懽醉後輒

以長句爲贈

甘載耳中王郎名鳳雛龍種天生成今日一睹王郎態
瑶林琪樹風塵外匣有芙蓉袖有珠青雲爲珮霞爲帶
鷲鳥奮擊遙天空卑栖寧與燕雀同眉宇亭亭氣落落
高談四座生雄風黃公壚前乍執手不問姓名但取酒
狂呼叱咤傍無人一飲荆高翻向後君歌我舞懼未休
箕斗插地寒雲愁誰問五斗粟誰惜千金裘君不見桑
乾水日夜東南流君不見昭王臺瞬息成荒丘百年鬚
髮不常好千秋肝膽難輕投與君痛飲結知己塵世蟬
蛸竟誰是五侯七貴安足論狐狸獠貉噉盡耳醉後雙
眼白向人乘軒紆朱者誰子君家司馬吾所師風流絕

禮二

士

代安可期王郎王郎聽我歌一闕寄我長相思何時長
踈一受教執鞭吾亦欣爲之

送李白父九日遊包山短歌

李生家貧無擔石一生賸有名山癖獨趁西風挂錦帆
帆底遙飛萬山碧凌虛直上縹緲峰天空影落鳴夷宮
嘯拂衣裳濕雲霧醉呼風雨驚蛟龍滿山楓丹橘柚綠
波濤萬頃吹寒玉明月時聞帝子笙青霞手捧仙人錄
吳宮荒草杳不聞珠林梵宇空斜曛扁舟子意亦浩蕩
風塵咫尺愁煙雲龍威丈人復何處吾將從爾受靈文

吁嗟行

有小引

雲間沈生孺休爲予言兩曹君高義也夫舉世

皆市道交耳誰能于貧困中識士者乃孺休能
無忘報德亦稱俠烈哉余兩重之因贈此歌

吁嗟乎男子生不五鼎食死卽五鼎烹誰能恩讎不快
意默默甘與草木同枯榮不聞楚王座上絕纓客突圍
奮身戰偏力又聞袁絲侍兒賜舍人夜脫吳壘能全身
今人重財薄意氣但趨豪富不顧貧富家黃金如山積
貧士鶉衣食不給馬蹄車轂五侯門曾無一飯哀王孫
吁嗟乎世態浮雲人情逝水感恩報德竟誰是誰將伏
劍酬信陵若個壺飡得死士吁嗟石可泐川可竭平生
知己終難滅君不見曹家兄弟有高義沈生感激爲余
說泣下紛紛涕如雪

禮二

三

再入山中看梅醉後戲成短歌

昔我來時雨雪零千樹萬樹寒光凝今我來時月滿庭
千山萬山玉作屏玉屏翠幙交相映紫霧紅霞亂銀鏡
已拚醉卧深林中落花滿面飄香風香風吹夢夢忽斷
一聲玉笛花陰亂

沈長山歌

有小引

沈長山在郡城之東南眾山環拱于前溪流帶
縮于下一陟其巔則若弁金蓋諸峰盡可延頰
又有古桂大經數圍廣覆十席蓋數百年物也
潘太史公近卜別墅搆臺脩榭植竹蒔花此山
之勝遂甲吳興暇日相邀笙歌雜進淹留彌夕

爲樂忘返爰賦長篇用表佳麗云

天目山高入雲迴盤嶽業凌氛氲千尋玉筍當空圻
百尺銀河界道分分流趨繞吳興郭郭外羣峰散幽壑
層層螺黛浸明湖片片芙蓉開碧落碧落明湖霽晨夕
綠蘿芳草幽人宅不比桃花蔽武陵乍同楊柳依彭澤
東林絲管接西鄰北里桑麻入南陌箇中迢遞絕風塵
箇裏流光洽隱淪山中堪卧陶弘景谷口惟畊鄭子真
蘿幌朝朝霞似錦蘭階夜夜月如銀蘿幌蘭階蔭脩竹
瓊枝瑤草紛相簇畦下青門五色瓜庭前甘谷九陽菊
煙霞芝朮隱神仙樓臺歌舞鬪芳妍紫簫彩鳳臨瑤閣
翠袖青鸞度綺筵詎學翔風歸別院願隨關盼向樓前

禮二

三

朱樓隱約中天起綠逕葳蕤覆桃李東風乍轉蕩流蘇
香塵忽動驚羅綺窈窕虛楞對玉泓飄飄珠箔綠芳芷
山阿桂樹干雲霄千齡百歲霜難凋密葉虬枝來合浦
天香月魄疑招搖仙家有招搖山多桂樹故云玉笛清宵孤鶴下金
幢際曉羣仙朝此時長嘯凌虛度此地鸞輪向空御金
蓋峰頭萬片雲白蘋洲下千家樹雲陰斜挂五湖帆樹
色平分半溪雨行雲行雨逐飛鷗嬌歌妙舞轉幽揚扇
底盈盈翻翡翠天邊杳杳鳴鸞皇別有孤亭拂牛斗重
疊河山一回首紛紛列宿擁交疏耿耿銀河入懷袖桑
田滄海須臾事梁園金谷今何地誰能不發滄于悲誰
能不墮牛山淚華表猶聞白鶴歸函關賸有青牛氣明

月年年一共尋青山處處快登臨攜將謝朓驚人句不
負龐公卜隱心

東門老嫗行

道傍破屋三兩家蘆葦爲垣甕爲牖屋下老嫗半白頭
布袴麻衣不蔽肘獨坐當門理蠶繭門前綠蔭垂楊柳
自言今歲賴豐和有夫種田子賣酒麤糜薄酒不知貧
只今官府是何人日日但看流水去年年祇見桃花新
炎風烈烈燒青天老嫗對此殊欣然不見披羅懷綺者
白汗沾流赤日下

十三夜醉閔仲升齋中

望舒漸圓天漸開廣庭宴坐疑瑤臺主人初來鳳皇闕

禮二

四

留客更進葡萄杯庾亮南樓興不淺張騫漢上槎虛迴
白榆紫桂墮清影玉兔寒蟾夜光冷長歌拚盡十千錢
灑氣涵空三萬頃醉來叱咤星斗橫仰看天漢東南傾
側身宇宙總蒼莽我欲騎鯨遊太清

大梁行送周士昌之汴城

大梁公子重遊俠不惜黃金愛交結輕身自下屠肆人
力扼虎豹驅強秦豪傑趨從若流水社稷傾存呼吸耳
一朝功高主聽讒長夜酣歌身竟死英風烈氣今已休
高臺曲池成荒土北邙松柏自蕭颯空餘汴水長東流
古人今人不相及相看多作道傍壁生平肝膽向誰投
匣中夜夜吳鈞泣天涯落落知己少轉眼驚看顏鬢老

千年往事徒傷悲君行莫向夷門道

苦風行

陸行多苦雨舟行多苦風狂飈十日不肯歇偏吹我首
之蓬蓬人言春風自駘蕩那知乃有黃塵高百丈須臾
平野成山正咫尺潢汗起層浪白晝冥冥墮且霾耳中
烈烈聞轟雷將軍大獵狼山北霓旌鐵騎騰喧喧客途
舴艋正偃仄矯首青天空太息共工誤觸絕地維至今
青眼開不得安得置我千林萬樹之深壑仰聽寒濤半
空落世上風塵任漠漠

壬辰六月五日余舉仲兒蓋生辰前三日也而長

兒之生亦相距一日金玄朗爲作可喜歌漫爲

禮二

五

答之

男子生年三十三蒼髯如戟鬢已殘自從墮地志功名
恥向傍人說綺紉潦倒半生何所豎腰間佩劍星文寒
生不能帶兩韉出入匈奴中復不能散千金海內結英
雄安肯老死蓬漏下千年衰草吹秋風一從歸卧五湖
側林鳥谿魚供釣弋雄心祇託江上山旭日羞看鏡中
色仰天撫手空咨嗟乾坤生我胡爲耶賴有兩兒聊足
誇大兒貌玉立氣色紛如霞小兒能食牛牀頭泣呱呱
把酒爲君飲題詩解君嘲酒醉亦旣甚詩成還復豪狂
態從人笑老子餘業他日歸兒曹謝公東山恨未遠願
當穩卧終南高

玄朗詩有何物東山
可殫君之句故云云

怨歌行呈茅二舅侍御

丈夫七尺雙龍泉上行九天下九淵入山豈畏虓虎怒
入水豈避蛟螭翻一朝失足墮世網翻從白日愁魍魎
好惡都憑俗眼看屈伸盡付他人掌白龍有時困豫且
嫖母爲美毛嬙媼黃鐘空懸鳴瓦缶干將斷割輪刀錐
得勢爲虎失勢爲鼠九閻雲煙千秋塵土雙手抱玉泣
血如雨嗚呼物態變幻倏忽生波濤狹狹封豕不能爲
之毒羊腸九疑不能爲之高三閭大夫未解事咄嗒憔悴
歌離騷誰雞口兮孰牛後世人端合羞銅臭雌伏雄
蜚何足論不如歸種南山豆

送項明府應召北上

禮二

六

熒熒烽火照西京迢迢漢將戍金城天子親題朝賜劍
相君馳檄夜徵兵此日朝堂需石畫如雲俊髦趨交戟
人人盡擬繫長纓家家各抱平胡策宸辰虛懷曠聖聰
網羅海宇收英雄尊俎唯高折衝略撥亂還歸補衮功
禁垣瓊闥誰敢寄旁撝首及循良吏循良僅有華亭侯
中牟單父真其儔項侯意氣何慷慨才謀小試神明宰
何人分符通四邑若箇親民經十載巴江閩海連東吳
仁恩到處人驩呼行縣車前趨兩鹿朝天闕下會雙鳧
雙鳧此去麒麟殿賈誼憂時淚應濺看君高議上雲臺
一洗干戈罷征戰

讀書臺

毘山何來天目宗一點秀出凌青空蒼茫震澤匯其北
蜿蜒茗水環其東上有柳惲讀書處至今雲樹常青葱
芳名高軌不易續千年勝地開靈宮地靈人傑會相待
誰其構者云潘公潘公勛名震宇宙手撼砥柱驅蛟龍
功成歸從赤松子采芝鍊藥來山中雕欄歷歷披晴日
傑閣峩峩繞碧虹雲開翠巘幾萬疊月明白浪三千重
瑤編寶籙閱今古蒼松脩竹無春冬吁嗟盛世有黃綺
高舉胡羨冥飛鴻風流異代遙相映山與兩公垂無窮
高吟木葉秋雲句飄然絕壑來清風

題堪輿黃生冊

狂夫昨夜酒未醒湖邊老兄忽相訪云有高士江上來

禮二

七

布袍竹冠九節杖囊中獨藏青鳥經拂衣層疊穿雲障
謂我何不一識之不覺大笑竹牀上丈夫落落七尺軀
五岳名山恣放浪杖頭日日挂青錢百斗千鍾未云壯
一朝醉死酒壚旁何處荒坯不堪葬

贈天台季翁律夫

靈秀啟天都福庭敞門戶瓊臺儼煙霄雙闕倪雲霧百
道寒泉鳴萬壑嵐光護中有茹芝人千齡若朝暮王喬
下飛鳧浮丘驂鶴馭玉佩濕蒼波金卮傾曉露八月秋
高天氣清一片遙光皎蟾兔我欲飛度石梁來共截纖
霞半空駐

雙鈎帖子贈王敬叔

憶昨逢君濟水邊高颿大艫明月懸酒酣忽出冰紋璽
墨花燦耀光新鮮近看若有遠若無流霞蕩水花籠煙
飄如理蟬鬢青絲裊裊明鏡前綽如掌上舞迴風飛雪
紛盤旋亦有河南襖帖序亦有襄陽天馬賦飛騰曲折
意態生宛轉微茫隱還露右軍大令不再生恍惚天成
有神助唐皇親見必詫驚悔將筆札埋荒墓問君目中
胡能爾前身或是離朱子古來伎巧真絕倫楮葉飛鳶
何足比平生賸有好書癖頭白鑽研向池水願入宣和
挾秘藏從君臨摹千百紙

蘇生行

蘇生意氣一何豪防身凜凜昆吾刀不惜千金報恩怨

禮二

六

常拚一死輕鴻毛一怒投袂起再怒髮上指豈顧仇家
勢若山白晝提刀向都市荆軻漫逐秦皇帝豫讓空驚
趙襄子避仇迹匿五湖旁祇將名姓隱詞場手操三寸
鐵妙伎歸符章不數李丞相誰誇蔡中郎往往好事者
得君片石如琳瑯今君移家住吳中不見要離墓又不
見專諸宮千年荒土久寂寞空埋俠骨荆榛中丈夫不
斬郵支首當勒燕然功只今波翻瀚海碧火照甘泉紅
蘇生何乃工雕蟲

湖上篇

雉堞凌空出龍樓入望遙郊原存故壘宮殿憶前朝前
朝事業荆榛裏留得湖光接天起碧樹葳蕤控九衢蒼

煙隱約籠三市畫舫朝朝放錦帆綺筵夜夜歌禮李湖
外湖中映碧空天北天南峙兩峰轟轟晴雲飛鷺鷥沉
沉皎月映芙蓉十里長堤斷復續六片飛虹浸寒玉將
軍墓上柏正青處士亭前草猶綠柏青草綠自年年解
將絲管駐芳妍芬菲並妬花如錦旖旎空憐柳似煙家
家深院蟬鳴樹處處蘭舟人採蓮公子金鞍躍驄馬佳
人玉指調冰弦金鞍蹀躞正驕嘶玉指淒涼彈夜啼何
時牛女重相望何時雲雨各相攜祗愁銀燭天還曙祗
畏金尊日易低金尊銀燭莫蹉跎倏忽少年成逝波蘇
守風流賸詞賦錢王英烈餘山河瑀戈鐵騎秋風冷錦
帳瓊樓落日多憑將越國青山色且醉吳姬白苧歌

禮二

九

送張尉之任長洲

君不見毛義爲祿養捧檄心顏開王尊過九折驅車意
無回男兒志四方豈願終蒿萊揮手別關河能不重徘徊
誰能似君綠袍更黃綬佐邑仍向臨邛來雲溪灘前
一片月清光時傍吳王臺放衙簾捲湖山入行縣舟從
絲管催丹青有時入妙手蒼巖翠壁高崔嵬蓮花峰頭
石鄧尉山中梅年年持取煙霞色歸作高堂獻壽杯

觀范君甫周虞卿兩生對奕

秋水涵天天欲暮卻惟簾前作煙霧方罫森森擁陣雲
寒風獵獵吹江樹誰言墨守不可拔自有雲梯恣衝蕘
不向生門避死亡番從死裏求生活變幻萬狀須臾間

但令觀者神魂奪正如信陵君竊兵救邯鄲又如鉅鹿
戰諸侯壁上觀轟雷震電聚復散餘兵落落晨星殘到
頭勝負只數子鏤心剗腸徒爲耳世上雌雄每如此

二園詩 有小引

何詹簿仁仲示我二園記大者極浩淼而小者
入幽邃林壑之勝兩者往往難兼仁仲悉挾有
之卽身在長安馬蹄間神翩翩飛鄂渚矣爲題
二章以當卧遊

城隅古木高十尋橫空拂漢青陰陰重軒夏含霜檜影
虛檻夜激風簧音縹緗千帙王氏業瓊瑤滿屋楹公琴
鹿門隱者仙人服手攬青霞杖綠玉金掌銅盤空渺茫

禮二

十

雲牀霧磴堪栖宿日飲沆瀣餐青精千秋一奏紫芝曲

右甘露園

涓水東來鄧子城三洲滉漾涵空明幻出瓊樓及銀館
雲霞縹緲疑蓬瀛風搖島嶼星辰動月明枕簟波濤生
芙蓉陂塘楊柳宅虛無一片瀟湘白漁蓑日與海鷗羣
扁舟或是鴟夷客八月秋高夢澤深獨伴魚龍夜吹籟

右采芳洲

豪士吟四章

丈夫手中昆吾鐵寒光凜凜白如雪直髮一怒天欲裂
剖心向人瀆人血醉來白眼仰天呼四十將身隱狗屠
不爲報知己安用六尺軀君不見吳專諸

不願黃金懸左肘但願日日醉百斗糟正酒池吾所有
火出鼻端風生耳後倚歌和曲傍無人新豐日落吹紅
塵拍浮長不醒荷鍾可隨身君不見劉伯倫

金谷園中花若綺繁華一去如流水銅山在前不救死
一擲百萬胡足齒天地逆旅四海空黃金白璧等飄風
翛然辭穢濁身類冥飛鴻君不見陶朱公

生何慕五鼎食死何必千年室手攬煙霞遊八極凌風
兩袖生羽翼紫芝可采薜可裳崑崙玄圃同翱翔一笑
輕萬戶長揖謝君王君不見張子房

貧家少年行贈褚大元舉

華屋千椽題不如一茆茨出入駟馬車不如一籐枝少

禮二

三

年生窮巷四壁恆蕭然平生鮮長物舊業惟青瓊十年
一做裘十日寒炊煙有帚不向相門掃無魚甘將蒯緱
老深宵祗借壁間光竟歲手編澤中草噫嘻貧士胡可
輕自許寧輸公與卿白日出扶桑照見四海明丈夫在
盛年所圖千秋名不見紛紛五侯貴只今荒塚空有蓬
蒿生

苦熱行

殘暑鬱勃不可當火雲滿空赤日長平頭搖扇手力倦
客子揮汗仍如漿河漢三更自皎皎松杉百尺徒蒼蒼
披襟起向空庭坐山中草深蚊更大杯罈松醪奈可傾
枕簟冰紋豈堪卧願借長風吹破三萬頃搖落中天露

華冷凌虛直上緱山嶺

董禮部集卷二

禮二

三

董禮部集卷三

明烏程董嗣成著

同邑後學劉承幹重編

五言律詩

早秋同施懋揚蔣移之坐譚卽事

畫省逢休沐追隨物外遊
花留昨夜雨樹帶隔林秋
遠岫連珠壘清溪接御溝
高情如可愜何惜典鸛裘

得家報示金玄朗

千里同爲客相看各黯然
老親無子侍貧弟有兄憐
書來餘涕淚愁極共雲天
思我離鄉日多君又一年

同方山人夜坐

新螢忽已度高宇氣初澄
俗慮應無礙幽懷自可憑
箇

禮三

聲悲夜月簾影出疎燈
復有王喬侶凌風獨未能

驟雨夜集紀氏文昌閣時予卽發苕溪矣

高閣憑虛敞平臨四望遙
日光含雨脚雲氣抱山腰
曲與龍吟度風隨笛韻飄
夜深惆悵別孤枕自寒潮

章元禮憂居山中過訪御寄一首

迤邐入溪南招尋慰盍簪
松陰垂晝幙山影暗秋潭
路許劉郎問人從謝孝談
夕陽歸欲沒縹緲望層嵐

訪王百谷不遇

未是山陰棹其如見戴稀
採藥何處去問奇空獨歸
白雲栖石几芳草閉柴扉
明日青山上相邀歌采薇

別友人

憐爾不得意况余別恨仍
寒窗秋聽雨巨艦夜衝冰
依骨貧猶在鄉心病益增
白圭詩可誦莫使玷青蠅

雲間道中讀陸伯生東門稿有懷一首

此去茸城路翛然揚子居
故人心萬里何處覓雙魚
白眼看皆是青雲計益疎
新詩空滿篋吟罷轉愁予

秋日入山題壁間

九日登臨處千山秋氣寒
情懷五湖長身帶一官難
青眼誰相對黃花好獨看
折腰彭澤令今又向長安

對菊

栖栖臨野泊愁對菊花開
驛路青山斷寒江白雁哀
孤燈同日淚杯酒異時才
客鬢年年事霜籬幾度催

禮三

賦得關山月

晚角開金鏡清笳落曉鈎
關河今夕影迢遞幾人愁
瀚海殘冬夜平沙古戍樓
誰能歌出塞腸斷玉京秋

立冬日下邳阻雨

繫馬平原上山山黃葉殘
朔風吹日落孤月照人寒
越鳥思巢遠吳蠶欲寄難
高秋今又盡感序易悲酸

潞河道中遇雪

秣馬臨寒道玄冰暗水濱
不堪雲漠漠長共葉紛紛
驛路全疑斷荒林半未分
鳳城多瑞氣遙望總龍文

悼邢進士二首

盡道一官貴君懷那得知
囊無留葬具死有路人悲
歸

骨千山遠扶喪幾歲兒幽魂何處宿寒月照孤帷
朝露榮先溘馳駒隙已過生平未相識見說淚猶多逆
旅誠爲寄虛名竟若何如聞哀雁疾不忍向三河

喜金玄朗入都一首

忽作經年別相逢千里身馬蹄餘凍雪短褐受緇塵異
國讎疑故深交見復新堦前芳草色日夜又生春

正月十二夜同朱女脩金玄朗武孺文小集時孺

文適將南還因賦贈一首

濁酒消良夜青燈問舊遊裁詩明月墜度曲綠雲流煙
火迷征騎濃香滿市樓東風吹馬首柳葉不堪愁

送周士昌之雲中

禮三

飛花吹短袂細雨送君行月落居延澤天高馬邑城將
軍能下土幕客慎談兵弧矢從來志雄風塞上生

寄荅王思泉先生

一自三秋別書來五月過愁中青鬢少夢裏白蘋多夜
雨驚花鳥涼風掩薜蘿寂寥揚子宅今日更如何

游香山諸寺

幽期良不負勝地得相從馬踏村村樹山鳴寺寺鐘火
雲垂絕壁急雨度深松欲說空禪理高僧時未逢

再送董繼可比部

匹馬關山路悲歌易水寒劍衝秦地月淚灑漢臣冠慷
慨思千里浮沉愧一官主恩無遠近回首五雲看

夜過武城

古邑山仍在孤舟客自過驛樓秋草翳野戍夕陽多鳥
逐雲歸樹帆隨月度河停車聊問俗何處有弦歌

風雨

日晚忽風雨驚濤千萬重電開時轉鏡雲合盡成峰水
氣沒帆影煙墟無鳥踪飛騰向天末或是匣中龍

河上再逢姜仲文移舟命酌別後簡寄二首

握手在岐路論心復異鄉別時多橘柚歸計問柴桑濤
白分孤壘山青接大荒南程那可待愁絕限河梁

良晤卽離席客情能自堪河流聽處合楓葉到時酣鴻
影分齊北魚書帶越南維摩眞善病豈是怨江潭

禮三

天平山

爲有煙蘿思行穿虎豹羣安禪依古洞清梵落孤雲天
柱當空圻霞光半嶺分拂衣下層坂回首尙氤氳

苦雨

最苦雨聲急偏令春事賒門深三逕草雲掩一庭花未
夕昏孤嶂先秋集暮鴉猶能理屐齒覓醉向鄰家

雨中獨坐簡李白父

對酒愁無侶題詩聊寄君鳥喧歸樹雨風散度溪雲花
落催紅陣苔深護綠絳自因耽習靜不草太玄文

謁玄帝二首

縹緲絕風塵凌虛禮玉眞空香迷寶界旭日現金身鐘

鼓通三極雲霓護百神上方星斗近雄衛肅勾陳
捫蘿窺上界控鶴問仙源嶽時南天勝星瞻北極尊聳
身扶日轂揮手躡雲根千載靈光在虛巖虎豹蹲

送紀伯子入都

東風拂行路之子赴京華賦有凌雲草舟疑貫月槎江
聲喧別浦鳥影度平沙到日長安市遊鞭醉落花

小齋初成率爾紀興兼訓方文明李白父諸丈

久厭市朝喧幽栖托華門心期仲蔚宅敢擬辟疆園隙
牖青霞入閒除碧樹翫將迎余欲絕枯坐已忘言

孤踪希獨往長揖謝人羣故址聊新構空齋滿白雲山
中攀桂樹谷口挹蘭芬復有瑤華在悠然淨世氛

禮三

五

關地聊當隱誅茆蹙屏蹤開軒數竿竹隱几一孤松有
客題凡鳥無人識卧龍遠公時共語清夜坐聞鐘

夏日過箬上黎明府招飲五峰之喜雨堂賦謝

巖前雙樹隱郭外五峰環到門尋綠逕憑几見青山設
食分僧供探奇及政閒風流看茂宰墨綬向花間

炎日試登臨松風落晝陰空山馴野雉流水瀉鳴琴倚
杖千林合披襟萬壑深知君多濺澤蚤晚望爲霖

訪臧博士晉叔山中

憐爾不諧俗歸來半畝宮一官猶脫躡雙鬢等飄蓬白
雪聲誰和青山計轉工論心坐清夜疎雨下孤桐

結屋具區畔蕭然一橐輕窮愁能自見湖海藉詩名五

柳陶彭澤三閩楚屈平擬騷應未著耽酒任高情

湖上早發

一棹衝煙去湖陰際曉開天連吳樹沒濤入楚雲哀宿
鷺驚飛楫明霞映酒杯鷗夷千古恨撫景獨徘徊

蜀山東坡祠

孤身飄泊後何日到荆南田宅貧堪寄文章老自耽山
名仍是蜀亭樹已無柑公有亭名楚頌寂寞荒祠下斜陽駐客

玉女潭

誰因靈窟裏別構此丹工綺閣時飛蜃瓊枝盡化虬有
獨孤及獨孤及濃陰千壑暗啼鳥一聲幽向夕月明上還看神

禮三

六

女遊

玉女雲輶迥何年駐此間青疑點蛾黛綠似綴飛鬟夜
月來旌節鳴泉襍珮環冷然坐虛曠身擬向緱山

百尺寒潭淨千章夏木繁蔚藍沉竹檻空翠濕藤垣月
出龍窺洞風來虎扣門頓令塵境隔何必問桃源

立秋日同盛後和沈春宇吳苾齋諸君園亭小集
幽意愜園居秋堂客到初高梧一葉下垂柳幾株疎中

村居曉起

散尊前酒倉公肘後書因君能解渴玉露滿庭除
野色向晨發澹然空遠心輕霏半開合初日乍升沉竹
語鶯禽起花行惜露深羞看理巾櫛短髮對華簪

早秋有懷

一夕涼風發忽然煩暑收寒雲濕庭樹微雨度簾鉤已
苦蚤韻切更驚落葉稠多情惟宋玉那賦悲秋

送王辰玉入都二首

龍城頻聘騎鳳閣自趨庭劍拂燕雲黑帆懸楚樹青潘
安能送母匡鼎任談經名在神仙籍金門有歲星

鷓首乘秋發驪駒入夜歌才名高洛下譽望擬東阿明
月辭吳苑寒風渡濁河到看清禁地應羨鳳毛多

秋日王季孺姚伯道叔度臧晉叔見過齋頭分賦

得書字

靜日散琴書門多長者車開軒分逕艸供饌摘畦蔬月

禮三

白天逾迥風清竹自疎高朋留永夕肯放綠尊虛

十七夜對月遲屠緯真王季孺武林有作

良夕坐逾迥銀光澹不收涼偏侵午夜明轉倍中秋為
憶王猷棹同登庾亮樓青天如有約應為主人留

過錢夢禎山居

欲避市廛氛來同鹿豕羣亂山朝送雨落葉晚栖雲逕
自蓬蒿闢門將蘿薜分簪纓余已謝莫為草移文

過從弟仲頰雲柯館

此地疑玄閣吾宗爾白眉窗芸循故業庭桂長新枝夜
雨供燐燭寒風好下帷願言崇令德不獨慰幽期

毛公壇

仙馭何年去漁舟不可尋青天巖谷老紫炁洞門深猿
鶴千山響松蘿一逕陰便將生羽翼長嘯動雲林

別李白父

惜攜情未已不寐夜何其悽惻同心侶翻令各路岐宵
沉燈影寂霜冷角聲悲寶劍生雄色相持贈別離

冬夜懷彭欽之

惆悵隔披襟那堪逼歲陰江湖今夕夢冰雪故人心東
海孤城路南天獨鴈音所思當皓月立度幾相尋

贈施隱君子明

樂志從長統辭家擬尚平一尊青鬢老雙屐白雲生逕
草先春發籬花羨晚榮溪流當屋舍日日聽泉聲

禮三

結屋塵事稀青山傍竹扉天風飄鶴馭嵐氣上雲衣玉

洞丹書古瑤堦芝草肥羣鷗自來往知爾亦忘機

歲星何地隱龍卧雪溪東君自山中相人稱河上公醉
歌延皓月高獻躡青虹遂有浮丘侶相攜陟閩風

登吳山絕頂

乾坤標勝地吳會擁靈區潮白江環閣山青雨入湖雲
生疑覺海鶴去自仙都長嘯凭闌處孤煙乍有無

落日自扶筇吳山第一峰衣裳潤嵐氣屐齒破雲封海
色林中雨濤聲嶺外松人煙翠微近萬井起鳴鐘

有山在湖中名熨斗柄可望落照與客同登有作
片石繫孤艇春山水滿堤長天獨鳥外落日五湖西已

覺金波散還看瓊樹迷殘鴉聲欲盡沉醉渡迴溪

温允文同諸友送余江上登金山別後有賦

杯酒對明月離筵做碧岑帆來青海近磴入白雲深臺
殿吞江勢魚龍禠梵音天南煙樹渺飛越自鄉心
行役及春暮離心折大江攬衣雲入袂伏檻星臨窗白
日孤禪榻長天一釣艘愁懷歡不劇有酒空盈缸

寶應道中

去國日幾許栖遲水一涯人家半蘆荻市稅盡魚鰕邑
里孤煙斷村墟落日斜蒼茫何處所鷗鳥下平沙

遊南池同吳子野

一水浸城曲孤亭控薜蘿杜陵遺句在撫景空長歌徑

禮三

九

密依垂柳池新淨短荷從來幽興劇况值夏雲多

荅吳子野舟行卽事見與之作

官路風塵外鄉心雲樹邊我行殊未已客思徒悠然遠
水含微雨垂楊澹暝煙詩篇兼藥物喜爾共留連

舅氏二岑明府在章丘不得往見以詩寄之

不淺渭陽意其如川路脩夢虛千里夜聲斷九河流花
發驚春暮琴鳴盡日幽月明灤水上淒絕爲君秋

夜坐

把酒纖月上褰簾宿鳥過渡頭人影亂水上夜涼多濕
露沉秋爽迴颺簇遠波醉來瞻斗氣直擬傍銀河

送見桐余司理再任淮陽

憐君久不調疋馬向長淮地勢分吳楚威名避虎豺濤
聲上廳事雲影入庭階舊有于公頌無令志願乖

夏日同吳子野周士昌功德寺觀荷

輦路絕塵埃濃陰夾道開荷香侵酒入嵐氣上衣來落
日明秋水羣峰接露臺馬蹄芬不散疑向若耶迴
豈謂帝城遊能兼澤國秋芙蓉嬌宿雨葭菼暗汀洲寶
曆空中相清芬象外幽雲霓常五色猶似候龍舟

徐侍御招飲王都督園亭

歌鐘通戚里飛蓋向西園樹綠生雲靄山青過雨痕將
軍晉室貴柱史漢廷尊沉醉歸山簡斜陽正在門

高會追河朔虛堂爽氣飛琴尊留永日歌管送餘暉露

禮三

十

濕梧桐井雲蒸薜蘿衣恠來煩暑歇端爲挾霜威

凌金吾演象所較射偶成之作

高原風氣肅叱撥似鸞騰短菊辭三逕輕裘共五陵螿
孤秋月滿龍劍曉霜凝沒羽平生意因君卜代興

九月八日眞覺寺登臺有作

路入招提鏡臺懸落照時佛光騰舍利寶界擁琉璃雲
盡千峰出天空四望宜龍山如有約明日好題詩

碧雲泉亭對月

曲砌鳴泉繞虛堂夜色沉空明本無相天地皆清音霜
冷一庭白雲流衆壑陰偏宜枯坐者冥寂照禪心

摩訶庵尋無弦上人彈琴不遇有作

策馬看山去尋僧日暮還如何到松舍寂寂閉禪關
落花落雲牀冷香沉佛座閒朱絃清韻杳流水自潺湲

呂葵陽中翰得少傅公卹典卻歸越中奉送二首

匹馬桑乾路霜清木葉飛行邊胡雁沒望處越山微
江水變行色巖光憐客衣主恩存舊德旛旄有光輝

君銜龍詔去人羨鳳毛齊驛路冰初合關河日易低
行裝千里雪歸夢五更雞一片寒山暝遙知入會稽

爲盛泰甫題畫

曾住東林上奇峰繞戶飛獨披寒澗影如傍暮山歸
長薄含空雨孤亭掩落暉卧遊眞獨往不擬製荷衣

送周山人還吳

禮三

十一

南國嗟昏墊擔囊殊可憐客程雙屐雨歸計五湖煙
雲卧燒丹竈花深種秫田憂時有方仗辛苦向人傳

登香山作

一騎松陰合千重澗道分樓臺通帝座燈火禩星文
樹色渾藏雨泉聲半入雲鳳城時極目佳氣總氤氳

送沈掾之新安

黃綬官仍適衙齋綠障口花前羅刹雨樹杪富春煙
泉響千山碓濤驅萬瀨船知君能佐治不數奉高賢

芳樹

庭前有芳樹密葉暗喬柯伏枕青霞落開尊白雨過
暫應栖羽翮豈復嘆婆娑散髮無塵事青天任歡歌

暑雨撥悶簡寄友人

經旬雨不歇蓬巷斷車音病肺宜青簟愁心寄綠琴
庭虛芳草合門掩落花深薄暮涼風集蟬聲會獨吟
高樹炎風絕空林積雨多人疑喘抱甕門已競張羅
生事惟松桂初衣有芟荷蔣生三逕在二仲幾相過

挽施徵君南石

蘿幌青苔沒霞屏黑霧沉涼風秋鶴怨孤月夜猿吟
夙有尙禽志寧無張范心知音誰復是只擬破瑤琴
白日嗟馳隙青山掩落暉函關牛不返華表鶴應歸
有客歌梁木無人應少微天涯淚難寄愁絕暮雲飛

遊仙詩爲方文明賦

禮三

十一

九垓期汗漫君恐是盧敖丹壑金書宵青霄玉轡高
采芝逢石髓謁帝聽雲璈回首齊州路空悲塵界勞
出關逢令尹訪藥得韓終玉鳥時乘霧瑤琚並躡虬
風波青海外雞犬白雲中咫尺金銀闕千秋路可通

送李白父北遊燕都三首

玄雲天莽莽揮手送君行自重悲歌意非關離別情
寒星帆外落殘月馬頭明都邑談經地應彰折角名
陸機初入洛司馬正遊梁但使酬雄志何愁別舊鄉
褐衣朝受雪蒯劍夜凝霜珍重關河路南飛有雁行
誰謂作客賤布衣仍自尊擔囊千里道傳食五侯門
詞賦黃金貴交知青眼存從來豪舉意此去好酬恩

送張侍御北上

草色上旌旂行鞭候落暉雲移繡斧動花照玉驄歸紫
殿清霜迥金城夜火微壯猷元世業閱有光輝

鴛湖晚眺

小艇蕩春行帆懸落照明樓臺蒼樹隱村舍綠煙平蜃
氣遙連海魚腥半入城蒹葭余欲詠沿滌總關情

雨中遣興答翁子延

茆齋晝常掩花徑雨偏深高枕鮮俗事悠然澄遠心返
照鳴禽院清風嘉樹林無言酬妙理幽砌落重陰

有所思

銀闕仙人館金書帝子家袞衣紛綵霧環珮濕明霞縹

禮三

十三

緲青鸞使參差琪樹花桃源迷咫尺何處問胡麻

靈藥月中去仙槎漢上來祇應瞻氣象終日隔氛埃雲

暗金莖掌霜寒銅雀臺凌虛遊八極浩渺思難裁

問價連城並流光照乘同初從洛濱見曾住宋家東散

黛看疑逼微波暎欲空無因逐雲雨飛繞楚王宮

秋日范君甫過訪卻贈二首

荆關逢客至竹塢度棋聲白日高談處浮雲四座征雨
侵簾影濕花逼簾紋明相對秋宵永彌生世外情

昔有方生奕今逢范叔名劫圍嚴突騎掠陣縱餘兵北

地將軍令西宮衛尉營范奕法嚴整故有此喻郊原烽火急因爾

意縱橫

汪明卿過訪有作見投率爾酬答

東籬花正發留客共持螯爽氣煙霄迥孤悰鶴鶴高歌
同郢中雪賦挾廣陵濤落落塵埃色相看解佩刀

渡江

搖落長干道淒涼楓葉丹殘霞連海盡細雨入江寒楚
樹帆前沒吳山夢裏看鄉關悵回首長路正漫漫

真州阻雨邂逅葉給諫小坐竟日漫述

憔悴各風塵相看意倍親愁雲暗孤驛疏雨度高闌吳
楚千年地乾坤萬里身難難憂國計同向夜深論

滁陽道中二首

捲旆臨迴磴舉帷攬夕曛人煙遙隔嶺馬足亂穿雲木

禮三

十四

落山逾靜天空雁不聞平生巖壑意聊此慰離羣

逕絕孤煙迥山迴驛路通林燈看似月嵐氣忽成虹地

近龍飛舊關分虎踞雄半天鐘鼓震清響落寒空

謁留侯墓

身抱神仙骨書傳帝者師空原荒草墓古木白雲祠萬
戶輕如脫千秋名在茲波濤日夜響猶恨副車時

望嶧山

立馬平原暮層巖入望深霞光通烏道霜氣肅楓林雲
抱秦封古山迴魯甸陰孤桐眇難托余欲附知音

見楊柳

廿載京華路驅馳鬢已殘無端新柳色又向客途看剩

雪枝猶怯驚風葉故寒家園春事早啼鳥未應關

旅次因懷沈仲禎孝廉將放春榜

長路驅車日思君匹馬來孤燈寒倚劍細雨夜停杯漢
殿春旗繞秦宮畫漏催相如方獻賦應薦子虛才

登岱十二首

地闢千年勝名專五岳尊盤紆通鳥道岬嶠聳天門壑
底蛟龍舞巖頭虎豹蹲攀緣紫霄近參井漸堪捫
翠壁插丹青巍峩絳節朝珠泉飛急雨松磴凜寒颺紫
劃中原斷青連上界遙高居臨眾壑端拱肅羣寮
旭日乍沉浮煙中辨九州杯盃滄海盡襟帶濁河流有
石皆當面無雲不杖頭還期尋若士汗漫與同遊

禮三

十五

遊神極秦漢舉目眇徐青百代龍蛇字千秋帶礪亭春
巖藏積雪晴壁墮寒星恍惚宸旂下倉皇走萬靈
前代登封日鑿輿駐此岑雲駢依石蘚華蓋借楸陰翠
削神房窅青歸御幄深至今空峽裏松檜作龍吟
勝事三千載空名七十君山寒秦帝輦苔蝕李斯文魏
闕蒼龍迥吳門白馬分天階時振馭飄落萬峰雲
天半削芙蓉千盤積翠重煙雲幾兩屐日月一孤筇紺
殿晴飛鳳朱幢曉駕龍明君躬聖德應已絕東封
縹緲高峰絕冥濛海色孤天風吹欲墮霧雨濕看無俯
挹仙人掌閒投玉女壺搖搖八紘奠還藉六鰲扶
周王駿駉駟黃帝訪崆峒何似孤峰上遙凌萬仞空金

支離碧海寶地做玄宮旦暮安期遇相攜躡彩虹

靈鷲空中舞天雞夜半鳴低看飛日轡仰聽落濤聲片
石經文古孤桐流水清慙無司馬奏猶有尙禽情

磨崖百尺字傳是唐皇書鳥跡留金牒龍光護玉除雨
看驚電起晴繞片霞疎正與青霄逼銀河落太虛
落落喬松古封傳五大夫蒼鱗寒愈動綠黛凍難枯舊
社餘工壘殘碑盡草蕪雙虬時天矯風雨夜相呼

天竺寺

數里穿雲磴秋山深更深人天開淨土日月徹祇林絕
壁寒松影孤峰清梵音上方聽說法花雨晝沉沉

落星巖

禮三

十六

步上落星巖嵯峨片石巉天青沉海嶠雲白亂江帆講
席龍初聽齋廚鳥共銜蒼茫虛閣外斜日冷松杉

飛來峰

靈岫何年琢開疑自五丁江雲穿古洞石乳綴虛樨地
擁虬龍恠天圍鸞鷲青嶽嶇凌絕巖風雨忽冥冥

夏日茅二舅侍御招飲瑤山寺二首

簪紛隔人市水木淨禪房幽社蘭風馥古殿蘿雲涼寶
瑟傳瑤響冰盤湛玉漿深情諧妙賞詎使想留觴
清輝依玉樹長日坐冰壺君稱宅相貴自笑高陽徒芳
歌飜子夜香饌出伊蒲揮塵雄談發兼聆妙理敷

秋日朱文寧太史招飲

相住隔清谿門前五柳低涼風動杯斝斜日挂棧題隱
附淮南桂光分太乙藜高情對中散何惜醉如泥
客言范東生少年能詩良多高致頗事遊覽喜而

寄贈

彼美范公子風流洵可誇詞場新俠客太史舊名家震
澤帆前月天台杖底震平生好奇字喜爾類侯芭

送納言許敬庵先生北上二首

東山龍卧久北闕鳳書馳經濟須君輩升沉會有時鳴
珂歸紫闥簪筆向彤墀凜凜平生節寧虛獻納司
祖席臨秋水涼風柳葉低名流許詢似雅望魏舒齊日
慘胡塵動雲橫代馬嘶非關槍歧路心折爲征輦

禮三

送陸伯生北上

羽檄方馳驚琴書勞遠征貂裘憐盡敝龍劍祇悲鳴孤
月隨寒騎嚴霜拂曉旌相逢舊知己慎重說平生

送黃履常告滿還朝二首

才名入洛始年少請纓時世業青箱在幽懷綠綺知星
辰瞻鳳闕雨露近龍墀報國須今日邊烽暗四陲
我自鑿坯者君應題柱傳飛沉成異路去住總關愁丹
葉霜前騎青山雨後舟心期隔千里遙共片雲秋

悼徐長孺

故人渺何許寂寞子雲亭氣失豐城寶光沉處土星文
章歸造化川岳寄精靈夜月山陽遂淒涼不忍聽

姚伯道喪內詩以悼之

蘭閨零曉露蕙帳冷秋煙翼鮓知何在秦簫祇自憐殘
花閒委珮空翠散遺鈿達生應夙悟不擬悼亡篇

花朝遣興

蹉跎春事失驚起是花朝宿霧陰常合寒煙凍不消江
湖生計拙關塞捷書遙隨意論杯斝雄心未寂寥

寄韓惺庵方伯三首

風流晉玄度材略漢嫖姚雁塞千山絕魚書十載遙離
愁添白髮名姓上丹青一掬憂時淚緘題總未銷
君家棠棣美文武擅奇才勛業標崇閣威名起外臺九
邊明燧息百粵瘴煙開報國雙龍劍寒光燦玉台

禮三

雞肋余真棄龍韜爾獨雄不堪邊障火偏照海雲紅劍
拂扶桑日旗翻樂浪風向來肝膽盡萬里託孤鴻

鄧尉春遊

隨意籃輿載村村踏落花樓明千尺浪窗鎖萬峰霞石
筍穿雲立茶煙裊竹斜法堂鐘磬靜更聽演三車

玄墓山奇石

何處寒星墮深磬亦惟哉險疑穿地起巧似鑿雲開天
矯虬初動飛騰鳳忽來誰將煉五色還藉補天才

晚春同允兆諸君遊潘氏園亭二首

春郊若爲躋芳徑故生妍琴酒偕朋好園林得地偏竹
間看舞鶴花裏聽鳴鶉落日層樓上流風散管絃

共結西園蓋言尋東郭翁亂峰孤棹裏清吹百花中柳
色看疑雨林霏望若虹醉歸山簡騎一詠舞雩風

陸纂父過訪旋即別歸包山同允兆分賦得四支

五微

少年重遊俠海內寡心知所嘉一言合共此千秋期搦
管青雲墮披襟白日移盈盈洞庭水煙渚空長思
啼鳥雨中盡殘花愁處飛暫欣諧妙賞無奈阻遄歸水
闊兩峰路雲閒片石磯高秋期不爽同采北山薇

離夜

蕙帳初虛夕蘭燈欲燼時暫憐牽別袂那復響悲絲情
深影雙照語盡漏俱遲掩袖空餘淚星河耿戶垂

禮三

十五

五日同吳允兆金玄朗錢叔達分得蘭湯

渺渺湘臯畔依依楚畹餘分來霞滿浴罷露凝裾流
潤滋芳杜殘膏勝揭車踟躕振衣者皆濁竟何如

夏日吳公擇司馬見過與乃弟允兆同集遂爾言

別因各贈一章

相期勞遠涉艤棹小溪東巢燕翻風翼檐花散雨叢玉
看稱朗潤劍已合雌雄對酒無辭醉爲歡惜暫同
騷雅久淪喪如君能幾人論文空宇宙玩世任風塵契
台元無意交成自有神亦知非路阻翹首向通津

贈邑子陸拙之

四海雙蓬鬢荒正一老夫任深門外草編盡澤中蒲守

約元非病酬恩豈借軀平原今作主何用歎投珠

寄開之太史

何事郊原外頻年多鼓鼙未紓東海甲難穩北山犁國
計關黃髮胡烽走白題空餘寶刀在清夜吐虹霓

送袁水部北上兼壽封公三首

祖席錦帆張盈盈粉署郎槎浮今博望花滿舊河陽桂
月當秋霽蘭風拂曙香主恩新賜綵萊服有輝光
漢代循良吏何人似水衡去思吳邑頌愴別楚江情玉
殿秋霜肅金尊曉露清三公應計日端不愧家聲
宅與青山近人猶虞仲風開尊片月白獻壽百花紅雞
舌分仙署龍章出漢宮莫言將父急使命簡書同

禮三

三

送周元仲還新都

片月落寒渚微風吹白蘋不堪秋氣瑟况乃送歸人聽
處雲濤卷行邊霜葉新持螯拍浮夜別後更誰親

周公瑾昆季席上卽事

荀玉故相依華燈散夕輝坐憐水月暎驚看梁塵飛天
香迷綺閣空翠上雲衣靜夜傳杯筭俱霑露氣微

秋日同沈中丞朱太史吳山人遊沈長山

秋色堪扶杖青天歌嘯同深杯澄桂月雜吹響松風村
郭蒼煙外谿流紅樹中不因山簡興尊酒向誰雄

沈中丞有作見投次韻酬荅

竄跡借樵子高風媿逸民寧知臣節盡猶戴主恩新義

自千金重交從片語親有懷孤劍在敢向世人論

朱大復自陽信移疾歸走筆簡訊

高卧淹時序深齋暗綠蘿身同彭澤隱病若茂陵何藥

裏常親檢詩篇久廢哦聞來繇貝葉一為問維摩

別後移腰帶愁心託海騷君作賦名海牢騷久官斥鹵地無乃

簿書勞雲遠雕櫺入山圍粉堞高憑虛秋氣爽願賦廣

陵濤

雨集周公瑾昆季舟中即席分賦得侵字

倚棹湖光暝開簾霜氣沉新歡同百斗豪舉散千金細

雨寒江滿繁霜木葉侵可憐山水調若箇是知音

又代士昌得江字

禮三

王

此夕歡非易流輝動玉缸煙波疑洛浦風雨是湘江已

解魚同樂翻憐烏自雙酣歌成久廢貧俠未全降

送吳允兆北上

相送春城晚愁來天地寒以茲為別易始信結交難一

日黃金盡孤身白髮殘叩心空有淚不敢向君彈

送詹淑正之武林兼寄龍君御

滿邇殘花積悵然愁暮春以子逐臣淚寄爾倦遊人舌

在寧嗟厄詩成總未貧悠悠悲世路皮相任教噴

村巷春歸後湖邊草綠初盈盈一水隔渺渺片帆舒匣

裏霜侵劍牀邊葉擁書金莖空有路誰念病相如

過楞迦山雲岫上人禪室

整偃塵中駕言尋雲外栖羅緣疎幔入花市小窗低山

鳥隨人下空香到處迷悟來喧寂境物論自堪齊

黃太史壁間讀庾上人詩有贈

開士古云少名流今詎逢誰題石壁字秀色生寒松飛

錫月千里結龍雲一峰孤舟定相即晚聽東林鐘

尋常猶惜別況乃值多艱書漢懸明德風塵凋令顏危

心百折坂世路九疑山何日衡門下蓬蒿獨閉關

迢遞成皋路荒涼宛葉城歲侵勞撫字縣僻寡逢迎豈

薄牛刀試猶聞龍劍鳴不堪桑梓地豺虎正縱橫

七夕送吳仲宣弟應試

禮三

王

尊酒對良夕雙星照別筵送君懷策去一咏棣華篇銀

漢槎初泛金莖露正鮮長風吹萬里破浪許誰先

訪勞維明不值

千重翠微積一水美人家非關阻沿源猶自悵蒹葭舊

有詩相憶今來路亦賒徘徊門外柳秋雨幾枝斜

山中贈友

結廬傍仙府高枕卧雲牀駐世丹砂久借時白髮長卜

鄰唯種樹覽勝不齋糧消渴文園吏從君乞玉漿

彌勒寺二首

精廬五湖曲仁息愜幽襟鐘磬青天窅松楸白日陰錫

邊孤鶴避鉢裏一龍沉獨坐聞清梵玄風憶道林

樓閣迥蒼煙驚濤夜拍天法雲籠寶樹初地湧金蓮石
題供齋飯山有飯松陰藉醉眠何愁秋暑劇甘露灑飛泉

法相寺

松磴鬱嶙峋來瞻不壞身泉依老僧錫法轉梵王輪丹
壑孤雲冷蒼筠萬玉新坐知空色相若爲渡迷津

湖上贈鄔汝翼

風塵十年別何意復班荆南國淹王粲天涯老伏生崩
緱存依氣陋蒼自歌聲喜共青山月流波照席明

同李白父巖心卿叔爰弟遊龍井山

窈窕披丹壑峻嶒躡紫氛仙疑帝子下怪自巨靈分泉

禮三

三

歎山山雨窗含樹樹雲斜陽一相送清嘯隔溪聞

武林遇王選部行赴粵中之命賦贈三首

執手寒江上淒涼落葉時謫居君尙爾放逐我何辭共
有楊朱泣能無屈子悲終朝難可永誰賦白駒詩

此夕銜杯後何時共月圓夜郎愁毒霧閩海隔蒼煙旅
雁書難達哀猿淚易傳主恩題劍舊莫遣負龍淵

才彥今何厄紛紛出漢關可憐芳草色總是逐臣顏雲
暗蒼梧野天低大庾山明時多雨露計日取刀環

訪諸延之不遇寄懷二首

獨抱違時志偏多訪隱情蓬門幾人卧蘭署一時名林
靜鳥初下庭虛苔自生登高悵延佇寒日滿山城

杳杳北山下何人歌采薇獨尋蘿薜徑爲問芰荷衣襍
被當年共彈冠此日稀愁心渺難寄時逐暮潮歸

金昌邂逅龔女脩憲長卻寄二首

良會知非偶其如生別愁風塵各萬里天地此孤舟野
草嘶征騎寒更慘戍樓相思渾欲寄雲斷濁河流

一自長安市歡同擊筑歌別來嶺表路愁絕暮雲何鴻
雁天南少梅花雪後多聲名馳百粵壯歲豈蹉跎

元夕朱文寧席上同允文賦得走馬燈

旣膏燃寶座龍媒驟玉鑣突來千騎影相映百枝搖軍
震襲燕壁烽舉戲周朝空餘超乘氣終讎寢征鏡

康伯舅氏罷官歸以詩代訊

禮三

三

金馬名猶寄龍蛇道自然世途青眼少歸計白雲偏松
菊陶潛宅煙波范蠡船逍遙吾意足一詠考槃篇

秋日青芝山居同允文賦

十年栖息地此日更盤桓樓倚千峰碧窗臨眾壑寒林
鶯皆響吹檐溜總鳴湍坐處炎蒸歇深松白日殘

空山人跡少轉覺世緣輕石上藤衣合花間桂醕清當
秋一葉下薄暮孤蟬鳴取次移珍簟深宵就月明

君有悲秋賦余同結夏僧榻來清嘯侶高卧白雲層豪
飲思河朔遺音嗣廣陵無生悟真諦相對說三乘

攜琴擇幽勝竹色借鄰家嘯引松間月歌翻嶺上霞深
溪馴野鳥僻徑掃桐花隱几同南郭紛綸閱歲華

送友人南歸

忽憶鱸魚膾秋風客路遙行隨青雀到歸傍玉驄驕
色連芳草寒煙隔暮潮離心何所似一葉正蕭蕭

送楊伯翼下第南還

怨別驚寒節霜飛草欲枯如君猶抱璞誰不歎投珠
獄底雙龍氣囊中五岳圖靈文知不朽未可泣窮途

賦得巫山雲

允文侍兒
小字巫雲

歸臺時恍惚出峽更飛揚纖纖引珠佩冉冉下瑤瑤
卷袖蒼龍隱拂鏡彩鸞翔自能襟行雨朝暮逐君王

晚行即事

一棹村中去晚雲溪上橫亂山兼日迥野火禱星明水

禮三

落全窺石林昏不辨城恆暘時正劇愁聽桔槔聲

秋前一日金元朗見過對雨有述

君命嵇公駕余銜曾子哀涼先秋節至雨為故人來
疎竹陰偏集高梧葉暗催深愁門竟掩莫訝沒蒿萊

過子明故居悵然志感

痛絕西州路空存楊子居梁無新燕語壁有故人書
薜蘿陰猶合桑麻徑轉疎匣琴塵更掩風雨夜堂虛

過顧仲方中翰園居題贈四首

闕地謝風塵樓臺面面新丹楹依綠樹碧沼泳朱鱗
藏書開玉檢留客坐花茵明月催歌妓當杯莫厭頻

蘭堂珠作箔桂苑玉為欄怪石飛仍立名花落未殘彈

琴山溜響揮塵露華溥不用郇公膳窗霞秀可食

丹禁接爐煙攜來此地偏雕廊香霧滿畫閣彩雲連
富麗誇金谷幽奇借輞川虛疑三島上縹緲列羣仙

誰能開勝地知爾出塵心寶閣瓊瑤色禪房鐘磬音
空香迷別院疎雨度高林更羨揮毫處雲霞四座深

葛鳴山行即事

萬里翠煙凝探奇最上層懸蘿危石墮映月碧潭澄
日落日寒山寺苔荒祇樹林烏翻松逕雨雲冷竹堂陰
法座空花積疎鐘片月沉無緣謝塵網來往證禪心

落惟聞虎雲深不見僧仙人丹竈處猶有紫鸞乘

冬日過寒山寺

落日寒山寺苔荒祇樹林烏翻松逕雨雲冷竹堂陰
法座空花積疎鐘片月沉無緣謝塵網來往證禪心

禮三

夏日坐禪院二首

愛爾禪栖好清涼境自偏庭飛支遁鶴池種遠公蓮
拄錫青天落孤燈靜夜傳誰言近城市一逕隔人煙

禪房坐幽適妙相禮莊嚴蘆蔔香侵座篔簹翠入簾
翻經馴鴿繞呪水毒龍潛四座瓊瑤滿淹留更不嫌

山中夜坐

匹馬秋風裏千峰落日昏林青山鬼嘯雲黑暮鴉翻
月出高低樹燈分遠近邨不因豺虎地寂寞自銷魂

己丑除夕

一年愁易盡三十媿無聞鏡裏青悲髮風前白望雲
燈寒時墮影鴻斷忽驚羣獨坐中庭雪淒涼夜未分

寒時墮影鴻斷忽驚羣獨坐中庭雪淒涼夜未分

山房夜宿

春來耽習靜高枕碧山隈
犬吠雲中出泉聲夢裏來
庭虛寒月瘦松暝暮濤哀
青鬢同花落空悲風雨摧

山中尋梅值風雨未放僅對數英遣興一首

入春十日雨閉門花事遲
殘雲綴遠樹凍鵲墮高枝
明月清宵夢浮雲嶺外思
待將千玉徧爛熳醉題詩

苔姚叔度見寄兼訊奚童僕郎

無那青山路應憐白雪才
蒼茫龍劍合迢遞雁書來
春雨生芳草寒宵聽落梅
寄聲香案吏可得比方回

大石寺二首

攀援丹巘絕俯眺白雲升
虎嘯松間月龍蟠石上藤
樓

禮三

虛時欲墮巖竦忽疑騰
咫尺青天近風煙隔萬層

天半飛靈鷲嶂岫磴路長
幽巖通電影深壑抱霞光
險似穿雲棧虛疑度石梁
攬衣千頃盡殘日下蒼蒼

俞山人自楚中攜明卿先生書來過訪卻贈一首

吳楚恣遨遊囊輕一蒯緱
中原誰御李南國尚依劉
郢曲工難和隋珠暗豈投
相看意無限花雨濕汀洲

遲臧晉叔同行不至

幽意曠何許伊人隔水湄
淒風孤劍冷暮雨一帆遲
寂寞冥聯牀話徘徊解袂時
相思無所寄吾欲扈江籬

章元禮自姑熟歸過訪同閔仲升錢惟凝夜話

失路各相憐相逢倍黯然
別情杯酒盡愁緒一燈懸
幾

董禮部集卷三

載雁行斷清宵龍氣聯
城頭嚴柝迴風雨到孤船
披襟論往事剪燭夜堂清
交誼千金重行裝一劍輕
片雲山郭影疎葉露庭聲
容易同心合寧辭牙酒傾

秋日温允文見過同方文明李白父翁子延分得

迴字

白露當茲夕依微花逕開
蛩鳴緣砌入竹暝傍簾迴
病豈拋詩卷愁因縱酒杯
翩翩君任逸來往更無猜

秋郊寓目

秋郊風日好滿目稻苗肥
雲外一峰出霜前片葉飛
原空人跡少天闊雁聲稀
莫便看殘照愁心未易歸

秋日過禪堂即事

東林少塵事叢薄散深秋
水色到門靜鐘聲入院幽
焚香蓮座下洗鉢竹溪頭
不識歸途近吾將問趙州

禮三

董禮部集卷三

726

董禮部集卷四

明烏程董嗣成著 同邑後學劉承幹重編

七言律詩

送王郡侯補任廬江

片時傾蓋復驅歌祖帳春明奈別何
金斗地懸巖關近龍眠山繞出城多
馬前樹色通吳苑帆底秋聲落大河
南顧卽今舒肝食知君到處有陽和

春日過南石山庄卽事

草玄亭下久生苔野老籬邊獨放梅
竹院祇容啼鳥過柴門斜對遠山開
一泓淺碧春飛雨萬壑陰雲晝起雷
白髮幾人能共此夜深高燭照啣杯

禮四

雨中入山同方文明輩分得山字

飛泉隱隱碧雲裏雨勢冥冥橫黛間
煙霧全迷荒徑合松蘿半掩石門閒
探奇不惜頻攜屐避世何人笑買山
誰道深林無月色還期列炬共躋攀

初夏日峴山登眺是日陰晴代變情景甚奇漫成

短什

紫霧陰陰結層閣青煙沉沉落翠微
巖前有客杖策至竹間老僧獨揜扉
不知溪山何處盡但聞城郭人聲稀
一片湖光忽開霽長空任爾孤蓬飛

龍君御與余別三載矣忽邂逅道左訝爲奇遇邀

歸小園留懽竟日臨別賦此情見乎詩

才子潘安美不殊德星今夜聚東吳
躍龍神合豐城劍照乘光分漢上珠
風動仙舟連玉樹月明秋水坐冰壺
懸知白嶽多名勝何日酣歌傍酒徒

十六夜同諸君再集蔡宅得城字

雲垂一曲鑑湖平乘輿重來此濯纓
五夜霞光飛別嶺千家秋色澹孤城
輕檣忽動星河影尊酒高懸薜荔情
若向靈臺占象緯真人今已奏東行

中秋日同周服卿錢夢禎集碧浪湖

是處蟾光一倍增况逢湖伯共山靈
然犀或許馮鯨室取石由來見客星
葭蕩淨含孤月白芙蓉高列四天青
夜深弄笛空亭上搖落秋風不忍聽

禮四

別家口號

今朝還是故鄉人明日飄成異國身
千里關河惟夢到幾村雲樹隔江春
西風已負山中桂短褐空餘洛下塵
此去自應頻陟屺倚門長憶淚沾巾

既過許墅承張先生父子翁茂才連舟夜至錫山

篝燈聽雨故人之誼不勝藹然賦以紀別

去國因君別恨增百年肝膽更誰憑
一尊綠酒辭吳苑滿路丹楓入晉陵
點點寒林飛細雨蕭蕭殘柝傍疎燈
莫愁明日孤舟去山近重陽好共登

李進士叔玄陸孝廉伯生從燕都來邂逅寶應湖

上夜坐分韻得心字

無論傾蓋總知音異地相逢意轉深
劍出芙蓉流俠氣
笛吹楊柳動鄉心李君有侍兒善笛子亦命蒼頭擊劍佐酒
半空夜色霜天
淨一片湖光素月沉
駿馬已將南國去
燕臺誰復有黃金

彭城懷古

萬里長河控驛樓中原霸氣已全收
斬蛇劍去雲空白
戲馬臺荒水亂流
暴骨尙餘秦戰地
青山常似漢時秋
當年高會今搖落
回首孤鴻咽暮愁

光嶽樓

層樓縹緲白雲封
躡磴憑高第幾重
夜靜月明臨萬井
秋深木落見千峰
中原佳氣來東海
列郡雄風起岱宗

禮四

歸路自疑乘鶴去
半空繚繞下笙鏞

雪夜同屠緯真張伯簡集王季孺齋中

珮玉明霜出鳳樓
歸來同典鶻裘寒
砧欲落千家月
宮漏初分五夜籌
寶劍清宵雙睥睨
金門濁世足沉浮
馬蹄醉踏瓊瑤去
紫陌鷄聲唱未休

送羅比部理刑淮上

祖帳關門落葉黃
幾年春色憶河陽
子房山下冰爲岸
韓信城邊月似霜
司寇一時空犴狴
淮南千里集冠裳
明刑自是公家器
始信良材出豫章

送沈司理之北平

代家君作

親領霜威下九天
如雲車騎擁離筵
牙旗半捲盧龍雪

駟馬橫衝碣石煙
晝永公庭虛聽訟
秋深列障獨行邊
若逢關吏求名姓
爲語終童出塞年

送盧起溟之馬平

代家君作

分符萬里到要荒
孤劍千山去路長
象郡總歸周職貢
鮫人今識漢文章
雲間絕磴通南海
花裏新詩滿夜郎
聞道嶺梅春萬樹
北來莫惜贈行裝

送黃給諫謫永豐丞四首

手排閭闔叫天闕
言自違時道自尊
殿陛英雄俱落膽
邊城老將半銷魂
怪來閩海多奇節
縱去豐城亦主恩
我有千行國士淚
向君灑落滿乾坤

朝奏封章夕貶官
報恩祇爲沐恩寬
聖明總是批龍易

禮四

四

強禦其如蹈虎難
野戍雲隨孤客遠
關門霜落寶刀寒
聞知去國非名潔
莫出人前諫草看

祖帳平原日未醺
那看木葉更紛紛
幾行白雁如憐客
一道黃河爲送君
短褐夜披孤嶺雪
吳鉤寒落大江雲
忽歌變徵離亭暮
易水蕭蕭不忍聞

才子長沙未足論
飄零猶自戀楓宸
空山幾處猿啼樹
正馬孤城月照人
青鬢總教歸骭髀
丹心寧復混風塵
賜環他日求遺直
肯使天涯老逐臣

送喬巽甫備兵井陘二首

雨色花香濕障泥
送君遙去玉門西
營前風急傳刁斗
塞上雲閒卧鼓鼙
路入大荒瀛海接
關臨落日太行低

壯遊莫問曾投筆十載河陽舊有題

白馬朱纓豸獬冠旌旗曉發向邯鄲雲開鉅鹿孤城出路轉蒼巖萬嶺盤百二雄關秦阨塞三千勇士漢材官秋來一片胡笳月夜夜青天倚劍看

徐山人遊晉還復將遊齊且與余有濟上之約賦

此送之

處處春山黃鳥聲千金裘馬事橫行胡天塵合飛狐道瀚海青連夾谷城東去高名追魯仲西來奇策問侯生到時若望雲中節日觀峰頭第幾程

得錢惟寧書因簡寄

尺書迢遞楚江邊猶喜衡陽雁足傳日沒孤城鄖子樹

禮四

五

天空獨鶴洞庭船樓中有賦懷明月堂下無人散夕煙若問含香今寂寞移文已草北山篇

送楊世叔南還雲間

斗酒相逢意氣饒炎歊此日別江皋山村葉暗含微雨澤國霞蒸壓暮濤千里月明催挂席九峰雲色待揮毫莫言擊筑悲離索興到尊鱸亦自豪

宿碧雲寺

欲逃煩暑來禪榻爲愛深霞鎖竹扉定入佛堂微火息坐來幽樹白雲歸高低翠色當窗暝遠近濤聲帶雨飛已悟浮生栖止處便令長住得皈依

別王吉士季孺

宜城醉後聽篴篥意氣憑凌萬戶侯鴛侶一時辭鎖闥鷗盟何日共滄洲燕山月滿頻支笏笠澤潮平獨放舟殿上金莖仙掌露未應長傲茂陵秋

別同社諸友

祇因善病遯正樊豈爲逃名學灌園無奈詩盟虛白社不堪愁絕對清樽秋深水國芙蓉冷日暮衙齋烏雀喧別後雙魚勞遠寄好從野叟問青門

龍君善屠緯眞金玄朗詹淑正集齋中拈得東字

韻時余得告南歸

宮柳晴霞御氣通十千美酒貫新豐地因禹穴靈東海光自驪珠照漢中客散高庭槐影綠詩傳清漏燭花紅

禮四

六

東行已動占星者卻憶琴尊幾夜同

題譚氏玉芝書屋

瑤草如雲透砌多數椽精舍隱脩柯偏宜帝子瓊笙落時有仙人白鹿過閒幔風來搖菡萏幽軒露下滴松蘿謝家遮莫留懽賞蘭玉森森近若何

登太白樓有懷屠緯眞

日落孤城壓舳艫風流千載借靈區當年豪筆存詩草此夜清狂憶酒壺湖海幾時鯨氣動乾坤何處客星孤懷人莫作登高望極目天涯盡綠蕪

宿金山寺

高樓枕江江流嘶恍惚夜半聞天鷄波光隱見日初出

樹影微茫月漸低
蛟龍欲起海嶠轉
豺虎潛抱山門栖
誰駕片帆破浪去
白雲滿空歸路迷

江上曉起

殘星落月萬嶺隈
起來大嘯天門開
一片罡風鶴背下
半空清韻鸞笙來
紫霞冉冉遶閣入
青霧濛濛拂檻迴
乘槎身已犯牛斗
客星此時安在哉

贈李白父

七十二峰涵太虛
此中浪跡有樵漁
放舟浦口雨歇後
吹笛洞天月上初
席上蹒跚東郭履
牀頭錯落子雲書
年來已解維摩理
布衲藜羹意自如

送陸考功北上

禮四

七

二月飛花點綠袍
仙郎誰不羨天曹
知人共許懸冰鑑
憶別相看解佩刀
清要昔聞裴楷似
文章今屬士龍高
嗟余已穩滄江卧
莫向巖廊舉鳳毛

天池山

禪宮窈窕鎖丹霞
日日絃歌問酒家
春雨有泉滋石鉢
中天無地湧蓮花
嶙峋峰色千尋出
黯澹松陰萬徑斜
故苑荒臺游樂處
只今芳草暮雲遮

送傅明府應召北上

璽書遙傍五雲飛
雲裏雙鳧遶翠微
到日丹楓勞獻納
去時墨綬有光輝
鶯花三月辭吳苑
環珮千官出紫闈
總是批鱗饒諫草
只今朝事諫應稀

初夏過南石樂餘園索題謾成一首

地同剡曲饒佳勝
人似龐公多隱情
飛花一簾疎雨過
落日半村山鳥鳴
淹留滿院松竹影
坐弄閒房鐘磬聲
青山紫芝任君老
何用大藥求長生

茅公良丈寓居金陵聞有精舍作此寄之

朱扉重覆綠陰迴
炎氣初消枕簟開
五色晴雲鷓鴣觀
一江涼雨鳳凰臺
風搖竹影翻歌扇
月照荷香送酒杯
別有霞光連句曲
已聞鸞鶴半空來

寄胡順庵中丞二首

借箸曾聞圯上籌
功名誰數冠軍侯
帳開朔漠黃雲暗
山接蓬萊紫氣浮
筆上生花工楚賦
匣中衝斗是吳鉤

禮四

八

神交未拜將軍樹
腸斷邊城白雁秋

幕府西開擁陣雲
頻搖羽扇淨胡氛
狐飛絕塞塵煙斷
馬走孤城海氣分
萬隊霓旌秋較武
千山獵火夜回軍
燕然自有雄文在
不藉班生爲勒勛

垂虹亭弔三忠一首

搖落高秋霜葉殘
蕭條往事足長歎
鏘鏘劍觸江濤白
金字牌收戰血丹
萬里鼓鼙聲轉急
孤城鼠雀氣猶寒
獨令廟貌遺吳祀
苔蘚蒼蒼不忍看

長至日早起有感

眇矣爐煙扇影長
忽驚葭管動初陽
千官環珮趨龍輦
雙闕雲霞繞御牀
池上鳳毛憐舊色
省中鷄舌散餘香

江湖已共漁樵侶愁聽寒鐘到曉堂

乙酉除夕夢得句云窗前黛色遠橫几局裏寒聲
倒入池因足成之

共憐今歲春回早不似常時臘去遲處處笙歌催落日
家家簾箔駐晴絲窗前黛色遠橫几局裏寒聲倒入池
林壑栖遲何所羨肯因簪紱負心期

八日過茅公良席上之作

誰得林中不世情滿堂羅綺照春城喜逢今日爲人日
未信浮名似酒名華燈不散千花影新鳥頻催百轉聲
怪底尊前霞氣動星橋已駕彩雲生

出野喜晴

禮四

九

一春春半雨雪中韶光忽爾開晴空竭來青雀問南陌
但見綠樹搖東風遠山近山並施黛深桃淺桃相映紅
鷓鴣之裘紫駟馬醉扶落日歸新豐

飲殷夢得榮木庄題贈

朱樓隱約綺窗開春鳥當窗喚酒杯綠樹隔雲穿屋裏
青山帶雨出城來座多魏國酬恩士客有梁園作賦才
自是門前無馬迹莫嫌屐齒破莓苔

斗山亭

地勢參差列宿橫峰巒象緯自天成水環面面皆當檻
山列高高盡繞城萬井人煙生雨氣千家歌管動春聲
憑虛直已昏三界電發星流莽未平

珍珠簾

高崖瀑布挂巖扉一派鳴琴冷客衣碧海玄珠時燦爛
瑤空玉溜轉霏微飄飄下界天花墮歷歷晴峰法雨飛
瀟灑自清塵外想白雲深處總忘歸

季園詩爲吳生賦

曲曲幽溪入洞天淙淙流水到堂前層巒遐眺空千界
丈室時休悟四禪黃鶴青霄來帝子桃花別澗引羣仙
鳳凰池上曾濡翰猶有爐香散紫煙

雨中懷龍君善

春深忽見春雷動夜半重門夜雨高已壯灘聲搖白舸
遂生嵐氣濕征袍濤來絕澗魚龍舞風撼空山虎豹號

禮四

十

遷客孤舟何處問爲君愁擬賦離騷

釣臺

野客香蘋薦別汀春風落日弔孤亭雙臺常控桐江水
千古惟留處士星帝座昔曾占象緯羊裘何處問沉冥
祇今巖下松蘿色猶有煙霞傲漢庭

過茅公良蚤復堂同溫允文吳子野分得生字

握手情深有弟兄況逢俠客氣縱橫狂稱搗鼓漁陽吏
辯擬談天碣石生郢曲當春嬌白雪酒星遙夜燭長庚
諸君不淺滄洲意好向青山共結盟

雲間朱孟元彭欽之徐長孺澤夫陳仁醇同乘可

士抑齋中

三徑蕭疎背郭偏衣冠此地集名賢于今兔苑抽毫處
不讓蘭亭脩禊年坐共綠陰清海日歌殘涼露濯江天
東南賓主稱雙美潦倒慚予白社前

發雲間周陳兩先生及朱孟元張完父王性之何

士抑徐澤夫沈公緒諸君拏舟相送臨別賦此

謝之

片帆西去雨初收澤國涼風散早秋送客吳歛偏宛轉
故人杯酒爲淹留殘霞落日昏孤嶂白水連虹挂驛樓
重爾殷勤惜離別海雲蒼樹總含愁

陸伯生過訪潯上卻寄一首

風塵逐逐馬蹄輕骭髀誰憐不世情卻媿解驂同晏子

禮四

十二

時陸有留都之獄猶能虛左重侯生寒來細雨青燈夜春滿新
篇白雪聲濁酒未傾歌未闕暮雲海水又東征

姚伯道昆季留飲白雪齋卽事賦贈

簪纓舊說中丞貴車馬今容下客過不是高庭輝棗萼

誰令幽賞附松蘿杯傳玉乳清炎氣傷有金仙解病魔
時予適有微疴且爲生作偈故云明日五湖煙水棹思君遙在白雲阿

弔周孝侯

千年廟貌肅清高猶挂將軍舊戰袍卻恨青天摧虎翼
至今黃土掩龍韜蒼苔卧雨沉金甲明月含霜射寶刀
獨有五湖秋色在鮫人夜夜泣波濤

西樵山人家在洞庭移居陽羨築樓一區題曰一

詠命余賦之

選得林丘自結廬誰言陋巷不容車甘貧原憲元非憊
愁困虞卿好著書玉柱青連秋水闊銅宮白繞暮雲疎
此中嘯詠堪遺世何必侯門羨曳裾

善權寺

迢遙石逕俯林巒縹緲琳宮法界寬封禪地瞻吳樹老
宰官緣識宋碑殘諸天風雨驅雷篆遶殿煙雲護斗壇
洞口琪花應滿路便將拂袖擬驂鸞

太湖

太湖一望寒雲矗遙空片片飛帆逐煙樹冥冥接夏灣
洞天杳杳窺林屋峰巒高低七十二景界虛無三萬六

禮四

十三

乘槎浩渺欲何之月明直上斗牛宿

賦得泥融飛燕子沙暖睡鴛鴦

晴日和風景物新喜看禽鳥正宜人差池浦澈疑尋故
儔匹河洲自解親玉剪乍開翻綠水錦衣深穩護香蘋
金闈亦有雙栖止一倍情添正暮春

賦得嫩綠池塘藏睡鳥淡黃楊柳帶栖鴉

水紋低繞綠陰長夜色依依學淺妝波靜幾羣浮翠藻
枝寒一片挂斜陽微颺忽動驚還合纖月初窺止復翔
最是懷人淒絕處深愁倚遍曲欄傍

同屠緯真彭欽之諸君夜集分得長字

三年高卧白雲鄉幾泛山陰雪夜航鷗鷺羣飛鄰水國

芙蓉秋老對寒塘九天風雨龍光合兩袖煙霞鶴馭長
籬下黃花應待爾喜看把酒又重陽

雨中登峴山

杖策頻過郭外峰半林疎葉澹秋容窗臨絕壑千家雨
門對寒濤萬樹松孤寺影沉丹嶂合諸天雲冷翠微封
空濛直上看無際煙鎖層樓十二重

贈陳岷楚明府

漢庭治劇有陳遵艸檄才華詎足論村舍人驚吠屨少
官衙吏掃落花頻琴中松影千山暮縣裏溪流萬壑春
莫是政餘饒麗藻新詩題得寄岷岷

由來仙令寄花間日永庭虛政自閒縣郭千家依碧澗

禮四

十三

驛樓一半控青山東來天目雲連樹西望峨眉雪滿關
玉殿計看飛鳥到銅符不用戴星還

送黎明府入蜀

無那分攜促去轅不禁蕭瑟傍孤魂巴江夜月聽哀雁
巫峽悲風泣斷猿落日半含山雨黑寒雲低壓戍樓昏
積薪已歎多流滯況過長沙弔屈原

蘇長公三過堂次韻三首

殘碑荒利野煙中蔓草萋蕪問牧童靜院月含清磬動
寒林霜落古臺空詩名誰續生前句慧理猶聞定後功
寂莫山門淹楚水羣鷗日日自西東

天空雨雪暗江村落葉蕭蕭擁寺門山色峨眉遙共把

交情白首此重論播遷學士名偏重多病維摩道益尊
鐘磬不傳燈影寂菩提證下已忘言

老僧飛錫去已遠說法荒臺何處尋花雨滿空誰似昔
祇園布地豈如今青蓮自有離塵相白社猶存出世心
謾向千年論往事蒼苔寒鎖暮雲深

龔郡侯招飲煙雨樓賦得二首

明湖遙接海雲昏雪浪中開白日吞夜月煙波千頃閣
夕陽簫鼓萬家村何年靈窟通蛟室爲有雄才壓雁門
正喜四郊歌頌遍不妨長醉孔融尊

使君爲政自風流郡閣平分澤國秋日暮池亭山簡騎
月明賓從庾公樓持綸獨向鰲頭立起舞時看龍女遊

禮四

十四

遶郭平田春水綠知君早已靖陽侯

贈李侍御

憶昨鳴珂出禁墀清輝喜得借瓊枝於今驄馬來烏府
絕勝鸛鸞在鳳池江上霜風供攬轡湖南山色待褰帷
懸知豺虎皆爭避不用埋輪向盛時

訓龍渠陽見贈之作

仙人家住武陵溪繞屋桃花路欲迷座上玄言飛玉屑
匣中龍劍動星霓觀濤不在枚生下弔屈堪于賈傅齊
茗雪湖山春正好知君到處有新題

玄暮山觀講經所

嶺外明湖潏泱開千村樹色擁樓臺曾聞地有黃金布

今日經從白馬來雲護寶花時現滅香浮龍象自崔嵬
人生塵海須臾事安得慈航問渡杯

北固山別茅公良諸友

岩嶺島嶼倚江平江水遙看匹練明潮出海門孤浪白
雲開楚樹萬峰晴杯懸日月通龍窟帶縮山河繞鳳城
莫向尊前唱離別卻教風雨泣波聲

淮上弔淮陰侯

黯黯淮河咽不流事傳長樂古今愁軍前誰不憐烹狗
垓下何人問沐猴一飯有恩同逝水萬家無邑總荒丘
王孫往蹟隨芳草壘上年年自恨秋

送開府順庵胡公自雲中鎮節東還四首

禮四

五

功成豈讓霍嫖姚辟穀翛然別漢朝北地肯容還李牧
西羌今已失班超牙旗拂曉雲猶黑鐵騎衝炎雪正消
卻怪匈奴時未滅不知誰爲走天驕

曾將萬騎虜名王暫卧綸竿碧海傍自信人言成市虎
應知世路總亡羊鷗盟豈共韜鈴老麟閣猶聞姓字香
袖裏素書黃石畧看君他日掃檣槍

萬里長城總未誇如君談笑淨胡沙馬蹄醉踏邊城月
鶴馭歸滄海上霞黑水秋風愁鐵邃陰山朔氣冷金笳
誰言蕙艾終成謗銅柱巍巍表漢家

雄劍悲鳴影陸離胡天黯澹將星垂正思漢闕方推轂
豈謂商山忽采芝馬嘶征路停寒角風掣愁雲落大旗

國士有恩慙未報不禁搔首對臨岐

早秋雨中雜興

漂泊東南幾萬家故園何地問桑麻山空日落魚龍窟
秋冷風飄蘆荻花百里春田飛野鷺五湖魚舍傍殘鴉
明時屢下蠲租詔會遣恩波到海涯

衡門轍跡自蕭然急雨濃雲欲暮天庭院高槐嘶繫馬
宮牆深柳散鳴蟬心同莊叟能知白守似揚雄只尙玄
檻外疎篁應共我偏澄晚色向尊前

音書迢遞楚江濱矯首吳山見白雲蛩語苦將空外人
秋聲愁向夢中分已嗟杼柚東南盡況是流離日夜聞
客思自須憑酒破幾回對酒不成醺

禮四

六

山雲黯黯覆城隅木葉驚看下井梧自笑守官同陸楮
肯因欲飽羨侏儒遙空濕霧搏鷹隼小院迴煙拂燕雛
俯仰不禁寥廓意夜深幽夢落江湖

綠槐當戶畫陰陰傲吏猶堪寄陸沉春色不開溫室樹
寒聲偏度漢宮砧入門甘減懷中刺割席寧知地上金
昔日五陵車馬貴松杉風雨自蕭森

九日送李漸卿南還

銀燭金尊樂未央忽驚秋草怨離觴關河滿路青楓老
征騎孤亭白日荒綵筆醉題詩似錦吳鉤新發氣如霜
薊門搖落登高處忍聽西風度雁行

關門木葉正蕭蕭匹馬吳山驛路遙燕國有臺仍市駿

秦樓無侶獨吹簫時李有德官自緣久客思黃菊豈是

投書做黑貂南土頻年憂患亟因君鄉思托漁樵

九日同吳子野周士昌遊卧佛寺

龍宮寂寞鎖夫容蘿逕斜迴翠靄封孤雁寒聲傳薊北

亂山秋色散居庸空巖雨作林中瀑絕壑風來樹杪鍾

獨上峰頭正蕭瑟故鄉回首暮雲重

千峰爽氣滿朝暎一片寒流帶雨痕楓老受霜紅欄曲

雲深如雪抱山根祇同落葉依僧梵詎有黃花送酒尊

見說宸遊曾駐蹕至今空谷散餘溫

荅臧晉叔見寄之作

故國音書久滯滯忽驚花裏度春深艱危雁足應難到

漂泊羊裘豈易尋寡和由來高郢曲多愁自不廢吳吟

山中孤負淮南桂漫向天涯問陸沉

送張大參之楚中

蒙衝秋下勢如騰匹練懸空楚水澄天外江流鄖子國

雲中龍氣漢家陵芳蘭湘沚堪遺佩明月南樓憶共登

襪被十年同舍意臨岐愁思總難憑

送潘侍御謫居粵東

千言直節振朝班孤劍風塵向北鬢瘴海波濤明主德

夜郎煙雨逐臣顏霜清楓老丹成樹月落猿啼淚滿山

龍氣埋沉君莫恨已留名姓在人間

早秋與黃玄之諸君登明遠樓有賦

清秋高閣淨氛埃繞郭翠峰爽氣開萬里西風鵬鷺遠

九天晴日鳳皇來門齊元禮登龍客金滿昭王市駸臺

暢好憑虛凌夜色疎林明月更徘徊

送鄭思成民部轉餉薊州

芻飛粟輓下漁陽仗鼓撻金出建章邊塞盡聞司馬略

朝廷猶接令公香熊旌夜度甘泉月龍劍秋凝碣石霜

千載勒勳麟閣上君家世有姓名揚

送沈太史茂仁假歸省覲

月滿金莖挹露華天清銀海泛仙槎萊衣曉拂香爐氣

彩筆秋題驛路花橋李晴煙搖碧樹鴛湖夜色絢明霞

上方賜得醍醐在醉舞椿庭樂未涯

施懋揚同卿在滁陽有書見遺卻寄一首

雲白霜清楓葉丹懷人江上路漫漫南宮月冷頻燒燭

楚水秋深憶佩蘭建業魚書愁裏得瑯琊山翠夢中看

宵來獨立瞻牛斗蕭颯牀頭劍氣寒

申敬中駕部轉餉居庸且將遊岱歷揚州而還詩以壯其行

縉雲使者自翩翩六傳星馳出九邊岱嶽晴霞飛杖底

廣陵寒雨落帆前立成事業人推重司馬才名爾後先

日暮山青關月迥懸知秋色滿瑤篇

九日扈駕闕工山陵恭述四首

碣石秋深爽氣開天都雲從一登臺風傳鳳吹千山響

日映龍旂萬壑迴仙蹕總依丹嶂入宮娥遙佩紫萸來
詞臣忝竊陪懽讌慙媿甘泉獻賦才
金輅珣輿出建章鸞鑣羽騎列長揚旌旗忽變風雲色
劍戟爭搖日月光入座山泉疑度曲當筵礪草尚含芳
懸知卜世千年在虎踞龍飛翊聖皇
閬闔清霜動早輪百靈齊護屬車塵山當珠壘峰巒合
地近瓊瑤草木春不是漢王誇羽獵自因虞帝重時巡
登高睿藻天邊下更有光輝映北辰
寒巖秋霽散朝暉駿御乘風陟翠微山色漸開宮女扇
雲陰猶濕侍臣衣千層閣道林中起萬騎笙歌月下歸
關塞不知搖落後欣逢雨露倍芳菲

禮四

九

冬夜劉玄子何仁仲朱女脩枉集分得八庚

酒人誰復問高荆牛耳詞壇狎主盟寶劍寒侵霜氣白
紫簫聲度月華明自因愛客常投轄豈是伴狂慕解醒
絳蠟共消裘共典坐教嚴柝下重城

別周士昌之夜忽夢得句云風塵憔悴鬢添絲醒
後因成一章懷愴之致情見乎詞

風塵憔悴鬢添絲短劍輕囊任所之故里乍歸番是客
臨岐欲贈不成詩空原雪盡行人小殘路霜凝去馬遲
一片雞聲千里月明朝何地共相思

冬暮同屠田叔劉玄子郭美朱女脩李女藩集何
仁仲齋中分得燈字

良會招攜喜得朋嚴霜澹月夜初澄玄風此日歸平叔
折節當年慕信陵客舍寒消千日酒帝城春動九華燈
鄴都才子名俱重郤愧雕蟲托後乘

過子野居題贈一首

居士庭前草色侵先生門外柳成陰還家自擬相如璧
作客誰誇季子金竹檻涼風秋瑟瑟藥欄花雨晝沉沉
款荆亦是藏名者相過何嫌轍跡深

題周公美獨醒齋

虛堂高館翠雲含塵世何妨此共酣公子西園飛鳳蓋
仙人緱嶺駐鸞駝窗涵浩蕩湖稱五客到蕭疎逕自三
盡道飲醇同德量豈同憔悴恨江潭

禮四

五

秋夜集何士抑漱六齋題贈

城隅彫築傍林塘愛雨爲圍似辟疆小閣疎陰喧晚雀
虛庭涼雨濕啼螿疎泉香落芙蓉徑壘石雲生薜荔牆
門外苔深車轍少不妨來往共求羊

送張侍御出按茶馬關中

旌旄千騎似雲從遙指函關百二重已有霜威清御苑
更看天馬出眞龍草荒阿閣秦皇輦霞鎖祠壇太乙封
最是褰帷登嘯處仙人掌上露初濃

庚寅元日立春

愁裏驚聞柏酒傳更裁巧勝闌芳妍共言春日逢元日
卜歲今年勝百年寒律盡隨萸葉變輕雲初傍柳條鮮

聖皇正喜行時令
佇看昇平樂管絃

玄墓山看梅花

十里梅花望不窮
蹇驢行處踏香風
題詩卻愧同何遜
投謁真疑類孔融
遊騎歌聲尋茂苑
落花樵逕問吳宮
萬山積雪餘殘照
應候扁舟入剡中

姚伯道昆弟過訪廬中兼以詩慰賦答一首

飄飄踪跡類孤蓬
寂歷門庭閉晚風
君豈劇談從謝遏
余將死孝愧王戎
草深陋巷無停駟
雲斷寒江有片鴻
一水盈盈千里隔
不知清論許誰同

春日集姚伯道臨雲閣對雪同賦

綺閣連甍控彩霞
亂山飛雪映梅花
晴空玉擁三千界

禮四

五

遙甸銀迴十萬家
奏節蘭風蕪夕照
揮毫春色盪雲華
高歌不覺清尊盡
遮莫樓頭片月斜

虎丘山作

曉靄煙霏護玉岑
嵯峨樓閣頰平林
龍埋劍雨青山冷
虎卧松雲碧殿陰
塔院曇花半空落
石壇忍草四時深
姑蘇往跡重回首
慨息千年霸氣沉

初夏過王村塔院

爲覓琳宮跨石梁
到門苔蘚自蒼蒼
鳥啼灌木千章合
風落殘花一徑香
路入空山塵自隔
人間初地日偏長
不愁豺虎堪投跡
靜夜旃檀禮法王

發自雲間顧仲芳
中翰楊世叔宋彥二孝廉移樓

船相送別後有賦

玉井蓮花十丈開
紛紛歌吹擁樓臺
鳴榔煙水搖書席
卷幔星河落酒杯
遂有碧霄秦鳳下
更看遙岫楚雲來
金罍銀燭拚乘興
曉箭銅壺一任催

畫閣金鋪綠水平
揚鈴疊鼓下孤城
雲連野樹帆前合
日射殘虹海外明
忽訝結構同蜃氣
何人吹篳作龍聲
臨行欲擬江皋贈
處處芳洲有杜蘅

壽景山袁封公七表二首

龍章初被主恩寬
鶴髮逍遙白玉冠
教有魯恭三異在
德聞楊震四知難
公有御金神仙秘術傳熊鳥茂宰清時識鳳鸞
試向汝南評月旦
家聲誰得似袁安

禮四

五

幾度桃開閱歲華
新秋樂事倍清嘉
地臨東海蓬萊闕
宅近虞山綺季家
袖舞宮袍飄彩月
杯行天酒酌流霞
仙郎欲獻千秋壽
種得河陽滿縣花

秋懷三首

蓬門晝掩柳條疎
蘭友歡違怨索居
架滿蠹魚時自檢
庭深蔓草不教鋤
娟娟淨月流瓊宇
冉冉孤雲度玉除
懶癖向來同叔夜
故人久擬絕交書

不問雌雄似奕棋
但將搢枕日斜時
疎狂踪跡從人詫
磊塊生平只自知
危葉驚風偏易墮
新蟬泣露正含悲
高山已絕鍾期聽
青眼於今好向誰

十日驕陽暑未休
涼焱忽動濕雲流
江湖但有漁蓑夢

枕簟偏生夜雨愁行路正堪嗟按劍深山何處覓藏舟
直須酩酊從吾好世事浮沉任海鷗

十四夜同翁君長舟中對月

湖南湖北秋水多月高月下生金波遠山乍出澹雲樹
寒渚半落空煙蘿自同客子青雀舫何處美人白苧歌
殘星歷歷橫曉色對酒不樂當奈何

九日獨坐偶憶高常侍訓顏少府之作因用其句

爲詠

縱使登高只斷腸寒雲四野入蒼茫高秋亂葉兼風響
薄暮千峰抱日黃絕塞經年愁虎豹時西鎮有驚中宵無地
識龍光祇須酩酊東籬下何用窮途泣阮郎

禮四

五

縱使登高只斷腸紫萸黃菊自芬芳涼風落木喧鳥雀
野水寒原接稻梁蘭佩未消南國夢荷衣猶媿北山章
凌歊戲馬俱陳迹短髮蕭蕭對夕陽

秋日游宗謙方仲美二山人見過值事不得久款

賦贈一章

傾蓋交情喜共論孤燈濁酒慰江村客來自倒中郎屣
病後誰同北海尊雨濕青山沉木末風催黃菊綻籬根
平原十日余真媿惆悵離亭落葉繁

送王紹濱駕部考績北上

芙蓉秋鏢動飛霜年少鳴鳩漢署郎壯氣千軍迴組練
春風三月下餘皇花迎紫蓋瑤京近露湛彤墀玉漏長

邊塞只今多戰壘仁君前箸借明光

紀長公出新釀見招適關中芍藥初開醉後有作
多從愁裏度殘春乍喜花前白墮新誰向青州誇從事
更於魏國覩夫人解醒自許真無賴照夜還驚別有神
莫詫鄰家狂吏部重來潦倒不辭煩

園中芍藥盛開侍家大宗伯公謙集賦呈二首

平泉景物麗三陽曲檻雕闌百寶粧朶綻纖霞嬌吐噀
枝承曉露暗凝香喜隨曳履星辰動共羨開尊日月長
好比謝家諸玉樹春風歲歲滿華堂

奇葩曾占上林雄怯並花王富貴同金谷乍披香露散
華清初沐瑞煙濃氛氲低壓銀鈎濕璀璨光分玉燭紅

禮四

五

賜得漢庭靈壽杖不妨扶醉月明中

題宗將軍廟壁

將軍名禮嘉靖間島夷入寇將軍提勁卒禦之
以糧餉不繼戰歿有廟在皂林

鐵騎驍騰自朔方孤軍轉戰困餓糧空憐裹革皆彪虎
誰使扶創喪犬羊野鬼千家愁暮雨啼烏幾樹怨斜陽
百年舊恨衝牛斗寶劍蒼茫夜有光

允文以閏六月十三日爲懸弧之辰蓋希邁云賦

贈

數十年來此再逢青山到處自扶筇知君日下稱鳴鶴
若箇隆中問臥龍三舍行歌惟削劍六時傳誦有疎鐘

爾聞賦得巫山雨夢落高唐第幾峰

允文新納姬名巫雲故戲及之

贈李山人 李精玄同之理且善星厯

煙霞道人土木形雙瞳炯炯胸羅星自有金丹變白髮
坐看玉液注黃庭或是守藏柱下史曾授鴻寶枕中經
月明夜靜一揮塵喚起塵夢還惺惺

送溫提舉之蜀中

幾年病衛著勤勞千里驅車氣轉豪宦業自同嵯使重
榮名元並大夫高錦官樹色連雲嶂灑灑江聲歎雪濤
聞昔王尊曾叱馭莫愁瘴雨濕青袍

賦得蓮花贈俞郎

十里香風度遠沙橫塘秋水絢朝霞似牽羅襪凌湘浦
共逐新粧映若耶種自青泥元不染資同碧玉更無瑕
翻飛併作潘家步爛熳芳尊燭影斜

吳門邂逅屠長卿留飲舟中旋即言別情見乎詞

湖上相逢舊俠多青蛾畫舫擁笙歌高城挂日蒼山暝
遠水浮天白雨過雁跡幾年乖羽翮鷗盟千載托煙波
翻憐此夕難酬興酒醒孤槎奈別何

過弁山園懷王大司寇元美公二首

一代文章推國工綸竿龍卧海雲東煙霞縹緲神仙闕
臺殿參差帝子宮月滿鏡湖思賀監草荒玄閣憶揚雄
空留壁上題詩處夜夜青天落彩虹

名園勝地築三弁矗石干霄綴蔚藍未得青天追李耳

空從白鶴問蘇耽瑤枝玉樹封仙洞幽草慈雲護佛龕
零落山丘千載恨不禁清淚灑羊曇

溫允文同朱中翰君采入楚歸走筆訊之

君賦南征意若何錦帆落日洞庭波由來大國誇雲夢
定有雄文弔汨羅水沒孤城春樹遠月明空峽夜猿多
峴山片石差堪語蝌蚪苔文儻未磨

鎮東樓

飛閣千尋鎮鉅邦弓刀萬隊肅雕窗鰲浮地窟蟠滄海
蜃擁雲樓起大江練淨星河時耿耿鏡懸日月自雙雙
雄文談笑生尊俎坐見較門偃豹幢

秋日方子振自清源見過賦贈二首

曾攜樵斧逐仙遊妙技翩翩動五侯一自移家居渤海
幾時騎鶴上揚州義同徐稷非磨鏡俠比馮驩豈蒯緱
正好淹留行客棹月明霜冷白蘋秋

十年京洛識高名千里重來倒屣迎黃菊籬邊陶令酒

丹楓江上闔閭城驂車曉破蒼苔色棋局寒催落葉聲
雲白天空帆影亂不禁鴻雁動離情

靈壁道中長至二首

陽春偏不到窮途愁望天涯草色枯葭管有時回玉律
楓宸無地憶嵩呼風搏饑鶴聲初急雲盡歸鴻影乍孤
報主尙慙同犬馬投身終擬混江湖

客路愁驚節序過風塵匹馬渡黃河寒山點點隨人小

斜月依依上砌多湖海頻年空杼柚烽煙絕塞擁干戈
孤臣此夜身千里夢逐殘更到玉珂

薊門道中三首

荒原野燒接空冥白草黃沙督亢亭山入盧龍寒愈迫
雲連涿鹿晝常青冰霜歲逼音書斷天地愁昏戰血腥
北望甘泉烽燧急幾時黠虜報犁庭

雪色雲陰凍不流桑乾北去古幽州截天關塞歸無棧
轉地風雲起不周騎馬空傳收郭隗烏蛇誰爲破蚩尤
由來日近長安遠極目金莖總是愁

野渡栖栖欲問津誰憐廿載尙風塵寒飈塞馬嘶偏急
凍雪饑鴉噪轉頻象緯此行關索米滄江何地問垂緡

禮四

自知直節慙長孺敢向明時歎積薪

送馬祠部督學江右

甞同南省問鳴鷄惆悵東風忽解攜剖玉豈容終泣楚
聽竽誰使濫吹齊啼鶯芳草歸梁苑疎柳晴煙拂御堤
瀑布香爐俱絕勝憑君彩筆寄新題

被罪出都言懷二首

吳楚飄零一逐臣難難國事轉傷神扁舟已遂鷗夷興
萬死猶存馬革身易水寒風愁送客薊門春草解憐人
輕肥金紫從他羨龍性由來豈易馴

五斗初辭慙息機緇塵不遣傍荷衣眼中軒冕非吾樂
夢裏溪山與世違楊柳和風催驛路桃花春水上漁磯

浮家早結玄真子共逐灘前白鳥飛

武城道中清明遇雪

孤客逢春春自憐短蓬布絮風淒然已愁三月吹凍雨
況復四野空寒煙提壺上塚此村有插柳賣花誰箇邊
濁醪麥飯且足興醉裏高歌縣上田

河上邂逅嚴中翰道徹在詩見贈賦謝

放逐孤臣氣轉豪青鞋踏遍嶽雲高故人尊酒對明月
大壑悲風生暮濤身遠金門猶戀闕詩酬玉案媿揮毫
國恩與爾俱非淺夜夜牀頭泣寶刀

贈劉陶字民部

一時通籍向金閨十載萍飄志未違世事無端供按劍
孤臣有淚但沾衣蕭條濁酒論春雨潏潏河流澹夕暉
此地英雄今古恨傷心併作楚雲飛

禮四

張明府招同何士抑蔡口口集甘露寺

南北雄圖天塹分憑高江色自氤氳孤汀樹沒晴迴照
絕壁臺荒晝鎖雲貝闕龍宮開十地鯨波犀甲動千軍
前朝回首繁華處祇有寒流對夕曛

虛閣微茫映遠洲海門殘日澹悠悠帆前樹色峰巒近
望裏煙光島嶼浮勝地有緣逢地主名山到處集名流
當杯不盡哀時意極目中原起暮愁

寄項任庵考功

織霞初建赤城標縹緲仙踪日月遙舊憶鷓行趨曉陸

于今鴻羽隔層霄三年未滅懷中字孤夢頻懸海上潮
寄語憂時山東部窮邊兵甲幾能銷

送沈水部應召之任淮南

迢遞弓旌出漢關共看謝傅起東山仙郎名姓知題柱
聖代恩輝有賜環蜃氣遙分淮甸迥龍光常遶泗陵還
狂瀾舉世何人障桂樹于今未許攀

送沈儀部之任留都

廿載林居詠素絲幽情常共白雲期竭來赫奕千旄色
特起從容禮樂司黃髮自應關國計青山終豈負明時
鷓鴣尺鷃俱成適莫向升沈感別離

綺歲聲華蚤握蘭千年友道慶彈冠古來王事稱靡盬

禮四

五

未許幽人賦考槃驛路帆開秋水碧江樓嘯倚夜光寒
鍾陵雲物供幽賞不爲憂時帶易寬

寄嚴道徹中翰

春風江上動飛旌十日周旋意盡傾策抱憂時同賈傅
家傳世業似玄成懷人興遣孤雲發報國心懸萬燧明
欲采秋芳相寄問蒹葭白露不勝情

陸伯生過訪溪上

蓬蒿寂寞五湖濱失路相憐有故人喜共季膺尊菜美
况逢陶令菊花新堦前霜色飄黃葉門外溪雲冷白蘋
極目風塵關塞遠不知何地可投繯

送朱內翰還朝兼簡乃兄君采

紅亭花柳日初曛綵鷁笙歌滿路聞負弩爭誇還蜀節
奏書應擬過秦文誰家鳳閣聯雙壁日侍龍池切五雲
欲濟時艱須補袞共攄丹悃佐明君

送敬庵先生督撫閩中二首

南徼烽煙定若何雄才千里任揮戈雲屯劍戟驅龍虎
風卷旌旗擁鶴鵝擊楫洪流滄海盡寧惟山色武夷多
誰言俎豆非軍旅銅柱勛名未許過

擬金疊鼓引飛旌佩印登壇屬上卿廿載蒼生勤想望
一時碧海見澄清月明營壘春傳角濤撼樓船夜勒兵
聖主只今勞拊髀爲開麟閣待題名

送南春日朱文寧溫允文見過小集

禮四

三

巷南巷北愁霖雨花落花開傷客心稍喜故人傾臘酒
乍逢霽色滿春林薄寒半壓梅枝瘦香靄初籠月影沉
相勸及時須共飲邊庭戎馬正交侵

沈中丞自櫛李移居苕上因賦贈二首

尙方請劍想英風秦苑雄關節制通三黜自知存直道
寸心獨許抱孤忠暫來皂帽歸東海可得青山似剡中
卻媿鷓鴣栖息晚敢將飛舉附冥鴻

山城地僻隔烽煙紅蓼溪深好寄椽牢落其懷憂國恨
艱危終賴濟時賢橋邊舊覓留侯履湖上初歸范蠡船
麟閣雲臺應計日豈須重著卜居篇

與金玄朗共飲分賦得九灰

西徼初聞頒賞下東夷重報捷書來滿前故人道故事
各添新喜傾新醕入饌江魚味正美當階蜀葵花始開
手中金尊不痛飲鏡裏白髮行相催

雨中兩沈君過集志感一首 沈善賢

朝來梅雨忽如絲點徑荒苔綠自滋座上獨工枚叔發
竹間爭覆仲宣碁浮名早悟雲霄絕短髮還看日月馳
朋舊漸驚凋落後儘容花裏醉歸遲

贈謝司理二首

英年文藻振西京菽苑先標赤幟名三尺獨承天子詔
五湖爭比使君清白蘋花引憑欄嘯蒼弁雲開擁傳行
誰道平反勞案牒風流千古謝宣城

禮四

五

竄逐身借石戶農豈緣貴客重臨叩柴車不混塵中駕
皂蓋偏同物外蹤四壁煙霞開薜荔孤城風雨暗芙蓉
于今好事君公少高節真慚楚兩龔

飲祝明府賦贈

行藏久已付煙波塵世誰能問釣蓑不是神君親木石
何因尊酒對松蘿山臨澤國雲常滿花映衙齋鳥自歌
聽罷鳴琴人吏散垂虹秋水月明多

同楊思說周士昌集黃貞父孝廉閣中同用門字
翠竹青蘿帶小軒寒山流水正當門百年事業憑衰鬢
千古交情付綠尊入夜驪光驚乍合衝霄龍氣許誰昏
黃金然諾今安在濁世風波豈易論

春日潘徵復朱文寧諸君過集席上分韻送吳允
兆得賜字

艱難久矣謝清狂聊對飛花各盡觴報主蚤曾甘馬革
酬恩誰謂借魚腸鸞啼苑樹春風晚月墮江城曉漏長
惆悵心知又相隔忍聽歌管醉離堂

李伯遠移居山中過訪不遇承在詩見投倚韻和
答

一棹山陰雪後看愁中春色又驚闌登龍賓客誰當重
羅雀門庭豈耐寒豪舉重焚齊邑券幽懷終托楚臣蘭
論文尊酒無時共夜雨殘花徧藥欄

禮四

五

年年芳草倍憐人煙霞結伴攜雙屐蘿薜成陰滿四鄰
不是耦耕甘忘世從來林壑意偏真

于兵憲存素留飲賦贈

輝輝棗蕁在華堂世澤高門倍有光獨震風霆三輔地
平分煙月五湖傍飛花滿路供移棹疎雨孤城對舉觴
莫向燈前生感慨于今未俗總羊腸

晚酌弁山石上同白父聯句

石上蒼蒼暮靄生坐來雲壑散松聲幾村黃鳥啼花落
無數青山逐浪明欲借天風吹客醒任教涼露濕衣輕
浮蹤忽憶鳴夷子極目滄洲何限情

詠黃太史齋前古松

白玉堂前綠玉樹橫空百尺寒飈颺青天時時響瑤吹
明月夜夜飛蒼虬綺閣依微潤几席方除宛轉疑山正
兔絲嬾嬾欣有托凌霜冒雪偕千秋

荅姚伯道上巳見過之作

故人相對解煩憂啼鳥深林坐轉幽眼底蜉蝣真自笑
山中猿鶴總堪羞錦茵滿地花初落翠障連空雨乍收
莫向芳辰論敝襖祇今洛水亦東流

寄荅吳子野京口見懷之作

攜手河梁春草閒憂時蚤見鬢班班減題莫寄孤臣淚
尊酒誰開遊子顏策馬西風商坂道懷人落日魯陽關
愁心江漢滔滔轉相逐東流不可還

禮四

和周公美別姬人

減盡金尊廢短檠寒江搖落雁孤鳴空悲咫尺腸先斷
不信尋常淚易傾鴛冢有時憐紫玉瑤臺何地夢飛瓊
才人詞賦休輕買于載蛾眉恨未平

阻雨湖口過宗人留酌

秋雲吹滿綠荷衣寒雨蕭蕭白板扉無那煙波迷釣艇
坐看空翠濕漁磯多愁更與愁時值選勝寧知勝事稀
賴有阿咸同歡詠暫留歡賞莫教遲

林屋晚眺

物外相期共采真遠披藜莽窺嶙峋虛巖隱隱見鮫室
怪石片片生龍鱗身逐雲駢出蓬海手扶日御歸桑津

已知咫尺塵凡隔洞有隔凡字何用桃源求避秦

能仁寺次王大司寇韻

秋風獨放五湖船隱約珠宮一徑懸虛閣夜飛青鏡月
石門晝掩綠蘿煙竺書淨業窺諸品寶座名香習四禪
悟得真空無壽相漫隨松鶴問流年

贈梅泰符

湖上相逢意乍傾蘭舟桂楫鏡中行遊仙元自稱梅福
多病誰云倦馬卿采石江空秋水淨敬亭雲落暮山晴
題來鸚鵡人俱誦能不輸君獨秀名

九日楊思說招同屠緯真湖中泛雨

野水寒山背郭斜晚煙疎雨澹蒹葭籬邊有酒陪元亮
座上何人識孟嘉幾處鐘聲來極浦半空鳥影落平沙
芙蓉楊柳俱蕭颯感歎秋風鬢易華

禮四

送龍君御應聘金陵兼歸省覲

徵賢明詔下江濱江上秋風擁畫輪元禮登龍誰復羨
孫陽相馬故稱神收來竹箭材俱美佩得吳鉤氣自新
萬樹桃花歸獻壽知君不是避秦人

寄安小范吏部

忼慷悲歌燕市傍關河幾見柳條黃最憐曳杖青山客
總是含香粉署郎萬里孤臣私雨露千言疏草挾風霜
蒹葭零落伊人遠腸斷秋空白雁行

乙未元日書懷二首

莫羨驚看歲漸增江湖短鬢只鬢鬢白龍久自甘魚腹
赤鷄從教笑大鵬家散止餘囊若罄愁來賸有酒如澗
司空神識知誰是劍氣衝霄未可憑

浪跡飄然自五湖當年紫禁憶嵩呼鳴鑿早聽鯨鐘起
載筆虛隨鳳輦趨東海夷王輸肅慎遼陽銳卒擁螭弧
遙瞻北極三千里佳氣時時繞泰符

送沈中丞之任閩中

和風吹雨散青蘋龍騎驂驪指八閩大將從戎初奏凱
夷王稽首願稱臣旌旄曉動蒼山色鼓角晴迴碧海春
高卧久知諳豹略仁看名姓上麒麟

西山邂逅徐文卿諸丈同登來青軒遲月有作

禮四

高閣嵯峨倚翠微羣峰倒插散斜暉月臨泉影空山白
風落松濤夾路飛霜滑豈愁危磴仄宵深惟覺曙星稀
喜君不費招尋約共拂巖前薜荔衣

同傅侍御伯俊李臨淮惟寅集朱女脩齋中分得

來字

高館芳筵清夜開千門寒月照銜杯冠冠拂簡看雄氣
虎帳談兵總上才北闕晴雲當戶入西山秋爽襲人來
朋簪正盍嗟分袂淒斷恆山朔雁迴時侍御有晉陽之行

又用前韻送伯俊出按三晉

馬頭旌拂萬山開使者登車亦快哉白筆似霜當殿出
黃河如綫自天來行邊雪色通勾注禮佛空花散五臺

手采稜稜誰得似成周柱史漢庭才

冬日同劉玄子較射西郊有作見投率爾訓禽
金鑣翠蓋擁城隅鶴嚮連錢出廣衢雪盡寒林驚落雁
霜凋白艸走驕狐星隨赤羽光疑動月傍烏號影自孤
誰道儒生無骨相知君早已棄符繻

艾旋卿槐蔭堂在苑西題贈一首

揭來避世向金門華戶高槐結駟繁賣藥舊稱無二價
著書金滿五千言西山樹色明衣桁上苑花香入酒尊
卻忘湖南招隱地年年芳草憶王孫

早春見雪有作

長安經年不見雪入春十日纔飄零風搖柳枝未全白
日照山根猶自青窗外初疑月皎皎馬頭欲墮雲冥冥
江南占豐詎足信此時野哭誰堪聽

禮四

送徐文卿上林奉使歸吳

飛翰十萬水衡錢羨爾乘春去若仙文似相如能獻賦
齋同蘇晉每逃禪關門煙樹迷征蓋海上雲霞引畫船
歸及江南風物好桃花燕子夕陽天

滿路飛花拂去旌驂駟馬向茸城黃童舊擅無雙號
驃騎誰如第五名乍可月明聽鶴唳豈因風起憶尊羹
相求亦有煙霞侶谷口須君賦鳥鳴

送董繼可奉使秦藩兼歸省親

如雲旌旆引鳴笳負弩爭誇擁使車舊是殿中曾折檻

今疑海上有浮槎
蜃樓日出看霞氣
仙掌風清挹露華
我亦漢庭供祀典
獨輸三策屬君家

春日同張先生凌金吾諸君遊摩訶庵聽無弦上人彈琴

人彈琴

千行新柳拂長堤
十里香風散馬蹄
寶地乍看花雨濕
禁城遙護法雲低
煙消樓閣諸峰出
春隱房櫳獨鳥啼
理罷清音僧定後
自將無語證菩提

送顧仲方中翰得告南還

青門草色映高旌
紫陌鶯聲喚客程
染翰自能驚鳳沼
忘機今已狎鷗盟
桃花水漲黃河渡
楊柳春深白芘城
四壁雲山圖畫裏
知君不淺卧遊情

禮四

毛

強年消息付鴻冥
塵世飄然尚獨醒
石室久淹供筆札
名山投老托丹青
關門忽度真人氣
太史遙占處士星
竹逕石田滄海上
煙霞滿屋畫長扃

詠馬上雙美人

寶聽雙挽石榴裙
望若乘龍去似雲
忽訝並肩同號國
還疑出塞是昭君
雕欄芍藥枝齊茂
玉沼芙蓉蒂未分
蹀躞香塵看不見
亂紅多處總紛紛

董禮部集卷五

明烏程董嗣成著 同邑後學劉承幹重編

五言排律

九日登金山

他鄉逢九日佳節共登臨望處海門斷憑看地軸沈
茱萸今日酒黃菊故園心片石分南北江流自古今
鼇浮孤嶼出龍卧五雲深水没千家市霜凋萬樹林
中原頻極目秋氣益蕭森

遊善權洞二十韻

洞府杳難即幽探境絕奇巖前盤虎窟谷口覆虬枝
當午乾坤暝未昏星斗移琅函千古閱玉笥半空垂
丹冷

禮五

嘉業堂校刊

霞封竈龍藏寶作池瓊樓通窈窕琪樹列參差地脈撐
孤柱靈苗異五芝神湫晴亦滴毒霧晝常吹仙掌瑤堪
把金書手自披谿訝飛霹靂蟠踞儼蛟螭雲物千重辨
天光一綫窺路從窮復轉石以綴還歆白日容吞吐瑤
華自陸離捫參重歷井伏象更馴獅上下長蘿合攀援
古磴危玲瓏同複道結構類罍罍石鐫疑開闔砮崖忽
蔽虧工原輸造化巧豈藉班倕已覓王生髓誰攜謝朓
詩此中孰闕寂不為避秦時

九日諸君集小閣分得林字時長卿已將別去悽
愴之致情見乎詞

百尺崇臺壯三秋極望深楹前飛遠岫窗際出平林雨

池花英秀雲連雁影沈佩萸垂紫玉餌菊摘黃金賴有
龍山客聊同彭澤吟芙蓉妍晚色梧竹颯寒音露白澄
孤月蛩哀襍暮砧世途悲按劍雅抱欲抽簪不淺江淹
恨其如張翰心思君五湖棹一夜度山陰

陳岷麓約遊慈相酌半月泉有賦

松杉夾路入臺殿與雲平地迥塵疑斷林深鳥不驚金
題標日出寶界自天成已喜行花縣還看近化城巖青
揮蓋合嵐翠俯輿迎檜老干霄立潭空並月明濕衣生
雨氣懸溜作琴聲君豈思投轄吾將詠濯纓流堪同潤
澤淡可論交情石齒含煙漱春芽帶雪烹朗然人共鑑
皎矣魄俱生到覺禪心淨澄茲俗慮輕虛中應不染願

禮五

比使君清

早春雪中過茅公良語別

風雪暗溪路携琴問故交屢迷迴岸艇時有拂雲梢凍
蔬爭施萼飢鳥不戀巢窺園余謝董供饌爾同茅柏葉
青浮盞椒花絳入肴丰儀慙合璧情好允投膠別擬江
生賦玄非揚子嘲猶堪慕厨酒狂態未全拋

羅水部項比部邀飲天如閣有賦

地分淮海勝光借使臣星草色當軒合河流入戶聽神
功傳治水邁德頌明刑珠玉雙歌美山川總藉靈旌旗
縈遠激絲管泛春汀水繞千家綠簾開萬樹青林虛斜
日度閣迥片雲停賭墅留晴靄清吟動杳冥陽侯方效

順前路好揚舲

夏日同陸伯生集黃玄之齋賦得一東韻

跡似金門隱林將中散同避人聊卜築即塏更觀空煙
外遙岑合花間御氣通逕深稀結駟臺迥度孤鴻散帙
青藜色開尊白社風嵐低猶挂雨天渺半垂虹燭滅涼
偏入歌殘興轉濃莫愁歸路晚斜月正腫臙

有感

聚勢同羶蟻投身等夜蟲黃金七寶蓋白玉五花驄
寵看題劍承恩許賜銅衣冠齊七貴車騎傲三公舉手
千人避高談四座雄揚威來灞滄行樂過新豐狡兔初
營窟飢鷹正逐風方知霍家盛豈識阮途窮時訕謀偏

禮五

三

拙言乖道未同逝波寧再返西照詎能東翟尉題堪續
相如賦擬工雲飛寒谷杳葉落暮庭空偃蹇猶孤翮飄
飄類短蓬感今疑夢境歎往憶歡叢欲破塵中事君看
塞上翁

送朱太復北上十二韻

結綬趨丹闕分符向紫幃雲隨雙鳥下花逐片帆飛兩
地甘棠頌千秋白雪稀麥風薰別酒柳雨濕征衣作賦
金聲擲談立玉屑飛賢堪齊必賤清擬類胡威駿骨收
應始牛刀喻豈非良才欣展托同好惜乖違驛路鶯啼
緩離筵草色菲悠悠茗水綠驪曲駐斜暉

雨中閒居訓李白父見寄

日日客滿座朝朝愁廢餐
燕初濡翼新渠始汎瀾
千書卷幽閒一釣竿
同謝余將髮擬潘春聲開檢入曉色捲簾看枕簟琅玕
翠尊疊琥珀寒竹綠風浙溼雲抱石嶺岈蕪燭星疑墮
烹葵露未殘爲開三徑待長日藉盤桓

徐恆庵明府考績膺褒奉贈十韻

漢殿掄才日虞庭奏績年
國馳英譽荆南產大賢
懸霄漢官元應斗躔
疇和江濤賦共傳湖光憑几外山色放衙前北闕褒應

禮五

四

首東阿望豈專仁看青瑣近扈蹕有神仙

壽外大父鹿門翁八表四十韻

禹穴通靈柱苕源湛玉泓
豹斑初見雕龍辨屢驚量應倅叔度朗不讓慈明麗藻
披三賦雄才邁兩京清通晉裴楷任俠漢樓卿虎尾危
難蹈蛾眉妒易成躡虞仍壯志骯髒自高情偃蹇憐揚
子沉淪類賈生掀髯時慷慨抵掌任縱橫譽以窮偏重
材繇困轉宏建牙三輔地秉鉞五羊城鵝鶴千人陣貔
貅萬隊營笑談揮白羽叱咤倚青萍班椽曾銘石終軍
亦請纓妖祲櫓槍落夷風瀚海清揚旌奔狡兔築觀駭
長鯨已著伏波績誰誇驃騎名詎令投杼起無奈謗書

盈遂尙龐公隱來同冀缺耕古文探鳥跡佩劍有龍精
彭澤追陶令青門慕邵平千秋垂大業一壑謝微榮薛
荔山中服鷗鳧世外盟煙霞雙蠟屐天地一楸枰皓首
航詩卷玄情付酒鎗瑤堦芳桂樹瓊砌茂蘭英陸橐金
俱散萊衣彩共迎驄車方蹠躩豸繡况崢嶸君自來齊
伏人將壽擬彭虬鬚真鶴立燕領更霞頰正值新秋爽
欣逢泰宇晴星光呈綺席佳氣動雕楹繞膝歡諸子稱
觴襍衆甥疑傳寶訣渴豈藉金莖樂志田園足凌虛
步屣輕西池停鳳駕緱嶺下鸞笙沆漉冰盤饌醜酬玉
罍傾闕章標琬琰仙樂奏韶英束帛玄纁使行看訪鈞
璜

禮五

五

下潞河張先生及諸故人見送賦別十二韻

策蹇去蕭然行行大道邊雖遭明主棄喜得故人憐舌
在心逾壯身輕橐似懸余無平子賦君有繞朝鞭別路
燕臺外徵歌易水前黃塵暗天地白日澹山川熒惑難
消異前此熒惑入斗前星自協占新憂雙短鬢舊業一青氈漢
汲終辭矣商翁正渺焉酒光寒夜魄劍氣集星躔自誓
衷猶赤誰嘲草尙玄湘潭歎憔悴擬嗣楚騷篇

舟中值大雪遣興二百字

北地春寒厲南郊急雪吹傷舫時颯颯映水故漪漪浩
渺空千里蒼茫黯四垂孤舟帆有影平野路無岐鵲啄
頻翻樹鳥飛忽墮枝麥新摧綠穗柳弱亂青絲苟舍低

全壓枯崖踏屢危隨河環若帶遇石皎如圭官路迴征
騎頽垣出酒旗村醅僵牧豎旅舶怯篙師縹緲秦封絕
荒涼魯殿移日昏迷晚渡煙禁少晨炊落落羈人跡依
依逐客悲鄉心愁正劇春色到偏遲隴陌迴鑣候溪山
放艇時啼鶯聞曉曉舞燕憶差池風土真殊異雲霞亦
夢思自應拚爛醉誰與和新詩袁卧蹤猶媿王舟興可
期夜深疎柝動吟罷益淒其

靈巖山十韻

人世煙霞境前朝綺繡都層雲霾峭石絕巘頽平蕪日
月諸天近星辰萬象殊方輿遙控楚霸氣總銷吳淑景
移千殿寒陰散五湖臺空琴半落天迴塔全孤鳳輦虛

禮五

六

環珮龍池廢轆轤花深廊窅窕薛蝕碣模糊代謝看麋
鹿興亡付鑊鑊祇令禪院寂惟有夜啼烏

大中丞常公南歸武昌贈別二十四韻

海宇方龍戰疆隅賴虎臣軍帷籌箸客山墅賭碁人楸
梓荆南產縣黎楚國珍忠貞知命世謀策動如神文武
元歌甫屏藩正藉申韜鈴歸指掌禁闔仰批鱗秉鉞干
兵肅分符萬姓親鯨波看靜越狼燧忽驚秦忼慨興投
袂艱危想致身戎車誇嘽嘽士馬復駢駢謨烈周南仲
聲名漢寇恂式肅咸奮勇挾纊允懷仁凱奏中黃日威
宣太白辰詎應悲狡兔端擬繪麒麟勒碣文初紀成城
眾屢臻樂羊書自滿馬援謗誰伸保障勛猷在攀轅涕

淚均故令憐憇樹無奈重思尊日月依朱芾湖山擁畫
輪立情辭組綬生計祗松筠鄂渚舡俱泛湘蘭珮獨紉
潘輿歡奉母陳轄醉留賓鳳德終難隱熊蜚夢已新豈
容江漢上寂寞老垂綸

大廷尉沈公北上奉贈三十韻

聖代求遺直明君重老成弓旌三殿下纁帛五湖迎林
壑甘龍伏朝端仰鳳鳴孤忠日月迥一疏鬼神驚秦苑
熊羆士函關虎豹營指揮清漢漠談笑落欃槍暫息東
山駕常懸北闕情薜蘿諧妙賞木石締深盟罨畫蒼溪
水逍遙桂棹行雄才八韻賦豪飲百壺傾憐我栖蓬藿
相隨采杜蘅浚郊來肅肅谷口聽嚶嚶問字立亭草廡

禮五

七

歌白雪聲每欣承琬琰時復奏韶韻邊計紛馳羽夷波
正駭鯨款和聞眾議戰守孰論兵欲藉匡時略還推間
世英賜環頒特命題劍荷殊榮志節齊長孺憂危類賈
生廟謨看借箸國是特持衡獨秉人倫鑒方知天下平
尊嚴陪列棘慷慨共班荆啼鳥頻催騎飛花亂拂旌河
干雲黯黯若下酒盈盈夷險途俱歷艱虞態屢更衡門
誰許卧負郭可能耕去住心偏折升沉意自縈人無嗟
玉碎君或辨涇清芳草增離思垂楊慘客程千秋懷國
士慚愧報恩輕

包山寺

古逕垂蘿入禪宮列嶂懸庭多拂雲樹門響逐風泉水

呪神龍伏經來白馬傳人家孤嶼隔地勢五湖偏貝葉
開靈界蓮花擁法筵晴空吹綠雨亭晝失青天旣與仙
壇近惟於靜者便鐘鳴齋飯罷雲遶佛堂前客到吟秋
水僧歸及暝煙浮生知不着從此問真詮

七言排律

壽楊邑侯

斗間紫氣指西吳何處真人幻有無自得丹砂通寶訣
不妨綠鬢綰銅符琴清几閣雲偏入吏散公庭鳥自呼
瑤圃月明殫沆瀣春城花滿醉醜醜曾隨鶴駕趨蓬島
會見鸞書下海隅霜淨白蘋迎翠蓋風排碧浪擁晴湖
化同甘雨滋琪樹心似寒冰映玉壺應是王喬居葉縣

禮五

八

行看雙闕有飛鳧

徐明府邀飲同鄒駕部席上賦謝兼送駕部北上
九月尊鱸張翰杯勞君折簡問蒿萊千年誰聽鄒生律
七子元推徐幹才座上雲陰孤嶂入尊前秋色五湖來
客非邛邑王孫重花是河陽仙令裁局散空亭江月曉
鴻飛絕塞楚天哀琴從明宰聽流水笛送征人有落梅
此去袖中司馬奏應同羽獵諫書裁

董禮部集卷五

董禮部集卷六

明烏程董嗣成著 同邑後學劉承幹重編

五言絕句

言別三首

雲迷夜歸路雨打獨行船
雨歇雲復散依然愁滿天
雙雁向南翔本期共往來
誰知中道散叫斷江天哀
大舟行何遲小舟行何疾
一番風雨散起視又相失

雨夜野泊

冰霜千里客燈火幾家村
行役盡如此蕭條何足論
風搖百草秋雲暗千山
雨獨夜不成眠聞鷄忽起舞

青溪渡

乘筏渡青溪溪邊寒流進
砂若凌波仙踏破空中鏡

灘聲

泉鳴玉琤琤澗深石齒齒
裴裳往從之枕流一洗耳

山中曉行

春風策蹇驢殘月在荒嶺
高樹鳥初驚霧濕衣裳冷

二陸祠

山上二陸祠山下華亭鶴
鶴唳響秋風千古人寂寞

槿牆

植槿東籬邊紅英爛成幕
朝看槿花榮暮看槿花落

紅菱渡

溪上爭渡人溪中采菱女
落日暮煙收隔溪人共語

石壁

古石生龍鱗疑向青天坼
解衣恣磅礴一片秋雲白
乞花場

曾向鄰家子乞得園中春
年年花自發不見乞花人

錢夢禎居山中春日過訪得禱言二首

結廬山之阿寒雲挂飛瀑
雪霽共尋梅相攜騎白鹿
竹間三逕開同遊有二仲
柴門夜不扃片月遙相送

秋日送公良之金陵

醉裏送行舟望望孤帆影
天空雁不飛江清暮雲冷
大江水初碧秣陵秋正高
金罍盛美酒相攜醉蟹螯
東風送樓船飄飄隨所之
金焦若相問為寄舊題詩

禮六

江路楓葉丹壚頭村酒綠
秦淮夜月明醉擁人如玉

九月八日與方文明對菊

落英正堪殮采之坐秋圃
愁無送酒人寒窗颯秋雨

華林園詠

連塍街

園中日滋花聊共田家雨
春來擷芳菲香風動禾黍

文霞閣

霞光蕩綺疏五采紛如織
中有殮霞人千秋駐顏色

竹徑

萬竹吟秋風素心愜幽賞
婆娑不知疲深林明月上

紅薇亭

灼灼亭中花離離逕邊草草色正堪留花落且勿掃

鶴塚

愛爾凌霄姿終然卧雲冷中夜明月來時時弄清影

柿園

佳客坐幽林飄飄柿葉丹朝來點筆處千樹曉霜寒

蕉肥

種蕉向南窗悠然對風雨秋來落葉多爲待題詩侶

曲水軒

只疑路已窮復覩此華構開軒理鳴琴泠泠響清溜

嘯臺

臺迥萬籟清天空孤月白但聞長嘯音可是蘇門客

禮六

子夜歌十首

朝夕見歡容不得共歡語夜深摘蓮房心中暗成苦

郎住小溪東儂住小溪西溪邊種芙蓉花開葉不齊

晨行采花蕊差將插鬢傍白日照清露何時得成霜

熏風自南來吹開繡羅裙上兩鴛鴦雙飛不肯分

人羨花枝好花落不成妍願作雙瓣飛隨風到郎邊

虛裁無縫綢明月照孤寢然燭向風前紅淚一時盡

歡如山上泉儂似山前草泉飛任風飄經霜草易老

愁如箔上蠶糾結復纏綿前絲未曾斷舊絲更相連

含愁向花間刺蔓牽羅衣無情雙蛺蝶故故傍儂飛

當門莫種桐桐葉秋易零但見梧子落不見梧子生

屏巖流觴處二首

翠壁自天開清流照人髮漱石碎寒雲飛觴逐奔月

煙霞染裾珮巖石供羣仙一觴隨一咏誰數永和年

爲允文詠紙帳

素質朝含雪輕縹夜宿雲梅花香冷候清夢獨輸君

野眺四首

隔岸柳陰多古寺雲深處禪扉靜不扇鶯啼數株樹

李花白已綻桃花紅復酣不知身是客忽已到江南

小枝白似銀大枝白如雪忽訝燕飛來溶溶弄春月

處處鳴春禽家家載春酒踏花歸去遲晚煙迷渡口

六言絕句

禮六

春日同諸客遊支硎諸山六言五首

隔水笙簧時奏前林士女成行暮靄半含青嶼晴霞飛

墮紅妝

欲雨欲晴嵐氣半明半滅林霏驚眼碧桃朱杏充野

菜山薇

闔閭城中簫鼓館娃宮畔樓臺司馬鷓裘堪典右軍襖

帖初裁

翠黛曲環朱閣芳菲盡冒華池況有淵明籃筍便倒山

公接羅

百里野田錯繡千林桃李成蹊清磬招提境外夕陽煙

雨橋西

雨橋西

初夏放舟入山卽事

南鄰翠幕初覆西嶺斜春半銜殘花欲沾蠟屐飛絮偏
逐輕帆

麥隴鳩鳴雨急柳堤燕掠風斜玉腕陌頭桑嬾銀箏湖
上娼家

栗留山下忽嘯叱撥花外頻驚鼓柁村村樹色采桑處
處歌聲

秋日山行卽事五首

芳尊喜對嘉賓樓船盡載歌舞滿前明月青山遮莫吹
笙伐鼓

白煙東塢西塢黃葉三村兩村背日僧歸遠寺隨風鳥

禮六

五

墮空原

遊客畫船醉返夕陽湖水微波到處場登禾黍人家門
曬漁蓑

雲鎖翠微樓館草荒郊祀壇埏滿耳樵歌牧笛消得魚
肥蟹鮮

片席遙凌浩淼孤峰半在虛無杳杳疎鐘香閣依依鷗
鳥平蕪

七言絕句

得陸伯生書

霜落燕山憶別時江南楊柳又參差傳來無限悲歌意
萬里胡天雙淚垂

題文太史水村圖

曲水荒村郭外居隔林雲樹半蕭疎漁翁收拾漁竿去
拄杖青山暮雨餘

夜過澤夫西第話別

夜鐘寒柝度城西殘月微霜送馬蹄取醉不辭頻索酒
明朝草色又萋萋

送潘太學同羅比部南還三首

秋風八月送君來又見衝冰匹馬迴笑殺山中梅萬樹
春來爛熳爲誰開

剡門朔雪滿千山光照吳鉤五色斑君去寄聲潯水曲
秋霜不改漢臣顏

禮六

六

燕姬壓酒送君行去指吳天萬里程獨有遲人春色好
年年長滿洛陽城

塞下曲九首

鵠印高懸列騎分漢家新拜大將軍熊旗半捲干山月
鐵甲橫披萬里雲

雪暗陰山凍不開騰喧萬騎射鵬迴軍中夜進葡萄酒
醉向營前踏月來

落日胡雲黯未收驕嘶獵馬動邊愁戰酣不覺歸來晚
單騎腰懸可汗頭

雪盡東風草半青漠南何處有王庭帳前一曲琵琶晚
卧枕鵬戈血尙腥

萬里寒風吹鐵衣寶刀一抉陣雲飛黃沙百丈連天起
報到單于又合圍

朝擒吐谷走賢王夜挽雕弓伏女墻羌筵不知征戍恨
故吹秋月向遼陽

殺氣吹殘塞北風牙旗東撤海雲紅夜來不更嚴刁斗
閒倚胡牀看寶弓

椎牛享土費千金踟躕轅門日未陰獨有長城哀壯士
高懸孤月照榆林

祁連山下受降城輜重如雲甲士輕爲報君王今偃武
封侯不假貳師名

武君陽借予南還率爾題贈

禮六

七

同騎白鶴向吳天一曲清歌散紫煙醉倚青萍風雨歇
滿江秋月下樓船

題畫

九里泉聲十里松青山面面列芙蓉幽人相對無塵俗
水閣雲深落暮鐘

行春橋卽事作艷歌三首

春風吹滿闔閭城雜踏笙歌堤上行十五女兒將進酒
傍船遙聽喚郎聲

羅衫花帽楚雲低一曲能令下蔡迷何事驕驄嘶不返
石湖落日畫橋西

綠楊深處隱青帘十二珠樓盡捲簾踏遍游絲歸畫舫

波紋不動月纖纖

送周士升應試金陵二首

六代樓臺煙樹空千年王氣紫雲中片帆明月大江去
知爾遙乘破浪風

十里春風絳帳開馬蹄香散踏花回醉搖綵筆如椽大
應有文光燭上台

七夕前一日戲作

隔河相望恨迢迢一夕爭如一歲遙靈鵲有知能解事
不將今夜便填橋

餘杭道中

禮六

八

遊絲撲騎柳絲長滿路香風送女郎不斷青山開列嶂
一溪春水入餘杭

昌化縣

西來萬嶺接天蒼一綫通天去路長幾處人家狼虎窟
居民說是古唐昌

雨中放舟溪上手欽之詩一編口占絕句

煙水蒼茫一棹孤寒雲無路入平蕪恠來白日驅風雨
手摘驪龍領下珠

將遊荆溪苦爲雨阻遣興三絕兼酬欽之見送之

作

萬里蒼煙濕玉裾千林樹色暗扶疎張公知我應相待
洞口遙乘白鹿車

依微仙跡杳難攀一片青山暮靄間
林下獨尋瑤草路空濛霧雨不知還

君曾控鶴問丹丘贈我瑤華滿杖頭
手把晴虹扶白日與君同作采真遊

爲允文題放鵬亭用唐韻

爲隔塵樊住碧山朝朝行樂向松間
荆關有客如相問遙看雲中放白鵬

擬遊岱宗不得寄懷四絕

曾與仙人駕玉龍天門高處躡芙蓉
罡風吹醒瑤池酒身隔蓮花第幾峰

立馬遙看岱色寒白雲多處想秦官
尙平未得辭婚嫁

禮六

九

倚劍空歌行路難

日觀峰頭散彩霞山腰雲盡見人家
何時一攬羲和轡夜半空中弄月華

石閭雲樹澹模糊東接蓬萊海氣孤
我欲持書問青帝手捫石壁上酆都

廣惠寺

垂眉老僧不記年手植松樹橫參天
盡日看山雲滿袖拾將松子煮流泉

送士昌之東萊謁胡中丞二絕

天門三島鬱嵯峨日照層樓蜃氣多
無數春山迎馬首思君遙渡白狼河

薊門楊柳變柔條春入郊原雪漸消
一曲驪歌人不見亂塵飛處馬蹄遙

邱中子延枉詩見投謝寄兼簡白父居士

一卧滄江戀白雲海鷗日日自爲羣
無端更作風塵吏酒畔思君醉夢君

薊北江南各路岐尺書愁絕雁來遲
薛蘿秋老無人主蕭瑟空庭落葉時

八月湖南長白蘋吳江楓冷紫萸新
鄉心一片浮雲隔愁殺青山夢裏人

高歡清歡事已違空山斜日掩荆扉
憑君爲掃峰頭石芳草長松好拂衣

禮六

十

羅伯符過訪口占贈言

蕭條獨掩草玄亭千里相投眼乍青
片月清江高燭冷爲君重寫換鵝經

擬訪臧博士晉叔聞有白下之行不值寄懷二首
一棹山陰雪後來美人遙隔鳳凰臺
空餘三簪溪頭月深鎖閒庭滿院梅

雲暗千峰雪暗樓花溪何處問漁舟
相思似逐江流轉日夜潮聲到石頭

夏日過集茅公良青翰軒卽事二首

廣筵密坐意皆娛素蜨游龍貌各殊
客散華堂銀燭滅儘教一石醉瀟于

玉壺金罍水晶盤露墜河清意未闌更向樓中吹夜月
雙雙鳴鳳碧空寒

送黃履常水部北上四首

金鞭玉勒五花驄蹀躞秋原萬里風漏盡未央看落月
天高碣石聽歸鴻

手握靈蛇照乘珠寒空霜色映雕弧甘泉此日愁烽火
知爾關門蚤棄繻

立馬高原白日曛揚旌列旆卷飛雲君王宣室如前席
袖有長楊五色文

雪花如掌綴宮袍到日天池有鳳毛清曉禁庭搖珮處
五雲雙闕玉龍高

禮六

大柳驛

滿地寒雲野草腓荒涼山塢牧人稀鳴笳日日征輪動
一路東風颺綵旂

移舟再送允兆臨別有賦

明月春星照別船淋漓猶藉酒如泉從教一夕呼千斗
不耐臨歧重黯然

宿林屋道院值雨四首

玉洞氤氳鎖碧霞瓊樓宛轉入仙家庭飛華表千年鶴
門遶桃源萬樹花

獨尋瑤草酌飛泉鴻寶真符枕上傳忽見羣靈朝帝下
夜深雷雨散諸天

寄跡靈區第九天雲牀丹竈儼羣仙不知回首齊州路
萬里蒼山隔暮煙

杖策凌虛叩上台誰言弱水隔蓬萊披開煙霧提明月
獨向青天跨鶴來

潞河逢葉吳二給諫夜飲作二絕句 兩公皆同謫者

萬里孤身歎轉蓬憂時雙淚各西風且將繫馬垂楊下
取醉消愁明月中

一時謫遣盡長沙落日孤城咽暮笳道路間關君莫恨
江南春雨正桃花

博平道上書所見

禮六

榆錢箇箇柳絲絲嬌似流鶯一轉時兩片蓮花紅雨亂
東風吹落最高枝

青衫窄袖隱紅襦不采柔桑却采榆榆葉田田桑葉小
使君錯問是羅敷

任城邂逅包比部却送北上二首

含香此去侍彤墀聖主恩深日月垂我自不才甘放逐
敢將詞賦附湘纍

重携斗酒最高樓手摘長庚醉未休莫訝野夫狂太甚
生前原是董糟丘

岱岳高峰散白雲玉函金檢閱靈文近從風雨巖前過
袖得松聲可贈君

送周公美之白下三首

少年白晳者誰子
匣裏芙蓉散秋水
片帆落日大江濤
一曲清歌萬山紫

十載才名著子虛
芳蘭紉珮玉爲琚
紛紛江左詞人在
誰是風流六代餘

明月高懸燕子磯
長庚燭地彩霞飛
興來搖筆驚星斗
百瓊淋漓醉未歸

上大中丞常公征西凱歌十首

鐵騎如雲海日愁
雄風席捲向涼州
君看戮力勤王士
爭似當年號習流

尊俎由來妙折衝
妖氛一掃陣雲空
潛師雪夜平淮蔡

禮六

十三

不數唐朝李愬功

靈武城頭殺氣昏
渠魁面縛到轅門
華山此日看歸馬
湟中何用更留屯

喧喧鼙鼓九天聞
萬里燕然爲勒勳
洗兵涇水光搖日
築觀狼山勢入雲

麟閣新開待勒名
機槍西落將星明
卽今碧海無傳燧
誰更潢池敢弄兵

赴赴干城詠兔窟
旌旄西指淨胡沙
怪來士氣眞無敵
曾向車前式怒龍

四牡戎車旣佶閑
朝踰秦嶺暮三關
提將匣裏龍淵劍
搏取黃金斗印還

半醉葡萄脫錦衣
將軍初出破羌歸
寒風曉蹀燕支馬
夜月高懸太白旂

六軍飛躍自天來
萬姓躡呼動地迴
威名已破東夷膽
更築降胡百尺臺

廟畧書從圯上傳
指揮平蕩賀蘭煙
來威顯允歌方叔
願附詩人采芑篇

西施洞二首

步履聲寒白苧稀
迴廊香霧掩霏微
於今洞口桃花色
猶似當年舊舞衣

故國飄零越水西
若耶溪作浣花溪
蛾眉絕代埋荒土
修竹班班鳥亂啼

禮六

十四

子野將別重賦絕句

美人家隔練溪灣
溪頭新雨添潺湲
一路鳥啼千樹綠
林間桑者正閒閒

贈日者李生

垂柳高梧池館開
石牀湘簟午風迴
憑君莫問升沉事
總是邯鄲夢裏來

嚴道徹遊包山歸寄訊三絕

萬里滄波日夜寒
千秋靈氣闕煙巒
君行探得藏書在
玉檢金泥好借看

銷夏灣頭片月開
蒼茫雲樹見樓臺
鴟夷浪跡今何處
唯有寒濤拍岸來

七十高峰挂夕陽西風搖曳錦帆張酒酣憶爾題詩處
橘柚滿山千樹香

董禮部集卷六

禮六

五

董禮部尺牘卷上

明烏程董嗣成著

同邑後學劉承幹重編

答舒大司空

鄙人蓋嘗歷觀近時數十年以來同籍並進而勛業之
偉爵位之隆莫有如貴榜者鼎甲三公俱登樞鉉而申
王兩公又先後相繼柄國此外如心毅本菴諸君子暨
我公又皆濟濟休休駢肩比翼以聞望豐猷顯著當世
荐登八座輔翌熙朝而鄙人謬以朽質腐儒俱幸忝交
知之後豈不愉快哉至如我公則生平敷歷中外尤最
久駿烈偉功在人耳目者尤最著而鄙人之辱愛厚也
尤最深竊籌當今之事至難料理無如邊計及河務者

禮上

一嘉業堂校刊

然而疆圉燧燧尊俎折衝人力尙可與及若黃河則上
關天運下係地脈發之一綫而潰決至千百里機在瞬
息而究竟在億萬生靈之命大略天制其八而人制其
二故自漢以來河患不絕而未有能得其要領者我公
自受事以後又適邁其艱排甲乙之議躬胼胝之勤南
衛陵寢中通餉道北以灌輸神京此其勞績不敢遠引
本朝陳平江周文襄不得方軌矣今日之正位司空猶
然均勞逸思股肱之義恐未足以酬德而懋賞也鄙人
德旣涼薄運復迤邐當犬馬垂暮之年而忽遭虎狼搏
噬之毒鼎沸雲擾瓦解土崩誠史冊所未聞古今所未
睹者蒙垢忍恥不卽溘先朝露然餘息僅存百疢並集

入春以來益復增劇忽忽如寄奄奄欲絕矣故於知己
之側曠焉聞問而鼎翰儼然遠存稱其葆頤美其識鑒
譽其後裔之有進也豈不過情而難任耶令衰朽之人
愈增一番汗愧愈損一分福量矣然吳太子聞枚叔之
教而霍然曹公讀陳琳之檄而病愈鄙人正在苦海一
接瑤華如聆警欬千里相對又不覺其踴躍耳委頓之
次神魂恫恍不能捉筆臨啟口授代謝倘旦夕尙延容
圖耑佈積緒雲霄日遠披對難期臨楮哽塞

與沈中丞

台駕榮發本擬操一葉奉導相與留連西湖之側追隨
觴咏申此微衷奈家祖一病幾月今日甚一日危狀

禮上

二

殆不可言不肖之闕然於明公者誠天阻之也昨已托
雲門先生致意想明公必然見亮矣拙畫小詩尙伴代
致仰體盛意不敢以俗套相瀆惟破格磨頓不任馳切
方寸憤亂猝猝不次并希鑒宥

上李中丞

成不肖蓋嘗服在三之訓久矣方當舞象之年卽有登
龍之幸蒙老師拔之塵埃而置之國士毫毛孔竅皆師
開豁齒牙骨角皆師長成數年以來仰感鴻恩佩服明
訓豈敢曠弄以爲門墻羞又豈敢疏遠以自外於高天
厚地之德也哉願自吳門脂轄荆楚分符其曠違函丈
不知歲月之幾更矣不幸身遭坎壈動履災屯哀感接

踵禍患頻仍一喪再喪旋起旋蹟誠哉所謂有死之形無生之氣者也曩在苴蒯之中值老師讀禮之會曾走一介恭致生芻不意中途有意外之變竟爾不達成之負罪於老師自知擢髮難數然亦天奪之緣而非敢飾說也樗櫟之材本不中斧斤驚蹇之性又不閑驅策遂以戇直遭譴明時禠絨歸來杜門三徑然竊謂麋鹿之情適而鷗鳥之機忘矣而事更有大不如所願者家世所居在浙直之界蓋爭奪之隄邑而刁黠之淵藪也前歲一二不逞之徒乘機構煽而當事者不察妄欲鼓浪揚波遂使滔天懷襄漂城蕩邑而不肖成謬欲塞以捧土障以一葦愈無及矣遷延至今事益不決無論家勢

禮上

三

盡已瓦解祖業盡已瓜分而不肖祖孫軀命亦惴惴焉幾不自保老師試思湖之毗隸曩果如此難治否家祖所作爲果應受此業報否相隔曾未幾年耳目猶可睹記而一旦變亂及此畸人志士所爲扼擊而指髮者也被難以後無日不思專奏薄號仰千典記稍宣抑鬱之懷以冀九鼎之惠而身厄塗炭分絕雲霄且家祖衰齡愁病不輟用是逡巡至今北望都門惟有涕泗交頤耳老師以文武之資際風雲之會擁羆虎而鞭犬羊衛神京而警北塞且當內順外威之時東平西蕩之日邊疆鞏於磐石海宇保於金甌知燕然之勒不藉班生而淮西之碑無須段氏矣兼之世德逾茂弘祉咸臻令郎長

兄復接青雲繼芳躅焜焜鳳雛彬彬鵲起頃讀賢書何勝慶躍自惟疏節既深恐遭鳴鼓然寸心自誓可矢青天謹揣尺素代候台禧惟老師憫其多難譽其狂愚鑒其微誠宥其不逮猥加嘘植之厚德以終提攜之盛心倘頂踵未亡涓埃有日臨啟無任馳懇悚仄之至

又副啟

門生行能無足比數遵奉集誨惟潔己好修一念不敢少渝此老師之所洞鑒也卽大父家食以後亦遑遑德施是務何敢開罪鄉閭其間一一家奴不諳世事閒一有之然豈有不赦之辟至于廷論耶老師治湖明於日月公於覆載威於雷霆至今士民畏想如一日脫有不

禮上

四

法豈能逃於明鏡懸衡之下而一旦忽然暴發不可復止此其故可知已方難之初起門生以爲毀家可以紓難散財可以得民不難損貲破產冀與解紛當此之時而有司者稍知時變稍有定衡事可不煩指顧而奈之何其暗而怯也以膏救火以羶驅蟻亂之息也何時之有逮至冠裳夷於奴隸豺狼遍於原野白刃交於街衢而徐徐焉思解散之已蔑濟矣宇宙之間誠無此變亂誠無此紀法若非聖天子震怒下不測之威則滔滔若水不知化爲何物矣門生自遭時變惟束手悔過田產任其割據廬舍任其劫略未嘗敢一與相抗蒙謗受辱吞恨飲泣京邸交游亦未嘗敢出一言以自剖雪范氏

之事乃聖明之獨斷朝堂之公論亦天地物極必返之理而忌口仇家必欲嫁禍於默然靜坐待命之人此尤寃之寃者也家祖既已垂絕門生已成死灰室家亦成破甑何能再圖自完所可恨者堯舜清明盛時而是非不辨寸心不白皦日之下魍魎公行則何能默默而已耶門生知疏闊日久茲端申候問不宜輒訴私衷然人窮呼天疾痛呼父母門生可謂窮且痛矣不鳴於父師之側而誰鳴也家祖自秋冬憂憤成病至今未起不能躬修候緘并此代申不腆薄將稍致遠意深媿菲褻伏惟麾頓諸不備

與謝司理

禮上

五

不孝罪惡覆幬罔容當此艱疏之運又遭遘閔凶五內摧裂恨不能即死以從先宗伯公地下獨藐焉諸孤煢煢誰託而先宗伯一切未了之緒正如絲棼用是隱忍苟存然而神魂已銷竭矣惟幸仁人在上不靳拯救而安全之吊死問疾恤孤憐寡要亦王政之所先也惟臺下實垂圖之聞台車將之省會謁撫臺不知果否撫臺下車之始忝在年誼分宜致候而儼焉在疚不敢以不祥姓名通臺下語次乞一道其可矜之情銜哀訴陳諸惟憐營不具

與汪大司空

鄭生來傳示台教語語肺肝皆人所不肯道者昔嵇康

有云山公在不憂無父矣今老太翁在不孝豈憂無祖哉昨有字與家弟亦曾列三當退避之說而勸其急歸第今廷試名次當在作縣之列此際甚有難處功名之會須人自裁即兄有不能得之弟者然老太翁超識卓見固已心服而心感矣先王父經營一生身後無一事就緒者亂絲萬縷狼眾千羣盡委而屬之不孝如御點足人馬不相攝又如操利刃手器不相習寬之則闕茸而不振急之則扞格而難行而目前所最苦者尤田產一節內則有竊鉤之弊外則有瓜分之謀欲稍為清刷則慮生事滋擾欲靜以守之則久假不歸而貽累又不窮詰身如觸藩力誠負海奈何奈何矢心竭力左支

禮上

六

右吾意將令一切不可辭之事稍成局段釐以授之諸弟而不孝將絕影匿形如介推老萊即歿見祖父九泉不恨矣嗟夫事固未易一二為俗人言也老太翁愛不孝如子不知何以振之中所欲言筆不能罄俟喪務稍畢便當泥首堂下以俟渠誨

與孫少宰

客冬家弟北行草略具啟入春而大父即抱危疾不孝衣不解帶目不交睫者兩月吳中名醫延訪殆遍而大概鬱積既甚元神內銷竟非藥石所能奏效嗚呼痛哉此皆不孝罪愆所積以致遭此酷罰也今外侮紛紜尙如狼虎四五藐焉之孤煢煢然又將誰依觸緒成悲捫

心增恨雖勉強延活而精魂已喪絕矣昔翟公題門重
有慨於生死貴賤之間而邱成分宅千古稱為高義左
提右挈出之泥塗而置之衽席非老伯之望而將誰望
也家弟出自門墻幸獲尺寸得報之時又正在先大父
彌留之頃長逝者亦當戴德九原矣顧三尺豎子一介
書生足不闕戶外而遽令驟涉畏途惴惴焉惟顛躓是
思惟老伯視如己子猥加噓植先人有知亦當銜結地
下適吳允兆行附布區區方寸荒迷有懷莫吐諸所未
竟允兆當能道之北望雲霄無任哽塞

又小揭帖

恭維晉佐少宰贊握銓衡此正爰立之機而鼎司之兆

禮上

七

也忝在親愛不勝慶躍向苦拮据久稽修賀今介不腆
稍布忤私不敢以不祥為諱伏維鑒存幸甚幸甚

與沈司空

春來兩拜手書奉承良箴如覲楷範不肖遭命極蹇嬰
罰最酷大父自春初即抱危疾纏綿兩月不肖心力俱
罄形神並銷冀得少延不意竟至不起此誠不肖罪惡
所積以至於茲恨不能相從地下顧內外事正如絲棼
而藐焉諸孤煢煢誰託是以隱忍苟活然而綿力短才
觸艱負重誠若一縷之微而下臨無極之淵者躡前跋
後左支右吾未知作何狀貌耳明公知我於泥塗中忘
其固陋時時進而教之當茲困厄所望提攜而誨督者

不淺往承大教有克復貽累之語此非明公不肯出者
感荷感荷第不肖至菲劣而謹飭自持一念則不敢頃
刻忘之於懷自往時遭難以至於今無日不訓督諸奴
破產忍辱以求苟完即菁山之事聖主震怒公論昭宣
然不肖祇為地方快而於家下固無增損也君子作事
豈以他人得失為變遷哉若云隳防開罪其誰敢顧惟
嗟嗟之徒每欲藉口寒門鼓其簧說正不知所自區區
之私惟明公照管幸不惜齒牙餘論為不肖稍剖白之
雖死不恨允兆北行猝猝附此曩承附定上人詩筵含
王咀孟五言長城作者所難哀楚中未能一訓來覲耳
諸懷縷縷允兆能悉不次

禮上

八

與戴郡侯

向聞台履稍違久切馳念頃觀光儀見臺下氣體尙弱
神觀未和而特以先人之故枉勞遠吊重以厚奠宏章
□□令泉壤增光存歿佩德矣喪務未閒□□匍匐走
謝先令家弟代伸并有不□□□謝聞者菲褻之過
統祈鑒□□□

與趙郡丞

翁臺入覲天光躬承宴錫彤陛□□朱幡生色矣旦夕
南轅士民歡□所以惠施萌隸者當與茗水爭流弁首
並峙豈直以數千里馳驅為境內賢勞已哉且聞者旌
麾曾未抵郡而猥念先靈儼焉惠吊生死交情於是仰

見高義足媿世之以炎涼易心者矣感切何如苴蒯之中未能扶服走賀兼謝弘德先令家弟代致小問尙圖泥首堦下以罄私衷諸惟鑒亮不既

與徐邑侯

頃承台駕枉吊先靈宏文珍奠賁然几筵蒿里生光泉臺起色感均存歿矣且喪次倥偬多褻侍吏良用不寧隨欲踵謝而遠方惠吊者不絕未能暫離苦由謹令家弟先代百叩不腆薄將因台駕初臨聊爲野芹之獻兼謝問者疏闕之過統祈鑒入尙圖匍匐堂下以布私悰諸不備

與謝司理

禮上

九

日承枉吊先靈賜以雄文琅琅數百言鏤金屑玉屈宋衙官先大父爲不朽矣昨又拜厚奠之辱高誼過隆感均存歿即擬扶服稱謝而喪務總總不能輒離苦由謹先令家弟代叩明公冲襟雅度不肖所願得日夕奉塵尾以周旋者乃所遭不辰非逼於紛紜卽仍以哀慘欲求片刻清閒之燕追隨履舄談討松桂而且不違信哉爲天刑也然寸心嚮往何時能忘俟躡躡小問當圖畢夙願耳薄具清供數事聊展野芹之意知非所以奉大吏者亦恃明公出世之心弗以常格見責也惟叱入是荷不日踵謝茲不縷縷

與李郡丞

不肖越之西鄙人也所居與吳相襟帶錯壤而先世墳墓界在部治稱萌隸焉乃自下車以來適遘多事未幾又抱沈疴故於侍吏闕然莫展賀私而明公又不遺辱遣唁問感懷弘德存亡以之尙曾尙啟布謝矣顧台光伊邇日欲匍匐晉謁而逼於哀冗未遂口趨深懇疏節爲罪肅將尺一代致私悰薄具不腆并祈崇炤小問尙圖恭造不一

與賈中丞

禮上

十

恭惟明公當代偉人先大父幸以文字之知忝一日之雅而不肖成者因幸追孔李之歡往自束髮時從雲間游辱明公降接殷殷厚誼距今廿年猶在肝腑也然而旅居之身雲流萍散或升諸天或墜諸淵始於明公聲問渺若參辰而寸心懸懸則河山衾裯而燕越几席矣於陪京威稜疊於溟海此豪傑展抱之時而蓋臣效忠之會也且不肖踰伏越之西陲與金陵一衣帶水相隔而先世之墳墓巨隴又在吳之荒山於明公稱宇下萌隸惟是光儀日邇瞻溯非遙然不幸丁時不造家難踵至啁塘沸羹之變曾未偃息而先大父又復見背不肖之罪上通於天降此鞠凶復何能道用是腸絕淚枯神銷魂斷世固未有茶痛如茲者也竊念叨畝旣隔雲霄苦塊難通竿牘豈宜以不祥姓名輒憑臺府願以通家

世講之誼二十年闊別之情有便而不一修聞問私衷殊屬不寧踟躇再三敢尚伴將赫蹠以進伏維垂察并賜矜原臨楮毋任馳切

又副啟

客歲家難之慘毒與時變之紛紜想翁臺已習聞之其事皆起於吳江而蔓延於浙中者也竊念家自大宗伯而下雖三世忝宦籍而實兢兢自守未嘗敢恣肆以開罪鄉里一旦刁徒橫行蟻屯蠶聚以釀此釁至於家業摧破身名僇辱而先大父之歿實由終日怙鬱憤懣所致此尤不肖之所當仰天而鳴救血而訴者也今浸淫日久而佔據脅訴依然未息皆由二三首惡未得正罪

禮上

十二

故眾莫知所警戢耳所幸翁臺臨蒞實覆盆戴天之日溺井望救之時也但此番專於奉候未敢控訴而其中情曲縷縷有非可筆楮盡者姑俟從容尙爲懇告昔翟公題門千古所慨乃今日生死交情於翁臺觀之矣哀次荒迷不知所措出詞唐突諸惟台慈矜亮幸甚

與連德清

日承枉吊先靈禮文鄭重遂使蒿里增光夜臺起色存歿感德矣且苦次匆匆前程過發不及挽留片晷多褻台從深用不寧卽擬匍匐趨謝兼致候招奈遠方惠顧者不絕不能暫脫苴蒯敬將尺一代布寸衷不腆做儀聊伸芹獻伏惟鑒入小閒卽尚躬扣銘鏤之懷楮筆莫

罄統惟台亮是荷是懇

與蔡兵部

往過貴治辱明公推念世講之誼接與殷懃情文備至迄今鴻德猶淡肺腑奉違未幾而遂有先大父之變煢煢哀疚殊不欲生明公當榮擢之時公冗之次而猶念及閔凶遠垂吊問盛德隆隆存歿均感鼎翰見投會有聞北來家弟訃音肝腸割裂神魂飛散夙承厚念并爾一及憤憤不知所云

又副啟

明公高識宏才度越恆品嘉猷令譽卓冠人倫謂宜首擢清華之畧而今乃僅轉留都似於企欲未愜第陪京重地樞筦要階非豪傑贊襄不可初讀除書不勝浣慰緣在哀次未及走賀茲聞榮發伊邇尚伴恭致不腆伏惟莞存鍾陵匪遙德音嗣望臨楮耿耿

與湯兵憲

自客冬晉謁以後碌碌逼歲一入獻春而先大父遂抱沈痾勞苦醫藥者兩月一旦竟至於此乃不孝弟罪惡所積禍延先人且外侮浸淫未息家政紛亂無緒煢煢諸孤相對環泣千愁萬苦盡萃一身然猶勉自持未幾而家弟北來之訃又至矣何天之降毒至茲極也今形體雖存神魂已竭不知何以自存耳承翁臺推念昆弟之誼願賜厚奠遂使泉壤生色感激何可云喻然弟

譬之既痿之夫將槁之木非得大力扶植甘露滋培斷不能起且生也既忝年雅又在部治非翁臺之望而誰望乎不知翁臺亦有意憫而振卹之否使至正聞訃日腸裂魄散草次裁謝不知所云

與鹿侍御

自吳門領誨涉旬月逼季冬入春而大父之病作矣不孝弟拮据醫藥晝夜不息竟至於茲罪惡深重之人遭此酷罰惟有飲泣自咎從哀苦中聞翁臺抱瘍養疾江陰情甚懸馳而不祥姓名不敢一候禱社徒懷耿耿而已翁臺垂念昆弟之雅數百里外惠奠先靈錫以琬琰之章足令泉壤不朽飲德無量矣至又貺及家弟光其

禮上

三

廬里嗟乎家遭不造祖父背弄外難荐臻賴有此弟稍振式微而昨接訃音忽爾天折是天之奪我也奈何奈何痛心酸鼻幾至殞絕含淚申謝并致闕候之私伏維矜亮別有所陳乃出萬不得已亦恃翁臺至愛幸勿以唐突爲罪而賜管焉不孝弟惶恐

又副啟

吳江之刁乃宇內所絕無者弟之受禍又古今所希見者祖宗數十年所遺之產盡被奸惡佔據視爲己有利歸他人賦出家下甚至僂辱身體夷滅冠裳毫不介意若此者無他止由首惡未曾正法一二故脅從者不知警耳弟豈不知隱忍含容而必欲剖白但使目下零丁

諸孤無所置足後日子孫無所畢命將奈之何向曾微惠二三昆弟懇翁臺准發一詞而吳江令入覲卽行代署者避嫌首鼠憲批詞訟擔閣至今由是奸頑愈益生心愈益玩法不惟弟一家不得自保而大亂從茲釀矣夫理亂之勢全在一機曩令浙直起事時而當事者稍得其機則豈復紛然至此弟不幸遭大難猶幸有翁臺在上挽頽波於既倒存微緒於一綫在翁臺一振迅聞前於喪次泣告申老師托爲轉懇特令小价具詞上訴求翁臺批道解報不知臺府清嚴曾得達與否今又有家弟之變則寒家之禍益烈而無法之徒愈甚矣詞中所告戴大蔣忠邱涵者乃弟受辱之魁幾死其手非得翁臺親究則弟此恨終不得泄第恐憲紀至肅尋常書札無路可通特因奏謝之便銜哀上懇幸惟憐管無任祈禱之至

禮上

西

與曹兵憲

成不肖旣忝葭莩復叨部治然括山茗水相距不下千里年來又邁阨迂塵土蒙而不獲以其間稍通問問昨秋相值會城臺下公務倥傯未幾而車騎卽東良晤自乖悵然抱恨惟思以疏節致禮且也不肖罪重咎深至罹大故先大父一旦背棄臺下不遺煢煢之孤不責曠闕之過而儼然惠吊錫以瓊章非垂念夙好何能及此泉壤生光存歿戴德矣敬對使百稽首以謝會又有意

外之痛含哀伸楮詞不宣心統祈台亮

與李二府

日尚布謝悃未能稍申尺寸殊用為歉比復有意外之變痛心喪魄故未得即為走謁耳茲啟家下戶田在吳江者向有二萬餘畝當奸民起釁時不肖業已慨然捐產處分矣又欲為長久計乃自請於朱撫臺思捐田若干為本縣贖役具有呈詞批發在縣此不肖本心固為地方亦為子孫也但先因擾攘未息疆理未明繼又有賦役明文有役銀之議是以前議未終耳今奉鈞牌欲了未完夫不肖業已親諾親任豈故遲延然家下之產向來自願退帖已幾去半而所被奸民佔據者又不可

禮上

五

勝算或私種而糧額尙存或強奪而竟收過戶膏腴盡去瘠瘠獨留近之為目前之侮遠之為百世之殃而兇惡之輩慮為清刷脅誚百計即如近日有李光者一人而佔田三百餘畝反唆吳氏將無端人命告陷小价沈亨等此極可駭可惡如魍魎萬狀臺下不知而准行之不肖亦未及以奉告即此一事而他可推矣不肖即欲一了前件以酬夙諾而不知何者為我何者為人退去若干見在若干將何所據而奉行也必得臺下嚴命書役力為清查使強佔者不得容隱冒昧者不至朦朧而役田役銀確有定則不肖遵行不暇更復何所吝惜耶萬惟留神垂管無任馳懇

與戴郡侯 趙丞同

日扶服叩謝恐煩台履不敢更為面謁無任耿耿自郡中歸忽得家弟之訃五內崩裂幾不能生家遭大難幸賴家弟得一進步庶幾支撐目前一旦見奪胡彼蒼降禍酷烈如此不肖遭值既極不幸欲屈勉糾拾先緒而田產諸務多經小僕楊陞章椿兩人之手向在監禁懇干明法不敢求釋今當紛亂之時勢不得不一為查刷敢祈俯容暫保俾得稍清夙負俟勘問時不肖當親送詣臺不煩拘呼也顛沛零丁端賴仁慈扶掖伏惟矜管是荷是懇

與徐邑侯

禮上

六

自仁臺下車以來碌碌無閒未遑請教亡何即遭重感斬焉衰經向來鬱積之私思一傾吐於仁臺之前而無繇也蓋我湖萌隸自昔稱純而家下自先大宗伯以下並未敢恣肆以開罪鄉里惟曩歲吳江啟釁我湖效尤百里若狂二邑如沸蓋民情易動往往如此上以累長吏下以殃良善則二三黠徒之為也家下所受逼詐擄擄慘毒諸狀殆難枚舉祇可飲恨比至末流則官斷私貼者既已瓜分而賴租搶稻者禍尤刺骨田中之米顆粒不入經歲之賦甘心賠賤不得已將元兇一二具告撫臺蒙發府勘實批准送縣向未斷結今蒙拘問不敢不據實痛訴夫惡必有首治其首則脅從自服事必有

機握其機則蔓延自息我湖當紛亂之後正值更新此誠小民觀望之機而家下所具告皆首惡之尤者況家遭重難尤禍福之關若非仁臺盡法示懲則奸益生心而後事將不可爲矣詞中俞禮乃故僕之子背逆尤甚而蔣忠則惡棍之稱最者不肖身被僇辱更慘伏乞於中更加嚴切則不惟可正已往之罪而且得以銷將來之萌矣不肖區區夙心仁臺亮已洞燭茲舉乃出萬不得已伏惟矜亮而垂察焉幸甚諸容面時布謝不既

答俞定所

成不肖忝埶世誼瞻仰斗山匪朝伊夕曩與年伯從事寅清之後惟渠誨是賴恨無絲一遂執鞭之思耳數年

禮上

七

以來家難荐臻大故接踵才劣智短日虞顛覆厥緒以貽知己之辱雖銅官雲氣依依在望而一水爲阻沿溯何從顧不虞鼎翰盛儀翩然自天末而墜及苦塊之次也卽一介尺書尙不敢承何況妹丈之辱臨耶緬懷世講怒焉如擣豈惟不肖先大宗伯而下銜結無地不肖越在化離神情憤憤草勒埶謝不莊之舉統惟原亮諸容嗣布不備

又副啟

先君夙慕貴邑風土之美欲買田如蘇長公故有新莊薄產之置先君歿而老母以地勢隔遠力難管攝遂謀棄去之向曾與完實談及不謂聞之門下也既忝通家

又聞欲歸之節義之門則不但地得所主而於不肖亦藉有榮施矣謹令蒼頭親往待命惟尊教是聽其產自有原值而家下又有增築耕運之費然於門下固不敢稍爲較量也其中縷縷蒼頭面悉并完實暨令妹丈能詳道之令妹丈左顧會以事他出反勞跋涉且多輜褻幸惟亮之

禮上

六

董禮部尺牘卷上

董禮部尺牘卷下

明烏程董嗣成著

同邑後學劉承幹重編

答趙郡丞

自聞亡弟之訃神魂銷喪奄奄欲盡而又內慰老母之悲號外應諸務之紛錯古人云誰謂荼苦其甘如薺正不肖謂矣哀楚中承翁臺遺使遣官訊其厄難詞嚴意切此翁臺盛德盛心與詩人之哀惇獨者等先人九原亦當銘刻第目前時勢較之往時稍異往時之眾羣聚之蠶也禍在騷擾門庭而勢罔禁止目前之眾負嶠之虎也患在竊踞祖業視如己物而心無饜足大略無知之民易於怵勢敢於乘危極於貪利今見家下零丁孤

禮下

一嘉業堂校刊

苦自謂莫可誰何競為訛言浮語轉相煽惑以邀必得若非明法在上則浸淫漸漬更何已時此今日最緊要機括也譬之疾病然往時之病病在皮毛膚肉暴發而人易知目前之病病在腠理經絡鬱積而眾難治欲已目前之患須懲往日之奸蓋在今負嶠之虎即向者羣聚之蠶耳摘其二三明示以法之不宥而囂囂者何不息之有不然如客歲大吏行事雖兵甲環衛牌令絡繹而亂者愈甚矣有翁臺神明與太老公祖在上自宜灼有劑量但不肖望拯之心不得不為媿媿聞台車入省將謁撫臺并乞以此論力為開譬則一家百口受德無量矣勿遽唐突并惟涵炤

與王鹽院

夙瞻山斗未遂趨承茲不肖罪惡叢積致膺酷罰禍及先大父惟是覺焉在疚而臺下猥加軫恤鴻章厚奠賁及蒿萊九原有知亦當銜結伏在苦土草此奏謝容日向圖泥首諸惟台炤不備

與徐檢菴

不肖嗣成罪盈惡積致遭酷罰禍及先大父方斬焉在疚而家難復繼兩月之間骨肉凋喪者二五內摧裂恨不即死今歲少延微息而神魂已銷竭矣伏惟台臺薦念世誼莫貶遠頒高厚之恩世世銘錫賜出尊長不敢引例概辭敬用登嘉進而奏之几筵九原銜結矣哀楚

禮下

二

之次草草附謝諸惟台慈涵炤

上王相公

頃者伏唁素帷承老師款貺備至若狗馬私衷則概乎未之展也惶悚何如不肖運值衰頹家難接踵骨肉之凋殘已甚而外橫之沓起未已千苦萬苦情狀向曾面陳其略今當此際正轉移改革之端若非一二當事者稍鑒往跡而為之振刷則奸宄何自而懲藐焉諸孤惟束手以聽其瓦解耳先大父拮据一生末路不夷為人推辱至此幸生平相知有老師暨申老師二三大老在庶幾能如古人存孤之義若老師不為引手則更奚賴也撫臺東巡又奸民觀望機會蓋向來家難之起全在

前院爭民之故諸未結之案尙在而客歲浙直交發時家奴知事者悉逮繫浙獄更無一人至吳江對理惟聽黠徒豪輩賄通衙官將所告事情盡數招實所賣田土盡數退還利歸奸民害貽子孫其究何極非得撫院特准一詞卒難清理頃在蘇郡曾令人赴告以事屬往昔不蒙批行今撫院巡歷海上必來相謁得老師面爲懇達或慨發一楨曲道此情肯賜准發有司之公而明者一爲查勘使覆益得以戴天先業不至蕩滅秋毫皆老師賜也卽先大父九原亦當銜結情迫事急冒瀆尊嚴諸事詳悉具在別揭并奴子跪稟伏惟台慈垂鑒幸甚臨楮無任皇恐

禮下

三

與李郡丞

昨舟次倉卒奉候不遑盡布鄙悃隨欲僮懇賁會以是日奔入具區山中而台駕復因公事還郡是以稍遲竊惟孽有起於自作禍有召於凌人乃不肖竟以區區善念橫被大辱世業幾於丘墟冠裳委諸草莽此情與勢萬萬不得不爲伸白者而彼二三奸魁貪嗜夙得預造陰謀駕說成案不知事由兩造方謂之獄情由兩輸方謂之得今乘紛亂之中家無一奴出對事不經執問田不具契價凡屬業產盡稱勒買一云勒買便肆吞佔至於今之所退數倍於昔之所買趙甲之田悉歸於錢乙之橐此非白佔而何也不肖當初處分之意原止欲

惠安良善而今乃反資助奸宄豈不肖善處意乎又豈當事者理枉法乎久沈之寃似不容以更鬱非臺下爲之一伸將誰控也乞特委廉明官一員逐一踏勘家下之產果當爲人所瓜分否已成之卷果有一毫可憑否奸惡之謀能朦朧於天地晦冥之日而斷不能淆惑於日月重明之時矣至不肖被辱中道一節尤可痛心此乃路人所知且有憲批卷詞可查乞一吊勘事卽了然存縉紳之體救刁做之風惟臺下是望謹令家僮投詞開上伏惟炤鑒幸甚幸甚

答俞定所

前令妹丈暨完實以尊命見辱不肖卽謂事在台裁斷不敢一毫有所可否近又稔知翁曲處終始至誼蓋非甚盛德不及此不肖復何忍置一喙第此事上由老母非不肖所能專主而復值貴郡有欲爭得之者雖已堅拒實益增其難處耳來賜已領若天時之說既有尊命自不容不爲少裁令妹丈與使者能悉之冗次申復不既

上王相公

前奴子歸知台候稍違卽擬躬訊與居緣狗馬之軀不任哀楚頓成隔噎且又爲先大父窀穸事營造山中旬月未畢私心馳企更何可言敬備僮代致鄙悃伏惟垂鑒向所懇先人志銘已蒙俯允今卜吉孟冬時日既通

禮下

四

敢以請於掌記惟賜予奪無任祈禱

上申相公

曩者不自度以先大父千秋之事為懇荷蒙俯允感德無量今卜吉孟冬時日既逼將有剞劂之役倘得蚤擲尤佩鴻賜本擬躬叩緣暑中恐煩台履尚僮代伸不腆薄將并祈鑒入無任祈懇

與戴郡侯 謝司理同

恭維首秋之候欣逢攬揆之辰金風布而玉露初溥霖雨歇而瑤天正霽南樓之嘯歌沸湧西池之釐蓋踟躕黎庶騰驩縉紳交忭不肖心馳霄漢身滯土苴不能躬獻兕觥徒自情深雀躍敬修芹藻代祝岡陵伏冀俯存

禮下

五

無任祈切

上申相公壽小啟

恭惟中秋之令欣逢上壽之期玉露澄空金天際曉功成鼎鉉昔曾扶日御而駕六龍身退林泉今見擁雲輶而游五岳躡罡風乘神烝何羨從赤松之留侯飲沆瀣食醴醕不數披白衣之李鄴芝蘭遶砌萊衣與宮錦紛飛珠玉盈堂孫獻共鈞天傳響正所謂仰歲星於天上而移洞府於人間者也嗣成誼忝葭莩恩沾桃李瞻馳霄漢徒勤鵲忭之私跽伏土苴難效兕觥之祝敬勒蕪啟代致封詞不腆芹曝之私仰頌岡陵之慶伏惟鑒納無任懇祈

與徐邑侯

屢以瑣事干瀆致煩清慮多矣無任愧感茲又有不得不陳者家下原有里遞四名六甲十甲係家下的產而七甲則舍妹夫申經峪之產九甲則寒族之產先祖存日俱概以董書立戶蓋書乃先祖職銜耳今當編審解戶之時敢求臺下俯念大臣之體得賜寬免銘輯何可言耶諸惟亮宥不悉

謝邵傅巖

不肖久沈多難疏闊問動經數載無任馳仰伏承不遺遠辱垂唁先大父之喪琳琅之文賁及泉壑令弟老先生又辱而臨之非甚盛德何以及此真子孫世世之感也會抱篤疾患在膏肓令弟枉過不能攝衣冠出見伏枕裁此附謝諸惟台亮是荷

禮下

六

謝劉中丞

伏承惠頌厚奠瑤章賁赫寵及先靈豈惟九泉之感將世世子孫實戴德焉頃已泥首戟門茲特啟奏謝臨楮無任感悚

謝許相公

嗣成不肖辱太師陶鑄稱門下士有年矣已而先人復荷栽培之末父子兩世並出門牆豈非厚幸顧惟謏劣之才蹇薄之命行與時乖動與禍會無尺寸自豎以報鴻德爾歲以來益復坎壈身既放逐老親衰頹而好事

者又從而媒孽之引繩批根舐糠及米百年故業瞥見
陵夷八十陳人爲世大詬而桑榆之景竟以身殉矣嗟
夫人子切齒腐心何以加此而泯然無所控告誠何鬚
眉以立於天地間也罪重惡深慘罰未艾弱弟方得寸
進隨復殞折兩月之間二喪踵繼煎膏竭髓何能爲喻
沈痛所積頓成危疴勢入膏肓鍼砭莫及雖一息僅存
而奄奄如泉下矣不期幽習之中忽被日月之照枯槁
之昔乃聞鈞奏之響瑤章重幣儼然問及夜臺也太師
大節震寰宇高風聳雲壑古之社稷之臣名成身退聲
施簡冊者鮮與屬肩媿美世人倘得一言之褒猶踰華
袞而況金玉琳琅不遠千里賁及蓬蒿者耶當傳之子

禮下

七

孫世世不朽耳病體不勝委頓暫爾養病吳門山中使
命之臨不能披衣稽首力疾草率布謝不備不虔伏惟
台慈鑒亮幸甚

復周大司馬

客歲一奏起居願承惠答至誼藹然奈不肖無日不坐
泥塗未遑嗣布謝悵然而臺下拳拳之愛沈觀老道之
甚詳先大父存日家庭語次未嘗不感歎流涕耳入春
而先大父遂病病兩月而竟背色養此誠不肖罪惡所
積以致此酷罰願斃一身內承勞亂之緒外支崩潰
之勢垂白老母黃口弱弟俯仰皆悴何殊使鴛鴦之足
負重致遠兼又有亡弟意外之變隳肝裂腸不口於此

夏秋以來積成危疾患入腹心雖一息僅存而奄奄幾
泉下矣伏承追念先世之交遠頌奠貺重以瑤章奏之
几筵九原銜結貽之子孫世世不朽矣病困伏枕口授
申謝極知不莊爲罪伏冀台慈涵宥無任悚仄

上賈中丞

夏初耑力奉候此時意謂江防借重旌旄爲日尙久猶
可嗣聞乃亡何而西陲之新命且下矣靈武創痍未起
臨洮虜勢正亟固知非振世英杰不能紓宵旰之憂也
不肖運遭最厄先大父背棄未幾亡弟又復夭折生人
之痛畢萃於身崩裂之衷無能爲喻雖令鐵石亦不免
銷鑠是以憂愁所積竟成奇疾患入腹心鍼藥罔效入

禮下

八

秋以還益復增劇久擬奉賀坐此稽遲願承追念先世
之誼遠頌奠貺重以瑤章奏之几筵九原銜結貽之子
孫世世不朽矣至於不肖苦塊之人又辱幣賜厚誼稠
疊更何以堪病困伏枕口授申謝極知不莊伏祈涵宥
幸甚幸甚

又副啟

不肖衰頹之運外侮未歇正思稍藉蔭庇可圖息肩不
謂密邇未幾頓成違闕奈何亡弟之變真出意外不圖
臺下亦復有手足之感也可稱同病相憐而不肖之苦
尤有不可勝言者病楚情狀許敬老能知其概非敢於
知已之前而多爲飾說倘微喘苟延尙圖耑布不一

與朱侍御君采

繡斧南巡無任喜慰恭聞錦旋渴擬奉候一罄積衷奈
愁苦所鑠一病三月今僅存雞骨支牀耳無能翼奮徒
切心懸尚伴代問不腆薄將亦侍往日鴈行之誼耳非
所以奉烏府也幸笑置之力疾不多具

與章元禮

萬里遠歸急欲一晤兩扣玄門俱成剡棹此從弟病且
日深矣嗟嗟百憂所萃金石易銷人何以堪弟之猶得
與兄把臂幸也病體羸極無能再候尚伴奉口并致不
腆何日東來攜羅浮新詩一起吳太子伏枕草草

上陳相公書

禮下

九

不肖成菰蘆中豎儒惠徽先大父與先文端公有昆弟
之誼而先人與閣下復締肝膽之交么膺小子因得侍
末席而聆緒論焉先大父存日每提不肖成而庭訓之
談海寓豪杰則未嘗不首閣下敘生平交知則又未嘗
不首閣下迨先人銜王命有事於文端公之原不憚萬
里遠涉以赴巨卿素車白馬之約而不幸中道蒙霧露
以死而閣下獨心察而憐之時時不忘於詞色閒於是
先大父益欽閣下汪度盛心非今人中所有矣曩歲成
濫選南宮時僅得伏謁戟門會閣下方有校士之役不
敢亟見亡何而狂慙獲戾放逐歸田而閣下復拜宣麻
之命歷泰階之先秉鈞當軸調鼎宰衡海內之士歸之

如雲望之如日而草萊田畷亦不敢輕瀝典記爲掃門
之魏上書之韓矣所以家受摧殘身甘僇辱而至今未
嘗敢奮臆哀鳴捫心陳乞稍愬一字于衮舄之傍者正
恐以形跡冒干求也然竊伏而思之不因物爲榮枯者
大造之仁也不以情爲妍醜者明鏡之照也不肖成自
束髮讀書金闈通籍無時不兢兢以行義自厲視職以
後益屏跡杜門惟日討先人未竟之緒而經畫之不意
閭左少年憑陵城社爭相魚肉而有司不察以區區善
念竟成大禍成一人不足惜謂國法何此成所以抱沒
身之冤而終不能以自白者也今言之則似涉於過許
不言則已獨泯泯而爲博名高者所螫毒死亦不瞑且

禮下

十

先大父位至正卿身事先帝未有顯惡大罪至干憲辟
而無端被蟻隳其世業破其室廬使不得戴毛髮以立
天地垂白皓首飲恨吞聲自歸地下豈不痛哉兩月之
閒祖既背棄弟復夭亡骨肉伶俜親知掉臂煢煢孤寡
舉目成悲不於閣下是愬而誰愬也夫郈成與右宰未
聞有夙昔之驩以片言之合而成分宅之義托者不負
受者不慙生死之際古人重之乃爾矧先人忝再世之
契於閣下者而能無一引手耶廢棄之人不宜輒以書
詞唐突台堦顧身負極冤有知己如閣下者而竟不一
吐其私又似敢於自外者然成有深慙焉且先大父易
簣時曾以身後不朽事爲托沒不忍背敬以布其私衷

至閣下鼎鉉之業不敢頌以貢諛及區區狗馬之懷欲有所陳指以效芹曝者荒迷中亦未敢輒及倘閣下許向教之異日者尙圖以獻諸惟台慈鑒宥臨啟無任悚仄之至

又副啟

先大父砥礪一生歷官三十載一旦末路不保爲人所齟齬身名俱辱此祖宗之深恨而子孫之大罪也竊意立名制行必坳青雲當今閣下方秉人倫之鑒操榮辱之權倘得一言以光泉壤則生無鼎鉉之貴沒有華袞之褒矣方大父病亟首以是爲言今誌銘已懇諸申老師矣惟神道一碑不自度冒昧以求鴻筆昔有道之賢

禮下

十一

以中郎而益顯董生之行因昌黎而始傳閣下之文遠過中郎閣下之德有加昌黎使大父得借重以垂不朽豈惟生者之蒙寵光卽九原必爲銜結謹將外大父所次行狀錄上呈覽伏惟慨允無任懇祈

孫少宰副啟

成不肖不意獲罪於天深重如此大父棄捐曾未一月而二十弱弟夭死他鄉此骨肉之極慘生人之至痛也而不肖身之今內有孤孀外無嗣續日夜子母相抱號呼籲天而已嗟夫人身塵世固如電光石火然亦未有如此之迅疾者且一身作客千里孤魂病誰爲視醫藥歿誰爲視含殮非得老伯愛如己子居則曲加提誨疾

則倉皇奔救死則痛悼周恤煢煢旅櫬將作野鬼矣喪還之日進歸伴而問之一問一泣則一泣一感耳家當多難之日而又值此慘禍窺伺者愈益生心支撐者愈難爲力向來田產盡被強惡佔據春來稍有悔心而今復已矣田歸他人糧賠己戶失此不爲查明將爲世世子孫之累然非有司肯爲作主則萬萬不能清理吳江令乃最喫緊關係也初選尙未陞辭乞老伯再三丁寧新科有年家一脉所言當亦易入若得此君通達民情將首事創亂之輩略處一二其餘黨不攻自破矣又新直指朱君雖爲親厚然既在地方又恐反生避嫌之意亦乞鼎言一囑使知今日家下事勢乃卹孤存寡之時

禮下

十二

無復嫌疑當避凡此皆家下安危之會異日諸子孫興廢全在此時故不得不爲煩聒范司成身沒之後老伯肯力任大義存卹其孤不惟其夫人感輯而湖中靡不頌德者矧舍弟忝在半子休感與共亮老伯必能垂憫也尚伴叩謝并致私懇情切詞迫不覺媿媿萬惟台慈原諒

再啟

先大父拮据一生非有顯惡大罪致干清議而未路不夷爲人汗穢憤懣以卒非得名公大人一言表於身後九原將亦不瞑誌銘已請之申老師矣欲求老伯誅詞一篇庶使先大父生無鼎鉉之貴沒有華袞之榮亮在

至戚當無靳鴻筆葬期卜吉孟冬得蚤發方便登梓又不揣以神道碑請於玉翁陳老相公恐不能即得便閒得爲一達尤荷

與楊司徒

成么膺無似惠徵先人獲締孔李之好辱臺下識之疇眾之中加以眄睐之澤所期許者不輕而獎借者踰溢也故不肖成於臺下實感國士之遇焉竊恨淺劣無能報稱以負知己自狂直遭放歸而扶策湖濱仰瞻衮舄不啻雲霄草萊之士不敢一通名姓於承明交戟之下守拙甘陋固其分然若鴻德殊私則無日不懸之膺臆也身旣被竄又值多艱二三閭左憑藉城社張吻磨牙

禮下

三

爭來魚肉祖宗遺業斬刈殆盡而不肖成身名俱辱幾不自保浸淫兩載禍猶未歇伏在塗炭蓋未嘗不思昂首哀鳴求救天上而路隔九閭末繇陳訴然臺下亦當遙聞而憐之矣先大父不勝末路之悲憤惋以歿不肖方覺焉在疚號天僻地賴有弱弟稍延一綫曾未幾何而北來之訃又聞矣嗟夫石火流電未有如是之迅且疾者豈彼蒼之故斬弱弟耶蓋不肖爲宇內極大罪人故降罰之酷烈至此耳聞亡弟昭之在都門臺下一以視不肖者視之通家至誼已踰恆調迨不幸後而臺下矜憫而周卹之者尤更委至賻貺種種仁及枯骨且孤魂旅櫬孑然無依而今得歸瘞故土何者非弘賜也感

恩刺骨惟有母子北向一拜一泣而已竊念臺下方隆蓋世之勳績無前之烈名與天壤相敵而功與社稷不朽孤苦之人何時復匍匐以謝大德輒不敢諱其不祥尚俾布悃銜哀修械泪枯腸絕不能他及薄具不腆稍獻芹私出自家機亦自安野人之分幸勿以菲褻爲罪并賜麾置臨楮無任皇恐

與石司馬

成么膺惠徵先人獲締孔李之好辱臺下不鄙進而誨之眄睐丘山咳唾恩澤所造小子者不淺一自狂直被放歸而扶策湖濱仰瞻山斗不啻雲霄草野姓名不敢稍一入於承明交戟之下守拙甘陋固其分然若鴻德

禮下

十四

殊私則未嘗不懸之膺臆也螻伏衡門更懼世變家破身辱狼狽萬狀如鍛羽之禽再經彈射受霜之草復被凋殘當其困厄之中無時不仰天號呼望知己之一引手而路隔九閭披陳末由也迨家弟昭以弱質庸材幸得通籍庶幾一解不肖焚溺之苦娛大父桑榆之暉乃報至之後不一日而先大父棄捐又不一月而家弟夭折矣蓋不肖誠天地間一大罪人故造物者設爲鑪錘桎梏鼓煨牢籠令不得少存微息至此則不肖亦烏能逆天以求生哉是用半歲以來母子兄弟形影相對悲啼展轉惟求速斃而已聞家弟之在都下也臺下一以視不肖成者視之通家至誼已踰恆調而至其不幸客

死臺下所以憐憫而周卹之者靡不委至梵梵旅櫬舉目無依而今日骸骨得儼然故土非臺下之力不及此雖聖人哀鰥寡之心仁人澤枯骨之政亦蔑過矣蒼頭南歸口之甚悉不肖母子北向一拜一泣泪爲之枯而腸爲之絕矣欲訴謝私無緣翼奮謹令奴子隨使報命百叩首以謝大德哀毀無倫投涕伸楮於臺下之偉績茂勛西平東謚施在社稷垂之鼎彝者俱不及一爲頌述而尋常寒暄之語亦不敢略致惟臺下矜憐而垂營焉臨啟無任皇悚

與李司成

曩在長安邸中備一渥誨藹然至誼迄今尙浹肝肺放

禮下

五

逐歸田杜門湖畔翹首金馬不啻霄漢泥塗之隔兼以身值多艱不堪爲奸民所魚肉喜搏擊者又從而甚之兩載以來故業蕩廢蟻蠊之軀幾不自保賴家弟尺寸之進庶幾稍救車薪豈意南宮報後不一日而先大父棄捐又不一月而北來之訃至矣此皆不肖罪重惡極至遭酷罰乃爾數月之間惟有母子相對哀號籲天豈復有一毫生氣居人問世耶家弟在都聞老伯視如猶子至於病亟之日以迨歛舍之後尤辱過臨拳拳之愛非異姓骨肉不及此不肖與老母方深感輯載接鼎翰具叙垂念殷殷一字一淚重以鴻文腆賧賁及泉壤老伯方依日月之際茂經綸之業而猶篤念故交施恩枯

朽生死存亡之誼古人中亦不多見矣謹銘大德子孫以之不肖此身萬苦俱萃豈敢不自愛以負來諭第力綿任重竟不知作何狀耳哀慘之次投血陳謝詞不宣心諸惟台鑒不備

與楊□□

寒門之與德里可稱有緣世世締年家誼而家弟又兩增驥尾同出師門較之尋常似更有不侔者焉客秋湖中得親風雅金玉之質內潤外朗誠哉國器不肖竊自慶又爲家弟慶砥礪與瑚璉並陳庶幾哉免毀棄乎豈期通籍未幾重禍隨遭家弟以二十稔齡一疾遂殆且其病也無人視醫藥而其歿也無人視含殮非得門下

禮下

六

暨二三高賢以手足相衛始則匍匐奔救繼則賻送周詳則千里孤魂幾作野鬼此不肖與老母所爲北望而拜拜而泣泣而繼以不朽者也德門世美而足下又獨秉高義如此將來事業卽是可以預卜矣不肖棄間之人不宜復通青雲竿牘長安故人渺不相聞而獨於門下盛愛則似不容不一申謝者故敢布其區區貴同門諸公並沐厚施然不敢一一具啟幸爲叱致賤姓名尊公老先生聞在邸中并祈道意哀慘之次詞不宣心諸惟涵炤不備

與費□□

門下鴻飛越水鳳舉燕臺而家弟萎焉弱質兩得增驥

卽不肖成亦藉有榮施焉奈何福過其分倏爾災生二十稔齡溘先朝露空花幻相纔見便滅政與菌槿何殊所可腸斷者千里孤魂一身作客病無人視醫藥歿無人視含殮所賴門下情同手足百凡周卹靡不委至使豎子不至暴骸中野露蒿草間皆門下厚賜也詩咏脊令重在急難門下無媿矣喪至之日母子兄弟相抱號呼進歸伴而問之一問一泣則一泣一感嗟乎升沈異路生死殊歸門下高義翟公題門爲虛語耳夫朋友五倫居一今世顧乃輕之等於市交古道漸滅殆盡門下方奮庸之初便能身在大義行今人之所不行他日事業卽是可以預卜不肖放棄田野不宜更與青雲之輩

禮下

七

竿牘相聞而銘感之私不及一鳴恐屬負德敬耑力布此區區哀慘之餘臨緘無序且同鄉同年諸公俱不敢一一致啟晤聞乞一叱賤姓名諸惟順時自奮以膺弘禧不備

與王元戎

憶曩者長安市中獲從橐韃控烏號飛紫騮相得驩甚也君侯丰采如照乘之珠出匣之劍令人魂奪自珥貂南下而不肖亦且茹荼以歸至於今雁鴻闊絕蓋君侯如駉駉乘黃騰驤八極而不肖局促輶下則亦何繇望後塵而追下風哉比年以來多難復踵先大宗伯背棄未幾而家弟又天折京邸惟是孤魂旅櫬愴然無依賴

二三大老哀其窮而拯卹之復借君侯之靈俾骸骨得歸故土閒關遠道所藉弘芘不淺君侯之德施及朽齒豈直生者銜感已耶使歸報命附此奏謝苦塊之次哀腸寸折諸不縷悉統惟炤原

禮下

六

董禮部尺牘卷下

董禮部集六卷附尺牘二卷明董嗣成伯念著伯念烏程人萬歷乙卯庚辰聯捷成進士授禮部儀制司主事升主客司郎中慷慨有奇節能繩其祖武祖份嘉靖辛丑進士歷官禮部尙書兼翰林學士需次揆席好直諫爲忌者所中奪職歸里有泌園詩文集已刻伯念亦以疏救給事中孟養浩忤旨削籍與祖後先杜門不出董氏仍世貴顯家富於資有義田義塾義倉以收卹族人伯念則勸其祖推廣於一邑復請諸所置田園廬舍剖其什三以與邑人庶幾積而能散祖善其說方議行之而刁民未厭所欲反肆鼓譟祖旣挹鬱以歿伯念亦以毀卒行義不獲報人幾疑王充福虛之說爲信矣然董

跋

氏子姓軒冕相襲至一國朝蟬聯不絕爲一邑冠不得謂天之報施正人非無意也伯念詩凡六卷第一第二爲五七言古體詩第三第四爲五七言近體詩第五爲五七言排律詩第六爲五六七言絕句所作寓感慨於和平寄真情於閒適音節諧暢與泌園詩格相出入知其漸摩有自矣詩之外又精六書工草聖星緯經脈之學丹青弧矢之藝皆通其術又尺牘二卷向無刻本從同邑周湘舫丈處借鈔得之並附於詩集之後董氏子姓著書甚多搜訪所得隨卽付刊以存文獻游九京者流連隨會過大梁者慨想夷門故家喬木之思於是存焉戊辰曝書日吳興劉承幹跋